

BIBL. NAZ.
VITT. EMANUELE III

XX

C

29

NAPOLI

IVLII PACII, IC. CLARISS. ANALYSIS

Institutionum Imperialium,
CVM SELECTIS.

Adiecta est in calce vtriusque vna & altera
ANACEPHALÆOSIS.

Omnia nunc demum accuratè recognita, ab infinitis
mendis castigata, & **TEXTVS** Iustiniani,
INDICVMQVE, & AXIOMATVM
quamplurimorum accessione illustrata.

IOANNES FENE IC. recensuit.




LVGDVNI,

Sumptibus IOANNIS ANTONII HVGNETAN,
& GVILIELMI BARBIER.

M. DC. LXX.

CVM PRIVILEGIO REGIS.





NIC. FABRICIO

D. DE CALAS

ET DE PEIRETS,

REGIO IN SUPREMO

PROVINCIAE SENATU

Consiliario designato,

IULIVS PACIVS

S. P. D.



INSTITUTIONVM Iustinianearum libellum longè omnium, qui de iure conscripti sunt, utilissimum esse ac maximè necessarium, eòsque operæ pretium facere, qui in eo perlegendo assidue versantur ; ac prima iuris elementa , immò totius ferè iuris epitomen ex eo hauriendam esse, apud omnes in confesso est. Huius operis utilitas & elegantia à multis veteribus recentioribúque scriptoribus commentarios extorsit : quorum alij aliam methodum adhibuerunt, Accur-

sius in hunc librum; ut & in cetera iuris volumina, glossemata collegit. Alij Doctores eum secuti, quos Accursianos vocamus, suo more contextum, & glossas non solum enarrationibus, sed etiam obiectionum solutionibus, & variis quaestionibus onerarunt. Ex recentioribus quidam, ut Mynsingerus, Borcholten, Vultei, non paenitendis commentariis singulos paragraphos explanarunt: alij singulorum titulorum materiam methodicè exponere maluerunt vel brevius, ut Klingius, vel plenius, ut Schneidevinus: qua methodo etiam Placentinus & Azo, vetustissimi Iuris interpretes, & in hac inclyta Montispeffulana Vniuersitate olim Professores, vsi sunt. Cuiacius autem horum omnium labores improbare videtur: nullum enim librū hisce Institutionibus faciliorem esse censet; nullum, qui interpretem desideret minùs. Ipse in eum breues notas edidit: in quibus si quid praeter contextus correctionem accessit, id sibi inuito extorsisse ait superiorum commentariorum incitiam. postea tamen nouas notas nihil ad contextus correctionem facientes adiecit. Ego hac in parte aded à Cuiacio dissentio, ut nullum librum esse putem, qui magis interpretem requirat. Cùm enim Iuris tyronibus legendus proponatur, cùmque iuris materiae ita sint inter se connexae, ut saepe ex posterioribus titulis aliquid ad praecedentium locorum interpretationem adsumi debeat, quis non videt hoc à iuris tyrone sine alicuius interpretis ope fieri non posse? ceteroqui si iuris studiosus per se hos Institutionum libros intelligere posset, nec alterius auxilio egeret: ne quidem viua Doctoris voce opus haberet quorsum igitur tot Professores? quorsum tam magni sumptus

sumptus in Academias instituendas & conseruan-
das insumuntur? Quod si aliena opera nouis Iusti-
nianeis est necessaria, cur (obsecro) non eis prode-
runt commentarij; præsertim cum non possint ha-
bere omnibus horis Doctores, quos consulant. At-
qui ignobile est otium, vt Cuiacio videtur, eorum
qui hunc libellum longissimis onerant commen-
tariis, quod positum est in vna cognitione, in infi-
nita dispersientes ostentatione vana, quod plura sci-
re videantur. Iam hoc est quæsitum confundere, &
ex abusu de re iudicare. Vt concedam Cuiacio quos-
dam commentarios, aut omnes (si hoc vult, quam-
quam hoc de omnibus dici non posse perspicuum
est) immanes, absurdos, explodendos esse: certè
hinc non efficitur, omnem Institutionum interpre-
tationem esse reiiciendam. In omnibus rebus sunt
certi fines, quos ultra citràque nequit rectum con-
sistere: sed mediocritati laus tribuitur. Quocirca
minùs fortasse Cuiacij breuitas, & notarum pauci-
tas, quàm multorum aliorum prolixitas damnanda
est. Qui Vulteiũ, vel Borcholten & Arctinum,
vel Iasonem in æquilibrio ponit, perinde facit, ac
si Senecam Neroni compararet. Verùm in his In-
stitutionum libris nihil est difficile, nihil obscurum.
Itane? cur ergo variæ sunt Doctorem virorum sen-
tentia? cur variæ ipsius contextus interpretationes?
cur ipse Cuiacius in quibusdam locis hæret? De-
finitionem iuris naturalis non probat. Rationem in
titulo *de fiduciaria tutela* allatam claudicare pu-
tat. Locum in tit. *de acquisitione per arrogatio-
nem*, difficilem esse ait. Et *tractatu 8. ad Africa-
num*, ad l. 33. *locati*, contra expressa Iustiniani
verba statuit, emptione perfecta solam rem perire
emptori,

emprori, non pretium, quia pretium (inquit) emptor post rei interitum soluere non debet, & si antea soluerit, repetere potest, quicquid Imperator dicat in §. *cum autem. Instit. de emptione. & venditione.* cuius sententia ex summo iure sumpta est, sed contraria sententia quæ est æquior, præualet, quoniam in Institutionibus, si Cuiacio credimus, regulæ iuris proponuntur ex summo iure & tamquam rudimenta, in Digestis incrementa iuris, & diligentius exactæ res ad æquitatem. Cuius rei aliud exemplum profert ex §. *ex diverso. vers. certè. de rer. diuis.* ubi quod dicitur, possessorem domino vindicante non posse impensas per exceptionem doli mali seruare, ex summo iure esse contendit, cum æquitas aliud suadeat, ne petitor ex aliena iactura locupletetur: Hæ interpretationes Cuiacij, siue veræ, siue falsæ, difficultatem huius operis ostendunt. nam si veræ sunt, profectò eiusmodi sunt, ut iuris tyroni in mentem venire non possint, præsertim cum Iustinianum in præfatione affirmantem audiuerit nihil esse in his libris inutile, nihil perperam positum, sed omnia in ipsis rerum argumentis, id est, in foro & praxi obtinere. At si sunt falsæ, dicemusne has sententias esse faciles, in quibus interpretantur tantus vir est hallucinatus? Neque verò audiendus est, si quis fortè asserat pauca esse in his Institutionibus loca, quæ Doctoris lumen desiderent. Subiiciam aliquot alia exempla. In *princ. tit. qui & ex quibus caus. man. non poss.* dicitur eum, qui in fraudem creditorum manu mittit, nihil agere, quamuis datam libertatem reuocare nequeat. *C. de ser. pignor. dat. manum. l. 5.*
Itidem

Idem in §. *finitur. de usufruct.* Imperator ait fru-
 ctuarium, qui usufructum extraneo cedit, nihil
 agere, etli hac ratione usufructum perdit. ff.
de iur. dot. l. si usufructus fundi. 66. An studio-
 sus sine interprete intelliget, quid sit contracta
 fiducia emancipare in §. *ultim. de legit. adnat.*
success. An ex se scire poterit particulam *quamvis*,
 in §. *similiter. de excusat. tutor.* esse notitiam ex-
 ceptionis? Cùm res sacræ, religiosæ, sanctæ, nul-
 lius sint. §. *nullius, de rer. diuis.* quod autem est
 nullius, occupanti concedatur, §. *fera, eodem tit.*
 quare non inde colliget res diuini iuris concedi
 occupanti? Vnde interprete destitutus sciet distin-
 ctionem traditam in §. *cùm ex aliena, eod. tit.* re-
 petendam esse in *sep. §. quòd si partim?* An ex se
 diuinabit, quod in eodem §. *cùm ex aliena*, dici-
 tur de frumento ex spicis excusso, esse falsum
 exemplum; quia qui frumentum excutit, notam
 formam non facit, sed latentem detegit? cur non
 adhibeatur nota indicans hunc §. imperfectè ex
 Pandectis descriptum esse, & supplendum esse
 versiculum, quo dictum illud de frumento ex-
 cusso corrigitur? quemadmodum in extremo §.
quòd si naturali, addenda sunt ex *l. 7. §. quòd si ro-*
to. ff. de acquir. rer. domin. hæc verba, *sed vix est,*
ut id obtineat. Quomodo accipit studiosus, quod
 dicitur in §. *alia d. tit. de rer. diuis.* fundum rece-
 dente aqua eius manere cuius fuit, §. *cùm in l. si*
ager. 23. ff. quib. mod. ususfr. amit. dicatur fundum
 inundatum amitti, ac discedente aqua restitui?
 Error falsæ causæ usucapionem non parit, inquit
 Imperator in §. *error. de usucap.* atqui si iusta sit
 erroris causa, usucapio procedit. ff. *de iur. dot. l.*

Proculus.67. & pro suo. l. 3. l. 4. §. vlt. Monendus est igitur studiosus, ne id omnino, & indistinctè verum esse credat.

Sed quid ego in his percensendis immoror, quæ in Institutionibus passim occurrunt? Quid quòd multa in his libris contenta, nouissimo iure correctæ sunt: patiemur ne tyrones ea tamquam ob-
tinentia iura accipere, quæ ab ipso legislatore sunt abolita? Adde quòd sæpè neque titulorum, neque paragraphorum series satis apparebit, nisi indicetur: & rationes decisionum plerumque latebunt, nisi ex abdito eruantur, & declarentur. Sanè multa loca - etiam doctissimis viris sunt obscura & controuersa. quis enim facile esse dicat titulum *de fiduciaria tutela*, aut §. *vlt. de legit. adm. success.* aut §. *equè. vers. sanè. de actionibus* aut §. *si quis in fraudem.* §. *preiudiciales* §. *actionum.* §. *preterea. eod. tit.* Epistolæ modum excedam si omnia Institutionum loca proponere velim, quæ interpretem desiderant. Ne longum faciam, tantum abesse puto, vt hic liber commentariis non egeat, vt è contrario nullus sit, qui magis interprete opus habeat, cum propter phrasas Iustinianicas, tum etiam quia sua breuitas, & rerum amplitudo pariunt obscuritatem. denique quia hic liber iuuenibus minimè in iure exercitatis, immò omnium ignatis legendus proponitur.

Quapropter nonnulla viris doctis, multa iis, qui mediocriter sunt in iure versati, pleraque tyronibus obscura, & difficilia sunt. Non tamen probo prolixos eorum commentarios, qui vniuersum ius huc transferre conantur: immò absurdè
eos

eos facere puto , qui auditoribus suis ex huius libelli enarratione totius iuris notitiam pollicentur. Modus , vt initio dixi , seruandus est , quem fortasse aliqui seruarunt.

Addo etiam quosdam , qui longissimos commentarios conscripserunt , facile posse ab omni criminatione defendi. Nam Schneidevius (vt opinor) non tam Institutiones explicare , quàm iuris præcepta Institutionum ordine digerere voluit : quem scopum nos quoque aliquando in tit. *de actionibus* enarrando nobis proposuimus. Iam verò tanta est commentariorum , interpretationum , & annotationum in hoc opus editarum copia , tanta multitudo , & diuersitas : vt siue quis notas concisas expetat , siue commentaria breuia prolixèue desideret : & siue materiæ , siue ipsorum verborum expositionem quærat , multos in omni genere facile reperiat : vt meritò inanis eorum labor videri possit qui nouas Institutionum enarrationes conscribunt : nisi quis fortè etiam nouam explicandi rationem studiosis non inutilem sequatur. Quod quidem an ego in hac Analyssi præstiterim , nec scio , nec , si sciam , dicere ausim. volui certè iuuentuti legum cupidæ prodesse , multos animaduertens etiam ex doctissimis commentariis parum proficere , non tam scriptorum , quàm ipsorum legentium culpâ ; quia

Pro capto lectoris habent sua fata libelli.

Vtut sit , in hoc incubuisse iuuabit , vt non solum meis auditoribus , sed etiam aliis iuris studiosis pro mea virili parte prodessem : & quos aut nimia breuitas , & subtilitas parum iuuenit , aut orationis prolixitas , & præceptorum multitudo

turbat, quòd ingenio imbecillo, iudicio infirmo, memoria labili præditi sint, nouo interpretandi genere, methodi & ordinis lumine, perspicuâque breuitate adhibitis, ad primorum iuris principiorum cognitionem adducerem; vt his præceptis imbuti, sine magna difficultate, & sine diffidentia (quod maximè Iustinianus cauendum censet) ad solidam & perfectam iuris cognitionem non longo tempore peruenire possint.

Ad te verò, mi FABRICI, hæc meas lucubratiunculas mitto. Cùm enim Tu, antiquis moribus præditus, à nostro conuictu vnà cum suauissimo fratre tuo in patriam rediens, vetusto more præclara xenia, vel potiùs munera obtuleris, quibus vestram, vestrorumque patrui & patris virorum Amplissimorum, & Regionum in supremis senatibus Consiliatorum erga me meosque beneuolentiam testatam reliquistis: me quoque oportuit, ne ab antiqua & laudatissima consuetudine discederem, aliquid inuicem rependere, quod grati animi testimonium esset. Quid autem à me proficisci potuit, quod Tibi gratius esset, quàm aliquid ex his studiis depromptum, quibus nobilissima tua familia maximè floret? Nam pecuniâ neque Tu eges, neque ego abundo: hæc verò studia amas & colis, ac te ex nostris prælectionibus atque exercitiis profecisse lubens fateri soles. Eximiae verò laudis, quam tuo merito in doctorico gradu adsumendo es consecutus, participem me quoque esse vis, quasi nostris monitis & præceptis adiutus, ad illud eruditionis culmen, quò multi frustra adspirant, adscenderis. de quo tuo optimique fratris tui nouo honore vobis ex animo

mo gratulor ; & ut iam senatorios animos acci-
piatis ; iam in rempublicam , quæ vestram operam
requirit , omnes vestras cogitationes conuertatis
publicumque bonum , perpetuum vestrorum con-
siliorum obiectum statuatis , etiam atque etiam
horror. hac enim re nulla vobis dignior , nulla pa-
rentibus vestris (patrum , alterum vestrum pa-
rentem adgnoscat) gratior , aut iucundior esse ,
nulla Vos illustriores reddere potest. Vale Mon-
spelij.



BIBLIO



BIBLIOPOLA AD LECTOREM.



NAVI & industrij Bibliopola esse didici, ut ex edibus suis nullum librum exire patiatur, quem non vel auxerit, vel aliquo pacto sua expolierit atque adornarit industria.

Qua re factum, ut in his Institutionum Nobiliss. Clarissimique viri D. IULII PACII, p.m. Iurisconsultorum Coryphaei, lucubrationibus doctissimis & elegantissimis, ea praestiterim, quae pollicitus sum in fronte libri.

I. TEXTVM, qui haecenus desiderabatur, suis locis inserui.

II. COMMENTATIONES quantâ licuit cura, & diligentia emaculaui: quin & ALLEGATIONES, passim mutilas, & mancas non exiguo labore restitui, & litterarum diversitate, ne te festinantem legendo retardarent, a ceteris interstinxi.

III. INI

III. INITIA PARAGRAPHORVM in margine sustuli, & eorum loco numerum, verbis expositiorem obuioremque, substitui; quod simul in Axiomatis, & Selectis praestiti, ut haec, illa sibi mutuò responderent.

IV. AXIOMATIS alia non pauca, nec inutilia, adieci; tamen non omnia, ne liber excreceret in immensum.


V. INDICES tum Rerum, tum Axiomatum curavi concinnandos, ut usus Analysis huius tibi commodior fieret, ac fructuosior.

Habet denique hac nostra editio illud singulare, quòd innumera, quibus priores penè omnes scatebant, menda, quae passim sensum commodum interturbabant, & deprauabant, in eâ sine sublata. non quòd ausim ipsam ab omni labe & errore liberam esse iurare; hoc tamen asserere possum, si quae occurrunt, ea praeter mentem meam irrepisse.

Quàm autem haec lucubrationes omnibus rei legalis hominibus necessaria, atque utiles me tacente, vel potius non dicente, res ipsa loquitur. Videmus enim quàm breuiter omnia, & commodè planèque ab ipso Auctore sint exposita. nec id mirum, cum veram simplicemque docendi methodum rationemque tam studiosè, tamque accuratè seruârit.

Qua

Quare non dubito quin haec omnia, non tyro-
nibus modò, ac in ciuili disciplina versantibus,
sed etiam in acie fori & iudiciorum constitutis
grata, iucunda, imò pernecessaria & utilia, ut
semper à prima editione hucusque fuerit, sic
etiam adhuc futura, & magis magisque in dies
profutura. VALE, optime Lector, & quem tui
solius commodi causâ laborem suscipere non
subterfugi, a qui bonique consule.



SERIES



SERIES

TITVLORVM, ORDINE LIBRORVM, & materiarum,

*Adiecta collatione locorum similium
ex Selectis.*

LIBER PRIMVS.

1 De iustitia & iure.	p.24 pag.1.cap.j.
2 De iure naturali , gentium , & civili.	p.2.c.ij. 27
3 De iure personarum.	40
4 De ingenuis.	44
5 De libertinis.	46
6 Qui & ex quibus causis manumittere non possunt.	50
7 De lege Fusia Caninia tollenda.	56
8 De his qui sui , vel alieni iuris sunt.	58
9 De patria potestate.	61 p.4.c.ij.
10 De nuptiis.	64 p.5.c.ij.
11 De adoptionibus.	74 p.9.c.v.
12 Quibus modis ius[patriæ] potestatis soluitur.	p.11.c.vj. 81
13 De tutelis.	88 p.12.c.vij.
	14 Qui

Index Titulorum.

<u>p. 13. c. viij.</u>	<u>14 Qui testamento tutores dari pos-</u>	
	<u>sunt.</u>	<u>92</u>
<u>p. 14. c. ix.</u>	<u>15 De legitima adgnatorum tutela.</u>	
	<u>95</u>	
<u>ibid. c. x.</u>	<u>16 De capitis deminutione.</u>	<u>97.</u>
	<u>17 De legitima patronorum tutela</u>	
	<u>101</u>	
<u>p. 15. c. xj.</u>	<u>18 De legitima parentum tutela.</u>	<u>103</u>
<u>ibid. c. xij.</u>	<u>19 De fiduciaria tutela.</u>	<u>104</u>
<u>p. 16. c. xij.</u>	<u>20 De Atiliano tutore, & eo qui ex</u>	
	<u>lege Iulia & Titia dabatur.</u>	<u>106</u>
<u>p. 17. c. xiv.</u>	<u>21 De auctoritate tutorum.</u>	<u>110</u>
<u>ibid. c. xv.</u>	<u>22 Quibus modis tutela finitur.</u>	<u>113</u>
<u>p. 18. c. xvj.</u>	<u>23 De curatoribus.</u>	<u>117</u>
<u>p. 19. c. xvij.</u>	<u>24 De satisfactione tutorum, vel cu-</u>	
	<u>ratorum.</u>	<u>121</u>
<u>p. 20. c. xvij.</u>	<u>25 De excusationibus tutorum, vel</u>	
	<u>curatorum.</u>	<u>125</u>
<u>p. 23. c. xix.</u>	<u>26 De suspectis tutoribus, vel cura-</u>	
	<u>toribus.</u>	<u>134</u>

LIBER SECVNDVS.

<u>p. 25. c. j.</u>	<u>1 De rerum diuisione [& acqui-</u>	
	<u>rendo ipsarum domino.]</u>	<u>139</u>
<u>p. 33. c. ij.</u>	<u>2 De rebus corporalibus & incor-</u>	
	<u>poralibus.</u>	<u>174</u>
<u>ibid. c. iij.</u>	<u>3 De seruitutibus prædiorum.</u>	<u>176</u>
<u>p. 35. c. iv.</u>	<u>4 De usufructu.</u>	<u>181</u>
<u>p. 37. c. v.</u>	<u>5 De vlu & habitatione.</u>	<u>186</u>
<u>p. 39. c. vj.</u>	<u>6 De usucapionibus, & longi tem-</u>	
	<u>poris possessionibus.</u>	<u>189</u>
<u>p. 41. c. vij.</u>	<u>7 De donationibus.</u>	<u>197</u>
	<u>8 Qui</u>	

Index Titulorum.

8	Quibus alienare licet , vel non.	p. 42. c. viij.
	205	
9	Per quas personas nobis acqui- ritur.	p. 43. c. ix. 211
10	De testamentis ordinandis.	220 p. 44. c. x.
11	De militari testamento.	231 p. 46. c. xj.
12	Quibus non est permiffum facere testamentum.	p. 47. c. xy. 236
13	De exheredatione liberorum.	243 p. 49. c. xij.
14	De heredibus instituendis.	252 p. 50. c. xiv.
15	De vulgari substitutione.	266 p. 53. c. xv.
16	De pupillari substitutione.	273 p. 55. c. xvj.
17	Quibus modis testamenta infir- mantur.	p. 57. c. xvij. 281
18	De inofficio testamento.	288 p. 58. c. xvij.
19	De heredum qualitate & diffe- rentia.	p. 60. c. xix. 295
20	De legatis.	303 p. 61. c. xx.
21	De ademptione legatorum , & translatione.	p. 69. c. xxj. 341
22	De lege Falcidia.	342 ibid. c. xxij.
23	De fideicommissariis hereditati- bus.	p. 70. c. xxij. 347
24	De singulis rebus per fideicom- missum relictis.	p. 71. c. xxiv. 359
25	De codicillis.	362 p. 72. c. xxv.

LIBER TERTIVS.

1	De hereditatibus , quæ ab inte- stato deferuntur.	p. 73. c. j. 366
2	De legitima adgnatorum suc- cessionc.	381
		3 De

Index Titulorum.

	3 De SC. Tertulliano.	389
	4 De SC. Orphitiano.	396
	5 De successione cognatorum.	398
<u>p.74. c.ij.</u>	6 De gradibus cognationis.	402
	De scruii cognatione.	409
	7 De successione libertorum.	411
	8 De assignatione libertorum.	416
<u>p.75. c.ij.</u>	9 De bonorum possessionibus.	419
<u>p.77. c.iv.</u>	10 De acquisitione per arrogationem.	427-
	11 De eo, cui libertatis causâ bona addicuntur.	430
	12 De successioneibus sublati, quæ fiebant per bonorum venditionem, & ex SC. Claudiano:	435
<u>ibid. c.v.</u>	13 De obligationibus.	436
<u>p.78. c.vj.</u>	14 Quibus modis re contrahitur obligatio.	439
<u>p.81. c. viij.</u>	15 De verborum obligationib.	448
<u>p.83. c.vij.</u>	16 De duobus reis stipulandi, & promittendi.	456
	17 De stipulatione seruorum.	458
<u>p.84. c.ix.</u>	18 De diuisione stipulationum.	461
<u>p.85. c.x.</u>	19 De inutilibus stipulationib.	464
<u>p.90. c.xj.</u>	20 De fideiussoribus.	482
<u>p.91. c.xij.</u>	21 De literarum obligatione.	488
<u>p.92. c.xij.</u>	22 De obligationibus ex consensu.	490.
<u>ibid. c.xiv.</u>	23 De emptione & venditione.	491
<u>p.94. c.xv.</u>	24 De locatione & conductione.	501
<u>p.96. c.xvj.</u>	25 De societate.	508
<u>p.98. c.xvij.</u>	26 De mandato.	514
	27 De	

Index Titulorum.

- 27 De obligationibus, quæ quasi ex p.99.c.xvii.
contractu nascuntur. 522
- 28 Per quas personas nobis obliga- p.100.c.xix.
tio acquiritur. 529
- 29 Quibus modis tollitur obligatio. p.101.c.xx.
531

LIBER QVARTVS.

- 1 De obligationibus, quæ ex delicto p.103.c.j.
nascuntur.
- 2 De vi bonorum raptorum. 557 p.107.c.ij.
- 3 De lege Aquilia. 561 *ibid.* c.ij.
- 4 De iniuriis. 571 p.110.c.iiij.
- 5 De obligationibus quæ quasi ex p.111.c.v.
delicto nascuntur. 580
- 6 De actionibus. 584 p.113.c.vj.
- 7 Quod cum eo qui in aliena pote- p.125.c.vij.
state est, negotium gestum esse
dicitur. 651
- 8 De noxalibus actionibus. 662
- 9 Si quadrupes pauperiem fecisse p.129.c.vij.
dicatur. 666
- 10 De iis, per quos agere poss. 669 p.130.c.ix.
- 11 De satisfactionibus. 671 *ibid.* c.x.
- 12 De perpetuis & temporalibus p.131.c.xj.
actionibus, & quæ ad heredes
& in heredes transcunt. 676
- 13 De exceptionibus. 680 p.132.c.xij.
- 14 De replicationibus. 688 p.134.c.xij.
- 15 De interdictis. 691 p.135.c.xiv.
- 16 De pœna temerè litigantium. 703 p.138.c.xv.
- 17 De officio iudicis. 707 p.139.c.xvj.
- 18 De publicis iudiciis. 716 p.142.c.xvij.



E O R V N D E M
T I T V L O R V M
S Y L L A B V S,

Iuxta ordinem primarum literarum.

A

A	CQUISITIONE per arrogationem.	427
	Actionibus.	584
	Ademptione legatorum & translatione.	341
	Ademptionibus.	74
	Assignmente libertorum.	416
	Atiliano tutore, & eo qui ex lege Julia & Titia dabatur.	106
	Auctoritate tutorum.	110

B

B	Onorum possessionibus.	419
----------	------------------------	-----

C

C	Capitis deminutione.	97
	Codicillis.	362
	Curatoribus.	117

D

D	Divisione stipulationum.	461
	Donationibus.	197
	Duobus reis stipulandi & promittendi.	456
	Emptio	

Index Titulorum.

E

E Mptione & venditione.	491
Eo cui libertatis causa bona addicuntur.	430
Exceptionibus.	680
Excusationibus tutorum, vel curatorum.	125
Exheredatione liberorum.	243

F

F Ideicommissariis hereditatibus.	347
Fideiussoribus.	482
Fiduciaria tutela	104

G

G Radibus cognationum.	402
-------------------------------	-----

H

H Eredibus instituendis.	252
Hereditatibus que ab intestato deferuntur.	366
Hereditum qualitate & differentia.	295
His qui sui vel alieni iuris sunt.	58
His per quos agere possumus.	669

I

I Ngenus.	44
Iniuriis.	571
Inofficioso testamento.	288
Interdictis.	691
Inutilibus stipulationibus.	464
Iis per quos agere possumus.	669
Iis qui sui vel alieni iuris sunt.	58
Iure naturali, gentium, & civili.	27
Iure personarum.	40
Iustitia & iure.	24

L

L Egatis.	303
Lege Aquilia.	561
Lege	

Index Titulorum.

<i>Legge Falcidia.</i>	342
<i>Legge Fusia Caninia tollenda.</i>	56
<i>Legitima agnatorum successione.</i>	381
<i>Legitima agnatorum tutela.</i>	95
<i>Legitima parentum tutela.</i>	103
<i>Legitima patronorum tutela.</i>	101
<i>Libertinis.</i>	46
<i>Literarum obligatione</i>	488
<i>Locatione & conductione.</i>	501

M

M <i>Andato.</i>	514
<i>Militari testamento.</i>	231

N

N <i>Oxalibus actionibus.</i>	662
<i>Nuptijs.</i>	64

O

O <i>Bligationibus.</i>	436
<i>Obligationibus ex consensu.</i>	490
<i>Obligationibus quæ quasi ex contractu nascuntur</i>	522
<i>Obligationibus quæ ex delicto nascuntur.</i>	539
<i>Obligationibus quæ quasi ex delicto nascuntur.</i>	580
<i>Officio iudicis.</i>	707

P

P <i>Patris potestate.</i>	61
<i>Perpetuis & temporalibus actionibus, & quæ ad</i>	
<i>heredes & in heredes transeunt.</i>	676
<i>Per quas personas nobis acquiritur.</i>	211
<i>Per quas personas nobis obligatio acquiritur.</i>	529
<i>Pœna temerè litigantium.</i>	703
<i>Publicis iudicijs.</i>	716
<i>Pupillari substitutione.</i>	273
	Qui

Index Titulorum.

Q

Q ui, & ex quibus causis manumittere non possunt.	50
Qui testamento tutores dari possunt.	92
Quibus alienare licet, vel non.	205
Quibus ex causis manumittere non licet.	50
Quibus modis ius (patria) potestatis soluitur.	81
Quibus modis re contrahitur obligatio.	439
Quibus modis testamenta infirmantur.	281
Quibus modis tollitur obligatio.	531
Quibus modis tutela finitur.	113
Quibus non est permissum facere testamentum.	236
Quod cum eo qui in aliena potestate est, negotium gestum esse dicitur.	651

R

R ebus corporalibus, & incorporalibus.	174
Replicationibus.	688
Rerum diuisione.	139

S

S atisfactione tutorum, vel curatorum.	121
Satisfactionibus.	671
Senatusconsulto Orphitiano.	396
Senatusconsulto Terulliano,	389
Seruili cognatione.	409
Servitutibus praedictorum.	176
Singulis rebus per fideicommissum relictis.	359
Si quadrupes pauperiem fecisse dicitur.	666
Societate.	508
Stipulatione seruorum.	458
Successione cognatorum.	398
Successione libertorum.	411
Successionibus sublatis, quae fiebant per bonorum venditionem, & ex Senatusconsulto Claudiano.	435
Suspe	

Index Titulorum.
Suspectis tutoribus, vel curatoribus,

134

T

Testamentis ordinandis.
Testamento militati.
Tutelis.

220

231

88

V

Verborum obligationibus.
Vi bonorum raptorum.
Usucapionibus, & longi temporis possessionibus.
Usu & habitatione.
Usufructu.
Vulgaris substitutione.

448


557

189

186

181

266





IVLII PACII A BERIGA I.C.

*IN ANALYSIM
Institutionum Imperialium.*

PROLEGOMENA

De libris utriusque iuris.



Vs Romanum, quo vniuersa
ferè vtitur Europa, diuiditur
in Ciuile, seu Cæsareum, &
Canonicum, seu Pontificium;
illud auctores habet Cæsares,
id est, Imperatores: hoc autem
Romanos Pontifices; & illud
quidem dicitur *Ciuile*, κατ' ἐξουσίαν, cum cuiuscum-
que populi ius ciuile dici possit. *infr. de iur. natur.*
§. sed ius quidem, vers. sed quoties. Cæsareum ve-
rò appellatur: quoniam (vt dixi) auctoritatem à
Cæsaribus accipit. Hoc dicitur *Pontificium*, quia
conditum est à Romanis Pontificibus: & *Cano-*
nicum, quia Patrum decreta & constitutiones
A ecclesiasticæ

ecclesiasticæ appellantur canones. *dist. 3. in princ. & cap. regula, §. porro.* Ius ciuile partim conditum est ante Romanum Imperium diuisum, partim post diuisionem Imperij in Orientale, & Occidentale, & hoc partim conditum est in Occidente, quod ad nos Occidentales pertinet: partim in Oriente, cui nos subiecti non sumus; quia nec Orientale Imperium agnoscimus, nec consuetudo, vel nostri Principes hoc ius admiserunt. tantum igitur utimur iure ciuili ante Imperij diuisionem condito, & iure ciuili Occidentali, & iure Pontificio, quod & ipsum est Occidentale, utpote quod à Romanis Pontificibus auctoritatem accipit. His generaliter expositis, deinceps de singulis iuribus distinctius dicamus.

Apud Romanos diuersis temporibus diuersæ leges ac diuersa iura condita sunt. quidam verò Iureconsulti iura dispersa collegerunt, & propriis voluminibus concluderunt, certoque ordine digesserunt, teste Pomponio in *l. 2. ff. de orig. iur.* Præter illas iuris compositiones, quarum ibi mentio fit à Pomponio, celeberrima est edicti perpetui compositio, quæ iussu Imp. Hadriani à Iuliano Iurisconsulto facta est. Sed harum compositionum hodie nulla extat. Postea editus est Codex Theodosianus, in quo, iussu Imperatoris Theodosij, collectæ sunt constitutiones Romanorum Principum. Fuerunt etiam alij duo Codices, Hermogenianus, & Gregorianus, qui à priuatis auctoribus compositi alias Imperatorum constitutiones continebant, Theodosiano Codice non comprehensas: quorum codicum tantum habemus fragmenta quædam in vnum volumen cum Theodosiano

dosiano Codice, & aliis fragmentis iuris antiqui congesta. Post hæc, Iustinianus Imperator uniuersum ius Romanum digessit in certos libros, quibus nunc in scholis & foro utimur. hi verò libri quatuor sunt: Codex, Digesta, seu Pandectæ, Institutiones, siue Elementa, & Nouellæ, siue Authenticæ. Ac primò edidit Codicem, qui constitutiones imperiales complectitur, partim ex tribus illis Codicibus, Theodosiano, Hermogeniano, & Gregoriano, collectas, partim aliunde sumptas; partim ab ipso Iustiniano adiectas. Vocatur autem *Codex*, κατ' ἐξοχὴν, cum aliàs hoc vocabulo quiuis liber significetur, eo quòd veteres in codicibus, id est, corticibus arborum scribebant. Secundo loco Iustinianus edidit Digesta, seu Pandectas, ex veterum Iureconsultorum commentariis, responsis, aliisque scriptis collectas. Quare cum Iureconsulti leges, senatusconsulta, constitutiones Principum, edicta Prætorum sint interpretati, hæc iura diuersis locis in Pandectas relata reperiuntur, pro ut à Iurisconsultis proposita & explicata sunt *Pandectæ* dicuntur ἀπὸ τῆς πᾶσι καὶ δέχονται: quia omnes iuris materias plenissimè tractatas continent. *Digesta* verò dicuntur, quia Iustinianus hæc iura non confusè proposuit, sed certo ordine digessit. Tercio loco sunt composita *Institutiones*, ex eo sic appellatæ, quod sunt Isagogæ quædam, non introducens ad latorem & perfectiorem Digestorum doctrinam. Inscribuntur etiam *Iuris elementa*; quia continent principia iuris. Post hæc, Iustinianus Codicem recognouit, multasque constitutiones à se promulgatas adiecit: idèoque vocauit *Codicem repetita prælectionis*, id

est, recognitum, & auctum. Unde notandum est, quasdam constitutiones Codicis esse posteriores Institutionibus; plerasque tamen esse priores: sunt enim eæ solæ posteriores, quæ à Iustiniano in posterioris Codicis editione sunt adiectæ. His confectis, adhuc Iustinianus, rebus exigentibus, varias Nouellas condidit, quæ postea non secundum doctrinæ ordinem, sed temporum plerumque ratione habita (nam hic ordo interdum turbatus fuit) in vnum volumen à nescio quo adiectis titulis, qui varij sunt in variis editionibus, sunt coniectæ. Cum autem omnes fere Græcè conscriptæ essent Asiatico stilo, in linguam Latinam, siue à Bulgaro, siue ab alio quopiam ignoto interprete, siue (quod verius puto) à diuersis interpretibus ad verbum barbarè sunt conuersæ. Iulianus autem Antecessor eas seleganter est interpretatus, sed præfationibus, & epilogis amputatis, atque ipsis decisionibus in compendiosam breuitatem contractis. Hoc Iuliani opus ab Accursio & Doctoribus vocatur *Liber Nouellarum*, quia constitutiones post Codicem editæ vocantur à Græcis νεαραι, à Latinis *Novella*. Alterum verò opus, quod versionem ad verbum & (ut Iustinianus loquitur) *ἡ ἀληθὴς* continet, quia ne latum quidem vnguem recedit à verbis contextus, appellatum est *Authenticum*. Atque hoc in scholis & foro receptum est, exploso Iuliani libro Nouellarum, qui seorsum corpore iuris excusus extat. Iam verò quia constitutiones illæ in Authentico positæ, sunt prolixæ, & sine ordine congestæ; idcirco Irnerius plerasque in epitomen redegit, & Codici sub conuenientibus titulis inseruit, quæ ut à legibus

Co

Codicis facilius dignoscerentur, primus curauit, ut aliis characteribus excuderentur. Hæ epitomæ in Codicem relatæ, quia ex Authentico sumptæ sunt, *Authenticæ* nominantur. Hæ dicta sint de compositione Iuris Iustinianei, quod ante Romani Imperij diuisionem conditum fuit.

Ius autem Occidentale diuiditur in consuetudines feudales, & constitutiones Germanorum Imperatorum. *Consuetudines feudales* dicuntur: quia moribus receptæ sunt: nec publica auctoritate, sed priuata quorundam doctorum virorum industriâ in scriptis sunt redactæ. Constitutiones Germanorum Principum partim sunt insertæ in libris Feudorum, partim per se positæ (hæ vocantur *Extrauagantes*: quia vagantur extra libros iuris. quas enim Græci *νεμψις*, Latini *Nonellas*, Barbari eodem sensu *Extrauagantes* appellant) vna auctoris, id est, Friderici Imperatoris iussu in Codice posita est sub tit. *ne filius pro patre*. Sed & inter Codicis Authenticas quædam sunt ex illis Extrauagantibus sumptæ.

Sequitur, ut dicamus de Iure Pontificio, quod Decretis, & Decretalibus continetur. Decreta sunt collectanea ex Conciliis, & veterum Patrum dictis, quin etiam ex ciuilibus constitutionibus à Gratiano Monacho excerpta, & vno volumine comprehensa, quod vulgò appellatur *Decretum*. Atque hoc est primum Iuris Pontificij opus quod proportionem quadam Digestis respondet. quam enim rationem scripta Iurisconsultorum, ex quibus Digesta sunt composita, obtinent in iure ciuili, eadem scripta Patrum, ex quibus potissimum suum opus collegit Gratianus, habent in iure Ca-

nonico. Postea iussu Gregorij summi Pontificis collectæ sunt constitutiones Romanorum Pontificum, & redactæ in volumen, quod inscribitur *Decretales*; quia continet epistolas Pontificum decretales, id est, quibus Pontifices aliquid decernunt atque constituunt. Hoc opus quinque libris distinctum est, & proportionem respondet Codici Iustiniano. Post quod, cum aliæ multæ decretales posteriorum Pontificum epistolæ extarent, hæc iussu Bonifacij Papæ collectæ sunt. noluit autem Bonifacius eas inseri in libris Decretalium Gregorij, ne libri illi antea scripti, redderentur imperfecti & inutiles, ita ut homines duplici impensa onerarentur, si possidentes librum Gregorianarum Decretalium, non possent Decretales à Bonifacio collectas seorsum emere, sed cogerentur iterum totum opus sibi comparare. iussit igitur Bonifacius has novas Decretales separato volumine describi, quod libris Gregorianarum Decretalium adiungeretur. Hoc Bonifacij opus vocatur *Sextus Decretalium*: quia subiungitur quinque libris Decretalium Gregorij. Est autem hic Sextus conscriptus eodem ordine quo Gregorianum volumen, & similiter diuiditur in quinque libros, nec alios titulos continet, præter eos, qui sunt in volumine Gregoriano: hosque eodem ordine digestos habet: non tamen omnes habet, sed nonnulli ex Gregorianis titulis in sexto Decretalium sunt omissi. Post hæc Clemens quintus varias constitutiones condidit, præsertim in concilio Viennensi: quas cum in vnum volumen colligere, & in publicum emittere decreuisset, at morte præuentus id efficere non potuisset, Ioannes vigesimus secundus

cundus id præstitit, opusque, *Clementinas* ab auctore Clemente appellauit : quod non alio ordine conscriptum est, quàm superiores Decretalium libri : sed pauciores titulos habet. Postea idem Ioannes vigesimus secundus quasdam Decretales edidit, quæ vocantur *Extraneæ Iohannis vigesimi secundi*. Cur autem vocentur Extraneæ, ex dictis facilè est intelligere, quia vagantur extra volumina iuris pontificij : eadem ratione, quæ diximus Extraneæ appellari Germanorum Principum constitutiones, excepta authent. *habita. C. ne filius pro patre*. quæ dici non potest extraneæ, cum auctoris iussu inserta sit in Codice Iustiniano. Tandem in vnum volumen collectæ sunt constitutiones posteriorum Pontificum quæ inscribuntur *Extraneæ communes*, eò quod non sunt propriæ vnius Pontificis, vt Extraneæ Iohannis vigesimi secundi, sed diuersos Pontifices auctores habent. Extraneæ Iohannis vigesimi secundi, quia sunt tantum quatuordecim, eodem quidem ordine sunt dispositæ, quo aliæ Decretales, sed vno indiuiso volumine continentur. Extraneæ verò communes diuiduntur quidem aliquo modo in quinque libros, vt Decretales Gregorianæ, Sextus, Clementinæ : sed quartus liber vacat, quia nullæ Decretales reperiuntur in eum librum referendæ : in Clementinis autem vnus est titulus, & vna constitutio libri quarti. Ergo Decretales Romanorum Pontificum epistolæ continentur his quinque voluminibus. Gregorianis Decretalibus, Sexto Decretalium, Clementinis, Extraneis Iohannis vigesimi secundi, & Extraneis communibus.

In iure Orientali habentur. I. *Basilica*. II. *Ecloga*, seu synopsis *Basilicorum*. III. *Nouellæ* diuersorum Imperatorum constitutiones. IV. *Responsa* Patriarcharum. *Basilica* sunt opus compositum ex Iustiniani Digestis, Codice, Institutionibus, & Nouellis; ita ut ad eundem titulum pertinentia, quæ in iure Iustiniano sunt dispersa, in Basilicis in vnum, & eundem titulum relata reperiantur, idem enim titulus continet, primò leges Digestorum ad ipsum titulum spectantes: deinde leges Codicis ex eodem tit. sumptas: tandem Nouellas, & Institutiones, si quid in his occurrit, ad eundem titulum pertinens. *Ecloga*, seu synopsis *Basilicorum*, est epitome, seu breuiarium, in quo tituli disponuntur ordine alphabetico, & multæ leges præmittuntur, multæ ex diuersis titulis sub vno titulo colliguntur. De Nouellis nihil habeo, quod suprâ dictis addam. Dicuntur enim *Nouellæ* ob rationem superius expositam, id est, quia sunt Basilicis posteriores. *Responsa Patriarcharum*, proportionem respondent iuri Canonico.

Iam de Iustinianici iuris ordine ac serie quædam delibemus. Institutiones diuiduntur in quatuor libros: in quorum primo agitur de iure, & de personis: in secundo, & parte tertij vsque ad tit. *de obligationibus* tractatur de rerum dominio: in altera libri tertij parte, & quinque primis titulis libri quarti differitur de obligationibus, deinde à titulo sexto quarti libri vsque ad tit. 16. agitur de actionibus; tandem in tribus postremis titulis agitur de iudiciis, id est, tit. 16. & 17. *de iudiciis priuatis*, ac tit. vlt. *de iudiciis publicis*.

Digestorum diuisio duplex est à Iustiniano in-

stituta

stituta : vna in septem partes : altera in quinquaginta libros,

Prima pars inscribitur τὰ ἀρχαῖα quo vocabulo significantur iuris primordia. In hac enim parte agitur I. De iure & legibus. II. De personis. III. De rebus. IV. De Senatu. V. De Magistratibus, vsque ad finem primi libri. VI. De iurisdictione; & vocatione in ius, & editione actionis : cui tractatui adnectuntur tituli de feriis & dilationibus, de pactis, & de transactionibus : vbi est finis secundi libri. VII. De personis litigantibus, vt aduocatis, procuratoribus, syndicis, negotiorum gestoribus, de quibus omnibus tituli proponuntur libro tertio. VIII. De restitutionibus in integrum, quæ per Magistratus fiunt. IX. De arbitris : cui similes sunt nautæ, caupones & stabularij, quatenus hi omnes de recepto tenentur, & sub communi titulo de receptis continentur. Hic est finis quarti libri, & primæ partis.

Sequitur deinde secunda pars, quæ inscribitur *de iudiciis*. Nam libro 5. agitur de iudiciis in genere, & de iudiciis realibus vniuersalibus Lib. 6. 7. 8. de iudiciis realibus particularibus. Lib. 9. de iudiciis personalibus. Lib. 10. & sequentibus; vsque ad lib. 12. de iudiciis mixtis.

Tertia pars inscribitur *de rebus creditis*: in qua declarantur I. contractus nominati, qui re perficiuntur, vt mutuum, commodatum, depositum, pignus. Obiter autem inseruntur multi tituli ad eos contractus aliquo modo pertinentes, vt de iureiurando, de conditione causa data, de conditione indebiti, de conditione furtiua, de constituta pecunia, de lege Rhodia, de peculio, de

S. C. Velleiano, de S. C. Macedoniano, de compensationibus. Hæc omnia habentur à lib. 12. vsque librum 17. II. Contractus nominati, qui solo consensu perficiuntur, ut mandatum, societas, emptio & venditio, locatio & conductio: de quibus tractatur lib. 17. 18. & duobus primis titulis lib. 19. III. Contractus innominati, qui omnes re perficiuntur, ac declarantur tribus posterioribus titulis eiusdem libri 19. ubi est finis tertiæ partis.

Quarta pars inscribitur *Vmbilicus*; quia medium in Pandectis locum tenet. Varia autem iura continet. I. De pignoribus & hypothecis, lib. 20. II. De remediis ædilitiis, lib. 21. III. De usuris. IV. De probationibus. V. De iuris & facti ignorantia, lib. 22. Quæ omnia sunt appendices quædam respicientes ad contractus in tertia parte expositos. Post hæc libro 23. 24. & duobus primis titulis lib. 25. exponuntur iura inter virum & uxorem, ut de sponsalibus, nuptiis, dotibus, donationibus inter virum & uxorem. Accedunt quatuor sequentes tituli pertinentes ad fructum matrimonij, id est, ad libros: & ultimus eiusdem libri vigesimi quinti titulus de concubinis, quia concubinæ sunt vxoribus similes, tantum dignitate ab iis distant. Post hæc, lib. 26. & 27. agitur de tutelis & curationibus: ubi est finis quartæ partis.

Quinta pars, quæ inscribitur *de testamentis*, continet explicationem vltimarum voluntatum, à lib. 28. vsque ad lib. 37.

In sexta parte I. exponuntur bonorum possessiones, lib. 27. & lib. 28. vsque ad tit. penultimum. II. Successiones legitimæ tit. pen. & vlt. eiusdem libri. III. Agitur de damno infecto. IV. De publican-
nis,

nis, & vectigalibus. V. De donationibus. Hæc tria lib. 39. concluduntur. VI. De manumissionibus, & liberali causa, lib. 40. VII. De dominio, & possessione, lib. 41. VIII. De missione in possessionem, lib. 42. IX. De interdictis, lib. 43. X. De exceptionibus. XI. De obligationibus & actionibus, lib. 44. ubi est finis sextæ partis.

In septima parte tractatur I. De stipulationibus & earum nouationibus, ac dissolutionibus, libro 45. & 46. II. De priuatis delictis. III. De extraordinariis criminibus. IV. De popularibus actionibus, lib. 47. V. De publicis iudiciis, lib. 48. VI. De appellationibus. VII. De iure fisci. VIII. De re militari, lib. 49. IX. De iure municipali. X. De verborum significatione, & de regulis iuris, lib. 50.

Codex diuiditur in duodecim libros. In primo agitur de iure sacro, de legibus, de rescriptis, & de magistratibus. Atque hic liber proportionem respondet primo libro Digestorum. Secundus liber proportionem respondet secundo, tertio & quarto libris Digestorum: tractat enim easdem materias eodem ordine dispositas: tantum in calce adiunguntur tres tituli, de satisfando, de formulis, & de iurjurando calumniæ. Tertius liber respondet secundæ parti Digestorum. Quartus liber tertiæ parti, sed inserit tractatum de probationibus, quem Digesta receperunt in quarta parte. Quintus liber est de sponsalibus, nuptiis, dotibus, & aliis iuribus inter virum & uxorem: necnon de tutelis & curationibus. Sexto agitur de bonorum possessionibus, de ultimis voluntatibus, & de successionibus legitimis. Septimo tractatur de manumissionibus, & liberali causa: de dominio, possessione, præscrip-
ptioni

ptionibus, & missione in possessionem. Octavo explicantur interdicta, pignora, exceptiones, stipulationes, liberationes, euictiones, patria potestas & donationes. Nonus liber est de criminibus. Decimus de iure fisci, & de iure municipali. Undecimus de vniuersitatibus, & de censibus. Duodecimus de dignitatibus, de apparitoribus. Hæc dicta sint de libris iuris ciuilis: consequenter dicendum de libris iuris Canonici.

Decretum diuiditur in tres partes. Prima continet distinctiones centum & vnam. Secunda continet causas sex & triginta. Quælibet autem causa diuiditur in varias quæstiones. Non est ignorandum, quæstionem tertiam causæ trigessimæ tertiæ, quia paulò prolixior est, diuidi in septem distinctiones, quæ generaliter inscribuntur, *De pœnitentia*. Tertia pars est, *De consecratione*: quæ diuiditur in quinque distinctiones. Decretales continentur quinque libris. Primus est de religione, de iure, de officiis personarum Ecclesiasticarum, de pactis, & transactionibus, de litigantibus, de restitutionibus, & de arbitris: in summa continet iuris primordia, & proportionem respondet primæ parti Pandectarum, & primo ac secundo libris Codicis. Secundus liber est de iudiciis. Tertius de variis causis, quæ potissimum spectantur, quatenus ad Clericos, Monachos, & Regulares pertinent. Quartus de causis matrimonialibus. Quintus de criminibus.

Libet hoc loco libros iuris conferre cum vniuerso, & ostendere vtrumque ius esse microcosmum quendam. Vt igitur incipiam à iure ciuili, quatuor libri Institutionum proportionem respondent

dent quatuor elementis , & hoc Imperator voluit, siquidem in huius operis proœmio scribit, se iussisse, vt diuideretur in quatuor libros, vt sint totius legitimæ scientiæ prima elementa. Septem partes Pandectarum proportionem, respondent septem planetis. Duodecim verò Codicis libri cœlestibus duodecim signis octauæ sphaeræ. Vt autem primum mobile stellis caret, ita Nouellarum liber caret titulis. nam qui sunt editi, sunt omnes nothi, ac delendi, nec habent certum auctorem, sed alij sunt in editione vulgata, alij apud Scrimgerum, alij apud Haloandrum, alios ex Reginæ bibliotheca Cuiacius edidit. Ergo omnes Mundi partes libri Iustinianici nobis repræsentant. Alia ratione idem in Decretalibus apparet. Nam primus liber, tanquam cœlum quoddam, cœlestia & diuina iura continet de fide ac religione, de sacro iure, & de personis sacris. Et vt cœlo subiicitur sphaera ignis, ita primo Decretalium subiicitur secundus liber de iudiciis, quæ inter omnes actiones humanas, quasi ignis inter elementa, perspicuè dominantur, & rempublicam vitiis purgant, vt ignis aurum. Deinde in Mundo subiicitur alterum elementum, quod modò vocamus cœlum, modò aërem: in Decretalibus autem subiicitur tertius liber de variis actibus Clericorum, Regularium, & Monachorum, qui vitam quandam cœlestem viuere debent, non tamen talem, qualem degunt qui sunt in cœlis cum Domino, sed mediam inter cœlestem illam, & terrestrem vulgi. vt enim aër, etsi vocatur cœlum, tamen longè inferior & imperfectior est cœlo propriè dicto, nulli mutationi obnoxio: ita Clericorum & Monachorum vita est imperfectior,

Etior, quàm vita Sanctorum, Dei aspectu fruendum in Paradiso: nam sicut in hoc aëre, in quo vivimus, multæ sunt mutationes, & aliàs bonæ, aliàs malæ tempestates, ita etiam in personis ecclesiasticis non tantum virtutes, sed etiam vitia quædam interdum cernuntur: nec plus ab eis exigimus, quàm vt supra vulgarem & quasi terrestrem viuendi rationem attollantur, quatenus homini in hac vita licet. Quartus Decretalium liber elemento aquæ respondet. Agit enim de matrimonio, quod est causa generationis: veteres autem humori hanc causam adscribunt, ideóque finxerunt Venerem è maris spuma ortam esse, quia semen spumæ simile est. Postremum locum in Mundo tenet terra, in qua est infernus, vbi damnati custodiuntur ac torquentur: & in Decretalibus quintus liber de criminibus, & eorum pœnis. Si quis etiam Purgatorium in hoc loco querat, facilè inueniet, nimirum titulos *de purgatione Canonica*, & *de purgatione vulgari*. An & limbum tibi ostendi cupis? Accipe igitur titulos *de verborum significatione*, & *de regulis iuris*: quorum ille limbi paruulorum, hic limbi veterum Patrum figura dici potest: rationem adderem, nisi manifestam esse putarem.

His expositis, notandum est, titulos Codicis & Pandectarum sub se plerumque multas leges, interdum vnâ continere. Leges autem & Institutionum, Feudorumque titulos, ac Nouellas, & Extrauagantes diuidi in paragraphos, quamquam Nouellæ diuiduntur etiam in capita, quidam etiam multos Feudorum titulos in capita distribuunt: ac sunt Feudorum libri vulgò duo, Cuiacio quinque
Libri

Libri quoque Decretalium diuiduntur in titulos: tituli subdividuntur in capitula, quod enim in Digestis & Codice vocatur *Lex*, id in Decretalibus appellatur *Capitulum*, in Decreto *Canon*. Nam Decreti distinctiones, & quæstiones diuiduntur in Canones, ac tam capitula, quàm canones, vbi prolixiora sunt, in paragraphos subdividuntur. Notandum tamen est, nunquam paragraphos initio legis, vel canonis, vel capituli constitui: sed principium semper distingui à paragraphis. Ratio est, quia paragraphi appellatio sumitur ab hac nota. ¶, quæ non apponitur principiis legum, vel canonum, vel capitum, quorum prima littera maior certis pingi solet, adeò vt facilè in oculos incurrat, neque commodè notam paragraphi admittat.

Tandem explicandum est, quo modo allegentur loca iuris Canonici, notius enim est, quomodo citentur ex iure ciuili. Id exemplis declarare sufficiet. Loca Decretalium sic allegantur: *ext. de summa Trinit. & fide Cathol. cap. 1. §. vna*, *ext. de iureiuran. cap. vlt. §. sanè*, *ext. de testam. c. Raynutius*. Eodem modo citantur loca Sexti Decretalium: sed additur *in sexto*, vel *libro sexto*: vt *ext. de censib. c. 1. §. postquam*, *lib. 6. & ext. de hereticis c. 2. §. heretici. in 6.* In Clementinis verò pro capitulis vocamus Clementinas; Et similiter in Extrauagantibus, omisso nomine capituli, appellamus Extrauagantes; veluti, *Clement. 1. de senten. & re iudic. extrauag. vn. Ioh. xxij. de maior. & obedient. extrauag. comm. saluator. de preben.* Ex prima parte Decreti hoc modo canones citantur: *dist. 1. can. lex. & dist. 10. can. certum*. Ex secunda parte sic,
tertia

tertia (subaudi causa) questione nona , can. caueant. item, §. q. §. can. illi, de pœnitent. dist. 1. can. 1. item, de pœnitent. dist. 4. c. vlt. Ex tertia parte hoc modo, de consecrat. dist. 2. can. 1. & de consecrat. dist. 4. can. quæris, §. difficillimam. Hæc de libris iuris in gratiam iuris tyronum adnotasse sufficiat.

INSTITUTIONVM

PROOEMIUM

De confirmatione Institutionum.

[IN NOMINE DOMINI NOSTRI
IESV CHRISTI.]

Imperator Cesar Flavius Iustinianus, Alemanicus, Gothicus, Francicus, Germanicus, Anticus, Alanicus, Vandalicus, Africanus, Pius, Felix, Inclytus, victor ac triumphator semper Augustus, cupida legum inuentus [S. D.]

Imperatoriam maiestatem non solum armis decoratam, sed etiam legibus oportet esse armatam : ut utrumque tempus, & bellorum, & pacis, recte possit gubernari : & Princeps Romanus non solum in hostilibus præliis victor existat, sed etiam per legitimos tramites calumniantium iniquitates expellat : & fiat tam iuris religiosissimus, quam victis hostibus triumphator [magnificus.]

I § Quorum utramque viam cum summis vigiliis, summæque providentia, annuente Deo, perfecimus.

fecimus. Et bellicos quidem sudores nostros Barbaricæ gentes sub iuga nostra redactæ cognoscunt : & tam Africa , quàm aliæ innumeræ prouinciæ , post tanta temporum spatia , nostris victoriis à cælesti numine præstitis , iterum ditioni Romanæ , nostroque additæ Imperio , protestantur. Omnes vero populi legibus tam à nobis promulgatis , quam compositis , reguntur.

2 ¶ Et cum sacratissimas constitutiones , antea confusas , in luculentam ereximus consonantiam : tunc nostram extendimus curam ad immensa veteris prudentiæ volumina , & opus desparatum , quasi per medium profundum euntes , cælesti fauore iam adimpleuimus.

3 ¶ Cumque hoc Deo propitio , peractum est Triboniano viro magnifico, magistro , & exquæstore sacri palatij nostri [& exconsule] nec non Theophilo & Dorotheo, viris illustribus, antecessoribus, (quorum omnium solertiam , & legum scientiam , & circa nostras iussiones fidem , iam ex multis rerum argumentis accepimus) conuocatis : mandauimus specialiter, vt ipsi nostra auctoritate , nostrisque suasionibus , Institutiones componerent ,¹ vt liceat vobis prima regum cunabula non ab antiquis fabulis discere, sed ab imperiali splendore appetere : & tam aures , quàm animi vestri , nihil inutile, nihilque perperam positum , sed quod in ipsis rerum obtinet argumentis, accipiant. & quod priore tempore vix post quadrienium [prioribus] contingebat , [vt tunc constitutiones Imperatorias legerent :] hoc vos à primordio ingrediamini , digni tanto honore , tantaque reperti felicitate , vt & initium vobis & finis legum ex editionis à voce principali procedat.

4 ¶ Igitur post libros quinquaginta Digestorum seu Pandectarum, (in quibus omne ius antiquum collectum est, quod per eundem virum excelsum Tribonianum, necnon ceteros viros illustres, & facundissimos confecimus) in quatuor libros easdem Institutiones parti iussimus : vt sint totius legitimæ scientiæ prima elementa.

5 ¶ In quibus breuiter expositum est, & quod antea obtinebat : & quod postea desuetudine inumbratum, imperiali remedio illuminatum est,

6 ¶ Quas ex omnibus antiquorum Institutionibus, & præcipue ex commentariis Caij nostri, tam institutionum, quam rerum quotidianarum, aliisque multis commentariis compositas, cum tres viri prudentes prædicti nobis obtulerunt : & legimus & recognouimus, & plenissimum nostrarum constitutionum robur eis accommodauimus.

7 ¶ Summa itaque ope, & alacri studio has leges nostras accipite : & vosmetipsos sic eruditos ostendite : vt spes vos pulcherrima foueat, toto legitimo opere perfecto, posse etiam nostram Rempublicam in partibus eius vobis credendis gubernari.
D.CP.XI Kal.Decemb.D.IUSTINIANO PP.A.III.
CONS.

Scopus huius Proæmij est, Institutiones confirmare, id est eis vim legum tribuere, & iuvenes iuris studiosos ad earum lectionem adhortari. Formam habet epistolæ, ac partes quatuor continet : inuocationem diuini nominis, salutationem, epistolam, & subscriptionem.

Rub.

Ex prima parte nota Christi nomen, operum & actionum nostrarum initio rectè à nobis inuocari, exemplo Iustiniani tam hoc, quàm multis aliis. religiosissimus enim Imperator in legibus condendis, ab inuocatione diuini numinis, quam

quam Principium & medium finem legum esse debere censet, aupiscari solitus est. *Novella 85. in princip. & Novella 109. in princip.*

Ex secunda parte nota. primò varia nostri auctoris nomina I. A dignitate vocatur *Imperator* non tãquam dux exercitus, vt in *§. serui autem ex eo, inf. de iur. pers.* sed vt Imperij Romani moderator. II. Ratione successionis appellatur *Cæsar*. *Flavius*: quia Cæsaribus & Flauis in imperio successit. Nam Cæsaris appellatio à Cæsare imperij conditore ad eos, qui in imperio successerint, transmissa est. *Nov. 30. in prin.* Ex Flauiorum autem familia fuerunt Vespasianus, Titus, Domitianus: & hoc cognomen sibi assumpserunt Græci Imperatores, qui ante Iustinianum nostrum regnarunt. *Alciat. lib. 5. Parer. c. 3.* III. Proprio nomine, vel (vt Anton. Augustino videtur *lib. 3. emend. ca. 8.*) à Iustino auunculo & patre adoptiuo, cui successit in Imperio, vocatur *Iustinianus*. Idcirco Iustinum patrem suum appellat. *infra de donat. §. est & aliud. & qui testam. fac. non poss. §. eacus.* IV. A gentibus deuictis sumpsit hæc cognomina, *Aleuanicus, Gothicus, Francicus, Germanicus, Anticus, Alanicus, Vandalicus, Africanus*. V. Ab acclamatione, quæ inaugurationis tempore, boni ominis causâ fiebat dicitur *pius, felix, inclytus, victor*, ac triumphator semper *Augustus*. Quamquam etiam ab Antonino dici potest sumpsisse Pij cognomen: quia primus Antoninus eo decoratus fuit, & ad sequentes Imperatores transmisit. *Nov. 78.* Nota secundò duas condiciones iu iis requiri, qui hisce Institutionibus operam daturi sunt. I. Debent esse legum cupidi, vt velint fieri iuris periti. *ἐν τῷ γὰρ ἡς φιλομαθῆς, (vt inquit Isocrates ad Dæmonicum) ἐν πολυμαθῆς, Si eris discendi exidus, multa disces.* II. Debent esse iuuenes vt possint progressu temporis, & post Institutiones alijs libris iuris perlectis euadere perfecti Iureconsulti. nam & dociliores sunt iuuenes, quam senes. *ff. de adil. edict. l. precipuum. 37.* Quanquam Accursius quadragenarius animum ad iurisprudentiam appulisse dicitur, teste Cumaniano *in l. cum quid. ff. de reb. cred.*

In tertia parte Iustinianus expositurus cur has Institutiones conscribi iusserit, rem alius repetit. Primò igitur in princip. docet, Imperatorem non minùs egere legibus, quam armis: quia vt vita humana, secundum Lucianum in *Parasito*, & Theonem sophistam in *I. Chria*, ita etiam reip. administratio in duo tempora diuiditur, belli, & pacis, vt Arist.

P. 20.

scribit *P. lit. lib. 1. cap. 3. & lib. 7. cap. 14.* & verius pueri temporis gubernatio ad Principem spectat. Stabo *lib. 17. de Augusto loquens* *ἡ πόλις, inquit, ἡ ἐπὶ τοῖς κατὰ τὴν πόλιν & τοῖς ἐκ τῆς πόλεως & τοῖς ἐκ τῆς πόλεως & τοῖς ἐκ τῆς πόλεως* *et belli & pacis dominus ad vitam constitutus est.* Quare tam arma, quam leges Principi sunt commissa. *Nov. 106. in princ. p.* Armis enim hostes in prælio superantur, ac de eis triumphus comparatur; legibus verò ciues in officio continentur, & per legitimos tramites, id est, per iudicia rectè constituta. *C. de perit. hered. l. ultim. in princ.* calumniantes, hoc est, quia mala fide litigant, coërcentur. Sic enim calumniantium vocabulum hoc loco accipitur, cum alibi aliter suatur, ut *ff. de calumn. tot. tit. & ad S. C. Turpill. l. 1. §. 1.* Ac licet propriè arma rempub. tueantur, leges eam exornent; tamen Iustinianus, ut ostendat hæc mutuam opem sibi inuicem præbere. *C. de no. Cod. conf. in princ.* id, quod est armorum, tribuit legibus; & quod est legum, tribuit armis, inquiens Imperatorem armis decorari, legibus armari.

§. 1. Secundo in §. quorum ostendit se vtrique Imperatorio muneri satisfacisse, & armis aduersus hostes, legibus erga subditos vsum esse. Illud probat testimonio Barbarorum, quos bello vicit; & prouinciarum, quas ab hostibus recuperauit. Hoc ex eo probat, quòd populos legibus partim promulgatis, partim compositis regit. Promulgantur leges, cum publicantur: componuntur autem, cum in vnum volumen rediguntur. suas leges Iustinianus promulgauit: suas & alienas composuit.

§. 2. Tertio docet, quæ sunt leges à se, seu suo iussu composita. Hæ sunt redactæ in tria volumina. Primum volumen est Codex, quo continentur constitutiones Romanorum Principum. Iustinianus enim has constitutiones antea confusas (quia partim erant in Codice Theodosiano, partim, in Codice Gregoriano, partim in Codice Hermogeniano, partim extra illos tres Codices vagabantur) in luculentam erexit consonantiam, id est, in vnum Codicem, quem de suo nomine Iustinianum appellauit, aptè redegit: libris enim & titulis pulchro ordine dispositis distinxit, & nullam antinomiali (multæ autem in veteribus Codicibus erant) reliquit. ordo igitur splendorem huic operi affert: & quia sunt antinomiae sublatae, mira est inter has omnes constitutiones consonantia, §. *de eism. sacrat. l. 1. in princ.* Nota Codicem bis fuisse editum, se nel abte alios libros iuris, & iterum post Digesta, & Institutiones. ut in prolegomenis exposui: sed

sed hic tantum fit mentio primæ editionis. Secundum opus sunt Digesta, seu Pandectæ, collectum ex veteris prudentiæ voluminibus, id est, ex Iuriscultorum libris. *l. §. & cum sacratissimas, vers. tunc nostram.* Nam vetus prudentia, & vetus, siue antiquum ius dicitur hic, quod libris Iuriscultorum continetur, ut infra hoc proœm. §. agitur. *& de libert. §. ult. & de nupt. §. sunt & alia & ff. de diu. reg. iur. in rubr. & C. de vet. iur. enucl.* Cur Digesta, cur item Pandectæ appellentur, cum docuerim in prolegomenis, non debeo hic frustra repetere Hoc opus Iustinianus vocat desperatum: quia supra fidem humanam videbatur ex immensis veterum voluminibus (erant enim duo ferè millia librorum, & plusquam tricies centena millia versuum à veteribus effusa. *ff. in i. §. 1. & C. de vet. iur. enucl. l. 2. §. omnia igitur*) vnum mediocre opus conficere: quod tamen Iustiniani nostri auctoritate perfectum est.

Tertium opus sunt Institutiones, quas nunc præ matribus habemus: de quibus plura traduntur *l. Tempus, quo composita sunt, nimirum post composita Digesta. §. in quoque hoc. in princ. II. Ministri, quorum opera in his conficiendis Iustinianus est usus. hi verò sunt tres, Tribonianus, Theophilus, & Dorotheus. Tribonianus fuit vir magnificus, magister officiorum, ex quæstor sacri palatii, & ex consule. Quamquam verbum ex consule hic abest à libris scriptis, & à Theophilo, extat tamen in *l. 2. in princ. C. de vet. iur. enucl.* Magister officiorum scholis palatinis præerat. *C. de loca. l. ult. & de priuileg. schol. l. 2.* Quæstor sacri palatii orationes Principum in senatu legebat. *ff. de offic. quæstor. l. vnic. §. ex quæstoribus, & §. ult. eorum rescripta dictabat C. de diuers. reser. l. ult.* hisque subscribebat. *Non. 114.* Apud eum seruabatur minus laterculum. *C. de offic. quæstor. l. 1.* ut maius laterculum seruabatur apud primicerium notariorum, ut scriptum est in *Notitia Romani Imperij.* Laterculum erat Codex, in quo dignitates & officia descripta erant, maiora quidem in maiori, minora verò in minori: dictum vel (secundum Hotomanum) à latendo, vel (secundum Cuiacium) à lateribus, quia quadratâ figurâ præditum erat. Tribonianus in Inst. vocatur quæstor, infra quib. *alien. lic. vel no. §. ult. & de fideic. hered. §. ult.* sed in hoc proœmio appellatur ex quæstore: quia hoc proœmium post absolutas Institutiones conscriptum est, postquam Tribonianus iam quæstor functus erat. nam ex quæstore dicitur, qui quæsturam gessi-*

8. similiter ex consule qui consulatu functus est. At consularis & quaestorius latius patent; quia non solum iis tribuuntur, qui magistratu functi sunt, sed etiam iis, qui dignitate quaestoria, vel consulari sunt à Principe donati, cuiusque dignitatis codicillos, seu diploma acceperunt Theophilus & Dorotheus fuerunt viri illustres, & antecessores, id est, iuris professores, ille Constantinopoli, hic Beryti *C. de vet. iur. enucl. 2. §. quæ omnia*. His tribus viris, tanquam maximè idoneis, Iustinianus hoc opus faciendum specialiter mandavit (nam eiusmodi facta quæ sunt magni momenti, speciale mandatum requirunt, non sufficiente mandato generali. *ff. de procurat. l. non solum. 3. §. ult. & de minor. l. illud. 25. §. 1. & de acceptilat. l. 3. l. & per insurandum. 13. §. tutor*. perspectâ eorum solertia (id est, naturali vi ingenij) & legum scientiâ, & in mandatis Imperialibus exequendis fide singulari. Vt enim possent hoc mandatum exequi, tam à natura, quàm ab arte instructos esse oportebat: vt autem vellent sine omni fraude exequi, fides necessaria erat. III. Vtilitas: quæ quidem est duplex. Altera proponitur in versic. *ut liceat*. quod in posterum iuris studiosi non discent prima iuris elementa ab antiquis fabulis, id est, à veterum Institutionibus, in quibus multa erant inutilia, & ab usu remota; sed ex hoc Imperiali opere, in quo nihil continetur inutile, & nihil perperam ac temetè posciturum est, sed iura in foro obtinentia, congruo ordine sunt disposita. Altera subiicitur in versic. *& quod priore*. quod iuris studiosi non tantum finem huius disciplinæ, id est, Codicem accipient tanquam ex ore Principum, qui sunt constitutionum in Codice positarum auctores, sed etiam Principium, id est, Institutiones; quarum auctor est Imperator Iustinianus: cum olim nullæ essent Institutiones Imperiales, sed tantum Institutiones à priuatis hominibus conscriptæ, vt à Gaio, Florentino, Paulo, Marciano.

§. 4. IV. Diuisio in quatuor libros: quia sicut quatuor sunt naturalia elementa, ita etiam placuit totidem esse elementa iuris. §. *igitur*. quod naturam imitatur. *infra de adopt. §. minorem*.

§. 5. V. Quæ iura in his Institutionibus contineantur: ea verò continentur, quæ sunt in usu, vel quia nunquam in desuetudinem abiierunt, vel quia cum in desuetudinem abiissent, ab Imperatoribus sunt in usum reuocata. §. *quibus*.

§. 6. VI. Ex quibus libris collectæ sint. Ait Imperator in §. *pen.* eas esse compositas ex omnibus antiquorum Institutionibus,

bus, aliisque commentariis, præfettim Gaij Iurifconfulti, quem hæc de causa *nostrum* appellat, tam *hic*, quàm *infr. de public. ud.* §. item *lex Cornelia de sicariis*. quoniam eum præ cæteris Iurifconfultis in hoc opere secutus est. Floruit autem Diui Hadriani temporibus, ut constat ex *l. ff. de reb. dub.* VII Huius operis à dictis prudentibus viris, Triboniano, Theophilo, & Dorotheo, oblata recognitio, & approbatio: quam factum est, ut quæcumque in eo continentur, vim constitutionum Imperialium obtineant. d. §. *pen. vers. tùm tres.*


Svult.

VIII. Adhortatio ad has Institutiones perlegendas. Cùm enim ostensum sit eas vim legum obtinere, & legitimæ scientiæ prima principia continere: consequens est, ut accuratè à studiosis iuuenibus legi, & addisci debeant. Quod ut alacrius faciant Imp. in §. *ult.* ei præmia proponit, quæ post Institutiones, cæterosque iuris liberos perlectos consequentur, nempe administrationem reipublicæ, non quidem totius, quod ad solum Imperatorem spectat. *Not. 1. in prin* sed in partibus, quæ fidei volente Principe committentur.

Exposui Iustiniani epistolam, quæ est tertia proœmij pars. Tandem in quarta parte apponitur hæc subscriptio, *Lara n-stantinop. D. Iustinianæ perpetuo Augusto erium onfule. veteres* enim tempora notabant per Consules, quibus Iustinianus *Nov. 47. c. 1.* nomen Imperatoris & annum eius imperij proponi iubet.

A X I O M A T A.

- 1 Christi nomen operum initio rectè inuocatur. *rubr.*
- 2 Laudis suæ titulos efferre licet *ead. rubr.*
- 3 Qui ad legum studium animum appellit, iuuenis & legum cupidus esse debet *ead. rubr.*
- 4 Princeps armis & legibus opus habet. *in pr.*
- 5 Bellum armis, pax legibus administratur. *ibid.*
- 6 Victoriæ sunt à Deo §. 1.
- 7 Populi sunt legibus regendi. *cod. §.*
- 8 Coelesti fauore magnæ res perficiuntur. §. 1.
- 9 In ministris requiritur solertia, scientia & fides. §. 3.
- 10 Iura obsoleta sunt prætermittenda. *cod. §.*
- 11 In iuris studium diligenter incumbendum §. *ult.*
- 12 Ad reipublicæ administrationem, & honores aspirare licet. d. §. *ult.*
- 13 Reipublicæ administratio iuris peritis committi debet. d. §. *ult.*



INSTITUTIONVM

LIBER PRIMVS.

DE IUSTITIA ET IVRE.

TIT. I.

IUSTITIA est constans & perpetua voluntas ius suum cuique tribuendi.

1 § Iurisprudentia est diuinarum atque humanarum rerum notitia, iusti atque iniusti scientia.

2 § His igitur generaliter cognitis, & incipientibus nobis exponere iura populi Romani: ita videntur posse tradi commodissime, si primò leui ac simplici via, post deinde diligentissima atque exactissima interpretatione singula tradantur: alioqui si statim ab initio rudem adhuc & infirmum animum studiosi, multitudine ac varietate rerum onerauerimus: duorum alterum, aut desertorem studiorum efficiemus, aut cum magno labore, sæpe enim cum diffidentia (quæ plerumque iuuenes auertit) serius ad id perducemus, ad quod, leuiore via ductus, sine magno labore, & sine vlla diffidentia, maturius perducipotuisset.

3 § Iuris præcepta sunt hæc: honeste viuere, alterum non lædere, suum cuique tribuere.

4 § Huius studij duæ sunt positiones, publicum & priuatum. Publicum ius est, quod ad statum

re ci

rei Romanæ spectat. Priuatum, quod ad singulorum utilitatem. Dicendum est igitur de iure priuato, quod tripartitum est: collectum est enim ex naturalibus præceptis aut gentium, aut ciuilibus.

Priusquam de legitimæ scientiæ subiecto pertractet, de ipsa iurisarte verba facit.

Et Primò in principio tituli declarat eius finem, id est iustitiam, quæ definitur, constans & perpetua voluntas ius suum cuique tribuendi, hoc est, habitus animi, per quem volumus iuste agere, & suum cuique tribuere, ac re ipsa tribuimus, nisi impediamur; nam voluntatem cum potestate coniunctam effectus sequitur. Huic definitioni non obstat, quòd sepius in die cadit iustus. *Proverb. 24. vers. 16.* & nihil est perpetuum in rebus humanis. *Nom. 7. cap. 2. Ioc. ad Damonium, §. 35. Cic. in Consolatione illo loco;* Nihil in rebus humanis perpetuò firmum eiusdemque naturæ optare licet: quia mutatio non fit in iustitiæ essentia & quidditate, quæ per definitionem explicatur, sed in subiecto, id est, in homine, qui modò iustitiam, modò iniustitiam recipit.

Secundò in §. *iurisprudencia*, ipsam artem definit, inquit, §. 1. esse diuinarum atque humanarum rerum notitiam, iusti atque iniusti scientiam in qua definitione, notitia & scientia sumuntur ἐν πηγάνῃ, nec distinguuntur ab arte nam hæc scientia vocatur ars. ff. *hoc tit. l. 1. in princ.* non quòd sit effectiua, vt artes, quas appellamus mechanicas, sed quia est practica, quandoquidem eius finis non est inanis contemplatio, sed actio, quæ in usu & praxi forensi maximè cernitur propriè autem nominatur Iurisprudencia. *d. §. 1. & ff. eo l. iustitia 10. §. ult.* Res diuinæ & humanæ sunt huius artis subiectum. (vt scholastici loquuntur) materiale: iustum atque iniustum, sunt subiectum formale, quia res diuinæ & humanæ eatenus in iurisprudencia considerantur, quatenus ad ius & iniuriam referuntur.

Tertiò in §. *hæc igitur*, post dictas iustitiæ & iurisprudenciæ definitiones generaliter traditas (quia non sunt iuris Romani propriæ: ed omnium gentium iuribus communes exponit methodum, quæ hæc ars tradi debet, nimirum a simplicioribus & facilioribus, quam methodum probat etiam *inf. à de legat. §. sed non usque.* Quandoque tamen adhibentur aliz metho-

thodi, ut à dignioribus *infra à tit. proximo, §. ult.* vel à vetustioribus *infra de rerum diuisione, §. singulorum.* vel à genere ad species. *ff. de reb. cred. l. 1.* vel à toto ad partes *ff. si pars hered. pet. l. 1. in princ.* vel ab vniuersitate ad res singulares. *ff. de rei vend. l. 1. in pr.* vel à singulis rebus ad vniuersitates *infra per quas pers. nobis acquiritur §. ult. & ff. ad Treb. l. 1. in pr.* vel ab eo quod est insolidum ad id quod non est insolidum *ff. de peculio, l. 1. in princ.*

§. 3. Quartò in *§. iuris præcepta* recenset præcepta iuris, non particularia, quæ sunt penè infinita, & suis locis tradi debent, sed vniuersalia, quæ tria sunt: Honestè viuere, Alterum non lædere, Suum cuique tribuere. nam per se honestas requiritur, & erga alios sic nos gerere debemus, ut non solum vitemus quod malum est, sed etiam agamus quod est bonum, *Psal. 37. v. 27.*

§. ult. Quintò in *§. huius studij.* duas constituit huius artis positiones id est, duo principia, videlicet vtilitatem publicam, & vtilitatem priuatam. vnde oriuntur duæ iuris species; (quia vtilitas est iusti prope mater & æqui, ut ait Horat. *lib. 1. satyr. 3.* & *ius est τὴ κοινῇ συμφέρον, quod communiter utile est, teste Arist. 3. polit. cap. 8.* nempe ius publicum, quod Reipubl. vtilitatem per se & principaliter spectat, & ius priuatū, quod per se & principaliter vtilitatem singulorum ciuium respicit. cæterum necessariò consequitur, ut quod Reip. prodest, etiam singulis proficit: & retrò quod singulis est utile, etiam Reipubl. sit utile. Hinc dictum est. *reip. interesse, ne quis re sua malè utatur infra de his qui sui, vel alien. iur. sunt, §. sed hoc tempore, vers. ex parte.* item dotes mulieribus conseruari *ff. de iur. or. l. 2. & sol. matrim. l. 1.* Porro cum ius publicum bifariam capiatur: aut enim est publicum vtilitate, quia spectat ad statum reipublice: veluti quæ de legibus, & magistratibus sunt constituat: aut publicum auctoritate, quod cum singulis utile sit nihilominus à publica auctoritate pendet, ut de tutela. *infra de excus. in pr.* & de testamenti factione. *ff. qui test. fac. poss. l. 3.* Verba ostendunt hic agi de iur. public. vtilitate. Addit Imp. dicendum esse deinceps de iure priuato, cuius tres facit partes, ius naturale, ius gentium, & ius ciuile, seu præcepta iuris naturalis, gentium, & ciuilis. Nota primò, non tractari de hoc iure priuato in toto sequenti opere (cum quia post seq. tit. non tractatur de iure, sed de obiectis iuris, cum etiam quia vltimus titulus erit de publicis iudiciis) sed vsque ad finem tituli sequentis, vbi explicit tractatus de ipso iure. Nota secundo præcepta

præcepta iuris naturalis, præcepta iuris gentium, & præcepta iuris ciuilis nõ æquè spectari in iure publico, propterea quòd salus populi suprema lex est. Nota tertio hæc tria iura naturale, gentium, & ciuile esse quidem species iuris generaliter accepti, non tamen esse species, sed partes iuris priuati quo Romani vtuntur, vt hic traditur. Nota quarto particulam *aut*, hoc loco accipi pro coniunctione & quod in iure non est nouum. ff. de verb. sign. l. *sape*, 13. Nota quinto, ciuilium præceptorum appellatione hoc loco intelligi præcepta iuris Romani, quod *ἡ ἐξ ἑαυτῆς*, vocatur ius ciuile *infr. tit. prox. §. sed ius quidem, vers. sed quoties*. Nota sexto, Romanos aliter accepisse iura à Græcis. ff. de orig. iur. l. 2. §. *postea ne diuisus*, vt ab Atheniensibus & à Lacedæmoniis *infr. tit. prox. §. & non ineleganter*. & à Rhodiis ff. de leg. Rhod. aliter accepisse naturalia præcepta à natura, & iuris gentium præcepta à naturali ratione quoniam illa non per se, & quatenus Græcis probata, apud Romanos valent, sed quatenus sunt ab ipsis Romanis recepta & comprobata. ideòque ciuilia & Romanorum propria facta sunt. hæc autem, quæ natura & naturalis ratio dictat, per se obtinent, non à Romanorum auctoritate vim accipiunt: idcirco naturalia ad gentium iura pertinent. nec ideo ciuilia fiunt, quia Romani eis vtuntur.

A X I O M A T A.

- 1 A facilioribus & simplicioribus est inchoandum. §. 2.
- 2 Diffidentia sæpe iuuenes à studio auocat. d. §. 1.
- 3 Honestè viuendum, §. 3.
- 4 Neminem lædere oportet. *ead.* §.
- 5 Suum cuique tribuendum. *ibid.*

De iure naturali, gentium & ciuili.

T I T. II.

Ius naturale est, quod natura omnia animalia docuit. nam ius istud non humani generis proprium est: sed omnium animalium, [quæ in cælo,] quæ
in

in terra, quæ in mari nascuntur. Hinc descendit maris atque fœminæ coniunctio, quam nos matrimonium appellamus: hinc liberorum procreatio, hinc educatio. Videmus etenim cætera quoque animalia istius iuris peritia censer.

1 § Ius autem ciuile à iure gentium distinguitur: quod omnes populi, qui legibus & moribus reguntur, partim suo proprio, partim communi omnium hominum iure vtuntur. nam quod quisque populus ipse sibi ius constituit, id ipsius proprium ciuitatis est: vocaturque ius ciuile, quasi ius proprium ipsius ciuitatis. quod verò naturalis ratio inter omnes homines constituit, id apud omnes peræque custoditur: vocaturque ius gentium, quasi pro iure omnes gentes vtantur. Et populus itaque Romanus partim suo proprio, partim communi omnium hominum iure vtitur quæ singula qualia sint, suis locis proponemus.

2 § Sed ius quidem ciuile ex vnaquaque ciuitate appellatur, veluti Atheniensium. nam si quis velit Solonis, vel Draconis leges appellare ius ciuile Atheniensium, non errauerit. sic enim & ius, quo Romanus populus vtitur, ius ciuile Romanorum appellamus; vel ius Quiritum, quo Quirites vtuntur. Romani enim à [Romulo,] Quirites à Quirino applleantur. Sed quotiens non addimus nomen, cuius sit ciuitatis: nostrum ius significamus. sicuti cum Poëtam dicimus, nec addimus nomen, subauditur apud Græcos egregius Homerus, apud nos Virgilius. Ius autem gentium omni humano generi commune est. nam vsu exigente, & humanis necessitatibus, gentes humanæ [iura] quædam sibi constituerunt. Bella etenim, orta sunt,
&

& captiuitates sequutæ , & seruitutes , quæ sunt naturali iuri contrariæ. Iure enim naturali omnes homines ab initio liberi nascebantur. Et ex hoc iure gentium omnes pene contractus introducti sunt , vt emptio [&] venditio , locatio [&] conductio societas , depositum , mutuum , & alij innumerabiles.

3 ¶ Constat autem ius nostrum , quo vtimur, aut scripto , aut sine scripto : vt apud Græcos νόμος οἱ μὴ ἔχοντες , οἱ δ' ἄχοντες , id est , legum alia [sunt] scripta , alia non scripta. Scriptum autem ius est lex, plebiscitum , Senatusconsultum , Principum placita, magistratuum edicta , responsa prudentum.

4 ¶ Lex est , quod populus Romanus senatorio magistratu interrogante (veluti Consule) constituebat. Plebiscitum est , quod plebeio magistratu interrogante (veluti Tribuno) constituebat. Plebs autem à populo eo differt , quo species à genere . nam appellatione populi , vniuersi ciues significantur , connumeratis etiam patriciis & senatoribus. Plebis autem appellatione , sine patriciis & senatoribus cæteri ciues significantur : sed & Plebiscita , lege Hortensia lata , non minus valere , quam leges ceperunt.

5 ¶ Senatusconsultum est , quod Senatus iubet, atque constituit. Nam cum auctus esset populus Romanus in eum modum , vt difficile esset in vnum eum conuocari legis sancientiæ causa: æquum vltimum est, Senatum vice populi consuli.

6 ¶ Sed & quod principi placuit , legis habet vigorem : quum lege Regia , quæ de eius imperio lata est , populus ei , & in eum omne imperium suum & potestatem concedat. Quodcumque ergo Impe

Imperator per Epistolam constituit : vel cognoscens decrevit, vel edicto præcepit, legem esse constat. hæc sunt, quæ Constitutiones appellantur. Plane ex his quædam sunt personales, quæ nec ad exemplum trahuntur, [quoniam non hoc princeps vult.] nam quod alicui ob meritum indulget, vel si quam pœnam irrogavit, vel si cui sine exemplo subuenit : personam non transgreditur. Aliæ autem, quum generales sint, omnes proculdubio & tenent.

7 ¶ Prætorum quoque edicta non modicam obtinent iuris auctoritatem. Hoc enim ius honorarium solemus appellare, quod qui honores gerunt, id est, magistratus, auctoritatem huic iuri dederunt. Proponebant & Ædiles Curules edictum de quibusdam causis, quod & ipsum iuris honorari portio est.

8 ¶ Responso prudentium sunt sententiæ & opiniones eorum quibus permissum erat de iure respondere. nam antiquitus constitutum erat, ut essent, qui iura publicè interpretarentur, quibus à Cæsare ius respondendi datum est, qui Iurisconsulti appellantur, quorum omnium sententiæ & opiniones eam auctoritatem tenebant ut iudici recedere à responso eorum non liceret, ut est constitutum.

9 ¶ Sine scripto ius venit, quod usus approbavit. nam diuturni mores consensu utentium comprobati, legem imitantur.

10 ¶ Et non ineleganter in duas species ius civile distributum esse videtur. nam origo eius ab institutis quarum civitatum, Athenarum scilicet, & Lacedæmoniorum, fluxisse videtur. In his enim
civitas

ciuitatibus ita agi solitum erat, vt Lacedemonij quidem magis ea, quæ pro legibus obseruabant, memoriæ mandarent: Athenienses vero quæ in legibus scripta comprehendissent, custodirent.

II § Sed naturalia quidem iura, quæ apud omnes gentes peræque obseruantur: diuina quædam prouidentia constituta, semper firma atque immutabilia permanent. Ea verò, quæ ipsa sibi quæque ciuitas constituit, sæpe mutari solent, vel tacito consensu populi, vel alia postea lege lata.

II § Omne autem ius, quo vtuntur, vel ad personas pertinet, vel ad actiones. Et prius de personis videamus. nam parum est ius nosse, si personæ, quarum causa constitutum est, ignorentur.

Huius tituli partes quatuor sunt. In prima parte Imperator exponit ius naturale, gentium, & civile, vt rubrica pollicetur, quia in calce superioris tituli dixerat, ex his tribus constare ius Romanum priuatum. vt enim omnes alij populi, ita populus Romanus vtitur tam iure omnibus communi, quod est naturale, vel gentium, quàm proprio, quod vocatur civile. Ius naturale ortum habet à natura, quæ omnibus animalibus est communis: ius gentium proficiscitur à naturali ratione hominum propria: ius civile manat à civili ratione, quæ à forma Reipubl. sumitur. vt enim Aristotel. *Polit. li. 4. cap. 1. part. 5. & lib. 7. cap. 8. par. ult.* scribit, Leges ad rempub. aptari debent, non respubl. ad leges accommodari. Ius naturale conuenit omnibus hominibus, non solis: ius civile solis, non omnibus: ius gentium, omnibus & solis.

Primò igitur Imperator ius naturale declarat definitione, & exemplis. Definitio est, *Quod natura omnia animalia docuit.* Nota primò, naturæ vocabulo non significari rationem naturalem, quæ est hominum propria, sed indistinctum naturalem omnibus animalibus communem. Nota secundò, non referri ad ius naturale, quicquid natura omnia animalia docet, sed

Primo.

sed ea tantùm, quæ in vitæ communione spectantur, ut ex subiectis exemplis apparet; nam maris & foeminae coniunctio, liberorum procreatio, & eorundem educatio in communione quadam vitæ cernuntur: ac proprietas iuris est, ut in vitæ communione consistat, auctore Aristot. *Ethic. Nicomach. lib. 3. cap. 6. & Polit. lib. 8. c. 9.* Nota tertio improprie dici ius, quod brutis animalibus tribuitur. ut enim vitæ communio maxime propria est hominum in quibus solis ratio & sermonis communicatio reperiuntur. 1. *Polit. c. 2.* ita ius proprie dictum, hominum, proprium est. quod argumento à contrario confirmatur: quia iniuria, quæ iuri contraria est, *infr. de leg. Aquil. §. iniuria.* & de *injur. in pr.* proprie loquendo, in bruta non cadit. *infr. si quadr. paup. fer. dic. vers. nec enim.* & *ff. eod. l. 1. §. ait prætor,* verum tamen quasi iniuria iudicatur, ita ut dominus animalis quod alterum prouocauit, ei que nocuit, iure obligetur *d. l. 1. §. cum arietes.* Hæc de definitione iuris naturalis dicta sint.

Sequuntur exempla eorum, quæ ex hoc iure descendunt: hæc autem sunt tria, maris & foeminae coniunctio, quam nos matrimonium appellamus, liberorum procreatio, & liberorum educatio. Nota primo, matrimonij vocabulum non tribui coniunctioni brutorum, sed naturali hominum coniunctioni. nam matrimonium, quod homines inter se contrahunt, respectu naturalis coniunctionis proficiscitur à iure naturali. Nota secundo, coniunctionem matrimonialem non esse coniunctionem corporum, sed animorum *ff. de diuer. reg. iur. l. nuptias. 30.* atque hanc animorum coniunctionem quodammodo reperiri etiam in brutis: sicut enim bruta dicuntur habere animum reuertendi, quamdiu reuerti solent. *infr. de rerum diuis. §. pavonum,* ita dici possunt animum reuertendi habere, quamdiu reuerti solent. *infr. à eod. §. pavonum,* ita dici possunt habere animum simul viuendi, quamdiu simul viuunt, ut mās, & foemina, & eorum foetus. Nota tertio bruta animalia isti iuris peritia censerī, quia non ulterius progrediuntur, ut homines, qui etiam iuris à ratione manantis capaces sunt. ideoque in altiori, (ut ita dicam) classe censentur. Nam censendi verbum per translationem hic accipitur: quia, ut apud Romanos diuersi erant ciuium census pro diuersitate patrimoniorum, sic etiam animalium sunt diuersi gradus pro diuersitate iurium, quorum cognitione prædita sunt. Phrasis est elegans à multis toribus usurpata, quorum pauca proferre sufficiet. Papi-

nianus

nianus in l. ult. ff. de suis & legitimis. priuatorum cautionem legum auctoritate non censeretur. Tacitus in vita Agricolæ, vna adhuc victoria Carus Merius censebatur. Auctor dialogi de oratoribus, Eiusmodi libri extant, vt ipsi quoque qui egerunt, non aliis magis orationibus censeantur. Val. Max. lib. 6. cap. 1. in prin. Te custode matronalis stola censeretur.

Secundò sex distinctiones ponit inter ius gentium, & ius civile, quarum tres continentur in §. 1. I. Distinctio sumitur à personis iure vtentibus. cum enim omnes populi, qui legibus & moribus, id est, vel scripto, vel non scripto, vel utroque iure reguntur, (alij namque vtuntur iure scripto, vt Athenienses: alij non scripto, vt Lacedæmonij: alij utroque, vt Romani. infra eod. §. constat. & §. & non ineleganter, ideoque coniunctio hic vim habet etiam disjunctionis, quemadmodum è contrario in l. 4. C. de verb. sign. disunctio vim habet etiam coniunctionis) partim proprio, partim communi iure vtantur; ius quidem civile est proprium ciuitatis, à qua conditum est: ius verò gentium est commune omnium hominum, & apud omnes populos peræquè custoditur. id est, ferè apud omnes populos: hæc enim partic. ferè, dist. 1. cap. ius gentium, rectè suppletur, propter prauos mores populorum, quibusdam præceptis iuris gentium non vtentium: vt cum Lacedæmonij & Aegyptij probarunt furtum quod est natura, id est, iure gentium probrosum. ff. de verb. sign. l. probrosum. 42. Eodem modo accipere oportet, quod ait Imperator in l. pen. ff. de leg. Rhod. se esse mundi dominum sic infra de donat. §. 1. Iustinianus ait mortis causâ donationes ad exemplum legatorum redactas esse per omnia: & mox additâ partic. ferè, inquit, per omnia ferè legatis conueniunt. II. Distinctio sumitur à definitionibus (nam quæ diuersis modis definiuntur, diuersa esse necesse est, vt ait Porphyrius cap. 15. partic. ult.) Ius enim civile definitur, quod quisque populus ipse sibi ius constituit; ius autem gentium definitur, quod naturalis ratio omnes homines constituit. III. Distinctio sumitur ab etymologia: quia ius civile dicitur, quasi ciuitatis proprium: ius autem gentium dicitur, quasi suo iure omnes gentes vtuntur.

IV. Distinctio in §. sed ius quidem, sumitur à numero, & §. 2. nomine: quia multa sunt iura civilia, sicut multæ sunt ciuitates ea condentes, vt Atheniense, Lacedæmonium, Rhodium, Romanum? ius autem gentium vnum est omnibus hominibus

hominibus commune. In duas tamen species commodè diuiditur, videlicet in primarium, & secundarium: quorum illud diuina prouidentia est constitutum, proinde semper obtinuit, etiam ante lapsum Adami: veluti quod iubet Deum coli, patriæ & parentibus obtemperari: hoc autem naturali ratione propter humanas necessitates, post peccatum primi est introductum, ideoque bella, captiuitates, seruitutes iuri naturali contrarias tolerat. V. Distinctio in eodem. §. *sed ius quidem*, sumitur à nomine: quia ius ciuile multas speciales appellationes recipit, quibus singula inter se distinguuntur, vt Atheniense, Lacedæmonium, Rhodium, Romanum, quod etiam vocatur ius Quiritium: quia Romani à Quirino (id est, à Romulo) appellati sunt Quirites. Cur autem Romulus dictus sit Quirinus, varias causas affert Ouidius 2. *Fastorum*, his versibus:

*Proxima lux vacua est, at tertia dista Quirino,
Qui tenet hoc nomen, Romulus ante fuit:
Sive quod hasta Quiris priscus est dicta Sabinis;
Bellæus à telo venit in astra Deus:
Sive suo Regi nomen posuere Quirites:
Seu quia Romanis iunxerat ille Cures.*

Ius verò gentium non recipit aliquam specialem appellationem, cum vnum & idem sit apud omnes gentes. Ex dictis oritur quæstio, quod ius ciuile intelligi debeat, cum iuris ciuilis simpliciter mentio fit, non addito nomine alicuius ciuitatis? Respondet Imperator in vers. *sed quoties, κατ' ἐξ ὀνόματος*, intelligi ius Romanum, sicut enim simplici poëtæ appellatione, significatur præstantissimus poëta, id est, apud Græcos Homerus, apud Latinos Virgilius: ita simplici iuris appellatione intelligendum est ius præstantissimum, id est, Romanum. Consueuerunt enim homines vt ait Galenus *lib. de Comate* (iis quæ in quoque genere præstant, generis nomen propriè tribuere. VI. Distinctio sumitur ab effectibus. Hic autem prætermittuntur effectus iuris ciuilis, & proponuntur varij effectus proprii iuris gentium, nimirum bella, captiuitates, seruitutes, & plerique contractus. Nota primò, seruitutes probari iure gentium, etsi iuri naturali contrariæ sunt: nec propterea ius gentium esse contrarium iuri naturali, quia non probat seruitutem tanquam rem per se bonam, sed tolerat tanquam minus malam eade, id est, ne captiui occidantur, sed

sed seruentur, & vendantur. *infra de iure person. §. serui autem ex eo.* Horat. lib. 1. epist. 16.

Vendere cum possis, captiuum occidere noli.

Hinc Israëlita videntes contra se instructum Ægyptiorum exercitum, clamabant, *Melius erat nobis, seruire Ægyptiis, quam mori in deserto*, Exod. cap. 14. vers. 12. Etenim minus malum habet rationem boni, vt scribit Arist. 5. *Ethic. cap. 4. pars. 10.* Nota secundò, quatuor contractus esse iure civili, stipulationem. *infra de action. §. de constituta.* emphyteusim. *infra de locat. §. aded.* literarum obligationem. *infra de liter. oblig. & sponsalitiâ largitatem. Nou. 119. in princ.* Hactenus prima tituli pars.

§. 3. 1

In secunda parte explicatur secunda iuris Romani diuisio. Ac l. in §. *const.* ponitur hæc diuisio in ius scriptum, & non scriptum. Nota ius scriptum appellari, non quodcumque literis mandatum est, sed quod publica auctoritate, puta iussu Principis, literarum monumentis est consignatum. Idcirco ius feudale inscribitur, *Consuetudines feudales*; quia priuata quorundam Doctorum (vt Oberti de Horte, & Gerardi de Nigro) auctoritate conscriptum est. II In eodem §. *const.*, ius scriptum subdividitur in legem, plebiscitum, senatusconsultum, Principum placita, seu constitutiones, magistratuum edicta, seu ius honorarium, & responsa prudentum. Nota primò, responsa prudentum olim fuisse partem iuris non scripti. ff. *de orig. iur. l. 2. §. his legibus.* & §. *ita in ciuitate.* sed hic referri ad ius scriptum, quia Imperatoris Iustiniani iussu relata sunt in Pandectas. Nota secundò, harum iuris specierum distinctionem sumi à causa efficiente. nam legis auctor est populus: Plebisciti, Plebs: Senatusconsulti, Senatus: Constitutionis, Princeps: Edictorum honorariorum, Magistratus, vt Prætor, vel Ædilis Curulis: Responsorum, Iuriconsulti: iuris non scripti, vsus, & tacitus populi consensus. §. *lex est. cum §. §§. seqq. & ff. de legib. l. de quibus. 31. l. sed & ea. 35.* Nota tertio edicta Magistratuum constituere ius, quod appellatur Prætorium, siue Honorarium, reliquas iuris partes referri ad ius civile in significatione propria & angusta sumptum, quatenus iuri honorario opponitur. *infra de bon. poss. vers. quos autem.* & ff. *de iust. & iure l. 7. III.* Species iuris scripti sigillatim enarrantur.

Prima iuris scripti species, id est, lex in §. *lex est*, definitur his verbis. *Lex est, quod populus Romanus senatorio magi-*

§. 4

Præteritum interrogante constituerebat. Inferitur autem per parenthesis exemplum senatorij magistratus, quo populus interrogabatur *veluti consue.* nam alij quoque magistratus populum rogabant, ut interrex, dictator, triumvir. Nota primò, legis vocabulum aliter hic accipi, quàm *suprà hoc titulo. §. 1. & infrà eod. §. penult.* quibus in locis significat ius scriptum nam hic sumitur pro specie iuris scripti. alibi latissimam habet significationem, ut complectatur etiam ius non scriptum, ut cum dicitur *lex naturæ.* Alias huius vocabuli significationes exposui in 1. part. ff. de legib. n. 3. Nota secundò, Iustinianum uti præteriti temporis verbo *constituebat*; quia cum populus Romanus omne imperium suum & potestatem in Principem transtulerit. *infrà hoc tit. §. sed & quod.* iura amplius non concedit, sed hodie solus Princeps hanc potestatem habet. *C. de legib. l. ult.*

Secunda species iuris scripti, id est, plebiscitum definitur in eod. §. *Lex est, vers. plebiscitum.* his verbis, *Plebiscitum est, quod plebs plebeio magistratu interrogante (veluti tribuno) constituerebat.* Nota primò, Imperatorem in hac definitione uti verbo *constituebat*, quod est præteriti temporis, ob eandem rationem, ob quam eodem usus est in superiori definitione, videlicet quia plebs hodie iuris condendi potestatem non habet. Nota secundò partic. *veluti* aliter accipi in hac, quàm in superiori definitione: quoniam ibi erat nota exempli: hic autem accipitur pro, *id est*, (quemadmodum è contrario *ut*, *id est* accipitur autem *ut* *veluti.* ff. de pact. l. 7. §. *pactorum*) quia solus tribunus pleb. rogabat plebem. Post hæc, quia in dictis definitionibus mentionem populi & plebis fecerat, hæc duo inter se distinguit in vers. *plebs autem*, inquiring populum differre à plebe, sicut differt genus à specie: non quòd populus sit genus plebis, sed quia sicut genus plura complectitur quàm species, ita populus plures ciues complectitur, quàm plebs, (siquidem populi appellatione non solum continentur plebij, sed etiam patricij, & senatores, qui omnino à plebeiis se iunguntur. ceterum populus ad plebem habet eandem rationem, quam totum ad partem. Nota primò, patriciatum modò significare genus descendendum ex senatoribus, ut hic; modò dignitatem eorum, qui sunt quasi patres Principis, ut *infrà quibus modis ius pat. sol. §. filiusfam.* Nota secundò, patricios teneri plebiscitis ex lege Hortensia, quam tulit Hortensius dictator, ut plebem quæ in

in Ianiculum secesserat, cum patribus consiliaret ff. de orig. iur. l. 2. §. deinde cum esset. Gellius lib. 13. cap. 27.

Tertia iuris scripti species, id est, senatusconsultum, in §. senatusconsultum, definitur his verbis *Senatusconsultum est quod senatus iubet atque constituit*. Nota primò verba *iubet & constituit*, accipi ex *ἐγγαλῆαι*. Nota secundò in hac definitione adhiberi verba presentis temporis, licet hodie solus Princeps iura condar. C. de legib. l. ult. §. 1. quia ea non condit nisi consulto senatu. C. eod. l. 3. Nota tertio, in hac definitione subaudiri, quod in legis definitione fuit expressum, *senatorio magistratu interrogante*, & posse commodè adiungi idem exemplum, *veluti consule*.

Quarta iuris scripti species, id est constitutio, seu principis placitum declaratur, in §. sed & quod ubi Imperator quatuor docet. Primum est, cur Principum placita vim legum obtineant. At Imperator hoc factum esse lege regia, qua populus Romanus Principi & in Principem id est, omnino, quod ad omnes imperij honores & onera) omne imperium suum & potestatem concessit. Nota legem regiam dici vel à causa efficiente, quia condita est à Rege, ut ff. de mort. inferen. l. 2. vel à materia, quia est de regno, siue imperio, ut hic, & ff. de const. princ. l. 1. in princ. & C. de vet. iur. emulando l. 1. §. sed in hoc studium. Hæc vocatur etiam lex imperij. C. de testam. l. 3. Fuit autem pro Augusto lata octavo post pugnam Actiacam anno. Diol. lib. 53. Strabo lib. 17. postea renouata est pro alijs Imperatoribus, ut pro Vespasiano, sicut ex fragmento Capitolino constat. Secundum est diuisio imperialium placitorum in tres species: Epistolam, Decretum, Edictum. Epistola est rescriptum Principis ad consulentes emissum. Decretum est sententia à Principe lata causâ cognita. Edictum, est, quod Princeps, vel ex semetipso, & (ut Pontificij iuris auctores loquuntur) motu proprio, vel aliquo suggerente, publicè proponit obseruandum ff. de const. princ. l. 1. & Theoph. hic in §. sed & quod Poterant addi & aliæ constitutionis species. ut interlocutio, ff. de consti. princ. l. 1. §. 1. & oratio quæ in senatu recitatur. C. de legib. l. 3. Tertium est nomen omnibus his speciebus commune nimirum *constitutio*. Quartum est distinctio constitutionum personalium, quæ personam non egrediuntur, & in exemplum non trahuntur, à generalibus, quibus omnes ciues Romani tenentur.

Quinta iuris scripti species, id est, Magistratum edicta §. 7.

sive ius honorarium, explanatur in §. *prætorum*. Vbi nota primò, ius honorarium constare ex duabus partibus, videlicet iure prætorio, & iure ædilitio: sed nihilominus utrumque appellatione iuris prætorij contineri posse, nimirum appellatione sumpta à potiori parte, argum. §. *prætoria*, *infra de diuis. stipul. c. 1. §. vers. prætorias*, ff. *de verb. oblig.* Nota secundò, Iustinianum iuri prætorio non tribuere vim legis, sed auctoritatem non modicam: quoniam ea sola vim legis habere propriè dicuntur, quæ iuris ciuilibus partes sunt, ut senatusconsulta, & constitutiones Principum prætorum verò edicta non habent vim legis idèoque non faciunt hæredem, sed bonorum possessorem vice hæredis. *infra de bon. possess. vers. quos autem*, Nota tertio etymologiam iuris honorarij, & magistratum esse honorem. Nota quartò, licet Princeps non solum edictis, sed etiam decretis, & rescriptis, siue epistolis iura condant, tamen decreta prætorum ius non facere. ff. *de ferijs*, l. 1. §. 1. & multò minus eius epistolas. Rationem differentiarum vide apud Theoph. *hic*. Nota quintò, Ædiles dici ab ædibus, quarum curam gerebant. ff. *de orig. iur.* l. 2. §. *itemque ut essent*. Varro *lib. 4. de lingua Lat.* Curules verò appellari a sella curali, qua utebantur tanquam patricij Magistratus: unde etiam distinguebantur ab ædilibus plebis. *Liu. in fin. lib. 6. & in princ. lib. 7.* Hi proponebant edicta de quibusdam causis, ut de venditionibus seruatorum, & iumentorum. vide tit. ff. *de edil. edict.*

- §. 8. Sexta iuris scripti species id est, responsa prudentem, exponitur in §. *responsa prudentum*. Vbi nota primò ex Theophilo sententiam esse certam, & indubiam responsionem, veluti, *Non licet hæc tem institueret in codicillis*: opinionem verò esse dubiam responsionem, veluti, *Puto mulierem dotem repetentem præferri anterioribus mariti creditoribus, etiam expressam hypothecam habentibus*. Vtriusque generis exempla extant in Pandectis & omnia æquè vim legis habent. Nota secundò primum Augustum confirmasse responsa Iurisconsultorum. ff. *de orig. iur.* l. 2. §. *& ut obiter*. deinde alios Imperatores, ut Theodosium. C. *Th. de resp. prud.* l. vn.

- §. 9. I V. In §. *sine scripto*, declaratur ius non scriptum. Vbi nota primò, quæri apud Doctores, quanto temporis spatio, & quod actibus intra illud tempus celebratis introducatur consuetudo. Ego, quia hæc nulla lege definiuntur, iudicis arbitrio relinquenda censeo, argum. l. 1. §. *ult.* ff. *de iur. deliber.* Non moueor eo, quòd dicuntur diuturni mores, & longa, vel diuturni consu

consuetudo. quamuis enim diuturnum, seu longum tempus in usufruptionibus contineat decem, aut viginti annos: non tamen inde sequitur, ita debere accipi etiam in consuetudine introducenda, quia verba pro subiecta materia debent accipi: & idem tempus aliàs longum, aliàs breue, dicitur pro subiecti argumenti diuersitate. Nota secundò consuetudinem imitari legem: quia tres effectus producit, qui etiam legi tribuuntur. Primò introducit nouum ius, vbi ius scriptum deficit. *ff. de legib. l. de quibus 32. in princ.* Secundò legem interpretatur *ff. eod. l. si de interpretatione 37.* Tertiò legem contrariam vetustiore corrigit. *d. l. de quibus, in fin.* Nec obstat *l. 2. C. de legib. vt docui centur. 1. quest. 14.*

Tertia tituli pars est in §. pen. vbi Imperator tertiam iuris diuisionem affert in immutabile, & mutabile. Est autem illud §. pen. solum ius immutabile, quod diuina prudentia constitutum est, id est, ius naturale, & ius gentium primæum. Nam ius gentium secundarium, quod ab humana ratione est introductum, licet ipsum quoque vocetur naturale. *infra de rerum diuis §. singulorum*, tamen aliquando mutatur, veluti quod ad seruitutem pertinet, quæ hodie vix reperitur apud Christianos, & sine dubio in totum tolli potest. Quocirca rectè Arist. 5. *Et hic. cap. 7.* scribit quædam iura naturalia mutari. Sapientius autem mutatur ius ciuile vel tacito consensu populi, id est, desuetudine, siue contraria consuetudine (vide *centur. 1. d. quest. 14.*) vel contraria lege lata. Semper enim iura posteriora, si contraria sint prioribus derogant. *ff. de constit. princ. l. ult.* Ergo ius naturale est omnino immutabile: ius ciuile, omnino mutabile: ius gentium, partim mutabile, partim immutabile.

In quarta tituli parte, id est, in §. ult. Imperator tria iuris obiecta explicanda proponit, personas, res & actiones. Hæc sunt obiecta (v. cum Scholasticis loquar) partialia. nam totale iuris obiectum sunt iudicia, quæ constant ex personis rebus, & actionibus. Personæ sunt aut litigantes, vt actor & reus: aut iudicantes, vt iudex, vel arbiter: aut subseruientes, vt Aduocati, Procuratores, Apparitores. Res sunt, de quibus iudicio contenditur, vt quia rem suam actor vendicat, vel rem sibi deberi contendit. Actiones sunt, quibus litigatur: nimirum actiones, quibus actor reum oppugnat: & exceptiones, quibus reus se aduersus actorem tuetur. nam actionis vocabulo etiam exceptiones quodammodo continentur. *ff. de exc. prior. l. 1.*

quin etiam stipulationes prætoria, & interdicta. ff. de oblig. & act. l. actionis. Ex his tribus iuris obiectis primo loco de personis dicendum proponit: quia personarum causâ omnia iura sunt constituta. Quare ut in ædificatione & arte ædificandi alius est finis qui ædificatione petitur, id est; domus; alius verò, cui domus paratur, id est, paterfam. inhabitaturus: sic in iure alius est finis qui, nempe iustitia, de qua tit. primo dictum fuit; alius est finis, cui, id est, personæ. Hæc finium distinctio auctorem habet Aristot. 2. Physic. cap. 2. part. 13.

A X I O M A T A.

- 1 Generali nomine id in dubio significatur, quod est præcipuum. §. 2. vers. sed quoties.
- 2 Servitus est iuri naturali contraria. d. §. 2. vers. ius autem gentium. coniu. §. servitus. infra tit. prox.
- 3 Difficile est, vniuersum populum conuocare. idcirco auctoritas viris primariis est tribuenda. §. 5.
- 4 Imperialis potestas à populo est constituta. §. 6.
- 5 Priuilegium non egredietur personam priuilegiatam. d. §. 6.
- 6 Magistratus est honor. §. 7.
- 7 A responsis Iureconsultorum recedere iudici non licet. §. 8.
- 8 Consuetudo legem imitatur. §. 9.
- 9 Ius diuinum est immutabile: ius verò humanum est mutabile. §. pen.
- 10 A dignioribus est inchoandum. §. ult.
- 11 Parum est ius nosse, si personæ ignorentur, quarum causa ius est constitutum. d. §. ult.

De iure personarum.

TIT. III.

Summa itaque diuisio de iure personarum hæc est: quod omnes homines, aut liberi sunt, aut serui.

§ Et

1 § Et libertas quidem (ex qua etiam liberi vocantur) est naturalis facultas eius , quod cuique facere libet , nisi quid vi aut iure prohibetur.

2 § Servitus autem est constitutio iuris gentium ; qua quis dominio alieno contra naturam subicitur

3 § Servi autem ex eo appellati sunt , quod Imperatores captiuos vendere , ac per hoc seruare , nec occidere solent , qui etiam mancipia dicti sunt , [eo] quod ab hostibus manu capiuntur.

4 Servi autem aut nascuntur , aut fiunt , nascuntur ex ancillis nostris. fiunt , aut iure gentium id est , ex captiuitate : aut iure civili , cum liber homo maior viginti annis ad pretium participandum sese venundari passus est.

5 § In seruorum conditione nulla est differentia : in liberis autem multæ ; aut enim sunt ingenui , aut libertini.

Personarum diuisio sumitur vel à natura , vel à iure gentium , vel à iure civili. Naturâ aut sunt masculi , aut foeminae : & vel impuberes , vel puberes , vel perfectæ ætatis : de quibus diuisionibus alibi dicetur. Civilis diuisio explicatur tit. 8. de ea verò diuisione quam ius gentium introduxit , hoc tit. agitur. Iure gentium alij sunt liberi , alij serui : & libertorum alij sunt ingenui , alij libertini : ita vt iure gentium tria sint hominum genera , ingenui , libertini , & serui ; cum iure naturali omnes homines sint liberi , *infra de libert. in princ. & ff. de iust. & iure, l. 4.* Ingenui nascuntur , *suprà tit. proximo, in princ.* Libertini fiunt , *infra de libertin. in princ.* Serui partim nascuntur , partim fiunt , §. penul. Quin etiam ingenui iure nouissimo vel fiunt , vt notabo. *tit. 4. in princ. & tit. 5. in fine.*

Primò Imperator *in princ. tit.* personas diuidit in liberas & seruas. Hæc diuisio appellatur summa , id est , maxima , *hic est ff. de stat. homin. l. 3.* quia maxima iuris distinctio , quæ in

personis cernitur, est inter liberos & seruos. sic summa obligationum diuisio est in ciuiles & pratorias. *infra de oblig. §. 1.* & summa actionum diuisio in personalem & realem tribuitur. *infra de act. §. 1.* quoniam harum diuisionum membra sunt maximè inter se opposita. Ne dicas vocari summam, id est, primam: quia summum significat potius vltimum, quàm primum. Cic. *in Hortensio.*, Venit ad summam senectutem. Virg. *1. Æneid.*

Venit summa dies. —————

Horat. lib. 1. epist. 1.

Prima dicte mihi, summa dicendo Camæna.

Ouid. lib. 4. de Ponto, eleg. vlt.

Non solet ing. ui s. summa nocere dies.

Rursus ne dicas summam accipi pro breuissima: quia sequens personarum diuisio, *infra de tutel. in princ.* est æquè breuis. Præterea in §. 1. *infra de interdict.* summa interdictorum diuisio dicitur, quæ est tripertita, cùm poitea in §. *sequent.* subiiciatur alia diuisio æquè tripartita, & in §. *pen.* alia diuisio breuior, nempe bipertita.

§. 1.

Secundò in §. 1. definit libertatem, ex qua liberi vocantur, id est quæ in iis inest, qui iure gentium liberi sunt. nam iure naturali etiam seruis libertas tribuitur. ff. *de condiit. indeb. l. si q. ad domin. s. 64.* sed non propterea vocantur liberi, quia ius gentium praualeat, quod eos vocat seruos. Denique libertas in omnibus est à natura, seu iure naturali, idcirco etiam brutis animantibus tribuitur *infra de rer. diuis. §. fera* seruitus in quibusdam inest vel iure gentium, vel iure ciuili. Itaque liberi. Liberi iure gentium dicuntur, qui naturali facultate præditi sunt faciendi quodlibet, nisi vis, aut iuris prohibitio repugnet, id est, quorum libertatem nec ius gentium, nec ius ciuile imminuit, quamquam non solum vis, aut ius, sed etiam natura potest esse impedimento, quominus homo liber faciat quod velit. Exempli causa, qui detinetur in carcere, non potest ire in forum: & nemo potest vel homicidium committere, vel in cælum ascendere, sed hæc non efficiunt liberationem: serui verò non solum vi, aut iure, aut natura, sed etiam metu domini impediuntur quominus pro libitu aliquid faciant.

§. 2.

Tertiò generaliter de seruis & seruitute tria docet. Primum est, quid sit seruitus; definitur autem, constitutio iurisdictionis, qua quis dominio alieno contra naturam subijcitur

etur. §. *servitus*. Constitutionem accipe pro eo quod est cōstitutum, ut pactio passim accipitur pro pacto. Contra naturam autem, id est, contra naturalem libertatem recepta est servitus maioris mali vitandi causa, id est, ne capti ab hostibus interficerentur: quia minus malum habet rationem boni, ut exposui ad §. *sed ius quidem*, *supr. cit. prox.*

§. 3.

Secundum est, servorum & Mancipiorum etymologia. Servi dicuntur à servando non à serviendo. nam & mercenarii serviunt, qui sunt homines liberi. Mancipia vocantur, quia in bello manu capiuntur ab hostibus. Adde ancillas secundum Festum appellari ab Anco Rege, qui multas fœminas in bello cepit.

Tertium est, quibus modis fit, ut aliqui sint servi. Quamvis §. 4
servitus iure gentium sit introducta, tamen ius civile quemadmodum constituendæ servitutis adiecit, nempe venditionem hominis liberi. Aut igitur servi nascuntur, aut fiunt. hi verò aut iure gentium, aut iure civili servi fiunt. Nascuntur ex ancillis secundum regulam illam iuris, *Partus sequitur ventrem*, C. de rei vend. l. *partum* 7. Iure gentium servi fiunt, qui in bello ab hostibus capiuntur. A latronibus autem, vel piratis capti libertatem retinent. ff. de captiv. l. *postliminium*. 19. §. *à piratis*. & l. *hostes* 24. Immo etiam in bellis civilibus capti, liberi manent. ff. eo. l. *si quis ingenuam*. 19. §. 1. Quocirca receptum est, ut capti in bellis, quæ inter Christianos Principes geruntur, non fiant capientium servi, propterea quòd omnes Christiani sunt quodammodo unius civitatis. id est, eiusdem Ecclesiæ ciues iure civili (id est, ex senatusconsultis. ff. *quibus ad libert. proclam. non lic.* l. 3) servi fiunt per venditionem. Sed plura requiruntur, ut aliquis hoc modo servus fiat. I. Ut is, qui venditur, sit maior viginti annis, nec opus est, ut sit maior viginti quinque ff. de minorib. l. *si ex causa* 9. §. *Papinianus*. II. Ut venditioni consentiat pretii participandi gratiâ. §. *penultim.* & ff. de stat. hom. l. 5. §. 1. III. Ut re ipsa pretii particeps fiat. d. l. *si ex causa*, §. *Papinianus*. & ff. *quibus ad libert. proclam. non lic.* l. 1. in princ. IV. Ut emptor bonam fidem habeat, id est, putet eum esse servum quem emit. ff. de liber. cau. l. 7. §. *si quis sciens*. l. immo 16. §. *tunc habet*. Hunc civilem servitutis constituendæ modum Leo abrogavit. *Nov. constit.* 59. Hæc dicta sint de his, qui per venditionem iure civili servi fiunt. Erat olim & alia causa, ex qua mulier iure civili (id est, ex senatusconsulto Claudiano) serva fiebat, nimirum quæ se alieno servo iun-

xerat.

xerat. Sed hoc senatusconsultum, & hunc modum redigendæ personæ liberæ in seruitutem, Iustinianus abrogavit. *infra de successione sublat. §. 1.* Præterea qui serui poenæ efficiuntur, & qui erga patronos suo ingrati, in pristinam seruitutem retrahuntur, & iure civili serui fiunt. *inf. de cap. de demin. §. 1. & C. de libert. & ecc. lib. l. 1. & 2.* Sed poenæ seruitutem in iis, qui non ad mortem damnantur. Iustinianus sustulit. *Nov. 22. cap. 8.*

§. ult.

Quartò ostendit conditionem, id est, statum seruilem esse indiuiduum, quia omnes serui sunt æquè serui conditione autem sumpta pro personæ qualitate multæ & variæ sunt: conditiones seruorum; quoniam alij vlioribus, alij honestioribus ministeriis sunt addicti. *ff. de usufr. l. sed si quid 15.* liberorum autem hominum statum esse diuiduum; quoniam alij sunt ingenui, alij libertini inter quos sunt multæ differentiæ, ad id vt manifestum sit ingenuos esse magis liberos, quàm libertinos, vnde liberorum appellatione interdum significantur soli ingenui. *infra tit. prox. in princ. vers. & cum vno & ff. de inst. iur. l. in fin.* Sed nouissimo iure omnes homines liberi, sunt ingenui salvo tamen manumissoribus in manumissos iure patronatus. *Nov. 78.*

A X I O M A T A.

- 1 Homini libero quodlibet facere licet, nisi vi, aut iure prohibeatur. §. 1.
- 2 Seruitus est naturæ contraria. §. 2. coniun. §. sed ius quidem vers. ius autem gentium, *suprà tit. prox.*
- 3 Satius est captium vendere, quàm occidere. §. 3.
- 4 Omnes serui sunt æquè serui. §. ult.
- 5 Liberorum hominum alij magis, alij minùs liberi sunt. d. §. ult.

De ingenuis.

T I T. IV.

Ingenuus est is, qui statim, vt natus est, liber est: hinc ex duobus ingenuis matrimonio editus est, si-
ue

ne ex libertinis duobus, siue ex altero libertino, & altero ingenuo. Sed & si quis ex matre nascitur libera, patre vero seruo, ingenuus nihilominus nascitur, quemadmodum qui ex matre libera & incerto patre natus est, quoniam vulgo conceptus est. Sufficit autem liberam fuisse matrem eo tempore, quo nascitur, licet ancilla conceperit. E è contrario, si libera conceperit, deinde an illa facta pariat, placuit eum, qui nascitur, liberum nasci: quia non debet calamitas matris ei nocere, qui in ventre est. Ex his illud quæsitum est: Si ancilla prægnans manumissa sit, deinde ancilla postea facta peperit: liberum, an seruum pariat; Et Martianus probat liberum nasci. sufficit enim ei, qui in vtero est, liberam matrem vel medio tempore habuisse, [vt liber nascatur.] quod & verum est.

¶ Cum autem ingenuus aliquis natus sit, non officit ei in seruitute fuisse, & postea manumissum esse: sæpissime enim constitutum est, natalibus non officere manumissionem.

Cùm dictum sit de seruis, consequenter dicendum est de hominibus liberis, id est, de ingenuis & libertinis.

Primò Ingenuum definit, eum qui nascitur liber, id est, qui nascitur ex matre libera, propter dictam regulam, *Partus ventrem sequitur*. Matrem liberam fuisse sufficit, vel dum conciperet, vel minimo aliquo momento dum gestaret in vtero, vel dum pareret. Nihil autem refert. vtrum sit ingenua, an libertina: nec vtrum pater sit, liber, an seruus. Ergo hoc iure ingenuus nascitur, libertinus fit: sed ex Nou. 78. ingenuus vel nascitur, vel fit: si quidem qui hoc iure sunt libertini, ex ea Nou. sunt ingenui. Is verò, quem Princeps natalibus restituit, non fit reuera ingenuus, sed in toto iure habetur pro ingenuo. ff. de natal. restit. l. 1. l. 3. & l. v. t. §. 1.

Secundò ostendit facti seruitutē & manumissionē natalibus, id est,

id est, ingenuitati (quia ingenui nascuntur, libertini fiunt) non nocere. neque enim liberrimus fit, qui ex opinata, sed qui ex vera & iusta servitute est manumissus, *infra tit. prox. in princ.* Duplex igitur est servitus: altera iuris secundum quam verè sunt, & dicuntur servi; altera facti, secundum quam non dicuntur servi, sed esse in servitute, quia bona fide serviunt, & falsò habentur pro servis, cum re vera liberi sint similiter duplex est manumissio: altera iuris, altera facti: quia qualis est servitus, talis est manumissio ex servitute.

A X I O M A T A.

- 1 Partus sequitur ventrem, *in princ.*
 - 2 Calamitas matris non debet ei nocere, qui in utero est *ibidem.*
 - 3 Manumissio non officit ingenuitati. §. 1.
-

De libertinis.

T I T. V.

Libertini sunt, qui ex iusta servitute manumissi sunt. manumissio autem est de manudatio. nam quamdiu aliquis in servitute est, manui & potestati suppositus est: & manumissus liberatur potestate. Quæ res à iure gentium originem sumpsit: utpote cum iure naturali omnes liberi nascerentur, nec esset nota manumissio, cum servitus esset incognita. Sed postquam iure gentium servitus inuasit, sequutum est beneficium manumissionis, & cum vno communi nomine omnes homines appellarentur, iure gentium tria [hominum] genera esse cœperunt: liberi, & his contrarium servi, & tertium genus libertini, qui deficerant esse servi.

- 1 § Multis autem modis manumissio procedit
aut

aut enim ex sacris constitutionibus in sacrosanctis Ecclesiis, aut vindicta, aut inter amicos, aut per epistolam, aut per testamentum, aut per aliam quamlibet ultimam voluntatem. Sed & aliis multis modis libertas seruo comperere potest, qui tam ex veteribus, quam ex nostris constitutionibus introducti sunt.

2 § Servi [vero] à dominis semper manumitti solent: adeo, ut vel in transitu manumittantur: veluti cum prætor, aut præles, aut proconsul in balneum, vel in theatrum eant.

3 § Libertinorum autem status tripertitus antea fuerat. Nam qui manumittebantur, modo maiorem & iustam libertatem consequiebantur, & fiebant ciues Romani: modo minorem, & Latini ex lege Iunia Norbana fiebant: modo inferiorem, & fiebant ex lege Ælia Sentia dedititij. Sed quoniam dedititiorum quidem pessima conditio iam ex multis temporibus in desuetudinem abiierat, Latinorum vero nomen non frequentabatur: ideoque nostra pietas omnia augere, & in meliorem statum reducere desiderans, duabus constitutionibus hoc emendauit, & in pristinum statum reduxit: quia & à primis vrbis Romæ: cunabulis una atque simplex libertas competebat: id est, eadem, quam habebat manumissor nisi quod scilicet libertinus sit, qui manumittitur, licet manumissor ingenuus sit. Et dedititios quidem per constitutionem nostram expulimus, quam promulgauimus inter nostras decisiones: per quas, suggerente nobis Triboniano viro excelso quaestore [nostro,] antiqui iuris altercationes placuimus. Latinos autem Iunianos, & omnem quæ circa eos fuerat obseruantiam, alia constitutione

tione per eiusdem quaestoris suggestionem correximus, quæ inter Imperiales radiat functiones. Et omnes libertos, nullo nec ætatis manumissi, nec domini manumittentis, nec in manumissionis modo discrimine habito (sicut iam antea observabatur) ciuitate Romana decorauimus: multis modis additis, per quos possit libertas seruis cum ciuitate Roma, quæ sola est in præsentī, præstari.

Princ. Primò libertinum definit, eum qui ex iusta seruitute manumissus est, in *princ* nam manumissus ex seruitute facti, non est libertinus, sed ingenuus. *suprà tit. prox. in fin.* Olim quidem manumissus à domino, vocabatur libertus, & manumissi filius appellabatur libertinus Suet. in *Claudio. cap. 24.* sed postea cœperunt iidem dici liberti, & libertini, ut passim in libris iuris: aded ut libertus, & libertinus, re idem sint τὸ λόγῳ differant: quia verbum *libertinus* significat statum, hominis, verbum autem *libertus* relationem ad patronum, ff. si *ingen. esse dicetur. l. ult.* Valla lib. 4. *elegantiarum, cap. 1.* Quocirca hic titulus rectè inscribitur. *de libertinis.* Vbi autem de iure patroni agitur, nominantur liberti, ut *infra tit. de success. libert. & tit. de assignandis libertis, & quamplurimis aliis locis.* Interdum tamen libertus accipitur pro libertino, ut in *l. 4. in fi. ff. de iust. & iure.* & apud Vlp. *tit. de libertis,* & apud Seruium in 8. *Æneidos,* ubi ait Feroniam esse liberorum Deam. Libertinus igitur hoc loco dicitur, qui è seruo factus est liber. Quod ferè per manumissionem accidit: quamquam interdum contingit, ut sine manumissione aliqui ad libertatem perducantur. ff. *qui sine manumissione ad libertatem perueniunt.*

Secundò in vers. *manumissio*, docet quid sit manumissio, & ait manumissionem esse dationem libertatis.

Tertiò in vers. *quæ res*, declarat manumissionis & libertinitatis originem, ostendens hæc esse introducta iure gentium, aded, ut cum iure naturali omnes æquè vocarentur homines, iure gentium distincta sint tria genera, nempe liberi (id est, ingenui,) & serui, & libertini. Nota primò, nomen *homines* esse naturale, quia rem naturalem significat. dicuntur enim nomina naturalia, quæ id significant, quod naturale

turale esset homo, filius cognatio: ciuilia verò, quæ id significant, quod est ciuile, vt adoptio, adgnatio, suus heres. *suprà de legis. adgnat. tut. §. ult. & ff. de cap. minu. l. 7. in prin & de grandib. l. ult. §. inter. & de sui & legit. l. apici.*, 11. Nota Secundò liberos *et filios*, hic accipi pro ingenuis, vt & in *l. 4. in ff. de iustit. & iur.* quia ingenui sunt maxime liberi id est, magis liberi, quàm libertini

Quartò in §. 1. & 2. tractat de seruis manumittendis, ac docet, quibus modis manumittuntur, & vbi, & quando. De modis manumittendis nota in summa, libertatem seruis aut imponi inter viuos, vt vindicta, aut relinqui in vltima voluntate. *C. de commun. ser. manu. l. 1. §. penult.* Vindicta erat virgula, seu festuca, quæ imponebatur capiti serui manumittendi. Vnde Persius satyr. 5.

Vind etiam postquam meus à pratore recessi.

Alij vindictam ex eo dictam putant, quòd seruus in naturalem libertatem vindicatur: alij à Vindicio, qui primus hoc modo manumissus fuit. *Liuius lib. 1. Plutarch. in Publicola, & in libro de sera numinis vindicta. Boër in Topi. Ciceronis.* In vltima autem voluntate libertas relinquitur aut iure directo, aut per fideicommissum. *C. de testam. manumiss. l. 4.* illa tantum in testamento, aut codicillis testamento confirmatis: hæc etiam in codicillis non confirmatis, & ab intestato relinqui potest *ff. de manumiss. testam. l. libertates 43.* De loco & tempore manumissionis, nota seruos non tantum apud prætorem pro tribunali sedentem, sed etiam alio quocumque loco & quocumque tempore atque adeò etiam diebus feriatis, & cum prætor transit, & cum in theatrum, vel balneum it, manumitti posse, propterea quòd manumissio non est iurisdictionis contentiosa, sed voluntaria.

Quintò in §. ult. de libertinorum generibus differit. Olim tria fuerunt libertinorum genera, cum alij essent ciues Romani, alij ex lege Iunia Norbana (quæ à M. Iunio Silano & L. Norbano Balbo consulibus lata est) Latini, alij ex lege Ælia Sentia (quæ à Sexto Ælio & G. Sentio consulibus lata est) Dedititiorum numero Theoph. hic. *Vlp. tit. de libertis. Caius lib. 1. Instit. tit. 1.* sed Iustinianus omnes libertinos ciuitate Romana donauit *d. §. ult. & infrà de success. libert. §. ult. & C. de dedititia libertate tollenda l. vnic. & de lat. Lat liber. toll. l. vnic.* Vbi modos, quibus olim manumissi fiebant ciues Romani, partim auxit, vim eis tribuens ducendi manumissos

ad ciuitatem Romanam, factis tamen quibusdam adiectionibus ut ipse ait *in §. ultim infra success. libert.* ut quia in manumissione per epistolam, aut inter amicos, quinque testes & subscriptiones requirit. *d. l. un. §. 1. & 21.* & nouissimè omnes iussit esse ingenuos, saluo tamen iure patronatus *Nou. 78.* qua constitutione effectum est, ut hodie ingenui non solum nascantur, sed etiam fiant.

A X I O M A T A.

- 1 Priuatio præsupponit habitum. *princ. vers. quæres.*
- 2 Quæ sunt voluntariæ iurisdictiones, quouis loco & tempore expediri possunt. *§. 2.*

*Qui, & ex quibus causis manumittere.
non possunt.*

T I T. VI.

Non tamen cuicumque volenti manumittere licet, nam is, qui in fraudem creditorum manumittit, nihil agit: quia lex *Ælia Sentia* impedit libertatem.

1 ¶ Licet autem domino, qui soluendo non est, [in testamento] seruum suum cum libertate heredem instituere, ut liber fiat, heresque ei solus & necessarius: si modo ei nemo alius ex eo testamento heres extiterit aut quia nemo heres scriptus sit, aut quia is, qui scriptus est, qualibet ex causa heres ei non extiterit. Idque eadem lege *Ælia Sentia* prouisum est & rectè Valde enim prospiciendum erat, ut egentes homines, quibus alius heres extiturus non esset, vel seruum suum necessarium herede

heredem haberent, qui satisfactus esset creditoribus: aut hoc eo non faciente, creditores res hereditarias serui nomine vendant, ne iniuria defunctus afficiatur.

2 § Idemque iuris est, etsi sine libertate servus heres institutus est. Quod nostra constitutio non solum in domino, qui solvendo non est, sed generaliter constituit, nova humanitatis ratione: ut ex ipsa scriptura institutionis etiam libertas ei competere videatur: quum non sit verisimile, eum, quem heredem sibi elegit, si prætermiserit libertatis dationem, servum remanere voluisse, & neminem sibi heredem fore.

3 § In fraudem autem creditorum manumittere videtur, qui vel iam eo tempore quo manumittit, solvendo non est: vel qui datis libertatibus, deficturus est solvendo esse. Prævaluisse tamen videtur (nisi animum quoque fraudandi manumissor habuerit) non impediri libertatem, quamvis bona [eius] creditoribus non sufficiant. sæpe enim de facultatibus suis amplius, quam in his est, sperant homines. Itaque tunc intelligimus impediri libertatem, cum utroque modo fraudantur creditores, id est, consilio manumittentis, & ipsa re, eo quod eius bona non sunt suffectura creditoribus.

4 § Eadem lege Alia Sentia domino minori viginti annis non aliter manumittere permittitur, quam si vindicta apud consilium, iuxta causam manumissionis approbata, fuerint manumissi.

5 § Iustæ autem manumissionis causæ hæc sunt: veluti, Si quis patrem, aut matrem, filium filiamve, aut fratres sororesve naturales, aut pædagogum, aut nutricem, aut educatorem, aut alumnum alum-

namue , aut collectaneum manumittat : aut seruum, procuratoris habendi gratia : aut ancillam matrimonij [habendi] causa : dum tamen intra sex menses in uxorem ducatur, nisi iusta causa impediat : & [seruus,] qui manumittitur procuratoris habendi gratia, non minor decem & septem annis manumittatur.

6 § Semel autem causa adprobata, siue vera sit, siue falsa, non retractetur.

7 § Cum ergo certus modus manumittendi minoribus viginti annis dominis per legem Æliam Sentiam constitutus esset, eueniebat, ut qui quatuordecim annos expleuerat, licet testamentum facere, & in eo sibi heredem instituere, legataque relinquere posset : tamen si adhuc minor esset viginti annis, libertatem seruo dare non posset. Quod non erat ferendum : nam cui totorum suorum bonorum in testamento dispositio data erat : quare non si niliter ei, quemadmodum alias res, ita de seruis suis in vltima voluntate disponere, quemadmodum voluerit, permittimus, ut & libertatem eis possit præstare ? Sed quum libertas inæstimabilis res sit, & propter hoc ante xx. ætatis annum antiquitas libertatem seruo dare prohibebat : ideo nos mediam quodammodo viam eligentes, non aliter minori viginti annis libertatem in testamento dare seruo suo concedimus, nisi decimum septimum annum impleuerit, & decimum-octauum attigerit. Quum enim antiquitas huiusmodi ætati, & pro aliis postulare concesserit : cur non etiam sui iudicij stabilitas ita eos adiuuare credatur, ut ad libertatem dandam seruis suis possint peruenire?

His

His quæ de manumissionibus superiori tit. dicta sunt addit duo capita legis Æliæ Sentia, temporibus Augusti latae Sexto Ælio, Caio Sentio Coss. anno ab V. C. 756. Dio l. 55.

Princ.

Pro prioris capituli interpretatione Imperator primò sententiam legis proponit, dictam manumissionem prohibentis, unde fit, ut in fraudem creditorum manumittens nihil agat: quia quod lege prohibente fit, valere non potest. *C. de legib. l. 7.*

ed ex proximo repetendum, in fraudem creditorum, nam ipso iure libertas competit, sed dicitur reuocari. *C. qui manumitt. non poss. l. 1. rescindi. ff. qui & à quib. l. 5. §. si Titius. interpe. l. 1. ff. eod. l. 7. retrahi. ff. eod. l. si qui. 24. non ab ipso manumisso- re, heque ab eius herede, sed à creditoribus, quibus non est satisfactum. *C. de seru. pign. dat. manum. l. 5.* Quare dum incertum est, an creditores suo iure uti, & libertates reuocare velint, libertates sunt in pendentibus, & vocantur statuliberi. *ff. qui, & à quib. manum. l. 1. §. 1.**

§. 1.

Secundò addit duas exceptiones. Prior exceptio est in §. 1. nisi is qui soluendo non est, (id est, qui solidum solvere non potest. *ff. de verb. sign. l. soluendo. 114.*) vnum ex seruis suis heredem instituat. *ff. de hered. instit. l. qui soluendo 42. & l. seq.* Nota primò rationem huius exceptionis, ut homo obaratus heredem habere possit, quem aliàs vix haberet) quis enim volens adeat hereditatem damnosam? Seruus autem à domino institutus, fit heres necessarius. §. 1. id est, siue velit, siue nolit, heres esse compellitur. *infra de hered. qualis. §. 1.* & ut iniuriam, id est, ignominiam & contumeliam vitet, in quam post mortem incideret, si nemine eius hereditatem aduente, eius bona à creditoribus (ut fieri solet) publicè sub hasta distraherentur. Hæc igitur ignominia à domino defuncto ad seruum heredem transfertur: quia nisi creditoribus hereditariis satisfaciat, bona ipsius heredis nomine à creditoribus distraherentur. Nec propterea heres conqueri debet: quoniam huius ignominia luculentum præmium habet, nempe libertatem, quæ est res inæstimabilis. *ff. de diu. reg. iur. l. libertas in pign. abilis. 106.* & præterea alia bona, post mortem domini acquisita, ei relinquuntur, nec à creditoribus hereditariis distraherentur. dummodò antequam se rebus hereditariis immisceat, bonorum separationem à prætore petat. *ff. de separat. bon. l. 1. §. 2. l. 1.* Nota secundò hæc obtinere, siue seruus sit heres institutus cum libertate. §. 1. siue omissa libertatis donatione, quia tacitè data censentur. §. idemque iuris, ut rectè Antilichino visum est. *infra de*

§. 2.

D 3

hered.

hered. instituen. vers. quod per irnovationem. cuius sententiam Iustinianus noua ratione sumpta æquitate confirmauit: quia cum dominus velit seruum fieri heredem, consequenter vult eum fieri liberum; quandoquidem hæres fieri non potest, quin liber fiat. *d. §. idémque iuris.* Nota tertio, hunc seruum ita demum fieri liberum & heredem, si nullus alius hæres ex eo testamento existat: quia cum fauor successionis (id est, vt obæratum possit habere heredem) hanc exceptionem suaserit; certè si alius successor reperiatur non est opus vt hic admittatur, cui testator in fraudem creditorum libertatem dedit. Oportet igitur hunc necessarium heredem solum heredem fieri. Quod adeò verum est, vt ne quidem duos necessarios heredes testator in fraudem creditorum facere possit. ideòque si duos heredes simul instituerit, putà duos Appollonios, neuter liber heresve fiet; nisi altero ante testatorem mortuò, vnus sit superstes: quo casu solus liber & hæres fit. *ff. de hered. instit. l. qui soluendo non erat, duos 42. & l. seq.* Si verò alterum primo, alterum secundo loco heredem scripserit, ille solus liber & hæres fiet, qui primo loco institutus est. *ff. eod. l. qui soluendo non erat, seruum. 60.* nisi hoc in seruitutem retractio creditoribus satisfiat, quibus non satisfiet si hic fiat liber, & secundo loco institutus retineatur in seruitute. *ff. qui & à quibus manum. l. si quis habet: 4.*

§. 3. Posterior exceptio est, nisi vel re tantum, vel consilio tantum fraudentur creditores. vt enim libertas impediatur, opus est vt tam consilio manumittentis, quàm re ipsa fraudentur. *§. in fraudem.* Hinc nota fraudem duplicem esse, alteram in mente, alteram in re. in mente est dolus, in re est damnum. *ff. de pactis l. 2. §. sed si fraudis dandi.*

§. 4. Posteriori capite prohibetur minor 20. annis aliter manumittere, quàm vindicta post causam manumissionis in consilio probatam. De vindicta dixi *suprà tit. prox. §. 1.* Consilium (vt Theophilus definit) erat certorum virorum confessus, statis anni diebus coeuntium. Romæ prætor consilio præerat eique assidebant quinque Senatores, & quinque equites. In prouinciis autem Præfidi assidebant 20. ciues Romani, qui vocabantur Recuperatores Theoph. *hic. Vlp. tit. de libert. §. eadem lex.* Primò Imperator sententiam huius capitis proponit, in §. eadem.

§. 5. Secundò exponit, quæ sint iustæ causæ manumittendi, in §. iustæ.

§. *inst. a.* Vbi inter iustas causas enumerat, si quis velit servum manumittere procuratoris habendi gratia. intellige procuratorem ad iudicia non ad negotia extra iudicialia quia servus potest negotia extra iudicium gerere, sed non habet legitimam personam standi in iudicio. Cum igitur dicatur opus esse ut is, qui manumittitur non sit minor septemdecim annis, id est, ut septemdecim annos in totum compleverit, sic enim non minor septemdecim annis accipitur etiam in §. *initium. ff. de postulan.* unde non malè Theophilus interpretatur, accipiens pro maiore septemdecim annis: quoniam & in *l. si collactaneus. 13. ff. de manumiss. vin.* dicitur debere esse non minor octodecim annis: adeò ut debeat esse non minor septemdecim completis, siue octodecim inchoatis cum inquam oporteat manumissum, ut procurator in iudicio esse possit septimumdecimum annum complevisse, & octavumdecimum attigisse, perspicuum est, hac ætate procuratores iure civili admitti, qua ætate etiam postulare quis, & de iure respondere potest, *d. l. 1. §. initium.* Iure tamen canonico minor viginti quinque annis non potest esse procurator in iudicio. *ex de procuratoribus, cap. 5. §. ult.*

Tertiò docet causam qualemcumque semel probatam non retractari §. *semel.* quod favore libertatis receptum est quæ ratione etiam restitutio contra libertatem quæ semel competiit, denegatur *ff. de minor. l. si ex causa 9. §. ult. & C. si advers. liber. tot. tit.* §. 6.

Quartò huic capiti derogat, constituens ut maior septemdecim annis possit in testamento manumittere §. *...* Cum ex una parte puberi, id est, maiori quatuordecim annis, qui in testamento de omnibus rebus suis disponere potest multo magis concedendū videatur, ut libertatē servis suis in eodem testamento dare possit: ex altera verò parte libertas, quæ est res inæstimabilis, non videatur temere permittenda ne liberorum hominum ordo multis à servitute passim in eum confluentibus inquinetur: idcirco Imperator mediam quodammodo viam eligens, ætatem, quæ est à decimoquarto usque ad vigesimum annum completum, ita partitur, ut tres priores annos leg. Æliæ Sentia subiciat: sequentibus vero annis liberè in testamento manumittere permittat. Quid si foeminā manumittere velit, quæ biennio citius quàm maculus, id est, duodecimum annum excedens pubescit. Præcis tribuitur hæc sententia, ut putent eam post decimum quintū annum

annum in testamento manumittere posse. Ego dissentio : quia Iustinianus præcisè loquitur de anno 17. nec omnino affirmat se mediam viam eligere, ut dicere debeamus tam masculum, quam foeminam post triennium à pubertate elapsam, posse manumittere : sed adhibet particulam *quodammodo*, indicans se non omnino sumere ætatem mediam inter pubertatem & viginti annos, sed quasi mediam : quia non est æquè media in foeminis, ut in masculis. Nouissimè autem puberi, id est, masculo maiori 14. annis & foeminæ, quæ duodecimum ætatis suæ annum excessit, liberè in testamento manumittere permittit. *Nov. 119. cap. 2.*

A X I O M A T A.

- 1 Quod lege prohibente fit, non valet. *in princ. conium. §. pen. infr. de nupt. & l. 5. C. de legi.*
- 2 Favorabile est habere heredem. §. 1.
- 3 Ignominiosum est pati bonorum distractionem. d. §. 1.
- 4 Qui vult consequens, vult etiam antecedens. §. 2. conium. §. 1. infr. qui testam. tut. da. poss.
- 5 Sæpè homines putant se plus habere in bonis, quàm re vera habeant. §. 3.
- 6 Aduersus libertatem non datur restitutio. §. pen. conium. §. si is qui. infr. de eo, cui libert. cau. & l. si ex causa 9. §. ult. ff. de minor. & tot. tit. C. si aduers. libert.
- 7 Cui conceditur quod est plus, id quoque concedi debet, quod est minus. §. ult. conium. l. non debet cui 2. ff. de diuor. reg. iur. Similis est regula, Cui plus conceditur, etiam minus concessum censetur. *infr. de seru. vers. itaque.*
- 8 Libertas est res inæstimabilis. d. §. ult. conium. l. non est singulis 176. §. 1. ff. de diu. & g. iur.
- 9 In dubio media via est eligenda. *eo. §. ult.*

De lege Fusia Caninia tollenda.

T I T. VII.

Lege Fusia Caninia certus modus constitutus erat in seruis testamento manumittendis :
quam.

quam, quasi libertates impediens, & quodammodo inuidam, tollendam esse censuimus: quum satis fuerat inhumanum, viuos quidem licentiam habere totam suam familiam libertate donare, nisi alia causa impediat libertatem: morientibus autem huiusmodi licentiam adimere.

Hæc quoque lex Augusti temporibus est lata, l. Furio Camillo, Caio Caninio Gallo Coss. anno ab Vrbe condita 712. Furium, an Fusum, Furiam, an Fusiam, dicas, nihil interest. veteres enim dixere Fusios, recentiores verò eosdem Furios appellauerunt. Pomponius in l. 2. §. post hunc Appian, ff. de orig. iur. ait Appium Claudium literam R. inuenisse, ut pro Valesiis Valerij essent, & pro Fusij. Putij Liu. lib. 3. Furios Fusios scripsere quidam, id admoneo, ne quis immutationem virorum ipsorum esse, quæ nomen est, putet. Quint. lib. 1. cap. 4. ut Valesij, & Fusij in Valerios Fusiosque veniunt, ita arbor, labos, vapores etiam & clamor, ac bases aratris fuerunt. Iam verò hæc lex Fusia, siue Furia Caninia ideo lata est, ut nimiam testatorum in manumittendo facilitatem coerceret, quasi nimia libertinorum multitudine ciuitas inquinaretur. statuit ergo certum modum id est certum numerum seruorum testamento manumittendorum, ita ut testatori non liceret, plures in suo testamento manumittere. Hunc numerum declarant Vlpian. tit. de libert. §. penultim. Caius lib. 1. Institut. tit. 2. Paul. lib. 4. sentent. tit. ultim. §. ult. sed Iustinianus hanc legem libertati & ultimæ voluntati fauens, abrogauit. Duplici igitur argumento legem reprehendit. I. Quia libertati hominum inuidebat, quæ nihil est fauorabilius. infra de donat. §. ultim. & de legat. §. ante heredis. II. Quia vetabat in ultima voluntate fieri, quod inter viuos permittebatur: cum ultima voluntas sit fauorabilior, quàm actus inter viuos. C. de sacrosanct. eccles. 1. Obserua, in contextu viuis opponi morientes: & viuos quidem appellari eos, qui aliquid agunt inter viuos morientes verò vocari eos, qui testantur: propterea quod plerumque morte imminente homines testamentum facere solent. Cæterum etiam hi qui moriuntur, dum moriuntur viui sunt. ff. de manumiss. de testament. l. qui duos 18. §. 1. Gellius. lib. 6. c. 13.

A X I O M A T A.

Quod inter viuos fieri permittitur, multò magis permittendum est in vltima voluntate.

De his, qui sui, vel alieni iuris sunt.

T I T. VIII.

S Equitur du iure personarum alia diuisio. Nam quædam personæ sui iuris sunt, quædam alieno iuri subiectæ. Rursus earum, quæ alieno iuri subiectæ sunt, aliæ sunt in potestate parentum, aliæ in potestate dominorum. Videamus itaque de his, quæ alieno iuri subiectæ sunt. nam si cognouerimus, quæ istæ personæ sunt: simul intelligemus quæ sui iuris sunt ac prius inspiciamus de his, quæ in potestate dominorum sunt.

1 ¶ In potestate itaque dominorum sunt serui. quæ quidem potestas, iuris gentium est. nam apud omnes peræquè gentes animaduvertere possumus, dominis in seruos vitæ, necisque potestatem fuisse: & quodcumque per seruum, acquiritur, id domino adquiri.

2 ¶ Sed hoc tempore nullis hominibus, qui sub imperio nostro sunt, licet sine causa legibus cognita, in seruos suos [supra modum] seruire. Nam ex constitutione diui Antonini, qui sine causa seruum suum occiderit, non minus puniri iubetur, quam si alienum seruum occiderit. Sed & maior asperitas dominorum, eiusdem principis constitutione coercetur. nam [Antoninus] consultus à quibusdam

busdam praesidibus provinciarum de his servis, qui ad aedem sacram, vel ad statuam principum confugiunt, praecipit, ut si intolerabilis videatur saevitia dominorum, cogantur servos suos bonis conditionibus vendere, ut pretium dominis daretur. & recte. expedit enim Reipublicae: ne sua re quis male utatur. Cuius rescripti ad Aelium Martianum emissi verba sunt haec: Dominorum quidem potestatem in servos suos illibatam esse oportet, nec cuiquam hominum ius suum detrahi. sed dominorum interest, ne auxilium contra saevitiam vel famem, vel intolerabilem iniuriam denegetur iis, qui iuste deprecantur. Ideoque cognosce de querelis eorum, qui ex familia Iulij Sabini ad statuam confugerunt. & si vel durius habitos quam aequum est, vel infami iniuria adfectos esse cognoveris: venire iube, ita ut in potestatem domini non revertantur. Quod si meae constitutioni fraudem fecerit, sciat me hoc admissum seuerius executurum.

Exposita est personarum divisio à iure gentium sumpta, sequitur altera, quae ad ius civile refertur.

Primò Imp. hanc divisionem affert, quod alij sunt sui iuris, alij sunt alieno iuri subiecti. & hos subdividit: quia sunt vel in potestate dominorum, vel in potestate parentum. Sui iuris sunt patresfam. in potestate dominorum sunt servi: in potestate parentum sunt filii fam. §. 1. *et tit. sequent. in princip. & ff. hoc tit. l. 1. §. 1. l. 1. §. 4.* Hanc divisionem refero ad ius civile quia patres & filij familiarum sunt ciues Romani. *ff. de stat. hom. l. 4.* & patris potestas est iuris civilis, *infra tit. prox. §. pen.* servitus autem, quae supra considerata fuit secundum ius gentium, hic spectatur, quatenus iure civili restricta & limitata est. *infra tit. prox. §. ult.*

Secundò agit de potestate dominorum: & in §. 1. docet, quanta sit haec potestas iure gentium, quò rectius & facilius

Prima

§. 1.

civilem

ciuilem eius deinceps limitationem ac definitionem exponat. Iure gentium duæ sunt partes potestatis dominicæ. Vna est, quod dominus seruum plenissimè coercere, & castigare, atque adedè etiam occidere potest. Altera est, quod quicquid seruus acquirit, domino acquirit. Vtramque partem ius ciuile limitauit & coarctauit.

§. vii.

Priorem limitationem Iustin. declarat in §. ult. quia si dominus seruum suum sine causa occiderit, æquè punitur, ex constitutione Antonini, quæ non extat ac si alienum seruum occidisset, & si durius, quàm vt ferri possit, eum tractauerit, bonis conditionibus eum ex alia eiusdem Antonini constitutione vendere cogitur. Atqui nemo cogitur emere, aut vendere. ff. *Arer. amot. l. non enim 9. & de contrah. empt. l. inuitum. 11. & de iure delib. l. nec emere, 16.* Fateor hoc esse regulariter verum: sed varios casus excipi in tractatu de emptione, cap. 11. inter quos hic, de quo nunc loquimur, est referendus. Porro conditio hîc, vt multis aliis locis, significat pactum, seu legem contractus. Dicuntur autem serui & vendi bonis conditionibus: quia tam domino vendenti, quàm seruis venditis vtiles sunt. Domino vtiles sunt: quia non cogitur, nisi iusto pretio vendere; propterea quod reip. interest neminem re sua malè vti, adedè vt nec seruum suum quis durius tractare debeat, nec donare, aut vili pretio vendere cogatur. Serui vtiles sunt: quia pacta contra eius commodum fieri non debent, veluti, vt ab emptore vapulet ac malè tractetur, vel vt venditori reddatur. Quod si dominus in iuris fraudem clam eiusmodi pacta adiecerit, grauius extra ordinem punitur. Posterior limitatio est: quia seruus non semper domino acquirit, sed interdum fructuario, interdum bonæ fidei possessori, *infra per quas pers. nob. acq. §. de iis autem, & per quas person. nobis obl. acquir. §. 1. & 2.*

Hæc de dominorum potestate dicta sint: consequenter de parentum potestate dicendum.

AXIOMATA.

- 1 Contrariorum eadem est scientia in princ. coniu. princ. *tit. infra de iur. el.*
- 2 Cognito vno contrariorum, cognoscitur & alterum. *ibid. coniu. d. princ. infra de iur. el.*
- 3 Potestas dominorum in seruos est iuris gentium. §. 1. sed limitata

limitata à iure civili. §. penult. & ultim.

4 Iure gentium domini in seruos habent ius vitæ & necis,
d. §. 1.

5 Quicquid seruis acquirit, domino acquirit. d. §. 1.

6 Nemini licet seruum suum occidere, aut durius tractare,
quàm par sit. §. penult.

7 Nimia asperitas est coercenda. d. §. pen. & §. ult.

8 Interdum aliquis cogitur rem suam vendere. d. §. ult.

9 Expedit reipublicæ, ne quis re sua malè vtatur. d. §. ult.

10 Nemini ius suum detrahi debet. d. §. ultim.

De patria potestate.

TIT. IX.

IN potestate nostra sunt liberi nostri, quos ex iustis nuptiis procreauimus.

1 ¶ Nuptiæ autem, siue matrimonium, est viri & mulieris coniunctio, indiuiduam vitæ consuetudinem continens.

2 ¶ Ius autem potestatis, quod in liberos habemus, proprium est ciuium Romanorum. nulli enim alij sunt homines, qui talem in liberos habeant potestatem, qualem nos habemus.

3 ¶ Qui igitur ex te & vxore tua nascitur, in tua potestate est. Item qui ex filio tuo & vxore eius nascitur, id est, nepos tuus & neptis, æque in tua sunt potestate, & pronepos, & proneptis & deinceps cæteri. Qui autem ex filia tua nascuntur, in potestate tua non sunt, sed in patris eorum.

In parentis potestate liberi sunt vel quia nati sunt in eius potestate, vel quia ex post facto in eius potestatem transierunt. de his dicetur tit. seq. §. ult. & tit. de a. opt.

Ad illos quod attinet, vt in potestate in parentum liberi nascantur,

nascantur, Imperator requirit, I. Ut liberi sint procreati ex iustis nuptiis, non ex concubinato, vel illegitima coniunctione, in *crim.*

Vnde nuptiarum definitionem adiungit. Nuptiæ, seu matrimonium (nam hæc pro eodem accipiuntur) est viri & mulieris coniunctio, individuum vitæ consuetudinem continens.

§. 1. Intellige animorum, non corporum coniunctionem: quia nuptias consensus facit, non concubitus. ff. de don. inter. vir. & uxor. l. cum hic status 32. §. si mulier. & de cond. & demonst. l. cui iurit. 15. 1^a de diuer. regul. iur. l. nuptias 30. Consensus, inquam, nuptias facit, qui in præsens tempus confertur: nam in futurum collatus non facit nuptias, seu matrimonium, sed sponsalia, ff. de sponsalib. l. 1. Quod diximus matrimonium continere vitæ consuetudinem individuum, iure ciu. omnimodò verum est: iure autem canon. non obtinet, nisi quoad intentionem contrahentium, matrimonium. sicut enim dotis causa dicitur esse perpetua, quia datur hac mente, ut perpetuò apud accipientem maneat. ff. de iur. dot. l. 1. ita etiam matrimonialis vitæ consuetudo dici potest individua. 27. 12. in princ. & 29. 9. 1. in princ. & ext. de præsumpt. c. illud. 11. quia matrimonium hac mente contrahitur, ut coniuges simul vitam traducant, licet ex postfacto contingere possit, ut fiat thori separatio. ext. de diuort. c. 2. Nota igitur discrimen inter ius ciuile, & ius canonicum. nam iure ciuili matrimonium est diuiduum, quia non solum morte, sed etiam diuortio dirimitur: vitæ autem matrimonialis consuetudo est individua; quia non admittitur thori separatio stante matrimonio. contra iure canonico matrimonium est omnino indiuiduum, quia non admittitur verum diuortium, quod dissoluat matrimonium: sed vitæ consuetudo diuidua est, quia ex iusta causa datur thori separatio matrimonio manente. ext. de diuort. c. 2. Alia nuptiarum, seu matrimonij definitio traditur à Modestino in l. 1. ff. de ritu nup. videlicet Nuptiæ sunt coniunctio maris & feminae, & consortiua omnis vitæ diuini & humani iuris communicatio.

§. 2. II. Ut parentes sint ciues Romani. §. ita autem. quamquam hoc poterat sub primo requisito contineri: quia soli ciues Romani iustas nuptias contrahunt. infra tit. prox. in princ. Sed hoc specialiter est adiectum, ut intelligeremus patriam potestatem esse iuris ciuilis. Quamuis enim patria potestas simpliciter considerata, sit iuris gentium. ff. de iust. & iur. l. 1. 2. ta-

men hæc, quam ciues Romani habent, est iuris ciuilis. Sic (vt exemplo rem illustrem) à natura habemus, vt sermone utamur: sed ex hominum instituto (quod Græci dicunt *νόμος*) est, vt Græcè, aut Latine, aut Gallicè loquamur. Porro ciuilis parentum potestas olim, quàm nunc, plenior & maior fuit. nam parentibus licebat liberos occidere. Sed hæc potestas est parentibus adempta, vt patria potestas potius in pietate, quàm in atrocitate consistat. ff. de liber. & posthum. l. in suis 1. & ff. ad leg. Pompe. de parricid. l. 5. & C. de patr. potest. l. vltim. Item olim quicquid filius acquirerebat, patri acquirerebat: sed Imperatores exceperunt peculium castrense, & quasi castrense, & proprietatem peculij aduentitij. infra per quæ personas nobis acq. §. 1.

III. Vt parentes sint masculi, & per lineam masculinam ascendentes. §. vltim. quia nec mater, nec auia, vel proauia, nec auus, aut proauus materni liberos in potestate habent, sed pater, aut auus, siue proauus paternus. Eadem distinctione utimur in vltioribus parentibus, vt abauo, atauo, &c. Si quæras, vnde dignoscatur, num in potestate patris, an aui aut proauj, vel vltioris parentis liberi sint: respondebo tempus conceptionis spectandum esse. in cuius enim potestate concipiuntur, in eiusdem potestate nascuntur. Quare cum nepos concipitur, si pater est in potestate aui, licet postea ab aui emancipetur, tamen nepos in aui potestate nascitur: sin autem eo tempore, quo nepos concipitur, pater sui iuris sit, in ipsius patris potestate nepos nascetur. infra quibus modis ius potestatis. sequit. §. pensult. quod tamen cum hac exceptione debet accipi, nisi pater interim in alterius, puta arrogatoris, potestatem transferit: quia liberi patrem arrogatum sequuntur, & potestati arrogantis quasi nepotes subiciuntur. infra de arrogat. illud, & ff. eod. l. 2. §. 1.

A X I O M A T A.

- 1 Coniugalit vitæ consuetudo est indiu:dua §. 1.
- 2 Patria potestas est iuris ciuilis, & ciuium Romanorum propria. §. 2.
- 3 Quod ad patriam potestatem, liberi patrem, non matrem sequuntur. §. vlt.

De nuptiis.

TIT. X.

I Vitas autem nuptias inter ciues Romani contrahunt, qui secundum præcepta legum coeunt, masculi quidem puberes, feminae autem viri potentes, siue patres familiarum sint, siue filii familiarum: dum tamen, si filii familiarum sint, consensum habeant parentum, quorum in potestate sunt. Nam hoc fieri debere, & civilis & naturalis ratio suadet, in tantum, ut iussus parentis præcedere debeat. Vnde quaesitum est, an furiosi filia nubere, aut furiosi filius uxorem ducere possit: cumque super filio variabatur, nostra processit decisio, qua permissum est ad exemplum filiae furiosi, filium quoque [furiosi] posse & sine patris interuentu matrimonium sibi copulare, secundum datum ex nostra constitutione modum.

I ¶ Ergo non omnes nobis uxores ducere licet. nam à quarundam nuptiis abstinendum est. inter eas enim personas, quæ parentum liberorumve locum inter se obtinent, contrahi nuptiae non possunt, veluti inter patrem & filiam, vel auum & neptem, vel matrem & filium, vel auiam & nepotem, & usque in infinitum. Et si tales personae inter se coierint, nefarias atque incestas nuptias contraxisse dicuntur. Et hæc adeo vera sunt, ut quamuis per adoptionem parentum liberorumve loco sibi esse coeperint, non possunt inter se matrimonio iungi: in tantum, ut etiam dissoluta adoptione, idem iuris maneat. Itaque eam, quæ
tibi

tibi per adoptionem filia vel neptis esse cœperit non poteris vxorem ducere, quamuis eam emancipaueris.

2 § Inter eas quoque personas, quæ ex transuerso gradu cognationis iunguntur, est quædam similis observatio, sed non tanta. Sanè enim inter fratrem sororemque nuptiæ prohibitæ sunt, siue ab eodem patre eademque matre nati fuerint, siue ex altero eorum. Sed si qua per adoptionem soror tibi esse cœperit: quandiu quidem constat adoptio, sane inter te & eam nuptiæ consistere non possunt: cum vero per emancipationem adoptio sit dissoluta, poteris eam vxorem ducere. Sed & si tu emancipatus fueris, nihil est impedimento nuptiis. Et ideo constat, si quis generum adoptare velit, debere eum antea filiam suam emancipare, & si quis velit nurum adoptare, debere eum antea filium suum emancipare.

3 § Fratris vero, vel sororis filiam, vxorem ducere non licet: sed nec neptem fratris vel sororis quis ducere potest, quamuis quarto gradu sint, Cuius enim filiam vxorem ducere non licet, neque eius neptem permittitur. Eius vero mulieris, quam pater tuus adoptauit, filiam non videris impediri vxorem ducere: quia neque naturali, neque ciuili iure tibi coniungitur.

4 § Duorum autem fratrum vel sororum liberi, vel fratris & sororis, coniungi possunt.

5 § Item amitam, licet adoptiuam, ducere vxorem non licet, item nec materteram: quia parentum loco habentur. Qua ratione verum est, magnam quoque amitam, & materteram magnam prohiberi vxorem ducere.

6 ¶ Adfinitatis quoque veneratione, à quarundam nuptiis abstinere necesse est, ut ecce priuignam, aut nurum vxorem ducere non licet: quia utraque filiae loco sunt. Quod ita scilicet accipi debet, si fuit nurus, aut priuigna tua. Nam si adhuc nurus tua est, id est, si adhuc nupta est filio tuo, alia ratione vxorem eam ducere non poteris, quia eadem duobus nupta esse non potest. Item si adhuc priuigna tua est, id est si mater eius ibi nupta est, ideo eam vxorem ducere non poteris, quia duas vxores eodem tempore habere non potest.

7 ¶ Socrum quo & nouercam prohibitum est vxorem ducere: quia matris loco sunt. Quod & ipsum dissoluta demum adfinitate procedit, alioquin si adhuc nouerca est, id est, si adhuc patri tuo nupta est: communi iure impeditur tibi nubere, quia eadem duobus nupta esse non potest. Item si adhuc socrus est, id est, si adhuc filia eius tibi nupta est: ideo impediuntur tibi nuptiae, quia duas vxores habere non potes.

8 ¶ Mariti tamen filius ex alia vxore, & vxoris filia ex alio marito, vel contra, matrimonium recte contrahunt: licet habeant fratrem sororemve ex matrimonio postea contracto natos.

9 ¶ Si vxor tua post diuortium ex alio filiam procreauit: hæc non est quidem prouigna tua: sed Iulianus ab huiusmodi nuptiis abstinere debere ait. nam constat, nec sponsam filij nurum esse, nec patris sponsam nouercam esse: rectius tamen, & iure facturos eos, qui ab huiusmodi nuptiis abstinuerint.

10 ¶ Illud certum est, seruiles quoque cognationes

tiones impedimento nuptiis esse: si forte pater & filia, aut frater & soror manumissi fuerint.

11 § Sunt & aliæ personæ, quæ propter diuersas ratione nuptias contrahere prohibentur, quas in liberis Digestorum, seu Pandectarum, ex vetere iure collectarum, enumerari permisimus.

12 § Si aduersus ea, quæ diximus, aliqui coierint: nec vir, nec vxor, nec nuptiæ nec matrimonium, nec dos intelligitur. Itaque ij, qui ex eo coitu nascuntur, in potestate patris non sunt: sed tales sunt (quantum ad patriam potestatem pertinet) quales sunt ij, quos mater vulgo concepit. Nam nec hi patrem habere intelliguntur, cum & his pater incertus sit, vnde solent spurij appellari *ἐκ τῆς μητρός*, id est, à *fatone*, & ἀπάτρης, quali sine patre filij. Sequitur ergo, vt dissoluto tali coitu, nec dotis, nec donationis exactiōi locus sit. Qui autem prohibitas nuptias contrahunt, & alias pœnas patiuntur, quæ sacris constitutionibus continentur.

13 § Aliquando autem euenit, vt liberi, qui statim, vt nati sunt, in potestate parentum non sunt, postea redigantur in potestatem patris, qualis est is, qui dum naturalis fuerat, postea cuius datus, potestati patris subiicitur: nec non is, qui à muliere libera procreatus, cuius matrimonium minime legibus interdictum fuerat, sed ad quam pater consuetudinem habuerat, postea ex nostra constitutione dotalibus instrumentis competitis, in potestate patris efficitur. Quod & aliis liberis, qui ex eodem matrimonio postea fuerint procreati, similiter nostra constitutio præbuit.

Huius tit. duæ sunt partes, in priori, ex qua rubr. sumpta est agitur de nuptiis, ex quibus liberi in potestate parentis nascuntur in posteriori, quæ est in §. ult. tractatur de legitimatione, per quam liberi naturales, qui sunt sui iuris, in potestatem patris rediguntur. Ad priorem partem quod attinet, cum superiori titulo dictum sit, eos liberos esse in parentis potestate, qui sunt ex iustis nuptiis suscepti, cumque definitum sit quid sint nuptiæ; consequenter videndum est, quæ sint nuptiæ iustæ, & simul quæ sint iniustæ, quia contrariorum eadem est scientia. *suprà de his quæ sunt sui, vel alieni iuris, in princip. & infrà de tutel. in princ.* Qua de causa hic tit. in nonnullis exemplaribus inscribitur, *de iustis nuptiis.*

¶ *vis.*

Primò Imp. in princip. iustas nuptias definit, quas inter se iues Romani contrahunt, secundùm legum præcepta coeuntes. Præcepta legum hic tradita, referuntur ad duo genera. nam alia sunt absoluta de his qui nuptias contrahere possunt vel non possunt: alia in relatione spectantur, nempe quas vxores ducere liceat, vel non liceat. *infrà hoc titulo, §. a finita.*

Secundò igitur Imp. docet, qui possint nuptias contrahere: ubi dat tria præcepta. I. Ut qui nuptias contrahunt sint ciues Romani, sicuti iam dictum est. vnde inter seruos iure ciuili non dicitur matrimonium, sed contubernium *C. de incest. nupt. l. 3. & de adul. l. serui 23.* ideoque vocantur contubernales *ff. de legatis 3. l. uxorem 41. §. codicillis, & §. concubina.* Iure autem Pontificio etiam inter seruos nuptiæ consistunt. *extr. de coniugio seruorum. cap. 1. l. l.* Ut sint puberes, id est, masculi maiores 14. annis, foeminae maiores 12. *infr. quib. mod. tut. fin. in princ. Nou. 100. cap. 1. vers. nonimus.* Sed iure can. malitia ætatem supplente vocantur puberes, & possunt nuptias contrahere statim ac coire possunt. *ext. de desp. impub. cap. puber.* III. Ut si filiusfam. vel filiafam. nuptias contrahere velit, consensum habeat parentis, in cuius potestate est. Quod etiam iure canon. requiritur. *30. q. 5. cap. 1. 2. 4. & 32. q. 2. c. non omnis 12. cap. honorantur. 13. & cap. ult. Non obstat. cap. sufficiat. 26. q. 2.* quia non simpliciter ibi dicitur sufficere solum consensum contrahentium, sed additur *secundùm leges*; constat autem leges requirere consensum parentum. quod igitur ait, *solus consensus eorum, de quorum coniunctionibus agitur*, non excludit consensum parentum, si fortè matrimonium contrahentes, sint in parentum potestate. sed corporalem coniunctionem, quæ ad nuptias

nuptias perficiendas nõ requiritur. ff. de diu. reg. iur. l. nuptias 30. Parentis igitur consensus in nuptiis liberorum, quos in potestate habet, necessarius est. Quod adeo verum est, vt iussus parentis præcedere debeat: quamquam etiam ratihabitio sufficit. C. hoc tit. l. 5. quia regulariter ratihabitio retrahitur, idèque mandato comparatur ff. de vi & vi armat. l. 1. §. sed et si, & C. ad S. C. Marcian. l. vii. in princ. & de donat. inter vir. & vxor. l. donationes quas parentes 25. sed excipitur, nisi fortè parens sit furiosus: quo casu cum parens consentire nequeat, hunc defectum supplet auctoritas magistratus, vel Episcopi, & curatoris furiosi, & nobiliorum præsentia ex furiosi genere C. h. l. si furiosus. 25. & de episco. audien. l. tam dementis. 28. Filius autem emancipatus suo arbitrio nuptias contrahit. ff. de ritu nup. l. filius emancipatus 25, etiam si minor sit 25. annis; quia nec curatoris, nec propinquorum consensus est necessarius. C. hoc tit. l. in copulandis 8. Sed si filia emancipata nubat, patris consensus adhiberi debet. in nuptiis autem eius, cuius pater mortuus est, requiritur consensus matris, & propinquorum. C. eod. l. vidua 18. l. in coniunctione 20.

Tertiò docet, quas vxores ducere liceat, vel non. Hic considerantur causæ matrimonium prohibentes, præsertim cognatio, & affinitas. Cognatio est coniunctio ratione generationis, vel adoptionis: vt inter patrem & filium, & inter duos fratres. Affinitas verò est coniunctio ratione matrimonij, inter coniugem, & cognatos alterius coniugis. vnde affines definiuntur viri & vxoris cognati. ff. de 2. dil. l. 4. §. sed quoniam. non quòd cognatus mariti, & cognatus vxoris sint inter se affines: sed quia cognati mariti sunt affines vxori, & cognati vxoris sunt affines marito. Iure igitur ciuili affinitas ex solis iustis nuptiis oritur, d. l. 4. §. sed quoniam. & §. sciendum. iure autem canonico oritur ex quocumque coitu. ext. de eo qui cogn. consang. vxo. sue cap. 6. cap. penult. Propria cognationis præcepta hæc sunt. I. Inter parentes & liberos nuptiæ indistinctè prohibentur, atque adeo etiam si per adoptionem coniuncti sint, & adoptio per emancipationem sit dissoluta, §. ergo non omnes.

II. Inter fratrem & sororem nuptiæ prohibentur, nisi per adoptionem coniuncti sint, & adoptio per alterutrius emancipationem dissoluta. Vnde qui vult generum adoptare, prius debet filiam emancipare: & qui vult nurum adoptare, prius debet

debet filiam emancipare. §. *inter ea*. Alioquin nuptiæ dissol-
uentur. ff. de ritu nupt. l. non solum 67. §. sed videamus.

§. 3.

III. Fratris, vel sororis filiam, aut neptem ducere non li-
cet, nisi soror illa sit adoptiua. Quia filia sororis nostræ ado-
ptiux nullo iure nobis coniuncta est, id est, neque iure natu-
rali, quia est ex sorore adoptiua; neque iure ciuili, tum quia
non est adoptata, sed ex sorore nata, tum etiam, quia non
est in nostra familia. sororis autem naturalis filiam ducere
non possumus: quia iure naturali nobis iuncta est. Ergo nec
sororis naturalis neptem ducere possumus: quia cuius sor-
oris filiam ducere non licet, eius neptem quoque ducere pro-
hibe mur. Immo etiam proneptem: quia his omnibus sum
loco parentis. ff. de ritu nupt. l. sororis 39. in princip.
§. fratris.

§. 4.

IV. Inter consobrinos (id est, fratrum, vel sororum, vel
fratris & sorores filios) nuptiæ permittuntur. §. *duorum*,
& C. col. l. celebrandis 19. Iure autem can. prohibentur. 35.
q. 3. can. quædam.

§. 5.

Amitam, id est, sororem patris, vel amitam magnam, id
est, sororem aui vel materteram, id est, sororem matris, vel
materteram magnam, id est, sororem auix, ducere non licet.
nec refert vtrum sit amita naturalis, an adoptiua, dummo-
dò adoptio per emancipationem non sit dissoluta. Ma-
tertera verò adoptiua esse non potest. §. *item amitam* Hæc-
nus præcepta cognationis propria.

§. 6. & 7.

De affinitate verò, vel quasi affinitate dantur hæc præcep-
ta. I. Priuignam, vel nurum, vel socrum, vel nouercam duce-
re non licet, quauis affinitas sit dissoluta. §. *affinitatis*, & §.
seq. Intellige dissolui affinitatem iure ciuili, si matrimo-
nium cum ea persona, quæ affinitatis causa erat, sublatum
sit. Exempli causâ, si vxor moriatur, æius filia desinit esse-
priuigna: & si filius moriatur, eius vxor desinit esse nu-
tus. hic Cicer. pro Sextio, *Ademit*. inquit, *Albino socerè*
nomen mors filia, *charitatem illius necessitudinis*, & *benemo-*
lentiam non ademit. Sed iure pontificio etiam post solum
matrimonium affinitas manet. 35. quest. 10. can. *frater-*
nitatis.

§. 8.

II. Compriuigni nuptias inter se rectè contrahunt.
§. *mariti*.

§. 9.

III. Nata ex vxore repudiata, non est propriè priuigna, sed,
nihilominus honestatis causâ ab eius nuptiis abstinendum
est

est. §. si uxor. Cur autem non est priuigna? Quia cum ea, quæ stantibus nuptiis est priuigna, soluto matrimonio priuigna esse desinat. *suprà hoc tit. l. affinitatis*, certè hæc, quæ post solutum matrimonium suscepta est, priuigna dici nequit: præsertim cum priuigna dicatur quasi prius genita, hæc verò sit postea genita.

I V. Nec sponsa filij est nurus, nisi improprie. nec sponsa patris & nouerca nisi improprie. *ff. de ritu nupt. l. si qua mihi. 2. §. 1. & 2. & de grad. l. 6. & l. 8.* quia ubi non est matrimonium, ibi non est vera affinitas, ut *suprà* docui, ab earum tamen nuptiis similiter abstinere oportet. *d. §. si uxor*. Expolita sunt præcepta cognationis, vel affinitatis propria.

Vtrique autem causæ commune præceptum est (quamquam Iustin. tantùm de cognatione hîc loquitur) quòd tam cognatio, quàm affinitas seruilis, id est, contracta in seruitute, æquè inter manumissos impedimento nuptiis est, ac si semper in libertate fuissent. *§. illud. & ff. de iur. iudic. l. ad iur. 14. §. seruiles, & §. seq.* Dixi inter manumissos, ut loquar de personis matrimonij capacibus. nam *suprà* monui, seruos iure ciuili non posse nuptias contrahere.

Quartò ostendit esse plures alias causas, propter quas nuptiæ prohibentur, quæ ex Pandectis peti debent. *§. sunt & alia.*

Quintò eos punit, qui nuptias prohibitas contrahunt. *§. pen.* Quatuor autem pœnas nominatim irrogat. I. Nec vir, nec uxor, nec nuptiæ, nec matrimonium esse intelligitur, quia quod lege prohibente fit, pro infecto habetur *C. de legib. l. 5.* II. Licèt aliquid dotis nomine datum fuerit, tamen non intelligitur esse dos: quia licèt nuptiæ sine dote esse possint, tamen dos sine nuptiis, seu matrimonio esse non potest. *ff. de iur. dot. l. 3. & C. de donat. ante nupt. l. vlt. c. vj. si ut enim. & de repud. l. pen. in princ.* III. Nati ex hoc coitu, non sunt in potestate patris, immò spurij sunt, & vulgò cõceptis comparantur, adeò ut nec patrem habere intelligantur. Spuriorum autem duas etymologias Imperator proponit: quarum altera est, ut dicantur spurij, quasi *σπορδιῶν*, id est, vulgò & promiscuo semine concepti: alteram, ut ita appellentur, quasi sine patre filij, id est, à literis S. P. quæ cùm modò prænomen. *Spurium* modò sine patre significent, hæc factum est, ut qui siue patre esse intelliguntur spurij vocentur. hanc posteriorem etymologiam Plutarchus in *quæstionibus Romanis*.

Romani, q. 103. probat, reiecta superiori, quam ait Graiis & oratoribus probari; nec non alia, vt spurij ex eo per ignominiam dicantur, quod *Spurium* apud Sabinos pudendum muliebrem significat. IV. Dissoluta hac coniunctione non datur dotis repetitio: quia iam diximus non esse dotem: sed interdum (nuptiis scilicet bona fide contractis) id, quod datum fuit, repetitur condictione sine causa. ff. de *condict. sine cau. ultim.* Si verò nuptiæ iure diuino, aut naturali prohibitz, mala fide contractæ sint, dos confiscatur. ff. de *iure dot. l. dot. 61. & C. de incest. nupt. l. 4. & authen. incest.* His positis, addit Imperator, alias quoque esse iniustarum nuptiarum poenas, quæ sacris constitutionibus continentur. Sunt igitur petendæ ex tit. *C. de incest. nupt.* sed magis ex Nouellis. Sed vt studiosis inferuiamus, breuiter has quoque poenas subiiciemus. Ergo suprà dictis poenis addantur hæ, V. Infamia. VI. Exilium. VII. Verbera; sic sunt viles personæ. VIII. Bonorum confiscatio, nisi extent filij legitimi, quibus bona conceduntur, ita vt parentes suos alant. *Nov. 12. cap. 1.* IX. Amissio patriæ potestatis in filios legitimos antea procreatos. *d. Nov. 12. cap. 2.* X. Liberi incestuosi non succedunt patri, nec ab eo sunt alendi. *Nov. 89. cap. ultim.* ex æquitate tamen canonica eis debentur alimenta, *ext. de eo qui duxit in matrimo. quam poll. per adul. cap. 5.*

§. ult.

Hactenus prima tit. pars, quæ est de nuptiis; sequitur secunda, quæ est de legitimatione. cum enim hucusque dictum sit de his, qui in potestate parentum nascuntur, consequenter dicendum de iis qui, cum sui iuris nati sint, in potestatem parentum vel legitimatione, vel adoptione rediguntur, verum de adoptione dicetur *tit. seq.* de legitimatione verò, qua liberi naturales, id est, ex concubina suscepti, fiunt legitimi, & in potestate patris, agitur in §. *ultim. huius tit.* Vbi duo legitimationum genera explicantur. Primum legitimationis genus est, cum pater filios suos naturales curiæ offert, vel ipsi liberi seipfos offerunt. *C. de natur. liber. l. 3. & 4. Nov. 89. cap. 2.* dum enim curiales fiunt, simul legitimi & in potestate patris fiunt quod quidem favore curiæ receptum est: quia curiales publica munera subeunt. Porro curiales, seu decuriones proportionem respondent senatoribus Romanis, vt curia senatui, dum uirj consulibus, defensores ciuitatum tribunis plebis. Secun-

dum

dum legitimatiōis genus est, cūm pater eam, ex qua filios suscepit, in vxorem ducit. quo casu tria requiruntur, vt filij legitimetur. I. Vt pater eam, cum qua nuptias conciliat, in suo contubernio habuerit (id est, in concubinato) *C. de natur. lib. l. pen. in princ. & eius consuetudine gauderet. hoc §. & C. de natur. lib. l. cum quis 10.* Quapropter fallitur Theophil. qui nihil putat referre, vtrū sit meretrix, an concubina. II. Vt cum ea concubina matrimonium initio constare potuerit, quare opus est, vt libera sit; quia cum ancilla matrimonium iure ciuili non consistit. nouissimè tamen Iustinianus benignè constituit, vt idem in ancilla concubina obtineat, si postea manumittatur, & vxor ducatur *Nov. 18. cap. ult. & Nov. 78. cap. 3.* III. Vt dotalia instrumenta conficiantur, cūm aliās nuptiæ solo consensu contrahantur, & regulariter tam sine dote, vt ad præced. § notauimus, quā sine scriptura esse possint *C. hoc tit. l. si vicinus. 9. l. neque sine nuptiis. 11. l. si donationum. 12.* licet è contrariō dos sine nuptiis esse non possit. *C. de donat. ante nupt. l. cū multa. vers. quare enim. eo ff. de iure dotium. l. 3.* Nota, hoc modo fieri legitimos, non solum eos, qui ante dotalia instrumenta sunt nati, sed etiam eos, qui ex eodem matrimonio postea fuerint procreati, id est, qui ante dotalia instrumenta sunt concepti, & post dotalia instrumenta sunt nati. *C. de naturalib. l. pen. ver. & multo magis.* Est & tertium legitimatiōis genus per rescriptum Principis, ex *Nov. 74.* & quartum, si pater in publico instrumento, aut chirographo habente trium testium subscriptionem, aut in testamento, aut apud acta filium simpliciter nominauerit, non adiecta naturalis appellatione. *Nov. 117. cap. 2.*

A X I O M A T A.

- 1 Nuptiæ sunt propriæ ciuium Romanorum. *in princ.*
- 2 Legum præcepta sunt obseruanda. *ibid.*
- 3 Filij familias debent habere parentum consensum, in quorum potestate sunt. *ibi l.*
- 4 A quarumdam nuptiis abstinendum est. §. 1.
- 5 In nuptiis contrahendis non tam spectatur quid stricto iure liceat, quā quid deceat, & publicæ honestati sit conientaneum. *disto. §. 1. & §. 9. coniu. l.*

semper 42. ff. de ritu nupt. & l. semper in coniunctionib. 197. ff. de diu. reg. iur.

- 5 Nuptiæ minùs prohibentur inter cognatos transuersales,quàm inter parentes & liberos. §.2.
- 7 Emancipatio dissoluit adoptionem. d. §. 2.
- 8 Qui vult generum adoptare, debet filiam emancipare: & qui vult nûrum adoptare, debet filium emancipare. *cod. §.*
- 9 Cuius fratris, vel sororis filiam, vxorem ducere non licet, eius nec neptem ducere permittitur. §.3.
- 10 Eadem duobus simul nupta non esse potest.& idem duas vxores eodem tempore habere non potest. § 6. *& seq.*
- 11 Solutomatrimonio affinita iure ciuili dissoluitur. *dd. §§.*
- 12 Maior ratio obscurat minorem. *dd. §§.*
- 13 Cognatus mei affinis, non est meus affinis. §. 8.
- 14 Frater mei fratris non est meus frater. d. §.8.
- 15 Nata post diuortium, non est priuigna. §.9.
- 16 Sponsa patris, non est nouerca, & sponsa filij, non est nurus. d. §.9.
- 17 Seruilis cognatio in nuptiis spectatur. §. 10. quamquam in success. ab intestato olim non spectabatur. *infra de gradib. §. illud. & de serui. cognat. in princ.*
- 18 Quod iure prohibente fit, pro infecto habetur. §. *pen. coniun. princ. sup. qui & ex quib. caus. manumit. non poss.*
- 19 Spuriij non intelliguntur habere patrem. d. §. *pen. coniun. §. vulgò. infra de success. cognat.*

De adoptionibus.

TIT. XI.

Non solum autem naturales liberi, secundum ea, quæ diximus, in potestate nostra sunt: verum etiam ij, quos adoptamus.

1 § Adoptio autem duobus modis fit, aut principali rescripto, aut imperio magistratus. Imperatoris auctoritate adoptare quis potest eos easve, qui

qui quæue, sui iuris sunt, quæ species adoptionis dicitur adrogatio. Imperio magistratus adoptamus eos casve, qui quæue in potestate parentum sunt, siue primum gradum liberorum obtineant: qualis est filius, filia: siue inferiorem, qualis est nepos, nep-tis, pronepos, proneptis.

2 ¶ Sed hodie ex nostra constitutione, cum filius familias à patre naturali extraneæ personæ in adoptionem datur: iura patris naturalis minime dissoluantur, nec quicquam ad patrem adoptivum transit: nec in potestate eius est, licet ab intestato iura successionis ei à nobis tributa sint. Si vero pater naturalis non extraneo, sed avo filij sui materno, vel si ipse pater naturalis fuerit emancipatus, etiam avo vel proavo simili modo paterno vel materno filium suum dederit in adoptionem: in hoc casu, quia concurrunt in vnam personam, & naturalia, & adoptionis iura, manet stabile ius patris adoptivi, & naturali vinculo copulatum, & legitimo adoptionis modo constitutum: ut & in familia, & in potestate huiusmodi patris adoptivi sit.

3 ¶ Cum autem impubes per principale rescriptum adrogatur, causa cognita adrogatio fieri permittitur, & exquiratur causa adrogationis an honesta sit, expediatque pupillo. Et cum quibusdam conditionibus adrogatio fit, id est, ut caueat adrogator personæ publicæ, si intra pubertatem pupillus decesserit, restitutum se bona illis, qui si adoptio facta non esset, ad successionem eius venturi essent. Item non aliter emancipare eum potest adrogator, nisi causa cognita dignus emancipatione fuerit, & tunc sua bona ei reddat. Sed & si de-

cedens

cedens pater cum exheredauerit, vel prius sine iusta causa emancipauerit: iubetur quartam partem ei bonorum suorum relinquere, videlicet præter bona, quæ ad patrem adoptivum transtulit, & quorum commodum ei postea acquiritur.

4 ¶ Minorem natu, maiorem non posse adoptare placet. adoptio enim naturam imitatur: & pro monstro est, ut maior sit filius, quam pater. Debet itaque is, qui sibi filium per adoptionem vel adrogationem facit, plena pubertate, id est, decem & octo annis præcedere.

6 ¶ Licet autem & in locum nepotis, vel neptis, pronepotis, vel proneptis vel deinceps adoptare, quamvis filium quis non habeat.

6 ¶ Et tam filium alienum quis in locum nepotis adoptare potest, quam nepotem in locum filij.

7 ¶ Sed si quis nepotis loco adoptet, vel quasi ex filio, quem habet iam adoptatum: vel quasi ex illo, quem naturalem in sua potestate habet: eo casu & filius consentire debet, ne ei invito suus heres adgnascatur: sed ex contrario, si avus ex filio nepotem det in adoptionem, non est necesse filium consentire.

8 ¶ In plurimis autem causis adsimilatur is, qui adoptatus vel adrogatus est ei, qui ex legitimo matrimonio natus est, & ideo, si quis per Imperatorem, vel apud prætorem, vel præsidem provinciæ non extraneum adoptaverit, potest eundem in adoptione alij dare.

9 ¶ Sed & illud utriusque adoptionis commune est, quod & ij, qui generare non possunt (quales sunt spadones) adoptare possunt. [castrat autem

autem non possunt.]

10 ¶ Fœminæ quoque adoptare non possunt: quia nec naturales liberos in sua potestate habent: sed ex indulgentia principis ad solatium liberorum amissorum adoptare possunt.

11 ¶ Illud proprium est adoptionis illius, quæ per sacrum oraculum fit, quod is, qui liberos in potestate habet, si se adrogandum dederit, non solum ipse potestati adrogatoris subiicitur, sed etiam liberi eius in eiusdem fiunt potestate tanquam nepotes. sic etenim diuus Augustus non ante Tiberium adoptavit, quam is Germanicum adoptasset: ut proptinus adoptione facta, inciperet Germanicus Augusti nepos esse.

12 ¶ Apud Catonem bene scriptum refert antiquitas, seruos, si à domino adoptati sint, ex hoc ipso posse liberari. Vnde & nos eruditi, in nostra constitutione etiam cum seruum, quem dominus actis interuenientibus filium suum nominauerat, liberum esse constituimus: licet hoc ad ius filij accipiendum non sufficiat.

Qui in potestate parentum sunt, aut sunt procreati ex iustis nuptiis, aut legitimati, aut adoptati. quoniam igitur de duobus prioribus generibus dictum est, superest ut dicatur de adoptiuis. Adoptio est naturæ similitudo, ut aliquis filium habere possit quem non genuit. Caius *lib. 1. Inst. tit. 5.* vel, Actus legitimus naturam imitans, ad eorum, qui liberos non habent, solatium inuentus. Theophil. *hic.* vel actus legitimus, quo adoptati potestati adoptantium tanquam liberi parentibus subiiciuntur.

Primò Imper. *in princ.* necit hunc titulum cum præcedentibus, & generalem adoptionis effectum proponit, *Princ.* quod adoptio tribuit adoptantis patriam potestatem in adoptatum.

Secundò

§. 1. Secundò duas adoptionis species explicat. nam adoptio est genus, cuius species sunt adoptio specialis, & arrogatio. Adoptio specialis est, quia filiusfam. à parente naturali, in cuius potestate est, alteri parenti naturali, in cuius potestate nō est, auctoritate magistratus in adoptionem datur. *§. 1. & 2. quo fit, ut propria potestas ab illo ad hunc transferatur. infr. tit. prox. §. 1. et si pater.* Arrogatio est, qua paterfamilias ex rescripto Principis apud acta insinuato adoptatur. *d. §. 1. & C. eod. l. 2. & ex sui iuris ciue sit alieno iuri subiectus. §. illud.* Dicta est autem arrogatio, vel quia olim per populirogationem fiebat. *Gell. lib. 5. c. 19.* vel quia arrogator & arrogandus interrogantur: ille, an velit hunc habere filium: hic, an velit illi esse filius. *ff. h. t. l. 2. in princ.* Inter has duas species triplex differentia notanda est. Vna est, quòd adoptantur filii fam. arrogantur patresfam. Altera est, quòd rescriptum Principis necessarium est in arrogatione, non in adoptione. Tertia est, quòd cuilibet à quodlibet etiā extraneo arrogari potest.

§. 2. Nemo autem potest adoptari ab alio, quàm à parente suo naturali: nam si ab extraneo adoptetur, (extraneum hīc vocamus eum qui non est in numero parentum, cūm alibi aliter hoc vocabulum accipiatur) adoptio non valet, nisi quantum ad hoc, ut adoptatus adoptanti succedat ab intestato *§. sed hodie. & C. eod. l. pen.*

§. 3. Tertiò tractat de ætate adoptantis, & adoptati, atque hīc duo docet, quorum alterum est proprium arrogationis, alterum tam adoptioni, quàm arrogationi conuenit. I. Est quod impuberis arrogatio non admittitur, nisi causa cognita, ut appareat eam esse honestam & pupillo vtilem, & satisfactione personæ publicæ, id est, tabulario ab arrogatore præstita de bonis arrogati, si in ætate pupillari decesserit, ei restituentis, qui vel ex substitutione pupillari, vel ab intestato successurus erat pupillus, nisi arrogatio facta fuisset. Præter hæc requiritur etiam auctoritas tutoris, cuius fidei pupillus commissus est. *C. de auctori. præstan. l. ultim.* Cūm autem pupillus arrogatus fuit, neque exheredari, neque emancipari ab arrogatore debet: nisi ex iusta causa, tūcque arrogator bona per pupillum siue arrogationis tempore, siue postea quæsitæ restituet quòd si absque iusta causa eum emancipauerit, vel exheredauerit, non solum dicta bona, sed etiam quartam bono um suorum partem ei relinquere cogitur. *§. cum autem. & ff. eod. l. nec ei. 17. cum 5. ll. seqq.* Hæc omnia sunt
introducenda

introducenda constitutione Diui pij, antequam impuberes arrogari non poterant. *Vlpia. in fragm. hoc tit §. per patrem. ff. de vii. g. a. p. p. sed si plures 10. §. pen. & de collat. l. 1. §. si impubere.* Opponitur contra id, quod de quarta impuberi arrogato relinquenda dictum est: quoniam hac ratione fieri poterit, ut impubes arrogatus plus ex bonis paternis consequatur, quam filij ex iustis nuptiis suscepti, qui fortasse sunt quinque, aut sex: quod est absurdum. Omisssa solutione Accursij, quæ verbis contextus repugnat, respondeo vitari hanc absurditatem; quia iure prohibetur, ne is, qui plures liberos habet, impuberem arroget. *d. i. nec ei. 17. §. praterea.*

II. Est, quod adoptans adoptatum plena pubertate superare, id est, 18. annis, maior esse debet. quoniam adoptio naturam imitatur: & hac ferè ætate, id est, minimum octodecim annis (qua ætate incipit plena pubertas) solent patres esse maiores natu, quam filij. *§. minorem.*

Quartò loquitur de gradu, in quem aliquis adoptatur, ac tria permittit, nempe ut in nepotis, vel neptis, vel vltiorem gradum adoptet etiam is, qui filium non habet. *§. licet.*

III. Ut nepotem alienum adoptemus in locum filij, vel filium in locum nepotis. *§. & tam filium.*

VI. ut sine filij consensu liceat dare nepotem in adoptionem, non etiam adoptare in locum nepotis ex eo filio, quoniam in hac adoptione, filij consensus requiritur, non ut adoptio valeat, sed ut eo qui adoptauit, mo tuo nepos incipiat esse filio suus heres. non debet enim suus hæres inuito adnasci. *§. sed si quis. & ff. ad. 5. l. si is qui 11.* quoniam eo quoque viuo, ut patre, cui est suus hæres, est quodammodo dominus. *infra de hered. qual §. sui ante.* nec ex hæredari sine iusta causa potest, quin in testamentum per querelam inofficiosi rescindi possit. *infra de inofficio. test. in princ.*

Quintò tria adoptioni & arrogationi communia declarat. Vnum est, quod tam filius adoptatus, quam arrogatus similis est filio ex iustis nuptiis suscepto, & alteri in adoptionem dari potest. *§. in pluri.*

Alterum est, quod spadones, veluti qui ob frigiditatem naturæ generare non possunt, (nam spadonum appellatio est generalis. *ff. de verbor. signif. l. spadonum, 127.*) nihilominus adoptare, vel arrogare possunt: quia spem habent fore, ut vitio sublato possunt aliquando generare. secus autem, si sint castrati: quia cum generandi nullam spem habeant, etiam adoptandi,

adoptandi, vel arrogandi potestate priuantur, propterea quòd (vt suprà dictum fuit) adoptio naturam imitantur.
§. 1. et il. ad.

§. 10.

Leo tamen Imperator *Nov. 26. & 27.* indistinctè omnibus spadonibus, atque adeò etiam castratis facultatem adoptandi permittit. Tertium est, quòd mulier neque adoptare, neque arrogare potest, nisi ex speciali permisso Principis, ad solatium liberorum amissorum *§. fœmina.* sed & his Leo indistinctè adoptandi facultatem concessit *Nov. 27.*

§ pen.

Sextò in *§. null.* proprietatem arrogationis adiungit, quòd eius, qui arrogatur, filij in potestatem arrogantis transeunt quasi nepotes coniunge *l. 1. §. ult. l. si paterfam. 15. in princ. & l. a rogato. 40. ff. eod.* Adde, quòd in eiusdem arrogati bonis acquiritur arrogatori ususfructus. *infra de acquif. p. arrogat.* Hæc autem in adoptione propriè dicta locum non habent: quoniam is, qui dat filium suum in adoptionem, non amittit potestatem, quam habet in liberos eius. *d. l. arrogat. in 1. & sine dubio peculium eius retinet.*

§. ult.

Septimò in *§. ult.* specialiter agit de seruo, qui adoptione, vel fili apud acta nominatione, non fit filius, sed libertatem nanciscitur: ita vt hoc casu valeat ea regula, *Si quod ago, non valet vs ago, valet vs valere potest.*

AXIOMATA.

- 1 Duo vincula magis ligant, quàm vnum. *§. 2. coniun. §. sed h. sic. infra de hered. qua ab intest. & Nov. 118. cap. 3.*
- 2 Adoptio naturam imitatur. *§. minorem.* Quod est intelligendum de naturali potestate, non de actu. *§. 5. & 6.*
- 3 Non debet alicui inuito suus hæres fieri. *§. 7.*
- 4 Requirendus est eorum consensus, de quorum præiudicio agitur. *d. §. 1.* Similis est regula apud Doct. Citandi sunt omnes, quorum interest.
- 5 Adoptati assimilantur liberis naturalibus. *§. 8. coniun. §. adopt. u. infra de exheredat. liber. & §. nunc autem, infra de acquif. per per arrogat.*
- 6 Cui non conceditur effectus, ei causa concedi non debet. *§. 10.*
- 7 Fœminæ liberos in potestate non habent. *d. §. 10. coniun. §. ceteri infra de hered. qualis.*

8 Liber

8 Liberi qui sunt in potestate arrogati, patrem sequuntur.

§. 11.

9 Si quod ago, non valet vt ago, valet vt valere potest.

§. ult.

Quibus modis ius potestatis soluitur.

T I T. XII.

V Ideamus nunc, quibus modis ij, qui alieno iuri sunt subiecti, eo iure liberentur. Et quidem quemadmodum liberentur serui à potestate dominorum, ex iis intelligere possumus, quæ de seruis manumittendis superius exposuimus. Hi vero, qui in potestate parentis sunt, mortuo eo, sui iuris fiunt. Sed hoc distinctionem recipit, nam mortuo patre, sane omni modo filij filiaque sui iuris efficiuntur. Mortuo vero auo, non omnino nepotes neptesque sui iuris fiunt: sed ita, si post mortem aui in potestatem patris sui recaluri non sunt. Itaque si moriente auo pater eorum viuit, & in potestate patris sui est, tunc post obitum aui in potestate patris sui fiunt. Si vero is, quo tempore auus moritur, aut iam mortuus est, aut [per emancipationem] exiit de potestate patris: tunc ij, qui in potestatem eius cadere non possunt, sui iuris fiunt.

1 ¶ Cum autem is, qui ob aliquod maleficium in insulam deportatur, ciuitatem amittit: sequitur, vt qui eo modo ex numero ciuium Romanorum tollitur, perinde quasi eo mortuo, desinant liberi in potestate eius esse. Pari ratione & si is, qui in potestate parentis sit, in insulam deportatus fue-

F rit,

rit, desinit esse in potestate parentis. sed si ex indulgentia principis restituti fuerint: per omnia pristinum statum recipiunt.

2 ¶ Relegati autem patres in insulam, in potestate liberos retinent. Et ex contrario liberi relegati in potestate parentum remanent.

3 ¶ Pœnæ seruus effectus, filios in potestate habere desinit. Serui autem pœnæ efficiuntur, qui in metallum damnantur: & qui bellis subiiciuntur.

4 ¶ Filius familias si militauerit; vel si senator, vel consul factus fuerit: remanet in potestate patris; militia enim, vel consularis dignitas de patris potestate filium non liberat. Sed ex constitutione nostra summa Patriciatus dignitas illico imperialibus codicillis præstitis, filium à patria potestate liberat, quis enim patiatur patrem quidem posse per emancipationis modum potestatis suæ nexibus filium liberare: imperatoriam autem celsitudinem non valere eum, quem sibi patrem elegit, ab aliena eximere potestate.

5 ¶ Si ab hostibus captus fuerit parens, quamuis seruus hostium fiat, tamen pendet ius liberorum propter ius postliminiij: quia hi, qui ab hostibus capti sunt, si reuersi fuerint, omnia pristina iura recipiunt. idcirco reuersus etiam liberos habebit in potestate: quia postliminium fingit eum, qui captus est, in ciuitate semper fuisse. Si vero ibi decesserit: exinde, ex quo captus est pater, filius sui iuris fuisse videtur. Ipse quoque filius, neposve, si ab hostibus captus fuerit: similiter dicimus propter ius postliminiij, ius quoque potestatis parentis in suspenso esse. Dictum est autem
tem

tem postliminium à limine, & post. Vnde eum, qui ab hostibus [captus], &] in fines nostros postea peruenit, postliminio reuersum recte dicimus. Nam limina, sicut in domo finem quemdam faciunt: sic & imperij finem esse limen veteres voluerunt. Hinc & limen dictum est quasi finis quidam & terminus. ab eo postliminium dictum est, quia ad idem limen reuertebatur, quod amiserat. Sed & qui captus victis hostibus recuperatur, postliminio rediisse existimatur.

6 ¶ Præterea emancipatione quoque desinunt liberi in potestate parentum esse, sed emancipatio antea quidem vel per antiquam legis observationem procedebat, quæ per imaginarias venditiones, & intercedentes manumissiones celebrabatur, vel ex imperiali rescripto. Nostra autem prouidentia etiam hoc in melius per constitutionem reformauit: vt fictione pristina explosa, recta via ad competentes iudices vel magistratus, parentes intrent: & filios suos, vel filias, vel nepotes, vel neptes, ac deinceps, à sua manu dimittant. Et tunc ex edicto prætoris in bonis huiusmodi filij, vel filia, vel nepotis vel neptis, quis quæue à parente manumissus, vel manumissa fuerit, eadem iura præstantur parenti, quæ tribuantur patrono in bonis liberti. Et præterea si impubes sit filius, vel filia, vel cæteri: ipse parens ex manumissione tutelam eius nanciscitur.

7 ¶ Admonendi autem sumus, liberum arbitrium esse ei, qui filium, & ex eo nepotem, vel neptem in potestate habebit: filium quidem de potestate dimittere: nepotem vero, vel neptem retinere, & è conuerso filium quidem in potestate re-

F 2 tinere,

tinere, nepotem vero vel neptem manumittere, vel omnes sui iuris e licere. Eadem & de pronepote & pronepte dicta esse intelligantur.

8 § Sed & si pater filium, quem in potestate habet, auo vel proauo naturali secundum nostras constitutiones super his habitas, in adoptione dederit: id est, si hoc ipsam actis interuenientibus apud competentem iudicem manifestauerit, præsente eo, qui adoptatur, & non contradicente, nec non eo [præsente,] qui adoptat: soluitur quidem ius potestatis patris naturalis: transit autem in huiusmodi parentem adoptiuum, in cuius persona & adoptionem esse plenissimam antea diximus.

9 § Illud autem scire oportet, quod si nurus tua ex filio tuo conceperit, & filium postea emancipaueris, vel in adoptionem dederis, prægnante nuru tua: nihilominus quod ex ea nascitur in potestate tua nascitur. Quod si post emancipationem, vel adoptionem conceptus fuerit: patris sui emancipati, vel aui adoptiui potestati subiicitur.

10 § Et quidem neque naturales liberi, neque adoptiui villo pene modo possunt cogere parentes, de potestate sua eos dimittere.

Tres modos exposuit dominicæ potestatis constituendæ, natiuitatem, captiuitatem, & venditionem: ac totidem modos, quibus patria potestas constituitur, natiuitatē, legitimatorem, & adoptionem: nunc docet potestatem dominicam vno modo tolli, id est, manumissione, de qua supra satis dictum fuit, vbi adieci interdum contingere, vt serui sine manumissione libertatem consequantur: patriam verò potestatem multis modis ostendit dissolui: quorum alij spectantur in persona parentis, vt mors, alij in persona liberorum, vt dignitas: alij in vtraque persona simul vt emancipatio: alij in al-

terutra

terutra persona, vt deportatio. rursus alij faciunt vt liberi sint sui iuris, vt mors patris, & emancipatio: alij adimunt liberis ciuitatem vnâ cum familia, vt eorum deportatio, vel etiam adimunt libertatem, vt eorumdem condemnatio in metallum; alij potestatem in alium transferunt, vt adoptio: alij ius patriæ potestatis suspendunt, vt captiuitas.

Primò Imp. nectit hunc tit. cum superioribus. Secundò in *Princ. vers. & quidem*, loquitur de seruis liberandis. Tertiò in *vers. hi* verò, incipit loqui de patria potestate tollenda, ac loquitur de morte parentis, quâ liberi modò sunt sui iuris, modò recidunt in alterius potestatem, vt morte aui recidunt in potestatem patris, nisi pater antea de potestate aui exierat, *ff. de adopt. l. si pater filium. 4.* Sed iure nouissimo, etiam si pater de potestate aui (id est, patris sui) per dignitatem exiit, nihilominus nepos in eius potestatem morte aui recidit. *Nov. 81. c. 2.*

Quartò in *§. cum autem*, loquitur de deportatione patris, vel filij, quæ ciuitatem damnati adimit, & consequenter tollit patriam potestatem, quæ ciuium Romanorum proprium est. *suprà de patria potest. §. iur. autem.* restitutio autem à Principe concessa, non minùs patriam potestatem quàm alia iura restituit. Alia ratio est indulgentiæ, quæ solam poenam remittit, iura autem amissa non restituit. *C. de gener. abolit. l. vlt. & de sentent. pass. l. 7.* Vide *Centur. 2. q. 17.*

Quintò in *§. relegati*, tractat de relegatione patris, vel filij, quæ non tollit patriam potestatem, quia nec libertatem, nec ciuitatem adimit.

Sextò in *§. pœna*, agit de seruitute poenæ, quæ libertatem, ciuitatem, familiam & patriam potestatem tollit: siue in persona patris, siue in persona filij contingat verbi gratia, dānatus in metallum dicitur seruus poenæ, quia nec est seruus Cæsaris, vel fisci, nec alium dominum habet, quàm ipsam poenam, ideòque non potest ei in testamento aliquid relinqui. *ff. de his quæ pro non script. hab. l. 3. in princ. de pœnis l. sunt quidam. 17. in princ.* & quamuis Imp. in contextu non loquatur, nisi de seruitute patris, tamen certum est, patriam potestatem similiter extinguui, si filius fiat seruus poenæ. sed nouissimè Iustinianus hanc poenam sustulit. *Nov. 22. cap. 8.*

Septimò in *§. filiusfam.* loquitur de dignitate: qui modus tollendæ patriæ potestatis spectatur in persona filij, non patris. Inquit ergo Imp. solam patriciatus dignitatem liberare

filium à patria potestate. sed *Nov. 81.* idem cauetur de dignitate consulari, & aliis quibusdam. Patritij hinc vocantur quasi patres Principis: quæ fuit noua sub Imperatoribus dignitas. nam aliter Patritij accipiuntur, cum opponuntur, plebeiis, ut *suprà de iure natur. §. lex est.* Hæc patriciatus dignitas summa in contextu vocatur, non quia sit maior consulari: hoc enim falsum esse constat ex *Cassiodoro variar. lib. 6. cap. 2.* sed quia summus dignitatum gradus est illustratus, patricij verò numerantur inter illustres: & cum illustrium nonnulli sint superillustres, in numero sunt patricij. Quinque enim (ut hoc obiter addam) gradus dignitatum in iure celebrantur: I. illustratus, quo continetur etiam superillustratus: II. spectabilitas: III. clarissimatus: IV. equestris dignitas: V. perfectissimatus. tres primæ dignitates sunt senatoriæ, secunda est propria equitum, vltima conuenit etiam plebeiis.

§. 5.

Octauo in §. *si hostibus*, tractat de captiuitate patris, vel filij, quæ quidem (ut *suprà* attigi) suspendit patriam potestatem: quia si captus ab hostibus reuertatur, iure postliminij fingitur semper in ciuitate fuisse, consequenter patriam potestatem, & omnia alia iura recipit. sed in his, quæ sunt facti, ut in possessione, fictio postliminij locum non habet. *ff. de acq. poss. l. denique. 19. & de captiu. l. in bello 12. §. facti.* si verò apud hostes moriatur, lege Cornelia fingitur primo captiuitatis momento mortuus esse. §. *si ab hostibus*, & *ff. qui testam. f. c. poss. l. lege Postliminium*, ut Iustiniano Scæuolam sequuto placet, dictum est à limine & post: quia ex hostium potestate euadens, redit ad limen, quod amiserat, id est, ad finem, seu terminum Romanæ ditionis. *d. §. si ab hostibus.* Seruius autem Sulpitius nihil putauit esse in hoc vocabulo notandum præter particulam *post*: nam illud *liminum*, esse tantum productionem vocabuli, ut *rimus* in *finitimus*, referente *Cic. in Topic.*

- §. 6. Nonò in §. *præterea*, & §. *seq.* tractat de emancipatione, quæ
 c 7. est actus legitimus, quo parætes liberos suos de potestate dimittunt, ac sui iuris faciunt. De hac Imperator tria docet: unum est, quod duplex sit emancipatio. Est autem triplex, nempe Legitima, Anastasiana, & Iustiniana. Legitima fiebat ex lege duodecim tabularum, per imaginarias venditiones, & manumissiones, ut explicant Theoph. hic, & Caius *lib. 1. Inst. tit. 4. §. ult.* & Boët. *in Topic. Cic.* sed in desuetudinem abiit. Anastasiana fit ex rescripto Principis. Iustiniana fit auctori-

tate.

tate iudicis competentis, apud quem parentes voluntatem suam liberos emancipandi declarant. d. §. *præterea*, & ff. de *capite minutis*. l. 3. §. 1. *de emancip. lib. l. penult.* & l. *ult.* & Nov. 81. Secundum est, qui possint emancipari. docet autem Imperat. vel unum (puta filium, aut nepotem) posse emancipari, vel pueres, sue omnes liberos. Tertium est, qui sint effectus emancipationis. I. Effectus est, quod patria potestas soluitur, & filius, siue nepos sit sui iuris. II. Effectus est, quod pater succedit filio emancipato ad exemplum patroni succedentis liberto, inf. de *l. et i. nat. success.* §. *ult.* III. Effectus est, quod si emancipatus sit impubes, parens tutelam eius legitimam nanciscitur. inf. de *legitima par. tutel.* Hæc de emancipatione methodicè non omnino seruatò contextus ordine, retuli.

§. 8.

Decimò in §. *sed etsi*, loquitur de filio dato in adoptionem, quo modo patria potestas ab eo, qui in adoptionem dat, in adoptantem transfertur, dummodo adoptans sit in numero parentum naturalium. *suprà tit. prox. §. se. hodie.*

§. penult.

Vndecimò duo declarat adoptioni & emancipationi communia: Vnum est, quod si nurus mea prægnans sit antequam filium meum emancipem, vel dem in adoptionem, nepos nascetur in mea potestate. Si verò post filii mei emancipationem prægnans fiat, in potestate patris, id est mariti sui filium pariet: quod si post filium meum in adoptionem datum fiat prægnans, nepos in potestate adoptantis nascetur, ita ut in omnibus his casibus spectetur tempus conceptionis, ut notauimus *suprà ad titulum de patr. potest.* Atque hoc primum habetur in §. *penult.*

§. ult.

Alterum est in §. *ult.* quod filij non possunt regulariter cogere parentes, ut ab eis de potestate dimittantur, id est, emancipentur. ff. de *adopt. l. non potest.* 31. (Vbi exceptio subiungitur in ll. seqq.) & C. de *emancip. lib. l. 4.* vel in adoptionem dentur. ff. de *adopt. l. 5.* E contratio quoque liberi inuiti non emancipantur. C. de *emanc. liber. l. 5.* & Nov. 89. ap. 11. Idcirco emancipatio, ut & manumissio, non est contentiosa, sed voluntaria iurisdictionis. ff. de *offic. proconsul. l. 2.*

AXIOMATA.

- 1 Qui ciuitatem amittit, pro mortuo habetur. §. 1.
- 2 Vbi est eadem ratio, debet esse idem ius d. §. 1. *vers. pari ratione.*

*ratione. coniun. vers. cum & adgnatos, infr. de legit. patron.
tut. & §. 1. vers. ult. infr. de empt. & vend. & l. illud 32.
ff. ad legem Aquil.*

- 3 Restitutio in integrum omnia iura amissa restituit. *d. §. 1. vers. sed si.*
- 4 Dignitas regulariter filios familias non liberat à potestate patris. *§. 4.*
- 5 Valet argumentum affirmatiuè ductum ab eo quod minus est, ad id quod magis est. *d. 4.*
- 6 Idem operatur fictio in casu ficto, quod veritas in casu vero. *§. 5. coniun. l. 1. in pr. nc. ff. de adopt. & l. cum ex oratione 44. in pr. ff. de excus.*
- 7 Filius in eius potestate nascitur, in cuius potestate conceptus est. *§. ult.*

De tutelis.

T I T. XIII.

TRanſeamus nunc ad aliam diuisionem personarum. Nam ex his personis, quæ in potestate non sunt, quædam vel in tutela sunt, vel in curatione, quædam neutro iure tenentur. Videamus ergo de his, quæ in tutela vel in curatione sunt. Ita enim intelligemus cæteras personas, quæ neutro iure tenentur. Ac prius despiciamus de his, quæ in tutela sunt.

1 § Est autem tutela (vt Seruius definiuit) vis ac potestas in capite libero ad tuendum eum, qui propter ætatem se defendere nequit, iure ciuili data ac permilla.

2 § Tutores autem sunt, qui eam vim ac potestatem habent, exque ipsa re nomen acceperunt. itaque appellantur tutores, quasi tuitores, atque defensores: sicut æditui dicuntur, qui ædes tuentur.

3 § Per

3 § Permissum est itaque parentibus, liberis impuberibus, quos in potestate habent, testamento tutores dare. Et hoc in filios, filiasque procedit omnimodo. nepotibus vero neptibusque sita demum parentes possunt testamento tutores dare, si post mortem eorum in potestatem patris sui non sunt recasuri. Itaque si filius tuus mortis tuæ tempore in potestate tua sit: nepotes ex eo non poterunt [ex testamento tuo tutores habere, quamvis in potestate tua fuerint: scilicet quia mortuo te, in potestatem patris sui recasuri sunt.

4 § Cum autem in comp'uribus aliis causis posthumi pro iam natis habeantur: & in hac causa placuit non minus posthumis, quam iam natis testamento tutores dari posse: si modo in ea causa sint, ut si viuis parentibus nascerentur, sui [heredes], & in potestate eorum fierent.

5 § Sed & si emancipato filio tutor à patre datus fuerit testamento: confirmandus est ex sententia præsidis omnimodo, idest, sine inquisitione.

Exposita est hominum diuisio in eos, qui sunt sui iuris, & eos qui alieno iuri subiecti sunt: iam explicanda est subdivisio eorum qui sunt sui iuris, ut tractatus de personis, ac primus Institut. liber absoluatur.

Primò Imperator in *prin. tit.* diuidit personas sui iuris: quia vel sunt in tutela, ut pupilli, vel in curatione, ut adolescentes, & furiosi, vel neutro genere tenentur; ut vii perfectæ ætatis, qui sunt sanæ mentis & dicendū proponit de his, qui in tutela, vel curatione sunt. Obiter nota differentiam harum potestatum, dominicæ, patriciæ, tutoriæ, curatoriæ. nam dominica, patrica & tutoria sunt in personam. *sup. de his qui sui, vel alieni iuris sunt in pr. & §. 1. & infra tit. prox. §. certa.* curatoria est in res, seu bona. *C. de nupt. l. in copulandi .8.* Rursus dominica potestas ei utilis est, qui potestatem habet: tutoria & curatoria ei, qui in potestate est: patrica utriusque. Deniq;

qui est in patris, vel domini potestate, dicitur alieni iuris: qui verò est sub tutore, vel curatore, dicitur sui iuris. Hinc soluitur contradictio, quæ videtur esse in verbis contextus. nam Imper. hic *in pr.* ait, eorum, qui in potestate non sunt, quosdam esse in tutela, vel curatione: mox *in §. 1.* tutelam definiens, dicit esse vim & potestatem deinde subiicit tutores esse, qui eam vim & potestatem habent: qui igitur in tutela est, in aliena potestate est, ac nihilominus dicitur in potestate non esse. Quare dicendum est potestatis verbum esse homonymum. *ff. de verb. sign. l. potest. 1. 15* & eum, qui in tutela est, non esse quidem in ea potestate, quæ facit esse alieni iuris, id est, in potestate patris, vel dominici, sed esse in potestate, in qua qui sunt, nihilominus sui iuris sunt.

§. 1.

Secundò generaliter de tutelis loquens, tria tradit, nimirum tutelæ definitionem, §. 1. tutoris definitionem, & tutoris etymologiam §. tutor. Tutela est vis & potestas (accipe pro id est, vt & *in §. adipiscenda, inf. de interv.* in capite libero, id est, in tutore, quem necesse est esse hominem liberum; nec refert vtrum sit pater, an filiusfam. *infra tit. p. ex. in pr.*) ad tuendum eum (subaudi pupillum) quia tutor datur personæ, non rebus. *inf. tit. prox. §. certa.* nisi per consequentiam, quatenus res ad pupillum pertinent. *inf. de excusat. §. datus.* qui per ætatem pupillarem se defendere nequit, iure civili data ac permessa, aut enim ius civile, id est, lex, nihil refert, vtrum sit lex duodecim tabularum, an posterior, vt lex Atilia, Iulia, & Titia, de quibus *inf. tit. 20.*) dat tutorem, tuncque vocatur tutela legitima, *ff. de legit. tut. l. 2. in princ.* aut alius permisso legis dat tutorem, tuncque appellatur tutela dativa. *C. de legit. tut. l. ult. m.* permisso autem legis, tutorem dat, vel testator. *inf. tit. prox. §. permillum.* à quo dicitur tutela testamentaria. *ff. & C. de testament. tut. in rubr.* vel magistratus. *inf. de Atil. tut. in princ. & ff. de tutel. l. 6. §. tutoris.* à quo datus tutor, propriè vocatur dativus. *ff. rem pupil. solu. fore l. 7. & C. de episcop. & cler. l. gener l. ter §. 2.* vel honorarius, vt; curator honorarius apud Vlpianum. *tit. de curatorib. in princ.* Ergo tutela dativa est vocabulum homonymum: quod latè sumptum, complectitur tam tutelam testamentariam, quam à magistratu datam: angustè verò acceptum, hanc solam significat, à testamentaria seiunctam. Similiter tutela honoraria est vocabulum homonymum: quia tutor honorarius modò vocatur is, quem Magistratus dedit, vt suprà dixi: modò

is, qui non administrandi, sed honoris causa constitutus est. *ff. de ritu nupt. l. si quis tutor. 60. § quid ergo, & de administr. tut. l. 3. § ceteri, & de solut. l. quod si forte. 14. §. 1.*

Tutor est, qui eam vim & potestatem habet in pupillum. §. 2. Tutor dicitur quasi tutor, non quia pupillum tuetur, sed quia tueri debet. nam hæc appellatio non ab actu, sed ab officio tuendi deducta est.

Tertio transit ad species tutelæ explicandas. & quia tutor legitimus & dativus locum non habent, nisi testamentario deficiente, merito incipit à testamentaria tutela: (id est, quæ in testamento, vel codicillis testamento confirmatis data est.) *ff. de testam. tut. l. 3.* & in hoc tit. docet, qui, & quibus possint tutores dare reliqua de tutela testamentaria expositurus *tit. seq.* Tutorem ex permisso legis duodecim tabularum *ff. de test. tut. l. 1.* dare potest parens filio impuberi in sua potestate constituto: item nepoti & pronepoti in alterius potestatem non recasuris secus est, si morte aui, aut pro- aui in potestatem patris sint recasuri, §. *permissum.*

Item tam liberis posthumis, quàm iam natis, dummodo sint posthumi sui, non alieni, id est, dummodo in ea causa sint ut si vivo parente nascerentur, sui hæredes ei nascerentur. §. *penult.*

Si quis autem tutorem in testamento de filio emancipato, dato ipso iure non valet, sed confirmabitur à magistratu sine inquisitione an sit tutor idoneus, quia standum est iudicio patris. §. *ult.* & *ff. de confirm. tut. l. 3.* tantum igitur quæret magistratus, an hæc fuerit voluntas patris, ut hic sit tutor. *ff. eod. l. in confirmando 8. ff. de testam. tut. l. 3.* Hic igitur tutor est potius testamentarius, quàm dativus: alioquin non confirmaretur testamentum. unde tutor confirmatus præfertur legitimo, post quem vocatur dativus. Interdum tamen prætor negligit voluntatem patris, ac dationem tutoris non confirmat, videlicet si pater per ignorantiam tutorem dederit, cum falsò putaret eum esse idoneum ad tutelam gerendam. maior enim ratio habetur utilitatis pupilli, quàm voluntatis paternæ. *ff. de confirm. tut. l. penult.*

AXIOMATA.

1 Contrariorum eadem est scientia. in princ. coniun. princ. tit. *suprà de his qui sui. vel alieni iuris sunt.*

2 Cogni

- 2 Cognito vno contrariorum cognoscitur & alterum.
ibid. coniun. dictum. princ. supra de his qui sui, vel alieni iuris sunt
- 3 Posthumi habentur pro iam natis. §. pen. coniun. l. 7. & l. penult. ff. de statu. homin.

Qui testamento tutores dari possunt.

TIT. XIV.

Dari autem tutor potest testamento non solum paterfamilias, sed etiam filiusfamilias.

1 § Sed & servus proprius testamento cum libertate recte tutor dari potest. Sed sciendum est, eum & sine libertate tutorem datum, tacite libertatem directam accepisse videri, & per hoc recte tutorem esse. Plane si per errorem, quasi liber, tutor datus sit, aliud dicendum est. Servus autem alienus pure inutiliter testamento datur tutor: sed ita *cum liber erit*, utiliter datur: proprius autem servus inutiliter eo modo tutor datur.

2 § Furiosus, vel minor viginti quinque annis tutor testamento datus, tutor tunc erit, cum compos mentis, aut maior vigintiquinque annis fuerit factus.

3 § Ad certum tempus, vel ex certo tempore, vel sub conditione, vel ante heredis institutionem posse dari tutorem non dubitatur.

4 § Certæ autem rei vel causæ tutor dari non potest: quia personæ non causæ, vel rei [tutor] datur.

5 § Si quis filiabus suis vel filiis tutores dederit: etiam posthumæ [vel posthumæ] dedisse videtur:

detur : quia filij vel filia appellatione & posthumus & posthuma continentur. Quod si nepotes sint, an appellatione filiorum & ipsis tutores dati sint? Dicendum est, ut & ipsis quoque dari videantur : si modo liberos dixerit. Cæterum si filios : non continebuntur. aliter enim filij, aliter nepotes appellantur. Plane si posteris dederit, tam filij posthumi, quam cæteri liberi continebuntur.

Pergit in explicanda tutela testamentaria.

Et primò loquitur de iis, qui tutores dant, ac docet, qui possint testamento tutores dari, unde inscriptio huius tit. supra est. Sæpe enim in his libris videre est, ex prima tituli parte rubricam concipi, ut *suprà tit. 2. & 10. & infrà tit. 16. & 20. & lib. 2. tit. 7. & lib. 3. tit. 2. & 6. & lib. 4. tit. 4. & 16.* hic autem dantur quinque regulæ. I. Tutor dari potest, tam filiusfam. quàm paterfam. *in princ.* quia filiusfam. in publicis causis pro patrefam. habetur, veluti ut magistratum gerat, ut tutor detur *ff. de his qui sunt sui, vel alieni iuris, l. filiusfam. 9.* tutela namque est minus publicum. *infr. de excus. tut. in princ.*

II. Servus proprius, id est, testatoris, potest dari tutor, vel cum libertate, vel omiſsa libertatis datione: quia nisi testator per errorem (id est, falsò putans eum esse liberum) tutorem dederit, libertatem tacitè ei reliquiſſe cenſetur, vel iure directo. §. 1. vel per fideicommiſſum. C. de fideicom. hered. l. et si non adſcripta 9. (nam hæc duo poſſunt còcurrere: præſertim poſt exaurationem legatorum & fideicommiſſorum à Iuſtiniano factam, per quam effectum eſt, ut legatum etiam fideicommiſſi, & fideicommiſſum etiam legati im habeat. *infrà de legat. §. sed non uſque.*) (ita ut electio) ni fallor) ſervo detur, utro modo malit ad libertatem peruenire. Et ſi quidem libertatem iure directo còſequatur, ſit libertus Orcianus, id eſt, deſucti. Si verò tamquam ex cauſa fideicommiſſi manumittatur, ſit libertus manumittentis. *infrà de ſing. ret. per fideic. relict. §. pen.*

III. Servus alienus non poteſt dari tutor purè, ſed ſub còditione, cum liber erit. quare ſi purè tutor detur, inutilis erit datio. d. §. 1. Intellige inutilem quantum ad hoc, ut pure, id eſt, ſtatim tutor fiat non tamen eſt omnino inutilis: quia ſubaudiſtur ea còditio, cum liber erit. *ff. de teſtam. sus. l. ſi hereditas*

10. §. *vl.* I V. Seruus proprius inutiliter datur tutor sub dicta conditione *cum liber eris. d. §. 1.* quia tutor certo iudicio dari debet. *infra de leg. §. sed ne eiusmodi, ver;* tutor. certum verò iudicium eius esse non videtur, qui libertatem, quam dare potest, in incertum eventum differt.

§. 2. V. Si furiosus, vel minor 25. annis tutor datur, ea datio nec est omnino inutilis, nec statim tutorem facit, sed impedit quominus sit locus tutelæ legitimæ, propter spem testamentariæ. datus enim tutor, tunc fiet tutor, cum mentis compos, vel 25. annis maior factus fuerit §. *furiosus.* & interim vt prospiciatur pupillo, alius tutor à magistratu datur. *infra de A. tit. tutor. §. 1. & ff. de testament. tutel. l. si quis sub conditione xi.* vel curator *ff. de excus. l. 8. minor, non solum i. o. §. ἐὰν ἀπελευθερωθῇ, si libertus.*

§. 3. Secundò agit de modis, quibus tutores in testamento dari possunt §. *ad certum* vbi docet, tutorem dari aut purè, veluti, *Mauritio tutor esto;* aut ad tempus veluti, *ad biennium tutor esto;* aut ex die, veluti, *ex Kalendis illis tutor esto;* Kalendis illis tutor esse incipito; aut sub conditione, veluti, *Si naus ex Asia venerit, tutor esto.* Possumus addere etiam ad conditionem veluti, *donec naus ex Asia veniat, tutor esto.* Finito autem tempore, vel pendente die, siue conditione, locus est tutori datus *l. si quis sub conditione.* Addit Imp. tutorem dari posse etiam ante heredis institutionem: quia scilicet ordo scripturæ non spectatur cætero, qui cum hæredis institutio sit caput & fundamentum testamenti; quicquid ante heredis institutionem scribitur, extra testamentum scriptum videri possit; *infra de leg. §. ante heredis.*

§. 4. Tertiò tractat de iis quibus dantur tutores: vbi dat quinque regulas. I. tutor principaliter datur personæ, non rei proinde non datur certæ rei, vel causæ, id est, liti. §. *certa.* sed cum datur principaliter ipsi pupillo, consequenter datur omnibus bonis pupilli. *infra de excus. tutor. §. atque.* interdum tamè tutor datur certis bonis, seu certis rebus, veluti patrimonio quod pupillus habet in alia prouincia. *ff. de testam. tutel. l. si tam n 15. & 16. & de excus. l. propter litem. 21. §. licet.*

§. *vl.* II. Appellatione filiorum, vel filiarum continentur tam posthumi, vel posthumæ, quàm liberi iam nati. §. *vl.* III. Filij appellatione in hoc tractatu non continentur nepos. *d. §. vltim.* licet aliis plerumque contineatur. *ff. de verb. signific. l. iusta 201. & l. liberorum 220.* Plerumque enim eadem est

ratio

filij nepotis sed in hoc tractatu diuersa ratio est: si quidem tutor filio in potestate constituto datur indistinctè, nepoti verò ita demum, si in alterius potestatem morte aui non sit recasurus. IV. Liberorum appellatione etiam nepotes & neptes continentur. *d. §. ult. m.* V. Posthumorum appellatio tam nepotes posthumos, quàm filios posthumos complectitur. *d. §. ultim.*

A X I O M A T A.

- 1 Qui vult consequens, vult etiam antecedens. *§. i. coniun. §. de inque iuris, supra qui, & ex quo. caus. manum. non poss.*
- 2 Error impedit consensum *d. §. i. vers. planè. coniun. l. si per errorem 1. §. ff. de iurisdic.*
- 3 Sublato impedimento tollitur effectus illius impedi-
menti, *§. i. coniun. §. aliquando inf. de usucap.*
- 4 Tutor datur personæ, non rei, vel causæ. *§. pen.*
- 5 Diuersa vocabula arguunt rerum diuersitatem. *§. ult. coniun. l. C. de codicill.*

De legitima adgnatorum tutela

T I T. X V.

Quibus autem testamento tutor datus non est: his ex lege duodecim tabularum adgnati sunt tutores qui vocantur legitimi.

¶ Sunt autem adgnati, [cognati] per virilis sexus cognationem coniuncti, quasi à patre cognati: veluti frater [ex] eodem patre natus fratris filius neposve ex eo: item patruus, & patruus filius, neposve ex eo. At qui per feminini sexus personas cognatione iunguntur, adgnati non sunt: sed alias naturali iure cognati, itaque amice tuæ filius non est tibi adgnatus, sed cognatus: & in vicem tu illi eodem iure coniungeris: quia qui [ex ea] nascuntur

scuntur, patris, non matris familiam sequutus.

2 § Quod autem [lex duodecim tabularum] ab intestato vocat ad tutelam adgnatos : non hanc habet significationem , si omnino non fecerit testamentum is, qui poterat tutores dare: sed si quantum ad tutelam pertinet intestatus decesserit quod tunc quoque accidere intelligitur, cum is, qui datus est tutor, viuo testatore decesserit.

3 § Sed agnationis quidem ius omnibus modis capitis deminutione plerumque perimitur: nam adgnatio iuris [ciuilis] nomen est: cognationis vero ius non omnibus modis commutatur : quia ciuilis ratio ciuilia quidem iura corrumpere potest , naturalia vero utique.

Cessante tutela testamentaria locus est legitimæ, quæ vel defertur ex verbis legis XII. tabul. vt tutela adgnatorum; vel ex mente & interpretatione legis, vt tutela patronorum, & parentum ; vel ex nouo iure, vt tutela fiduciaria: de quibus singulis deinceps agetur, factò initio à tutela adgnatorum, quæ verbis legis XII. tab. introducta. est nam *κατ' ἐξοχὴν* siue (vt Vlp. *sit. de tutel. §. legitimi.* loquitur) per eminentiam, legitimi tutores dicuntur, qui ex lege XII. tab. ad tutelam. vocantur.

Princ.

Primò Imp. in *pr. tit.* docet hanc legitimam tutelam sequi testamentariam, & ea deficiente locum habere : atque ita nectit hunc tit. cum præcedentibus.

§. 1.

Secundò declarat ea, quæ requiruntur ad hoc, vt alicui hæc legitima tutela deferatur. Quatuor autem requiruntur. I. Vt sit coniunctus per masculos, non per foeminas; quia per masculos sunt agnati, per foeminas cognati: hæc autem tutela adgnatis, non cognatis defertur. §. 1. sed hodie, sublata adgnationis & cognationis differentia, tutela æquè defertur cognatis atque adgnatis. *Nov. 118. cap. 5.*

§. 2.

II. Vt nullus sit tutor testamentarius. §. *quod autem*, quia secundum regulam iuris, dispositio nominis, id est, testatoris facit cessare dispositionem legis.

§. vlt.

III. Vt agnatio non sit sublata per capitis deminutionem.

§. vlt.

§. ult. quod dictum seq. tit. explicabitur: ibique in §. ult. subiungetur IV. Requisitum, ut is, qui ad tutelam vocatur, sit agnatus proximus, ita ut nemo cum gradu precedat. Quod dixi, requiri ut is, qui ad tutelam vocatur, non sit in capite minutus, correctum est per dictam Nou. 118. cap. 3. ex quo nihil nocet, quod aliquis non sit assignatus, cum tutela æque deferatur cognatis: unde quia post capitis deminutionem manet cognatus nisi maximam, vel mediam capitis deminutionem passus sit, ut seq. tit. exponetur, idcirco non obstante minima capitis deminutione, hodie fiet tutor legitimus.

AXIOMATA.

- 1 Paria sunt, aliquid non facere, & non iure facere, §. 2.
- 2 Ciuilis ratio iura ciuilia tollere potest, non etiam iura naturalia. §. ult. coniu. §. minus infra de hered. que ab intest. defer.
- 3 Ius agnationis minima capitis deminutione perit. §. ult. coniu. princ. tit. infr. de acqui. per arrogat. & l. iura 8. ff. de reg. iur.

De capitis deminutione.

TIT. XVI.

Est autem capitis deminutio, status mutatio. Eaque tribus modis accidit. Nam aut maxima est capitis deminutio, aut minor (quam quidam mediam vocant) aut minima.

1 ¶ Maxima capitis deminutio est, cum aliquis simul & ciuitatem & libertatem amittit: quod accidit in his, qui serui pœnæ efficiuntur atrocitate sententiæ: vel libertis, ut ingratis erga patronos condemnatis: [vel his,] qui se ad pretium participandum venundari passi sunt.

2 ¶ Minor, siue media capitis deminutio est, cum

cum ciuitas quidem amittitur, libertas vero retinetur, quod accidit ei, cui aqua & igni interdictum fuerit, vel ei, qui in insulam deportatus est.

3 § Minima capitis deminutio est, cum ciuitas retinetur & libertas, sed status hominis commutatur: quod accidit in his, qui cum sui iuris fuerint: coeperunt alieno iuri subiecti esse, vel contra. [veluti si filiusfamilias à patre emancipatus fuerit, est capite deminutus.]

4 § Seruus autem manumissus, capite non minuitur: quia nullum caput habuit.

5 § Quibus autem dignitas magis, quàm status permutatur, capite non minuuntur; & ideo à senatu motos capite non minui constat.

6 § Quod autem dictum est, manere cognationis ius etiam post capitis deminutionem: hoc ita est, si minima capitis deminutio interueniat, manet enim cognatio: nam si maxima capitis deminutio interueniat: ius quoque cognationis perit, ut puta seruitute alicuius cognati: & ne quidem manumissus si fuerit, recipit cognationem. Sed & si in insulam quis deportatus sit, cognatio soluitur.

7 § Quum autem ad agnatos tutela pertineat: non simul ad omnes pertinet, sed ad eos tantum, qui proximiores gradu sunt: vel si plures eiusdem gradus sunt, ad omnes [pertinet, veluti si plures fratres sunt, qui vnum gradum obtinent, pariter ad tutelam vocantur.]

Quia dictum fuit in calce superioris tit. ad agnationem tolli per capitis diminutionem, obiter de capitis deminutione agit.

Ac primò capitis deminutionem definit status prioris mutationem. Secundò, quia status in tribus consistit, libertate, ciuita

ciuitate, familia, quæ ita sunt inter se affecta, ut vel omnia amittantur, vel duo tantum, vel vnum dumtaxat (nam familia sine ciuitate & libertate non retinetur: ciuitas amissa familiâ, retinetur, sine libertate non consistit: libertas sine ciuitate & sine familia retineri potest) idcirco capitis diminutionem diuidit in tria genera, maximam, minorem, seu mediam, & minimam, *vers. eâque.*

Maxima capitis deminutio in §. 1. definitur, *cum aliquis simul* §. 1.
& libertatem, & ciuitatem amittit, consequenter etiam familiam perdit. Huius tria exempla proponuntur. Primum exemplum est poenæ seruitus de qua dixi ad §. *pœna, sup. quib. modis ius potest solui.* Secundum exemplum est, cum libertus ingratus erga patronum reuocatur in seruitutem, tamquam indignus libertate: quod etiam ob levis offensæ culpam accidit *C. de libert. & eorum liber. l. 2.* Hoc autem nomine datur patrono ingrati accusatio. *C. eod. l. 1.* Tertium exemplum est, cum quis ad pretium participandum patitur se venundari, de quo dixi ad §. *penultim. supra de iure personarum.*

Minor, seu media capitis deminutio in §. *minor.* defini- §. 2.
 nitur, cum salua libertate amittitur ciuitas, proinde etiam familia. Eius duo exempla subiiciuntur. Primum exemplum est aquæ & ignis interdictio, quæ in desuetudinem abiit, & in eius locum successit deportatio. *ff. de pecul. l. 3. & de poenis l. 2.* Secundum exemplum est deportatio. Atqui videtur his modis etiam libertas adimi. *ff. de extraordin. cognit. l. penult. §. ultim.* ergo non media, sed maxima capitis deminutio est. Ut hunc modum soluat. Cuiacius duplicem libertatem fingit, alteram iuris gentium, alteram iuris Quiritium: quod mihi videtur merum figmentum. Ego existimo Callistratum in *d. §. ult.* non solum de maxima; sed etiam de media capitis deminutione loqui: utraque enim existimationem consumit. Itaque initio dat hanc regulam de maxima capitis deminutione, inquit existimationem ea consumi. Deinde in *versic. i. est*, (sed legendum *idem*, vel, *idem est*; error enim ortus est ex eo, quod in libris scriptis est cum titulo, hoc modo etiam, modò significat *em*, vel *en modò est*) eam regulam producit ad mediam capitis deminutionem. Post hæc in *versic. velati*, dat exempla mediæ capitis deminutionis. Tandem in *versic. vel cum plebeius*, subiicit exempla maximæ capitis deminutionis.

§. 3.

Minima capitis deminutio in §. *minima*, definitur, cum libertas & ciuitas retinentur, sed familia mutatur. Huius duo modi in contextu afferuntur. Primus modus est cum paterfamilias subiicitur patriæ potestati, veluti cum arrogatur. Secundus modus est cum filius familias fit sui iuris veluti cum emancipatur. Sed particula *velut* in contextu difficultatem facit: quia filius familias, dum sui iuris fit, non aliter capite minuitur, quam si emancipetur. Nam aliis modis, ut morte patris, & dignitate, fit sui iuris sine capitis deminutione. ff. de s. l. *Macedon. l. 3. §. ultim.* & Nou. 81. Qui verò emancipatur, ideo capite minuitur, quia secundum veterem emancipandi formulam redigebatur in imaginariam seruitutem. ff. de capit. minus. l. §. 3. 1. & licet hodie liberi aliter emancipentur *suprà quibus modis ius potest. solui. §. p. a. terea.* tamen perinde habetur, ac si secundum veterem formulam emancipatio fieret, argum. §. *ultim. infrà de leg. adgn. success.* Hæc obiectio tribus modis solui potest. I. Si hæc particula *velut*, cum Cuiacio deleatur: quoniam abest à libris scriptis. II: Si accipiatur pro *id est*, ut in §. *lex. est veris. plebiscitum*, *suprà de iur. natur.* quemadmodum est contrario, *id est*, accipitur pro *velut* in ff. de pacti. l. 1. §. *pactorum.* III. Si non coangustetur ad proximam, sed indicet afferri exemplum capitis deminutioni: ita ut dicamus Imperatorem in. h. §. *primùm definire*, quid sit minima capitis deminutio: deinde in *ve sic. quod accidit*, eam diuidere in duas species: postremò in *ve sic. veluti*, afferre eius exemplum.

§. 4.

Quod duo casus perpurgat, quibus aliquis falsò credere posset statim mutari, seu capite minui. Primus casus est cum seruus manumittitur: quia cum seruus non habeat caput, id est, statum) si quidem caput hic accipitur pro statu *suprà hoc tit. in. r. inc.* seruus autem statu caret quippe qui pro nullo ff. *de iur. reg. iur. l. quod a tinet. 21.* seu pro mortuo habetur ff. *eod. l. seruitem 209.*) dici non potest capite minui. §. *seruus.* In alia significatione seruus habet caput, id est, dominum quia dominus est caput serui. *infrà de noxal. action. §. omnis.*

§. 5.

Secundus casus est, cum aliquis dignitatem amittit. §. *quibus*, quia status consistit tantum in libertate, ciuitate, & familia. ff. *hoc tit. l. ultim.* dignitas verò ad statum non pertinet. d. §. *quibus.*

Quartus

Quarto in §. pen. interpretatur, quod dicit in §. ult. tit. praed. §. pen. pertinens ad effectum capitis diminutionis, ac docet agnationem tolli quacumque capitis diminutione, quamvis cognatio, seu potius iura cognatis indulta (nam iura sanguinis nulla civili ratione dirimi possunt. ff. de divers. regul. iur. l. iura 8.) tantum maxima, vel media capitis diminutione tollantur.

Quintò in §. ult. declarat quantum illud requisitum in tutela legitima deferenda, ac docet eam non deferri simul omnibus agnatis, sed tantum agnatis proximis. §. ult.

A X I O M A T A.

- 1 Servus nullum caput habet, id est statum non habet. §. 4.
- 2 Quod non est, mutari, vel amitti nequit. d. §. 4. Vulgò dicitur. Non entis nullæ sunt qualitates.
- 3 Dignitas à statu differt. §. 5.
- 4 Manumissio cognationem servitute amissam non restituit. §. penult.
- 5 Proximior remotiori in tutela suscipienda præfertur. §. ultim.

De legitima patronorum tutela.

T I. XVII.

EX eadem lege duodecim tabularum libertorum & libertarum tutela ad patronos liberòsque eorum pertinet, quæ & ipsa legitima tutela vocatur: non quia nominatim [in] ea lege de hac tutela caueatur: sed quia perinde accepta est per interpretationem, ac si verbis legis introducta esset. Eo enim ipso, quod hereditates libertorum libertarumque, si intestati decessissent, iusserat lex ad patronos liberòsve eorum pertinere: crediderunt veteres voluisse legem etiam tutelas ad eos pertinere: cum & agnatos, quos ad hæreditatem [lex] vocat,

cat, eisdem & tutores esse iusserit, quia plerunque ubi successionis est emolumentum, ibi & tutelæ onus esse debet. Ideo autem diximus *plerunque*: quia si à femina impubes manumittatur, ipsa ad hereditatem vocatur, quum alius sit tutor.

In tutela agnatorum sunt ingenui: in tutela patronorum liberti illa est ex verbis leg. XII. tab. hæc autem est ex eius legis interpretatione, ducto argumento ab hæreditate ad tutelam: regula enim iuris est, eum, qui percipit commodum hereditatis debere etiam subire onus tutelæ ff. de diu. reg. iur. l. secundum naturam 10. & Nou. 118. c. ult. proinde cum lex patronum expressè vocet ad successionem in bonis liberti, censetur tacitè eundem vocare ad tutelam liberti: ac dicitur tutela legitima propterea quod ex legibus non ea tantum dicatur esse quæ ex verbis legum descendunt, sed etiam quæ ex earum sententia colliguntur ff. de verb. sign. l. 6. §. 1. si vis analysim huius contextus I. Imperator ponit hanc conclusionem tutelam patronorum esse introductam lege duodecim tabularum. II. In vers. *quæ & ipsa*, addit alteram conclusionem, hanc tutelam vocari legitimam; intellige legitimam in angusta significatione, qua legitimum dicitur, quod est ex lege duodecim tabularum. III. In vers. *non quia*, interpretatur eas conclusiones, ac docet hanc tutelam non esse ex verbis, sed ex interpretatione legis duodecim tabularum. IV. In vers. *eo enim ipso* proponit eam interpretationem quæ legem loquentem de hæreditate producit ad tutelam: tanquam hæc consequentia valeat, Patronus vocatur ad legitimam liberti hereditatem; ergo etiam vocatur ad eius tutelam legitimam V. In vers. *cum & adgnatos*, probat hanc consequentiam ab exemplo agnatorum: quod enim obtinet in adgnatis etiam in patronis obtinere debet: id est, utrisque valere debet eadem consequentia ubi est eadem ratio; debet esse idem ius. ff. ad legem Aquil. l. illud. 32. V I. In vers. *quia plerumque*, probat eandem consequentiam à regula iuris de commodo & incòmodo, quæ plerumque obtinet. V I I. In vers. *i. eo* docet, cur dixerit *plerumque*, adiecta exceptione in personis, de quibus nunc agitur id est, in patronis & libertis: quia patrona lege vocatur ad legitimam hereditatem liberti: nullo autem modo vocatur ad tutelam liberti, propterea quod tutela est virile.

officium à quo mulieres excluduntur : ff. de tutel. l. tutela 16.
 & C. quam mul. tut. off. fungi potest. l. 1. præter matrem &
 auam, quibus ex speciali priuilegio tutela liberorum per-
 mittitur. C. eod. l. 2. & N u. 118. cap. 5. Dicta exceptioni,
 quam Imperator sumpsit à sexu muliebri addi potest & al-
 tera à minore ætate: quia minor 25. annis, licet possit esse he-
 res legitimus, tamen non potest esse tutor inf. de fianc. tut.
 vers. ult. & C. de leg. tut. l. ult.

A X I O M A T A.

- 1 Ex lege esse dicitur, non solum quod est ex verbis, sed
 etiam quod est ex mente & interpretatione legis, con-
 iun. l. 6. §. 1. ff. de verb. sign.
- 2 Regulariter valet argumentum ab hereditate ad tutelam
 vers. eo enim ipso. coniu. Nou. 118 cap. 5.
- 3 Qui sentit commodum, debet etiam sentire incommo-
 dum d. vers. eo enim ipso. & è contrario qui sentit in-
 commodum, debet etiam sentire commodum inf. à
 de legit. adgn. success. §. pen. & ff. de diu. reg. i. r. l. iecun-
 dum naturam 10.
- 4 Vbi est eadem ratio, debet esse idem ius. coniu. §. 1. vers.
 pari ratione, supra quib. mod. ius por. ff. solu. & §. 1. vers.
 ult. inf. de empt. & vend. & l. illud. 32. ff. ad leg. Aquil.

De legitima parentum tutela.

T I T. XVIII.

EXemplo patronorum recepta est & alia tutela,
 quæ & ipsa legitima vocatur: nam si quis filium
 aut filiam, nepotem aut neptem ex filio, & deinceps
 impuberes emancipauerit: legitimus eorum tutor erit.

Parentes, qui liberos emancipauerunt sunt similes patro-
 nis quandoquidem sicut serui manumittuntur, ita etiam li-
 beri, cum emancipabantur, manumittebantur. sup. quib.
 mod. ius patr. potest. solu. §. præterea Theoph. bi Caius lib. 1. in-
 stit. tit. 6. §. ult. & Boer in Topic. Cic. Quocirca parentes libe-

ris emancipatis succedunt quasi patroni. *inf. de leg. agn. suc. §. ult.* & ad eorum in pupillari ætate constitutorum tutelam vocatur. *d. §. præterea in fin.* Hæc igitur tutela vocatur legitima: quia ex æplo tutelæ patronorum colligitur ex mète & interpretatione legis xij. tab. ab Vlp. autem appellatur fiduciaria: quia emens filiumfam. manumittendum, dicebatur pater fiduciarius: & cum pater naturalis filium patri fiduciario vendebat hoc pacto, ut sibi retrò venderetur, videlicet ut ipse manumitteret, contracta fiducia emancipare dicebatur *infr. de legitima adgn. successione, §. ult.* quare siue pater fiduciarius impuberem manumittebat, siue pater naturalis, quia contracta fiducia emancipauit, is tutor fiduciarius nominabatur Vlpianus *tit. de tutelis, §. qui liberum.* & vicem legitimi tutoris sustinere dicitur. *ff. de legit. int. l. 3. §. ult.*

De fiduciaria tutela.

TIT. XIX.

Est & alia tutela, quæ fiduciaria appellatur: nam si pater filium, vel filiam, nepotem, vel neptem, vel deinceps impuberes manumiserit; legitimam nanciscitur eorum tutelam. Quo defuncto, si liberi [cuius] virilis sexus existant, fiduciarj tutores vel fratris, vel sororis efficiuntur. Atque patrono legitimo tutore mortuo, liberi quoque eius legitimi sunt tutores: quoniam filius quidem defuncti, si non esset à viuo patre emancipatus, post obitum eius sui iuris efficeretur, nec in fratrum potestatem recideret, ideoque nec in tutelam. Libertus autem, si seruus mansisset, utique eodem iure apud liberos domini post mortem eius futurus esset. Ita tamen hi ad tutelam vocantur, si perfectæ sint ætatis: quod nostra constitutio in omnibus tutelis & curationibus obseruari generaliter præcepit.

Si

Si parens, cum aliquis ex liberis suis legitimus tutor esset, aliis quoque liberis perfectæ ætatis supersticibus decesserit, hi in tutelam fiduciariam succedunt: quæ etiam tutela legitima dici potest: quatenus nec testamento, nec à magistratu, sed ipso iure tutores constituuntur. *C. de legit. tutela. l. 4.* sed quia non ita potest ex lege duodecim tabularum colligi, ut tutela parentum: idcirco commodè & ad diuersa tutelarum genera distinguenda accommodatè, parentum legitima horum fiduciaria tutela nuncupatur. Porro hac ratione modò pater fit tutor filij sui, (id est, cum auus erat tutor nepotis, moriente auo pater tutelam suscipit) modò frater fratris, modò patruus filij fratris, prout variis modis contingit, ut vnus ex liberis tutoris defuncti suscipiat tutelam alterius ex liberis eiusdem defuncti. Quod dixi, patrem fieri tutorem filij sui fiduciarium, debet accipi cum hac limitatione, ut coangustetur ad patrem emancipatum: nam si integri iuris sit, non video, cur non sit tutor legitimus: quandoquidem ut parens est similis patrono, idèque est tutor legitimus ita etiam hic filius non emancipatus est similis filio patroni: quare ut filius patroni sit tutor legitimus post mortem patroni, ita etiam hic, qui est similis filio patroni, debet fieri tutor legitimus: filius autem emancipatus non potest dici similis filio patroni, quia propter emancipationem lege xij. tabul. pro extraneo habetur proinde non fit tutor legitimus, sed fiduciarius. Subiiciam speciem, in qua dicti casus coniunguntur, id est, pater est fiduciarius tutor filij sui, & frater fratris, & patruus filij fratris. Finge Titium habere tres filios, Primum Secundum, Tertium, & ex primo nepotem Quartum, ex secundo nepotem Quintum. Primum esse perfectæ ætatis. Secundum mori, cæteros esse impuberes: omnes autem à Titio emancipari: certè Titius ex lege xij. tab. est tutor legitimus Tertij Quarti & Quinti. iam pone Titium decedere. Primus in tutelam succedit, & est fiduciarius tutor Tertij fratris sui, & Quarti filij fratris sui, & si emancipatus fuit etiam Quinti filij sui. Iam verò ne omittam huius difficilissimi tituli analysim, Imperator hanc tutelam proponit, & ait vocari fiduciariam, unde hora, aliam esse tutelam legitimam vel ex verbis legis, ut adgnatorum; vel ex mente legis ut patronorum; aliam esse legitimam & fiduciariam, ut parentum qui tutores sunt ex interpretatione legis duodecim tabularum, & ex contractu fiduciæ aliam esse tantum fiduciariam,

de qua est hic titulus. II. Expositurus hanc tutelam fiduciariam, in vers. *nam si pater*, proponit legitimam parentis, ex qua hæc oritur. III. In vers. *quo defuncto*, declarat hanc tutelam fiduciariam, & ait, mortuo parente tutore legitimo liberos eius in tutelam succedere, ita ut fiant fiduciarij tutores filiorum suorum, vel fratrum, vel cæterorum, ut filiorum fratris: quod iam exposui. IV. In vers. *atqui patrono*, opponit exemplum filiorum patroni, qui non in fiduciariam, sed in legitimam tutelam succedunt: unde idem videtur dicendum de filiis parentis. V. In vers. *quoniam filius*, tradit differentiam inter filios patroni, & filios parentis, à me iam explanatam. VI. In vers. *ita tamen*, quia suprà vocauerat filios parentis, dummodò essent masculi, ad tutelam fiduciariam, iam addit alteram limitationem, dummodò sint perfectæ ætatis, & generaliter minores viginti quinque annis ab omni tutela excludit.

De Atiliano tutore, & eo qui ex lege Iulia & Titia dabatur.

T I T. X X.

SI cui nullus omnino tutor fuerat, ei dabatur: in vrbe quidem à prætore urbano, & maiore parte tribunorum plebis tutor ex lege Atilitia; in prouinciis vero à præsidibus prouinciarum ex lege Iulia & Titia.

1 Sed & si in testamento tutor sub conditione aut ex die certo datus fuerat: quamdiu conditio aut dies pendebat, ex eisdem legibus tutor dari poterat. Item si purè datus fuerat: quam diu ex testamento nemo heres existeret, tamdiu ex eisdem legibus tutor petendus erat: qui desinebat esse tutor, si conditio extiterat, aut dies venerat, aut heres extiterat.

2 ¶ Ab

2 § Ab hostibus quoque tutore capto, ex his legibus tutor petebatur: qui desinebat esse tutor, si is, qui captus erat, in ciuitatem reuersus fuerat: nam reuersus recipiebat tutelam iure postliminij.

3 § Sed ex his legibus tutores pupillis desierunt dari, posteaquam primo consules pupillis vtriusque sexus tutores ex inquisitione dare cœperunt, deinde prætores ex constitutionibus. Nam supradictis legibus neque de cautione à tutoribus exigenda, rem saluam pupillis fore: neque de compellendis tutoribus ad tutelæ administrationem, quidquam cauebatur.

4 § Sed hoc iure utimur, ut Romæ quidem præfectus vrbi, vel prætor secundum suam iurisdictionem, in prouinciis autem præsides ex inquisitione tutores crearent vel magistratus iussu præsidum, si non sint magnæ pupilli facultates.

5 § Nos autem per constitutionem nostram huiusmodi difficultates hominum rescantes: nec expectata iussione præsidum, disposuimus, si facultates pupilli vel adulti usque ad quingentos solidos valeant, defensores ciuitatum vnà cum eiusdem ciuitatis religiosissimo antistite, vel alias publicas personas, id est, magistratus, vel iuridicum Alexandrinæ ciuitatis, tutores vel curatores creare: legitima cautela secundum eiusdem constitutionis normam præstanda, videlicet eorum periculo, qui eam accipiunt.

6 § Impuberes autem in tutela esse naturali iuri conueniens est, ut is, qui perfectæ ætatis non sit, alterius tutela regatur,

7 § Quum ergo pupillorum pupillarumque
tutores

tutores negotia gerant : post pubertatem tutelæ iudicio rationem reddunt.

Princ. Si nemo sit qui ex testamento, vel lege ad tutelam vocetur, iudex competens tutorem dat, ut hoc tit. explicatur vsque ad §. pen.

Quia in parte Imp. primò declarat ius antiquum, id est, legem Atiliam, & legem Iuliam & Titiam: quarum illa Romæ, hæc in prouinciis pupillis prospiciebant. Hoc enim iure tutorem dabant Romæ prætor urbanus, & maior pars tribunorum plebis id est, sex tribuni: cum enim eorum numerus variauerit, tandem placuit decem creari. Hoc autem videtur contra ius intercessionis fauore pupilli receptum esse: quoniam aliàs plus poterat vnus tribunus dissentiens, quàm omnes alij consentientes: sed hoc casu consensus maioris partis præualebat. Porro hæc datio quatuor casibus locum habet. I. Si nullus omnino sit tutor, id est, nec

§. 1. testamentarius, nec legitimus, *in princ.*

II. Si pendeat conditio sub qua, vel ex quo tutor testamento datus est. Dico *testamento*; quia lex tutorem purè constituit, non ex die, nec sub conditione. §. 1. III. Si tutor in testamento purè sit datus sed effectus testamenti pendeat, & hæreditas iaceat, nemine adhuc eam adeunte, d.

§. 1. *vers. item si purè.*

§. 2. IV. Si tutor testamentarius, vel legitimus in hostium potestate sit: interim enim tutor à magistratu datur. §. *ab hostibus*. Quid si captiuus reuertatur ab hostibus; Tutelam recipiet: ergo datiuus tutor esse desinet. d. §. *ab hostibus*. Quid si ille apud hostes moriatur? Cuiacius & Hotomanys legitimo tutori locum faciunt. Mihi probabilius videtur, eum tutorem manere, quem magistratus dedit, arg. l. *quasitum*. 12. ff. *de tuteli.*

§. 3. Secundò *in §. sed ex his*, docet, quando, & quam ob causam hæc leges in deluetudinē abierint; ac docet desisse tutores ex his legibus dari, ex quo dari ex inquisitione cœperunt, primùm à cōsulibus, deinde à prætoribus; quod fuit constitutionibus Principum introductum ff. *confirm. tut. l. 1. §. 1. Suet. in Claudio. cap. 23*. Ratio cur dictæ leges displicuerint, sumitur à duplici earum imperfectione: quia necessaria duo in eis prætermissa fuerunt. Vnū est, vt tutor satisderet pupilli

pupilli saluam fore: de qua satisfactione dicetur *infra tit. 24.* Alterum est, ut tutores nolentes administrare cogantur: debent enim capitis pignoribus coerceri. *infra d. tit. 24. de satisf. dat. tutor. §. pen.*

Tertiò in §. *sed hoc iure*, exponit ius nouum quo iure tutorem Romæ dat præfectus urbi, vel prætor secundum suam iurisdictionem; id est præfectus tutorem de illustribus, spectabilibus, & clarissimis personis. *C. de tutor. vel cura. illustr. person. l. 1.* prætor cæteris Non tamen hoc tutorem dandi ius habent vi iurisdictionis, sed quia nominatim hoc eis concessum est constitutionibus Principum *suprà §. 170x. ff. de tutel. l. 6. §. tutoris datio.* Nisi distinguamus inter iurisdictionem urbanam, & prouincialem: ac dicamus tutelæ dationem esse partem iurisdictionis urbanæ, non iurisdictionis prouincialis, sed in prouincia ei competere, cui nominatim lege, vel senatusconsulto, vel constitutione Principis concessa est *d. l. 6. tutoris datio.* Ex hac concessione tutorem in prouinciis dant præfides, aut, si pupilli facultates exiguæ sint, magistratus, id est, duumuii iussu præfidum; non est enim existimandum, duumuiros vi mandatæ iurisdictionis tutorem dedisse: quia cum tutoris datio præfidi non competat iure magistratus, sed ex speciali concessione, ut modò exposui, mandari numquam potuit. *ff. de officio eius. l. 1.*

§. 4.

Quartò in §. *nos autem*, declarat ius nouissimum, ut si pupilli facultates non excedant quingentos solidos (id est, aureos, quorum duo & septuaginta libram conficiebant. *C. de susceptorib. l. 5*) tutorem ei dare possint, non solum præfides aut magistratus iussu præfidum, defensores ciuitatum vnâ cum Episcopo, vel magistratus, (id est, duumuiros,) vel iuridicum Alexandria. Vide *l. 10. ff. de Episc. audien.* Hic explicite tractatus de tutela datiuâ. Iam igitur exposita sunt omnia genera tutelarum, & omnes modi, quibus tutelæ constituuntur.

§. 5.

Post hæc in §. *p. n.* docet finem tutelæ: & inde in §. *ult.* colligit eius effectum. Finis est ut pupillus à tutore regatur, quia se ipsum per ætatis imbecillitatem regere nequit: cum non sit perfectæ ætatis, id est, pubes. Obiter nota aliam esse ætatem legitimam, seu perfectam $\chi\tau\iota\tau\iota$, aliam $\alpha\pi\lambda\omega\varsigma$: nam quod ad hoc ut aliquis non egeat tutore, legitima & perfecta ætas est pubertas. *C. si mater in demn. prouis. l. 2.* non est tamen hæc ætas omnino & simpliciter legitima, & perfecta, quoniam

§. pen.

quoniam adhuc eget curatore: sed simpliciter ætas legitima: seu perfecta incipit post annum vigesimum quintum completum. *C. in quibus causis in integr. rest. necessaria non est. l. ult. & de his, qui ven. ætat. impetr. l. 2.*

§. ult.

Effectus præcipuus est, quòd post tutelam pubertate, vel alio modo finitam tutor rationem tutelæ gestæ reddere tenetur iudicio tutelæ directo, quod durante tutela moueri non potest. *ff. de tutel. & ration. distrabend. l. 1. §. ultim. & l. 4. in pr. iudicium autem contrarium datur tutori contra eum, cuius tutelam gessit, si fortè pro eo aliquid utiliter impendit, vel pro eo se obligauit. infr. de oblig. qua ex quasi contr. §. tutores.*

A X I O M A T A.

Naturali æquitati consentaneum est, ut is, qui est imperfectæ ætatis, alterius cura regatur. §. penult.

De auctoritate tutorum.

T I T. XXI.

Auctoritas autem tutoris in quibusdam causis necessaria pupillis est, in quibusdam non est necessaria, ut ecce si quid dari sibi stipulentur. non est necessaria tutoris auctoritas: quod si aliis promittant pupilli, necessaria est tutoris auctoritas. Namque placuit meliorem quidem conditionem licere eis facere etiam sine tutoris auctoritate: deteriore vero non aliter quàm [cum] tutoris auctoritate. Vnde in his causis, ex quibus obligationes mutue nascuntur, ut in emptionibus venditionibus, locationibus, conductionibus, mandatis, depositis: si tutoris auctoritas non interueniat: ipsi quidem, qui cum his contrahunt, obligantur

obligantur, at inuicem pupilli non obligantur.

1 § Neque tamen hereditatem adire, neque bonorum possessionem petere, neque hereditatem ex fideicommisso suscipere aliter possunt, nisi tutoris auctoritate (quamuis [illis] lucrosa sit) ne vllum damnum habeant.

2 § Tutor autem statim in ipso negotio praesens debet auctor fieri, si hoc pupillo prodesse existimauerit, post tempus vero, vel per epistolam interposita auctoritas, nihil agit.

3 § Si inter tutorem pupillumque iudicium agendum sit: quia ipse tutor in rem suam auctor esse non potest: non praetorius tutor (vt olim) constituitur, sed curator in locum eius datur: quo [curatore] interueniente iudicium peragitur, & eo peracto, curator esse desinit.

Vis ac potestas tutelae administratione & auctoritate tutorum maximè cernitur: nam vel ipse tutor gerit, vel pupillo gerenti auctor fit: hinc duo sunt tituli in D & C *de administratione tut.* & *de auctoritate tut.* De administratione locutus est Imp. in fine tit. praeced. vbi docuit tutores administrationis suae rationem, tutelam finitam, reddere debere: consequenter itaque tractat de auctoritate tutorum. Auctoritas est consensus praesentem alterius actum confirmans: nam auctoritas in ipso negotio gerendo interponitur. §. *tut.* autem alius est consensus actum praecedens, qui vocatur iussus, vel mandatum: alius actum sequens, qui appellatur ratihabitio.

Quod ad seriem contextus attinet. Primò docet Imp. in quibus causis auctoritas tutoris sit pupillo necessaria, vbi dat tres regulas. Prima regula est: Pupillus sine tutore potest facere conditionem suam meliorem, non deteriore: proinde potest alium sibi obligare, non ipse alteri obligari. *in princ.* Secunda regula est, Ex contractibus vtrò citroque obligatoriis is qui cum pupillo contrahit, obligatur, sed pupillum inuicem obligatum non habet. Excipe, nisi pupillus dolum commiserit, aut locupletior factus sit. Tribus enim ex causis
pupillus

pupillus obligatur sine tutore. I. Si pubertati proximus dolum commisit I i. Si locupletior factus sit. ff. de pos. l. 1. §. an in pupillum. III. Si obligatio sine consensu ex re veniat, ut quia socius pupilli in rem communem impendit. ff. de oblig. & act. l. furiosus. 46. Nota in pupillum locupletiore factum dari actionem utilem ex constitutione Diui Pij. ff. de nego. gest. l. 3. §. pupillus. & commodat. l. 3. in princ. non tamen ex ea constitutione factam esse obligationem civilem, sed nihilominus manere naturalem. ff. hoc tit. l. 5. in princ. Ergo ex naturali obligatione interdum actio datur ff. de oblig. & act. l. naturales. 10.

§. 1.

Tertia regula est: Pupillus hæreditatem sine tutore acquirere non potest, nec iure civili, nec iure prætorio: & neque iure directo, neque per fideicommissum §. 1. quia licet hæreditas sit lucrosa tamen pupillus non potest eam acquirere quin implicetur oneribus & obligationibus hæreditariis, iam autem diximus eum sine tutore non posse obligari. Unde notetur differentia inter hæreditatem & contractus: nam contractus pupilli potest claudicare, id est fieri potest, ut contrahens cum pupillo obligetur quamvis pupillus ei non teneatur: hæreditatis autem acquisitio non potest claudicare quia non potest pupillus eam acquirere, quin eius onera subeat. Differentiæ ratio est: quia qui cum pupillo sine tutore contrahit, cum id sponte faciat, si quod damnum patiatur, sibi debet imputare: quoniam aut scit, aut scire debet conditionem eius, cum quo contrahit. ff. de divers. reg. iur. l. qui cum alio 19. creditoribus autem hæreditariis non potest imputari, cur hæreditas ad pupillum, quo cum non contraxerunt pervenerit.

§. 2.

Secundo in §. tutor, docet quando, & quomodo auctoritas tutoris interponatur: nempe interponitur coram, & in ipso negotio id est dum negotium à pupillo geritur, non post tempus, nec per epistolam tutoris absentis, nec per nuncium.

§. ult.

Tertiò in §. ul. im. docet, quo casu tutoris auctoritas non admittatur: nempe non admittitur in rem ipsius tutoris: veluti si tutor litem habeat cum pupillo: proinde hoc casu dandus est pupillo specialis curator ad litem. Sed nouissimè constitutum est, ut creditor, vel debitor pupilli non admittatur ad tutelam. Nou. 72. cap. 1. (nisi mater. Nou. 94. c. 1. vel auia, quæ matri comparatur. Nou. 101. cap. 5.) & si post tutelam susceptam incipiat esse pupilli debitor, aut creditor, ei adiungatur

adiungatur tutor, vel curator. *eadem. Nou. cap. 2.* Intellige hoc procedere, si is qui pupilli debitor, vel creditor est, solus tutor sit; nam si habeat contutorem, eo autore lis peragetur, nec erit opus noua tutoris, vel curatoris datione. *ff. de admin. tut. l. si plures 24. C. de in litem dando tut. l. 1.*

A X I O M A T A.

- 1 Pupillus sine tutore conditionem suam meliorem facere potest, non deteriorem. *in princ.*
- 2 Ex contractibus vtrò citròque obligatoris is, qui cum pupillo contrahit, obligatur; sed pupillum inuicem obligatum non habet. *ibid.*
- 3 Pupillus hereditatem sine tutore acquirere non potest, nec iure civili, nec iure prætorio: & neque iure directo, neque per fideicommissum. §. 1.
- 4 Favor pupilli facit contractum claudicare, *vers. unde.* non item hereditatem, vel bonorum possessionem, *ead. §.*
- 5 Auctoritas coram in ipso negotio interponi debet. §. 2.
- 6 Tutor in rem suam auctor fieri nequit. §. *ultim.* coniun. l. 1. *in princ. ff. hoc tit. & l. 1. §. sui ius questum, ff. ad S. C. Trebelliani.*
- 7 Finita causa finitur effectus. d. §. *ult.*

Quibus modis tutela finitur.

T I T. XII.

Pupilli pupillæque, cum puberes esse cœperint: [à] tutela liberantur. Pubertatem autem veteres quidem non solum ex annis, sed etiam ex habitu corporis in masculis æstimari volebant. Nostra autem maiestas dignum esse castitate nostrorum temporum [existimans,] bene putauit: quod in fœminis etiam antiquis impudicum esse, visum est, id est, inspectionem habitudinis corporis, hoc etiam in masculos extendere. Et ideo [nostra]

H sancta

sancta constitutione promulgata, pubertatem in masculis post decimumquartum annum completum illico initium accipere disposuimus: antiquitatis normam in foeminis bene positam, [in] suo ordine relinquentes, ut post duodecim annos completos viri potentes esse credantur.

1 § Item finitur tutela, si adrogati sint adhuc impuberes, vel deportati: item si in seruitutem pupillus redigatur, vel [si] ab hostibus captus fuerit.

2 § Sed & si usque ad certam conditionem datus sit [tutor] testamento: æque euenit, ut desinat esse tutor existente conditione.

3 § Simili modo finitur tutela morte vel pupillorum, vel tutorum.

4 § Sed & capitis deminutione tutoris, per quam libertas vel ciuitas amittitur, omnis tutela perit. Minima autem capitis deminutione tutoris, veluti si se in adoptionem dederit, legitima tantum tutela perit, ceteræ non pereunt. Sed pupilli & pupillæ capitis deminutio licet minima sit, omnes tutelas tollit.

5 § Præterea qui ad certum tempus testamento dantur tutores, finito eo, deponunt tutelam.

6 § Desinunt etiam tutores esse, qui vel remouentur à tutela ob id quod suspecti visi sunt: vel qui ex iusta causa sese excusant, & onus administrandæ tutelæ deponunt, secundum ea quæ inferius proponemus.

De tutela in hoc libro quinque explicantur: I. quid sit, & unde dicatur: I I. quot sint eius genera, & quibus modis, seu à quibus constituatur: I I I. cur sit introducta: I V. qui sint eius effectus: V. quibus modis finiatur. Ex illis quinque questionibus iã quatuor in superioribus titulis sūt perpurgatæ: superest quinta de modis tutelâ extinguentibus. qui quidem

partim spectantur in solo pupillo, vt pubertas: partim in solo tutore, vt excusatio, & remotio propter suspicionem: partim in utroque, vt mors & capitis deminutio: partim in accidentibus, vt in conditione, sub qua tutor datus fuit.

Imp. primò loquitur de pubertate, in qua diiudicanda veteres variarunt. Nam Cassiani puberem eum esse dicebant, qui ex habitu corporis pubes apparet, id est, qui generare potest: Prœculeiani autem qui quatuordecim annos expleuit (videlicet si sit masculus, nam femina post duodecimum annum completum pubes est:) verum Priscus eum puberem vocabat, in quo vtrumque concurreret, teste Vipiano, *ride de tutelis §. vii*. Sed quia corporalis habitudinis, seu pubis inspectio turpis Iustiniano visa est, pubertatem ex solis annis æstimari voluit, adeò vt post quartum decimum annum completum mascululi, post duodecimum foeminae censeantur esse puberes. Iure autem canonico spectatur facultas generandi, adeò vt malitia ætatem supplente, etiam ante duodecimum, & quartumdecimum annum puberes dici possint. *ext. de desponsat. impub. cap. 3.* quo iure in solis nuptiis contrahendis utimur.

Secundò in §. i. de capitis diminutione impuberis, quæ tutelam extinguit, siue sit maxima, siue media, siue minima; quia non potest esse in tutela, qui non est sui iuris *utrà de tut. in pr.* In contextu exemplum minimæ capitis deminutionis est, cum pupillus arrogatur: tuncque eius bona acquiruntur arrogatori. *inf. de acquif. per arrog.* Exemplum mediæ est, cum deportatur: tuncque bona confiscantur. *ff. de bonis damnat. l. i. in pr. & C. de pœn. l. 8.* Maximæ exemplum est, cum fit seruus, quod duobus modis accidere potest, qui contextu proponuntur. I. Si pupillus in seruitutem redigatur: subaudi, tanquam ingratus erga patronum suum, à quo manumissus est, *supr. de cap. dem. §. i.* tuncque sine dubio bona acquiruntur domino, in cuius potestatem retrahitur. II. Si capiatur ab hostibus. *infra de rer. diuis. §. item ea.* Hoc casu datur curator bonis. *ff. ex quibus caus. maior. l. ab hostibus. 15. in princ.* Sed si pupillus ab hostibus reuertatur, iure postliminii tutela restituitur, vt cætera. Bart. *hic.* Ne dicas eum fieri seruum, si patiatur se venundari, quia hoc in pupillum non cadit, cum venditio non valeat, nisi is, qui patitur se venundari, sit maior viginti annis *suprà de iure person. §. penult.* Quæro, si pupillus sine capitis deminutione in patris potestatem

H 2

redeat,

redeat, ut quia patrem deportatum Princeps in integrum restituit, an tutela finiatur? Respondeo, si pater sit homo frugi, tutelam finiri, quia patri administratio committitur, si vero pater pravis moribus praeditus sit, tutelam durare. C. de sent. pass. l. vii. Hic igitur est specialis casus in quo filiusfamilias tutorem habet.

§. 2.

Tertio in §. *de offi.*, loquitur de conditione, cuius eventus tutelam perimit, si usque ad conditionem existentem tutor datus fuerat, veluti, donec navis ex Asia veniat. hic autem modus tutelae testamentariae proprius est. nam a magistratu tutor sub conditione dari nequit. ff. de tutel. l. 6. §. sub conditione.

§. 3.

Quarto in §. *simil.* tractat de morte pupilli, vel tutoris. nam mors tutelam & generaliter omnia solvit. Novel. 22. c. 20.

§. 4.

Quinto §. *et de cap. u.*, agit de capitis deminutione tutoris. Hic notentur duae regulae. I. Maxima, vel media capitis deminutio tutoris perimit tutelam: quia necesse est ut tutor sit homo liber, & ciuis Romanus. II. Minima capitis deminutio tutoris regulariter non extinguunt tutelam: quia tutor potest esse tam filiusfamilias quam paterfamilias. *supra* qui testament. ut. d. si p. sunt, in princ. Excipitur legitima tutela: non patronorum, Vlpian. tit. de tutela, §. *excepta*. nec ex nouis legibus delata. ff. de cap. minut. l. 7. sed agnatorum, quae est ex verbis legis xij. tabularum: quia per minimam capitis deminutionem agnatio tollitur. *supra* de legit. agnat. tutel. §. *utim.* Sed haec exceptio hodie non habet locum: quia legitima tutela hodie non defertur iure agnationis, quae est vinculum ciuile, sed iure naturalis coniunctionis, quae defertur cognatis atque agnatis. Novel. 118. cap. 5.

§. pen.

Sexto in §. *penult.* loquitur de tempore, quo tutelam finit, si tutor ad certum tempus contra pubertatem datus fuerat. alioqui tutela durat usque ad pubertatem pupilli. ut in princ. tit. dictum fuit.

§. ult.

Septimo in §. *ult.* mentionem facit excusationis, vel remotionis tutorum: de quibus causis pollicetur se posterius dicturum, tit. scil. pen. & ult. huius primi libri.

A X I O M A T A.

- 1 Ab his, quae impudica sunt, abstinere oportet, in princ.
- 2 Maxima,

- 2 Maxima, vel media capitis diminutio tutoris perimit tutelam. §. 4.
 - 3 Minima capitis diminutio tutoris regulariter non extinguere tutelam. §. 11.
-

De curatoribus.

TIT. XXIII.

M Aculi [quidem] puberes , & fœminæ viri potentes , vsque ad vicesimum quintum annum completum curatores accipiunt ; quia licet puberes sint , adhuc tamen eius ætatis sunt , vt sua negotia tueri non possint.

1 ¶ Dantur autem curatores ab eiusdem magistratibus , à quibus & tutores. Sed curator testamento non datur : datus tamen confirmatur decreto prætoris vel præsidis.

2 ¶ Item inuici adolescentes , curatores non accipiunt , præterquam in litem , curator enim & ad certam causam dari potest.

3 ¶ Furiosi quoque & prodigi , licet maiores vigintiquinque annis sint : tamen in curatione sunt agnatorum ex lege duodecim tabularum , Sed solent Romæ præfectus vibi vel prætores , & in prouinciis præides ex inquisitione eis curatores dare.

4 ¶ Sed & mente captis , & surdis , & mutis , & qui perpetuo morbo laborant (quia rebus suis superesse non possunt) curatores dandi sunt ,

5 ¶ Interdum autem & pupilli curatores accipiunt , vt puta si legitimus tutor non sit idoneus : quoniam habenti tutorem tutor dari non potest.

H 3 Item

Item si testamento datus tutor, vel à prætore, aut præside, idoneus non sit ad administrationem, nec tamen fraudulenter negotia administret: solet ei curator adiungi. Item loco tutorum, qui non in perpetuum, sed ad tempus à tutela excusantur, solent curatores dari.

6 § Quod si tutor aduersa valetudine, vel alia necessitate impediatur, quo minus negotia pupilli administrare possit: & pupillus vel absit, vel infans sit: quem velit actorem, periculo ipsius tutoris, prætor, vel qui prouinciæ præerit, decreto constituit.

Tutelam pubertate pupilli finitam excipit curatio, quæ est vis ac potestas in capite libero ad res administrandas, quas dominus per ætatis, vel mentis aut corporis imbecillitatem rectè administrare non potest. non enim solis adolescentibus curatores dantur, sed & aliis, ut hoc titulo declaratur.

Princ.

Primò loquitur Imperator de adolescentibus, de quibus dissoluit quinque quæstiones. I. Quæstio est, à quo tempore, & usque ad quod tempus accipiant curatorem. nempe curator eis datur ab initio pubertatis, usque ad perfectam ætatem, id est, masculis ab anno 14. foeminis ab anno 12. utrisque usque ad annum 25. completum. II. Quæstio est, cur his personis detur curator. Respondet Imperator *in vers. quia licet*, curatorem eis dari, ut eorum negotia, curet, quæ ipsi tueri non possunt. Obserua quosdam non posse se ipsos tueri, alios non posse sua negotia tueri: illis datur tutor, *suprà de tutel. §. 1. his curator*, ut *hic*, quia tutor datur personæ. *suprà qui testament. tuto. dar. poss. §. certa curator rebus. C. de nupt. l. in copulandis 8.*

§. 1. III. Quæstio est, à quibus detur curator. Respondet Imperator *in §. 1.* dari ab iisdem magistratibus, à quibus datur tutor: in testamento autem non dari, quia scilicet nulla lex hoc permisit. nam tutor ideo datur in testamento, quia lex duodecim tabularum id permisit. *ff. de testam. l. 1.*

§. 2. IV. Quæstio est, an inuiti cogantur accipere curatorem. Imper. *in §. item inuiti*, dat regulam, & exceptionem. Regula est,

est curatorem adolescenti inuito non dari. Alia ratio est tutoris, qui etiam inuito datur. ff. de tutor. & curat. dat. l. c. Exceptio est, præterquam in litem. quod obtinet, siue minor agat, siue conueniatur, argum. l. 3. §. si pupillus, ff. de tutelis. Nota, minorem posse res suas gerere, sed non liberè administrare ff. de minor. l. 1. §. ult. quare sine curatore non potest res suas alienare. C. de in integrum restitut. min. l. 3. Cur ergo hic tantum excipitur lis, non rerum alienatio? Quia nemo inuitus res suas alienare cogitur: iudicium autem redditur in inuitum. ff. de verb. oblig. l. inter stipulantes 83. §. 1.

V. Quæstio est, an curator detur certæ rei, vel certæ causæ. nam de tutore hoc fuit negatum, *suprà qui testam. eue. dari poss.* §. certa. de curatore autem hoc in præsentia affirmatur. *id.* §. item inuiti, vers. curator.

Secundò tractat de furiosis, & prodigis, qui curatorem accipiunt vel legitimum, vt adgnatum ex lege XII. tabul. vel datiuum, si nullus sit legitimus tutori idoneus §. furiosi. Loquitur autem Imperator de furiosis sui iuris, maioribus viginti quinque annis. Nam si in patris potestate sint, curatore non egent, nec possunt accipere curatorem. C. de curat. furios. l. ult. in princ. Si verò sint sui iuris, & minores viginti quinque annis, curator ei datur potius vt ætati, quam vt dementia prospiciatur. ff. de tut. l. 1. §. 1.

Tertiò loquitur de mente captis & surdis, & mutis, & perpetuo morbo laborantibus, §. ed & mente captis. Hic quoque intellige has personas esse sui iuris, & perfectæ ætatis: quoniam harum personarum & furiosarum eadem est ratio, præterquam quòd hæ semper accipiunt curatores à magistratu.

Quartò agit de pupillis: ac proponit duos casus, quibus curatores pupillis dantur; & vnū casum, quo non datur curator, sed actor. I. Casus est, si tutor testamentarius, vel legitimus neque sit idoneus, neque fraudulenter se gerat. Nam si tutor sit idoneus, non est opus vt ei curator adiungatur. Si verò fraudulenter administret, remouendus est, ratquam suspectus, & in eius locum alius tutor substituendus. Cùm autem fraude caret, quia tutor manet, nec tamen ad gerendum est idoneus, necesse est ei curatorem adiungere, non alium tutorem, quia regula illa iuris obstat, Tutorem habenti tutor dari non potest. §. penult. I. I. Casus est, si tutor testamentarius, vel legitimus ad tempus excusetur, quia

nihilominus tutor manet. d. §. pen. vers. item loco. quòd si in perpetuum excusetur, non facit locum curator, sed ei alius tutor substituitur. C. in quibus casibus tut. vel curat. hab. l. penult. Quin etiam eo casu quo tutor ad tempus excusatur, alius tutor interim dari potest ff. de tutel. l. quasitum 12. & de suspect. tutor. l. 3. §. si quis abfuturus. & de tut. & rat. distrah. l. si tutor reipublica causa 9. in princ.

§. ult.

III. Casus est si tutor aduersa valetudine, vel alia necessitate, veluti dignitate, ætate, negotiorum pupillarium multitudine. ff. de admin str. tut. l. decreto 24. in princ. impediatur quominus negotia pupilli administrare possit: & neque excusetur, neque pupillus præsens & maior infante sit. hoc casu magistratus, vel tutor permissu ac decreto magistratus actorem ad lites, vel adiutorem ad negotia extra iudicium gerenda constituit, quem ipse tutor vult, quia periculum ad ipsum tutorem spectat, si fortè is malè administret, & aliquod damnum pupillo inferat. idèmq; in curatore gerere impedito obtinet. §. ultim. & ff. de negot. gest. l. liberti 31. §. penult. & de tutel. l. solet. 13. §. 1. & quan. ex fact. tuto. l. 6. & C. de procur. l. neque. 22. & de actore à tuto. seu curat. dan. l. vn. & de appellat. l. si actor. 10. Notandum est tria hoc casu requiri, vt actor, siue adiutor detur. Primum est, vt tutor impediatur quominus negotia pupilli gerat: alioqui actor, vel adiutor esset superfluous. Secundum est, vt tutor non excusetur: alioqui si excusetur ad tempus, ei adiungeretur curator. Si verò in perpetuum, substitueretur alius tutor, vt paulò antè dictum fuit. Tertium est, vt pupillus vel absit, vel infans sit: quia si sit præsens, & maior infante, procuratorem tutore auctore constituet. ff. de admin str. tutor. l. decreto 24. & C. de procurat. l. neque. 11. Vnde obiter collige, propter impedimentum tutoris modò alium tutorem dari, modò curatorem, quandoque procuratorem. interdum actorem, siue adiutorem, secundum expositam distinctionem.

A X I O M A T A.

- 1 Minores 25. annis negotia sua tueri non possunt. in princ.
- 2 Curator in testamento non datur. §. 1.
- 3 Inuiti adolescentes curatorem non accipiunt, nisi ad lites. §. 1.
- 4 Curator ad certam causam dari potest. eod. §.

5 Tutor

5 Tutorem habenti tutor dari non potest. §. *pen.*

6 Tutor, vel curator potest actorem constituere. §. *vl.* non procuratorem. *C. de procur. l. neque 11.*

De satisfatione tutorum, vel curatorum.

T I T. XXIV.

NE tamen pupillorum pupillarumve & eorum qui quæue in curatione sunt, negotia à curatoribus tutoribusue consumantur, vel deminuantur: curet prætor, vt & tutores, & curatores eo nomine satisfident. Sed hoc non est perperuum. nam tutores testamento dati satisfacere non coguntur: quia fides eorum & diligentia ab ipso testatore adprobata est. item ex inquisitione tutores vel curatores dati, satisfatione non onerantur: quia idonei electi sunt.

¶ Sed si ex testamento vel inquisitione duo pluresve dati fuerint: potest vnus offerre satisfationem de indemnitate pupilli vel adolescentis, & contutori suo vel curatori præferri, vt solus administret: vel vt contutor [aut curator] satis offerens præponatur ei, vt & ipse solus administret. Itaque per se non potest petere satisfationem à contutore suo vel concuratore: sed offerre debet, vt electionem det concuratori vel contutori suo, vtrum velit satis accipere, an satisfacere. Quod si nemo eorum satis offerat: si quidem adscriptum fuerit à testatore, quis geret: ille gerere debet. Quod si non fuerit adscriptum: quem maior pars elegerit, ipse gerere debet, vt edicto prætoris cauetur. Sin autem ipsi tutores dissenserint

H 5

circa

circa eligendum eum, vel eos, qui gerere debent; prætor partes suas interponere debet. Idem & in pluribus ex inquisitione datis comprobandum est, id est, ut maior pars eligere possit, per quem administratio fiat.

2 ¶ Sciendum autem est, non solum tutores vel curatores pupillis vel adultis cæterisque personis ex administratione rerum teneri: sed etiam in eos, qui satisfactionem accipiunt, subsidiariam actionem esse, quæ ultimum eis præsidium possit adferre: Subsidiaria autem actio in eos datur, qui aut omnino à tutoribus vel curatoribus satisfacere non curauerunt, aut non idoneè passi sunt cauere. quæ quidem tam ex prudentium responsis, quam ex constitutionibus imperialibus etiam in hæredes eorum extenditur.

3 ¶ Quibus constitutionibus & illud exprimitur, ut nisi caueant tutores & curatores, pignoribus captis coërceantur.

4 ¶ Neque autem præfectus urbi, neque prætor, neque præses provinciæ, neque quisquam alius, cui tutores dandi ius est, hac actione tenebitur: sed hi tantummodo qui satisfactionem exigere solent.

Haftenus seorsum dictum est de tutoribus, seorsum de curatoribus: deinceps tria eis communia enarrantur, satisfactio, excusatio, remotio. Satisfactio est cautio, quæ fit datis fideiussoribus. ff. qui satisfd. cogant. l. 1. nam quæ fit datis pignoribus, minus propriè vocatur satisfactio. ff. de collatione bon. l. 1. §. iuber. hæc verò tutorum & curatorum satisfactio, id est, rem pupilli, vel eius, qui in curatione est, saluam fore, quia est prætorica ff. de stipul. præ l. 1. §. cautionale. fideiussores desiderat. ff. eod. l. 7.

Primo.

Primo Imperationem affert, propter quam tutores & curatores

ratores satisfacere iubentur. nimirum ne pupillorum, vel eorum qui curatione sunt, negotia consumantur, vel minuantur. idcirco tutores & curatores dicuntur satisfacere rem pupilli, vel adolescentis saluam fore. ff. lib. 46. tit. 6.

Secundò in vers. *eurer*, declarat, ad quem pertineat cura, ut hæc satisfactio præstetur. & ait pertinere ad prætorem: quia prætor ita cauere iubet. *infra de diuis. stipu. §. ult.* atque hæc cautio (ut dixi) prætoria est. Dicitur ergo prætor curare, ut hæc cautio præstetur, quemadmodum & alia prætorie cautiones eius curæ incumbunt ff. de dam. infect. l. eorum. 9. §. 1. Non tamen ipse prætor, sed actarius, seu scriba satisfactionem exigit, id est, fideiussores accipit. *infra hoc tit. §. ult. & C. de magist. conuen. l. ult.*

Tertiò in vers. *sed hoc*, excipit tutores testamentarios, & tutores, vel curatores ex inquisitione datos, qui non tenentur satisfacere, propterea quòd idonei sunt electi.

Nota primò, etiam inutiliter testamento datos, & à magistratu confirmatos, satisfacere non compelli. ff. de confirman. tuto. l. 2. & l. ult.

Nota secundò excipi curatorem furiosi, qui, nisi idoneam substantiam possideat, satisfacere tenetur, etiamsi ex inquisitione datus sit. C. de curato. furio. l. ult. §. *sin autem testamentum.* vers. *sin autem non talis.* testamento tamen datus non oneratur satisfactione. d. l. ult. §. & *si quidem.*

Nota tertiò, causa cognita patronum satisfacere debere, vel ei satisfactionem remitti. ff. de legit. tutel. l. 5. §. 1.

Quartò in §. 1 docet, cum plures sunt testamentarij, vel ex inquisitione dati, satisfactionem posse locum habere, licet non necessario præstanda sit, & hunc effectum patere, ut qui satisfacit, solus tutelam, vel curationem administret. sic enim distinguitur: aut aliquis tutorum, seu curatorum satis offert, aut nemo. Addi potest tertius casus, si plures satisfactionem offerant. Primo casu ille solus administrat: nisi contutor, vel concurator velit satisfacere: quoniam oblatio à tutore contutori, vel à curatore concuratori ita fieri debet: *Aut satisfacit, & administra: aut satis à me accipe, & administrationem mihi relinquo.* Sciendum tamen est, hanc optionem à prætore non admitti, nisi causâ cognita: debent enim inspicere, qualis sit persona, quæ satisfactionem offert, & quales sint personæ contutorum, vel curatorum. ff. de testam. tut. l. *testamento.* 17. Secundo casu, si testator vni administra-

§. 1.

tionem

tionem commisit, is administrabit, nisi prætor iusta de causa consilium testatoris improbet, aliique administrationem committendam censeat. *ff. de adm. tut. l. 3. §. quamvis.* si verò testator nemini administrationē comiserit, aut is, cui commisit, gerere nolit: tunc ille administrabit, quem maior pars tutorum, vel curatorum elegerit. quod & in tutoribus dativis observatur. Sed si in eligendo dissentiant, prætor auctoritatem suam interponet. §. 1. & d. l. 3. §. si non erit. Item si omnes tutores, vel curatores velint indistinctè gerere, aut administrationem inter se diuidere, prætor eis debet assentiri. d. l. 3. §. pen. & ult. m. & l. seq. Tertio casu, id est, cum plures satisfactionem offerunt, is cæteris in administratione præfertur, qui est magis idoneus. *ff. de testam. tut. l. quod si plures. 18.*

§. 2. &
ult.

Quintò in §. sciendum. & §. ultim declarat effectum dictæ satisfactionis, ac docet ex ea tene i non solum ipsos tutores, vel curatores, & eorum heredes. *ff. de fideius. tutor. l. 4.* sed etiam fideiussores, & eorum heredes. *ff. eod. l. 1.* nec non eos, qui satisfactionem exigere debent, ut in municipio duum viros. *ff. de magist. conu. d. in vrbe scribas. C. eod. l. ultim.* & eorum heredes. d. §. sciendum. Obiter autem i §. penul. interijcit hanc doctrinam, quòd tutores, vel curatores satisfacere nolentes, ad id coguntur captis pignoribus: quoniam hoc introductum fuit ex iisdem constitutionibus, ex quibus in §. præcedente dixerat actionem subsidiariam dari in hæredes eorum, qui aut nullo modo, aut non idoneè caueri curauerunt. Subsidiaria verò actio dicitur: quoniam hi non tenentur nisi in subsidium, videlicet cum alij, quos supra teneri diximus, ut tutores, vel curatores, eorumque fideiussores, & heredes, non sunt soluendo.

§. pen.

AXIOMATA.

1. Tutores, vel curatores non debent pupillorum, vel eorum qui in curatione sunt, bona contumere, aut deminuer. *in princ.*
2. Maioris partis consensus præualeat. §. 1. coniu. l. 7 §. ult. *ff. de paci.*
3. Tutores & curatores administrare compelluntur. §. 2, coniu. §. sed ex his legibus, *suprà de Atilla. l. 10.*

De

*De excusationibus tutorum , vel
curatorum.*

T I T. XXV.

EXcitantur autem tutores & curatores variis ex causis, plerumque tamen propter liberos, siue in potestate sint, siue emancipati. Si enim tres liberos superstites Romæ quis habeat, vel in Italia quatuor, vel in prouinciis quinque: à tutela vel cura potest excusari, exemplo cæterorum munerum. nam & tutelam & curam placuit publicum munus esse. Sed adoptiui liberi non prosunt. In adoptionem autem dati, naturali patri prosunt, Item nepotes ex filio prosunt, vt in locum patris sui succedant: ex filia non prosunt. Filij autem superstites tantum ad tutelæ vel curæ muneris excusationem prosunt: defuncti autem non prosunt. Sed si in bello amissi sunt: quæsitum est, an prosint? Et constat eos solos prodesse, qui in acie amittuntur. hi enim, qui pro republica ceciderunt, in perpetuum per gloriam viuere intelliguntur,

1 § Item diuus Marcus in Semestribus rescriptis, cum, qui res filci administrat, à tutela vel cura quamdiu administrat, excusari posse.

2 § Item qui reipublicæ causa absunt, à tutela vel cura excusantur. Sed & si fuerint tutores vel curatores [dati,] deinde reipublicæ causa abesse cœperint, à tutela vel cura excusantur, quatenus reipublicæ causa absunt: & interea curator loco
corum

eorum datur qui si reuerſi fuerint, recipiunt onus tutelæ. nam nec anni habent vacationem, vt Papinianus libro quinto Reſponſorum ſcripſit. nam hoc ſpatium habent ad nouas tutelæ vocati.

3 ¶ Et qui poteſtatem aliquam habent, ſe excuſare poſſunt, vt diuus Marcus reſcripſit: ſed ſuſceptam tutelam deſerere non poſſunt.

4 ¶ Item propter litem, quam cum pupillo vel adultio tutor vel curator habet, excuſari non poteſt: niſi forte de omnibus bonis, vel hereditate controuerſia ſit.

5 ¶ Item tria onera tutelæ non adfectatæ, vel curæ præſtans vacationem, quamdiu adminiſtrantur: vt tamen plurium pupillorum tutela vel cura eorundem bonorum, veluti fratrum, pro vna computetur.

6 ¶ Sed & propter paupertatem excuſationem tribui, tam diui fratres, quam per ſe diuus Marcus reſcripſit, ſi quis imparem ſe oneri iniuncto poſſit docere.

7 ¶ Item propter aduerſam valetudinem, propter quam ne ſuis quidem negotiis intereſſe poteſt, excuſatio locum habet.

8 ¶ Similiter eos, qui litteras nesciunt, eſſe excuſandos, diuus Pius reſcripſit: quamuis & imperiti literarum poſſint ad adminiſtrationem negotiorum ſufficere.

9 ¶ Item ſi propter inimicitias aliquem teſtamento tutorem pater dederit: hoc ipſum præſtat ei excuſationem: ſicut per contrarium non excuſantur, qui ſe tutelam adminiſtratuſ patris pupillorum promiſerant.

10 ¶ Non

10 ¶ Non esse autem admittendam excusationem eius, qui hoc solo vititur, quod ignotus patri pupillorum sit, diuini fratres rescripserunt.

11 ¶ Inimicitiae, quas quis cum patre pupillorum vel adutorum, exercuit: si capitales fuerunt, nec reconciliatio interuenit: à tutela vel cura solent excusare.

12 ¶ Item is, qui status controuersiam à pupillorum patre passus est, excusatur à tutela.

13 ¶ Item maior septuaginta annis à tutela & cura se potest excusare. minores autem viginti quinque annis, olim quidem excusabantur: nostra autem constitutione prohibentur ad tutelam vel curam aspirare: adeo, ut nec excusatione opus sit. Qua constitutione cauetur, ut nec pupillus ad legitimam tutelam vocetur, nec adustus: quum sit inciuile eos, qui alieno auxilio in rebus suis administrandis egere noscuntur, & ab aliis reguntur aliorum tutelam vel curam subire.

14 ¶ Idem & in milite obseruandum est, ut nec volens ad tutelae onus admittatur.

15 ¶ Item Romae grammatici, rherores, & medici, & qui in patria sua has artes exercent, & intra numerum sunt, à tutela & cura habent vacationem.

16 ¶ Qui autem vult se excusare, si plures habeat excusationes, & de quibusdam non probauerit: aliis uti intra tempora [constituta] non prohibetur. Qui autem excusare se volunt, non appellant: sed intra quinquaginta dies continuos, ex quo cognouerint in se esse tntores vel curatores datos, se excusare debent, cuiuscunque generis

neris sint, id est, qualitercunque dati fuerint tutores: si intra centesimum lapidem sunt ab eo loco, ubi tutores dati sunt. Si vero ultra centesimum lapidem habitant: dinumeratione facta viginti millium diurnorum & amplius triginta dierum. qui tamen (ut Scævola dicebat) sic debent computari, ne minus sint; quam quinquaginta dies.

17 § Datus autem tutor, ad vniuersum patrimonium datus esse creditur.

18 ¶ Qui tutelam alicuius gessit inuitus, curator eiusdem fieri non compellitur: in tantum, ut licet pater familias, qui testamento tutorem dedit, adiecerit se eundem curatorem dare: tamen inuitum eum curam suscipere non cogendum, diui Severus & Antoninus rescripserunt.

19 ¶ Eadem rescripserunt maritum uxori suæ curatorem datum, excusare se posse, licet se immisceat.

20 § Si quis autem falsis allegationibus excusationem tutelæ meruit: non est liberatus onere tutelæ.

Quia tutela est onus, meritò placuit iustas excusationum causas admitti: de quibus hoc tit. agitur. qui quidem omnibus tutoribus & curatoribus communis est. omnes enim se excusare possunt, dummodò iustam aliquam excusandi causam habeant. *infra hoc tit. §. qui autem. quamquam Cuiac. in not. ad Vlpianum tit. de tutelis. §. si capite, in vi. bo. abdicare,* negat legitimos tutores excusari, quæ sententia refellitur *l. i. C. de l. it. tut. & l. si sororis. 9. C. qui datur. & l. cur. poss. & Nov. 118. cap. 5.*

Prima

Primò itaque Imp. sexdecim causas excusationum tutoribus & curatoribus cōmunes declarat. quarum aliæ excusant in perpetuum, ut numerus liberorum: aliæ ad tempus, ut administratio,

ministratio rei fiscalis. Rursus pleraque excusant à tutela suscipienda, non à suscepta, nimirum quæ pro libere possunt vel proponi vel omitti: nonnullæ etiam à tutela, vel curatione suscepta excusant, quia competunt personis, quæ non debent tutelam, vel curationem suscipere, ut minoribus 25. annis, & miliribus. Sed singulas excusationum causas breuiter exponere, non erit inutile.

I. Causa est numerus liberorum: vnde excusatio perpetua competit. *in princ.* Quatuor autem hic requiruntur ut excusatio locum habeat. Primum est, ut saltem sint tres liberi Romæ, vel quatuor in Italia vel quinque in prouincia. Secundum est, ut sint liberi iam nati *ff. hoc tit. l. 2. §. qui autem.* Tertium est, ut sint legitimi & naturales, *d. l. 2. §. legitimos.* nec refert, utrum sint in potestate, an emancipati, vel in adoptionem dati. Quartum est, ut sint superstitites, vel in acie amissaliis liberi defuncti non profunt ei, qui vult à tutela vel cura excusari: ipsorum autem defunctorum liberi superstitites profunt, ut putà mortuo filio, nepotes ex eo profunt: ita ut quotcumque sint, pro vno computentur: quia eatenus profunt, quatenus patris sui defuncti personam repræsentant. Hoc Diuus Marcus rescripsit in semeltribus, quibus ea, quæ ad ius pertinent, ut decreta, complexus est. Nam annus iure Romano diuiditur in duas partes, ætatem & hyemem. *ff. de aqua quodid. & a li l. 1. §. si item.* ac sex mensibus æstiuis Imperatores bella gerere, sex hibernis conuentus agere, & ius dicere solebant. Theoph. *in §. ead m. supra qui & ex quib. caus. man. non poss.*

I I. Rerum fiscalium administratio, quæ excusationem §. 1. temporalem tribuit. §. 1.

I I I. Absentia Reip causa, quæ similiter ad tempus excusat: & interim curator datur à magistratu, *suprà de curator. §. pen.* Hic autem adhibetur distinctio: quoniam à tutela, siue cura ante absentiam suscepta tandiu excusatur, quamdiu abest, ac reuersus tutelæ onus statim subire cogitur. à noua autem, id est ab ea suscipienda, quæ sibi delata est postquam abesse coepit, non solum excusatur quamdiu abest, sed etiam intra annum ex quo reuersus est. *§. item qui reip. & ff. eod. l. 10. in princ.*

I V. Potestas, siue imperium. §. & qui potestatem. omnes §. 3. enim magistratus, etiam municipales excusantur. (*ff. eod. l. 6. §. de priuat.*) à tutela eo tempore delata, quo honorem gerunt

I runt

runt: sed antea susceptam deponere non possunt: quia potestas à tutela suscepta excusat, non à suscipienda. *l. §. & quis potestatem. & ff. eod. l. non tantum. 17. §. sanè. l. administratores. 41. §. 1.*

§. 4.

V. Lis cum pupillo, vel adolescente: dummodò sit lis de omnibus bonis, vel de maiori parte bonorum, vel de hereditate. *§. item propter litem, & ff. eod. l. propter litem. 21. in princ. & C. eod. l. si ut allegas. 16.* hodie verò quæcumque lis obstat, quamvis aliquis tutelam, vel curationem suscipere possit. *Non. 72. cap. 1. lege notata ad §. ult. supra de auctor. tutor.*

§. 5.

VI. Onus trium tutelarum, vel curationum. *§. item tria.* Vbi duo sunt notanda. Vnum est, onus affectatum non prodesse, id est, si quis tutelam, siue curationes aliquas captauerit, hæ ab alia tutela, vel cura excusationem non tribuunt. Alterum est, non tam spectari numerum tutelarum, vel curationum, quàm onus. nam interdum tres tutelæ pro vna computantur, ut tutelæ trium fratrum, quorum patrimonium est indiuisum. *l. §. item tria, & ff. eo. l. 3.* quandoque vna pro tribus habetur, videlicet si valde amplum & diffusum sit pupilli, vel adolescentis patrimonium. *§. eod. l. si is qui. 31. §. ult.* Honoraria verò tutela, id est, quæ honoris causa sine onere administrationis defertur, non prodest. *ff. eod. l. spadonem. 15. §. si ciuitatis.*

§. 6.

VII. Paupertas, propter quam aliquis oneri tutelæ ferendo impar est, ut tam diui fratres, M. Antonius, & L. Verus, quàm Diuus Marcus per se rescripserunt. *§. sed & propter.*

§. 7.

VIII. Aduersa valetudo, quæ talis est, ut aliquis ne suis quidem negotiis vacare possit, *§. item propter aduersum.* Hæc causa vel ad tempus, vel in perpetuum excusat, prout est valetudo magis aut minùs diuturna. *ff. eod. l. idem. 12. in princ. & tam à tutela suscepta, quàm à suscipienda excusat. ff. eod. l. & non tantum. 11. l. post susceptam. 40.*

§. 8.

IX. Imperitia literarum, quæ quidem excusat, nisi prudentia rerum experientia hunc tutoris, seu curatoris defectum suppleat. *§. simili rer. vbi partic. quamvis non est nota ampliationis, sed correctionis, ut partic. licet, in l. in rem. 23. §. sed & id ff. de rei vendic.) & ff. eo d. l. 6. ult.*

§. 9.

X. Cum tutor propter inimicitias, id est, ut tutelâ oneretur, & iudicio tutelæ vexetur, à patre pupilli datus est. Hanc excusationem, & alias, si quas habet, amittit, qui patri pupilli

pilli pollicitus est se tutelam gesturum. §. *item si propter, & ff. eod. l. spadonem. l. 5. §. 1.*

XI. Si quis sit ignotus patri pupilli, à quo tutor in testamento datus est, sed hæc excusatio reprobatur. §. *non esse*. Intellige non esse testatori notum propria quadam & familiari ratione : sed nihilominus esse notum fama propter eximiam probitatem ac prudentiam. Alioquin si testator omnino ignotum tutorem daret, non certo consilio consulere pupillo: quod est absurdum. *infra de leg. §. sed nec huiusmodi.*

XII. Si tutor capitales inimicitias sine reconciliatione cum patre pupilli exercuit §. *inimicitia*. Sed eo ipso, quod tutor in testamento à patre pupilli datus est, reconciliatio secuta videtur, nisi testamentum sit inimicitias vetustius. §. *cod. l. 6. §. dat. remissionem.*

XIII. Si tutor à patre pupilli controuersiam status passus est, id est, si pater pupilli iudicium liberale, seu præiudiciale contra eum exercuit, asserens eum esse seruum, aut liberum. §. *item is.*

XIV. Ætas senilis, id est, maior septuaginta annis. Minores autem 25. annis non egent excusatione quia nec inuiti, nec volentes admittuntur ad tutelam, vel curationem gerendam. §. *item maior.* & *inf. de fiduciaria tut. versic. vlt.* hoc excepto, quod si minor 25. annis tutor in testamento detur, post ætatem perfectam tutor fiet. *suprà qui testam. tutor dari poss. §. furios.*

XV. Militia. Hic notetur excusationem propriè locum habere in veterano qui militiâ missus est. §. *hæc t. d. l. 8.* nam miles cum ne quidem volens ad tutelam admittatur, non magis eget excusatione, quàm minor viginti quinque annis §. *idem & in milit.*

XVI. Publica professio. Hic tria requiruntur, vt excusatio locum habeat. Vnum est, vt grammaticam, vel rhetoricam, vel medicinam profiteantur. Alterum est, vt vel in patria sua profiteantur, vel Romæ quæ est communis patria omnium ciuium Romanorum, d. l. 6. §. *Romæ, & ff. ad municipalem. l. Romæ. 33* Tertium est, vt is qui vult se excusare, non sit supernumerarius, sed intra numerum statutum. §. *item Roma. de quo numero vide d. l. 6. §. 2.* Qui tamen valde sunt eruditi propter excellentiam doctrinæ excusatione fruuntur, etiamsi extra numerum sint, vel in aliena patria degant. d. l. 6. §. *valde.*

§. 16.

Secundò in §. qui autem vult. declarat modum & tempus proponendæ excusationis Quod ad modum attinet is, qui excusari vult, non appellat, ut i; faciunt, qui ab aliis muneribus excusantur: hi namque à muneris impositione appellare necesse habent. ff. de vacat. mun. l. 1. §. 1. tutor autem, vel curator non appellat, sed sine appellatione excusationem suam proponit. deinde, si excusatio à iudice reprobabitur, appellare poterit. Hanc sententiam Cuiacius sic accipit, ut tutor, vel curator non teneatur quidem appellare: si tamen velit, appellare possit. alij verò Doctores communiter putant appellationem hoc casu non admitti. Ego communem Doctorum sententiam probavi in *Annal. C. hoc tit. num. 16*. Quod verò ad tempus spectat, Iustin. ita distinguit: Aut tutor, vel curator datus est intra centesimum lapidem, id est, intra centesimum milliarem (nam milliaria lapidibus signabantur) aut ultra centesimum lapidem, seu milliarem. Priori casu excusationem suam proponere debet intra dies 50. non vtilis, sed continuos. Posteriori casu pro singulis 20. miliaribus lex ei tribuit diem vnum itineris faciendi causâ, & insuper ei concedit 30. dies: intra quod tempus excusationem suam proponere debet. Sed quia secundum hanc supputationem interdum reperiuntur pauciores quam dies 50. nempe si tutor, seu curator propius quadringentis miliaribus absit: interdum plures, quam 50. videlicet si degat ultra quadringenta milliaria: interdum præcisè reperiuntur 50. dies, nimirum cum præcisè abest quadringentis miliaribus: idcirco Iustin. addit hanc exceptionem, ut eo casu, quo supputatione facta reperiuntur pauciores dies quam 50. nihilominus dies 50. concedantur. alioqui sequeretur hæc absurditas, quòd brevius tempus, ad excusationem proponendam tribueretur ei qui longius abest, quam ei qui in propinquiori loco degit. Vnde in summa fit, ut vsque ad quadringentesimum milliarem dentur dies 50. ulterius autem degenti tribuatur tantum temporis, quantum dicta supputatio 20. millium diurnorum & 30. dierum conficit. Quid autem, si dinumeratione facta per vicena millia, aliquid supersit; Quicquid est ultra viginti milliaria, diem vnum occupat. Verbi gratia, si tutor ultra aliquot vicena milliaria vno, vel duobus miliaribus absit, hoc vno, vel duobus miliaribus vnum diem habebit itineris conficiendi causâ. ff. de verb. sign. l. 3. in pr

Tertiò.

Tertiò in §. *datus*, transit ad explicandas excusationes curatorum proprias. §. 17.

I. Excusatio est à parte patrimonij pupillaris. quæ excusatio tutori non conuenit: quia tutor cum principaliter detur personæ, non rei. *suprà qui testamento tutores dari possunt. §. certa*; per consequentiam datur omnibus rebus pupillari-
bus, siue vniuerso patrimonio pupilli. §. *datus*. vnde fit, vt à parte patrimonij non possit excusari nisi ea pars sit ultra centum milliaria in alia prouincia. *ff. hoc tit. l. propter litem 21. §. licet*.

II. Excusatio est, quòd is, qui alterius tutelam gessit, non cogitur eiusdem curationem suscipere. §. *qui tutelam*. Excipitur libertus, qui cogitur esse curator filiorum patroni sui, quamuis eorum tutelam gesserit. *C. od. l. 5. nisi sua pecunia emptus, & manumissus sit. ff. e. d. libertum. l. 1. §. pen.*

III. Excusatio est minus propriè dicta, quòd maritus excusatur à curatione vxoris quia non facile cogeretur ad rationes reddendas, proinde lex non vult fieri curatorem. §. *eadem rescripserunt. ff. de curat. fur. od. vir. m. 14. C. hoc tit. l. 4. & qui dari tuto. pos. l. 2.* Immo sponsus sponsæ curator dari potest. *ff. hoc titulo l. 1. in fi.*

Quintò in §. *ult.* docet falsas allegationes non prodesse, licet excusationem inde sit aliquis consecutus: quia tutelæ, vel curæ periculum subit, licet tutor non sit. *ff. de ritu nupt. l. si quis tutor. 60. in princ.*

A X I O M A T A.

- 1 Tutela est munus publicum *in princ.*
- 2 Qui pro republica ceciderunt, in perpetuum per gloriam viuere intelliguntur. *ibid.*
- 3 Tutelæ, vel curæ plurium pupillorum indiuisa bona habentium, pro vna computantur. §. 5.
- 4 Inciuile est, eos, qui alieno auxilio in rebus suis administrandis egent, & ab aliis reguntur, aliorum tutelam, vel curam gerere. §. 3.
- 5 Datus tutor ad vniuersum patrimonium datus esse creditur. §. 17.
- 6 Falsa allegatio non prodest. §. *ult.*

De suspectis tutoribus, vel curatoribus.

T I T. XXVI.

Sciendum est, suspecti crimen etiam ex lege duodecim tabularum descendere.

1 § Datum est autem ius remouendi tutores suspectos Romæ prætori, & in prouinciis præsidibus earum, & legato proconsulis.

2 § Ostendimus, qui possint de suspecto cognoscere : nunc videamus, qui suspecti fieri possint. Et possunt quidem omnes tutores fieri suspecti, siue sint testamentarij, siue non sint : sed alterius generis tutores. Quare & si legitimus fuerit tutor, accusari poterit. Quid si patronus ? Adhuc idem erit dicendum : dummodo meminerimus, famæ patroni parcendum esse, licet, vt suspectus remotus fuerit.

3 § Consequens est, vt videamus, qui possint suspectos postulare. Et sciendum est, quasi publicam esse hanc accusationem, hoc est, omnibus patere. Quinimmo & mulieres admittunt [ex rescripto diuorum Seueri & Antonini :] sed ex solæ, quæ pietatis necessitudine ductæ, ad hoc procedunt : vt puta mater, nutrix quoque, & auia. potest & soror. sed & si qua alia mulier fuerit quam prætor propensa pietate intellexerit, sexus verecundiam non egredientem, sed pietate productam, non sustinere iniuriam pupillorum : admittet eam ad accusationem.

4 § Impuberes non possunt tutores suos suspectos postulare. puberes autem curatores suos ex
confi

consilio necessariorum suspectos possunt arguere : & ita diui Seuerus & Antoninus rescripserunt.

5 § Suspectus autem est, qui non ex fide tutelam gerit, licet soluendo sit, vt Iulianus quoque scripsit. Sed & ante, quam incipiat tutelam gerere tutor, posse eum quasi suspectum remoueri : idem Iulianus scripsit, & secundum eum constitutum est.

6 § Suspectus autem remotus, si quidem ob dolum : famosus est : si ob culpam : non æque.

7 § Si quis autem suspectus postulatur, quoad cognitio finiatur : interdicitur ei administratio, vt Papiniano visum est.

8 § Sed si suspecti cognitio suscepta fuerit, posteaquam tutor, vel curator decesserit, extinguitur suspecti cognitio.

9 § Si quis tutor copiam sui non faciat, vt alimenta pupillo decernantur : cauetur epistola diuorum Seueri & Antonini, vt in possessionem bonorum eius pupillus mittatur : & quæ mora deteriora futura sunt, dato curatore distrahi iubentur. Ergo vt suspectus remoueri poterit, qui non præstat alimenta.

10 § Sed si quis præsens negat propter inopiam alimenta posse decerni : si hoc per mendacium dicat : remittendum eum esse ad præfectum vrbi, puniendum placuit : sicut ille remittitur, qui data pecunia ministerium tutelæ adquisierit, vel redemerit.

11 § Libertus quoque, si fraudulenter tutelam filiorum vel nepotum patroni gessisse probetur, ad præfectum vrbi remittitur puniendus.

12 § Nouissime autem sciendum est : eos, qui

fraudulenter tutelam administrant, etiam si satis offerant, remouendos esse à tutela: quia satisfactio tutoris propositum maleuolum non mutat, sed diutius grassandi in re familiari facultatem prestat. Suspectum etiam cum putamus qui moribus talis est, ut suspectus sit. Enim vero tutor vel curator, quamuis pauper est, fidelis tamen & diligens, remouendus non est quasi suspectus.

Tutores, vel curatores esse desinunt, aut volentes, quia excusantur, aut inuiti, quia propter suspicionem remouentur quoniam igitur de excusationibus dictum est, rectè subiicitur hic tit. *de suspect. tut. vel cur.*

Princ.

Primò Imper. declarat, quo iure accusatio suspecti sit introducta. *in pr.* ubi crimen accipitur pro criminatione, siue accusatione: in qua significatione alibi quoque hoc vocabulum reperitur.

§. 1.

Secundò *in §. 1.* loquitur de iudice, qui de suspecto cognoscit. Et hanc cognitionem tribuit Romæ prætori, in prouinciis præfidi (qua appellatione continentur etiam proconsules, & quicumque alij prouincias regunt. *ff. de offic. præsid. l. 1.* & legato proconsulis, videlicet postquam proconsul ei iurisdictionem mandauit. *ff. de offic. eius, l. 4.* Nam hæc cognitio mandari potest tam à proconsule in prouincia, quam à prætore Romæ. *ff. hoc tit. l. 1. §. an autem.* videlicet si civiliter agatur. secus si criminaliter. *ff. ad S. C. Turpil. l. 1. §. suspecti.* vide *Centur. 1. quest. 53.*

§. 2.

Tertiò *in §. ostendimus,* tractat de reo, & ostendit omnes tutores, vel curatores posse accusari: hoc tantum obseruari iubet, ut patronus sine infamia remoueatur, id est, ut quamuis fraudulenter se gesserit, tamen in sententia mentio fraudis non fiat. remotus, namque à tutela, vel cura non sit infamis, nisi propter dolum sit remotus. *infr. hoc tit. §. suspectus*

§. 3. 4.

autem remotus. ff. eod. l. 3. §. ult. & l. 4. in princ.

Quartò *in §. consequens,* tractat de accusatione, & ait hanc accusationem esse quasi publicam. Non est autem verè publica, quia non descendit ex vlla lege publicorum iudiciorum. *ff. de publ. iudi. l. 1.* sed ex lege xij. tabul. *suprà hoc tit. in pr.* Verùm est quasi publica: quia quæcumque personæ ad accusandum admittuntur, hoc excepto, quod nec imbe-

res possunt accusare suos tutores, nec adolescentes aliter, quam ex necessariarum personarum consilio possunt accusare suos curatores. Quid ergo (diceret aliquis) si necessariae personae nolint curatorem accusare, quamvis reuera suspectus sit? Respondeo cum Bartolo, adolescentem posse implorare officium iudicis: quoniam etiam sine accusatione suspectus remoueri potest. ff. hoc tit. l. 3. §. pr. t. rea.

Quintò in §. *suspectus autem est*, loquitur de tenore accusationis, id est, exponit quid tutori aut curatori obiciatur. nempe obicitur, quòd sit suspectus non propter inopiam, sed propter malos mores, quia vel male gerit, vel male gesturus videtur. §. 5.

Sextò declarat duos effectus huius iudicii. I. est effectus iudicii finiti, quòd remotus sit infamis, dummodo propter dolum, non propter culpam remotus sit. §. *suspectus autem remotus*. Ergo certi iuris est, damnatum ob dolum, notari infamià: damnatum ob leuem culpam, non esse infamem. Sed dubitatur de lata culpa: quia, etsi plerumque dolo comparatur, & doli appellatione continetur. ff. de pos. l. quod si rui 32. & ut in poss. leg. l. 1. §. d. cum. tamen interdum à dolo distinguitur. ff. de sicar. l. 7. vnd hinc dubitatur, doline, an culpae appellatione significetur, cum modò vocetur dolus, modò culpa. Doct. sententiae variant. alij tutorem ob latam culpam, infamem fieri affirmant, alij negant. Ego, cum Vlpian. in l. 1. §. 1. ff. hoc tit. non dicat hunc esse suspectum, sed remoueri quasi suspectum, quia lata culpa propè dolum est: existimo eum non esse infamem, sed propemodum infamem, seu quasi infamem, id est, non iuris, sed facti infamià notari, adeò ut non fiat iure infamis, sed eius pudor apud bonos & graues viros aliquo modo oneretur. §. 6.

II. Effectus est iudicii pendentis: quia hoc iudicio pendente tutor, vel curator prohibetur res administrare. §. *si quis autem*. Nam administratio ei à pratore, vel praeside interdicatur. C. hoc tit. l. 7. Sed & hac interdictione omissa, gerere prohibitus tacitè videtur. ff. de solut. l. quod si forte 14. §. 7.

Septimò in §. *sed si suspecti*, declarat modum, quo hoc iudicium sine sententia extinguitur, nimirum morte accusati. Idem dicendum, si alio quouis modo tutela, vel cura finita sit. ff. hoc tit. l. pen. quia non est opus, ut agatur de eo remouendo, qui satis ipso iure est remotus. §. 8.

I 5

Octauò


Octauò proponit quatuor casus, quibus non solùm suspectus remouetur, sed etiam grauiùs punitur I. Si tuor latitet, ne alimenta pupillo à prætore decernantur §. *si quis tutor.*
 II. Si tutor falsò asserat pupillum esse adeò pauperem, vt alimenta ei decerni non possunt. §. *sed si quis.*
 III. Si quis tutelæ officium datâ pecuniâ redemerit. *d. §. sed si quis, vers. sicut.*

IV. Si libertus fraudulentè gerat tutelam liberorum patroni sui. §. *pen.*

Nonò in §. *ult.* reprobatur cautionem quendam, qua suspectus fortasse se tueri velit: & ostendit, quamuis satisfacere velit rem pupilli, vel adolescentis saluam fore, nihilominus eum à tutela, vel cura remoueri. ratio est: quia (vt suprà diximus) non est suspectus propter paupertatem, sed propter malos mores: (vnde pauper non remouetur à tutela quasi suspectus: dummodo sit fidelis alioquin ob dolum remouetur, & diligens alioquin remoueretur ob culpam) satisfactio verò facultatem, non morum defectum supplet. Adde, quòd pupillo expedit rem saluam habere, potius quàm actionem habere ob rem à tutore perditam. *ff. hoc tit. l. 5.*

ACXIOMATA.

- 1 Famæ patroni parcendum est, §. 2.
- 2 Mulier verecundiam sexui congruentem egredi non debet. §. 3.
- 3 Accusatio morte rei finitur. §. 8.
- 4 Satisfactio maleuolum tutoris consilium non mutat, sed diutius grassandi in re familiari facultatem præstat. §. *ult.*
- 5 Suspectus iudicatur ex moribus, non ex facultatibus. *d. §. ult.*



INSTITUTIONVM

LIBER SECVNDVS.

DE RERVM DIVISIONE.

TIT. I.



VPERIORE libro de iure personarum exposuimus : modo videamus de rebus , quæ vel in nostro patrimonio , vel extra patrimonium nostrum habentur. Quædam enim naturali iure communia sunt omnium , quædam publica , quædam vniuersitatis , quædam nullius , pleraque singulorum , quæ ex variis causis cuique adquiruntur , sicut ex subiectis apparebit.

1 ¶ Et quidem naturali iure communia sunt omnium hæc : aër , aqua profluens , & mare , & per hoc littora maris. Nemo igitur ad littus maris accedere prohibetur : dum tamen à villis , & monumentis & ædificiis abstineat : quia non sunt iuris gentium , sicut est mare.

2 ¶ Flumina autem omnia , & portus publica sunt , ideoque ius piscandi omnibus commune est in portu fluminibusque.

3 ¶ Est autem littus maris , quatenus hybernus fluctus maximus excurrit.

4 ¶ Ripa

4 § Riparum quoque usus publicus est iure gentium, sicut ipsius fluminis. Itaque naues ad eas appellare, funes arboribus ibi natis religare, onus aliquod in his reponere, cuilibet liberum est, sicut per ipsum flumen nauigare, sed proprietates earum illorum est, quorum prædiis hærent. qua de causa arbores quoque in iisdem natæ, eorundem sunt.

5 § Littorum quoque usus publicus est, & iuris gentium, sicut & ipsius maris, & ob id cuilibet liberum est casam ibi ponere, in quam se recipiat: sicut retia ficcare, & ex mari deducere. proprietates autem eorum potest intelligi nullius esse: sed eiusdem iuris esse, cuius & mare, & quæ subiacet mari, terra vel arena.

6 § Vniuersitatis sunt, non singulorum, quæ in ciuitatibus sunt theatra, stadia, & si qua alia sunt communia ciuitatum.

7 § Nullius autem sunt res sacræ & religiosæ, & sanctæ. quod enim diuini iuris est, id nullius in bonis est.

8 § Sacræ res sunt, quæ rite per Pontifices Deo consecratæ sunt: veluti ædes sacræ, & donaria quæ rite ad ministerium Dei dedicata sunt: quæ etiam per nostram constitutionem alienari & obligari prohibuimus: excepta causa redemptionis captiuorum. Si quis autem auctoritate sua quasi sacrum sibi constituerit: sacrum non est, sed profanum. Locus autem, in quo ædes sacræ sunt ædificatæ: etiam diruto ædificio, sacer adhuc manet, ut & Papinianus scripsit.

9 § Religiosum locum unusquisque sua voluntate facit, dum mortuum infert in locum suum. [In communem autem locum purum inuito socio
in

inferre non licet.] in commune vero sepulchrum etiam inuitis cæteris licet inferre. [Item si alienus vsusfructus est : proprietarium placet , nisi consentiente vsusfructuario , locum religiosum non facere.] In alienum locum consentiente domino licet inferre : & licet postea ratum [non] habuerit, quam illatus est mortuus , tamen locus religiosus fit.

10 ¶ Sanctæ quoque res veluti muri , & portæ [ciuitatis] quodammodo diuini iuris sunt : & ideo nullius in bonis sunt. Ideo autem muros sanctos dicimus , quia pœna capitis constituta est in eos , qui aliquid in muros deliquerint. Ideo & legum eas partes , quibus pœnas constituimus aduersus eos, qui contra leges fecerint, sanctiones vocamus.

11 ¶ Singulorum autem hominum multis modis res fiunt, quarundam enim rerum dominium nanciscimur iure naturali , quod (sicut diximus) appellatur ius gentium : quarundam [vero] iure ciuili. Commodius est itaque à vetustiore iure incipere palam est autem vetustius esse ius naturale, quod cum ipso genere humano rerum natura prodidit. ciuilia autem iura tunc esse cœperunt , cum & ciuitates condi , & magistratus creati , & leges scribi cœperunt.

12 ¶ Ferae igitur bestiae , & volucres , & pisces, & [omnia] animalia , quæ mari, cœlo, & terra nascuntur : simulatque ab aliquo capta fuerint , iure gentium statim illius esse incipiunt. Quod enim ante nullius est , id naturali ratione occupanti conceditur. nec interest , feras bestias & volucres vtrum in suo fundo quis cāpiat , an in alieno. Plane

ne qui alienum fundum ingreditur venandi aut aucupandi gratia : potest à domino , si is præviderit prohiberi, ne ingrediatur. Quicquid autem eorum ceperis : eousque tuum esse intelligitur , donec tua, custodia coercetur. Cum vero tuam euaserit custodiam , & in libertatem naturalem sese receperit : tuum esse desinit , rursus occupantis fit Naturalem autem libertatem recipere intelligitur , cum vel oculos tuos effugerit , vel ita sit in conspectu tuo , ut difficilis sit eius persecutio.

13 ¶ Illud quæsitum est, an si fera bestia ita vulnerata sit, ut capi possit, statim tuæ esse intelligatur; [Et] quibusdam placuit , statim esse tuam : & eousque tuam videri , donec eam persequaris quod si desieris persequi , desinere esse tuam , & rursus fieri occupantis. Alij vero putauerunt , non aliter tuam esse , quam si eam ceperis. Sed posteriorem sententiam nos confirmamus, quod multa accidere soleant, ut eam non capias.

14 ¶ Apium quoque fera natura est. Itaque [apes ,] quæ in arbore tua confederint , antequam à te alueo includantur , non magis tuæ intelliguntur esse , quam volucres quæ in arbore tua nidum fecerint. ideoque si alius eas incluserit : is earum dominus erit. Fauos quoque, si quos effecerint, eximere quilibet potest. Plane integra re , si prævideris ingredientem fundum tuum , poteris eum iure prohibere , ne ingrediatur. Examen quoque , quod ex alueo tuo euolauerit, eousque intelligitur esse tuum , donec in conspectu tuo est , nec difficilis persecutio eius est, alioquin occupantis fit.

15 ¶ Pauonum quoque & columbarum fera natura

natura est. nec ad rem pertinet, quod ex consuetudine euolare & reuolare solent. nam & apes idem faciunt, quatum constat feram esse naturam. Ceuos quoque quidam ita mansuetos habent, vt in syluam ire, & redire soleant: quorum & ipsorum feram esse naturam, nemo negat. In iis autem animalibus, quæ ex consuetudine abire & redire solent, talis regula comprobata est: vt eouque tua esse intelligantur, donec animum reuertendi habeant. nam si reuertendi animum habere deserint: etiam tua esse desinunt, & fiunt occupantium. Reuertendi autem animum videntur desinere habere tunc, cum reuertendi consuetudinem deseruerint.

16 ¶ Gallinarum autem & anserum non est fera natura: idque ex eo possumus intelligere, quod aliæ sunt gallinæ, quas feras vocamus: item alij sunt anseres, quos feros appellamus. Ideoque si anseres tui, aut gallinæ tuæ, aliquo modo turbati turbatæve euolauerint: licet conspectum tuum effugerint, quocumque tamen loco sint, tui tuæve esse intelliguntur: & qui lucrandi animo ea animalia detinet, furtum committere intelligitur.

17 ¶ Item ea, quæ ex hostibus capimus, iure gentium statim nostra fiunt: adeo quidem vt & liberi homines in seruitutem nostram deducantur: qui tamen, si euaserint: nostram potestatem, & ad suos reuersi fuerint: pristinum statum recipiunt.

18 ¶ Item lapilli, & gemmæ, & cætera, quæ in littore maris inveniuntur, iure naturali statim inuentoris fiunt.

19 ¶ Item ea, quæ ex animalibus dominio tuo subiectis

subiectis nata sunt, eodem iure tibi adquiruntur.

20 ¶ Præterea quod per alluvionem agro tuo flumen adiecit, iure gentium tibi acquiritur. Est autem alluvio incrementum latens, per alluvionem autem id videtur adici, quod ita paulatim adiicitur, ut intelligi non possit, quantum quoque temporis momento adiciatur.

21 ¶ Quod si vis fluminis de tuo prædio partem aliquam detraxerit, & vicini prædio attulerit: palam est eam tuam permanere. Plane si longiore tempore fundo vicini tui hæserit, arboresque, quas secum traxit, in eum fundum radices egerint: ex eo tempore videntur vicini fundo acquisitæ esse.

22 ¶ Insula, quæ in mari nata est, (quod raro accidit) occupantis fit, nullius enim esse creditur. At insula in flumine nata (quod frequenter accidit) siquidem mediam partem fluminis tenet: communis est eorum, qui ab utraque parte fluminis prope ripam prædia possident, pro modo [scilicet] latitudinis cuiusque fundi, quæ prope ripam sit. Quod si alteri parti proximior sit: eorum est tantum, qui ab ea parte prope ripam prædia possident. Quod si aliqua parte diuisum sit flumen, deinde infra unitum, agrum alicuius in formam insulæ redegerit: eiusdem permanetis ager, cuius & fuerat.

23 ¶ Quod si naturali alueo in uniuersum derelicto, ad aliam partem fluere cœperit: prior quidem alueus eorum est, qui prope ripam eius prædia possident: pro modo scilicet latitudinis cuiusque agri, quæ prope ripam sit. nouus autem alueus eius iuris esse incipit, cuius & ipsum flumen est, id est, publicus. Quod si post aliquod tempus ad priorem alueum reuersum fuerit flumen. rur-
sus

sus nouus alueus eorum esse incipit , qui prope ripam eius prædia possident.

24 § Alia sane causa est, si cuius totus ager inundatus fuerit. neque enim inundatio fundi speciem commutat: & ob id, si recesserit aqua: palam est eum fundum eius manere, cuius & fuit.

25 § Quum ex aliena materia species aliqua facta sit ab aliquo: quæri solet, quis eorum naturali ratione dominus sit: utrum is, qui fecerit, an potius ille, qui materię dominus fuerit? ut ecce, si quis ex alienis uuis, aut oliuis, aut spicis, vinum, aut oleum, aut frumentum fecerit: aut ex alieno auro vel argēto vel ære vas aliquod fecerit: vel ex alieno vino & melle mulsum miscuerit: vel ex medicamentis alienis emplastrum aut collyrium composuerit: vel ex aliena lana vestimentum fecerit: vel ex alienis tabulis nauem, vel armarium, vel subsellia fabricauerit. Et post multam Sabinianorum & Proculianorum ambiguitatem, placuit media sententia existimantium, si ea species ad priorem & rudem materiam reduci possit: eum videri dominum esse, qui materię dominus fuerit. si non possit reduci: eum potius intelligi dominum, qui fecerit: ut ecce, vas conflatum potest ad rudem materiam æris, vel auri reduci: vinum autem, vel oleum, aut frumentum ad vuas, vel oliuas, vel spicas reuerti non potest, at ne mulsum quidem ad vinum & mel resolui potest. Quod si partim ex sua materia, partim ex aliena speciem aliquam fecerit quis: veluti ex suo vino & alieno melle mulsum miscuerit, aut ex suis & alienis medicamentis emplastrum aut collyrium, aut ex sua lana & aliena vestimentum fecerit: dubitandum non est, hoc casu eum esse do-

K

minum

minum, qui fecerit : cum non solum operam suam dederit, sed & partem eiusdem materiae praestiterit.

26 § Si [tamen] alienam purpuram vestimento suo intexuerit : licet pretiosior sit purpura, tamen accessionis vice cedit vestimento : & qui dominus fuit purpuræ, aduersus eum, qui subripuit, habet furti actionem, & conditionem : siue ipse sit, qui vestimentum fecit, siue alius. nam extinctæ res, licet vindicari non possint, condici tamen furibus, & quibusque aliis possessoribus possunt.

27 § Si duorum materiae ex voluntate dominorum confusæ sint : totum id corpus, quod ex confusione fit, vtriusque commune est : veluti si qui vina sua confuderint, aut massas argenti vel auri conflauerint. Sed & si diuersæ materiae sint, & ob id propria species facta sit : forte ex vino & melle mulsum, aut ex auro & argento electrum : idem iuris est. nam & hoc casu communem esse speciem non dubitatur. Quod si fortuitu, & non voluntate dominorum confusæ fuerint, vel eiusdem generis materiae, vel diuersæ : idem iuris esse placuit.

28 § Quod si frumentum Titij frumento tuo mistum fuerit, si quidem ex voluntate vestra, commune est : quia singula corpora, id est, singula grana, quæ cuiusque propria fuerunt, ex consensu vestro communicata sunt. Quod si casu id mistum fuerit, vel Titius id miscuerit sine tua voluntate, non videtur commune esse : quia singula corpora in sua substantia durant. Sed nec magis istis casibus commune fit frumentum, quam grex intelligitur esse communis, si pecora Titij tuis

tuis pecoribus mista fuerint. Sed si ab alterutro vestrum totum id frumentum retineatur : in rem quidem actio pro modo frumenti cuiusque competit : arbitrio autem iudicis continetur , vt ipse æstimet , quale cuiusque frumentum fuerit.

29 ¶ Cum in suo solo aliquis ex aliena materia ædificauerit, ipse intelligitur dominus ædificij, quia omne, quod solo inædificatur, solo cedit. Nec tamen ideo is, qui materiæ dominus fuerat, desinit dominus eius esse : sed tantisper neque vindicare eam potest, neque ad exhibendum de ea re agere, propter legem duodecim tabularum, qua cauetur, ne quis tignum alienum ædibus suis iunctum eximere cogatur, sed duplum pro eo præstet per actionem, quæ vocatur de tigno iuncto. Appellatione autem tigni omnis materia significatur, ex qua ædificia fiunt. Quod ideo prouisum est, ne ædificia rescindi necesse sit. Quod si aliqua ex causa dirutum sit ædificium, poterit materiæ dominus, si non fuerit duplum iam consequutus, tunc eam vindicare, & ad exhibendum de ea re agere.

30 ¶ Ex diuerso ! si quis in alieno solo ex sua materia domum ædificauerit, illius fit domus, cuius & solum est. Sed hoc casu materiæ dominus proprietatem eius amittit : quia voluntate eius intelligitur esse alienata, utique si non ignorabat se in alieno solo ædificare : & ideo licet diruta sit domus, materiam tamen vindicare non potest. Certe illud constat, si in possessione constituto ædificatore, soli dominus petat domum suam esse, nec soluat pretium materiæ, & mercedes fabrorum : posse eum per exceptionem doli mali repelli : utique si bonæ fidei possessor fuerit, qui ædifica-

K 2 uit.

uit. Nam scienti alienum solum esse, potest obiici culpa quod ædificauerit temere in eo solo, quòd intellegebat alienum esse.

31 ¶ Si Titius alienam plantam in solo suo posuerit, ipse erit. Et ex diuerso si Titius suam plantam in Mæuij solo posuerit, Mæuij planta erit. si modo utroque casu radices egerit. ante enim, quam radices egerit, eius permanet, cuius fuerat. Adeo autem ex eo tempore, quo radices egerit planta, proprietates eius commutatur: ut si vicini arbor ita terram Titij presserit, ut in eius fundum radices egerit: Titij effici arborem dicamus. ratio enim non permittit, ut alterius arbor esse intelligatur, quam cuius in fundum radices egerit. Et ideo prope confinium arbor posita, si etiam in vicini fundum radices egerit, communis fit.

32 ¶ Quia ratione autem plantæ, quæ terræ coalescunt, solo cedunt, eadem ratione frumenta quoque quæ sata sunt, solo cedere intelliguntur. Ceterum sicut is, qui in alieno solo ædificauit: si ab eo dominus petat ædificium, defendi potest per exceptionem doli, mali, secundum ea, quæ diximus: ita eiusdem exceptionis auxilio tutus esse potest is qui alienum fundum sua impensa, [bona fide] consecuit.

33 ¶ Literæ quoque, licet aureæ sint, perinde chartis membranisque cedunt, ac solo cedere solent ea, quæ inædificantur aut inseruntur. ideoque si in chartis membranisque tuis carmen, vel historiam, vel orationem Titius scripserit: huius corporis non Titius, sed tu dominus esse videris. Sed si à Titio petas tuos libros, tuasve membranas, nec impensas scripturæ soluere paratus sis: poterit se Titius defen-

defendere per exceptionem doli mali. vtique si earum chartarum membranarumve possessionem bona fide nactus est,

34 § Si quis in aliena tabula pinxerit, quidam putant tabulam picturæ cedere: aliis videtur, picturam, qualiscunque sit, tabulæ cedere: sed nobis videtur melius esse, tabulam picturæ cedere. Ridiculum est enim picturam Apellis vel Parthasij in accessionem vilissimæ tabulæ cedere. Vnde si à domino tabulæ imaginem possidente, is, qui pinxit, eam petat, nec soluat pretium tabulæ, poterit per exceptionem doli mali submoueri. At si is qui pinxit, [eam] possideat: consequens est, vt utilis actio domino tabulæ aduersus eum detur: quo casu si non soluat impensam picturæ, poterit per exceptionem doli mali repelli, vtique si bona fide possessor fuerit ille, qui picturam imposuit. Illud enim palam est, quod siue is, qui pinxit, subripuit tabulas, siue alius: competit domino tabularum furti actio.

35 § Si quis à non domino, quem dominum esse crediderit, bona fide fundum emerit, vel ex donatione, aliave qualibet iusta causa æque bona fide acceperit: naturali ratione placuit fructus quos percepit, eius esse pro cultura & cura. Et ideo si postea dominus supervenerit, & fundum vindicet, de fructibus ab eo consumptis agere non potest. Ei verò qui alienum fundum sciens possederit, non idem concessum est: itaque cum fundo etiam fructus, licet consumpti sunt, cogitur restituere.

36 § Is vero ad quem vsusfructus fundi pertinet, non aliter fructuum dominus efficitur, quam si

ipse eos perceperit. Et ideo licet maturis fructibus, nondum tamen perceptis, decesserit: ad heredes eius non pertinent, sed domino proprietatis adquiruntur, eadem fere & de colono dicuntur.

37 ¶ In pecudum fructu etiam foetus est, sicuti lac, pilus & lana, itaque agni, hœdi, & vituli, & equuli, & succuli statim naturali iure domini, fructuarij sunt. Partus vero ancillæ in fructu non est, itaque ad dominum proprietatis pertinet. absurdum enim videbatur, hominem in fructu esse quum omnes fructus rerum natura gratia hominis comparauerit.

38 ¶ Sed si gregis vsumfructum quis habeat in locum demortuorum capitum ex foetu fructuarius submittere debet, (vt & Iuliano visum est), & in vinearum demortuarum vel arborum locum, alias debet substituere rectè enim colere, & quasi bonus paterfamilias vti debet.

39 ¶ Thesauros quos quis in loco suo inuenit, diuus Hadrianus naturalem æquitatem sequutus, ei concessit, qui [eos] inuenit. Idemque statuit, si quis in sacro, aut religioso loco fortuito casu inuenit. At si quis in alieno loco, non data ad hoc opera, sed fortuito inuenit: dimidium domino soli concessit, & dimidium inuentori. ¶ Et conuenienter, si quis in Cæsaris loco inuenit, dimidium inuentoris, & dimidium esse Cæsaris statuit. Cui conueniens est [vt] si quis in fiscali loco, vel publico, vel [ciuitatis] inuenit, dimidiam ipsius esse [debeat,] & dimidium fisci, vel ciuitatis.

40 ¶ Per traditionem quoque iure naturali res nobis adquiruntur: nihil enim tam conueniens est

est naturali æquitati, quam voluntatem domini volentis rem suam in alium transferre ratam haberit & ideo, cuiuscunque generis sit corporalis res, tradi potest, & à domino tradita alienatur. Itaque stipendiaria quoque & tributaria prædia eodem modo alienantur. vocantur autem stipendiaria & tributaria prædia quæ in prouinciis sunt, inter quæ, nec non & Italica prædia, ex nostra constitutione nulla est differentia. sed si quidem ex causa donationis aut dotis, aut qualibet alia ex causa tradantur, sine dubio transferuntur.

41 ¶ Venditæ vero res & traditæ non aliter emptori adquiruntur, quam si is venditori pretium soluerit, vel alio modo ei satisfecerit, veluti expromissore aut pignore dato, quod quanquam cauetur ex lege duodecim tabularum, tamen recte dicitur & iure gentium, id est, iure naturali, id effici. Sed si is, qui vendidit, fidem emptoris sequutus fuerit, dicendum est, statim rem emptoris fieri.

42 ¶ Nihil autem interest, utrum ipse dominus tradat alicui rem suam, an voluntate eius alius, [cui eius rei possessio permissa sit.]

43 ¶ Qua ratione si cui libera vniuersorum negotiorum administratio permessa fuerit à domino, isque ex his negotiis rem vendiderit & tradiderit: faciet eam accipientis.

44 ¶ Interdum etiam sine traditione nuda voluntas domini sufficit ad rem transferendam: veluti si rem, quam tibi aliquis commodauerit, vel locauerit, aut apud te deposuerit, [postea aut vendiderit tibi,] aut donauerit, [aut do-

X 4 cis

tis nomine dederit. } Quamvis enim ex ea causa tibi eam non tradiderit: eo tamen ipso, quod patitur tuam esse, statim tibi acquiritur proprietas, perinde ac si eo nomine tibi tradita fuisset.

45 § Item si quis merces in horreo depositas vendiderit, simul atque claues horrei tradiderit emptoris, transfert proprietatem mercium ad emptorem.

46 § Hoc amplius, interdum & in incertam personam collata voluntas domini transfert rei proprietatem: ut ecce, prætores & consules, cum missilia iactant in vulgus, ignorant quod eorum quisque sit excepturus, & tamen quia volunt quod quisque acceperit, eius esse statim eum dominum efficiunt.

47 § Qua ratione verius esse videtur, si rem pro derelicto à domino habitam occupauerit quis, statim eum dominum effici. Pro derelicto autem habetur, quod dominus ea mente abiecerit, ut id [in numero] rerum suarum esse nolit, ideoque statim dominus eius esse desinit.

38 § Alia sane causa est earum rerum, quæ in tempestate leuandæ navis causa eiiciuntur. hæ enim dominorum permanent: quia palam est eas non eo animo eiici, quod quis eas habere nolit, sed quo magis cum ipsa naui maris periculum effugiat. Qua de causa, si quis eas fluctibus expul-
sas, vel etiam in ipso mari nactus, lucrandi animo abstulerit, furtum committit. Nec longè videntur discedere ab his, quæ de rheda currente non intelligentibus dominis cadunt.

Hucusque

Hucusque dictum est de primo iuris obiecto, id est, de personis: consequenter agitur de secundo, hoc est, de rebus. Rei appellatio latius patet, quam pecunia. nam pecunie significatio coangustatur ad ea quæ in nostro patrimonio sunt: rei vocabulum ea quoque complectitur, quæ extra patrimonium sunt. ff. de verbor. signifi. l. 1. in princ.

Initio Imp. nequit hunc titulum cum superioribus, Deinde duas rerum diuisiones proponit. Prior diuisio est bipertita: aut enim in nostro patrimonio, aut extra nostrum patrimonium habentur. Non obstat, quod dicitur in l. 1. ff. de usu. & usufr. legat. seruitutes nec esse in bonis, nec extra bona, id est, nec in patrimonio, nec extra patrimonium: quoniam seruitutes nihil aliud sunt, quam prædiorum qualitates. ff. de verborum significatione. l. quid aliud. 88. proinde si per se spectentur, nec sunt in patrimonio, nec extra patrimonium, quia omnino per se non sunt, sed sequuntur prædia, quorum sunt qualitates. ff. de usurpat. & usucap. l. si aliena. 10. §. 1. Posterior diuisio est quinquepertita: quia vel iure naturali, id est, iure gentium. ff. de instit. & iure. l. 5. quæ sæpe vocatur naturale. infr. hoc tit. §. singulorum sunt res communes omnibus hominibus; vel publicæ, id est, alicuius populi; vel vniuersitatis, id est, ciuitatis; vel nullius, vel singulorum, id est, priuati iuris, & in singulorum ciuium Romanorum dominio. Hanc posteriorem diuisionem exequitur in §. 1. & sequent.

Primò igitur in §. 1. tractat de rebus communibus, quarum usus omnibus communibus iure naturali conceditur. Horum exempla quatuor proponit. I. Aërem. II. Aquam. profluentem. Hæc differt à flumine, vt ciues à populo, miles à legione. Et quidem aqua profluens continenter mouetur, ipsum autem flumen est immobile, vt scribit Arist. 4. physic. cap. 6. part. pen. & lib. 3. Polit. cap. 2. part. 6. Intellege flumen esse immobile, nisi alueum mutet: de qua mutatione posterius dicetur. Rursum aqua profluens est communis omnibus hominibus, vt hic; flumen verò non est commune, sed publicum, vt dicitur in sequenti §. III. Mare. IV. Littora maris. Virg. 7. Æneid.

littusque rogamus
Innocentem, & cunctis undamque auramque patentem.

Excipit Imperator villas, & monumenta, & omnino ædificia in littore posita.

Nota primò , terminum sequi naturam rei terminatæ. nam littora dicuntur *per hoc* , id est, propter hoc esse communia, quia mare, quod terminant, commune est.

Nota secundò , littus definiri in §. *est autem* , infra hoc tit.

Nota tertio , villam esse ædificium rusticum. ff. de verb. signif. l. fundi. 211.

Nota quarto monumentum vocari, quod memoriæ causa exstructum est. ff. de relig. l. 3. §. monumentum.

Nota quinto, non solum ædificia in littora posita, esse in dominio ædificantium, sed etiam eorum solum. quamvis enim littus sit commune; tamen occupari potest vel totum ab uniuerso populo (tuncque sit publicum. ff. ne quid in loc. publ. l. 3.) vel pro parte ab aliquo priuato homine, qui in littore ædificans illud littus per occupationem suam facit: non tamen in perpetuum, sed quamdiu ædificium constat. ff. de rer. diuis. l. 6. in princ.

§. 2.

Secundò in §. *flumina* , tractat de rebus publicis. Publica dicuntur. I. Quæ sunt propria populi Romani. II. Quæ sunt in bonis alicuius ciuitatis. III. Quæ sunt destinata publicis vsibus. ff. de verborum significat. l. bona 15. & ll. seqq. Tertia significatio hic accipi debet. Horum tria exempla proponuntur. I. Flumina. intellige flumina perennia. ff. de fluminib. l. 1. §. fluminum. ideoque ad excludenda flumina non perennia, in l. 4. in fin. ff. hoc tit. dicitur flumina penè omnia esse publica. II. Portus, qui quidem est locus mercium importandarum & exportandarum causâ conclusus, nauiumque statio conclusa atque munita, Diuus de verborum significat. l. portus. 9. nam statio est locus, in quo naues tutò stare possunt. ff. de fluminibus. l. 1. §. stationem.

§. 3.

Differt igitur portus, quem dicimus esse publicum, à littore quod diximus esse commune. nam littus definitur, quatenus hybernus fluctus excurrit. Nota, primùm M. Tullium, cum esset arbiter, ita littus constituisse, *quousque maximus fluctus à mari peruenit*. ff. de verborum signif. l. littus 36. in princ. Aquilius autem definiebat, *Quà fluctus alluderet*, teste eodem Tullio. in l. opicis.

III. Riparum vsus. Nota primò ripam esse, quod continet flumen naturalem cursus sui rigorem tenens. ff. de fluminib. l. 1. §. ripa. & l. 3. §. 1. Quoniam autem ripa esse incipi-

cx

ex quo versùs flumen vergit. *d.l.3. §. vltim.* & est terminus inter flumen & vicina prædia interiectus: idcirco partim sequitur ius fluminis, partim ius prædij. nam proprietates riparum eorum est, qui vicina prædia possident. vsus autem riparum est communis, quemadmodum & vsus fluminis. Secundò differentiam inter ripas, & littora. Nam riparum vsus est publicus iure gentium: littorum verò vsus est publicus, & iuris gentium: quia littora ab aliquo populo, præsertim à populo Romano occupata; populi Romani sunt. *ff. ne quid in loc. publ. l. 3.* cætera sunt iuris gentium, id est, communia. Præterea riparum proprietates est iuris priuati: littorum proprietates est nullius, quemadmodum & & maris, quod littore terminatur.

Tertiò in §. *uniuersitatis*, docet, quæ sint uniuersitatis, §. 6. nempe theatra, stadia, & cætera eiusmodi, quæ ciuitatum communia sunt.

Quartò in §. *nullius*, declarat, quæ sint nullius. Nota ea, quæ sunt nullius, esse in duplici differentia. quædam enim §. 7. conceduntur occupanti, vt fera, *infr. hoc tit. §. fera.* quædam occupari non possunt, vt res diuini iuris, de quibus hic agitur. Hæ diuiduntur in res sacras, religiosas & sanctas.

De rebus sacris. I. Datur definitio, *qua ritè per Pontifices Deo consecrata sunt.* II. Dantur duo exempla, videlicet sarcæ & ædes, & donaria ad ministerium Dei dedicata. III. Declaratur harum rerum vis, nempe quod regulariter nec alienari, nec pignori dari possunt. Excipitur in contextu, nisi id fiat redimendorum captiuorum gratia. Addit aliam causam Imperator *Nov. 110. cap. 5.* vt dissoluatur æs alienum Ecclesiæ, quod aliunde solui nequit. IV. Explicatur dicta definitio id est, cur dictum sit, tunc fieri res sacras, cum per Pontificem consecrantur: quia consecratio ab homine priuato (laicum auctores iuris canonici vocant) facta non valet, nec reddit rem sacram, imò res profana manet. Sed Princeps rem dedicando, sacram iure ciuili facit. *ff. hoc tit. l. sacra §. 1.* quia Romani Principes erant etiam Pontifices maximi. V. Ad datum exemplum sacrarum ædium, quæritur an diruto & disicio locus sacer maneat? & respondetur ex Papiniano in *l. ade. 73. ff. de contrahend. empt.* locum sacrum manere. quod & Traianus Imperator ad Plinium scribit *epistol. 70. lib. 10.*

De rebus religiosis in §. *religiosum*, dantur quinque regulæ §. 9. ad

ad illationem mortui pertinentes. I. Regula est: Quilibet in locum, in quo plenum dominium habet, pro libitu mortuum inferre potest, & inferendo facit locum religiosum. Limita primò, dummodò perpetuæ sepulturæ sit traditum, non ibi ad tempus depositum, vt alio transferatur. *ff. eo. l. si quis. 40.* Limita secundò, dummodò vel totum corpus, vel præcipua pars (id est, caput) ibi sepeliatur. *ff. de religio. l. cum in diuersis. 44.* Limita tertio, quia non totus locus sepulturæ destinatus, sit religiosus, sed tantùm ea pars, quæ corpus humanum continet. *ff. eodem l. 2. §. sepulchrum.* II. Regula est in versic. *in communem.* In locum communem putum non licet inferre inuito socio. Locus purus est. qui nec sacer, nec sanctus, nec religiosus est. *ff. eod. l. 2. §. purus.* III. Regula est in versic. *in commune.* Licet in commune sepulchrum inferre, non solùm consentientibus, sed etiam inuitis sociis. Ex hac & præced. regula nota, cum vnus ex sociis vult vti re communi, alter verò prohibet, ac quaritur vter eorum sit potior, distinguendum esse. nam si res in eum vsum non sit destinata, præualet voluntas prohibentis, vt in superiori regula. si verò ad eum vsum sit res comparata, is est potior, qui vti vult, vt in hac tertia regula. IV. Regula est in versic. *si aliena.* Proprietarius non potest mortuum inferre inuito fructuario. Ratio est: quia cum locus religiosus sit, vsum fructus extinguitur. Sed ab hac regula excipitur, nisi hæres sepeliat testatorem in eo loco, cuius vsum fructum legauit cum alibi tam commodè sepeliri non possit. *ff. de religio. l. 2. §. si vsum fructum.* V. Regula est in versic. *in alienum.* Possumus in alienum locum inferre consentiente domino: & locum religiosum facimus, etiamsi dominus ab initio non consentiat, sed postea ratum habeat. affirmatiuè; namque cum Theophilo legendum, *ratum habueris*, vt legitur etiam in *l. 6. §. pen. ff. hoc tit.* vnde hic locus sumptus est. lectio verò negatiua, *ratum non habueris*, minùs elegantem nestentiam continet.

§. 10. De rebus sanctis ad §. *sancta*, nota primò, sanctum defini, quod ab iniuria hominum defensum atque munitum est. *ff. hoc tit. l. sanctum 8. in princ.* vel quod neque sacrum, neque profanum (supple, neque religiosum) sed sanctione quadam confirmatum est. *ff. eodem. l. sacra. 9. §. propterea.*

Nota

Nota secundò sanctum dici à sanguinibus, quas herbas legati populi Romani ferebant, ne violarentur. *d. l. sanctum.* §. 1.

Not a tertio etiam leges dici sanctas, quia sanctione confirmatur, id est, quia poena irrogatur iis, qui in leges committunt. *d. l. sacra.* §. *proprie.*

Quinto tractat de rebus singulorum, ac modis, quibus res singulorum fiunt, refert ad duo summa genera: quia res acquiritur vel iure gentium, vel iure ciuili. §. *singulorum* non etiam iure naturali, quod omnibus animalibus commune est: quia dominiorum distinctio iure gentium est introducta. *ff. de iustitia & iure.* l. 6. Deinceps autem à §. *fera*, usque ad finem tituli, declarat decem modos acquirendi iure gentium, quos ego postea reteram ad quinque.

Primus modus est occupatio, quæ quidem triplex est: 1. ferarum, 2. in bello, 3. inuentorum in littore maris.

De occupatione ferarum Iustin. quinque quæstiones dissoluit. §. 12.

Prima quæstio est, cur feræ concedantur occupanti. Respondetur, quia nullius sunt; naturali ratione concedi occupanti.

Nota primò hanc rationem esse bonam pro subiecto argumento, id est, valet in his rebus, quæ possunt dominio nostro subiici. Cæterum res sacræ, religiosæ, & sanctæ, quamuis nullius sint, *suprà* §. *nullius*. tamen occupanti non conceduntur.

Nota secundò naturalem rationem, de qua Iustinianus in contextu loquitur; eo confitere, quòd Deus omnia quæ in terris gignuntur, hominis domini subierit. *Gen. i. & Psalm. 8.* Quare natura non tantum rerum fructus, *infra hoc tit.* §. *in pecudum.* sed etiam res ipsas hominum gratia producit, ut rectè Stoicis placet, quos refert Cicer. 1. *Off. ior.* eadèmq; est Aristotelis sententia 1. *Polit. cap. 4.*

Secunda quæstio est, quo in loco feræ possint occupari, ita ut earum dominium acquiratur? Respondetur, occupata posse quocumque loco, nec tantum in suo, sed etiam in alieno prædio: quamuis dominus, si prouiderit, prohibere possit, quominus aliquis in suum fundum, venandi, vel

vel aucupandi, vel piscandi gratiâ ingrediatur. Quid ergo (dicet aliquis domino fundi prohibente ingrediatur, & feram capiat? Accurs. hic negat eum fieri dominum feræ. contrarium tamen respondet in *l. Divus. ff. de servit. præd. rustic.* ubi dominium occupanti concedit. atque hæc sententia communiter probatur, & vera est: quia non facit iniuriam domino, quatenus feram capit, sed quatenus eo invito fundum ingreditur: & hoc nomine sufficit quod condemnatur iniuriarum. *ff. de iniuriis. l. iniuriarum actio neque, 13. §. ultim.*

Tertia quæstio est, quousque fera maneat in dominio occupantis, seu qua ratione dominium eius effugiat? Respondetur, tamdiu esse occupantis, quamdiu ab eo custoditur: liberari autem ab eius dominio, cum eius custodiam euaserit & naturalem libertatem recuperauerit, quod tunc accidit, cum oculos occupantis effugit, vel ita est in eius conspectu ut persecutio difficilis sit. Verbum *difficilis* accipio in significatione propria; quia nulla ratio suadet, ut à vocabuli proprietate recedam. quamvis Accurs. accipiat pro impossibili. Hæ tres quæstiones dissoluntur in *d. §. fera.*

§. 13.

Quarta quæstio est in *§. illud* quomodo feræ per occupationem acquirantur, id est, utrum sufficiat feram lethaliter vulnerari, an necesse sit eam capi. Respondetur, feram nostram non fieri, nisi eam ceperimus. ut enim dominium iure gentium acquiratur, opus est corporali apprehensione *ff. de acq. rer. dom. l. 1. & l. 3. §. Neratius.*

§. 14.

Quinta quæstio est in *§. apum & duobus §§. seqq.* quænam animalia hoc modo nostra fiant. Hic distinguuntur tria animalium genera, nam alia sunt prorsus feræ, ut leones, ursi: alia prorsus mansueta, ut gallinæ domesticæ, & anseres domestici: alia suâ naturâ sunt fera, sed consuetudine mansuefacta, ut cerui, & columbæ, quæ ire & redire solent, & apes alueo inclusæ. Prout igitur tria sunt animalium genera, ita dantur tres regulæ. I. Animalia prorsus fera conceduntur occupari II. Animalia mansueta ubicumque reperiantur, non conceduntur occupanti: sed qui ea lucrandi animo occupauerit, furri tenetur. III. Animalia mansuefacta, quamdiu ire & redire solent, tamdiu comparantur animalibus mansuetis, adeo ut qui ea occupauerit, furtum committat. quod si consuetudinem redeundi deseruerint, iam inter fera animalia numerantur, &

& occupanti conceduntur.

Secunda occupatio est, quæ fit in bello, id est, eorum quæ §.17.
hostibus eripiuntur, etiam si homines liberi sint: sunt enim
serui capientium. §. *item ea quæ ex hostibus*. Hoc modo non ac-
quiruntur res immobiles, sed tantum mobiles. ff. *de captiuis*. l.
si captiuus. 20. §. 1.

Tertia occupatio est eorum, quæ inueniuntur in littore ma- §.18.
ris. *item lapilli*. Vt autem hoc modo res nostræ fiant, duo re-
quiruntur. Vnum est, ut hæ res sint nullius, ut conchyliæ, la-
pilli, & gemmæ, quæ in littore maris inueniuntur. Differentia
est inter lapillos & gemmas, quod hæ sunt perlucidæ, illi ve-
rò non sunt perlucidi. ff. *de auro & argen. leg. l. cum aurum*. 19.
§. *gemma*. Alia ratio est earum rerum, quæ naufragio
amissæ, & fluctibus ab littus expulsæ sunt. si quis enim
eas inuenerit, & retinuerit, furti se obstringit. *infra hoc tit.*
§. *ult.* Alterum est, ut corporaliter apprehendantur. nec
enim ad acquirendum dominium sufficit hæc videre, vel
alij ostendere, sed necesse est occupare. ff. *de acquirend. poss.* l. 1.
§. 1. & l. 3. §. *Neratius*.

Secundus acquirendi modus est natiuitas, seu partus & §.19.
foetus. hoc enim modo nostra fiunt, quæ nascuntur ex ani-
malibus nostris, id est, ex ancillis, vel ex brutis animantibus.
Hic autem locum habet illa regula, Partus ventrem sequi-
tur. ff. *de rei vendic.* l. 5. §. *idem scribit si equam*. & C. *cod.*
lib. 7.

Tertius modus spectatur in flumine, vbi & de mari aliquid §.20.2.
obiter diceretur. Hoc autem modo acquiruntur: 1. quod
per alluuiionem accedit: 2. insula: 3. alueus. Alluuiio non
spectatur in lacubus, aut stagnis: quia licet interdum crescant
vel decrescant, tamen suos terminos retinent. ff. *de acq. rer.*
dom. l. lacus. 12. sed locum habet in fluminibus. distinguitur
autem alluuiio à vi fluminis, nam alluuiio paulatim vni agro
adimit, & alteri adiicit; ita ut sensu percipi non possit, quan-
tum quoque temporis momento adimatur & adiciatur. vis
autem fluminis vno impetu terræ partem secum trahit, at-
que alteri prædio adiungit proinde acquirimus id quod
per alluuiionem prædio nostro accedit. ff. *præterea*, nisi sit
ager limitatus. ff. *hoc tit. l. in agris*. 16. vi autem fluminis
non mutatur terræ dominium. §. *quod si vis*. Si quæras quid
dicendum de arboribus, quas flumen vnà cum agri parte se-
cum traxit: Imperator respondet has manere eius, qui ante
vim

vim fluminis earum dominus erat, non acquiri vicino, nisi in eius prædium radices immiserint. *d. §. quod si vis, quoniam arbores cedunt prædio, in quod radices egerunt. inf. à eod. §. si Titi.*

§. 12. Deinceps dicamus de insula: quæ vel 1^o est in mari nata, vel in flumine nata, vel in flumine facta, videlicet cum flumen in duo continua diuiditur, & infra vnitur, adeo ut alicuius agrum ambiat, & in formam insulæ redigat. Insula nata in mari (quod raro accidit) occupanti conceditur. *§. insula.* Ex quo obiter nota: leges condi etiam de his, quæ raro accidunt, quæ de re videantur. *1. τὴν ἐν ἀπορροῇ, quest. 10.* Insula in flumine nata cedit prædio cui propinquior est, & quatenus ei propinquior est vnde si vna pars insulæ vni prædio, altera alteri prædio propinquior sit: pro rata portione diuidetur inter eorum prædiorum dominos. Cum autem quaerimus, an alicui prædio insula propinquior sit, & quatenus propinquior sit: spectamus tantum extremam partem prædij, quæ est iuxta ripam & flumen. *d. §. insula, vers. at insula.* Excipiuntur agri limicati, quibus insula non accedit, sed potius conceditur occupanti. *ff. de flumin. l. 1. §. si insula.* Rursus excipitur insula, quæ non tangit solum, sed superna: hæc enim non accedit proximis prædiis, sed est publici iuris, quemadmodum & flumen. *ff. hoc tit. l. pen. §. si qua insula.* Denique insula à flumine facta, manet eius domini cuius antea fuerat. *d. §. insula, vers. vlt.*

§. 13. Sequitur, ut dicamus de alueo. Si flumen alueum suum, per quem naturaliter fluit, derelinquat, & nouum alueum sibi faciat, verus alueus ita vicinis prædiis cedit, ut supra diximus insulam eis cedere. nouus autem alueus est publici iuris, sicut flumen. quod si flumen nouum alueum deserat, & ad antiquum alueum redeat, iterum antiquus alueus sit publicus: nouus autem alueus stricto iure non restituitur prioribus dominis, sed secundum regulam iuris cedit prædiis vicinis. *§. quod si naturali.* verum æquitas interdum præualet, quæ vult, ut huius noui aluei à flumine derelicti proprietates antiquis dominis restituatur. *ff. de acquiren. rerum dominio. l. 7. §. quod si toro. cent. 6. quest. 88. in fin.*

§. 14. Ab aluei mutatione distinguitur inundatio fluminis: quia cum flumen nouum alueum facit, formam agri mutat, cum autem exundat, & tantum agrum tegit, formam eius non mutat. *§. alia.* Idcirco quamdiu ager aquis tectus est, dominium

minium quidem est amissum ; sed statim ac aqua recesseri ,
dominium ipso iure, id est, sine noua possessionis apprehen-
sione restituitur ipsi domino. ff. *quibus modis vultu amit.*
l. si ager 2. qua ratione Iustin. in d. §. *alia*, improprie loquens
inquit fundum eius manere, cuius & fuit : non quod ve-
rè & omninò maneat , sed quia (vt dixi) ipso iure restitui-
tur.

Quartus acquirendi modus est specificatio. Hic est distin-
guendum aut enim aliquis speciem facit ex sua materia. aut §. 25.
ex materia aliena : aut partim ex sua , partim ex aliena. I. Cas-
sus omittitur in contextu : quia certum est , eum esse domi-
num , qui speciem fecit ex sua materia I I. Casus deciditur
in §. *cum ex aliena* , vbi sic distinguitur : aut res potest re-
uerteri ad pristinam & rudem materiam , vt vas potest re-
uerteri ad massam æris, vel argenti : aut non potest reuer-
ti ad pristinam materiam, vt vinum ad vvas , oleum ad
oliuas. Priori casu forma cedit materiæ : vt putà si ex meo
ære, vel argento poculum fecisti, poculum meum est Po-
steriori casu materia cedit formæ : veluti si ex meis vuis vi-
num fecisti , vinum tuum est. Intellige te fecisse vinum
tuo nomine id est , voluisse tibi facere vinum non mihi ff.
de acquir. rer. dom. l. 7 §. *an q i* . ex quo §. (vt hoc etiam
addam) perfic & corrigi debet , quod de frumento tradi-
tur in hoc §. *quasi* is qui ex aliis speciebus frumentum excu-
sit, eius frumenti dominus fiat nam hoc exemplum propo-
nitur etiam in d. §. *cum quis* . sed ibi additur correctio , &
ostenditur non esse commodum exemplum , propterea quòd
is qui frumentum ex speciebus excutit non facit nouam for-
mam , sed eam , quæ latebat , detegit : proinde is , qui
erat dominus spicarum , manet etiam dominus frumenti.
I I I. Casus deciditur in §. *quod si per m.* vbi Impera-
tor videtur indistincte statuere , eum esse dominum, qui
speciem nouam facit. verumtamen distinctio proximè tra-
dita , hinc est reperenda : ideo vt ita demum hinc qui
speciem facit , dominus euadat , si res ad pristinam ma-
teriam reduci non possit. ff. *de acqu. rer. dom.* l. *quæquis* . 27.
§. *ult.* alioquin , si materiæ separari possint, quilibet iux-
materiæ dominus manet. ff. *eo. l. lacus.* 12. §. *1.* . *quicquid*
27. §. *ult.*

Quintus acquirendi modus est textura: nam pu pura vesti-
mento intexta , ei cedit , etiamsi vestimento preiessor sit. §. 26.

L

nihil enim vetat plus esse in accessione, quàm in re principali. ff. de contrah. emp. l. si in emptione 34. in princ. Non obstat §. si fideiussores. infra de fideiuss. vbi regula, quòd non potest plus esse in accessione, quàm in re principali; coangustari pro subiecto argumento debet ad accessoriam obligationem, qualis est obligatio fideiussoris. Ex hoc §. nota, quòd alteri rei iunctum est, & ei accedit, vt purpura vestimento; tota curru, gemma annulo haberi pro extincto, ideòque non posse vendicari: potest tamen agi ad exhibendum, vt scilicet existimatur, & exemptum vendicetur. ff. ad exhib. l. 6. Præterea notandum pro illis verbis quibusque aliis possessoribus, contra auctoritatem Theophili, ex manuscriptis rectius legi, quibusdam aliis possessoribus: vt sensus sit, rem extinclam posse condici aduersus fures, licet non possideant. infra de oblig. que ex delict. §. ult. & alios malæ fidei possessores, id est, qui rem possidebant, cum eam consumerent. nam hæc actio non datur contra eos, qui bona fide consumpserunt. Dixi actio: quia non me latet contra eum qui bona fide pecuniam sibi mutuò datam. cum mutuum non valeret, consumpsit, conditionem ex cõsumptione competere. infr. quibus alie. lic. vel non. §. ult. & ff. de rebus cred. l. rogasti. 11. §. utrim. & 11. seq.

27.

Sextus acquirendi modus est confusio, seu commixto. Confundi dicuntur, quæ sunt liquida, vt vinum, mel; vel liquesfacta, vt aurum, argentum. nec refert, vtrum confundantur ea, quæ sunt eiusdem generis, vt vina, an diuersi generis, vt cum ex vino & melle fit mulsum, vel ex auro & argento fit electrum. Hic notetur distinctio trimembris. vel enim confunduntur voluntate vtriusque domini, vel neutrius, vel vnius tantum. I. casu corpus commune est. §. si duorum pro rata scilicet portione, vt putà pro ratione ponderis auri, vel argenti. quod ad vtrumque dominum pertinebat ff. de rei vend. l. 3. §. ult. & l. 5. §. 1. I. I. etiam casu totum corpus commune est. d. §. si duorum. vers. quòd si fort. ito. Excipe: nisi ea fortuito confusæ sint res diuersi generis, quæ facile separari possint, vt aurum & plumbum, d. l. 3. §. 1. ff. de acq. rer. dom. l. l. c. 12. §. 1. I. I. casus à Iustin. prætermittitur. sed dicendum est, si facta sit noua species, veluti si ex vino tuo & melle meo mulsum fecerim, eum esse domini mei, qui fecit. si verò non sit facta noua species, quamuis materiæ separari non possint quia tamen naturam suam retinent, vt aurum

& as secundum veteres, qui hæc duo metalla confusa non poterant se iungere cum nondum aqua chrysulca inuenta esset: tunc non est dominus, qui confudit materias sed massa, vel corpus commune est. ff. de rei vend. d. l. 5. §. 1. Hæc dicta sint de confusione.

Consequenter dicamus de commixtione. Misceri dicuntur, §. 28. quæ sunt solida, ita ut singula corpora in sua substantia maneat: & quod ex his componitur, dicatur ex partibus distantibus constare. sic dicuntur misceri grana frumenti, ex quibus fit aceruus; vel oues, ex quibus fit grex. §. quid si frumentum. Sed hic quoque adhiberi potest tripertita distinctio, ut in superiori §. aut enim res commiscetur consensu vtriusque, aut neutrius voluntate, sed casu fortuito, aut vtrius miscantis consensu. Primo casu res fit communis. Secundo casu nihil communicatur: quia singula corpora in sua substantia durant. Tertio casu Iustinianus ob eandem rationem idem respondet. Huic quaestioni non obstat l. si alieni. 78. ff. de solut. vbi est alius casus, & qui nummos accepit, non simplici mixtione, sed propter vim solutionis fit pecuniarum dominus. Ex dictis oritur quaestio si totum corpus, puta totus aceruus frumenti ex commixtione factus, ab vno dominorum possideatur, & singula corpora, ut singula grana, dignosci nequeant, quomodo alteri domino succurrendum sit. Respondet Imperator in veris. sed. si ab altero, eum debere partem suam petere. distinctionem tamen adhibet inter quantitatem, & qualitatem. quantitas enim venit in actionem qualitatis vero ratio habetur officio iudicis. Exempli causa casu conrigit, ut modum mei frumenti optimi & purissimi commisceretur cum duobus modis tui frumenti, quod erat deterius. ego non possum vindicare mea grana, quia non possunt discerni: sed vindicabo modum frumenti, quia hæc est quantitas mei frumenti, quod cum tuo mixtum est. Verum quia hac ratione consequor frumentum deterius, quam ante commixtionem haberem, idcirco iudex huius rei rationem habebit, & æstimabit quanti erat meum frumentum priusquam misceretur cum tuo, & quanto minoris valeat hoc frumentum, quod à te recipio; iubebitque, ut hoc damnum mihi refarcias d. §. quid si frumentum.

Septimo acquirendi modo adiunctum cedit subiecto: ut §. 29. ædificia, plantæ, & sata cedunt solo, & scriptura cedit chartæ. §. 30. pictura autem ex speciali priuilegio tabulam ad se trahit, ut

deinceps est exponendum. De ædificatione igitur datur regula: Ædificium cedit solo: siue quis ex aliena materia in suo solo ædificauerit. §. *cum in suo*. siue ex diuerso. Sed excipitur ædificium mobile, quod aliò transferri potest ff. *de acquir. rer. dom. l. Titius 60.*

Nota primò, aliud esse ædes, aliud materiam ædium: adedò vt contingere possit, vt alius sit dominus materiæ, alius dominus ædium, vt *hic & ff. de rei vend. l. in rem 23*, vide *l. qui vniversas. 30. in princ. ff. de acquir. rer. dom. & l. verum mixtura 30. ff. de vsurp. & vineap.*

Nota secundò, speciale esse in materia ædificij, ne dominus eam vindicare, vel ad exhibendum de ea agere possit, ne ædificia diruantur, & vrbs ruinis deformatur, ff. *ne quid in loc. publ. l. ultim. & C. de adif. priu. l. 2.* Si quis tamen mala fide ex aliena materia ædificauerit, ad exhibendum conueniri potest. ff. *de tigno iuncto, l. 1. in fin.* non vt cogatur tignum rescindere, siue ædificium diruere, sed vt condemnetur in id quod actoris interest ob tignum non exhibitum.

Nota tertio eum, qui ex sua materia ædificauit in alieno, solo, censeri donasse materiam: nec ei debere impensas restitui à domino soli. d. §. *ex diuerso*. nisi probet se non habuisse animum donandi (nam ea præsumptio tollitur per hanc probationem. *C. de rei vindic. l. 2.*) vel necessarias impensas fecerit; vel quod ædificauerit, tollere velit, sine domini areæ dispendio. ff. *de rei vindic. l. Iulianus. 37. & C. cod. l. 5.*

Nota quarto, eum, qui in alieno solo ædificauit, si bona fide possideat, habere ædificij retentionem donec impensæ à domino ædificium vindicante restituantur. Si verò mala fide possideat, impensarum iacturam facere. d. §. *ex diuersis, vers. cerè.* Sed siue bona, siue mala fide ædificauerit, nisi possideat, nullum habet remedium, nullam actionem, qua pretium materiæ, vel impensas in ædificando factas consequatur. ff. *de condict. indeb. l. si in areæ. 33.*

§. 31. De plantis similiter datur regula: Planta cedit solo, dummodò radices egerit. Nec interest, vtrum aliquis alienam plantam in suo solo, an suam in alieno ponat. Hinc duo colliguntur. I. Si arbor mea ita terram Titij presserit, vt in eius fundum omnes radices egerit, eius propria fit. II. Si arbor mea prope confinium posita etiam in vicini fundum radices egerit, communis fit. §. *si Titius*. videlicet si aliquas radices integras in vicini fundum egerit: alioquin si tantum extremas radicum

radicum partes in vicini fundum porrexerit, mea manet: quia magis radices iuxta arboris truncum, quàm in summitate spectamus ff. arbor. furt. casar. l. 6. *in rem.*

De facis similis datur regula: Sata cedunt solo. Sed ei qui bona fide in alieno solo seuit, restitui debent impensæ, quemadmodum, & ei, qui ædificauit, vel plantauit. §. *quar. ti. ne.* §. 32.

De scriptura quoque similis datur regula: Scriptura cedit chartæ, id est, ille est dominus scripturæ, qui est dominus chartæ. §. *littera.* §. 33.

Picturæ autem datur priuilegium, vt tabula ei cedat §. *si quis in aliena.* §. 34. quod est contra regulas iuris: quia sicut ædificium, plantæ, sata non possunt esse sine solo, & scriptura non potest esse sine charta: ita etiam pictura non potest esse sine tabula; vnde secundum regulam iuris deberet cedere tabulæ, sed ex speciali priuilegio tabulam ad se trahit. ff. *de rei vend. l. in rem.* 23. §. *sed & illud.* vide *Cent. 3. quest. 43.* Vt autem iuris effectus plenius intelligatur, Imp. in d. §. *si quis in aliena,* ita distinguit: aut dominus tabulæ possidet, aut pictor. I. casu pictor potest picturam vindicare directa actione, quia iam dicimus eum esse dominum: sed executione doli repellitur, nisi pretium tabulæ soluat. II. casu dominus tabulæ non habet directam rei vindicationem, quia iam diximus eum dominum amisisse, idque in pictorem translatum esse: sed ex bono & æquo datur ei vtilis vindicatio: sic tamen, vt summoueatur per exceptionem doli mali, nisi impensam picturæ soluere paratus sit. Hæc ita habentur in d. §. *si quis in aliena.* Ego autem addo, quamuis dominus tabulæ paratus sit impensam picturæ soluere, nihilominus pictorem posse tabulam retinere, si eius pretium soluere velit: adeò vt in electione pictoris à domino tabulæ conuenti sit, vtrum malit tabulam restituere, & impensam picturæ accipere; an tabulam retinere, & eius pretium soluere: quia cum pictor habeat actionem ad vendicandam tabulam eo casu, quo eam non possidet; multò magis debet habere exceptionem ad retinendam tabulam si eam possideat. ff. *de superfic. l. 1.* §. *is autem.* *de diuer. reg. iur. l. initium.* 156. §. 1. Addit Imp. dominum tabulæ habere furti actionem contra eum qui surripuit. quæ sententia manifesta est, nec eget interpretatione.

Octauus acquirendi modus est fructuum perceptio. Intellige §. 35. fructus percipi ab eo qui non est rei dominus: alioqui non acquireret fructus perceptione, quia etiam ante perceptionem

esset dominus verbi gratiâ, dominus vineæ est etiam dominus
 vuz pendentis: proinde non acquirit vnam, dum eam legit;
 quandoquidem regula iuris est: Quod nostrum est, amplius
 nostrum fieri non potest. ff. de except. rei iud. l. 1. & an eandem
 14. §. penul. Qui igitur perceptione fructus acquirunt, sunt
 bonæ fidei possessores, fructuarij, & coloni. Quod ad bonæ fi-
 dei possessorem attinet, noranda est triplex distinctio. Prima
 distinctio est, quod aut possidet titulo oneroso, vt ex causa
 emptionis, vel permutationis, vel dotis: aut titulo lucratiuo,
 vt ex causa donationis, vel legati. Secunda distinctio est
 quod aut bona, aut mala fide possidet. Tertia distinctio est,
 quod alij sunt fructus ciuiles, vt vsuræ, & ædium pensiones,
 de quibus hic non agitur: alij naturales, qui subdiuiduntur in
 merè naturales, & industriales. merè naturales sunt, qui spon-
 te sua proueniunt, vt herba, pomæ: industriales sunt qui indu-
 striam hominis requirunt, vt segetes. His distinctionibus po-
 sitis, norandæ sunt tres regulæ. Prima regula est in primis
 paragraphi verbis: Omnes bonæ fidei possessores id est, siue
 titulo oneroso, siue lucratiuo possideant) percipiendo fructus
 industriales suos faciunt. Secunda regula est in vers. & ideo.
 Omnes bonæ fidei possessores lucrantur omnes fructus con-
 sumptos, quia eorum nomine non tenentur: nec distinguitur
 inter titulum onerosum, & lucratiuum: nec inter fructus in-
 dustriales, & merè naturales. Tertia regula est in vers. et verò
 Malæ fidei possessor indistinctè nullos fructus lucratur, sed
 omnes restituere tenetur. Ex dictis constat, quod ad fructus
 industriales, vel consumptos acquirendos à bonæ fidei posses-
 sore, nihil refert vtrum lucratiuo, an oneroso titulo possideat.
 quia ex verâ causa possideat, tales fructus suos facit. ve-
 rum differentia est in fructibus natu alibus non consumptis
 quos lucratur, qui possidet titulo oneroso. ff. de acquir. erum
 domin. l. bonæ fidei 48. in princip. non etiam is, qui possidet ti-
 tulo lucratiuo. ff. de usur. l. fruct. is. 45. dictum est de bonæ fidei
 possessore.

- §. 36. A quo fructuarius distinguitur; quia fructus bonæ fidei
 possessori acquiruntur, quomodocunque & per quemcumque
 separati à fundo sint: fructuarius autem fructus suos non fa-
 cit, nisi ipse eos percipiat. §. is verò. & ff. quibus modis usus-
 fruct. ar. 1. si fructuarius 13. & de usur. l. qui scit 25. §. pen.
 vel saltem alius eius nomine: quia qui per alium facit, per se
 facere videtur. C. de vet. iur. enucleat. l. 1. §. cumque hac mate-

via, vers. omnia enim. Fructuario similis est colonus, qui similiter non lucratur fructus, nisi ipse eos perceperit: idcirco que fructibus à fure perceptis non habet contra eum conditionem furtiuam *ff. locati, l. cum in plures eo. §. nesciem.* quia hæc actio soli domino competit. *ff. de condit. furt. l. 1.* Nec obstat *l. si apud 20. ff. de f. rt.* quia ibi non dicitur fructus, quos fur percepit, factos esse coloni: sed eius interesse fructus non esse surreptios, quia nisi surrepti fuissent, eos percipere potuisset: & quam primum eos percepisset, eorum, dominium acquisuisset. hoc autem additur, quoniam actio furti datur ei, cuius interest furtum non fieri, quamuis dominus non sit. *infra de oblig. qua ex delict. nasc. §. furti autem actio.* Sed differentia inter fructuarium & colonum est, quod fructus pendentes non pertinent ad heredem fructuarij, quia eius morte ususfructus finitur *infra de usufruct. §. finitur.* ad heredem autem coloni pertinent, si intra tempora locationis colonus decesserit, quia hæres in conductione succedit. *infra de locat. §. ult.*

His expositis de personis fructus percipientibus, id est, de bonæ fidei possessore, de colono, & de fructuario, Imper. de ipsis fructibus duo notat. Vnum est in *§. in pec. dum.* quod licet foetus sit in fructu pecudum, non minus quam lac, pilus, & lana, tamen partus ancillæ non est in fructu. Rationem affert quia cum natura omnes rerum fructus in gratiam hominis producat, absurdum videtur, hominem in fructu esse, propterea quod inter fructum, & eum qui fruitur, naturalis distinctio est. & hoc est, quod ait Iurisconsultus in *l. actus 68. in prin. ff. de rei vend.* in hominis fructu hominem esse non posse. Alia ratio affertur. in *l. ancillarem 27. d. h. red. 1e in.* quia non solent in hunc finem parari ancillæ, ut pariant sed ut seruiant.

Alterum est in *§. sed si gregis.* quod licet fructuarius sit dominus foetus, tamen qui usumfructum gregis habet, si grex morte quarundam ouium deminuat, in earum locum alias ex eo foetu substituere, atque ita gregem supplere debet: quia ratione fit, ut eius foetus, quem in locum mortui capitis substituit, dominium amittat *ffa. de usufruct. l. et nat. item 69. & l. quid ergo 70. §. ult. & ad §. C. de abill. deducta §. 8. §. hereditatem.* Ratio autem huius summisionis est: quia fructuarius rectè colere, & tanquam bonus paterfamilias uti debet: ad boni autem patrisfamilias officium pertinet, ut ex foetu gregem suppleat. quod Poëta respexit illo loco,

Si foetura gregem supplereris.

Nonus acquirendi modus est inventio thesauri. Hoc loco thesaurus accipitur in significatione propria prout definitur. Verus depositio pecuniæ, cuius memoria non extat, adeò vt dominum non habeat. ff. de acquir. rer. domin. l. nunquam 31. §. 1. vel depositiua pecunia quæ longa vetustate competentè dominum amisit. Cassiodor. lib. 6. variarum cap. 8. Quapropter hic habet locum ea regula tradita in §. fœra Quod nullius est, naturali ratione occupanti conceditur. alibi thesaurus improprie dicitur, qui certum dominum habet, vt in l. thesaurus 15. ff. ad exhib. & l. peregrè 44. in pr. ac p. ff. de aq. ir. poss. Iam verò de thesauro, qui nullius est, duæ distinctiones adhibentur. I. Aut aliquis thesaurum inuenit in loco suo; aut in loco diuini iuris, vt sacro, vel religioso; aut in loco alieno; aut in loco publico, vt fisci, vel ciuitatis II. Inuentor vel quæsiuit thesaurum, vel casu fortuito illum inuenit, sed in suo tantùm licet thesaurum quærere, & quidem ita vt à magicis artibus absteineatur: in loco alieno, vel sacro, vel religioso thesaurum nullo modo quærere licet. C. de thesauro. l. vn. ideòque thesaurus dicitur esse fortunæ donum. ff. de acquir. rer. domin. l. si is qui 63. §. 1. seu Dei beneficium. d. l. vn. His distinctionibus præmunitis, norantur sequentes regulæ. I. Qui in suo fundo thesaurum siue data opera, siue fortuito inuenit, totum iure naturali sibi acquirit §. h. thesauros. II. Qui in loco publico, aut fiscali, aut sacro, aut religioso ad se non pertinente inuenit, si casu fortuito, dimidiam partem lucratur, alteram dimidiam fisco restituit. ff. de iur. fisci. l. 3. §. penult. si data opera, totum fisco restituit, argum. d. l. vn. III. Qui in loco religioso ad se pertinente inuenit, si casu fortuito, totum: si data opera, nihil lucratur, sed fisco restituit. d. §. thesauros, d. l. vn. IV. Qui in loco alieno inuenit, si casu fortuito, dimidiam partem sibi retinet, alteram dimidiam domino soli restituit: si data opera, nihil lucratur sed totum domino soli restituere cogitur. d. §. thesauros d. l. vn. V. Qui partem ad fiscum, vel ob dominum soli pertinentem supprimit, partem suam perdit, ac totum thesaurum fisco, vel soli domino reddere compellitur. d. l. 3. §. penult. & Nou. Leo. 51. Primo & secundo casu thesaurus conceditur inuentori. Tertio casu diuiditur inter inuentorem & dominum: soli. Quarto casu similiter diuiditur inter inuentorem & fiscum, vel ciuitatem. §. thesauros. Vbi Imper. notat non licere in loco non suo thesaurum data opera quærere, nec aliter

ter inuentorem acquirere partem inuenti thesauri, quam si fortuitò inuenerit. Verum ei, quod dicitur in hoc § thesaurum in religioso loco inuentum concedi inuentori, repugnat constitutio Diuorum fratrum, quæ dimidiam partem thesauri tribuit inuentori, alteram dimidiam fisco. ff. de iureiur. fisci. l. 3. §. penult. Nisi dicamus hunc §. esse intelligendum de loco religioso pertinente ad ipsum inuentorem, dictam verò constitutionem loqui de alio loco religioso, in quo inuentor nihil iuris habet.

Decimus acquirendi modus est traditio, & quasi traditio, quæ est dominij acquirendi modus respectu accipientis, non respectu tradentis. De vera traditione tria à Iustin. considerantur, nempe res tradita, causa traditionis, & persona tradens. De re tradita notetur, omnem rem corporalem posse tradi. nec tantum rem mobilem, sed etiam immobilem, siue sit prædium Italicum, siue tributarium, siue stipendiarium. §. per traditionem. res autem incorporeales proprie non tradi. ff. de acq. rer. dom. l. seruus 43. §. 1. Prædium tributarium dicebatur, quod Principi tributum pendebat: stipendiarium, ex quo stipendium, quod (Theophilo hic auctore) tributò leuius erat, populo Romano perfoluebatur. Vtriusque generis prædia erant in prouinciis: nam prædia Italica erant à tributis & stipendiis immunia. De causa traditionis notetur, neque nudam, id est, causa destitutam traditionem transferre dominium, ff. eod. l. nunquam. 31. in princip. neque causam quamcumque sufficere, vt traditio dominium transferat. quædam enim ad hoc non sunt idoneæ, vt depositum, & commodatum: aliæ sunt idoneæ, vt mutuum, venditio, permutatio. d. §. per traditionem, ver. sed si quidem.

De venditione autem specialiter Imperator notat, vt dominium in emptorem transferatur, non sufficere traditionem & causam, id est, quod ex causa venditionis res tradita sit emptori, sed insuper requiri, vt emptor venditori pretium soluerit, aliòve modo satisfecerit, aut venditor eius fidem secutus sit. §. vendita. vbi inter modos satisfaciendi ponitur, si emptor venditori expromissorem dederit, id est, reum, qui pro se obligetur. Nam qui pro alio sit reus, ita vt ille, pro quo expromittit, non teneatur, dicitur expromissor. ff. de delo. l. 7. §. seruus. & de cond. caus. dat. l. 4. cum sim. dicitur etiam reus. ff. de pignorat.

act. l. si rem alienam. §. §. omnis. & de iur. de dot. l. §. §. sed si pater. & quar. ver. et. non dat. l. 1. §. exceptionem. Quod si alienæ obligationi accedat, vocatur adpromissor. ff. solut. matrimonio. l. si verò. 6. §. sed et si reum. & de verbor. oblig. l. §. §. si ris acceptio. & de solut. l. in omnibus. 43. vel fideiussor. infra de fideiuss. in princ.

§. 42. &
43.

Denique de persona tradente notat Imper. nihil referre, utrùm dominus (subaudi, cui non sit iure interdicta rerum alienatio, qua de re dicitur *inf. à hoc tit. 8.*) an eius voluntate alius, ut procurator, rem tradat. hinc enim obtinet ea regula. Qui per alium facit, per se facere videtur. Quinimò procurator non solum potest rem à domino venditam tradere, sed etiam ipse vendere & tradere, dummodò vel speciale ad vendendum mandatum habeat, vel generale mandatum cum libera administratione. §. *nihil autem.* alioqui simplex generale mandatum non tribuit procuratori facultatem res alienandi. ff. de procurator. l. procurator tutorum. 63. vide *cent. 2. q. 47.* Speciale mandatum indicatur in contextu illis verbis, *si eius rei possessio permessa sit*, id est, cui à domino specialiter permissum est de possessione rei disponere, atque eam alteri tradere. Generale autem mandatum significatur illis verbis, *si cum libera uniuersorum negotiorum administratio permessa fuerit* mandato 60.

§. 44.

Quasi traditionum autem quatuor genera hinc proponuntur. Primum genus est traditio præcedens ex causa ad dominium transferendum non idonea, verbi gratiâ, rem tibi tradi di ex causa depositi, postea tibi vendidi; huius rei dominium acquiris sine noua traditione, quasi tradita sit ex causa venditionis, cum antea tradita fuerit ex causa depositi. §. *interdum.* quia breui manu videris rem ex causa depositi restituisse, & ex causa emptionis recepisse, argum. l. *singularia* 15. ff. de reb. cred.

§. 45.

Secundum genus est, si quis tradat claues horrei, vel cellæ vinariæ, quæ in conspectu sit: hæc enim est quasi traditio frumenti, aut vini, §. *item si quis merces.* & ff. de contrahend. empt. l. *clauibus.* 74. & de acqu. possess. l. 1. §. *pen.*

§. 46.

Tertium genus est traditio missilium, quæ proiciuntur, ut occupantium fiant. non enim propriè & verè traduntur ei qui occupat, sed ratione proiectionis quasi traduntur. §. *hoc amplius.* Nota Imperatorem loqui de pecuniis, quas consules & prætores initio magistratus spargere in vulgus solebant

bant. quod fieri prohibetur l. 1. C. de consulib

Quartum genus tertio simile est, cum dominus rem suam § pen. habet pro derelicto, nam hæc similiter conceditur occupanti. §. penult.

Hic Iustin. notat ea non haberi pro derelictis, quæ naufragij vitandi causa in more proiciuntur. (excipe nisi derelinquendi animo iacta fuerint ff. d. furtis, l. falsis 43 §. penultim.) & ea quæ domino inscio de rheda currente cadunt. Exposui cum Iustin. decem modos domini iure gentium acquirendi. Sed mihi videntur posse artificiosius ad quinque generales referri. Primus generalis modus est. Occupatio, occupantur autem, vel quæ sunt nullius (vt feræ. §. fera & eq. inuenta in littore maris. §. item lapilli. thesauri. §. thesaurus. insula in mari nata. §. insula. & habita pro derelictis. §. quæ rari ne. vel quæ ex hostibus in bello capiuntur. §. item ea. Secundus generalis modus est fructuum ex re aliena perceptio. §. si quis à non domino. & §§. seqq. Tertius generalis modus est accessio, qui diuiditur in septem genera. I. Genus accessionis est, quia partus sequitur ventrem. §. item ea. II. Genus est, ratione fluminis, id est, alluuiionis, §. præerea. vel insulæ. §. insula. vel aluei §. quod si naturali. III. Genus est, cum materia cedit formæ, aut forma materiæ. §. cum ex aliena. & §. seq. IV. Genus est, quo in-textum cedit vestimento. §. si tamen. V. Genus est, quo adiunctum cedit subiecto: (vt solo cedunt ædificia. §. cum in suo. & §. seq. plantæ. §. si Titius. & sata. §. qua ratione. Chartæ autem cedit scriptura. §. littera.) vel subiectum cedit adiuncto, vt scriptura & tabula picturæ. §. si quis aliena. Quartus generalis modus est confusio §. si duorum. vel commixtio. §. quod si frumentum. Quintus & vltimus generalis modus est, traditio. §. per traditionem, & §§. seqq. vel quasi traditio. §. interdum, & sequentibus usque ad finem tituli.

A X I O M A T A.

- 1 Nemo ad littus maris accedere prohibetur, dummodo ab ædificiis ibi positis absteineat §. 1.
- 2 Cuius est populo licet in flumine piscari. §. 2. vel nauigare, & naues ad ripas appellere, funes arboribus ibi natis religare, & onus in his reponere. §. 4.
- 3 Cuilibet licet in littore casam ponere, in quam se recipiat, retia siccare, & ex mari deducere. §. 5.

4 Quod

- 4 Quod est diuini iuris, nullius est. §. 7.
- 5 Res sacra regulariter alienari nequeunt. §. 8.
- 6 Diruta æde locus sacer manet. d. §. 8.
- 7 In re communi, si ad suum vsum transferatur, melior est conditio domini facientis, quam prohibentis, contra, si quid noui fiat, melior est conditio prohibentis. §. 9.
- 8 Quilibet in locum, in quo plenum dominium habet, pro libitu mortuum inferre potest. d. §. 9.
- 9 In locum communem purum non licet inferre inuito socio. *ibid. in vers. communem.*
- 10 Licet in commune sepulchrum inferre, non solum consentientibus, sed etiam inuitis sociis. *ibid. vers. in commune.*
- 11 Proprietarius non potest mortuum inferre inuito fructuario. *ibid. vers. si alienus.*
- 12 Possumus in alienum locum inferre consentiente domino: & locum religiosum facimus, etiamsi dominus ab initio non consentiat, sed postea ratum habeat. *ibid. vers. in alienum.*
- 13 Rati habitio comparatur mandato. d. §. 9. coniu. l. ult. C. ad S. C. Maced. & l. donationes quas parentes 25. C. de donat. inter. vir. & vxor.
- 14 Qui in muros ciuitatis delinquant, capite puniuntur. §. 10. coniu. l. ult. ff. de ver. diuis.
- 15 A vetustioribus est inchoandum. §. 11.
- 16 Ius gentium vnà cum genere humano proditum est, ius autem ciuile tunc esse coepit, cum ciuitates con- di, magistratus creati, & leges scribi coeperunt. d. §. 11.
- 17 Quod nullius est, naturali ratione occupanti conceditur, §. 12. & §. 22.
- 18 Naturalem libertatem animal recipere intelligitur, cum vel nostros oculos effugit, vel difficilis est eius persecutio. d. §. 12.
- 19 Animalia prorsus fera conceduntur occupanti. §. 14.
- 20 Animalia mansueta vbicumque reperiantur, non conceduntur occupanti: sed qui ea occupauerit, furti tene- tur. *ibid.*
- 21 Animalia mansuefacta, quandiu ire & redire solent, tandiu comparantur animalibus mansuetis. *ibid.*

22 Animal

- 22 Animal videtur animum reuertendi desinere habere, cùm reuertendi consuetudinem deseruit. §. 15.
- 23 Si res ad pristinam materiam reduci possit, forma cedit materiæ. sin minus, materia cedit formæ. §. 25.
- 24 Accessorium, licet pretiosius cedit principali. §. 26.
- 25 Extinctæ res vendicari non possunt, sed malæ fidei posse forsibus condici possunt *d.* §. 26.
- 26 Alia iudicis officio, alia potestate actionis continentur. §. 28. coniun. §. *si cui fundus, infra de legatis.*
- 27 Solo cedit, quicquid inædificatur. §. 29. & §. seq. vel plantatur. §. 31. vel seritur. §. 32.
- 28 Qui est dominus ædificij, non continuò est dominus materiæ. *d.* §. 29.
- 29 Nemo cogitur tignum alienum ædibus suis iunctum eximere. *d.* §. 29.
- 30 Sublata causa impedimenti, tollitur impedimentum *d.* §. 29.
- 31 Qui in alieno solo sciens ædificat, donare censetur. *d.* §. 30.
- 32 Ratio non permittit, vt arbor alterius esse intelligatur, quàm in cuius fundum radices eunt. *d.* §. 31.
- 33 Scriptura cedit chartæ. §. 33.
- 34 Tabula cedit picturæ. §. 34.
- 35 Bonæ fidei possessor fructus perceptos lucratur, si aut titulos oneroso possideat, aut si ne fructus, industriales, aut eos consumpserit. §. 35.
- 36 Absurdum est, hominem, cuius gratiâ natura omnes fructus producit, in fructu esse §. 37.
- 37 Fructuarius rectè colere, & quasi bonus paterfamilias vti debet. §. 38.
- 38 Thesauros tantùm in suo fundo quærere licet. §. 39.
- 39 Nihil est tam conueniens naturali æquitati, quàm voluntatem domini rem suam ad alium transferre volentis, ratam haberi. §. 40.
- 40 Domini patientia pro traditione habetur. §. 44.
- 41 Traditis horrei clauibus, merces, quæ in horreo sunt, traditæ censentur. §. 45.
- 52 Occupanti conceduntur milia. §. 46. & habita pro derelicto. §. 47.

De rebus corporalibus. & incorporalibus.

T I T. I I.

Q Vædam præterea res corporales sunt, quædam incorporales.

1 § Corporales hæ sunt quæ tangi possunt veluti fundus, homo, vestis, aurum, argentum, & denique alia rei innumerabiles.

2 § Incorporales autem sunt, quæ tangi non possunt: qualia sunt ea, quæ in iure consistunt: sicut hereditas, usufructus, usus [&] obligationes quoquo modo contractæ. Nec ad rem pertinet, quod in hereditate res corporales continentur: nam & fructus qui ex fundo percipiuntur, corporales sunt & id, quod ex aliqua obligatione nobis debetur, plerunque corporale est: veluti fundus, homo, pecunia. nam ipsum ius hereditatis, & ipsum ius utendi fruendi, & ipsum ius obligationis incorporale est.

3 § Eodem numero sunt iura prædiorum urbanorum & rusticorum, quæ etiam servitutes vocantur.

Princ. Expositis modis acquirendi iure gentium, consequens esse videbatur, ut explicarentur modi ciuiles, ed Imper. priusquam hoc faciat, nouam rerum diuisionem in incorporales & corporales declarare vult, ac potissimum agere de rebus incorporalibus, quæ in iure consistunt, & declaratione hoc loco egent, propterea quod iure gentium tantum res corporales acquiruntur, iure autem ciuili etiam incorporales.

§. 1. Res corporales sunt, quæ sui naturâ tangi possunt; incorporales, quæ sui naturâ tangi non possunt.

Tangere enim (vt inquit Lucret) & tangi nisi corpus nulla potest res.

c:

ex accidenti autem fieri potest, ut res corporalis à nobis tangi nequeat propter nimiam distantiam, vel aliud impedimentum: ut astra, & res in mari demersæ. Res corporales aut sunt genera, ut homo, aurum: aut species, ut Stichus hoc aurum. Hinc in l. 1. §. & omne, ff. ad legem Falcid. dicitur corpus esse certum, aut incertum, nam corpus certum est species: incertum est genus. Rursus aut sunt immobiles, ut fundi, & ædes: aut mobiles, quæ vel mouentur à semetipsis, & vocantur semouentes, ut serui, equi, boues: vel mouentur tantum ab aliis, & appellantur propriè mobiles, ut aurum, liber, vestimentum. ff. de adil. edict. l. 1. in princ. & C. de sacro sanct. eccles. si quis donauerit 17. in princ. & de iur. dot. l. pen. in princ. & de quadrienn. præscri. t. l. 2. & l. 3. §. quæ omnia, & de donat. l. sancimus 34. §. sin autem.

Res incorporales partim extra ius consistunt, partim in iure. Et quidem ea quæ extra ius consistunt, partim sunt corporalia, ut homo, aurum: partim incorporalia, ut Angeli, quæ verò in iure consistunt, omnia sunt incorporalia ut hereditates, obligationes, & seruitutes. Verum de hereditatibus agetur ubi explicabuntur modi ciuiles, quibus per vniuersitatem acquiritur: de obligationibus autem in posteriori parte tractatur de rebus: nunc enim versamur in priori parte, quæ est de dominio: & in præsentia loquimur de rebus, quæ acquiruntur, mox dicturi de modis acquirendi.

Seruitus est vocabulum homonymum, quod aliter sumptum fuit superiori libro, aliter accipitur in præsentia. ibi persona seruiebat domino: hinc persona, vel res seruit non domino. hinc enim obrinet regula illa, Nemini res sua seruit. ff. si usufr. petat. l. §. in princ. In omni seruitute sunt duo termini, seruiens & dominans: ac respectu quidem seruientis dicitur propriè seruitus, respectu autem dominantis appellatur ius. Seruitutum duo sunt genera, nam aliæ sunt seruitutes reales, siue prædiales: aliæ personales. Quamquam interdum seruitutis vocabulum angustius sumitur pro seruitute reali, ut in rubr. c. ff. de seruitut. & in l. locare. 44. ff. locati. De seruitutibus realibus dicetur tit. prox. de personalibus verò Duobus tit. seqq. quarto, & quinto

AXIOMATA.

Nemini res sua seruit. §. 3.

De

De servitutibus prædiorum.

T I T. III.

Rusticorum prædiorum iura sunt hæc : iter ,
 actus , via, aquæ ductus. Iter est ius eun-
 di ambulandi hominis , non etiam iumentum agen-
 di , [vel vehiculum.] Actus est ius agendi vel iu-
 mentum , vel vehiculum. Ita qui habet iter , actum
 non habet : qui actum habet , & iter habet , [eoque
 uti potest] etiam sine iumento. Via est ius eundi &
 agendi & ambulanti : nam & iter & actum via in se
 continet. Aquæ ductus est ius aquæ ducendæ per fun-
 dum alienum.

1 § Prædiorum urbanorum servitutes sunt hæ ,
 quæ ædificiis inhaerent : ideo urbanorum prædio-
 rum dictæ , quoniam ædificia omnia urbana prædia
 appellamus , et si in villa ædificata sint. Item urba-
 norum prædiorum servitutes sunt , ut vicinus onera
 vicini sustineat : ut in parietem eius liceat vicino
 tignum immittere : ut stillicidium vel flumen recipiat
 quis in ædes suas , vel in arcem , vel in cloacam : ne
 alius quis tollat ædes suas , ne luminibus vicini of-
 ficiat.

2 § Inter rusticorum prædiorum servitutes quidam
 computari recte putant aquæ haustum , pecoris ad a-
 quam adpulsum , ius pascendi , calcis coquendæ , arenæ
 fodiendæ.

3 § Ideo autem hæ servitutes prædiorum appellan-
 tur , quoniam sine prædiis constitui non possunt. Nemo
 enim potest servitutem acquirere urbani vel rustici præ-
 dii , nisi qui habet prædium.

4 § Si

4 § Si quis velit vicino aliquod ius constituere: pactioibus atque stipulationibus id efficere debet. Potest etiam testamento quis heredem suum dammare, ne alius tollat aedes suas, ne luminibus aedium vicini officiat: vel ut patiatur eum tignum in parietem suam immittere, stillicidiūve aduersus eum habere: vel ut patiatur eum per fundum ire, agere, aquamve ex eo ducere;

Prædium est res corporalis immobilis, & vel est urbanū, vel rusticum. quæ duo prædiorum genera non loco, sed materia & qualitate discernuntur. nam prædium urbanum dicitur omne ædificium quocumque loco habitandi causā extructum: cætera sunt prædia rustica, ut agri, horti, villa fructuaria, stabula ab ædibus separata. Area verò, & stabula, ædibus iuncta, non per se prædiis urbanis adnumerantur; sed meritò ædium, quibus accedunt. Vtrumque igitur prædij genus tam in vrbe, quàm extra urbem esse potest. §. 1. *ff. communia præd. l. 1. in princ. & in quibus causis pign. tacite contrab. l. 4. §. 1. & de verb. signific. l. urbana prædia* 198. Seruitus prædialis est, qua prædium alicuius alieno prædio seruit: id vocatur prædium seruiens: hoc verò prædium dominans, vel (ut Iurisconsulti loquuntur) prædium iure superius: *ff. de seru. præd. urb. l. cuius* 24. Atque hæc prædia necesse est pertinere ad diuersos dominos. §. *ideo.* *ff. quemadm. seru. amitt. l. 1.* quia (ut supra notavi) nemini res sua seruit. Ut autem prædium vel est urbanum, vel rusticum: ita etiam seruitus prædialis diuiditur in urbanam & rusticā. Urbana est, quæ debetur prædio urbano, veluti ne aedes vicinæ altius tollantur, & ut liceat tignum immittere in parietem vicini. Rustica est, quæ debetur prædio rustico, ut ius eundi, vel aquam ducendi per fundum vicini ad fundum nostrum. Si prædium urbanum rustico seruiat veluti ut per aedes ad fundum ire liceat, rustica seruitus est; contrā si rusticum seruiat urbano, veluti ut ex ædibus liceat aquam in vicini agrum proijcere, urbana seruitus appellatur.

Quod ad seriem tituli attinet, pr. mō Imper. species seruitutū exponit: & initio declarat quatuor seruitutes rusticas, Iter, Actum, Viam, Aquæ ductum Ad hoc principium tria

M

notanda

notanda occurrunt. Vnum est, quòd in his definitionibus ea tantum ponuntur, per quæ singulæ species inter se distinguuntur; quæ verò aut omnibus seruitutibus, aut saltem ei generi, sub quo definita species continetur (id est, rusticis, vel urbanis seruitutibus) communia sunt, à nobis suppleri debent, cum in contextu prætermittantur. Exempli causâ iter definitur ius eundi: supponitur autem iri per prædium alienum, quod est commune omnibus seruitutibus: & deberi fundo, quod omnibus seruitutibus rusticis commune est. Alterum est, quod in actus definitione dicitur esse ius agendi iumentum, vel vehiculum. vbi recte Imper vtitur particula disiunctiua *vel*, non coniunctiua *&*: quia potest actus const tui ita angustus. vt tantum iumentum illac duci possit, non etiam vehiculum. *ff. de seruitut. l. si tam. 13.* Tertium est, quòd distinctio inter viam & actum obscura est, nec sine magna attentione ex definitionibus in contextu datis colligitur etenim ei qui viam habet, non plus tribuitur, quàm vt habeat ius eundi & agendi. quod enim additur, *ambulandi*, non videtur differre à iure eundi.

Notandæ igitur sunt differentiæ inter has duas seruitutes. I. Differentia est, quæ ex contextu colligitur, si accuratè perpendatur: quia via in se continet actum, & iter: actus verò in se non continet iter. quamuis enim is qui actum, habet, etiâ iter habeat: tamen hoc non fit ex eo quòd appellatione actus etiam iter contineatur; sed fit ex præsumpta voluntate eorum, qui seruitutem constituerunt, id est, quia actus plus in se continet, quàm iter (siquidem plus est ire cū iumento, vel vehiculo, quàm sine iumento, & sine vehiculo.) cui autem conceditur quod est plus, videtur etiâ cōcedi quod est minus. Quare si tibi constituam actum, expressè cōcedo actum, tacitè iter; si verò viam tibi cedam, tam iter, quam actum expressè tibi concedo. II. Differentia est, quòd via non potest esse tam angusta, vt vehiculum transire nequeat; actus autè potest esse ita angustus. *d. l. si tam.* III. Differentia est, quòd is, qui habet actum, non potest lapidem trahere, aut tignum, nec hastam rectam ferre: cū n is, qui viam habet, hæc omnia facere possit. *ff. de seruit pra l rustic. l. 7.* IV. Differentia est, quòd si in seruitute constituenda non fuerit latitudo actus, aut vix expressa; actus latitudinem arbiter definiet: via autem latitudo ipso iure definita est, videlicet octo pedum in porrectum, sedecim in anfractum, id est, vbi via flectitur. *ff. eo. l. via 8. l. certo 13. §. latitudo.*

Deinde in §. i. tractat de seruitutibus urbanis, declarans earum definitionem, etymologiam, & species. Definitio est, *quæ a edificiis inhærent, id est quæ præstantur prædiis urbanis, ut supra exposui.* Etymologia est, quod dicuntur seruitutes urbanæ, quæ debentur ædificiis, quia omnia ædificia (sub habitandi causâ extructa, vel his iuncta. *ff. de iur. iur. l. 1. §. 1. de iur. iur. l. 4. §. 1.*) appellantur prædia urbana, ut paulò antè d. cui. Species, quæ hic enumerantur, sunt sex. I. Ut vicinus id est, vicini ædificium onera vicini (id est, prædij ad vicinum pertinentis) sustineat. II. Ius immittendi tignum in parietem vicini. III. Ut vicinus stillicidium, aut flumen recipiat. differunt autem stillicidium, & flumen: quia stillicidium, de alto cadit flumen de plano fluit. ideòque fluminis seruitus grauior est. *ff. de seruit. prædior. urban. l. seruitutes 20. §. pen.* IV. Ut stillicidium, vel flumen non recipiat. hæc si ruit is est utilis, ubi est aquæ inopia, ut in Ægypto. nam mihi utile est, ut vicinus ex suo tecto stillicidium non recipiat, quò magis ego possim recipere in meam cisternam. V. Ne quis aliud ædes tollat. VI. Ne quis luminibus vicinarum ædium officiat. hæc autem seruitus à præcedente differt: quia interdum officit aliquis luminibus vicini, non solum aliud ædes tollendo, sed etiam deprimendo, veluti si per radiorum repercussionem lumen ad vicini ædes perueniebat. *ff. de seruit. prædior. urb. l. si arborem 16. §. interdum.*

Post hæc Imp. in §. inter, redit ad seruitutes rusticas. Et quia *supr. in princip. tit.* proposuit eas de quibus nemo dubitauit, idcirco nunc propouit, quæ sunt aliquo modo dubiæ, & videri possunt esse potius iura personalia, quàm iura prædiorum. *ff. de seruit. prædior. rustic. l. 1. c. de alim. leg. l. Mela 14. §. ut idcirco* ait quosdam rectè putare has esse seruitutes rusticas, his verbis indicans non omnes Iureconsultos in hoc consensisse. Hæc verò sunt quinque seruitutes: nimirum aquæ hauftus, & cæteræ in contextu enumeratæ, quæ omnes seruitutes sic accipi debent, ut constitutæ sint in gratiam vicini prædij: alioqui non essent seruitutes prædiales, sed iura personalia. exempli causa: habeo aquæ hauftum ex tuo fundo ad agrum meum irrigandum, vel pecoris ad aquam appulsum, ut possint habere pecus agri stercorendi causâ.

Huc usque dictum est specialiter de seruitutibus de urbanis, & de rusticis seruitutibus. quæ verò deinceps traditur, utrique seruitutum generi communia sunt. Secundò Igitur Imp. in

§. 1. docet, cur hæ servitutes prædiorum appellentur. Ratio autem est, quoniam sine prædiis constitui non possunt. Nemo enim potest acquirere servitutem urbanam, nisi habeat prædium urbanum: vel servitutem rusticam, nisi habeat prædium rusticum. Cur non addit Imperator (quemadmodum nec Iurisconsultus in l. 1. §. 1. ff. comm. præd. neminem posse præstare servitutem rusticam, vel urbanam, nisi rusticum, vel urbanum prædium habeat)? Quia servitutum appellationes sumantur à prædiis dominatibus, non à serviensibus. Porro sicut in servitutibus requiruntur duo prædia, dominans, & serviens, ita etiam requiruntur duæ personæ, quia (ut supra exposui) ea prædia non possunt esse eiusdem domini.

1. Tertiò in §. ult. declarat modos constituendarum servitutum. In summa hi modi referuntur ad duo genera. vel enim servitutes constituuntur inter vivos, ut pactionibus, atque stipulationibus; vel in ultima voluntate, veluti si cui servitus in testamento legetur. De pactionibus & stipulationibus duo notantur. Vnum est, servitutes constitui posse etiam aliis conventionibus, veluti per contractum emptionis & venditionis. ff. de serv. l. ult. & si serv. vin. l. si à t. 16. Alterum est quòd hæ conventiones per se non constituunt servitutem, sed tantum pariunt obligationem personale ad servitutem constituendam: cæterum ut servitus constituatur, requiritur quasi traditio, id est, usus ex parte dominantis, & cautio, vel patientia ex parte serviens. d. l. ult. & de serv. præd. rust. l. 1. §. ult. & de act. emp. l. 3 §. si iter. Tertium est, pactionem sine stipulatione non sufficere ad pariendam actionem. ff. de pact. l. 7. §. sed cum nulla. Idcirco Imp. non tantum dixit pactionibus, sed adiecit, atque stipulationibus. Suprà dictis duobus modis servitutum constituendarum: ad de tertium, nimirum per adjudicationem in iudicio familiæ erciscundæ. ff. famil. erciscund. l. item Latæo. 22. §. sed etiam. vel communi dividundo. ff. communi divid. l. 7. §. 1.

AXIOMATA.

1. Cui plus conceditur, etiam plus concessum censetur. princ. vers. ita qui. Similis est regula, Cui plus conceditur, etiam minus concedi debet. supr. qui & ex quibus caus. man. non poss. §. ult.
2. Servitutes sine prædiis non consistunt. §. 3.

De

De usufructu.

T I T. I V.

V usufructus est ius alienis rebus utendi fruendi, salva rerum substantia. Est autem ius in corpore: quo sublato & ipsum tolli necesse est.

1 § Usufructus à proprietate separationem recipit: idque pluribus modis accidit: ut ecce, si quis usufructum alicui legaverit, nam heres nudam habet proprietatem, legatarius vero usufructum. Et contra, si fundum legaverit deducto usufructu: legatarius nudam habet proprietatem: heres vero usufructum. Item alij usufructum, alij deducto eo fundum legare potest. Sine testamento [vero] si quis velit usufructum alij constituere: pactionibus & stipulationibus id efficere debet. Ne tamen in uniuersum inutiles essent proprietates, semper abscedente usufructu: placuit certis modis extinguere usufructum, & ad proprietatem reuerti.

2 § Constituitur autem usufructus non tantum in fundo & aedibus, verumetiam in seruis, & iumentis, & cæteris rebus: [exceptis iis, quæ ipso usu consumuntur.] Nam hæ res neque naturali ratione, neque civili recipiunt usufructum, quo [in] numero sunt vinum, oleum, frumentum, vestimenta: quibus proxima est pecunia numerata. namque ipso usu assidua permutatione quodammodo extinguitur. Sed utilitatis causa senatus censuit, posse etiam earum rerum usufructum constitui: ut tamen eo nomine heredi utiliter caueatur. Itaque si pecuniæ usufructus legatus sit: ita datur

M 3 legata

legatario, ut eius fiat, legatarius satsdet heredi de tanta pecunia restituenda, si morietur, aut capite minuetur. Cæteræ quoque res ita traduntur legatario, ut eius fiant: sed æstimated his satsdatur: ut si moriatur, aut capite minuatur, tanta pecunia restituatur, quanti hæ fuerint [æstimatæ.] Ergo senatus non fecit quidem earum rerum vsumfructum, (nec enim poterat), sed per cautionem quasi vsumfructum constituit.

3 ¶ Finitur autem vsumfructus morte vsumfructuarij, & duabus capitis deminutionibus maxima & media, & non utendo per modum & tempus: quæ omnia nostra statuit constitutio. Item finitur vsumfructus, si domino proprietatis ab vsumfructuario cedatur: (nam cedendo extraneo, nihil agitur) vel ex contrario si vsumfructuarius proprietatem rei adquisierit, quæ res consolidatio appellatur. Eo amplius constat, si ædes incendio consumptæ fuerint, vel etiam terræ motu, vel vitio suo corruerint: extinguui vsumfructum, & ne arcæ quidem vsumfructum deberi.

4 ¶ Cum autem finitus fuerit totus vsumfructus, reuertitur scilicet ad proprietatem, & ex eo tempore nudæ proprietatis dominus incipit plenam in re habere potestatem.

A servitutibus realibus transit ad personales. Servitus personalis est qua res, vel persona servit personæ, in cuius dominio non est, ut vsumfructus, vsus, habitatio,

Princ. In hoc tit. Imp. primò vsumfructum definit ius alienis rebus utendi fruendi, salva rerum substantiâ. Ait *ius*; quia servitutes vocantur etiam iura *suprà de reb. corpor. in fin.* Ait *utendi fruendi*, ut seiungat vsumfructum ab vsu, qui est ius tantum utendi, non etiâ fruendi: & ab habitatione, quæ est us habitandi, & similior est vsui, quàm vsuifruetui, ut *tit. seq.* notabo

notabo. Ait *alienis*, quia nemini res sua seruit. ff. si usufructus petat. l. 5. in princ. Hinc duo colliguntur. Vnum est, quod hæc definitio non conuenit usufructui coniuncto cum proprietate, qui à Doct. vocatur usufructus causalis, & minus propriè dicitur usufructus. Alterum est, quod hæc definitio non conuenit usufructui earum rerum, quæ usu consumuntur: quoniã etiam hinc impropriè appellatur usufructus: quandoquidem is, qui usufructum habet, eius rei dominus est. infra hoc tit. §. constituitur. Et ff. de usufr. ear. rer. quæ usu consum. l. 7. Ait *rebus*, subaudi corporalibus: quia usufructus est ius in corpore, vt mox subiiciet. Ait, *salua rerum substantia*. cum vt declarat ius & officium fructuarij, tum etiam vt apertius distinguat verum usufructum ab usufructu rerum quæ usu consumuntur. Ex d. definitione Imp. colligit corollarium, id est, ex vltima particula definitionis, nam usufructus est ius in corpore: ita vt proprietarius habeat dominium corporis, puta fundi; fructuarius autem habeat dominium iuris, id est, seruitutis. Hoc autem ius nritur corpore, ex quo fructus percipiuntur, adeo vt sublato corpore usufructus intereat. ff. hoc. tit. l. 2.

Secundò in §. 1. declarat modos, quibus usufructus constituitur. Constituitur autem iisdem modis, quibus seruitutes constitui supra diximus, id est, vel inter viuos, vel in vltima voluntate. quocirca huc transferri possunt, quæ notauimus ad §. vlt. tituli præced.

§. 1.

Tertiò, in §. constituitur, docet, quæ res usufructum recipiant: ac distinguit duo rerum genera. Alia namque in usu consistunt, id est, usu non consumuntur, vt fûdi, ædes: alia consistunt in abusu, id est, usu consumuntur, vt vinum, oleum, frumentum; vel quasi consumuntur, vt pecunia numerata: quæ licet usu non consumatur, tamen quasi consumitur. dñ enim impenditur, ei perit, qui impendit, quamuis in sua substantia permaneat. Adde tertium genus, eorù quæ nec omnino permanent, nec statim consumuntur, sed minui dicuntur, in rub. ff. de usufr. ear. rer. quæ usu consum. vel min. quia paulatim attenuantur, vt vestimenta. In iis rebus quæ usu non consumuntur, verus & propriè dictus usufructus constituitur. In iis autè, quæ usu consumuntur, non est verus, sed quasi usufructus, propterea quod fructuarius non vtitur fructu saluâ substantiâ, sed eâ consumit nec finito usufructu reddit idè corpus, si quidem illud cõsumpsit, sed aliud eiusdè generis,

§. 2.

Quantitatis, & qualitatis, vel æstimationem. unde si spectemus corpus, quod fructuarius accipit, eius dominus est. Sed appellatur fructuarius, quatenus hæ res in genere consistunt: & restituens idem genus, aliquo modo restituit quod accepit. Hic autem quasi ususfructus senatusconsulto introductus est: quod hanc formam dedit, ut fructuarius caueat se usufructu finito vel tantundem, vel æstimationem restitutum, id est, cum ipse fructuarius morietur, vel capite minuatur, quia his duobus solis modis hic quasi usufructus finitur ff. eod. tit. l. 7. & l. quoniam. 10 in pr. cum pluribus aliis modis verus usufructus finiatur. *su. §. prox* Denique res, quæ minuuntur & paulatim usu atteruntur, ut vestimenta, duobus modis spectari possunt, id est, vel tamquam corpora, vel tamquam quantitates. Priori casu recipiunt verum usumfructum, ita ut fructuarius usufructu finito restituat idem corpus. Posteriori casu recipiunt quasi usumfructum, aded ut fructuarius reddere debeat aliud vestimentum eiusdem qualitatis, vel æstimationem, ut *hic. & ff. eod. l. sed si quid. 15. & §. si vestimentum. & usufruct. quemadmodum. cur. l. 9. §. penult.* Cæterum Imp. hoc loco vestimenta posteriori tantum modo considerat, & adiungit iis rebus, quæ usu consumuntur.

§. 3.

Quarto in §. finitur, proponit septem modos, quibus verus usufructus finitur, hi verò sunt, I. Mors fructuarij nam usufructus est ius personale, quod non transit ad heredes sed cum persona interit. II. Mors civilis, id est, maxima, vel media capitis deminutio. III. Si fructuarius debito modo non utatur. Primum enim uti debet tanquam bonus paterfamilias. *suprà de rer. diuis. §. sed si gregis.* Deinde uti debet eo modo, qui constitutus est. nam si utatur tanquam fructuarius, retinet usufructum. Si verò quasi usufructuarius, ius suum amittit. *ff. qui ius motis usufruct. amitt. l. is q. 1. 20.* IV. Si fructuarius non utatur per tempus constitutum, id est, spacio 10 aut 20 annorum. *C. de usu. fr. l. pen.* Hic modus coniungi potest cum præcedente is enim, qui alio modo utitur quam debet, id est qui utitur quasi usufructuarius, non quasi fructuarius, non statim amittit usufructum, sed post lapsum 10. annorum inter præsentem, aut 20. inter absentes. V Cessio: fructuarius enim potest ius suum proprietario cedere. Sin autem extraneo cedat, nihil agit, id est, non transfert usufructum ad eum cui ceditur quia

quia usufructus, cum sit ius personale, non potest à persona ad personam transire. Ideo autem proprietario cedi potest, quia per cessionem, id est, cum à persona fructuarij transfertur, interit: cum autem interit, ad proprietatem reuertitur. *infra hoc t. §. ult.* Vnde sciendum est etiam cum fructuarius extraneo vsumfructum cedit, vsumfructum interire, & ad proprietatem reuerti. *ff. de iure dot. l. si usufructus fundi. 66.* Quod igitur Imp. ait, ab eo, qui vsumfructum cedit extraneo, nihil agit, debet accipi limitatè, id est, nihil agi in utilitatem & commodum eius cui ceditur aliquid. tamen agitur quatenus usufructus perit fructuario, & redit ad proprietarium. Similem locutionem habuimus *suprà qui ex quibus caus. minum. non poss. in princ. VI.* Consolidatio, id est, cum usufructuarius acquirit proprietatem quotiescumque enim usufructus cum proprietate coniungitur, omnino interit: quia ex vero & formali usufructu fit usufructus causalis, maximè improprie dictus. VII. Rei interitus, id est, corporis ex quo fructus percipiuntur, & in quo usufructus inhæret. *suprà hoc tit. in prin.*

Quintò in §. ult. declarat effectum usufructus finiti. Hic notandum aut finiri totum vsumfructum, ut quia unus est fructuarius, aut finiri partem, ut qui sunt multi fructuarij constat enim vsumfructum diuiduū esse, & partes recipere. Priori casu inquit Imp. vsumfructum reuerti ad proprietatem, id est, ex formali fieri causalem. Posteriori casu pars usufructus quam aliquis amittit, plerumque alijs fructuarijs accrescit, ut explicatur in tit. *ff. de usufruct. accresc.* §. ult.

A X I O M A T A.

- 1 Vsumfructus est ius in corpore, & eo sublato tollitur. *in prin.*
- 2 Vsumfructus à proprietate in perpetuum separatus esse non potest. §. 1. *vers. ne tamen.*
- 3 Vsumfructus finitus redit ad suum principium, id est, ad proprietatem à qua discesserat. *d. §. 1. & §. ult.*
- 4 Quæ in usu consistunt, id est, quæ usu consumuntur, vel quasi consumuntur, non recipiunt verum vsumfructum. §. 2.

De usu & habitatione.

T I T. V.

Idem illis modis, quibus usufructus constituitur, etiam nudus usus constitui solet: iisdemque illis modis finitur, quibus & usufructus desinit.

1 § Minus autem iuris est in usu, quam in usufructu, nam is, qui fundi nudum habet usum nihil ulterius habere intelligitur, quam ut oleribus, pomis, floribus, fœno, stramentis, & lignis ad usum cotidianum utatur: in eoque fundo hætenus ei morari licet, ut neque domino fundi molestus sit, neque iis, per quos opera rustica fiunt impedimento, nec ulli alij ius, quod habet, aut locare, aut vendere, aut gratis concedere potest: [quum is, qui usufructum habet, possit hæc omnia facere.]

2 § Item is, qui ædium usum habet, hætenus ius habere intelligitur, ut ipse tantum inhabitet, nec hoc ius ad alium transferre potest. & vix receptum esse videtur, ut hospitem ei recipere liceat: & cum vxore, liberisque suis, item libertis: nec non personis aliis liberis: quibus non minus, quam servis utitur, habitandi ius habeat. Et conuenienter, si ad mulierem usus ædium pertineat, cum marito ei habitare liceat.

3 § Item is ad quem serui usus pertinet, ipse tantum operaturque ministerio eius uti potest: ad alium vero nullo modo ius suum transferre ei concessum est. Idem scilicet iuris est & in iumento.

4 § Sed & si pecorum, vel ouium usus legatus sit: neque lacte, neque agnis, neque lana utetur usufructarius,

usuarius, quia ea in fructu sunt. Plane ad stercoreandum agrum suum pecoribus uti potest.

§ Sed si cui habitatio legata, siue aliquo modo constituta sit, neque usus videtur, neque usufructus, sed quasi proprium aliquod ius: quanquam habitationem habentibus, propter rerum utilitatem, secundum Marcelli sententiam nostra decisione promulgata, permisimus non solum in ea degere, sed etiam aliis locare.

6 § Hæc de servitutibus, & usufructu, & usu, & habitatione dixisse sufficiat. De hereditatibus autem & obligationibus, suis locis proponemus. Expoluimus summam quibus modis iure gentium res adquiruntur: modo videamus, quibus modis legitimo & civili iure adquiruntur.

Huius tituli tres sunt partes. Prima pars est de usu. Usus autem est ius rebus alienis utendi salva earum substantia. Notandum est, hanc servitutem quam vocamus usum, differre ab eo usu, qui est pars usufructus. Vnde ad §. *pen. titul. preced.* notavi fructuarium qui utitur, quasi usuarius amittere usumfructum, licet usumfructum retineat, si utatur tamquam fructuarius.

In hac parte Imper. primò declarat similitudinem usufructus, & usus, quæ quidem duplex est: quoniam iisdem modis constituuntur, & iisdem modis finiuntur. *in princ.*

Secundò exponit harum servitutum differentiã: & initio summam docet, usum minus continere, quàm usufructum §. 1. *in princ.* Intellige hoc verum esse in iis rebus, quæ usu non consumuntur, nam quasi usufructus earum rerum quæ usu consumuntur, & earumdem usus, tantumde iuris continent. *ff. de usufr. ear. rer. qua usu consum. l. 5. §. ult.* Deinde hanc differentiam latius explicat, singillatim considerans varias res, in quibus usufructus, vel usus constituitur, ut fundum. d. §. 1. *vers. nam. is ades. §. item is qui adium. servos, iumenta. §. item is ad quem. pecora, vel oves. §. sed et si.*
Ad

Ad §. Nota primò, eum, qui fundi vsum habet, non solum aliquid accipere ex oleribus, pomis, & cæteris in contextu enumeratis, sed etiam ex frumento & oleo ad suam necessitatem. ff. h. e. r. l. plenum 1. §. 1.

Nota secundò quòd dicitur fructuarium posse vendere, aut gratis concedere vsumfructum, non sic accipi debere, quasi possit ius suum ad alterum transferre: quia hoc ius personale est, quod personam non egreditur: tantum igitur transfert facultatem percipiendi fructus: quæ facultas non est iuris, sed facti: proinde qui hanc facultatem habet, non est fructuarius: consequenter non ipsius, sed fructuarij morte finitur vsus fructus.

§. 3. Ad §. item is ad quem. Nota aliud esse locare operas serui ad opus faciendum; aliud esse conducere opus faciendum, & in eo opere faciendo vti operis serui: hoc enim vsuario conceditur; illud verò denegatur.

§. 4. Ad §. sed et si pecorum. Nota primò, quamvis pecorum appellatione contineantur etiam oves. dicto tit. l. plenum, §. sed et si pecorum, tamen hæc duo legata distingui, id est, legatum vsus pecorum, & legatum vsus ouium: quia legatum illud plenius est: siquidem pecorum appellatio latius patet, quam ouium.

Nota secundò exceptionem ad id, quod ait Imp. vsuarius non vti lacte: quoniam modico lacte vtitur. d. l. plenum. §. sed et si pecorum.

§. pen. Secunda tituli pars est de habitatione in §. pen. Habitatio est ius habitandi in ædibus alienis saluâ earum substantiâ, magis tamen in facto & in re ipsa, quam in iure personæ consistens ff. de c. min. l. pen. Habitatio hæc declaratur per distinctionem ab vsufructu & vsus differt autem ab vtrisque. I. Quia vsufructus, vel vsus est merum ius, habitatio verò (vt modò dixi) magis in facto, quam in iure consistit. II. Quia non amittitur non vtendo, neque capitis diminutione. ff. eod. l. si habitati 1. in princ. quibus modis supra dedimus vsumfructum & vsum amitti. III. Quamvis similior sit vsui, quam vsufructui. d. l. si habitatio, in princ. tamen eo differt ab vsu. & est similis vsufructui, quòd locari potest. d. §. pen. adhibito §. 1. supra eod.

§. ult. Tertia pars continet transitionem, in §. ult. vbi Imp. breui epilogo complectitur ea quæ proximè docuit, ac proponit quæ deinceps expositurus est.

A X I O M A T A.

Minus iuris est in usu, quam in usufructu. §. 1.

*De usufructibus, & longi temporis præscrip-
tionibus.*

T I T. V I.

Iure civili constitutum fuerat, ut qui bona fide ab eo, qui dominus non erat, cum crederet eum dominum esse, rem emerit, vel ex donatione, alia-
ve quavis iusta causa acceperit, is eam rem, si mo-
bilis erat, anno ubique vno: si immobilis, biennio
tantum in Italico solo usufructeretur, ne rerum domi-
nia in incerto essent. Et quum hoc placitum erat,
putantibus antiquioribus, dominis sufficere ad inqui-
rendas res suas præfata tempora: nobis melior senten-
tia reledit, ne domini maturius suis rebus defrauden-
tur, neque certo loco beneficium hoc concludatur:
& ideo constitutionem super hoc promulgauimus,
qua cautum est, ut res quidem mobiles, per trien-
nium: immobiles vero per longi temporis possessio-
nem (id est, inter præsentis decennio, inter absen-
tes viginti annis) usufructantur. & his modis non so-
lum in Italia, sed etiam in omni terra, quæ nostro im-
perio gubernatur, dominia rerum iusta causa possessio-
nis præcedente adquirantur.

1. § Sed aliquando etiam si maxime quis bona
fide rem possederit: non tamen illi usufructus villo tem-
pore procedit. veluti si quis liberum hominem, vel
rem

rem sacram, vel religiosam, vel seruum fugitiuum possideat.

2 § Furtiue quoque res, & quæ vi possessæ sunt, nec si prædicto longo tempore bona fide possessæ fuerint, vsucapi possunt. nam furtiuatum rerum lex duodecim tabularum, & lex Atilia, inhihent vsucapionem: vi possessorum, lex Iulia & Plautia.

3 § Quod autem dictum est, furtiuarum & vi possessorum rerum vsucapionem per leges prohibitam esse, non eo pertinet, vt ne ipse fur, quive per vim possidet, vsucapere possit (nam his alia ratione vsucapio non competit, quia scilicet mala fide possident) sed ne ullus alius, quamuis ab eis bona fide emerit, vel ex alia causa acceperit, vsucapiendi ius habeat. Vnde in rebus mobilibus non facile procedit, vt bonæ fidei possessoribus vsucapio competat. Nam qui [sciens] alienam rem vendiderit, vel ex alia causa tradiderit, furtum eius committit.

4 § Sed tamen id aliquando aliter se habet. nam si hæres rem defuncto commodatam, aut locatam, vel apud eum depositam, existimans hereditariam esse, bona fide accipienti vendiderit, aut donauerit, aut dotis nomine dederit: quin is, qui acceperit, vsucapere possit, dubium non est: quippe cum ea res in furti vitium non ceciderit: quum utique heres, qui bona fide tanquam suam alienauerit, furtum non committat.

5 § Item si is, ad quem ancillæ vsusfructus pertinet, partum suum esse credens vendiderit, aut donauerit, furtum enim sine affectu furandi non committitur.

6 § Aliis quoque modis accidere potest vt, quis sine vitio furti, rem alienam ad aliquem transferat,
&c

& efficiat, ut à possessore usucapiatur.

7 § Quod autem ad eas res, quæ solo continentur, expedit, ius ita procedit, ut si quis loci vacantis possessionem propter absentiam, aut negligentiam domini, aut quia sine successore decesserit, sine vi nanciscatur: quamvis ipse mala fide possideat (quia intelligit se alienum fundum occupasse) tamen si alij bona fide accipienti tradiderit, poterit ei longa possessione res adquiri: quia neque furtivum, neque vi possessum acceperit. Abolita est enim quorundam veterum sententia, existimantium etiam fundi locive furtum fieri. & eorum utilitati, qui res soli possident, principalibus constitutionibus prospicitur, ne cui longa & indubitata possessio debeat auferri.

8 § Aliquando enim furtiva, vel vi possessa res usucapi potest: veluti si in domini potestatem reuersa fuerit, tunc enim vitio rei purgato, procedit eius usucapio.

9 § Res fisci nostri usucapi non potest. Sed Papinianus scripsit, bonis vacantibus fisco nondum nunciatis, bonæ fidei emptorem traditam sibi rem ex his bonis usucapere posse: & ita diuus Pius, & diui Severus & Antoninus rescripserunt.

10 § Nouissime sciendum est, rem talem esse debere, ut in se non habeat vitium, ut à bonæ fidei emptore usucapi possit, vel qui ex alia iusta causa possidet.

11 § Error autem falsæ causæ usucapionem non parit: veluti si quis cum non emerit, emisse se existimans, possideat: vel cum ei donatum non fuerit quasi ex donatione possideat.

12 § Diutina possessio, quæ prodesse cœperat defuncto,

defuncto, & heredi, & bonorum possessori continuatur, licet ipse sciat prædium alienum esse. quod si ille initium iustum non habuit: heredi & bonorum possessori, licet ignoranti, possessio non prodest. Quod nostra constitutio similiter & in usufructuariis obseruari constituit, ut tempora continuentur. Inter venditorem quoque & emptorem coniungi tempora, diui Seuerus & Antoninus rescripserunt.

13 § Edicto diui Marci cauetur, cum, qui à fisco rem alienam emit, si post venditionem quinquennium præterierit, posse dominum rei exceptione repellere. Constitutio autem diuæ memoriæ Zenonis bene prospexit iis, quia à fisco per venditionem, aut donationem, vel alium titulum accipiunt aliquid: ut ipsi quidem securi statim fiant: & victores existant, siue experiantur, siue conueniantur. Aduersus autem sacratissimum ærarium usque ad quadriennium liceat eis intendere, qui pro domino vel hypotheca earum rerum, quæ alienatæ sunt, putauerint sibi quasdam competere actiones. Nostra autem diuina constitutio, quam nuper promulgauimus, etiam de iis, qui à nostra, vel venerabilis Augustæ domo aliquid acceperint, hæc statuit, quæ in fiscalibus alienationibus præfatæ Zenonianæ constitutionis continentur.

Transgreditur ad explicandos modos quibus rerum dominium iure ciuili acquiritur: quorum alij sunt particulares, quibus res singulæ acquiruntur, ut si usufructus, donatio, legatum & particulare fideicommissum: alij vniuersales, quibus acquiruntur vniuersitates bonorum, ut hæreditas, bonorum possessio, acquisitio per arrogationem, addictio bonorum, qui quidem modi deinceps à Iustiniano explicabuntur, sumpto

initio à modis particularibus, propterea quòd etiam modi iuris gentium suprà expositi, particulares sunt. Primus particularis modus est usufructus. Usufructus est dominiū possessione acquirere, nam usus hic significat possessionē, vt ff. de verb. sign. l. quæstio 115. Itaque usufructus, definitur, Adiectio domini per continuationem possessionis temporis lege definiti. ff. h. l. 3. Dicitur adiectio; quia est aluuiōi similis, vt enim aluuiō paulatim & latente incremento agris adiicit. suprà de rer. diu. §. præterea. ita etiam possessio illa, per quam usufructus procedit, paulatim dominium progressu tēporis nobis adiacere videtur. Hinc est, quòd nondum perfecta usufructu is qui usufructus, quodammodo pro domino habetur, & rem quasi suam vendicat actione Publiciana. inf. de actio. §. namque si cui. Additur per continuationem possessionis: quia usufructus continuatam, non interruptam possessionem requirit. ff. de l. 3. l. possessio. 20. l. nunquam. 31. §. 1. Additur tēporis lege definiti. hoc tēpus in rebus mobilibus est triennium: in immobilibus est decennium inter præsentēs, aut 20. anni inter absentes. C. de usufructu. trans. form. l. 2. n. Ex hac rerum diuisione sumuntur duæ usufructu species. nempe usufructus propriè dicta, & longi temporis possessio, seu longi temporis præscriptio. Usufructus specialis est, quæ res mobilis triennij possessione acquiritur. longi temporis possessio, seu præscriptio est quæ res immobilis possessione 10. aut 20. annorum acquiritur. Vtraque requiri bonam fidem, iustum titulum, & possessionem non interruptam. Alia est longi temporis possessio, seu præscriptio absque titulo: ex qua olim dabatur tantum exceptio, hodie etiam utilis vindicatio competit. atque etiam hæc spatium 10. aut 20. annorum absoluitur: sed utile dominium tribuit, non dicitur, vt usufructus. ff. si seru. vindic. l. si quis diuturno 10. in princ. Hic igitur titulus inscribitur, De usufructibus, & longi temporis possessionibus, vel præscriptionibus. nam utroque modo legitur. Intellige usufructus rerum mobilium: longi autem temporis præscriptiones, siue possessiones, id est, usufructus rerum immobilium. Huius tituli partes quinque sunt.

In prima parte Imp. summarij, & breuiter materiam usufructu enarrat, in princ. tituli. in quo tria tradit. Primum est origo usufructu. quæ introducta est iure ciuili, id est, lege xij tabul. Secundum est ratio, propter quam usufructus introducta fuit. non est autem introducta propter æquitatem

Prin.

N

natura

naturalem, cui potius aduersatur, dum rem aufert domino inuito; sed propter æquitatem civilem, ne rerum dominia semper sint in incerto. ff. *de usurp. & usuc. l. 1.* & ut sit aliquis litium finis. ff. *pro suc. l. ult. in princ* Tertium est, quænam requirantur, ut usucapio procedat. Multa requiruntur, videlicet I. Ut usucapiens rem acceperit id est, ei tradita fuerit. II. Ut qui rem tradidit, non sit eius dominus: alioqui accipiens statim fieret dominus, nec egeret usucapione. *su. r. de rer. diu. §. per traditionem.* III. Ut res sit tradita ex causa, seu titulo idoneo, veluti ex causa venditionis, vel permutationis, vel donationis, id est, ex ea causa, ex qua si dominus tradidisset, dominium in accipientem transtulisset. siue enim nulla sit causa siue sit causa non idonea, puta depositi, vel commodati usucapio non procedit IV. Ut rem acceperit bona fide, id est, existimans se accipere à vero domino. Hæc bona fides in emptore requiritur tam tempore contractus, quam traditionis. quod quidem speciale est in emptione: in aliis enim causis tantum traditionis tempore bona fides requiritur. ff. *pro empto. l. 2. in princ* Superueniens mala fides iure civili non impedit usucapionem bona fide coeptam. ff. *de acq. rer. domin. l. bona fidei. 48. §. 1. & C. de usucap. transfor. l. un. §. hoc tantummodo.* Sed iure canonico bona fides perpetuò requiritur in usucipientibus, vel præscribentibus *ext. de præscript. c. ult. V.* Ut rem possederit per tempus lege statutum, id est, rem mobilem triennio, rem immobilem 10. annis inter præsentem, aut 20. inter absentes. His quinque requisitis, quæ in hoc principio habentur, duo addi possunt. VI. Ut res vitio careat. *infra hoc tit. §. 1. & seqq. usque ad §. error.* Et VII. Ut possessio sit continuata, non interrupta. ff. *eod. l. 3. & l. nunquam. 31. §. 1. ut explicatur in §. diutina.*

§. 1. In secunda, à dicto §. 1. usque ad d. §. error, tractat de rebus quæ usucapi possunt, vel non possunt. Et primò in d. §. 1. excludit eas res, quæ non sunt in commercio, ut liberum hominem, & res diuini iuris: quoniam hæ non possunt usucapi. Secundò in eodem §. excludit seruum fugitiuum: quia res furtiua non possunt usucapi, ut dicitur in §. seq. seruus autem fugitiuus est aliquo modo furtiuus, quia sui ipsius furtum facere dicitur. *C. de ser. fugit. l. 1.*

§. 2. Tertiò in §. furtiua, incipit tractare de rebus furtiuis, aut vi possessis. Ac I. generaliter docet, quo iure, & in quibus personis harum rerum usucapio prohibeatur: ac docet rerum furtiuarum

furtivarum usucapionem inhiberi lege duodecim tabularum & lege Atinia ff. *hoc tit. l. non solum* 31. in pr. (legis Atiniae verba refert Gellius lib. 17. c. 7.) vi autem possellarum, lege Plautia, & Iulia. d. l. non solum. §. si dominus.) Plautiam Iulia M. Plautius Silanus tribunus plebis. Cn. Pompeio Strabone, L. Portio Catone Consulibus: cuius meminit. Cic. de resp. ns. *haruspice. & pro Milone.* ibique Asconius Legis Iuliae tempus est posterius, & incertum.) hanc autem prohibitionem esse generalem, & in omnibus personis obtinere, atque adeò etiam in bonae fidei possessoribus, licet longo tempore possederint.

II. In §. *quod autem vers. unde*, specialiter tractat de rebus mobilibus: de quibus dat regulam quòd cum à non domino alienantur, plerumque fiunt furtivae, nec possunt usucapi. & in seq. §. *sed tamen*, addit exceptionem, nisi quis rem alienam bona fide (id est, putans se esse dominum) alienaverit. quod posse contingere docet propositis duobus exemplis. in priori exemplo, quod est in princ. paragraphi, alienans erravit in facto. In posteriori, quod est in §. *item si is*, erravit in iure. Vnde nota tam iuris, quam facti ignorantiam excusare à dolo, & à furto, quod sine affectu turandi non committitur. Ac ne quis putet his solis casibus, quos proposuit, furtum non committi, & usucapionem procedere; in §. *alii*, subicit etiam aliis casibus id accidere, id est, plura alia exempla proponi posse, in quibus propter iuris, vel facti ignorantiam res non fit furtiva, ideòque usucapitur.

III. In §. *quod autem*, specialiter loquitur de rebus immobilibus, ac docet has non posse surripi, id est, neque fundum, neque locum. Differt autem locus à fundo, ut patet à toto. ff. *de verborum significat. l. locus* 60. Fundus propriè significat agrum, & distinguitur ab aedibus, ut in §. *constituitur, supra de usufructu*. Latius autem sumptus complectitur tam aedes, quam agrum: adeò ut fundus in hac significatione idem sit, quod praedium ff. *ead. l. fundi*. 11. atque in hac posteriori significatione hoc loco accipitur.

Nota secundò, cum dicimus res vi possessas non posse usucapi intelligendum hoc esse de vi ablativa aut expulsiva, non de vi compulsiva: nam res quam dominus vendere & tradere coactus est, à bonae fidei possessore praescribi potest. C. *de his quae vim metus & caus. l. 1.*

Nota tertio, eum qui vacuum possessionem ad se non pertinentem occupat, vim non facere, quamquam ex Iustiniani constitutione

constitutione teneatur interdicto, unde vi. C. unde vi l. ult. idóeque rem non fieri vitiosam, sed posse ab alio bona fide accipiente vsucapi.

§. 8. I. n. §. al. quando, ostendit vitium furti, aut violentæ possessionis purgari ita ut postea res vsucapi possit, si in potestatem domini redierit id est, si dominus eam iuste & tanquam suam nactus sit, ita ut ei auelli non possit. ff. de ac. tit. l. 4. §. tunc.

§. 9. V. In §. res fisci, excludit res fiscales, id est, iam fisco acquisitas. bona autem vacantia, quamvis ad fiscum pertineant, tamen antequam fisco nunciata sint, vsucapi possunt.

§. 10. VI. n. §. nouissimè, generaliter concludit rem, quæ vsucapitur, vitio vacare debere. Hactenus de rebus, quæ vsucapi possunt, vel non.

§. 11. In tertia parte, quæ est in §. error, tractat de causa, seu titulo, (utroque enim vocabulo idem significatur) sine quo vsucapio non procedit. quod adeò verum est, ut Imp. dicat non sufficere titulum opinatum: veluti si quis falsò putet se emisit, quod non emit. Accipe hoc dictum cum exceptione, nisi iustam causam falsæ illius existimationis habuerit, tunc enim vsucapiet pro suo. ff. pro emptore. l. quod vulgò 11. §. pro suo. l. pen. §. ult.

§. 12. In quarta parte loquitur de continuatione possessionis: quia iam dixit requiri possessionem non interruptam. docet ergo morte vsucapiantis possessionem non interrumpi, sed continuari in persona hæredis: quia tempus quo defunctus possedit, & tempus quo hæres possidet, coniunguntur. Ita vsucapio procedit dummodo bonam fidem defunctus habuerit. nam quia bona fides initio vsucapionis requiritur, idcirco in defuncto, qui vsucapionem inchoauit, non in hærede requiritur §. diutina.

§. pen. Et similiter docet, si vsucapiens rem vendiderit & emptori tradiderit, possessionem non interrumpi, sed nihilominus vsucapionem procedere: quia tempus quo venditor possedit, & tempus quo emptor possidet, coniunguntur. Ita hoc etiam casu vsucapio procedit, si bonam fidem habuit venditor, quavis malam fidem habeat emptor. penultim. In summa ergo possessio continuatur tam in persona succedentis in ius, ut hæredis, quam in persona succedentis in rem, ut emptoris.

§. ult. In quinta parte, id est, in §. ultim. speciale priuilegium tribuit eumentibus, vel ex alia simili causa accipientibus, rem alienam à fisco, vel Principe, vel Augusta, ut vsucapione non egeant,

egeant, sed statim pro dominis habeantur, & securi sint: actionem verò in eam rem domino, aut creditori cui dignerata fuit aduersus fiscum, vel Principis, aut Augustæ domum, vti que ad quadriennium concedit, non aduersus emptorem.

Nota primò, hoc ius non habere locum in hereditate. *ff. de petit. hered. l. nec ullam, 12. C. nemini*; sed in re particulari, quod Imper. in contextu indicat, inquiens, *accipiunt aliquid* nam tñ *aliquid* est nota rei particularis vt in §. *namque si cui*, & §. *quadam*, infra de actionibus. & C. ad leg. Falcid. l. si ea. 13.

Nota secundò, quod est dictum, actionem dati intra quadriennium, non excludere restitutionem in integrum, per quam actio quadriennij lapsu amissa, restitui potest. C. de restit. mil. l. 5.

A X I O M A T A.

- 1 Rerum dominia non debent esse incerta, in pr.
- 2 Qui sciens rem alienam vendit, vel ex alia simili causa tradit, furtum committit. §. 1. *et l. nœ.*
- 3 Furtum sine affectu furandi non committitur d. *vers. unde* coniuñ §. *placuit*. & §. *pen. infra de oblig. qua ex delict.*
- 4 Ignorantia iuris excusat à dolo §. 4.
- 5 Rei immobilis furtum non fit §. 1.
- 6 Sublato impedimento, tollitur eius effectus. §. 8. coniuñ. §. *furi. su. supra qui res amittit. da. poss.*
- 7 Error falsæ causæ usucapionem non parit §. 1.
- 8 Auctoris possessio continuatur cum possessione eius qui ab illo causam habet. §. 12. & seq.

De donationibus.

T I T. VII.

Est & aliud genus acquisitionis, donatio. Donationum autem duo sunt genera: mortis causa, & non mortis causa.

N 3

1 § Mo

1 § Mortis causa donatio est , quæ propter mortis suspicionem fit : cum quis ita donat , ut si quid humanitus ei contigisset , haberet is , qui accepit. sin autem supervivisset : is , qui donavit , reciperet : vel si eum donationis pœnitivisset : aut prior decesserit is , cui donatum sit. Hæ mortis causa donationes ad exemplum legatorum redactæ sunt per omnia : nam cum prudentibus ambiguum fuerat , utrum donationis , an legati instar eam obtinere oporteret , & utriusque causæ quædam habebat insignia , & alij ad aliud genus eam retrahebant : à nobis constitutum est , ut per omnia ferè legatis connumeretur , & sic procedat , quemadmodum nostra constitutio eam formavit. Et in summa , mortis causa donatio est , cum magis se quis velit habere , quam eum , cui donat : magisque eum , cui donat , quam heredem suum : sic & apud Homerum Telemachus donat Piræo.

Πείραϊ , ὃ γὰρ τ' Ἰδμεῖο ὅπως ἔσται τά δ' ἔργα ,
 Εἴκεν ἐμὲ μνηστῆρες , ἀγχιώρες ἐν μεγάροισιν
 Λάδρη κτείναντες , πατρὸς ὅλα πάντα δάσονται.
 Αὐτὸν ἔχοντά σε βέλομαι ἐπαυρέμεν , ἥτινα σφί δέ.
 Εἰ δ' κ' ἐγὼ τούτοις φόνον ἔγχευα φυτεύσω ,
 Δὴ τότε μοὶ χαίροντι φέρειν πρὸς δώματα χαίρων.

id est,

*Piræe , incertus quoniam rerum exitus harum est ,
 Si tacita incautum stolidi me fortè necare
 Morte proci poterunt , & opes vexare paternas.
 Hac ego te malo , quam illorum quempiam habere.
 Sin ego eos iusta meritos affecero clade ,
 Tum mihi tu lato reddes illa omnia latus.*

2 § Aliæ autem donationes sunt , quæ sine vlla mortis cogitatione fiunt , quas inter vivos appellamus,

lamus, quæ non omnino comparantur legatis: quæ si fuerint perfectæ, temerè reuocari non possunt. Perficiuntur autem, cum donator suam voluntatem scriptis, aut sine scriptis manifestauerit. Et ad exemplum venditionis, nostra constitutio eas etiam in se habere necessitatem traditionis voluit: ut etiam si non tradantur, habeant plenissimum & perfectum robur, & traditionis necessitas incumbat donatori. Et cum retro principium dispositiones insinuari eas actis interuenientibus volebant, si maiores fuerant ducentorum solidorum: constitutio nostra eam quantitatem usque ad quingentos solidos ampliauit, quam stare etiam sine insinuatione statuit: sed & quasdam donationes inuenit, quæ penitus insinuationem fieri minime desiderant, sed in se plenissimam habent firmitatem. Alia insuper multa ad vberiore exitum donationum inuenimus; quæ omnia ex nostris constitutionibus, quas super his exposuimus, colligenda sunt. Sciendum est tamen, quod etsi plenissimæ sint donationes: si tamen ingrati existant homines, in quos beneficium collatum est: donatoribus per nostram constitutionem licentiam præstitimus certis ex causis eas reuocare: ne illi, qui suas res in alios contulerint, ab his quandam patiantur iniuriam vel iacturam, secundum numeratos in constitutione nostra modos.

3 § Est & aliud genus inter viuos donationis, quod veteribus quidem prudentibus penitus erat incognitum, postea autem à iunioribus diuis principibus introductum est, quod ante nuprias vocabatur: & tacitam in se conditionem habebat, ut tunc ratum esset, cum matrimonium esset insequu-

tum. Ideoque ante nuptias appellabatur, quod ante matrimonium efficiebatur, & nunquam post nuptias celebratas talis donatio procedebat. Sed primus quidem diuus Iustinus pater noster, cum augeri dotes & post nuptias fuerat permillum: si quid tale eueniret, & ante nuptias augeri donationem & constante matrimonio, sua constitutione permisit: sed tamen nomen inconueniens remanebat, cum ante nuptias quidem vocabatur, post nuptias autem tale accipiebat incrementum. Sed nos plenissimo fini tradere sanctiones cupientes, & consequentia nomina rebus esse studentes, constituimus, vt tales donationes non augeantur tantum, sed etiam constante matrimonio initium accipiant: & non ante nuptias, sed propter nuptias vocentur: & dotibus in hoc exæquentur, vt quem admodum dotes constante matrimonio non solum augentur, sed etiam fiunt: ita & istæ donationes, quæ propter nuptias introductæ sunt, non solum anteccedant matrimonium, sed eo etiam contracto augeantur, & constituentur.

4 ¶ Erat olim & alius modus ciuilis acquisitionis, per ius adcrescendi, quod est tale: Si communem seruum habens aliquis cum Titio, solus libertatem ei imposuerit vel vindicta, vel testamento: eo casu pars eius amittebatur, & socio adcrecebat. Sed cum pessimum fuerat exemplo, & libertate seruum defraudari, & ex ea humanioribus quidem dominis damnum inferri, sæuioribus autem dominis lucrum accedere, hoc quasi inuidia plenum, pio remedio per nostram constitutionem mederi necessarium duximus. Et inuenimus viam, per quam & manumissor, & socius eius, & qui liberta

libertatem accepit, nostro beneficio fruuntur libertate cum effectu procedente (cuius favore antiquos legum latores multa etiam contra communes regulas statuisse manifestum est) & eo, qui eam libertatem imposuit, suæ liberalitatis stabilitate gaudente: & socio indemni conseruato, pretiumque serui secundum partem dominij, quod nos definiuimus, accipiente.

Huius tituli duæ sunt partes. Prima est de donatione, quæ est secundus acquirendi modus ciuilis particularis. Altera est in §. *ult.* de iure quodam accrescendi, qui olim erat tertius acquirendi modus. Quod ad priorem partem attinet, Donatio nihil aliud est, quàm liberalis, id est, nullo cogente, facta concessio. ff. *hoc tit. l. donari. 29. in pr. & de diuers. regul. iur. l. donari. 82.* Porro donatio multis modis diuiditur. I. Alia est simplex, alia ob causam, veluti mortis causa, aut propter nuptias. II. Alia est omnino pura & simplex, alia sub conditione perficitur, alia sub conditione resoluitur, veluti si donator conualuerit. ff. *hoc tit. l. 1. in pr.* III. Aut fit mortis causâ, aut inter viuos. IV. Vel fit nudo pacto, vel stipulatione, vel contractu innominato, veluti, *dono tibi decem, ut eas Romanam* (nam hæc quoque vocatur donatio. C. *de condict. ob cau. l. 2. & 3.*) vel simplici traditione. Primo casu olim non dabatur actio donatario, hodie datur conditio ex lege, id est, ex *l. si quis. argentum 35. §. sed si quidem. C. hoc tit.* Secundo casu competit actio ex stipulatu. *Nov. 162. cap. 1. §. 1.* Tertio & quarto casu acquiritur dominium. atque hi duo postremi casus soli ad hunc titulum pertinent. Oppono primò, quòd donare est perdere. ff. *hoc tit. l. 7. in princ.* Respondeo donantem perdere, accipientem acquirere: idcirco respectu accipientis appellari modum acquirendi. Oppono secundò quod traditio iure gentium transfert rei dominium. *utrà de rer. diuis. §. per traditionem.* malè igitur traditio ex causa donationis hic numeratur inter modos acquirendi ciuiles Respondet eo, hoc ideo fieri, quia hoc iure utimur, ut iuris ciuilis sit, id est, quia non habet locum nisi inter ciues Romanos, quod non est ita accipiendum, quasi inter alias gentes non fiant donationes; sed quia ciuis Romanus res suas titulo donationis

ad peregrinum transferre nequit. Similiter è contrario Vlpianus ait hoc iure nos vti, vt acceptilatio, quæ iure ciuili est introducta, sit iurisgentium, idcirco etiam seruo acceptum fieri posse. *ff. de accep. l. an. inutilis. 8. §. ultim.* Est & alia ratio, cur donatio iuri ciuili tribuatur, quia olim insinuationem apud acta, & mancipationem desiderabat. *C. Th. hoc rit. l. 4. §. 7.* hodie insinuationem tum demum desiderat cum summam quingentorum aureorum excedit. *C. eod. l. pen.* Sublata est autem mancipatio, & certa solemnia verba, quæ in donationibus faciendis adhiberi solebant. *C. eod. l. ultim.*

Princ.

In hac parte Imp. I. donationem numerat inter modos acquirendi domini.

II. In versic. *donationum* eam diuidit in duo genera: quia vel sit mortis causa, vel inter viuos; hæc verò, quæ fit inter viuos, subdiuidi potest in donationem simplicem, & eam quæ fit ob aliquam causam, puta propter nuptias.

§. 1.

III. In §. i. declarat mortis causam donationem, de qua nobis quatuor tradit. Primum est definitio, videlicet quod mortis causa donatio est, quæ fit propter mortis suspensionem ita vt non aliter donator velit rem esse donatarij, quam si eo superstite moriatur. Secundum est similitudo huius donationis, & legati: quia huiusmodi donatio per omnia ferè legatis comparatur. *vers. ha mortis.* nam & legatum dicitur esse donatio quædam, *infra de leg. §. 1.* nec dubium, quin propter mortis suspensionem fiat. Cæterum notandæ sunt duæ præcipuæ differentiæ inter donationem mortis causam, & legatum. Differentia prima est, quod legatum sine traditione transfert dominium: donatio verò traditionem requirit ad hoc vt dominium in donatarium transferatur, & ab herede præstetur. *infra de leg. §. 1.* Altera differentia est, quod legatum est species ultimæ voluntatis, & vt aliæ ultimæ voluntates, morte testatoris confirmatur. donatio verò mortis causam est actus inter viuos, qui in tempus mortis confertur, ita vt inter viuos res transferatur. quia donatarius rem accipit à donatore, vt hoc loco ait Imperator. *ff. de reb. cred. l. non omnis. 19 in pr. & de mortis causa d. n. l. senatus. 35. §. sed mortis. & §§. seqq. & l. Seia. 42. §. ult.* Tertium est effectus huius donationis: nempe donator præfert donatarium heredi, & seipsum donatario. *vers. & in summa.* Quartum est exemplum huiusmodi donationis petatum ex lib. 17. *Odyssea. vers. 51: & apud.*

IV. In

IV. In §. *alia*, transit ad donationem simplicem, de qua quatuor docet. Primum est distinctio huius donationis à donatione mortis causa. Est autem distinctio multiplex. nam donatio illa mortis causâ fiebat propter mortis suspensionem: hæc autem simplex fit sine vlla mortis cogitatione. Rursus illa vocatur donatio mortis causâ: hæc appellatur donatio inter vivos. Præterea illa comparabatur legatis: hæc omnino à legatis differt quod Imperator significat illis verbis, *omnino non comparantur legatis*. sic enim legitur in duobus meis mm. ff. & rectè Theoph. ἀπερίσγητοι τοῖς λήγατοις. Denique illa poterat à donatore per poenitentiam reuocari: hæc non potest reuocari, nisi donatarius sit ingratus. Secundum & tertium sunt in vers. *perficiuntur*. nempe quomodo hæc simplex donatio perficiatur, & quem effectum habeat. Inquit Imp. eam esse similem venditioni quia sicuti venditio perficitur nudo consensu, & venditor cogitur rem tradere emptori, ita etiam donatio solo consensu perficitur, ita vt donator rem donatario tradere compellatur conditione ex lege, cuius suprà mentionem feci. Caue autem hinc colligas donatorem de euictione teneri. non enim tenetur nisi pacto ad id se obligauerit. ff. *hoc. t.* & *l. Aristot.* 18. §. *ult. de adit. ed. l. ad res.* 62. & *C. de euict.* l. 2. Quod igitur ad hoc, donatio est similis venditioni: quia vtramque causam traditio sequi debet: sed eo differt à venditione, quòd non est opus, vt venditio apud acta insinuetur, donatio verò, si 500. aureos excedat. insinuationem requirit: alioqui si insinuata non sit, non valebit ultra 500. aureos: *C. hoc. tit. l. sancimus.* 34. §. 1. & *l. si quis argentum.* 35. §. *ult.* Quod tamen patitur quasdam exceptiones. Excipiuntur enim donationes factæ ad redimendos captiuos, vel in milites à magistro militum collatæ, vel factæ ob domum instaurandam, item à Principe in priuatum, vel à priuato in principem collatæ. *C. hoc. tit. d. l. sancimus.* & *l. penult.* & *Nov. 52. cap. 2* Quartum est in vers. *sciendum*. quomodo, & ob quam causam simplex donatio rescindatur. Inquit Imper. hanc donationem tantum ob donatarij ingratitudinem posse reuocari.

Nota primò, causas. propter quas donatarius tanquam ingratus donatione priuatur, expressas esse in *l. ult. C. de reuoc. donat.*

Nota secundò, solum donatorem posse donationem ex his causis reuocare, non etiam heredem eius. *d. l. ult.*

V. In

§.3. V. In §. *est & aliud*, declarat donationem propter nuptias: in qua explicanda considerat tria tempora. Ex primo tempore habemus originem, nomen, proprietatem, & etymologiam huius donationis. Quod ad originem attinet, à iunioribus Principibus introducta est. Ferretus Aurelium, Dioclerianum, & Maximianum intelligit: Contius Constantinū, & sequentes Imperatores. Nomen est *donatio ante nuptias*, quod postea à Iustiniano mutabatur. Proprietas est, quod hæc donatio, habet in se tacitam conditionem *si matrimonium secutum fuerit*, quemadmodum & dotis causâ facta stipulatio ff. de pact. l. 4. §. *huius & de iur. dot. l. stipulationem. 2 l. l. promittendo. 4 l. §. 1. vel acceptilatio ff. eod. l. l. et 43. in pr.* Etymologia perspicua est, quia tantum ante contractas nuptias fieri poterat. Ex secundo tempore in versic. *sed primus* habemus emendationem Iustini qui constituit, ut hæc donatio possit augeri stante matrimonio, si fortè contingat dotem augeri. Intellige Iustinum primum, Iustiniani nostri auunculum & patrem adoptivum; cuius mentio fit etiam in §. *cacus. infr. qui te fac. non poss.* Iustinus verò secundus Iustiniani sororis filius fuit, eique in imperio successit Ex tertio tempore in versic. *sed n. s.*, habemus emendationem Iustiniani, qui constituit, ut stante matrimonio non solum possit augeri, sed etiam possit in totum constitui, si ante matrimonium constituta non fuit: & ut vocetur propter nuptias, non (ut olim) ante nuptias. nihilominus tamen in Nouellis sæpe vocat donationem ante nuptias. Adde quartum & ultimum tempus, id est, nouissimā emendationem Iustiniani, qui constituit, ut hæc donatio propter nuptias omnino exæquetur doli tam in quantitate, quàm in pactis de lucro quod coniux superstes facit. Nou. 97. Hæc dicta sint de prima tituli parte.

§.iv. In secunda parte, quæ est in §. *ultim.* Iustin. exponit modum quendā acquirendi per ius accrescendi cum enim vnus ex dominis seruum vindicta, vel testamento (adde, vel censu, ex Vlp. sit. de libertis. §. commun. n. hi namque erant tres legitimi modi seruorum manumittendorum. Theoph in §. *ult.* *suprà de libert.*) manumittebat: quia nec pro parte socij manumittere poterat, nec seruus potest fieri pro parte liberi; idcirco ipsius manumittentis portio accrescebat locio. Iustin. autem fauore libertatis constituit, ut seruus ad libertatem perueniat, & domino, qui manumittere noluit, partem pretij facta serui æstimatione secundum definitionem traditam in

l. 1. §. ne autem. C. de commun. ser. man. soluat. ita hoc iuris accrescendi & hunc acquirendi modum sustulit.

A X I O M A T A.

- 1 Omnibus rectè attribuitur, quod plerisque convenit. §. i.
versic. ha mortis causa.
 - 2 Quod semel placuit, ampliùs displicere non potest. §. 2.
*coniun. §. pen. infra de hered. qual. & §. qua de ful-
lone. infra de oblig. qua ex delict. & l. Pomponius. 9. ff.
de neg. gest. & l. 5. C. de oblig. & action.*
 - 3 Absurdum est donatorem à donatario iniuria, vel damno
affici. d. §. 2.
 - 4 Nomina debent esse rebus consentanea. §. pen.
 - 5 Exemplo pessimum est servum libertate fraudari, & ma-
numittentem damno affici, non manumittentem lucra-
ri. §. ult.
 - 6 Multa contra regulas iuris, favore libertatis statuta
sunt. d. §. ult.
-

Quibus alienare licet, vel non.

T I T. VIII.

Accidit aliquando, ut qui dominus sit, alienare non possit: & contra, qui dominus non sit, alienandæ rei potestatem habeat. Nam dotale prædium maritus inuita muliere per legem Iuliam prohibetur alienare: quamvis ipsius sit dotis causa ei datum, quod nos, legem Iuliam corrigentes, in meliorem statum deduximus. Cum enim lex in solis tantummodo rebus locum habebat, quæ Italicæ fuerant: & alienationes inhibebat quæ inuita muliere fiebant, hypothecas autem earum rerum, etiam volente ea: utrique remedium imposuimus, ut etiam in eas res, quæ in provinciali solo positæ sunt, interdicta

interdicta sit alienatio vel obligatio : vt neutrum eorum neque consentientibus mulieribus procedat, ne sexus muliebris fragilitas in perniciem substantiæ earum conuertatur.

1 ¶ Contra autem creditor pignus ex pactione, quamvis eius ea res non sit, alienare potest. Sed hoc forsitan ideo videtur fieri, quod voluntate debitoris intelligitur pignus alienari, quia ab initio contractus pactus est, vt liceret creditori pignus vendere, si pecunia non solvatur. Sed ne creditores ius suum persequi impeditentur, neque debitores temere suarum rerum dominium amittere viderentur, nostra constitutione consultum est, & certus modus impositus est, per quem pignorum distractio possit procedere: cuius tenore utrique parti creditorum, & debitorum, satis abunde prouisum est.

2 ¶ Nunc admonendi sumus, neque pupillum, neque pupillam ullam rem sine tutoris auctoritate alienare posse. Ideoque si mutuam pecuniam sine tutoris auctoritate alicui dederit, non contrahit obligationem: quia pecuniam non facit accipientis, ideoque vindicari nummi possunt, si ubi extant. Sed si nummi, quos mutuo minor dederit, ab eo, qui accipit, bona fide consumpti sunt: condici possunt, si mala fide, ad exhibendum de his agi potest. At ex contrario, omnes res pupillo & pupillæ sine tutoris auctoritate rectè dari possunt. Ideoque si debitor pupillo soluat: necessaria est debitori tutoris auctoritas, alioqui non libeabitur. Sed hoc etiam evidentissima ratione statutum est in constitutione, quam ad Cæsarienses aduocatos ex suggestione Triboniani viri eminentissimi

mentissimi, quæstoris sacri palatii nostri promulgauimus: quia dispositum est, ita licere tutori vel curatori debitorem pupillarem soluere, ut prius iudicialis sententia sine omni damno celebrata, hoc permittat. quo subsequuto, si & iudex pronunciauerit, & debitor soluerit: sequatur huiusmodi solutionem plenissima securitas. Sin autem aliter, quam disposuimus, solutio facta fuerit pecuniam autem saluam habeat pupillus, aut ex ea locupletior sit, & adhuc eandem pecuniæ summam petat: per exceptionem doli mali poterit submoueri. Quod si malè consumpserit, aut furto, [aut vi] amiserit: nihil proderit debitori doli mali exceptio, sed nihilominus condemnabitur: quia temerè sine tutoris auctoritate, & non secundum nostram dispositionem soluerit. Sed ex diuerso, pupilli vel pupillæ soluere sine tutoris auctoritate non possunt, quia id, quod soluunt, non fit accipientis: quum scilicet nullius rei alienatio eis sine tutoris auctoritate concessa sit.

In qualibet acquisitione tria spectantur: res, quæ acquiritur, modus, quo acquiritur: & personæ. sed personarum inspectio est bipertita: quia cum res ab vno ad alterum transfertur, ille dicitur alienare; hic acquirere. Quoniam igitur hucusque de rebus, & de modis (subaudi, particularibus) dictum fuit: consequenter in hoc titulo agitur de personis alienantibus, ac titulo sequenti agetur de personis acquirantibus. Alienandi verbum in hoc titulo accipitur pro dominijs translatione, ut in *l. 1. C. de fund. dotal.* interdum sumitur angustius pro venditione: *infra de legat. §. si rem suam, & C. de iur. emphyt. l. 1.* aliàs latius, ut etiam hypothecam & plura alia complectatur. *C. de rebus alien. non alien. l. ult.* Hic notandæ sunt duæ regulæ. I. Dominus rem suam alienare potest. *suprà de rerum diuis. §. per traditionem. & C. mandati, l. in re mandata 21.* II. Qui non est dominus non potest

rest rem alienare. *C. de rei vend. l. 3. & l. cum à matre. 14.* Vtraque regula patitur quasdam exceptiones.

Princ.

Primò itaque Iustin. à prima regula excipit maritum, qui nullo modo (id est, neque muliere inuita, neque consentiente potest alienare, vel pignerare prædium dotale, cuius dominus factus est causa dotis.

Nota primò, rei dotalis dominium civile esse mariti, naturale mulieris. *C. de iur. dot. l. pen.*

Nota secundò, nihil referre, utrùm sit prædium rusticum, an urbanum. *ff. de fun. dota. l. dotale 13. in pr.* Quòd si res dotalis sit mobilis, puto, contra Bart. & DD. in *l. 1. ff. solu. matr.* eam posse à marito alienari, per tex. in *l. res in dotem 42. ff. de iure dot. & in l. 1. C. de seru. pig. dato manum.* quorum enim lex Iulia specialiter prohibuisset fundum dotalem alienari, si in omnibus rebus dotalibus hæc prohibitio locum haberet?

Nota tertio, hanc prohibitionem obtinere in prædio inæstimato, quod proprie dicitur dotale. *C. de rei ux. act. l. vnic. §. & cum lex. vers. in fundo.* æstimatum autem alienari potest, nisi electio sit mulieris utrùm dirempto matrimonio fundum petat, an æstimationem. *ff. de fun. dota. l. quòd si fundus 11.*

Nota quartò, lege Iulia maritum alienare fundum dotalem inuita muliere non posse, consentiente posse: obligare autem neque ea inuita, neque volente posse: quia mulier faciliùs consentit hypothecæ, quàm alienationi, argum. *l. 4. in fin. ff. ad S. C. Velleia.* Ex Iustiniani vero constitutione indistinctè tam alienationem, quàm obligationem, seu hypothecam prohiberi, siue mulier consentiat, siue dissentiat.

Nota quintò, legem Iuliam locutam esse de marito, sed per interpretationem Iurisconsultorum, produci ad sponsum. *ff. de fund. dot. l. 4.*

Nota sextò, si mulier iurauerit se non impugnaturam alienationem, vel hypothecam à marito factam, hoc iusiurandum iure civili nihil operari, quia contra legis dispositionem est interpositum. *C. de legibus l. 1.* iure autem canonico seruandum esse, quia sine detrimento salutis æternæ seruari potest. *extrà de iureiur. c. 2. lib. 6.*

§. 1.

Secundò in §. 1. à secunda regula excipit creditorem, qui rem sibi pigneratam vendere potest, licet eius rei dominium penes debitorem manserit. *C. de pign. act. l. pignus. 9.* Certum tamen modum Imp. creditori præscribit, quem in vendendo pignore

pignore obseruare debet. cuius modi summa hæc est: Aut creditor & debitor pacti sunt de pignore vendendo, aut de pignore non vendendo à creditore, aut nihil expressè pacti sunt. Primo casu seruanda sunt pacta conuenta, nec refert, vtrum initio contractus, an postea facta sint. *ff. de pign. act. l. 4.* Secundo casu creditor non potest pignus vendere, nisi priùs debitori ter denunciauerit vt soluat. non obstante enim pacto, post ternam denunciationem, debitore non solvente, pignus vendet *ff. de pign. act. l. 4.* Tertio casu pactum de pignore vendendo tacitè factum ab initio censetur (quò respexit Imperator hoc loco, inquit, *ab initio contractus pactus est*) & creditor ex denunciatione debitori facta vel ex sententia iudicis, post biennium ex die denunciationis, vel sententiæ numerandum, poterit pignus vendere. *C. de iur. domin. impetr. l. vii. §. i.*

Tertiò in §. *nunc. admonendi*, redit ad primam regulam, & excipit pupillos, qui sine tutoribus res suas alienare nequeunt. Hoc loco Imper. quatuor pupillares actus considerat. I. Actus est datio. Hic sciendum, pupillum non posse rem suam dare, & in alium transferre: proinde non posse mutuum dare; quia non est mutuum, nisi pecunia fiat accipientis. *ff. de rebus credit. l. 2. §. ppetrata.* Quid ergo, si de facto pupillus mutuum pecuniam dederit? Imper. ita distinguit: aut pecunia extat, & vindicatur, quia pupillus dominium eius non amisit non repetitur certi condictione ex mutuo, quia iam diximus mutuum non valere: aut bona fide consumpta est, & condicatur. Hæc est condictio ex consumptione ea vero, quæ ex mutuo nascitur, est condictio ex numeratione. vide *l. rogo si 11. §. vlt. m. & l. seqq. ff. de rebus credit.* Aut consumpta est mala fide, & agitur ad exhibendum: quia hæc actio datur non solum contra eum, qui quoquo modo possidet. *ff. ad exhibend. l. 3. §. vltim.* sed etiam contra eum qui dolo malo desit possidere *ff. eo l. iulianus 9. in princ.* Insuper datur condictio furtiua. *suprà de rerum diuis. §. si tamen, & ff. de condict. furt. l. qui furtum 16. & l. vlt. II.* Actus est acceptio, videlicet si pupillus ab aliquo tradente rem accipiat. Hoc casu dicimus dominium transferri, & pupillo acquiri, *versat ex contrario.* quia pupillus etiam sine tutore potest facere conditionem suam meliorem *suprà de aut. tut. in princip.* III. actus est exactio, id est, si debitor pupillo soluat. Hic actus à præcedente differt; quia *suprà* poneba-

§. 2.

mus.

mus pupillo tradi, quod ei non debebatur. Quod ad hunc tertium actum attinet, inquit Imp. *in vers. i. deoque*, debitorem ita soluentem non liberari quia necessaria est tutoris auctoritas. immò certis casibus tutoris auctoritas non sufficit, sed insuper requiritur sententia iudicis hoc iubentis, quam sententiam ait Imp. celebrari sine omni damno, id est, sine impensa. hæc autem sententia non requiritur in solutione annuorum reddituum, vel eorum, quæ ex similibus causis debentur (sed eorum quæ debentur ut ita dicam) extra ordinem, puta ex chirographis & instrumentis. *C. de adm. tut. l. sancimus. 25. IV.* Actus est solutio, videlicet si pupillus creditori suo soluat. Hic actus differt ab actu primo, quo ponebamus pupillum tradere quod non debebat. Quod ad hanc solutionem spectat, pecunia non fit accipientis: proinde pupillus non liberatur, nisi pecunia ab accipiente consumpta sit *ff. de reb. cred. l. non omnis. 19. §. si pupillus.*

Nota primò, in hoc §. Tribonianum appellari quæstorem sacri palatii, quia dum Institutiones conscriberentur, quæstura fungebatur. lege notata ad §. *cumque. supra in pr. æm.*

Nota secundò illa verba, *licere tutori, vel curatori debitorem pupillarem solvere*, duobus modis construi posse. Alter est, ut dicatur debitorem pupillarem posse solvere tutori, vel curatori. Alter ut dicatur tutorem, vel curatorem posse solvere, id est, absolvere & liberare debitorem pupillarem: dicitur enim debitor solui. *ff. de solut. l. si debitor. 91. vel absolui ff. eod. l. si decem. 21.* Quamquam etiam dicitur quis creditorem absolvere, cum ei debitum soluit. *ff. de usur. l. & contraria. 37. Terent. in Adelph. actu. 2. sc. 4.*

*Ego ad forum ibo, ut hunc absolvam. & mox,
Obsecro hercle hominem istum impuissimum
Quamprimùm absolvistote.*

AXIOMATA.

- 1 Alienandæ rei facultas nec soli, nec omni domino tribuitur. *in princ.*
- 2 Dotis causa ciue dominium ad maritum transfert. *ibid.*
- 3 Iuris remedia non debent certo loco concludi. *ibid.*

4 Qui

- 4 Qui non potest rem vendere, non potest eam pignere, siue hypothecæ supponere. *ibid.* Similiter qui non potest rem emere, non potest eam pignori accipere. *ff. qua res pign. vel hypoth. l. i. §. ult.*
 - 5 Sexus muliebris fragilis est. *in princ.*
 - 6 Creditores non sunt impediendi, quò minùs ius suum. persequantur. *§. i.*
 - 7 Nemo debet rerum suarù dominio temerè priuari. *d. §. i.*
 - 8 Pupillus sine tutoris auctoritate rem alienare nequit. *§. ult.*
 - 9 Qui mala fide rem consumpsit, ad exhibendum tenetur. *d. §. ult.*
 - 10 Pupillus sine tutore potest rerum dominium acquirere. *d. §. ult.*
 - 11 Soluens pupillo sine tutore, & interdum sine sententia iudicis, non liberatur. *d. §. ult.*
 - 12 Pupillus sine tutore soluens quod debet, ante pecuniam consumptam non liberatur. *d. §. ult.*
 - 13 Soluens non liberatur, nisi soluta pecunia fiat accipientis. *d. §. ult.*
-

Per quas personas nobis acquiritur.

T I T. IX.

Adquiritur vobis non solum per vosmetipsos, sed etiam per eos, quos in potestate habetis: [item per seruos, in quibus vsumfructum habetis:] item pro homines liberos, & per suos alienos quos bona fide possidetis, de quibus singulis diligentius dispiciamus.

¶ Igitur liberi vestri vtriusque sexus, quos in potestate habetis, olim quidem, quicquid ad eos pervenerat (exceptis videlicet castrensibus pecunijs) hoc parentibus suis adquirebant sine vlla distinctione;

& hoc ita parentum fiebat , vt etiam esset eis licentia , quod per vnum vel vnam eorum aduersum esset, alij filio , vel extraneo donare : vel vendere , vel quocunque modo voluerant , adplicare. Quod nobis inhumanum visum est : & generali constitutione emissa , & liberis pepercimus , & partibus honorem debitum reseruamus. Sancitum etenim à nobis est , vt si quid ex re patris ei obueniat , hoc secundum antiquam obseruationem totum parenti adquiratur. Quæ enim inuidia est , quod ex patris occasione profectum est, hoc ad eum reuerti ? Quod autem ex alia causa sibi filiusfamilias adquisiuit : huius vsusfructum patri quidem adquirat , dominium autem apud eum remaneat : ne quod ei suis laboribus , vel prospera fortuna accesserit, hoc in alium perueniens , luctuosum ei procedat.

2 § Hoc quoque à nobis dispositum est & in ea specie , vbi parens emancipando liberos suos ex rebus, quæ acquisitionem effugiebant , sibi tertiam partem retinere (si voluerat) licentiam ex anterioribus constitutionibus habebat , quasi pro pretio quodammodo emancipationis : & inhumanum quiddam accidebat , vt filius rerum suarum ex hac emancipatione dominio pro parte [tertia] defraudaretur : & quod honoris ei ex emancipatione additum erat , quod sui iuris effectus esset , hoc per rerum diminutionem decresceret. Ideoque statuimus vt parens pro tertia parte dominij quam retinere poterat, dimidiam non dominij rerum , sed vsusfructus retineat. Ita etenim res intactæ apud filium remanebunt , & pater ampliore summa fructur, pro tertia dimidia potiturus.

3 § Item vobis adquiritur , quod serui vestri ex traditione,

traditione nanciscuntur : siue quid stipulentur , siue ex donatione , vel ex legato , vel ex qualibet alia causa adquirant. Hoc enim vobis ignorantibus & inuitis obuenit. Ipse enim seruus , qui in potestate alterius est , nihil suum habere potest. Sed si heres institutus sit , non alias nisi vestro iussu , hereditatem adire potest. Et si vobis iubentibus adierit : vobis hereditas acquiritur perinde ac si vos ipsi heredes instituti essetis. Et conuenienter scilicet vobis legatum per eos , acquiritur. Non solum autem proprietas per eos , quos in potestate habetis , vobis acquiritur : sed etiam possessio. Cuiuscumque enim rei possessionem adepti fuerint , id vos possidere videmini. Vnde etiam per eos vsucapio , vel longi temporis possessio vobis accidit.

4 § De iis autem seruis , in quibus tantummodo vsufructum habetis , ita placuit : vt quidquid ex re vestra , vel ex operis suis adquirant , id vobis adiciatur : quod vero extra ea eas causas consequuti sunt , id ad dominum proprietatis pertineat. Itaque si is seruus heres institutus sit , legatumve quid ei , aut donatum fuerit : non vsufructuario , sed domino proprietatis acquiritur. Idem placet & de eo , qui à vobis bona fide possidetur : siue is liber sit , siue alienus seruus. Quod enim placuit de vsufructuario , idem placet & de bonæ fidei possessore. Itaque quod extra istas duas causas acquiritur : id vel ad ipsum pertinet , si liber est : vel ad dominum , si seruus est. Sed bonæ fidei possessor cum vsuceperit seruum , (quia eo modo dominus fit) ex omnibus causis per eum sibi adquire re potest. Fructuarius vero vsucapere non potest : primum , quia non possidet , sed habet ius vtendi fruendi : deinde quia scit seruum alienum esse.

Non solum autem proprietas per eos seruos, in quibus vsumfructum habetis, vel quos bona fide possidetis, aut per liberam personam, quæ bona fide vobis seruit, vobis acquiritur: sed etiam possessio. Loquimur autem in vtriusque persona secundum distinctionem, quam proxime exposuimus: id est, si quam possessionem ex re vestra, vel ex suis operis adepti fuerint.

§ Ex his itaque apparet, per liberos homines, quos neque vestro iuri subiectos habetis, neque bona fide possidetis: item per alienos seruos, in quibus neque vsumfructum habetis, neque possessionem iustam: nulla ex causa vobis acquiri posse. Et hoc est, quod dicitur, per extraneam personam nihil acquiri posse: excepto eo, quod per liberam personam (veluti per procuratorem) placet non solum scientibus, sed & ignorantibus vobis acquiri possessionem, secundum diui Seueri constitutionem: & per hanc possessionem etiam dominium, si dominus fuerit, qui tradidit. vel vsucapionem, aut longi temporis præscriptionem, si dominus non sit.

6 § Hactenus tantisper admonuisse sufficiat quemadmodum singulæ res vobis acquirantur. nam legatorum ius, quo & ipso singulæ res vobis acquiruntur: item fideicommissorum, vbi singulæ res vobis relinquuntur: opportunius inferiore loco referemus. Videamus itaque nunc, quibus modis per vniuersitatem res vobis acquirantur. Si cui ergo heredes facti sitis, siue cuius bonorum possessionem petieritis, vel si quem adrogaueritis, vel si cuius bona libertatum conseruandarum causa vobis addicta fuerint, eius res omnes ad vos transcunt. Ac prius de hereditatibus dispiciamus, quarum duplex conditio est. nam
vel

vel ex testamento, vel ab intestato ad vos pertinenti;
Et prius est, ut de his dispiciamus, quæ ex testamento
vobis obueniant. qua in re necessarium est, initium de
ordinandis testamentis exponere.

Dictum est de personis alienantibus, nunc dicendum de
acquirentibus.

Primò generaliter inquit Imp. nos acquirere non solum Prin.
per nosmetipsos, sed etiam per alios, ut per liberos, per ser-
uos nostros, per seruos fructuarios & per bona fide posses-
sos. Adde seruos in quibus nudum vsum habemus. nam per
hos quoque ex re nostra nobis acquiritur. ff. de usu & habit. l.
plenum. 12. §. ult. & l. per seruum 14. in pr.

Secundò tractat de acquisitione per liberos, quos in po- §. 1.
testate habemus. In summa sciendum est, per hos liberos no-
bis acquiri plenum dominium ex causa peculij pro-
fectitij & vsumfructum ex causa peculij aduentitij; neutrum
ex causa peculij castrensis, vel quasi castrensis. §. 1. quod in-
terdum obtinet etiam in peculio aduentitio. I. Si nolente
patre filius adierit hereditatem. C. de bon. qua liber. l. ult. II.
Si testator filiofamilias relinquens, vetuerit patri acquiri.
Non. 117. c. 1. III. Si pater & frater, vel fratres, qui in eiusdem
patris potestate sunt intestato defuncto succedant Non. 118.
cap. 1.

Sed parens emancipans liberos suos tantum dimidiam §. 2.
partem vsumfructus in rebus ad peculium aduentitium per-
tinentibus retinere potest. §. hoc quoque, & C. de bon. qua lib. l.
6. §. penult. Peculium dicitur quasi pusilla pecunia, seu pu-
sillum patrimonium. ff. de pecul. l. 5. §. penult. est enim
quasi patrimonium filiofamil. aut serui. infra de act. §. actio-
nes. pater autem familiās peculium habere non potest. ff. de
dinerf. reg. iur. l. paterfamilias. 181. Itaque peculium defini-
potest, quod filiusfamilias, aut seruus, permittente patre,
seu domino, vel iure separatum à rationibus paternis, seu
dominiciis habet, deducto inde si quid patri, vel domino de-
betur, & in id imputato, si quid pater, vel dominus ei debet,
ut magna ex parte colligitur ex d. l. 5. §. ult. & l. 7. §. pen. ff. de
pec. Nam quod dixi, iure permittente, id propter peculium ca-
strense adieci, quod filiusfamilias potius iuris, quam patris
permisso, obtinet: idcirco pater in eo nihil iuris habet.

sed pleno iure ad filium pertinet : immo filius familias in eo pro patre familias habetur ff. de SC. Macedon. l. 2. Porro filius familias peculium diuiditur in paganicum, castrense, & quasi castrense. C. de inoff. testam. l. ult. Castrense est, quod filius familias occasione armatæ militiæ acquisiuit. ff. de cast. pecul. l. castrense 11. Quasi castrense est, quod filius familias acquisiuit ratione quasi militiæ, id est, militiæ togatæ, veluti Aduocatorum. C. de aduoc. d. uersus iudic l. 4. l. cum aduocatio. 8 l. aduocati 14. & de proximis sacri scrinior. l. proximis. 8 vel religiosæ. C. de episc. & cler. l. cum lege. 5 o. item quod donatur à Principe, vel ab Augusta. C. de bon. qua lib. l. pen. Ex reliquis causis dicitur peculium paganicum. Quod subdiuiditur in profectitium, & aduentitium. Profectitium est, quod prouenit è re patris, seu quod à patre proficiscitur: nec non quod proficiscitur ab alio, qui vult patri donare. ff. de iure dot. l. 5. Aduentitium dicitur quod extrinsecus aduenit, veluti si extraneus filio familias donet aut si filius familias matri, vel cuius extraneo hæres sit. Hæ diuisiones locum habent in filio familias peculio, cuius modò plenum dominium, modò solus vsusfructus, modò nec dominium, nec vsusfructus, patri quæritur, vt paulò antè notauimus. Peculium autem seruale non diuiditur quia indistinctè, & omnimodò pertinet ad dominum, vel ad eum qui pro domino habetur, vt fructuarium, vel bonæ fidei possessorem.

- §. 3. Tertiò in §. item nobis loquitur de acquisitione per seruos nostros: de qua dissoluit tres quæstiones. I. Quæstio est qua ex causa serui nostri nobis acquirant. Respondet Imp. eos acquirere ex omni causa; siue sit iuris gentium, vt traditio; siue iuris ciuilis, vt donatio, vel legatum. II. Quæstio est in vers. hoc enim quo modo nobis acquirant, id est an nostra scientia & consensus requiratur. Respondet, regulariter non esse opus nostrâ scientiâ, vel consensu: quia etiam nobis ignorantibus & inuitis per seruos nostros acquiritur. Excipitur hereditas, quam seruus non potest adire, & nobis acquirere, nisi nostro iussu, id est, nisi iussus noster præcedat. ff. de acqu. hered. l. si quis mihi bona. 1 §. iussum. Ratio est: quia nemo potest acquirere hereditatem quin subeat onera hereditaria: iniquum autem est, vt dominus ignorans, vel inuitus per seruû oneretur. III. Quæstio est in vers. non solum, quid per seruos acquiratur. Respondet, non solum aquiri proprietatem, id est,

est, rei dominium, sed etiam possessionem, idcirco posse dominum etiam per seruum vſucapere. Hæc decisio producit: quia domino etiam ignoranti possessio per seruum acquiritur. ff. de acquiren. poss. l. 3. §. ceterum. & similiter etiam ignoranti vſucapio procedit. ff. de vſurpat. & vſucap. l. Labro. 8. & l. si emptam. 47. Eadem decisio limitatur, & coarctatur ad iustam possessionem: quia vitiosa, vt violenta, per seruum domino non acquiritur. ff. de acquirend. poss. l. quod seruum. 24.

Quartò in §. de iis autem, agit de seruis fructuariis, & de §. 4. seruis alienis, aut hominibus liberis bona fide possessis, ac duas quæstiones dissoluit. Prima quæstio est, quibus ex causis acquirant fructuario, vel bonæ fidei possessori. Hic notatur similitudo, & differentia fructuarij, & bona fidei poss. Similitudo est, quod per has personas acquirimus tantum ex re nostra, & ex operis ipsorum (quamquam si ex his causis seruus fructuarius proprietariò stipuletur, ipsi proprietario acquirit; sed fructuarius ei condicere potest. ff. de stipulat. seruo. l. penult. Ex aliis verò causis, si serui sunt, acquirunt dominis proprietatis; si verò sunt homines liberi à nobis bona fide possessi, acquirunt sibi ipsis: nisi quid eis relictum sit contemplatione fructuarij, vel bonæ fidei possessoris: tunc enim fructuario, vel bonæ fidei possessori acquiritur. ff. de vſufruct. l. si serui. 21. & l. seq. Differentia est in versic. sed bona fidei. quod fructuarius non potest eum vſucapere in quo vſumfructum habet, proinde numquam potest per eum acquirere, nisi ex dictis duabus causis: bonæ autem fidei possessor, id est, qui bona fide & ex iusto titulo seruum alienum possidet, eum triennali possessione vſucapit: idcirco intra triennium tantum ex re sua, & ex operis serui per eum acquirit, post triennium verò ex omnibus causis acquirit, quippe qui iam dominus factus est. Cur autem vſufructuarius non vſucapiat, duplex ratio in contextu affertur ex l. acquiruntur. 10 §. vlt. ff. de acq. re domin. quarum altera est, quia non possidet, vt traditur etiam in l. 1. §. per seruum. & l. pen. in princ. ff. de acq. poss. altera, quia malam fidem habet, cum ſciat rem, qua vtitur fruitur, alienam esse. nam ex tit. ſuprà de vſucap. ſcimus in vſucapione requiri tam possessionem, quam bonam fidem. Nota possessionem esse speciem detentionis, ac diuidi in civilem ac naturalem. C. de acq. poss. l. nemo. 10. Dicitur enim possidere,

fidere, non quicumque rem tenet, sed qui sibi detinet, seu cuius nomine tenetur: ut colonus commodatarius, depositarius rem teneat, non tamen sibi, sed domino possideat. itaque dominus plures possidet. *C. de praescript. 30. vel. 40. annorum d. 2.* Ergo hi non dicuntur possidere, sed esse in possessione, ut & hi, quos praetor in possessionem misit. *ff. de acquirend. possess. l. 3. §. ult. & l. si quis ante 10. §. 1.* Ac possidere & esse in possessione differunt, dictis iuribus, ut seruire, & esse in servitute. *Instit. de ingen. §. 1. vel praetorem esse, & praetura fungi. ff. de offic. praetor. l. 3.* Civiliter possidet, qui animo & cogitatione domini possidet quasi rem suam, ut verus dominus, & bonae fidei possessor. *C. de furt. l. pen. vers. cum igitur.* Naturaliter vero possidet, qui sibi quidem, non tamen animo dominij, id est, non quasi suam, sed quasi alienam rem possidet. creditor & is qui precario possidet. *ff. de noxal. actio. l. si servus depositus 22. in princ. & de pign. act. l. cum & sortis 15. §. 1. & de acq. rer. dom. l. per servum qui 37. in princ.* Fructuarius autem, etsi à Doct. vulgò dicitur naturaliter possidere, tamen re vera inter eos collocatur, qui tantum sunt in possessione. *ff. de precar. l. 6. §. is qui.* sed naturaliter possidere quodammodo videtur. *ff. de acq. poss. l. naturaliter. 12. in princ.* quatenus naturaliter (id est, corporaliter. *C. eod. l. nemo*) rem tenet. *ff. eod. l. possessio. 49. in princ.* vide Cuiac. 9. *Obs. cap. 33.* Secunda quaestio est, quid per has personas acquiratur fructuario, vel bonae fidei possessori? Respondet Imperator in vers. *non solum*, acquiri ex dictis causis tam possessionem quam dominium.

§. pen.

Quintò in §. pen. loquitur de personis extraneis de quibus dat regulam, & exceptionem. Regula est, Per extraneum nobis non acquiri. Exceptio est in vers. *excepto*, quòd per procuratorem nobis acquiritur possessio si procuratori nostro res tradatur. & si quidem res tradatur à domino, simul cum ea possessione nobis acquiritur dominium. si verò tradatur à non domino, per eam possessionem nobis procedet ususcapio; quia procurator non sibi, sed nobis possidet. *C. per quas personas nobis acq. l. 1.* Insuper excipitur condictio indebiti, quæ per alium nostro nomine soluentem, nobis acquiritur. *ff. de condict. indeb. l. qui hære tis. 46. & l. seq. & certà condictio. quæ similiter nobis acquiritur per alium, qui nostro nomine pecuniam credidit: nec non actio hypothecaria*

si mutuo accessit hypotheca. C. per quas person. nobis acquir. l. 2.
Hæc dicta sint de personis acquirentibus.

Post hæc vltimus huius tituli §. transitionem continet, §. vlt.
atque ordinem eorum, quæ sequentibus titulis enarrabun-
tur. Hactenus enim expositi sunt acquisitionum modi parti-
culares, tam ciuiles, quàm iuris gentium, exceptis le-
gatis & particularibus fideicommissis, quæ commodiori
loco declarabuntur. Deinceps igitur explicandi sunt modi
vniuersales: qui quidem omnes sunt ciuiles: sunt au-
tem quatuor, videlicet Hæreditas, Bonorum possessio, Ar-
rogatio, & Addictio bonorum. Hi modi ciuiles dicuntur,
quatenus ciuile accipitur latius, & ei opponitur, quod est
iuris gentium, suo autem ambitu etiam prætorium com-
plectitur. quod si angustius sumatur, quatenus prætorio op-
ponitur, non sunt omnes hi modi ciuiles, sed bonorum pos-
sessio prætoria est. *infra de bon. poss. in princ.* Hæreditas est suc-
cessio in vniuersum ius, quod defunctus habuit mortis tem-
pore. *ff. de ver. sign. l. nihil est aliud. 24. & de diuers. reg. iur. §. hæ-
reditas nihil 62.* Intellige successionem ciuilem, non præto-
riam. *infra de bon. poss. §. quos autem.* Hæreditas igitur,
cùm sit successio, non est res quæ acquiritur, sed modus
acquirendi: proinde à rebus hæreditariis, quæ per hanc
successionem acquiruntur, perspicuè differt. quod non in-
tellexit Seneca *lib. 6. de beneficiis, cap. 5.* Porro defertur
autem hæreditas vel ex testamento, de qua hoc libro dice-
tur: vel ab intestato, de qua dissetetur in principio libri se-
quentis.

A X I O M A T A.

- 1 Nulla inuidia est, id quod est à patre profectum, ad eum
reueri. §. 1.
- 2 Quod quis suis laboribus vel prospera fortuna acqui-
sivit, si ad alium perueniat, luctuosum ei accidit,
d. §. 1.
- 3 Emancipatio filio honorem affert. §. 2.
- 4 Honor non debet rerum priuatione minui *ibid.*
- 5 Seruus, qui in domini potestate est, nihil suum habere po-
test. §. 3.
- 6 Seruo hæreditatem ad eunte iussu domini, perinde habeo-
tur, ac si dominus a direct. *ibid.*

7 Dominus

- 7 Dominus per seruum naturaliter tenentem, ciuilitur possidet. *ibid.*
- 8 Fructuarius corpus, in quo vsumfructum habet, non possidet ciuilitur. §. 4. sed naturaliter. ff. de acq. poss. l. naturaliter 12. in princ. ipsum autem vsumfructum ciuilitur quasi possidet. ff. si vsumfr. per. l. pen.
- 9 Fructuarius vscapere non potest. d. §. 4.
- 10 Per extraneam personam nobis acquiri non potest. §. ten.
- 11 Successio ex testamento præfertur successioni ab intestato §. vlt. coniu. l. quamdiu potest. 39. ff. de acq. h. re.
- 12 Singula suis locis sunt enarranda. d. §. vlt. coniu. princ. infra de legat.

De testamentis ordinandis.

T I T. X.

Testamentum ex eo appellatur, quod testatio mentis sit.

1 § Sed vt nihil antiquitatis penitus ignoretur, sciendum est, olim quidem duo genera testamentorum in vfu fuisse: quorum altero in pace & otio utebantur, quod calatis comitiis appellabant: altero, cum in prælium exituri essent, quod procinctum dicebatur. Accessit deinde tertium genus testamentorum, quod dicebatur per æs & libram: scilicet quod per emancipationem, id est, imaginariam quandam venditionem agebatur quinque testibus, & libripende, ciuibus Romanis puberibus præsentibus, & eo, qui familiæ emptor dicebatur. Sed illa quidem priora duo genera testamentorum ex veteribus temporibus in desuetudinem abierunt. quod vero per æs & libram fiebat, licet diutius permanferit, attamen partim & hoc in vfu esse desuit.

2 § Sed

2 § Sed prædicta quidem nomina testamentorum ad ius civile referebantur, postea vero ex edicto prætoris forma alia faciendorum testamentorum introducta est. Iure enim honorario nulla emancipatio desiderabatur: sed septem testium signa sufficiebant, cum iure civili signa testium non essent necessaria.

2 § Sed cum paulatim tam ex usu hominum, quam ex constitutionum emendationibus cœpit in vnam consonantiam ius civile & prætorium iungi: constitutum est, ut vno eodemque tempore (quod ius civile quodammodo exigebat) septem testibus adhibitis, & subscriptione testium (quod ex constitutionibus inuentum est, & ex edicto prætoris) signacula testamentis imponerentur: ita, ut hoc ius tripartitum esse videatur & testes quidem & eorum præsentia vno contextu testamenti celebrandi gratia, à iure civili descendant: subscriptiones autem testatoris & testium, ex sacrarum constitutionum observatione adhibeantur; signacula autem, & testium numerus, ex edicto prætoris.

4 § Sed his omnibus à nostra constitutione propter testamentorum sinceritatem, ut nulla fraus adhibeatur, hoc additum est: ut per manus testatoris vel testium nomen heredis exprimatur, & omnia secundum illius constitutionis tenorem procedant.

5 § Possunt autem omnes testes & vno anulo signare testamentum. quid enim si septem anuli vna sculptura fuerint, secundum quod Papiniano visum est? Sed & alieno quoque anulo licet signare [testamentum].

6 § Testes autem adhiberi possunt ij, cum quibus testamenti factio est. Sed neque mulier, neque

neque impubes, neque seruus, neque furiosus, neque mutus, neque surdus, neque is, cui bonis interdictum est, neque ij quos leges iubent improbos interitabilesque esse: possunt in numerum testium adhiberi.

7 § Sed cum aliquis ex testibus testamenti quidem faciendi tempore liber existimabatur, postea autem seruus apparuit: tam diuus Hadrianus Catoni, quam postea diui Seuerus & Antoninus rescripserunt, subuenire se ex sua liberalitate testamento: ut sic habeatur [firmum] ac si, ut oportebat, factum esset: cum eo tempore quo testamentum signaretur, omnium consensu hic testis liberi loco fuerit: neque quisquam esset, qui status ei questionem moueret.

8 § Pater, nec non is, qui in potestate eius est, item duo fratres, qui in eiusdem patris potestate sunt, utique testes in vno testamento fieri possunt: quia nihil noceat ex vna domo plures testes alieno negotio adhiberi.

9 § In testibus autem non debet esse is, qui in potestate testatoris est. Sed si filiusfamilias de castrensi peculio post missionem faciat testamentum, nec pater eius recte adhibetur testis, nec is, qui in potestate eiusdem patris est reprobatus, est enim in ea re domesticum testimonium.

10 § Sed neque heres scriptus, neque is, qui in potestate eius est, neque pater eius qui eum habet in potestate, neque fratres, qui in eiusdem patris potestate sunt, testes adhiberi possunt, quia hoc totum negotium, quod agitur testamenti ordinandi gratia, creditur hodie inter testatorem & heredem agi. Licet autem totum ius tale conturbatum

turbatum fuerat, & veteres quidem familiæ emptorem, & eos qui per potestatem ei coniuncti fuerant, à testamentariis testimoniis repellebant: heredi [autem,] & iis qui per potestatem ei coniuncti fuerant, concedebant, testimonia in testamentis præstare: licet ij qui id permittebant, hoc iure minime abuti eos debere suadebant: tamen nos eandem observationem corrigentes, & quod ab illis suatum est, in legis necessitatem transferentes, ad imitationem pristini familiæ emptoris merito nec heredi, (qui imaginem vetustissimi familiæ emptoris obtinet) neque aliis personis, quæ ei (vt dictum est) coniunctæ sunt, licentiam concedimus, sibi quodammodo testimonia præstare. idèdque nec eiusmodi veteres constitutiones nostro Codici inferi permittimus.

11 § Legatariis autem & fideicommissariis, quia non iuris successores sunt, & aliis personis eis coniunctis testimonium non denegamus: immo in quadam nostra constitutione & hoc specialiter eis concessimus. Et multo magis iis, qui in eorum potestate sunt, vel qui eos habent in potestate, huiusmodi licentiam damus.

12 § Nihil autem interest, testamentum in tabulis, an in chartis membranisque, vel in alia materia fiat.

13 § Sed & vnum testamentum pluribus codicibus conficere quis potest, secundum obtinentem tamen observationem omnibus factis. quod interdum etiam necessarium est: veluti si quis navigaturus & secum ferre, & [domi] relinquere iudiciorum suorum contestationem velit, vel propter
alias

alias innumerabiles causas, quæ humanis necessitatibus imminant.

14 § Sed hæc quidem de testamentis, quæ scriptis conficiuntur, [sufficiunt.] si quis autem sine scriptis voluerit ordinare iure civili testamentum: septem testibus adhibitis, & sua voluntate coram eis nuncupata, sciat, hoc perfectissimum testamentum iure civili hic, firmumque constitutum.

Hic titulus docet, quomodo testamenta regulariter fieri debent. Testamentum definitur voluntatis nostræ iusta sententia de eo quod post mortem suam quis fieri velit ff. *qui testament. f. c. poss. l. 1.* id est, de vniuerso eo, seu de iis omnibus, quæ post mortem suam fieri vult. nam oratio indefinita debet accipi pro vniuersali: hæredis institutio (quæ est caput & fundamentum testamenti. *infra de legat. § ante hered.* vnde testamentum à codicillis secernitur. *C. de testam. l. non codicillum 14. & de codicill. l. 7.*) hac definitione continetur, vt testamentum distinguatur ab aliis vltimis voluntatibus.

Nota, testamenti vocabulum esse homonymum, & capi quinque modis. I. Pro vltima voluntate, vt *suprà de liber. tin § multis*. II. Pro sententia illius voluntatis, vt in dicta definitione, id est, pro iussu testatoris, quo testator suam voluntatem declarat, & obseruari iubet. III. Pro tabulis testamenti, vt in *tit. testam. quemadm. aper.* IV. Pro scriptura, vt in *tit. de his, quæ in testam. delent.* nam scriptura est, quæ deletur. ff. *cod. l. 3.* V. Pro testamentaria hæreditate. ff. *de his quæ ut indign. l. mulierem 14. & de bon. possess. secund. tabul. l. vlt. & C. de bon. matern. l. 2. & apud Sueton. in Nero. cap. 32. & Ambros. jerm. 14. in Psalm.*

Princ.

In hoc titulo Imper. primò ponit etymologiam testamenti, quod dici ait à testatione mentis, propterea quòd testamentum vltimam testantis mentem, id est, voluntatem declarat. Non tamen dicit testamentum dici à testatione & mente, vt olim dixit Seruius Sulpitius, iure ab A. Gellio *lib. 6. cap. 12* reprehensus: quoniam terminationis ratione pavimentum, ornamentum, paludamentum, calceamentum, & multa alia dicuntur, in quæ interpretatio eiusmodi non quadrat. sed testamenti verbum à testatione deducit: & vt explicet cuius rei testatio

testatio

testatio sit, addit vocabulum *menti*, vocans testationem mentis. vt *infra hoc tit. §. ult.* contestationem iudicij. quare immeritò reprehenditur à Laurent. Valla *lib. 6. Elegant. cap. 36.* vbi perspicuè fallitur existimans eandem esse Sulpitij & Iustiniani interpretationem. quis enim non vider aliud esse, testamentum componi ex testatione, & mente: aliud, testamentum dici à testatione, quoniam est mentis & voluntaris contestatio? Secundò explicat antiqua genera, siue antiquas formas testandi, vel iure ciuili. §. i. vel iure pratorio §. *sed prædicta.* de quibus vide Gell. *lib. 15. cap. 27.* Plutarch in *Coriolano.* Velleium *lib. 2.*

Ad §. i. nota primò familiæ emptorem non fuisse hæredem: accipiebat enim hæreditatem, vt eam hæredi restitueret. *infra hoc tit. §. sed neque.*

Nota secundò, familiam hîc significare hæreditatem, vt in titulo familiæ eriscundæ.

Nota tertio particulam *partim*, in oratione semel tantum poni, non geminatam, vt & in l. 2. §. *et cum placuisset*, in fin. ff. de orig. iur. & in l. ultim. §. *Titius*. ff. de conditione indob. & l. *Lucius*. 47. ff. de action. empt. quamquam Budæus hoc nunquam apud bonos auctores reperi putat. At ergo Imperator testamentum, quod fiebat per æs & libram, partim (id est, ex parte) desisse esse in vsu, quia pars quodammodo retenta fuit, id est, numerus testium. *infra hoc tit. §. sed cum paulatim.*

Ad §. *sed prædicta*, nota, in testamento, quod iure pratorio fiebat, necessariam fuisse scripturam: siquidem oportebat signa apponere. vnde bonorum possessio secundum tabulas hæredibus scriptis tantum dabatur à prætore: sed per constitutiones Principum producta est ad testamenta punciuatiua. *C. de bon. possessio. sec. tab. l. 2.*

Tertio declarat nouam formam testandi compositam ex antiquis solemnitatibus ciuilibus & prætoriis. atque huiuscemodi testamentum vocatur testamentum in scriptis, quia requirit scripturam: vel solemne, quia requirit multas solemnitates; vel arcanum, quia potest ita fieri, vt testes ignorent voluntatem testatoris. Aliud est testamentum sine scriptis, de quo dicitur in calce huius tituli. Iam verò in testamento solemnî conficiendo à Iustiniano requiruntur, I. Numerus septem testium. §. *sed cum paulatim*, quem vetus ius ciuile quodammodo requirebat:

quia quinque testibus adiciebantur libripens & familiae emptor, qui erant quodammodo loco testium, quatenus rei effectus & utilitas non ad eos, sed ad heredes & legatarios pertinebat. II. Eorundem testium praesentia. dicto §. *sed cum paulatim*. id est, ut testes sint in conspectu testatoris. ff. *cod. l. si non speciali. 9. & l. unus. 12.* III. Ut testamentum fiat vno contextu. *d. §. sed cum paulatim*. id est, ut nullus alienus actus intermisceatur. ff. *cod. l. heredes palam. 21 §. ultim.* nisi fortè ob necessitatem naturæ. *C. cod. l. cum antiquitas 28.* IV. Subscriptio testatoris. *d. §. sed cum paulatim*. Excipe primò, nisi sit testamentum holographum, id est, manu testatoris perscriptum: hoc enim testamentum eius subscriptionem non desiderat. *d. l. cum antiquitas in fin.* Excipe secundò, nisi testator sit imperitus literarum. quo casu debet adhiberi octauus testis, qui pro eo subscribat. *C. cod. l. hac consultißima. 21. in princ.* V. Subscriptio testium. *d. §. sed cum paulatim. dict. l. hac consultißima. in princ.* ubi notandum, non posse alium pro alio subscribere. ff. *cod. l. penul.* Nisi sit testamentum rustici ibi factum, ubi literati homines non facillè reperiuntur. *C. cod. l. ultim. versic. si verò unus.* VI. Signacula testium. *d. §. sed cum paulatim.*

§. 4. VII. Ut nomen heredis scribatur manu testatoris, vel testium. *§. sed hu omnibu. C. cod. l. iubemus 24.* Sed nouissimè Iustin. hanc constitutionem abrogauit. *Nov. 119. cap. 9.* His addenda sunt alia requisita ab Imper. hoc loco prætermittit. VIII. Institutio heredis. *infra de legat. §. ante heredis. C. hoc titul. l. non codicillum. 14.* IX. Scriptura. X. Ut testator eam scripturam ostendat testibus ac dicat in ea contineri suum testamentum. *d. l. hac consultißima. in princ.* XI. Ut testes sint specialiter rogati. *d. l. hac consultißima, in princ. d. l. heredes palam §. in testa. m. ni.*

§ 5. Quartò dissoluit aliquot quæstiones pertinentes ad dictam formam testandi, siue ad dictas solemnitates. Hæ quæstiones referuntur ad tria genera. Aliæ namque sunt de signis testium: aliæ de ipsis testibus: aliæ de codice, seu tabulis testamenti. in quolibet autem genere tractantur à Iustin. duæ quæstiones. De signaculis testium quæritur primò, an omnes testes possint signare testamentum vno & eodem anulo? Respondet Imper. posse: quia fieri potest, ut septem annuli

annuli habeant eandem scripturam, ut quia testes adhibentur ex vna familia. §. *possunt*. Obiter nota testes non posse obsignare testamentum alio instrumento, quàm annulo, ut disertè dicitur in *l. ad testium. 22. §. signum ff. eod.* nisi cum Barone & Hotoimanno addamus negationem, & pro tantum legamus non tantum. Quæritur secundo, an liceat signare alieno annulo? respondet Imperator hoc quoque licere. Ratio est: quia signa apponuntur testamento, ut maneat clausum & arcanum, donec testibus signa à se impressa agnoscantibus aperiatur: potest autem testis agnoscere signum, quod apposuit, non minùs si alieno, quàm si suo annulo usus sit. Non est ignorandum, Doct. requirere, ut testis alieno annulo signans, id in subscriptione significet: alioqui purant eum teneri falsi, quasi alieno annulo sit abusus, & quasi suo signauerit. Verùm hæc sententia nulla lege confirmatur, proinde mihi est suspecta, & (ut liberè dicam) videtur falsa. quod enim lege permittente sit, poenam non meretur C. de adulter. l. 4.

De testibus quæritur primò, quàm simpliciter possint esse testes in testamentis? Respondet Imp. in §. *testes*, eos posse adhiberi testes in testamentis conficiendis, quibuscum testamenti factio est, qui possunt heredes institui. cum enim testamenti factio duplex sit: actiua, eorum qui testamentum faciunt; & passiva, eorum qui ex testamento capiunt *infra de hered. qual. §. in extran. i. versic. testamenti*. propriè loquendo, illi dicuntur habere testamenti factionem, cum his autem dicitur esse testamenti factio. Quia tamen multi excipiuntur, qui non possunt esse testes in testamentis, licet possint heredes institui. idcirco Iustin. à testimonio testamentario repellit, I. Mulieres; quia olim testamenta fiebant calatis comitiis. *suprà hoc tit. §. 1.* quibus mulieres interesse indecorum est: & insuper quia testatore mortuo testes vocantur ad prætorem, ut coram eo signa sua agnoscant, cum tabulæ testamenti sunt aperiendæ. ff. *testam. quemad aper. l. 4. I I. Impubes. I I I. Seruos*: quia testamenta sunt iuris ciuilis, cuius serui capaces non sunt, cum hoc iure pro mortuis habeantur. ff. *de diuers. reg. iur. l. quod attinet. 22. l. si ruitutem. 209. I V. Furiosos*. Vbi tamen notandum, si furiosus habeat dilucida interualla, tunc temporis eum posse esse testem. ff. *hoc tit. l. qui i. testamento. 20. §. ne furiosus. V. Mutos, vel*

§. 6.

surdos quamvis ad testimonium admittatur etiam is, qui linguam testatoris non intelligit. *d. l. qui testamento. §. pen. V l. Prodigos*, quibus bonorum administratione interdictum est: quia passim comparantur furiosis. *V l. I. Eos*, quos leges iubent esse improbos & intestabiles: quales sunt damnati ob crimen famosum. *ff. eod. l. is cui. 18. §. 1.*

§. 7.

Deinde ad id quod dixit servum non posse esse testem in testamento, adhibet hanc exceptionem, ut si servus eodem tempore, quo rogatus fuit ad testimonium testamentarium, omnium consensu liberi loco fuerit, id est, nemine repugnante, seu status controuersiam mouente, pro libero se gesserit, licet postea servus appareat, tamen hic defectus non infirmat testamentum. *§. sed cum aliquis.*

§. 8.

Quæritur de testibus secundo, quanam possint, vel non possint, esse testes in certis quibusdam testamentis, veluti an pater possit esse testis in eo testamento. in quo testis est filius, vel in testamento filij. Hic dantur aliquot regulæ. *I. Ex vna & eadem domo sumi possunt plures testes in eodem testamento veluti pater & filius, aut duo fratres. §. pater Domus* (à qua domesticum dicitur) modò habitationem. *ff. de furt. l. respiciendum 11. §. 2.* modò familiam significat: unde pater & filius in potestate retentus dicuntur esse ex eadem domo. secus, si sit filius emancipatus quia per emancipationem ex familia exit. *de filiusfam. & quemadm. pat. pro his ten. l. 3.* Posteriores significationem hoc loco accipiendam esse constat: quoniam Imperator potestatis rationem, habet, eosque ex eadem domo appellat, qui per patriam potestatem sunt coniuncti, proinde sunt in eadem familia, quamvis seorsum habitent.

§. 9.

I l. Qui ratione patriæ potestatis testatori coniunctus est, non potest esse testis: ut patet in testamento filij testantis de peculio castrensi (videlicet, si post honestam, vel causariam dimissionem testamentum faciat nam post ignominiosam, non habet privilegium testandi de peculio castrensi. *ff. de testam. milit. l. testamenta. 26. §. 1.* ante missionem verò ex militari privilegio potest patrem testem adhibere. *ff. qui testam. fac poss. l. qui testamento. 20. §. per contrarium.* vel quasi castrens: aut filius in testamento patris: aut frater in testamento fratris. *§. in testibus.* Quid ergo, si filius sit emancipatus poterit ne esse testis in testamento paterno? Doct. communiter putant non posse. Sed hæc communis sententia nec Viglio, nec mihi placet.

et. Cùm enim Iustinian. nominatim repellat filium, qui in potestate testatoris est à contrario sensu indicat filium emancipatum admitti. & in fine huius §. affert hanc rationem, quia reprobaturum est hac in re domesticum testimonium. quibus verbis significatur, eos qui sunt in familia testatoris non posse esse testes in testamento. domum enim pro familia accipi, paulò antè exposui: vt domestica persona dicitur, quæ est in eadem familia. ff. quod. cuiuscun. uniu. non. l. 6. in princ. ac domestica laus, vel correctio domestica, quæ ab huiusmodi persona proficiscitur. C. de emendat. propinq. l. vn. & testat. ait, hac in re, indicans in aliis causis secus, hoc est, indistinctè, & non habita emancipationis ratione patrem non posse esse testem pro filio, aut filium pro patre. ff. de testibus, l. testis. 9. & C. eod. l. 6.

III. Regula est: Heres scriptus non potest esse testis. §. sed neque IV. Qui heredi ratione patriæ potestatis coniuncti sunt, pater, vel filij, vel fratres, non possunt esse testes. d. §. sed. neque.

§. 10.

V. Legatarij & fideicommissarij, & qui eis ratione patriæ potestatis coniuncti sunt, possunt esse testes §. legatariis. Ratio differentię inter hæredes & legatarios colligitur ex hoc & præcedenti §. quia heres succedit in ius defuncti, proinde totum hoc negotium (id est, testamenti factio) inter defunctum & heredem agitur. vnde orta est diuisio illa testamenti factionis à me suprà allata; quoniam actiua testamenti factio spectatur in testatore, passiuæ in herede: legatarij verò non succedunt in ius defuncti, sed tantum in rem legatam, idèdque testamentum cum eis agi non videtur Ad id, quod dixi, de legatariis,

§. 11.

Nota primò, id obtinere, etiam si omnibus testibus legatum sit, quia nihilominus testamentum valet ff. de reb. dub. l. si ita 14.

Nota secundò, item obtinere in fideicommissariis particularibus. vniuersales verò fideicommissarij pro heredibus habentur. infra de fideicommiss. hered. §. restituta. & ff. quod cum eo l. 5. §. si filio. & de bon. libert. l. 4. §. ult.

Nota terciò, hoc testimonium legatariis, & fideicommissariis concedi secundum Doctores, etiam in testamento nuncupatiuo.

De codicibus, seu tabulis testamenti, Primò quæritur, in qua materia testamentum scribi possit. Respondet Imp. scri-

§. 12.

bi posse in quavis materia §. *nihil autem*.

§. *per.* Quæritur secundò an possit vnum & idem testamentum scribi in diuersis codicibus, siue exemplis, vt dicitur *in l. vnum 24. ff. hoc tit.* Responderi posse id fieri, ita vt quælibet scriptura sit authentica, & per se probet, dummodò quælibet facta sit secundùm obtinentem obseruationem; id est dummodò in singulis codicibus sint adhibitæ solemnitates quas ius in testamentis requirit, vt subscriptiones, & signa testiũ. §. *per.* nam quia est vnum testamentum, id est, vnias & eiusdem tenoris, quamuis bis scribatur, tamen per scripturam secundam non infirmatur prima: nec habet locum ea regula, quæ in diuersis testamentis obtinet, quòd posteriori testamento rumpitur prius. *infra quib. mod. testament. infirm. §. posteriore.*

§. *ult.* Postremò, in §. *ultim.* declarat formam testamenti nuncupatini, quod dicitur fieri sine scriptis; non quia scribi non possit (plerumque enim in scriptis redigitur) sed quia non fit per scripturam, vt testamentum solemne, verùm scriptura ei iam facto accidit, quippe cùm non solemnitatis, sed probationis tantùm causa adhibeatur. Sciendum est in huiusmodi testamentis tria requiri. I. Vt adhibeantur septem idonei testes. *d. §. ultim.* II. Vt hi testes sint rogati. *ff. eodem. l. heredes palam. 21. §. in testamentis.* III. Vt coram his testibus palàm testator voluntatem suam declaret. *d. §. ultim. & d. l. heredes palam, in princ.* Nota testamentum sic ordinari iure ciuili. *d. §. ultim.* ex constitutione Constantini. Euseb. *lib. 4. de eius vita, cap. 26.* non iure prætorio, quia prætor in testamentis scripturam requirit, vt notaui ad §. *sed prædicta.*

A X I O M A T A.

- 1 Ius antiquum non est omnino ignorandum. *in princ.*
- 2 In testamento suspicio falsi vitanda est. §. 4.
- 3 Alieno annulo signare licet. §. 5.
- 4 Qui possunt ex testamento capere possunt in testamento esse testes. §. 6.
- 5 Communis error facit ius. §. 7. coniun. *l. 3. §. ultim. & de supell. leg.*
- 6 Testamenta sunt fauorabilia, & quoad eius fieri potest, sustinenda. *d. §. 7.*

- 7 Nihil verat, ex vna domo plures testes in negotio alieno adhiberi. §. 8.
- 8 Domesticum testimonium reprobatur. §. 9. coniun. l. 3. de testib.
- 9 Totum negotium, quod agitur testamenti ordinandi gratia, inter testatorem & heredem agi videtur. §. 10.
- 10 Iuris permissione abuti non oportet. *cod* §.
- 11 Nemo potest esse testis in causa propria. *ibid.* coniun. l. nullus 10. ff. de testib. & in omnibus 10 *C. cod.*
- 12 Magis spectamus quod principaliter, quam quod secundario & per consequentiam contingit. §. 10. & seq.
- 13 Legatarij, & particulares fideicommissarij non succedunt in ius, sed in rem. §. 11.
- 14 Innumerabiles casus hominibus imminet. §. 13.

De militari testamento.

T I T. X I.

SVpra dicta diligens observatio in ordinandis testamentis, militibus, propter nimiam imperitiam eorum, constitutionibus [principalibus] remissa est. Nam quamvis ij, neque legitimum numerum testamentum adhibuerint, neque aliam testamentorum solemnitatem observauerint: rectè nihilominus testantur, videlicet cum in expeditionibus occupati sunt: quod merito nostra constitutio introduxit. Quoquo enim modo voluntas eius suprema inueniatur, siue scripta, siue sine scriptura: valet testamentum ex voluntate eius. Illis autem temporibus, per quæ circa expeditionum necessitatem in aliis locis vel suis adibus degunt: minimè ad vendicandum tale privilegium adiuvantur. sed testari quidem, etsi filii familiarum sint, propter militiam conceduntur: iure tam n

communi eadem obseruatione & in eorum testamentis adhibenda, quam in testamentis paganorum proximè exposuimus.

1 § Planè de testamentis militum diuus Traianus Catilio Seuero ita rescripsit: Id priuilegium, quod militantibus datum est, vt quoquo modo facta ab his testamenta rata sint: sic intelligi debet, vt vti-que prius constare debeat testamentum factum esse, quod & sine scriptura & à non militantibus fieri potest. Si ergo miles, de cuius bonis apud te quæritur, conuocatis ad hoc hominibus, vt voluntatem suam testaretur, ita locutus est, vt declararet, quem vellet sibi heredem esse, & cui libertatem tribueret: potest videri sine scripto hoc modo esse testatus, & voluntas eius rata habenda est. Cæterùm si (vt plerumque sermonibus fieri solet) dixi alicui, *ego te heredem facio*, aut *bona mea tibi relinquo*: non oportet hoc pro testamento obseruari. Nec vllorum magis interest, quam ipsorum, quibus id priuilegium datum est, cuiusmodi exemplum non admitti. Alioqui non difficulter post mortem alicuius militis testes existerent, qui affirmarent se audisse dicentem aliquem, relinquare se bona, cui visum sit, & per hoc vera iudicia subuerterentur.

2 § Quinimo & mutus & surdus miles testamentum facere potest.

3 § Sed hætenus hoc illis à principalibus constitutionibus conceditur, quatenus militant, & in castris degunt. Post missionem vero veterani, vel extra castra [alij,] si faciant adhuc militantes testamentum, communi omnium ciuium Romanorum iure id facere debent. Et quod in castris fecerint testamentum non communi iure, sed quomodo voluerint: post
missio

missionem intra annum tantum valebit. Quid ergo si intra annum quis decesserit, conditio autem heredi adscripta post annum extiterit? an quasi militis testamentum valeat? Et placet valere quasi militis.

4 ¶ Sed & si quis ante militiam non iure fecit testamentum, & miles factus, & in expeditione degens resignavit illud, & quædam adiecit siue detraxit, vel alias manifesta est militis voluntas hoc valere volentis: dicendum est valere hoc testamentum, quasi ex noua militis voluntate.

5 ¶ Denique & si in adrogationem datus fuerit miles, vel filiusfamilias emancipatus est, testamentum eius quasi ex noua militis voluntate valet, nec videtur capitis deminutione irritum fieri.

6 ¶ Sciendum tamen est, quod cum ad exemplum castrensis peculij, tam anteriores leges, quam principales constitutiones quibusdam quasi castrensia dederant peculia, & horum quibusdam permissum fuerat, etiam in potestate degentibus testari: nostra [id] constitutio latius extendens, permiserit omnibus in huiusmodi pecuniis testari quidem, sed iure communi. Cuius constitutionis tenore perspecto, licentia est, nihil eorum, quæ ad præfatum ius pertinent, ignorare.

Solemnitates superiori titulo expositæ, in quibusdam testamentis vel omnino, vel ex parte aliqua remittuntur. Et primò in testamento parentum inter liberos. *C. de testam. l. hac consultissima. 21. §. ex imperfecto.* Secundò in testamento rustici. *C. eodem l. ultim.* Tertiò in testamento ad pias causas. *extra eodem, cap. relatum. 11.* Quartò in testamento Parochiani, secundum ius canonicum factò eorum presbytero parochiali. *extr. eod. cap. cum esset. 10.* Quintò in testamento oblato Principi. Sextò in testamento confecto apud acta. *C. eodem l. omnium. 19.* Septimò in testamento militis. *ff. de testam.*

alias innumerabiles causas, quæ humanis necessitatibus imminant.

14 § Sed hæc quidem de testamentis, quæ scriptis conficiuntur, [sufficiunt.] si quis autem sine scriptis voluerit ordinare iure civili testamentum: septem testibus adhibitis, & sua voluntate coram eis nuncupata, sciat, hoc perfectissimum testamentum iure civili hic, firmumque constitutum.

Hic titulus docet, quomodo testamenta regulariter fieri debent. Testamentum definitur voluntatis nostræ iusta sententia de eo quod post mortem suam quis fieri velit ff. *qui testam. fac. poss. l. 1.* id est, de vniuerso eo, seu de iis omnibus, quæ post mortem suam fieri vult. nam oratio indefinita debet accipi pro vniuersali: hæredis institutio (quæ est caput & fundamentum testamenti. *infra de legat. § ante hered.* vnde testamentum à codicillis secernitur. *C. de testam. l. non codicillum 14. & de codicill. l. 7.*) hac definitione continetur, vt testamentum distinguatur ab aliis vltimis voluntatibus.

Nota, testamenti vocabulum esse homonymum, & capi quinque modis. I. Pro vltima voluntate, vt *suprà de liber. tin § multis*. II. Pro sententia illius voluntatis, vt in dicta definitione, id est, pro iussu testatoris, quo testator suam voluntatem declarat, & obseruari iubet. III. Pro tabulis testamenti, vt in *tit. testam. ouemadm. aper.* IV. Pro scriptura, vt in *tit. de his, quæ in testam. delent.* nam scriptura est, quæ deletur. ff. *cod. l. 3.* V. Pro testamentaria hæreditate. ff. *de his quæ ut indign. l. mulierem 14. & de bon. possess. secund. tabul. l. ult. & C. de bon. matern. l. 2. & apud Sueton. in Nero. cap. 32. & Ambros. ierm. 14. in Psalm.*

Princ.

In hoc titulo Imper. primò ponit etymologiam testamenti, quod dici ait à testatione mentis, propterea quòd testamentum vltimam testantis mentem, id est, voluntatem declarat. Non tamen dicit testamentum dici à testatione & mente, vt olim dixit Seruius Sulpitius, iure ab A. Gellio *lib. 6. cap. 12* reprehensus: quoniam terminationis ratione pavimentum, ornamentum, paludamentum, calceamentum, & multa alia dicuntur, in quæ interpretatio eiusmodi non quadrat. sed testamenti verbum à testatione deducit: & vt explicet cuius rei testatio

testatio sit, addit vocabulum *menti*, vocans testationem mentis. vt *infra hoc tit. §. ult.* contestationem iudicij. quare immeritò reprehenditur à Laurent. Valla *lib. 6. Elegant. cap. 36.* vbi perspicuè fallitur existimans eandem esse Sulpitij & Iustiniani interpretationem. quis enim non videret aliud esse, testamentum componi ex testatione, & mente: aliud, testamentum dici à testatione, quoniam est mentis & voluntaris contestatio? Secundò explicat antiqua genera, siue antiquas formas testandi, vel iure ciuili. §. i. vel iure prætorio §. *sed prædicta*, de quibus vide Gell. *lib. 15. cap. 27.* Plutarch *in Coriolano.* Velleium *lib. 2.*

Ad §. i. nota primò familiæ emptorem non fuisse hæredem: accipiebat enim hæreditatem, vt eam hæredi restitueret. *infra hoc tit. §. sed neque.* §. i.

Nota secundò, familiam hîc significare hæreditatem, vt in titulo familiæ erescundæ.

Nota tertio particulam *partim*, in oratione semel tantum poni, non geminatam, vt & in l. 2. §. *et cum placuisset, in fin. ff. de orig. iur. et in l. ultim. §. Titius. ff. de condictione indob. et l. Lucius. 47. ff. de action. empt.* quamquam Budæus hoc nunquam apud bonos auctores reperiiri putat. Atq; ergo Imperator testamentum, quod fiebat per æs & libram, partim (id est, ex parte) desuisse esse in vsu, quia pars quodammodo retenta fuit, id est, numerus testium. *infra hoc tit. §. sed cum paulatim.*

Ad §. *sed prædicta*, nota, in testamento, quod iure prætorio fiebat, necessariam fuisse scripturam: siquidem oportebat signa apponere. vnde bonorum possessio secundum tabulas hæredibus scriptis tantum dabatur à prætore: sed per constitutiones Principum producta est ad testamenta nuncupatiua. *C. de bon. possessio. sec. tab. l. 2.* §. 2.

Tertio declarat nouam formam testandi compositam ex antiquis solemnitatibus ciuilibus & prætoris. atque huiuscemodi testamentum vocatur testamentum in scriptis, quia requirit scripturam: vel solemne, quia requirit multas solemnitates; vel arcanum, quia potest ita fieri, vt testes ignorent voluntatem testatoris. Aliud est testamentum sine scriptis, de quo dicitur in calce huius tituli. Iam verò in testamento solemnî conficiendo à Iustiniano requiruntur, I. Numerus septem testium. §. *sed cum, paulatim*, quem verus ius ciuile quodammodo requirebat: §. 3.

P

quis

quia quinque testibus adiciebantur libripens & familiæ emptor, qui erant quodammodo loco testium, quatenus rei effectus & utilitas non ad eos, sed ad hæredes & legatarios pertinebat. II. Eorundem testium præsentia dicto § *sed cum paulatim*, id est, ut testes sint in conspectu testatoris. ff. *cod. l. si non speciali. 9. & l. unus. 12.* III. Ut testamentum fiat vno contextu. *d. §. sed cum paulatim*, id est, ut nullus alienus actus intermisceatur. ff. *cod. l. hæredes palam. 21 §. ultim.* nisi fortè ob necessitatem naturæ. *C. cod. l. cum antiquitas. 28.* IV. Subscriptio testatoris. *d. §. sed cum paulatim*. Excipe primò, nisi sit testamentum holographum, id est, manu testatoris perscriptum: hoc enim testamentum eius subscriptionem non desiderat. *d. l. cum antiquitas in fin.* Excipe secundò, nisi testator sit imperitus literarum. quo casu debet adhiberi octauus testis, qui pro eo subscribat. *C. cod. l. hac consuetissima. 21. in princ.* V. Subscriptio testium. *d. §. sed cum paulatim. dict. l. hac consuetissima. in princ.* ubi notandum, non posse alium pro alio subscribere. *ff. cod. l. penul.* Nisi sit testamentum rusticum ibi factum, ubi literati homines non facillè reperiuntur. *C. cod. l. ultim. versic. si verò unus.* VI. Signacula testamenti. *d. §. sed cum paulatim.*

§. 4. VII. Ut nomen heredis scribatur manu testatoris, vel testium. *§. sed his omnibus. C. cod. l. iubemus. 29.* Sed nouissimè Iustin. hanc constitutionem abrogauit. *Nov. 119. cap. 9.* His addenda sunt alia requisita ab Imper. hoc loco prætermissa. VIII. Institutio hæredis. *infra de legat. §. ante heredis. C. hoc titul. l. non codicillum. 14.* IX. Scriptura. X. Ut testator eam scripturam ostendat testibus ac dicat in ea contineri suum testamentum. *d. l. hac consuetissima. in princ.* XI. Ut testes sint specialiter rogati. *d. l. hac consuetissima, in princ. d. l. hæredes palam §. in testam.*

§. 5. Quartò dissoluit aliquot quæstiones pertinentes ad dictam formam testandi, siue ad dictas solemnitates. Hæ quæstiones referuntur ad tria genera. Aliæ namque sunt de signis testium: aliæ de ipsis testibus: aliæ de codice, seu tabulis testamenti. in quolibet autem genere tractantur à Iustin. duæ quæstiones. De signaculis testium quæritur primò, an omnes testes possint signare testamentum vno & eodem annulo? Respondet Imper. posse: quia fieri potest, ut septem annuli

annuli habeant eandem scripturam, ut quia testes adhibentur ex vna familia. §. *possunt*. Obiter nota testes non posse obsignare testamentum alio instrumento, quàm annulo, ut disertè dicitur in *l. ad testium. 22. §. signum ff. eod.* nisi cum Barone & Hotomanno addamus negationem, & pro *tantum* legamus *non tantum*. Quæritur secundo, an liceat signare alieno annulo? respondet Imperator hoc quoque licere. Ratio est: quia signa apponuntur testamento, ut maneat clausum & arcanum, donec testibus signa à se impressa agnoscantibus aperiatur: potest autem testis agnoscere signum, quod apposuit, non minùs si alieno, quàm si suo annulo usus sit. Non est ignorandum, Doct. requirere, ut testis alieno annulo signans, id in subscriptione significet: alioqui putant eum teneri falsi, quasi alieno annulo sit abusus, & quasi suo signauerit. Verùm hæc sententia nulla lege confirmatur, proinde mihi est suspecta, & (ut liberè dicam) videtur falsa. quod enim lege permittente sit, poenam non meretur C. de adulter. l. 4.

De testibus quæritur primò, quàm simpliciter possint esse testes in testamentis: Respondet Imp. in §. *testes*, eos posse adhiberi testes in testamentis conficiendis, quibuscum testamenti factio est, qui possunt heredes institui. cum enim testamenti factio duplex sit: actiua, eorum qui testamentum faciunt; & passiuæ, eorum qui ex testamento capiunt *infra de hered. qual. §. in extran. i. versic. testamenti*. propriè loquendo, illi dicuntur habere testamenti factionem, cum his autem dicitur esse testamenti factio. Quia tamen multi excipiuntur, qui non possunt esse testes in testamentis, licet possint heredes institui. idcirco Iustin. à testimonio testamentario repellit, I. Mulieres; quia olim testamenta fiebant calatis comitiis. *suprà hoc tit. §. 1.* quibus mulieres interesse indecorum est: & insuper quia testatore mortuo testes vocantur ad prætorem, ut coram eo signa sua agnoscant, cum tabulæ testamenti sunt aperiendæ. ff. *testam. quemad. aper. l. 4. I I. Impubes. I I I. Seruos*: quia testamenti sunt iuris ciuilibus, cuius serui capaces non sunt, cum hoc iure pro mortuis habeantur. ff. *de diuers. reg. iur. l. quod attinet. 22. l. si ruitatem. 209. I V. Furiosos*. Vbi tamen notandum, si furiosus habeat dilucida intervalia, tunc temporis cum posse esse testem. ff. *hoc tit. l. qui testamento. 20. §. ne furiosus. V. Mutos, vel*

§. 6.

surdos quamvis ad testimonium admittatur etiam is, qui linguam testatoris non intelligit. *d.l. qui testamento. §. per.*
 VI. Prodigos, quibus bonorum administratione interdictum est: quia passim comparantur furiosis. VI I. Eos, quos leges iubent esse improbos & intestabiles: quales sunt damnati ob crimen famosum. *ff. eod. l. is cui. 18. §. 1.*

§. 7.

Deinde ad id quod dixit servum non posse esse testem in testamento, adhibet hanc exceptionem, ut si servus eodem tempore, quo rogatus fuit ad testimonium testamentarium, omnium consensu liberi loco fuerit, id est, nemine repugnante, seu status controversiam mouente, pro libero se gesserit, licet postea servus appareat, tamen hic defectus non infirmat testamentum. *§. sed cum aliquis.*

§. 8.

Quæritur de testibus secundo, quinam possint, vel non possint, esse testes in certis quibusdam testamentis, veluti an pater possit esse testis in eo testamento. in quo testis est filius, vel in testamento filij. Hic dantur aliquot regulæ. I. Ex una & eadem domo sumi possunt plures testes in eodem testamento veluti pater & filius, aut duo fratres. *§. pater Domus* (à qua domesticum dicitur) modò habitationem. *ff. de furs. l. respiciendum 11. §. 2.* modò familiam significat: unde pater & filius in potestate retentus dicuntur esse ex eadem domo. secus, si sit filius emancipatus quia per emancipationem ex familia exit. *l. de filius fam. c. quemadm. pat. pro his ten. l. 3.* Posteriores significationem hoc loco accipendam esse constat: quoniam Imperator potestatis rationem, habet, eosque ex eadem domo appellat, qui per patriam potestatem sunt coniuncti, proinde sunt in eadem familia, quamvis seorsum habitent.

§. 9.

II. Qui ratione patriæ potestatis testatori coniunctus est, non potest esse testis: ut pater in testamento filij testantis de peculio castrensi (videlicet, si post honestam, vel causariam dimissionem testamentum faciat nam post ignominiosam, non habet privilegium testandi de peculio castrensi. *ff. de testam. milit. l. testamenta. 26. §. 1.* ante missionem verò ex militari privilegio potest patrem testem adhibere. *ff. qui testam. fac poss. l. qui testamento. c. o. §. per contrarium.* vel quasi castrensi: aut filius in testamento patris: aut frater in testamento fratris. *§. in testibus.* Quid ergo, si filius sit emancipatus? poterit ne esse testis in testamento paterno? Doct. communiter putant non posse. Sed hæc communis sententia nec Viglio, nec mihi placet.

et. Cùm enim Iustinian. nominatim repellat filium, qui in potestate testatoris est à contrario sensu indicat filium emancipatum admitti. & in fine huius §. affert hanc rationem, quia reprobaturum est hac in re domesticum testimonium. quibus verbis significatur, eos qui sunt in familia testatoris non posse esse testes in testamento. domum enim pro familia accipi, paulò antè exposui: vt domestica persona dicitur, quæ est in eadem familia ff. quod. cuiuscun. vniu. non. l. 6. in princip. ac domestica laus, vel correctio domestica, quæ ab huiusmodi persona proficiscitur. C. de emendat. propinq. l. vn. & testat. ait, hac in re, indicans in aliis causis secus, hoc est, indistinctè, & non habita emancipationis ratione patrem non posse esse testem pro filio, aut filium pro patre. ff. de testibus, l. testis. 9. & C. eod. l. 6.

III. Regula est: Heres scriptus non potest esse testis. §. sed neque IV. Qui heredi ratione patriæ potestatis coniuncti sunt, pater, vel filij, vel fratres, non possunt esse testes. d. §. sed. neque.

§. 10.

V. Legatarij & fideicommissarij, & qui eis ratione patriæ potestatis coniuncti sunt, possunt esse testes §. legatarius. Ratio differentię inter hæredes & legatarios colligitur ex hoc & præcedenti §. quia heres succedit in ius defuncti. proinde totum hoc negotium (id est, testamenti factio) inter defunctum & heredem agitur. vnde orta est divisio illa testamenti factionis à me suprà allata; quoniam actiua testamenti factio spectatur in testatore, passiuæ in herede: legatarij verò non succedunt in ius defuncti, sed tantùm in rem legatam, ideòque testamentum cum eis agi non videtur Ad id, quod dixi, de legatariis,

§. 11.

Nota primò, id obtinere, etiam si omnibus testibus legatum sit, quia nihilominus testamentum valet ff. de reb. dub. l. si ita 14.

Nota secundò, item obtinere in fideicommissariis particularibus. vniuersales verò fideicommissarij pro heredibus habentur. infra de fideicommiss. hered. §. restituta. & ff. quod cum eo l. 5. §. si filio. & de bon. libert. l. 4. §. ult.

Nota terciò, hoc testimonium legatariis, & fideicommissariis concedi secundùm Doctores. etiam in testamento nuncupatiuo.

De codicibus, seu tabulis testamenti, Primò queritur, in qua materia testamentum scribi possit. Respondet Imp. scri.

§. 12.

bi posse in quavis materia §. *nihil autem*.

§. *pen.* Quæritur secundò an possit vnum & idem testamentum scribi in diuersis codicibus, siue exemplis, vt dicitur *in l. vnum 24. ff. hoc tit.* Respondet posse id fieri, ita vt quælibet scriptura sit authentica, & per se prober, dummodò quælibet facta sit secundùm obtinentem obseruationem, id est dummodò in singulis codicibus sint adhibitæ solemnitates quas ius in testamentis requirit, vt subscriptiones, & signa testiu. §. *pen.* nam quia est vnum testamentum, id est, vnus & eiusdem tenoris, quamuis bis scribatur; tamen per scripturam secundam non infirmatur prima: nec habet locum ea regula, quæ in diuersis testamentis obtinet, quòd posteriori testamento rumpitur prius. *infra quib. mod. testament. infirm. §. posteriore.*

§. *ult.* Postremò, in §. *ultim.* declarat formam testamenti nuncupatiui, quod dicitur fieri sine scriptis; non quia scribi non possit (plerumque enim in scriptis redigitur) sed quia non fit per scripturam, vt testamentum solemne, verùm scriptura ei iam facto accidit, quippe cùm non solemnitatis, sed probationis tantùm causa adhibeatur. Sciendum est in huiusmodi testamentis tria requiri. I. Vt adhibeantur septem idonei testes. *d. §. ultim.* II. Vt hi testes sint rogati. *ff. eodem. l. heredes palam. 21. §. in testamentis.* III. Vt coram his testibus palàm testator voluntatem suam declaret. *d. §. ultim. & d. l. heredes palam, in princ.* Nota testamentum sic ordinari iure ciuili. *d. §. ultim.* ex constitutione Constantini. *Euseb. lib. 4. de eius vita, cap. 26.* non iure prætorio, quia prætor in testamentis scripturam requirit, vt notauimus ad §. *sed prædicta.*

A X I O M A T A.

- 1 Ius antiquum non est omnino ignorandum. *in princ.*
- 2 In testamento suspicio falsi vitanda est. §. 4.
- 3 Alieno annulo signare licet. §. 5.
- 4 Qui possunt ex testamento capere possunt in testamento esse testes. §. 6.
- 5 Communis error facit ius. §. 7. coniu. l. 3. §. *ultim.* & de *supell. leg.*
- 6 Testamenta sunt fauorabilia, & quoad eius fieri potest, sustinuenda. d. §. 7.

- 7 Nihil verat, ex vna domo plures testes in negotio alieno adhiberi. §. 8.
- 8 Domesticum testimonium reprobatur. §. 9. coniun. l. 3. de testib.
- 9 Totum negotium, quod agitur testamenti ordinandi gratia, inter testatorem & heredem agi videtur. §. 10.
- 10 Iuris permissione abuti non oportet. eod. §.
- 11 Nemo potest esse testis in causa propria. *ibid.* coniun. l. nullus 10. ff. de testib. & in omnibus 10 C. eod.
- 12 Magis spectamus quod principaliter, quàm quod secundario & per consequentiam contingit. §. 10. & seq.
- 13 Legatarij, & particulares fideicommissarij non succedunt in ius, sed in rem. §. 11.
- 14 Innumerabiles casus hominibus imminet. §. 13.

De militari testamento.

T I T. XI.

SVpra dicta diligens observatio in ordinandis testamentis, militibus, propter nimiam imperitiam eorum, constitutionibus [principalibus] remissa est. Nam quamvis ij, neque legitimum numerum testimonium adhibuerint, neque aliam testamentorum solemnitatem observauerint: rectè nihilominus testantur, videlicet cum in expeditionibus occupati sunt: quod meritò nostra constitutio introduxit. Quoquo enim modo voluntas eius suprema inueniatur, siue scripta, siue sine scriptura: valet testamentum ex voluntate eius. Illis autem temporibus, per quæ circa expeditionum necessitatem in aliis locis vel suis adibus degunt: minimè ad vendicandum tale privilegium adiuvantur, sed testari quidem, etsi filii familiarum sint, propter militiam conceduntur: iure tam n

communi eadem obseruatione & in eorum testamentis adhibenda, quam in testamentis paganorum proximè exposuimus.

1 ¶ Planè de testamentis militum diuus Traianus Catilio Seucro ita rescripsit: Id priuilegium, quod militantibus datum est, vt quoquo modo facta ab his testamenta rata sint: sic intelligi debet, vt vti-que prius constare debeat testamentum factum esse, quod & sine scriptura & à non militantibus fieri potest. Si ergo miles, de cuius bonis apud te quæritur, conuocatis ad hoc hominibus, vt voluntatem suam testaretur, ita locutus est, vt declararet, quem veller sibi heredem esse, & cui libertatem tribueret: potest videri sine scripto hoc modo esse testatus, & voluntas eius rata habenda est. Caterùm si (vt plerumque sermonibus fieri solet) dixi alicui, *ego te heredem facio*, aut *bona mea tibi relinquo*: non oportet hoc pro testamento obseruari. Nec vllorum magis interest, quam ipsorum, quibus id priuilegium datum est, cuiusmodi exemplum non admitti. Alioqui non difficulter post mortem alicuius militis testes existerent, qui affirmarent se audisse dicentem aliquem, relinquere se bona, cui visum sit, & per hoc vera iudicia subuerterentur.

2 ¶ Quinimo & mutus & surdus miles testamentum facere potest.

3 ¶ Sed hætenus hoc illis à principalibus constitutionibus conceditur, quatenus militantes, & in castris degunt. Post missionem vero veterani, vel extra castra [alij,] si faciant adhuc militantes testamentum, communi omnium ciuium Romanorum iure id facere debent. Et quod in castris fecerint testamentum non communi iure, sed quomodo voluerint: post
missio

missionem intra annum tantum valebit. Quid ergo si intra annum quis decesserit, conditio autem heredi adscripta post annum extiterit? an quasi militis testamentum valeat? Et placet valere quasi militis.

4 ¶ Sed & si quis ante militiam non iure fecit testamentum, & miles factus, & in expeditione degens resignavit illud, & quædam adiecit siue detraxit, vel alias manifesta est militis voluntas hoc valere volentis: dicendum est valere hoc testamentum, quasi ex nova militis voluntate.

5 ¶ Denique & si in adrogationem datus fuerit miles, vel filiusfamilias emancipatus est, testamentum eius quasi ex nova militis voluntate valet, nec videtur capitis diminutione irritum fieri.

6 ¶ Sciendum tamen est, quod cum ad exemplum castrensis peculij, tam anteriores leges, quàm principales constitutiones quibusdam quasi castrensia dederant peculia, & horum quibusdam permillum fuerat, etiam in potestate degentibus testari: nostra [id] constitutio latius extendens, permiserit omnibus in huiusmodi peculiis testari quidem, sed iure communi. Cuius constitutionis tenore perspecto, licentia est, nihil eorum, quæ ad præfatum ius pertinent, ignorare.

Solemnitates superiori titulo expositz, in quibusdam testamentis vel omnino, vel ex parte aliqua remittuntur. Et primò in testamento parentum inter liberos. *C. de testam. l. hac consultissima. 21. §. ex imperfecto.* Secundò in testamento rustici. *C. eodem l. ultim.* Tertiò in testamento ad pias causas. *extra eodem, cap. relatum. 11.* Quartò in testamento Parochiani, secundum ius canonicum facto eorum presbytero parochiali. *extr. eod. cap. sùm esset. 10.* Quintò in testamento oblato Principi. Sextò in testamento confecto apud acta. *C. eodem l. omnium. 19.* Septimò in testamento militis. *ff. de testam.*

testam. milit. l. 1. & 2. Norandum tamen est, aliud esse testamentum militis, aliud testamentum militare. nam miles vel iure communi, vel iure proprio, i. militari testari potest. *C. eod. l. 3.* Hic igitur titulus inscribitur de militari testamento: quia respicit ad ea testamenta, quæ ex speciali militum privilegio sustinentur.

Princ.

Sunt autem huius tituli duæ partes. In priori parte enumerantur privilegia militibus indulta in testamentis condendis. I. Privilegium est, quod miles non est adstrictus certis solemnitatibus, aut certæ formæ testandi, sed testatur quomodo vult, & quomodo potest. Quod militibus concessum est propter nimiam eorum imperitiam, id est propter simplicitatem militare. *d. l. 3.* quia milites magis decet arma scire, quàm leges. *C. de iur. de lib. l. ult. vers. arma etenim.* Sed hoc privilegium recipit duas limitationes. Prior limitatio est: quia conceditur tantum militibus, qui in castris expeditionis tempore testamenta faciunt. Nam extra castra & extra militiam fruuntur quidem altero privilegio, ut etiam filij familiarum possint testari de peculio castrensi: sed non habent primum illud privilegium, ut testentur quomodo volunt, & quomodo possunt; immo iure communi non aliter, quam pagani testamentum facere tunc debent, ut declaratur in *pr. vnius tit.* & obiter reperitur in *§. sed hætenus.*

§. 2.

Posterior limitatio est, quod oportet constare de voluntate militis, id est, eum voluisse facere testamentum. *§. 1.* Addi potest tertia limitatio: quia testamentum ita factum iure militari, ita demum valet, & effectum sortietur, si testator vel in militia, vel salem intra annum à die missionis computandum decesserit. *§. sed hætenus.*

II. Privilegium est, quod filiusfamil. potest facere testamentum de peculio castrensi, *pr. vers. sed testari.* Hoc privilegium producit ad eos, qui habent peculium quasi castrense. *§. 2. r.*

§. 3.

III. Privilegium est, quod miles mutus & surdus indistinctè testari potest. *§. quinimo.* cum in pagano muto & surdo vel necessaria sit specialis permissio principis. *ff. qui testam. facer. poss. l. 7.* vel obtineat distinctio à Iustin. introducta. *C. eo. l. discretis 10.*

§. 3.

IV. Privilegium est, quod testamentum iure militari factum valet, etiamsi testator desinat esse miles, dummodo intra annum post missionem moriatur, *d. §. sed hætenus.*

post

post missionem, inquam, honestam, vel causariam. nam ignominiosa dimissio militaria privilegia adimit. ff. de testam. milit. l. testamenta eorum 26. Nec nocet, si conditio institutioni adiecta, post annum existat: quia retrò trahitur ad tempus mortis testatoris ff. de hered. instit. l. potest. § 6. quemadmodum contractui adiecta, retrò trahitur ad tempus contractus. ff. de peric. & commod. rei vend. l. necessario in princ. & qui potior. in pignor. hab. l. potior. ii. § 1.

V. Privilegium est, quòd testamentum ante militiam non iure & solemniter factum, ideòque inutile, confirmatur, si testator, postquam miles factus est, quoquo modo indicaverit se velle ut illud testamentum valeat videlicet si in expeditione degens id significaverit. Quod quidem significasse intelligitur, si quædam adiecit, vel detraxit, vel aliud quid circa testamentum fecit. §. sed & si quis. Nisi id quod fecit, eiusmodi sit, ut contrariam militis voluntatem arguat. ff. eod. l. in fraudem 15. §. testamentum. §. 4.

VI. Privilegium est, quòd testamentum militis non infirmatur minima capitis deminutione testatoris. §. pen. quamvis pagani testamentum hoc modo irritum fiat. infra quibus modis testamen. infirm. §. alio Hoc privilegium non est militibus aliqua constitutione tributum, sed interpretatione Iureconsultorum receptum. cum enim miles in peculio castrensi pro patrefamil. habeatur, quod ad hoc non videtur capite minui, siue emancipetur, siue arrogetur: ideòque testamentum eius non fit irritum. ff. de iniust. rupt. l. 6. §. ult. id est, non videtur fieri irritum, sed valere quasi ex nova militis voluntate, ut hinc dicitur, & in l. miles filiusfamil. 22. ff. de testam. milit. §. pen.

In posteriori tituli parte, quæ est in §. ult. secundum illud privilegium, quòd filiusfamil. testari potest de peculio castrensi, producit ad omnes habentes peculium quasi castrense, ut notanter anteverti. §. ult.

A X I O M A T A.

- 1 Imperitia seu simplicitas militaris excusat. in pr.
- 2 Verba non operantur ultra intentionem proferentis. §. 1.
- 3 Cauendum, ne vera morientium iudicia subvertantur. d. §. 1.

4 Conditio

- 4 Condicio institutioni heredis adscripta quaecumque postea existat, retrò trahitur ad tempus mortis testatoris. §. 3. coniu. l. potest § 6. ff. de hered. instit. In contractibus autem retrò trahitur ad tempus contractus. ff. de peric. & commod. rei vend. l. necessario §. in princ. & qui pot. in pign. hab. l. potior. 11. §. 1.
- 5 Minima capitis deminutio testamentum militis non infirmat. §. 5. licet pagani testamentum irritum faciat. infra quibus modis testam. infirm. §. alio.
- 6 Peculium quasi castrense comparatur peculio castrensi. §. ult.

Quibus non est permissum facere testamentum.

TIT. XII.

Non tamen omnibus licet facere testamentum. Statim enim ij, qui alieno iuri subiecti sunt, testamenti faciendi ius non habent: adeo quidem, ut quamvis parentes eis permiserint, nihilo magis iure testari possunt: exceptis iis, quos antea enumerauimus, & præcipue militibus qui in potestate parentum sunt, quibus de eo, quod in castris adquisierunt, permissum est ex constitutionibus principum testamentum facere. Quod quidem ius ab initio tantum militantibus datum est, tam ex auctoritate diui Augusti, quam Neruæ, nec non optimi Imperatoris Traiani postea verò subscriptione diui Hadriani, etiam dimissis à militia, id est, veteranis concessum est. Itaque si quidem fecerint de castrensi peculio testamentum: pertinebit hoc ad eum, quem heredem reliquerunt, si verò intestati decesserint, nullis liberis vel fratribus superstitis: ad parentes eorum iure communi pertinebit Ex hoc intelligere possumus

mus, quod in castris adquisierit miles, qui in potestate patris est, neque ipsum patrem adimere posse, neque patris creditores id vendere, vel aliter inquitare neque patre mortuo cum fratribus commune esse: sed scilicet proprium eius esse qui id in castris adquisierit quamquam iure civili omnium, qui in potestate parentum sunt, peculia perinde in bonis parentum computentur, ac senorum peculia in bonis dominorum numerantur: exceptis videlicet iis, quæ ex sacris constitutionibus & præcipuè nostris propter diuersas causas non adquiruntur, præter hos igitur, qui castrense peculium vel quasi castrense habent, si quis alius filiusfamilias testamentum fecerit, inutile est, licet suæ potestatis factus decesserit.

1 ¶ Præterea testamentum facere non possunt impuberes: quia nullum eorum animi iudicium est. Item furiosi: quia mente carent. Nec ad rem pertinet, si impubes, postea pubes: aut furiosus, postea compos mentis factus fuerit, & decesserit. Furiosi autem, si per id tempus fecerint testamentum, quo furor eorum intermissus est, iure testati esse videntur, certè eo, quod ante furorem fecerint testamento valente. Nam neque testamentum rectè factum, neque vllum aliud negotium rectè gestum, postea furor interueniens perimit.

2 ¶ Item prodigus, cui bonorum suorum administratio interdicta est, testamentum facere non potest, sed id quod ante fecerit quam interdictio bonorum suorum ei fiat, ratum est.

3 ¶ Item surdus & mutus non semper testamentum facere possunt. Vtique autem de eo surdo loquimur, qui omnino non exaudit, non qui tardè exaudit.

exaudit: nam & mutus is intelligitur, qui eloqui nihil potest, non qui tardè loquitur, sæpè enim etiam litterati & eruditi homines variis casibus & audiendi, & loquendi facultatem amittunt. Vnde nostra constitutio etiam his subuenit, ut certis casibus & modis secundum normam eius possint testari, aliaque facere, quæ eis permilla sunt. Sed si quis post testamentum factum aduersa valetudine, aut quolibet alio casu mutus aut surdus esse cœperit, ratum nihilominus manet eius testamentum.

4 § Cæcus autem non potest facere testamentum, nisi per observationem, quam lex diui Iustiniani patris nostri introduxit.

5 § Eius, qui apud hostes est, testamentum, quod ibi fecit, non valet, quamuis redierit. sed quod dum in ciuitate fuerat, fecit: siue redierit, valet, iure post - liminij: siue illic decesserit, valet ex lege Cornelia.

Postquam egit de iis, qui secundum, vel præter regulas iuris testamenta faciunt, nunc, de iis tractat, qui vel nullo vel certo tantum modo aut certis tantum casibus testari possunt.

Initio Imperator generaliter docet, aliquos esse, qui testamentum facere non possunt: deinde singillatim de eis agit. Primò igitur filius famil. testari non potest, nisi de peculio castrensi, vel quasi castrensi, *in principio*. Quod Imperator prolixius exponens.

I. In vers. *statim*, dat regulam, quod filius familias testamenti faciendi ius non habet. Ratio est: quia lex duodecim tabularum solis patribus familiarum testamenti factionem concessit, illis verbis, *Pater familias uti super familia pecuniæve sua legasset, ita ius esto*. auct. ad Heren. lib. I. eò autem lex respexit, quod filius familias, qui omnia patri acquirebat, nihil habere poterat, de quo in testamento disponderet. Vlpian. tit. de testament. §. filius familias.

II. In

II In vers. *adde*, producit dictam regulam, ut nequidem patre permittente filius testari possit. Ratio est: quia testamenti factio etsi iuris publici. ff. *qui testam. en. fac. poss. l. 3.* ideoque non potest ab homine privato concedi, sed tantum à lege. Nov. 22. c. 2. vel à Principe. ff. *qui testament. fac. poss. l. 7.* & C. *de inoffic. testament. l. si quando 35.* Alia ratio est donationis causa mortis. quæ cum sit iuris privati, fatendum est filium familias patre permittente donare mortis causa posse. ff. *de mortis caus. donat. l. tam is 25. §. 1.*

III. In vers. *exceptis*, à dicta regula excipit filiosfamil. habentes peculium castrense: quoniam ex constitutionibus Principum in his pecuniis fruuntur hoc privilegio, ut habeantur pro patribus familiarum. ff. *de S. C. Macedo. l. 2.* & C. *eo. l. v. §. 1.*

IV. In vers. *quod quidem*, declarat originem huius privilegij filiisfamilas tributi in peculio castrensi, & ostendit fuisse primò concessum militibus, deinde fuisse productum ad veteranos. Adde quòd postea fuit productum ad aliquos habentes peculium quasi castrense, denique ad omnes habentes peculium quasi castrense. *supr. tit. prox. §. ult.* & C. *de inoff. testam. l. ult.*

V. In vers. *inque*, limitat dictum privilegium, ut obtineat, cum filiusfam. testamentum facit, non ab intestato. Quid ergo fiet, si filiusfamilas intestatus decesserit? ad quem pertinebit peculium castrense? Distinguenda sunt tria iura, vetus, novum & novissimum. Iure veteri indistinctè peculium filiisfamilas intestati, atque adeò etiam castrense occupabatur à patre, non iure hereditario. sed tamquam peculium, communi iure patriæ potestatis. ff. *de castren. pecul. l. 2.* Iure novo excipitur, nisi filiusfamilas, qui eiusmodi peculium habet, quod patri non acquiritur, liberis, vel fratribus supersticibus decedat: hi namque patri præ eruntur, ut *hic*, & *commun. de successionibus, l. ult.* quam nota esse posteriorem institutionibus, & prima Codicis editione. Iure novissimo soli liberi præferuntur patri, fratres verò germani (id est, ex eodem patre & eadem matre procreati) vnà cum parentibus succedunt in capita. Sed fratres consanguinei (hoc est, qui sunt ex eodem patre, ac diuersis matribus,) vel vterini (id est, qui sunt ex eadem matre, ac diuersis patribus,) post paren

parentes ad intestati successionem vocantur. *Nov. 118. c. 2. §. 3.*
 VI. In vers. *ex hoc*, ex dictis colligit discrimen inter castrense, & reliqua peculia. Nam castrense est proprium ipsius filij, adeò vt nec pater, nec creditores paterni, nec patre mortuo fratres quicquam in eo iuris habeant: reliqua verò peculia æquè sunt in bonis patris, ac peculium serui est in bonis domini, exceptis peculio quasi castrensi, & aduentitij regulariter nuda proprietate, interdum pleno dominio, vt docui ad §. 1. *suprà per quas person. nob. acquir.*

VII. *ve si prater hos*, includit, filium familias, nisi habeat peculium castrense non posse facere testamentum. Quare de peculio aduentitio ne quidem iis casibus, quibus in eo plenum ius habet, testari potest. Opponitur primò *l. ult. §. filius autem C. de bon. qua. lib.* vbi Iustinianus ait se in his dumtaxat casibus, quibus vsusfructus apud parentes constitutus est; filio familias non permittere testari, &c. vnde aliis casibus, quibus vsusfructus peculij aduentitij patri non acquiritur, sed filius plenum dominium habet, ei testamenti factionem concedere videtur. Respondeo primò, partic. *dumtaxat*, ab emendationibus Codicibus abesse. Respondeo secundò, Imperatorem ibi non loqui de sola testamenti factione, sed simul etiam de dispositione inter viuos, dum ait. *nec de iisdem rebus testari, neque circa voluntatem eorum*, &c. hæc igitur duo debent coniunctim accipi, ita vt vtraque dispositio non prohibeatur, nisi his solis casibus, quibus vsusfructus patri quaritur: sola autem prohibitio testamenti per se obtineat indistinctè, & omnibus casibus. Respondeo tertio, ipsum Iustinianum in *l. pen. C. hoc tit.* vetare, ne ex *l. ult. §. filius autem*, colligatur filium familias posse in proposito casu facere testamentum. Opponitur secundò *Nov. 117. cap. 1.* vbi Imperator permittit filio familias de peculio aduentitio, in quo patri vsusfructus non acquiritur, pro libitu disponere. Respondeo Imperatorem non permittere, *si testari deest*, id est, disponere in vltima voluntate, seu testari, sed *si testari potest*, id est administrare inter viuos, etsi Latinus interpret malè vertit *disponere*.

§. I. Secundò impubes & furiosus testamenti factionem non habent. Hoc dictum producitur, vt horum testamentum puritate, vel mentis sanitate superueniente non confirmetur. Excipitur in furioso, nisi tempore dilucidi interualli testetur. hoc enim testamentum valet, quemadmodum & testamentum antea

antea factum, superueniente furore non infirmatur §. 1. Nam in testatore testamenti factio actiua duntaxat requiritur eo tempore, quo testamentum facit, non etiam tempore mortis, quam in herede passiuia testamenti factio utroque tempore requiratur. *infra de hered. qualis. §. in extraneis.*

Tertiò prodigus, cui bonis interdictum est à prætore, vel præfide. ff. de curat. furios. l. 1. in princ. quia furioso comparatur. §. 2. ff. de tut. & curat. da. l. his qui 12. §. 1. item, frustra testamentum conditi sed ante bonorum interdictionem factum testamentum valet. §. item prodigus.

Quartò surdus, vel mutus, vel utroque morbo laborans, certis tantum casibus testamentum facere potest. §. item surdus. & C. eod. l. disereis. 10. cuius constitutionis summa hæc est: Qui potest loqui, potest condere testamentum nuncupatium, & qui potest scribere potest condere testamentum in scriptis; qui verò nec loqui nec scribere potest, testamenti factionem non habet. Hæc autem obtinet in paganis. nam miles, mutus & surdus indistinctè potest facere testamentum. *suprà tit. prox. §. quiniac.* §. 3.

Quintò cæcus non potest facere testamentum, nisi secundum formam à Iustino præscriptam. §. pen. & C. eod. l. hac consultissima 8. In summa sex requiruntur, ut testamentum cæci valeat. I. Ut sit testamentum nuncupatium. II. Ut præter septem testes qui regulariter requiruntur, adhibeatur tabularius; vel si copia tabularij non sit, eius loco adhibeatur octauus testis nec dubito, quin debeant esse rogati specialiter, ut in aliis testamentis obseruari debet. III. Ut testator coram his exprimat se velle condere testamentum nuncupatium, & totam suam voluntatem enunciet. IV. Ut institutiones hæredum præponantur legatis & fideicommissis; quamuis in aliorum testamentis hic ordo non sit necessarius. *infra de leg. §. ante hæredis.* V. Ut tabularius, vel octauus testis redigat testamentum in scriptis. VI. Ut adhibeantur subscriptiones & signacula. Doctores excipiunt testamenta parentum inter liberos, per l. hac consultissima. 21. §. ex imperio l. o. C. de testament. & testamentum ad pias causas, per ead. cum esses. 10. extra eod. in his enim testamentis, quamuis à cæcis condantur, dictas solemnitates Iustino introductas putant non esse necessarias. Verùm hæc Doct. sententia mihi suspecta est, propterea quòd iura, quibus nituntur, non loquuntur de testamento cæci, sed generaliter & in vniuersum de testamenti

à quacumque persona factis dicta autem Iustini constitutio specialiter loquitur de cæcis. quocirca d. iura non derogant huic constitutioni, sed potius è contrario hæc constitutio dictis iuribus derogat, quia in toto iure generi per speciem derogatur. ff. de diu. reg. iur. l. in toto 80. qui est apud hostes, id est, qui in potestate hostium est, vñ captiuus, aut obles, testamentum facere non potest: quamuis testamentum antea factum, captiuitate non infirmetur. §. ult. & ff. eod. l. obsides. 11. Legati verò, qui non sunt in potestate hostium, sed iure gentium sunt inuiolabiles, testamenti factionem retinent. ff. eod. l. qui à latronibus. 13.

AXIOMATA.

- 1 Testamenti factio ab homine priuato permitti non potest. in princ. quia est iuris publici. ff. eod. l. 3. quod ius conuentionibus priuatorum mutari nequit. ff. de pact. l. ius publicum.
- 2 Regulariter peculium filijfamilias in bonis patris computatur, vt peculium serui in bonis domini. in princ.
- 3 Nullum est in impuberibus animi iudicium. §. 1.
- 4 Furiosi mente carent. d. §. 1.
- 5 Testamentum, quod ab initio non valet, ex post facto non confirmatur. d. §. 1. & seq. coniun. princ. infrà tit. prox. & l. 1. ff. de regul. Caton. Simile est axioma 13. infrà de legat.
- 6 Furor superueniens non infirmat negotium rectè gestum d. §. 1.
- 7 Testamenti factio in testatore requiritur eo duntaxat tempore, quo testamentum facit. d. §. 1. & §§. seqq. Excipe, nisi capitis deminutione testatoris fiat testamentum irritum. infr. quibus modis testam. infirm. §. alio. & §. non tamen.
- 8 Prodigus furioso comparatur. §. item prodigus. coniun. l. huius qui. 16. §. ult. ff. de tut. & curat. dat.
- 9 Sæpe literati & eruditi homines variis casibus audiendi & loquendi facultatem amittunt. §. idem surdus.

De exheredatione liberorum.

• TIT. XIII.

NON tamen ut omnino valeat testamentum, sufficit hæc observatio, quam supra expoluimus: sed qui filium in potestate habet, curare debet, ut eum heredem instituat vel exheredem cum nominationem faciat: alioquin si eum silentio præterierit, inutiliter testabitur: adeo quidem, ut si vivo patre, filius mortuus sit, nemo heres ex eo testamento existere possit, quia scilicet ab initio non constiterit testamentum. Sed non ita de filiabus, & aliis per virilem sexum descendentibus liberis utriusque sexus antiquitati fuerat observatum: sed si non fuerant scripti heredes scriptæve, vel exheredari, exheredatæve: testamentum quidem non infirmabatur, ius tamen ad crescendi eis ad certam portionem præstabatur. sed nec nominationem eas personas exheredare parentibus necesse erat, sed licebat inter cæteros hoc facere. Nominationem autem quis exheredari videtur, siue ita exheredetur, *Titius filius meus exheres esto*: siue ita *filius meus exheres esto*, non adiecto proprio nomine, scilicet si alius filius non exet.

¶ Posthumi quoque liberi, vel heredes institui debent, vel exheredari. Et in eo par omnium conditio est, quod & filio posthumo, & quolibet ex cæteris liberis, siue fœminini sexus, siue masculini præterito: valet quidem testamentum, sed postea adgnatione posthumi siue posthumæ
 Q. rumpi

rumpitur, & ea ratione totum infirmatur. Ideoque si mulier, ex qua posthumus aut posthuma sperabatur, abortum fecerit: nihil impedimento est scriptis heredibus ad hereditatem adeundam. Sed fœmini quidem sexus personæ vel nominatim, vel inter cæteros exheredari solebant: dum tamen, si inter cæteros exheredarentur, aliquid eis legaretur, ne viderentur præteritæ esse per obliuionem. Masculos vero posthumos, id est, filios, & deinceps, placuit non aliter recte exheredari, nisi nominatim exheredarentur: hoc scilicet modo, *quicumque mihi filius genitus fuerit, exheres esto.*

2. ¶ Posthumorum autem loco sunt & hi, qui in sui heredis locum succedendo, quasi adgnascendo fiunt parentum sui heredes: vt ecce, si quis filium, & ex eo nepotem neptemue in potestate habeat: quia filius gradu præcedit, is solus iura sui heredis habet, quamuis nepos quoque & neptis ex eo in eadem potestate sint. Sed si filius eius viuo eo moriatur, aut qualibet alia ratione exeat de potestate eius: incipit nepos neptis ve in eius locum succedere, & eo modo iura suorum heredum quasi adgnatione nanciscuntur. Ne ergo eo modo rumpatur eius testamentum: sicut ipsum filium vel heredem instituere, vel nominatim exheredare debet testator, ne non iure faciat testamentum: ita & nepotem neptemue ex filio necesse est ei vel heredem instituere, vel exheredare; ne forte eo viuo filio mortuo, succedendo in locum eius nepos neptisue, quasi adgnatione rumpat testamentum. Idque lege Iulia Vellea prouisum est, in qua similis exheredationis modus ad similitudinem posthumorum demonstratur.

3. ¶ Eman

§ 3 Emancipatos liberos iure civili neque heredes instituere, neque exheredare necesse est: quia non sunt sui heredes. Sed prætor omnes, tam fœmini sexus, quam masculini, si heredes non instituuntur, exheredari iubet: virilis sexus nominatim, fœminini vero inter cæteros: quia si neque heredes instituti fuerint, neque ita (vt diximus) exheredari, permittit eis prætor contra tabulas testamenti bonorum possessionem.

4 § Adoptiui liberi, quamdiu sunt in potestate patris adoptiui, eiusdem iuris habentur, cuius sunt iustis nuptiis quæriti, itaque heredes instituendi, vel exheredandi sunt secundum ea, quæ de naturalibus exposuimus. Emancipati vero à patre adoptiuo, neque iure civili, neque [eo iure,] quod ad edictum prætoris attinet, inter liberos connumerantur. Quæ ratione accidit, vt ex diuerso (quod ad naturalem parentem attinet) quamdiu quidem sunt in adoptiua familia, extraneorum numero habentur: vt eos neque heredes instituere neque exheredare necesse sit, cum vero emancipati fuerint ab adoptiuo patre, tunc incipiant in ea causa esse, in qua futuri essent, si à naturali patre emancipati fuissent.

§ 5 Sed hæc quidem vetustas introducebat nostra vero constitutio inter masculos & fœminas in hoc iure nihil interesse existimans: quia vtraque persona in hominum procreatione simili naturæ officio fungitur, & lege antiqua [duodecim tabularum] omnes similiter ad successionem ab intestato vocabantur, quod & prætores postea secuti esse videntur: ideo simplex ac simile ius, & in filiis, & in filiabus, & in cæteris descendantibus per virilem sexum personis, non solum illam natis,

Q ;

sed

sed etiam posthumus, introduxit: ut omnes siue sui, siue emancipati sint, vel heredes instituantur, vel nominatim exheredentur: & eundem habeant effectum circa testamenta parentum suorum infirmenda, & hereditatem auferendam, quem filij sui vel emancipati habent, siue iam nati sint, siue adhuc in utero constituti, postea nati sint. Circa adoptiuos autem [filios] certam induximus diuisionem, quæ in nostra constitutione, quam super adoptiuis tulimus, continetur.

6 ¶ Sed si in expeditione occupatus miles testamentum faciat, & liberos suos iam natos, vel postumos nominatim non exheredauerit, sed [silentio] præterierit, non ignorans, an habeat liberos: silentium eius pro exheredatione nominatim facta ualere, constitutionibus principum cautum est.

7 ¶ Mater, vel auus maternus, necesse non habent liberos suos, aut heredes instituere, aut exheredare: sed possunt eos silentio omittere. nam silentium matris, aut auæ maternæ, & cæterorum per matrem ascendentium tantum facit, quantum exheredatio patris. Neque enim matri filium, filiamue, neque auo materno nepotem neptemue ex filia, si eam eamue heredem non instituatur, exheredare necesse est: siue de iure ciuili quæramus, siue de edicto prætoris quo [prætor] præteritis liberis contra tabulas bonorum possessionem permittit: sed aliud eis adminiculum seruatur, quod paulo post vobis manifestum fiet.

Non sufficit testamentum esse iure factum, (id est, adhibitis solemnitatibus supra expositis,) ut valeat; sed insuper opus est, ut si testator liberos in potestate habeat, eos instituat, vel exheredet: quoniam eorum præteritio facit ut testamentum

stamentum nullius sit momenti. *ff. de instut. rupt. l. 1.*

Nota primò, præteritionem, vel exheredationem dici respectu hæreditatis, non respectu legatorum, vel fideicomissorum: siquidem rectè dicitur præteritus, vel exheredatus, qui nullam partem hæreditatis accipit, quamvis ei aliquid legatum, vel iure fideicommissi relictum sit. *infra hoc tit. §. 1.*

Nota secundò, aliam esse exheredationem nominatim factam, aliam verò inter cæteros. Nominatim facta dicitur, cum vel proprio nomine, vel alia quavis demonstratione significatur specialiter is, qui exheredatur, veluti, *Titius exherere, esto Filius meus miles exheres e. c.* Exheredatio inter cæteros appellatur quæ fit verbis generalibus, *ceteri exherede. sunt. infra eod. in prin.*

Nota tertio exheredationem extraneæ personæ non valere, sed in liberis testatoris habere effectum. *ff. de bonorum poss. cont. tabul. l. non putavit 8. §. si quis emancipatum. & l. seq.*

Nota quarto, liberorum appellationem late patere, ita ut complectatur I. tam masculos, quam foeminas. *l. de verb. significat. l. cognoscere 56. §. 1. I I. Tam unum, quam plures. ff. eod. l. non est sine liberis 148. & l. seq. I I I. Tam filios, vel filias, quam nepotes vel neptes, & vteriores quocunque gradu. ff. eod. l. liberorum 220. & de in ius vocand. l. si de hac lege 10. §. liberos. I V. Tam suos, quam emancipatos, & descendentes ex foeminis. *dist. l. cognoscere. §. 1. V. Tam natos, quam posthumos. infra hoc tit. §. 1. & ff. de testament. tut. l. 1. §. 1. I V. Tam naturales, quam adoptiuos. supra de adoptione in princip.* Caterùm ab hac liberorum appellatione excluduntur partus monstrosi & prodigiosi *ff. de statu homin. l. non sunt liberi. 14.**

Huius tit. tres sunt partes. Prima pars est de testamento pagani habentis, liberos in potestate, ut patris vel aui paterini. In hac parte primò declarat ius antiquum: deinde ius novum. Ius antiquum pertinet pertinet ad liberos iam natos qui sunt in potestate, id est ad liberos legitimos & naturales: partim ad posthumos propriè dictos, id est qui nascuntur post mortem testatoris: partim ad posthumos Velleanos, qui ante patris testamentum nati sunt, & post testamentum in locum suorum heredum succedunt; partim ad liberos emancipatos, partim ad adoptiuos

Princ.

De liberis legitimis & naturalibus agitur in *princ. tit.* & adhibetur distinctio inter filium & reliquos liberos. dantur ergo tres regulæ. I. Filius, qui est in potestate testatoris debet ab eo institui, vel nominatim exheredari; alioquin eius præteritio faciet testamentum ipso iure nullum. *C. de lib. præter. l. ult. §. sancimus.* adeò, ut ne quidem filio postea moriente conualeſcat, propter regulam Catonianam, quæ vetat testamentum, quod ab initio non valet, ex post facto conualeſcere. *ff. de regul. Caton. l. 1. in pr.* Si tamen filius patri superstes, ab hereditate abſtineat, testamentum ex bono & æquo sustinetur. *ff. de inſtit. rump. l. filio. 17.* II. Reliqui liberi, ut filia, nepos, neptis, si in testamento sint præteriti, non faciunt testamentum nullum, sed scriptis heredibus accrescunt & portionem hereditatis eis auferunt, id est, suis hereditus portionem virilem. extraneis semissem. *Ulpian. tit. 12. Caius lib. 2. Instit. tit. 3. Paul. lib. 3. sentent. tit. 4.* III. Alij liberi, præter filium non solum nominatim, sed etiam inter cæteros exheredari possunt. Has iuris antiqui distinctiones inter filios & reliquos liberos Iustinian. mox abrogabit in § *sed hæc quidem* adeò ut hodie in omnibus liberis in testatoris potestate constitutis eadem obtineant, quæ olim filij propria erant.

§. I.

De posthumis in §. i. dantur 4. regulæ. I. Posthumus præterito, vel non reſe exheredato, nihilominus testamentum valet, quamvis ex post facto adgnatione posthumi rumpi possit. II. Si posthumus non nascatur, quia si mulier abortum faciat, testamentum habebit iuris effectum. III. Masculus posthumus, si nascatur, rumpit testamentum, nisi in eo sit heres institutus, vel nominatim exheredatus. IV. Si fœmina posthuma nascatur, testamentum rumpit, nisi vel sit heres instituta, vel nominatim exheredata, vel inter cæteros dato legato exheredata.

Nota primò, hanc quartam regulam mox corrigi in §. *sed hæc quidem.* ita ut hodie tam posthumæ, quam posthumi, non aliter quam nominatim exheredari possint.

Nota ſecundò, has omnes regulas pertinere ad suos posthumos, id est, qui nascituri erant sui heredes. tantum enim abest, ut necesse fuerit alienos posthumos instituere, vel exheredare, ut olim iure civili heredes institui non possent. *infra de honor. possess. in princ.*

Nota terciò, falli Accursium, qui putat olim posthu-

mum exheredatum potuisse agere de inofficioso testamento, hodie non posse exheredari, quin testamentum ipso iure nullum faciat. Nam à matre odio patris exheredatus, olim repellebatur ab hereditate materna, nec poterat hoc casu de inofficioso matris testamento conqueri; hodie tamen queri potest, argum. *l. si quis suo. 31. §. 1. C. de inoffic. testam.* Ergo posthumus exheredatus non potest vlllo iure testamentum nullum dicere: sed hodie omnimodo & indistinctè de inofficioso queri potest, cum in eum iusta exheredationis causa non cadat, nec ex sua personâ, quia nondum est natus, nec ex sua personâ, quia non debet ex alterius odio alter prægruari, vt Iustin. loquitur in *d. l. si quis suo §. 1.*

De quasi posthumis in §. *posthumorum*, dissoluuntur tres quæstiones. Prima quæstio est, quis sit quasi posthumus. Respondet Imp. eum esse quasi posthumum, qui in sui heredis locum succedit. id est, qui ante testamentum parentis natus est non suus heres, quia alius eum præcedebat, vt nepotem præcedit filius; post testamentum autem à parente factum fit suus heres, quia dempto suo herede, in eius locum succedit, & fit auo suus heres. Hoc autem accidit, quacumque ratione filius exeat de patris potestate, excepta dignitate qua sui iuris factus non desinit esse suus heres, proinde non facit locum sequenti personæ. *Nov. 81. cap. 2.*

Nota aliud quoque genus esse quasi posthumorum (de quibus, vt de cæteris posthumis agitur in *l. Gallus. 29 ff. de liber. & posthum.*) nempe qui post parentis testamentum nascuntur sui heredes, parente scilicet adhuc viuo, ac de his quoque non minus, quàm de veris posthumis, accipi possunt, quæ in superiori §. tradita fuerunt. Hæc duo genera quasi posthumorum considerantur in lege Vellea, de qua in *d. l. Gallus*. Est insuper & aliud genus, quod in calce eiusdem legis ex Iuliano adiungitur legi Velleæ, id est, cum aliquis post testamentum parentis nascitur non suus heres, & parente adhuc viuo fit suus heres, veluti si post aui testamentum, viuis auo & patre, nascatur nepos, deinde viuente auo pater moriatur, nepos fit suus heres auo. Denique quasi adgnatio posthumi est, cum quis post factum testamentum aliquem adoptat. *infra quibus modis testam. infr. §. 1.* Altera quæstio est, quid iuris tribuatur his quasi posthumis, qui considerantur in hoc §. Respondet Imp. testamentum parentis ab initio valere, quamuis hos

posthumos præterierit, vel non rectè exheredauerit, sed potest eorum quasi adgnatione rumpi, si nec sint instituti, nec rectè exheredati, & in sui hæredis locum succedant. Intellige rectè exheredatos, si masculi sint exheredati nominatim, feminae verò siue nominatim, siue inter cæteros. Tertia quaestio est, quo iure introductum sit, ut hi quasi posthumi possint exheredari, cum nondum sint sui hæredes. Respondet Imp. hoc esse introductum lege Vellea. Hæc lex non solum exheredationem, sed etiam institutionem horum quasi posthumorum confirmat, non quod introduxerit eos posse hæredes institui, sed quia cauit ne instituti hæredes testamentum quasi adgnatione rumperent. *l. l. Gallus §. sequenti. p. & §. pen. vers. denique.* Hinc porro factum est, ut hi vocentur posthumi Velleani: quia (ut exposui) lege Vellea de his cauetur.

§. 3.

De liberis emancipatis in §. *emancipatos*, distinguitur inter ius ciuile, & ius prætorium. Iure ciuili possunt præteriri, qui pro extraneis habentur: iure autem prætorio debent institui hæredes, vel rectè exheredari id est masculi nominatim, foeminae vel nominatim, vel inter cæteros: alioqui testamentum euerterent per bonorum possessionem contra tabulas.

§. 4.

De liberis adoptiuis sic distinguitur in §. *adoptiui*; aut sunt in familia adoptiua, aut sunt à patre adoptiuo emancipati. Priori casu debent institui, vel exheredari in testamento patris adoptiui, sed possunt præteriri à patre naturali; quia non censentur eius filij, ne videntur habere duos patres, quod est absurdum, & contra naturam, ideoque non potest effici per adoptionem, quæ naturam imitatur. *suprà de adopt. §. minorem.* Quare iniusta fuit centumuiralis sententia à Valer. Max. relata *lib. 7. cap. 7.* qua testamentum resciderunt, in quo Carleolanus à patre naturali præteritus fuerat, cum in familia patris adoptiui esset. Posteriori casu perinde habentur, ac si à patre naturali essent emancipati (supponimus enim eos viuo patre naturali esse ab adoptiuo patre emancipatos: alioqui pro extraneis haberentur etiam respectu patris naturali. *inf. à de hered. qua ab intest. §. at hi.*) proinde habent bonorum possessionem contra tabulas patris naturalis, nisi ab eo sint instituti, vel rectè exheredati: nihil autem officiunt testamento patris quondam adoptiui, quamuis in eo sint præteriti. Hucusque de iure antiquo.

Post

Post hæc in §. *sed hac quidem*, tradit nouum ius: & primum §. 5. iuris antiqui distinctiones in modo exheredandi abrogat, iubens omnes liberos, si exheredentur, nominatim exheredari, vt exheredatio valeat, sublata differentia I. Inter masculos & feminas (cuius emendationis, siue exæquationis, quæ feminæ masculis comparantur, triplicem rationem affert: primam à iure naturali, quia vterque sexus ad procreandum est æquè necessarius: alteram à iure ciuili, quia lex duodecim tabularum æquè ad intestati successionem vocauit masculos & feminas: tertiam à iure prætorio, quia prætores quoque masculos & feminas æquè ad successionem amittunt. II. Inter liberos primi, & liberos vltioris gradus. III. Inter liberos natos, & posthumos. Itaque constituit, vt omnes liberi, cuiuscumque sexus & gradus, siue nati siue posthumi sint, vel heredes instituantur, vel nominatim exheredentur: adeò vt hodie exheredatio inter ceteros liberis non magis obsit, quàm præteritio. Deinde in versic. *irca*, limitat antiquam decisionem de liberis adoptiuis: quia (vt plenius tuit expositum in §. *sed hodie. supra de adopt.*) filius in adoptionem datus, nihil iuris habet in bonis patris adoptiui, nisi aut sit ab eo heres institutus, aut naturali parenti in adoptionem fuerit datus.

In secunda tituli parte, quæ est in §. *penult.* agitur de testamento militis: de quo specialiter statuitur, vt præteritio liberorum non officiat testamento, sed pro exheredatione rectè facta habeatur. Excipitur, nisi miles, qui liberos præterijt, ignorabat se habere liberos: vt quia eo absente nati sunt: tunc enim testamentum non valet. C. *de testam. mil. l. sicut certi iuris. 9. & l. seq.* §. *pen.*

In tertia parte, quæ est in §. *ultim.* similiter statuitur, vt præteritio matris vel aui materni, vel cæterorum per lineam maternam adscendentium, pro exheredatione habeatur: adeò vt liberi præteriti nec testamentum nullum dicere, nec contra tabulas bonorum possessionem petere, sed tantum de inofficioso testamento querelam mouere possint: de qua querela tractabitur *infra tit. 18.* §. *ult.*

A X I O M A T A.

- † Testamentum, quod ab initio non valet, ex post facto non confirmatur. coniu. §. 1. & 2. *supra tit. prox.*

- & l. 1. ff. de reg. Caton. Simile est axioma 13. *infra de legat.*
 2 Cum testamentum rumpitur, totum infirmatur; nec potest pro parte valere, pro parte esse inutile. §. 1. Aliud est, cum per inofficiosi querelam rescinditur: quia fieri potest, ut pro parte infirmetur, & pro parte valeat ff. de inoff. testament. l. nam et si parentibus 15. §. ult. & l. circa 24.
 3 Liberi adoptiui naturalibus comparantur. §. 4. coniun. §. in plurimis, *infra de adoptionibus*, & §. nunc autem, *infra de acquis. per arrogat.*
 4 Emancipatus à patre adoptiuo, perinde habetur, ac si emancipatus esset à patre naturali. d. §. 4. coniun. §. at hi. *infra de hered. que ab intest. defer.*
 5 Non in omnibus iuris articulis deterior est conditio foeminarum, quam masculorum. §. 5. coniun. §. ceterum, *infra de legit. adgn. success.* licet in multis deterior sit ff. de stat. hom. l. in multis. 9.
 6 Vterque sexus in hominibus procreandis simili naturæ officio fungitur d. §. 5.
 7 Silentium militis non ignoranti: se habere liberos, pro exheredatione nominatim facta habetur. §. pen.
 8 Præteritio matris, vel ascendentium per lineam maternam, habet vim exheredationis.

De heredibus instituendis.

TIT. XIV.

Heredes instituere permissum est tam liberos homines, quàm seruos: & tam proprios, quàm alienos. Proprios autem olim quidem secundum plurimum sententias non aliter, quàm cum libertate, rectè instituere licebat: hodie vero etiam sine libertate, ex nostra constitutione heredes eos instituere permissum est. Quod non per inuolutionem induximus

ximus, sed quoniam æquius erat, & Atilicino placuisse. Paulus suis libris, quos tam ad Masurium Sabinum, quàm ad Plautium scripsit, refert. Proprius autem seruus etiam is intelligitur, in quo nudam proprietatem testator habet, alio vsumfructum habente. Est tamen casus, in quo nec cum libertate vtiliter seruus à domina heres instituitur, vt constitutione diuorum Seueri & Antonini cauetur, cuius verba hæc sunt : Seruum adulterio maculatum, non iure testamento manumissum ante sententiam ab ea muliere videri, quæ rea fuerat eiusdem criminis postulata, rationis est. Quare sequitur, vt in eundem à domina collata heredis institutio, nullius momenti habeatur. alienus seruus etiam is intelligitur, in quo vsumfructum testator habet.

1 § Seruus autem à domino suo heres institutus, siquidem in eadem causa manserit : fit ex testamento liber, heresque ei necessarius. Si verò à viro testatore manumissus fuerit, suo arbitrio adire hereditatem potest : quia non fit heres necessarius, cum vtrumque ex domini testamento non consequatur. Quod si alienatus fuerit : iussu noui domini adire hereditatem debet & ea ratione per eum dominus fit heres. nam ipse alienatus, neque liber neque heres esse potest, etiam si cum libertate heres institutus fuerit. destitisse enim à libertatis datione videtur dominus, qui eum alienauit. Alienus quoque seruus heres institutus, si in eadem causa durauerit, iussu eius domini adire hereditatem debet. Si verò alienatus fuerit ab eo, aut viuo testatore, aut post mortem eius, antequam adeat, debet iussu noui domini adire. At si manumissus est viuo testatore, vel mortuo, antequam adeat, suo arbitrio adire potest hereditatem.

2 ¶ Servus etiam alienus post domini mortem rectè heres instituitur : quia & cum hereditariis servis est testamenti factio. Nondum enim adita hereditas , personæ vicem sustinet, non heredis futuri, sed defuncti : cum etiam eius, qui in utero est, servus rectè heres instituitur.

3 ¶ Servus [autem] plurimum , cum quibus testamenti factio est , ab extraneo institutus heres, unicuique dominorum , cuius iussu adierit, pro portione domini acquirit hereditatem.

4 ¶ Et unum hominem, & plures usque in infinitum , quot quis heredes velit facere, licet.

5 ¶ Hereditas plerumque diuiditur in duodecim uncias, quæ assis appellatione continentur. Habent autem & hæ partes propria nomina ab uncia usque ad assem hæc : sextans, quadrans, triens, quincunx semis, septunx, bes, dodrans, dextans, deunx. Non autem utique [semper] duodecim uncias esse oportet : nam tot uncia æsem efficiunt, quot testator voluerit ; & si unum tantum quis ex semisse verbi gratia heredem scripserit, totus as in semisse erit : neque enim idè ex parte testatus, & decedere parte intestatus ex potest nisi sit miles, cuius sola voluntas in testando spectatur. Et è contrario potest quis in quocunque voluerit plurimas uncias suam hereditatem diuidere.

6 ¶ Si plures instituantur heredes : ita demum in hoc casu partium distributio necessaria est , si nolit testator eos ex æquis partibus heredes esse. satis enim constat, nullis partibus nominatis, ex æquis partibus eos heredes esse. Partibus autem in quorundam personis expressis, si quis alius sine parte nominatus erit : si quidem aliqua pars assis deerit

deerit, ex ea parte heres sit. Et si plures sine parte scripti sunt, omnes in eandem partem concurrunt. Si verò totus as completus sit, ij, qui nominatim expressas partes habent, in dimidiam partem vocantur: & ille vel illi omnes in alteram dimidiam. Nec interest, primus, an medius, an nouissimus, sine parte heres scriptus sit, ea enim pars data intelligitur quæ vacat.

7 ¶ Videamus si pars aliqua vacet, nec tamen quisquam sine parte sit heres institutus, quid iuris sit, veluti si tres ex quartis partibus heredes scripti sunt. Et constat vacantem partem singulis tacitè pro hereditaria parte accedere, & perinde haberi, ac si ex tertiis partibus heredes scripti essent, & ex diuerso, si plures heredes scripti in portionibus sint: tacitè singulis decrescere: vt si (verbi gratia) quatuor ex tertiis partibus heredes scripti sint, perinde habeantur, ac si vnusquisque ex quarta parte heres scriptus fuisset.

8 ¶ Et si plures vnciæ, quam duodecim distributæ sint: is, qui sine parte institutus est, quod dupondio deest, habebit. Idemque erit, si dupondius expletus sit: quæ omnes partes ad assem postea reuocantur, quamuis sint plurium vnciarum.

9 ¶ Heres & purè & sub conditione institui potest: ex certo tempore, aut ad certum tempus non potest: veluti, *post quinquennium quàm moriar*, vel *ex calendis illis vel vsque ad calendas illas heres esto*. Denique diem adiectum haberi pro superuacuo placet: & perinde esse ac si purè heres institutus esset.

legatis, nec non in fideicommissis & libertatibus, pro non scripta habetur.

11 § Si plures conditiones institutionibus adscriptæ sunt si quidem coniunctim, ut puta, *si illud & illud factum fuerit*: omnibus parendum est: si separatim, veluti, *si illud aut illud factum erit*: cuilibet[condi-
tioni] obtemperare satis est.

12 § Ij, quos nunquam testator vidit, heredes institui possunt. veluti si fratris filios peregrinantes, ignorans qui essent, heredes instituerit. ignorantia enim testantis inutilem institutionem non facit,

Heredis quoque institutio necessaria est, ut testamentum valeat: quia est caput & fundamentum testamenti. *infra de legatis. §. ante heredis.* Est autem heredis institutio nihil aliud quam ultima voluntas testatoris hereditatem suam in aliquem, vel in aliquos, iure directo post mortem conferentis. Hereditatis definitionem retuli supra in calce tit. 9.

Princ. Hic titulus diuiditur in sex partes. In prima Imper. docens qui possint heredes institui, primò dat regulam generalem, quòd heredes instituere licet tam homines liberos, quam seruos proprios, vel alienos, dummodo cum horum dominis sit testamenti factio. *infra de hered. qual. §. in extraneis & ff. hoc tit. l. non minus 31. in princ. & l. si alienum 49. §. 1.* Secundò de seruo proprio testatoris tria declarat. I. Seruum proprium vel institui cum libertate, veluti, *Stichus seruus meus liber & heres esto*: vel sine libertatis datione, veluti, *Stichus heres esto.* utroque autem casu fieri liberum & heredem. §. 1. quia cum libertas expressè ei non relinquitur, tacitè data censetur, eò quòd non potest fieri heres, nisi libertatem adipiscatur, quæ quidem ratio noua est, id est, ipsum Iustinianum auctorem habet. *suprà qui & ex quibus caus. manum non poss. §. idémque.* licèt sententia non sit noua, quoniam ante Iustinianum Atilicino placuit. *versic. quod non per innouationem* II. Quis sit seruus proprius. Dicitur autem seruus testatoris proprius non solum si testator in eo plenum domi

dominium habeat, sed etiam si nudam habeat proprietatem usufructu ad alium pertinente. *versic. proprius.* quia usufructus non est pars rei, sed servitus. *infra de legat. §. si cui fundus.* & rectè dicimus totam rem nostram esse, cuius usufructum alius habet. *ff. de verbor. sig. l. rectè dicimus 25. in princ.* III. In *vers. est tamen,* excipit casum. Secunda distinctio est: Servus heres instituitur aut à domino suo, aut à domina. Hic specialiter notatur casus, quo domina seruo suo nec libertatem, nec hereditatem relinquere potest propter suspicionem adulterij cum eo commissi. Nam suspicio adulterij facit ut ad libertatem perducere non possit: consequenter non possit heres fieri: quia servus domini sui, vel dominæ, heres sine libertate fieri nequit. *suprà qui & ex quibus caus. man. non poss. & §. in eoque iuris.* nemo enim est, cui hereditatem acquirere possit: ut cum extranei servus heres instituitur, domino suo hereditatem acquirit.

Nota, quod dicitur, *adulterio maculatum,* apud Marcianum *in l. his verbis 48. §. interdum. ff. hoc. est legi accusatum* quam lectionem nonnulli improbant tanquam iuri contrariam: quia lex vetat adulterum & adulteram simul accusari. *l. de adult. l. reos. 8.* quapropter cum mox in contextu subiiciatur mulierem eiusdem criminis ream postulatam esse, non videtur dici posse etiam servum esse hoc crimine accusatum. Ad hanc objectionem respondeo, quamvis adulter & adultera non possint eodem tempore ab eodem accusatore rei peragi. *dict. l. reos.* tamen à diuersis accusatoribus posse *ff. ad legem Iul. de adulter. denuntiatio. 1. §. penultim.*

Teriò in §. *servus autem à domino,* distinctionem ponit: proprii testatori & alieno seruo communè: aut enim servus §. 1. quem testator heredem instituit, in eadem causa manet, id est, in eiusdem domino retinetur: aut ab eo manumittitur: aut alienatur. Servus proprius testatoris, I. Casu fit liber. & heres necessarius: quia velit nolit, cogitur esse heres, *infra de hered. qual. §. 1.* proinde fit heres etiam ignorans *ff. de reb. cred. l. penult. l. l.* Casu non potest libertatem ex testamento consequi, quippe qui iam inter viuos manumissus fuit: nā qui semel est liber, non potest, amplius liber fieri: consequenter non fit heres necessarius; sed voluntarius, id est, pro libitu potest hereditatem adire, vel repudiare propterea quod heres necessarius non fit, nisi ex eodem testamento

tam libertatem, quam hereditatem consequatur. I I I. Casu non fit ex testamento liber, quamvis in eo testamento libertas ei relicta fuerit quia testator eum postea alienando, dationem libertatis tacite reuocauit hereditatem tamen potest adire: quoniam hereditas nec expressè nec tacite ei est adempta, debet autem adire iussu domini, cui hereditatem acquireret, ut didicimus ex §. *item nobis*, *suprà per quas pers. cuiq. acq.* Seruus autem alienus, I. Casu hereditatem adire debet iussu domini sui: quia semper iussu domini in acquirenda per seruum hereditate præcedere debet. ff. *de acq. hered. l. si quis mihi bona. 15. §. iustum.* II. Casu debet adire iussu roui domini, iussum enim requirimus eius, qui dominus est tempore aditionis, non tempore testamenti, vel mortis testatoris I I I. Casu cum liber factus sit, suo arbitrio potest adire (supple, vel repudiare) hereditatem. d. §. 1. *versu. a iennis.*

§. 2.

Quartò in §. *seruus etiam* loquitur de seruo nullius, id est, seruo hereditario (est autem seruus hereditarius, cuius dominus mortuus est, necdum eius adita est hereditas) vel eius qui in utero est. Hi non videntur posse heredes institui, quia dominum non habent, & cum seruis testamenti factio est ex persona dominorum. ff. *h. l. l. non minus. 31. §. 1.* Hac tamen ratione non obstante docet Imp. valere heredis institutionem, siue heres instituatur seruus hereditarius, quia hereditas repræsentat personam defuncti; siue seruus eius qui est in utero; quoniam i. qui est in utero, habetur pro iam nato. ff. *de stat. hom. l. 7. & l. penultim.*

§. 3.

Quintò in §. *seruus autem plurium*, tractat de seruo communi pluribus dominis. Hic heres instituitur vel ab extraneo, vel ab uno ex dominis. Priori casu Imp. docet hereditatem per hunc seruum omnibus dominis acquiri, non omnimodo pro æqualibus partibus, sed singulis pro domini portionem ita ut qui maiorem partem in dominio serui habet, maiorem partem hereditatis acquirat: qui verò minorem habet minorem acquirat. verbi gratiâ, dominus ex semisse, acquirit hereditatem pro semisse; & dominus ex triente, acquirit trientem hereditatis. similis est aliorum ratio. Posterior casus in contextu omittitur, sed per distinctionem decidi debet, aut enim seruus instituitur sine libertate, aut cum libertate. Si sine libertate, non fit liber quia non erat proprius testatoris, ut tacite libertas ei data videri possit, sed tantum fit heres, & heredita

hereditatem aliis dominis suis pro eorum dominicis partibus acquirit. ff. pro soc. l. verum. 63. §. si seruo. Sin autē libertas cū hereditate sit ei relicta, etiam inuitis dominis superstitibus, ex Iustiniani constitutione liber fit: ita vt illi pretium partis, quam in seruo habebam, accipere debeat. *suprà de donat. §. ultior.* & C. de communi ser. manum. l. 1. hereditatem igitur sibi acquirit, & quidem (vt opinor) necessarius heres efficitur, cū ex eodem testamento tam libertatem, quam hereditatem consequatur, arg. §. 1. *versic. si verò. suprà hoc tit. l. 6. §. pen. ff. eod.*

Secunda tituli pars in §. *& vnum*, est de numero heredum. Hic quæritur, quot heredes institui possint. Respondet Imper. vel vnum institui posse vel duos, vel tres, vel plures in infinitum. Quod ait in *infinitum*, non ita debet accipi, quasi infiniti homines possint institui heredes: sed quemadmodum mathematici dicuntur accipere longitudinem lineæ in infinitum, cū non definiunt eius quantitatem, ita etiam hic dicitur posse institui plures heredes in infinitum, quia lex non definit certum numerum heredum. Et quemadmodum numerus augetur quidem in infinitum; sed semper is, qui actu sumitur, finitus est: ita etiam heredum in quocumque testamento institutorum numerus est finitus, licet augeri possit in infinitum. Eodem modo Ulpianus accipit hoc verbum, in *infinitum*, tit. de dotib. §. mortua. Hoc loco quærit Accursianus testamentum valeat, si quis heredes instituat omnes homines, qui sunt in mundo: ac respondet eiusmodi institutionem valere, quamuis non possit aditione confirmari. Probabilior mihi videtur eorum sententia, qui putant dictum testamentum non valere. videtur enim testator, qui omnes homines heredes instituit, aut non serio, id agere vt testatus decedat. Cæterum si testamentum valeret, facile posset aditione confirmari. quia vel vnius aditione confirmaretur, & cæterorum, quia aut nollent, aut non possent adire, portiones ei accrescerent. C. de caduc. toll. l. vii. §. in his itaque.

Tertia tituli pars in §. *hereditas*, partes hereditatis declarat adhibita distinctione. Aut enim testator nullas partes constituit, aut hereditatem suā in certas partes distribuit. Priori casu duodecim partes iure constituuntur, quæ vocantur *Vnciæ* totum verò appellatur *As*. sed portio ex duabus vnciis constans, proprio nomine dicitur. Sextās, quia est sexta pars hereditatis, ex tribus, Quadrans, quia est quarta pars, ex quatuor,

R 2

Triens,

Triens, quia est tertia pars: ex quinque, Quincunx, quia continet quinque vncias: ex sex, Semis, quia est dimidia pars: ex septem, Seprunx, quia habet septem vncias: ex octo, Bes, quasi bis triens, vt Festo placet, quia continet duos trientes, id est, bis quatuor vncia: ex nouem, Dodrans, quasi dempro quadrantes A; quia si ex asse continente x. i. vncias, demas quadrantem, (id est, tres vncias remanebit dodrās, id est, nouem vncia: similiter ex decem. Dextans, quasi dempro sextantes A: quia si ex asse demas sextantem, (id est, duas vncias manebunt decem vncia: similiter ex vndecim, Deunx, quia dempta vncia ex asse, reliquæ sunt vndecim vncia. Posteriori casu tot sunt partes hereditatis, quot testator voluit. veluti si vnum heredē scripserit ex sex vnciis, vel cū duos heredes faceret singulos instituerit ex tribus vnciis, vel, cū tres heredes scriberet singulis binis vncias attribuerit: certē tot eius hereditas sex vnciis constabit. Quin etiam si vnum heredem ex semisse instituerit, hic fiet heres ex asse: quia nemopotest nisi sit miles, pro parte testatus, pro parte intestatus decedere d. §. hereditas vers. non autem. & ff. de diu. reg. iur. l. 7. quamuis ex post facto possit contingere, vt eius testamentum pro parte confirmetur, pro parte rescindatur, vt per inofficiosi querelam ff. de inoff. testam. l. nam est i. §. ult.

In quinta parte Imperator docet, quæ portiones singulis heredibus tribuantur, vbi decidit octo casus. I. Casu, testator plures heredes instituit, & singulis partes assignauit. Hoc casu hereditas præcisè inter heredes diuiditur secundū testatoris voluntatem siue sint partes æquales, veluti, Titius ex triente, & Mauius ex triente, Gaius ex triente heredes sunt: siue inæquales veluti, Titius ex semisse heres esto, Mauius ex triente heres esto, Gaius ex sextante heres esto, nam ex superiori institutione quilibet accipiebat quatuor vncias: ex hac verò Titius sex vncias consequitur, Mauius quatuor, Gaius duas. §. si plures, in princ. I I. Casu, plures heredes scripti sunt simpliciter, non nominatis partibus: veluti Titius Mauius, & Sempronius heredes sunt. Hoc casu inquit Imp. eos fieri heredes ex æquis partibus: quia non sunt partes inæquales, nisi testator id exprefferit. d. §. si plures: vers. scilicet. I I I. Casu, testator quibusdam heredibus certas partes assignauit, nec testamentorum assen inter eos diuisit, & alium, vel alios sine partitionum designatione heredes scripsit: veluti, Titius ex semissa heres esto: Seius ex triente heres esto: Mauius heres esto. Hoc casu

casu inquit Imp. eum, qui sine parte heres scriptus est, id obtinere, quod assidue est. *vers. partibus autem*. id est, quod in diuisione hereditatis à testatore facta omissum est: vt in dicto casu Mæuius obtineat sextantem; quia Titio datus est semis, Seio triens, quæ duæ partes conficiunt 10. vncias: ergo reliquæ duæ vnciae, quæ faciunt sextantem, & attribuantur Mæuiio sine parte heredi scripto IV. Casu similiter testator quosdam ex certis partibus heredes instituit. & aliū, vel alios sine partibus. sed hic casus à præcedente differt: quia in superiori casu testator non distribuerat totum assem, vt in exemplo à me allato tantum distribuerat 10 vncias: hoc autem in casu vniuersum assem inter aliquos heredes distribuit, & alium, vel alios heredes sine partibus adiecit: veluti, *Titius ex semis heres esto: Mæuius ex triente heres esto: Seius ex sextante heres esto: Sempronius heres esto.* Hoc casu Imp. diuidit hereditatem in duas partes æquales: ac dimidiam tribuit iis heredibus, qui ex certis partibus instituti sunt, alteram verò dimidiam illi, vel illis concedit, qui sine partibus instituti sunt. *¶ si plures vniuersi* vt in dicto exemplo, Sempronius obtinet dimidiam partem hereditatis: altera dimidia diuiditur inter reliquos heredes, seruata scilicet proportione à testatore inter eos statuta, quæ quidem facile seruabitur, si secundum doctrinam §. 6. *si plures, infr. hoc tit.* constituamus hereditatem ex 24 vnciis. sic enim Titius consequetur sex vncias, Mæuius quatuor, Seius duas, Sempronius reliquas duodecim.

§. 7.

V. Casu, testator aliquot heredes scripsit ex certis partibus, nec distribuit totum assem, nec adiecit heredes aliquos sine partibus: adeo vt aliqua pars hereditatis vacet, quæ nulli heredi à testatore tributa est. Hoc casu inquit Imperator in §. videamus, vacantem partem tacite singulis heredibus pro hereditaria parte accrescere. Rectè ait *tac id*; quia testator hoc non expressit. Rectè ait *pro hereditaria parte*: quia non accrescit æqualiter nisi ex partibus æqualibus instituti sint, sed accrescit pro rata portione. verbi gratia, testamentum est, *Titius, Seius, Mæuius, singuli ex quarta parte heredes sunt*: vel, *ex quadrante heredes sunt*. hoc casu superest quadrans: qui singulis accrescit: & quia sunt instituti ex partibus æqualibus, accrescit æqualiter. quoniam igitur quadrans tribus vnciis constat, singulis heredibus vna vncia accrescit: adeo vt singuli consequantur trientem, qui ex quadrante instituti fuerant: habent enim tres vncias ex verbis te-

statoris expressis, & vnciam vnam iure accrescendi : ita fit triens, id est, quatuor vnciæ. Rursus testamentū esto, *Titius ex triente heres esto, Mævius ex sextante heres esto.* hoc casu cum Titius accipiat quatuor vncias, Mævius duas vncias: super sunt vnciæ sex, quæ Mævio & Titio accrescunt pro partibus hereditariis. nam Titio heredi instituto ex quatuor vnciis, accrescunt quatuor vnciæ: & Mævio instituto ex duabus vnciis, accrescunt totidem, id est, duæ vnciæ. ita fit, ut Titius bessim, Mævius trientem obtineat. Notandum esse magnam differentiam inter vncias, & partes, quas vulgò vocant aliquotas. nam testator hereditatem suam diuidit in quot vncias voluerit: adeò ut tot sint vnciæ in hereditate, quot testator velit. *supr. hoc tit. §. hered. vers. non autem.* sed per rerum naturam fieri nequit, ut mutetur numerus partium, quæ appellatur aliquotæ. verbigratiâ, non possunt esse in hereditate quatuor tertiæ, vel quinque quartæ, vel tres semissēs, vel solum tres quadrantes, vel solum duo trientes. Itaque si testator vnum ex quatuor, alterum ex duabus vnciis heredes scripserit, hereditas sex vnciis constabit, nec est opus altiori indagine. si verò testator dixit, *Primus ex triente, Secundus ex sextante heredes sunt:* non possumus dicere trientem & sextantem, seu (quod idem valet) tertiam & sextam partes constituere totam hereditatem : proinde necesse est confugere ad ius accrescendi suprâ expositum. VI. Casu, plures heredes scripti sunt, quàm sint partes hereditatis, ex quibus sunt instituti. Hoc casu, inquit Imp. singulis portionem tacitè decretere. sub pro parte hereditariâ, *d. §. videamus. vers. & ex diuerso.* nam hic casus est præcedenti oppositus. Finge testamentum tale esse, *Primus Secundus, Tertius, & Quartus ex tertiis partibus heredes sunt.* hoc casu testator distribuit quatuor tertias. necesse igitur est vnam tertiam decretere, id est quatuor vncias, vnde cum quatuor sint scripti heredes ex æqualibus partibus: dicendum est singulis vnciam vnam decretere: & cum sint instituti singuli ex triente, qui continet quatuor vncias, tantum obtinebunt quadrantem, id est, tres vncias. Quòd si heredes ponuntur scripti ex partibus inæqualibus, etiam inæqualiter singulis decrecet ut putâ si testamentum tale sit, *Primus ex dextante, Secundus ex besse, Tertius ex semisse heredes sunt* hoc quoque casu sunt plures portiones, quàm heredes proinde oportet singulorum heredum partem diminui pro rata portione. Primò igitur detrahetur quincunx : secundò

secundò triens; tertio quadrans, id est, singulis adimitur dimidia pars suæ portionis: sic sit, ut primus, qui erat institutus ex dextante, consequatur quincuncem: secundus institutus ex besse, obtineat trientem: tertius institutus ex semisse, accipiat quadrantem. nam quincūx est dimidia pars dextantis: triens est dimidia pars bessis: quadrans est dimidia pars semissis.

VII. Casu, testator plures vncias, quàm duodecim distribuit, & aliquem, vel aliquos sine partium designatione heredes fecit. Hoc casu inquit Imp. hunc, vel hos sine partibus heredes scriptos, id accipere, quod deest dupondio, §. *et si plures*, id est, quod fuit à testatore omissum in diuisione dupondij cum enim testator assen excedit intelligitur transire ad dupondium, qui constat duobus assibus id est, 4 vnciis. Exempli causâ, testamentum sit ita conceptum. *Titius ex octo vnciis, Seius ex quatuor vnciis, Ma. u. ex tribus vnciis heredes sunt, Sempronius heres esto* hoc casu, quia testator Titio, Seio, & Mauiio distribuit quindecim vncias, Sempronius obtinebit reliquas nouem vncias: quia vncia quindecim & nouem faciunt dupondium. VIII. Casu, testator excessit dupondium & quemdam: vel quosdam sine partibus heredes scripsit, inquit Imp. in d. §. *et si plures. vers. idemque*. transire fieri ad tripondium, qui constat ex tribus assibus, id est, ex vnciis sex & triginta: adeò ut qui sine partibus heredes scripti sūt, id consequantur, quod deest tripondio: quemadmodum in præcedenti casu id accipiebant, quod deerat dupondio. Simili ratione, si testator excesserit tripondium, & quosdam sine partibus heredes scripserit, eis tribuimus, quod deest quadripondio. itidémque à quadripondio transibimus ad quinquepondium, & ita deinceps. conficimus enim quod ipondium ex quatuor assibus, id est, ex vnciis octo & quadraginta: quinquepondium ex quinque assibus, id est, ex vnciis sexaginta & ita deinceps. Notat Imp. in f. d. §. *et si plures*, has omnes partes, id est, partes dupondij, vel tripondij heredibus assignatas, reuocari ad assen constantem ex xij. vnciis, quamuis dupondius & tripondius contineant plures vncias. omnis enim diuisio hereditatis potest reuocari ad assen, seruata scilicet proportionem. ut putà eadem hereditatis portio est, siue quis ex alle accipiat quatuor vncias, siue ex dupondio octo, siue ex tripondio duodecim, temper enim consequitur tertiam partem hereditatis.

§.9.

In quinta parte Imp. declarat. quibus modis institutiones heredum fieri possint. cum enim egerit in prima & secunda tituli parte de personis heredum, in tertia verò, & quarta de re, id est, de hereditate: consequenter agit de ipsa testatoris voluntate, qua res illa dictis personis tribuitur. In hac parte dat Imp. quinque regulas. I. Heres institui potest tam purè, veluti, *Titius heres esto*, quàm sub conditione, veluti, *Si navis ex Asia venerit, Titius heres esto*, §. *heres & purè*. Intellige conditionem possibilem. nam si heredis institutioni adscribatur impossibilis conditio, quoniam hæc conditio pro non scripta habetur. *infr. eod. §. in possibilis* institutio nihilominus pura erit. II. Dies institutioni heredis adiectus, pro non scripto habetur: quia heres nec ex certo tempore, veluti, *ex Kalendis illis* nec ad certum tempus, veluti, *usque ad Kalendas illas*, fieri potest; sed non obstante diei adiectione, fit heres statim, & in perpetuum.

Nota primò, hanc regulam esse de die certo, non de die incerto, veluti, *cum navis ex Asia venerit*: nam dies incertus non habetur pro non scripto, sed eius euentus expectatur, perinde atque conditionis, propterea quòd dies incertus conditionem facit. *ff. de cond. & demonstr. l. dies 75.*

Nota secundò, quemadmodum nemo potest decedere pro parte rei testatus, pro parte intestatus. *si præ hoc tit. §. hereditas, vers. neque enim, & ff. de diuer. regul. iur. l. 7* ita etiam non posse decedere pro parte temporis testatum, pro parte intestatum: proinde non posse instituere heredem ex die, veluti, *Kalendis illis heres esto*; aut ad diem, veluti, *usque ad Kalendas illas heres esto*. Hæc autem ratio nec institutioni conditionali officit; quia conditio, quando cumque existat, retròtrahitur ad tempus mortis testatoris *ff. de hered. instit. l. potest 56*. nec testamento militis, qui ex speciali privilegio, sicut pro parte rerum testari potest. *id. §. hereditas, vers. neque enim*. ita etiam pro parte temporis. *ff. de testament. milit. l. miles ita 41. in pr.*

§.10.

III. Impossibilis conditio ultimæ voluntati adiecta, pro non scripta habetur: ita ut non vitiet ultimam voluntatem, sed vitietur §. *impossibilis*. Exempli causa, *Titius si cælum digito tetigerit, heres esto*. ex hac institutione Titius statim ad hereditatem vocatur, quasi purè & simpliciter scriptus heres: hoc autem fit favore ultimæ voluntatis. unde obtrinet etiã in legatis & fideicommissis, & libertatibus, quæ in testamen-

to, vel codicillis relicta sunt. sed alia est ratio contractuum, qui per impossibilem conditionem adiectam vitiantur: ut puta, hæc stipulatio est inutilis, *si cælum digito tetigero, decem dabis.* infra de inutil. stipul. §. si impossibilis. Item quod dictum est de conditione impossibili, obtinet etiam in conditione, quæ est contra ius, vel bonos mores: veluti, *si adulterium commiserit, vel, si nudus in foro saltauerit, heres esto.* ff. de cond. inst. l. conditiones quæ 9. l. conditiones contra 14. & l. sequent. non item in conditione perplexa, quæ cum ex duabus possibilibus constet, ob earum coniunctionem & mutuam impedimentum impleri nequit, veluti, *Si Titius heres erit Seius heres esto. Si Seius heres erit, Titius heres esto.* nam eiusmodi institutiones sunt inutiles. ff. eod. l. si Titius 16.

§. II.

IV. Si plures institutiones coniunctim adscriptæ sint, veluti, *Si naus ex Asia venerit, aut Titius consul fuerit, Mauius heres esto:* Mauius nihil prodest, quod una conditio sit impleta: quia non potest fieri heres, nisi utraque conditio extiterit. §. si plures conditiones. V. Si plures conditiones disiunctim, siue alternatè heredis institutioni adiectæ sint, veluti, *Si naus ex Asia venerit, aut Titius consul fuerit, Mauius heres esto:* sufficit alteram conditionem impleri, ut Mauius hereditatem adire possit. d. §. si plures conditiones.

§. ult.

In sexta parte, quæ est in §. ult. docet Imper. non obesse institutioni, quod heredes testatori sint ignoti: cum fieri possit, ut etiã qui nobis sanguine iuncti sunt, nobis sint ignoti: veluti si frater noster peregrè degat, atque in remota regione liberos suscipiat. Quod ait Imper. *peregrinantes*, Cuiacius non elegantè emendat *peregrinatos*. Si quis tamen minus à recepta lectione recedere velit, fortasse non malè leget *peregrinatis* ut hoc verbum referatur ad fratrem, non ad filios fratris. nam paret aliquis peregrinetur, facile potest nobis esse notus: sed liberi ex eo peregrè suscepti, nobis solent esse ignoti.

A X I O M A T A.

- 1 Id quoque nostrum est, in quo alius habet vsumfructum.
in princ. coniun. l. rectè dicimus 25. ff. de verb. sign.
- 2 Sublato antecedente tollitur consequens. *ibid. versic. est tamen.*
- 3 Id in quo vsumfructum habemus alienum est, dicto vers.
est tamen.

R 5

4 Necessa

- 4^o Necessarius heres non fit, nisi ex eodem testamento libertatem & hereditatem accipiat. §. 1.
- 5^o In quæssione cui acquiratur hereditas, spectatur tempus aditionis, eod. §.
- 6^o Cum hereditariis seruis est testamenti factio. §. 2.
- 7^o Iacens hereditas repræsentat personam defuncti, d. §. 2. coniu. pr. tit. infr. de stip. seruor.
- 8^o Qui est in vtero, pro iam nato habetur. d. §. 2. coniu. l. 7. & l. pen. ff. de statu homin.
- 9^o Plurium seruis singulis dominis acquirit pro domini portionem. §. 1. coniu. §. vl. infr. de stip. seruor.
- 10^o Tot vnciæ assen efficiunt, quot testator vult. §. 5.
- 11^o Paganus pro parte testatus, pro parte intestatus decedere ei non potest. d. §. 5. ver. neque enim
- 12^o Militis sola voluntas in testando spectatur. eod. ver. s.
- 13^o Dies institutioni heredis adiectus, pro non scripto habetur. §. 9.
- 14^o Impossibilis conditio in vltimis voluntatibus pro non scripta habetur. §. 10.
- 15^o Si plures conditiones coniunctim conceptæ sint, omnium euentus expectatur: si disiunctim, vnâ impleri sufficit. §. 11.
- 16^o Ignorantia testatoris inutilem institutionem non facit. §. ultim.

De vulgari substitutione.

TIT. XV.

POtest autem quis in testamento suo plures gradus heredum facere: vt puta, *Si ille heres non erit, ille heres esto*: & deinceps, in quantum velit testator: vt nouissimo loco in subsidium vel seruum necessarium heredem instituere [possit.]

1^o § Et plures in vnius locum possunt substitui, vel vnus in plurium, vel singuli in singulorum, vel inuicem ipsi, qui heredes instituti sunt,

2^o § Et

2 ¶ Et si ex disparibus partibus heredes scriptos invicem substituerit, & nullam mentionem in substitutione partium habuerit: eas videtur in substitutione partes dedisse, quas in institutione expressit: & ita diuus Pius rescripsit.

3 ¶ Sed si instituto heredi, coherede substituto dato, alius ei substitutus fuerit: diui Severus & Antoninus sine distinctione rescripserunt, ad utramque partem substitutum admitti.

4 ¶ Si servum alienum quis patremfamilias arbitratus, heredem scripserit: & si heres non esset, Mæuium ei substituerit: isque servus iussu domini adierit hereditatem: [Mæuius] substitutus in partem admittitur. Illa enim verba, *si heres non erit*, in eo quidem quem alieno iuri subiectum esse testator scit, sic accipiuntur: si neque ipse heres erit, neque alium heredem effecerit. in eo vero, quem patremfamilias esse arbitratur, illud significant: si hereditatem sibi, vel ei, cuius iuri postea subiectus esse cœperit, non adquisierit. Idque Tiberius Cæsar in persona Parthenij servi sui constituit.

Institutionum duo sunt genera, nempe institutio specialiter & propriè dicta, & substitutio. specialis institutio est, quæ fit in primo gradu: substitutio autem, quæ fit in secundo, vel ulteriori gradu. nam testator quoscunque gradus heredum vult, in suo testamento facere potest, ut inquit Imp. in pr. huius tit. Idcirco substitutio vocatur secundi heredis institutio. ff. de vulg. & pupill. substit. l. ex facto 43. §. Lucius secundum heredem, intellige, siue secundo, siue tertio, siue ulteriori gradu sit institutus: ut enim secundarum nuptiarum appellatione significamus omnes nuptias, quæ post primas contrahuntur: ita secundi heredis, vel secundi gradus appellatione omnes heredes & omnes gradus post primum completimur. Porro in gradibus distinguendis non spectatur ordo scripturæ,

Scripturæ, sed successionis; nam siue testamentum ita concipiatur, *Titius heres esto: si Titius heres non erit, Manius heres esto* Siue ita, *si Titius heres non erit, Manius heres esto: Titius heres esto*: utroque casu Titius est heres institutus in primo gradu, Manius in secundo: quamuis in priori casu Titius primo, Manius secundo loco hæredes scripti sint. in secundo autem casu loca sint inuerfa, quia primo loco scriptus est Manius, postea Titius. ff. de hered. instit. l. si ita quis institutus 28. & de vulg. & pupill. 2. §. sed & si quis, & §. sequent. Substitutionis quatuor sunt species: vulgaris, pupillaris, quasi pupillaris, quam Doct. exemplarem vocant, & militaris. nam fideicommissaria minùs propriè dicitur substitutio, vt notabo in fin. tit. sequent. Vulgaris dicitur; quia vulgò quilibet testator cuiuslibet heredi substituere potest: pupillaris; quia fit pupillis quasi pupillaris, quia fit quasi pupillis, id est, furiosis, aut mente captis: militaris; quia fit à testatore milite, & sustinetur ex militari priuilegio: Vulgaris fit in primum casum, id est, si primus heres non erit: reliquæ in secundum casum, id est, si primus heres decesserit. Casus est euentus, in quem substitutio confertur, ac sunt duo tantùm generales casus, quos modò retuli: videlicet, si heres non erit, & si decesserit. Sed secundus casus subdividitur in tres: nimirum, si in ætate pupillari decesserit: si in furore, seu mente captis decesserit, & quandoque decesserit, id est, si quouis tempore post pubertatem sanæ mentis decesserit Itaque pupillaris substitutio est quæ confertur in eum casum, si primus in ætate pupillari decesserit, vel (quod idem valet si prius moriatur quàm in suam tutelam venerit) Quasi pupillaris est, si in furore decesserit: vel, si prius moriatur, quàm mentis compos factus sit. Militaris est, quæ excedit pupillarem ætatem heredis sanæ mente præditi: veluti, quandoque decesserit: aut, si prius decesserit, quàm ad legitimam ætatem peruenerit.

Princ.

Hoc tit. Imper. agit de vulgari substitutione: ac primò in princ. tit. docet, quot gradus heredum fieri possint. vnde colligitur prima diuisio substitutionis vulgaris: quia vel fit secundo vel tertio, vel vltiori gradu. At Imperator, nouissimo loco, (id est, vltimo gradu) posse institui, (id est, substitui,) seruum ipsius testatoris, tanquam hereditatem necessariam: quia seruus domino suo fit heres necessarius. ff. de her. d. qual. §. 1. videlicet si ex eodem testamento libertatem & hereditatem acci

accipiat. *suprà tit. prox. §. 1.* Sed cur ait, *nonissimo loco*? An quia (vt Accurs. putat) frustra ei substitueretur, cum sit heres necessarius. Non puto hoc verum; quid enim, si seruus viuo testatore post testamentum ab eo factum, moriatur? certe substituto locus erit, non quia seruus nolit, sed quia non potest esse heres quid si scribatur heres sub conditione, *si volet*? certe non est heres necessarius, sed voluntarius. *ff. de condit. instit. l. verba. 12.* Et similiter, cum ei à domino substituitur, puto eum esse heredem voluntarium, & posse repudiare hereditatem arg. *l. si filius heres 16. ff. de lib. & post. l. si is qui soluendo. 57. ff. de acce. l. instit.* Ergo Imperator ideo ait *nonissimo loco*, quia expressè loquitur de seruo herede necessario, quem testator in defectum aliorum heredum substituit: non esset enim necessarius, nisi ultimo gradu heres scriptus esset.

§. 1.

Secundò in §. 1. assert alteram vulgari substitutionis diuisionem: quia vel substituantur plures vni, veluti, *Si Titus heres non erit, Seius & Manius heredes sunt*: vel vnus pluribus, veluti, *Si Titius & Manius heredes non erunt, Caius heres esto*: vel singuli singulis, veluti, *Si Titius heres non erit, Manius heres esto*: *si Seius heres non erit, Sempronius heres esto*: vel ipsi hæredes instituti substituantur sibi inuicem, veluti, *Titius, & Manius heredes sunt*: *si Titius heres non erit, Manius heres esto*: *si Manius heres non erit, Titius heres esto*.

§. 2.

Tertiò docet quæ portio hereditatis ad substitutum, vel ad singulos substitutos pertineat qua in parte tres casus decedit I. Casus est, cum testator plures heredes ex certis inæqualibus partibus instituit: deinde eos, nõ designatis in substitutione partibus, inuicem substituit: veluti, *Primus ex semisse, Secundus ex triente, tertius ex sextante heredes sunt*: *si quis eorum heres non erit, reliqui heredes sunt*. Hoc casu credere aliquis posset, tacitè in substitutione partes æquales datas videri, arg. §. *si plures, in princ. suprà tit. prox.* Contrarium tamen Imp. responder: quia partes in institutione expressæ, censentur tacitè in substitutione repetitæ vt in d. exemplo, si primus repudiet hereditatem, portio eius. Secundo & Tertio debetur iure substitutionis, non pro partibus æqualibus: sed quia Secundus ex triente, Tertius ex sextante heredes scripti fuerunt, idcirco etiam portio Primi inter Secundum & Tertium pro triente & sextante diuiditur: adeò vt Secundus consequatur bessem, videlicet quatuor vncias iure institutionis, ac totidem iure substitutionis:

Tertius

Tertius autem accipiat trientem hoc est, duas uncias iure institutionis, & alteras duas vi substitutionis. §. *Et si ex diffaribus.* C. de impub. & al. sub. l. 1.

Nota primò, hanc decisionem tum demum obtinere, cum testator sub appellatione heredum eos substituit. nã si propriis nominibus substitutos designasset, veluti, *Si Primus heres non erit, Secundus & Tertius heredes sunt*: partes æquales in substitutione data. Secundò & Tertio intelligerentur, arg. l. si heredes. 124. ff. de legat. 1. & l. nonnunquam 24. ff. ad senatusconf. Trebell.

Nota secúdo, cum Imperator ait eas partes in substitutione datas videri, quæ in institutione expressæ fuerunt, nõ esse hoc accipiendum de institutione eius cui testator substituit, ut Theophilus malè interpretatur, sed eius, quem substituit: ut senius sit, quam partem quisque accipit ex institutione, eandem accipiet ex substitutione. ff. hoc tit. l. 5. & l. si plures 24.

§. 3.

II. Calus deciditur in §. *sed si instituto*. Testator duos heredes scripsit in primo gradu, Titium & Mæuium: ac Titio Mæuium substituit: item Mæuius Sempronium substituit, veluti, *Titius & Mæuius heredes sunt: si Titius heres non erit, Mæuius heres esto: si Mæuius heres non erit, Sempronius heres esto*. finge nec Titium nec Mæuium heredes esse, sed utrumque repudiare hereditatem, quæritur vtrum Sempronius, qui fuit Mæuius substitutus, accipiat solam partem Mæuij iure substitutionis, an etiam partem Titij. prima fronte videtur substitutus soli Mæuius. Imp. tamen respondet, hoc casu non esse distinguendum inter partem Titij & partem Mæuij, sed ad utramque Sempronium iure substitutionis admitti: quia cum Mæuius sit substitutus Titio, & Sempronius Mæuius, consequenter Sempronius est substitutus etiam Titio. Et hoc est, quod Imp. ait, *sine distinctione*. supposito enim casu quem exposui, non est distinguendum inter dictas partes Titianam, & Mæuiam. Quanquam si testamentum, quod in contextu proponitur, generaliter consideretur, tres casus sunt distinguendi. aut enim solus Titius, aut solus Mæuius, aut neuter adit hereditatem. Primo casu, Sempronius nihil accipit: secundo casu solam Mæuij partem obtinet: tertio: casu, qui solus in contextu deciditur, utramque partem consequitur, tam Titij, quam Mæuij, quia reuera utrique est substitutus. sicut enim heres mei heredis dicitur esse meus heres

heres. ff. de verb. sign. l. heres. 65. & C. de her. inst. l. ult. vers. sed si quidem. ita etiam substitutus meo substituto est mihi substitutus. Non obstat l. qui habebat 47. ff. de vulg. & pupill. ubi pupilli aiter substituti sunt. Primò Secunda, Secunda, Tertia & Quarta. Primi autem hereditatem Secunda ad Tertiam & quartam non transmittit, propterea quòd viuo Primo decessit. nam si Primo pupillo superstes fuisset, deinde in aetate pupillari decessisset, procul dubio tã primi, quam Secunda hereditas ad Tertiam & Quartam peruenisset. Hæc decisio potissimum suam utilitatem ostendit, ubi sunt plures heredes. nam in dicto exemplo necesse est vniuersam hereditatem pertinere ad Sempronium, etiamsi substitutus esset soli Mæuius, non etiam Titio: quandoquidem portio Titij ei accresceret, ne defunctus videretur pro parte testatus, pro parte intestatus decessisse. Sed finge tres esse heredes in primo gradu, Titium, Mæuium, Caium: & Titio substitui Mæuium, Mæuius Sempronium: deinde Titium & Mæuium repudiare hereditatem. certum est partem Mæuij pertinere ad Sempronium: sed de parte Titij dubitari potest, ad Caium ne pertineat iure accrescendi, an ad Sempronium iure substitutionis. sanè si Sempronius non sit Titio substitutus portio Titij spectabit ad Caium. sed quia diximus, Sempronium non solum in partem Mæuij, sed etiam in partem Titij esse substitutum: consequens est vt ex portione Titij Caius nihil accipiat: cum certi iuris sit substitutionem, quæ est expressa testatoris voluntas, præferri iuri accrescendi, quod venit ex tacita & præsumpta voluntate.

III. Casus deciditur in §. ult. Testator seruum meum, quem putabat esse hominẽ liberum, quia pro libero se gerebat, heredẽ scripsit: eique vulgariter (id est, si heres nõ esset) Mæuium substituit; mortuo testatore, cum appareat heredem institutum, esse meum seruum, oritur quaestio inter me & Mæuium substitutum. ego namque assero hereditatẽ per seruum meum iussu meo adeuntem mihi acquiri, secundum doctrinam supra traditam, per quas personas nobis acqu. §. item nobis. versic sed si heres. & supra tit. prox. §. 1. Mæuius autem substitutus contendit seruum meum non posse esse heredem: quia non potest sibi hereditatem acquirere secundum testatoris intentionem, qui, cum putaret eũ esse liberum, nõ potuit habere hũc animũ, vt heres scriptus mihi hereditatẽ acquire

acquireret, sed potius sibi ipsi Imper. hanc quæstionem decidens, partem hereditatis Mæuius tribuit. Ne intelligas partem dimidiam, ut quidam interpretantur; sed quadrantem: quia Iuriscons. in l. paterfam. 40. ff. de hered. instit. (unde hæc decisio sumpta est) hereditatem diuidit in duos semisses, & alterum semissem mihi heredis instituti domino tribuit, alterum inter me & Mæuium æqualiter diuidit. Huic interpretationi fauet ratio, quæ subiicitur in contextu: quia illa verba *si heres non erit*, etiamsi referantur ad hominem liberum, tamen ita accipiuntur ut homo ille liber possit hereditatem alteri acquirere, & ita substitutum non excludere, si fortè, antequam adeat alterius potestati subiiciatur. quamuis enim voluntas testatoris dubia sit: tamen ratio facit, ut magis inclinemus in eam partem, quæ institutio fauere deòque Iurisconsultus in d. l. si paterfam. & Imperator hic tantum in eo laborant, ut ostendant esse aliquam dubitationem contra institutum, adeò ut pars aliqua non immeritò tribuatur substituto. Nā prima facie videtur substitutionis cōditio omnino derelicta: qui substitutus est sub conditione, si primus heres non esset, id est neque se, neque dominum heredem fecisset: sic enim verba substitutionis seruo factæ accipi constat: atqui iussu meo adeundo me heredem fecit: ergo substitutus est conditione defectus, consequenter repellendus. Respondet Imperator in vers. *illa enim verba*, hanc obiectionem & interpretationem procedere in herede instituto, quem testator sciebat esse seruū: sed in casu proposito habebat eum pro libero: ergo dicta argumentatio non valet. Replicare aliquis potest, etiam eum, quem testator putat esse paterfamilias, si adeundo vel se, vel alium heredem faciat, excludere substitutum. Respondet Imper. in vers. *in eo verò*, hoc esse verum, si heres institutus postea dominio alterius subiiciatur, eique acquirat, non item ut ei acquirens qui tempore testamenti dominus est sicut in casu nostro contingit. substitutum excludat, quia voluntas testatoris substitutum excludentis si hereditas per heredem institutum domino acquiratur, non potest referri ad eum qui tempore testamenti erat dominus heredis instituti, cum hoc tempore testator putaret eum esse liberum. Quare concludendum est, voluntatem testatoris dubitatione non carere, idèoque dominum heredis instituti non grauare ferre debere, ut pars hereditatis substituto concedatur. Ergo rationes firmiores sunt pro me, quam pro Mæuius: quia tamen

res dubitatione non caret, sed subobscura est testatoris voluntas, ideo particula aliqua hereditatis tribuitur substituto.

A X I O M A T A.

- 1 Quotcumque gradus heredum velit testator facere potest. *in princ.*
- 2 Pars data in institutione, censetur tacitè repetita in substitutione. §. 2.
- 3 Substitutus substituto, est etiam substitutus primo instituto. §. 3.
- 4 Heres fieri dicitur etiam is, qui alteri acquirit hereditatem. §. ult. quamvis alio sensu dici possit eum heredem non fieri, quatenus sibi non acquirit. *suprà tit. prox. §. servus autem à domino, vers. nam ipse alienatus, & ff. de acq. hered. l. placet 79.*

De pupillaris substitutione.

T I T. XVI.

Liberis suis impuberibus, quos in potestate quis habet, non solum ita, ut supra diximus, substituere potest: id est, ut si heredes ei non extiterint, alius sit ei hæres: sed eo amplius ut si hæres ei extiterint, & adhuc impuberes mortui fuerint, sit eis aliquis heres: veluti si quis dicat hoc modo, *Titius filius meus heres mihi esto. Et si filius meus heres mihi non erit: sine heres erit, & prius moriatur, quam in suam tutelam venerit; tunc Seius heres esto.* quo casu, siquidem non extiterit heres filius: tunc substitutus patri fit heres: si vero extiterit heres filius, & ante pubertatem decesserit:

S ipse

ipsi filio sit heres substitutus. nam moribus institutum est, ut quum eius ætatis filij sint, in qua ipsi sibi testamentum facere non possunt: parentes eis faciant.

1 § Qua ratione excitati, etiam constitutionem posuimus, in nostro Codice, qua prospectum est, ut si qui mente captos habeant, filios, vel nepotes, vel pronepotes cuiuscunque sexus vel gradus: liceat eis, etsi puberes sint, ad exemplum pupillaris substitutionis, certas personas substituere. sin autem resipuerint, eandem substitutionem infirmari. & ad hoc exemplum pupillaris substitutionis, quæ postquam pupillus adoleuerit, infirmatur.

2 § Igitur in pupillari substitutione secundum præfatum modum ordinata, duo quodammodo sunt testamenta: alterum patris, alterum filij, tanquam si ipse filius sibi heredem instituisset: aut certè vnum testamentum est duarum causarum, id est, duarum hereditatum.

3 § Sin autem quis ita formidolosus sit, ut timeat, ne filius suus pupillus adhuc, ex eo, quod palam substitutum acceperit, post obitum eius periculo insidiarum subiaceat: vulgarem quidem substitutionem palam facere, & in primis testamenti partibus [ordinare] debet: illam autem substitutionem per quam si heres exstiterit pupillus, & intra pubertatem decesserit, substitutus vocatur: separatim in inferioribus partibus scribere, eamque perrem proprio lino, propriaque cera consignare: & in priorē parte testamenti cauere, ne inferiores tabule viuo filio & adhuc impubere aperiantur. Illud palam est, non ideo minus valere substitutionem impuberis filij, quod in eisdem tabulis scripta sit quibus sibi quisque heredem instituisset, quamvis pupillo

pillo hoc periculosum sit.

4 ¶ Non solum autem heredibus institutis impuberibus liberis ita substituere parentes possunt, ut si heredes eis exstiterint, & ante pubertatem mortui fuerint, sit eis heres is, quem ipsi voluerint: sed etiam exheredatis. Itaque eo casu si quid [exheredato] pupillo ex hereditatibus, legatilis, aut donationibus propinquorum atque amicorum adquisitum fuerit: id omne ad substitutum pertinebit. Quæcumque diximus de substitutione impuberum liberorum, vel heredum institutorum, vel exheredatorum, eadem etiam de posthumis intelligimus.

5 ¶ Liberis autem suis testamentum nemo facere potest, nisi & sibi faciat. nam pupillare testamentum, pars & sequela est paterni testamenti: adeo, ut si patris testamentum non valeat, nec filij quidem valebit.

6 ¶ Vel singulis liberis, vel ei, qui eorum novissimus impubes morietur, substitui potest. singulis quidem, si neminem eorum intestatum decedere voluerit: novissimo, si ius legitimarum hereditatum integrum inter eos custodiri velit.

7 ¶ Substituitur autem impuberi aut nominatim, veluti *Titius*; aut generaliter, ut *quisquis mihi heres erit*. Quibus verbis vocantur ex substitutione, impubere mortuo filio, illi, qui & scripti sunt heredes, & exstiterunt, & pro qua parte heredes facti sunt.

8 ¶ Masculo igitur usque ad quatuordecim annos substitui potest: feminae usque ad duodecim annos: & si hoc tempus excesserint, substitutio evanescit.

9 ¶ Extraneo vero, vel filio puberi heredi instituto

stituto, ita substituere nemo potest, ut si heres exstiterit, & intra aliquod tempus decesserit, alius ei sit heres; sed hoc solum permissum est, ut eum per fideicommissum testator obliget alij hereditatem eius vel totam, vel pro parte restituere. Quod ius quale sit, suo loco trademus.

Hoc tit. agitur de pupillari, & obiter de quasi pupillari substitutione: quia sunt inter se similes. utraque enim fit liberis: utraque fit in secundum casum: ac pupillus, cui substituitur pupillariter, & furiosus, cui substituitur quasi pupillariter, æquiparantur, *infra de inutil. stipul. §. pupillus*, quia parum interest, utrum quis ætate, an moribus puer sit *ἐπεὶ εὐδὲν ἔσται τὴν ἡλικίαν, ἢ τὸ ἦθος νεανίας*, ut scribit Aristot. 1. *Eth. Nicom. cap. 2. partic. 9.* unde ad exemplum pupillaris substitutionis introducta est à Justin. quasi pupillaris *infra hoc tit. §. 1.* Sunt tamen inter has substitutiones multæ differentiæ. I. Is tantum substituit pupillariter, qui habet liberos in potestate: quasi pupillariter autem etiam is, qui non habet in potestate, ut mater. II. Pupillariter substituitur liberis impuberibus: quasi pupillariter, liberis furiosis, aut mente captis, quod si iidem sint impuberes, & mente capti, omissis aliorum sententiis, puto utroque modo eis substitui posse nam si eis substituatur sub hac conditione, *si in pupillari ætate decesserint*, sine dubio est substitutio pupillaris. si verò ita substituatur, *si in furore decesserint*, est substitutio quasi pupillaris, nec ratio vlla iuris afferri potest, cur non liceat utroque modo his liberis substituere. III. Qui vult quasi pupillariter substituere filio suo, legitimam portionem ei relinquere debet: quod de pupillari substitutione cautum non reperitur, sed simpliciter dicitur pupillis licet exheredatis substitui posse. IV. Pupillariter quemcumque substituere licet quasi pupillariter certas personas substituere oportet, nempe furiosi, vel mente capti liberos, aut his deficientibus, fratres, si extent. V. Pupillariter substituitur hoc modo, *si in pupillari ætate decesserit*: quasi pupillariter hoc modo, *si prius decesserit, quam mentis compos factus fuerit*. unde oritur. VI. Differentia, quod substitutio pupillaris finitur pubertate: quasi pupillaris finitur mentis sanitate. Hæ differentiæ colliguntur ex hoc tit. & ex l. *humanitatis*

manitatis 9. Cod. de impub. & aliis substit.

Nunc analysim huius tit. aggrediamur. Primò Imper. qua- Prim.
tuor species declarat, in quibus pupillariter substituitur.
I. Species est *in princ. tit.* cum pater in eisdem tabulis vna
consignatione obsignatis, filium impuberem, quem in pote-
state habet (supple morte ipsius testatoris futurum sui iuris,
nec recasurum in alterius potestatem. ff. de vulgar. & pupil.
subst. l. 1. in princ.) heredem instituit; eique tam vulgariter,
quàm pupillariter substituit. Huius testamenti effectus de-
claratur per distinctionem. nam si substitutus succedat ex
vulgari substitutione, fit heres patris, non pupilli si verò suc-
cedat ex pupillari, fit heres ipsius pupilli quia hæc substitu-
tio habetur pro testamento filij: ita ut pater dicatur testamen-
tum pro filio facere, eo quòd ipse filius per ætatem testari
nequit.

Hinc colliguntur duo corollaria. Primum corollarium S. 1.
est, quòd substitutioni pupillari similis est, & ad eius exem-
plum introducta substitutio quasi pupillaris, quæ exponi-
tur in §. 1. sed eam explicare antequam, proponens similitu-
dines & differentias inter eam & substitutionem pupillarem

Secundum corollarium est in §. igitur, quòd cum testator S. 1.
suprà dicto modo substituit, aut sunt quodammodo duo tes-
tamenta: alterum patris, ratione institutionis, & vulgaris sub-
stitutionis: alterum filij pupilli, ratione pupillaris substitu-
tionis, quam dicimus haberi pro testamento ipsius filij: aut
saltem vnum testamentum duarum hereditatum, paternæ
& pupillaris: quod quidem vero proprius est, quia si reue-
ra duo testamenta essent, solemnitates essent duplicandæ:
ut putà requirerentur 14. testes, cum tamen 7. sufficiant.
Idcirco autem Imperator sub disunctione loquens, rem sub
dubio relinquit: quia tabulæ pupillares modo habentur pro
testamento patris, modò pro testamento filij ff. de inoffic. tes-
tam. l. 1. Papinianus 8. §. sed nec impuberi. vbi igitur testa-
mentum filij dicitur, certè duo testamenta dicenda sunt:
vbi autem substitutio pupillaris dicitur esse testamen-
tum patris, consequenter dicendum est, vnum esse testamen-
tum duarum hereditatum. Tertium corollarium addi po-
test quia cum dictum sit substitutionem pupillarem haberi
pro testamento filij, quem testator in potestate habet,
certè opus est, ut hic filius morte testatoris fiat sui iuris, nec
recidat in alterius potestatem; alioquin substitutio pupilla-

ris diceretur esse testamentum filijfam. contra doctrinam traditam *suprà quibus non est permis. fac. testam. in princ.*

§. 3.

I I. Species est in §. *sin autem*, cum testator in prioribus tabulis institutionem & vulgarem substitutionem scribit, in posterioribus verò tabulis seorsū consignatis substitutionem pupillarem adiungit: vt prioribus tabulis post mortem testatoris apertis tabulæ pupillares clausæ mancant; ne quis scire possit, quis sit futurus pupillo heres; ne fortè spe hereditatis, vitæ pupilli insidias struat. Quod ait in hoc §. *Imper. proprio lino propriaque cera*, ne intelligas proprium testatoris, sed proprium secundarum tabularum substitutionem pupillarem continentium, quæ in hac specie seorsum à primis tabulis obsignantur, cum in superiori specie eodem lino & eadem cera, atque adeò vna consignatione totum testamentū obsignaretur, atque ita linum & cera & omnino signacula vtrique substitutioni communia essent. Et quod ait *lino*, debet tanquam exempli gratiā dictum accipi, nam leges tantum requirunt vt signacula testamentis apponantur; nec refert, vtrum lino, an charta traiecta id fiat.

§. 4.

I I I. Species est in §. *non solum*, cum substituitur liberis exheredatis. quamvis enim exheredatus non possit legato, vel fideicommissio onerari, si ei à testatore nihil relictum sit, *C. de fideicom. l. ab eo. 9.* tamen pupillariter ei substitui potest: quia substitutio pupillaris nihil oneris continet, sed est merus favor pupilli cuius testamentum esse censetur. IV. Species est in *vers. quacumque*. cum posthumo instituto, vel exheredato substituitur.

§. 5.

Secundò docet pupillarem substitutionē pendere à testamento paterno, ita vt sine eo non consistat. §. *liberis*. generalis enim regula iuris est, accessorium non consistere sine principali *ff. de diu. reg. iur. l. cum principalis. 178.* Quæri potest, si testamentum paternum pro parte rescissum sit, putà, per querelam inofficiosi, an substitutio pupillaris pro parte infirmetur. Respondeo, substitutionem in totū valere: quia sufficit pars testamenti paterni, vt substitutio pupillaris sustineatur. *ff. de inoff. test. l. Papinianus. 8. §. sed nec impuberis.* Rursus quæri potest, si testamentum euertatur tantum iure prætorio per bonorum possessionem contra tabulas, an substitutio pupillaris infirmetur. Respondeo, non infirmari: quoniam ad eam sustinendam sufficit, quòd testamentum paternum non infirmatur iure ciuili, *ff. de vulg. & pupil. subst. l. ex duobus. 34. §. ult.*

Tertiò

Tertiò ostendit substitui posse vel vni, vel pluribus liberis. Cum autem vni tantum nouissimè morituro substituitur, tunc aliis priùs morientibus, succedit ab intestato. §. *vel singulis*. Non obstat. l. Titia. 8. §. *etia. ff. de leg. 1.2* vbi testator, qui duobus libertis Vero & Sapido fundum reliquit, eumque alienari prohibuit, & eum, qui nouissimus morietur, fundum illum Symphoro & aliis quibusdam restituere rogauit, censetur eum, qui primus morietur, rogasse vt eundem fundum collegatario superstiti restitueret, proinde hunc illi substituit: nimirum quia hic non aliter totum fundum, secundum testatoris voluntatem, Symphoro ac cæteris restituere posset, quam si in portione primi morientis ei substitutus esset, quæ ratio speciei in nostro §. propositæ accommodari non potest, cum fratribus præmorientibus fratres superstites sine substitutione succedant ab intestato. Sed notandum, quòd ait Imp. integrum ius legitimarum hereditatum inter fratres impuberes custodiri, sumptum esse ex l. *vel singulis* 37. ff. *de vulg. & pupill* vbi Modestinus respicit ad sua tempora, quibus frater consanguineus fratri succedebat solus, exclusâ etiam matre. *infra de senatusc. Tertill.* §. *præterunt. vers. frater.* iure autem nouo mater cum fratre admittitur. *infra eod. §. sed cum antea & fratres præferuntur filiis fratrum. infra de legitima adgnat. success.* §. *hoc etiam, in fin.* Sed iure nouissimo non solum parentes vnâ cum fratribus succedunt. sed etiam filij fratrum prædefunctorum cum fratribus concurrunt, si parentes non extent *N u 118. n. 2.* immò etiam cum defuncti parentibus ac fratribus succedunt, ex *Nov. 127. c. 1.*

Quartò docet substitutum exprimi vel nominatim, veluti *Sifilius meus in atate pupillari decesse it, Titius heres esto:* vel generalibus verbis veluti, *Quisquis mihi heres erit, i. ex filio meo impuberi heres esto.* De qua substitutione his verbis facta, *quisquis mihi heres erit*, Iustin. duo norat in §. *substituitur* Vnum est duas condiciones requiri, vt aliquis ex hac substitutione admittatur ad pupilli hereditatem. Intellige duas condiciones huius casus proprias præter id, quod semper requiritur, vt filius testatoris in atate pupillari mortuus sit l. *Vt is, qui vult ex dicta substitutione succedere, sit heres institutus ex hereditate paterna: vnde, nec heres heredis, nec is qui paternam hereditatem per filium, vel seruum suum acquisiuit, cum ipse heres scriptus non esset, ad pupillarem hereditatem*

reditatem admittitur. II. Vt heres institutus extiterit. quapropter siue paternam hereditatem repudiauit, siue eam alteri, ut patri vel domino acquisiuit, à pupillari hereditate sumouetur vide *l. 3. qui liberis. 8. §. 1. l. sed si plures. 10. in princ. ff. de vulg. & pupil. subst.* Alterum est, si plures patris heredes fuerint, omnes admitti ad hereditatem defuncti pupilli pro eisdem partibus, pro quibus patri successerunt: adeò ut qui maiorem partem accepit ex hereditate paterna, maiorem accipiat etiam ex pupillari: & qui ex illa minorem est consecutus, ex hac quoque minorem obtineat.

3. pen. Quintò in §. *penult.* ostendit pupillarem substitutionem non excedere ætatem pupillarem, sed extinguì, si filius testatoris ad pubertatem peruenerit. cum enim ea ætate facere testamentum possit. *ff. qui testam. fac. poss. l. 5.* non est admitendum, ut pater hoc casu testamentum pro eo faciat.

ult. Sexto in §. *ult.* quia suprà docuit, pupillariter substitui liberis impuberibus in testatoris potestate constitutis, iam tractat de aliis personis id est, de his, qui vel sunt puberes vel non sunt in testatoris potestate, ut extranei, inter quos ponuntur etiam filij emancipati. *ff. de vulg. & pupill. l. 2. in princ.* De his igitur duo docet. I. Eis non posse substitui, nec pupillariter, nec quasi pupillariter, id est, ut, si heredes sint, & intra aliquod tempus decesserint, alius sit eis heres. Cuius dicti duplex ratio afferri potest. Vna est: quia nemo potest heredem facere ad tempus, vel ex tempore. *suprà de hered. instit. §. sed & purè.* nisi sit miles, cui hoc ex speciali priuilegio concessum est. *ff. de testam. mil. l. 5. l. miles ita 41. §. pen. & C. eo. l. 6.* Altera est; quia regulariter nemo potest alteri facere heredem, seu testamentum. Excipiuntur tantum ab hac regula, qui habent liberos impuberes in potestate, vel liberos furiosos, seu mente captos. Sed notum est exceptiones firmare regulam in casibus non exceptis: in aliis igitur omnibus casibus regula obrinet. Opponitur *l. si mater 32. in princ. ff. de vulg. & pupill.* ubi tabulæ pupillares à matre fieri dicuntur. Respondeo dici tabulas pupillares, non quia pupillarem, sed quia vulgarem pupillo factam substitutionem continent. II Quibus non potest. pupillariter substitui, his, si heredes instituantur, substitui posse per fideicommissum *d. §. ult. vers. sed hoc.* Verum hæc improprie dicitur substitutio: propterea quòd substitutus heredi proprie dicitur ille, qui in eius locum succedit, id est qui

Quibus modis testamenta infirmantur. 281

qui fit heres: fideicommissariis vero distinguitur ab herede. tamen quia fideicommissarius vniuersalis, cui hereditas restituta est, pro herede habetur. *infra de fideic. hereditatibus. §. restituta.* idcirco sæpe vocatur substitutus. Vt ut sit, fideicommissaria substitutio non pertinet ad hunc locum, sed ad dictum tit. *de fideicommiss. heredit.*

A X I O M A T A.

- 1 Ex vulgari substitutione succeditur patri, qui substituit: ex pupillari autem succeditur pupillo, cui substitutum est. *in princ.*
- 2 Pupillaris substitutio est pars & sequela testamenti paterni, à quo ita pendet, ut sine illo valere non possit. §. 5.

Quibus modis testamenta infirmantur.

TIT. XVII.

Testamentum iure factum usque eo valet, donec rumpatur, irritumve fiat.

1 § Rumpitur autem testamentum, cum in eodem statu manente testatore ipsius testamenti ius vitatur. Si quis enim post factum testamentum adoptauerit sibi filium per Imperatorem, eum, qui est sui iuris: aut per prætorem secundum nostram constitutionem, eum, qui in potestate parentis fuerit: testamentum eius rumpitur, quasi adgnatione sui heredis.

2 § Posteriore quoque testamento quod iure perfectum est, superius rumpitur. nec interest, exstiterit aliquis heres ex eo, an non. hoc enim solum spectatur, an aliquo casu existeret potuerit. Ideoque si quis aut noluerit heres esse, aut viuo testatore, aut

S § post

post mortem eius antequam hereditatem adiret, decesserit: aut conditione, sub qua heres institutus est, defectus sit: in his casibus pater familias intestatus moritur. Nam & prius testamentum non valet ruptum à posteriore: & posterius æque nullas habet vires, cum ex eo nemo heres existiterit.

3 § Sed & si quis priore testamento iure perfectio posterius æquè iure fecerit: etiam si ex certis rebus in eo heredem instituerit: superius tamen testamentum sublatum esse, diui Severus & Antoninus rescripserunt, cuius constitutionis verba [& hic] inferi iussimus, quum aliud quoque præterea in ea constitutione expressum sit. Imperatores Severus & Antoninus Coccio Campano. Testamentum secundo loco factum, licet in eo certarum rerum heres scriptus sit, perinde iure valere, ac si rerum mentio facta non esset: sed & teneri heredem scriptum, ut contentus rebus sibi datis, aut suppleta quarta ex lege Falcidia, hereditatem restituat his, qui in priore testamento scripti fuerant, propter inserta fideicommissi verba, quibus, ut valeret prius testamentum, expressum est: dubitari non oportet. Et ruptum quidem testamentum hoc modo efficitur.

4 § Alio autem modo testamenta iure facta infirmantur: veluti cum is, qui fecit testamentum, capite deminutus sit. quod quibus modis accidat, primo libro retulimus.

5 § Hoc autem casu irrita fieri testamenta dicuntur: quum alioqui & quæ rumpuntur, irrita fiant: & ea, quæ statim ab initio non iure sunt, irrita sint. sed & ea, quæ iure facta sunt, & postea per capitis deminutionem irrita sunt possumus nihilominus rupta dicere. Sed quia sane commodius erat singulas

Singulas causas singulis appellationibus distingui: idcirco quædam non iure facta dicuntur, quædam iure facta rumpi, vel irrita fieri.

6 ¶ Non tamen per omnia inutilia sunt ea testamenta, quæ ab initio iure facta, per capitis deminutionem irrita facta sunt. nam si septem testium signis signata sunt: potest scriptus heres secundum tabulas testamenti bonorum possessionem agnoscere, si modo defunctus, & ciuis Romanus, & suæ potestatis mortis tempore fuerit. Nam si ideo irritum factum sit testamentum, quia ciuitatem, vel etiam libertatem testator amisit, aut quia in adoptionem se dedit, & mortis tempore in adoptiui patris potestate sit: non potest scriptus heres secundum tabulas bonorum possessionem petere.

7 ¶ Ex eo autem solo non potest infirmari testamentum, quod postea testator id noluerit valere: vsque adeo, vt & si quis post factum prius testamentum posterius facere cœperit: & aut mortalitate præuentus, aut quia eum eius rei pœnituit, id non perfecit: diui Pertinacis oratione cautum sit ne alias tabulæ priores iure factæ irritæ fiant, nisi sequentes iure ordinatæ & perfectæ fuerint. nam imperfectum testamentum sine dubio nullum est.

8 ¶ Eadem oratione expressit, non admissurum se hereditatem eius, qui litis causa principem reliquerit heredem: neque tabulas non legitime factas, in quibus ipse ob eam causam heres institutus erat; probaturum: neque ex nuda voce heredis nomen admissurum: neque ex vlla scriptura, cui iuris auctoritas desit, aliquid adepturum. Secundum hoc diui Seuerus & Antoninus sæpissime rescripserunt.

serunt: Licet enim (inquirant) legibus soluti simus, attamen legibus viuimus.

Haftenus dictum est de testamentis constituendis ; consequenter agitur de iisdem infirmendis. Testamenta infirmantur tribus modis 1. vel ipso iure, ver per sententiam iudicis, vel iure prætorio per bonorum possessionem contra tabulas. Ipso autem iure infirmantur, vel in totum, vt adgnatione posthumi, posteriore testamento, capitis diminutione testatoris: vel pro parte, vt quia testator partem cancellauit, vel deleuit. ff. de his qua in testam. delent. l. 1. aut quia heres obsequium testatori furioso non præbuit, raptumve ab hostibus redimere neglexit. Nou. 115. cap. 3. §. si quis de pradiſtis parentibus furioso. & §. occasionem. De sententia iudicis dicetur tit. seq. De bonorum autem possessione contra tabulas agetur lib. 3. tit. 10. de delectis, aut cancellatis tractatur d. tit. de his qua in testam. delentur. De testatore neglecto agitur de Nou. 115. cap. 3. Hic verò titulus declarat modos quibus testamenta ipso iure testamentum infirmantur.

Princ. Primò Imp. duos modos infirmandi testamenta proponit: quia vel rumpuntur, vel irrita fiunt.

§. 1. Secundò de testamento rupto duo declarat, videlicet definitionem, & causas. Definitio est in princ. §. 1. vbi dicitur testamentũ rumpi, cum testatore manente in eodem statu ius testamenti vitatur. nam ob mutationem status testatoris testamentum non diceretur ruptum, sed irritum. infra hoc tit. §. alio. Intellige vitari duobus sequentibus modis, id est, duabus sequentibus causis. Nam causæ rumpendi testamenti duæ tantum sunt. Prima causa est adgnatio, vel quasi agnatio posthumi. subaudi, qui nec sit in testamento heres institutus, nec ita vt oportet, exheredatus, vt didicimus ex tit. de exher. liber. Quasi agnationis exemplum proponitur in d. §. 1. vers. si quis enim. si testator post factum testamentum aliquem adoptauerit. Aliud exemplum habuimus in §. posthumerum. supra de exher. liber. si nepos moriente filio succedat in locum sui heredis. De adoptato notandum specialiter est, eum, si in testamento ante adoptionem factò præteritus fuerit, rumpere testamentũ, si sit institutus, non rumpere. ff. de lib. & posthum. l. filio. 23. §. 1. & de iniust. rup. l. si quis heres. 18. si verò sit exheredatus, distin

distinguendum esse. nam si filius emancipatus exheredetur, deinde adoptetur, exheredatio ei nocet, quominus rumpat testamentum. si verò extraneus exheredetur, mox adoptetur, testamentum rumpit: quoniam exheredatio in persona extranei non valet, quamvis in filio emancipato valeat. *ff. de bonor. poss. cont. tab. l. non putavit. §. si quis emancipatum. & §. sequent.*

Secunda causa est posterius testamentum eiusdem testatoris, §. *posteriore*. quamvis enim possit aliquis decedere cum pluribus codicillis, et si plures codicillos fecerit inter se non discrepantes, omnes valent. *infra de codicill. §. ult. & C. cod. l. 3.* tamen nemo potest decedere cum duobus testamentis, sed posteriore rumpitur prius, etiamsi ex posteriori testamento heres scriptus aut nolit, aut quacumque de causa non possit adire hereditatem. Hoc tantum requiritur, ut posterius testamentum perfectum sit. Quin etiam hæc conditio remittitur si aut posterius testamentum iure militari sit factum, aut in eo heres scriptus sit, qui succederet ab intestato. *ff. de iust. rup. l. 2.*

Hinc oriuntur duæ quæstiones, quæ deciduntur in §. *sed* §. 3. & *si quis*. Prior quæstio est, si in priori testamento heredes ex partibus hereditariis, in posteriori verò alii heredes ex certis rebus instituti reperiantur, utrum testamentum valeat. dubitationem enim facit: quia prius testamentum rectè factum est, posterius non videtur rectè factum, cum certi iuris sit hereditatem esse universitatem quandam bonorum, ideoque heredem ex certis rebus fieri non posse. Respondet Imp. testamentum posterius valere, atque eo prius testamentum rumpi: nec obstare quòd in posteriori testamento heredes scripti sunt ex certis rebus; quia nihilominus fiunt heredes universales, perinde ac si simpliciter & sine certarum rerum adiectione heredes scripti essent. *ff. de hered. inst. l. 1. §. si ex fundo*. Posterior quæstio est, si testator in secundo testamento iusserit etiam prius testamentum valere, an hæc voluntas rata sit. Respondet Imperator posterius testamentum valere iure directo, tanquam verum testamentum: prius autem, quia non potest valere iure directo, ne sint duo testamenta eiusdem testatoris, trahi ad fideicommissum: ita ut heres scriptus in secundo testamento, teneatur restituere hereditatem heredibus scriptis in priori testamento, deductis iis, quæ sibi à testatore relicta sunt:

sunt: & insuper suppleta quarta Falcidia seu Trebellianica, si minus ei à testatore relictum fuerit. lex enim Falcid. quæ de legatis locuta est, ad fideicommissa in testamento relicta producta fuit per senatusconsultum Pegasianum. *infr. de fideic. here. §. sed quæ herede.* quemadmodum ad fideicommissa relicta ab intestato producta est per constitutionem Divi Pij. *ff. ad leg. Falcid. l. filiusfamilias. 8.* quod Iustinianus transtulit in senatusconsultum Trebellianum. *infra eod. tit. §. sed quia stipulationes.* unde hæc quarta pars, quam heres de fideicommissis detrahit, in legum contextu Falcidia, à Doctoribus autem nostris Trebellianica nominatur. Expositus est primus modus testamenti rumpendi, id est, saluò testatoris statu: qui modus in duos diuisus fuit, adgnationem, vel quasi adgnationem posthumi, & posterius testamentum.

§. 4.

Tertiò explicat secundum modum, quo testamenta infirmantur, videlicet cum testator capite minuitur: siue sit maxima, siue media, siue nimia capitis diminutio. *§. alio.* quia res ad eum casum peruenit, à quo incipere non potuit. id est testator in eum casum deductus est, quo non potest facere testamentum.

Nota primò, testamentum hoc modo infirmari regulariter: sed excipi testamentum militis, ut expositum est in *§. denique, supra de milit. testam.*

Nota secundò, testamentum dici irritum etiam eo casu, quo nemo ex testamento adit hereditatem. *ff. de iniust. rupt. l. 1.* sed minùs propriè dici hoc casu irritum. *infr. de hered. quæ ab intest. defer in princ.* propriè autem dici destitutum *infr. eod. §. hoc autem.*

§. 5.

Ex his, quæ dicta sunt de testamento irrito, duæ quæstiones oriuntur. Prima quæstio est, quomodo testamentum irritum à rupto distinguatur: quia cum capitis diminutione testatoris irritum fit, certè rumpi videtur. Sanè si ab initio & ipso iure esse inutile, non posset propriè dici rumpi: sed cum ab initio valuerit, & postea infirmetur, omnino videtur rumpi. Respondet Imp. in *§. hoc autem*, testamentum ruptum & testamentum irritum, non distingui ex propria vocabulorum significatione, sed ex usu iuris, quò faciliùs diuersi modi testamentorum infirmandorum dignosci possint. *ἐπεὶ δὲ διαφέρει βέλτιον, ὄνομα ἔχει ἰδίον.* nam quia differt, melius est, ut proprium nomen habeat, ut vtar verbis Aristotelis lib. 1. *Ethic. Nicomach. cap. 1.*

Alter

Altera quæstio est, an testamentum, quod semel factum est irritum, omnino & in perpetuum sit inutile. Respondet Imp. in §. non tamen, hoc testamentum iure prætorio conualescere, dummodò septem testium signis obsignatum sit, & testator in pristinum statum reuertatur, ita ut mortis tempore sit ciuis Romanus, & sui iuris. hoc enim modo sublata causâ quæ testamentum euerterat, tollitur etiam eius causæ effectus, nempe euersio testamenti: atque ita testamentum iterum ratum fit. Ideo autem Imp. requirit signa septem testium: quia diximus testamentum conualescere iure prætorio, per bonorum scilicet possessionem secundum tabulas: quo iure septem testium signa in testamentis requiruntur *supr. de testam. §. sed predicta & §. seq.*

Quartò in §. pen. proponit modum; quo testamentum non infirmatur, id est contrariam testatoris voluntatem, ut enim testamentum per poenitentiam à testatore reuocetur, non sufficit nuda voluntas, sed opus est posteriore testamento, quod iure perfectum sit. *ut in eod. §. posteriore.* Exceptiones quæ hic sunt norandæ. I. Nisi testator vel apud acta; vel coram tribus testibus dixerit se nolle testamentum valere, & integrum decennium post factum testamentum vixerit, dictum testamentum non valere. *C. de testam. l. sancimus. 27.* II. Nisi testator expresse sit velle decedere intestatum: tunc enim hereditas scripto heredi, qui non habet testatoris voluntatem; & bonorum possessio datur his, ad quos ab intestato pertinet. *ff. si ab. testam. nol. ex tab. l. 1. §. si heres.*

Quintò in §. ultim. obiter addit Imperator ne hereditatem admittere sibi litis causâ relictam, (id est, ut potens aduersarius ei qui contra testatorem litigat, opponatur: quod inuidiosum est. *ff. de hered. instituend. l. penult.*) nec aliquid accipere ex testamento, vel alia scriptura, quæ non ritè & solemniter facta sit. quamvis enim princeps sit legibus solutus, id est, legum solemnitatibus, ut exposui *centur. 7. quæstione 82.* tamen sponte sua se legibus subicit, & secundum leges viuit. Idcirco autem hæc obiter addidit: quia cautum fuit iisdem constitutionibus quibus constitutum fuit, quod proximè diximus, testamentum posteriori nuda testatoris voluntate non infirmari. solet enim Imperator ita coniungere, quæ iisdem constitutionibus introducta fuerunt, ut & suprà *de satisfact. §. pen.*

AXIOMATA.

- 1 Adoptione quasi adgnascitur suus heres. *in princ.*
- 2 Nemo potest decedere cum duobus testamentis. §. 2.
- 3 Nouissima testatoris voluntas seruanda est. d. §. 2. con-
iun. l. 6. *in fin. ff. de adim. legat.*
- 4 Nemine hereditatem adeunte, testamentum non valet.
d. §. 2. coniun. l. si nemo 181. *ff. de diuer. reg. iur.*
- 5 Ex certis rebus hæres institutus, simpliciter heres fit de-
tracta rerum mentione. §. 3. coniun. l. 1. §. si ex fundo, *ff. de
hered. instis.*
- 6 Singulæ causæ singulis appellationibus distingui de-
bent. §. 5. coniun. l. 1. *ff. de cod. ill.*
- 7 Testamentum sola contraria testatoris voluntate non
infirmatur. §. pen.
- 8 Imperfectum testamentum nullum est, id est, ipso iure
non valet. d. §. pen.
- 9 Princeps, licet legibus solutus sit, tamen secundum le-
ges viuit. §. ult. coniun. l. ex imperfecto 23. *ff. de legat. 3.
l. princeps 31. ff. de legib. & l. 4. C. cod. & l. 3. C. de testa-
ment.*

De inofficioso testamento.

TIT. XVIII.

Quia plerunque parentes sine causa liberos suos exheredant, vel omittunt: inductum est, vt de inofficioso testamento agere possint liberi, qui queruntur, aut inique se exheredatos, aut inique præteritos: hoc colore quasi non sanæ mentis fuerint, cum testamentum ordinarent. Sed hoc dicitur, non quasi vere furiosus sit, sed recte quidem fecerit testamen- tum, non autem ex officio pietatis. Nam si vere fu- riosus sit, nullum testamentum est.

¶ Non

1 ¶ Non autem liberis tantum permiffum est testamentum parentum inofficium accusare, verum etiam liberorum parentibus. Soror autem & frater, turpibus personis scriptis heredibus, ex sacris constitutionibus prælati sunt. Non ergo contra omnes heredes agere possunt. Ultra fratres igitur & sorores cognati nullo modo aut agere possunt, aut agentes vincere.

2 ¶ Tam autem naturales liberi, quam secundum nostræ constitutionis diuisionem adoptari, jura demum de inofficioso testamento agere possunt, si nullo alio iure ad defuncti bona venire possint. Nam qui ad hereditatem totam vel partem eius alio iure veniunt, de inofficioso agere non possunt. posthumi quoque qui nullo alio iure venire possunt, de inofficioso agere possunt.

3 ¶ Sed hæc ita accipienda sunt, si nihil eis penitus à testatoribus testamento relictum est. quod nostra constitutio ad verecundiam naturæ introduxit. Sin vero quantacunque pars hereditatis vel res eis fuerit relictæ: de inofficioso querela quiescente, id, quod eis deest, usque ad quartam legitimæ partis repleatur: licet non fuerit adiectum, boni viri arbitrari debere eam compleri.

4 ¶ Si tutor nomine pupilli, cuius tutelam gerebat, ex testamento patris sui legatum acceperit, cum nihil erat ipsi tutori relictum à patre suo: nihilominus poterit nomine suo de inofficioso patris testamento agere.

5 ¶ Sed si è contrario pupilli nomine, cui nihil relictum fuerat, de inofficioso egerit, & superatus est: ipse [tutor,] quod sibi in testamento eodem legatum relictum est, non amittitur.

T

6 ¶ Igitur

6 ¶ Igitur quartam quis debet habere, i. ut de inofficioso agere non possit, siue iure hereditario, siue iure legati, vel fideicommissi, vel si mortis causa ei quarta donata fuerit, vel inter viuos: in iis tantummodo casibus, quorum mentionem facit nostra constitutio: vel aliis modis, qui [in nostris] constitutionibus continentur. Quod autem de quarta diximus, ita intelligendum est: ut siue vnus fuerit, siue plures, quibus agere de inofficioso testamento permittitur: vna quarta eis dari possit, ut ea pro rata eis distribuatur.

Postquam expositi sunt modi, quibus testamentum ipso iure infirmatur, consequenter agitur de querela inofficij: qua fit, ut testamentum per sententiam iudicis rescindatur. Testamentum inofficiosum est, in quo aliquis contra officium pietatis est exheredatus, vel prateritus. hanc enim querelam parit exheredatio, vel prateritio, quæ pro exheredatione habetur, id est, prateritio facta à matre, vel auo materno, vel aliquo ex liberis, vel certis casibus à fratre, aut sorore. nam horum prateritio pro exheredatione habetur. *suprà de exhered. liber. §. ult. ff. eo. l. pater 14.* proinde etiam exheredatio ab his facta locum facit querelæ. Prateritio autem filij emancipati non habetur pro exheredatione. idcirco emancipatus, si à patre exheredetur, de inofficioso testamento queri potest: prateritus autem non habet querelam inofficij, sed confugere debet ad bonorum possessionem contra tabulas. *suprà de exhered. liber. §. emancipatus, et ff. hoc tit. l. si ponas 23. in princ.* In summa datur hæc querela tantum exheredatis, & illis prateritis, qui pro exheredatis habentur. Iam verò modò vocatur querela, modò actio, modò accusatio, propriè autem nec est actio, quia nullam rem persequitur, sed tantum testamentum rescindi petit, ideoque est præparatoria futuræ actionis, id est, petitionis hereditatis: nec est propriè accusatio, quia non persequitur aliquod crimen: sed est imploratio officij iudicis, ut testamentum inofficiosum rescindat.

Primò docet Imper. in princ. tit. cur hæc querela sit introducta: nimirum, quia cum parentes liberos suos exheredant,

dant, plerumque id faciunt sine iusta causa, nouercalibus delinimentis, atque instigationibus corrupti. *ff. eod. l. 4.* cum naturalis ratio liberis hereditatem parentum addicat. *ff. de bon. damnat. l. 7. in pr.* Secundò in vers. *qui queruntur*, docet, quid hæc querela contineat, seu quæ sit eius causa, siue actoris intentio, actor enim ait se esse iniquè & contra pietatem exheredatum, aut præteritum, ita ut testator penè furiosus fuisse videatur. Quapropter contra verecundiam natura tacere videtur, qui testamentum parentis arguit tanquam inofficiosum *infr. hoc tit. §. sed hæc ita.* immo Valer. Maxim. *lib. 7. c. 8.* non solum laudat Afraniam, quæ noluit matris suæ supremum iudicium conuellere, sed etiam Pompeium Rheginum, qui noluit fratris testamentum, in quo fuerat præteritus, accusare. Hic enim color, seu prætextus est querelæ, quòd testator quasi furiosus fuerit. Non dicimus fuisse verè furiosum, quia testamentum ipso iure non valeret, nec opus esset hac querela. rursus non dicimus esse sanæ mentis, quia testamentum eius ex lege duodecim tabularum ius faceret, & vim legis haberet. *Novel. 22. c. 2. author. ad Leon. lib. 1.* sed dicimus fuisse quasi furiosum, ut testamentum ipso iure constare, & salua legis duodecim tabularum auctoritate, impugnari possit.

Tertiò exponit, quibus hæc querela competat. ubi dat tres regulas. I. Regula est: Hæc querela datur liberis, vel parentibus, vel, si turpis persona sit heres instituta fratribus & sororibus testatoris, non aliis personis. §. 1.

Nota primò has personas non simul ad querelam vocari. nam si liberi extent, soli de inofficioso queruntur, nec datur querela parentibus eo casu quo liberi testatoris conqueruntur. *ff. hoc tit. l. pa. et. 14.*

Nota secundò, non omnibus fratribus & sororibus hanc querelam competere, sed tantum his, qui sunt ex eodem patre, siue sint emancipati, siue integri iuris, non etiam vterinis. *C. eod. l. fratres 27.*

Nota tertiò hanc querelam liberis, vel parentibus indistinctè dari, id est, contra quoscunque heredes scriptos: fratribus autem, vel sororibus non dari, nisi contra turpes personas, id est, contra notatos infamia iuris, vel facti. *d. l. fratres.*

Nota quartò, ceteros ultra fratres non posse de inofficioso testamento iure agere. quòd si re ipsa, & (ut loquimur) de facto agant, non possunt iudicio obtinere. Non obstat *l. 6. §. 1. ff. hoc tit.* ubi is, qui ab intestato non succedit, de inofficioso agit,

& cum à nemine repellatur, casu obtinet. nec l. si non mortis, 25. §. 1. ff. eo. vbi is, qui non potest de inofficioso agere, ad querelam admissus rescindit testamentum pro parte heredis, contra quem agit; quoniam neutro loco extraneus, vel remotior fraus egit de inofficioso testamento: sed ideo dicitur agere, quia aliud eum præcedebat. verbi gratia, filiis defuncti silentibus, pater defuncti egit de inofficioso: poterat ergo repelli, quia filij præferuntur, vt paulò antè notavi, sed casu obtinuit, cum nemo id ei opponeret, eumque repelleret.

§. 2.

II Regula est: Hæc querela datur tam liberis naturalibus, quàm adoptiuis. §. tam autem, vbi adduntur duæ limitationes. I. Limitatio est: quia non datur liberis adoptiuis, nisi adoptati sint secundum constitutionem Iust. de qua dictum fuit in §. sed hodie supr. de adopt. & in §. sed hæc quidem. supr. de exhere. lib. id est, nisi adoptati sint à parente naturali, vel sint arrogati, non adoptati. Secunda limitatio est: quia ita demum datur liberis hæc querela, si nullo alio iure ad bona paterna venire possint. subaudi, saluo testamento. nam si saluo testamento liberis iucurri possit, æquitas suadet, vt testamentum sustineatur. ergo hæc querela non concurrit cum aliis remediis testamentum non infirmantibus, sed potest cum iis concurrere, quæ similiter impugnant testamentum, veluti si testamentum dicatur esse inofficiosum, & ruptum, vel irritum. ff. hoc tit. l. Papinianus §. si quis & irritum. Hæc posterior limitatio potest accipi generaliter de quibuscumque liberis: mihi tamen videtur Iust. vt & in superiori limitatione, respicere ad liberos adoptiuos, quorum nonnullis alio iure prospicitur, ideoque non datur querela, nempe impuberibus arrogatis, qui in bonis arrogatoris quartam partem obtinent, ex constitutione D. Pij. d. l. Papinianum. §. si quis impubes, & supr. de adopt. §. cum autem impubes. vers. sed et si decedens. III. Regula est: Hæc querela datur tam posthumis quàm liberis iam natis, dummodo (vt diximus) nullo alio iure ad bona defuncti venire possint. d. §. tam autem: vers. posthumi.

§. 3.

Quartò declarat ea, quæ hanc querelam excludunt, qua in parte dantur tres regulæ. I. Regula est: Is, cui testator aliquid, quamvis minus legitima, reliquit, de inofficioso testamento agere non potest, sed legitimæ supplementum petere debet. quod l. Titianus ad verecundiam naturæ constituit, §. sed hæc ita. quoniam verecundiæ fines transilire videtur, qui defuncti præsertim

præfertim parentis testamentum inofficiosum dicit, cum eum non sanæ mentis fuisse arguat, ut in *pr. huius tit.* dictum fuit. Porro hoc supplementum petitur conditione ex lege, id est, ex constitutione Iustin. *C. hoc tit. l. omnino. cdo. 30.* Olim quidem supplebatur legitima ex constitutione Constantini, sed testator in testamento iusserat eam boni viri arbitratu suppleri. *C. Theod. eod. tit. l. 4.* sed Iustinianus omnimodo suppleri voluit, etiam si testator id non iusserit. Hoc supplementum ex Doctorum verissima sententia intra triginta annos peti potest: quia tamdiu actiones personales durant. *C. de const. pecun. l. 2. versic. sed siue p 90 se.* quamvis inofficiosi querela finiat ur quinquennio à die aditæ hereditatis. *C. hoc tit. l. si qui filium. 34. in fi. & l. pen. 6. ult.*

II. Regula est: Qui iudicium testatoris quoquo modo probavit, veluti qui legatum ex testamento petiit, non potest amplius testamentum illud per inofficiosi querelam impugnare. *ff. eod. l. nihil. 12. & C. eod. l. parentibus. 8. §. 1.* Hæc regula valet etiam contra eos, qui alieno nomine in iudicio fuerunt veluti contra Aduocatos. nam si patrocinator sum petenti legatum ex testamento patris mei, in quo sum exheredatus, non possum amplius hoc testamentum inofficiosum dicere. *ff. eod. ult.* Hanc regulam Imper. hoc loco non tradit: sed ad eam respiciens, excipit tutorem qui in testamento patris sui fuit exheredatus, & necessitate officij coactus petiit legatum pupillo suo in eodem testamento relictum; hic enim tutor excusatur, nec admittit querelam inofficiosi *§. si tutor.*

Quemadmodum è contrario non amittit legatum sibi relictum à patre pupilli, si pupilli nomine testamentum inofficiosum dixerit, & superatus fuerit. *§. sed si è contrario.*

Notandum est, quod Imp. requirit, ut tutor nomine pupilli de inofficioso testam. agens, si non obtinuerit, secundum hæc iura procedere: quia hoc iure testamento per inofficiosi querelam rescisso legata & fideicommissa non debentur. *ff. eo. l. Titia. 13. & l. cum mater. 28.* sed hodie ex *Nov. 11.* legata & fideicommissa sustinentur: quia inofficiosi querela tantum institutiones heredum rescindit. ergo iure nouissimo. cum tutor pupilli nomine de inofficioso testamento egit, siue eo iudicio obtinuerit, siue superatus fuerit indistinctè potest petere legatum sibi eo testamento relictum.

III. Regula est: Quarta portio, quæ vulgò vocatur legitima,

tima, querelam excludit, id est, qui quouis titulo quartam habet ex bonis defuncti, non potest eius testamentum tanquam inofficiosum accusare. §. ult.

Nota primò in legitimam imputari quæcumque in ultima voluntate relinquuntur. quæ verò inter viuos donantur, non omnia imputari, sed tantum certis casibus, id est, I. Quod liberi à parentibus acceperunt dotis, vel donationis propter nuptias constituendæ causa. *C. hoc tit. l. quoniam. Nouell. 29.* Cur non idem dicam, si à fratribus acceperint, ratio nulla est. II. Militia quam filius ex pecunia paterna habet mortis eius tempore, excepta militia silentiariorum, qui in palatio, vel consistorio principis excubias agunt. *C. eo. l. omnimodo. 30. §. ult.* III. Donata hoc pacto, ut in legitimam imputentur. *C. eo. l. si quando. 35. §. penult.*

Nota secundò dictam quartam secundum Doct. tolli per *Nouell. 115.* ubi putant constitui, ut legitima titulo institutionis relinquatur. Sed falluntur primùm, quia Iust. ibi non loquitur de fratribus, sed tantum de liberis, & parentibus: ergo regula saltem in fratribus manet. Deinde quia non iubet liberos, vel parentes institui heredes in legitima, sed simpliciter, institui. si igitur ex minima portione heredes instituantur, & alio titulo legitima eis relinquatur, satisfactum erit illi constitutioni, ac testamentum per querelam non rescindetur.

Nota tertio, hanc legitimam nouissimo iure esse auctam: ita ut si quatuor sint liberi, vel pauciores, legitima sit triens: si verò plures, legitima sit semis. *Nou. 18. cap. 1.* Quæritur, an similiter aucta sit legitima parentibus vel fratribus debita. Plerique putant hoc augmentum produci tantum ad legitimam parentum, non etiam fratrum. Sed & extrema verba dicti *c. 1.* perspicuè ostendunt in omnibus personis augmentum illud locum habere.

Nota quartò ex ultimis verbis contextus, legitimam (id est, hoc iure quartam, iure nouissimo trientem, vel semissem) esse partem omnium bonorum, ac distribui inter eos, qui de inofficioso testamento agere possunt, ita ut quartam suæ virilis portionis, quam ab intestato acciperent, singuli obtineant. Hoc loco operæ pretium est decidere quæstionem inter Doct. agitatam. Finge testatorem, matre ac fratribus præteritis, vel exheredaris, extraneo herede instituto decessisse. certum est, si heres institutus sit persona honesta, solam matrem

trēm admitti ad inofficiosi testamenti querelam. *C. hoc tit. l. fratres 27.* sed quaeritur, vtrum matri debeat triens totius assis, an eius portionis, quam ab intestato acciperet. nam si defunctus testamentum non fecisset, mater ab intestato non esset heres ex assē, sed inter ipsam & fratres defuncti divideretur hereditas in capita. *Nov. 118. c. p. 2.* Iacob Butrigarius dat ei trientem assis: *Bart. in l. pater filiam. 14. ff. eod.* dat ei trientem virilis portionis Butrigarij sententia vera est. quia noster contextus quartam totius assis dat his solis, qui ad inofficiosi querelam vocantur etenim qui de inofficioso queri non possunt, partem non faciunt iis qui queruntur. vide *Centur. 3. quest. 32.*

Nota quintò hanc legitimam deberi à morte testatoris, ipso iure *C. hoc tit. l. pen. in princ. sine delatione*, & sine onere. *C. eod. l. quoniam in prioribus. 32.*

Nota sextò in quantitate legitimæ æstimanda spectari bona, quæ defunctus mortis tempore reliquit. *C. eod. l. 6.* deducto ære alieno, impensa funeris, & pretio servorum in testamento manumissorum. *ff. eod. l. Papinianus. 8. §. quarta.*

A X I O M A T A.

- 1 Exhereditatio vel præteritio liberorum plerumque fit sine iusta causa. *in pr. coniun. l. 4. ff. eod.*
- 2 Qui contra officium pietatis testatur quasi furiosus videtur. *eod. pr.*
- 3 Furiosi testamentum nullum est. *ibid. coniun. §. 1. supra quibus non est permiss. ac. testam.*
- 4 Qui non potest agere. non potest agendo vincere. *§. 1.*
- 5 Inofficiosi querela est odiosa. *§. 2* quia est contra naturæ verecundiam *§. 3.*
- 6 Qui officio coactus facit, excusatur. *§. 4.*
- 7 Quarta querelam inofficiosi testamenti excludit. *§. ult.*

De heredum qualitate & differentiis.

T I T. XIX.

Heredes autem, aut necessarij dicuntur, aut sui & necessarij, aut extranei.

1 ¶ Necessarius heres est servus heres institutus. Ideoque sic appellatur, quia siue velit, siue nolit, omnino post mortem testatoris protinus liber & necessarius heres fit. Vnde qui facultates suas suspectas habent: solent servum suum primo aut secundo, aut etiam vltiore gradu heredem instituere: ut si creditoribus satis non fiat, potius eius heredis bona, quam ipsius testatoris à creditoribus possideantur, vel distrahantur, vel inter eos dividantur. Pro hoc tamen incommodo, illud ei commodum præstatur: ut ea, quæ post mortem patroni su sibi adquisierit, ipsi reseruentur. Et quamvis bona defuncti non sufficiant creditoribus: [iterum] tamen ex ea causa res eius, quas sibi adquisierit, non veniunt.

2 ¶ Sui autem & necessarii heredes sunt, veluti, filius, filia, nepos neptisue ex filio, & deinceps ceteri liberi, qui in potestate morientis modo fuerint. Sed ut nepos, neptisue sui heredes sint, non sufficit eum, eamue in potestate aui mortis tempore fuisse: sed opus est, ut pater eius viuo patre suo defierit suus heres esse, aut morte interceptus, aut qualibet alia ratione liberatus à patris potestate: tunc enim nepos neptisue in locum patris sui succedit. Sed sui quidem heredes ideo appellantur, quia domestici heredes sunt, & viuo quoque patre quodammodo domini existimantur. Vnde etiam si quis intestatus moriatur: prima causa est in successione liberorum. Necessarii vero ideo dicuntur, quia omnino, siue velint, siue nolint, tam ab intestato, quam ex testamento [ex lege duodecim tabularum] heredes fiunt. Sed his prætor permittit volentibus abstinere hereditate: ut potius paren-
tis

tis, quam ipsorum bona similiter à creditoribus possideantur.

3 ¶ Cæteri qui testatoris iuri subiecti non sunt, extranei heredes appellantur. Itaque liberi quoque nostri, qui in potestate nostra non sunt, heredes à nobis instituti, extranei heredes nobis videntur. Quæ de causa, & qui heredes à matre instituuntur, eodem numero sunt: quia fœminæ in potestate liberos non habent. Servus quoque heres à domino institutus, & post testamentum factum ab eo manumissus, eodem numero habetur.

4 ¶ In extraneis heredibus illud observatur, ut sit cum eis testamenti factio; siue heredes ipsi instituantur, siue hi, qui in potestate eorum sunt, & id duobus temporibus inspicitur. testamenti quidem [facti] tempore: ut constiterit institutio: mortis vero testatoris, ut effectum habeat: hoc amplius, & cum adit hereditatem, esse debet cum eo testamenti factio, siue purè, siue sub conditione heres institutus sit. nam ius heredis eo maxime tempore inspicendum est, quo acquirit hereditatem. Medio autem tempore inter factum testamentum, & mortem testatoris, vel conditionem, institutionis existentem, mutatio iuris non nocet heredi: quia (ut diximus) tria tempora inspicere debent. Testamenti autem factionem non solum is habere videtur, qui testamentum facere potest: sed etiam qui ex alieno testamento vel ipse capere potest, vel alij acquirere, licet non possit facere testamentum. Et ideo furiosus & mutus, & posthumus, & infans, & filiusfamilias, & servus alienus testamenti factionem habere dicuntur. Licet enim testamentum facere non possint, at-

tamen

tamen ex testamento vel sibi vel alij acquirere possunt.

§ Extraneis autem heredibus deliberandi potestas est de adeunda hereditate, vel non adeunda. Sed siue is, cui abstinendi potestas est, immiscuerit se bonis hereditatis: siue extraneus, cui de adeunda hereditate deliberare licet, adierit: postea relinquendæ hereditatis facultatem non habet, nisi minor sit vigintiquinque annis. Nam huius ætatis hominibus, sicut in cæteris omnibus causis deceptis: ita & si temere damnosam hereditatem susceperint, prætor succurrit. Sciendum est tamen diuum Hadrianum etiam maiori vigintiquinque annis veniam dedisse, cum post aditam hereditatem grande æs alienum, quod aditæ hereditatis tempore latebat, emerisset. Sed hoc quidem diuus Hadrianus cuidam speciali beneficio præstitit: diuus autem Gordianus postea militibus tantummodo hoc concessit. Sed nostra beneuolentia commune omnibus subiectis Imperio nostro hoc beneficium præstitit: & constitutionem tam æquissimam, quam nobilissimam scripsit: cuius tenorem si obseruauerint homines, licet eis adire hereditatem, & in tantum teneri, quantum valere bona hereditatis contingit: ut ex hac causa neque deliberationis auxilium sit eis necessarium, nisi omissa obseruatione nostræ constitutionis, & deliberandum existinauerint, & sese veteri grauamini aditionis supponere maluerint.

6 § Item extraneus heres testamento institutus, aut ab intestato ad legitimam hereditatem vocatus, potest aut pro herede gerendo, aut etiam
nuda

nuda voluntate suscipiendæ hereditatis heres fieri. Pro herede autem gerere quis videtur, si rebus hereditariis tanquam heres utatur, vel vendendo res hereditarias, vel prædiâ colendo locandove, & quoquo modo voluntatem suam declaret, vel re, vel verbo de adeunda hereditate: dummodo sciat eum, in cuius bonis pro herede gerit, testatum intestatumve obiisse, & se ei heredem esse. Pro herede enim gerere, est pro domino gerere. veteres enim, heredes pro dominis appellabant. Sicut autem nuda voluntate extraneus heres fit: ita contraria destinatione statim ab hereditate repellitur. Eum, qui surdus, vel mutus natus, vel postea factus est, nihil prohibet pro herede gerere, & adquirere sibi hereditatem: si tamen intelligit, quod agitur.

Quæ hucusque de ultimis voluntatibus dicta sunt, ea omnia pertinent ad quæstionem, an testamentum valeat, id est, an testamentum ab initio constiterit, necne; & an postea sit infirmatum, necne: deinceps enarranda sunt testamentorum accidentia: quæ quidem quatuor sunt, nimirum heredum qualitas, legata, fideicommissa, & codicilli. In his igitur accidentibus explicandis reliqua huius libri pars consumitur. Qualitas heredum est triplex; unde hic tit. inscribitur *de heredum qualitate & differentia*, id est, de heredum qualitate diuersa ac differentia.

Primò itaque Imperator *in principio*, affert heredum diuisionem ab eorum qualitate sumptam, & inquit, alios esse necessarios, alios iuos & necessarios, & alios extraneos.

Secundò *in §. i.* de heredibus necessariis tres quæstiones dissoluit. Prima quæstio est, quis sit heres necessarius. Respondet necessarium heredem, esse seruum heredem institutum, subaudi, à domino suo, non ab extraneo. ita ut ex eodem testamento libertatem & hereditatem accipiat. *supr. de hered. instit.*

instit. §. 1. & qui, & ex quib. caus. man. non poss. §. 1. Secunda quaestio est, cur dicatur necessarius, nempe quia velit nolit, heres esse cogitur. Tertia quaestio est, quæ sit utilitas huius decisionis, seu cur statutum sit, ut aliquis inuitus cogatur fieri heres. Respondet Imper. hoc ius esse vile tam domino, quam ipsi seruo. Domino vile est: quia fortasse non posset habere alium heredem, & eius bona à creditoribus distraherentur: quod aliquam ignominiam continet. coniunge *d. §. 1. supra qui, & ex quib. caus. man. non poss.* Seruo vile est non solum quia libertatem consequitur, sed etiam quia potest, antequam bonis hereditariis se immisceat, à prætore impetrare bonorum separationem. *ff. de separ. l. 1. §. 1. ubi.* quæ impetratio ad hoc ei proderit, ut sola bona à defuncto relicta creditoribus obnoxia sint: quæ verò ipse aliunde acquisiuit, ea omnia salua habeat.

§. 2.

Tertiò in §. *sui autem*, de suis & necessariis heredibus tres quaestiones dissolvit. Prima quaestio est, quinam sint tales heredes. Respondet suos & necessarios heredes esse liberos qui in potestate morientis fuerunt, dummodò inter eos & testatorem defunctum nulla sit persona interiecta. Exempli causâ, filius est suus heres patri, nisi sit ab eo emancipatus: nepos autem ut suus heres dici possit, non sufficit eum non esse emancipatum, sed insuper requiritur ut pater eius, vel mortuus, vel emancipatus sit, vel alia ratione de potestate exierit, nam si pater sit avo & nepoti interiectus, nepos non potest dici suus heres avo. Secunda quaestio est, cur dicantur sui heredes. Respondet Imper. quia sunt domestici heredes, & viuo quoque patre sunt quodammodo domini, adeò ut morte parentis non tam videantur hereditatem paternam acquirere, quam dominium in earum persona continuari. *infra de hered. qua ab intest. defer. §. sui autem heredes. & ff. de lib. & postu l. in suis 11.* Tertia quaestio est, cur dicantur necessarij. Respondet, quia iure civili, siue velint, siue nolint, coguntur esse heredes: quamquam iure prætorio abstinere possunt priusquam se immisceant *ff. de acquir. hered. l. ei qui se 12.* Si verò bonis paternis se immiscuerint, aut pro herede gesserint, aut bonorum possessionem petierint, non possunt amplius abstinere, nisi propter minorem ætatem sint in integrum restituendi. *infra hoc tit. §. extraneis. & C. si min. ab heredib. se abstin. l. 1.*

§. 3.

Quartò de extraneis heredibus duo exponit. Primum est
in

in §. ceteri quinam sint heredes extranei. Respondet Imper. omnes esse heredes extraneos, qui non sunt in potestate heredis morientis, siue sint liberi emancipati, siue serui manumissi, siue alia quacunque personæ. Sed *Non. 81. cap. 2.* excipit eos, qui per dignitatem exierunt de patris potestate: hi namque ex speciali priuilegio perinde sui heredes sunt, ac si in patris potestate mansissent. Hic oritur subobscura quæstio, quales heredes dici debeant nepotes ab auo heredes instituti, eo casu, quo pater interiectus obitat quominus dici possint sui heredes. Non est dubium quin in dicta heredum diuisione sint præterminissi. cuius omissionis rationem esse puto; quia non acquirunt sibi hereditatem, sed patri suo, quamuis exheredato. *ff. de acquiren. hered. l. 6. §. interdum.* & quidem illico ei acquirunt. vt nullum vel minimum temporis momentum sit post mortem testatoris, quo hereditas per nepotem heredem institutum non sit patri quæsitæ. *ff. eod. l. placet. 79.* Secundum est, quæ sint proprietates extraneorum heredum. Sunt autem tres.

Prima proprietas est testamenti factio, de qua in §. in extraneis, Ex hoc §.

§. 4.

Nota primò, duplicem esse testamenti factionem alia namque est actiua, vt cum Doctoribus loquar, alia passiuæ; illa est facultas testandi, hæc est facultas capiendi ex testamento; illa est in testatorem, hæc est in heredem.

Nota secundò, in eo, qui vult hereditatem acquirere, testamenti factionem passiuam requiri, id est, requiri vt sit capax hereditatis, siue ipse sit heres institutus, siue seruus eius; quia cum serui iure ciuili pro mortuis habeantur. *ff. de diuer. reg. iur. l. quod attinet. 32. & l. seruitutem. 209.* cum seruis testamenti factio est ex persona dominorum. *ff. de hered. instit. l. non minus. 31.* quemadmodum & ex persona dominorum stipulari possunt. *infra de stipul. seru. in princ.*

Nota tertio testamenti factionem actiuam in testatore regulariter necessariam esse tantum tempore testamenti. *suprà quibus non est permis. fac. testam. §. 1.* Dixi regulariter, quia oportet testatorem etiam tempore mortis esse ciuem Romanum, & sui iuris. *suprà quibus mod. testam. infra. §. non tamen, & ff. de iniust. rupt. l. 6. §. pen.* Idcirco testamentum eius qui postea ab hostibus captus est, non valeret, nisi fictione legis Cornelie, vel iure postliminij confirmaretur. *diut. l. 6. §. quatenus. & qui testan. fac. poss. l. lege. 12.* In herede autem

autem testamenti factio passiva tribus temporibus requiritur I. Cum fit testamentum: quia testamentum ab initio valere debet: alioqui regula Catoniana verat testamentum confirmari eo quod testator diutius vixerit. ff. de rez. Caton. l. 1. I I. Cum testator moritur: quia testamentum morte testatoris confirmatur. I I I. Cum heres scriptus adit hereditatem: quia hoc tempore hereditatem acquirit: proinde non posset eam acquirere, nisi eius capax esset.

Nota quarto, Imperatorem initio huius §. testamenti factionem in herede requirere duobus temporibus, postea tertium tempus addere ideòque concludere tria tempora inspicci. Sic Arist. Categor. cap. 12, proponit prius, accipi quatuor modis, deinde quintum modum adiecit, & ita quinque exponit, ac quinque modis dici concludit. Quocirca cum Imperator in §. de Alimib. §. 1. diuidit actiones in reales & personales, malè Donellus inde colligit nullas esse actiones mixtas, cum hoc membrum dictæ diuisioni adiciatur in §. quatuor. eod. tit. nec habeat Donellus, quod respondeat ad l. 7. C. de petit. hered. Sed hoc obiter dictum est: redeo ad proprietates heredum extraneorum.

§. pen.

Secunda proprietas est ius deliberandi: de quo in §. pen. cum enim extraneus heres sit voluntarius, cumque hereditas possit esse lucrosa, vel damnosâ, rectè datur heredi tempus ad deliberandum verum vellet adire, an repudia. e hereditatem. Sed Iustin. introduxit beneficium inuentarij: quo si heres vratur, non eget deliberatione. etenim si antequam hereditatem adeat, inuentarium rerum hereditariarum ritè conficiat, creditoribus hereditariis non tenebitur vltra vires hereditarias. vide l. ult. C. de iur. deliber.

§. ult.

Tertia proprietas est aditio, vel repudiatio hereditatis nam iui, vel necessarij heredes non dicuntur adire, vel repudiare, sed se immiscere, vel abstinere. Aditio autem hereditatis sit siue verbis, siue re ostendatur voluntas acquirendæ hereditatis. Qui verò re hereditatem adit, putà res hereditarias vendendo, aut aliter de iis disponendo, propriè dicitur pro herede gerere: quamquam hæc appellatio producitur etiam ad verbalem aditionem, sed tunc minùs propriè dicitur pro herede geri. Denique tam aditio, quàm repudiatio etiam nuda voluntate perficitur: adeò vt qui adiuit, non possit amplius repudiare: & qui semel repudiavit, non possit amplius adire.

A X I O M A T A.

- 1 Sui heredes sunt domestici heredes, & viuo quoque patre quodammodo domini. §. 2. coniu. *l. in suis. 11. ff. de lib. & posthu.*
 - 2 Fœminæ in potestate libros non habent. §. 3. coniu. §. *fœmina, sup. de adoption.*
 - 3 Testamenti factio in herede requiritur tribus temporibus: videlicet facti testamenti, mortis testatoris, & aditæ hereditatis, §. 4.
 - 4 Testamenti factio duplex est: actiua, & passiu. *d. §. 4.*
 - 5 Extraneis heredibus deliberandi potestas est de hereditate adeunda, vel repudianda. §. *pen. coniu. §. quantitas inf. de leg. Falcid.*
 - 6 Quod semel placuit, ampliùs displicere non potest. §. *pen. coniu. §. alia, sup. de donat. & §. qua de fullone. infr. de obligat. qua ex delict. & l. Pompeius. 9. de negot. gest. & l. 5. C. de obligat. & act.*
 - 7 Pro herede gerere, est, pro domino gerere. §. *ult.*
-

De legatis.

T I T. XX.

Post hæc videamus de legatis: quæ pars iuris extra propositam quidem materiam videtur. (nam loquimur de iis iuris figuris, quibus per vniuersitatem res nobis adquiruntur) sed cum omnino de testamentis: & de heredibus, qui in testamento instituuntur, loquuti simus: non sine causa sequenti loco potest hæc iuris materia tractari.

- 1 ¶ Legatum itaque est donatio quædam à defuncto relicta, ab herede præstanda.
- 2 ¶ Sed olim quidem erant legatorum genera quatuor, per vindicationem, per damnationem, sinendi

finendi modo, per præceptionem: & certa quædam verba cuique generi legatorum assignata erant, per quæ singula genera legatorum significabantur. Sed ex constitutionibus diuorum Principum solennitas huiusmodi verborum penitus sublata est. Nostra autem constitutio, quam cum magna fecimus lucubratione, defunctorum voluntates validiores esse cupientes, & non verbis, sed voluntatibus eorum fauentes, disposuit, ut omnibus legatis una sit natura, & quibuscunque verbis aliquid relictum sit, liceat legatarius id persequi, non solum per actiones personales, sed etiam per in rem, & per hypothecariam. Cuius constitutionis perpensum modum ex ipsius tenore perfectissime accipere possibile est.

3 ¶ Sed non usque ad eam constitutionem standum esse existimauimus. Cum enim antiquitatem inuenimus legata quidem stricte concludentem, fideicommissis autem quæ ex voluntate magis descendebant defunctorum pinguiorem naturam indulgentem necessarium esse duximus, omnia legata fideicommissis exæquare: ut nulla sit inter ea differentia: sed quod deest legatis, hoc repleatur ex natura fideicommissorum: & si quid amplius est in legatis, per hoc crescat fideicommissorum natura. Sed ne in primis legum cunabulis permistim de his exponendo, studiosis adolescentibus quandam introducamus difficultatem: operæpretium esse duximus, interim separatim prius de legatis, & postea de fideicommissis tractare, ut natura vtriusque iuris cognita, facile possint permissionem eorum eruditi subtilioribus auribus accipere.

4 ¶ Non solum autem testatoris vel heredis
res:

res, sed etiam aliena legari potest: ita ut heres cogatur redimere eam, & præstare: vel si eam non potest redimere, æstimationem eius dare. Sed si talis sit res, cuius commercium non est, [vel adipisci non potest:] nec æstimatio eius debetur velut si campum martium, vel basilicas, vel templa, vel quæ publico vsui destinata sunt, legauerit, nam nullius momenti [tale legatum est. Quod autem diximus alienam rem posse legari: ita intelligendum est, si defunctus sciebat alienam rem esse, non si ignorabat. Forsitan enim si sciisset alienam rem esse, non legasset: & ita diuus Pius rescripsit. Et verius est ipsum qui agit, id est, legatarium probare oportere, sciuisse alienam rem legare defunctum: non heredem probare oportere, ignorasse alienam: quia semper necessitas probandi incumbit illi qui agit.

5 § Sed & si rem obligatam creditori aliquis legauerit, necesse habet heres [eam] luere. Et [in] hoc quoque casu idem placet, quod in re aliena: ita demum luere necesse habeat heres, si sciebat defunctus rem obligatam esse, & ita diui Severus & Antoninus rescripserunt. Si tamen defunctus voluerit legatarium luere, & hoc expresserit: non debet heres eam luere.

6 § Si res aliena legata fuerit: & eius rei viuo testatore legatarius dominus factus fuerit: si quidem ex causa emptionis: ex testamento actione pretium consequi potest. Si vero ex causa lucratiua, veluti ex donatione, vel ex alia simili causa, agere non potest: nam traditum est duas lucratiuas causas in eundem hominem & eandem rem concurrere non posset. Hac ratione, si ex duobus testamentis eadem res eidem de-

beatum : interest, utrum rem, an æstimationem ex testamento consequutus sit. Nam si rem habet, agere non potest, quia habet eam ex causa lucrativa; si æstimationem, agere potest.

7 ¶ Ea quoque res, quæ in rerum natura non est, si modo futura est, rectè legatur: veluti fructus, qui in illo fundo nati erunt, aut quod ex illa ancilla natum erit.

8 ¶ Si eadem res duobus legata sit, siue coniunctim, siue disiunctim, si ambo perueniant ad legatum, scinditur inter eos legatum: si alter deficiat (quia aut spreuerit legatum, aut viuo testatore decesserit, vel alio quoquo modo defecerit) totum ad collegatarium pertinet. Coniunctim autem legatur, veluti si quis dicat, *Titio & Seio hominem Stichum do, lego*: disiunctim ita, *Titio hominem Stichum do, lego. Seio hominem Stichum do, lego*. Sed & si expresserit eundem hominem Stichum, æque disiunctim legatum intelligitur.

9 ¶ Si cui fundus alienus legatus sit, & emerit proprietatem deducto usufructu, & usufructus ad eum peruenierit, & postea ex testamento agat: rectè eum agere, & fundum petere, Iulianus ait: quia usufructus, in petitione, seruitutis locum obtinet: sed officio iudicis continetur, ut deducto usufructu, iubeat æstimationem præstari.

10 ¶ Sed si rem legatarij quis ei legauerit, inutile est legatum: quia quod proprium est ipsius, amplius eius fieri non potest: & licet alienauerit eam, non debetur nec ipsa res, nec æstimatio eius.

11 ¶ Si quis rem suam quasi alienam legauerit: valet legatum, nam plus valet quod in veritate est, quam quod in opinione. Sed & si legatarij esse

puta

putavit, valere constat: quia exitum voluntas defuncti habere potest.

12. § Si rem suam legauerit testator, postea-
que eam alienauerit: Celsus putat, si non adimendi
animo vendidit, nihilominus deberi. Idemque di-
ui Seuerus & Antoninus rescripserunt. Idem res-
cripserunt eum, qui post testamentum factum præ-
dia, quæ legata erant, pignori dedit, ademisse le-
gatum non videri, & ideo legatarium cum herede
[eius] agere posse, ut prædia à creditore luan-
tur. Si verò quis partem rei legatæ alienauerit: pars,
quæ non est alienata, omnino debetur: pars autem
alienata ita debetur, si non adimendi animo alienata
sit.

13. § Si quis debitori suo liberationem le-
gauerit, legatum vtile est: & neque ab ipso debito-
re, neque ab herede eius potest heres petere: neque
ab alio, qui heredis loco sit. Sed & potest à debitore
conueniri, ut liberet eum. Potest etiam quis vel ad tem-
pus iubere, ne heres petat.

14. § Ex contrario, si debitor creditori suo,
quod debet, legauerit: inutile est legatum, si ni-
hil plus est in legato quam in debito: quia nihil am-
plius per legatum habet. Quod si in diem, vel sub
conditione debitum ei putè legauerit: vtile est lega-
tum propter repræsentationem. Quod si vivo testa-
tore dies venerit, vel conditio extiterit: Papinia-
nus scripsit, vtile esse nihilominus legatum: quia se-
mel constitit: quod & verum est. Non enim pla-
cuit sententiam existimantium, extinctum esse legatum
quia in eam causam peruenerit, à qua incipere non
potest.

15. § Sed si vxori maritus dotem legauerit, valet
V 2 legatum

legatum, quia plenius est legem, quàm de dote actio. Sed si, quàm non accepit dotem, legauerit: diui Senerus & Antoninus rescripserunt, si quidem simpliciter legauerit, inutile esse legatum: si verò certa pecunia vel certum corpus, aut instrumenta dotis in relegando demonstrata sunt, valere legatum.

16 ¶ Si res legata sine factò heredis perierit, legatario decedit. Et si seruus alienus legatus sine factò heredis manumissus fuerit, non tenetur heres. Si vero heredis seruus legatus sit, & ipse cum manumiserit: teneri ipsum Iulianus scripsit: nec interest, sciuerit, an ignorauerit à se legatum esse. Sed & si alij donauerit seruum, & is, cui donatus est, cum manumiserit: tenetur heres, quamuis ignorauerit à se cum legatum esse.

17 ¶ Si quis ancillas cum suis natis legauerit, etiam si ancillæ mortuæ fuerint, partus legato cedunt. Idem est, & si ordinarij serui cum vicariis legati fuerint: quia licet mortui sint ordinarij, tamen vicarij legato cedunt. Sed si seruus fuerit cum peculio legatus: mortuo seruo, vel manumisso, vel alienato, peculij legatum extinguitur. Idem est, si fundus instructus, vel cum instrumento legatus fuerit. Nam fundo alienato, & instrumenti legatum extingui.

18 ¶ Si grex legatus fuerit, & postea ad vnam ouem peruenerit: quod superfuerit, vindicari potest. Grege autem legato; etiam eas oues, quæ post testamentum factum gregi adiiciuntur, legato cedere, Iulianus ait. Est autem gregis vnum corpus ex distantibus capitibus, sicut ædium vnum corpus est ex coherentibus lapidibus.

19 ¶ Edibus, denique, legatis, columnas & marmora

matrimonia, quæ post testamentum factum adiecta sunt, legato [dicimus] cedere.

10 ¶ Si peculium legatum fuerit : sine dubio, quicquid peculio accedit vel decessit viuo testatore, legatarij lucro vel damno est. Quod si post mortem testatoris ante aditam hereditatem [aliquid] seruus adquisierit : Iulianus ait, si quidem ipsi manu nullo peculium legatum fuerit : omne, quod ante aditam hereditatem adquisitum est, legatario cedere, quia huiusmodi legari dies ab adita hereditate cedit : sed si extraneo peculium legatum fuerit : non cedere ea legato, nisi ex rebus peculiaribus auctum fuerit peculium. Peculium autem, nisi legatum fuerit, manu nullo non debetur : quamuis si viuus manumiserit, sufficit, si non adimatur : & ita diui Seuerus & Antoninus rescripserunt. Eodem rescripserunt, peculio legato, non videri id relictum, vt petitionem habeat pecuniæ, quam in rationes dominicas impenderit : Eodem rescripserunt, peculium videri legatum, cum rationibus redditis liber esse iussus est & ex eo reliqua inferre.

21 ¶ Tam autem corporales res legari possunt quàm incorporales : & idè quod defuncto debetur potest alicui legari, vt actiones suas heres legata io præster, nisi exegerit viuus testator pecuniæ : non hoc casu legatum extinguatur. Sed & tale legatum, valet, *damnas esto heres meus domum viuius regere, vel, illum ere alieno liberare.*

22 ¶ Si generaliter seruus vel res alia legatur electio legatarij est, nisi aliud testator dixerit

23 ¶ Optionis legatum, [id est,] vbi testator ex seruis suis, vel aliis rebus optare legatarium iusserat, habeat olim in se conditionem : & idè nisi ipse legatarius viuus optasset, ad heredem le-

gatum non trans mittebat: sed ex constitutione nostra, & hoc in meliorem statum reformatum, est: & data est licentia heredi legatarij optare [seruum,] licet unus legatarius hoc non fecerit. Et diligentiore tractatu habito, & hoc in nostra constitutione additum est: siue plures legatarij extiterint, quibus optio relicta est, & dissentiant in corpore eligendo: siue vnus legatarij plures heredes [sint,] & inter se circa optandum dissentiant, alio aliud corpus eligere cupiente, ne pereat legatum (quod plerique prudentium contra beneuolentiam introducebant) fortunam esse huius optionis iudicem, & sorte hoc esse dirimendum, vt ad quem fors venerit, illius sententia in optione præcellat.

24 § Legari autem aliis solum potest, cum quibus testamenti factio est.

25 § Incertis verò personis neque legata, neque fideicommissa olim relinqui concessum erat. Nam ne miles quidem incertæ personæ poterat relinquere, vt diuus Hadrianus rescripsit: Incerta autem persona videbatur, quam incerta opinione animo suo testator subiiciebat: veluti si quis ita dicat, *quicumque filio meo filiam suam in matrimonium dederit, ei heres meus illum fundum dato*: Illud quoque, quod iis relinquebatur, qui post testamentum scriptum primi consules designati essent: æque incertæ personæ legari videbatur, & denique multæ aliæ huiusmodi species sunt. Libertas quoque incertæ personæ non videbatur posse dari: quia placebat nominatim seruos liberari. Sub certa verò demonstratione id est, ex certis personis incertæ personæ rectè legabatur: veluti, *ex cognatis meis, qui nunc sunt, si quis filiam meam uxorem duxerit,*

ei heres meus illam rem dato. Incertis autem personis legata vel fideicommissa relicta, & per errorem soluta, repertum non posse, sacris constitutionibus cautum erat.

26 ¶ Posthumus quoque alieno inutilis [antea] legabatur. Est autem alienus posthumus, qui natus inter suos, heres testatori futurus non est. Idcircoque emancipato filio conceptus nepos, extraneus erat posthumus avo.

27 ¶ Sed nec huiusmodi species penitus est sine iusta emendatione relicta, quum in nostro. Codice constitutio posita sit, per quam & huic parti medemur, non solum in hereditatibus, sed etiam in legatis & fideicommissis: quod euidenter ex ipsius constitutionis lectione clarescit. Tutius autem nec per nostram constitutionem incertus dari debet: quia certo iudicio debet quis pro tutela suæ posteritatis cavere.

28 ¶ Posthumus autem alienus heres institui & ante poterat, & nunc potest, nisi in utero elus sit, quæ iure nostro vxor esse non potest.

29 ¶ Si quidem in nomine, cognomine, prænomine, [agnomine] legatarij testator errauerit: cum de persona constet, nihilominus valet legatum. Idemque in heredibus servatur, & rectè. Nomina enim, significandorum hominum gratia reperta sunt: qui si alio quolibet modo intelligantur, nihil interest.

30 ¶ Huic proxima est illa iuris regula, Falsa demonstratione legatum non perimit: veluti si quis ita legauerit, *Stichum servum meum vernam do, lego*, licet enim non, verna, sed emptus sit: si ta-

men de seruo constat, vtile est legatum. Et conuenienter, si ita demonstraerit, *Stichum seruum, quem à Seio emi*, sique ab alio emptus : vtile est legatum, si de seruo constat.

31 ¶ Longe magis legato falsa causa [adiecta] non nocet, veluti cum quis ita dixerit : *Titio quia me absente negotia mea curauit, Stichum do, lego*: vel ita, *Titio, quia patrocínio eius capitali crimine liberatus sum, Stichum do, lego*. Licet enim neque negotia testatoris vnquam gesserit Titius, neque patrocínio eius liberatus sit, legatum tamen valet. Sed si conditionaliter enuntiata fuerit causa : aliud iuris est, veluti hoc modo, *Titio, si negotia mea curauerit, fundum meum do, lego*.

32 ¶ An seruo heredis rectè legemus, quæritur, & constat purè inutiliter legari, nec quicquam proficere, si viuo testatore de potestate heredis exierit : quia quod inutile foret, legatum, si statim post factum testamentum decessisset testator, hoc non debet idè valere, quia diutius testator vixerit. Sub conditione vero rectè legatur [seruo,] vt requiramus, an quo tempore dies legati cedit, in potestate heredis non sit.

33 ¶ Ex diuerso, herede instituto seruo, quin domino rectè etiam sine conditione legetur, non dubitatur. Nam etsi statim post factum testamentum decesserit testator, non tamen apud eum, qui heres sit, dies legati cedere intelligitur : cum hereditas à legato separata sit : & possit per eum seruum alius heres effici, si prius, quàm iussu domini adeat, in alterius potestatem translatus sit : vel manumissus ipse heres efficitur ; quibus casibus vtile est legatum. Quod si in eadem causa permanserit, & iussu legatarij ad-

icit:

ierit : euanescit legatum.

34 § Ante heredis institutionem inutiliter antea legabatur : scilicet quia testamenta vim ex institutione heredis accipiunt , & ob id veluti caput arque fundamentum intelligitur totius testamenti heredis institutio. Pari ratione nec libertas ante heredis institutionem dari poterat. Sed quia inuile esse putauimus , scripturæ ordinem quidem sequi (quod & ipsi antiquitati vituperandum fuerat visum) sperni autem testatoris voluntatem : per nostram constitutionem & hoc vitium emendauimus : ut liceat & ante heredis institutionem , & inter medias heredum institutiones legatum relinquere , & multo magis libertatem , cuius usus fauorabilior est.

35 § Post mortem quoque heredis aut legatarij simili modo inutiliter legabatur : veluti si quis ita dicat , *cum heres meus mortuus fuerit, do, lego.* Item, *pridie quàm heres aut legatarius morietur.* Sed simili modo & hoc correximus , firmitatem huiusmodi legatis ad fideicommissorum similitudinem præstantes : ne in hoc casu deterior causa legatorum , quàm fideicommissorum inueniatur.

36 § Poenæ quoque nomine inutiliter [antea] legabatur & adimebatur , vel transferebatur. Poenæ autem nomine legari videtur , quod coërcendi heredis causa relinquitur , quo magis aliquid faciat , aut non faciat : veluti si quis scripserit : *heres meus ; si filiam suam in matrimonium Titio collocauerit : vel ex diuerso , si non collocauerit, dato decem aureos Seio :* aut si ita scripserit , *heres meus si seruus Stichum alienauerit : vel ex diuerso , si non alienauerit , Titio decem aureos dato.* Et in tantum

hæc regula obseruabatur, vt quam plurimis principibus constitutionibus significaretur, nec principem agnoscere, quod ei pœnæ nomine legitum sit, nec ex militis quidem testamento talia legata valebant, quamuis aliæ militum voluntates in ordinandis testamentis vel obseruabantur, quin etiam nec libertates pœnæ nomine dari posse placebat: eo amplius nec heredem pœnæ nomine adici posse. Sabinus existimabat: veluti si quis ita dicat, *Titius heres esto, si Titius filiam suam in matrimonium Seio collocauerit, Seius quoque heres esto*. Nihil enim intereat, qua ratione Titius coërceretur, vtrum legati donatione, an coheredis adiectione. Sed huiusmodi scrupulositas non placuit: & generaliter ea, quæ relinquuntur, licet pœnæ nomine fuerint relicta, vel adempta, vel in alium translata: nihil distare à cæteris legatis constituimus, vel in dando, vel in adimendo, vel in transferendo: exceptis videlicet iis, quæ impossibilia sunt, legibus interdicta, aut alias probrosa. Huiusmodi enim testamentorum dispositiones valere, secta meorum temporum non patitur.

Non vt heredis institutio, ita etiam legata in testamentis necessaria sunt: sed vel relinqui, vel omitti possunt: legatum enim hic angustè accipitur pro specie quadam ultimæ voluntatis: non latè, vt in duodecim tabulis, in quibus legandi verbum omnem ultimam voluntatem complectitur. ff. de verb. signific. l. verbis legi i. c. Varias huius vocabuli significationes exposui Isagog. ff. de legat. l. 1.

Princ. De his tractans Imper. Primò in *princ. tit.* rationem affert, propter quam hic agit de legatis.

§. 1. Secundò in §. 1. legatum definit donationem quandam à defuncto relictam, ab herede præstandam. Hæc definitio plenior est quam ea, quæ habetur in *l. legatum. 36 ff. de leg. 4.* vbi legatum dicitur esse donatio testamento relicta

Nec

Nec assentior iis qui hoc loco delent ea verba *ab herede præstanda*, non sunt enim otiosa, sed legatum separant à fideicommissio, quod non tantum ab herede, sed etiam à legatario & fideicommissario præstari potest. *infra d. sing. reb. per fideicom. relict. in princip.* Separat etiam à donatione causa mortis, cui perquam simile est legatum. *infra le donat. §. 1.* etenim ipse donator rem donatario tradere solet. *ff. de reb. cred. l. non omnis. 19. & de mortis caus. donat. l. senatus. 35. §. sed mortis. & §§. seqq. l. scilicet. 41. §. ult.* Opponitur, quod legatum non semper præstatur ab herede, sed interdum præstatur ab ipso testatore. *ff. de legat. ij. l. Lucius. 22. & C. de legat. l. filia. 11.* Interdum ipse legatarius accipit à semetipso. *ff. de legat. ij. l. Titia cum testamento. 34. §. 1. Caius l. 2. Instit. tit. 5. §. 1.* Ad primam obiectionem respondeo, testatorem in iuribus allegatis non soluere legatum, sed dum legatario tradit rem, quam ei legauerat, extinguere legatum. At *l. Titia cum testamento §. 1.* respondeo, illum esse heredem, qui iussus est à se capere: & nihilominus ipsum quoque interdicto *quorum bonorum*, teneri si sua auctoritate rem occupet. *ff. quod legat. l. 1. §. qui verò.* Præterea in definitione legati non diximus rem ab herede præstari (sæpe enim contingit, ut non præstetur) sed esse præstandam, id est, heredem ad hoc teneri, ut rem legatario præstet; quæ heredis obligatio non tollitur, eò quod testator legatario rem sumere permittat. Hæc responsio valet etiam ad locum *Cass. Addunt quidam hoc argumentum: Legatum rectâ viâ transit à defuncto ad legatarium, saltem cum testator rem suam legavit, & legatarius eam vindicat: ergo hoc casu legatum non est præstandum ab herede. Nego consequentiam, quia non dicimus, dandum esse ab herede, sed præstandum: differunt autem dare, & præstare: quia dare est dominium transferre *infra. de act. §. si itaque; præstare est tradere id est, possessionem transferre, vel quasi possessionem ut in l. in vendendo. 66. in princ. ff. de contrab. empt.* Ergo etsi heres non dat legatario vindicanti rem legatam tamen præstat: quia morte defuncti solum dominium rei legatæ transit ad legatarium, non possessio.*

Tertiò in *§. sed olim*, tractat de quatuor generibus legatorum quæ apud veteres erant in usu, de quibus tria

§. 2.
iura

iura proponit I. Ius antiquum, quo hæc legatorum genera inter se certis verbis & formulis distinguebantur. Adde, quodd differebant etiam ratione rerum legatarum, & affectu, ut Vlpia. *tit. 25. & Caius lib. 2. tit. 5.* declarant. II. Ius novum, quo verborum solemnitas constitutionibus principum sublata est nimirum Constantini magni, teste Eusebio *lib. 4. de eius vita, cap. 26.* & Constantini minoris, Constantij & Constantis. *C. hoc tit. l. in legatis. 21.* III. Ius novissimum, quo ipse omne discrimen tollit quod erat inter dicta legatorum genera, ut quod unius generis proprium erat etiam alteri tribuerit: adeo ut legata hodie plenior vim habeant, quam olim. cum enim olim ex legato vindicationis daretur rei vindicatio, ex legato autem damnationis, nasceretur actio personalis ex testamento, hodie siue testator sit usus verbis vindicationis, veluti, *seus fundum illum vindica: Seus servum illum sumito:* siue verbis damnationis, veluti, *heres meus damnas esto fundum Tusculanum Seio dare,* semper legatarius optionem habet; utrum malit agere in rem an in personam, habet insuper etiam actionem hypothecariam, quia bona defuncti legatarius tacite sunt opignoratata, vide *l. i. C. cum. de leg.* Præter has actiones, cum uni ex multis heredibus prælegatur, is prælegatum consequi potest iudicio familiæ eriscundæ *ff. f. m. erisc. l. si ita 42.* Sed dubitatur, qui fieri possit, ut legatario simul competant actio ex testamento, qua petat rem sibi dari, & rei vindicatio: quoniam hæc datur domino. *ff. de rei vindic. l. in rem. 23. in princ.* hæc non domino. *infra de ad. §. sic itaque.* Respondeo legatarium actione ex testamento non petere, ut res sibi detur, sed ut sibi præstetur ut ex definitione legati supra exposita apparet) sed restituatur: quod & aliis casibus accidit, ut cum quis rem suam repetit actione commodati, vel depositi. quia non repetit tamquam suam, sed tamquam commodatam, vel depositam.

§. 3.

Quarto in §. *sed non usque* confert legata cum fideicommissis, & antiquas inter ea differentias tollit. ita ut hodie nulla sit inter ea differentia. Verum hoc dictum difficultate non caret. Opponitur. quod Vlp. *l. i. §. de legat. 1.* inquit per omnia esse exæquata legata fideicommissis: falsò itaque videtur Iustin. hanc exæquationem sibi tribuere. Ut omittam inanes solutiones, respondendum est cum

cum Cuiacio *lib. 8. obseru. cap. 4.* tempore Vlpiani legata fideicommissis exæquata fuisse per omnia non tamen in omnibus, sed tantum in detractioe quartæ, quia lex Falcidia. quæ loquitur de solis legatis, producta est ad fideicommissa, vnde quarta Falcidia æquè deducitur de fideicommissis, ac de legatis: & in questione quænam impurentur heredi in quartam, nihil interest vtrum hæc quarta de legatis, an de fideicommissis detrahatur, quia quantum ad hoc, legata fideicommissis per omnia sunt exæquata: quamuis omnes ferè doctores contra sentiant. Opponitur II quodd hodieque sunt aliquot differentie inter legata & fideicommissa: dicimus enim fideicommissariam hereditatem, non hereditatem legatariam, præterea fideicommissa relinqui possunt ab intestato; legata nisi ex testamento non valent. *infra de fideic. heret. §. præterea.* insuper legatarius potest onerari fideicommissio. non legato, *infra de sing. reb. per fideic. relictis. in princ.* Adde III. obiectionem ab alijs non animaduersam: quia hoc Iustin. dictum quo asserit se omnino exæquasse legata fideicommissis, contradictionem implicat. Etenim si omnino sunt exæquata, nullo modo differunt: præinde sunt vna & eadem res: duæ namque res esse non possunt, nisi sint inter se aliquo modo diuersæ: quodd si legatum & fideicommissum vna res est certè dicere non possumus hæc esse inter se exæquata, quia idem sibi ipsi æquale, vel exæquatum dici nequit. Pro solutione harum obiectionum existimo necessariam esse nouam quamdam eius exæquationis interpretationem ab alijs Doct. non traditam: dico igitur Iustin. meâ sententiâ reliquisse differentias, quibus legata à fideicommissis in iure distinguuntur; alioqui frustra de legatis & fideicommissis seorsum agere tam in Codice, quam in Instit. si prorsus nullum inter ea discrimen esset: sed hæc exæquauit tantummodò quoad vim & effectum, siue vsum, quatenus à testatore facta, extra ius consistunt. Exempli causa, si legatum ab intestato relinquatur, iure antiquo non valet: hodie valet, non iure legati, sed iure fideicommissi, quia Iustin. vim fideicommissorum legatis tribuit. Idem dicendum si à legatario legetur: non enim valebit vt legatum, sed quasi fideicommissum, perinde enim testamenta accipimus, ac si testator, dum aliquid legat, adiciat se velle, vt id non solum iure legati, sed etiam iure fideicommissi valere possit: & similiter cum fidei

fideicommissum relinquit, iubeat ut id valeat etiam iure legati. Ergo si species per se & quasi in abstracto has partes iuris aliud est legatum, aliud fideicommissum: sed si species verba testatorum, dicendum est, expressis verbis legati contineri tacitum fideicommissum & expressis verbis fideicommissi contineri tacitum legatum: quasi testator, cum expressè iubet, tacitè roget: & dum expressè rogat, tacitè iubeat: quemadmodum substitutio vulgaris expressa continet tacitam pupillarem, & expressa pupillaris continet tacitam vulgarem. ff. de vulgar. & pupil. l. 4. Unde fit, ut quantum ad effectum & vim iuris, nihil referat, utrum testator leget, an fideicommittat. Atque hæc est exæquatio, quam Iustinianus intelligit tam hic quàm in l. 2. C. m. un. de legat.

§. 4.

Quintò loquitur de rebus legatis: de quibus dissolvit plures quæstiones. I. Quæstio est in §. non solum, utrum res tantum testatoris legari possint, an etiam aliæ? Respondet Imperator, non solum res testatoris, vel heredis, sed etiam alienas, id est, alicuius extranei, legari posse: non tamen eas, quæ non sunt in commercio, ut campum Martium, templum: nec eas quæ non sunt in commercio legatari: licet in aliorum commercio sint, id est, quæ legatarius acquirere non potest. ut Iudæus mancipium Christianum C. ne Christ. mancip. heret. vel Iud. l. 1. & 2. quod quidem primus Constantinus constituit, teste Eusebio in eius vita. lib. 4. cap. 27. meritò autem talia legata improbantur: quia furiosi est ea in testamento adscribere. ff. de legat. l. cum servus 39. §. si verò commercium (ut Vlpian. tit. 20. §. commercium, definit) est emendi vendendique inuicem ius: in qua definitione emendi & vendendi vocabula latè accipiuntur, ut omnem acquisitionem, & alienationem complectantur sicut in l. statu liberi 29. in fi. ff. de statulib. Unde in formula: qua furioso bonis interdicebatur, prætor utebatur his verbis, Tibi ea re commercioque interdicto. Paul. lib. 3. Sentent. tit. 4 §. moribus. Effectus autem legatæ rei alienæ declaratur per distinctionem. Aut enim heres potest eam emere: & cogitur eam emere, & legatario præstare. Aut non potest emere: ac tenetur æstimationem eius legatario solvere. Intellige heredem non posse rem emere, vel quia dominus vult eam vendere, vel quia in iudicio pretio vult vendere. Item intellige heredem

heredem teneri soluere æstimationem, id est, iustum rei pretium. ff. de legation. 3. l. non dubium. §. ultimo, Quod diximus, legatum rei alienæ valere, patitur hanc limitationem, dummodò testator sciuerit rem esse alienam, quod quidem legatarius petens legatum, probare debet, quoniam onus probandi incumbit actori. dict. §. non solum. vers. quod autem. Hæc limitatio non est perpetua, sed tum demum obtinet, cum extraneæ personæ legatum fuit; nam si testator coniunctæ personæ legatur, indistinctè legatum valet, siue testator sciebat, siue ignorabat rem esse alienam. C. hoc tit. l. cum alienam. 10.

II. Quæstio est in §. sed & si rem, an valeat legatum rei pignoratæ: & si valeat, quis sit eius effectus? Respondet Imp. legatum valere & heredem cogi rem luere, ac liberam legatario præstare. Addit duas exceptiones, id est, duos casus quibus heres non cogitur rem pignoratam luere. sed talem legatario præstare, qualis est. Prior casus est, si testator ignorabat rem esse pignoratam, vers. & in hoc. Posterior casus est, cum testator expressè iussit, ut legatarius rem luat. vers. si tamen.

III. Quæstio est in §. si res aliena, de effectu rei alienæ legata; cuius dominium si legatarius ex alia causa acquisiuit, aut viuo testatore, ut ponitur in contextu, aut post eius mortem priusquam legatum consequatur, ut Doctores suppleant: quæritur an nihilominus legatum petere possit? Respondetur per distinctionem, aut enim rem acquisiuit ex causa onerosa, aut ex causa lucrativa. Priori casu rem legatam petere potest, nam cui pretium rei abest, ei res ipsa abesse videtur. ff. de emitt. l. si servus 21. §. & ideo: officio autem iudicis continebitur, ut æstimationem ab herede accipiat: quia non potest rem ab eo accipere; quam iam habet. Posteriori casu legatum extinguitur: quia legatum quoque est causa lucrativa: nec possunt duæ causæ lucrativæ in eundem hominem & eandem rem concurrere, id est, idem non potest eandem rem bis ex sua persona lucrari: quamvis si servo legatarij res legata donetur, legatum non reddatur inutile. ff. de legat. 1. l. si servus, 108. §. 1. Ergo in casu proposito ne rem legatam petere potest, quia ex causa lucrativa peteret, quod habet
ex

ex causa lucratiua; neque æstimationem, quia æstimatio non est legata, ac rei æstimatio ab ipsa re differt. ff. de verb. oblig. l. si seruum. 91. §. ultim. de nouat. l. fundum Cornelianum. 28. Non obstat. l. si res mihi. 20. ff. de legat. iij. ubi æstimatio petitur ob testatoris voluntatem: quia testator legans duobus eandem rem in solidum, vult alterum consequi rem, alterum æstimationem. C. de caduc. toll. l. un. §. ubi autem. vers. hoc autem. cum alio modo solidum ambo consequi nequeant. Regulariter itaque æstimatio rei debita peti non potest: quia non aliud peti debet, quam quod debetur. Excipitur I. Nisi ipsa quoque æstimatio sit in obligatione, vt in casu proxime proposito. II. Nisi res debita ex causa bonæ fidei, vel arbitraria post moram debitoris perierit. ff. de conditio. furt. l. in re furtiua. §. in princ. Si vero debeatur ex causa stricti iuris, vt ex stipulatione, etiam post rei interitum durat ipsius rei obligatio, & ipsa res est in actione, æstimatio in officio iudicis, id est, actor rem petet, & officio iudicis æstimationem consequetur. Hactenus ad d. §. si res aliena, diximus de re vnius testamento legata, & ex alia causa legatario acquisita. Nunc videamus quid dicendum, si duorum testamentis eadem res mihi legata sit; possumne ex utroque testamento legatum petere? Imperator in vers. hęc ratione, respondet per distinctionem; aut enim ex primo testamento rem legatam accepi, aut eius æstimationem. Priori casu legatum ex altero testamento non debetur; quia iam habeo rem ex causa lucratiua: constat enim legatum inter lucratiuas causas numerari. Posteriori casu possum rem petere ex secundo testamento: quia ex primo testamento non sum rem consecutus, sed pretium eius.

§. 7.

IV. Quæstio est in §. en quoque an ea legari possint, quæ non sunt in rerum natura? Respondetur, legari posse dummodo futuræ sint, veluti fructus ex fundo percipiendi. Porro in hoc legato inest tacita conditio, si fructus nascentur. ff. de condit. & demonst. l. 1. in fin. quæ non facit legatum conditionale, sed nihilominus legatum est purum, quia conditio non est à testatore adiecta, sed extrinsecus ex rei natura adsumitur ff. eod. l. conditiones extrinsecus. 99. & quando dies legat. eod. l. cum illud. 25. §. 1. Sed quid, si dubitetur, an res legata sit in reum natura? Ex testamento agi & legatum peti potest: officio

officio autem iudicis continetur, ut heres caveat se rem persecuturum, & si nactus fuerit legatario restitutum. ff. de legat. 1. l. servo legato. 69. §. ult.

V. Quæstio est in §. si eadem res, quis sit legati effectus, cum eadem res duobus legatur, vel coniunctim, id est, una & eadem oratione, veluti, Titio & Scio fundum Tusculanum do lego. vel disiunctim, id est, diuersis orationibus, veluti, Titio fundum Tusculanum do lego, Scio eundem fundum Tusculanum do lego. Respondetur per distinctionem. Nam si ambo legatum petant concursu partes faciunt. si verò alteruter legatum non accipiat, portio eius non manet penes heredem, sed accrescit collegatario.

§. 8.

Nota primò, cum ius accrescendi spectetur vel in hereditate ff. de verbo. signif. l. triplici. 142. C. de caduc. toll. l. vi. §. si is ita definitis. vel in legato proprietatis ff. de leg. 3. l. re commun. c. 89. vel in legato ususfructus. toto tit. ff. de usufr. accresce. hic agi solum de proprietate legata.

Nota secundò, coniunctionem tam in legatis, quam in hereditatibus duplicem esse. Alia est coniunctio verbalis, cum scilicet duobus relinquuntur in eadem oratione, veluti, Titio & Manius ex semisse heredes sumo. Titio & Manio fundum Tusculanum do lego. Alia est coniunctio realis, ut quia eadem portio hereditatis, vel idem fundus duobus relinquuntur quamvis diuersis orationibus, veluti, Titius ex triente heres esto, Scius ex eodem triente heres esto. item, Titio Stichum do lego. Scio eundem Stichum do lego. in hoc autem §. Iustinianus intelligit coniunctionem, vel disjunctionem verbalem, non realem eodemque modo coniunctio & coniuncti accipiuntur in d. l. un. §. ubi autem. & in l. l. ff. de usufr. c. 1.

Nota terriò, cum auctores loquuntur de coniunctione verbali, eos supponere coniunctionem realem: quia nisi sit aliqua coniunctio in re, coniunctio verbalis nihil operatur, nec facit locum iuri accrescendi: ideòque facere tantum duo membra, quia sunt legatarij vel coniuncti, vel disiuncti, sicut, in hoc §. cum autem generaliter coniunctionem accipiunt, tam pro reali, quam pro verbali, tunc faciunt tria membra. vel enim sunt re tantum coniuncti, id est, (ut in legatis exemplum afferam) cum eadem res duabus personis legatur diuersis orationibus, veluti, Titio fundum Tusculanum do lego Manio eundem fundum Tusculanum do lego: vel sunt coniuncti tantum verbis, non re: intellige coniunctos verbis: qui eis legatur

VHA

vna & eadem oratione. intellige non coniunctos re: non quia res prorsus diuersæ eis legentur: tunc enim essent legatarii omnino separati, nec pertinerent ad tractatum de iure accrescendi: sed quia in eadem re legata diuersas partes pro indiuiso à testatore factas accipiunt) veluti, *Titio, & Maenio fundum Tusulanum pro æquis partibus do lego*. Vel sunt coniuncti re & verbis: veluti, *Titio & Maenio fundum Tusulanum do lego d. l. re coniuncti, & d. l. triplici* in quibus legibus vocantur re tantum coniuncti, qui in hoc §. à Iustin. appellantur disiuncti, propterea quod non sunt coniuncti verbis. Imp. enim, ut paulò antè notui, respicit solum in hac diuisione ad coniunctionem verbalem. rursus in iis legibus dicuntur coniuncti re & verbis, qui à Iustin. simpliciter nominantur coniuncti. qui verò in dictis legibus vocantur verbis tantum coniuncti, eorum mentionem Iustin. hoc loco nullam facit: loquitur enim solum de iis, quibus eadem res legata est proinde supponit eos esse re coniunctos.

Nota quartò ius accrescendi modò propriè accipi, cum scilicet ei, cui pars legata est, altera pars accrescit: modò impropriè pro iure non decrescendi, nempe cum tota res duobus legata est, & altero repudiante alter totam rem legatam accipit quia nemine concurrente nihil sibi decrescit quamuis, si collegatarius legatum petiisset, pars sibi decreuisset.

Nota quintò in re & verbis, vel re tantum coniunctis ius accrescendi accipi pro iure non decrescendi: quia totum singulis legatum est: idcirco si omnes legatum petant, singulis portio decrescit. quod si vnus legatum accipiat, nihil ei decrescit totum igitur capit, non iure accrescendi propriè dicto, sed quia nihil sibi decrescit, id est, quia ex toto sibi legatum non à collegatariis aueretur. In his verò qui verbis tantum coniuncti sunt, locum habet ius accrescendi propriè dictum, quia testator partes eis legauit: dum igitur totum legatum capiunt, partem habent ex voluntate expressa testatoris, partem iure accrescendi, quia deficientium portiones accrescunt.

Nota sextò, ius accrescendi olim habuisse locum in legato per indicationem, non in legato per damnationem, cuius iuris vestigia extant. *de legat. l. si duobus 1. in princ. l. plane 34. §. si co. iunctim, l. huiusmodi 84. §. si Titio & Maenio, & de legat. 2. l. 7.* sed hodie sublati diuersis legatorum generibus, *suprà hoc tit. §. sed olim*, ius accrescendi indistinctè locum habet.

Nota septimò in toto hoc tractatu de iure accrescendi, cum dicimus deficiente partem coniuncto accrescere, vel inter plures coniunctos ei accrescere, qui magis coniunctus est, nos intelligere coniunctionem, quam habent collegatarij, qui iure accrescendi uti volunt, non inter se, si fortè plures sint, sed cum eo, cuius portionem iure accrescendi appetunt, ut mox planius fiet.

Nota octavò, Iustin. loqui tantum de duobus legatariis. unde rectè ait, nihil referre utrum sint coniuncti, an disiuncti, sed fieri potest, ut sint plures legatarij quorum alij sint coniuncti, alij disiuncti: siue ut alij sint coniuncti re, alij verbis alij re & verbis. quo casu non omnimodo portio deficientis reliquis omnibus accrescit. Hoc explicemus secum cum utramque coniunctorum divisionem. Si respiciamus ad divisionem bipertitam nostri §. dicendum est, si omnes legatarij sint coniuncti vel omnes disiuncti, portionem eius, qui legatum non accipit, ceteris omnibus æquè accrescere. si verò alij sint coniuncti, alij disiuncti: siquidem disiunctus legatum repudiet, eius portio aliis omnibus accrescit: quia ceteri omnes sunt huic re tantum, non verbis coniuncti, licet quidam sint inter se coniuncti. iam enim monui coniunctionem spectari inter singulos iure accrescendi utentes, & eum, cuius portio accrescit, non inter illos verum inter se. Sin autem unus ex coniunctis non accipiat legatum, portio eius solis coniunctis, vel soli coniuncto accrescit, exempli gratia: in testamento ita scriptum sit, *Titio & Maudio fundum Tusculanum do lego: Seio eundem fundum Tusculanum do lego.* Finge Titium repudiare legatum; eius portio accrescit soli Maudio, non Seio. rursus finge Mauium repudiare legatum: similiter eius portio accrescit Titio, non Seio. tandem finge Seium non accipere legatum: eius portio accrescit tam Titio, quam Maudio. Iam hanc doctrinam accommodemus alteri coniunctorum divisioni, dicendum est, re & verbis coniunctum in iure accrescendi præferri iis, qui tantum re, vel tantum verbis coniuncti sunt. quod si alij sint verbis, alij re coniuncti, illi præferuntur, qui verbis coniuncti sunt, quoniam habent etiam aliquam realem coniunctionem, quippe qui ex eadem re partes pro indiviso accipiunt, cum re coniuncti nullam habeant coniunctionem verbalem: Hæc colliguntur ex *d. l. re coniuncti*, & *d. l. triplici*. quæ exemplo illustrare non erit inutile. Finge in testamento ita scriptum esse: *Primo & secundo fundum Seianum*

do lego. Tertio & Quarto eundem fundum Scianum pro aequis partibus do lego. Quinto fundum Scianum do lego. Sexto eundem fundum Scianum do lego. Primus & Secundus sunt re & verbis coniuncti: Tertius & Quartus tantum verbis. Primus, Secundus, Quintus & Sextus, re tantum sunt in toto fundo coniuncti. Idem cum tertio sunt re coniuncti in semisse, & cum Quarto in altero semisse. Quare si primus legatum non accipiat eius portio soli Secundo accrescit. Si Secundus, soli Primo. Si Tertius, soli Quarto. Si Quartus, soli Tertio. Si Quintus cæteris omnibus: sed ita ut quarta portionis accrescentis pars accrescat Primo, quarta Secundo, quarta Sexto, octava Tertio, octava Quarto. Quia cum Quinto deficiente coniuncti sunt Primus, Secundus & Sextus in toto fundo, Tertius & Quartus tantum in semisse id est, his singulis tantum semis illis singulis totus fundus legatus est: & cuique pars cessans accrescit pro portione eius quod ipsi legatum est, ff. de legat. 2. l. Manio 41. in princ. Similiter si Sextus legatum non accipiat, quarta accrescit Primo, quarta Secundo, quarta Quinto, octava Tertio, octava Quarto. Hæc ita obtinent in proprietate legata. nam in usufructu legato tantum abest, ut verbis tantum coniuncti præterantur re coniunctis, ut nullo modo habeant ius accrescendi, quod re coniunctis cõceditur, ff. de usufr. accresc. l. l. i. Ratio est, quia in his, qui sunt tantum verbis coniuncti, ius accrescendi proprie sumitur, ita ut vnius portio alicui legata, ab eius persona discedat, & alteri accrescat: quod in usufructu locum habere nequit; cum usufructus sit ius personale, quod personam egredi non potest, quin extinguatur, & ad proprietatem reuertatur. ff. de iure dot. l. si usufructum fundi.

§. 9. V L. Quæstio est in §. si cui fundus, quid consequatur is, cui fundus alienus legatus est, si proprietatem emerit, & usufructuario mortuo usufructus ad eum peruenerit. Respondetur, eum nihilominus fundum actione ex testamento petere posse: quia etsi habet usufructum titulo lucratiuo, tamen proprietatem habet titulo emptionis oneroso; & licet usufructus in multis partibus iuris perinde habeatur, ac si esset pars rei, ff. de usufruct. l. 4. tamen re vera non est pars, & in proposita quæstione non habetur pro parte, quia usufructus est seruitus, id est, ius utendi, fruendi re aliena; adeo ut rectè dicamus totam rem esse nostram, cuius usufructus alienus est, ff. de verb. sig. n. l. rectè dicimus 25. in princ. Itaque tota res nobis ab-

esse videtur, cum totius proprietatis pretium solvimus. Ergo in casu proposito legatarius, dum nudam proprietatem emit, totam rem emit: consequenter totius rei legatum subsistit, secundum doctrinam supra traditam in §. *si res aliena*. sed quia usufructum habet ex causa lucratoria, idcirco rei legatæ æstimatione, quam legatarius ab herede consequitur, officio iudicis minui debet, ut legatarius nudæ tantum proprietatis æstimationem accipiat.

Nota igitur distinctionem inter ius actionis, & officium iudicis, quod quidem est officium actioni deferens, & à nostris Doct. vocatur mercenarium. Similem distinctionem notavi ad §. *quod si frumentum*, supra de rerum divisi.

VII. Quæstio est in §. *si res*, an valeat legatum, si res legatarij ei legetur. Responderetur, legatum non valere: quia quod nostrum est, non potest amplius nostrum fieri: nec legatum conualescit, quamvis viuo testatore legatarius rem alienaverit. obstat enim regula Catoniana, quæ statuit, legatum, quod ab initio non valet, seu quod non valeret, si testator statim moreretur, non conualescere, eo quod testator diutius vivat. ff. de reg. Caton. l. 1. in princ.

Notandum est, hanc regulam valere in iis, quæ purè sunt relicta, non in voluntatibus conditionalibus ff. cod. l. 1. §. 1. l. 1. & l. 4. valet igitur legatum, si res legatarij sub conditione ei legetur, & pendente conditione eam alienet. ff. de contr. demon. str. l. mea res 98. Secus est, si purè legata sit, opponitur ultimus §. d. l. 1. ubi videtur sustineri legatum purè relictum, quamvis res legatarij sit ipsi legata, dummodò eam rem testatore viuo alienaverit. Pro solutione dicendum est, in §. ult. verba illa, *si cum viuo testatore alienaverit*, esse coniungenda potius cum verbis præcedentibus, quàm cum sequentibus: ita ut à Iuriconsulto ponantur, non in decisione, sed in speciei narratione. Secundum quam interpretationem non est ibi legatum purum, sed conditionale, id est relictum sub hac conditione, *si legatarius viuo testatore rem alienaverit*.

VIII. Quæstio est in §. *si quis rem suam*, an error testatoris vitiet legatum, si rem suam legavit, quam falsò putabat esse alienam, siue legatarij: Responderetur, legatum valere. fauore enim ultimæ voluntatis receptum est, ut opinio testatoris non noceat: secus est in contractibus: secus in delictis: de quibus contraria regula traditur in §. *placuit*, infra de oblig. qua ex delict.

IX. Quæstio est in §. *si rem suam*, an debeatur legatum, si testator, qui rem suam legauerat, eam alienauerit, Imper. distinguit tres casus. Primus est, cum rem vendidit hoc casu videndum est, quomodo rem vendiderit, id est, utrum adimendi legati animo, alia de causa. nam ita demum legatum debetur, si non adimendi legati animo testator rem vendidit. Secundus casus est, cum testator rem pignerauit: quo casu non censetur voluisse adimere legatum. Hic notetur differentia inter venditionem, pignorationem, & donationem rei legata. cum enim testator rem vendidit, quærimus, quo animo vendiderit cum autem pignerauit, simpliciter dicimus eum non videri habuisse animum adimendi legati: sed cum rem legatam donauit (qui casus à Iustiniano in præsentia prætermittitur) simpliciter dicimus legatum adimpletum videri. ff. de adim. legat. l. rem legatum. 18. & l. legatum sub conditio-
ne 24. §. 1. Differentiæ ratio est, quia nunquam res nostras pigneramus, nisi propter aliquam necessitatem; donamus autem sine necessitate: vendimus verò interdum ut accipiamus pecuniam, qua egemus, interdum nulla necessitate cogente. Vbi igitur alia causa alienandi subesse videtur, legatum non censetur adimpletum, nisi heres probe eam fuisse testatoris voluntatem. ff. de legat. 3. l. fideicom. issa 11. §. si rem. Vbi autem alia causa alienationis non potest offerri, ideo credimus alienatam rem esse, quia testator voluit eam à legatario ad alterum transferre, atque ita legatum adimere. Tertius casus est, cum testator partem rei legata alienauit. hoc casu pars non alienata, omni modo debetur legatario: in parte autem alienata, eodem modo distinguimus, quo paulò antè distinguebamus in tota re alienata, id est, quærimus quo animo testator hanc partem alienauerit. hic enim locum habet illud iuris axioma, *Eadem est ratio partis ad partem, quæ est totius ad totum.*

§. 13. X. Quæstio est in §. *si quis debitori*, an valeat legatum liberationis, quam creditor debitori suo vel in perpetuum, vel ad tempus reliquit. Respondet Imperator hoc legatum valere. Et primò loquitur de liberatione simpliciter & in perpetuum legata: cuius legati duplicem effectum declarat, nimirum exceptionem, & actionem: quia si heres à legatario debitum petat, doli exceptione summovebitur. item legatarius potest actione ex testamento cogere heredem, ut se liberet.

Notan

Notandum est, duobus modis legatarium ab herede posse liberari, id est, vel per acceptilationem, quæ in iure obligationem tollit: vel per pactum de non petendo, quod iure pratorio exceptionem parit. ac si quidem legatarius sit solus debitor, vel correum debendi socium habeat, et acceptilatione liberari debet. si verò correum habeat non socium, non tenebitur heres ei accepto ferre; sed sufficit, si periculetur de non petendo, quod magis possit ab altero reo debitum pertere. etenim testator legatarium liberari voluit; non alterum eus correum, cui nihil legavit: acceptilatio autem vni debitori facta omnes liberat: sed pactum de non petendo, ei soli prodest, qui pactus est; proinde non debet acceptilatio interponi, nisi aut legatarium solus debeat, aut correum socium habeat; quia cum damna & lucra inter socios communicentur, si socius legatarii conveniretur, perinde esset, ac si contra ipsum legatarium ageretur. *l. c. l. heredi legat. l. 3. §. nunc de effectu.* Secundò in versic. *potest*, loquitur de liberatione ad tempus legata: ac docet hoc legatum valere: inde enim legatarius consequitur, ut intra tempus à testatore definitum exigere non possit. *ff. en l. Aurelius. de §. ceterum. quia si ab herede conveniatur, doli mali exceptione eum summa euehit ff. ut in pos. §. l. 1. §. si debitori non tamen liberationem consequitur. §. de liber. l. ca. non solum nostrum. §. 1. proinde non est ei accepto ferendum: sed heres (et si de hoc Azo dubitavit) pacisci debet ne intra illud tempus petat.*

XI. Quæstio est in §. *ex contrario*, cum debitor creditori suo legat, quod ei debet, an legatum valet. Responderetur non valere: quia nullam continet utilitatem. Excipitur, nisi aliquid amplius sit in legato: quia propter hanc utilitatem legatum sustinetur. Huius exceptionis duo exempla in contextu subiunguntur. Primum exemplum est in eo §. *ex contrario. versic. si in diem*. si is, qui in diem, vel sub conditione debet, pure legat, legatum enim purum est utilius debito conditionali, vel in diem. utilitas autem consistit in representatione debiti: quia legatum statim post mortem testatoris debetur, non expectata conditione, vel die. tale igitur legatum adeò sustinetur, ut etiamsi vivo testatore dies veniat, vel conditio exiit, tamen secundum Papinianum initio inspectio legatum consistat, nec reddatur inutile, quamvis ad eum calum perueniat, à quo incipere non potest, id est, quamvis, si testator post diem, vel conditionem obligationis existentem id legasset,

legasset, quod debebat, legatum non valeret: tamen si ante legauit, dicimus legatum superueniente die, vel conditione non infirmari. Hac est sententia Papiniani in *l. 5. ff. de leg. Falcid.* quam Iustinianus hoc loco prebat, reprobata contraria sententia, quam secutus est Paulus in *l. debitor. 82. in princ. ff. de legat. 2.* Nisi horum locorum conciliandorum gratia dicamus Papinianum & Iustinianum loqui de legato speciei, Paulum de legato generis, seu quantitatis. vide *Cen- tur. 6. quest. 18.*

§. 15. Alterum exemplum adiungitur in §. *sed si vxor*: ubi maritus, qui post mortem suam debebat vxori dotem reddere, vxori dotem legauit: dicimus dotem legari, vtentes generali legandi verbo. saepe etiam dicimus dotem relegari: quia redditur mulieri, à qua profecta. dicitur etiam praelegari: quia hoc legatum continet emolumentum representationis & ideo valet, quia prænnumeratur, id est, ante soluitur, quam dos restituenda sit, vt paulò post exponam. Iam verò de dote legata Iustin. tres casus distinguit. Primus casus est, cum maritus vxori legauit dotem, quam accepit. Finge mulierem dedisse viro 500. aureos in dotem, ac virum mulieri hanc dotem 500. aureorum relegare, id est, iubere vt heres eam dotem mulieri restituat. hoc casu Imper. inquit legatum valere, quia plenius est, id est, vtilius, quam actio de dote. Prima huius legati utilitas est: quia pacta obstantia repetitioni dotis, non obstant petitioni dotis legatae. Finge in dote constituenda pactum interuenisse, vt, si maritus in matrimonio decederet, dos penes heredes mariti remaneret. certè si maritus dotem mulieri legauerit, pactum illud heredibus non proderit, quominus dotem legatam mulieri restituant. *ff. de dote praeleg. l. 1. §. 1.* Secunda utilitas est: quia etsi olim dos pondere, mensura, vel numero constans, restitueretur annuâ, bimâ, trimâ die, hodie verò res dotales mobiles intra annum restituantur. *C. de rei vxor. action. l. vn. §. cùmque.* tamen dotis legatum statim à testatoris morte debetur. *dict. l. 1. §. verum est.* Tertia utilitas est: quia etiam si olim propter res mulieri à marito donatas concederetur dotis retentio, ex Iustin. autem constitutione non debeat dos retineri, sed res donatae exigì, id est, repeti. *C. de rei vxor. action. l. vn. §. taceat.* tamen retentio secundum ius antiquum, vel exactio secundum ius nouum cessat propter dotis legatum, id est, heres mariti neque dotem retinere, neque res à viro vxori donata, repetere poterit, *dict. l. 1.*

l. i. §. est et illud. Secundus casus est. quia hæc repetitio non datur heredi; nisi defunctus voluntatem mutauerit: non videtur autem donationem reuocasse, sed potius confirmasse, dum vxori dotem prælegauit; cum testator, qui nullam dotem accepit, simpliciter dotem vxori prælegauit, id est, non demonstrata certa re, vel certa quantitate, hoc casu legatum non valet: quia cum nihil sit datum in dotem, nihil hoc legato continetur. Tertius casus est, cum testator, qui nullam dotem accepit, falsa demonstratione in dote leganda usus est: veluti, *Centum qua dotis nomine accepi, vxori meæ do lego.* vel, *Quodcumque Tusculanum, quem in dotem accepi, vxori meæ do lego.* hoc casu legatum pecuniæ, vel fundi sustinetur: quia falsa illa demonstratio adiecta, qua, seu quem in dotem accepi, non nocet legato. *infra hoc. tit. §. huic proxima.*

XII. Quæstio bipartita est in §. *si res legata*, an legatum extinguatur, si res legata pereat, vel desinat esse in commercio. Respondet Imperator per distinctionem. nam si id sine facto heredis accidat, veluti si seruus legatus moriatur, aut à domino extraneo manumittatur, legatum extinguitur: si autem facto heredis id contingat, veluti si heres seruum legatum occidat, vel manumittat, legatum nihilominus debetur, id est, rei legatæ æstimatio præstabitur. §. 16.

Notandum tamen est, vt interitus rei legatæ liberet heredem, non sufficere quòd sine facto eius res intereat, nisi ante eius moram hoc eueniat. *ff. de leg. i. l. cum res. 47. §. 1.* generalis enim regula iuris est, interitu speciei tum demum debitorem liberari, cum ante moram periit. *ff. de verbor. oblig. l. si ex legato. 23.*

XIII. Quæstio est in §. *si quis ancillas*; cum plures res legatæ sunt, si quædam pereant, vel desinant esse in commercio, vel per alienationem à testatore factam, adimantur legatario, num reliquæ legatario debeantur? Responderetur per distinctionem. nam si omnes res sint æquæ principales, quibusdam peremptis, reliquæ nihilominus legatario debentur. si verò quædam earum aliis accedant, extinctis rebus principalibus accessoriæ non debentur. Vtriusque membri in dicta distinctione positi bina exempla proponuntur in contextu. Primum exemplum rerum æquæ principalium est in *princ. §. vbi testator legauit ancillas cum suis natis, & mortuis ancillis*, nihilominus nati debentur legatario; quia nati non accedunt ancillis. Secundum exemplum est in versic. *idem est, & si ordin. iij.*

vbi testator legauit seruos ordinarios cum vicariis, & mortuis ordinariis vicarij legato cedunt. contrà quoque mortuis vicariis ordinarij sine dubio cederent legato, & in priori specie natis mortuis non est dubium quin ancillæ deberentur legatario. Differunt autem vicarij serui ab ordinariis, quia vicarius est in peculio ordinarij: proinde est quasi seruus ordinarij. hinc Horat. lib. 2. sat. 7.

————— *Vicarius est qui seruo paret.*

Et Martialis lib. 2. epigram. 18.

Esse sat est seruum, iam nolo vicarium esse.

Primum exemplum legati, in quo altera res est principalis, altera accessoria, est in vers. *sed si seruus.* vbi legatus est seruus cum peculio: & mortuo, vel manumisso seruo, non solum extinguitur legatum serui, sed etiam legatum peculij, propterea quod peculium est accessio serui. Alterum exemplum est in vers. *idem est si fundus.* vbi legatus est fundus instructus, vel fundus cum instrumento, parum enim interest, utrovis modo testator leget: quia utroque casu legatario debetur fundus tanquam res principalis, & instrumentum tanquam res accessoria: adeo ut si fundus legatus adimatur, etiam instrumenti legatum extinguatur. Sunt tamen inter hæc duo legata notandæ duæ differentiæ. Prima differentia est, quod legatum fundi instructi est plenius, quam legatum fundi cum instrumento. ex hoc enim legato tantum instrumenta fundi, ut aratra, ligones, &c. legatario debentur: ex illo autem omnia testatoris instrumenta debentur legatario, id est, quæcumque testator in eo fundo habuit ut esset instructior, adeo ut non solum instrumenta fundi sed etiam instrumenta domestica ipsius patrisfamil. ut scamna; mensæ, lecti, legato cedant ff. de inst. uet. vel instrum. legat. l. quæ situm. 12. §. *sed si fundus.* Altera differentia est, quod cum legatur fundus instructus, si testator fundum alienauerit, nihilominus instrumentum legatario deberi poterit, videlicet si quo modo appareat hanc fuisse testatoris voluntatem ff. eod. l. 5. quamuis in dubio testator censeatur, dum alienauit fundum, voluisse adimere etiam legatum instrumenti, ut hoc loco inquit Imp. cum autem testator legauit fundum cum instrumento, & postea fundum alienauit, indistinctè dicimus legatarium non posse petere instrumentum. ff. eod. l. 1. Intellige alienationem, per quam legatum fundi extinguatur, secundum ea quæ exposita fuerunt in §. *si rem suam.*

XI V. Quæstio est, si quid rei legata accedat, vel decedat, §. 18.
 utrū id ad legatarij, an ad heredis lucrum, vel damnum
 spectet. Respondet Imper. tam augmentum, quā decremen-
 tum ad legatarium pertinere. Huius decisionis dat tria exem-
 pla. Primum exemplum in §. *si grex*, est corporis constantis
 ex partibus distantibus, ut gregis. nam grex legatus legatario
 augetur, vel minuitur.

Notandum est, tria esse corporum genera, ut docet Iure-
 consultus in l. *rerum mixtura*. 30. ff. de *usurp. et usucap.* &
 Seneca lib. 7. *epist.* 03. Primum genus est corporum *ἀνσυνέκων*,
 id est, vnitorum, quæ vno spiritu constare dicuntur, & à
 Seneca continua nominantur, ut seruus, equus, bos: de
 quibus hoc loco nihil dicitur. Secundum genus est corporum
συνσυνέκων, id est, constantium, ex partibus coherentibus, cu-
 iusmodi sunt ædes, armarium, nauis. Tertium genus est cor-
 porum constantium ex distantibus partibus qualia sunt grex,
 armentum, legio, populus. ergo primum exemplum fuit corpo-
 ris constantis ex distantibus partibus, id est, gregis, qui constat
 ex pluribus distantibus capitibus, putà decem ouibus, vel qua-
 tuor porcis ff. de *abig. l. ult.* Quare vna ovis non facit gregem, de-
 beretur tamen legatario, cui grex legatus est: quia quod ex re
 nostra superest, nostrum est. ff. de *rei vendic. l. solūm*. 49.
 §. 1.

Secundum exemplum est in §. *adibus*, corporis compositi
 ex partibus coherentibus. id est, ædium. Obiter nota, quæ ra- §. 19.
 tione dixi, si ex grege legato vna ovis superfit, eam legatario
 deberi, eadem ratione, si ædes legata corruant, arcam deberi
 legatario. ff. de *leg. 1. l. si grege*. 22. Alia est ratio ususfructus,
 qui re perempta extinguitur, etiamsi aliquid ex ea maneat.
suprà de usufr. §. pen. in fi. & ff. quibus mod. usufr. amittit. l. pen.
l. ult.

Tertium exemplum in §. *si peculium*, non est alicuius cor- §. 20.
 poris, sed peculij, quod est vniuersitas quædam, etiam iura
 continens. De peculio igitur docet Imperat. augmentum eius
 & decrementum, quod ante diem legati cedentem contingit,
 ad legatarium pertinere. Cedere dies legati dicitur cū de-
 beri incipit, ita ut si legatarius prius moriatur, quā lega-
 tum accipiat, id ad suos successores transmittat: ac regulari-
 ter cedit à die mortis testatoris, sed excipiuntur ea legata,
 quæ personalia sunt, id est, quæ non possunt ad heredem le-
 gatarij transmitti: hæc enim ab adica hereditate cedunt: ut
 usufructus

ususfructus legatus, ut libertas seruo legata, nec non peculium cum libertate seruo relictum. Ergo nec ante mortem testatoris, nec post aditam hereditatem cedit, nisi sit legatum conditionale, cuius dies ante conditionem existentem cedere non potest. *ff. de verb. sig. n. d. cedere diem. 2. 13.* His præmunis, facilius intelligetur distinctio, quam Iustinianus tradit in contextu. Aut enim, inquit, viuo testatore, aut post eius mortem, hereditate nondum adita, peculium auctum, vel diminutum est. Primo casu augmentum & decrementum indistinctè ad legatarium pertinet, quia indistinctè verum est, diem legati nondum cessisse. Secundo casu subdistinguitur: quia vel ipsi seruo cum libertate, vel extraneo peculium legatum est. Si seruo, ad eum pertinet augmentum, vel decrementum, quia dies legati nondum cessit. Si extraneo, ad eum non pertinet (nisi peculium ex rebus peculiaribus auctum sit, ut quia oves peculiares pepererunt) quia legati dies antè cesserat morte testatoris. In summa augmentum peculij usque ad hereditatem aditam ad legatarium pertinet, vno casu excepto, cum peculium legatum est extraneo, & auctum est extrinsecus, puta seruo hereditatem adeunte, non ex rebus hereditariis.

XV. Quæstio est, an peculium seruo manumisso debeatur, si ei non sit expressè relictum. Respondetur, ei qui in testamento manumissus, non deberi, nisi expressè legatum sit, quia tacitè legatum non intelligitur: quamuis si seruus inter viuos manumittatur, dominus eo ipso quod peculium seruo non adimit illud ei concedere videtur. *vers. peculium autem.* Vbi hæc distinctio sumitur ex rescripto Seueri & Antonini, quod non exstat, sed idem constitutum est à Diocletiano & Maximiano. *C. de pecul. eius qui libert. mer. l. un.* Ad prius distinctionis membrum de manumissis in testamento excipe, nisi testator iusserit seruum, cui libertatem reliquit, rationes administrationis suæ reddere, & ex peculio reliqua soluere: tunc enim peculium legasse censetur. *vers. iidem rescripserunt. peculium.* Ad prius membrum de manumissis inter viuos excipe, nisi pupillus manumittat, quia peculium non sequitur manu missum. *ff. de manum. vindict. l. pen.*

XVI. Quæstio est, an is, qui peculium seruo suo legauit (sub. cum libertate: quia non posset accipere legatum nisi liber fieret) censeatur ei legasse, quod naturaliter ei debebat, quia seruus in dominicas rationes aliquid impenderat? Respondet

spondet Imper. in d. vers. *iidem rescripserunt*, peculium, hoc legatum non videri quamvis aliàs in peculium imputetur, & augeat peculium. ff. de peculio. l. 7. §. pen. Excipitur nisi dominus solitus erat seruo reddere, quod seruus in rationes dominicas impenderat: tunc enim peculio legato, hoc etiam continetur, vt seruus manumissus petat, quòd in rationes dominicas impendit. ff. de pec. legato. l. dominus Stich. 23. §. 1. in fin.

XVII. Quæstio est, si dominus seruo suo libertatem leget, ita vt iubeat eum rationes eorum quæ gessit, reddere, & ex peculio reliqua soluere, an censeatur ei peculium legare? Respondet Imp. peculium legatum videri, quia seruus manumissus non potest ex peculio reliqua soluere, nisi peculium habeat d. vers. *iidem rescripserunt*, peculium. Hinc habemus exceptionem ad decisionem quæstionis 15.

XVIII. Quæstio est, vtrum res corporales duntaxat legari possint, an etiam res incorporales & facta? Responderur, tam corporales, quàm incorporales, & facta legari posse. §. *tem autem*. Corporalium rerum exempla supra habuimus, vt ancillarum, gregis, ædium, &c. Incorporalium exemplum est, si quis Titio legauerit, quod sibi à Mæuio debetur. nam obligationem & actionem sibi competentem aduersus Mæuium legare intelligitur, quapropter heres hanc actionem Titio cedere cogitur, sed & ante cessionem Titius vtiles actione experiri ac debitum petere poterit. C. hoc tit. l. ex legato 18. Porro hoc legatum extinguitur, si ipse testator à debitore, contra quem actio legata competebat, debitam pecuniam exegerit. Excipe, nisi legatarius prober, testatorem, qui à debitore exegit, non habuisse animum adimendi legati. ff. de adim. leg. l. pen. §. ult. Facti exemplum duplex est, alterum, cum heres iubetur reficere ædes legatarij: alterum, cum iubetur soluere, quod legatarius alijs debet.

XIX. Quæstio est in §. *si generaliter*. cum enim genus legatum est, constat aliquam speciem sub eo genere contentam solui debere. quæritur ergo, vtrum speciei soluendæ electio sit legatarij, an heredis? Respondetur electionem esse legatarij: id est, legatarium posse petere, quam speciem velit, veluti si testator, qui tres seruos Stichum, Pamphilum, Erotem habebat, seruum legauerit: ille seruus legatario soluendus erit, quem ipse eligeret.

Nota primo hoc esse speciale fauore vltimæ voluntatis nam,

nam in obligationibus ex contractu electio est debitoris quod soluat, non creditoris quod petat. *infra de act. §. si quis agens.*

Nota secundò hanc decisionem habere locum in corporibus legatis, ut in dicto exemplo, non in quantitate legata. verbi gratia si testator habens varia tritici genera, modium tritici legaverit, electio est heredis, non legatarij *ff. de triti. vin. l. g. 4.* ergo in hac appellatione rei significatur corpus. ut & in *l. 6. ff. de rei vind.* & in *l. planè ubi 34. §. sed hoc ita ff. de leg. 1.*

Nota tertio, electionem legatario non competere, nisi in rebus testatoris. ut putà legato seruo, non potest alium seruum eligere, quàm vnum ex seruis hereditariis. quod adeò verum est, ut, si testator nullum seruum habeat, huic electioni locus non sit, *ff. de optione legat. l. 2.*

Nota quartò hanc electionem, seu hanc facultatem eligendi esse limitatam: quia legatarius, ut non cogitur eligere deterrimum seruum ita etiam non potest eligere optimum. *ff. de legat. 1. l. legato 37.*

§. 23.

XX. Quæstio est in §. *optionis*, cum testator expressè electionem legatario concessit, si legatarius priusquam eligat, moriatur, an heres eius eligere possit: & si vel plures legatarij, vel plures hæredes vnius legatarij in electione dissentiant, ut quia alius alium seruum eligere velit, utrùm alicuius optio prævaleat, an legatum reddatur inutile. Respondetur, facultatem eligendi, quæ legatario competit, ad heredem eius transire, & si plus in electione facienda dissentiant, rem sorti committi, adeò ut ille eligat, in quem fors cadet, ac rem totam sibi retineat, collegatariis autem vel eorum heredibus æstimationem partium ad eos pertinentium persoluat. *C. commun. de legat. l. vit. in princip.*

Notandum est, olim differentiam fuisse inter optionem & electionem legatam, ut inter actum solemnem, & non solemnem: sed hodie, solemnitatibus sublati, nulla est inter hæc legata differentia.

§. 24.

Secundò tractat de personis quibus legatur; ubi dat varias regulas. I. Regula est; illis solum legari potest, cum quibus testamenti factio est. §. *legari*. Intellige testamenti factionem passivam, quam habent, hi, qui ex testamento capere possunt.

§. 25. 26.

¶ 27.

II. Regula est, interis personis, & posthumis aliquo hodie

die legari potest, sublata iuris antiqui prohibitione. §. *incertis*. cum duobus §. sequentibus. Alienus posthumus opponitur suo posthumus. sicut enim suus posthumus appellatur, qui nasciturus est suus heres: ita alienus posthumus est, qui natus inter suos heredes futurus non est, id est, qui non est nasciturus suus heres, in §. *posthumus*. & *sed nec eiusmodi*. tutelam incertæ personæ committi non posse, quoniam hoc esset pupillo periculosum.

Et obiter addit Imperator in §. *posthumus*, alienum posthumum, quamvis olim ei legari non posset, tamen potuisse heredem institui, ita ut olim potuerit, & hodie possit institui heres. quibus verbis videtur significare nullam hac in parte differentiam esse inter ius vetus, & ius novum: sed verba sic accipi non debent, quia sententia falsa esset quandoquidem alieni posthumi institutio olim sustinebatur tantum iure prætorio per bonorum possessionem secundum tabulas; hodie verò ex Iustiniani constitutione valet etiam iure civili, ita ut hereditatem adire possit. *infra de bonorum possess. in principio*. Subiicit Imperator exceptionem, nisi in utero eius sit, quæ iure nostro uxor esse non potest, id est, cuius nuptiæ sunt omnino interdictæ: veluti si quis instituat posthumum nasciturum ex virgine Vestali. nam huiusmodi testatoris voluntas reprobat.

III. Regula est in §. *si quidem in nomine*. Error testatoris in nomine, vel cognomine, vel prænomine, vel agnomine legatarij non nocet legato, dummodò constet de persona, cui testator legare vult: veluti si testator dicat, se legare Publio fratri suo, cum frater eius non appelletur Publius, sed Gaius.

Nota primò maiorem haberi rationem voluntatis, quam verborum, sic. *infra hoc t. l. §. ante heredem. & C. commun. de legat. l. 2.*

Nota secundò, quod diximus de legatis, obtinere etiam in heredum institutionibus. ut ait Imp. in versic. *idémque*.

Nota tertio nomen apud veteres propriè dictum esse quod significabat gentem: cognomen autem, quod indicabat familiam; quia in una gente erant plures familiæ, quæ habebant idem nomen, non idem cognomen: agnomen verò dicebatur, quod adiungebatur cognomini. veteres tamen, ut M. Tullius, & alij eiusdem ætatis scriptores, hoc quoque appellant cognomen, quod posteriores

riores vocarunt agnomen. Sed prænomen dicitur, quod certam personam significat; quia non nini, cognomini, & agnomini præponi solet, ut in hac oratione, *Publius Cornelius, Scipio Africanus*, Publius est prænomen: Cornelius, nomen: Scipio, cognomen: Africanus, agnomen, siue alterum cognomen.

§. 30.

IV. Regula est in §. *huic proxima*. Falsa demonstratio non vitiat legatum.

Nota primò hanc regulam obtinere tam in personâ legatarij, *ff. de condition. & demonstr. l. falsa. 33. in princ. & l. seq. in princ.* quàm in re legata, ut hic §. docet. id est, siue testator falsò aliquo argumento demonstret legatarium, veluti si dicat, *Titio Medicina Doctori centum do lego*, cum Titius non sit Doctor Medicinæ, sed Iuris: siue falsò demonstret rem legatam, veluti, *Titio fundum quem à Seio emi, do lego*: cum non emerit à Seio, sed à Sempronio: utroque casu legatum valet: quia magis habetur ratio voluntatis testatoris, quàm verborum.

Nota secundò, Imper. in contextu exemplum proponere rei legatæ, quamvis commodius fuisset exemplum personæ, cui legatur; quia in præsentia non tractat de rebus legatis, sed de legatariis.

Nota tertio differentiam inter falsam demonstrationem, de qua hic agitur, & errorem in nomine legatarij, de quo dictum fuit in §. *præced* quia propriè loquendo demonstratio vocatur, cum res non suo nomine, sed aliqua circumscriptione indicatur.

§. 31.

V. Regula est in §. *longè magis*. Falsa causa legato adiecta non vitiat legatum: quia legato non cohæret, id est, non est pars legati, sed perinde habetur, ac si scripta non esset. *ff. de cond. & demonstr. l. cum tale. 72. §. falsam*. Exempla sunt in contextu. A falsa causâ distinguitur conditio: quia nisi conditio legati verè existat, legatum deberi non potest. ut in contextu dilucidè explicatur.

§. 32.

VI. Regula est in §. *an seruo*. Legatum seruo hæredis purè relictum non valet: sub conditione autem relictum valet, si heres scriptus ante diem legati cedentem, id est, ante conditionem legati existentem, eum seruum alienet, vel manumittat. Ut huius & sequentis regulæ ratio intelligatur, ponenda sunt quædam fundamenta. Primum fundamentum est, quòd seruus domino etiam ignoranti & inuito acquirit legatum

rum non acquirit autem domino hereditatem, antequam iussu adeat. *suprà per quas pers. nobis acqu. §. item nobis.* Secundum fundamentum est quod idem non potest esse heres, & legatarius: quia heres legatum debet legatario: idem autem non potest sibi ipsi debere. *ff. de leg. 1. l. §. quidem. 18. l. legatum. 116. §. 1.* Tertium fundamentum est, quod regula Catoniana, quæ non vult legata quæ ab initio non valent, ex post facto confirmari, habet locum in legatis purè relictis, non in conditionalibus. *ff. de regul. Caton. l. 1. in princ. & l. 4.* His positis, facile est intelligere rationem huius & sequenti regulæ. Diximus primò in hac regula, quod seruo heredi purè legari non potest: ratio est, quia ipsi heredi ex sua persona debetur hereditas, & ex persona serui debetur legatû: ergo in eandem personam concurrent hereditas, & legatum, contra secundum fundamentum modò positum; & si quis dicat posse contingere, ut priusquam heres adeat hereditatē, manumittat, vel alienet seruum legatarium; unde fiet, ut legatum non debeatur ipsi heredi, sed alteri: respondebo hoc esse contra tertium fundamentum, id est, contra regulam Catonianam. Diximus secundò posse seruo heredis legari sub conditione, ut legatum valeat si ante conditionem existentem seruus alienetur, vel manumittatur. quamvis enim legatum inspecto initio non videatur posse consistere: tamen ex post facto conualescit: quia regula Catoniana, quæ vetat legata ex post facto conalescere, non pertinet ad legata conditionalia, ut diximus in tertio fundamento.

VII. Regula est in §. *ex diuerso*. Si alienus seruus heres instituat, domino eius legari potest tam purè, quàm sub conditione: sed legatum non habebit effectum, nisi seruus à domino alienetur, vel manumittatur, antequam eius iussu adeat hereditatem, Quæro quæ sit ratio differentie inter hanc regulam, & præcedentem, id est, cur domino herede instituto, non possit purè legari eius seruo: sed seruo herede instituto, possit purè legari eius domino. Ratio differentie pendet ex fundamentis antea positis: quia legatum statim ac testator mortuus est, per seruum acquiritur domino etiam ignoranti, vel inuito: hereditas autem non prius acquiritur, quàm seruus iussu domini adeat: ergo in superiori casu, cum dominus erat heres & seruus legatarius, statim hereditas & legatum concurrunt in eandem domini personam: proinde legatum non valet, per secundum fundamentum,

in posteriori autem specie, vbi dominus est legatarius, & seruus est hæres scriptus non possumus dicere in eandem personam concurrere hereditatem & legatum, quamuis enim legatum statim à morte testatoris domino debeat, tamen hereditas nondum ei est acquisita, quia seruus nondum eius iussu adiuit.

§. 34.

Septimò tractat de modo & ratione legandis qua de re dat tres regulas, I. Regula est in §. ante heredis, Legari potest in quacumque parte testamenti, id est, vel ante, vel post heredum institutionem, vel ita vt legatum heredum institutionibus interficiatur: quia non habetur ratio ordinis scripturæ sed voluntatis: id est, legata pendent ab institutionibus heredum, etiamsi ante institutiones scripta sint.

§. pen.

II. Regula est in §. penult. Legatum potest conferri in tempus, quo heres, vel legatarius mortuus erit, vel pridie quam heres, vel legatarius morietur: vt in his exemplis. *Titius heres meus post mortem suam centum Seio dato. Titius heres meus Seio 100^{ss} mortem eius centum dato. Heres meus pridie quam morietur, centum Seio dato. Heres meus pridie quam Seius morietur centum ei dato.* Hæc legata olim non valebant propter antiquam iuris regulam quod actio potest non incipere ab herede, neque contra heredem: quandoquidem heres succedit in ius defuncti, & omnino vt debet eodem iure. Sed ea regula ex bono & æquo sublata est, C. vt actiones ab hered. & contra hered. consequenter dicta legata sustinentur. Hæc autem legata. *Cum heres morietur, & Cum legatarius morietur*, etiam olim valebant. ff. *quan. dies legat. ced. l. 4. §. 1.* propterea quod is, qui moritur, nondum est mortuus, sed adhuc viuit. ff. *de manu. testam. l. qui duos. 18. §. 1.* Quæ diximus de legatis, eadem dicemus de stipulationibus. *infra de iur. lib. stipul. §. post mortem. & §. ita autem.*

§. ult.

III Regula est in §. ultim. Legatum pœnæ nomine relictum valet, nisi relictum sit, quod magis aliquid impossibile, vel contra leges, aut bonos mores fiat. Exempli causa, hoc legatum valet, *Heres meus n si iuri o, eram dederit, Titio centum dato.* hæc autem legata non valent: *Heres meus, nisi cæcus n digito tetigerit. vel, nisi Sempronium occiderit, vel, nisi nudus in foro ambulauerit. Seio centum dato.*

Nota primò pœnam & conditionem non distingui ex verbis, sed ex voluntate testatoris: eadem enim verba efficient legatum conditionale, aut legatum pœnæ nomine relictum,

prout

prout testator voluerit. Exempli causa, si scopus testatoris sit honorare Seium legatarium sub hac conditione, si heres filiam suam in matrimonium ei collocauerit, hoc legatum erit conditionale, *Heres meus. si filiam suam Seio nuptui dederit, centum ipsi Seio dato.* si vero scopus testatoris sit coercere heredem, quo minus filiam suam nuptui det Seio, & in eum euentum infligat ei poenam centum Seio soluendorum, idem legatum, id est, iisdem verbis relictum, *heres meus &c.* non dicetur conditionale, sed poenae nomine relictum. *ff. de his, qua poen. nom. l. 2.*

Nota secundò differentiam inter hæc legata, quia impossibilitas conditionis non vitiat legatum. *uprà de hered. instit. §. impossibilis.* impossibilitas tamē vitiat legatum poenae nomine relictum, vt docet Imperator in fine huius tit.

A X I O M A T A.

- 1 Singula suis locis sunt explicanda, in princ. coniun. §. ult. *suprà per quas personas nobis aeq.*
- 2 Legatum ab herede præstandum est. §. 1.
- 3 Testatoris voluntas verbis præfertur. §. 2.
- 4 Legata & fideicommissa sunt inter se exæquata §. 3.
- 5 Difficultas in iuuenibus erudiendis vitari debet. *dicto §. 3.*
- 6 A simplicioribus inchoandum d. §. 3.
- 7 Onus probandi incumbit actori. §. 4. coniun. l. verius 21. *ff. de probat.*
- 8 Testatoris voluntati est obtemperandum §. 5.
- 9 Dux lucrativæ causæ in eandem personam & eandem rem concurrere non possunt. §. 6.
- 10 Cui pretium abest, ipsa res abesse videtur, d. §. 6. coniun. l. si servus. 21. §. & idem. *ff. de evictionib.*
- 11 Vsfuctus, non parris, sed servitutis vicem obtinet §. 9.
- 12 Quod nostrum est, amplius nostrum fieri nequit. §. 10. coniun. l. & an eadem. 14. §. pen. *ff. de excep. rei. indic. & l. non ut ex pluribus. 159. ff. de diu. reg. iur.*
- 13 Legatum, quod ab initio non valet, ex postfacto non confirmatur d. §. 10 & §. 32. coniun. l. 1. *ff. de reg. Caren. Si- mile est axioma §. suprà. quibus non est permis. fac. testam. & axioma. 1. suprà. de exhered. liberorum.*

- 14 Plus valet, quod in veritate est, quàm quod in opinio-
ne. §. 11.
- 15 Eadem est ratio totius, ad totum, & partis ad par-
tem. §. 12. coniuñ. §. nihil autem. & §. si quis una,
vers. ult. infr. de fideicom. hered. & l. qua de tota. 76. in
princ. ff. de rei vindicat.
- 16 Legatum non valet, nisi aliquam vtilitatem afferat le-
gatario §. ex contrario, & §. seq.
- 17 Legatum sustinetur, etiam si ad eam causam peruene-
rit a qua incipere non potest, d. §. 14.
- 18 Falsa demonstratio non vitiat legatum. §. 15. & 30. coniuñ.
l. demonstr. 17. in princ. & §. 1. ff. de condit. &
demonstr.
- 19 Interitu speciei debitor liberatur, si nec eius facto pe-
rierit, §. 16. neque moræ, seu culpæ reus sit. ff. de verb.
oblig. l. si ex legati. 23.
- 20 Sublato principali, tollitur accessorium §. 17. coniuñ.
l. nihil, dolo. 129. §. 1. & l. cum principalis 178. ff. de diu.
reg. iur.
- 21 Augmentum vel decrementum rei legatæ vsque ad
diem legati cedentem, vel ex rebus legatis contin-
gens, ad legatarium pertinet. §. 18. & §§. seqq.
- 22 Grex est vnum corpus ex distantibus capitibus. d. §. 18.
- 23 Aedium est vnum corpus ex tignis coherentibus eod. §.
- 24 Legari potest iis, quibuscum est testamenti factio §. 14.
- 25 Nomina significandorum hominum gratiâ reperta sunt,
qui si alio quolibet modo intelligantur, nihil inter-
est §. 29.
- 26 Falsa legandi causa legato non nocet §. 31. coniuñ. l.
demon. r. i §. quod autem ff. de condit. & demonstr.
- 27 Inciuile est, scripturæ ordine non sequi, ac sperni testa-
tori voluntatem. §. 34.
- 28 Libertas est fauorabilior lucro pecuniario. d. §. 34. con-
iuñ. §. 1. infra. 1. eo, cui libert. caus. bona. addic.
- 29 Voluntates testatorum impossibiles, aut legibus inter-
dictæ, aut aliàs probroscæ non valent. §. ultim.

De ademptione legatorum.

T I T. XXI.

Ademptio legatorum (siue eodem testamento adimantur, siue codicillis) firma est : sed & siue contrariis verbis fiat ademptio : veluti si quis ita quid legauerit , *do, lego* : ita adimatur, *non do, non lego* : siue non contrariis, sed & aliis quibuscunque verbis.

1. § Transferri quoque legatum ab alio ad alium potest, veluti si quis ita dixerit, *hominem Stichum, quem Titio legavi, Seio do, lego* : siue in eodem testamento, siue in codicillis hoc fecerit : quo casu simul [&] Titio adimi videtur, & Seio dari.

Superiori titulo dictum est de legatis relinquendis: nunc *Princ.* agitur de iisdem adimendis, simulque de transferendis: quia translatio simul vni adimit, & alteri tribuit. *inf. hoc tit. in fin.*

Primo de ademptione legatorum duo docet *in princ. tit.* Vnum est, quod legatum potest adimi tam in eodem testamento in quo relictum fuit, quam in codicillis post testamentum factis. Alterum est; quod potest adimi quibuscunque verbis, dummodo testatoris voluntas appareat.

Secundo *in §. i.* de translatione legatorum similiter duo *§. i.* docet. Vnum est, posse legatum transferri ab vno legatario ad alterum, puta à Titio ad Seium, tam in eodem testamento, in quo relictum fuit Titio, quam in codicillis postea factis. Alterum est, quod ad effectum translationis pertinet, in translatione contineri tam ademptionem, quam dationem legari. dum enim testator legatum transfert à Titio ad Seium, simul adimit Titio, & dat Seio: veluti si quis in testamento Stichum Titio legauerit, deinde in eodem testamento describat, *Stichum, quem Titio legavi, Seio do, lego*, hæc enim verba legatum à Titio ad Seium transferunt. Sed si ita adscribat, *Stichum Seio do, lego* : vel. *Eundem Stichum Seio do, lego* : utrique legatum debetur, ac dicuntur se coniuncti, ut exposui ad §. *si eadem sup. tit. præc.*

AXIOMATA.

- 1 Legatum in testamento relictum, tam in in eodem testamento, quam in codicillis, adimi potest. *in princ.*
- 2 Legatum quibuscumque verbis adimi potest. *ibid.*
- 3 Legatum tam in eodem testamento, quam in codicillis transferri ad alium potest. §.1.

De lege Falcidia.

TIT. XXII.

SVperest, ut de lege Falcidia dispiciamus, qua modus nouissimè legatis impositus est. Cum enim olim lege duodecim tabularum libera erat legandi potestas, ut liceret totum patrimonium legatis erogare (quippe [cum] ea lege ita cautum esset: *ut quisque legasset suae rei, ita ius esto*) visum est hanc legandi licentiam coarctare: idque ipsorum testatorum gratia prouisum est, ob id, quod plerumque intestati moriebantur, recusantibus scriptis heredibus pro nullo aut minimo lucro hereditates adire. Et cum super hoc tam lex Furia quam lex Voconia latae sunt, quarum neutra sufficiens ad rei consummationem videbatur: nouissimè lata est lex Falcidia, qua cauetur, ne plus legare liceat, quam dodrantem totorum bonorum: id est, ut siue vnus heres institutus sit, siue plures, apud eum, eoque pars quarta remaneat.

1 ¶ Et cum quaesitum esset, duobus heredibus institutis (veluti Titio & Seio) si Titij pars, aut tota exhausta sit legatis, quae nominatim ab eo data sunt, aut

aut supra modum onerata: à Scio verò aut nulla relicta
sint legata, aut quæ partem eius duntaxat in partem
dimidiam minuant: an quia is quartam partem totius
hereditatis aut amplius habet, Titio nihil ex legatis,
quæ ab eo relicta sunt, retinere liceat, vt quartam
partem suæ partis saluam habeat: placuit posse retinere,
etenim in singulis heredibus ratio legis Falcidiæ po-
nenda est.

2 ¶ Quantitas autem patrimonij, ad quam fa-
ctio legis Falcidiæ redigitur, mortis tempore spe-
ctatur. Itaque (verbi gratia) si is, qui centum au-
reorum patrimonium in bonis habeat, centum au-
reos legauerit: nihil legatariis prodest, si ante adi-
tam hereditatem per seruos hereditarios, aut ex pat-
tu ancillarum hereditariarum, aut ex fœtu pecorum
tantum accesserit hereditati, vt centum [aureis]
legatorum nomine erogatis heres quartam partem
hereditatis habiturus sit: sed necesse est, vt nihilo-
minus quarta pars legatis detrahatur. Ex diuerso
si septuaginta quinque legauerit, & ante aditam he-
reditatem in tantum decreuerint bona incendiis
forte (aut naufragiis, aut morte seruorum) vt non
amplius, quàm septuaginta quinque [aureorum
substantia] vel etiam minus relinquatur: solida le-
gata debentur. Nec ea res damnoſa est heredi, cui libe-
rum est non adire hereditatem: quæ res efficit, vt sit ne-
cesse legatariis, ne destituto testamento nihil conse-
quantur, cum herede in portione pacisci.

3 ¶ Cum autem ratio legis Falcidiæ poni-
tur, ante deducitur æs alienum: item funeris im-
penſa, & pretia seruorum manumissorum: tunc
denum in reliquo ita ratio habetur, vt ex eo
quarta pars apud heredem remaneat; tres verò par-

tes inter legatarios distribuuntur: pro rata scilicet portione eius, quod cuique eorum legatum fuerit. Itaque si fingamus quadringentos aureos legatos esse, & patrimonij quantitatem, ex qua legata erogari oportet, quadringentorum esse: quarta pars legatariis singulis debet detrahi. Quod si trecentos quinquaginta legatos fingamus: octava debet detrahi. Quod si quingentos legauerit: initio quinta, deinde quarta detrahi debet, Ante enim detrahendum est, quod extra bonorum quantitatem est, deinde quod ex bonis apud heredem remanere oportet.

Legata relinqui, adimi, transferri, minui dicuntur. De legatis relinquendis dictum fuit *tit. 10. de iisdem adimendis*, vel transferendis actum est *tit. prox.* quod igitur superest de legatis minuendis, hoc titulo absoluitur, & quoniam hac de re observatur lex Falcidia, idcirco titulus *de lege Falcidia* inscribitur.

Primo.

Primo Imperator *in princip. tit.* explicat originem huius legis, declarans diuersa iura, seu diuersas leges quæ cum non satisfacerent, necessaria visa fuit lex Falcidia. Primum ius est lex xij. tabul, quæ amplissimam potestatem testatori dedit his verbis, *Vti quisque legasset, ita ius esto. ff. de verborum signific. l. verbis legis 120.* Hæc lex displicuit: quia cum hereditas legatis sæpe oneraretur, vel exhauriretur, heredes scripti propter minimum, aut nullum lucrum nolebant adire hereditatem, ita testamenta destituebantur: consequenter legata non valebant, reliqua iura lege xij. tabul. posteriora sunt plebiscita. Secundum igitur ius fuit lex Furia, lata à Furio tribuno plebis, ne cui ultra mille asses legare, vel mortis causa donare liceret, ita voluit lex coercere facultatem legandi; quam testatores amplissimam habebant ex lege xij. tab. Hæc lex non satisfecit, quia si testator mille asses, vel paulò amplius habens in bonis, mille asses leget, contra legem non facit; heredi tamen nullum, aut minimum lucrum relinquit. Tertium ius est lex Voconia, lata à Voconio tribuno plebis

plebis, ne legatarius plus accipere ex testamento possit, quam heres. Hæc lex non satisfecit: quia si quis multis personis in testamento leget, fieri potest, ut tam singuli heredes, quam singuli legatarij minimum quid accipiant; proinde heredes, quibus solis incumbunt onera hereditaria, nolint adire hereditatem. Quartum ius est lex Falcidia, lara à P. Falcidio tribuno plebis, qua nunc utimur, ne testator legare possit ultra dodrantem bonorum, ut quarta pars hereditatis penes heredem, vel heredes maneat. Hæc igitur lex prohibet, ne testator hereditatem legatis oneret, vel exhauriat. Dicitur autem testator hereditatem legatis onerare, quando legat ultra dodrantem sic tamen, ut aliquid maneat penes heredem. Rursus dicitur hereditatem exhaurire, cum omnia bona sua legat ita ut nihil maneat penes heredem.

Secundò in §. 1. docet rationem legis Falcidiæ seorsum §. 1. spectari in singulis heredibus, id est, si multi sint heredes scripti ex certis portionibus: quilibet debet saluam habere quartam partem suæ portionis, quamvis enim testator quartam partem totius hereditatis apud vnum heredem illibatam relinquat, quia pauca, vel nulla legata ab eo relinquat: tamen alius heres poterit conqueri, & uti beneficio legis Falcidiæ, si portio sit legatis onerata, vel exhausta. Finge testatorem habentem 100. in bonis scribere duos heredes ex æquis partibus, Titium, & Mævium: à Titio nulla legata relinquere, à Mævio legare quadraginta: certè Titius habet dimidiam partem bonorum, nimirum 50. non tamen propterea testator satisfecit legi Falcidiæ: quia Mævio saluam non reliquit quartam partem suæ portionis, cum enim Mævius iure hereditario semissem accipiat, in quo insunt 50. secundum legem Falcidiam debet saluam habere quartam partem horum 50. id est, habere 12. cum semisse, atqui iussus à testatore est legatarius soluere 40. manent igitur apud eum tantum 10. proinde minus quarta, ergo lex Falcidia legatariis adimit duo & semissem quoniam hæc illis 10. adiuncta conficiunt heredi quartam partem.

Tertiò in §. quantitas, docet quantitatem patrimonij, cuius §. 2. diximus quartam partem debere penes heredem manere, tempore mortis testatoris spectari, id est, heres debet habere quartam partem eorum bonorum, quæ testator habebat mortis tempore, quod si postea hæc bona diminuantur puta seruorum, aut pecorum hereditariorum morte, vel quacumque

*De fideicommissariis hereditatibus, [& ad
senatusconsultum Trebellianum.]*

TIT. XXIII.

Nunc transeamus ad fideicommissa : sed prius est, ut de hereditatibus fideicommissariis videamus.

1 ¶ Sciendum itaque est omnia fideicommissa primis temporibus infirma fuisse, quia nemo inuitus cogebatur præstare id, de quo rogatus erat. Quibus enim non poterant hereditatem, vel legata relinquere; si relinquebant, fidei committebant eorum, qui capere ex testamento poterant [hereditatem.] Et ideo fideicommissa appellata sunt, quia nullo vinculo iuris, sed tantum pudore eorum, qui rogabantur, continebantur. Postea diuus Augustus primus, semel iterumque gratia personarum motus; vel quia per ipsius salutem rogatus quis diceretur, aut ob insignem quorundam perfidiam, iussit consulibus auctoritatem suam interponere: Quod quia iustum videbatur, & populare erat: paulatim conuersum est in assiduam iurisdictionem: tantusque eorum fauor factus est, ut paulatim etiam prætor proprius crearetur, qui de fideicommissis ius diceret, quem fideicommissarium appellabant.

2 ¶ In primis igitur sciendum est, opus esse, ut aliquis recto iure testamento heres instituatur, eiusque fidei committatur, ut eam hereditatem alij restituat

restituatur : alioqui inutile est testamentum , in quo nemo heres instituitur. Cum igitur aliquis scripserit, *Lucius Titius heres esto* : potest adiacere, *rogo te, Luci Titi, ut cum primum poteris hereditatem meam adire, eam Caio Seio reddas, restituas*. Potest autem quisque & de parte restituenda heredem rogare. Et liberum est, vel purè, vel sub conditione relinquere fideicommissum, vel ex certo die.

3 § Restituta autem hereditate, is quidem, qui restituit, nihilominus heres permanet: is vero, qui recipit hereditatem, aliquando heredis, aliquando legatarij loco habetur.

4 § Et Neronis quidem temporibus, Trebellio Maximo & Annæo Seneca consulibus, senatusconsultum factum est: quo cautum est, ut si hereditas ex fideicommissi causa restituta sit: omnes actiones, quæ iure civili heredi, & in heredem competere, ei, & in eam darentur, cui ex fideicommissio restituta esset hereditas. Post quod senatusconsultum prætor utiles actiones ei, & in eum, qui recipit hereditatem: quasi heredi, & in heredem dare cœpit.

5 § Sed quia heredes scripti, cum aut totam hereditatem, aut penè totam plerunque restituere rogabantur, adire hereditatem ob nullum vel minimum luctum recusabant, atque ob id extinguiebantur fideicommissa: postea Vespasiani Augusti temporibus Pegaso & Pusione consulibus senatus censuit: ut ei, qui rogatus esset hereditatem restituere, perinde liceret quartam partem retinere, atque ex lege Falcidia ex legatis retinere conceditur. Ex singulis quoque rebus, quæ per fideicommissum relinquuntur, eadem retentio permissa est:

est. Post quod senatusconsultum ipse heres onera hereditaria sustinebat. Ille autem qui ex fideicommissio recipiebat, partem hereditatis, legatarij partiarij loco erat, id est, eius legatarij, cui pars bonorum legabatur, quæ species legati, partitio vocabatur: quia cum herede legatarius partiebatur hereditatem. Vnde quæ solebant stipulationes inter heredem & partiarium legatarium interponi: eadem interponebantur inter eum, qui ex fideicommissio recepit hereditatem, & heredem, id est, ut luctum & damnum hereditarium pro rata parte inter eos commune esset.

6. ¶ Ergo si quidem non plus, quam dodrantem hereditatis scriptus heres rogatus sit restituere: tunc ex Trebelliano, senatusconsulto restituebatur hereditas, & in utrumque actiones hereditariæ pro tota parte dabantur: in heredem quidem iure civili: in eum verò, qui recipiebat hereditatem, ex senatusconsulto Trebelliano tanquam in heredem. At si plus, quàm dodrantem, vel etiam totam hereditatem restituere rogatus esset: locus erat Pegasiano senatusconsulto: & heres, qui semel adiecit hereditatem (si modo sua voluntate adiecit) siue retinuerat quartam partem, siue retinere noluerat: ipse vniuersa onera hereditaria sustinebat. Sed quarta quidem retenta, quasi partis & pro parte stipulationes interponebantur, tanquam inter partiarium legatarium & heredem: si verò totam hereditatem restitueret: emptæ & venditæ hereditatis stipulationes interponebantur. Sed si recusabat scriptus heres adire, hereditatem, ob id, quod diceret eam sibi suspectam esse quasi

quasi damnosam : cauebatur Pegasiano senatusconsulto , ut desiderante eo , cui restituererogatus esset , iussu prætoris adiret , & restitueret hereditatem : perindeque ei & in eum , qui reciperet hereditatem , actiones darentur , ac iuris est ex Trebelliano senatusconsulto : quo casu nullis stipulationibus est opus : quia simul & huic , qui restituit , securitas datur , & actiones hereditariæ ei , & in eum transferuntur , qui recipit hereditatem , utroque senatusconsulto in hac specie concurrente.

7 § Sed quia stipulationes ex senatusconsulto Pegasiano descendentes , & ipsi antiquitati displicuerunt , & quibusdam casibus captiosas eas homo excelsi ingenij Papinianus appellat , & nobis in legibus magis simplicitas quàm difficultas placet : ideo omnibus nobis suggestis tam similitudinibus , quàm differentiis utriusque senatusconsulti : placuit , exploso senatusconsulto Pegasiano , quod postea superuenit , omnem auctoritatem Trebelliano senatusconsulto præstare , ut ex eo fideicommissariæ hereditates restituantur : siue habeat heres ex voluntate testatoris quartam , siue plus , siue minus , siue nihil penitus : ut nunc quando vel nihil vel minus quarta apud eum remanet , liceat ei vel quartam , vel quod deest , ex nostra auctoritate retinere , vel repetere solum quasi ex Trebelliano senatusconsulto : pro rata portione actionibus , tam in heredem , quàm in fideicommissarium competentibus : si verò totam hereditatem sponte restituerit , omnes hereditariæ actiones fideicommissario , & aduersus eum competant. Sed etiam id , quod præcipuum Pegasiani senatusconsulti fuerat ,

ut

ut quando recusaret heres scriptus, sibi datam hereditatem adire, necessitas ei imponeretur totam hereditatem volenti fideicommissario restituere, & omnes ad eum & contra eum transferre actiones & hoc transposuimus ad senatusconsultum Trebellianum, ut ex hoc solo necessitas heredi imponatur, si ipso nolente adire, fideicommissarius desideret restitui sibi hereditatem, nullo necd anno, nec commodo apud heredem remanente,

8 § Nihil autem interest, utrum aliquis ex asse heres institutus, aut totam hereditatem, aut pro parte restituere rogatur; an ex parte heres institutus, aut totam eam partem aut partem partis restituere rogatur. Nam & hoc casu eadem observari præcipimus, quæ in totius hereditatis restitutione diximus.

6 § Si quis una aliqua re deducta, siue præcepta, quæ quartam continet (veluti fundo, vel alia re) rogatus sit restituere hereditatem: similimodo ex Trebelliano senatusconsulto restitutio fiat, perinde ac si quarta parte retenta, rogatus esset reliquam hereditatem restituere, sed illud interest, quod altero casu, id, cum deducta, siue præcepta aliqua re, restituitur hereditas: in solidum ex eo senatusconsulto, actiones transferuntur: & res, quæ remanet apud heredem, siue vlllo onere hereditario apud eam remanet, quasi ex legato ei acquisita, altero vero casu, id est, cum quarta parte retenta rogatus est heres restituere hereditatem, & restituit: scinduntur actiones, & pro dodrante quidem transferuntur ad fideicommissarium, pro quadrante remanent apud heredem. Quinetiam licet unâ re aliqua

qua deducta , aut percepta , restituere aliquis hereditatem rogatus sit , in qua maxima pars hereditaria contineatur : æque in solidum transferantur actiones : & secum deliberare debet is , cui restituitur hereditas , an expediat sibi restitui. Eadem scilicet interueniunt , & si duabus pluribusve deductis , præceptisve rebus , restituere hereditatem rogatus sit. Sed & si certa summa deducta præceptave , quæ quartam vel etiam maximam partem hereditatis continet , rogatus sit aliquis hereditatem restituere : idem iuris est. Quæ [autem] diximus de eo , qui ex asse institutus est : eadem transferimus & ad eum , qui ex parte heres scriptus est.

10 ¶ Præterea intestatus quoque moriturus , potest rogare eum , ad quem bona sua , vel legitimo iure , vel honorario pertinere intelligit : ut hereditatem suam totam , partemve eius , aut rem aliquam (veluti fundum , hominem , pecuniam) alicui restituat : cum alioqui legata , nisi ex testamento , non valeant.

11 ¶ Eum quoque , cui aliquid restituitur , potest rogare , ut id rursum alij aut totum , aut partem , vel etiam aliquid restituat.

12 ¶ Et quia prima fideicommissorum cunabula à fide heredum pendent , & tam nomen , quam substantiam acceperunt : ideo diuus Augustus ad necessitatem iuris ea retraxit. Nuper & nos eundem principem superare contendentes , ex facto , quod Tribonianus vir excellentissimus ex quæstore sacri palatij suggessit , constitutionem fecimus : per quam disposuimus , si testator fidei heredis sui commisit ut vel hereditatem , vel speciale fideicommissum restituat , & neque ex scriptura,

ptura, neque ex quinque testium numero (qui in fideicommissis legitimus esse noscitur) possit res manifestari, sed vel pauciores, quam quinque, vel nemo penitus testis interuenerit: tunc siue pater heredis, siue alius, quicumque sit, qui fidem heredis elegerit, & ab eo restitui aliquid voluerit: si heres perfidia tentus adimplere fidem recusat, negando rem ita esse subsequutam, si fideicommissarius iusiurandum ei detulerit, cum prius ipse de calumnia iurauerit. necesse cum habere vel iusiurandum subire, quod nihil tale à testatore audiuerit, vel recusantem ad fideicommissi vel vniuersalis, vel specialis solutionem coarctari, ne depereat vltima voluntas testatoris fidei heredis commissa. Eadem obseruari censuimus, & si à legatario vel fideicommissario aliquid similiter relictum sit. Quod si is, à quo relictum dicitur, [postquam negauerit] confiteatur quidem aliquid à se relictum esse, sed ad legis subtilitatem recurrat, omnino soluere cogendus est.

Fideicommissa quoque testamentis accidunt. Fideicommissum est, quod precatiuo modo relinquitur. *Vlpian. tit. de legat. in princ. & de fideicom. in princ.* veluti quod his, aut similibus verbis fit, *pero rogo, volo, mando, fidei tuae committo. infra tit. prox §. ult.* Fideicommissa multis modis à legatis differunt. I. Fideicommissum fit verbis precariis, legatum verbis imperatiuis. *d. §. ult. Vlpian. dictis locis, quæ etiam vocantur verba directa. C. de testam. l. quoniam. §. & de fideicom. l. eum quam 14. & comm. de legat. l. 2. vel ciuilia. ff. de vulg. & pupil. l. 7. vel legitima. L. de testam. iur. l. ult. & de testam. manum. l. penult.* II. Omne legatum est particulare: fideicommissum verò diuiditur in vniuersale, de quo est hic tit. & particulare, de quo agitur *tit. seq.* idcirco dicitur hereditas fideicommissaria, non dicitur hereditas legataria. III. Legata non valent, nisi ex testamento: fideicommissa relinqui possunt etiam ab intestato. *infra hoc tit. §. pr.*

terea IV. Legatarius potest onerari fideicommisso, non legato. *infr. tit. prox. in pr. &c.* Non obstat, quod Iustin. exaqua-uit legata fideicommissis, ut docui ad §. *sed non usque*, *supra de legat.* iam explicemus feriem huius tit. quem diuido in quatuor partes.

Princ. Prima pars *in princip.* declarat scopum & nexum ipsius tituli.

§. 1. Secunda pars *in §. 1.* originem & etymologiam fideicommissorum enarrat Vbi notandum, fideicommissa non esse odiosa; sed fauorabilia; quamuis videantur in fraudem legum introducta, ut iis relinqueretur, qui ex testamento capere non poterant. ratio est: quia leges illae erant odiosae, tantum locupletandi aëriarum causa latae, ut lex Iulia & Papia.

§. 2. In tertia parte agitur de fideicommissis relinquendis, & de eorum effectu. In hac parte declarantur tres casus. Primus casus, est cum heres institutus oneratur fideicommisso. Hunc casum explicans Imper. Primò in §. *in primis*, generalem doctrinam tradit, quod opus est, ut in testamento recte facto heres instituatur, qui fideicommisso oneretur. Intellige hoc requiri in dicto primo casu. patet enim, hoc non requiri in secundo casu, id est, cum fideicommissum relinquitur ab intestato. Secundò varias diuisiones adiungit, quò melius dictus casus intelligatur. Prima diuisio est in versic. *cum igitur*. quod heres rogatur restituere vel totam hereditatem, vel eius partem. Secunda diuisio est in versic. *& liberum*. quod fideicommissum relinquitur vel purè, veluti, *Titius heres esto: rogo te Titius, ut hereditatem meam Seio restituas*: vel sub conditione, veluti, *Rogo te, ut hereditatem Seio restituas, si nauis ex Asia venerit*: vel ex die, veluti, *Rogo te, ut hereditatem Seio restituas post v. annum quam decessero*.

§. 3. Tertia diuisio est in §. *restituenda*, quod fideicommissarius modò obtinet locum heredis, modò legatarii, licet heres, qui hereditatem fideicommissario restituit, nihilominus heres maneat. regula namque iuris est: Qui semel est heres, non desinit esse heres. *ff. de minor. l. 7. §. sed Papinianus, & de hered. instit. l. ei qui. 88.* Quamuis autem heres maneat, tamen cum fideicommissarius pro herede habetur, consequenter ipse heres institutus perinde habetur, ac si heres non esset ut ex seqq. §§. intelligitur.

Ut enim hoc melius intelligatur, Iustin. *in seqq. §§.* varias aëra declarat. Primum ius est Senatuscons. Trebellianum, prout

prout ab initio conditum fuit: de quo in §. *¶ Neronis*. Huius iuris proprium est, ut actiones hereditariæ tam actiux, quam passivæ transferantur ad fideicommissarium, adeo ut fideicommissarius pro herede habeatur, & consequenter huic senatusconsulto prætor utiles actiones fideicommissario, & in fideicommissarium dabat, quasi heres esset.

Secundum ius in §. *sed quia heredes*, est S. C. Pegasianum: cuius iuris propria hæc sunt. Primum heredi fideicommissam hereditatem restituito permittitur quartæ detractio. Deinde heres sustinet onera hereditaria: fideicommissarius verò habetur loco legatarij, & comparatur ei, cui pars bonorum legabatur. Unde inquit Imper. eas stipulationes, quæ inter heredem & legatarium partiarium interponebantur, etiam inter heredem & fideicommissarium interponi solitas esse hoc est promittebat heres fideicommissario se ei restitutum dodrantem eorum, quæ à debitoribus hereditariis exegerit. item promittebat fideicommissarius heredi se ei restitutum dodrantem eorum, quæ creditoribus hereditariis solverit.

Cum igitur essent duo Senatusconsulta, Trebellianum, & Pegasianum, modò ex hoc modo ex illo restituebantur hereditates, ut explicatur in §. *ergo siquidem*. Nam si fideicommissum non excedebat dodrantem hereditatis, restituebatur ex senatusconsulto Trebelliano, ut docet Imper. in *princis. d. §.* Si verò dodrantem excedebat, & heres sponte sua hereditatem adibat, restitutio fiebat ex Pegasiano: tuncque solebant inter heredem & fideicommissarium interponi stipulationes emptæ & venditæ hereditatis, si heres totam hereditatem sine detractioe quartæ restituebat. Id est, heres quemadmodum promittebat emptori hereditatis se ei restitutum quicquid à debitoribus hereditariis exegerit, ita etiam idem promittebat fideicommissario. Rursus, quemadmodum emptor hereditatis, ita etiam fideicommissarius promittebat heredi se ei restitutum, quicquid creditoribus hereditariis solverit, versic. *et si plu.* Denique cum heres scriptus nolebat adire hereditatem, locus erat utrique senatusconsulto: quia ex Pegasiano heres cogebatur adire & restituere hereditatem: ex Trebelliano autem transferebantur actiones in fideicommissarium, tam actiux, quam passivæ. versic. *sed si recusabat*. Immodò etiam ex Pegasiano: quia Pegasiano Trebellianum ad hunc casum producebatur, id est, cauebatur ut heres

cogeretur hereditatem adire, eamque fideicommissario restituere, atque actiones ex Trebelliano transferre.

- §. 7. Tercium ius in §. *sed quia stipulationes*, est ius Iustinianicum: quia Iust. Iul. tulit senatusconsultum Pegasianum: & quod in eo uile erat, transtulit ad Trebellianum. Huius iuris propria hæc sunt I. Fideicommissariæ hereditates restituntur indistincte ex Trebelliano. Nam Iustinianus Pegasianum sustulit: quoniam ex eo interponebantur stipulationes, quibus heres à fideicommissario stipulabatur sibi restitui quod soluisset, & inuicem promittebat se ei restitutum quod exegisset: commodius est autem vitare hunc circuitum, & actiones recta via transire ad fideicommissarium, quod fit ex senatusconsulto Trebelliano. II. Quarta pars hereditatis manere debet penes heredem, nisi heres sponte sua malit totam hereditatem restituere. III. Si heres quartam retineat, actiones hereditariæ inter eum & fideicommissarium diuiduntur: ita ut pro quarta parte maneant penes heredem, & pro dodrante transeant ad fideicommissarium. Si uero totam hereditatem restituat, omnes actiones tam actiuæ, quam passiuæ in solidum transeunt ad fideicommissarium. IV. Si heres nolit adire, cogitur ex Trebelliano hereditatem adire, & restituere, ita ut nihil commodi, vel incommodi sentiat, sed omnia emolumenta & onera transeant ad fideicommissarium hæc dicta sunt de tertia diuisione.

- §. 8. Quarta diuisione est in §. *nihil*. quodd fideicommissio oneratur aut heres institutus ex alie, aut institutus ex parte: & uterque vel rogatur restituere totum quod accipit, vel partem eius.

- §. 9. Ad quintam diuisionem pertinet. §. *si quis una*. Cum enim testator rogat heredem ut hereditatem restituat: vel ei permittit ut retineat certam rem, puta fundum, siue certa res, puta fundum & ædes: vel certam summam, puta centum: vel partem hereditatis, ut quadrantem: vel nullam detraktionis mentionem facit, sed simpliciter iubet hereditatem restituere. Primo & secundo casu eam rem, vel res, siue summam habet quasi legatarius, id est, non sustinet onera hereditaria, sed omnia transferuntur in fideicommissarium. Tercio casu pro ea parte, quam retinet, actiones hereditariæ tam actiuæ, quam passiuæ ad eum pertinent. exempli gratiâ detrahit quartam partem, creditoribus hereditariis pro hac parte tenetur, & debitores hereditarios pro hac parte conuenire

conuenire potest. Differentiæ inter huius & superiorum casuum decisiones ratio est: quoniam actiones & onera hereditaria non sequuntur res hereditarias, quæ non sunt partes hereditatis, sed ipsam hereditatem. ff. ad matusalem. r. bell. l. 1. §. si heres. Vltimus casus omittitur in contextu: sed eius decisio non est obscura. cum enim dictum sit, heredem posse quartam deducere, si velit: certè, si eam deducat pro eadem parte fideicommissario restituat, omnia onera in eundem fideicommissarium transferuntur. *in r. h. r. tit. §. se qu u fl. p. latione*. Expositus est primus casus principalis, id est, cum heres institutus oneratur fideicommissio.

Secundus casus est in §. *pro reo*, cum fideicommissio oneratur heres ab intestato. Hic notatur, fideicommissa valere, non solum ex testamento, sed etiam ab intestato: quamuis legata non valeant, nisi ex testamento, de qua legatorum & fideicommissorum differentia supra dixi.

Tertius casus est in §. *per*, cum fideicommissarius fideicommissio oneratur, id est, cum ille, qui ex causa fideicommissi hereditatem accepit, eandem hereditatem, vel partem eius, vel rem singularem, puta fundum, iubetur alteri restituere. Nota, huic fideicommissario, qui fideicommissio, oneratus est, non dari deductionem quartæ. ff. ad SC. Trebell. l. mulier. 2. §. ult. Hæc de tertia tituli parte.

Quarta pars in §. *ult.* nouum ius constituit fauore vltimæ voluntatis, vt fideicommissa valeant, etiam si per nullos testes probari possint, si modò testator heredem præsentem & audientem rogauit hereditatem restituere, ac fideicommissarius de calumnia iurans, eidem heredi iusiurandum deferat. nam heres vel cogetur iurare id fidei sua commissum non fuisse, vt hereditatem alteri restitueret: vel si iurare nolit, fideicommissum soluere compelleretur.

Nota primò, hanc decisionem non obtinere in fideicommissio relicto ab herede absente: quoniam absens habet iustam ignorandi causam: ideoque cogi non debet de re sibi ignota iurare & anceps periurium subire.

Nota secundo, vnum esse in hac decisione speciale, vt fideicommissum coram nullis, vel paucioribus quàm quinque testibus relictum debeat, quia (vt dixi) ipse heres præsens à testatore rogatus dicitur. reliqua specialia non sunt, nec huius casus propria, nempe vt fideicommissarius deferens

iusiurandum, prius iuret de calumnia. ff. de iureiurand. l. iusiurandum, & ad pecunias 34. §. qui iusiurandum. & ut heres, cui iusiurandum delatum est, aut soluere, aut iurare cogatur. d. l. iusiurandum, & ad pecunias. §. ait prator.

Nota tertio, Tribonianum in hoc §. vocari quaestorem sacri palatii, ut & in §. ult. vers. sed hoc etiam, supra quibus alie. lic. vel non. cum in proœmio appelletur ex quaestore: nimirum quia proœmium post quatuor Institutionum libros confectos conscriptum fuit: quo tempore Tribonianus hoc magistratu functus fuerat.

Nota quarto, verba illa, postquam negauerit, quæ in quibusdam exemplaribus habentur, in extremo §. rectè abesse à libris scriptis, & à Theophilo videri ex falso Accursij glossate irrepsisse in contextum: delenda igitur sunt, ut faciliè quavis fatebitur, qui diligenter expendet superiora verba huius §. & verba l. ult. C. de fideicommiss. cuius sententia hoc loco refertur. Denique Imperator non punit mendacium eius qui fideicommissio operatus est, ut falsò Accursius existimauit, sed eius perfidiam; quia quod se soluturum non recusauit, testatori roganti, id iam soluere nollens, fidem expressè, vel tacitè testatori datam fallit.

AXIOMATA.

- 1 Quod alterius voluntati committitur, necessitatem non inducit. in princ.
- 2 Heredis fideicommissum non præstantis perfidia coercenda est. §. 1. & §. ult.
- 3 Fideicommissa sunt fauorabilia. d. §. 1.
- 4 Inutile est testamentum, in quo nemo heres instituitur. d. §. 2.
- 5 Qui semel est heres, non potest desinere esse heres. §. 3. coniu. l. 7. §. sed quod Papinianus, ff. de minoribus & l. ei qui soluendo. 88. ff. de hered. instit. Vide huius regulæ exceptionem in §. per contrarium, infra de hered. quæ ab inest. deter.
- 6 Fideicommissarius pro herede habetur. d. §. 3. coniu. l. 1. §. 1. ff. quod cum eo.
- 7 Circuitus est vitandus. §. 7.
- 8 Eadem est ratio totius ad totum, & partis ad partem. §. 8. & §. 9. vers. ult. coniu. §. si rem suam supra de leg. a.

Et l. qua de tota. 76 ff. de rei vindicat.

9 Onera hereditaria sequuntur hereditatem, non res hereditarias. d. §. 9. coniu. l. 1. §. si heres ff. ad S. C. Trebel-
lian.

10 Fideicommissa tam in testamento, quàm ab intestato
relinqui possunt: legata verò nisi ex testamento non
valent. §. 10.

11 Qui iururandum defert, priùs de calumnia iurare de-
bet. §. ult. coniu. l. iururandum, & ... pecunias. 34.
§. qui iururandum. & §. ai. prator ff. de iureiur.

12 Ultima voluntas tuenda est, ne pereat. §. ult.

De singulis rebus per fideicommissum relictis.

TIT. XXIV.

Potest tamen quis etiam singulas res per fideicom-
missum relinquere: veluti fundum, argentum, ho-
minem, vestem, [&] pecuniam numeratam: & vel ip-
sum heredem rogare, vt alicui restituat, vel legata-
rium, quamuis à legatario legari non possit.

1 ¶ Potest autem non solum proprias res testa-
tor per fideicommissum relinquere: sed & heredis,
aut legatarij, aut fideicommissarij, aut cuiuslibet alte-
rius. Itaque & legatarius & fideicommissarius non so-
lum de ea re rogari potest, vt eam alicui restituat, quæ
ei relicta sit: sed etiam de alia, siue ipsius, siue aliena
sit. Hoc solum obseruandum est, ne plus quisquam
rogetur alicui restituere, quam ipse ex testamento
cøperit; nam quod amplius est, inutiliter relinqui-
tur: Cum autem aliena res per fideicommissum relin-
quitur: necesse est ei, qui rogatus est, aut ipsam redi-
mere, & præstare, aut æstimationem eius solvere.

Z 4

2 ¶ Libertas

2 § Libertas quoque seruo per fideicommissum dari potest, ut heres eum rogetur manumittere, vel legatarius, vel fideicommissarius. nec interest, utrum de suo proprio seruo testator roget, an de eo, qui ipsius heredis, aut legatarij, vel etiam extranei sit. Itaque & alienus seruus redimi & manumitti debet. Quod si dominus eum non vendat: si modo nihil ex iudicio eius, qui reliquit libertatem: recepit; non statim extinguitur fideicommissaria libertas, sed differtur, quia possit tempore procedente, ubicumque occasio serui redimendi fuerit, præstari libertas. Qui autem ex fideicommissi causa manumittitur, non testatoris fit libertus, etiam si testatoris seruus sit, sed eius, qui manumittit. At is, qui directo ex testamento liber esse iubetur, ipsius testatoris libertus fit, qui etiam *orcinus* appellatur. Nec alius ullus directo ex testamento libertatem habere potest, quam qui utroque tempore testatoris fuerit, & quo faceret testamentum, & quo moreretur. Directa autem libertas tunc dari videtur, cum non ab alio seruum manumitti rogat, sed velut ex suo testamento libertatem ei competere vult.

3 § Verba autem fideicommissorum hæc maxime in usu habentur, *peto, rogo, volo, mando, fidei tue committo*. quæ perinde singula firma sunt, atque si omnia in vnum congesta essent.

Quemadmodum fideicommissum vniuersale est, quo relinquitur vniuersitas, id est, hereditas: ita particulare est, quo singulæ res relinquuntur, atque eiusmodi fideicommissa sunt à Iustin. ex æquata legatis.

Princ.

Primo Imp. ostendit eiusmodi particularia fideicommissa iure recepta esse, ad eum ut singulæ res per fideicommissum relinqui possint, *in princ. tit.* Secundo docet quoniam fideicommissa possint onerari: & ait fideicommissum relinqui posse non

non solum ab herede, sed etiam à legatario: quamuis à legatario legari non possit. *vers. & vel solum.*

Nota primò discrimen fideicommissi & legati: de quo discrimine suprà dixi.

Nota secundò, non solum heredem, vel legatarium, sed etiam fideicommissarium posse onerari fide commisso. *infr. §. prox. & suprà. iis prox. §. pen.* denique omnes possunt rogari, ut aliquid restituant, qui quouis titulo aliquid ex testamento acceperunt. Sed qui non sunt à testator honorati, non possunt fideicommissio onerari. *C. de fidei. comm. l. ab eo 9.*

Tertiò in §. 1. declarat, quæ res possint per fideicommissum relinqui. ubi dat regulam, quòd testator potest ita relinquare vel res suas, vel res heredis, vel legatarij, vel fideicommissarij, vel cuiuslibet alterius, id est, extranei, cui nihil est in testamento relictum. Quod dictum est de fideicommissario, intelligi debet de eo, qui fideicommissum præstat, non de eo, qui accipit: quia sicuti res legatarij frustrà ei legatur, *sup. de legat. §. sed si rem.* ita etiam res fideicommissarij frustrà ei relinquitur. Dicimus ergò rem fideicommissariis per fideicommissum relinqui posse: quia qui iure fideicommissi aliquid accipit, rogari à testatore potest, ut illud ipsum, vel aliam rem alteri restituat, & ita & Iustin. interpretatur in *vers. itaque.* Addit Imper. limitationem in *vers. hoc solum.* quia non potest aliquis rogari ut plus restituat, quàm ex testamento (supple. vel alia defuncti voluntate) coeperit. verbi gratià, cui 100. à testatore sunt relictà, hic non tenetur restituere 200. Nihil autem refert, utrùm per se coeperit, quia sibi relictum est, an per alium, putà quia filio ipsius, vel seruo relictum fuit, *ff. de legat. 3. l. 4. & l. 5. §. ult.* Deinde in *vers. cum autem,* declarat effectum illius fideicommissi, quo res aliena relictà est, nimirum ut rogatus eam rem præstare, cogatur eam emere, & fideicommissario solvere; vel, si non potest emere, siue quia dominus eam vendere nolit, siue quia immodicum pretium petat, æstimationem eius fideicommissario solvat. Confer hunc *vers. cum §. si res aliena suprà de legat.* quod tamen ibi de legatis dictum fuit, hic de fideicommissis repetitur. quapropter eius loci interpretatio huc transferri debet.

Post hæc in §. *libertas,* docet etiam libertatem per fideicommissum relinqui posse non solum seruo proprio, vel he-

z s heredis,

§. 1.

§. 2.

redis, siue legatarij, aut fideicommissarij, sed etiam seruo alieno, ita ut quandocūque possit redimi, redimatur, & manumittatur. Intelligere redimi posse, siue dominus eum vendere iusto pretio velit. ff. de legat. 3. l. non dubium. 14. §. ult. siue vendere cogatur, ut quia aliquid ex eodem testamento accepit. C. de fideicommiss. libert. l. si te. 13. Differentia autem ponitur inter libertatem fideicommissariam, & libertatem iure directo relictam: quoniam hanc seruus immediatè consequitur à testatore, ita ut vocetur libertus orcinus, ab orco quia est libertus ipsius defuncti: fideicommissariam verò accipit ab herede, vel ab alio, qui manumittere rogatus est, & huius manumittentis fit libertus, non defuncti.

§. ult.

Quartò in §. ult. proponit verba maximè v'sitata in fideicommissis relinquendis.

A X I O M A T A.

- 1 Nemo potest rogari, ut plus restituat, quàm à testatore, capiat. §. 1.
- 2 Nemo potest directò libertatem ex testamento capere nisi tam tempore facti testamenti, quam mortis tempore facti testatoris, in eius dominio fuerit. §. 2.

De codicillis.

T I T. XXV.

ANte Augusti tempora constat codicillorum ius in usu non fuisse, sed primus Lucius Lentulus (ex cuius persona etiam fideicommissa [esse] coeperunt) codicillos introduxit. Nam cum decederet in Africa, scripsit codicillos testamento confirmatos, quibus ab Augusto petiit per fideicommissum, ut faceret aliquid. Et cum diuus Augustus voluntatem eius impleisset: deinceps reliqui eius auctoritatem sequuti, fideicommissa præstabant: & filia

filia Lentulilegara, quæ iure non debebat, soluit. Dicitur autem Augustus conuocasse sapientes viros, interque eos Trebatium quoque, cuius tunc auctoritas maxima erat, & quæsisse, an posset recipi hoc, nec abscondens à iuris ratione codicillorum usus esset: & Trebatium suasisse Augusto, quod diceret utilis-
simum & necessarium hoc ciuibus esse propter magnas & longas peregrinationes. quæ apud veteres fuissent: vbi si quis testamentum facere non posset, tamen codicillos posset. Post quæ tempora cum Labeo codicillos fecisset: iam nemini dubium erat, quin codicilli iure optimo admitterentur.

1 ¶ Non tantum autem testamento facto potest qui codicillos facere, sed [&] intestatus quis decedens fideicommittere codicillis potest. Sed cum ante testamentum factum codicilli facti erant: Papinianus ait, non aliter vires habere, quam si speciali postea voluntate confirmentur. Sed diui Seuerus & Antoninus rescripserunt, ex iis codicillis, qui testamentum præcedunt, posse fideicommissum peti: si appareat eum qui testamentum fecit à voluntate, quam in codicillis expresserat, non recessisse.

2 ¶ Codicillis autem hereditas neque dari, neque adimi potest: ne confundatur ius testamentorum & codicillorum. & ideo nec exhereditatio scribi. Directo autem hereditas codicillis neque dari neque adimi potest: nam per fideicommissum hereditas codicillis iure relinquitur. Nec conditionem heredi instituto codicillis adiacere, neque substituere directo [quis] potest.

3 ¶ Codicillos etiam plures quis facere potest, & nullam solemnitatem ordinationis desiderant.

Codicilli

Codicilli, cum à testatore fiunt, testamento accidunt: cum autem ab intestato, vicem exhibent testamenti. *ff. de iur. codicill. l. ab intestato. 16.* nam codicilli sunt testamentum quoddam imperfectum. idcirco heres in codicillis institui non potest. *infra hoc tit. §. penult. & ff. eod. l. quod per manus 10.*

Princ.

Primò, Imper. originem codicillorum declarat, in *princ. tit.* In summa codicilli sunt introducti in gratiam eorum, qui non possunt facere testamentum. intellige eos non posse facere testamētum propter impedimentum facti, veluti quia in loco peregrino testari volunt, vbi septem ciues Romanos reperire nequeunt, sine quorum præsentia testamentū rectè confici non potest nam si sit impedimentum iuris, codicillis locus esse non potest: id est qui non potest facere testamentum, eò quòd non habet testamenti factionem actiuam, vt deportatus, vel pupillus, hic ne quidem codicillos facere potest. *ff. eod. l. 6. §. pen. & l. conficiuntur. 8. §. codicilli.*

§. 1.

Secundò proprietates aliquot codicillorum declarat, quibus codicillis à testamentis distinguuntur. Prima proprietas est in §. 1. quod codicilli fieri possunt tã ex testamento id est, ante, vel post testamentum) quàm ab intestato: & cum ante testamentū fiunt, non reuocantur per sequens testamentum, dummodo quauis ratione appareat testatorem non mutasse voluntatem, quam in codicillis expressit. *ff. de iur. codic. l. 5.*

§. pen.


Secunda proprietas est in §. pen. quòd in codicillis hereditas iure directo nec dari, nec adimi potest. Cuius iuris duplex ratio affertur: altera hic, ne confundatur ius testamentorum, & ius codicillorū: altera à Papiniano in *l. quod per manus 10. ff. eod.* quia per testamentum codicilli. & per institutionem heredis testamentum confirmatur. quare si heres in codicillis institueretur, per codicillos, qui ex testamento valent, testamentum confirmaretur: quod est abiurdum. Quod ait Papinianus de institutione heredis, idē de exheredatione dici potest: quoniam exheredatio quoque ad testamentū confirmandum valet. *suprà de exher. liber. in princ.* vnde initium testamenti olim vel ab heredis institutione, vel ab exheredatione sumebatur. *ff. de hered. instit. l. 1. in princ.* Ex dictis colligit Imperator, si heres in testamento purè instituatur, non posse huic institutioni conditionem adscribit in codicillis, quia in defectum conditionis hereditas adimeretur *ff. de condit. instit. l. quidam in suo 27. in fi.* Fideicommissum tamen.


men, non solum particulare, sed etiam vniuersale potest in codicillis relinqui. Hæc ita in paganis obtinent, non in militibus, qui etiam in codicillis hereditatem dare, vel adimere possunt. ff. de testam. mil. l. mili. tit. 36. in princ.

Tertia proprietas est in §. ult. quod idem potest facere §. ult. plures codicillos diuersi tenoris, licet non possit facere diuersa testamenta: quia posteriori testamēto prius rumpitur. *suprà quib. mod. testam. infirm. à posteriore.* sed posterioribus codicillis priores non rumpuntur, nisi sint contrarij. C. hoc tit. l. 1. Quarta proprietas est in vers. & nul. am. quod codicilli nullam solemnitatem desiderant, licet in testamento multæ solemnitates requirantur, quæ tit. 10. fuerunt enumeratz.

A X I O M A T A.

- 1 Qui ob facti impedimentum non potest testamentum facere, non prohibetur facere codicillos. *in princ.*
- 2 Codicillis hereditas iure directo dari, vel adimi nequit. *§. pen.*
- 3 Aliquis potest decedere cum pluribus codicillis. §. ult.
- 4 Codicilli nullam solemnitatem desiderant. d. §. ult.





INSTITUTIONVM

LIBER TERTIVS.

De hereditatibus quæ ab intestato deferuntur.

TIT. I.



INTESTATVS decedit qui aut omnino testamentum non fecit : aut non iure fecit : aut id, quod fecerat, ruptum irritumve factum est, aut si ex eo nemo heres extiterit.

1 ¶ Intestatorum autem hereditates ex lege duodecim tabularum, primum ad suos heredes pertinent.

2 ¶ Sui autem heredes existimantur (vt supra diximus) qui in potestate morientis fuerint : velut filius filiave , nepos neptisve ex filio, pronepos proneptisve ex nepote ex filio nato prognatus prognatave. Nec interest, vtrum naturales sint liberi, an adoptiui. Quibus connumerari necesse est etiam eos, qui ex legitimis quidem [nuptiis vel] matrimoniis non sunt progeniti, curiis tamen civitatum dati secundum diuinalium constitutionum, quæ super his positæ sunt, tenorem, [heredum] suorum

suorum iura nanciscuntur. Necnon eos, quos nostræ amplexæ sunt constitutiones, per quas iussimus, [ut] si quis mulierem in suo contubernio copulauerit, non ab initio affectione maritali, eam tamen, cum qua poterat habere coniugium, & ex ea liberos sustulerit: postea vero affectione procedente, etiam nuptialia instrumenta cum ea fecerit, & filios vel filias habuerit: non solum eos liberos qui post dotem editi sunt, iustos & in potestate patris esse: sed etiam anteriores, qui & iis qui postea nati sunt, occasionem legitimi nominis præstiterunt. Quod obtinere censuimus, & si non progeniti fuerint post dotale instrumentum confectum, liberi vel etiam nati ab hac luce fuerint subtrahæti. Ita demum tamen nepos neptisve, pronepos proneptisve, suorum heredum numero sunt, si præcedens persona defierit in potestate parentis esse: siue morte id accidit, siue alia ratione, velut emancipatione. Nam si per id tempus, quo quis moritur, filius in potestate eius sit: nepos ex eo, suus heres esse non potest. Idque & in cæteris deinceps liberorum personis dictum [esse] intelligimus. Posthumi quoque, qui si viuo parente nati essent, in potestate [eius] futuri forent, sui heredes sunt.

3 ¶ Sui autem heredes sunt etiam ignorantes, & licet furiosi sint, heredes possunt existere: quia quibus ex causis ignorantibus nobis acquiritur: ex his causis & furiosis acquiri potest. Et statim morte parentis quasi continuatur dominium. & ideo nec tutoris auctoritate opus est pupillis, cum etiam ignorantibus acquiratur suis heredibus hereditas, nec curatoris assensu acquiritur furioso, sed iure.

4 § Interdum autem, licet in potestate [parentis] mortis tempore suus heres non fuerit, tamen suus heres parenti efficitur: veluti [si] ab hostibus quis reuersus fuerit post mortem patris [sui.] ius enim postliminii hoc facit.

5 § Per contrarium [autem hoc] euenit, ut licet quis in familia defuncti sit mortis tempore, tamen suus heres non fiat: veluti si post mortem suam pater iudicatus fuerit perduellionis reus, ac per hoc memoria eius damnata fuerit. suum enim heredem habere non potest, cum fiscus ei succedat. sed potest dici ipso [quidem] iure suum heredem esse, sed desinere.

6 § Cum filius filiae, & ex altero filio nepos neptisve existunt, pariter ad hereditatem [aui] vocantur: nec qui gradu proximior est, vltiorem excludit. Aequum enim esse videtur, nepotes neptesque in patris sui locum succedere. Pari ratione & si nepos neptisve sit ex filio, & ex nepote pronepos proneptisve: simul vocantur. Et quia placuit nepotes neptesve, item pronepotes proneptesve in parentis sui locum succedere: conueniens esse visum est, non in capita, sed in stirpes hereditatem diuidi, ut filius partem dimidiam hereditatis habeat, & ex altero filio duo pluresve nepotes alteram dimidiam. Item si ex duobus filiis nepotes neptesve existant ex altero vnus forte aut duo, ex altero tres aut quatuor: ad vnum aut duos dimidia pars pertineat, ad tres vel ad quatuor altera dimidia.

7 § Cum autem quaeritur, an quis suus heres existere possit: eo tempore quaerendum est, quo certum est aliquem sine testamento decessisse, quod

quod accidit & destituito testamento. Hac ratione, si filius exheredatus fuerit, & extraneus heres institutus, & filio mortuo, postea certum fuerit heredem institutum ex testamento non fieri heredem, aut quia noluit esse heres, aut quia non potuit, nepos aui suus heres existet: quia quo tempore certum est intestatum decessisse patremfamilias, solus inuenitur nepos, & hoc certum est.

8 § Et licet post mortem aui natus sit, tamen aui viuo conceptus mortuo patre eius posteaque deserto aui testamento, suus heres efficitur. Plane si & conceptus & natus fuerit potest mortem aui: mortuo patre suo, desertoque postea aui testamento suus heres aui non existet: quia nullo iure cognationis patrem sui patris attingit. Sed nec ille est inter liberos aui, quem filius emancipatus adoptauit. Hi autem, cum non sint sui (quantum ad hereditatem) liberi: neque bonorum possessionem petere possunt quasi proximi cognati. Hæc de suis heredibus.

9 § Emancipati autem liberi, iure ciuili nihil iuris habent (neque enim sui heredes sunt, qui in potestate parentis esse desierunt) neque vlllo alio iure per legem duodecim tabularum vocantur, sed prætor naturali æquitate motus, dat eis bonorum possessionem *Vnde liberi*, perinde ac si in potestate parentis tempore mortis fuissent: siue soli sint, siue cum suis heredibus concurrant. Itaque duobus liberis existentibus, emancipato vno, & eo qui tempore mortis in potestate fuerit: sane quidem is qui in potestate fuit, solus iure ciuili heres est, & solus suus heres, sed cum emancipatus beneficio prætoris in partem, admittitur: euenit

ut suus heres pro parte heres fiat.

10 § At hi, qui emancipati à parente in adoptionem se dederunt, non admittuntur ad bona naturalis patris quasi liberi: si modo, cum is moreretur, in adoptiva familia fuerint. Nam viuo emancipati ab adoptivo patre perinde admittuntur ad bona naturalis patris, ac si emancipati ab ipso essent, nec unquam in adoptiva familia fuissent. Et convenienter, quod ad adoptivum patrem pertinet, æque extraneorum loco esse incipiunt. Post mortem vero naturalis patris emancipati ab adoptivo patre: & quantum ad hunc adoptivum patrem pertinet, æque extraneorum loco fiunt: & quantum ad naturalis patris bona pertinet, nihilo magis liberorum gradum nanciscuntur. Quod ideo sic placuit, quia iniquum erat esse in potestate patris adoptivi, ad quos bona naturalis patris pertineant, utrum ad liberos eius, an ad agnatos.

11 § Minus ergo iuris habent adoptivi [filij] quam naturales. namque naturales emancipati, beneficio prætoris gradum liberorum retinent, licet iure civili perdant: adoptivi vero emancipati & iure civili perdunt gradum liberorum, & à prætore non admittuntur, & recte. naturalia enim iura civilis ratio perimere non potest, nec quia desinunt sui heredes esse, possunt desinere filij filiæve, aut nepotes neptæve esse, adoptivi vero emancipati, extraneorum loco incipiunt esse: quia ius nomenque filij filiæque, quod per adoptionem consequuti sunt, alia civili ratione, id est, emancipatione perdunt.

12 § Eadem hæc observantur, & in ea bonorum

rum possessione , quam contra tabulas testamenti parentis liberis præteritis , id est , neque heredibus institutis , neque ut oportet exheredatis , prætor pollicetur. Nam eos quidem , qui in potestate mortis tempore fuerint , & emancipatos , vocat prætor ad eandem bonorum possessionem : eos vero qui in adoptiva familia fuerint per hoc tempus quo naturalis parens moreretur , repellit. Item adoptivos liberos emancipatos ab adoptivo patre, sicut ab intestato , ita longe minus contra tabulas testamenti ad bona eius [non admittit : quia delinunt[in] numero liberorum [eius] esse.

13. § Admonendi tamen sumus , eos , qui in adoptiva familia sunt , quive post mortem naturalis parentis ab adoptivo patre emancipati fuerint : intestato parente naturali mortuo , licet ea parte edicti , qua liberi ad bonorum possessionem vocantur , non admittantur , alia tamen parte vocari , scilicet qua cognati defuncti vocantur. Ex qua parte ita admittuntur , si neque sui heredes liberi , neque emancipati obstant ; neque adgnatus quidem ullus interueniat. Ante enim præter liberos vocat tam suos heredes , quam emancipatos , deinde legitimos heredes , deinde proximos cognatos.

14. § Sed ea omnia antiquitati [quidem] placuerunt : aliquam autem emendationem à nostra constitutione acceperunt , quam super iis personis composuimus , quæ à patribus suis naturalibus in adoptionem aliis dantur. Inuenimus etenim nonnullos casus , in quibus filij & naturalium parentum successionem propter adoptionem amittebant : &

adoptione facile per emancipationem soluta , ad neutrius patris successionem vocabantur. Hoc solito more corrigentes , constitutionem scripsimus , per quam definimus , quando parens naturalis filium suum adoptandum alij dederit , integra omnia iura ita seruati , atque si in patris naturalis potestate permanisset , nec penitus adoptio fuisset subsequuta : nisi in hoc tantummodo casu vt possit ab intestato ad patris adoptiui venire successionem. Testamento autem ab eo facto : neque iure ciuili , neque prætorio , ex hereditate eius aliquid persequi potest , neque contra tabulas bonorum possessione agnita , neque inofficiosi querela instituta : cum nec necessitas patri adoptiuo imponatur , vel heredem eum instituere , vel exheredatum eum facere , vtpote nullo vinculo naturali copulatum , neque si ex Sabiniano senatusconsulto ex tribus maribus fuerit adoptatus. Nam & in eiusmodi casu , neque quarta ei seruatur , neque vlla actio ad eius persequutionem ei comperit. Nostra autem constitutione exceptus est is , quem parens naturalis adoptandum suscepit. Vtroque enim iure tam naturali , quam legitimo in hanc personam concurrente : pristina iura tali adoptioni seruamus , quemadmodum si paterfamilias sese dederit adrogandum : quæ specialiter & singulatim ex præfata constitutionis tenore possunt colligi.

15. ¶ Item vetustas , ex maculis progenitos plus diligens , solos nepotes vel neptes , qui [quæve] ex vitili sexu descendunt , ad suorum vocabant successionem , & iure agnatorum eos anteponebat :
nepotes

nepotes autem, qui ex filiabus nati sunt, & pronepotes, ex neptibus, cognatorum loco connumerans, post adgnatorum lineam eos vocabat tam in aui vel proaui materni, quam in auia, vel proauia, siue paternæ, siue maternæ successionem. Diui autem principes non passi sunt talem contra naturam iniuriam sine competenti emendatione relinquere: sed cum nepotis & pronepotis nomen commune sit utrisque, tam qui ex masculis, quam qui ex fœminis descendunt: ideo eundem gradum & ordinem successionis eis donauerunt. Sed ut amplius aliquid sit eis, qui non solum naturæ, sed etiam veteris iuris suffragiis muniuntur: portionem nepotum, vel neptum, vel deinceps (de quibus supra diximus) paulo minuentam esse existimauerunt: ut minus tertia parte acciperent, quam mater eorum, vel auia fuerat acceptura, vel pater eorum, vel auus paternus, siue maternus, quando fœmina mortua sit, cuius de hereditate agitur: iisque (licet soli sint) adeuntibus adgnatos minime vocabant. Et quemadmodum lex duodecim tabularum filio mortuo nepotes, vel neptes, pronepotes vel proneptes in locum patris sui ad successionem aui sui vocat: ita & principalis dispositio in locum matris suæ vel auia, eos cum iam designata partis tertiæ deminutione vocat.

16. ¶ Sed nos, cum adhuc dubitatio maneret inter adgnatos & memoratos nepotes, quartam partem substantiæ defuncti adgnatis sibi vindicantibus ex cuiusdam constitutionis auctoritate, memoratam quidem constitutionem à nostro Codice segregauimus, neque inseri eam ex Theodosiano Codice in eo concessimus. Nostra autem constitutione promulgata toti iuri eius derogatum est: &

A 2

3

sanximus

sancimus, talibus nepotibus ex filia, vel pronepotibus ex nepte, & deinceps, superstitionibus, agnatos nullam partem mortui successionis sibi vindicare: ne hi, qui ex transuersa linea veniunt, potiores iis habeantur, qui recto iure descendunt. Quam constitutionem nostram obtinere secundum sui vigorem & tempora & nunc sancimus: ita tamen, ut quemadmodum inter filios & nepotes ex filio antiquitas statuit, non in capita, sed in stirpes diuidi hereditatem: similiter nos inter filios & nepotes ex filia distributionem fieri iubeamus, vel inter omnes nepotes & neptes, & inter pronepotes & proneptes & alias deinceps personas: ut utraque progenies, matris vel patris, auia vel auiportionem sine vlla deminutione consequatur: ut si forte vnus vel duo ex vna parte, ex altera tres aut quatuor extent: vnus aut duo dimidiam, alteri tres aut quatuor alteram dimidiam hereditatis habeant.

Hucusque de hereditatibus ex testamento: deinceps agitur de iis, quæ ab intestato deferuntur. Hic duo potissimum explicantur, videlicet cui succedatur, & qui succedant. Succeditur ab intestato ei, qui testamentum non fecit, vel ei cuius testamentum non valet. Succedunt autem hoc iure (nam Iustin. *Nov. 118.* nouum ius de hereditatibus intestatorum introduxit, ac veteres leges hæc de re loquentes abrogauit.) Primò sui heredes, vel quasi sui. Secundò heredes legitimi, & qui pro legitimis habentur. Tertiò cognati, quamquam cognati non sunt iure ciuili heredes, sed iure prætorio bonorum possessores. *infra de bonor. posses. versic. quos autem.* Verùm Iustin. hæc duo iura commiscet, ut & suprà in testamentis enarrandis fecit: quia ita sunt inter se coniuncta, ut alterum sine altero perfectè intelligi non possit. Ex his tribus heredum ordinibus tantum primus hoc titulo declaratur: de reliquis

quis dicetur titulis sequentibus. Porro huius tituli quatuor sunt partes.

In prima, quæ est in principio tituli definit Imperator quis dicatur intestatus decedere. Poni igitur quatuor casus, quibus aliquis dicitur decedere intestatus. I. Casus est cum testamentum non fecit. II. Casus est cum non iure testamentum fecit. Quamvis autem propriè loquendo tunc dicatur testamentum non iure factum cum iuris solemnitates desunt: testamentum autem, in quo suus heres est præteritus, propriè dicatur nullius momenti. ff. de iniust. rupt. l. 1. tamen hoc loco testamentum non iure factum latius accipitur, ut speciem utramque complectatur. Quin etiam sub his verbis continetur testamentum ab eo factum, qui testamenti factionem non habet. cum enim iure testari non possit, certè, si testamentum fecit, non iure fecit, & impropiè dicitur intestatus, ut pupillus, vel furiosus. ff. de suis & legit. l. 1. in princip. III. Casus est, cum testamentum ruptum, vel irritum factum est: Intellige testamentum ruptum, vel agnatione, seu quasi agnatione sui heredis. dicta l. 1. in princ. & suprà, quibus modis testamenta infirm. in princ. & §. 1. & 2. vel per querelam inofficiosi ff. de inofficioso testament. l. Papinianus. §. 8. pen. Adde, si libet, cum testamentum rescissum est per bonorum possessionem contra tabulas: nam hoc etiam casu dicitur succedi ab intestato. C. de collat. l. ut liberis 17. quanquam minus propriè hoc dici videtur, non solum, quia hæc bonorum possessio est iuris prætorij, aded ut nihilominus testamentum iure civili valeat, sed etiam, quia hæc bonorum possessio separatur à bonorum possessionibus ab intestato delatis, ac dicitur esse ex testamento. infrà de bonor. poss. paragrapho 1. Irritum autem testamentum intellige per capitis deminutionem testatoris. supr. quib. mod. testament. infr. paragrapho hoc autem. Interdum dicitur testamentum irritum etiam illud ex quo heres institutus non adiuit hereditatem, vel quia noluit, vel quia non potuit. ff. de iniusto rupt. d. l. 1. sed hic non continetur appellatione testamenti irriti, proinde non refertur ad tertium casum quia specialiter in contextu refertur ad quartum casum. IV. Casus igitur est cum nullus heres ex testamento exitit, quo casu testamentum dicitur vel irritum, ut modò notavi, vel destitutum, ut in §. cum autem. inf. hoc tit. & rectè ait Imper. nemo heres, quia

si ex multis heredibus institutis vnus hereditatem adeat, constat totum testamentum valere. ff. de testament. tut. l. nemo 9. & portionem coheredum non adeuntium ei accrescere vt explicatur C. de caduc. tollen. l. vn. §. his vita.

§. 1. Secunda tit. pars est de suis heredibus. nam sui heredes dicuntur non solum ex testamento. *suprà de hered. qual. §. sui autem.* sed etiam ab intestato, vt *hic*. Primò itaque Imper. in §. 1. docet suos heredes lege xij. tabul. ad hereditatem ante omnes alios vocari.

§. 2. Secundò in §. *sui autem heredes existimantur*, definitione, ac tribus diuisionibus declarat, qui sint sui heredes. Definitio est in primis verbis, *qui in potestate morientis fuerint* supple, ita vt nemo eos præcedat, vt ipse Imper. supplet paulò post, in versic. *ita demum*. & nos exposuimus ad d. §. *sui autem*. I. Diuisio est in versic. *veluti*, quòd suus heres vel est in primo gradu, vt filius, filia: vel in secundo, vt nepos, neptis: vel in vltiori, vt pronepos, proneptis: II. Diuisio est in versic. *nec interest*, quod sui heredes vel sunt suscepti ex iustis nuptiis, vel legitimati, vel adoptiui. Hic de legitimatione repetuntur in versic. *nec non eos*. quæ tradita & exposita fuere in §. vlt. *suprà de nupt.* Post hunc vers. Iustin. in versic. *ita demum*, redit ad primam diuisionem, ac docet nepotem, vel pronepotem non esse suum heredem, si filius præcedat: quod iam exposui. III. Diuisio est in versic. *ultim.* quòd sui heredes vel sunt iam nati, vel posthumi.

§. 3. Tertiò declarat, quomodo sui heredes succedant, vbi dat regulam, quòd sunt heredes ipso iure, proinde etiam ignorantes quia etiam viuo parente sunt quodammodo domini, adeò vt morte parentis non tam videantur acquirere hereditatem, quam dominium in eorum persona continuari, quod viuo parente habebant. §. *sui autem heredes sunt.* coniunge l. *in suis* 11. ff. de liber. & posthum.

§. 4. Huic regulæ adiungit duas exceptiones. I Exceptio est in §. *interdum*. nisi suus heres tempore mortis parentis sit in potestate hostium, & postea reuertatur ab hostibus: tunc enim secundum rei veritatē dici non potest, quod in regula posuimus, morte parentis continuari dominium in persona sui heredis: quia hoc tempore, cum sit in potestate hostium nullius rei dominium habere potest. ff. ad leg. Iul. de adul. l. sic eueniet. 21. verumtamen propter fictionem postliminij etiam hoc casu videtur quodammodo continuari dominium, quia
iure

iure postliminii fingitur semper fuisse in ciuitate. *suprà quib. modis ius patr. pot. solui §. si ab hostibus.*

II. Exceptio est in §. *per contrarium*. nisi parentis memoria §. 5. post mortem damnata sit ob crimen perduellionis. quamuis enim regulariter crimen morte delinquentis extinguatur, tamen speciale est in hoc perduellionis crimine, vt non finiatu morte, sed memoria defuncti damnetur, & bona eius confiscantur. ff. *ad leg. Iuliam maiest. l. ult.* quoniam igitur bona confiscantur, non potest filius fieri suus heres patri: aut si dicamus eum tempore mortis patris fieri suum heredem, quia nondum pater dānatus est, certè damnatione postea secuta desinit esse suus heres: atque ita cessat ea regula, *qui semel est heres, non desinit esse heres.* ff. *de min. l. 7. §. sed quod Papinianus, & de hered. instit. l. ei qui soluendo 88* alioqui propter delictum patris non confiscarentur bona filio quæ sita.

Quartò in §. *cùm filius*, docet, quæ ex parte succedant singuli sui heredes, id est, si plures sint, quomodo inter eos diuidatur hereditas: ac docet eam diuidi in stirpes, non in capita: quia si sint (exempli causa) ex vno filio prædefuncto tres nepotes, & ex altero filio prædefuncto vnus nepos; sunt quidem quatuor capita, id est, quatuor nepotes, sed hereditas nõ diuiditur in quatuor partes æquales, nec singuli tantundem ex hereditate accipiunt: verùm quia duæ sunt stirpes, id est, duo filij, ex quibus hi nepotes progeniti sunt, idcirco sunt duæ partes hereditatis, ac tantum accipit nepos ex secundo filio, quantum tres nepotes ex primo filio.

Quintò in §. *cùm autem*, docet suitatem spectari eo tempore quo certum est, defunctum intestatũ decessisse. hoc autem accidit tempore mortis, si defunctus testamentũ non fecit, aut tempore testamenti rupti, vel destituti, vel aliter infirmati, si testamento facto decesserit. ergo qui eo tempore suus heres reperitur, ad successionem vocatur lege xij. tab. §. 7.

Sextò §. *& licet*, excludit duos nepotes à successione in bonis auitis. Vnus est nepos conceptus post morte aui. hic enim non est aui coniunctus, nisi improprie, vel potius relatione quadam (id est, quia est filij filius) loqui velimus ff. *de suis & legitim. l. item. 8. in princ.* cùm enim auus viueret, ipse nepos nondum erat in rerum natura: cùm nepos esset conceptus, iam auus desierat esse in rerum natura. Quòd si cui durum videatur, propter hanc iuris subtilitatem nepotem excludi à bonis auitis: respondebo, in hac decisione nullam ini-

quitatem contineri, cum enim supponamus nepotem esse conceptum post mortem aui, certè pater, qui hunc nepotem suscepit, aui superstes fuit, id est, patri suo: patre igitur inter aum & nepotem intercedente, facile excludimus nepotem: quia pater hereditatem pro se & liberis suis vel acquirit, vel amittit. Alter nepos (si tamen nepos dici debet, quia reuera non est nepos) est is, quem filius emancipatus adoptauit nam aui nec naturali iure coniungitur, quia est adoptatus, non ex iustis nuptiis susceptus: nec iure ciuili. quia adoptatus est ab emancipato: emancipatio namque ciuile vinculum dissoluit. *suprà de legit. agn. tut. §. ult.*

§.9. Tertia pars est de liberis emancipatis, de quibus Imper. explicat duo iura, antiquum, & nouum. Quod ad ius antiquum attinet, primò in §. *emancipati*. docet, liberos à naturali parente emancipatos, non esse suos heredes, nec succedere iure ciuili, sed tantum iure prætorio succedere per bonorum possessionem vnde liberi, per quam idem consequuntur, quod sui heredes. Hodie verò, sublata inter liberos emancipatos, & non emancipatos differentiâ, omnes æquè succedunt iure ciuili *Nou. 118. cap. 1.*

§.10. Secundò in §. *at hi*, tractat de filiis emancipatis, qui in adoptionem alteri se dederunt: atque ita distinguit: Aut manent in familia adoptiua; aut sunt à patre adoptiuo emancipati viuo patre naturali: aut sunt ab eo emancipati post mortem patris naturalis. Primo casu sunt sui heredes patri adoptiuo, quoniâ vi adoptionis habentur pro eius filiis: non patri naturali, cuius filij esse non videtur, ne duos patres habere videantur, quod est contra naturam. Secundo casu dissoluta adoptione, perinde habentur, ac si emancipati essent à patre naturali; ideòque non patri adoptiuo, sed patri naturali succedunt per bonorum possessionem vnde liberi: Tercio casu neque patri adoptiuo succedunt, propter emancipationem, quæ omnia iura adoptionis dissoluit, *ff. de adoptionib. l. in omni. 13.* nec patri naturali, quo moriente erant in familia & potestate patris adoptiui: alioquin sequeretur hæc absurditas, quòd in patris adoptiui potestate esset ad quem hereditas patris naturalis pertineret: si quidem emancipando filium efficeret, vt is patri naturali succederet; vel non emancipando faceret, vt hereditas illius non ad filium, sed ad agnatos pertineret.

§.11. Tertiò in §. *in his*, ex dictis colligit, plus iuris in successione habere filios naturales, quam adoptiuos.

Quartò

Quartò in §. *eodem*, obiter loquitur de bonorum possessione contra tabulas, quam concedit filiis suis, & filiis emancipatis, in bonis parentis naturalis: denegat autem filiis adoptiuis in bonis parentis naturalis: item denegat filiis emancipatis à patre adoptiuo, in bonis patris adoptiui. §. 12.

Quintò in §. *admonendi*, obiter loquitur de bonorum possessione vnde cognati, quam concedit liberis in adoptiua familia constitutis, vel post mortem patris naturalis à patre adoptiuo emancipatis: concedit (inquam) in bonis patris naturalis. Hæc de iure antiquo. §. 13.

Ius nouum ponitur in §. *sed ea omnia*, vbi reperitur doctrina tradita in §. *sed hodie*, *subrà de adopt.* quòd adoptio non valet, si quis ab extraneo adoptetur nisi quantum ad hoc, vt adoptatus patri adoptiuo succedat ab intestato. Quod Iustinianus in contextu ait de Sabiniano Senatusconsulto, id explicatur perspicuè à Theophilo. Cauebatur enim eo senatusconsulto, vt si quis habens tres filios masculos, vnum ex his in adoptionem daret, huic pater adoptiuus cogeretur quartam bonorum partem relinquere. §. 14.

Quarta pars tituli est de descendantibus ex feminis: de quibus Imper. duo declarat. Primò docet, in quo ordine succedant. vbi distinguit inter ius antiquum, & ius nouum. Iure antiquo vocabantur in tertio ordine tamquam cognati. §. *pen. in princ.* Iure autem nouo succedunt in primo ordine, tamquam liberi. versic. *Diui*. §. *pen.*

Secundò docet, quam hereditatis partem accipiant. Hic distingui possunt tres casus, aut enim sunt soli descendentes ex feminis: aut concurrunt cum descendantibus ex masculis: aut concurrunt cum adgnatis. I. Casus in còtextu prætermittitur. sed constat, hoc casu descendentes ex feminis succedere in stirpes, vt de suis heredibus dictum fuit in §. *cùm filiu*. hoc autem colligitur cùm ex dict. versic. *Diui*. tum etiam ex seq. §. *versic. ita tamen*. II. Casus deciditur in versic. *sed ut amplius*. vbi dicitur, portionem descendantium ex feminis pro tertia parte minui, ita vt ea tertia pars accrescat descendantibus ex masculis. Finge ad successionem vocari duos nepotes, alterum ex filio, alterum ex filia. certè siambo essent nepotes ex filio, singuli haberent semissem: sed quia vnus est nepos ex filia, huic detrahitur tertia pars, id est, duæ vnciæ, quæ adiiciuntur alteri nepoti ex filio. ita fit, vt nepos ex filio consequatur bessem, id est 8. vncias, &c.

& nepos ex filia accipiat trientem, id est, quatuor uncias. Huius differentiae ratio est: quia descendentes ex feminis sunt tantum naturaliter coniuncti: descendentes ex masculis, non solum naturaliter, sed etiam civiliter coniuncti sunt, quippe qui sunt in eadem familia, ideoque dicuntur esse etiam veteris iuris, id est, legis duodecim tabularum suffragiis muniti. Sed hoc ius correctum est *Nov. 118. cap. 4.* ubi constituitur, ut sine ullo discrimine aequè succedant descendentes ex feminis, ac descendentes ex masculis.

§. vii.

III. Casus deciditur in §. vii. ubi distinguitur inter ius antiquum & ius nouum à Iustiniano introductum. Iure antiquo agnati quartam hereditatis partem auferabant descendentes ex feminis. Iure nouo, agnatis omnino exclusis, soli descendentes ex feminis succedunt in stirpes.

A X I O M A T A.

- 1 Propter quod aliquid est tale, illud quoque tale est. §. 2.
- 2 Sui heredes existunt etiam ignorantes. §. 3.
- 3 Quibus ex causis nobis ignorantibus acquiritur, ex his causis etiam furiosis sine curatore & pupillis sine tutore acquiri potest. *eod. §.*
- 4 Filius viuo patre est quasi dominus rerum paternarum. *eod. §. coniu. l. in suis. 11. ff. de lib. & postum.*
- 5 Is cuius bona confiscantur, non potest habere heredem. §. 5.
- 6 Filius moriente patre, in eius locum succedit. §. 6.
- 7 Liberi succedunt in stirpes. d. §. 6.
- 8 Cum quaeritur, an aliquis sit suus heres, spectatur tempus, quo certum esse coepit patrem familias decessisse intestatum. §. 8.
- 9 Emancipati iure civili pro extraneis habentur, non etiam iure praetorio. §. 8.
- 10 Iniquum est in potestate patris adoptiui esse, ad quos bona patris naturalis pertineant. d. §. 9.
- 11 Emancipati à patre adoptiuo, perinde habentur, ac si à patre naturali emancipati essent. §. 10. coniu. §. adoptiui. *suprà de exher. lib.*
- 12 Minus iuris habent filij adoptiui, quam naturales. §. 11.
- 13 Naturalia iura civilis ratio perimere non potest d. §. 11. coniu. §. vii. *suprà de legit. adn. success.*

14 Duo

14 Duo vincula magis ligant, quàm vnum. §. 14. coniu. §.
sed kodi. supra de adoptio. & Nouell. 118. cap. 3. §. si
igitur defunctus.

15 Vbi est eadem adgnatio, debet esse eadem successio.
§. 15. coniu. §. *ceterum. versicul. quare etenim. infra*
tit. prox.

16 Transuersales non debent esse liberis potiores. §. vlt

De legitima adgnatorum successione.

T I T. II.

SI nemo suus heres vel eorum, quos inter suos heredes prætor, vel constitutiones vocant, existat, qui successionem quoquo modo amplectatur: tunc ex lege duodecim tabularum ad agnatum proximum pertinet hereditas.

1 ¶ Sant autem adgnati (vt primo quoque libro tradidimus) cognati per virilis sexus personas cognatione coniuncti, quasi à patre connati. Itaque [ex] eodem patre nati fratres, adgnati sibi sunt, qui & consanguinei vocantur: nec requiritur, an etiam eandem matrem habuerint. Item patruus fratris filio & inuicem is illi adgnatus est. Eodem numero sunt fratres patruales, id est, qui ex duobus fratribus procreati sunt, qui etiam consobrini vocantur. Qua ratione etiam ad plures gradus adgnationis peruenire poterimus. Ij etiam, qui post mortem patris nascuntur, iura consanguinitatis nanciscuntur. Non tamen omnibus simul adgnatis dat lex hereditatem: sed iis qui tunc proximiores gradu sunt, cum certum esse cœperit aliquem intestatum decessisse.

2 ¶ Per

2 § Per adoptionem quoque adgnationis ius consistit: veluti inter filios naturales, & eos, quos pater eorum adoptavit. Nec dubium est, quin improprie consanguinei appellentur. Item si quis ex cæteris adgnatis [tuis] veluti frater, aut patruus, aut denique is, qui longiore gradu est; adoptaverit aliquem: adgnatus inter suos heredes esse non dubitatur.

3 § Cæterum inter masculos quidem adgnationis iure hereditas, etiam si longissimo gradu sint, ultro citroque capitur. Quod ad feminas vero attinet: ita placebat, ut ipsæ consanguinitatis iure tantum capiant hereditatem, si sorores sint: ulterius non capiant. masculi autem ad earum hereditates (etiam si longissimo gradu sint) admittantur. Qua de causa fratris tui, aut patruus tui filia, vel amica tua hereditas ad te pertinebat: tua vero ad illas non pertinebat. Quod ideo ita constitutum erat, quia commodius videbatur ita iura constitui, ut plerumque hereditates ad masculos confluerent. Sed quia sane iniquum erat, in uniuersum eas quasi extraneas repelli: prætor eas ad bonorum possessionem admittit ea parte, qua proximitatis nomine bonorum possessionem pollicetur, ex qua parte ita scilicet admittuntur, si neque adgnatus ullus neque proximior cognatus interueniat. Et hæc quidem lex duodecim tabularum nullo modo introduxit: sed simplicitatem legibus amicam amplexa, simili modo omnes adgnatos, siue masculos, siue feminas cuiuscunque gradus, ad similitudinem suorum inuicem ad successionem vocabat. Media autem iurisprudencia, quæ erat quidem lege duodecim tabularum iunior,
imperial

imperiali autem dispositione anterior : subtilitate quadam excogitata , præfatam differentiam inducebat , & penitus eas à successione adgnatorum repellebat : omni alia successione incognita , donec prætores paulatim asperitatem iuris ciuilibis corrigentes : siue , quod deerat , implentes humano proposito , alium ordinem suis edictis addiderunt , & cognationis linea proximitatis nomine introducta , per bonorum possessionem eas adiuuabant , & pollicebantur his bonorum possessionem , quæ *unde cognatis* appellatur. Nos vero , legem duodecim tabularum sequentes , & eius vestigia in hac parte conseruantes , laudamus quidem prætores suæ humanitatis , non tamen eos in plenum [huic] causæ mederi inuenimus. Quare etenim vno eodemque gradu naturali concurrente , & adgnationis titulis , tam in masculis , quam in fœminis æqualitate constitutis , masculis quidem dabatur ad successionem venire omnium adgnatorum : ex adgnatis autem mulieribus nulli penitus , nisi soli sorori , ad adgnatorum successionem patebat aditus ? Ideo [nos] in plenum omnia reducentes , & ad ius duodecim tabularum eandem dispositionem exæquant , nostra constitutione sancimus , omnes legitimas personas , id est , per virilem sexum descendentes (siue masculini generis , siue fœminini sint) simili modo ad iura successionis legitimæ ab intestato vocari secundum sui gradus prærogatiuam : nec ideo excludendas , quia consanguinitatis iura , sicut germanæ non habent.

4 § Hoc etiam addendum nostræ constitutioni existamauius , vt transferatur vnus tantummodo gradus à iure cognationis in legitimam successio-

successionem : ut non solum fratris filius & filia (secundum quod iam definiuimus, ad successionem patris sui vocentur. sed etiam germanæ consanguineæ, vel sororis uterinæ filius & filia soli, & non deinceps personæ una cum his ad iura auunculi sui perueniant : & mortuo eo, qui patruus quidem est sui fratris filiis, auunculus autem sororis suæ soboli : simili modo ab utroque latere succedant, tanquam si omnes ex masculis descendentes, legitimo iure veniant, scilicet ubi frater & soror superstites non sunt. His etenim personis præcedentibus & successionem admittentibus, cæteri gradus remanent penitus semoti, videlicet hereditate non in stirpes, sed in capita diuidenda.

5 § Si plures sint gradus agnatorum : aperte lex duodecim tabularum proximum vocat. Itaque si (verbi gratia) sint defuncti frater, & alterius fratris filius, aut patruus : frater potior habetur. Et quamuis singulari numero vsa lex [duodecim tabularum] proximum vocet, tamen dubium non est, quin, si plures sint eiusdem gradus, omnes admittantur. Nam & proprie proximus ex pluribus gradibus intelligitur : & tamen non dubium est, quin licet vnus sit gradus agnatorum, pertineat ad eos hereditas.

6 § Proximus autem, si quidem nullo testamento facto quisquam decesserit, per hoc tempus requiritur, quo mortuus est is, cuius de hereditate queritur. Quod si facto testamento quisquam decesserit : per hoc tempus requiritur, quo certum esse cœperit, nullum ex testamento heredem existiturum, tunc enim proprie quisque intestatus decessisse

decessisse intelligitur. Quod quidem aliquando longo tempore declaratur, In quo spatio temporis sæpe accidit, ut proximior mortuo, proximus esse incipiat, qui moriente testatore non erat proximus.

7 ¶ Placebat autem in eo genere percipiendarum hereditatum successionem non esse: id est, ut quamvis proximus, qui secundum ea, quæ diximus, vocatur ad hereditatem, aut spreuerit hereditatem, aut antequam adeat, decesserit: nihilo magis legitimo iure sequentes admittantur. Quod iterum prætores imperfecto iure corrigentes, non in totum sine adminiculo relinquebant: sed ex cognatorum ordine eos vocabant, ut pote adgnationis iure eis reclusos. Sed nos nihil perfectissimo iuri deesse cupientes, nostra constitutione, quam de iure patronatus, humanitate suggerente, protulimus [sancimus] successionem in agnatorum hereditatibus non esse eis denegandam: cum satis absurdum erat, quod cognatis à prætore apertum est, hoc adgnatis esse reclusum: maxime cum in onere quidem tutelarum & primo gradu deficiente, sequens succedit: & quod in onere obtinebat, non erat in lucro permissum.

8 ¶ Ad legitimam successionem nihilominus vocatur etiam parens, qui contracta fiducia filium vel filiam, nepotem vel neptem, ac deinceps emancipat. quod ex nostra constitutione omnino inducitur, ut emancipationes liberorum semper videantur quasi contracta fiducia fieri: cum apud veteres non aliter hoc obtinebat: nisi specialiter contracta fiducia parens manumississet.

Expositus est primus suorum, & quasi suorum heredum

Bb ordo:

ordo: sequitur secundus, legitimorum heredum. Legitimi heredes sunt, I. Agnati ex lege xij. tab. & quidam cognati, qui ex constitutionibus pro agnatis habentur. II. Pater, qui filium contr. etâ fiducia emancipauit. III. Ex senatusconsultis mater & filij. De agnatis vel quasi agnatis, & de patre qui filium emancipauit, hoc tit. agitur, de filiis & matre dicitur duobus titulis sequentibus.

Huius itaque tituli duæ sunt partes. Prima pars est de agnatis vel quasi agnatis. Secunda de parente qui liberos emancipauit.

Princ. In prima parte Imper. initio summam rei proponit in *princ. tit.* & ostendit post suos heredes, qui succedunt ex lege xij. tab. & post liberos emancipatos, qui iure prætorio vocantur ad successionem quasi sui heredes, & post descendentes ex feminis, qui vocantur ex constitutionibus Principum, post omnes (inquam) hos in primo ordine succedentes, vocari in secundo ordine ad hereditatem ex lege xij. tab. agnatos proximos.

§. i. Deinde agnatorum definitione, & quatuor diuisionibus hanc summam latius exponit. Definitio agnatorum repetitur in §. i. ex §. i. *supr. de legit. agn. tit.* Prima diuisio est: quia vel sunt naturales, *versic. itaque (ex quo vers. nota consanguinitatem esse speciem agnationis. infra de success. cogn. §. ult. d. quia consanguinei dicuntur fratres ex eodem patre geniti;)* vel sunt adoptivi, qui dicuntur improprie consanguinei. §. *per adoptionem.* propterea quod adoptio non affert ius sanguinis *ff. de adopt. l. qui in adoptionem 24.* Ergo ut proprie dicantur consanguinei, duo requiruntur. Vnum est, ut sint fratres naturales, non adoptiui. Alterum est, ut sint ex eodem patre. nec refert, *utrum sint ex eadem matre, an non. ff. de gradib. l. ultim. §. secundo gradu.*

§. 3. Secunda diuisio est in §. *ceterum*, quod agnati vel sunt masculi, vel feminae. Hic distinguitur inter ius antiquum, & ius nouum. nam agnati masculi utroque iure succedunt usque ad decimum gradum: feminae autem non succedebant iure civili in secundo ordine, nisi essent sorores consanguineae: sed iure prætorio succedebant in tertio ordine. Iure autem nouo, cuius auctor est Iustin. sublata est differentia inter agnatos masculos & feminas, adeo ut omnes æquè succedant usque ad decimum gradum.

§. 4. Tertia diuisio est in §. *hoc etiam*, quod vel sunt veri agnati,

gnati, vel quasi adgnati. nam Imper. constituit, ut filij sororis, quamvis sint cognati, tamen succedant in secundo ordine quasi adgnati. *C. de legit. hered. l. pen.* Deinde constituit, ut etiam frater & soror uterini hoc privilegio fruantur. *C. de legit. hered. l. ult § sed nec fratrem.* quæ constitutio est Institutionibus posterior, nec fuit posita in prima, sed tantum in secunda Codicis editione Hodie verò ex *Nou. 118.* omnes cognati æquiparantur adgnatis, & omnes sunt heredes legitimi, sublata adgnationis & cognationis differentia.

Nota primò ex fine huius §. filios fratrum & sororum hoc iure succedere in capita, non in stirpes: quod an sit correctum per dict. *Nou. diffilis* quæstio est, adeò ut utramque sententiam innumeri auctores probent. quia verò huius quæstionis decisio magis pertinet ad d. *Nou.* interpretationem, quàm ad hunc locum: tantum breuiter dicam, meâ sententiâ hunc §. esse correctum, & filios fratrum & sororum hodie indistinctè in stirpes succedere.

Nota secundò, hoc iure fratres & sorores præferri filiis fratrum: quia sunt gradu propinquiore. sed hoc quoque correctum est d. *Nouell. 118. cap. 3. & Nou. 1. 7. cap. 1.*

Quarta diuisio est, quòd vel sunt adgnati proximi, vel remoti. I. Iustin. docet, proximos adgnatos præferri remotioribus. §. *si plures in fr. ne. II.* In vers. & *quamvis*, ostendit, siue vnus sit proximus adgnatus, eum solum succedere: siue multi sint proximi, (id est, si multi sint in eodem gradu) eos omnes simul admitti. III. In vers. *nam & propriè*, ostendit, si vnus sit adgnatorum gradus, putà si tantum sint fratres, nec sint alij adgnati, tamen huic gradui deferri hereditatem, licet minus propriè dicatur gradus proximus, eò quòd verbum *proximus* est relatiuum, & dicitur proximus relatione habita ad remotiorem. vnde cum nullus est remotior, non dicitur propriè proximus.

IV. In §. *proximus*. declarat, quo tempore proximitas adgnatorum spectetur: quemadmodum de suitate idem declarauit in §. *cum autem quaritur. supr. tit. prox.* ostendit igitur eum adgnatum ad hereditatem vocari, qui reperitur proximus eo tempore, quo certum est defunctum decessisse intestatum, vel quia testamentum non fecit, vel quia constat testamentum eius quocumque casu non valere.

V. In §. *penult.* quærit an successioni locus sit in hoc hereditum ordine. Obserua successionem esse verbum homonymum,

§. 5.

§. 6.

§. Pen.

num dicitur enim successio, vel qua heres defuncto succedit, vel qua deficiente aliquo herede alius eius locum occupat. Atque hæc posterior significatio debet in præsentia accipi. Imp. hoc loco distinguit tria iura. Primum est ius civile antiquum, quo remotiores adgnati omnino excluduntur ab hereditate, quamvis proximiores hereditatem quacumque de causa non acquirerent. Secundum est ius prætorium, quo isti remotiores adgnati vocantur in tertio ordine per bonorum possessionem unde cognati. Tertium est ius Iustinianum; quo inter adgnatos admittitur successio, id est, placet, ut proximioribus hereditatem non adeuntibus, sequentes adgnati eorum locum occupent: & fiant legitimi heredes. Huius iuris duplicem rationem Iustinianus affert. Prior ratio est ab eo quod minus, ad id quod magis videtur quod enim cognatis, qui solo naturali vinculo cōiuncti sunt, in iure tribuitur, multò magis civiliter & naturaliter coniunctis tribuendum est: atqui prætor cognatis ius dictæ successionis tribuit: ergo etiã adgnatis tribuendū est. Posterior ratio est à contrario, id est, ab onere tutelæ ad emolumentū hereditatis, quod argumentum valere didicimus ex tit. *supr. de legis. patron. tu. cū* igitur in onere tutelæ sit successio; quia deficiente proximo adgnato, defertur adgnato sequenti: etiam in hereditate eidem successionis locus esse debet. In verbis, nota *reclusum* accipi pro *recluso*, ut & in l. *Garrus* 10. ff. de *seru. præd. urb. cū* in l. *unic. in princ. C. de caduc. toll. cū* in l. *unic. C. de usucap. transform.* & apud Propert. lib. 2. eleg. 29. *vers. tenuit.*

§. ult.

Secunda tituli pars in §. ult. est de parente qui filium emancipavit. Hic etiam distinguuntur duo iura, antiquum, & Iustinianum. Iure antiquo pater filio emancipato non succedebat, nisi eum contractâ fiducia emancipasset, id est, nisi eum patri fiduciario secundum antiquam iuris observationem venditum, & sibi retrò venditum manumississet. Iure autem Iustiniano sublata est illa venditionis solemnitas, ut didicimus ex §. *præterea, supr. quib. mod. ius patr. potest. solū*. proinde nullus est hodie pater fiduciarius, sed indistinctè pater naturalis filio suo emancipato fit heres legitimus.

AXIOMATA.

- 1 Fratres adoptiui vocantur improprie consanguinei, quia non sunt ex eodem sanguine. §. 2.
- 2 Olim commodius videbatur, ita iura constitui, ut plerumque hereditates masculis deferrentur. §. 3.
- 3 Simplicitas est legibus amica. d. §. 3.
- 4 Non in omnibus iuris articulis deterior est conditio feminarum, quam masculorum. d. §. 3. coniun. §. sed hac quidem supra de exhered. liber. licet in multis deterior sit. ff. de stat. hom. l. in multis. 9.
- 5 Vbi est eadem agnatio, debet esse eadem successio. d. §. 3. vers. quare etenim. coniun. §. item vetustas. supra tit. prox.
- 6 Proximi appellatione continentur etiam plures, qui sunt in eodem gradu. §. 5.
- 7 Proprie proximus ex pluribus gradibus intelligitur: sed & si unus sit, proximus dici potest. d. §. 10. coniun. l. proximus. 92. l. prox. 95. & l. in vulgari. 162. in princ. ff. de verb. sign.
- 8 Successorium edictum tam in agnatis, quam in cognatis locum habet. §. pen.
- 9 Qui sentit incommodum, debet etiam sentire commodum. d. §. pen. coniun. l. secundum naturam. 10. ff. de diu. reg. iur. Item e contrario qui sentit commodum, debet etiam sentire incommodum. supra de leg. patre. tut. vers. eo enim i. so.
- 10 Omnis emancipatio censetur quasi contracta fiducia fieri. §. ult.

De Senatusconsulto Tertulliano.

TIT. III.

LEx duodecim tabularum ita stricto iure utebatur, & præponebat masculorum progeniem:

niem ! & eos , qui per foeminini sexus necessitudinem sibi iunguntur , adeo expellebat , vt ne quidem inter matrem & filium filiamve vltro citroque hereditatis capiendæ ius daret: nisi quod prætores ex proximitate cognatorum eas personas ad successionem , bonorum possessione, *unde cognati*, adcommodata, vocabant.

1. ¶ Sed hæ iuris angustia postea emendatæ sunt. Et primus quidem diuus Claudius matri , ad solatium liberorum amissorum, legitimam eorum detulit hereditatem.

2. ¶ Postea autem senatusconsulto Tertylliano, quod diui Adriani temporibus factum est, plenissime de tristi successione matri, non etiam auia deferenda cautum est : vt mater ingenua trium liberorum ius habens, libertina quatuor, ad bona filiorum filiarumve admittatur intestato mortuorum, sicut in potestate parentis sit: vt scilicet cum alieno iuri subiecta est, iussu eius adeat [hereditatem ,] cuius iuri subiecta est.

3. ¶ Præferuntur autem matri liberi defuncti, qui sui sunt, quive suorum loco sunt, siue primi gradus, siue vltioris. Sed & filia suæ mortuæ filius vel filia præponitur ex constitutionibus matri defunctæ, id est, auia suæ. Pater vero vtriusque, non etiam auus & proauus matri anteponitur, scilicet cum inter eos solos de hereditate agitur. Frater autem consanguineus tam filij, quam filia excludebat matrem: soror autem consanguinea pariter cum matre admittebatur. Sed si fuerant frater & soror consanguinei , & mater liberis onerata : frater quidem matrem excludebat, communis autem erat hereditas ex æquis partibus, fratribus & sororibus.

4 ¶ Sed nos constitutione, quam in Codice nostro nomine decorato potuimus, matrem subueniendum esse existimauimus, respicientes ad naturam, & puerperium, & periculum, & sæpe mortem ex hoc casu matribus illatam. Ideoque impium esse credidimus, casum fortuitum in eius admitti detrimentum. si enim ingenua ter vel libertina quater non peperit, immerito defraudabatur successione suorum liberorum, quid enim peccauit si non plures, sed paucos peperit? Et dedimus ius legitimum plenum matribus (siue ingenuis, siue libertinis) & si non ter enixæ fuerint vel quater, sed eum tantum vel eam, qui quæue morte intercepti sunt, ut sic vocentur in liberorum suorum legitimam successionem.

5 ¶ Sed cum antea constitutiones iura legitimæ successionis pertrutantes, partim matrem adiuuabant, partim eam prægrauabant, nec in solidum eum vocabant, sed in quibusdam casibus tertiam ei partem abstrahentes, certis legitimis dabant personis, in aliis autem contrarium faciebant: nobis visum est recta & simplici via matrem omnibus personis legitimis anteponi, & sine vlla deminutione filiorum suorum successionem accipere: excepta fratris & sororis persona, siue consanguinei sint, siue sola cognationis iura habentes: ut quemadmodum eam toti alij ordini legitimo præposuimus, ita omnes fratres & sorores, siue legitimi sint, siue non ad capiendas hereditates simul vocemus: ita tamen, ut si quidem solæ sorores agnatæ vel cognatæ, & mater defuncti vel defunctæ supersint: dimidiam quidem mater, alteram vero dimidiam partem omnes sorores habeant. Si vero matre superstite & fratre, vel fratribus soli, vel etiam cum sororibus, siue legitima, siue sola cognationis

tionis iura habentibus, intestatus quis vel intestata moriatur : in capita distribuatur eius hereditas.

6 ¶ Sed quemadmodum nos matribus prospeximus, ita eas oportet suæ soboli consulere : scituris eis, quod si tutores liberis non petierint, vel in locum remoti vel excusati, intra annum petere neglexerint : ab eorum impuberum morientium successione merito repellentur.

7 ¶ Licet autem vulgo quæsitus sit filius filia-
ve: potest [tamen] ad bona eius mater ex Tertulliano senatusconsulto admitti.

Dictum est de heredibus legitimis, qui succedunt ex lege xij. tabul. vel ex constitutionibus de eadem lege factis, id est de adgnatis, vel quasi adgnatis, & de patre, qui filiū emancipavit: deinceps videndū est de heredibus legitimis ex senatusconsultis, vel ex constitutionibus ad ea senatusconsulta accommodatis. Sunt autem senatusconsulta duo, nempe Tertullianum, quod legitimam filiorum hereditatē defert matri; & Orphitianum, quod ē contrario legitimam matris hereditatem defert filiis. Hic titulus est de senatusconsulto Tertulliano. diuiditur autem in tres partes.

Prima.

In prima parte declarantur tria iura S. C. Tertulliano vetustiora. Primum ius est lex xij. tabul. qua mater repellebatur ab hereditate filij, vel filia *in prin. l. tit.* Secundum est ius prætorium, quod matrem vocat in tertio ordine per bonorum possessionem vnde cognati. *vers. nisi quod.*

§. 1.

Tertium ius est constitutio D. Claudij, qui matri, ad solatium liberorum amissorum, legitimam hereditatem indulsit. §. 1. *Suet. in Claud. cap. 10.*

§. 2.

Secunda pars est de Tertulliano Senatusconsulto, & de constitutionibus ad illud factis. Hoc iure multa requiruntur, vt hæc legitima successio matri deferatur. I. Requiritur, vt ea, quæ vult succedere, sit defuncti vel defunctæ mater, non auia, vel proauia §. *postea, in prin.* sed hodie omnibus parentibus vtriusque sexus legitima hereditas defertur. *Nov. 118. c. 2. II.* Requiritur, vt hæc mater habeat ius trium liberorum, si sit ingenua; vel ius quatuor libero-
rum

rum, si sit libertina. habet autem hoc ius, quæ tot filios petierit, vel hoc ius à Principe impetrauit. Paul. lib. 4. sent. tit. 9. Hoc requisitum à Iustiniano paulò post abrogabitur in §. sed no. III. Requiritur, ut si hæc mulier sit in potestate patris, hereditatem filij, vel filia adeat iussu patris. nam patria potestas nuptiis filiorum, vel filiarum non tollitur. C. de condit. incert. l. si uxorem.

I V. Requiritur, ut nulla sit persona, quæ matri in successione præteratur. alij namque matri præferuntur, §. 3. alij postponuntur, alij simul cum matre succedunt. Quod ut planius intelligatur, distinguenda sunt quinque membra. Aut enim mater defuncti, vel defunctæ concurret cum liberis eius, aut cum parentibus, aut cum fratribus, vel sororibus consanguineis, aut cum aliis personis legitimis, aut cum cognatis. Singula hæc membra seruatò contextus ordine decidamus. Cum defunctus, vel defuncta matrem & liberos superstites reliquit, liberi præferuntur matri, & soli succedunt. §. præferuntur, in princ. & vers. 1. Mater autem concurret cum aliis parentibus tribus casibus. aut enim superstites sunt pater, & mater: aut auus, & mater: aut auus, pater, & mater. Quod dico de auo, idem intellige de proauo. I. Casu pater præfertur matri, & solus succedit. II. Casu mater succedit, excluso auo. III. Casu auus succedit exclusis patre & matre. d. §. præferuntur, vers. pater, & ff. eod. l. 5. §. ult. Hodie verò mater succedit vnà cum patre, vel cum auo paterno; quia hereditas inter adscendentes ita diuiditur, ut pars deferatur adscendentibus per lineam paternam, pars adscendentibus per lineam maternam, & proximiores remotioribus in eadem linea parentibus præferantur. Nou. 118. cap. 2. Similiter cum fratribus & sororibus consanguineis mater concurret tribus casibus. aut enim concurret cum fratre, aut cum sorore, aut cum utroque. Idem intellige, si concurrat cum multis fratribus, vel multis sororibus. I. Casu frater excludit matrem & solus succedit. vers. frater autem. II. Casu mater & soror, vel sorores simul succedunt, ita ut si defunctus sit masculus, hereditas diuidatur in capita. si verò defuncta sit femina, matri deferatur semis, & alter semis diuidatur inter sorores. vers. soror. autem. & C. Theodos. de secundis nuptiis. l. 2. III. Casu mater exclusa, hereditas diuiditur inter

fratres & sorores pro æquis partibus. versic. *sed si fuerant*,
 Sed hanc postremam decisionem Iustinianus corrigit in §.
sed cum antea, vers. ita tamen. Denique ex dicta constitutio-
 ne 11 & fratres & sorores, si per vtrumque parentem sint de-
 functo coniuncti, succedunt vna cū parentibus. sin minus,
 excluduntur ab hereditate: quia cedunt parentibus defun-
 cti. Placet, antequam vlteriùs progrediar, exponere quædā
 verba d. §. *preferuntur* quæ non carent obscuritate. Cū ait
liber defuncti ne intelligas liberos defunctos, sed liberos
 ipsius defuncti: ita vt verbum *liber*, sit in numero multitu-
 dinis, in recto casu: & verbū *defuncti* in genitiuo singulari.
 Deinde cū ait *filia sua*, filiam suā vocat quæ est sui iuris,
 vt possit habere heredes. Deinde cū ait *matri defunctæ, id*
est. auia sua, intellige matrem defunctæ, eandēque auiam
 filiorum defunctæ, ita vt verba *matri, & auie sue* sint datiuī
 casus singularis: & verbum *defunctæ* sit genitiui singularis.
 Deinde cū ait *utriusque*, hoc verbo significat filium, vel
 filiā, & sensus est, siue masculus, siue femina decesserit, pa-
 ter eius in successione præfertur matri eius. Deinde cū
 ait *inter eos solos*, significat quæstionē de hereditate esse in-
 ter patrē, & matrem, ita vt nec auus, nec proauus extent.
 Deinde cū ait *liberis onerata*, Cujac. mauult *liberis honora-
 ta*: hæc enim locutio est frequentior, & elegatior, & magis
 huic loco conuenire videtur, in quo non agitur de onere,
 sed de priuilegio, & beneficio succedendi, quod propter
 liberos matri tribuitur. Quando mater concurrit cum aliis
 personis legitimis, hic casus in præsentia prætermittitur,
 sed explicabitur in §. *sed cum antea*. Vltimus casus, quando
 mater concurrit cum cognatis defuncti, vel defunctæ, om-
 nino in hoc titulo prætermittitur, sed certum est, matrem
 cognatis præferri. cū enim Iustinianus in d. §. *sed cum*
antea, matrem præferat omnibus personis legitimis, præter
 fratres & sorores cōsanguineos, sine dubio præfert eā mul-
 tō magis cognatos; qui sūt posteriores legitimis heredibus.

Tertia tit. pars est de constitutionibus Iustiniani, qui
 §. 4. quædam ex iure antiquo emendauit. I. In §. *sed nos*,
 abolet secundum requisitum, & idem successionis ius
 tribuit omnibus matribus, quamuis non habeant ius
 trium, vel quatuor liberorum.

II. In §. *sed cum antea*, arrogat quasdam constitutiones
 §. 5. pertinentes ad casum illum supr. prætermisum, quo mater
 cum

cum personis legitimis concurrat. i. cum aliis, quam cum fratre & sorore consanguineis. Hæ constitutiones ita distinguiebant: Aut mater habet ius trium, vel quatuor liberorum, aut non habet. Priori casu, si concurrebat cum fratre, cognato, vel cum patruo, vel cum eius filio, siue nepote, succedebat ex parte. frater autem, cognatus, vel patruus, &c. succedebat ex triente. Sin autem concurrebat cum aliis agnatis, eos excludebat. Posteriori casu succedebat ex triente, adgnati autem ex parte. (Theod. de legit. hered. l. 1. 2. § 7. Sed ex Iustiniani constitutione mater præfertur omnibus legitimis personis, præterquam quod succedit vnâ cum fratre & sorore siue consanguineis, siue vterinis: & cum sororibus quidem succedit ex parte dimidia, cum fratribus autem, vel cum fratribus & sororibus succedit in partem virilem, vt deciditur in dicto §. sed cùm antea, versic. ita tamen. Hodie verò indistinctè mater & fratres, vel sorores succedunt in capita. Nov. 118. c. 2.

Quarta pars explicat duo, quæ tam iure antiquo obtinebant, quam hodie obtinent. Primum est in §. pen. quod mater non succedit filio in ætate pupillari defuncto, si tutorem ei non petierit, cum tutore egeret. coniun. l. 2. §. 1. §. 2. ff. qui pet. tut. vel curat.

§. pen.

Nota I. Idem obtinere in auia, ff. h. t. l. 2. § filijs. & cæteris legitimis heredibus. C. de legit. hered. l. sciunt. 10.

Nota II. excusari matrem minorem 25. annis. C. si adu. delict. l. 2.

Secundum est in §. ult. quod mater filiis quibuscumque succedit, id est, non solum ex iusto matrimonio procreatis, sed etiam vulgò quæsitis. Ratio est: quia noua iura, id est, lex. xij. tab. posteriora, inter quæ est hoc senatusconsultum Tertullianum, non respiciunt ad vinculum ciuile, sed ad coniunctionem naturalem. ff. de cap. min. l. 7. quæ coniunctio reperitur etiam inter matrem & filios vulgò quæsitos.

§. ult.

AXIOMATA.

- 1 Mulieribus iura fauent propter partus periculum. §. 4.
- 2 Casus fortuitus non debet alicui præiudicium afferre. cod. §.

De

De senatusconsulto Orphitiano.

TIT. IV.

PER contrarium autem liberi ad bona matrum intestatatum admittuntur, ex Senatusconsulto Orphitiano, quod Orphitio & Rufo consulibus effectum est, diui Marci temporibus, & data est tam filio quam filiae legitima hereditas etiam si alieno iuri subiecti sint: & præferuntur consanguineis & agnatis defunctæ matris.

1 § Sed cum ex hoc Senatusconsulto nepotes [& neptes] ad auiæ successionem legitimo iure non vocarentur: postea hoc constitutionibus principalibus emendatum est, ut ad similitudinem filiorum filiarumque & nepotes & neptes vocentur.

2 § Sciendum autem est huiusmodi successiones, quæ ex Tertylliano & Orphitiano senatusconsultis deferuntur, capitis deminutione non perimi, propter illam regulam, qua novæ hereditates legitimæ capitis deminutione non percunt, sed illæ solæ, quæ ex lege duodecim tabularum deferuntur.

3 § Nouissime sciendum est, etiam i illos liberos, qui vulgo quæsitæ sunt, ad matris hereditatem ex hoc senatusconsulto admitti.

4 § Si ex pluribus legitimis heredibus quidam omiserint hereditatem, vel morte, vel alia causa impediti fuerint, quominus adeant: reliquis, qui adierint, adcrescit illorum portio: & licet ante decesserint, ad heredes tamen eorum pertinet.

Vt

Vt matres filiis ex senatusconsulto Tertulliano, ita filij matribus succedunt ex senatusconsulto Orphitiano, quod consequenter explicatur. Huius tituli quatuor sunt partes.

Prima in princ. titul. explicat dictum senatusconsultum, id est, quo tēpore factum sit, & quid noui iuris constituat, In sūma, ex hoc senatuscōsulto filij & filiar' matribus succedunt, tāquam heredes legitimi, ita vt non solūm præserrantur cognatis, sed etiā cōsanguineis & reliquis adgnatis.

Princ.

Secunda pars in §. i. adiungit constitutiones supplementes, quod senatusc. Orphit. deest, id est, vocantes ad successionem auiā nepotes & nepres.

§. i.

Tertia pars duo declarat vtrique senatusconsulto communia. Vnum est in §. sciendum. quod successiones ex his senatusconsultis delatæ non amittuntur capitis diminutione: (sybaudi minima, veluti emancipatione) atque hoc probatur ex generali regula, quod nouæ hereditates legitimæ capitis diminutione non pereunt, id est, hereditates quæ deferuntur ex iure xij. tabul. posteriore non amittuntur per capitis deminutionem, per quam tolluntur successiones ex lege xij. tabul. delatæ. Differentiæ ratio est: quia lex xij. tabul. respicit ad vinculum ciuile, dum suos, vel agnatos ad hereditatem vocat: (hæc enim nomina ciuilia sunt, suos, & adgnatus) nouæ autem leges, & noua senatusconsulta respiciunt ad vinculum naturale, dum ad successionem vocant matrem, vel auiam, vel filios, vel nepotes: quandoquidem hæc sunt nomina naturalia, id est, significantia naturalem coniunctionem: scimus autem per capitis deminutionem ciuile vinculum tolli, non naturale. *supr. de legit. adgn. tur. §. vi.* vt emancipatione definit esse suos, vel adgnatus, non definit autem esse filius, vel nepos.

§. 2.

Alterum est in §. penult. quia sicuti mater succedit filio vulgò quæsito, ex Tertulliano *supr. tit. tron. §. vi.* ita hic filius vulgò quæsitus matri succedit ex Orphitiano, ob rationem modò dictam, quia hæc senatusconsulta naturalem coniunctionem spectant, quæ coniunctio manifesta est inter matrem & filium vulgò quæsitum, vtpote cū mater semper certa sit, quamuis pater is demum certus sit, quem nuptiæ demonstrant. *ff. de in ius voc. l. 4.*

§. pen.

Quartapars in §. ult. continet doctrinam omnibus successioneibus legitimis communem nempe si plures sint in eodem gradu, vel ordine, qui simul ad hereditatē vocentur, aliquo

§. ult.

aliquo non adeunte, eius portio cæteris adeuntibus accrescit. Quid si nullus eorum adeat? Iam didicimus ex §. *per. supra de legit. agn. success.* hereditatem sequentibus personis deferri. Sed finge tres simul vocari ad legitimam hereditatem: verbi gratia, tres patruos, Primum, Secundum, & Tertium: primus & secundus hereditatem adiuerunt: postea secundus decessit relicto filio Sempronio. tandem tertius repudiavit hereditatem. quæritur utrum portio tertij accrescat soli primo, quia solus ex tribus illis patruis est superstes, an accrescat etiam Sempronio filio & heredi secundi patruus? Iustin. respondet portionem tertij utrique accrescere, tam primo, quam Sempronio ratio est: quia portio portioni, non personæ accrescit: proinde cum secundus patruus pro sua parte hereditatem adiuerit, & ad filium suum transmiserit, æquè hæc portio ad se trahit partem tertij vacantem, atque portio primi.

A X I O M A.

Nouæ hereditates legitimæ capitis deminutione non tolluntur. §. 2.

De successione cognatorum.

T I T. V.

Post suos heredes, eosque, quos inter suos heredes prætor & constitutiones vocant, & post legitimos (quo numero sunt adgnati, & hi, quos in locum adgnatorum tam supradicta senatusconsulta, quam nostra crexit constitutio) proximos cognatos prætor vocat.

¶ Qua parte naturalis cognatio spectatur nam adgnati capite deminuti, quique ex his progeniti sunt, ex lege duodecim tabularum inter legitimos
non

non habentur, sed à prætore tertio ordine vocantur: exceptis solis tantummodo fratre & sorore emancipatis, non etiam liberis eorum, quos lex Anastasiana cum fratribus integri iuris constitutis vocat quidem ad legitimam fratris hereditatem, siue sororis: non æquis tamen partibus, sed cum aliqua deminutione, quam facile est ex ipsius constitutionis verbis colligere. Aliis vero adgnatis inferioris gradus licet capitis deminutionem passi non sunt, tamen anteponit eos, & proculdubio cognatis.

2 ¶ Eos etiam, qui per feminini sexus personas ex transverso cognatione iunguntur, tertio gradu proximitatis nomine prætor ad successionem vocat.

3 ¶ Liberi quoque, qui in adoptiva familia sunt, ad naturalium parentum hereditatem hoc eodem gradu vocantur.

4 ¶ Vulgo quæsitos, nullos habere adgnatos manifestum est: quum adgnatio à patre sit, cognatio à matre, hi autem nullum patrem habere intelligentur. Eadem ratione ne inter se quidem possunt videri consanguinei esse: quia consanguinitatis ius species est adgnationis. Tantum ergo cognati sunt sibi, sicut & matri cognati sunt. Itaque omnibus istis[ex]ea parte competit bonorum possessio, qua proximitatis nomine cognati vocantur.

5 ¶ Hoc loco & illud necessario admonendi sumus: adgnationis quidem iure admitti aliquem ad hereditatem, etsi decimo gradu sit: siue de lege duodecim tabularum quæramus, siue de edicto, quo prætor legitimis heredibus daturum se bonorum possessionem pollicetur. Proximitatis vero nomine iis solis prætor promittit bonorum
possessio

possessionem, qui usque ad sextum gradum cognationis sunt, & ex septimo sobrino sobrinaque nato nataeque.

Absolutis duobus heredum legitimorum ordinibus subiicit tertium ordinem, qui non est civilis, seu legitimus, sed tantum praetorius. Nam qui in hoc ordine ad successionem vocantur, nimirum cognati, non fiunt iure civili heredes, sed iure praetorio bonorum possesores: idcirco magis pertinent ad tit. *infr. de bon. posses.* quia tamen bonorum possesores pro heredibus habentur, adeo ut etiam appellatione heredum interdum contineantur. *infr. à de bon. posses. vers. quos autem.* & ff. *de cond. & demonstr. l. in conditionibus. 19.* & *de verb. signif. l. hereditatis appellatio 138.* non sine causa hoc loco considerantur. Huius tituli duae sunt partes.

Princ.

In priori parte, ex qua inscriptio sumpta est, declaratur successio cognatorum. In qua parte primo Imperator *in princip.* generaliter ad successionem vocat proximos cognatos in tertio ordine, id est, post suos, vel quasi suos, & post legitimos heredes.

§. 1. Secundo exponit eas personas quae appellatione proximorum cognatorum continentur, & ad hanc successionem vocantur. Hae personae sunt. I. Adgnati capite deminuti, id est, qui per minimam capitis deminutionem desierunt esse adgnati: non tamen desierunt esse cognati: quia emancipatio sustulit adgnationem civilem, non sustulit naturale ius sanguinis. quocirca hae personae amiserunt ius succedendi in secundo ordine tamquam adgnati, sed retinent ius succedendi in tertio ordine tamquam cognati. Excipiuntur fratres & sorores emancipati. quae exceptio ut intelligatur, distinguenda sunt diuersa iura. Primum est ius *xij. tabul.* quo iure non succedunt. Secundum est ius praetorium, quo vocantur in tertio ordine per bonorum possessionem unde cognati. Tertium est constitutio Anastasij, quae facit eos heredes legitimos, & vocat eos in secundo ordine; sic tamen ut aliis quidem adgnatis & cognatis praeferantur: sed si cum alijs fratribus & sororibus non emancipatis concurrant, deminutionem quandam patiuntur, adeo, ut fratres integri ius duplum consequantur, quam emancipati, auctore Theophilo hic. nam constitutio Anastasij, quae exstabat in priori editione Codicis, postea

postea à Iustiniano abrogata. & in secunda editione Codicis reiecta est. Quartum ius est Iustin. constitutio, id est, *l. ult. C. de legit. hered* quæ corrigit hunc §. & abrogata Anastas. constitutione, iubet omnes fratres & sorores tam emancipatos, quàm non emancipatos ex æquis partibus succedere, quia omnes sunt heredes legitimi quod privilegium fratribus & sororibus emancipatis hoc iure tributum, novissimè productum est ad omnes cognatos. *Nov. 118. cap. 3.*

II. Coniuncti per foeminas. §. *eos etiam.*

III. Liberi naturales qui sunt in adoptiva familia eo §. 2. tempore quo pater naturalis moritur. §. *liberi.* coniunge §. 3. *admonendi. supr. de hered. qua ab intest. defer.*

IV. Vulgò quæriti. §. *penult.* Hæc dicta sint de successione §. 4. *ne cognatorum.*

In posteriore tituli parte, quæ est in §. *ultim.* ponitur discrimin inter secundum & tertium heredum ordinem, id est, inter adgnatos & cognatos: quia successio defertur adgnatis usque ad decimum gradum, cognatis verò regulariter usque ad sextum, interdum usque ad septimum, ex quo gradu succedunt tantum filij sobrinorum, vel sobrinarum, propterea quòd hi soli filiorum loco sunt, quia inter transversales inferiores collocantur in loco transversalibus æqualibus proximo. nam ab patruus, & alij in eodem circulo collocati, nec non ab patruus & similium filius, filia, item propatruus & similium nepos, neptis, ponuntur inter transversales superiores: ideòque non sunt loco liberorum, sed parentum. patruus autem & consobrinorum pronepos & proneptis, necnon fratris, vel sororis atnepos atneptis, quamvis æquè sint in septimo gradu, tamen pro remotioribus habentur, quia remotiores sunt à transversalibus æqualibus, proinde non videntur loco filiorum, sed illi loco nepotum, hi loco pronepotum.

AXIOMATA.

- 1 Vulgò quæriti nullos habent adgnatos. §. 4.
- 2 Adgnatio est à patre, cognatio à matre. §. *eod.*
- 3 Vulgò quæriti nullum patrem habere intelliguntur. §. *eod. coniun. §. si aduersus. supr. de nupt.*
- 4 Consanguinitas est species adgnationis. d. §. 4.

De gradibus cognationum.

TIT. VI.

HOc loco necessarium est exponere, quemadmodum gradus cognationis numerentur. Quare in primis admonendi sumus, cognationem aliam supra numerari, aliam infra, aliam ex transverso, quæ etiam à latere dicitur, superior cognatio est parentum, inferior liberorum, ex transverso fratrum sororumve, & eorum qui quæve ex his generantur: & conuenienter patruus, amita, auunculi, matertera. Et superior quidem & inferior cognatio à primo gradu incipit: at ea, quæ ex transverso numeratur, à secundo.

1. § Primo gradu est supra pater, mater: infra filius, filia.

2. § Secundo [gradu] supra auus, auia: infra nepos, neptis: ex transverso frater, soror.

3. § Tertio [gradu] supra proauus, proauia: infra pronepos, proneptis: ex transverso fratris sororisque filius, filia, & conuenienter patruus, amita, auunculus matertera. Patruus est frater patris, qui Græce πατράδελφος appellatur. Auunculus est frater matris, qui Græce μητράδελφος dicitur, & vterque promiscue δέσπος appellatur: amita est patris soror, [quæ Græce πατράδελφος appellatur. [Matertera verò matris soror, [quæ Græce μητράδελφος dicitur, & vtraque promiscue δέσπος appellatur.

4. § Quarto gradu supra abauus, abauia: infra abnepos,

abnepos, abneptis : ex transuerso fratris sororisque nepos neptisve : & conuenienter patruus magnus, amita magna, id est, aui frater & soror, item auunculus magnus, & matertera magna, id est, aui frater & soror, consobrinus, consobrina, id est, qui quæve ex sororibus aut fratribus procreantur. Sed quidam recte consobrinos eos proprie dici putant, qui ex duobus sororibus progenerantur, quasi consororinos. eos vero, qui ex duobus fratribus progenerantur, proprie fratres patruales vocari. Si autem ex duobus fratribus filia nascuntur, sorores patruales appellari. At eos, qui ex fratre & sorore progenerantur, amitinos proprie dici [putant.] Amitæ tuæ filij consobrinum te appellant, tu illos amitinos.

5 ¶ Quinto [gradu] supra adauus, adauia : infra adnepos, adneptis : ex transuerso fratris sororisque pronepos, proneptis : & conuenienter propatruus, proamita, id est, proaui frater & soror : [& proauunculus & promatertera, id est, proauia frater & soror. Item fratris patruelis, vel sororis patruelis consobrini & consobrina, amitini & amitina filius filia. propius sobrino, propius sobrina. hi sunt patrum magni, amitæ magnæ, auunculi magni, materteræ magnæ, filius filia.

6 ¶ Sexto gradu supra tritauus, tritauia : infra trinepos trineptis: ex transuerso fratris sororisque abnepos, abneptis: & conuenienter abpatruus, abmita, id est, abau frater & soror : abauunculus abmatertera, id est, abauia frater & soror. [item propatruui, proamitæ, proauunculi, promaterteræ, filius filia. item propius sobrino sobrinave filius filia.] item sobrini, sobrina, id est, qui quæve ex fratribus vel sororibus patruelibus vel consobrinis vel amitinis progenerantur.

7 ¶ Hactenus ostendisse sufficiat, quemadmodum gradus cognationis numerentur. Namque ex his palam est intelligere, quemadmodum vltiores quoque gradus numerare debeamus: quippe semper generata persona gradum adiicit, vt longe facilius sit respondere, quoto quisque gradu sit quam propria cognationis appellatione quemquam denotare.

8 ¶ Adgnationis quoque gradus eodem modo numerantur:

9 ¶ Sed cum magis veritas oculata fide, quam per aures animis hominum infigatur: ideo necessarium duximus post narrationem graduum, eos etiam præsentì libro inscribi, quatenus possint & auribus & oculorum inspectione adolescentes perfectissimam graduum doctrinam adipisci.

10 ¶ Illud certum est, ad serviles cognationes illam partem edicti, qua proximitatis nomine bonorum possessio promittitur, non pertinere: nam nec vlla antiqua legalis cognatio computabatur. Sed nostra constitutione, quam pro iure patronatus fecimus (quod ius vsque ad nostra tempora satis obscurum, atque nube plenum & vndique confusum fuerat) & hoc humanitate suggerente concessimus, vt si quis in seruili constitutus consortio, liberum vel liberos habuerit, siue ex libera, siue ex seruilis conditionis muliere: vel contra serua mulier ex libero vel seruo habuerit liberos cuiuscumque sexus: & ad libertatem his peruenientibus, ij, qui ex seruili ventre nati sunt, libertatem meruerint, vel dum mulieres liberæ erant, ipsi in seruitute eos habuerint, & postea ad libertatem peruenerint: hi omnes ad successionem patris vel matris veniant, patronatus iure in hac parte

patre sopito. Hos enim liberos non solum in suorum parentum successionem, sed etiam alterum in alterius successionem, mutuam vocauimus, ex illa lege specialiter eos vocantes: siue soli inueniantur, qui in seruitute nati, & postea manumissi sunt: siue vna cum aliis, qui post libertatem parentum concepti sunt: siue ex eodem patre, siue ex eadem matre, siue ex aliis nuptiis, ad similitudinem eorum, qui ex iustis nuptiis procreati sunt.

¶ Repetitis itaque omnibus, quæ iam tradidimus, apparet non semper eos qui parem gradum cognationis obtinent, pariter vocari. eoque amplius; ne cum quidem, qui proximior sit cognatus, semper potio-rem esse. Cum enim prima causa sit suorum heredum, & eorum, quos inter suos heredes enumeramus: apparet pronep-otem vel abnep-otem defuncti potio-rem esse, quam fratrem aut patrem matremque defuncti: cum alioquin pater quidem & mater (vt supra quoque tradidimus) primum gradum cognationis obtineant, frater vero secundum, pronepos autem tertio gradu sit cognationis & abnepos quarto. Nec interest, in potestate morientis fuerit, an non, quod vel emancipatus, vel ex emancipato; aut ex fœmineo sexu propagatus est. Amotis quoque suis heredibus, & quos inter suos heredes vocari diximus: adgnatus qui integrum ius habet adgnationis, etiam si longissimo gradu sit, plerumque potior habetur, quam proximior cognatus. Nam patri nepos vel pronepos auunculo vel materteræ præfertur. Toties igitur dicimus aut potio-rem haberi eum qui proximio-rem gradum cognitionis obtinet, aut pariter vo-cari eos qui cognati sunt, quotiens neque suorum

Cc ; heredum,

heredum, quique inter suos heredes sunt, neque adgnationis [iure,] aliquis præferri debeat, secundum ea quæ tradidimus: exceptis fratre & sorore emancipatis, qui ad successionem fratrum vel sororum vocantur: qui etsi capite deminuti sunt: tamen præferuntur cæteris vel vltioris gradus adgnatis.

Superioribus titulis dictum fuit adgnatos, vel cognatos ad successionem vocari secundum gradus prærogativam, ut nimirum proximiores remotioribus præferantur. quapropter hoc loco gradus non immeritò explicantur. Quamquam eorum cognitio ad alias quoque iuris partes pertinet, ut iure civili ad tutelam, bonorum possessiones, & testimonia perhibenda. ff. hoc tit. l. ult. in princ. iure canonico ad nuptias permittendas, vel prohibendas, 35. quest. 5. can. ad sedem. Huius tituli quinque sunt partes.

Princ.

Prima pars est de gradibus cognationum. in qua parte Imper. I. in primis verbis rationem affert huius expositionis, atque ita nectit hunc titulum cum præcedentibus I I In vers. *quare*, generaliter de cognatione tractat, eam diuidens in superiorem, in qua ponuntur parentes, & inferiorem, in qua ponuntur liberi, & transversalem, in qua reliqui cognati collocantur. distinctionem autem ponit inter has cognationes: quia superior & inferior incipiunt à primo gradu, transversalis autem incipit à secundo gradu; etenim pater, vel mater, & filius, vel filia sunt in primo gradu, fratres autem & sorores sunt in secundo gradu, sed iure Canon. etiam fratres & sorores sunt in primo gradu: quare hoc discrimen iure Pontificio non obtinet: sed omnis cognatio à primo gradu exordium capit. Ratio autem, cur iure civili cognatio transversalis incipiat à secundo gradu, hæc est: quia inter duos fratres, vel sorores interiecta est persona parentis per quam coniunguntur. ff. hoc tit. l. ult. §. *nam quoties*. quoniam ex eadem persona geniti sunt, atque ita reperiuntur duæ generationes, ex quarum vna vnus frater, & altera alter frater genitus est: & generationes, quemadmodum sunt causæ cognationis, ut scribit Aristot. 8. *Ethic.*

Ethic. cap. 12. ita etiam sunt causæ gradus; ita ut quot sunt generationes inter aliquas personas interiectæ, totidem sint gradus. *inf à hoc tit. §. hætenus.* Iuris autem Pontificij triplex est ratio. Prima ratio est, quia numerus graduum distinctè spectatur in singulis ordinibus, & sicut pater est in primo gradu adscendentium, quia est propinquior cæteris adscendentibus, & filius est in primo gradu descendendum, quia est propinquior reliquis descendenti- bus, ita etiam frater est in primo gradu transuersalium, quia propinquior est aliis transuersalibus. Secunda ratio est, quia hoc iure gradus notantur pro ratione locorum quæ à sin- gulis personis occupantur in typo, seu figura cognationis, ut posterius apparebit. æquè enim propinqui de iuncto re- periuntur, pater filius, & frater: sed differentia est, quia pa- ter superiori loco ponitur, filius inferiori, frater ad latus. Tertia ratio est, quia generatio aliter accipitur in iure ca- non. quàm in iure ciuil. nam iure ciuili vna est generatio vnius personæ, ac tot dicuntur generationes, quot sunt per- sonæ genitæ: iure autem canon. vna generatio dicitur om- nium filiorum ab eodem patre procreatorum: altera gene- ratio est eorum qui ab his filiis geniti sunt: & ita deinceps tertia, quarta, & vltiores generationes accipiuntur. in prima igitur generatione, proinde in primo gradu collo- cantur pater & filij, siue hi ad patrem, siue inter se (qua ra- tione vocantur fratres) referantur. 35. *quæst. 5. d. canon. ad se- dem, §. quedam, & canon. parentela.*

III. Enumerat omnes cognatos, qui in singulis gradibus reperiuntur à §. i. vsque ad d. §. hætenus. In qua enumeratione Imperator adhibet ordinem à Gaio Iurisconsulto obserua- tum in l. i. §. 3. ff. eod. alio autem ordine vtitur Paulus in l. vlt. ff. eod. quem Ilagoticus ad eundem titulum declarat. Gaius igitur & Iustinianus initium numerationis sumunt ab adscendentibus, & his subiiciunt descendentes, ac po- stremo loco collocat transuersales, & in his transuersalibus recensendis primum locum tribuunt genitis ex transuersa- libus antea nominatis; tum adiiciunt eos ad quos referun- tur. Ut in tertio gradu fratris, vel sororis filij proponuntur ante patrum, amitam, auunculum, & materteram; quia in secundo gradu frater & soror positi fuerant. Similiter in quarto primus locus datur fratris, vel sororis nepotibus, ut

§. i. &
seqq. vsq;
que ad
7.

fratris & sororis linea primum inter transuersales locum obtineat, quia primi omnium transuersalium nominati sunt frater & soror. deinde subiiciuntur patruus, anita, auunculus, matertera magni: quoniam inter hos & illos relatio constituitur, ut posterius declarabo. ultimo autem loco ponuntur consobrini.

Nota ad §. quinto, filium patrum magni, vel amitæ magnæ, vel materteræ magnæ vocari propius sobrino, vel propiorem sobrino, quia est pater sobrini, & vno gradu est proximior, siquidem sobrinus in sexto gradu, pater sobrini in quinto gradu collocantur.

Nota ad §. sexto in libris scriptis, & apud Theophilum desiderari hæc verba, *item consobrini, consobrini nepos, neptis, & conuenienter propatrum, proamita, proauunculi, promatertera filius filia.* Quorum verborum loco vulgò hæc inferunt, *item propatrum, promamita, proauunculi promatertera filius, filia: itē propius sobrini, sobrinave filius filia: itē consobrini, consobrina nepos neptis.* Sed mihi hæc adiectio nō probatur: tū quia Iustinianum ordinē à me paulò antè expositum peruertit: tū etiā multò magis, quia ineptè ponuntur propius sobrino sobrinave filius, filia, qui mox in eodē contextu repetitur, & suis nominibus elegantius vocantur sobrinus, sobrina.

§. 7.

IV. In d. §. *hactenus*, generalem regulam tradit, per quam possumus cognoscere non solum sex gradus iam expositos, sed etiam omnes vltiores. Regula est, Generata persona gradum adiicit.

Nota primò hanc regulam sic accipiendam esse, ut generata quæque persona nouum gradum adiciat, non quatenus est persona, sed quatenus est generata quia generatio est causa cognationis, & gradus, ut paulò antè notauimus.

Nota secundo iure canonico ad gradus cognatorum discernendos dari in tres regulas. I. Inter ascendentes, & descendentes, quot sunt personæ, vna depta, tot sunt gradus. Hac ratione inter patrem & filium est vnus gradus, inter auum & nepotem duo, inter proauum & pronepotem tres. Eadē est aliorum parentum, & liberorum ratio. II. Transuersales æquales, quoto gradu alteruter distat à stipite, id est, à communi parente, eodem distant inter se. Transuersales æquales dicuntur qui æquè distant à stipite: ut fratres qui sunt in primo gradu: consobrini, qui sunt in secundo: sobrini (id est, consobrinorum filii) qui sunt in tertio. III. Transuersales inæquales, (id

Diagramm:

Cognati &




Diagramma Successum tum ex iure Insti iure *Novell.* 118. succedat, facile po

I. Ordine

Sui heredes ex lege xij. tab. & quasi su
descendentes ex femininis, ex cons
Liberi parentibus, in stirpes. *Iure No*
1 Filij & filiae matri ex
2 Nepotes & neptes avi
3 Mater filiis & filiabus
tuncur fratres & s
succedatur in cas

du: consobrini, qui sunt in
norum filij) qui sunt in tertio. III. Transversales in quales,

(id

(id est, quorum alter est remotior à communi parente, alter est ei propinquior) quoto gradu remotior distat à stipite, eodem distant inter se. Sic patruus & filius fratris sunt in secundo gradu: quoniam qui illi est pater, huic est auus, unde à communi parente ille vno, hic duobus gradibus distant. Eadem est ratio aliarum similium personarum. Ego verò animaduerti vnā generalem regulam etiam iure canonico dari posse, quam exposui in Isagogico ext. de consangu. & affin.

Secunda tituli pars, in §. *agnationis*, docet, adgnationis §. 8. gradus eodem modo & secundum eandem regulam numerari, ac gradus cognationis. exempli gratia, ut fratres vterini, qui sunt cognati, ita etiam consanguinei, qui sunt adgnati, ponuntur in secundo gradu. itē ut cognatus auunculus est in tertio gradu, ita etiā patruus, qui est adgnatus.

Tertia pars in §. *sed cum magis*, graduum descriptionem §. 9. subiicit, qua omnes cognati vsque ad sextum gradum ob oculos ponuntur, & vno intuitu inspicere possunt. Sed quia iniuria temporum periit, eam ex mente Iustiniani restituere sum conatus: & Pontificios quoque gradus adscripsi, quod facilius hæc duo iura inter se cōferri possint. Vt in subiectis Diagrammatibus facile quilibet poterit perspicere. ☞

Expositis successionibus quæ ab intestato deferuntur iure Institutionum, libet eas perspicuitatis gratia in tabellam referre, & ius nouissimum ex Nou. 118. perinde subiungere. ☞ ☞

In quarta tituli parte (cui libri vulgati perperam titulum præponunt DE SERVILI COGNATIONE) Imperator tractat de seruili cognatione. Seruilem autem cognationem appellat, quæ inter libertinos spectatur: sed ideo dicitur seruilis, quia tempore seruitutis originem habuit. Hic distinguit inter ius vetus, & ius nouum. Iure veteri cognatio seruilis ad successionem non proderat, id est, liberti iure cognationis non succedebant, sed omnium libertorum bona lege xij. tab. ad patronos deferrebantur. Iure autem nouo liberi vel fratres liberti defuncti præferuntur patrono. vers. *sed nostra*. Hoc autem accuratiùs explicabitur titulo seq. Ad verba contextus.

Nota primò, liberum pro filio, vel nepote, seu pronepote. usurpari à Iustiniano hic, & C. de inoffic. testam. l. si quis suo, 33. in princ. & de secund. nupt. l. si quis prioris, 8. §. ult. contra regulas

regulas linguæ Latinæ. ff. de verbor. signific. l. non est sine libe-
ri. 148.

Nota secundò, verbum *nuptiis* abesse à Theophilo, & ab editione Cuiacij quo verbo deletò sensus erit apertior, nempe frater libertino fratrem succedere, siue sit frater ex eodem patre, siue ex eadem matre, siue ex aliis, subaudi, parentibus, id est, ex diuerso patre, vel ex diuersa matre. Ferti tamen potest vulgata lectio, quæ vera & germana esse videtur ex *l. ult. §. τῶν δ' ὡς τὰς ἐγγλόν.* *C. de iur. patron.* vbi in hanc sententiam scriptum est, ἡ δὲ τῶν ἀδελφῶν γάμων, ἡ δὲ τῶν ἐγγλόν. Ac dicendum, nuptiarum vocabulum latè & improprie accipi. Cum enim aliæ nuptiæ dicantur, quæ post manumissionem contractæ sunt, indicatur eas quoque nuptias esse quæ in statu seruili contractæ fuerunt. Nuptiarum igitur appellatio hoc loco complectitur etiam seruile contubernium, quod aliàs nuptiarum nomen non meretur. *C. de incest. nupt. l. 3.* Sed hoc loco nuptiarum nomen recipit, quia nuptiarum effectum habet, cum filij ex ea coniunctione suscepti succedant vnà cum filiis postea ex iusto matrimonio procreatis. Illa igitur verba, *ad similitudinem eorum, qui ex iustis nuptiis procreati sunt*, quæ Cuiacio difficultatem fecerunt, non respiciunt ad liberos ex nuptiis post manumissionem contractis editos, sed ad eos, qui ex seruili contubernio geniti sunt.

§.v. In quinta parte, quæ est in §. *ult.* ex iis, quæ hoc tertio li-
bro hæctenus exposita sunt, colligitur maiorem in successione
haberi rationem ordinis, quàm gradus. nam liberi, qui suc-
cedunt in primo ordine, quocumque gradu sint, præferun-
tur omnibus adgnatis, etiam proximioribus, vt puta pro-
nepos, qui est tertio gradu, præfertur fratri, qui est secundo
gradu. item adgnati succedentes ex secundo ordine, præ-
feruntur cognatis, licet proximioribus, qui succedunt in
tertio ordine: vt patruelis, qui est quarto gradu, præfertur
auunculo, qui est tertio gradu. In fine huius §. repetitur
exceptio iam tradita in §. *1. sup. de success. cogn.* quod fratres
& sorores emancipati, quamvis non sint agnati, sed cognati,
tamen præferuntur non solum cognatis, sed etiam ad-
gnatis remotioribus: quia ex constitutione Anastasij facti
sunt heredes legitimi. hodie verò secundus & tertius ordo
confusi sunt: quia sublatâ adgnationis & cognationis dif-
ferentiâ, æquè cognati atque adgnati succedunt secun-
dum gradus prærogatiuam.

A X I O M A.

- 1 Cognatio parentum & liberorum incipit à primo gradu:transuersalium,à secundo *in princ.*
 - 2 Semper generata persona gradum adiicit,adeò vt tot sint gradus,quot sunt generationes personarum. §.7.
 - 3 Facilius est dicere cognati gradum,quàm cognationis nomen:quia multi cognati propriis nominibus carent,& necessariò per circumlocutionem significantur,vt fratris filius,fratris nepos.*d. §.7.*
 - 4 Veritas magis oculata fide,quàm per aures animis hominum infigitur. §.9.
 - 5 Nulla antiqua lege seruilis cognatio computabatur. § 10. praterquam cum agebatur de nuptiis contrahendis. *suprà de nupt. § illud.*
 - 6 In successione ab intestato maior ratio habetur ordinis,quàm gradus. §.ult.
-

De successione libertorum.

T I T. VII.

NVnc de libertorum bonis videamus. Olim itaque licebat liberto patronum suum impune testamento præterire. nam ita demum lex duodecim tabularum ad hereditatem liberti vocabat patronum, si intestatus mortuus esset libertus, herede suo nullo relicto. Itaque intestato mortuo liberto, si is suum heredem reliquisset, patrono nihil in bonis eius iuris erat. Et si quidem ex naturalibus liberis aliquem suum heredem reliquisset, nulla videbatur querela: si vero adoptiuus filius fuisset, aperte iniquum erat, nihil iuris patrono superesse.

1 § Qua de causa postea prætoris edicto hæc iuris

1 § Qua de causa postea prætoris edictio hæc iuris iniquitas emendata est: siue enim faciebat testamentum libertus, iubebatur ita testari, ut patrono partem dimidiam bonorum suorum relinqueret: & si aut nihil, aut minus parte dimidia reliquerat, dabatur patrono contra tabulas testamenti partis dimidiæ bonorum possessio. Siue intestatus moriebatur, suo herede relicto filio adoptiuo: dabatur æque patrono contra hunc suum heredem, partis dimidiæ bonorum possessio. Prodesse autem libertis solebant ad excludendum patronum naturales liberi, non solum quos in potestate mortis tempore habebat, sed etiam emancipati, & in adoptionem dati: si modo ex aliqua parte scripti heredes erant aut præteriti, contra tabulas, bonorum possessionem ex edicto [prætorio] perierant, nam exheredati nullo modo repellebant patronum.

2 § Postea [vero] lege Papia adaucta sunt iura patronorum, qui locupletiores libertos habebant. Cautum est enim, ut ex bonis scius, qui scelerter centum millium patrimonium reliquerat, & pauciores, quam tres liberos habebat: siue is testamento facto, siue intestatus mortuus erat: virilis pars patrono deberetur. Itaque cum vnum [quidem] filium filiamve heredem reliquerat libertus: perinde pars dimidia debebatur patrono, ac si is sine vlllo filio filiave intestatus decessisset, cum [vero] duos duasve heredes reliquerat, tertia pars dicebatur patrono: si tres reliquerat, repellebatur patronus.

3 § Sed nostra constitutio, quam pro omni natione, Græca lingua compendioso tractatu habito composuimus, ita huiusmodi causam defi-

~~ni~~

niui : vt si quidem libertus vel liberta minores centenariis sint , id est, minus centum aureis habeant substantiam (sic enim legis Papiæ summam interpretati sumus , vt pro mille sestertiis vnus aureus computetur) nullum locum habeat patronus in eorum successione : si tamen testamentum fecerint. Sin autem intestati decesserint , nullo libertorum relicto : tunc patronatus ius (quod erat ex lege duodecim tabularum) integrum seruauit. Cum vero maiores centenariis sint , si heredes vel bonorum possessores liberos habeant , siue vnum siue plures , cuiuscumque sexus vel gradus : ad eos successiones parentum deduximus , patronis omnibus modis vna cum sua progenie semotis. Sin autem sine liberis decesserint : si quidem intestati , ad omnem hereditatem patronos patronasque vocauimus , si vero testamentum quidem fecerint , patronos autem , aut patronas præterierint , cum nullos liberos haberent , vel habentes eos exheredauerint vel mater siue auus maternus eos præterierint , ita quod non possint argui inofficiosa eorum testamenta : tunc ex nostra constitutione per bonorum possessionem contra tabulas non dimidiam (vt antea ,) sed tertiam partem bonorum liberti consequantur : vel quod deest , eis ex constitutione nostra repleatur si quando minus tertia parte bonorum suorum libertus vel liberta eis reliquerit : ita sine onere , vt nec liberis liberti libertæve ex ea parte legata , vel fideicommissa præstentur , sed ad coheredes eorum hoc onus redundet : multis aliis casibus à nobis in præfata constitutione congregatis , quos necessarios esse ad huiusmodi dispositionem iuris perspeximus , vt tam patroni patronæque , quam liberi
corum,

eorum, necnon qui ex transuerso latere veniunt, usque ad quintum gradum ad successionem libertorum libertarumve vocentur, sicut ex ea constitutione intelligendum: & si eiusdem patroni vel patronæ, vel duorum duarumque pluriumve liberi sint: qui proximior est, ad liberti vel libertæ vocetur successione, & in capita, non in stirpes diuidatur successio: eodem modo & in iis, qui ex transuerso latere veniunt, seruando. Pene enim consonantia iura ingenuitatis & libertinitatis in successione fecimus.

4 § Sed hæc de iis libertinis hodie dicenda sunt qui in ciuitatem Romanam peruenerunt: cum nec sint alij liberti, simul & Deditiis & Latinis sublati, cum Latinorum legitimæ successiones nullæ penitus erant, quia licet ut liberi vitam suam peragebant, attamen ipso ultimo spiritu simul animam atque libertatem amittebant, & quasi seruorum bona eorum iure quodammodo peculij ex lege Iunia [Norbana] manumissores detinebant. Postea vero senatusconsulto Largiano cautum fuerat, ut liberi manumissoris non nominatim exheredati facti, extraneis heredibus eorum in bonis Latinorum præponerentur. Quibus etiam superuenit diui Traiani edictum, quod eundem hominem, si inuito vel ignorante patrono ad ciuitatem Romanam venire ex beneficio principis festinaret, faciebat quidem viuum ciuem Romanum, Latinum vero morientem. Sed nostra constitutione propter huiusmodi conditionum vices, & alias difficultates, cum ipsis Latinis etiam legem Iuniam, & senatusconsultum Largianum, & edictum diui Traiani, in perpetuum deleri censuimus:

ut

vt omnes liberti ciuitate Romana fruantur, & mirabili modo quibusdam adiectionibus ipsas vias, quæ in Latinitatem ducebant, ad ciuitatem Romanam capiendam transposuimus.

Quæcumque exposita sunt à titulo de testamentis ad hunc vsque locum, ea pertinent ad successionem hominum ingenuorum vel ex testamen, vel ab intestato: hic autem titulus est de successione in bonis libertorum. nam successio libertorum in hac rubrica dicitur ea, qua succeditur libertis, non qua liberti succedunt.

Primò Imper. docet, qui succedant libertis. vbi declarat *Princ.* quatuor iura. Primum ius in *princip.* est lex xij. tabul. quo iure patronus libero intestato succedit; sed aduersus testamentum liberti, in quo alij heredes scripti sint, nihil iuris habet. Quod dixi patronum ab intestato succedere, sic intelligendum est, vt dicatur succedere tamquam legitimus heres in secundo ordine: id est, post suos heredes.

Secundum in §. 1. est ius prætorium: quo iure patronus non succedit, si libertus filium naturalem reliquerit: succedit autem ex semisse, si reliquerit filium adoptiuum. item contra testamentum liberti, in quo alij quàm filij naturales sint heredes scripti, habet dimidiam partem hereditatis per bonorum possessionem contra tabulas. §. 1.

Tertium ius est lex Papia in §. *postea*, cuius iuris summa hæc est: Si libertus sit centenarius, id est, habeat 100. millia sestertiū, seu (quod idem valet) 100. sestertia in bonis, & pauciores relinquat quàm tres liberos, tunc patrono in hereditate liberti pars virilis debetur. Quare si libertus duos filios relinquat, patrono tertia pars debetur, si vnum, dimidia, quemadmodum & tunc accidit, cum libertus sine liberis testatus decessit. Dixi *testatus*, & ita in contextu lego cum Theophilo & Cuiacio: quia cum libertus sine liberis intestatus decessit, patronus non ex dimidia parte, sed ex asse fit heres. ff. de bon. liber. l. libertus 17. & de suis & legit. l. 3. in *princip.* Sestertius est quarta pars denarij: valet enim duos asses cum dimidio, vnde dicitur sestertius, quasi semister- §. 2.
tius, quia scilicet valet, duos asses integros, & tertium dimidiatum. sestertium autem valet mille sestertios.

Quartū ius in §. *sed nostra*, est constitutio Iustiniani, quæ est §. 2.

est *l. ult. C. de iur. patronat.* cuius summa continetur quinque regulis, I. Centenarius dicitur, non qui habet centum sester-
tia, seu centum millia sestertiū, sed qui habet centum au-
reos. Aureus autem Iustinianicus est septuagesima secunda
pars libræ, & valet sestertios 66. cum duobus trientibus II.
Liberto intestato defuncto succeditur hoc ordine: primū
vocantur liberi ipsius liberti: deinde fratres eius & paren-
tes: tertio loco patronus: postea liberi ipsius patroni usque
ad quintum gradum: tandem qui ex transverso coniuncti
sunt patrono, similiter ad quintum usque gradum. III. Siue
liberi ipsius, patroni, siue transversales succedant, tantū
proximiores succedūt, & quidem in capita non iussus, res,
cessante omni iure repræsentationis. IV. Patronus per bo-
norum possessionem contra tabulas tertiam partem heredi-
tatis auferit heredi scripto à liberto, si libertus sit maior cē-
renario, & proprii liberi ei non succedāt. V. Liberi patrono-
rum, vel libertorum in hoc tractatu intelliguntur, qui sunt
naturales, quamvis dati in adoptionē: non adoptiui, qui li-
cēt in potestate adoptātis sint, tamē pro extraneis habētur.

§. ult.

Secundò in §. ult. docet, quibus libertis succedatur: & re-
petit, quod traditum fuit in §. ult. *suprà de libert.* sublatam
esse differentiam inter libertinos: quia cū olim essent tria
libertinorum genera, nempe ciues Romani, & Latini, &
dedititij, hodie sunt omnes ciues Romani: idcirco regulæ
suprà traditæ, in omnibus libertinis æquē locum habet.

AXIOMATA.

1. Iniquum est, patrono filium liberti, non naturalem, sed
adoptiū præferri *in princ.*
2. Omnes liberti sunt ciues Romani. §. ult.

De assignatione libertorum.

TIT. VIII.

IN summa (quod ad bona libertorum [attinet])
admonendi sumus censuisse senatum, ut quam-
uis

nis ad omnes patroni liberos, qui eiusdem gradus sunt, æqualiter bona libertorum pertineant : tamen licere parenti, vni ex liberis assignare libertum, ut post mortem eius solus is patronus habeatur, cui assignatus est : & cæteri liberi, qui ipsi quoque ad eadem bona, nulla assignatione interueniente, pariter admitterentur, nihil iuris in his bonis habeant : sed ita demum pristinum ius recipiant, si is, cui assignatus est, decesserit nullis liberis relictis.

1 § Nec tantum libertum, sed etiam libertam, & non tantum filio, nepotivæ, sed etiam filia neptivæ assignare permittitur.

2 § Datur autem hæc assignandi facultas ei, qui duos pluresve liberos in potestate habebit, ut eis, quos in potestate habet, assignare libertum libertamve liceat. Vnde querebatur, si cum, cui assignavit, postea emancipaverit : num evanescat assignatio ? Sed placuit evanescere, quod & Iuliano & aliis plerisque visum est.

3 § Nec interest, [an] testamento, quis assignet, an sine testamento, sed etiam quibuscumque verbis patronis hoc permittitur facere ex ipso Senatusconsulto, quod Claudiani temporibus factum est, Sabellio Rufo & Asterio Scapula consulibus.

Quod superiori titulo dictum fuit, liberos patroni succedere liberto, recipit hoc loco limitationem : quia si patronus vni ex liberis suis libertum assignaverit, id est, attribuerit, (assignare enim libertum, est testificari, cuius ex liberis eum libertum esse velit. ff. de verb. sign. l. libertum 107.) ille solus erit heres legitimus liberti.

Primò Imp. in primis tituli verbis docet hanc assignationem ex senatusconsulto receptam esse.

D d

Secun

Secundò in vers. *ut post mortem*, declarat effectum huius assignationis: quia ille solus inter liberos patroni liberto succedit, cui liberus fuit assignatus.

§. 1. Tertiò in §. 1. quærit quis assignari possit, ac docet assignari tam libertum, quàm libertam.

Quartò de persona cui assignatur, dat duas regulas. I. Non solum assignatur filio, vel nepoti, sed etiam filiz, vel nepti: adeò ut neque sexus, neque gradus vlla ratio habeatur. d. §. 1. vers. *et non tantum*.

§. 2. II. Regula est, Assignari potest iis qui sunt in potestate non liberis emancipatis, immò si is, cui patronus libertum assignavit, postea emancipetur, assignatio evanescit, §. *datur*. Notanda est huius regulæ exceptio: quia etsi non potest libertus assignari soli filio emancipato, tamen simul assignari potest duobus filiis, quorum alter sit integri iuris, alter emancipatus, quod enim emancipatus non potest habere per se, id merito fratris in potestate constituti cum quo est coniunctus, consequi potest. ff. l. 1. *utrum*. 9.

§. ult. Quintò in §. ult. docet assignationem fieri tam in testamento, quàm ab intestato.

Sextò in vers. *sed etiam*, ostendit, quibuscumque verbis assignationem fieri posse.

Septimò in vers. *ex ipso*, docet quo tempore, & quo iure assignatio recepta sit.

A X I O M A T A.

1. Quod peruenit ad eum casum, à quo incipere non potest, extinguitur. Huius regulæ exemplum est hic in §. 2. vbi assignatio liberti facta filio integri iuris, per eius emancipationem perimitur, quia non potest emancipato assignari. Eiusdem regulæ exceptionem habuimus in §. *ex contrario*. *supr. de leg.*

2. Interdum aliquis per alium consequitur quod per se consequi non potest. d. §. 1. *coniun.* l. *si pignore*. 22. §. *si predo*. ff. *de pignor. act.*

De bonorum possessionibus.

T I T. I X.

IVS bonorum possessionis introductum est à præ-
tore emendandi veteris Iuris gratia. Nec solum in
intestatorum hereditatibus vetus ius eo modo præ-
tor emendauit, sicut supra dictum est: sed in eorum
quoque qui testamento facto decesserint. Nam si alic-
nus posthumus heres fuerit institutus: quamuis heredi-
tatem iure civili adire non poterat cum institutio non
valebat, honorario tamen iure bonorum possessor
efficiebatur, videlicet cum à prætore adiuuabatur. sed
& is à nostra constitutione hodie recte heres institui-
tur. quasi & iure civili non incognitus. Aliquando
tamen, neque emendandi, neque impugnandi ve-
teris iuris, sed magis confirmandi gratia [prætor]
pollicetur bonorum possessionem. Nam illis quo-
que, qui recte testamento facto heredes instituti
sunt, dat secundum tabulas bonorum possessio-
nem. Item ab intestato suos heredes, & adgnatos
ad bonorum possessionem vocat. Sed & remota
quoque bonorum possessione, ad eos pertinet
hereditas iure civili.

¶ Quos autem solus vocat prætor ad heredi-
tatem, heredes quidem ipso iure non fiunt: nam
prætor heredem facere non potest, per legem
enim tantum, vel similem iuris constitutionem
heredes fiunt, veluti per senatusconsulta, & con-
stitutiones principales: sed cum eis prætor dat bo-
norum possessionem, loco heredum constituuntur,

& vocantur bonorum possessores. Adhuc autem & alios complures gradus prætor fecit in bonorum possessionibus dandis, dum id agebat, ne quis sine successore moreretur. Nam angustissimis finibus constitutum per legem duodecim tabularum ius percipiendarum hereditatum, prætor ex bono & æquo dilatauit.

2 ¶ Sunt autem bonorum possessiones ex testamento quidem hæ. Prima, quæ præteritis liberis datur, vocaturque *contra tabulas*. Secunda quam omnibus iure scriptis heredibus prætor pollicetur, ideoque vocatur *secundum tabulas*. Et cum de testamentis prius locutus est, ad intestatos transitum fecit. Et primo loco suis heredibus, & iis, qui ex edicto prætoris inter suos heredes connumerantur, dat bonorum possessionem, quæ vocatur *unde liberi*. Secundo, legitimis heredibus. Tertio, decem personis, quas extraneo manumissori præferebat. sunt autem decem personæ hæ; pater, mater, avus avia, tam paterni, quam materni: item filius, filia, nepos, neptis, tam ex filio, quam ex filia: frater, sororve, consanguinei vel vterini. Quarto, cognatis proximis. Quinto, *tamquam ex familia*. Sexto, patrono patronæque, liberisque eorum, & parentibus. Septimo, viro & uxori. Octavo, cognatis manumissoris.

3 ¶ Sed eas quidem prætoria introduxit iurisdicção; à nobis tamen nihil incuriosum prætermisum est, sed nostris constitutionibus omnia corrigentes, contra tabulas quidem & secundum tabulas bonorum possessiones admisimus, ut pote necessarias constitutas: nec non ab intestato *unde liberi & unde legitimi* bonorum possessiones. Quæ autem

antem in prætoris edicto quinto loco posita fuerat, id est, *unde decem persone*, eam pio proposito, & compendioſo ſermone ſuperuacuaſtendi-
mus. Cum enim præſata bonorum poſſeſſio decem
perſonas præponeret extraneo manuſſoribus noſtra
conſtitutio, quam de emancipatione liberorum
fecimus, omnibus parentibus, eiſdemque manu-
ſſoribus contracta fiducia manuſſionem facere
dedit: ut ipſa manuſſio eorum hoc in ſe habeat
priuilegium, & ſuperuacua fiat ſupradicta bonorum
poſſeſſio. Sublata igitur prædicta quinta bonorum
poſſeſſione, in gradum eius ſextam antea bonorum
poſſeſſionem induximus: & quintam fecimus, quam
prætor proximis cognatis pollicetur. Cumque an-
tea fuerat ſeptimo loco bonorum poſſeſſio *tam-
quam ex familia*, & octauo *unde patroni patronæ-
que & parentes eorum*: utramque per conſtitutio-
nem noſtram, quam de iure patronatus fecimus pe-
nitus euacuauimus. Cum enim ad ſimilitudinem ſuc-
ceſſionis ingenuorum, libertinorum ſucceſſiones po-
ſuimus, quas vſque ad quintum gradum tantummo-
do coarctauimus, ut ſit aliqua inter ingenuos & li-
bertinos differentia: ſufficit eis tam contra tabulas
bonorum poſſeſſio, quam *unde legitimi*, & *unde co-
gnati*, ex quibus poſſunt ſua iura vindicare, omni
ſcrupuloſitate & inextricabili errore iſtarum duarum
bonorum poſſeſſionum reſoluta. Aliam vero bono-
rum poſſeſſionem, quæ *unde vir & uxor* appellatur,
& nono loco inter veteres bonorum poſſeſſiones po-
ſita fuerat, & in ſuo vigore ſeruauimus, & altiore lo-
co, id eſt, ſexto eam poſuimus: decima quoque bono-
rum poſſeſſione, quæ erat *unde cognati manuſſi-*

seris, propter causas enumeratas merito sublata: ut sex tantummodo bonorum possessiones ordinariæ permaneant, suo vigore pollentes. Septima eas secuta, quam optima ratione prætores introduxerunt. Nouissime enim promittitur edicto, iis etiam bonorum possessio quibus ut detur, lege, vel senatusconsulto, vel constitutione comprehensum est: quam neque bonorum possessionibus, quæ ab intestato veniunt, neque iis quæ ex testamento sunt, prætor stabili iure connumeravit: sed quasi ultimum & extraordinarium auxilium (prout res exegit) accommodavit, scilicet iis, qui ex legibus, senatusconsultis, constitutionibus ve principum ex nouo iure, vel ex testamento, vel ab intestato veniunt. Cum igitur plures species successionum prætor introduxisset, easque per ordinem disposuisset: & in vnaquaque specie successionis sæpe plures essent dispari gradu personæ: ne actiones creditorum differrentur, sed haberent, quos conuenirent, & ne facile in possessionem bonorum defuncti mitterentur, & eo modo sibi consulere: ideo petendæ bonorum possessioni certum tempus præstinuit. Liberis itaque & parentibus, tam naturalibus quam adoptiuis in petenda bonorum possessione anni spatium, cæteris [autem] agnatis, vel cognatis, centum dierum dedit.

¶ Et si intra hoc tempus aliquis bonorum possessionem non petierit: eiusdem gradus personis adcreseit: vel si nullus sit, deinceps cæteris bonorum possessionem perinde ex successorio edicto pollicetur, ac si is, qui precedebat, ex eo numero non esset. Si quis itaque delatam sibi bonorum possessionem repudiauerit, non quousque tempus

tempus bonorum possessioni præfinitum excesserit, expectatur: sed statim ceteri ex eodem edicto admittuntur. In petenda autem bonorum possessione dies utiles singuli considerantur,

§ Sed bene anteriores principes & huic causæ prouiderunt, ne quis pro petenda bonorum possessione curet: sed quocumque modo admittentis eam iudiciū (intra statuta tamen tempora) ostenderit, plenum habeat eorum beneficium.

Absolutus est per multos titulos primus modus acquirendi per vniuersitatem, nempe hereditas: sequitur secundus modus non absimilis, id est, bonorum possessio. nam bonorum possessores vicem heredum obtinent. *infra hoc tit. vers. sed cum eis* adeo ut interdum appellentur heredes, *ff. de condit. & demonstr. l. in conditionibus 15. §. si patronus. & de verb. sign. l. hereditatis 1. 8*

Primo docet cur bonorum possessiones sint à prætorè introductæ: quia posset alicui videri sufficere legitimam hereditatem. Itaque Imper. duas causas bonorum possessionis affert *in princ. tit.* Vna est, ut ius ciuile emendetur: veluti cum prætor dat bonorum possessionem contra tabulas testamenti, quod iure ciuili valet. Appellatione emendationis continetur etiam, quod prætor supplet, & addit iuri ciuili, veluti cum ad successionem vocat cognatos, qui iure ciuili neglecti reperiuntur. Altera causa est, ut ius ciuile confirmetur: quia nostra interest habere plura remedia, & plures vias aliquid consequendi. verbi gratia sui heredes succedunt in primo ordine ex lege xij. tab. vel accipiunt iure prætorio bonorum possessionem, vnde liberi.

Princi

Secundo in §. *quo* *autem*, declarat effectum bonorum possessionis: quia (ut paulò antè notauimus) bonorum possessor non est propriè heres, sed habetur loco heredis. §. 1.

Tertiò in vers. *ad huc*, docet multas esse bonorum possessiones.

Quartò declarat singulas species, & cum omnis bonorum possessio vel sit ordinaria, vel extraordinaria, initium sumit §. 2.

ab ordinariis, de quibus duo iura proponit. Primum est ius vetus in §. *sunt autem*, quo iure sunt decem bonorū possessiones ordinariæ, videlicet duæ ex testamēto, & octo ab intestato. I. *Contra tabulas*: quæ testamentum evertit, & iis datur, qui non sunt scripti heredes in testamento. Hanc inquit Imper. dari liberis præteritis in testamento paterno. Intellige præteritionem, quæ non habetur pro exheredatione: alioquin cessat bonorum possessio contra tabulas, & agendum querela inofficiosi testam. vt cum liberi à matre, vel auo materno sunt præteriti. *suprà de exhered. lib. r. §. ult. & ff. de bon. poss. contra tab. l. 4. §. pen.* Et adde quod datur etiam patronis contra testamentum liberti. *suprà de su. cess. libert. §. qua de causa.* nec non parenti contra tabulas filij, vel nepotis, quem emancipauit, ff. *si à paren. quis man. l. 1.* II. *Secundum tabulas*; quæ datur directæ scriptis heredibus, eo quod prætor in testamento scripturam requirit. *suprà de testam. §. sed prædicta. & §. seq.* Vtilis autem datur heredibus institutis in testamento nuncupatiuo. *C. de bonor. poss. sec. tab. l. 2.* quod testamentum valet iure civili. *suprà de testam. §. ult.* III. *Vnde liberi*, quæ, vt & pleræque aliæ, sumit appellationem à primis verbis edicti, ac datur liberis ab intestato succedentibus. IV. *Vnde legitimi*, quæ datur heredibus legitimis, veluti adgnatis. V. *Vnde decem persona*, quæ competit decem personis in contextu enumeratis, vt patri, matri, &c. in bonis emancipati. nam iure civili emancipato succedebat is, qui eum manumiserat, quasi patronus. sed si contingebat, vt extraneus manumisisset (id est, pater fiduciarius, cui pater naturalis filium suum vendiderat:) tunc prætor ei patri fiduciario præferebat defuncti patrem, vel matrem, vel cæteros in contextu nominatos. Sed hæc bonorum possessio non potest hodie habere locum: quia hodie nulli sunt patres fiduciarij, sed antiqua illa emancipandi formula per imaginarias venditiones ab aula recessit. *suprà quibus modis ius. pat. potest. solu. §. præterea.* VI. *Vnde cognati*. de qua *suprà* satis superque dictum fuit. VII. *Tum quem ex familia*, per quam ad successionem vocantur qui sunt in familia patroni. VIII. *Vnde patroni* &c. Dices, quomodo patronus vocatur post eos qui sunt in familia ipsius patroni? Respondeo cum Theoph. patronos bis vocari ad successionem, nam quarta bonorū possessio,

sessio, Vnde legitimi, eis comperit, & per eam præferuntur iis qui sunt in familia. sed si eam amiserint, ut lapsu temporis, de quo dicitur in §. & si intra. poterunt hanc octavam petere: nec possunt conqueri quod postponantur iis, qui sunt in familia; quia hoc ipsorum culpa evenit, eò quod antecedentem bonorum possessionem petere neglexerunt. IX. Vnde vir & uxor. per quam uxor marito, vel maritus uxori succedit. X. Vnde cognati manumissoi, quæ cognatis patroni comperit.

Secundum est ius nouum in § sed eas. ubi Imp. quatuor bonorum possessiones tollit tanquam superfluas, nimirum, unde decem persona. & tum quem ex familia, & unde parenti, & unde cognati manumissoi. reliquas verò, tanquam utiles, admittit & probat. Hæc omnia dicta sunt de bonorū possessionibus ordinariis, id est quæ certo ordine deferuntur. Postea in vers. septima, subiicitur bonorum possessio extraordinaria, id est, quæ non habet certum locum, nec refertur inter bonorum possessiones ex testamento, vel ab intestato, sed generaliter iis à prætore promittitur, quibus lege, vel Senatusconsulto, vel constitutione principis defertur. Quintò loquitur de tempore petendæ bonorum possessionis: de quo tres quæstiones occurrunt. I. Quæstio est, intra quod tempus petenda sit bonorum possessio. II. Quis sit effectus, si intra illud tempus non petatur. III. Quomodo hoc tempus computetur, id est, utrū sit continuum, an utile. Est autem tempus continuum, quod continenter currit omnibus diebus indistinctè enumeratis etiam si sint dies feriati. utile autem est, cū ij tantū dies computantur, quibus aliquid fieri potuit, putà quibus potuit litigari. vel bonorum possessio peti, vel aliquid aliud fieri pro subiecto argumento. Ad primam quæstionem respondet Imp. in vers. cum igitur, liberis & parentibus annum tribui ad petendam bonorum possessionem, cæteris autem personis dari centum dies. Rationem huius edicti affert Imperator: quia nisi certum tempus heredi præstitueretur ad successionem amplectendam, vel amittendam, alterum duorū incommodum accideret, ut vel creditores diu impediantur ius suum persequi, cū iacente hereditate nemo sit, quem conuenire possint: vel mittantur in possessionem bonorum hereditariorum, quod durum est, nec facilè concedi debet. Nota in fi, huius §. aut delenda esse illa verba

agnatis, vel cognatis. aut cum Theoph. addendum *vel extranei*: sed malime ea verba deleri, quia à quibusdam manuscriptis absunt, & generaliter omnes aliæ personæ, præter liberos & parentes, habent centum dies.

§. 4. Ad secundam quæstionem respondet in §. *et si intra*, per distinctionem, aut enim is cui bonorum possessio defertur voluntatem suam non patefacit, aut bonorum possessionem sibi delatant repudiat. Priori casu expectatur lapsus totius temporis, intra quod bonorum possessio peti potest, & eo tempore elapso, si alij sint in eodem gradu, eis accrescit portio omittentis bonorum possessionem: si verò nulli sint in eodem gradu tunc bonorum possessio sequentibus defertur secundum eum ordinem, quo bonorum possessiones propositæ fuerunt in §. *sed eas*, *rog. §. eq.* Vbi notandum, inter cæteros ipsum quoque, qui exclusus est, admitti, verbi gratiâ, filius amissa bonorum possessione, unde liberi, potest petere, unde legitimi: & hac quoque amissa, potest petere, unde cognati. *ff. de success. edict. l. 1. §. sed videndum.* Posteriori casu non expectamus lapsum temporis, sed statim ac aliquis bonorum possessionem repudiavit, aliis accrescit, vel defertur.

§. pen. Ad terriam quæstionem respondet in §. *pen.* tempus petendæ bonorum possessionis esse utile, non continuum, id est, eos dies tantum computari quibus bonorum possessio peti potest. *ff. quis et lo in bon. poss. serv. l. 2.*

§. ult. Sexto in §. *ult.* docet quomodo bonorum possessio peti possit: & ait non esse opus ut aliquis pro ea petenda curaret, id est, sit sollicitus, quia non est opus solemnî petitione, quæ olim requirebatur. *C. commet. de success. l. 1. & 2.* sed sufficit quocumque modo voluntatem ostendere amplectendæ bonorum possessionis.

AXIOMATA.

1. Prætor ius civile modò corrigit, modò supplet, modò confirmat. *in princ.*
2. Hæres non fit à prætore, sed à lege, vel alia iuris civilis parte, quæ vim legis habeat. §. 1.
3. Bonorum possessor vicem heredis obtinet. *l. §. con. un. l. 2. ff. de bonor. poss.*
4. Ius succedendi non est restringendum, sed dilatandum.

dum. d. §. 1. vers. adhuc.

- 5 Creditorum actiones non sunt diu differendæ §. 3. *vers. cum igitur.*
- 6 Creditores non facile mittendi in possessionem bonorum debitoris, licet defuncti. *d. vers. cum igitur.*
- 7 Tempus petendæ bonorum possessionis est utile, non continuum, §. *pen.*
-

De acquisitione per adrogationem.

T I T. X.

Est & alterius generis per vniuersitatem successio, quæ neque lege duodecim tabularum, neque prætoris edicto, sed eo iure, quod consensu receptum est, introducta est.

1 ¶ Ecce enim cum paterfamilias sese in adrogationem dat, omnes res eius corporales & incorporales, quæque ei debitæ sunt, adrogatori antea quidem pleno iure acquirebantur: exceptis iis, quæ per capitis deminutionem pereunt, quales sunt operarum obligationes, & ius agnationis. Vsus etenim & usufructus, licet his antea connumerabantur, attamen capitis deminutione minima eos tolli prohibuit nostra constitutio.

2 ¶ Nunc autem nos eandem acquisitionem, quæ per adrogationem fiebat, coarctauimus ad similitudinem naturalium parentum. Nihil enim aliud, nisi tantummodo usufructus tam naturalibus parentibus, quam adoptiuis per filios familiarum acquiritur in iis rebus, quæ extrinsecus filiis obueniunt, dominio eis integro seruato. Mortuo autem filio adrogato in adoptiua

riua familia etiam dominium[erum] eius ad adrogatorem pertransit: nisi supersint alia personæ, quæ ex constitutione nostra patrem in iis, quæ adquiri non possunt, antecedant.

3. ¶ Sed ex diuerso, pro eo quod is debuit, qui se in adoptionem dedit: ipso quidem iure adrogator non tenetur, sed nomine filij conuenitur: & si noluerit eum defendere, permittere creditoribus per competentes nostros magistratus bona, quæ eius cum usufructu futura fuissent, si se alieno iuri non subiecisset, possidere, & legitimo modo ea disponere.

expositi sunt duo modi acquirendi per vniuersitatem, hereditas, & bonorum possessio: sequitur tertius modus, nimirum acquisitio per arrogationem. Tres namque sunt arrogationis effectus. Vnus in persona arrogati spectatur, qui subiicitur potestati arrogatoris. *suprà de adopt. §. pen.* Alter ad arrogati liberos pertinet, qui transeunt in potestatem arrogatoris, quasi nepotes. *suprà de adoptione §. penult.* Tertius in rebus cernitur: quia res adrogati acquiruntur arrogatori, vt hoc tit. declaratur.

Princ.

Primò Imp. nectit hunc titulum cum precedentibus.

Secundò in vers. *qua neque* declarat originem huius acquisitionis, quæ moribus introducta est non scripto iure.

§. I.

Tertiò docet, quænam res ita acquirantur aut iure veteri, aut iure nouo. Ius vetus explicatur in §. i. vbi datur regula. quòd omnes res siue corporales, siue incorporeales adrogatori acquiruntur pleno iure: id est, plenum dominium, non tantum nuda proprietas, nec tantum usufructus arrogatori acquiritur. Additur exceptio earum rerum, quæ per capitis deminutionem, id est, per arrogationem pereunt. quod enim perit; alicui quæri non potest. Harum rerum exempla aliquot subiicit. Primum exemplum sunt operæ.

Nota I. Operas definiiri diurnum officium. *ff. de oper. lib. l. i.*

Nota II. Operas deberi vel à libertis, vt in *dist. tit. de oper. lib. vel à seruis*, vt in *tit. de oper. seru.* non ab hominibus ingenuis. *ff. de fideiuss. l. si quis. §. 6. in princ.* hoc autem loco intelligere oportet operas libertorum, non seruorum; quando

quandoquidem Imper. ait operas per capitis deminutionem interire : operæ autem seruiles capitis deminutione non pereunt. *ff. de oper. seru. l. 2. & de usufruct. leg. l. 2.*

Nota III. alias esse operas artificiales, alias officiales. *f. de condit. indel. l. si non sortem. 26. §. libertus.* Iustinianum autem in præsentia loqui de operis officialibus, non de artificialibus: quoniam artificiales cuicumque deberi, & ad quemcumque transferri possunt: officiales autem soli patrono debentur non alijs: proinde non possunt arrogatori acquiri. *ff. de eter. libert. l. fabriles. 6. l. opera. 9.* Secundum exemplum est ius agnationis. vide *supra d. legitim. adn. tut. §. ult.* Addit Iurp. vsum & viumfructum olim fuisse in harum rerum numero, quæ minima capitis deminutione pereunt: hodie verò manere etiam post capitis deminutionem. *supra de usufruct. §. ult.*

Ius nouum subicitur in *§. nunc autem.* vbi constituitur, vt arrogatori non quæratum plenum ius, sicut olim, sed tantum vsumfructus; mortuo autem filio arrogato etiam dominium acquiratur arrogatori, nisi supersint aliæ personæ, quæ arrogatori præferantur ex Iustiniani constitutione, quæ desideratur. Probabile autem est intelligi liberos & fratres arrogati, argum. *l. ult. C. commun. de succe.* Sed nouissimo iure fratres ex utroque parente coniuncti, ac talium fratrum filij simul cum parentibus succedunt. *Novell. 118. c. 2. & Nov. 127. cap. 1.*

Quartò in *§. ult.* declarat effectum dictæ acquisitionis. cum enim bona arrogati transferantur ad arrogatorem, consequens est, vt etiam æs alienum ad eum aliquo modo transferatur: quamuis ex contractu arrogati non teneatur ipso iure id est, non teneatur iure civili, tamen nomine filij arrogati conueniri potest. *§. ult.*

Nota, hoc casu creditores, qui cum arrogato contraxerant ante adrogationem, posse agere, vel contra ipsum arrogatū ex edicto de capite minutis. *ff. de cap. min. l. 2. §. 1.* vel contra patrem qui arrogauit. hic autem conueniri potest, vel quasi defensor filij, vel de peculio. *ff. de pact. l. acquirant. 19. §. 1. & l. seq.* quasi defensor filij in solidum conuenitur: & si nolit eum defendere, creditores mittentur in possessionem bonorum, quæ arrogatus ad arrogatorem transtulit, vt hoc loco Iustinianus docet. Actione etiam de peculio conueniri posse constat. *ff. de adopt. l. pen. & de pec. l. in arrogatorem.*

43. quæ non est in solidum, sed pro peculij quantitate *infra de actionibus. §. sunt præterea.* & hac actione dici potest conveniri suo nomine. *ff. de pecun. constit. l. 1. §. ult. & de solut. l. si ita stipulatus. §. 9.* quia hæc datur in patrem; non in filium; dici etiam potest conveniri nomine filij. *ff. de quibus ex caus. in possess. ent. l. 7. §. si quis actione.* quatenus non ex suo, sed ex filij contractu convenitur. Sed verba contextus ostendunt Iustinianum hic loqui de actione, qua arrogator, non de peculio, sed filij nomine convenitur, ut vel filium defendere, vel missionem in bonorum, quæ ad arrogatum pertinebant, possessionem pati cogatur.

AXIOMATA.

- 1 Operarum officialium obligatio est personalis, quæ personam non egreditur. §. 1.
- 2 Ius adgnationis minima capitis deminutione perit. d. §. 1. coniun. §. ult. *suprà de legit. adgn. tutel.*
- 3 Filij arrogati comparantur filiis naturalibus. §. 2. coniun. §. in plurimis. *suprà de adopt. & §. adoptiu. suprà de exher. liber.*

De eo cui libertatis causâ bona addicuntur.

TIT. XI.

Accessit novus casus successionis ex constitutione diui Marci. Nam si ij, qui libertatem acceperunt à domino in testamento, ex quo non aditur hereditas, velint bona sibi addici libertatum conservandarum causa, audiuntur.

1 ¶ Et ita diui Marci rescripto ad Pompilium Rufum continetur. verba rescripti ita se habent: Si Verginio Valenti, qui testamento suo libertatem quibusdam adscripsit, nemine successore ab intestato existente,

stente, in ea causa bona [eius] esse ceperunt, ut venire debeant: is, cuius de ea re notio est, aditus rationem desiderij tui habebit, ut libertatum tam earum, quæ directo, quam earum quæ per speciem fideicommissi relictæ sunt, tuendarum gratia addicantur tibi: si idoneus creditoribus caueris de solido, quod cuique debetur, solvendo. Et ij quidem, quibus directa libertas data est, perinde liberi erunt, ac si hereditas adita esset. Ij autem, quos heres manumittere rogatus est, à te libertatem consequentur: ita, ut si non alia conditione velis tibi bona addici, quam ut [ij] etiam, qui directo libertatem acceperunt, tui liberi fiant. Nam huic etiam voluntati tuæ, si ij, quorum de statu agitur, Consentiant, auctoritatem nostram accommodamus. Et ne huius rescriptionis nostræ emolumentum alia ratione irritum fiat: si fiscus bona agnoscere voluerit, & ij, qui rebus nostris attendunt, sciant commodo pecuniario præferendam esse libertatis causam: & ita bona cogenda, ut libertas iis salva sit, qui eam adipisci potuerunt, ac si hereditas ex testamento adita esset.

2 ¶ Hoc rescripto subuentum est & libertatibus, & defunctis, ne bona eorum à creditoribus possideantur & veniant. Certe si fuerint hac de causa bona addicta: cessat bonorum venditio, existit enim defuncti defensor, & quidem idoneus, qui de solido creditoribus cauet.

3 ¶ In primis hoc rescriptum totiens locum habet, quotiens testamento libertates datæ sunt. Quid ergo si quis intestatus decedens, codicillis libertates dederit, neque adita sit ab intestato hereditas: [an] fauor constitutionis debebit locum habere? Certe si intestatus decesserit, & codicillis dederit libertatem
tem

tem competere eam : nemini dubium est.

4 § Tunc [enim] constitutioni locum esse verba ostendunt, cum nemo successor ab intestato existat. Ergo quandiu incertum erit, utrum existat, an non : cessabit constitutio. Si vero certum esse coeperit, neminem existere : tunc erit constitutioni locus.

5 § Si is, qui in integrum restitui potest, abstinerit hereditate : an quamvis potest in integrum restitui, possit admitti constitutio, & bonorum addictio fieri ? Quid ergo si post additionem libertatum conservandarum causa factam in integrum sit restitutus : utique non erit dicendum reuocari libertates : quia semel competierunt.

6 § Hæc constitutio libertatum tuendarum causa introducta est. Ergo si libertates nullæ sunt datae : cessat [hæc] constitutio. Quid ergo si viuis dederit libertates, vel mortis causa; & ne de hoc quaeratur, utrum in fraudem creditorum, an non factum sit idcirco velint sibi addici bona, an audiendi sint ? Et magis est, ut audiri debeant, etsi deficient verba constitutionis.

7 § Sed cum multas diuisiones eiusmodi constitutioni deesse perspeximus, lata est à nobis plenissima constitutio, in qua multæ species collatae sunt, quibus ius huiusmodi successionis plenissimum est effectum, quas ex ipsius lectione constitutionis potest quis cognoscere.

Hoc titulo declaratur quartus modus acquirendi per vniuersitatem cum defuncti bona, nemine hereditatem, vel bonorum possessionem admittente, attribuuntur libertatis causa,

causa, id est, attribuuntur ei, qui cauet se libertates in testamento, vel codicillis relictas præstiturum, dummodò etiam caueat de debito creditoribus hereditariis in solidum soluendo. Hæc additio fit per iudicem competentem. *infr. hoc tit. §. 1.* Is autem cui bona addicta sunt, assimilatur bonorum possessori. *ff. de fideicom. hered. l. 4. §. si autem.*

Primò Imper. nectit hunc titulum cum præcedentibus, Princ. & proponit summam rescripti D. Marci, quo rescripto hic modus acquirendi introductus est, ostendit ergo iis, qui libertatem in testamento acceperunt, id est quibus testator libertatem reliquit, bona defuncti addici, si ex eo testamento nemo adeat hereditatem.

Nota I. Bona posse addici, non solum iis, quibus libertas relicta est, sed etiam aliis legatariis & fideicommissariis: immò etiam extraneis, qui non sunt nominati in testamento. *C. de testam. manum. l. ult. in princ.*

Nota II. Non solum iis posse bona addici, quibus in testamento libertas relicta est, sed etiam iis, quibus relicta est in codicillis, *infrà hoc tit. §. in primis.*

Nota III. Non solum opus esse, ut nemo hereditatem adiuerit, sed etiam ut nemo bonorum possessionem petierit, & generaliter ut nullus sit successor ex testamento, vel ab intestato. *infrà §. 1.* §. 1.

Secundò in *§. 1.* proponit verba dicti rescripti, cuius tres sunt partes. Prima pars ostendit, quænam requirantur ut alicui bona addici possint, & inter cætera requirit, ut is, qui bona sibi addici postulat, idoneè, id est, satisfactò caueat de solido creditoribus hereditariis (id est, vni nomine omnium. *ff. de fideicommiss. libert. l. 4. §. creditoribus*) soluendo, id est, de sorte & usuris. *d. l. 4. §. de solido.* Secunda pars in versic. *et ij*, declarat illius additionis effectum. Tertia pars in versic. *et ne huius*, producit suprà dicta ad fiscum, si fiscus petat bona sibi addici.

Tertiò in *§. hoc rescripto*, utilitatem ostendit dicti rescripti: in quo spectatur fauor tam eorum, quibus libertates relictæ sunt, ut ad libertatem peruenire possint, quàm ipsius defuncti, ne eius bona à creditoribus distrahantur.

Quartò docet, quibus casibus hæc bonorum additio locum habeat, ubi dat aliquot regulas. I. Hæc additio locum habet siue libertates relictæ sint in testamento, siue in codicillis ex testamento factis, siue in codicillis ab intestato fa-

Etis. §. in primis Quoniam autem verba huius §. non carent obscuritate: vt ea tollatur,

Nota primo in versic. *vid. ergo. pro. an fauor.* auctoribus libris scriptis legendum *paror*, deleta particula *an*.

Nota secundo, p. *omnestas*, legendum *testatus*, vt Theophilus legit, & in v. libris scriptum est. sensus enim totius §. est, bona addici posse tribus casibus. Vnus est, cum libertates datae sunt in testamento. alter est in versic. *quid ergo.* cum libertates relictæ sunt in codicillis ab intestato factis. Tertius casus est in versic. *erit*, cum libertates relictæ sunt in codicillis à testatore factis.

§. 4. II. Addictio bonorum est locus ita demum, si certum sit nulum successorem existere §. *tunc*. Nota, particulam *enim* in princ. huius §. delendam esse, quæ rectè abest à libris manuscriptis.

§. 5. III. Si minor heres institutus abstineat hereditate, bona addici possunt libertatum seruandarum causa: & si postea minor restituatur, vt hereditatem accipiat, datae libertates non reuocantur §. *si is qui*, quia regulariter & in vniuersum non datur restitutio contra libertates, quæ semel competierunt. *suprà qui & ex quib. caus. man. non poss.* §. *semel.* & ff. de min. l. *si ex causa.* §. *ult.* & tot. tit. C. *si aduers. libe. t.*

§. pen. IV. Si nullæ libertates datae sint, non admittitur bonorum addictio. §. *pen. in princ.* V. Si libertates inter viuos datae sint, bona addici possunt, ne hæ libertates retractentur, quasi datae in fraudem creditorum. *dict. §. penult. versic. quid ergo.*

§. ult. Sunt & aliæ regulæ, quas Imper. non refert hoc loco, sed ex sua constituit. peri iubet in §. *ultim.* id est, ex l. *ultim. C. de testament. manum.*

AXIOMATA.

- 1 Libertas præfertur commodo pecuniario. §. *t. coniu. §. ante heredis. suprà de legat.*
- 2 Libertas, quæ semel competiit, non reuocatur. §. *5. coniu. §. semel*, *suprà qui & ex quib. caus. man. non poss.* & l. *si ex causa.* §. *ult.* ff. de minor. & tot. tit. C. *si adu. libe.*
- 3 Cessante causa, cessat effectus. §. *pen.*

*De successione sublati, quæ fiebant per
bonorum venditionem, & ex Sena-
tusconsulto Claudiano.*

TIT. XII.

ERant ante prædictam successionem olim & aliz per vniuersitatem successiones, qualis fuerat bonorum emptio, quæ de bonis debitoris vendendis per multas ambages fuerat introducta, & tunc locum habebat, quando iudicia ordinaria in usu fuerant. sed cum extraordinariis iudiciis posteritas usa est: ideo cum ipsis ordinariis iudiciis etiam bonorum venditiones expirauerunt, & tantummodo creditoribus datur officio iudicis bona possidere, & prout vtile eis visum est ea disponere, quod ex latioribus Digestorum libris perfectius apparebit.

I ¶ Erat & ex senatusconsulto Claudiano miserabilis per vniuersitatem adquisitio. cum libera mulier serui amore bacchata ipsam libertatem per senatusconsultum amittebat, & cum libertate substantiam: quod indignum nostris temporibus esse existimantes, & à nostra ciuitate deleri, & non inseri nostris Digestis concessimus.

Præter quatuor modos acquirendi per vniuersitatem hætenus expositos, erant olim alij duo, qui hoc titulo proponuntur, quamuis non sint amplius in usu.

Primus est per bonorum emptionem, cum bona debitoris, qui non erat soluendo, solemniter distrahebantur.

Princi

in princ tit.

Secundus erat ex senatusconsulto Claudiano, cum mulier

§. i.

1. Ec 2

seruo

seruo alieno miscebatur contra domini voluntatem. nam si post trinam domini denunciationem nihilominus seruo iungeretur, eiusdem domini serua fiebat, & vniuersa eius bona domino acquirebantur, *S. erat. & C. de Senatus-consult. Claud. toll. l. vn. Vlp. tit. 51.*

De Obligationibus.

TIT. XIII.

Nunc transeamus ad obligationes. Obligatio est iuris vinculum, quo necessitate adstringimur alicuius rei soluendæ secundum nostræ ciuitatis iura.

1 ¶ Omnium autem obligationum summa diuisio in duo genera diducitur. namque aut ciuiles sunt, aut prætorix. Ciuiles sunt, quæ aut legibus constitutæ, aut certo iure ciuili comprobatae sunt. Prætorix sunt, quas prætor ex sua iurisdictione constituit, quæ etiam honorariæ vocantur.

2 ¶ Sequens diuisio in quatuor species diuiditur. Aut enim ex contractu sunt, aut quasi ex contractu, aut ex maleficio, aut quasi ex maleficio. Prius est, ut de iis, quæ ex contractu sunt, dispiciamus. Harum æque quatuor sunt species. Aut enim re contrahuntur, aut verbis, aut literis, aut consensu. de quibus singulis dispiciamus.

Iudicio petimus aut per rei vendicationem res quæ sunt in nostro dominio, aut per condictiorem res nobis debitas. Hinc duo sunt capita tractatus de rebus, vñ de dominio alterum de obligatione. Dominium est ius in re; obligatio verò est ius ad rem. Quoniam igitur de rerum dominio hucusque dictum fuit, meritò nunc agitur de obligationibus.

Princ. Primo Imp. hunc tractatum proponit in primis tituli verbis

verbis. Secundò in verb. *obligatio*, definit obligationem, quam inquit esse iuris vinculum, quo necessitate adstringimur alicuius rei soluendæ secundum nostræ ciuitatis iura.

Nota I. hic definiri civilem obligationem non naturalem, quæ minùs propriè dicitur obligatio. ff. de fideiussor. l. fideiussor. 16. §. naturale. idcirco ait, secundum nostræ ciuitatis iura.

Nota II. obligationem dici iuris vinculum, quæuis propriè loquendo non sit vinculum, sed effectus vinculi: iuris enim vinculum est contractus, vel quasi contractus, vel delictum, vel quasi delictum. obligatio verò est deuinctio quæ per hæc vincula fit. his enim vinculis, id est, contractibus, aut delictis, quodammodo ligamur, & creditoribus nostris deuincti sumus.

Nota III. necessitatem, qua obligatio adstringit, esse multiplicem: alia namque est arctior & validior, alia lenior & infirmior: quandoquidem alij tenentur præcisè aliquid dare, vel facere, alij per aliquam exceptionem possunt hanc soluendi necessitatem vitare.

Nota IV. vi obligationis aliquam rem soluendam esse, non quia res illa sit per obligationem affecta, sed quia persona debitoris ad eam rem soluendam est obligata.

Nota V. aliquam rem esse soluendam, vel quia danda est, vel quia facienda, vel quia præstanda. ff. hoc tit. l. 3. Datur res, cum eius dominium in accipientem transfertur. Instit. de actionibus §. sic itaque. vt in mutuo, infra tit. prox. in princ. Fit, veluti cum sit insula, aut alia res, quæ non erat. Præstari dicitur, cum sine translatione domini traditur, vt in composito. Sic igitur sunt tria membra: dare, facere, præstare, interdum ponuntur tantum duo membra: datio, seu res, & factum, infra de verbor. oblig. in princ. & §. vit. tuncque dandi vocabulum accipitur latius, vt complectatur etiam præstationem, seu traditionem sine translatione domini.

Tertiò subiicit obligationum diuisiones sumptas à causa efficiendi. Prima diuisio (quam summam vocat, id est, maximam, vt exposui supra de iure personarum, in princ.) est in §. I in quo dictæ obligationes diuiduntur in civiles, & prætorias, siue honorarias.

Nota I. verbum, *civile*, esse homonymum. quâdoque enim opponitur prætorio: atque ita dicimus alias esse civiles obligationes, alias prætorias. interdum opponitur naturali:

in qua significatione omnes obligationes, de quibus hîc agitur, sunt ciuiles. iam enim monui naturales prætermitti. Ergo obligatio ciuilis, id est, non naturalis, diuiditur in ciuilem & prætoriam. Sic idem est nomen generis & speciei, vt in multis iuris partibus contingit.

Nota II. ciuiles obligationes appellari non solum ea, quæ iure ciuili sunt constitutæ, vt ex stipulatione; sed etiâ eas, quæ iure gentium introductæ, & iure ciuili comprobatæ sunt; vt ex empto vendito, ex locato conducto, ex mutuo, deposito, commodato: quia ius ciuile ita eas confirmat, vt inde ciuiles actiones det. Prætoriam autem dicuntur ex tantum, quas prætor introduxit. nam quæ iure ciuili constitutæ, & iure prætorio comprobatæ sunt, non dicuntur obligationes prætoriam, sed ciuiles: quia ex eis prætor non dat prætorias, sed ciuiles actiones. alioquin omnes obligationes essent prætoriam: quia prætor in edicto omnes actiones pollicetur, tam ciuiles, vt depositi, comodati, quàm prætorias, vt in factum, de pecunia constituta, & alias plurimas.

Nota III. appellatione obligationum prætoriarum contineri etiam ædilitias *infra de diuis. stipul. §. prætoriam*. non quasi ædiles à prætoribus non differant, sed quia sumitur appellatio à maiori parte. plurima namque sunt prætoria edicta, pauca ædilitia, de quibus in tit. ff. de ædile. edict.

§. ult. Secunda diuisio est in §. *sequens*. quod omnis obligatio vel est ex contractu, vel ex quasi contractu, vel ex maleficio, vel ex quasi maleficio. Quidam putant esse aliquas obligationes, quæ ad nullum ex his quatuor mēbris referantur, propterea quod Iureconsultus in l. i. in princ. ff. hoc tit. scribit obligationes oriri vel ex contractibus, vel ex delictis, vel ex variis causarum figuris. Ego iis assentior qui varias causarum figuras eo loco accipiunt pro quasi contractibus & quasi delictis, & omnino puto nullam esse obligationem, quæ non oriatur ex aliqua ex his quatuor causis. aut enim aliquid peccatum est, aut non. Si quid est peccati. vel admissum est dolo malo, & est delictum: vel culpâ, & est quasi delictum. Si verò nihil sit peccati: aut nascitur obligatio ex mutuo consensu, cui ius vim pariendæ actionis tribuit; & est contractus: aut deficit mutuus consensus, vt in negotiis absentis gestis, & est quasi contractus: aut est mutuus consensus inefficax ad pariendam obligationem; tuncque est pactum nudum, quod hoc loco prætermittitur, quia loquimur in præsentia

præsentia de civili obligatione, pacta autem nuda non pariunt civilem, sed tantum naturalem obligationem. Porro contractus subdividuntur in quatuor genera. aut enim re perficiuntur, aut verbis, aut literis, aut consensu.

Nota I. Iustinianus hic tantum loqui de contractibus nominatis, id est, ex quibus lex XII. tab. nominatim actionem dedit: alij sunt contractus innominati, nempe do ut des, do ut facias, facio ut des, facio ut facias, de quibus *in l. 5. ff. de præscr. verbis*. Dicuntur autem innominati, quia lex. XII. tab. nullam eorum mentionem fecit. quod autem actionem pariât, receptum est per interpretationem Iureconsultorum, quatenus aliquo modo sunt similes contractibus nominatis.

Nota II. omnes contractus innominatos re perfici. *ff. de rer. permut. l. 1. §. item emptio.*

Nota III. cum dicimus contractum re perfici, rei appellatione significari rei traditionem. Exempli gratia, non est emptio & venditio sine re quæ vaneat. *de contrah. m. l. 8. in princ.* nihilominus tamen hic contractus non dicitur fieri re sed consensu: quia ad perficiendam venditionem, & ut ex ea nascatur obligatio, non requiritur rei traditio, sed conventio & consensus de re tradenda. Similiter cum dicimus contractum perfici verbis, aut literis, non excludimus omnino rem, quia omnis contractus est de re aliqua, sed tantum significamus, verba, vel literas esse principalem partem illius contractus, atque eum contractum perfici sine rei traditione.

Nota IV. cum dicimus aliquos contractus perfici consensu, ut venditionem & locationem, nos intelligere solum consensum: ut sensus sit hos contractus posse fieri sine rei traditione, sine verbis, sine literis, dummodo contrahentium consensus quocumque modo appareat. ceterum omnis contractus consensum requirit, nec est ullus contractus sine mutuo contrahentium consensu. *ff. de pact. l. 1. §. conventioni, v. l. 1. d. d.*

Quibus modis re contrahitur obligatio.

TIT. XVI.

RE contrahitur obligatio, [veluti] mutui datione. Mutui autem datio in iis rebus consistit

sistit, quæ pondere, numero, mensura constant: veluti vino, oleo, frumento, pecunia numerata: ære, argento, auro: quas res aut numerando, aut metiendo, aut adpendendo in hoc damus, ut accipientium fiant. Et quoniam nobis non eadem res, sed aliæ eiusdem naturæ & qualitatis redduntur: inde etiam mutuum appellatum est, quia ita à me tibi datur, ut ex meo tuum fiat: & ex eo contractu nascitur actio quæ vocatur condictio.

1 § Is quoque qui non debitum accepit ab eo, qui per errorem soluit, re obligatur: daturque agentis contra eum propter repetitionem condictitia actio. Nam perinde ei condici potest, si apparet eam dare oportere, ac si mutuum accepisset. Vnde pupillus, si ei sine tutoris auctoritate indebitum per errorem datum est, non tenebitur indebiti conductione: non magis, quam mutui datione. Sed hæc species obligationis non videtur ex contractu consistere: cum is, qui soluendi animo dat, magis voluerit negotium distrahere, quam contrahere.

2 § Item is, cui res aliqua utenda datur, id est, commodatur, re obligatur, & tenetur commodati actione. Sed is, ab eo qui mutuum accepit, longè distat. namque non ita res datur, ut eius fiat, & ob id de ea re ipsa restituenda tenetur. Et is quidem, qui mutuum accepit, si quolibet fortuito casu amiserit, quod accepit: veluti incendio, ruina, naufragio, aut latronum hostiumve incursum: nihilominus obligatus remanet. At is, qui utendum accepit, sane quidem exactam diligentiam custodiendæ rei præstare iubetur: nec sufficit ei tantam diligentiam adhibuisse, quantam suis rebus adhi

adhibere solitus est; si modo alius diligentior poterat eam rem custodire: sed propter maiorem vim maioresue casus non tenetur, si modo non ipsius culpa is casus interuenit. alioqui si id, quod tibi commodatum est domi, peragre tecum ferre malueris & vel incurfu hostium prædonumve, vel naufragio amiseris: dubium non est, quin de restituenda ea re tenearis. Commodata autem res tunc proprie intelligitur, si nulla mercede accepta vel constituta, [res] tibi vtenda data est: alioqui mercede interueniente, locatus tibi vsus rei videtur: gratuitum enim debet esse commodatum.

3 § Præterea & is, apud quem res aliqua deponitur, re obligatur, teneturque actione depositi: quia & ipse de ea re, quam accepit, restituenda tenetur. Sed is ex eo solo tenetur, si quid dolo commiserit. culpæ autem nomine, id est, desidii ac negligentia, non tenetur. Itaque securus est, qui parum diligenter custoditam rem furto amiserit: quia qui negligenti amico rem custodiendam tradit, [non ei,] sed suæ facilitati id imputare debet.

4 § Creditor quoque, qui pignus accepit, re obligatur: quia & ipse de ea re, quam accepit, restituenda tenetur actione pignoratitia. Sed quia pignus vtriusque gratia datur, & debitoris, quo magis pecunia ei credatur, & creditoris, quo magis ei in tuto sit creditum: placuit sufficere, si ad eam rem custodiendam exactam diligentiam adhibeat, quam si præstiterit: & aliquo fortuito casu rem amiserit: securum esse, nec impediri creditum petere.

Hoc titulo non explicantur omnes obligationes, quæ ex re nascuntur, sed hæ tantum, quæ re contrahuntur, id est,

quæ nascuntur, ex contractu re celebrato. nam obligationes, quæ non ex contractibus, sed ex aliis causis oriuntur, omnes ex re nascuntur, ut ex quasi contractu *infra hoc tit. §. 1. & infra de oblig. qua quasi ex contr. §. item is.* & ex delicto. *infra de oblig. qua ex delicto nascunt. in princip.* Porro cum alij sint contractus nominati, alij innominati, Imp. hoc loco loquitur tantum de contractibus nominatis, ut superiori titul. exposui. Hi contractus nominati, qui reperficiuntur, quatuor sunt: mutuum, commodatum, depositum, & pignus. Mutuum transfert rei dominium in accipientem. *infra hoc tit. in princ.* commodatum transfert usum. *infra eod. §. item is cui.* depositum custodiam. *infra eod. §. præterea.* & ff. *depos. l. 1. in princ.* pignus possessionem. ff. *de pign. act. l. si rem alienam. 9. §. propriè.* Mutuum est contractus, quo datur quantitas, hac lege, ut res eiusdem generis & quantitatis reddatur. Commodatum est contractus, quo res ad certum, usum gratis traditur, hac lege, ut eadem species finito usu restituatur. Depositum est contractus quo res gratis custodienda traditur, hac lege ut eadem species restituatur. Pignus est contractus, quo res traditur creditori, quo magis id, quod ei debetur, in tuto sit, hac lege ut soluto debito, vel si aliter creditori satisfactum fuerit, debitori restituatur.

Princ.

De mutuo tractatur *in princ. tit.* de quo hæc explicantur. I. Genus. nam mutuum refertur inter eos contractus, qui re perficiuntur. II. Materia, id est, quæ res mutuò dentur. non enim omnes res in mutuum cadunt, sed eæ tantum, quæ à Doct. vocantur fungibiles, id est, quæ numero, pondere, vel mensurâ constant. cuiusmodi sunt vinum, oleum, frumentum, pecunia numerata, & id genus cætera: hæc namque res dicuntur recipere functionem, id est, usum in genere suo. ff. *de reb. cred. l. 2. §. 1.* ut putà si tibi dem mutuo decem aureos: in hac obligatione non spectatur aurum, nec certum corpus sed quantitas, seu numerus: adeò ut nihil referat, utrum mihi offeras decem aureos. an eandem quantitatem in alia moneta, puta 30. francos. Si qui quærat, quænam constant numero, vel pondere, vel mensurâ: respondebo, usum spectandum esse: alioquin omnes res numerari possunt, proinde omnes dicerentur numero constare. ite res numero constantes, ut pecuniam numeratam possumus appendere, vel metiri. præterea eadem

eadem res, ut oleum alibi appenditur, alibi ad mensuram venditur. ergo ibi pondere, hic mensurâ constat. III. Forma, ad quam tria referuntur. Vnum est, ut res, quæ in mutuum venit, numeretur, aut mensuretur, aut appendatur: alioquin non erit verum mutuum, sed contractus innominatus. Intellige rem numero constantem numerari: vel mensurâ constantem mensurari: vel pondere constantem appendi, ut verum mutuum dicatur. verbi gratiâ, si tibi mutuo dem vinum ad pondus, aut nummos ad mensuram, non est propriè mutuum: sed contractus innominatus. Alterum est, ut hæ res dentur, id est, ut earum dominium in accipientem transferatur: quia non est mutuum, nisi fiat de meo tuum. *§. de reb. cred. d. l. 2 §. appellato.* Atque hoc est proprium mutui. Sed cum proprium aliquid dicatur vel omnino & simpliciter, ut aptitudo ad ridendum est hominis propria; vel per comparisonem cum altero, ut hominis proprium est esse bipedem, ad differentiam animalium quadrupedum. *Topic. lib. 5. c. 1.* intellige hoc esse proprium mutui, non simpliciter, sed respectu aliorum contractuum nominatorum. quamvis enim ex multis causis dominium transferatur, ut donatione, & cōtractu innominato do ut des tamen nullus est contractus nominatus, præter mutuum, qui dominium transferat. Tertium est, ut res detur hac lege, seu conditione, ut aliquo tempore idem restituatur, id est, non eadem species, sed idem genus: adeò ut res mutuo data, & res quæ solui debet, sint eiusdem naturæ. seu generis, & eiusdem quantitatis, & eiusdem qualitatis, seu bonitatis. verbi gratiâ, mutuo tibi do amphoram vini Campani optimi, non ut reddas frumentum, vel pecuniam, sed vinum: nec plus, aut minus, quàm tibi dedi, sed ut reddas amphoram vini Campani optimi.

Notandum est, ex pacto fieri posse, ut minus reddatur, quàm datum sit; quia pro parte est mutuum, pro parte donatio: pacto autem fieri non posse, ut plus debeat, quàm datum sit; quia obligatio re contrahi non potest, ultra id quod datum est. *ff. de pactis, l. si tibi. 17. in princip. & de rebus creditis, l. rogasti. 11. §. 1.* Rursus pacto quidem fieri potest ut aliud genus debeat, veluti ut pro frumento dato debeat vinum; sed tunc est contractus innominatus, non mutuum. IV. Etymologia. dicitur enim mutuum, quia fit de meo tuum, id est, quia transfertur dominium in accipientem, ut paulò antè exposui. V. Effectus.

nam ex hoc mutui contractu nascitur actio, quæ vocatur certi conditio.

Notandum insuper, Doct. vulgò duas facere certi conditiones: alteram generalem, quæ datur ex variis causis: alteram specialem, quæ datur ex mutuo. Ego eis assentior, qui putant vnam esse certi conditionem generalem, tam ex mutuo, quàm ex aliis quibuscumque causis, ex quibus certum petitur, competentem. ff. de reb. cred. l. l. certi. 9.

§4.

Poſt hæc in §. i agitur de ſolutione indebiti: non quia ſit contractus; ſed quia eſt ſimilis mutuo. hoc igitur loco declarantur ſimilitudines & deſcrimen inter mutuum & ſolutionem indebiti. Similitudines ſunt tres. I. Vtroque calu naſcitur obligatio ex re, id eſt, ex mutui numeratione, vel ex indebiti ſolutione.

Notandum eſt nos loqui de ſolutione per errorem facta, vt Iuſtin. in contextu diſertè notat: propterea quòd is, qui ſciens & prudens ſoluit quod nõ debet, non obligat accipiẽtem ad reſtituendum quod accipit: quia videtur ei donare. ff. de diu. reg. iur. l. cuius 53. Rurſus cùm alius ſit error facti, veluti ſi quis putet pecuniam ad ſe legatam eſſe, quæ non ſit legata; alius error iuris, veluti ſi quis putet deberi legatum ex teſtamento imperſectò: in præſentia intelligimus errorem facti. talis enim error ſoluentem excuſat, eiſque ſolutæ pecuniæ repetitionẽ tribuit. qui verò per errorem iuris ſoluit indebitum, repetere non poteſt. C. de iur. & ſa. l. ignor. l. cum quis 10. & ad leg. Fal. l. error. 9 II. Ex vtraque cauſa datur certi conditio ad repetendum quod datum eſt III. Qui non poſſunt obligari ex mutuo, vt pupillus ſine tutore, ſimiliter non obligantur ad reſtituendũ quod indebitè acceperunt, niſi ſcilicet pupillus factus ſit locupletior. nam generaliter ne locupletetur cũ iactura alterius, pupillus ſine tutore obligatur, & ex conſtitutione diui Pij cõueniri poteſt, in quantum factus eſt locupletior ff. commod. l. 3. in prin. & de auſt. tut. l. 5. in princ. cum ſimilibus Differentiæ ſunt quatuor, quarum prima ſola in contex. proponitur. I. Mutuum eſt verus contractus, ſolutio indebiti eſt potiùs diſtractus, & inter quaſi contractus numeratur. inſtr. de o. l. qua quaſi ex contr. §. item is. II. Mutuò dantur ex tantũ res, quæ numero, pondere, vel menſurâ conſtant, vt ſuprà expoſitum fuit: indebitè autem ſolui poſſunt quæcumque res, vt pecunia. ff. de condit. indebit. l. ſi poena, 19. §. ſi falſo. & §. v. l. & ſeruus. ead. l. §. ſi putem

putem. & res incorporales ff. eod. l. si fundi, 12. III. Actio ex mutuo semper est certi conditio, vt dictum fuit in fine principij; quia semper certum est, quod mutuo datur: sed conditio indebiti interdum est conditio incerti, videlicet cum res incerta soluta est, veluti res incorporalis. ff. de condit. indebit. l. indebitis § 1. l. sed et ff. 22. § 1. IV. Ratio iuris dat actionem ex mutuo. naturalis autem æquitas dat conditionem indebiti ff. eod. l. nam hoc natur. 14. contra rationem stricti iuris. ff. de reb. cred. l. non omnis. 19. in pr.

De commodato agitur in §. item is vbi declarat Imp. huius contractus genus, effectus, & proprietatem quandam, per quam ab usu rei locatio distinguitur, licet utroque modo usus rei concedatur. Ad genus quod attinet, inter eos contractus refertur, qui re perficiuntur. §. 2.

De effectu huius contractus quatuor notantur. I. Ex hoc contractu datur commodatori actio commodati aduersus commodatarium, vt finito usu cogatur rem restituere. Hac est commodati actio directa. Alia est actio contraria, quæ datur commodatario contra commodatorem, vel ad recipiendas impensas necessarias, siue vtilis in rem commodatam factas, vel vt consequatur quod sua interest, si damnum ex eo passus sit, quod commodata sit res vitiosa, puta quia corruptum est vinum quod positum fuit in vase vitioso. ff. commodat. l. in rebus 18. §. pen. II. Per hunc contractum usus rei transfertur ad commodatarium. non etiam dominium. vt in mutuo fieri diximus. III. Commodatarius tenetur reddere eandem speciem, id est, idem corpus, quod accepit, idque non deterioratum. ff. eod. l. 3. §. 1. & hac quoque ratione distinguitur à mutuo, propterea quod is qui mutuum accepit, non tenetur reddere eandem speciem, sed idem genus, vt in princ. tit. expositum fuit. IV. Commodatarius in re commodata custodienda præstare debet diligentiam exactam, vt inquit Imp. in vers. at is, qui vim autem maiorem, aut casus fortuitos non præstat: veluti si hostium, aut latronum imperu rem amiserit, non tenetur. Quod dictum est de exacta diligentia, sic debet accipi, vt exacta accipiat pro exactissima cum enim hic contractus commodatarij gratia celebretur, merito summam diligentiam præstare debet. ff. eod. l. in rebus, in princ. & de obl. & act. l. 1. §. 1. ille.

Obiter nota, nomen superlatiuum contineri sub positiuo, quasi speciem sub genere, quod enim est optimum, recte appellatur

appellatur bonum. *ff. de verb. obl. l. ubi 75. §. usque*, atque ita hoc loco exactissima diligentia vocatur exacta. Est autem exactissima diligentia, quam diligentissimi patres familiarum, quales pauci reperiuntur, adhibere solent. exacta verò dicitur, quam vulgo multi adhibent, qui habentur pro diligentibus patribus familiarum, quòd si hac sit minor diligentia, tunc non dicitur diligentia exacta, sed levis. Hæc dicta sint de effectu. Proprietas autem, qua commodatum ab usu rei locato seiungitur, est, quòd commodatum est gratuitum, in locatione autem merces interuenit. Adde quòd omne commodatum re contrahitur, ut suprà dictum fuit: omnis autem locatio consensu perficitur, *infra de oblig. ex consensu in princ.*

Nota, hîc considerari posse quatuor casus. I. Cùm tibi concedo ut re mea utaris non ad certum usum, sed ut possim repetere quandocumque velim, & ut totum à mea voluntate pendeat, non est contractus, sed precarium. II. Cùm rem tibi gratis concedo ad certum usum, est commodatum. III. Cùm tibi rem utendam certa mercede, est locatio & conductio. IV. Si tibi rem utendam dem incerta mercede, id est, tantum accepturus, quantum postea nobis videbitur, vel inuicem à te consecuturus aliquod commodum, quod non potest vocari merces, quia non consistit in pecunia, putà commodem tibi hodie meum equum, ut tu inuicem cras mihi commodes tuum: tunc est contractus innominatus. *infra de locat. & conduct. §. præterea.*

De deposito agitur in §. præterea. cuius contractus Imp. declarat genus, & effectus. Genus idem est, quod superiorum contractuum. nam etiam depositum re perficitur, id est, rei traditione. De effectibus tria notantur. I. Depositarius tenetur actione depositi, intellige actionem directam, per quam cogitur rem deposito acceptam restituere, & adde actionem depositi contrariam, per quam depositarius ab eo qui deposuit, impensas recipit, in rem depositam rectè factas. II. Depositarius tenetur reddere eandem rem, id est, eandem speciem, seu corpus. III. Tenetur tantum de dolo, sub, & lata culpa, quæ dolo comparatur. *ff. de pos. l. quod Nerva, 32.* culpa autem nomine non tenetur, id est, si rem negligenter custoditam amiserit, eo nomine conueniri non potest. Latam culpam committit, qui est negligentissimus, ita ut alij non soleant esse ita negligentes. Leuem culpam committit, qui est

est negligens. Leuissimam autem, qui est quidem diligens, sed minus quam debeat, id est, qui adhibet diligentiam exactam, eo casu quo tenetur adhibere diligentiam exactissimam.

De pignore disseritur in §. *ult.* ubi similiter explicatur genus, & tres effectus. Genus idem est, quod supra. nam pignus quoque re contrahitur. De effectu hæc notantur. I. Creditor tenetur reddere eandem rem, id est, ipsam speciem sibi pignoratam. subaudi, postquam debitum solutum, vel aliter creditori satisfactum fuerit. ff. *de pign. act.* l. 9. §. *omnis*. II. Creditor ad restituendum pignus tenetur actione pignoratitia. intellige actionem directam. nam contraria datur creditori aduersus debitorē, puta ad recipiendas necessarias impensas in pignus factas. ff. *ead.* l. *si necessarias*. 8. in *princ.* III. Creditor in pignore non solum præstat dolum, sed etiam diligentiam exactam, non exactissimam, & multo minus casus fortuitos, qui in nullo bonæ fidei contractu præstantur. C. *de pign. act.* l. 6. cum nullo humano consilio prævideri possint. ff. *de adm. rer. ad ciu. pert.* l. 2. §. *si eo*. Ideo autem præstat diligentiam exactam, quæ media est inter leuem & exactissimam; quia medium quodammodo locum tenet inter alios contractus: alij namque celebrantur dantis causa, vt depositum: alij tantum accipientis gratiâ, vt commodatum: alij vtriusque contrahentis gratiâ, vt pignus. Primo casu is qui rem accepit, tantum de dolo tenetur doli autem appellatione intelligitur etiam lata culpa. Secundo casu præstat diligentiam exactissimam. Tercio casu diligentiam exactam. vide l. 5. §. *nunc. videntum*, ff. *commod.* & l. *contractus*. 23. ff. *de diuer. reg. iur.*

A X I O M A T A.

- 1 Solutio non est contractus sed distractus, §. 1. coniu. §. *pen. infra de oblig. qua quasi ex contract.*
- 2 Casus fortuitus non liberat debitorem generis. §. 1. coniu. l. *incendium*. II. C. *si cert. pet.* Liberat tamen debito rem speciei, si ea species pereat. d. §. 2. coniu. §. *si res legata*, supra *de legat.* & l. *si ex legati*. 23. ff. *de verb. oblig.*
- 3 Commodatarius præstat diligentiam exactissimam, id est, dolum, & omnem culpam. d. §. 2.
- 4 Commodatum debet esse gratuitum. d. §. 2. coniu. §. *præterea*

præterea. infr. de locat. & conduct.

- 5 Depositarius tantummodò præstat dolum. §. pen. coniung. l. 5. §. nunc videndum est. ff. commoda.
- 6 Qui negligenti amico rem custodiendam tradit, sibi debet imputare, d. §. pen.
- 7 Pignus tam creditoris, quam debitoris gratiâ contrahitur. §. ult.
- 8 Creditor in pignore præstat diligentiam exactam, id est, dolum & culpam latam & leuem. d. §. ult.
- 9 Sublato accessorio non tollitur principale d. §. ult. licet è contrario, sublato principali tollatur accessorium *supr. de legat., axiom. 20.*

De verborum obligationibus.

T I T. XV.

Verbis obligatio contrahitur ex interrogatione, & responsione, cum quid dari fieri ve nobis stipulamur. ex qua duæ proficiscuntur actiones tam condictio certi, si certa sit stipulatio: quam ex stipulatu, si incerta sit. quæ hoc nomine inde vtitur, quod stipulum apud veteres firmum appellabatur, forte à stipite descendens.

¶ In hac re olim talia verba tradita fuerunt. *Spondes ? spondeo. Promittis ? promitto. [Fidepromittis ? fidepromitto.] Fideiubes ? fide iubeo. Dabis ? dabo. Facies ? faciam.* Vtrum autem Latina, an Græca, vel qualibet alia lingua stipulatio concipiat, nihil interest: scilicet si vterque stipulantium intellectum eius linguæ habeat: nec necesse est eadem lingua vtrumque vti, sed sufficit congruenter ad interrogata respondere. Quin etiam duo Græci Latina lingua obligationem contrahere possunt. Sed hæc solemnia verba olim quidem in usu

usu fuerunt: postea autem Leonina constitutio lata est, quæ solemnitate verborum sublata, sensum & consonantem intellectum ab utraque parte solum desiderat, quibuscumque tandem verbis expressum est.

2 § Omnis stipulatio aut pure, aut in diem, aut sub conditione fit. Pure, veluti, *quinque aureos dare spondes?* Idque confestim peti potest. In diem, cum adiecto die, quo pecunia solvatur, stipulatio fit. veluti, *decem aureos primis Calendis Martiis dare spondes?* Id autem quod in diem stipulamur, statim quidem debetur: sed peti prius, quam dies venerit, non potest; at ne eo quidem ipso die, in quem stipulatio facta est, peti potest: quia totus is dies arbitrio soluentis tribui debet. Neque enim certum est eo die, in quem promissum est, datum non esse, prius quam is præterierit.

3 § At si ita stipuleris, *decem aureos annuos, quoad vitam, dare spondes?* & pure facto obligatio intelligitur, & perpetuatur: quia ad tempus non potest deberi: sed heres petendo, pacti exceptione submouebitur.

4 § Sub conditione stipulatio fit, cum in aliquem casum differtur obligatio: ut si aliquid factum fuerit, vel non fuerit, committatur stipulatio. veluti, *Si Titius consul fuerit factus, quinque aureos dare spondes?* Si quis ita stipuletur, *si in Capitolium non ascendero, dare spondes?* perinde erit ac si stipulatus esset, cum moreretur, sibi dari. Ex condicionali stipulatione tantum spes est debitum iri: eamque ipsam spem in heredem transmittimus, si prius quam conditio exstet, mors nobis contingat.

F f

§ Loca

5 ¶ Loca etiam inseri stipulationi solent: veluti, *Carthagini dare spondes?* Quæ stipulatio licet purè fieri videtur, tamen re ipsa habet tempus adiectum, quo promissor utatur ad pecuniam Carthagini dandam. Et ideo si quis Romæ ita stipuletur, *hodie Carthagini dare spondes?* inutilis erit stipulatio, cum impossibilis sit repromissio.

6 ¶ Conditiones, quæ ad præsens vel præteritum tempus referuntur, aut statim infirmant obligationem, aut omnino non differunt, veluti, *Si Titius consul fuit, vel si Mauius viuit dare spondes?* Nam si ea ita non sunt, nihil valet stipulatio: sin autem ita se habent, statim valet. Quæ enim per rerum naturam sunt certa: non morantur obligationem, licet apud nos incerta sint.

7 ¶ Non solum res in stipulatum deduci possunt, sed etiam facta: ut si stipulemur aliquid fieri, vel non fieri, & in huiusmodi stipulationibus optimum erit pœnam subiicere, ne quantitas stipulationis incerto sit, ac necesse sit aëtori probare, quod eius intersit. Itaque si quis, ut fiat aliquid, stipuletur: ita adiici pœna debet, *Si ita factum non erit, tunc pœne nomine decem aureos dare spondes?* sed si quædam fieri, quædam non fieri, vna eademque conceptione stipuletur quis: clausula huiusmodi erit adiicienda, *Si aduersus ea factum erit: sine quid ita factum non fuerit: tunc pœna nomine decem aureos dare spondes?*

Olim triplex erat verborum obligatio. I. Ex stipulatione. II. Ex iureiurando liberti iurantis se munus, donum, operas patrono daturum. III. Ex dictione dotis. Caius lib. 2. *Instit. tit. de obligat.* Sed hanc postremam Iustin. fustulit. C. *de rei uxor. act. l. 1.* In præsentia dicendum est de stipulatione, quæ est contractus verbis celebratus. De hac Imp. sex docet,

et, Formam, materiam, effectum, etymologiam, solemnitatem, & diuisiones.

Forma explicatur in primis verbis huius tituli. Est autem *Principi* stipulationis forma in eo posita, vt stipulantis interrogatio præcedat, & promittentis congrua responsio sequatur: veluti, *dabis decem aureos? dabo.* *Materia* proponitur in vers. *cum quid.* ex quo intelligimus, in stipulationem venire, aut rem, veluti, *decem dabis* aut factum siue affirmatiuè, veluti, *adificabis mihi insulam* siue negatiuè, veluti, *in Capitolium non ascendes.* Coniunge cum hoc vers. *paragraph. ult. infra h.t.* Et obiter.

Nota, sub affirmatione contineri etiam negationem: quia sub verbo, *feri*, hoc loco continetur etiam non fieri, vt constat ex *d. paragrapho ult.*

Nota insuper Iustin. rectè dicere, *nobis stipulamur*; quia regulariter nemo potest alteri stipulari. *infra de inutil. stipul. §. si quis alij.* *Effectus* in vers. *ex qua*, est duplex actio, quæ ex stipulatione oritur. cum enim alia sit res certa, vt Stichus, & decem aurei; alia incerta, vt id quod interest: similiter alia est stipulatio certa, i. rei certæ, vnde datur certi condictio: alia incerta, id est, rei incertæ, vnde oritur actio ex stipulatu.

Notandum tamen est hoc verbum *actio ex stipulatu* bifariam accipi: quandoque propriè & angustè, vt hic, pro actione, quæ ex stipulatione persequitur rem incertam: quandoque latè pro omni actione, quæ ex stipulatione descendit, siue persequatur rem certam, siue incertam, vt in tit. *C. de rei uxor. act.* & alibi.

Notandum denique est, certi condictioem, quæ nascitur ex stipulatione certa, esse condictioem illam generalem, quam ex quibuscunque causis oriri, notauimus ad *princ. tit. præced.* *Etymologia* stipulationis est in vers. *qua hoc nomine.* vbi Imp. tradit à stipite dici stipulum, quod significat firmum: & à stipulo deducti stipulationem: quia hic contractus est omnium firmissimus, & ad alios quoque confirmandos adhiberi solet: vnde Cuiac stipulationem solet appellare *παυσίκτην*, quasi omnes obligationes complectentem.

Solemnitas stipulationis, quæ apud veteres in usu erat, postea abolita est, vt Imp. docet in §. 1. Ex quo notandū, stipulationem quacūque lingua fieri posse, vt Græca, vel Latina, vel Gallica: immo etiā diuersis linguis, veluti si stipulator Latinè interroget, ac promissor Gallicè respondeat: duo tā-

tūm requiri, ut stipulatio valeat. Vnum est, ut contrahentes se mutuò intelligant, siue eadem, siue diuersis linguis loquentur. Alterum est, ut adhibeatur forma de qua dictum est in princ. tit. id est, ut interrogatio stipulantis præcedat, & congrua promittentis responsio sequatur. Adde tertium requisitum, ut velint stipulationem contrahere cæteroqui iisdem verbis, quibus fit stipulatio, etiam pactum nudum fieri potest. ff. de pact. l. 7. §. quod ferè. adeò ut stipulatio à pacto seiungatur, non tam verbis, quàm mente & voluntate contrahentium.

§. 2.

*Diuisiones stipulationis in hoc tit. duæ traduntur, vtræque tripertita. Prima diuisio est in §. omnis. vbi dicitur omnem stipulationem aut esse puram, aut in diem, aut conditionalē: ac deinceps hæc tria diuisionis membra enarratur. Stipulationis puræ definitionem Iustinianus prætermittit: sed definiri potest stipulatio, quæ neque diem, neque conditionem adiectam habet. Duo autem de hac stipulatione habentur in vers. purè. nempe exemplum & proprietas, siue effectus. Exemplum est, *quinque aureos dare spondes* ? supple. *spondeo*. Vides esse stipulationē puram, quæ simpliciter facta est, neque die, neque conditione adiecta. Proprius effectus est, quod purè promissū, statim peti potest. intellige statim, seu confestim cum aliquo temperamento, ut aliquantum temporis præterierit, intra quod stipulationi satisfieri potuerit *infra de inut. stipul. §. v. tim. & ff. de solut. l. quod dicimus* 105. In praxi rectè solet dari dilatio 10. dierum arg. l. promissor. 21. ff. de pecun. constit. Quod attinet ad stipulationem in diem, sciendum est, diem duobus modis in stipulatione poni posse. vel enim stipulatio ex die concipitur, veluti, *Kal. Ian. dabis* ? vel vsque ad certum tempus, veluti, *Decem annua dabis, donec fias maior xxv. annis*, ff. de oblig. & act. l. obligationum. 44. §. 1. Prior diei consideratio habetur in d. §. omnis. vers. in diem, vbi stipulatio in diem concepta declaratur definitione exemplo & proprietate, siue effectu. *Definitio* est, *cum stipulatio fit adiecto die, quo pecunia solvatur*, id est, cum solutio confertur in diem certam, putà Kal. Ian. adeò ut ante eam diem peti non possit. *Exemplum* in contextu perspicuum est. *Proprius* verò huius stipulationis effectus est, ut statim quidem debeat, sed executio huius obligationis (id est, debiti petitio) in diem differatur: quia tunc venit dies, quo peti potest. Ut hoc plenius intelligatur, notandum.*

tandum est ex *l. cedere diem. 213. in princ. ff. de verb. sign.* aliud esse diē cedere, aliud diē venire. Dies cedere dicitur, cum incipit deberi: dicitur autem venire, cum incipit posse peti. nam hæc duo, nimirum deberi, & posse peti, non semper incidunt in idem tempus. Cum stipulatio est pura, dies statim cedit, & statim venit: quia statim debetur, & statim peti potest. Cum autem stipulatio est in diem, statim dies cedit, sed non statim venit, id est, confestim quidem debetur, sed ante diem, de qua convenit, peti non potest. Denique cum stipulatio est conditionalis, dies neque cedit, neque venit ante conditionem existentem: sed cū impletur conditio, tunc incipit deberi, & simul incipit posse peti.

Altera diei consideratio habetur in §. *a. si ita.* ubi Imp. §. 3. docet diem ita in stipulatione positū non officere quominus iure civili obligatio pura sit. quamvis enim promittas usque ad certum tempus, nihilominus tamen in perpetuū obligaris, & in heredes quoque tuos obligationē transmittis, propter regulam iuris. Tempus non est modus legitimus tollendæ obligationis, propterea quod obligationes iure civili constitutæ, non tolluntur, nisi certis modis iure civili probatis, inter quos modos tempus non numeratur *ff. de obl. & act. l. obligati. 44. §. 1. & de verb. oblig. l. cum qui ita §. 6. §. qui ita.* Sed quia iniquum est, ob hanc iuris subtilitatē promissorem teneri ultra tempus, de quo convenit, idcirco prætor ei succurrit, data pari exceptione. is enim, qui ad tempus stipulatur, tacitè videtur pacisci, ne post illud tempus petat. Sed & doli exceptio cōpetit *d. l. obligationum. §. 1.* quoniā hæc exceptio non solum cum exceptione pacti, sed etiā cum omnibus aliis concurrat. *ff. de except. l. 2. §. & generaliter.* Hoc loco notanda est differentia inter annum legatum, & annuam stipulationē: quoniam illud est multiplex, & primi quidem anni est purum, sequentium annorū conditionalia, quia subauditur cōditio, si legatarius viuet, nec ad legatarij heredem transeunt. *ff. de annuis lega. l. 4.* annua verò stipulatio est vna pura, & perpetua ideòq; post mortem stipulantis heres eius agere potest, nisi adiecta sit limitatio quoad stipulator viuet, ut in specie huius §.

Dictum est de stipulatione pura, & stipulatione in diē: superest stipulatio cōditionalis, quæ in §. *sub. conditione* explicatur definitione, exēplo, & proprietate, siue effectu. quæ omnia ex suprà dictis manifesta sunt. tantū notentur duæ

differentiæ inter contractum conditionalem, & legatum conditionale. prima differentia est: quia si pendente conditione stipulator decesserit, non propterea stipulatio redditur inutilis: quia quodcumque conditio existet, heres stipulatoris agere poterit. at si legatarius pendente conditione legati moriatur, legatum extinguatur ff. *quan. dies legat. ced. l. 1.* & *C. de cadu. toll. l. 1. §. si autem aliquid*. Differentiæ ratio est: quia testator tantum ad personam legatarii respicit, non ad heredem eius, qui incertus est, contrahentes verò non solum pro se, sed etiam pro heredibus suis contrahere solent. ff. *de probat. l. si pactum, 9.* quod autem fieri solet, id tacite fieri censetur, etiam si expressum non fuerit. Ponantur ergo duæ regulæ. Vna est, spes obligationis ex contractu conditionali transmittitur ad heredem. Altera est, spes legati conditionalis non transmittitur ad heredem legatarii. Secunda differentia est: quia conditio in non faciendo consistens, veluti, *Si in Capitolium non adscenderit, contractui adiecta, non potest ante mortem impleri. unde hæc stipulatio. Si in Capitolium non ascendero, decem dabis*, perinde valet, ac si stipulatus esset, sibi dari, cum moreretur, ut hoc loco Iustin. docet, quod si eiusmodi conditio ultimæ voluntati adscribatur, cautioni Mutianæ locus est unde cui legatum est sub conditione, *Si in Capitolium non ascenderit*, is cauendo (i. satisfacendo) se non adsecurum, legatum quasi impleta conditione accipiet. ff. *de condit. & demost. l. 7. l. cum sub hæc 67. l. keres. 79. §. qui post. & Nou. 22. c. 43.*

§. 5.

Post hæc Imp. in §. *loca* considerat stipulationem, quæ verbis inspectis pura videtur: sed quia locum adiectum habet, in quem solutio confertur, veluti, *Carthagini dare spondes?* idcirco tacite diem adiectum habet, intra quem contrahentes possint ire Carthaginem: quod tempus si dubitetur quantum accipi debeat, arbitrio iudicis definietur. ff. *hoc tit. l. continuus 137. §. cum ita*. unde hæc stipulatio Romæ facta, *hodie Carthagini dabis*, tanquam impossibilis non valet. nisi antea contrahentes dispensatoribus suis significauerint diem in quem futura erat stipulatio, ut per eos sua die impleretur. ff. *hoc tit. l. ult. §. si inter eos*.

§. pen.

Et in §. *pen.* considerat stipulationem, quæ verbis inspectis videtur conditionalis, cum reuera sit pura, quia conditio relata est ad præsens, vel præteritum tempus, proinde obligationem non suspendit, nec est vera conditio. ff. *de reb. cred. l. cum ad præsens. 37. & l. seqq.*

Secund-

Secunda stipulationis diuifio in §. vlt. fumitur à materia: quia vel stipulamur aliquid dari, putà decem: vel aliquid fieri, vt infulam: vel aliquid non fieri, veluti ne promiffor altiùs tollat ædes fuas. §. vlt.

Notandum est, cùm stipulamur rem dari, ipsam rem deberi, cùm autem stipulamur aliquid fieri, vel non fieri: tunc, nisi stipulationi satisfiat, promifforem in id condemnari quod stipulantis interest. ff. de stipul. prætor l. vlt. vnde quia difficilis est probatio eius quod interest, Iustin. hoc loco fuadet, vt huiusmodi stipulationibus subiiciatur stipulatio poenalis: quia cùm certa promiffa est, ea debetur: nec opus est probare id quod interest. infra de inutil. stipul. §. alteri.

AXIOMATA.

- 1 Stipulatio quacumque lingua fieri potest. §. vlt.
- 2 Quod purè debetur, statim peti potest. §. 2. dummodò tantum temporis præterierit, quanto traditio fieri possit, infra de inutil. stipul.
- 3 Quod in diem debetur, statim debetur; sed peti prius non potest, quàm dies venerit, & præterierit. d. §. 2. coniun. l. cedere. 213. in princ. ff. de verb. signif.
- 4 Ad tempus deberi non potest. d. §. 2. coniun. l. obligat. 44. §. 1. ff. de verb. oblig.
- 5 Conditio, quæ in non faciendo consistit, tempore mortis impletur. §. 4. vers. si quis ita. Hoc obtinet in contractibus. nam in vltimis voluntatibus per cautionem Mutianam de non faciendo impleri videtur ff. de condit. & demonstr. l. 7. cùm sub hac. 67. l. heres. 79. c. quæ post, & §. seq. l. l. hoc genus. 106. & Nouell. 22. cap. 3.
- 6 Quod est in conditione, non est in obligatione, sed tantùm in spe. d. §. 4. vers. ex conditionalis. coniun. l. cedere diem. 213. in princ. ff. de ver. sign.
- 7 Spes contractus conditionalis ad heredem transit; d. vers. ex conditionalis. coniun. §. pen. infra de inutil. stipul. Spes autem legati conditionalis ad heredem non transit: quia si legatarius pendente legati conditione moriatur, legatû extinguitur. ff. quan. dies leg. ced. l. 4.
- 8 Promissio ad certum locum relata, tempus, quo possit in eum locum perueniri, tacitè continet. §. 5.
- 9 Impossibilis promissio non valet. d. §. 5. coniun. l. 1. si id

ff 4

quodi

quod. ff. de oblig. & act. & l. si stipulator. 35. ff. hoc tit. & l. verum 31. ff. de reg. iur.

10 Quæ per rerum naturam sunt certa, non morantur obligationem, licet apud nos incerta sint. §. 6.

11 Ex stipulatione facti, nisi fiat quod promissum est, debetur quod interest stipulantis, §. ult. coniuml. cum fundū 113. & l. seqq. ff. eod. & l. si quis ab alio 13. ff. de re iud.

De duobus reis stipulandi & promittendi.

T I T. XVI.

ET stipulandi & promittendi duo pluresve rei fieri possunt. Stipulandi ita, si post omnium interrogationem promissor respondeat, *Spondeo*: ut puta cum duobus separatim stipulantibus ita promissor respondeat, *Virique vestrum dare spondeo*. Nam si prius Titio sponderit, deinde alio interroganti respondeat, alia atque alia erit obligatio, nec creduntur duo rei stipulandi esse. Duo pluresve rei promittendi ita fiunt: *Maui decem aureos dare spondes? & Sei eosdem decem aureos dare spondes?* [si] respondeant singuli separatim, spondeo.

1 ¶ Ex huiusmodi obligationibus & stipulationibus solidum singulis debetur, & promittentes singuli in solidum tenentur. In utraque tamen obligatione una res vertitur: & vel alter debitum accipiendo, vel alter soluendo, omnium perimit obligationem, & omnes liberat.

2 ¶ Ex duobus reis promittendi: alius pure, alius in diem, vel sub conditione obligari potest, nec impedimento erit dies, aut conditio, quo minus ab eo, qui pure obligatus est, petatur.

Hic

Hic titulus pertinet ad causam efficientem stipulationis. Sunt autem ad rubricam hæc notanda. I. Rei dicuntur à re, vt Cicer. interpretatur 3. *de Orat.* adeò vt non tantum debitor, sed etiam creditor appelleretur reus, quia de eius re agitur. II. Dicuntur duo rei: siue sint duo, siue tres, siue quatuor, siue plures: quemadmodum appellatione secundarum nuptiarum continentur etiam tertiæ, quartæ & vltiores: & cum dicimus substitutionem esse institutionem secundam, vel secundo gradu factam, hoc verbo complectimur etiam tertium & quartum, & omnes vltiores gradus. III. Duo rei credendi, vel debendi fiunt non solum per stipulationem, sed etiam per alium quemuis contractum. §. *hoc tit. l. eandem* 9. sed hic agitur de duobus reis per stipulationem factis. IV. Vt dicantur duo rei, quatuor requiruntur. Primum est, vt sit vna & eadem res. ff. *ead. l. 2. d. l. eandem, in princ. & l. si id quod* 15. Secundum est, vt sit vnus contractus. *d. l. 9.* Tertium est, vt quilibet reus debeat solidum, vel cuiuslibet debeatur solidum; nam si pro partibus sint creditores, vel debitores eiusdem rei, non sunt correi. *inf. à hoc tit. §. 1. & ff. eod. l. reos* 11. ff. 1. Quartum est, vt in omnibus reis sit obligatio principalis. nam reus & fideiussor non dicuntur correi, seu duo rei debendi: quia fideiussor non est debitor principalis, sed accedit obligationi principali.

De duobus reis Imper. hæc docet. Primò *in princ. tit. de* Princ. declarat quomodo duo rei constituentur siue stipulandi, siue promittendi.

Secundò in §. 1. explicat harum stipulationum effectum: §. 1. nam eadem res ab vtroque correo promittendi debetur in solidum: vno autem solvente, vterque liberatur, propter regulam illam iuris. Bona fides non patitur idem sapius exigi. ff. *de diuer. reg. iur. l. bona fides* 57. & similiter vtrique correo stipulandi solidum debetur: sed si vnus exegerit, tota obligatio dissoluitur, nec poterit alius quicquã petere.

Notandum est, quamuis correi debendi singuli teneantur & conueniri possint in solidum. tamen eos hodie ex *Nou. 99. cap. 1.* habere beneficium diuisionis, adeò vt ope exceptionis se tueantur pro parte, & cogant creditorem actionem suam diuidere, & contra singulos agere pro partibus, dummodò alij quoque correi sint soluendo.

Tertio in §. *ultim.* tractat de accidentibus stipulationis, seu §. ult. de diuisione stipulationis ab accidentibus sumpta: ac docet

feri posse, ut correi diuersis modis obligentur, ut alius pure, alius in diem, vel sub conditione; ex quo fit, ut interdum alius possit conueniri, ut qui pure promisit, cum alius nondum conueniri possit, ut quia dies nondum venit, vel conditio nondum extitit.

A X I O M A T A.

- 1 In obligatione duorum reorum vna res continetur, & semel tantum soluitur, §. 1.
 - 2 Dies, vel conditio pro vna persona adiecta, non obstat, quò minus interim contra corream agatur. §. ult.
-

De Stipulatione seruorum.

TIT. XVII.

Seruus ex persona domini ius stipulandi habet; Sed & hereditas in plerisque personæ defuncti vicem sustinet. Ideoque quod seruus hereditarius ante aditam hereditatem stipulatur, acquirit hereditati: ac per hoc etiam heredi postea facto acquiritur.

1 § Siue autem domino, siue sibi, siue conseruo suo, siue impersonaliter seruus stipuletur: domino acquirit. Idem iuris est & in liberis, qui in potestate patris sunt, ex quibus causis acquirere possunt.

2 § Sed cum factum in stipulatione continetur: omni modo persona stipulantis continetur: veluti si seruus stipuletur, ut sibi ire agere liceat. ipse enim tantum prohiberi non debet, non etiam dominus eius.

3 § Seruus communis stipulando, unicuique dominorum pro portione dominiij acquirit: nisi iustu

iussu vnius eorum, aut nominatim alicui eorum stipulatus est, tunc enim soli ei acquiritur. Quod seruus communis stipulatur, si alteri ex dominis acquiri non potest: solidum alteri acquiritur, veluti si res, quam dari stipulatus est, vnius domini sit.

Hic quoque titulus ad causam efficientem stipulationis spectat. Nam stipulatio serui dicitur, non qua stipulamur seruum nobis dari, sed qua seruus stipulatur. Potest etiam seruus promittere: sed de eius promissione in hoc titulo non tractatur. Iam verò in hoc tit. dissoluuntur duæ quæstiones. I. Quæritur, an seruus possit stipulari. Dubitandi causa est: quia stipulatio est contractus iuris ciuilis. *inf. de act. §. de constituta.* seruus autem non est capax eorum quæ sunt iuris ciuilis; quia non est ciuis Romanus, immò iure ciuili promortuo habetur. *ff. de diu. reg. iur. l. quod attinet. & l. seruitutem.* Respondet Imper. in *princ. tit.* seruum habere ius stipulandi, non ex sua, sed ex domini persona; quemadmodum ex domini persona habet, vt ex testamento capere possit. *supr. de her. qual. §. in extraneis, & ff. de her. inst. l. non minus. 31.* Hæc decisio producit ad seruum hereditarium: quamuis enim hic seruus re vera sit nullius. *§. de diuis. rer. & qual. l. 1. in princ.* tamen fictione iuris videtur dominum habere, quatenus hereditas iacens personam domini defuncti repræsentat. *supr. de her. inst. §. seruus etiam.* Siue igitur impersonaliter, siue hereditari, siue futuro heredi stipuletur, stipulatio valet. *ff. hoc tit. l. si ex re. 28. §. ult. l. seruus hereditarius & heredi. 35.* Secus est, si nomine futuri heredis expresse stipuletur, veluti, *Titio decem dabis.* hæc enim stipulatio in eum collata, qui nondum est dominus, omnino est inutilis, quamuis postea hereditatem adeundo dominus fiat. *ff. eod. l. seruus hereditarius futuro 16.* II. Quæritur, cui seruus stipulando acquirat. Imper. distinguit inter seruum hereditarium, seruum vnius, & seruum plurium. De seruo hereditario docet, eum acquirere hereditati, & per eam factura heredi, cum hereditatem adierit.

De seruo vnius dat regulam in §. 1. Seruus domino acquirit. Hæc regula ibidem producitur duobus modis. Prima productio est: quia siue seruus stipuletur dari domino suo, siue sibi, siue conseruo suo, siue simpliciter, non expressa persona

Princ.

§. 1.

persona cui dari debeat, veluti, *Decem dabis*: semper acquirit domino. Altera productio est: quia idem obtinet in stipulatione filij familias si pertineat ad rem patris, vel ad peculium profectitium, vel ad vsumfructum peculij aduentitij. nam ex his causis per filium patri acquiritur, ut dicimus ex §. 1. *suprà per quas pers. nobis acq.*

§. 2. Eiusdem regulæ exceptionem subiicit. Imp. in §. *sed cum factum*. vbi excipit stipulationem facti: quia facta sunt personalia, nec personam egrediuntur. ff. *de cond. & demonstr. l. qui heredi. 4. in princ.* verbi gratia, si servus stipuletur ut sibi ire liceat per fundum vicini, dominus non poterit per eum fundum ire, sed poterit servum suum mittere.

§. ult. Tandem de servo communi Iustin. in §. *ult.* dat regulam, & tres exceptiones. Regula est: Servus, stipulando, singulis dominis suis acquirit pro dominij portione: ita ut plus acquiratur ei, qui maiorem partem in servo habet. Finge servum esse tuum ex besse, meum ex triente, si hic servus stipuletur 30. tibi debebuntur 20. mihi 10. quia cum portio tua quam in servo habes, sit duplo maior quam mea, ex stipulatione eiusdem servi duplum tibi acquiri debet. Prima exceptio est, nisi iussu vnius domini stipuletur: tunc enim ei soli acquirit, qui iussit. Altera exceptio est, nisi nominatim vni domino stipuletur, veluti si servus Titij & Mævij ita stipuletur, *Titio dabis*: soli Titio acquirit. Tertia exceptio est, nisi alteri domino acquiri non possit. tunc enim necesse est solidum alteri acquiri. veluti si servus Titij & Mævij stipuletur rem Mævij, necesse est acquiri obligationem soli Titio: quia res Mævij amplius ipsi acquiri non potest. ff. *hoc tit. l. item si servus. 9. in princ.* Adde quartam exceptionem, nisi servus stipuletur ex peculio ad vnum dominum pertinēte. ff. *ead. l. 1. §. si servus*. vel ex alia causa quæ ad vnum dominum pertineat, veluti si vno domino vxorem ducturo, dotē stipuletur. ff. *ead. d. l. 1. §. si servus. & l. item si alter. 8.* Quod si stipuletur ex re vnius domini, obligatio quidem vtrique domino acquiritur: sed is, ad quem res non pertinet, partem suam socio restituere compellitur. ff. *ead. l. si ex re. 28. §. 1.* Quæsitum est, si servus iussu vnius domini stipuletur alteri, (veluti si iussu Titij sic stipuletur, *Mævio dabis*?) vtri eorum acquirat. Iustin. quamvis subobscurè, hanc quæstionē dissolvit in l. *ult. C. per quas pers. nobis acquirit.* distinguens (ut rectè Azo interpretatur) inter iussum simplicem, & iussum

sum ut sibi stipuletur. nam si Titius simpliciter iusserit seruum stipulari, seruus Mæuius stipulando, Mæuius acquirit. at si Titius iusserit sibi stipulari, deinde seruus Mæuius stipuletur, nihilominus Titio acquirit.

A X I O M A T A.

1. Seruus ex persona domini ius stipulandi habet. *in pr.*
2. Hereditas personam defuncti repræsentat. *ibid. coniu. §. seruus etiam supra, de hered. instit.*
3. Seruus hereditarius acquirit hereditati, & per eam futuro heredi. *ibid.*
4. Facta sunt personalia, nec egrediuntur personam. *§. 2.*
5. Seruus plurium singulis domini portionem acquirit. *§. ult. coniu. §. seruus autem plurium supra de hered. instit.*
6. Quod uni ex dominis acquiri non potest, aliis per seruū acquiritur. *d. §. ult. coniu. l. si communis. 17. ff. eod.*

De diuisione stipulationum.

T I T. XVIII.

Stipulationum alie [sunt] iudiciales, alie prætorie, alie conuentionales, alie communes, tam prætorie, quam iudiciales.

1. ¶ Iudiciales sunt duntaxat, quæ à mero iudicio officio proficiscuntur: veluti de dolo cautio, [vel de persequendo seruo, qui in fuga est, restituendo pretio.]

2. ¶ Prætorie [sunt,] quæ à mero prætoris officio proficiscuntur, veluti damni infecti, [vel legatorum.] Prætoris autem stipulationes sic exiudicari oportet, ut in his etiam contineantur ædilitie, nam & hæ à iurisdictione [prætoris] veniunt.

3. ¶ Conuentionales sunt, quæ ex conuentione

ne vtriusque partis concipiuntur: [hoc est, neque iussu iudicis, neque iussu prætoris, sed ex conventionione contrahentium,] quatum totidem genera sunt, quot (pene dixerim) rerum contrahendum.

4 § Communes sunt, veluti rem saluam foro pupillo: (nam & prætor iubet rem saluam fore pupillo: & interdum iudex, si aliter hæc res expediri non potest:) vel de rato stipulatio.

Etiā hic titulus respicit ad causam efficientem stipulationis, ut duo tituli, qui proximè præcesserunt. nam quadripartita stipulationum diuisio, quæ in hoc tit. proponitur, à causis efficientibus sumitur.

Princ. Primò Imperator stipulationes diuidit in quatuor genera, videlicet iudiciales prætorias, &c.

§.1. Secundò in § i. iudiciales stipulationes declarat definitione, & exemplis. Iudiciales stipulationes definiuntur, quæ à mero iudicis officio proficiuntur, id est, quæ non interponuntur, nisi iussu iudicis. Nota, hoc verbum, *stipulationes iudiciales*, esse homonymum. nam hic dicuntur iudiciales, quæ fiunt iussu iudicis: sed in *l. i. ff. de stipul. præ.* iudiciales vocantur, quæ iudicij confirmandi gratiā fiunt, ut iudicatum solui, & cautio de rato. Primum exemplum est cautio de dolo, ab eo præstanda, qui rem restituit, putà conuentus rei vindicatione. *de rei vindic. l. præterea 20. l. si homo. 45.* vel actione quod metus causa. *ff. quod met. caus. l. metum autem præsentem. 9. §. Iulianus, & §. ex hoc. vel pigneratitia. tit. ff. de ping. act. l. creditor cum pignus 15.* Alterum exemplum est cautio de persequendo seruo, & ipso, aut eius pretio restituendo. Hanc cautionem præstat is, qui per vim alterum coëgit ut sibi seruum daret, si sine culpa eius seruus fugerit, vide *l. item si cum exceptione. 14. §. quid si homo. ff. quod met. caus.* nec non heres, si seruus alienus legatus non appareat. *ff. de leg. 1. l. cum res 47. §. itaque.*

§.2. Tertiò in §. *prætorias*, similiter prætorias stipulationes explicat definitione, & exemplis. Definitio est, quæ à mero prætoris officio proficiuntur, id est, quæ tantum iussu prætoris fiunt, non iussu iudicis, nec libera voluntate. Nota
stipulatio

stipulationes prætorias aliter hic accipi, quàm in d. l. i. ff. de stipul. prætor. nam ibi stipulatio prætoriam opponitur ciuili, & ideo dicitur prætoriam, quia edicto prætoris est introducta: hic autem prætoriam dicitur, quæ fit iussu prætoris. Primum exemplum est stipulatio damni infecti, de qua agitur in tit. ff. de dam. infect. si quis enim possideat ædes ruinosas, ex quibus periculum imminet vicino, is cogitur vicino cauere de damno infecto, id est, promittere, si ruina ædium vicino damnum dederit, se damnum illud refarciturum. Secundum exemplum est stipulatio legatorum, de qua tractatur in tit. ff. de legator. s. fideic. seruand. cau. caue. cum enim legatum in diem, vel sub conditione relictum est: quia nec statim solui debet, nec res caret periculo, utpote cum heres ante diem, vel conditionem existentem possit definire esse soluendo, idcirco prætor iubet heredem legatario cauere se legatum soluturum cum dies venerit, aut condicio extiterit. Tertium exemplum est stipulatio ædilitia, quæ fit iussu ædilium, ut cautio de dupla quam præstat venditor serui, aut iumenti, aut alicuius rei pretiosa, id est, promittit emptori se pretium restitutum in duplum, si res ei euincatur. Hanc stipulationem inquit Imp. dici posse prætoriam. Cuius dicti ratio est: vel quia olim prætoris appellatione cuius magistratus significatur, ut ostendit Contius lib. 2. subscinar. lectionum, c. 19. vel quia tam ædiles, quàm prætores sunt magistratus, quorum edicta appellantur prætorium, appellatione sumpta à maiori parte, quia plurima sunt edicta prætorum, paucissima, ut de rebus venalibus, ædilium curilium.

Quartò in §. conuentionales, declarat stipulationes conuentionales, atque eas definit, quæ ex conuentione viriusque partis fiunt, id est, libero consensu contrahentium, cum neque prætor, neque iudex has stipulationes interponi iubeat. Addit Imperat, tot ferè esse harum stipulationum genera, quot sunt rerum contrahendarum: quia res omnes de quibus contrahere licet, in stipulationem cadunt, & omnes contractus stipulatione confirmari possunt ut notauimus supra de verb. oblig. in princ.

Quintò in §. ult. communium stipulationum assert definitionem, & exempla. Definitio ex contextu hæc colligitur. Communis stipulatio est, quæ modo interponitur iussu prætoris, modo iussu iudicis. Primum exemplum est cautio rem pupilli saluam fore, de qua dictum fuit. *sup. de satisfd. tutor.*

& est tit. in ff. *rem pup. salu. for.* nam prætor iubet tutorem, priusquam ad administrationem rerum pupillarium accedat, hanc cautionem præstare; & si fortè tutor hac cautione non præstita, debitorem pupilli conueniat, iudex eum non audiet, antequam caueat. Secundum exemplum est cautio de rato, de qua est tit. in ff. *ratam rem haberi.* & dicitur *infra de satisfactionibus.* nam edicto prætoris iubetur, qui alieno nomine agit, nisi de mandato constet, cauere rem ratam dominum habiturum. si quis autem huius edicti non habita ratione aliquem iudicio conueniat, si de mandato dubitetur, iudex iubet eum de rato cauere.

De inutilibus stipulationibus.

TIT. XIX.

Omnis res, quæ dominio nostro subiicitur, in stipulationem deduci potest: siue mobilis sit, siue soli.

1 § At si quis rem, quæ in rerum natura non est, aut esse non potest, dari stipulatus fuerit: veluti Stichum, qui mortuus sit, quem viuere credebat: aut hippocentaurum, qui esse non possit: inutilis erit stipulatio.

2 § Idem iuris est, si rem sacram, aut religiosam, quam humani iuris esse credebat: vel rem publicam, quæ visibus populi perpetuo exposita sit, vt forum, vel theatrum: vel liberum hominem, quem seruum esse credebat, vel cuius commercium non habuerit: vel rem suam dari quis stipuletur. Nec in pendentem erit stipulatio ob id, quod publica res in priuatum deduci, & ex libero seruus fieri potest, & commercium adipisci stipulator potest, & res [sua] stipulatoris esse desinere potest: sed pro-

tintis

tinus inutilis est. Item contra: licet initio vtiliter res in stipulatum deducta sit: si [tamen] postea in aliquam eorum causam, de quibus supra dictum est, sine facto promissoris deuenierit, extinguitur stipulatio. At nec statim ab initio talis stipulatio valebit, *Lucium Titium, cum servus erit, dare spondes?* & similia, quæ enim natura sui dominio nostro exempta sunt, in obligationem deduci nullo modo possunt.

3 ¶ Si quis alium daturum facturumve quid promiserit: non obligabitur, veluti si spondeat Titium quinque aureos daturum. Quod si effecturum se, ut Titius daret, sponderit, obligatur.

4 ¶ Si quis alij, quam ei, cuius iuri subiectus sit, stipuletur: nihil agit. Plane solutio etiam in extraneam personam conferri potest: veluti si quis ita stipuletur, *Mibi, aut Scio dare spondes?* ut obligatio quidem stipulatori adquiratur, solui tamen Scio, etiam invito eo, recte possit, ut liberatio ipso iure contingat, sed ille aduersus Scium habeat mandati actionem, Quod si quis sibi, & alij, cuius iuri subiectus non sit, dari decem aureos stipulatus est, valet quidem stipulatio: sed utrum totum debeatur [stipulatori,] quod in stipulationem deductum est, an vero pars dimidia: dubitatum est: sed placuit, non plus quam dimidiam partem ei adquiri. Ei [vero,] qui iuri tuo subiectus est, si stipulatus sis, tibi adquiris: quia vox tua, tanquam filij sit, sicuti & filij vox, tanquam tua intelligitur in iis rebus, quæ nobis adquiri possunt.

5 ¶ Præterea inutilis est stipulatio, si [quis] ad ea quæ interrogatus fuerit, non respondeat: veluti si quis decem aureos à te dari stipuletur, tu

quinque promittas, vel contra: aut si ille pure stipuletur, tu sub conditione promittas: vel contra: si modo scilicet id exprimas, id est, si cui sub conditione vel in diem stipulanti, tu respondeas, *presenti die spondeo*. Nam si hoc solum respondeas, *promitto*: breuiter videris in eandem diem vel conditionem spondidisse. Neque enim necesse est in respondendo eadem omnia repeti, quæ stipulator expresserit.

6 § Item inutilis est stipulatio, si vel ab eo stipuleris, qui tuo iuri subiectus est, vel si is à te stipuletur. Sed seruus quidem non solum domino suo obligari non potest, sed ne quidem ulli alij. filij vero familiarum aliis obligari possunt.

7 § Mutum neque stipulari, neque promittere posse palam est quod & in surdo receptum est: quia & is, qui stipulatur, verba promittentis, & is, qui promittit, verba stipulantis audire debet: unde apparet non de eo non loqui, qui tardius exaudit: sed de eo, qui omnino non audit.

8 § Furiosus nullum negotium gerere potest: quia non intelligit, quod agit.

9 § Pupillus omne negotium recte gerit: ita tamen, ut ubi tutoris auctoritas necessaria sit, adhibeatur tutor: veluti si ipse obligetur. nam alium sibi obligare etiam sine tutoris auctoritate potest.

10 § Sed quod diximus de pupillis, utique de iis verum est, qui iam habent aliquem intellectum. nam infans, & qui infantia proximus est, non multum à furioso distat: quia huiusmodi ætatis pupilli nullum habent intellectum. Sed in proximis infantia, propter utilitatem eorum, benignior iuris interpretatio facta est: ut idem iuris habeant quod pubertati proximi. Sed

Sed qui in potestate parentis est impubes, ne auctore quidem patre obligatur.

11 § Si impossibilis conditio obligationibus adiciatur, nihil valet stipulatio. Impossibilis autem conditio habetur, cui natura impedimento est, quo minus existat: veluti si quis ita dixerit, *Si digito cælum attigero, dare spondes?* At si ita stipuletur, *Si digito cælum non attigero, dare spondes?* pure facta obligatio intelligitur, ideoque statim peti potest.

12 § Item verborum obligatio inter absentes concepta, inutilis est. Sed cum hoc materiam litium contentiosis hominibus præstabat, forte post tempus tales allegationes opponentibus, & non præsentibus fuisse, vel se, vel aduersarios suos, contendentibus: ideo nostra constitutio propter celeritatem dirimendarum litium introducta est, quam ad Cæsarienses aduocatos scripsimus: per quam disposuimus, tales scripturas, quæ præsto esse partes indicant, omnino esse credendas, nisi is, qui talibus utitur improbis allegationibus, manifestissimis probationibus vel per scripturam, vel per testes idoneos approbauerit, toto eo die quo conficiebatur instrumentum, sese vel aduersarium suum in aliis locis fuisse.

13 Post mortem suam dari sibi nemo stipulari poterat: non magis, quam post eius mortem, à quo stipulabatur. Ac nec is, qui in alicuius potestate est, post mortem eius stipulari poterat, quia patris vel domini voce loqui videtur. Sed & si quis ita stipuletur, *Pridie quam moriar, vel pridie quam morieris, dare spondes?* inutilis erat stipulatio. Sed cum (ut iam dictum est) ex consensu contrahentium stipulationes valeant: placuit nobis etiam in hunc

quod sua interest : cæterum si alij detur, nihil interest stipulatoris. Plane si quis velit hoc facere, pœnam stipulari conueniet : vt nisi ita factum sit, vt est comprehensum, committatur pœnæ stipulatio etiam ei, cuius nihil interest. Pœnam enim cum stipulatur quis, non illud inspicitur, quod intersit eius, sed quæ sit quantitas in conditione stipulationis. Ergo si quis [ita] stipuletur, *Titio dari*, nihil agit. sed si adiecerit pœnam, *nisi dederis, tot aureos dare spondes* ? tunc committitur stipulatio.

20 § Sed [&] si quis stipuletur alij, cum eius interesset, placuit stipulationem valere. Nam si is, qui pupilli tutelam administrare cœperat, cesserit administrationem tutori suo, & stipuletur rem pupilli saluam fore, quoniam interest stipulatoris fieri, quod stipulatus est (cum obligatus futurus sit pupillo, si male res gesserit) tenet obligatio. Ergo etsi quis procuratori suo dari stipulatus sit : habebit vires stipulatio. Et si creditori suo [quis stipulatus sit] quod sua interest, ne forte vel pœna committatur, vel prædia distrahantur, quæ pignori data erant : valet stipulatio.

21 § Versa vice, qui alium facturum promisit, videtur in ea esse causa, vt non teneatur, nisi pœnam ipse promiserit.

22 § Item nemo rem suam futuram, in eum casum, quo sua sit, vtiliter stipulatur.

23 § Si de alia re stipulator senserit, de alia promissor : perinde nulla contrahitur obligatio, ac si ad interrogatum responsum non esset : veluti si hominem Stichum à te quis stipulatus fuerit, tu de Pamphilo senseris, quem Stichum vocari creditis.

24 § Quod turpi ex causa promissum est: veluti si quis homicidium, vel sacrilegium se facturum promittat, non valet.

25 § Cum quis sub aliqua conditione stipulatus fuerit: licet ante conditionem decesserit: postea existente conditione heres eius agere potest: Idem est & ex promissoris parte.

26 § Qui hoc anno, aut hoc mense dari stipulatus est: nisi omnibus partibus anni vel mensis præteritis, non rectè petet.

27 § Si fundum dari stipuleris, vel hominem non poteris continuo agere: nisi tantum spatium præterierit, quo traditio fieri possit.

Huius tit. duæ sunt quæstiones: prior, an stipulatio valeat: posterior, quatenus valeat, id est, quando ex ea possit agi.

Princ.

Quod ad priorem quæstionem attinet, primò considerantur res, quæ in stipulationem deducitur. qua de re dantur septem regulæ. I. Regula est, Omnes res, quæ sunt in commercio, tam mobiles, quàm immobiles, in stipulationem cadunt. *in princ. tit.* Adde nos stipulari posse etiam res incorporales, ut servitutes. *sup. de servit. §. ult. & de usufr. §. 1.* nec non quantitatem, veluti pecuniam numeratam. *suprà de verb. obl. §. ult. cum sim. in facta, suprà eo. in princ. & d. §. ult.*

§. 1.

Secunda regula est in §. 1. Quod in rerum natura non est, vel esse non potest, in stipulationem non venit. Dicitur non esse, quod aliquando fuit, ut Stichus, qui mortuus est. dicitur autem esse non posse, quod nec est, nec fuit, nec erit, ut Chimæra. Si quæras, quid dicendum sit de his rebus quæ nondum sunt, sed futuræ sperantur, veluti de fructibus ex fundo percipiendis: respondebo stipulationem harum rerum non esse inutilem. *ff. de verb. oblig. l. interdum. 73.*

§. 2.

Tertia regula est *in princ. §. idem iuris.* Res quæ non est in commercio, non potest ex stipulatione deberi: veluti si sit res sacra, aut religiosa, aut sancta, aut vniuersitatis, aut homo liber. Nec prodest, si stipulator putauerit eam esse humani iuris: quia nihilo magis stipulatio calet. Quarta regula est

in

In *vers. vel cuius*. Frustrà aliquis stipulatur rem, cuius ipse commercium non habet. quāquam stipulatio sit utilis si stipulator eius rei commercium habeat, licet promissor non habeat *ff. de verb. obl. l. multum interest. 34.* Exempli gratiā, si Christianus Iudæo mancipium Christianū promittat, non obligatur: contrā si Iudæus Christiano promittat, obligatur: quia Iudæus non potest habere Christianū mancipiū, Christianus potest. *C. ne Christian. mancip. l. 1. & 2.* Quinta regula est in *vers. vel rem suam* Nemo potest stipulari, ut res sua sibi detur ratio est: quia quod nostrum est, amplius nostrum fieri non potest. *ff. de except. rei iud. l. & an eadem. 14. §. pen. & de din. reg. iur. l. non ut ex pluribus 159.*

Nota I. hanc regulā loqui de re danda, ita ut dandi verbum sumatur in significatione propria, quatenus datione dominium transfertur. *infra de act. §. sic itaque.* nihil enim vetat, quominus ego stipuler rem meam, quam non possideo, mihi restitui. *ff. de verb. oblig. l. nemo. 22. in princ.*

Nota II. hanc regulam esse accipiendam de stipulatione puta. possumus enim ut res nostra nobis detur, sub aliqua conditione stipulari, veluti, *si navis ex Asia venerit*: quia fieri potest, ut pendente conditione res desinat esse nostra, atque ita stipulatio confirmetur. *ff. de verborum obligat. l. si rem meam. 31. & l. existimo. 98.* nec obstat vulgata regula, quod in contractibus initium spectatur. *ff. de positi. l. 1. §. idem Pomponius, & §. si servus & manda. l. 8. in princ. & pro soc. l. si id quod 58. §. si filius fam. & de verb. oblig. l. si si iusfam. 78. in princ. & de din. reg. iur. l. non omne. 144. §. 1.* quia hæc regula obtinet in contractibus puris, non in conditionibus. His tribus regulis tertiæ, quartæ, quintæ Iustin. subiicit tres productiones, quas Doct. nostri solent vocare ampliaciones. I. Productio est in *vers. nec in pendent* Quod stipulatio non valet, etiamsi impedimentum postea remoueat. veluti si homo liber postea fiat servus. ratio est: quia (ut modò notavi) in contractibus initium spectatur: unde contractus qui ab initio non valet, ex post facto non confirmatur. II. Productio est in *vers. item contra.* Nam stipulatio extinguatur, si res desinat esse in commercio, licet stipulationis contractæ tempore in commercio esset. Nota igitur non valere stipulationem, quæ pervenit ad eum casum, à quo incipere non potest. *ff. de verb. obl. l. existimo. 98. in si. pr.* III. Productio est in *vers. at nec sta-*

im. Quòd stipulatio rei, quæ non est in cōmercio, non valet, etiamsi conferatur in eum casum, quo in commercio erit. veluti si quis stipuletur, Titium sibi dari *cum servus erit* hæc stipulatio est inutilis; vel quia (vt ait hoc loco Iustin.) quæ suâ natura sunt extra commercium, nullo modo in stipulationem cadunt; vel quia fas non est talem casum expectare, & servitutem hominis liberi ominari. *ff. de verb. oblig. l. inter stipulantem. 83. §. sacram.*

- §. 3. Sexta regula est in §. *si quis alium*. Non valet promissio facti alieni: vt si quis promittat alium daturum, vel facturum. Septima regula est in vers. *quòd si*. Stipulatio valet, si quis promittat se effecturum, vt alius det, vel faciat: quoniam hoc casu factum suum promittit. Nota igitur differentiam inter has promissiones, *Titius dabit, & faciam vt Titius det*. nam illo casu stipulatio est inutilis: hoc casu valet. Interdum tamen, vt in stipulationibus prætoriiis, sic interpretamur, vt qui alium facturum promisit, intelligatur promisisse se effecturum vt ille faciat: vt cum aliquis promittit alium iudicio fisci. *ff. de verb. oblig. l. quoties quis. 81. in princ. & cum procurator promittit ratam rem dominum habiturum. ff. ratam rem. hab. l. si procurator. 18.*

§. 4. Secundò in §. *si quis alii*, consideratur persona, cui aliquis stipulatur. Hic dantur quatuor regulæ. Prima regula est. Qui extraneo stipulatur, nihil agit ratio est: quia inuentæ sunt eiusmodi obligationes, vt quilibet sibi acquirat, quod sua interest: regulariter autem nostra non interest alij dari. *inf. hoc tit. §. alteri. & ff. de verb. obl. l. stipulatio ista. 38. §. alteri* intellige interesse pecuniarium. aliud est interesse ratione affectionis, de quo in l. 7. *ff. de servis exportand.* Huius regulæ exceptiones habebimus in §. *sed & si quis. infra hoc tit.* ideo autem datur regula de eo, qui extraneo stipulatur: quia certum est, filium familias patri, & servum domino stipulari posse. *suprà de stipul. serv. §. 1.* Secunda regula est in vers. *placuit*. solutio conferri potest in extraneam personam. Obserua distinctionem inter adiectum obligationi, & adiectum, solutioni. nam si extraneus obligationi adiiciatur, stipulatio non valet, vt constat ex regula præcedente. si verò adiiciatur solutioni, stipulatio valet, vt indicatur hac regula. Dicitur autem adiectus obligationi, quando id agitur, vt obligatio ei acquiratur: veluti si ego à te sic stipuler, *Titio dabis*; nam hoc casu neque mihi obligationem aquirō, quia hoc

hoc nolo; neque Titio, quia non possum. Adiectus autem solutioni dicitur, cum id agitur, ut Titio solui possit, quamvis non debeatur Titio, sed stipulanti. nihil enim prohibet, quominus quod mihi debetur, alteri mea voluntate recte solvatur, ut accidit in hac stipulatione, *Mihi, aut Seio dabis?* nam mihi soli debes: sed siue mihi, siue Seio solvas, æque liberaris. quod si Seio solvas. Seius actione mandati id mihi restituere cogetur, tamquam meo mandato à te acceperit. Nec obstat, quod expressè hoc ei non mandavi; quia mandatum etiam tacito consensu contrahitur. ff. *manda. l. 6. §. si passus. l. qui patitur. i. 8.* Tertia regula est in vers. *quod si quis.* Qui stipulatur sibi & extraneo, dimidiam partem sibi acquirit: pro altera dimidia inutilis est stipulatio.

Nota I. differentiam inter extraneum adiectum per particulam disiunctivam *duo*, & adiectum per particulam coniunctivam *&*. Nam si ita stipuler, *Mihi, aut Titio decem dabis?* Titius est adiectus solutioni, & tota decem mihi soli debentur, sed Titio solui possunt: & si Titio decem solvas, à me liberaris, *suprà vers. prox.* At si ita stipuler, *Mihi & Titio dabis?* Titius est adiectus obligationi, non in solidum, sed pro dimidia parte: adeò ut pro 5. stipulatio valeat, quæ mihi stipulatus sum; pro reliquis 5. quæ stipulatus sum Titio, stipulatio sit inutilis, ut in hoc vers. traditur. Quid ergo, si res in stipulatum deducta, indiuidua sit? certè adiecto nihil debetur, stipulanti autem solidum debetur, arg. *l. 5. ff. commun. prad.*

Nota II. In contractibus valere illam regulam, Utile per inutile non vitiatur: quia dicta stipulatio pro parte est utilis, pro parte inutilis.

Nota III. In contractibus non esse locum iuri accrescendi: siquidem pars quæ Titio non debetur, mihi non accrescit. Quarta regula est in vers. *ei verò.* Qui stipulatur ei, quem in potestate habet, (ut filio, vel seruo sibi acquirit. Quod adeò verum est, ut filio, vel seruo solui non possit, quia non est solutioni adiectus, sed obligationi. ff. *de ver. oblig. l. eum qui § 6. §. quod si soli.* Quamquam si ita stipulatus esset; *Mihi, aut filio meo dabis?* rectè filio solueretur, quia non obligationi, sed solutioni adiectus esset. *ea. l. §. qui sibi.* Porro hæc regula à Iustino limitatur & coangustatur ad eas res, quæ stipulanti acquiri possunt: quibus verbis excludit stipulationes facti, quæ non valent,

veluti si quis stipuletur, ut filio suo iure agere liceat. *ff. de verb. oblig. quod dicitur 130.*

§.5. Tertiò consideratur forma stipulationis, quâ suprâ dixi in eo consistere, ut interrogatio præcedat, & congrua responsio sequatur. ergo in §. *præterea*. datur regula, quod si responsio non conveniat interrogationi, stipulatio non valet. Huius regulæ subiiciuntur duo exempla, ex quibus notandū est, responsionē interdum ex parte, interdum omnino non convenire interrogationi. Priori casu stipulatio pro parte valet, pro parte est inutilis. Posteriori casu omnino est inutilis. Ad priorem casum refert prius exemplum contextus: videlicet si quis stipuletur 10. & respondens promittat 5. vel e contrario ille stipuletur 5. & respondens promittat 10. cum enim in maiori summa insit minor, certè in 5. responsio est consentanea interrogationi, in aliis quinque non cōuenit. ergo stipulatio tantum in quinque valet *ff. de verb. obligat. l.1. §. si stipulanti*. & ita accipere oportet, quod Iustin. ait hanc stipulationem esse inutilem, id est, eatenus tantum esse inutilem, quatuor non est responsum ad interrogata, seu quatenus responsio non convenit interrogationi. Similiter in §. *is qui exequitur*, infra *de mandatis*, explicatur, quod dicitur, eum, qui excessit fines mandati non habere mandati actionem, id est, non posse repetere, quod ultra mandatū impendit, sed tantum usque ad eam summā, quæ mandato comprehensa fuit. Ad posteriorem casum refert secundum exemplū, cum stipulator sub conditione, vel in diem interrogat, & respondens, præsentī die promittit. veluti, *Si navis ex Asia venerit, decem dabis?* aut *Kal. Martiis decem dabis? hodie dabo*. hæc stipulatio est in totum inutilis. Præter hæc ex præsentī §. *nota*, ea, quæ dicuntur in præfationibus, tacitè videri repetita in conclusionibus. veluti si quis ita stipuletur, *Kalend. Martiis dabis?* & alter respondeat, *dabo*: in hac responsione subauditur, *Kalend Martiis*. alioqui responsio non conveniret interrogationi. cōiunge *l.4. §. ult. ff. de pact.*

§.6. Quartò consideratur persona, quæ stipulatur. ubi dantur plures regulæ. I. Non valet stipulatio inter patrem & filiū, nec inter dominum & servum, §. *item inutili*. II. Servus nemini ex sua promissione obligatur. *vers. sed servus*. intellige non obligari civiliter: quia naturalis obligatio in persona servi consistit. ita ut servus tā domino suo, quā extraneo naturaliter obligetur. *infra tit. l. 1. de iur. §. 1. & ff. de cond. et indeb.*

indeb. l. naturaliter 13. III. Filius familias alij, quàm patri suo promittens obligatur. subaudi, ciuilitèr, dicto §. *item inutilis, versic. filij verò.*

IV. Mutus neque stipulari, neque promittere pote. §. 7. *mutum ratio manifesta est: siquidem stipulatio verbis contrahitur, mutus autem verba proferre non potest.* V. Surdus neque stipulari, neque promittere potest, id est, qui nihil omnino audit. *d. §. mutum, vers. quod & in surdo.*

VI. Furiosus, cum nihil intelligat, nullum negotium gerere potest: proinde neque stipulari, neque promittere potest. §. *furiosus.* §. 8.

VII. Pupillus sine tutore promittens non obligatur, §. 9. *pupillus. nisi scilicet factus sit locupletior, generaliter enim, in quantum factus est locupletior, tenetur, ne locupletetur cum iactura alterius. ff. de condict. indeb. l. nam hoc natura. 14. & de auct. tut. l. 5. in princ. cum simil.*

VIII. Pupillus stipulando sibi acquirit obligationem, §. 10. etiam sine tutore. Excipitur pupillus infans, qui nullo modo stipulari potest. Dicitur autem infans usque ad septennium *C. de iur. deliber. l. si infanti. 7.* proximus verò infantia stipulari potest. proximum infantia intelligit Accursius eum qui est propinquior infantia, quàm pubertati: proinde proximum infantia appellat usque ad annum decimum cum sex mensibus, post quam ætatem proximum pubertati vocat IX. Impubes, qui est in potestate parentis, si promittat, non obligatur, ne quidè auctore parente in cuius potestate est. *vers. sed qui in potestate.* Si quæras, cur in hac parte minor sit auctoritas patris, quàm tutoris; siquidem impubes patre auctore non obligatur, tutore auctore obligatur. respondebo, utroque casu id sumi, quod impuberi utilius est. cum enim patre auctore nō possit sibi acquirere, propterea quòd ipsi patri acquirit, in cuius potestate est, non est æquū, ut eo auctore obligari possit, alioquin tantummodo incommodum sentiret, non etiam commodum. tutore autè auctore pupillus potest sibi acquirere: ergo æquum est, ut etiam obligari eo auctore possit, alioquin ei certis casibus adimeretur facultas acquirendi, ut ex causa emptionis, & cæteris vtrò citròque obligatoriis, quis enim pupillo venderet, si eū ad pretij solutionē obligatū habere non posset?

Considerantur accidentia stipulationū. Primum accidens §. 11. est conditio, de qua in §. *si impossibilis.* dantur duæ regulæ, præter

præter ea, quæ de conditione dicta fuerunt in §. *sub conditione* & §. *conditiones*, sup. de verb. oblig. I. Impossibilis conditio, veluti, si *cælum digito tetigeris*, stipulationem vitiat. §. *si impossibilis*. quemadmodum & alios contractus vitiat. ff. de obli. & act. l. *non solum*. 31. Alia ratio est ultimarum voluntatum, quæ per impossibilem conditionem adiectam non vitiantur: sed talis conditio pro non scripta habetur. *suprà de hered. instit. §. impossibilis*. Ergo si tibi decem promiserim, si *cælum digito tetigeris*, nihil tibi debetur. at si decem sub eadem conditione tibi legata sunt, tibi debentur quasi purè legata. II. Conditio necessaria stipulationem non suspendit: veluti, si *cælum digito non tetigeris*. d. §. *si impossibilis*. vers. *ac si ita nam* si impossibile est tangere, necesse est non tangere, ut docet Aristot. de interpret. c. 13. Sed si eiusmodi stipulatio sit poenalis, non valet, veluti, *Cælum digito te tacturum spondes? spondeo. Nisi cælum digito tetigeris, centum poena nomine dabis? dabo*: neutra stipulatio valet, ff. de verb. oblig. l. *si homo* 69.

§. 12.

Secundum accidens est absentia, de qua in §. *item verborum*. vbi Imper. primò dat regulam: Stipulatio inter absentes fieri non potest, ratio est, quia stipulatio verbis contrahitur: verba autem dicuntur præsentium, quemadmodum literæ absentium, ut apud Ouid. lib. 1. de Ponto. eleg. 8.

Litera pro verbis tibi Messaline salutem.

Secundò in vers. *sed cum*, dissolvit quæstionem pertinentem ad dictam regulam. quid enim, si in instrumento scriptum sit, stipulationem inter præsentem factam fuisse, & alteruter contrahentium asserat se fuisse absentem? Respondet Imper. fidem haberi instrumento, nisi contrarium idoneè probetur per aliam firmiorem scripturam, vel per plures duobus testibus, quia instrumentum, contra quem probatur, vim habet duorum testium. C. de fid. instrum. l. in exercendis 15. adhibita l. vbi 12. ff. de testib.

§. 13.

IV. Tertium accidens est tempus, in quod stipulatio confertur. De hoc tempore dantur variae regulæ. I. Post suam, vel promissoris mortem rectè aliquis stipulatur sibi dari, §. *post mortem*. II. Filius, vel servus non inutiliter stipulatur dari post mortem patris, vel domini sui vers. *ac nec is*. III. Potest aliquis stipulari ut sibi detur pridie quàm ipse, vel pridie quàm promissor moriatur. vers. *sed & si qui ita stipuletur*. Sciendum est has stipulationes olim fuisse inutiles: quoniam actio non poterat incipere ab herede, vel contra he-

redem

redem. sed hac regula sublata, C. *ut a. fipn. ab heredi. Iu-*
stinianus tales stipulationes, confirmavit. C. *de contrahend.*
stipulat. l. scrupulosam 11. quia stipulationes, ex consensu
 valent. §. *post mortem*, ut dictum fuit etiam *supra de diu sti-*
pulat. §. conuentionales. Eadem de legatis dicta sunt *supra de*
legat. §. post mortem. Alia ratio est stipulationis, cum moriar,
 vel, cum morieris. *infra hoc tit. §. ita autem*.

Stipulatio præpostera valet, veluti, Si *navis cras ex Asia* §. 14.
veneri, hodie dabis? §. item si quis. Ideo autem dicitur præ-
 postera: quia cum oporteat prius impleri conditionem,
 quam obligatio nascatur, nihilominus respondens promit-
 tit se antea daturum quam conditio existat.

V. Valet stipulatio collata in tempus mortis, id est, si §. 15.
 promittatur tunc dari, cum stipulator morietur, vel cum
 promissor morietur. §. *ita autem*. Nota quæstionem fuisse
 apud Philosophos, utrum mortis tempus sit tribuendum
 vitæ, an morti: quia neque vivens, neque mortuus videtur
 mori. Vide Gell. *lib. 6. cap. 13*. Sed in iure verè decisum est,
 cum qui moritur, adhuc esse in numero viventium, adeo
 ut dicatur quis mori in ultimo vitæ articulo. ff. *de manumiss.*
test. l. qui duos. 18. §. 1.

VI. Valet stipulatio collata in tempus, quo tertius mor- §. 16.
 tuus erit: veluti, *post mortem Titij dabis mihi centum* §. *item*
post mortem.

Quantum accidens est scriptura, de quo in §. *si scriptum* §. 17.
 datur hæc regula: Si in instrumento scriptum sit aliquem
 promississe, præsumitur promissio rectè facta, ita ut cre-
 damus interrogationem præcessisse: supple, dummodo res
 inter præsentis gesta sit. ff. *de verb. oblig. l. Titia 134. §. pen.*
 & C. *de contrah. stipul. l. 1.* quia, inter absentes stipulatio
 contrahi non potest. *supra hoc tit. §. item verborum*. Hinc
 nota, actum iu dubio rectè, & , ut oportet, gestum videri:
 quia sic debemus interpretari, ut actus valeat potius, quam
 sit inutilis.

Quintum accidens est rerum in stipulationem deducta- §. 18.
 rum multitudo. Imper. in §. *quoties*, de multis rebus in sti-
 pulationem deductis ita distinguit: Aut promittens, sim-
 pliciter respondet, *dare spondeo*, non expressa aliqua re, quam
 dare velit: aut nominatim respondet, se aliquam ex aliis re-
 bus daturum. putà stipulator sic interrogavit: *dabis Stichum*
 & *Pamphilum?* promissor respondit, *dabo Stichum*. Omittit
 Imper.

Imper. tertium casum, tamquam per se manifestum videlicet si promissor ad omnes res responderit, veluti, *dabo Stichum & Pamphilum*. Primo casu promissor ad omnes illas res dandas obligatur: quia res nominatae in stipulatione, censentur tacite repetitae in responsione, secundum ea quae supra notavi ad §. *pruterea*. Secundo casu eam solam rem dare tenetur, de qua respondit: quia quot sunt res, tot sunt stipulationes. unde stipulatio rei, de qua responsum fuit, perfecta est, & valet: stipulatio autem alterius rei, de qua nihil responsum fuit, tamquam imperfecta, nihil valet.

§. 19. Sextum accidens est poena. Declarat igitur Imp. duos casus, quibus utile est, stipulationi principali adiungere stipulationem poenalem. Prior casus est, cum stipulamur alteri veluti, *Stichum Titio dabis*? nam haec stipulatio non valet, ut didicimus ex §. *si quis alij supra hoc tit.* quare si volumus promissorem cogere aliquo modo, ut Stichum Titio det, addere debemus stipulationem poenalem hoc modo, *Nisi Stichum Titio dederois, centum aureos poena nomine mihi dabis*: hoc enim casu facile fiet, ut metu huius poenae Stichum Titio det. & nisi dederit, poenam ab eo exigere poterimus. nec quicquam ei proderit, quod nostra non intersit Stichum Titio dari: quia in stipulatione poenali non habetur ratio eius quod interest. §. *alteri*.

§. 20. Cum autem nostra interest, non est necesse addere stipulationem poenalem: quia etiam si regulariter stipulatio alteri facta non valeat, tamen excipitur, nisi stipulatoris intersit. tunc enim stipulatio valet, ut Iustin. docet in §. *sed & si quis*. propositis tribus exemplis. Primum exemplum est, cum tutor, qui tutelam non administrat, à contutore suo administrante stipulatur rem pupilli saluam fore: quia cum etiā tutor qui non administrat, pupillo teneatur actione tutelae, certè eius interest rem pupilli saluam fore. Secundum exemplum est in vers. *ergo et si* cum aliquis stipulatur procuratori suo dari. stipulantis enim interest: quia rem à procuratore per actionem mandari recipere poterit. Tertium exemplum est in vers. *& si creditori*. cum aliquis stipulatur creditori suo dari. Finge me debere Titio fundum Tusculanum, & poenam ei promisisse, nisi efficerem ut fundum illum intra mensem possideret. Rectè igitur à possessore stipulor, ut eum fundum

dum creditori meo tradat, ac in dictam poenam incidam. Rursus finge me debere Titio centum, eique prædia mea pignerasse, ita ut nisi intra mensem ei satisfaciam, ea prædia distrahere possit. rectè igitur stipulor à Sempronio ut ea centum Titio soluat, ne prædia mea distrahantur. & ex hac stipulatione, non Titio, sed mihi datur actio contra Sempronium. C. de donat. l. cum res. 22.

Posterior casus, quo utilis est adiectio stipulationis poenalis est, cum aliquis factum alienum promisit: quia ex hac promissione non obligatur. *sup. hoc tit. §. si quis alium*. Efficiendum igitur est, ut poenam promittat, nisi alter faciat. verbi gratia, *promittis Titium mihi facturum. insulam: promitto. nisi Titius mihi insulam fecerit, centum poena nomine dabis: dabo*. Hæc casus proponitur in §. *versa vice*. quem §. sic debes accipere, vel valeat stipulatio poenalis, & ex ea possit agi, non ex stipulatione principali.

Septimum accidens est in §. *item nemo*, cum stipulatio confertur in eum casum, quo res stipulantis futura est, veluti, *dabis mihi richum, si à domino mihi legatus fuerit*: talis autem stipulatio non valet, quemadmodum stipulatio rei nostræ non valet, *supra hoc tit. §. idem iuris, versic. vel rem suam*.

Octauum accidens est error, qui vel spectatur in nomine, §. 23. vel in re. Si in nomine sit erratum, cum de re constet, in quam, contrahentes consenserunt, stipulatio valet. ff. de verb. oblig. l. si in non ine. 32. Error autem in re stipulationem viciat. §. si de alia. quia stipulatio, ut & omnes alij contractus, consensum requirit. ff. de pact. l. 1. §. conventioni. nihil autem est tam contrarium consensui, quam error. ff. de iurisdict. l. si per errorem 15. Quo circa si Stichum à te stipuler, tu Stichum mihi promittas, existimans me de alio Sticho loqui quam re vero loquar, stipulatio non valet: quia non sufficit consensus in nomen, sed oportet contrahentes consentire in eandem rem. Quid ergo si contrahentes in idem corpus consenserunt, cum alteruter ignoraret, quale corpus esset? verbi gratia, stipulatus sū à te hoc corpus, quod est æs, cum putarem esse aurum: valet ne stipulatio? certè valet: sed si me decepisti, quia ciebat esse æs, ex doli clausula mihi teneris ff. de verb. obl. l. si id quod. 22. solet enim stipulationibus apponi hæc clausula, *Dolum malum abesse. abfuturumque esse*. ff. eod. l. doli. 119. *ex ea parte*. 121. in pr. l. si ita quis 135. §. ult. quæ si prætermissa

prætermiffa fuerit, de dolo actio datur. *ff. de recept. qui arb. l. ita demum. 31 gloss. in d. l. si id quod.* Ergo error in corpore stipulationem vitiat, error autem in sola corporis promissi materia, vel forma, stipulationem non vitiat.

4. Nonum accidens est turpitudine, quæ reddit stipulationem inutilem. veluti si quis se crimen aliquod commissurum promittat. *§. quod turpi. & ff. de verb. oblig. l. generaliter 26. l. si flagitij. 123.*

§. 25. Decimum accidens est mors contrahentium: de qua Iustin. in *§. pen.* dat hanc regulam, quod si pendente conditione stipulationis, moriatur stipulator, vel promissor, non extinguitur stipulatio. vide *§. ex conditionali. supra de verb. oblig.* Hæc dicta sint de priori quæstione huius tituli, an stipulatio valeat.

§. ult. Posterior quæstio, quatenus stipulatio valeat, seu quando ex ea possit agi, dissolvitur in *§. ult.* in quo dantur duæ regulæ. I. Regula est de stipulatione in diem quod ex ea stipulator agere non potest, nisi postquam ea dies præterit. verbi gratiâ, si mihi promisisti te daturum decem Kal. Martiis, non possum, ipsis Kalendis contra te agere: quia tota illa dies tibi ad soluendum conceditur: nec possum conqueri, quasi Kal. Martiis non solueris, priusquam Kalendæ effluxerint. *supra de verb. oblig. §. omnis.* II. Regula de stipulatione puta non prius agi potest, quam tantum temporis præterierit, quo rei traditio fieri potuerit. hoc autem tempus definiendum est arbitrio iudicis, argum. *l. 1. §. ult. ff. de iur. delib.* qui ferè definit tempus decem dierum, argum. *l. promissor. 21. ff. de constit. pecun.* nisi locus stipulationi adiectus longius tempus requirat. *supra de verb. obligat. §. loca.* Obserua, cum stipulatio est in diem concepta, exigere ante diem non posse, quia dies nondum venit: cum autem obligatio est pura, exactionem differri humanitatis causâ, licet dies venerit. Inter hæc duo dilationum genera notabilis differentia est, quod debitum in diem non compensatur ante diem: debitum autem purum compensatur, etiamsi nondum exigere possit. *ff. de compensat. l. 7. in princ. l. cum militi. 16. §. 1.* Exposui duas regulas à Iustiniano in contextu positas. Quibus addi potest. III. Regula de stipulatione conditionali, ex qua non prius agi potest, quam conditio existat. *ff. de verb. significat. l. cedere diem 213.*

A X I O M A T A.

- 1 Non entis nullæ sunt qualitates. §. 1. coniu. l. 4. §. 1. ff. de act. empt.
- 2 Nemo rem suam purè, §. 2. vel rem suam futuram in eum casum quo sua futura est, stipulari potest. §. 22.
- 3 Contractus, qui ab initio non valet, ex post facto non confirmatur. dict. §. 2.
- 4 Contractus, qui ad eum casum peruenit, à quo incipere non potest, infirmatur. dict. §. 2.
- 5 Quæ sui natura dominio nostro sunt exempta, in obligationem deduci nullo modo possunt. d. §. 2.
- 6 Alieni facti promissio non valet. §. 3. & 21.
- 7 Non obligatio sed solutio in extraneam personam conferri potest. §. 4. & 19.
- 8 Utile per inutile vitiatur. dict. §. 4. & §. 18. §. coniu. §. is qui exequitur. infra de manda. & l. 1. §. pen. ff. de verb. oblig. & reg. 37. extra de reg. iur. lib. 6.
- 9 Vox filij est tanquam vox patris, & vox patris est tanquam vox filij. d. §. 4.
- 10 Dicta in præfationibus, censentur repetita in conclusionibus. §. 5. coniu. §. at nec plurimi. infra de leg. Aquil. & l. 4. ff. de pact. & l. Titia. §. 34. ff. de verb. oblig.
- 11 Servus civiliter obligari non potest. §. 6.
- 12 Filiusfamilias obligatur vt paterfamilias. d. §. 6. coniu. l. filiusfamilias, 39. ff. de oblig. & act.
- 13 Stipulationem contrahentes, se inuicem exaudire debent. §. 7.
- 14 Furiosus nullum negotium gerere potest: quia non intelligit, quod agit. §. 8. coniu. l. 5. ff. de diu. reg. iur.
- 15 Pupillus omne negotium rectè gerit, dum tamen tutor adhibeatur, vbi tutoris auctoritas est necessaria. §. 9. coniu. princ. tit. supra de auctor. tut. & §. nunc admonendi, supra quib. alien. lic. vel non.
- 16 Infans & infantia proximus non multum à furioso distat; quia non habent intellectum. d. §. 9.
- 17 Proximi infantia idem iuris habent in stipulando, quod proximi pubertati. d. §. 9.
- 18 Impubes, qui in potestate parentis est, ne quidem patre auctore obligatur. d. §. 9.

- 19 Impossibilis conditio vitiat contractum. §. 11.
 20 Necessaria conditio non suspendit obligationē. d. §. 11.
 21 Lites celeriter sunt dirimendæ. §. 2.
 22 Instrumento creditur, nisi contrarium probetur. d. §. 12. coniun. §. ult. *infra tit. prox.*
 23 Stipulationes ex consensu contrahentium valent. §. 13. coniun. §. 1. *supra de verbor. obligat.*
 24 Præpostera stipulatio hodie valet. §. 14.
 25 Actus rectè factus præsumitur. §. 17. coniun. §. ult. *infra tit. prox.*
 26 Tot sunt stipulationes, quot sunt res in stipulatum deductæ. §. 18.
 27 Stipulationes inuentæ sunt, vt vnusquisque sibi acquirat quod sua interest. §. 19.
 28 Cum poenam stipulamur, non queritur, an inter sit, sed quantum poenæ nomine promissum sit. d. §. 19.
 29 Turpis promissio non valet. §. 24. coniun. l. si flagitij. 123. ff. de verbor. obligat.
 30 Spes obligationis conditionalis ad heredem transit, §. pen. coniun. ex condicionali. *supra de verb. oblig.*

De fideiussoribus.

T I T. XX.

PRO eo qui promittit, solent alij obligari, qui fideiussores appellantur: quos homines accipere solent, dum curant, vt diligentius sibi cautum sit.

§ In omnibus autem obligationibus adsumi possunt: id est, siue re, siue verbis, siue literis, siue consensu contractæ fuerint. At nec illud quidem interest, verum ciuilis, an naturalis sit obligatio, cui adiicitur fideiussor: adeo quidem, vt pro seruo quoque obligetur, siue extraneus sit, qui fideiussorem à seruo accipiat, siue ipse dominus in id, quod sibi naturaliter debetur.

§ Fidei

2 ¶ Fideiussor non tantum ipse obligatur, sed etiam heredem relinquit obligatum.

3 ¶ Fideiussor & precedere obligationem, & sequi potest.

4 ¶ Si plures sint fideiussores: quotquot erunt numero, singuli in solidum tenentem. Itaque liberum est creditori, à quo velit solidum petere. Sed ex epistola diui Hadriani compellitur creditor à singulis, qui modo soluendo sunt, sitis contestatæ tempore, partes petere. Ideoque si quis ex fideiussoribus eo tempore soluendo non sit: hoc cæteris onerat. Sed si ab vno fideiussore creditor totum consequutus fuerit: huius solius detrimentum erit, si is, pro quo fideiussit, soluendo non sit: & sibi imputare debet, cum potuerit iuari ex epistola diui Hadriani; & desiderare, vt pro parte in se detur actio.

5 ¶ Fideiussores ita obligari non possunt, vt debeant, quam debet is, pro quo obligantur. Nam eorum obligatio, accessio est principalis obligationis: nec plus in accessione potest esse, quam in principali re. At ex diuerso, vt minus debeant, obligari possunt. Itaque si reus decem aureos promiserit: fideiussor in quinque rectè obligatur: contra vero obligari non potest. Item si ille qui promiserit: fideiussor sub conditione promittere potest: contra vero non potest. Non solum autem in quantitate, sed etiam in tempore minus, aut plus intelligitur. Plus est enim statim aliquid dare: minus est post tempus dare.

6 ¶ Si quid autem fideiussor pro reo soluerit: eius recuperandi causa habet cum eo mandati iudicium.

7 ¶ Græce etiam fideiussor ita accipitur, τῷ ἐμῇ
πίστι καλέω ἐγώ, id est, mea fide iubeo ego. [sed & si
dixerit] θέλω, siue βούλωμαι, id est, volo, sed & ἐπιμύ, id est,
affirmo: pro eo erit, ac si dixerit λέγω, id est, dico.

8 ¶ In stipulationibus fideiussorum sciendum est
hoc generaliter accipi: ut quodcunque scriptum sit
quali actum, videatur etiam actum. Ideoque con-
stat, si quis scripserit se fideiussisse: videri omnia so-
lemniter acta.

Alia est stipulatio principalis, alia accessoria, ut fide-
iussoris.

Nota primò, eorum, qui pro alio interueniunt, varia esse
genera. alij namque sunt fideiussores, qui etiam vocantur ad-
promissores: alij mandatores: alij expromissores: alij consti-
tuta pecuniæ rei. Fideiussor à mandatore differt. I. Quia fi-
deiussio fit per stipulationem. *infra hoc tit. §. ult.*, cum sim.
mandatum verò nudo consensu contrahitur. *infra de oblig.
ex consen. in prin.* II. Quia mandator semper præcedit obli-
gationem principalem: veluti, mando tibi, ut pecuniam credas
Tullio, propter periculo, quam nondum credidisti, *ff. mandati. l. si ve-
ro. 12. §. si post.* fideiussor autem & præcedere, & sequi prin-
cipalem obligationem potest. *infra hoc tit. §. fideiussor & præ-
cedere.* Rursus, fideiussor ab expromissore differt: quia expromissor ita suscipit in se alienam obligationem, ut solus obli-
getur; is autem, pro quo expromittit, non sit obligatus: vel
quia ab initio tota obligatio in solū expromissorem cōfer-
tur; vel quia ex post facto principalis debitor per nouatio-
nem liberatur, & obligatio in expromissorem transfertur:
fideiussor autem ita obligatur, ut nihilominus etiam reus
principalis, pro quo fideiubet, sit obligatus. immò ex *Non.
4.* fideiussor conveniri non potest ante reum principalem
excussum. Tandem fideiussor differt à pecuniæ constitutæ
reus, I. Quia constitutum fit pacto nudo. *infra de act.
§. de constituta.* & *ff. de pecun. constit. l. 1. in princ.* &
scirem qui. fideiuberetur autem per stipulationem, ut pau-
lò antè notavi. I I. Quia pecuniæ constitutæ reus sem-
per obligationem principalem sequitur, quandoquidem
non

non potest constitui, nisi quod iam debitum est. *l. l. §. debitum*, & passim. fideiussor autem (vt paulò antè dixi) tã præcedere, quàm sequi principalem obligationem potest. III. Quia constitutum semper habet diem adiectam vel expressè, vel saltèm tacitè, quia subauditur tempus decem dierum. *ff. de constit. pec. l. promissor. 2. §. 1.* vnde constitutum semper dicitur fieri in diem: fideiubere autem possumus non solum in diem, sed etiam purè. *infra hoc tit. §. fideiussore.*

Nota secundò, in omni fideiussione tres personas spectari, nempe debitorem principalem, pro quo fideiubetur; creditorem, apud quem fideiubetur; & ipsum fideiussorem: item tres obligationes, primam, qua principalis debitor tenetur creditori, vnde vocatur obligatio principalis; secundam, qua fideiussor est obligatus eidem creditori; tertiam, qua debitor principalis obstrictus est fideiussori. His expositis, diuido hunc titulum in quatuor partes. In prima agitur de obligatione principali cui fideiussoria accedit: in secunda de obligatione fideiussoris: in tertia de obligatione, qua reus principalis tenetur fideiussori: in quarta de his, quæ fideiussioni accedunt.

In prima parte primò quæritur, cur fideiussores accipiantur? Responderetur *in princ. sit.* vt magis cautum sit creditoribus, id est, vt si fortè debitores principales non sint soluendo, exigi possit à fideiussoribus. Princ.

Secundò quæritur, pro quibus debitoribus fideiuberi possit, seu (quod idem valet) quibus obligationibus accedere possit obligatio fideiussoria? Responderetur *in §. 1.* fideiussorem posse accedere cuius obligationi. §. 1.

In secunda tituli parte primò quæritur an morte fideiussoris obligatio fideiussoria extinguatur. Responderetur *in §. fideiussor:* non tantum obligationem non extinguì, sed transire in heredem fideiussoris: quemadmodum obligatio rei principalis transit in heredem eius: quia fideiussor obtinet locum rei. *ff. hoc tit. l. 4.* §. 2.

Secundò quæritur, vtrum fideiussor promittat ante, an post reum principalem? Responderetur *in §. fideiussor. r. & præcedere,* vtroque tempore fideiussorem posse promittere. §. 3.

Norandum tamen est, fideiussorem non obligari ante reum principalem: quia accessoria obligatio sine principali non consistit. *ff. eodem l. fideiussor. §. 7.* itaque promissio fideiussoris ante promissionem rei principalis facta, non statim vim habet,

- bet, sed tum demum, cum reus principalis obligabitur.
- §. 4. Tertiò quæritur, quatenus obligentur multi fideiussores, qui pro eodem fideiusserunt. Imper. in §. *si plures*, docet, singulos fideiussores in solidum teneri ipso iure, sed habere exceptionem ex epistola D. Adriani, per quã cogunt creditorem actionem suam diuidere, & singulos fideiussores pro partibus conuenire, dummodo omnes fideiussores rem potestatis contestatæ sint soluendo, quòd si fideiussor in solidum conuentus, omittat beneficium dictæ epistolæ, in solidum condemnabitur: nec poterit partem à confideiussoribus repetere, quia nullam actionem contra eos habet, (quippe qui cum eis non contraxit, sed omnes fideiussores eum creditore contraxerunt, dum ei stipulanti promiserunt) nisi sibi à creditore cõcessa fuerit ff. *cod. l. ut fideiuss.* 39. Quamuis autem hic fideiussor, qui solidum soluit, nihil possit à confideiussoribus repetere; tamen potest, quicquid soluit, actione mandati repetere à reo principali, pro quo soluit. *infra hoc tit. §. si quid autem*. Nisi aut pro absente & ignorante fideiusserit, quod casu agit negotiorum gestorum. ff. *mandat. ex mandato*. 20. §. 1. aut pro inuito, aut donandi animo fideiusserit, quibus casibus nullam habet actionem. ff. *eo. l. 6. §. si passus.* & *l. si pro re* 40.
- §. 5. Quartò quæritur, in quantum fideiussores possint obligari. Respond. in §. *si fideiussore*, eos non posse in plus obligari, sed vel in tantumdem, vel in minus, quàm obligetur reus principalis: quia non potest plus esse in accessione, (id est, in accessoria obligatione) quàm in principali: quamuis alibi interdum plus esse possit in accessione, quàm in re principali, vt *suprà de rer. diuis. §. si tamen.* & ff. *de contrahen. empt. l. si in emptione*. 34. *in princ.*
- Nota aliud esse plus; aliud magis. nam fideiussor non potest plus debere, quàm reus principalis, vt hic traditur: potest tamen esse magis obligatus; siquidem fieri potest, vt reus principalis tantum naturaliter debeat, fideiussor autem sit ciuilitè obligatus. *suprà hoc. tit. §. 1.*
- §. 6. In tertia tituli parte de obligatione, qua reus principalis tenetur fideiussori, quæritur, quòd remediũ detur fideiussori contra reum, pro quo soluit. Respond. in §. *si quid autem*, dari actionẽ mandati. Excipe. I. Nisi pro inuito vel donandi animo fideiusserit: quibus casibus nullam habet contra reũ actionem. II. Nisi pro absente & ignorante fideiusserit. tunc enim

enim non habet actionem mandati, sed negotiorum gestorum. qui verò præsens patitur pro se fideiuberi, censetur id mandare, & meritò obstringitur mandati. ff. *mandati*. l. 6. §. si passus. l. ex mandato. 20. §. 1. l. si pro te. 40. §. 1. qui fide. §. 3.

In quarta & vltima tituli parte considerantur duo fideiussionis accidentia. Primò huic contractui accidit, vt lingua Græcâ fiat. §. pen. licet enim stipulatio sit contractus iuris civilis, tamen non solum Latina, sed etiam quauis alia lingua fieri potest. *suprà de verb. obligat.* §. 1.

Secundum accidens est scriptura Hic quaeritur, si in instrumento scriptum sit aliquem fideiussisse, aut per illud instrumentum sufficienter probetur obligatio fideiussoris. Dubitandi causa est: quia fideiussor non obligatur, nisi interrogatio præcedat, & responsio congrua sequatur, vt contingit in omnibus stipulationibus, *suprà tit. prox.* §. præterea. Respondetur in §. vlt. cum scriptum sit aliquem fideiussisse, omnia præsumi solemniter acta, id est, præsumi eum rectè fideiussisse, ita vt actus valeat, & fideiussor obligetur: coniunge §. si scriptum. *suprà tit. prox.*

§. 5i

§. vlt.

A X I O M A T A.

- 1 Cuius obligationi fideiussor accedere potest. §. 1.
- 2 Fideiussor potest magis. d. §. 1. vel minus, non plus debere, quàm reus principalis. §. 5.
- 3 Obligatio fideiussoris transit in heredes. §. 2.
- 4 Contractus accessorius ante contractum principalem fieri potest. §. 3. sed interim obligationem non parit. ff. eo l. fideiussor antequam. §. 7.
- 5 Qui beneficium sibi à iure datum prætermittit, sibi debet imputare. §. 4.
- 6 Plus in accessione esse non potest, quàm in re principali. §. 5.
- 7 Qui citius dat, plus dat. qui serius dat, minus dat. d. §. 5. coniun. §. plus autem *infra de actionibus.*
- 8 Actus præsumitur rectè gestus. §. vlt. coniun. §. si scriptum. *suprà tit. prox.*

De literarum obligationibus.

TIT. XXI.

Olim scripturâ fiebat obligatio, quæ nominibus fieri dicebatur, quæ nomina hodie non sunt in usu. Plane si quis debere se scripserit, quod sibi numeratum non est: de pecunia minime numerata, post multum temporis exceptionem opponere non potest. hoc enim sæpissime constitutum est. sic fit, ut & hodie, dum quæri non potest, scriptura obligetur: & ex ea nascatur condictio, cessante scilicet verborum obligatione. Multum autem tempus in hac exceptione antea quidem ex principalibus constitutionibus usque ad quinquennium procedebat. sed ne creditores diutius possint suis pecuniis forsitan defraudari: per constitutionem nostram tempus coarctatum est, ut ultra biennij metas huiusmodi exceptio minime extendatur.

Expositis contractibus, qui re, aut verbis perficiuntur, consequenter explicatur literarum obligatio: ac differentia ponitur inter ius antiquum, & ius novum: quoniam olim ex syngraphis ius non dicebatur, id vetante lege Gabina, teste M. Tullio *lib. 5. ad Attic. epist. ult.* sed veteres apud argentariorum mensam pecuniam deponere, & per eos fœnerare solebant. cum enim publicum sit argentariorum munus. *ff. de eden. argentarius* 10. §. 1. per scripturam argentarii contrahebatur obligatio; quæ dicebatur fieri nominibus, propterea quod argentarius nomē eorum, quibus pecunia expensa erat, in tabulas referebat. Sed postea hic mos exolevit, & cœpit maior esse syngrapharum auctoritas.

Notandum igitur est, priuatam syngrapham, id est, chirographū debitoris, initio tantum valere ad probandū: immò hanc

hanc probationem esse imperfectam: quia si manu mea scripsero me tibi debere centum ex causa mutui, hæc syngrapha non sufficit ad me condemnandum, quia possum excipere de non numerata pecunia, id est, dicere me eam syngrapham scripsisse, non quia reuera centum à te mutuo acceperim, sed quia spem mihi feceras te centum mihi crediturum, si darem eam syngrapham. ergo hac exceptione te agentem sum moueo, nisi alia legitima probatione ostendas te ea centum realiter mihi numerasse. *C. de non nu. pecun. l. 3.* aut syngrapha causam obligationis antecedentem contineat, nec diquidò per scripturam probare possim esse indebitum. *C. eod. l. generalite. 13.* Hæc est vis syngraphæ ab initio, id est, inter biennium post biennium verò longè maiorem vim accipit: quia valet ad obligandum, ut ita puniatur negligentia debitoris, qui per integrum biennium syngrapham penes creditorem reliquit, quasi post biennium nimis sera sit eius querela.

Statuatur ergo regula, quòd chirographum post biennium ex eo die numerandum, quo scriptum fuit, literarum obligationem parit. rectè enim dicimus obligationem literis, non re contrahi: quia non quærimus, an debitor pecuniam acceperit, sed an se debere scripserit.

Hæc regula patitur quasdam exceptiones, quas libet hæc apponere. Excipitur I. Nisi intra biennium debitor conquestus sit de non numerata pecunia. quamvis enim exceptio non numeratæ pecuniæ regulariter biennio terminetur, tamen per querelam intra biennium propositam perpetuatur, adeò ut hoc casu non nascatur literarum obligatio. *C. de non num. rec. l. si intra. 8. l. cum ultra. 9. l. in contractibus. 14. §. ult.* II. Nisi sit chirographum minoris: quia dictum biennij tempus contra minorem, quamdiu est minor, non currit. *C. in quib. caus. in integ. restit. non est neces. l. ult.* III. Nisi debitor per restitutionem in integrum recuperare possit exceptionem non numeratæ pecuniæ, quam lapsu biennij amiserat. *d. l. in contractibus, in princ.* IV. Nisi debitor post biennium velit probare se non accepisse pecuniam, ut Doctoribus nostris vulgò placet, qui putant exceptionem non numeratæ pecuniæ quodcumque proponi posse. quod autem de biennio statuitur, sic accipiunt, ut intra biennium onus probandi incumbat actori, post biennium verò ad reum transferatur. Hæc sententia quamvis in foro recepta, manifestè falsa est: quoniam Imp. di.

sertè ait reum, dum post biennium conqueri non potest, scripturâ obligari, & ex ea scriptura nasci condictiorem. quemadmodum igitur cum aliquis iuravit se mutuum dedisse, non quæritur, an mutuum dederit, sed an iuraverit, & ex eo iureiurando datur actio. *infra de act. §. item si quis postulante.* ita etiam cum aliquis ante biennium scripsit se pecuniam mutuam accepisse, non quærimus, an acceperit, sed an scripserit, & ex ea scriptura datur actio. In confirmationem huius sententiæ plura adduxi in commentario ad *d.l. si intra, num. 17.*

De obligationibus ex consensu.

TIT. XXII.

Consensu fiunt obligationes in emptionibus, venditionibus, locationibus, condictiombus, societatibus, mandatis. Ideo autem istis modis obligatio dicitur consensu contrahi: quia neque scriptura, neque præsentia omnimodo opus est; at nec dari quicquam necesse est, ut substantiam capiat obligatio: sed sufficit, eos, qui negotia gerunt, consentire. unde inter absentes quoque talia negotia contrahuntur, veluti per epistolam, vel per nuntium. Item in contractibus alter alteri obligatur in id, quod alterum alteri ex bono & æquo præstare oportet. [cum alioqui in verborum obligationibus alius stipuletur, alius promittat.

Ultimum contractuum genus, est eorum, qui nudo consensu perficiuntur.

Primò Imper. enumerat hos contractus: sunt autem quatuor, nimirum emptio & venditio, locatio & conductio, societas, mandatum.

Nota primò appellatione locationis contineri etiam emphyteusim, quæ est locatio quædam perpetua, vel ad longum tempus. *ff. si ager vestig. l. 1. §. 1. et l. seqq.*

Nota

Nora secundò duas differentias inter hos contractus. I. Alij significantur vno nomine, vt societas, & mandatum: alij duplici nomine, vt emptio & venditio, locatio & conductio. neque enim emptio & venditio sunt duo contractus, neque locatio & conductio, sed vnus est contractus, qui diuerso respectu vocatur emptio & venditio, vel locatio, & conductio. II. Emptio & venditio, nec non locatio & conductio magis respiciunt ad res, quàm ad personas. vt putà non tam spectamus à quo emimus, vel conducimus, quàm quid emamus, vel conducamus, è contrario, societas & mandatum magis respiciunt personam cum qua contrahitur. in his enim dicitur eligi industria personæ. vt putà eligimus certam personam socij, vel certam personam procuratoris cui aliquid mandamus.

Secundò in versic. *ided*, rationem affert, cur hi contractus dicantur perfici consensu. Hæc expositio est necessaria, quoniam omnes contractus consensum requirunt *ff. de pact. l. a. §. conuentionis*. sed hi dicuntur constare consensu, id est, solo consensu, cum in alijs contractuum generibus præter consensum requiratur rei traditio, aut prolatio verborum, aut scriptura.

Tertiò in vers. *item*, exponit horum contractuum proprietatem, & ostendit eos esse bonæ fidei, non stricti iuris, aded vt per eos contractus aliqui ex bono & æquo obligetur etiam in id quod expressè non promissit, si modò bona fides (id est æquitas) suadeat, vt in id teneatur. Hæc proprietas conuenit omnibus his contractibus, non ramem solis, sed etiam alijs, vt deposito, & comodato. *inf. de act. §. actionum*.

De emptione & venditione.

TIT. XXIII.

EMPTIO & venditio contrahitur, simulatque de pretio conuenerit: quamuis nondum pretium numeratum sit, ac ne arrha quidem data fuerit. Nam quod arrhæ nomine datur, argumentum est emptio

- 19 Impossibilis conditio vitiat contractum. §. 11,
 20 Necessaria conditio non suspendit obligationē. d. §. 11,
 21 Lites celeriter sunt dirimendæ. §. 2.
 22 Instrumento creditur, nisi contrarium probetur. d. §.
 12. coniun. §. ult. *infra tit. prox.*
 23 Stipulationes ex consensu contrahentium valent. §.
 13. coniun. §. 1. *suprà de verbor. obligat.*
 24 Præpostera stipulatio hodie valet. §. 14.
 25 Actus rectè factus præsumitur. §. 17. coniun. §. ult. *infra*
tit. prox.
 26 Tot sunt stipulationes, quot sunt res in stipulatum de-
 ductæ. §. 18.
 27 Stipulationes inuentæ sunt, vt vnusquisque sibi ac-
 quirat quod sua interest. §. 19.
 28 Cum poenam stipulamur, non quaeritur, an inter sit, sed
 quantum poenæ nomine promissum sit. d. §. 19.
 29 Turpis promissio non valet. §. 24. coniun. l. si flagitij.
 123. ff. de verbor. obligat.
 30 Spes obligationis conditionalis ad heredem transit,
 §. pen. coniun. ex condicionali. *suprà de verb. oblig.*

De fideiussoribus.

T I T. XX.

PRO eo qui promittit, solent alij obligari, qui fide-
 iussores appellantur: quos homines accipere so-
 lent, dum curant, vt diligentius sibi cautum sit.

¶ In omnibus autem obligationibus adsumi
 possunt: id est, siue re, siue verbis, siue literis, siue con-
 sensu contractæ fuerint. At nec illud quidem interest,
 vtum ciuilis, an naturalis sit obligatio, cui adiicitur fi-
 deiussor: adeo quidem, vt pro seruo quoque obligetur,
 siue extraneus sit, qui fideiussorem à seruo accipiat, siue
 ipse dominus in id, quod sibi naturaliter debetur.

¶ Fidei

2 ¶ Fideiussor non tantum ipse obligatur, sed etiam heredem relinquit obligatum.

3 ¶ Fideiussor & præcedere obligationem, & sequi potest.

4 ¶ Si plures sint fideiussores: quotquot erunt numero, singuli in solidum tenentem. Itaque liberum est creditori, à quo velit solidum petere. Sed ex epistola diui Hadriani compellitur creditor à singulis, qui modo soluendo sunt, sitis contestatæ tempore, partes petere. Ideoque si quis ex fideiussoribus eo tempore soluendo non sit: hoc cæteris onerat. Sed si ab vno fideiussore creditor totum consequutus fuerit: huius solius detrimentum erit, si is, pro quo fideiussit, soluendo non sit: & sibi imputare debet, cum potuerit iuari ex epistola diui Hadriani; & desiderare, vt pro parte in se detur actio.

5 ¶ Fideiussores ita obligari non possunt, vt debeant, quam debet is, pro quo obligantur. Nam eorum obligatio, accessio est principalis obligationis: nec plus in accessione potest esse, quam in principali re. At ex diuerso, vt minus debeant, obligari possunt. Itaque si reus decem aureos promiserit: fideiussor in quinque rectè obligatur: contra vero obligari non potest. Item si ille qui promiserit: fideiussor sub conditione promittere potest: contra vero non potest. Non solum autem in quantitate, sed etiam in tempore minus, aut plus intelligitur. Plus est enim statim aliquid dare: minus est post tempus dare.

6 ¶ Si quid autem fideiussor pro reo soluerit: eius recuperandi causa habet cum eo mandati iudicium.

7 ¶ Græce etiam fideiussor ita accipitur, τῇ ἐμῇ
πίστι καλέωμαι ἐγώ, id est, mea fide iubeo ego. [sed & si
dixerit] θέλω, siue βούλομαι, id est, volo, sed & ἐνυμνῶ, id est,
affirmo: pro eo erit, ac si dixerit λέγω, id est, dico.

8 ¶ In stipulationibus fideiussorum sciendum est
hoc generaliter accipi: ut quodcunque scriptum sit
quali actum, videatur etiam actum. Ideoque con-
stat, si quis scripserit se fideiussisse: videri omnia so-
lemniter acta.

Alia est stipulatio principalis, alia accessoria, ut fidei-
jussoris.

Nota primò, eorum, qui pro alio interueniunt, varia esse
genera. alij namque sunt fideiussores, qui etiam vocantur ad-
promissores: alij mandatores: alij expromissores: alij consti-
tutæ pecuniæ rei. Fideiussor à mandatore differt. I. Quia fi-
deiussio fit per stipulationem. *infra hoc tit. §. ult.* cum sim.
mandatum verò nudo consensu contrahitur. *infra de oblig.*
ex consen. in prin. II. Quia mandator semper præcedit obli-
gationem principalem: veluti, mando tibi, ut pecuniam credas
Titio, mea periculo, quam nondum credidisti. *ff. mandati. l. si ve-*
ro. §. 12. §. si post. fideiussor autem & præcedere, & sequi prin-
cipalem obligationem potest. *infra hoc tit. §. fideiussor & præ-*
cedere. Rursus fideiussor ab expromissore differt: quia expromissor ita suscipit in se alienam obligationem, ut solus obli-
getur; is autem, pro quo expromittit, non sit obligatus: vel
quia ab initio tota obligatio in solū expromissorem cōfer-
tur; vel quia ex post facto principalis debitor per nouatio-
nem liberatur, & obligatio in expromissorem transfertur:
fideiussor autem ita obligatur, ut nihilominus etiam reus
principalis, pro quo fideiubet, sit obligatus. immò ex *Nov.*
4. fideiussor conveniri non potest ante reum principalem
excussum. Tandem fideiussor differt à pecuniæ constitutæ
rei, I. Quia constitutum fit pacto nudo. *infra de act.*
§. de constituta. & ff. de pecun. constit. l. 1. in princ. &
§. cum qui. fideiubetur autem per stipulationem, ut pau-
lò antè notavi. I I. Quia pecuniæ constitutæ reus sem-
per obligationem principalem sequitur, quandoquidem
non

non potest constitui, nisi quod iam debitum est. *d. l. 1. §. debitum*, & passim. fideiussor autem (ut paulò antè dixi) tã præcedere, quàm sequi principalem obligationem potest. III. Quia constitutum semper habet diem adiectam vel expressè, vel saltem tacitè, quia subanditur tempus decem dierum. *ff. de constit. pec. l. promissor. 21. §. 1.* vnde constitutum semper dicitur fieri in diem: fideiubere autem possumus non solum in diem, sed etiam purè. *infra hoc tit. §. fideiussore.*

Nota secundò, in omni fideiussione tres personas spectari, nempe debitorem principalem, pro quo fideiubetur; creditorem, apud quem fideiubetur; & ipsum fideiussorem: item tres obligationes, primam, qua principalis debitor tenetur creditori, vnde vocatur obligatio principalis; secundam, qua fideiussor est obligatus eidem creditori; tertiam, qua debitor principalis obstrictus est fideiussori. His expositis, diuido hunc titulum in quatuor partes. In prima agitur de obligatione principali cui fideiussoria accedit: in secunda de obligatione fideiussoris: in tertia de obligatione, qua reus principalis tenetur fideiussori: in quarta de his, quæ fideiussioni accedunt.

In prima parte primò quæritur, cur fideiussores accipiantur? Respondetur *in princ. tit. ut* magis cautum sit creditoribus, id est, ut si fortè debitores principales non sint solvendo, exigi possit à fideiussoribus. Princa.

Secundò quæritur, pro quibus debitoribus fideiuberi possit, seu (quod idem valet) quibus obligationibus accedere possit obligatio fideiussoria? Respondetur *in §. 1. fideiussorem* posse accedere cuius obligationi. §. 1.

In secunda tituli parte primò quæritur an morte fideiussoris obligatio fideiussoria extinguatur. Respondetur *in §. fideiussor*: non tantum obligationem non extinguì, sed transire in heredem fideiussoris: quemadmodum obligatio rei principalis transit in heredem eius: quia fideiussor obtinet locum rei. *ff. hoc tit. l. 4.* §. 2.

Secundò quæritur, vtrum fideiussor promittat ante, an post reum principalem? Respondetur *in §. fideiuss. r. & præcedere*, utroque tempore fideiussorem posse promittere. §. 3.

Notandum tamen est, fideiussorem non obligari ante reum principalem: quia accessoria obligatio sine principali non consistit. *ff. eodem l. fideiussor. 57.* itaque promissio fideiussoris ante promissionem rei principalis facta, non statim vim ha-

- bet, sed tum demum, cum reus principalis obligabitur.
- §. 4. Tertiò quæritur, quatenus obligentur multi fideiussores, qui pro eodem fideiusserunt. Imper. in §. *si plures*, docet, singulos fideiussores in solidum teneri ipso iure, sed habere exceptionem ex epistola D. Adriani, per quã cogunt creditorem actionem suam diuidere, & singulos fideiussores pro partibus conuenire, dummodo omnes fideiussores tempore litis contestatæ sint soluendo, quòd si fideiussor in solidum conuentus, omittat beneficium dictæ epistolæ, in solidum condemnabitur: nec poterit partem à confideiussoribus repetere, quia nullam actionem contra eos habet, (quippe qui cum eis non contraxit, sed omnes fideiussores cum creditore contraxerunt, dum ei stipulanti promiserunt) nisi sibi à creditore cõcessa fuerit ff. *cod. l. ut fideiuss.* 39. Quamuis autem hic fideiussor, qui solidum soluit, nihil possit à confideiussoribus repetere; tamen potest, quicquid soluit, actione mandati repetere à reo principali, pro quo soluit. *infra hoc tit. §. si quid autem*. Nisi aut pro absente & ignorante fideiusserit, quod casu agit negotiorum gestorum. ff. *mandat. l. ex mandato*. 20. §. 1. aut pro inuito, aut donandi animo fideiusserit, quibus casibus nullam habet actionem. ff. *eo. l. 6. §. si passus. & l. si pro te* 40.
- §. 5. Quartò quæritur, in quantum fideiussores possint obligari. Respond. in §. *fideiussore*, eos non posse in plus obligari, sed vel in tantumdem, vel in minus, quàm obligetur reus principalis: quia non potest plus esse in accessione, (id est, in accessoria obligatione) quàm in principali: quamuis alibi interdum plus esse possit in accessione, quàm in re principali, vt *suprà de rer. diuis §. si tamen. & ff. de contrahen. empt. l. si in emptione*. 34. in *prin.*
- Nota aliud esse plus; aliud magis. nam fideiussor non potest plus debere, quàm reus principalis, vt hic traditur: potest tamen esse magis obligatus; siquidem fieri potest, vt reus principalis tantum naturaliter debeat, fideiussor autem sit ciuilitè obligatus. *suprà hoc tit. §. 1.*
- §. 6. In tertia tituli parte de obligatione, qua reus principalis tenetur fideiussori, quæritur, quod remediũ detur fideiussori contra reum, pro quo soluit. Respond. in §. *si quid autem*, dari actionem mandati. Excipe. I. Nisi pro inuito vel donandi animo fideiusserit: quibus casibus nullam habet contra reum actionem. II. Nisi pro absente & ignorante fideiusserit. tunc enim

enim non habet actionem mandati, sed negotiorum gestorum. qui verò præsens patitur pro se fideiuberi, censetur id mandare, & merito obstringitur mandati. ff. *mandati*. l. 6. §. si passus. l. ex mandato. 20. §. 1. l. si pro te. 40. §. 1. qui fide. §. 3.

In quarta & vltima tituli parte considerantur duo fideiussionis accidentia. Primò huic contractui accedit, vt lingua Græcâ fiat. §. *pen.* licèt enim stipulatio sit contractus iuris ciuilis, tamen non solum Latina, sed etiam quauis alia lingua fieri potest. *suprà de verb. obligat.* §. 1.

§. 5i

Secundum accidens est scriptura Hic quæritur, si in instrumento scriptum sit aliquem fideiussisse, aut per illud instrumentum sufficienter probetur obligatio fideiussoris. Dubitandi causa est: quia fideiussor non obligatur, nisi interrogatio præcedat, & responsio congrua sequatur, vt contingit in omnibus stipulationibus, *suprà tit. prox.* §. *præterea*. Respondetur in §. *vlt.* cùm scriptum sit aliquem fideiussisse, omnia præsumi solemniter acta, id est, præsumi eum rectè fideiussisse, ita vt actus valeat, & fideiussor obligetur: coniunge §. si scriptum. *suprà tit. prox.*

§. vlt.

A X I O M A T A.

- 1 Cuius obligationi fideiussor accedere potest. §. 1.
- 2 Fideiussor potest magis. d. §. 1. vel minus, non plus debere, quàm reus principalis. §. 5.
- 3 Obligatio fideiussoris transit in heredes. §. 2.
- 4 Contractus accessorius ante contractum principalem fieri potest. §. 3. sed interim obligationem non parit: ff. eo l. fideiussor antequam. §. 7.
- 5 Qui beneficium sibi à iure datum prætermittit, sibi debet imputare. §. 4.
- 6 Plus in accessione esse non potest, quàm in re principali. §. 5.
- 7 Qui citius dat, plus dat. qui serius dat, minus dat. d. §. 5. coniun. §. plus autem *infra de actionibus*.
- 8 Actus præsumitur rectè gestus. §. vlt. coniun. §. si scriptum. *suprà tit. prox.*

De literarum obligationibus.

TIT. XXI.

Olim scripturâ fiebat obligatio, quæ nominibus fieri dicebatur, quæ nomina hodie non sunt in usu. Plâne si quis debere se scripserit, quod sibi numeratum non est: de pecunia minime numerata, post multum temporis exceptionem opponere non potest. hoc enim sæpissime constitutum est. sic fit, ut & hodie, dum quæri non potest, scriptura obligetur: & ex ea nascatur condictio, cessante scilicet verborum obligatione. Multum autem tempus in hac exceptione antea quidem ex principalibus constitutionibus usque ad quinquennium procedebat. sed ne creditores diutius possint suis pecuniis forsitan defraudari: per constitutionem nostram tempus coarctatum est, ut ultra biennij metas huiusmodi exceptio minime extendatur.

Expositis contractibus, qui re, aut verbis perficiuntur, consequenter explicatur literarum obligatio: ac differentia ponitur inter ius antiquum, & ius novum: quoniam olim ex syngraphis ius non dicebatur, id vetante lege Gabina, teste M. Tullio lib. 5. ad Attic. epist. ult. sed veteres apud argentariorum mensam pecuniam deponere, & per eos fœnerare solebant. cum enim publicum sit argentariorum munus. ff. de eden. l. argentarius 10. §. 1. per scripturam argentarii contrahebatur obligatio; quæ dicebatur fieri nominibus, propterea quod argentarius nomē eorum, quibus pecunia expensa erat, in tabulas referebat. Sed postea hic mos exoleuit, & cœpit maior esse syngrapharum auctoritas.

Notandum igitur est, priuatam syngrapham, id est, chirographū debitoris, initio tantum valere ad probandū: immò hanc

hanc probationem esse imperfectam: quia si manu mea scripsero me tibi debere centum ex causa mutui, hæc syngrapha non sufficit ad me condemnandum, quia possum excipere de non numerata pecunia, id est, dicere me eam syngrapham scripsisse, non quia reuera centum à te mutuo acceperim, sed quia spem mihi feceras te centum mihi crediturum, si darem eam syngrapham. ergo hac exceptione te agentem summoueo, nisi alia legitima probatione ostendas te ea centum realiter mihi numerasse. *C. de non num. pecun. l. 3.* aut syngrapha causam obligationis antecedentem contineat, nec liquidò per scripturam probare possim esse indebitum. *C. eod. l. generalitate. 13.* Hæc est vis syngraphæ ab initio, id est, inter biennium. post biennium verò longè maiorem vim accipit: quia valet ad obligandum, ut ita puniatur negligentia debitoris, qui per integrum biennium syngrapham penes creditorem reliquit, quasi post biennium nimis sera sit eius querela.

Statuitur ergo regula, quòd chirographum post biennium ex eo die numerandum, quo scriptum fuit, literarum obligationem parit. rectè enim dicimus obligationem literis, non re contrahi: quia non quarimus, an debitor pecuniam acceperit, sed an se debere scripserit.

Hæc regula patitur quasdam exceptiones, quas libet hic apponere. Excipitur I. Nisi intra biennium debitor conquestus sit de non numerata pecunia. quamvis enim exceptio non numeratæ pecuniæ regulariter biennio terminetur, tamen per querelam intra biennium propositam perpetuatur, adeò ut hoc casu non nascatur literarum obligatio. *C. de non num. pec. l. si intra. 8. l. cum ultra. 9. l. in contrahibus. 14. §. ult. I I.* Nisi sit chirographum minoris: quia dictum biennij tempus contra minorem, quamdiu est minor, non currit. *C. in quib. caus. in integ. restit. non est neces. l. ult. III.* Nisi debitor per restitutionem in integrum recuperare possit exceptionem non numeratæ pecuniæ, quam lapsu biennij amiserat. *d. l. in contrahibus, in princ. IV.* Nisi debitor post biennium velit probare se non accepisse pecuniam, ut Doctoribus nostris vulgò placet, qui putant exceptionem non numeratæ pecuniæ quodcumque proponi posse. quod autem de biennio statuitur, sic accipiunt, ut intra biennium onus probandi incumbat actori, post biennium verò ad reum transferatur. Hæc sententia quamvis in foro recepta, manifestè falsa est: quoniam Imp. di.

sertè ait reum, dum post biennium conqueri non potest, scripturâ obligari, & ex ea scriptura nasci condictiorem. quemadmodum igitur cum aliquis iuravit se mutuum dedisse, non quaeritur, an mutuum dederit, sed an iuraverit, & ex eo iureiurando datur actio. *infra de act. §. item si quis postulante.* ita etiam cum aliquis ante biennium scripsit se pecuniam mutuam accepisse, non quaerimus, an acceperit, sed an scripserit, & ex ea scriptura datur actio. In confirmationem huius sententiæ plura adduxi in commentario ad *d. l. si intra, num. 17.*

De obligationibus ex consensu.

TIT. XXII.

Consensu fiunt obligationes in emptionibus, venditionibus, locationibus, condictiombus, societatibus, mandatis. Ideo autem istis modis obligatio dicitur consensu contrahi: quia neque scriptura, neque præsentia omnimodo opus est; at nec dari quicquam necesse est, ut substantiam capiat obligatio: sed sufficit, eos, qui negotia gerunt, consentire. unde inter absentes quoque talia negotia contrahuntur, veluti per epistolam, vel per nuntium. Item in contractibus alter alteri obligatur in id, quod alterum alteri ex bono & æquo præstare oportet. [cum aliqui in verborum obligationibus alius stipuletur, alius promittat.

Ultimum contractuum genus, est eorum, qui nudo consensu perficiuntur.

Primò Imper. enumerat hos contractus: sunt autem quatuor, nimirum emptio & venditio, locatio & conductio, societas, mandatum.

Nota primò appellatione locationis contineri etiam emphyteusim, quæ est locatio quædam perpetua, vel ad longum tempus. *ff. si ager vel ag. d. 1. §. 1. & l. seqq.*

Nota

Nota secundò duas differentias inter hos contractus. I. Alij significantur vno nomine, vt societas, & mandatum: alij duplici nomine, vt emptio & venditio, locatio & conductio. neque enim emptio & venditio sunt duo contractus, neque locatio & conductio, sed vnus est contractus, qui diuerso respectu vocatur emptio & venditio, vel locatio, & conductio. II. Emptio & venditio, nec non locatio & conductio magis respiciunt ad res, quàm ad personas. vt putà non tam spectamus à quo emimus, vel conducimus, quàm quid emamus, vel conducamus, è contrario, societas & mandatum magis respiciunt personam cum qua contrahitur. in his enim dicitur eligi industria personæ. vt putà eligimus certam personam socij, vel certam personam procuratoris cui aliquid mandamus.

Secundò in versic. *ided*, rationem affert, cur hi contractus dicantur perfici consensu. Hæc expositio est necessaria, quoniam omnes contractus consensum requirunt *ff. de pact. l. 1. §. conuentionis*. sed hi dicuntur constare consensu, id est, solo consensu, cum in aliis contractuum generibus præter consensum requiratur rei traditio, aut prolatio verborum, aut scriptura.

Tertiò in vers. *item*, exponit horum contractuum proprietatem, & ostendit eos esse bonæ fidei, non stricti iuris, adeò vt per eos contractus aliqui ex bono & æquo obligetur etiam in id quod expressè non promisit, si modò bona fides (id est æquitas) suadeat, vt in id teneatur. Hæc proprietas conuenit omnibus his contractibus, non tamem solis, sed etiam aliis, vt deposito, & comodato. *inf. de act. §. actionum*.

De emptione & venditione.

TIT. XXIII.

EMPTIO & venditio contrahitur, simulatque de pretio conuenerit: quamuis nondum pretium numeratum sit, ac ne arrha quidem data fuerit. Nam quod arrhæ nomine datur, argumentum est emptio

emptionis & venditionis contractæ. Sed hoc quidem de emptionibus & venditionibus quæ sine scriptura consistunt, obtinere oportet, nam nihil à nobis in huiusmodi emptionibus & venditionibus innouatum est: in iis autem, quæ scripturâ conficiuntur, non aliter perfectam esse venditionem & emptionem constituimus, nisi & instrumenta emptionis fuerint conscripta, vel manu propria contrahentium, vel ab alio quidem scripta, à contrahentibus autem subscripta. & si per tabellionem fiunt, nisi & completiones acceperint, & fuerint partibus absoluta. Donec enim aliquid deest ex his, & pœnitentiæ locus est, & potest emptor vel venditor sine pœna recedere ab emptione [& venditione.] Ita tamen impune [eis recedere] concedimus, nisi iam arrharum nomine aliquid fuerit datum. hoc enim subsequuto, siue sine scriptis venditio celebrata est: is, qui recusat adimplere contractum, si quidem est emptor, perdit, quod dedit: si vero venditor, duplum restituere compellitur, licet super arrhis nihil expressum est. Pretium autem constitui oportet, nam nulla emptio sine pretio esse potest.

I § Sed & certum esse pretium debet, alioqui si inter aliquos ita conuenerit, vt quanti Titius rem æstimauerit, tanti sit empta: inter veteres satis abundeque hoc dubitabatur, constaretne venditio, an non. Sed nostra decisio ita hoc constituit, vt quotiens sic composita sit venditio, *quanti ille æstimauerit*, sub hac conditione stare contractus: vt si quidem ille, qui nominatus est, pretium definierit: [tunc omnimodo secundum eius æstimationem & pretium persoluatur, & res tradatur, & venditio ad affectum perducatur: emptore quidem

dem ex empto actione, venditore ex vendito agente. Sin autem ille, qui nominatus est, vel noluerit, vel non potuerit pretium definire; tunc pro nihilo esse venditionem, quasi nullo pretio statuto. Quod ius, cum in venditionibus nobis placuit: non est absurdum in locationibus & [in] conductionibus trahere.

2 § Item pretium in numerata pecunia consistere debet. Nam in cæteris rebus, an pretium esse posset, valde quærebatur: veluti an homo, aut fundus, aut toga alterius rei pretium esse posset. [Et] Sabinus & Cassius etiam in alia re putabant pretium posse consistere, unde illud est, quod vulgo dicebatur, permutatione rerum emptionem & venditionem contrahi, eamque speciem emptionis & venditionis vetustissimam esse, argumentoque utebantur Græco poeta Homero, qui aliquam partem exercitus Achiuorum vinum sibi comparasse ait, permutatis quibusdam rebus, his verbis.

Ἔνθεν ἄρ' οἰνίζοντο κερηπαμέωντες Ἀχαιοί,
Ἄλλοι μὲν χαλκῷ, ἄλλοι δ' αἶθρῃ σιδήρῳ,
Ἄλλοι δ' ῥινότῳ, ἄλλοι δ' αὐτοῖσι βόεσσιν,
Ἄλλοι δ' αἶψ' ἀπόδεσσι.

id est,

Hinc sibi certatim gentis de more comati

Vina parant Graij ære dato, fulgenteque ferro,

Tergoribusque bubus, sed & ipsis mancipiisque.

Diuersæ scholæ auctores contrā sentiebant: aliud aliudque esse existimabant permutationem rerum, aliud emptionem & venditionem: alioqui non posse rem expediri, permutatis rebus, quæ videatur res venisse, & quæ pretij nomine data esse. nam
vtramque

utramque videri & venisse, & pretij nomine datam esse, rationem non pati. Sed Proculi sententia, dicentis permutationem propriam esse speciem contractus à venditione separatam, merito prævaluit, cum & ipse aliis Homericis versibus adiuuabatur, & validioribus rationibus argumentabatur: quod & anteriores diui principes admiserunt, & in nostris Digestis latius significatur.

3 ¶ Quum autem emptio & venditio contracta sit (quod effici diximus, simulatque de pretio conuenerit, cum sine scriptura res agitur) periculum rei venditæ statim ad emptorem pertinet, tamen si adhuc ea res emptori tradita non sit. Itaque si homo mortuus sit, vel aliqua parte corporis læsus fuerit, aut ædes totæ vel aliqua ex parte incendio consumptæ fuerint: aut fundus vi fluminis totus vel aliqua ex parte ablati sit, siue etiam inundatione aquæ aut arboribus turbine deiectis longe minor aut deterior esse cœperit, emptoris damnum est, cui necesse est, licet rem non fuerit nactus, pretium soluere. Quicquid enim sine dolo & culpa venditoris accidit, in eo venditor securus est. Sed & si post emptionem fundo aliquid per alluionem accesserit: ad emptoris commodum pertinet. Nam & commodum eius esse debet, cuius periculum est. Quod si fuerit homo, qui venit, aut subreptus fuerit ita ut neque dolo, neque culpa venditoris interuenerit: animaduertendum erit, an custodiam eius usque ad traditionem venditor susceperit. Sane enim si susceperit: ad ipsius periculum is casus pertinet. si non susceperit, securus est. Idem & in cæteris animalibus cæterisque rebus intelligimus. Vtique tamen vindicationem rei & conditionem exhibere debet emptori

emptori: quia sane qui nondum rem emptori tradidit, adhuc ipse dominus est, Idem etiam est de furti & damni iniuriæ actione.

4 § Emptio tam sub conditione, quam pure contrahi potest. Sub conditione, veluti, *Si Stichus intra certum diem tibi placuerit, erit tibi emptus aureis tot.*

5 § Loca sacra vel religiosa, item publica (veluti forum, basilicum) frustra quis sciens emit, quæ tamen si pro profanis vel priuatis acceptus à venditore quis emerit: habebit actionem emptio, quod non habere ei liceat, ut consequatur, quod sua interest eum deceptum non esse. Idem iuris est, si hominem liberum pro seruo emerit,

Huius tituli quatuor sunt partes.

In prima parte declarantur tria substantialia, quæ requiruntur ad hoc, ut emptio & venditio consistat.

Primum requisitum in principio tituli est conuentio de pretio. Hic Imper. dat duas regulas. Priorem autem regulam & producit, & limitat. I. Regula in primis verbis est, Solus consensus de pretio sufficit ad perficiendam emptionem & venditionem. Hæc regula producit in vers. *quāvis.* ubi dicitur venditionem perfici solo consensu, quamuis nec pretium sit numeratum, nec arrha eo nomine data, quia venditor sequi potest fidem emptoris, *suprà de rer. diuis. §. vendita.* Exceptio dictæ regulæ est in vers. *sed hoc.* nisi emptio & venditio in scriptis contrahatur: tunc enim solus consensus non perficit hunc contractum: immò contractus non dicitur perfectus, antequam scriptura sit omnino perfecta. Sunt & aliæ duæ exceptiones in contextu prætermittæ, Nam dicta regula neque in venditione conditionali locum habet, quæ ante impletam conditionem non est perfecta. ff. *de contrah. empt. l. 7.* neque in his, quæ ad pondus, vel numerum vel mensuram venduntur: quarum rerum venditio non prius perficitur, quam venditor eas appendat, vel numeret, vel admetiatur emptor. ff.

ro.

eo. l. quod s. pe. 35. §. in his. & de peric. & commo. rei vend. l. 1.
 Tamuerò aduersus exceptionem in contextu posita occurrunt quædā dubitationes non contēnendæ. Prima dubitatio est, si emptio modò perficitur solo consensu, modò per scripturam, qui fiat vt hic contractus simpliciter referatur inter eos qui consensu perficiuntur, non etiam referatur ad obligationem literarum. Respondeo in digerendis contractuum generibus spectari eorum naturam, quam per se habent ex iure, non formam, quā accipiunt ex pactis contrahentium: quia hæc pacta sunt infinita, & hæc forma est incerta: emptio igitur & venditio secundū suam naturam semper solo consensu perficitur: tunc autē requiritur scriptura, cum pacti sunt cōtrahentes, vt in scriptis cōtraheretur. & ita debet accipi, quod dicitur in *l. contractus. 17. C. de fid. instrum.* emptionem & venditionem, quam in scriptis fieri placuit, non prius esse perfectam, quā scriptura sit perfecta. nam pactum est placitum: & verbum placuit significat pactū, vt & in *l. 1. §. & est pactio. ff. de pact. & in l. petens. 27. C. eod.* & aliis locis. Altera dubitatio ex eo oritur, quod Imper. inquit ab emptione & venditione imperfecta posse impunè recedi, nisi arrhæ datæ fuerint, quia cū arrhæ datæ sunt, si emptor recuset implere cōtractum, perdit arrhas quas dedit Si verò venditor recuset, duplum restituit. quaritur ergo, vtrūm hæc decisio locum habeat solum in contractu imperfecto, an etiam in contractu perfecto, id est, si emptor qui arrhas dedit, ab emptione perfecta recedere velit, vtrūm sufficiat quòd arrhas perdit, an insuper conueniri possit in id quod venditoris interest. Similiter quaritur, si venditor qui arrhas accepit, à venditione perfecta discedere velit, vtrūm sufficiat quòd duplum restituat, an teneatur etiam rem venditam tradere, vel id quod interest emptori præstare. Doct. communiter putant: si emptor arrhas perdat, aut venditor duplum restituat, eum non teneri ad implendum contractum, nec posse amplius conueniri, quamuis contractus perfectus fuerit. Ego verò hanc sententiam reprobauī in *tractatu de contrahibus, axiom. 31. memb. 10. I I.* Regula est in vers. *pretium*, quòd emptio & venditio sine conuentione de pretio non consistit. Has duas regulas si coniungamus, apparebit nexus necessarius inter emptionem & consensum de pretio: quia ab vno ad alterum tam affirmatiuè, quam negatiuè

negatiuè argumentari licet. etenim si est emptio & venditio necesse est esse conuentionem de pretio. & si emptio & venditio non est, etiam conuentio de pretio non est. è contrario quoque, si est conuentio de pretio, est emptio & venditio : & nisi sit conuentio de pretio, non est emptio, & venditio. Hæc dicta sint de primo requisito.

Secundum requisitum est in §. i. vt pretium sit certum §. i. I. Imp. dat regulam quod pretiū emptionis & venditionis certum esse debet, vt 10. aut 20. nam si pretium sit incertum, veluti, *vendo tibi domum eo pretio, de quo inter nos postea conuenerit*, non est emptio & venditio, sed contractus innominatus. arg. §. i. *infra tit. prox.* II. In vers. *aliique*, proponit quæstionem ex dicta regula emergentem, an venditio consistat, si pretij æstimatio in arbitrium tertiæ personæ conferatur. veluti, *vendo tibi rem quanti Titius æstimauerit*. III. In vers. *sed nostra*. responderet ad dictam quæstionem, & inquit esse contractum conditionalem : ita vt si Titius rem æstimet, venditio tamquam impleta conditione valeat, ita vt res à venditore tradatur, & pretium ab emptore omnimodo secundum factam à Titio æstimationem solvatur. (videlicet nisi eius æstimatio sit iniqua, & ad arbitrium boni viri per iudicem redigenda, arg. l. *societatem* 76. cum 4. *legib. sequentibus. ff. pro soc.*) si verò Titius pretium non definiat, venditio propter conditionis defectum non valeat. IV. In vers. *quod ius*, id quod dixit de venditione, producit ad locationem : quia vt pretium venditionis, ita etiam merces locationis, certa esse debet. quapropter si tibi locem ædes ea mercede, quam Titius definiet, locatio sub ea conditione constat, si Titius mercedem definierit. *infra tit. prox. §. i.*

Tertium requisitum in §. *item pretium*, est, vt pretium §. 2. consistat in numerata pecunia secundum sententiam Neruæ & Proculi, quæ meritò probatur, reiecta sententia Sabini & Cassij, qui putabant pretium in quacumque re posse consistere, atque ita permutationem confundebant cum emptione & venditione. vide. l. i. *ff. de contrahen. emptio. & l. i. ff. de rerum permut.*

In secunda parte tituli, quæ est in §. *cum autem*, declaratur effectus emptionis & venditionis perfectæ. Effectus autem est, vt commodum & periculū rei venditæ pertineat ad emptorem. Imper. hoc loco dat tres regulas I, Regula est §. 3. de

de interitu, vel deterioratione rei vedita, quod hoc dānum spectat ad emptorem, ita vt cogatur soluere pretium, quamuis non possit rem accipere, vel deterioratam accipiat. Additur exceptio, nisi dolo, aut culpa venditoris res perierit, vel deterior facta sit. Aduersus dictam regulā oppono, primò quod hac ratione dicendū rem perire emptori. *ff. de resc. vend. l. 5. §. ult.* atqui ante traditionē nō emptor, sed venditor est dominus, vt dicitur in fine huius paragraphi: ergo venditori, non emptori res perire debet, quia res domino perire dicitur. *C. de pign. act. l. pignus 9.* Respondeo rem domino perire quo ad ius in re, id est, dominium: emptori autem perire ratione iuris ad rem, id est, obligationis, quia venditor liberatur *d. l. 5. §. ult.* (secundū regulam illam iuris, interitu speciei debitor, qui dolo & culpa caret, liberavit *f. de verb. obl. l. si ex legari. 23.*) & nihilominus emptor, qui rem nancisci non potest, pretium soluere cogitur, vt hic, & *de peric. & commo. rei vend. l. vlti.* perinde ac si rem accepisset. *ll. 5.* Oppono secundò, quod res emptor perit, non pretium, secundū Cuiac. *rat. 8. ad Africa. ad l. si fūdum. 33. f. loc. &* per illum textum, & per *l. quod si neque. 14. de peric. & commo. rei vend. l. vlt. de condit. cau. da. & l. si soluturus. 39. ex libris consequens. de solut.* Respondeo nullā esse in hac quæstione auctoritatem Cuiac. cum expressē legibus contradicat. id est huic *§. & l. 5. §. ult. ff. de rescin. vendit. & l. vlt. C. de peric. & commo. rei vend.* infirmis autem vtatur argum. Nam in *d. l. si fundus*, dici non potest venditorem dolo & culpa carere, cum eius fundus publicatus sit: neque enim sine causa sit confiscatio: & causa non potest spectari in emptore, qui nondum fundum acceperat. In *d. l. quod si neque*, venditor culpam admisit, dum lectos venditos rel quit in via publica: quamobrem ædilis, ad quem publicarium viarum cura pertinet, eos concidit. In *d. l. vlt.* non est emptio & venditio, sed contractus innominatus, do vt des: cuius diuersa est ratio. Ex *d. l. si soluturus, vers. bis consequens*, Cuiacius colligit non sufficere ad hoc vt periculum nummorum sit emptoris, emptionem esse perfectam, sed tantū sufficere ad hoc vt merx sit eius periculo: vnde confici putat, periculum rei, non pretij pertinere ad emptorem, ideoque emptorem non posse rem petere neque cogi pretium soluere, immò solutum repetere. Ego vero fateor quidem, perfecta venditione periculū solius mer-

ei, non etiam nummorum debitori imminere: non tamen ob rationem Cuiac. sed quia merx vendita, est species, quæ perire potest: pretium autem est quantitas in genere sumpta, quæ perire nequit: non enim ut venditor certum corpus venditum debet tradere, ita etiam emptor certum corpus nummorum debet soluere. II. Regula est in *vers. sed et si post*, de comodo rei vendit. si quid enim post venditionem rei cecidat, ad emptorem pertinet. veluti si fundus venditus per alluvionem augeatur, hoc augmentum cedit comodo emptoris, nec potest teneri à venditore. III. Regula est in *vers. quod si fugerit*, de amissione rei venditæ. veluti qui servus venditus fugit, aut rem venditam aliquis venditori urripuit. Hoc quoque periculum regulariter pertinet ad emptorē. Sed huic regulæ adiunguntur duæ exceptiones. Prior est, nisi venditor dolum, aut culpam commiserit. Posterior est, nisi venditor rei custodiam usque ad traditionem in se suscepit: debuit enim diligenter custodire: quod si fecisset, res non fuisset ei surrepta. Hæc exceptio sub priori contineri potest: quia venditor (qui custodiam in se suscepit, & per negligentiam rem amittit, culpam non caret. Addit Imp. in *vers. utique*. quod licet venditor non teneatur rem tradere, quā sine dolo & culpa amisit, tamen tenetur emptori cedere omnes actiones quas ad eam rem persequendam, vel occasione eius rei amissæ habet: ut rei vindicationem, conditionem furtivam, actionem furti, & actionem legis Aquiliæ. Cum enim venditor usque ad traditionem rei dominium & possessionem retineat: hæ actiones ipso iure ei competunt, sed ipsam rem sequuntur, vel eius loco succedunt, ideoque ad emptorem transferri debent.

Tertia pars in §. *pen.* diuidit emptionem & venditionem in puram & conditionalem. Conditionalis exemplum hoc affertur, *Si Stichus intra certum diem* putà intra mensem, *tibi placuerit, erit tibi emptus aureis tot*, puta aureis decem. Hæc emptio & venditio valet: quamvis illæ non valeant, *Si voluerit, tibi emptus esto. Si voluero, tibi emptus eris*, ff. de *contrahen. empt. l. 7. in princ.*

Quarta pars est in §. *ult.* de re vendita. ubi fingitur venditam fuisset rem quæ non est in commercio, ut sacram, vel religiosam, vel publicam: & quaeritur an hæc venditio habeat

Li 2 aliquem

§. ult.

aliquem effectum. Sic autem distinguitur: aut sciens emit rem quæ non est in commercio: aut per ignorantiam deceptus à venditore. Priori casu non habet actionem. Posteriori casu agit ex empto in id quod sua intr. est. Nō ideo putes emptionem valere, qui ex empto agitur. immò emptio rei quæ non est in commercio, non valet: sed quoniam actio ex empto est bonæ fidei, idcirco ex bono & æquo conceditur etiam eo casu, quo emptio non valet. ff. de contrahen. empt. l. qui officij 62. §. 1. & l. liberi. 70.

A X I O M A T A.

- 1 Arrha negotium perfectum arguit in princ.
- 2 Paria sunt, aliquid non facere, & imperfectè facere. eod. princ.
- 3 Emptio sine certo pretio nulla est. eod. princ. & §. 1.
- 4 Vbi est eadem ratio, debet esse idem ius. d. §. 1. vers. ult. coniun. §. 1. vers. pari ratione. suprà quibus modis ius potest. solu. & vers. cum & adgnatos. suprà de legit. patron. tut. & l. illud 32. ff. ad leg. Aquil.
- 5 Pretium in sola numerata pecunia consistit. §. 2.
- 6 Valet argumentum ab auctoritate poetarum. d. §. 2. coniun. §. 1. infrà de leg. Aquil. & l. 1. suprà de contrah. empt. sicut etiam valet ab auctoritate philosophorum ff. de iudic. l. proponebatur. 76. vers. quod si quis. & medicorum. ff. de statu. hom. l. septimo 12. & oratorum, ff. de leg. ib. l. 2.
- 7 Periculum & commodum rei venditæ ad emptorem spectat. §. 3. coniun. l. necessariis 8. ff. de peric. & commod. rei vend.
- 8 Venditor præstat dolum, & culpam, non casum fortuitum, nisi ex pacto. d. §. 3.
- 9 Dominium rei venditæ manet penes venditorem usque ad traditionem. d. §. 3.
- 10 Quæ non sunt in commercio, vendi non possunt. §. ult. im.
- 11 Deceptus à venditore rectè agit ex empto: quamvis emptio non valeat. d. §. ult.

De locatione & conductione.

TIT. XXIV.

Locatio & conditio proxima est emptioni & venditioni, iisdemque iuris regulis consistit. Nam ut emptio & venditio ita contrahitur, si de pretio conuenerit: sic & locatio & conductio ita contrahi intelligitur, si merces constituta sit & competit locatori quidem locati actio, conductori vero conducti.

1 ¶ Et quæ supra diximus, si alieno arbitrio pretium promissum fuerit: eadem & de locatione & conductione dicta esse intelligimus, si alieno arbitrio merces permissa fuerit. Qua de causa si fulloni polienda curandave, ac sarcinatori facienda vestimenta quis dederit, nulla statim mercede constituta, sed postea tantum daturus, quantum inter eos conuenerit: non proprie locatio & conductio contrahi intelligitur, sed eo nomine actio præscriptis verbis datur.

2 ¶ Præterea sicut vulgo quærebat, an permutatis rebus emptio & venditio contraheretur: ita quæri solebat de locatione & conductione, si forte rem aliquam utendam siue fruendam tibi aliquis dederit, & inuicem à te utendam siue fruendam aliam [rem] acceperit. Et placuit non esse locationem & conductionem, sed proprium genus contractus, veluti si cum vnum bouem quis haberet, & vicinus eius vnum, placuerit inter eos, ut per denos dies inuicem boues commodarent, ut opus facerent, &

apud alterum [alterius] bos perierit : neque locati, neque conducti, neque commodati competit actio : quia non fuit commodatum gratuitum. verum præscriptis verbis agendum est.

3 ¶ Adeo autem aliquam familiaritatem inter se videntur habere emptio & venditio, item locatio & conductio : ut in quibusdam causis quæri soleat, utrum emptio & venditio contrahatur, an locatio & conductio. ut ecce de prædiis, quæ perpetuo quibusdam fruenda traduntur, id est, ut quandiu pensio siue redditus pro his domino præstetur, neque ipsi conductori, neque heredi eius, cuive conductor heresve eius id prædium vendiderit, aut donauerit, aut dotis nomine dederit, aliove quocumque modo alienauerit, auferre liceat. Sed talis contractus, quia inter veteres dubitabatur, & à quibusdam locatio, à quibusdam venditio existimabatur : lex Zenoniana lata est, quæ emphyteusos contractus propriam statuit naturam, neque ad locationem, neque ad venditionem inclinantem, sed suis pactiionibus fulciendam : & si quidem aliquid pactum fuerit, hoc ita obtinere, ac si naturalis esset contractus. Sin autem nihil de periculo rei fuerit pactum : tunc si quidem totius rei interitus accesserit : ad dominum super hoc redundare periculum. sin autem particularis : ad emphyteuticarium huiusmodi damnum venire. quo iure utimur.

4 ¶ Item quæritur si cum aurifice Titius conuenerit, ut is ex auro suo cerri ponderis certæque formæ anulos ei faceret, & acciperet (verbi gratia) decem aureos : utrum emptio & venditio, an locatio & conductio contrahi videatur? Cassius, ait materiam

teriarum quidem emptionem & venditionem contrahi, operarum autem locationem & conductionem. Sed placuit tantum emptionem & venditionem contrahi. Quod si suum aurum Titius dederit, mercede pro opera constituta: dubium non est, quin locatio & conductio sit.

5 § Conductor [autem] omnia secundum legem conductionis facere debet: & si quid in lege pretermisum fuerit: id ex bono & æquo præstare. Qui pro usu aut vestimentorum, aut argenti, aut iumenti, mercedem aut dedit, aut promisit: ab eo custodia talis desideratur, qualem diligentissimus paterfamilias suis rebus adhibet, quam si præstiterit, & aliquo casu [fortuito eam] rem amiserit: de restituenda ea non tenebitur.

6 § Mortuo conductore intra tempora conductionis, heres eius eodem iure in conductione succedit.

Hic titulus diuiditur in tres partes: prima pars est de locatione contrahenda, id est, quomodo locatio & conductio contrahatur. hoc Imp. explicat per collationem locationis & conductionis cum emptione & venditione, quoniam hi contractus perquam similes sunt.

Primò igitur dat regulam, quòd hi duo contractus sunt inter se similes & affines, & consistunt iisdem iuris regulis. Intellige easdem proportionem, non omnino easdem idem enim dicitur quatuor modis, genere, specie, numero, & proportionem, ut docet Aristot. 5. metaph. c. 6. verbi gratia in emptione & venditione debet esse certum pretium, in locatione & conductione certa merces: atque inter hæc est proportio: propterea quòd quam rationem habet pretium ad venditionem, eandem habet merces ad locationem. Secundò singillatim explicat similitudines horum contractuum. Similitudo est in vers. nam ut Imp. quod sicut emptio perficitur sola conuentione de pretio, ita locatio perficitur sola conuentione de mercede: adeò ut ex hac sola

conuentione nascantur actiones locati, & conducti, quarum illa locatori aduersus conductorem competit; hæc datur conductori contra locatorem.

§. 1.

II. Similitudo est, quod sicuti pretium emptionis est certum, ita etiam merces locationis certa est. Hinc duo colliguntur in §. 1. alterum in *princ.* §. quod si merces sit commissæ alieno arbitrio, veluti, *loco tibi ades ea mercede, quam Titius definierit*, contractus intelligitur factus sub conditione si Titius mercedem definierit, vt tam de emptione, quam de locatione dictum fuit. in §. 1. *suprà tit. prox.* Alterum est in *vers. qua de causa*, quod vbi merces incerta est, veluti si locum tibi ades mercede de qua inter nos postea conuenerit, non est locatio & conductio sed contractus innominatus: proinde non agitur locati & conducti, sed præscriptis verbis.

§. 2.

III. Similitudo est in §. *præterea*, quod sicuti pretium emptionis non consistit in corporibus, sed in pecunia, ita etiam merces locationis. Hic tamen notanda est differentia: quia pretium tantum consistit in pecunia numerata. *suprà tit. prox. §. item pretium.* merces autem consistit in quauis pecunia, id est, in omni re, quæ numero, pondere vel mensurâ constat, vt vino, oleo, frumento. *C. de locato. l. si olei. 21.* quamquam non desunt qui putant hoc casu non esse propriè locationem ex dictis colligitur, quemadmodum rebus inuicem traditis est contractus innominatus, id est, permutatio: veluti si tibi dem librum vt mihi des gladium; ita etiam vsu inuicem concesso non esse locationem & conductionem sed contractum innominatum: veluti si hodie tibi concedam vsu equi mei, aut bouis, vt cras mihi concedas vsu tui equi, aut bouis. ergo etiam hoc casu agitur præscriptis verbis non locati conducti.

§. 3.

IV. Similitudo est in §. *ad eod.* quod vbi prædia in perpetuum locantur, hic contractus habet aliquid venditionis, & aliquid locationis, ad eod vt dubitatum fuerit vtrum sit venditio, an locatio. Sed Zeno constituit, vt si contractus à venditione & à locatione separatus, qui quidem vocatur emphyteusis, seu contractus emphyteuticus. Ad hunc §.

Nota I. locationem duobus modis accipi quia locatio generaliter accepta diuiditur in locationem propriè dictam, & emphyteusim, seu contractum emphyteuticum, de quo in hoc §. differitur.

Nota

Nota II. hanc emphyteusis appellationem sumptam esse ab origine huius contractus: quoniam agri steriles solebant in emphyteusim dari, ut ab emphyteuta meliorarentur, & fertiles redderentur: huius autem meliorationis pars est emphyteusis, id est, insitio.

Nota III. emphyteusim dici, non solum si prædium in perpetuum locetur, sed etiam si locetur ad tempus. *ff. si ager. vectigal. l. 1. §. 1. & ll. seqq.* id est, ad longum tempus. *argum. l. 1. §. quod ait. ff. de superfic. quod est decennium. supra de usuc. versic. & ideo.* Vnde vulgò putant, quotiescumque prædium ad decennium locatur, esse contractum emphyteuticum, & utile dominium transferri in conductorem. sed non dubito, quin hæc sententia falsa sit: quia nihil verat quominus dominus prædium suum ita ad longum tempus locet, nec quid domini ad conductorem transferat: quo casu constat non posse dici emphyteusim.

Nota IV. differentiam inter venditionem, locationem, & emphyteusim. nam si venditor sit dominus, per traditionem, transfert omne dominium ad emptorem. *supra de rer. divis. §. venditio.* unde non valet venditio, si id agitur, ne emptor dominium acquirat. *ff. de contrab. empt. l. pen. §. ult.* in locatione verò dominium non transfertur. *ff. locati l. non solet. 39.* ac in emphyteusi medium quid accidit; quia tradens prædium in emphyteusim, retinet dominium directum, ac transfert in emphyteutam dominium utile. *ff. si ager vectigal. l. 1. §. 1.*

Nota V. si prædium emphyteuticum in totum pereat, periculum esse domini directi, quia non poterit amplius ab emphyteuta aliquid exigere: si verò pars prædij pereat periculum esse emphyteutæ, quia nihilominus annuam pensionem integram soluet; quamvis in locatione propriè dicta aliud obseruetur. *ff. locati l. ex conducto. 15. §. si vis, & §. seq.*

Nota IV. contractum emphyteuticum non esse iuris gentium, sed iuris civilis: quoniam eius natura dicitur esse constituta à Zenone. hinc est, quòd Imper. ait, pacta huic contractui apposita, perinde valere, ac si naturalis esset contractus: id est, perinde ac si esset contractus iuris gentium. Vnde notandum est, quòd dicitur, pactis contractus formari & reformari, non solum obtinere in contractibus iuris gentium, sed etiam in contractibus iuris civilis. Quidam tamen pro *naturalis*, legunt *natura talis*, quæ lectio non incommoda,

est: ita videtur legisse Theophilus secundum hanc lectionem sensus erit, pacta enphyteusi apposita, ita esse seruanda, ac si contractus secundum iuram naturam, quam à iure accepit, tales conuentiones in se contineret.

§. 4. V. Similitudo est in §. *item quæritur*, quia sunt aliqui contractus qui videntur commixti & coniuncti ex venditione & locatione: veluti si aurifex anulos certi ponderis ex suo auro mihi conficere debeat certo pretio. Cassius putauit simul esse venditionem, & locationem; id est, aurificem vendere aurum, & locare operas suas ad faciendum anulum. Sed hæc sententia merito displicuit: quia si quis diligenter hanc conuentionem expendat, facile intelliget vnum esse contractum, ita vt pretium detur pro anulo. Imper. ergo sic distinguit: Aurifaber mihi facit anulum vel ex suo, vel ex meo auro. Priori casu est venditio anuli. Posteriori casu est locatio operæ.

§. 5. Secunda pars est in §. *pen. de effectu conductionis*. vbi Imper. dat quatuor regulas. I. Regula est: conductor debet seruare pacta conductionis, si quæ pacta sint hoc autem non est proprium conductoris, sed obtinet etiam in locatore, & generaliter in omnibus contrahentibus: quia generaliter prætor edixit se pacta seruaturum *ff. de pact. l. 7. §. ait prætor*. II. Regula est in versic. *& si quid*. Conductor tenetur ea præstare, quæ suadet æquitas, licet de his expressè non conuenierit. hoc generaliter traditum fuit de omnibus contractibus, qui consensu perficiuntur. *sup. de obl. ex consen. vers. ult.* III. Regula est in vers. *qui pro usu*. Conductor in re conductæ præstat diligentiam exactissimam. Hoc adnotatione dignum est: quia cum locatio & conductio vtriusque gratiâ contrahatur, nimirum vt alter mercedem accipiat, alter usu rei alienæ, ve opera aliena fruatur; certè secundum regulam iuris videbatur præstanda diligentia exacta; non exactissima. Vnde nonnulli hoc loco accipiunt exactissimum pro exacto, & diligentissimum pro diligente. Atqui exactum & diligens accipiunt aut generaliter, quatenus sub se complectuntur etiam id quod est exactius, vel exactissimum; & id quod est diligentius, vel quod diligentissimum, vt in *l. vii. 75. §. usque adeo. ff. de verb. obl.* aut specialiter, vt coangustentur ad solū gradum positiuū. Si priorem interpretationem accipiant, ea quidem vera est, sed nodum non soluit. quid enim in te rest, vtrum requiras diligentiam exactissimam, an exactā, sumendo

sumendo exactam pro exactissima? Si posteriorem interpretationem sumant, ea perspicue falsa est; quia confundit gradum superlativum cum positivo. Præterea si exactissimum sumi posset pro exacto quemadmodum exactum sumi potest pro exactissimo. *suprà quib. mod. re contrahend. oblig. §. itē is.* (hoc enim argumento utuntur dictæ interpretationis auctores) certè non magis esset exactissimi, quam exacti certa appellatio, contra doctrinam Vlpiani in *d. l. ubi. §. usque adeò. V.* Regula est in vers. *quam si præstiterit.* Conductor non præstat casus fortuitos. veluti si rem sine culpa amiserit, non tenetur. hoc autem non est proprium conductoris, sed & in aliis contrahentibus locum habet. *ff. de div. eeg. iur. l. contractus. 23. in fin. & de pign. act. l. 6.* nisi cuius culpâ casus contigerit. *ff. commod. l. 5. §. quod verò.* aut pacto conuento hoc periculum subierit. *C. eod. l. 1.*

Tertia pars est in *§. ult.* quibus modis locatio & conductione soluitur. Hic tractatur vna quæstio, an morte conductoris conductione finiatur? Respondetur, non finire, sed transire ad heredem.

§. ult.;

Nota primò, cum heres dicatur in conductione succedere, ut *hic & C. eod. l. viam 10.* his verbis significari heredem conductoris esse conductorem, alioquin non in conductione, sed tantum conductori succedere non obstat *l. cum in plures. 60. §. 1. ff. eod.* quoniam ibi non negatur heredem coloni intra tempora conductionis esse colonum: sed dicitur cum domino possidere, licet non sit colonus, id est, etiam si conductionis tempus finitum sit.

Nota secundò, aliam esse rationem societatis, quia etiam si multi sint socii, tamen morte vnius societas inter omnes dissolvitur. *infra tit. prox. §. soluitur.* Differentiæ ratio est: quia (ut notavi in principio tituli *de oblig. ex consen.*) in locatione & conductione respicimus ad rem in societate verò respicimus ad personam, ut dicitur in *d. §. soluitur.*

AXIOMATA.

- 1 Locatio & conductione est similis emptioni & venditioni. *in princ.*
- 2 Locatio non est sine certa mercede. *ibid. & §. 1.*
- 3 Commodatum est grauitum. *§. 2. coniu. §. item is cui. suprà quib. mod. re contrah. oblig.*

4 Pacta

- 4 Pacta informant contractus tam iuris gentium, quam iuris ciuilis. §. 3. coniu. l. 7. §. quin immo, ff. de pactis.
 - 5 Rei emphyteuticæ periculum, si tota pereat, ad dominum spectat, si pars intereat, ad emphyteutam pertinet, d. §. 3.
 - 6 Conductor debet omnia facere secundum legem conductionis : & si quid in lege prætermissum fuerit, id ex bono & æquo præstare. §. pen.
 - 7 Conductor præstat diligentiam exactissimam, non casus fortuitos. dict. §. pen.
- Conductio transit ad heredem. §. ult.

De Societate.

TIT. XXV.

Societatem coire solemus aut totorum bonorum, quam Græci specialiter *κοινωνία* appellant : aut vnius alicuius negotiationis, veluti mancipiorum vendendorum emendendorumque, aut olci, aut vini, aut frumenti emendi vendendique.

1 § Et quidem si nihil de partibus lucri & damni nominatim conuenerit : æquales scilicet partes, & in lucro & in damno spectantur. Quod si expressæ fuerint [partes :] hæc seruari debent. Nec enim vnquam dubium fuit, quin valeat conuentio, si duo inter se pacti sint, vt ad vnum quidem, duæ partes & lucri & damni pertineant, ad alium tertia.

2 § De illa sane conuentione quaesitum est, si Titius & Seius inter se pacti sint, vt ad Titium lucri duæ partes pertineant, damni tertia : ad Sejum duæ partes damni, lucri tertia : an rata debeat haberi conuentio ? Quintus Mutius contra naturam

naturam societatis talem pactionem esse existimauit, & ob id non esse ratam habendam, Seruius Sulpitius (cuius sententia præualuit) contra sensit: quia sæpe quorundam ita pretiosa est opera in societate, ut eos iustum sit conditione meliore in societatem admitti. Nam & ita coiri posse societatem non dubitatur, ut alter pecuniam conferat, alter non conferat, & tamen lucrum inter eos commune sit, quia sæpe opera alicuius pro pecunia valet. Et adeo contra Quinti Mutij sententiam obtinuit, ut illud quoque constiterit posse conuenire, ut quis lucri partem ferat, de damno non teneatur, quod & ipsum Seruius conuenienter [sibi] fieri existimauit. Quod tamen ita intelligi oportet, ut si in alia re lucrum, in alia damnum illatum sit: compensatione facta, solum, quod superest, intelligatur lucro esse.

3 § Illud expeditum est, si in vna causa pars fuerit expressa, veluti in solo lucro, vel in solo damno, in altera vero omissa: in eo quoque, quod prætermisum est, eandem partem seruari.

4 § Manet autem societas eo usque, donec in eodem consensu perseuerauerint. At cum aliquis renunciauerit societati, soluitur societas. Sed plane si quis callide in hoc renunciauerit societati, ut obueniens aliquod lucrum solus habeat, veluti si totorum bonorum socius, cum ab aliquo heres esset relictus, in hoc renunciauerit societati ut hereditatem solus lucrifaceret, cogitur hoc lucrum communicare. Si quid verò aliud lucrifaciat, quod non captauerit: ad ipsum solum pertinet. Ei vero, cui renunciatum est, quicquid omnino post renunciatam societatem acquiritur, soli conceditur.

Soluitur

5 § Soluitur adhuc societas etiam morte socij: quia qui societatem contrahit, certam personam sibi eligit. sed & si consensu plurium societas contracta sit: morte vnus socij soluitur, etsi plures supersint: nisi in cœunda societate aliter conuenerit.

6 § Item si alicuius rei contracta societas sit, & finis negotio impositus est: finitur societas.

7 § Publicatione quoque distrahi societatem manifestum est: scilicet si vniuersa bona socij publicentur. nam cum in eius locum alius succedat, pro mortuo habetur.

8 § Item si quis ex sociis mole debiti prægrauatus, bonis suis cesserit, & ideo propter publica aut priuata debita substantia eius veneat: soluitur societas: sed hoc casu si adhuc consentiant in societatem, noua videtur incipere societas.

9 § Socius socio vtrum eo nomine tantum teneatur pro socio actione, si quid dolo commiserit, sicut is, qui deponi apud se passus est: an etiam culpæ, id est, desidii, atque negligentia nomine: quaesitum est, præualuit tamen etiam culpæ nomine teneri eum. Culpa autem non ad exactissimam diligentiam dirigenda est Sufficit enim talem diligentiam communibus rebus adhibere [socium,] qualem suis rebus adhibere solet. Nam qui parum diligentem socium sibi adsumit: de se queri, sibi que hoc imputare debet.

Princ. Societas est contractus, qui nudo consensu perficitur, de re vel negotiatione honesta, eiusque lucro, vel damno inter socios communicando. Huius tituli quatuor sunt partes.

In prima parte, quæ est *in princ. tit. Imp.* societatem diuidit in vniuersalem, quæ est omnium bonorum: & speciale quæ est vnius negotiationis, supple, vel vnius rei. *ff. cod. l. 5.*

§. 1. Secunda pars est de diuisione lucri, vel dani inter socios facien

facienda. In hac parte Imper. primò in §.1. sic distinguit aut de partibus nihil conuenit, aut certa pacta facta sunt. Primo casu fiunt partes æquales tam lucri, quam damni. Intellige æqualitatem, non arithmeticam, qua singuli tantundem precisè accipiunt, siue plus, siue minus in societatem contulerint: sed geometricam, quæ in proportionem consistit, adeò ut eadem sit ratio inter ea quæ socij conferunt, & lucrum, vel damnum quod ex societate sentiunt: verbi gratia, qui duplum in societatem contulit, duplum ex lucro capiet: qui dimidium contulit, dimidiũ percipiet. ff. hoc tit. l. 6. & Nou. Leon. 103. Hoc iure etiam veteres Græcos vsos esse constat ex Aristotele lib. 3. Polit cap. 6. Secundo casu pacta sunt seruanda: adeò ut ex pacto possint fieri partes inæquales.

Nota non diuidi simul lucrum & damnum, sed vel lucrum, vel damnum: quia si in aliis rebus lucrum, in aliis damnum accidit, compensatio fit lucri cum damno: & id, quod excedit, siue sit lucrum, siue damnum, in diuisionem venit. infra tit. prox. §. ultim.

Secundò examinat varia pacta, de quibus non sine causa §. 2. dubitari potest an ualeant. Primum pactum est in princ. §. de illa. nempe ut ad alterum socium pertineant duæ partes lucri, tertia tantum pars damni; ad alterum verò duæ partes damni, tertia lucri. hoc pactum receptum est secundum sententiam Seruij Sulpitij, contra sententiam Quinti Mutij. Vnde notandum est fieri posse, ut alius socius meliore, alius deteriore conditione in eadem societate fruatur. Secundum pactum est in versic. nam & ita. ut vnus in societatem conferat pecuniam, alter operam, & lucrũ inter eos diuidatur. hoc etiam pactum valet. Tertium pactum est in versic. adeò, ut, aliquis socius partem lucri accipiat, si lucrum accidat: partem verò damni non sentiat, si damnum contingat. hoc etiam pactum sustinetur: quia generaliter probamus, ut socius socio meliorem conditionem habeat, nisi sit societas Leonina, id est, ut totum lucrum ad vnum socium pertineat ff. eodem. l. si non fuerint. 29. §. Aristot.

Quartum pactum est in §. illud. nimirũ quod est de solo lucro, vel de solo damno inter socios partiendo, certũ est §. 3. hoc pactum seruari debere. sed quaeritur quæ partes fiant eius, quod in pacto prætermissum fuit: veluti si pactus sim cum socio meo, ut duas partes lucri accipiam, deinde non
lucrum,

lucrum, sed damnum sequatur: quæstio est, quam partem damni sustinere debeant: Respondet Imp. expressum in vno casu, censerit tacite repetitum in altero casu: vt in specie modo proposita, cum sim pactus de duabus partibus lucri, sustinebo duas partes damni.

§. 4. In tertia parte varij modi enarrantur, quibus societas soluitur. Primus modus in §. *mauet*, est renunciatio: de cuius effectu datur tres regulæ I. Regula est: Renunciatione vnius socij dissoluitur societas etiam altero socio inuito. hoc in societate speciale est: quia cum communio soleat rixas excitare. ff. de leg. at. 2. l. cum pater. 77. §. dulcissimi. nemo inuitus cogendus est in communione permanere. C. commun. diuid. l. in aliis solemus dicere, in contractibus nominatis non esse locum poenitentiae, sed hos contractus ab initio esse voluntarios, postea necessarios, C. de oblig. & act. l. 5 II. Regula est in vers. *sed plane*. Qui dolo malo renunciavit societati, vt aliquod lucrum ad se peruenturum solus lucratur, cogitur hoc lucrum cum socio communicare: alia verò lucra, quæ non captauit, solus lucratur: quoniam hic contractus est bonæ fidei, adeò vt ex bono & æquo etiam id debeatur, de quo non conuenit. III. Regula est in vers. *hi verò*. Is cui renunciatum est, indistinctè sibi retinet, neque cum socio partitur, quæcumque post renunciationem acquisiuit. Ex dictis colligitur, dolum non produci, nec à re ad rem, (si quidem dolus renunciantis societati, tantum ei nocet in eo quod captauit) nec persona ad personam, quandoquidem dolus renunciantis non nocet ei, cui renunciatum est.

§. 5. Secundus modus in §. *soluitur*, est mors, vbi notatur, quauis multi sint socij, tamen vnius morte societatem in totum dissolui, etiam inter socios superstitēs, nisi in contrahenda societate pacti sint vt vno ex sociis mortuo societas inter reliquos superstitēs maneat. Notandum insuper est, adeò verum esse, quod diximus, morte socij dissolui societatem, vt non valeat pactum societati appositum, vt heres in societate succedat, nisi sit societas vestigalium. ff. pro soc. l. nemo. 35. & l. ad. 59 Diuersa est ratio locationis & conductionis, in quam heres succedit etiam sine pacto expresso. *suprà tit. prox.* §. *ult.* vbi diuersitatis rationem exposui.

§. 6. Tertius modus in §. *item*, est finis negotij, propter quod societas contracta fuit.

§. 7. Quartus modus in §. *publicatione*, est confiscatio bonorū socij

socij: quoniam hoc casu fiscus in eius locum succedit, adeo ut pro mortuo habeatur. Nota aliam esse mortem naturalem, cum anima seiungitur à corpore: aliam civilem cum aliquis ciuitatem amittit, ac desinit esse in ciuium Romanorum numero, ut contingit deportatis quorum bona confiscantur. Item nota societatem dissolui non solum morte naturali, ut dictum fuit in §. *solvitur*. sed etiam morte civili, ut *hic*.

Quintus modus in §. *penult.* est cessio bonorum.

Quarta pars in §. *ult.* declarat effectum societatis ubi datur regula: Socius socio præstat dolum, & culpam: sic tamen, ut non teneatur maiorem diligentiam præstare in rebus communibus, quam in suis: quia sibi debet imputare, qui parum diligentem socium assumpsit. quæ sententia ex Caio sumpta est. ff. *pro soc. l. socius socio. 72.* Falsum igitur est, quod omnes Doct. tradunt, socium etiam latam culpam præstare, siquidem sufficit eum non esse negligentior in rebus communibus, quam in suis: & si negligentior esset, non leuem, sed latam culpam committeret, arg. *l. quod. Ner-ua. 32. ff. de pos.*

§. 8.

§. ult.

AXIOMATA.

- 1 Pacta sunt seruanda. §. 1. coniun. *l. in princ. & l. 7. §. ait prator. ff. de pact.*
- 2 Sæpe quorumdam ita preiosa est opera in societatem, ut iustum sit eos meliore conditione in societatem admitti. §. 2.
- 3 Lucrum, vel damnum id solum intelligitur, quod compensatione lucri cum damno facta superest. *d. §. 2.*
- 4 Expressum in parte contractus, censetur tacite repetitum in altera parte. §. 3.
- 5 Nemo debet ex suo dolo lucrari. §. 4.
- 6 Heres in societatem non succedit. §. 5.
- 7 Is, cui bona confiscantur, pro mortuo habetur. §. 7.
- 8 Socius dolum & culpam latam & leuem præstat. §. *ult.*
- 9 Qui parum diligentem socium sibi adiungit, sibi debet imputare, *d. §. ult.*

De mandato.

T I T. XXVI.

Mandatum contrahitur quinque modis: siue sua tantum gratia aliquis tibi mandet, siue sua & tua, siue aliena tantum, siue sua & aliena, siue tua & aliena. At si tua tantum gratia mandatum sit: superuacuum est mandatum, & ob id nulla ex eo obligatio, nec mandati inter vos actio nascitur.

1 § Mandantis [tantum] gratia interuenit mandatum: veluti si quis tibi mandet, vt negotia eius gereres, vel vt fundum ei emereres, vel vt pro eo sponderes.

2 § Tua gratia & mandantis, veluti si mandet tibi, vt pecuniam sub vfuris crederes ei, qui in rem ipsius mutualetur: aut si volent te agere cum eo ex fideiussoria causa, mandet tibi, vt cum reo agas, periculo mandantis: vel vt ipsius periculo stipuleris ab eo, quem tibi deleget in id, quod tibi debuerat.

3 § Aliena autem [tantum] causa interuenit mandatum, veluti si tibi aliquis mandet, vt Titij negotia gereres, vel vt Titio fundum emereres, vel vt pro Titio sponderes. Sua & aliena: veluti si de communibus suis & Titij negotiis gerendis tibi mandet vel vt sibi & Titio fundum emereres, vel vt pro eo & Titio sponderes. Tua & aliena: veluti si tibi mandet, vt Titio sub vfuris crederes: quia si sine vfuris pecuniam crederes, aliena tantum gratia intercedit mandatum.

4 § Tua

4 § Tua tantum gratia interuenit mandatum : veluti si tibi mandet , vt pecunias tuas in emptio- nem potius prædiorum colloces , quam fœneres : vel ex diuerso , vt pecunias tuas fœneres potius , quam in emptione prædiorum colloces. Cuius ge- neris mandatum , magis consilium , quam manda- tum est , & ob id non est obligatorium : quia nemo ex consilio mandati obligatur , etiam si non ex- pediat ei , cui mandabatur , cum liberum cuique sit apud se explorare , an sibi expediat consilium. Itaque si otiosam pecuniam domi te habentem hortatus fuerit aliquis , vt rem aliquam emerēs , vel eam crederes : quamuis non expediat eam tibi emisse , vel credidisse , non tamen tibi mandati tenetur. Et adeo hæc ita sunt , vt quæsitum sit , an mandati teneatur , qui mandauit tibi vt pecu- niam Titio fœnerares : sed obtinuit Sabini senten- tia , obligatorium esse in hoc casu mandatum : quia non aliter Titio credidisses , quam si tibi mandatum esset.

5 § Illud quoque mandatum non est obligatorium , quod contra bonos mores est : veluti si Titius de furto , aut [de] damno faciendo , aut de iniuria facienda man- det tibi. licet enim pœnam istius facti nomine præ- stiteris , non tamen ullam habes aduersus Titium actionem.

6 § Is , qui exequitur mandatum , non debet excedere fines mandati. vt ecce , si quis vsque ad centum aureos mandauerit tibi vt fundum eme- res , vel vt pro Titio sponderes : neque pluris eme- re debes , neque in ampliorem pecuniam fideiubere. alioqui non habebis cum eo mandati actionem , adeo quidem , vt Sabino & Cassio placuerit , etiam

si usque ad centum aureos cum eo agere volueris, inutiliter te acturum. [Sed] diuertiæ scholæ auctores recte usque ad centum aureos te acturum existimant: quæ sententia sane benignior est. Quod si minoris emeris, habebis scilicet cum eo mandati actionem: quoniam qui mandat, ut sibi centum aureorum fundus emeretur, is utique mandasse intelligitur, ut minoris (si possit) emeretur.

7 ¶ Recte quoque mandatum contractum, si dum adhuc integra res sit, reuocatum fuerit, euanescit.

8 ¶ Item si adhuc integro mandato, mors alterutrius interueniat, id est, vel eius qui mandauerit, vel illius, qui mandatum suscepit: soluitur mandatum. Sed utilitatis causa receptum est: si eo mortuo, qui tibi mandauerat, tu ignorans eum decessisse, executus fueris mandatum: posse te agere mandati actione: alioqui iusta & probabilis ignorantia tibi damnum adferret. Et huic simile est, quod placuit, si debitores manumisso dispensatore Titij, per ignorantiam liberto soluerint, liberari eos, cum alioqui stricta iuris ratione non possent liberari, quia alij soluissent, quam cui soluere debuerint.

9 ¶ Mandatum non suscipere, cuiuslibet liberum est: susceptum autem consummandum est, aut quam primum renunciandum, ut per semetipsum, aut per alium eandem rem mandator exequatur. Nam nisi ita renunciatur, ut integra causa mandatori reseruetur eandem rem explicandi: nihilominus mandati actio locum habet: nisi iusta causa intercesserit, aut non renunciandi, aut intempestiue renunciandi.

10 ¶ Mandatum, & in diem differri, & sub conditione fieri potest.

11 ¶ In

¶ In summa sciendum est, mandatum, nisi gratuitum sit, in aliam formam negotij cadere. Nam mercede constituta, incipit locatio & conductio esse. Et (ut generaliter dicamus) quibus casibus sine mercede suscepto officio, mandati siue depositi contrahitur negotium: iis casibus interueniente mercede locatio & conductio intelligitur contrahi. Et ideo si fulloni polienda curandaue quis dederit vestimenta, aut sarcinatori sarcienda, nulla mercede constituta, neque promissa: mandati competit actio.

Vltimus contractus, qui consensu perficitur, est mandatum: quod definiiri potest, Contractus, qui consensu perficitur de alieno negotio gratis periculo mandantis bona fide gerendo.

Huius tituli quinque sunt partes:

In prima tractatur quaestio, an mandatum valeat. ad quam respondetur per duplicem distinctionem.

Prior distinctio *in princ. tit.* constat sex casibus, ita ut quinque prioribus casibus mandatum valeat, vltimo casu non valeat. I. Casus est, cum mando tibi mea causâ. II. Cum mado mea & tua causâ. III. Cum tibi mando nec mea, nec tua, sed aliena causâ. IV. Cum mando mea & aliena causâ. V. Cum tua & aliena causâ. VI. cum tua tantum causâ: quo casu non est verum mandatû, sed potius consilium. Addi potest. VII. Casus, quo mandatum est vtile, videlicet si tibi mande tua & mea & aliena causâ: veluti cum tutor contutori suo mandat negotium pupilli gerendum. hoc enim mandatum est in gratiâ pupilli, quia res ad eum pertinet: nec non in gratiam mandantis, & mandatarij, quia vterque pupillo tenetur actione tutelæ, nisi negotium pupilli recte geratur. ff. hoc tit. l. si procuratorem 8. §. si tutores. Non posse autem plura quam septem genera excogitari, sic ostenditur: in omni mandato tres personæ spectari possunt; mandator, mādātarius, & extraneus; hinc oriuntur tres modi simplices, id est, in quibus vna persona cōsideratur, nēpe, mādātis causa, mādātarij causa, & aliena, siue extranei causa, & totidē ex duabus personis coniuncti: mandantis, & mandatarij

K R 3

gratia,

gratia, mandantis & extranei, mandatarij & extranei: atque vnus modus coniunctus ex tribus personis, id est, mandantis, mandatarij & extranei causa. Illa autem quinque mandatorum genera in contextu relata Imp. deinceps variis & perspicuis exemplis declarat. §.1. *usque ad §. illud tantum.* igitur quædam ad hos §§. notauimus.

Ad 1. §. nota *spondere*, accipi pro fideiubere.

§. 1.

§. 2.

Ad §. *tuâ gratiâ*, nota, in creditoris arbitrio esse, vtrum malit conuenire rem principalem, an fideiussorem: adeo vt fideiussor hoc iure conueniri possit ante reum principalem. Sed hoc ius corrigitur per *Non. 4.* vbi datur fideiussori exceptio, quæ vocatur beneficiû ordinis, propterea quod creditor cogitur vti hoc ordine, vt prius conueniat reum principalem, si modò adsit, & sit soluendo, quàm fideiussorem.

§. 3.

Ad §. *aliena*, nota, cum aliena tantum causa mandatur, non prius dari actionem mandati, quàm coeperit mandatis interesse. *d. §. si procuratorem. ff. mandati.*

§. 4.

Ad §. *tuâ tantum*, Nota I. differentiam duplicem inter mandatum & consilium. Vna est, quod consilium semper dari debet in gratiam eius cui datur; mandatum verò aliter contrahitur, vt expositum fuit *in principio tit.* Altera est quod mandatum est obligatorium & parit actionem mandati; cōsiliū verò non est obligatorium, nisi dolo malo datum sit, quo casu de dolo agitur. *ff. de d. n. reg. iur. l. consil. 47.*

Nota II. differentiam inter pecuniam otiosam, & pecuniam occupatam. nam otiosa est, quæ vsui non est, veluti quæ est in arca; occupata verò est, veluti quæ alteri est credita: atque hæc vel est sterilis, si sit mutuum gratuitum; vel est foeneratitia, si sub vsuris credita sit.

Nota. III. differentiam inter hos duos casus, *mando tibi vt pecuniam credas alicui*, & *mando tibi vt pecuniam Titio foeneres*. Priori namque casu tua tantum gratiâ mando: proinde non est verum mandatum, sed consilium. Posteriori casu est mādatum tuâ & Titij gratiâ. nā Titius sentit commodum, dū ei creditur pecunia, qua eget: ac tu sentis commodum, quatenus lucraris vsuras. Hactenus prior mandati distinctio.

§. 5.

Posterior est in §. *illud*. Aut enim est mandatū de re honesta, veluti de emēdis ædibus. vel de pecunia credēda: aut est de re turpi, veluti de homicidio, aut furto faciendo,

Priori

Priori casu mandatum valet. Posteriori Casu Iustin. ait mandatum esse inutile.

Secunda tituli pars est in §. *is qui exequitur*, de effectu §. 6. mandati. vbi datur regula, quod mandatarius non debet excedere fines mandati. Vnde oriuntur duæ quæstiones. Prior est, si mande tibi, vt emas mihi ædes 100. aureis, ac tu emas 120. aureis; vtrum possis quod impendisti à me repetere actione mandati. Posterior est, si tibi mandem vt emas mihi ædes 100. aureis, tu verò emas 80. aureis, an tibi contra me actio comperat. Priori casu Iustin. reprobatur sententiam Sabini & Cassij, & probatur sententiâ Nerui & Proculi, te poste à me repetere duntaxat 100 aureos, quia quod ad hanc summam, non excessisti fines mandati, pro reliquis autem 20. quot vltra mandatum meum impendisti, nullam habes contra me actionem. Hic igitur locū ea habet regula, quod vtile per inutile non vitiatur. Posteriori casu dat actionem mandati: quia mandatarius non excessit mandati fides, dum minoris emit, quam sibi mandatum sit. etenim qui expresse mandat emi 100. aureis, tacite mandat minori pretio emi, si fieri possit: valet autem mandatum, non tantum expressum, sed etiam tacitum. ff. de procur. l. ad rem mobilem. §. 6. d. l. ad legatum. 62. §. mandati. l. qui patitur. 18.

Tertia pars est de modis, quibus mandatum soluitur. sunt autem tres modi: quorum primus spectatur in mandatore: tertius in mandatario: secundus in vtroque. I. Modus in §. *reus*, est reuocatio mandati, dummodo fiat re integra: id est, antequam mandatarij interesse incipiat. ff. hoc tit. d. l. si procuratorem. §. mandati. verbi gratiâ, mandavi tibi, vt pro me ires Romam: mox possum per poenitentiam reuocare mandatum ita vt ibi non sum mandati obligatus. Sed si iam te parasti ad iter, puta equum, & alia ad iter necessaria emisisti, non est amplius res integra: proinde non possum in tuum præiudicium reuocare mandatum, sed tenebor in id quod tua interest.

II. Modus in §. *item*, est mors mandatoris, vel mandatarij, §. 8. similiter contingens re integra. Excipe, nisi qui post mortem suam aliquid faciendum, puta monumentum sibi extruendum, mandauerit. ff. eod. l. si verò non remunerandi. 12. §. ult. Sed ex dictis oritur quæstio, si mandatore re integra mortuo, mandatarius eum mortuū esse ignorans, mandatum executus sit, & pro mandatore aliquid impenderit, vel

solverit, an id possit repetere ab herede mandatoris? Respondet Imper. in versic. *sed utilitati*, mandatario actionem dari utilitatis causa, id est, ex bono & æquo contra rationem stricti iuris ne iusta ignorantia ei noceat.

Nota primò, cum hæc actio dicatur dari utilitatis causâ, esse actionem utilem, non directam.

Nota secundò, hanc regulam, iusta & probabilis ignorantia non nocet, intellige ignorantiam facti non iuris. ff. de iur. & fact. igno. l. regula 9. in princ. nam facti alieni ignorantia etiam in viros prudentissimos cadit. ff. eod. l. 2. Hæc regula, quod ignorantia facti toleratur, & excusat, à Iustin. confirmatur in vers. & huic simile. hoc exéplo, Stichus erat servus, actor, seu dispensator Titij, id est, præerat pecuniis domini sui foenerandis, & exigendis, itaque pecunias quasdam credidit Sempronio. certè si Stichus in eodem statu mansisset, Sempronius ei rectè solveret: sed fingimus antequam Sempronius solveret, Stichum esse à domino suo manumissum, hæc manumissione non solum desinit esse servus, sed etiam dispensator. quamobrem Sempronius nõ debet servo manumisso soluere, sed Titio creditori. i tamen Sæpronius ignorans Stichum esse manumissum ei solverit; ex bono & æquo, ne iusta ignorantia ei obsit, liberatione consequitur contra rationem stricti iuris; quoniam ei soluit, cui non debuit.

III. Modus §. *mandatum*, est renunciatio mandati sicut §. 2. enim mandator potest reuocare mandatum, ita etiam mandatarius potest renunciare mandato sed que nãd nodum mandator debet reuocare re integra, ita etiam mandatarius debet renunciare tempestivè, ut integra causa mandatori servetur negotium per se, vel per alium expediendi. siue ergo mandatarius, qui non est mandatum executus, mandato non renunciauerit, siue tardiùs renunciauerit, mandatori tenetur in id quod eius interest Excipitur in contextu, nisi ob iustam causam excusetur. veluti quia propter tempestatem, aut vim fluminis, aut incursum hostium, non potuit suo tempore mandatori renunciare. Adde aliam exceptionem, nisi mandatoris nihil intersit. cum enim actione mandati petat quod sua interest mandatum impleri; certè si nihil intersit, nihil petet. ff. hoc tit. d. l. si procuratorem. §. *mandati*. Ex hoc §. & §. recte. sup. hoc tit. intelligimus in contractu mandati esse locum poenitentia, ut & in contractu societatis. supra tit. prox. §. *manet*. hoc igitur proprium

proprium est horum contractuum, in quibus dixi magis respici ad personas, quam ad res. nam eiusmodi poenitentia, neque in emptione & venditione, neque in locatione & conductione locum habet.

Quarta pars in §. penult. proponit duo mandati accidentia, nempe diem, & conditionem. Dies apponitur mandato: veluti, *mando tibi, ut post biennium domum mihi emas*. §. 10. Conditio apponitur mandato: veluti, *mando tibi, ut, si Titius soluerit quod mihi debet, eam pecuniam domum mihi emas*.

Quinta pars in §. ult. declarat proprietatem mandati; nimirum quod est gratuitum. Hæc proprietas non convenit soli mandato, sed etiam aliis contractibus, ut comodato, & deposito. Vnde tres casus distinguuntur, ut ex ipso cōtextu colligitur. Aut enim nulla merces interuenit, sed est contractus gratuitus: aut convenit de certa mercede: aut de incerta mercede. I. Casu est mandatum, vel commodatum, vel depositum. II. Casu est locatio & condictio. III. Casu est contractus innominatus. Coniunge §. item is. versic. ult. supra quib. mod. re contrah. oblig. & §. 1. supra de locat. & cond.

Nota aliud esse honorarium, aliud mercedem. Nam merces est pretium quoddam. ff. ad leg. Rhod. de iact. l. ult. §. ult. & de acq. poss. l. si quis ante 10. honorarium verò non est merces, sed honoris causa tribuitur. ff. si mensor. fal. mod. dix. l. 1. in princ. Idcirco honorarium non impedit actionem mandati. ff. hoc tit. l. 6. in princ. idem dicendum de salario. ff. eod. l. 7.

A X I O M A T A

- 1 Nemo ex consilio obligatur mandati, quamvis consilium non sit utile ei cui datur: quia liberum est unicuique, apud se explorare, an sibi expediat. §. 4.
- 2 Mandatum contra bonos mores nō est obligatoriū. §. 5.
- 3 Mandatarius non debet excedere fines mandati. §. 6.
- 4 Qui mandat certo pretio emi, tacitè mandat minoris emi, si possit, non pluris. d. §. 6.
- 5 Utile per inutile non vitiatur d. §. 5. coniun. §. si quis alij. & §. quoties. supra de inutil. stipul. & l. 1. §. pen. ff. de verb. oblig. & reg. 37. ex. de regul. iur. lib. 6.
- 6 Mandatum re integra reuocari potest §. 7.
- 7 Mandatum non transit ad heredes. §. 8.
- 8 Iusta alieni facti ignorantia excusat. d. §. 8.

K k 5

9 Nemo

Nemo cogitur mandatum suscipere, sed sponte, susceptum tenetur perficere, aut re integra quam primùm ei renunciare. Nam re integra potest ei renunciari. §. 9.

10 Mandatum est gratuitum. §. ult.

11 Depositum est gratuitum. d. §. ult.

12 Quibus casibus sine mercede suscepto officio mandatum, seu depositum contrahitur, his casibus interueniente mercede locatio & conductio intelligitur. d. §. ult.

De obligationibus, [quæ] quasi ex contractu nascuntur.

TIT. XXVII.

Post genera contractuum enumerata dispiciamus etiam de iis obligationibus, quæ quidem non proprie nasci ex contractu intelliguntur: sed tamen quia non ex maleficio substantiam capiunt, quasi ex contractu nasci videntur.

Igitur cum quis negotia absentis gesserit: ultro citroque inter eos nascuntur actiones, quæ appellantur negotiorum gestorum. sed domino quidem rei gestæ aduersus eum, qui gessit, directa competit actio: negotiorum autem gestori contraria. quas ex nullo contractu proprie nasci, manifestum est: quippe ita nascuntur istæ actiones, si sine mandato quisque alienis negotiis gerendis se obtulerit. ex qua causâ ij, quorum negotia gesta fuerint, etiam ignorantes obligantur. Idque utilitatis causa receptum est: ne absentium, qui subita festinatione coacti, nulli de mandata negotiorum suorum administratione, peregre profecti essent, defererentur negotia: quæ sane nemo curaturus esset, si de eo, quod quis impendisset, nullam habiturus esset actionem. Sicut autem is, qui utiliter gessit negotia,

dominum habet obligatum negotiorum gestorum, ita & contra iste quoque tenetur, ut administrationis reddat rationem. Quo casu ad exactissimam quisque diligentiam compellitur reddere rationem: nec sufficit talem diligentiam adhibere, qualem suis rebus adhibere solet: si modo alius diligentior[eo] commodius administraturus esset negotia.

2 § Tutores quoque, qui tutelæ iudicio tenentur non proprie ex contractu obligati [esse] intelliguntur: (nullum enim negotium inter tutorem & pupillum contrahitur) sed quia sane non ex maleficio tenentur, quasi ex contractu teneri videntur. Hoc autem casu mutuae sunt actiones. Non tantum enim pupillus cum tutore habet tutelæ actionem: sed & contra tutor cum pupillo habet contrariam tutelæ, si vel impenderit aliquid in rem pupilli, vel pro eo fuerit obligatus, aut rem suam creditoribus eius obligauerit.

3 § Item si inter aliquos communis res sit sine societate: veluti quod pariter eis legata donatave esset: & alter eorum alteri ideo teneatur communi diuidendo iudicio, quod solus fructus ex ea re perceperit, aut quod socius eius solus in eam rem necessarias impensas fecerit: non intelligitur ex contractu proprie obligatus esse: quippe nihil inter se contraxerunt, sed quia ex maleficio non tenetur: quasi ex contractu teneri videtur.

4 § Idem iuris est de eo, qui coheredi familiæ erciscundæ iudicio ex his causis obligatus est.

5 § Heres quoque legatorum nomine non proprie ex contractu obligatus intelligitur: (neque enim cum herede, neque cum defuncto, vllum negotium legatarius gessisse proprie dici potest) & tamen quia ex maleficio non est obligatus: quasi ex contractu debere intelligitur.

6 § Item

6 § Item is, cui quis per errorem non debitum soluit. [quasi ex contractu debere videtur] Adeo enim non intelligitur proprie ex contractu obligatus [esse] ut si certiore rationem sequamur. magis (ut supra diximus) ex distractu, quam ex contractu possit dici obligatus esse, nam qui soluendi animo pecuniam dat, in hoc dare videtur, ut distrahat potius negotium, quam contrahat. Sed tamen perinde is, qui accipit, obligatur, ac si mutuum ei daretur. & ideo condictione tenetur.

7 § Ex quibusdam tamen causis repeti non potest, quod per errorem non debitum solutum sit. sic namque definierunt veteres, ex quibus causis inficiando lis crescit, ex iis causis non debitum solutum, repeti non posse: veluti ex lege Aquilia, item ex legato. Quod veteres quidem in iis legatis locum habere voluerint, quæ certa constituta, per damnationem cuique legata fuerant. nostra autem constitutio, cum vnam naturam omnibus legatis & fideicommissis indulsit, huiusmodi augmentum in omnibus legatis & fideicommissis extendi voluit: sed non omnibus legatariis hoc præbuit, sed tantummodo in iis legatis & fideicommissis, quæ sacrosanctis ecclesiis, & cæteris venerabilibus locis, quæ religionis, vel pietatis intuitu honorantur, relicta sunt: quæ si indebita solvantur, non repetuntur.

Post contractus expositos, subiiciuntur quasi contractus. Ut autem intelligatur discrimen inter contractus, & quasi contractus, notandum est, duo in hac materia spectari, conventionem & causam. Conventio est facti, nimirum consensus duorum, inter quos convenit de re aliqua danda vel facienda. causa verò est iuris: est enim vis conventioni, vel cuius actui à iure tributa, obligationem & actionem

nem pariens. vnde dicitur causa, quia est causa obligationis & actionis. Quando igitur hæc duo concurrunt, conventio & causa: tunc est verus contractus. ff. de pact. l. 1. §. conventionis, & l. 7 §. sed & si in alium. Vbi autem est conventio sine causa, dicitur pactum nudum. d. l. 7 §. sed cum nulla. denique vbi est causa sine conventionione, si delictum absit, appellatur quasi contractus: habet enim aliquid contractus quatenus habet causam, & parit obligationem: sed non est verus contractus, quia non habet conventionem, sine qua verus contractus esse nequit. d. l. 1. §. conventionis.

Primò in pr. tit. generaliter loquitur de quasi contractu. vbi duo tradit. Primò enim nectit hunc titulum cum præcedentibus. Deinde in vers. *que quidem*, ostendit hos non esse veros contractus, sed quia non possunt referri inter maleficia, meritò appellari quasi contractus: nimirum quia contractibus similes sunt quatenus habent causam, ut nuperrimè exposui. Obserua Iustin. non negare hos aliquando appellari contractus: sic enim appellatur in l. 1. §. debitum ff. de pec. const. & multis aliis locis: sed negat vocari contractus propriè, quia conventionione vacant, quæ à veris contractibus abesse non potest. Post hæc singillatim enarrat varia genera quasi contractuum, in quibus omnibus obseruare licet esse causam sine conventionione.

Princ.

Primus quasi contractus est negotiorum gestio, de qua in §. 1. vbi Imper. I. loquitur de hac obligatione in genere, ac docet vnde nascatur, & quem effectum pariat. Nascitur ex eo quòd aliquis negotia absentis gessit. parit autem actionem negotiorum gestorum directam, & contrariam: quarum illa datur domino contra gestorem, hæc gestori contra dominum. §. 1.

Nota primò; verbum *negotia*; hîc latè accipi, siue sint iudicialia, siue extra iudicialia; quomodo hoc verbum accipitur etiam in l. 1. ff. de procur. interdum verò negotia propriè & angustè sumuntur pro iis, quæ spectantur extra iudicium, ut cum dicimus alios esse procuratores ad lites, alios ad negotia. ff. eod. l. seruum quoque. 33 in pr.

Nota secundò, Imper. loqui de negotiis absentis: quia si dominus negotiorum præsens esset, hæc actio negotiorum gestorum locum habere non posset, aut enim dominus præsens paritur negotia sua ab alio geri, & censetur tacitè mandare

dare ut gerat, proinde non tenetur negotiorum gestorum, seu ex quasi contractu, sed tenetur ex vero contractu, id est, mandati: ff. *mandati*. l. 6. §. *si passus*. aut prohibet eum gerere, & nulla actione tenetur. *C. de neg. gest.* l. ult.

Nora tertio, in toto hoc tractatu de negotiis gestis, & cum dicimus agi negotiorum gestorum, semper intelligi negotia ab alio gest., domino non solum absente; sed etiam ignorante, ut hac ratione sit quasi contractus, non mandatum.

Nora quarto, actionem directam dari domino contra gestorem: contrariam vero competere gestori contra dominum: propterea quod hoc facto, id est, negotiorum gestione principaliter obligatur negotiorum gestor ad rationem administrationis suae reddendam: per consequentiam vero quandam ex bono & aequo dominus obligatur gestori, ut ei restituat impensas in negotia gerenda factas, quia nemini debet officium suum esse damnosum. ff. *restam. quemad. aper.* l. 7. Hinc est, quod actio quae plerumque vocatur directa, interdum appellatur principalis, ut in *commodato* 17. §. 1. ff. *commod.* l. 1. in vers. *una ex nullo*, ostendi actiones negotiorum gestorum esse ex quasi contractu. III. In vers. *ex qua causa*, specialiter loquitur de obligatione contraria, & rationem perspicuam affert cur aliquis absens & ignorans obligetur ostendens eum obligari *utilitatis causa*, id est, ex bono & aequo, quia hoc ipsi quoque est utile, ne eius negotia ab omnibus deterantur, quia nemo facile ea curaret, nisi posset impensas repetere. IV. In vers. *sicut* specialiter loquitur de obligatione directa, ac docet quantum negotiorum gestor teneatur. Inquit ergo eum praestare diligentiam exactissimam sed quia hoc non est verum regulariter, idcirco recte subiicit limitationem, si modò alius diligentior erat negotia gesturus: hoc enim casu non sufficit diligentia exacta, aliàs si non erat alius diligentius gesturus, negotiorum gestor tantum diligentiam exactam praestat. *C. de neg. gest. l. tutori.* 20.

§. 2.

Secundus quasi contractus in §. *tut. res* est tutela. Hic quoque est mutua obligatio inter tutorem & pupillum. I. Imp. loquitur de obligatione & actione directa, qua tutor tenetur pupillo, ut ratione tutelae gestae reddat: & ostendit hanc obligationem non esse ex contractu, quia nullum negotium inter tutorem & pupillum contrahitur, id est, pupillus non
 * eligi

eligi sibi tutorem, sed eum accipit ex testamento parentis vel à lege, vel à magistratu. quoniam igitur nec est contractus, nec ullum delictum, sine dubio est quasi contractus. II. In vers. *hoc autem*, loquitur de actione contraria, & ostendit pupillum ex variis causis tutori teneri, ut quia tutor pro pupillo aliquid utiliter impendit, vel pro eo se obligavit, aut rem suam creditoribus pupilli pignerauit.

Nota, eadem ratione dici actionem tutelæ directam, & contrariam, quam supra vocauimus actionem negotiorum gestorum directam, & contrariam, id est, quia principaliter obligatur tutor, ut tutelæ gestæ rationem reddat: minus principaliter obligatur pupillus.

Tertius quasi contractus est communio. Loquimur de §. 3.
communione extra causam societatis, alioquin esset verus contractus. quemadmodum autem societas diuiditur in vniuersalem, & particularem, *suprà de societ. in princ.* ita etiã hæc communio vel est particularis, vel vniuersalis, ut hereditatis. De particulari communione agitur in §. *item si inter*, vbi dantur duo exempla. Alterum est, si duobus eadem res sit legata: alterum, si duobus sit donata: nam his casibus non est contractus, quia non est societas, sed quasi contractus.

Nota primò hos vocari socios improprie, ut in hoc. §. illis verbis, *aut quod socius eius*. &c.

Nota secundo, socium socio, siue sit socius proprie dictus (id est, ex contractu societatis) siue improprie, (id est, ex aliis causis, puta ex legato, vel donatione) teneri actione communi diuidundo. Differentia verò est: quia vbi sunt veri socij, non solum datur hæc actio communi diuidundo, sed etiam actio pro socio, vbi autem veri socij non sunt, non agitur pro socio, sed tantum communi diuidundo. Idcirco Imper. in hoc §. tantum loquitur de actione communi diuidundo.

Nota tertio, actionem pro socio esse personalem, actionem verò communi diuidundo esse mixtã. quatenus enim agitur de re diuidenda, ut quilibet partem suam accipiat, est actio in rem, quæ nascitur ex pariũ dominio, quatenus autem agitur ob præstationes personales, id est, quia vnus ex sociis fructus percepit, vel damnum in re communi dedit, vel alter socius in rem communem impendit, eatenus est actio in personam, quæ nascitur ex obligatione. Quocirca
Imp.

Imp. qui in præsentia loquitur de obligatione, non de dominio, tantum loquitur de præstationibus personalibus: quia tantum merito harum præstationum actio communi diuidendo dicitur esse ex quasi contractu.

§. 4. De communione hereditatis agitur in §. *idem iuris*. ubi datur actio famil. erciscundæ, quemadmodum ob rem particularem communem dabatur actio communi diuidendo. Hæc quoque actio familæ erciscundæ est mixta, sed eatenus nascitur ex quasi contractu, quatenus persequitur præstationes personales, non quatenus aliquis petit hereditatem diuidi, & partem sibi attribui.

§. 5. Quartus quasi contractus in §. *heres*, est aditio hereditatis: quoniam hæres adeundo videtur quasi contrahere. proinde quasi ex contractu tenetur legatariis, ut legata eis soluat. ff. *quib. ex caus. in poss. eat.* l. 3. §. ult. c. l. seq.

§. 6. Quintus quasi contractus in §. *pen.* est solutio indebiti, de qua dictum fuit. in §. 1. *suprà* quib. mod. re contrah. obl.

§. ult. Addidit hoc loco Imp. in §. ult. quibusdam casibus indebitum solutum non repeti, licet per errorem solutum fuerit. dat igitur hanc regulam, quibus ex causis inficiando lis crescit, indebitum solutum non repetitur. Intellige inficiando litem crescere, quando reus, si debitum fateatur, condemnatur in simplum. si verò neget, & conuincatur, condemnatur in duplum. Harum causarum duo exempla proponuntur in contextu. I. Exemplum est, si quis agat lege Aquilia de damno sibi datur quod explicabitur in §. *sed furti*, *infra* de actionibus. II. Exemplum est, cum petitur legatum Ecclesiæ vel alij loco pio relictum: quo casu heres in duplum condemnatur, non solum propter inficiationem, si falsò negauerit hoc legatum deberi, sed etiam propter solutionis dilationem, si legatum non soluat, sed patiatur se iudicio conueniri. d. §. *sed furti*.

AXIOMATA.

- 1 Negotiorum gestio est quasi contractus. §. 1.
- 2 Æquum est absentium, qui subita festinatione coacti, peregre profecti sunt, negotia non deferri. d. §. 1.
- 3 Nemo absentis negotia facile curaret, nisi impensas repetere posset. d. §. 1.
- 4 Negotiorum gestor, si eius contemplatione alius ab administratione abstinuit, exactissima, d. §. 4. alias exactam diligen

- diligentiam regulariter præstat. *C. de neg. gest. l. tutori 20.*
- 5 Qui tutelam subit, nullum negotium cum pupillo contrahit §. 2.
 - 6 Rei communio sine societate, est quasi contractus. §. 3.
 - 7 Qui hereditatem adit, quasi contrahit cum legatariis. §. 5. & cum creditoribus hereditariis, ff. quibus ex causis in poss. eat. l. 3. §. ult.
 - 8 Solutio indebiti est quasi contractus, id est distractus, §. pen. coniun. §. 1. *suprà quib. m. d. re contr. oblig.*
 - 9 Indebitum accipiens obligatur quasi ex mutuo. d. §. penult. coniun. d. §. 1.
 - 10 Ex quibus causis per inficiationem lis crescit, ex his causis indebitum solutum non repetitur. §. ult.
 - 11 Ex lege Aquilia inficientes damnantur in duplum, cōfidentes in simplum. d. §. ult. coniun. §. *sed furti, inf. de act.*
 - 12 Qui legatum loco pio relictum, falsò inficiatur, condemnatur in duplum. d. §. ult. Idem est, si soluere differat, donec iudicio conveniatur. d. §. *sed furti.*

Per quas personas nobis obligatio adquiritur.

TIT. XXVIII.

EXpositis generibus obligationum, qui ex contractu, vel quasi ex contractu nascuntur: admonendi sumus adquiri nobis non solum per nosmetipsos, sed per eas quoque personas, quæ in nostra potestate sunt, veluti per seruos & filios nostros: ut tamen, quod per seruos [nostros] nobis adquiritur, totum nostrum fiat: quod autem per liberos, quos in potestate habemus, ex obligatione fuerit acquisitum, hoc diuidatur secundum imaginem rerum proprietatis & ususfructus, quam nostra decreuit constitutio: ut quod ab actione commodum perueniat, huius ususfructum quidem habeat pater, proprietatem autem filio feratur,

scilicet patre actionem mouente secundum nouellæ nostræ constitutionis diuisionem.

1. ¶ Item per liberos homines, & alienos seruos, quos bona fide possidemus, acquiritur nobis: sed tantum ex duabus causis, id est, si quid ex operis suis, vel ex re nostra adquirant.

2. ¶ Per eum quoque seruum, in quo vsumfructum [vel vsum habemus,] similiter ex duabus istis causis nobis acquiritur.

3. ¶ Communem seruum pro dominica parte dominis acquirere certum est: excepto eo, quod nominatim vni stipulando, aut per traditionem accipiendo, illi soli acquirit: veluti cum ita stipulatur. *Tisio domino meo dare spondes?* Sed si domini vnus iussu seruus fuerit stipulatus, licet antea dubitabatur, tamen post nostram decisionem res expedita est, vt illi tantum adquirat qui hoc ei facere iussit, vt supra dictum est.

Postquam exposuit modos, quibus obligatio dicitur acquiri ex contractu, vel quasi contractu: consequenter agit de personis per quas acquiritur. qua methodo vsus est etiam in tractatu de dominio lib. 2. tit. 9. cum quo hic tit. est conferendus, & ex illo sumenda huius interpretatio: quia dominij & obligationis, quantum ad hoc, eadem est ratio.

Princ. Primò Imper. loquitur de acquisitione per filios, vel seruos in nostra potestate constitutos.

§. 1. Secundò in §. 1. de acquisitione per eos, quos bona fide possidemus.

§. 2. Tertiò in §. *per eum*, de acquisitione per seruum, in quo vsumfructum, vel vsum habemus. Pro quorum omnium expositione sufficiunt notata ad d. tit. 9. hoc excepto, quòd hic dicitur de seruo in quo vsum habemus: quia non fuit ibi expositum, & expositione eget, si in contextu retineamus verbum, *vel vsum*, quod à quibusdam codicibus abest. dubitatio namque occurrit: quia Iustinianus comparat seruum fructuarium, & seruum vsuarium, inquiens vtrumque nobis

lis acquirere ex duabus tantum causis, id est, ex operis suis, vel ex re nostra: atqui in seruo quidem fructuario nulla est difficultas. de eo verò, in quo nudum vsum habemus, merito dubitatur: quoniam vsuarius operas serui locare nequit. ff. de usu & hab. l. hab. l. plenum 12. §. vlt. & l. per seruum 14. in princ. Theophilus fingit ipsum seruum suas operas locasse: quod non puto admittendum: sed existimo ita ponendum casum, ut is, qui in seruo vsum habet, aliquid faciendum conduxerit, & in eo faciendo operis eius serui sit vsus, mercedemque pro operis illis statuerit. quod quidem constat vsuarium facere posse. ff. eod. l. sed ipsi 13.

Quartò in §. vlt. loquitur de seruo duorum, & repetit ea, quæ iam tradita fuerunt *suprà de stipul. seru. §. vlt.*

§. vlt.

Quibus modis obligatio tollitur.

TIT. XXIX.

Tollitur autem omnis obligatio solutione eius quod debetur: vel si quis, consentiente creditore, aliud pro alio soluerit. Nec interest, qui soluat: utrum ipse, qui debet, an alius pro eo. liberatur enim & alio solvente: siue sciente, siue ignorante debitore, vel invito (eo) solutio fiat. Item si reus soluerit: etiam ij, qui pro eo interuenerunt, liberantur. Idem ex contrario contingit si fideiussor soluerit: non enim ipse solus liberatur, sed etiam reus.

3 § Item per acceptilationem tollitur obligatio: Est autem acceptilatio, imaginaria solutio. Quod enim ex verborum obligatione Titio debetur, id si velit Titius remittere, poterit sic fieri, ut patiaturs hæc verba debitorem dicere: *Quod ego tibi promisi, habesne acceptum?* & Titius respondeat, *habeo.* Sed & Græce potest acceptilatio fieri: dum-

modo sic fiat, ut Latinis verbis solet [exigi,] ἔχω λαβὼν δυνάμει τῶα; ἔχω λαβὼν, id est, tot denarios acceptos habes? acceptos habeo. quo genere (ut diximus) tantum ex solvantur obligationes, quæ ex verbis consistunt, non etiam cæteræ. Consentaneum enim visum est verbis factam obligationem aliis posse verbis dissolui. Sed & id, quod alia ex causa debetur, potest in stipulationem deduci, & per acceptilationem dissolui. Sicut autem quod debetur, pro parte recte soluitur, ita in parte debiti acceptilatio fieri potest.

2 ¶ Est [autem] prodita stipulatio, quæ vulgo Aquiliana appellatur, per quam contingit, ut omnium rerum obligatio in stipulatum deducatur, & ea per acceptilationem tollatur. Stipulatio enim Aquiliana renouat omnes obligationes, & à Gallo Aquilio ita composita est, *Quidquid te mihi ex quacumque causa dare facere oportet, oportebitve, praesens in diemve: quarumcumque rerum mihi tecum actio est, quæque, aduersus te petitio, vel aduersus te persecutio est, eritve: quodve tu meum habes, tenes, possides, [dolo ve malo fecisti, quo minus possideas:] quanti quæque earum rerum res erit, tantam pecuniam dari stipulatus est Aulus Agerius, spondit Numerius Nigidius. quod Numerius Nigidius Aulo Agerio spondit, id haberetne à se acceptum Numerius Nigidius Aulum Agerium rogauit. Aulus Agerius Numerio Nigidio acceptum fecit.*

3 ¶ Præterea nouatione tollitur obligatio: veluti si id quod tibi Seius debebat, à Titio dari stipulatus sis. Nam interuentu nouæ personæ noua nascitur obligatio, & prima tollitur, translata in posteriorem; adeo, ut interdum, licet posterior stipu

Stipulatio inutilis sit, tamen prima nouationis iure tollatur: veluti si id, quod tu Titio debes à pupillo sine tutoris auctoritate stipulatus fuerit, quo casu res amittitur, nam & prior debitor liberatur, & posterior obligatio nulla est. Non idem iuris est, si à seruo quis fuerit stipulatus. nam tunc prior perinde obligatus manet, ac si postea nullus stipulatus fuisset. Sed si eadem persona sit, à qua postea stipuleris: ita demum nouatio fit, si quid in posteriore stipulatione noui sit: forte si conditio, aut ut dies, aut fideiussor adiciatur, aut detrahatur. Quod autem diximus, si conditio adiciatur, nouationem fieri: sic intelligi oportet, vt ita dicamus factam nouationem, si conditio extiterit: alioqui si defecerit, durat prior obligatio. Sed cum hoc quidem inter veteres constabat, tunc fieri nouationem, cum nouandi animo in secundam obligationem itum fuerat, per hoc autem dubium erat, quando nouandi animo videretur hoc fieri, & quasdam de hoc præsumptiones alij in aliis casibus introducebant: ideo nostra processit constitutio, quæ apertissime definiuit, tunc solum nouationem prioris obligationis fieri, quoties hoc ipsum inter contrahentes expressum fuerit, quod propter nouationem prioris obligationis conuenerunt, alioqui & manere pristinam obligationem, & secundum eam accedere, vt maneat ex vtraque causa obligatio secundum nostræ constitutionis definitionem, quam licet ex ipsius lectione apertius cognoscere.

4 ¶ Hoc amplius, eæ obligationes, quæ consensu contrahuntur contraria voluntate dissoluantur. Nam si Titius & Seius inter se consenserint, vt fundum Tusculanum emptum Seius habe-

ret centum aureis : deinde re nondum secuta , id est, neque pretio soluto, neque fundo tradito, placuerit inter eos, ut discederetur ab ea emptione & venditione : inuicem liberantur. Idem est in conductione & locatione, & in omnibus contractibus, qui ex consensu descendunt: sicut iam dictum est.

Haftenus dictum est de obligatione per contractum, vel quasi contractum constituenda: nunc dicemus de ea dissoluenda. cum autem obligatio tollatur vel ipso iure, ut solutione debiti, vel ope exceptionis, ut per pactum de non petendo: hoc tit. declarantur quatuor modi, quibus obligatio ipso iure tollitur.

Princ.

Primus modus *in princ. tit.* est solutio, de qua tria considerantur. I. Id quod soluitur. aut enim soluitur id ipsum, quod debetur: aut aliquid aliud. ubi notandum, non posse aliud pro alio solui, nisi creditor consentiat *ff. de reb. cred. l. 2. §. 1.* II. In *vers. nec interest*, persona soluens. non solum enim ipse debitor potest soluere, & soluendo tollere obligationem, sed etiam quivis alius pro eo, siue sciente, siue ignorante, siue inuito. *ff. de neg. gest. l. soluendo 39.* Habemus igitur exceptionem illius regulæ, Beneficium non conferitur in inuitum. *ff. de diu. reg. iur. l. inuito 69.* III. In *vers. item si reus*, effectum solutionis. Effectus autem est, ut vno soluente, omnes liberentur: siue enim debitor principalis, siue fideiussor soluat, vterque liberatur.

Nota primò, quod dixi de solutione fideiussoris, sic esse accipiendū, ut siquidem fideiussor nomine debitoris principalis soluerit, vterque ipso iure liberetur. si verò fideiussor suo nomine soluerit, reus principalis non liberetur ipso iure, sed per doli mali exceptionem. *arg. l. Papinianus 28. ff. mandati.*

Nota secundò, fideiussoris solutione reū quidem liberari à creditore cui solutum est; sed obligari fideiussori, ut ei restituat, quod pro se soluit. *suprà de fideiussor. §. si quid autē.*

Secundus modus est acceptilatio: quæ aut est specialis, aut generalis. De speciali agitur *in §. 1.* in quo Imper. I. hunc modū proponit. II. In *vers. est autem*, acceptilationem definit

imagina

imaginariam solutionem : nimirum quia creditor sciens prudens fatetur se accepisse, quod non accepit. Quocirca acceptilatio differt à solutione, quia solutio est naturalis, acceptilatio est civilis modus dissoluendæ obligationis: *ff. de solut. l. ven.* Sed quamvis acceptilatio re vera sit iuris civilis, tamen hoc iure utimur ut iuris gentium esse videatur *ff. de acceptil. l. an inutilis. 8. §. ult.* Ergo origine & forma est iuris civilis, sed usu est iuris gentium. III. In versic. *quod enim*, docet, quibus verbis acceptilatio fiat. Nota formam acceptilationis esse similem formæ stipulationis : quoniam utraque fit præcedente interrogatione, ac sequente congrua responsione IV. In vers. *quo genere*, declarat effectum acceptilationis, & inquit per acceptilationem, quæ verbis fit, tolli verborum obligationem, non etiam cæteras. nam cæteris acceptilatio non sua, sed facti, quod in se continet, vi & potestate nocet : proinde eas, quæ solo consensu constant, ipso iure tollit. § *de rescind. vend. l. 5. in princ.* eas verò, quæ re contractæ sunt, ope exceptionis elidit. *ff. de acceptilatione l. si. acceptilatum. 19.* Addit Imper. in versicul. *sed & id*, obligationes re, aut consensu contractas, posse per stipulationem novari, atque ita in obligationem verborum transfundi, tuncque per acceptilationem ipso iure tolli. V. In versicul. *sicut*, docet acceptilationem non tantum fieri totius debiti, sed etiam pro parte: quemadmodum etiam solutio pro parte fieri potest. Ad hoc dictum adhibendæ sūt duæ limitationes. Prima est: quia non potest acceptilatio, vel solutio fieri pro parte, nisi res debita sit diuidua. veluti si dece debeantur, pro parte solui, aut acceptò ferri potest. si verò servitus debeat, nec solutio, nec acceptilatio pro parte locum habet. Secunda est: quia pars debiti creditori invito solui regulariter non potest, sed tantum certis quibusdam casibus. vide *Cent. 32. quest. 70. & in tract. de contractibus. §. 84. & 85.*

De acceptilatione generali tractatur in §. *est autem*. vbi proponitur formula introducta à Gallo Aquilio, per quam omnes præcedentes obligationes adhibita stipulatione novantur, & per adiectam acceptilationem tolluntur. I. Igitur Imper. proponit huius formulæ Aquilianæ argumentum. II. In versicul. *quicquid*, adiungit ipsa verba. Notandum est, hanc formulam quibus constare partibus : qua-

§. 2.

rum prior est nouatio per stipulationem, posterior est acceptilatio. Prioris partis tria sunt membra. In primo membro proponuntur obligationes. In secundo membro, quod est in versic. *quarumque* proponuntur actiones. In tertio membro, quod est in versic. *quanti* fit stipulatio nouans dictas obligationes, & actiones. Secunda formulæ pars (id est, acceptilatio) est in versic. *quod Numerius*. sed singula membra distinctius explicemus. In primo membro, ut appareat omnes obligationes contineri, notantur tres diuisiones. I. Diuisio est, quod obligatio est vel ex contractu, vel ex quasi contractu, vel ex delicto, vel ex quasi delicto. has autem omnes obligationes hac formulâ contineri significatur illis verbis, *Ex quacumque causa*. id est, siue sint obligationes ex contractu, siue ex quasi contractu, &c. II. Diuisio est, quod omnis obligatio vel in dando, vel in faciendo consistit. *suprà de verb. oblig. in princ. & §. ult.* idcirco inquit Aquilius, *dare facere*. III. Diuisio est, quod vel est pura obligatio, vel in diem, vel conditionalis. *suprà de verb. oblig. §. omnis*. quò respiciens Aquilius ait *oportet oportebitve*, &c. In secundo membro habetur ratio diuisionis actionum: proinde Aquilius in hac formula mentionem facit actionis, petitionis & persecutionis. nam actio (proprie loquendo) est in personam, petitio est in rem, persecutio extra ordinem competit. *ff. de verbor. signific. l. pecunia. 178.* & qua *suprà* mentionem fecit obligationis puræ, vel in diem, vel conditionalis, idcirco hic loquitur de actione, quæ *est eritve*. Denique ut complectatur omnia genera actionum in rem, addit, *quidve tu meum*, &c. vbi notat quatuor casus, quibus contra aliquem agitur in rem, id est, quia rem habet, vel tenet, vel possidet, vel dolo fecit quominus possideret. *habere* est verbum generale *tenere* est facti: *possidere* est iuris & facti, *ff. de verbor. oblig. l. stipulatio ista 38.* is autem, qui dolo possidere desuit seu dolo fecit quominus possideret, perinde tenetur, ac si possideret: quia dolus pro possessione est *ff. de rei vind. l. sin autem 27. §. sed & is, de diu. reg. iur. l. qui dolo 131.* Reliquæ partes huius formulæ non egent expositione.

§. 3.

Tertius modus in §. *præterea*, est nouatio cum enim obligatio nouatur, vetus tollitur, & noua constituitur quia nouatur, vetus tollitur, & noua constituitur. quia nouatio nihil aliud est, quàm prioris debiti in aliam obligationem ciuilem, vel naturalem transusio atque transla-


tio ff. *de nona. l. 1. in princ.* Cum autem duplex sit nouatio altera voluntaria, quæ fit per stipulationem; altera necessaria, quæ fit iudicio §. *eod. l. 1. in princ.* de sola voluntaria hic agitur: quæ quidem fieri potest duobus modis aut enim mutatur persona debitoris, aut eadem persona retinetur. Quod ad priorem modum attinet, I. Imper. dat regulam quod per stipulationem nouandi causa tæctam transfertur obligatio à persona ad personam, ita ut prior debitor liberetur, & nouus debitor constituatur, qui vocatur expromissor. II. Excipit duos casus, quibus hæc regula locum non habet. Priori casu vetus obligatio tollitur, sed noua obligatio non constituitur: nempe, si Titius nouandi causâ stipuletur à pupillo sine auctoritate tutoris, quod ipsi debes, tu namque liberaris per nouationem, quamuis pupillus non obligetur, quia sine tutore promissit. ita res amittitur, id est, obligatio omnino perit. versic. *ad eod. vbi* Posteriori casu, neque vetus obligatio tollitur, neque noua obligatio constituitur, nimirum si quis à seruo nouandi causâ stipuletur, quod alius sibi debet: tunc enim actus est omnino inutilis, & neque obligatio tollitur, neque nouatio fit. quia seruus nouandi causâ promittere non potest. versic. *non idem iuris.* Differentiæ igitur inter primum & secundum casum ratio est: quia seruus nouandi causa promittens, nullo modo obligatur: pupillus autem, etsi quod ad suam personam, non obligatur, tamen aliorum respectu obligari intelligitur, ut docui *Centur. 4. quest. 9.* Secundus nouandi modus consideratur in versic. *sed si eadem.* vbi Imper. duo requirit, ut nouatio fiat, cum aliquis à debitor suo stipulatur. I. Ut aliquid veteri obligationi adiciatur, vel detrahatur, ut dies, vel conditio, vel fideiussor. Cum autem conditio adicitur, nouatio non fit, nisi conditio existat. II. Ut hoc à contrahentibus exprimatur, quod velint obligationem nouare: alioquin non præsumitur nouatio fieri, nisi hoc sit expressum. Hoc igitur casu ponatur regula, quod in dubio non præsumitur expromissio sed promissio id est, non transfertur prior obligatio in posteriorem, sed posterior priori accedit, & vtræque consistit.

Quartus modus tollendæ obligationis in §. *ult.* est contrarius consensus: quo modo tolluntur ipso iure obligationes nudo consensu contractæ: quia nihil est tam naturale, quàm vnūquodque dissolui eo modo, quo ligatum est. §. *ult.*

diu. reg. iur. nihil tam naturale. 35. Exempla perspicua sunt in contextu, dū Iustin. ait posse nuda voluntate recedi ab emptione & venditione, vel à locatione & cōductione, vel ab aliis similibus contractibus, dummodò id fiat re integra. Adde, quod idem est, si partes rem in pristinum statum restituant. verbi gratiā, emi à te fundum. hæc emptio nudo pacto ut res fiat inempta, dissolvitur: siue hoc pactum fiat re integra, id est, antequam tibi pretium solvam, & tu possessionem fundi mihi tradas: siue fiat post solutum pretium, vel rem traditam, dummodò si emptor rem accepit, eam restituat, vel si pretium soluit, id recipiat: alioqui nudo pacto emptio & venditio non dissolvitur. *ff. de pact. l. ab emptione 58.* Obserua rem dici integram, quamdiu contractus non est impletus, quamvis sit perfectus. nam emptio & venditio perficitur nudo consensu, sed impletur ex parte venditoris traditione rei venditæ: ex parte emptoris solutione pretij, de quo conuenit.

A X I O M A T A.

- 1 Quocumque debitum solvente debitor liberatur.
in princ. coniun. l. soluendo. 39. ff. de negot. gest.
- 2 Vnumquodque dissolvitur eo modo, quo ligatum est. *§. 1. §. ult. coniun. l. nihil tam naturale. 35. l. omnia. 100. l. ferè quibuscumque 153. ff. de diu. reg. iur.*
- 3 Promissio nouandi causa facta à pupillo, non obligat pupillum, sed tollit priorem obligationem. facta autem à seruo, nullum habet iuris effectum. *§. 3.*
- 4 Nouatio non præsumitur, nisi expressè facta sit
d. §. 3.



INSTITUTIONVM

LIBER QVARTVS.

De obligationibus, quæ ex delicto nascuntur.

TIT. I



VVM sit expositum superiore libro de obligationibus ex contractu, [& quasi ex contractu:] sequitur, vt de obligationibus ex maleficio, [& quasi ex maleficio] dispiciamus. Sed illæ quidem (vt suo loco tradidimus) in quatuor genera diuiduntur, hæ vero vnius generis sunt, nam omnes ex re nascuntur, id est, ex ipso maleficio, veluti ex furto, rapina, damno, iniuria.

1 ¶ Furtum est: contrectatio fraudulosa, lucrifaciendi gratia, vel ipsius rei, vel etiam vsus eius possessionisve, quod lege naturali prohibitum est admittere.

2 ¶ Furtum autem vel à furuo, id est, nigro, dictum est, quod clam & obscure fiat plerumque nocte: vel à fraude, vel à ferendo, id est, auferendo: vel à Græco sermone, quod *ῥῆπας* appellant fures. Imo & Græci à ferendo *ῥῆπας* dixerunt.

3 ¶ Fur

3 § Furtorum autem duo sunt genera : manifestum & nec manifestum. Nam conceptum & oblatum, species potius actionis sunt furto coherentes, quam genera furtorum, sicut inferius apparebit. Manifestus fur est quem Græci ἐν αὐτοφρέσει appellant : nec solum is, qui in ipso furto apprehenditur, sed etiam is, qui in eo loco apprehenditur, quo [furtum] sit : veluti qui in domo furtum fecit, &, nondum egressus ianuam, apprehensus fuerit : & qui in oliueto oliuarum, aut in vineto vuarum furtum fecit, quamdiu in eo oliueto aut vineto apprehensus fuerit. Imo ulterius furtum manifestum est extendendum, quamdiu eam rem fur tenens visus vel apprehensus fuerit : siue in publico, siue in priuato : vel à domino, vel ab alio antequam eo peruenerit, quo deferre vel deponere destinasset. Sed si pertulit, quo destinauit, tametsi apprehendatur cum re furtiua, non est manifestus fur. Nec manifestum furtum quid sit, ex iis, quæ diximus, intelligitur. nam quod manifestum non est, id scilicet nec manifestum est.

4 § Conceptum furtum dicitur, cum apud aliquem testibus præsentibus furtiua res quæsitæ & inuenta sit. nam in eum propria actio constituta est, quamuis fur non sit, quæ appellatur concepti. Oblatum furtum dicitur, cum res furtiua ab aliquo tibi oblata sit, eaque apud te concepta sit : utique si ea mente tibi data fuerit, ut apud te potius quam apud eum, qui dedit, conciperetur. nam tibi, apud quem concepta sit, propria aduersus eum, qui obtulit, quamuis fur non sit, constituta est actio, quæ appellatur oblati. Est etiam prohibiti

biti furti actio aduersus eum, qui furtum quærere testibus præsentibus volentem prohibuerit. Præterea pœna constituitur edicto prætoris per actionem furti non exhibiti aduersus eum, qui furtiuam rem apud se quæsitam & inuentam non exhibuit. Sed hæ actiones, scilicet concepti & oblati, & furti prohibiti, necnon furti non exhibiti, in desuetudinem abierunt. Quum enim requisitio rei furtivæ hodie secundum veterem observationem non fiat: merito ex consequentia etiam præfatæ actiones ab usu communi recesserunt: quum manifestum sit quod omnes, qui scientes rem furtiuam susceperint, & celauerint, furti nec manifesti obnoxij sunt.

5 ¶ Pœna manifesti furti, quadrupli est, tam ex serui, quam ex liberi persona: nec manifesti, dupli.

6 ¶ Furtum autem fit, non solum cum quis intercipiendi causa rem alienam amouet: sed generaliter cum quis alienam rem inuito domino contrectat. Itaque siue creditor pignore, siue is, apud quem res deposita est, ea re vtatur, siue is, qui rem vtendam accepit, in alium usum eam transferat, quam cuius gratia ei data est: furtum committit. veluti si quis argentum vtendum accepit, quasi amicos ad cœnam inuitaturus, & id perægrè secum tulerit: aut si quis equum gestandi causa commodatum sibi, longius aliquo duxerit: quod veteres scripserunt de eo, qui in aciem equum perduxisset.

7 ¶ Placuit tamen eos qui rebus commodatis aliter vterentur, quam vtendas acceperint, ita furtum committere: si se intelligant, id inuito domino

mino facere: cumque, si intellexisset, non permissurum. at si permissurum credant, extra crimen videri optima sane distinctione: quia furtum sine affectu furandi non committatur.

8 § Sed & si credat aliquis invito domino se rem commodatam sibi contrectare, domino autem volente id fiat: dicitur furtum non fieri. Vnde illud quaesitum est, cum Titius servum Mævij sollicitaverit, ut quasdam res domino subriperet, & ad eum perferret, & servus id ad Mævium pertulerit. Mævius [autem] dum vult Titium in ipso delicto deprehendere, permiserit servo quasdam res ad eum perferre: utrum furti, an servi corrupti iudicio teneatur Titius, an neutro? Et cum nobis super hac dubitatione suggestum est, & antiquorum prudentium super hoc altercationes perspeximus, quibusdam neque furti, neque servi corrupti actionem praestantibus, quibusdam furti tantummodo: nos huiusmodi calliditati obuiam euntes, per nostram decisionem sancimus, non solum furti actionem, sed & servi corrupti contra eum dari. Licer enim [is] servus deterior [à sollicitatore] minime factus est, & ideo non concurrant regulæ, quæ servi corrupti actionem introducunt: tamen consilium corruptoris ad perniciem probitatis servi introductum est, ut sit ei poenalis actio imposita tanquam [si] re ipsa fuisset servus corruptus: ne ex huiusmodi impunitate & in alium servum, qui facile posset corrumpi, tale facinus à quibusdam perpetraretur.

9 § Interdum etiam liberorum hominum furtum fit. veluti si quis liberorum nostrorum, qui in potestate nostra sunt, subreptus fuerit.

Aliquando

10 § Aliquando autem etiam suæ rei furtum quis committit: veluti si debitor rem, quam creditori pignoris causa dedit, subtraxerit.

11 § Interdum [quoque] furti tenetur, qui ipse furtum non fecit: qualis est is, cuius ope & consilio furtum factum est. In quo numero est, qui tibi nummos excussit, ut alius eos raperet: aut tibi obstitit, ut alius rem tuam exciperet, aut oves tuas vel boues fugaverit, ut alius eas acciperet. Et hoc veteres scripserunt de eo, qui pauno rubro fugavit armentum. Sed si quid eorum per lasciviam, & non data opera, ut furtum admitteretur, factum est: in factum actio dari debet. At ubi ope Mæuij Titius furtum fecerit: ambo furti tenentur. Ope & consilio eius quoque furtum admitti videtur, qui scalas forte fenestris supponit: aut ipsas fenestras vel ostium effringit, ut alius furtum faceret: quive ferramenta ad effringendum, aut scalas, ut fenestris supponerentur, commodauerit, sciens cuius rei gratia commodauerit. Certe qui nullam opem ad furtum faciendum adhibuit, sed tantum consilium dedit, atque hortatus est ad furtum faciendum, non tenetur furti.

12 § Hi, qui in parentum vel dominorum potestate sunt, si rem eis subripiunt, furtum quidem faciunt, & res in furtivam causam cadit (nec ob id ab ullo usucapi potest, antequam in domini potestatem reuertatur) sed furti actio non nascitur: quia nec ex alia vlla causa potest inter eos actio nasci. Si vero ope & consilio alterius furtum factum fuerit: quia utique furtum committitur, convenienter ille furti tenetur, quia, verum est, ope

ope & consilio eius furtum factum esse.

13 § Furti autem actio ei competit, cuius interest rem saluam esse, licet dominus non sit. Itaque nec domino aliter competit, quam si eius intersit rem non perire.

14 § Vnde constat creditorem de pignore subrepto furti [actione] agere posse, etiam si idoneum debitorem habeat: quia expedit ei pignori potius incumbere, quam in personam agere: adeo quidem, ut quamvis ipse debitor eam rem subriperit: nihilominus creditori competat actio furti.

25 § Item si fullo polienda curandave, aut sarcinator sarcienda vestimenta mercede certa [constituta] acceperit, eaque furto amiserit: ipse furti habet actionem, non dominus, quia domini nihil interest eam rem perire, quam iudicio locati à fullone aut sarcinatore rem suam persequi possit. Sed & bonæ fidei emptori subrepta re, quam emerit, quamvis dominus non sit, omnino competit furti actio, quemadmodum & creditori. Fulloni vero & sarcinatori non aliter furti actionem competere placuit, quam si soluendo fuerint: hoc est, si domino rei æstimationem soluere possint. Nam si soluendo non sint: tunc quia ab eis suum dominus consequi non possit: ipsi domino furti competit actio, quia hoc casu ipsius interest rem saluam esse. Idem est, & si in parte soluendo fuerit fullo aut sarcinator.

16 § Quæ de fullone & sarcinatore diximus, eadem & ad eum, cui commodata res est, transferenda veteres existimabant. Nam ut ille fullo mercedem accipiendo, custodiam præstat: ita is quoque,

quoque, qui commodatum vtendi causa accepit, similiter necesse habet custodiam præstare. Sed nostra prouidentia etiam hoc in nostris decisionibus emendauit, vt in domini voluntate sit : siue commodati actionem aduersus eum, qui rem commodatam accepit, mouere desiderat : siue furti aduersus eum, qui rem subripuit : & alterum earum electa, dominum non posse ex penitentia ad alteram venire actionem. sed si quidem furem elegerit : illum, qui rem vtendam accepit, penitus liberari. sin autem commodator veniat aduersus eum, qui rem vtendam accepit : ipsi quidem nullo modo competere posse aduersus furem furti actionem, eum autem qui pro re commodata conuenitur, posse aduersus furem furti habere actionem : ita tamen, si dominus sciens rem esse subreptam, aduersus eum, cui res commodata fuerit, peruenit. sin autem nescius & dubitans rem esse subreptam apud eum commodati actionem instituerit, postea autem re comperta, voluerit remittere quidem commodati actionem, ad furti autem actionem pertinere: tunc licentia ei conceditur & aduersus furem venire, obstaculo nullo ei opponendo, quoniam incertus constitutus mouit aduersus eum, qui rem vtendam accepit, commodati actionem : nisi domino ab eo satisfactum fuerit : tunc etenim omnino furem à domino quidem furti actione liberari : suppositum autem esse ei, qui pro re sibi commodata domino satisfecit: cum manifestissimum sit, etiam si ab initio dominus actionem commodati instituerit, ignarus rem esse subreptam, postea autem hoc ei cognito, aduersus furem transierit: omnino liberari eum, qui rem commodatam acceperit, quemcunque causæ exitum dominus aduersus furem habuerit : eadem definitione obti-

minus aduersus furem habuerit : eadem definitione obtinente , siue in parte, siue in solidum soluendo sit is , qui rem commodatam acceperit.

17 § Sed is, apud quem res deposita est, custodiam non præstat : sed tantum in eo obnoxius est, si quid ipse dolo malo fecerit. qua de causa si res ei subrepta fuerit : quia restituendæ ius rei nomine depositi non tenetur, nec ob id eius interest rem saluam esse; furti agere non potest, sed furti actio domino cõpetit.

18 § In summa , sciendum est, quæsitum esse, an impubes rem alienam amouendo , furtum faciat? Et placuit, quia furtum ex affectu[furandi] consistit, ita demum obligari eo crimine impuberem, si proximus pubertati sit, & ob id intelligat se delinquere.

19 § Furti actio, siue dupli, siue quadrupli, tantum ad pænæ persecutionem pertinet. Nam ipsius rei persecutionem extrinsecus habet dominus, quam aut vendicando , aut condicendo potest auferre. Sed rei vendicatio quidem aduersus possessorem est: siue fur ipse possidet, siue alius quilibet : condictio autem aduersus furem ipsum heredemve eius , licet non possideat , competit.

Expositis obligationibus ex contractu, vel quasi contractu, sequuntur obligationes ex delicto.

Nota I. *Delicta*, propriè dici, quæ sunt priuata, vt furtum, rapina, damnum, iniuria, de quibus hic agitur: *Crimina* verò propriè appellari, quæ publica sunt de quibus *infra tit. ult.* quin etiam ea, quæ extra ordinem puniuntur, vt sepulchrũ violatum, concussio, vocantur crimina: vt in tit. ff. de *extraord. crimin.* quamuis enim hæc vocabula interdum confundantur, & promiscuè accipiantur, tamen secundum verborum proprietatem hæc distinguuntur. ff. de *adil. edict. l. quid sit* 17. §. *noxas*, & de *incend. ruin. naufr. l. 1. §. 1.* & de *verb. signific. l. aliud* 131. *in fin.* Quamobrem rectè Imper. hoc loco ait, *ex delicto*, non *ex crimine*.

Nota

Nota II. Quatuor esse maleficiorum genera videlicet priuata, extraordinaria, publica & popularia. *Priuata* sunt, ex quibus non potest quilibet agere, sed tantum is, ad quem ea res pertinet, seu cuius interest: reliquorum autem criminum persecutio cuius est populo competit: sed *Publica* vocatur quæ legibus publicorum iudiciorum constituta sunt, & ex iisdem legibus certam poenam acceperunt, ut Iulia de adulteriis, Cornelia de sicariis, &c. *Popularia* verò appellantur, quibus edicto prætoris certa poena irrogatur, veluti propter album corruptum. *Extrordinaria* verò dicuntur, quibus non est iure statuta certa poena, sed arbitrio iudicis delinquentes puniuntur, ut præuicatio, expilata hereditas, & similia.

Nota III. Priuata delicta esse quatuor, quæ enumerantur in *pr. nc. huius tit.* nempe furtum, rapina, damnum, iniuria. Huius tit. quæ sunt partes.

Prior, quæ est in *princ.* est generalis, de obligationibus ex delicto. quæ in parte Imp. *Princ.* nectit hunc tit. cum præced. Secundò in *vers. sed ille*, ponit proprietatem quandam obligationum ex delicto, per quam distinguuntur ab obligationibus ex contractu: quoniam obligationes ex contractu partim ex re nascuntur, partim ex verbis, partim ex literis, partim ex consensu. ut *sup. de obl. §. ult.* fuit expositum: hæ verò obligationes quæ sunt ex delicto, nascuntur omnes ex re, id est, ex ipso delicto. Obiiciet aliquis iniuriam non tantum re fieri, ut verberibus; sed etiam verbis, ut conuiciis & literis, ut famosis libellis. *ff. de pœni. l. aut facta 16. in pr.* Respondeo quemadmodum obligatio emptionis & venditionis dicitur solo consensu perfici, licet verba, vel literæ interueniant: ita etiam iniuriam tantum re fieri, quamuis verba, vel literæ adhibeantur: quia id spectamus, ex quo tanquam ex vero fonte proximè & immediatè obligatio oritur. talis fons in emptione est consensus, etiam si verba, vel scriptura ei accedant: & similiter hic talis fons est delictum, id est, factum, quamuis verba vel literæ accedant. Tertiò in *vers. veluti*, enumerat quatuor species delictorum priuatorum, de quibus deinceps dicendum erit.

Posterior tit. pars specialiter tractat de furto, de quo dissoluit varias quæstiones. Prima quæstio est, quid sit furtum *§. 1.* Imp. in *§. 1.* sic definit, Furtum est contrectatio, &c. In hac definitione, I. imp. ponit formam furti, dum ait *contrectatio* *Mm 2* *fraudulosa.*

fraudulosa. Contrectationem intellige, etiamsi res loco non moueatur. *infra hoc tit. §. furtum autem.* Fraudulosa intellige: quia fraus committatur tam in mente furis, qui habet animum furandi, siquidem furtum sine affectu furandi non committitur. *infra eod. §. placuit. & supra de usucap. §. sed tamen* quàm in re ipsa, quia re ipsa fit iniuria domino, cui res auferitur, id est, quia dominus est iniectus *infra eod. §. sed & si credas.* utroque autem modo fraudem accipi, iam expositum fuit in §. *in fraudem.* *suprà qui & ex quib. caus. manu. non possunt.* II. Ponit materiam, dum ait *rei* legendum enim *contrectatio rei fraudulosa*, ut haberetur in quibusdam libris manuscriptis, & in l. i. §. ult. ff. de furtis, non (ut in vulgatis libris legitur) *contrectatio fraudulosa*, quia secundum hanc lectionem omitteretur materia furti. III. Adiungit causam finalem, inquit, *lucris faciendi gratia.* IV. Exponit hunc finem furti, subiiciens hæc verba, *vel ipsius rei, vel etiam usus eius, possessionis sue.* Vnde notandum tribus modis posse contingere, ut fur lucrum faciat. Aut enim lucratur ipsam rem, ut cum aliquis rem alienam domino furripit, & auferit. Aut lucratur tantum rei usum, ut cum depositarius utitur re deposita, quam non vult retinere, sed domino reposcendi restituere. *infra hoc tit. §. furtum autem fit.* Aut lucratur solam possessionem, veluti cum debitor pignus creditori traditum furripit *infra eod. §. aliquand.* non potest enim dici rem ipsam lucrari: qua traditione pignoris dominium non amisit, sed retinuit. C. de pignorat. actio. l. pignus. 9. V. Adiungit causam efficientem, non cur furtum fiat, sed cur furtum sit delictum: & inquit hoc esse lege naturali prohibitum. Appellatione legis naturalis intellige ius gentium, quoniam hoc iure dominia rerum distincta fuerunt. ff. de iustit. & iur. l. 5. Sic appellatione iuris naturalis significabatur ius gentium in §. *singulorum* *suprà de ver. diuis.* Si quis obiciat, ius gentium apud omnes gentes custodiri. *suprà de iure natur. 2. 1.* quasdam verò gentes, ut Lacedamonios, & Aegyptios, furta permisisse respondebo, prauis alicuius populi moribus naturalem rationem, quæ ius gentium introduxit, d. §. i. non mutari propterea Lacedamonios, & Aegyptios, dum furta permiserunt non ius gentium aboleuisse, sed contra illud peccasse.

Secunda quæstio est, unde dicatur furtum. Imp. in §. fur- §. 2.
tum autem, varias etymologias proponit.

Tertia quæstio est, quot sint genera furtorum. Imp. in §. §. 3.
furtorum. I. Diuidit furtum in duo genera; nempe in mani-
festum, & nec manifestum. II. In vers. nam conceptum, osten-
dit non esse plura genera: quoniam conceptum & oblatum
non sunt genera furtorum, sed species actionis, furti. idem
dicendum de prohibito, & non exhibito quæ omnia mox
explicabuntur in §. conceptum. III. In versic. manifestus, de-
clarat furtum manifestum tunc esse, quando fur cum re
furtiua videtur, vel deprehenditur, antequam eò detulerit
quò deferre, & ea die cum furto manere destinauerat. l. 34.
ff. de furtis. Quod diximus, eum, qui cum re furtiua visus
est, furem esse manifestum (quod & Seruius in Eclog. 3. no-
tat ad illud verbum, Non ne ego te vidi) ita demum obti-
neat, si is, qui vidit, non se absconderit. ff. de furt. l. 7. §. 1.
Quare assentior Cuiacio requirenti clamorem eius qui fu-
rem vidit, lib. 11. obser. c. 8. nam & in d. Eclog. additur.

Et cum clamarem, quò nunc se proripit ille?

IV. In vers. nec manifestum, ex definitione furti manifesti
collige definitionem furti nec manifesti: quia cognito vno
contrariorum, cognoscitur & alterum supra de his qui su-
vel alien. iur. sunt in princ. & de tutel. in princ. Itaque ostendit
furtum nec manifestum tunc esse, cum fur non videtur,
seu non deprehenditur cum re furtiua, priusquam in lo-
cum destinatum detulerit:

V. In princ. §. conceptum, declarat furtum conceptum. §. 4.

VI. In vers. oblatum, exponit furtum oblatum. VII. In vers.
est etiam, explicat furtum prohibitum. VIII. In vers. praterea,
enarrat furtum non exhibitum. IX. In vers. sed ha, ostendit
actiones furti concepti, oblatis, &c. in desuetudinem abiisse:
quoniam ortæ sunt ex solempni quadam obseruatione, id
est, furti inquisitione, quæ vocabatur per lancem & li-
cium, & in desuetudinem abiit. de ea vide Gel. lib. 11. cap.
18. & Fest. in verb. lance.

X. In §. poena, distinctionem ponit inter furtum manife- §. 5.
stum, & nec manifestum: quia fur manifestus afficitur poe-
na quadrupli, nec manifestus verò condemnatur in du-
plum.

Nota primò, hanc poenam dupli, vel quadrupli esse poe-
nam simplicis furti, quæ iudicio ordinario, id est, priuato

irrogatur. nam de furto etiam extra ordinem agi potest. *§. de furt. l. ult. & furti grauiora, quæ vulgò vocantur qualificata, vt effractorum, latronum, &c. grauius puniuntur.* Vnde constitutio Friderici *de pace tene. & eius violat. §. si quis quinque, laqueo puniens eum, qui rem quinque solidis æstimatam furtipuit; scopis & forcipe eum, qui rem viliozem furatus est, non de simplici furto debet accipi, sed ad fractam pacem pertinet. Solidorum autem appellatione (vt hoc etiam addam, non significantur asses, quos vulgari & vernaculo sermone vocamus solidos, sed aurei, qui in iure solidi nominantur quasi integri, ad differentiam semissium, & tressium. vt supra de Atil. tutor. §. nos autem & infra de poen. tem. liti. §. ult. in fi. & ff. de his qui deiec. vel effud. l. 5. §. prator ait.*

Nota secundò, poenam quadrupli esse ex edicto prætoris. *infra de perp. & temp. actio. vers. furti:* poenam autem dupli esse ex lege duodecim tabularum. Gell. lib. 11. c. 18. Cont. lib. 1. lectio. subseci. cap. 2.

Nota tertio, siue in duplum, siue in quadruplum fur condemnatur, hanc esse meram poenam, & præter hanc poenam dominum etiam rem suam, quam furto amisit, persequi posse *infra hoc tit. §. ult.*

§. 6. Quarta quæstio est, quomodo furtum committatur. Ad hoc vt dicatur furtum fieri, tria requiruntur. I. Rei contrectatio *§. furtum autem fit. vbi Imp. docet latius patere contrectationem, quàm ablationem, siue amotionem.* dicitur enim aliquis rem contrectare, & furtum committere, quamuis eam non amoueat: veluti cum creditor vtitur pignore, dicitur furtum committere, non quia rem amoueat, sed quia ea re vtitur. Excipe, nisi pacto expresso, vel tacito vsus pignoris ei concessus sit. Cum est pactum expressum, appellatur antichresis, quasi mutuus vsus: quia sicuti debitor vtitur pecunia à creditore accepta, ita etiam creditor vtitur pignore, quod à debitore accepit. *ff. de pignor. l. si is qui. l. §. 1. Tacitum pactum est: veluti si quis pecuniam gratis (id est, sine vsuris) credat, & à debitore pignus accipiat, censetur tacitè pacisci, vt eo pignore vti possit. ff. in quib. caus. pignus tacitè contrah. l. cum debitor. 8.*

§. 7. II. Voluntas furandi: quia furtum sine affectu furandi non committitur. *§. placuit. & §. sed tamen, supra de vsuc.*

III. Dissensus

III. Dissensus domini, cui res surripitur §. *sed et si* quia §. 8. sicuti volenti non fit iniuria, ita consentienti non fit furtum: quamvis ille, qui rem contrectat, furandi animum habeat. Non obstat *l. inter omnes. 46. §. pen. ff. de furt.* Vbi refertur sententia Pomponij existimantis furtum etiam domino consentiente fieri, si quis putet se eo invito contrectare: quoniam hæc sententia mox reprobatur ab Vlpiano in *vers. verum*. Hinc oritur quæstio: si quis servum alienum sollicitaverit, ut res domino suo surriperet, & ad se deferret, servus autem id domino indicaverit, ac dominus passus sit servum ad sollicitatorem res deferre, quò magis sollicitator convinci possit, qua actione sollicitator teneatur: & quidem stricto iure nec tenetur furti, quia dominus consensit: nec de servo corrupto, quia servus ab eo corrumpi non potuit, imò probitas servi domino rem indicantis apparuit, sed ne propter iuris subtilitatem delictum maneat impunitum, Iustinia. contra rationem iuris utramque actionem concedit. *C. de furt. l. si quis servo 20.*

Quinta quæstio est, quæ res in furtum cadant. Iam ex §. *quod autem. supr. de usucap* didicimus furtum fieri rerum mobilium, non immobilium. Sed Imp. in præsentia duos tantum casus, qui dubitatione non carent, nobis exponit. ac *l. in §. interdum*, docet fieri furtum etiam liberorum hominum.

Nota primò, furtum liberorum hominum regulariter non fieri, sed interdum, id est, tantum filiorumfamil. quorum nomine non datur condictio furtiva. *ff. de fur. l. mater. 38. §. 1.* sed actio furti, quæ non competit matri. *del. mater. in princ.* sed patri. *ff. eod. l. eum qui emit. 14. §. si filiusfam.* cui & vindicatio liberorum datur iure Quiritium *ff. de rei vindic. l. 1. §. per hanc.*

Nota secundò quamvis regulariter in iudicio furti non dupletur id quod actoris interest, sed vera rei æstimatio. *ff. de furt. l. in furti. §. o. in princ.* tamen hoc casu, cum homo liber nullam æstimationem recipiat. *ff. de his qui ej. iud. vel deie. l. 1. §. sed cum homo.* necesse esse, ut id quod interest, dupletur, vel quadrupletur. interesse autem spectatur in eo, quod pater per filium acquirere potuisset.

Nota. tertio ob liberum hominem, vel servum alienum subreptum non solum competere priuatam actionem furti, sed etiam publicam accusationem de plagio, ex *leg. Fabia, de plangiaris*. sed ut furtum fieri dicatur, opus est, ut lucrandi

gium, & furtum, vel tantum plagium, vel tantum furtum. Hinc in *l. 6. in princ. ff. de plagiar.* traditur posse aliquem obseruum alienum interceptum teneri furti, non de plagio.

§. 10. II. In §. *aliquando*, ostendit etiam suæ rei furtum aliquando fieri, nimirum ratione possessionis ad alium pertinentis: veluti si debitor creditori pignus surripiat: hoc enim casu furtum fit propter lucrum possessionis, vt notatum fuit in §. 1.

Nota particulam *aliquando*, esse notam exceptionis, vt partic. *interdum*, in §. *præced* & in *seq.* Ergo in his §§. proponuntur tres speciales casus tribus regulis iuris excepti.

§. 11. Sexta quæstio est, quinam teneantur furti: Hæc duo explicantur notatu digna. I. Quidam actione furti tenentur, qui furtum non commiserunt, nimirum ij, quorum ope & consilio furtum factum est, veluti qui panno rubro fugauit armentum, vt alius bones abigeret. Quid *lib. 12. Metamorphos.*

Haud secus exarsit. quàm circo taurus aperto.

*Cùm sua terribili perit irritamina cornu,
Phæniceas vestes.*

§. *interdum furti*. Vbi tria notanda occurrunt.

Nota primò, nec solam opem præstitam, nec solum consilium furti datum, sed vtrumque simul obligare furti *ff. de verb. sign. f. l. sepe 53.*

Nota secundo eum qui opem & consiliu dedit, non teneri furti, nisi furtum ab eo admissu sit, cui opem tulit, & consilium dedit *ff. ad leg. Aquil. l. si seruus 27. §. si quis de manu, & de furtis. l. si quis uxori 52. §. neque verbo.*

Nota tertio ambos in solidum teneri, id est, tã eum qui furtum fecit, quàm eum cuius ope & consilio furtum factum est: adeo vt alter soluendo, alterum non liberet, quia poenam sui delicti soluit. *ff. de iurisd. l. adeo 8. & ne quis eum qui in ius voc. l. pen. §. ult.*

§. 12. II. Quidam faciunt furtum, nec tamen tenentur furti: vt accidit, cùm filiusfam. patri, aut seruus domino rem surripit. vnde sequitur, vt si hæ personæ ope & consilio extranei furtum faciant, ipse extraneus qui furtum non fecit, teneatur furti, quamuis ipsi fures non teneantur. §. *bi qui in parentum.*

§. 13. Septima quæstio est, cui actio furti competat. Huic quæstioni Imp. satisfacit datâ regulâ, ex qua infert corollarium quoddam

quoddam, ac denique eam regulam exemplis illustrat. Regula est in §. *furti in princ.* Actio furti ei datur, cuius interest rem saluam esse. Intellige interesse ex causa honesta, non ob suam improbitatem, vel dolum. unde hæc actio non datur malæ fidei possessori, licet eius inter sit rem non furripi. ff. *de furt. l. itaque* 12. §. 1. nec depositario, qui de dolo tenetur. ff. *eod. l. eum qui* 14. §. *is autem n. & inf. hoc tit. §. sed is.* Corollarium est in vers. *itaque*, actionem furti non competere domino rei surreptæ, nisi eius inter sit. quandoque enim non interest, ut ex sequentibus apparebit.

Primum exemplum est in §. *unde*, nam creditor de pignore surrepto potest furti agere: quia eius interest pignus saluum esse, etiam si debitor sit idoneus, id est, locuples. plus enim cautionis est in re, quam in persona, id est, expedit potius incumbere pignori, quam agere contra personam debitoris. ff. *de diuer. reg. juris. l. plus cautionis* 25.

§. 14.

Secundum exemplum est in §. *item si fullo*. nam si fullo vestimenta polienda, vel sarcinator vestimenta sarcienda conduxerit: siquidem in solidum soluendo sit, actionem habet furti, quia eius interest vestimenta salua esse, eo quod domino earestituere tenetur actione locati; at si soluendo non sit, potius interest domini vestimenta non esse surrepta, cum propter inopiam fullonis, vel sarcinatoris nihil possit ab eo consequi. Idemque statuit Imper. si fullo, vel sarcinator tantum pro parte sit soluendo. Tertium exemplum est in versic. *sed & bona*, ubi actio furti tribuitur bonæ fidei possessori: quoniam eius interest rem non furripi, ut eam possit usufructu percipere.

§. 15.

Quartum exemplum in §. *quæ de fullone*, pertinet ad rem commodatam, quæ surrepta fuit commodatio. Hac in parte Iustin. distinguit inter ius antiquum, & ius nouum. Iure antiquo, quod proponitur in *princ.* §. *idem* recipiebatur in commodatario, quod supra diximus de fullone & sarcinatore, id est, si comodatarius erat soluendo, ipse agebat furti, sin minus, actio furti dabatur domino. Iure autem nouo secus est. Hoc ius Imper. explicans, l. *Dat regulam*, quod domini est electio, utrum malit agere commodati contra comodatarium, aut furti contra furem: ita ut cum semel elegerit, non possit variare, etsi quidem agat contra furem: neque furti à commodatario, neque commodatarius ab ipso domino conueniri amplius poterit. si verò agat

§. 16.

contra commodatarium, consequenter commodatarius furti ager contra furem. II. In versicul. *ita tamen*, adhibet exceptionem ad id, quod dixit, dominum non posse variare: admittit enim variationem vno casu, id est, si dominus furti ignarus, commodari agat contra commodatarium; deinde certior de furto factus, malit furti agere contra furem: poterit omisso commodatario, quem elegerat, furem conuenire. Obiter nota ex illis verbis, *nescius & dubitans*, eum qui dubitat, ignoranti comparari, vt in l. v. tit. C. de conat. indeb. §. I. In versicul. *nisi domino*, limitat dictam exceptionem, quod enim diximus, posse dominum relicto commodatario, quem iudicio contenerat, agere contra furem ita deum obtinet, si commodatarius à domino cōuentus, ei non satisfecit ne de eodem facto sæpius agatur. IV. In vers. *cum manifestissimum*, adiungit limitationē alteram dictæ exceptioni: cum enim in casu exposito facultatē variandi domino dederit, nunc eam facultatem ita coangustat, vt tantum semel variare liceat, adeò vt possit quidem dominus relicto commodatario agere contra furem, sed non possit per nouam poenitentiam omisso fure redire aduersus commodatarium. V. In versic. *eadem*, datam regulam producit, vt obtineat, etiam si commodatarius vel ex parte, vel in solidum sit soluendo: indistincte enim datur actio domino, si velit agere contra furem.

- §. 17. Quintum exemplum est in §. *sed is*, vbi actio furti denegatur depositario, cui res deposita surrepta fuit quia cum rei custodiam non præstet, eius nihil interest rem saluam esse. vnde actio furti debet dari domino, qui deposuit. Obiiciet aliquis depositarium custodiā præstare: quia res custodiæ causā deponitur, idcirco dicitur, dari custodienda, & totum, quod ad custodiam rei pertinet, eius fidei committi: ff. de pos. l. i. in princ. Respondeo, p. astare custodiam, nihil aliud esse, quàm custodiæ nomine teneri. quo nomine regulariter quidē depositarius tenetur: non tamen hoc casu, quo rem furto amisit, dolo vacans, qui tantum propter dolum tenetur. *suprà quib. m. d. re contrah. oblig. culpa* autē nomine etiam lata culpa, quia dolo comparatur, sine dubio continetur. ff. de od. l. quod Neru. 32. Rursus obiiciet aliquis vt depositarius de dolo teneatur, cōsequens esse, vt si eius dolo furtum factum sit, ipse furti actionē habeat

beat, quoniam eius interest rem esse saluam, quam tenetur domino restituere. Respondeo, ne quidem hoc casu furti actionem depositatio competere: quia absurdum est, ut aliquis ex suo dolo actionem habeat. ff. de furt. l. itaque. 12. §. 1. & l. eum qui. 14. §. is autem. Quod enim dicitur, actionem furti dari ei cuius interest, supra ostendi, debere cum hac limitatione accipi, dummodo ex honesta causa eius intersit, non propter dolum à se commissum.

Octava quæstio est, an impubes faciat furtum. non quærimus, an impubes teneatur furti: quia pertineret ad sextam quæstionem supra discussam, sed an faciat furtum. iam autem didicimus ex §. interdum. & §. seq. aliud esse facere furtum, aliud teneri furti. Ad propositam quæstionem de impubere Imper. in §. penult. per distinctionem respondet. nam infans, vel infantia proximus dici non potest furtum facere, quia non est doli capax; proinde non potest habere affectum furandi: sed pubertati proximus, ut doli, ita furti est capax. quis autem dicatur infantia, vel pubertati proximus, exposui ad §. pubellus, supr. de inutil. stipulat.

Nona quæstio est, quænam actiones ex furto nascantur. Imper. in §. ult. dat tres actiones. I. Actionem furti, quæ est personalis, & poenalis: & vel est in duplum, vel in quadruplum, ut expositum fuit in §. poena. II. Rei vindicationem, quam patet esse realem, & rei persecutoriam. III. Cōditionem furtiuam, quæ est personalis, & rei persecutoria: datur autem odio furis contra iuris rationem. inf. de actio. & sic itaque. Inter has duas actiones rei persecutorias Iustin. discrimen ponit: quia rei vindicatio datur contra possessorem siue ipse fur possideat, siue quis alius: (adde, vel contra eum, quo dolo fecit, quominus possideret. ff. de rei vend. l. qui petitorio. 36. in pr. quia dolus pro possessione est. ff. de diu. reg. iur. l. qui dolo. 131.) cōdictio verò furtiua datur contra furem, & eius heredem, quamuis non possideat, supple, nec dolo fecerit quominus possideret. Adde, quod præter has actiones datur etiam actio ad exhibendum. ff. de cond. furt. l. 7. §. 1. & insuper accusatio extraordinaria, quæ maximè omnium est in usu. ff. de furt. l. ult. Præterea notandum est, aliud esse furtum simplex, aliud furtum improbum. infrà tit. prox. in princ. improbius, ff. vi bon. rapt. l. 2. §. ceterum. quod Doct. qualificatum appellant. est autem furtum improbum, siue improbius, siue qualificatum, veluti rapina, effractura, expilatio,

expilatio, sacrilegium atque his casibus præter modò dictas actiones, etiam propriæ accusationes, vel actiones competunt ut actio priuata vi bonorum raptorum, ut extraordinaria de effractoribus, & de expilatoribus, ut expilatæ hereditatis, ut publica excusatio sacrilegij.

AXIOMATA.

- 1 Omnis obligatio quæ ex delicto nascitur, ex re nascitur, *in princ.*
- 2 Furtum lege naturali prohibetur. §. 1. coniun. l. probum 42. ff. de verb. sign.
- 3 Contrariorum altero cognito, alterum quoque cognoscitur. §. 3. vers. ult. coniun. princ. supr. de his qui sui, vel alien. iur. sunt & princ. supr. de tutel.
- 4 Furtum sine affectu furandi non committitur. §. 7. & §. pen. coniun. §. sed tamen, supr. de usucap.
- 5 Volenti non fit furtum. §. 8. quemadmodum nec iniuria. Aristot. 5. Ethic. cap. 9. nec dolus. C. de transaction. l. cum donationis 34. & extr. lib. 6. de regulis iuris, regul. 27.
- 6 Delicta non debent manere impunita. d. §. 8. coniun. §. 1. infrà tit. prox. & l. ita vulneratus 51. vers. quod si quis ff. ad leg. Aquil.
- 7 Inter patrem & filium, vel dominum & seruum iudicium non consistit. §. 12. coniun. l. adoptium 8. in princ. ff. de in ius vocan & l. it 53. ff. de iudic.
- 8 Actio datur ei cuius interest. §. 13. coniun. l. si procuratorem 8. mandati, ff. mandat.
- 9 Utilius est rei incumbere, quàm in personam agere. §. 14. coniun. l. plus cautionis 25. ff. de iur. reg. iur.
- 10 Quod semel placuit, amplius displicere non potest. §. 16. coniun. §. alia, supr. de donat. & l. Pomponius 9. ff. de neg. gest. & l. 5. C. de obliq. & act.
- 11 Impubes pubertati proximus, est doli capax. d. §. pen. coniun. l. pupillum 111. in princ. n. de iur. reg. iur.

De

De vi bonorum raptorum

T I T. II.

Q Vi res alienas rapit, tenetur quidem etiam furti (quis enim magis alienam rem inuito domino contrectat, quam qui vi rapit? ideoque recte dictum est eum improbum furem esse) sed tamen propriam actionem eius delicti nomine prætor introduxit, quæ appellatur vi bonorum raptorum: & est intra annum quadrupli, post annum simpli: quæ actio utilis est, etiam si quis vnâ rem licet minimam, rapuerit. Quadruplum autem non totum pœna est, sicut in actione furti manifesti diximus, sed in quadruplo inest & rei persecutio: vt pœna tripli sit, siue comprehendatur raptor in ipso delicto, siue non. Ridiculum enim esset leuioris conditionis esse eum, qui vi rapit, quam qui clam amouet.

¶ Ita tamen competit hæc actio, si dolo malo quis rapuerit. Nam qui aliquo errore ductus, rem suam esse existimans, & imprudens iuris, eo animo rapuerit, quasi domino liceat etiam per vim rem suam auferre à possessoribus absolui debet. Cui scilicet conueniens est, nec furti teneri eum, qui eodem hoc animo rapuit. Sed ne, dum talia excogitantur, inueniatur via per quam raptores impune suam exerceant avaritiam: melius diualibus constitutionibus pro hac parte prospectum est, vt nemini liceat vi rapere vel rem mobilem vel se mouentem licet suam eandem rem existimet: sed si quis contra statuta principum fecerit, rei quidem suæ dominio cadere: sin autem aliena [res] sit, post restitutionem eius, etiam æstimatio.

æstimationem eiusdem rei præstare. Quod non solum in mobilibus rebus, quæ rapi possunt, constitutiones obtinere censuerunt: sed etiam [in] inuasionibus quæ circa res soli fiunt, ut ex hac causa ab omni rapina homines abstineant.

2 ¶ Sane in hac actione non utique expectatur, rem in bonis actoris esse. nam siue in bonis sit, siue non: si tamen ex bonis sit, locum hæc actio habebit. Quare siue locata, siue commodata, siue etiam pignorat, siue deposita sit [res] apud Titium, sic ut intersit eius eam rem [per vim] non auferri (veluti si in deposita re culpam quoque promissit) siue bona fide possideat, siue usum fructum quis habeat in ea, vel quid aliud iuris, ut intersit eius non rapi: dicendum est, ei competere hanc actionem, non ut dominium accipiat: sed illud solum, [quod] ex bonis eius qui rapinam passus est [id est] quod ex substantia eius ablatum esse proponatur. Et generaliter dicendum est, ex quibus causis furti actio competit in re clam facta, ex iisdem causis omnes habere hanc actionem.

Expositum est primum delictum priuatum, id est, furtum, sequitur secundum id est, rapina.

Nota I. Differentiam inter rapinam & raptum: quia rapina committitur in rebus, & est priuatum delictum, de quo hic agitur: raptus autem committitur in personis, & est crimen publicum. quamquam hæc vocabulorum proprietates interdum confundatur, & rapina non semel accipiat pro raptu. ut *C. de rapt. uirg. l. un.*

Nota II. Differentiam inter rapinam, & inuasionem: quia res mobiles dicuntur rapi, immobiles dicuntur inuadi: & quemadmodum non dicitur furtum rei immobilis. *suprà de usucap. §. quod autem. ita nec rapina, infra hoc tit. §. 1. versic. ult.*

Nota

Nota III. Aliud esse, cum quis rem tradere compellitur: aliud, cum ei omnino inuito & reluctanti aufertur illo casu dicitur vis compulsiva, & datur actio quod metus causa: hoc autem casu dicitur vis ablativa, & datur hæc actio vi bonorum raptorum.

Nota IV. In rubrica subaudiendum esse verbum *actione*, & ita rubrica accipiendum, ac si scriptum esset, de actione bonorum vi, seu per vim raptorum.

Nota V. Rapinam, de qua hic agitur, posse definiri contractionem rei mobilis fraudulosa, *infra hac tit. §. 1. & violentam, infra eod. in princ.*

Quod attinet ad seriem contextus. Primò Imper. docet, *Princ.* raptorem teneri etiam furti, quia est fur improbus, siue (vt Iulianus loquitur *ff. de tit. §. ceterum*) fur improbius, siue (vt nostri Doct. loquuntur) fur qualificatus. Ex eodem igitur facto plura delicta oriuntur, vt furtum, & rapina: & ex utroq; agi potest, si posterior actio plus contineat, quam ea, quæ prius mota fuit, vt scilicet id solum consequatur actor, quod amplius est in posteriori actione. *ff. hoc tit. §. 1. & de furt. l. si quis egerit* 88. Concurrit ergo actio vi bonorum raptorum cum actione furti: & quidem plerumque cum actione furti manifesti, quia raptor plerumque est fur manifestus, *ff. de furt. l. p. vendidero* 86. §. *in raptor.* interdum cum actione furti nec manifesti, veluti si hominibus coactis, rapiendi animo domum in qua homines esse putabat, ingressus, nemine inuento quædam rapuit. *ff. eod. l. si quis uxori* 52. §. *ult.*

Secundò in vers. *sed tamen*, declarat originem huius actionis, & ostendit eam esse prætoriam.

Tertiò in vers. *qua appellatur*, declarat huius actionis nomen, quod iam ad rubricam exposui: dicitur enim actio vi bonorum raptorum, id est, bonorum per vim raptorum.

Quartò in versic. *est*, docet, quid in hanc actionem veniat: & inquit intra annum (subaudi, à die delicti commissi) peti quadruplum; post annum peti simplum. Quomodo autem accipiatur quadruplum, paulò post explicabitur.

Quintò in versic. *qua actio*, docet, quibus de rebus hæc actio competat vbi notat, hanc actionem dari etiã ob vnam tantum rem, licet minimã, quæ rapta sit. Intellige rem mobilem. *infra. prox. in fin.* Hoc casu dat Imperator actionem utilem, quia prætor in edicto loquitur tantum de bonis raptis. *ff. hoc tit. l. 2. in princ.* sed per interpre-

rationem producit ad vnam rem ex bonis raptam d. l.
2. §. *vel cuius*.

Sextò in versic. *quadruplum*, docet qualis sit hæc actio & ostendit eam esse mixtam, cum persequitur quadruplum: quia hoc quadruplum constat ex re rapta, & ex tripli poena, qua in re leuius puniri videtur raptor, quam fur. Sed in eo raptor oneratur, quòd etiam furti conueniri, potest, & quòd indistinctè condemnatur in quadruplum dummodò intra annum conueniatur, fur autem modò in quadruplum, modò in duplum damnatur. Hic nota tres differentias inter actionem furti, & actionem vi bonorum raptorum. I. Illa actio semper est in duplum, vel quadruplum: hæc autem intra annum est in quadruplum; post annum, in simplum. II. Fur non tenetur in quadruplum, nisi sit in furto deprehensus: raptor autem indistinctè intra annum, tenetur in quadruplum. III. Actio furti est poenalis: hæc autem actio est mixta.

§. 1.

Septimò in §. 1. docet, contra quem hæc actio datur. vbi sic distinguit: aut rapit aliquis dolo malo: aut per imprudentiam, existimans rem esse suam, & sibi licere rem suam rapere. Priori casu tenetur hac actione vi bonorum raptorum. Posteriori casu, quia dolo caret, (vnde nota etiam ignorantiam iuris excusare à dolo, vt & *suprà de usurap. §. sed tamen*.) non tenetur hac actione, quæ dolum requirit: sed ex constitutionibus principum ita punitur: vt si quidem rem suam rapuerit, eam perdat. si verò alienam rapuerit, quam falsò putabat esse suam, non solum eam restituat, sed & insuper eius æstimationem. Quod ius ait Imperator obtinere non solum in rebus mobilibus, quæ rapi possunt: sed etiam in immobilibus, quæ non dicuntur rapi sed inuadi. C. vnde vi. l. 7. Fridericus Imper. inuasionem rebus mobilibus tribuere videtur in *constitut. de statu & consuetud. cont. lib. eccles. §. agricultores*.

§. ult.

Octauò in §. ult. docet, cui hæc actio datur, & ostendit ei dari, cuius interest, quamuis non sit rei dominus, quod enim ad hoc, eadè est ratio actionis furti, & huius actionis. Quare non spectamus, an res sit in bonis, id est, in dominio actoris, sed tantum an sit ex bonis, id est, an fuerit penes actorem quocumq; titulo, sic tamen, vt eius intersit re nõ rapi. quod Imperator declarat sex exemplis: id est, si res fuit actori locata,

cata. 2. si commodata 3. si pignori data. 4. si deposita, ita ut depositarius ex pacto etiam culpam præstare debeat, alioquin nihili eius interesset rem rapi, quemadmodum nec surripi *supr. tit. prox. §. sed is*. Quibus igitur casibus actor non est dominus, hac ratione non recipit rei dominium, siue eius quadruplum, sed illud solum, quod amisit, quadruplatum tamen si intra annum agat.

A X I O M A T A.

- 1 Raptor est fur improbus, *in princ. coniu. l. 2. §. ceterum. ff. hoc tit.*
- 2 Actio vi bonorum raptorum concurrit cum actione furti *in princ.*
- 3 Qui grauius delinquit, non debet leuius puniri *in princ.*
- 4 Ignorantia iuris excusat à dolo, non à culpa §. 1. coniu. §. sed tamen, *supr. de usucap.*
- 5 Delicta non debent manere impunita, *d. §. 1. coniu. §. sed etsi, supr. tit. prox. & l. ita vulneratus §. 1. vers. quod si quis, ff. ad leg. Aquil.*
- 6 Quibus ex causis furti actio competit in re clam facta ex his causis datur actio vi bonorum raptorum ob res vi raptas. §. ult.

De lege Aquilia.

T I T. III.

DAmni iniuriæ actio constituitur per legem Aquilianam: cuius primo capite cautum est, *ut si quis alienum hominem, alienamue quadrupedem, que pecudum numero sit, iniuria occiderit, quanti ea res in eo anno plurimi fuerit, tantum domino dare, damnetur.*

¶ Quod autem non præcisè de quadrupede, sed de ea tantum quæ pecudum numero est, cauetur: eo pertinet, ut neque de feris bestiis, ne-

N p

que

que de canibus cautum esse intelligamus : sed de
iis tantum, quæ [gregatim] proprie pasci dicun-
tur : quales sunt equi, muli, asini, oves, boues,
capræ. De suis quoque idem placuit. Nam &
sues pecudum appellatione continentur : quia &
hi gregatim pascuntur. Sic denique & Homerus
in Odyssea ait (sicut Ælius Martianus in suis insti-
tutionibus refert,)

Δίξτε τὴν ἑστίαν παρήμενον οἱ ὅτι νέμονται
Παρ' Κόρακος πέτρῃ, ἐπὶ τὸ κρήνη Ἀρεθύσῃ.

id est,

*Seclantem videas, qui errant per pascua, porcos
Ad Coracis saxum, iuxta fontemque Arethusam.*

2 ¶ Iniuria autem occidere intelligitur, qui nul-
lo iure occidit, Itaque qui latronem [insidiato-
rem] occiderit, non tenetur utique, si aliter pe-
riculum effugere non potest.

3 ¶ Ac ne is quidem hac lege tenetur, qui ca-
su occidit, si modo culpa eius nulla inueniatur :
nam alioqui non minus ex dolo, quam ex culpa
quisque hac lege teneretur.

4 ¶ Itaque si quis dum iaculis ludit, vel exercita-
tur, transeuntem seruum tuum traiecerit, distin-
guitur. Nam si id à milite in eo campo, ubi soli-
tum est exercitari, admissum est : nulla culpa eius
intelligitur. si alius tale quid admiserit : culpæ reus
est. Idem iuris est de milite; si in alio loco, quam
qui ad exercitandum militibus destinatus est, id
admiserit.

5 ¶ Item si putator ex arbore deiecto ramo ser-
uum tuum transeuntem occiderit : si prope viam
publicam, aut vicinalem id factum est, neque pro-
sigmavit, ut casus evitari posset, culpæ reus est ;
sed

Sed si proclamauit, nec ille curauit præcauere, extra culpam est putator; Atque extra culpam esse intelligitur, si seorsum à via forte, vel in medio fundo cædebat, licet non proclamauit: quia [in] eo loco nulli extraneo ius fuerat versandi.

6 § Præterea, si Medicus, qui seruum tuum secuit, dereliquerit curationem [eius,] & ob id mortuus fuerit seruus, culpæ reus erit.

7 § Imperitia quoque culpæ adnumeratur: veluti si Medicus [ideo] seruum tuum occiderit, quia male eum secuerit, aut perperam ei medicamentum dederit.

8 § Impetu quoque mularum, quas mulio propter imperitiam retinere non potuit, si seruus tuus oppressus fuerit, culpæ reus est mulio. Sed si & propter infirmitatem eas retinere non potuerit cum alius firmiter eas retinere potuisset: æque culpa tenetur. Eadem placuerunt de eo quoque, qui cum equo ueheretur, impetum eius aut propter infirmitatem, aut propter imperitiam suam retinere non potuerit.

9 § His autem verbis legis, *quanti id eo in anno plurimi fuerit*, illa sententia exprimitur: vt si quis hominem tuum, qui hodie claudus, aut mancus, aut luscus erit, occiderit, qui in eo anno integer, aut pretiosus fuerit: non tanti teneatur, quanti hodie erit, sed quanti in eo anno plurimi fuerit. Quæ ratione creditum est pœnalem esse huius legis actionem: quia non solum tanti quisque obligatur, quantum damni dederit, sed aliquando longe pluris. Ideoque constat in heredem eam actionem non transire: quæ transitura fuisset si ultra damnum numquam lis æstimaretur.

10 § Illud non ex verbis legis, sed ex interpretatione placuit non solum perempti corporis æstimationem habendam esse, secundum ea quæ diximus: sed eo amplius, quidquid præterea, perempto eo corpore, damni vobis illatum fuerit: veluti si seruum tuum heredem ab aliquo institutum ante quis occiderit, quam is iussu tuo hereditatem adierit, nam hereditatis quoque amissæ rationem esse habendam constat. Item si ex pari mularum vnam, vel ex quadrigis equorum vnum quis occiderit, vel ex comædis vnus seruus occisus fuerit: non solum occisi sit æstimatio, sed eo amplius, id quoque computatur, quanti depretiati sunt, qui supersunt.

11 § Liberum autem est ei cuius seruus occisus fuerit, & ex iudicio priuato legis Aquiliæ damnum persequi, & capitalis criminis [cum] reum facere.

12 § Caput secundum legis Aquiliæ in usu non est.

13 § Capite tertio de omni cætero damno cauetur. Itaque si quis seruum vel eam quadrupedem, quæ pecudum numero est, vulnerauerit: siue eam quadrupedem, quæ pecudum numero non est, veluti canem, aut feram bestiam vulnerauerit, aut occiderit: hoc capite actio constituitur. In cæteris quoque omnibus animalibus, item in omnibus rebus, quæ anima carent damnum per iniuriam datum, hac parte vindicatur. Si quid enim vltum, aut ruptum, aut fractum fuerit: actio ex hoc capite constituitur, quamquam poterat sola rupti appellatio in omnes istas causas sufficere: ruptum enim intelligitur, quod quoquo modo corruptum est. Vnde non solum facta, aut vsta, sed etiam scissa, & collisa, & effusa, & quoquo modo

modo perempta, atque deteriora facta, hoc verbo continetur. Denique responsum est, si quis in alienum vinum, aut oleum, id miscuerit, quo naturalis bonitas vini aut olei corrumpetur: ex hac parte legis [Aquiliae] eum teneri.

14 § Illud palam est, sicut ex primo capite ita demum quisque tenetur, si dolo aut culpa eius homo aut quadrupes occisus occisusve fuerit, ita ex hoc capite, de dolo aut culpa, [&] de cætero damno quemque teneri.

15 § [Ex] hoc tamen capite non quanti in eo anno, sed quanti in diebus triginta proximis res fuerit, obligatur is, qui damnum dederit.

16 § At nec *plurimi* quidem verbum adiicitur, sed Sabino recte placuit, perinde habendam æstimationem, ac si etiam hac parte *plurimi* verbum adjectum fuisset. nam plebem Romanam, quæ Aquilio tribuno interrogante hanc legem tulit, contentam fuisse, quod prima parte eo verbo usa esset.

17 § Cæterum placuit, ita demum directam ex hac lege actionem esse, si quis præcipue corpore suo damnum dederit. Ideoque in eum, qui alio modo damnum dederit, utiles actiones dari solent. veluti si quis hominem alienum, aut pecus ita incluserit, ut fame necaretur: aut iumentum ita vehementer egerit, ut rumperetur: aut pecus in tantum exagitaverit, ut præcipitaretur: aut si quis alieno seruo persuaserit, ut in arborem ascenderet, vel in puteum descenderet, & is ascendendo, vel descendendo, aut mortuus, aut aliqua parte corporis læsus fuerit, utilis actio in eum datur. Sed si quis alienum servum [aut] de ponte, aut de ripa in flumen deiecerit, & is

focatus fuerit, pro quo quod proiecit, corpore suo damnum dedisse, non difficulter intelligi potest, ideoque ipsa lege Aquilia tenetur. Sed si non corpore datum fuerit, neque corpus laesum fuerit, sed alio modo alicui damnum contigerit: quum non sufficiat, neque directa, neque utilis legis Aquiliae actio: placuit eum qui obnoxius fuerit, in factum actione teneri: veluti si quis misericordia ductus alienum feruum compeditum soluerit, ut fugeret.

Tertium priuatum delictum est damnum, quod punitur lege Aquilia, quae quidem lex est plebiscitum, ff. *hoc tit. §. 1.* Huius tit. quinque sunt partes.

Princ. In prima parte proponitur generale argumentum legis Aquiliae. nam huius legis tria fuerunt capita pertinentia ad damnum iniuriæ datum. Damni appellatione, si vocabulum late sumatur, omnis deminutio patrimonij significatur. ff. *de damn. infect. l. 3.* in qua significatione etiam furtum & rapina sub damni appellatione continentur. sed cum in presentia distinguamus damnum à rapina, & furto, perspicuum est, nos hic accipere damnum angustius, ita ut furtum & rapina excludantur. ff. *hoc tit. l. si seruus feruum. 27 §. olimam* Quomodo autem iniuriæ verbum hic accipiatur, mox in §. *iniuria.* & §. *seq.* explicabitur.

In secunda tituli parte declaratur primum legis caput. In hac parte Iustin. Primò in versic. *cuius*, proponit summam huius capitis.

§. 1. Secundò in §. 1. exponens ea verba, *quadrupedem quæ pecudum numero sit*, declarat de quo damno hoc caput loquatur. nempe hic tractatur non solum de seruo occiso, sed etiam de quadrupede, quæ pecudum numero sit, id est, quæ gregatim pascatur.

§. 2. Tertiò exponens verbum *iniuria*, docet, quomodo oporteat damnum esse datum, ut pertineat ad hoc caput legis Aquiliae. Sic itaque distinguitur: aut aliquis occidit ex iusta causa, aut dolo, aut culpa, aut casu. I. Casu lex Aquilia cessat, §. *iniuria.* ubi datur exemplum eius, qui latronem occidit, cum aliter non posset periculum effugere.

Nota

Nota pr^mò licere vim vi repellere. *ff. de inst. & iur. l. 3.*

Nota secundò decisionem quæstionis apud Doct. agitatæ, si quis possit fugâ sibi consulere. vtrùm teneatur fugere, an possit aggressorem impunè occidere. Mihi videtur vix posse contingere, vt aliquis fugiens, periculum euadat, sed si id contingat, non dubito, quin fugere debeat, potius quam alterum occidere? quia Iustin. disertè ait, ita demum eum non teneri qui latronem insidiantem occiderit, si aliter periculum effugere non poterat. Si obiicias, fugam esse turpem: respondebo cum M. Tullio, & Iurisconsultis, omnem rationem esse honestam expediendæ salutis, præsertim cum aliquis non propter ignauiam, sed homicidij vitandi causa fugiat.

II. & III. Casu condemnatur lege Aquilia, qui damnum dedit, quoniam hæc lex tam dolum, quam culpam punit: & quidem etiam leuissimam, *ff. hoc tit. l. an lege 44.* IV. Casu non est locus legi Aquiliæ. §. *ac ne is qui aem.* §. 3.

Quò meliùs autem intelligatur, quando aliquid culpa, vel casu factum sit: (sæpe enim dubitari potest) Imper. subiicit aliquot exempla: in quibus modò est culpa, ideòque condemnatio fit ex lege Aquilia; modò casus, adeò vt is qui fecit, excusetur. Primum exemplum est in §. *itaque*, eius qui iaculis ludit. vbi distinguitur inter paganum, & militem, nec non inter locum huic lusui destinatum, & alia loca. §. 4.

Secundum exemplum est in §. *item si putator*, eius, qui ramum ex arbore deiecit. vbi distinguitur, vtrùm propè viam publicam, siue vicinalem, an procul à via id fecerit. De via publica, & vicinali, vide *l. 2. §. viarum. ff. ne quid in loco publ.* §. 5.

Tertium exemplum est in §. *præterea*. Medici, id est, chirurgi, qui serui curationem dereliquit, §. 6.

Quartum exemplum est in §. *imperitia*, Medici, id est, chirurgi, qui malè seruum secuit. Ex hoc §. nota, imperitiâ esse culpâ in eo qui peritiam proficitur. Vnde quæritur an, sicuti Medicus tenetur lege Aquilia, quia malè curauit ægrota similiter teneatur Aduocatus, qui malè causam sibi cõmissam defendit. Breuiter respondeo, quoniam Aduocati imperitia non lædit corpus, sed extra corporis læsionem damnum affert, idcirco Aduocatum non teneri lege Aquilia, sed in factum. *infr. hoc tit. §. ult.* §. 7.

Quintum exemplum in §. *impetu*. est mulionis, qui propte §. 8.

imperitiam non potuit mulas continere. vbi eadem est ratio, quæ Medici imperiti. Sextum exemplum est in versis, sed & si, mulionis, qui propter infirmitatem non potuit mulas retinere. hic non est in culpa, quia non retinuit, siquidem retinere non potuit: sed ideo est in culpa, quia id suscepit, quod eius vires superabat. Septimum exemplum in vers. eadem, est eius, qui non potuit retinere equum, quo vehebatur. est enim eadem huius ratio, quæ mulionis.

§. 9. Quartò docet, in quantum ex hoc capite fiat condemnatio. Fit autem condemnatio partim ex verbis, partim ex mente & interpretatione legis. Prior condemnatio sumitur ex verbis illis, *quanti eo anno plurimi fuerit*, quæ explicantur in §. *his autem*. vbi docet. Imp. seruum, aut quadrupedem occisum æstimari, non quanti fuit eo tempore, quo occidebatur, sed quanti plurimi fuit eo anno. Intellige annum retrorsus computatum, ita vt dies occisionis non sit prima, sed vltima huius anni. ff. *hoc tit. l. ait. lex. 21. §. 1.* Inde colligit Imp. duo corollaria.

I. Corollarium est in vers. *qua ratione*, hanc actionem non esse tantum rei persecutoriam, sed etiam pœnalem, id est, esse actionem mixtam: quia non persequitur quanti res est, sed quanti plurimi eo anno fuit, ad eò vt præsens æstimatio augeatur: quod augmentum facit pœnam. verbi gratiâ, Titius occidit seruum meum, quo tempore valebat 10. aureis, cum superioribus mensibus valeret octodecim aureis: nam pretium deminutum fuit vel propter morbum, vel propter aliam causam. cum igitur Titius in octodecim condemnatur: decem sunt res, octo verò est pœna.

Notandum est, non tantum hac ratione actionem legis Aquilæ esse mixtam, sed etiam quia per inficiationem crescit in duplum. *infr. de action. §. vi autem.*

Alterum corollarium est in vers. *ideòque*, quòd hæc actio non datur contra hæredem delinquentis, heredes enim non succedunt in pœnam, cum delicta morte delinquentium extinguantur. Excipe I. nisi ex eo delicto heres locupletior factus sit: quia turpe lucrum debet ei auferri. ff. *hoc tit. l. inde Neratius. §. hanc actionem.* & de calumnia. l. 5. in princ. Excipe I. l. nisi lis cum defuncto fuerit contestata: quia litis contestatio perpetuat actionem *infr. de perpet. & temp. act. §. 1.*

§ 10. Posterior condemnatio ex mente legis fit in id quod astoris

actoris interest, præter corporis occisi æstimationem, ut in exemplis in contextu propositis in §. *illud non*.

Quintò in §. *liberum*, declarat concursum huius actionis cū publica accusatione ex lege Cornelia de sicariis. Intelligere hanc accusationem non omni casu concurrere cum lege Aquilia, sed eo tantum casu, quo servus dolo malo fuit occisus. d. l. *inde Neratius* §. *si dolo*. nam si quis lata culpā sit occisus, non est locus legi Corneliæ. ff. *ad l. Cornel. de sicar. l. 7*. Unde constat hoc casu non obtinere illam regulam, quòd lata culpa dolo comparatur. ff. *depositi. l. quòd Nerva. 32*. Multo minus erit locus legi Corneliæ, si quadrupes sit occisa.

Tertia tituli pars in §. *caput*, est de secundo legis capite, quod Iustin. ait non esse in usu. idcòque eius sententia ignoratur. Cuiacius tamen in Parat. ff. *hoc tit.* probabiliter coniicit hoc caput statuisse de utilitate intercepta sine rei nostræ læsione, ut in casu relato à Plinio lib. 9. cap. 59: nam quidam piscator ob captum piscem Anthiam conciliatorem capturæ & ducem, decem libris, edita dampni dati formula, socio damnatus fuit.

Quarta pars est de tertio capite. In hac parte Imp. I. in §. *capite* docet, de quo damno hoc caput loquatur, & ostendit pertinere ad cætera omnia damna, quæ non continentur in primo capite, id est, præter hominē, aut quadrupedē occisum. Intellige cætera omnia damna cum duplici limitatione: quia excludere primò oportet furtum & rapinam, ut docui *supr. in princ. tit.* deinde ea damna, quibus corpus non læditur. *infr. hoc tit. §. ult. in fin.* Porro in hoc capite lex loquitur de vltò, fracto & rupto, unde Imp. notat, verbis specialibus legem adiecisse verbum generale: quia ruptum vetusto loquendi more accipitur pro corrupto. ff. *hoc tit. l. si servus servum. 27*. §. *inquit lex* proinde rupti appellatione etiam fractum & vltum continentur. d. l. *si servus servum. §. non negat*.

II. In §. *illud talam*, docet, quomodo damnum illud datum esse oporteat, ut pertineat ad tertium caput legis. hinc eadem est ratio, quæ primi capitis. nam utrobique requiritur, ut damnum sit datum dolo, aut culpa, non casu, nec ex iusta causa.

III. Declarat, in quantum condemnatio fiat ex hoc capite. ubi duo notat. Vnū est in §. *ex hoc*, quòd res, æstimatur quāti plurimi fuit, non eo anno, ut in primo capite, sed eo mense.

sicut autem annus ille retrorsum computabatur, ita etiam hic mensis: id est, spectatur mensis, non à die damni dati, sed vsque ad eam diem.

§. 16. Alterum est in §. *at ne plurimi*, quòd æquè in tertio atque in primo capite res æstimatur quanti plurimi. quamvis enim verbum *plurimi*, tantùm positum fuerit in primo capite, tamen censetur tacitè repetitum in tertio capite. secundùm regulam illam, dicta in præfationibus censentur repetita in conclusionibus. ff. *de pact. l. 4. §. ult.*

§. vii. Quinta pars in §. *ult.* est communis vtrique capiti, tam primo, quàm in tertio, ubi Imper. vt doceat, quando sit locus directæ actioni legis Aquiliæ, vel actioni vtili, vel in factum, distinguit tres casus. aut enim aliquis suo corpore corpus lædit, aut non suo corpore lædit: aut non lædit, seu corrumpit corpus, sed alio modo damnum dat. Exempla perspicua singulorum casuum sunt in contextu. I. Casu datur actio legis Aquiliæ directæ. II. Casu vtilis actio legis Aquiliæ. III. Casu actio in factum.

Nota primò suo corpore damnum dare non solum eum, qui sua manu (exempli gratia) percutit, sed etiam eum, qui gladio, vel baculo, quem manu gestat, dicitur enim suo corpore corpus lædere, qui re vera damnum dat; non suo corpore corpus lædere, qui occasione damni dat. ff. *hoc tit. l. 7. §. Celsus*. hic enim locum habet regula, Qui damni occasionem dat, damnum dedisse videtur. ff. *eo. l. qui occidit. 30. §. pen. Cic. Philip. 9.* Is profectò mortem attulit, qui causa mortis fuit.

Nota secundò actionem vtilem, & actionem in factum passim confundi in iure ciuili. omnis enim actio vtilis dici potest in factum, & retrò omnis actio in factum potest vocari vtilis. vnde quæ hoc loco vtilis actio nominatur, eadem appellatur in factum. ff. *hoc tit. d. l. 7. §. Celsus. l. item si obstrerix 9. §. si quis hominem, c. l. quem admodum. 29. §. pen.* Sed hoc loco, dum Imperator vtilem actionem ab actione in factum distinguit, intelligit vtilem ciuilem, id est, accommodatam legi Aquiliæ; in factum verò prætoriam, quæ datur ciuilibus actionibus cessantibus. ff. *de præser. ver. l. quia actionum. 11.* Ergo vtilis actio Aquilia est in factum ciuilis, ac distinguitur à prætoria in factum.

A X I O M A T A.

- 1 Valet argumentum ab auctoritate poetarum. §. 1. coniun. §. item pretium. *supr. de empt. & vendit. & l. 1. ff. eod.* Vide etiam *axioma 6. supr. de empt. & vend.*
- 2 Vim atque iniuriam propulsare licet. quod enim quisque ob tutelam sui corporis fecit, iure fecisse existimatur, dummodò fecerit cum moderamine inculpatæ tutelæ. §. 2. coniun. l. 2. ff. de iustit. & iur. & l. 1. C. unde vi.
- 3 Lege Aquilia tam ex dolo, quam ex culpa quisque tenetur. §. 3. & §. 14.
- 4 Ludus noxius culpa non vacat §. 4. coniun. l. nam lusur. 10. ff. eod.
- 5 Culpa vel in faciendo consistit d. §. 4. & §. seq. vel in non faciendo. §. 6.
- 6 Imperitia eius, qui scientiam proficitur, culpæ adnumeratur. §. 7.
- 7 Culpa facit, qui id aggreditur, quod suas vires superat. §. 8.
- 8 Poenales actiones in hæredem non transeunt. §. 9. coniun. §. 1. *infr. de perp. & temp. action.*
- 9 Iudicia publicum & priuatum concurrere possunt. §. 11. coniun. l. vn. C. quando civil. actio crim. praiudicet.
- 10 Dicta in superiori orationis parte censentur tacitè repetita in inferiori. §. 16. coniun. §. *praterca. supr. de inutil. stip. & axiom. 10. supr. eod. & l. 4. ff. de pact. & l. Titia. 134. ff. de verb. oblig.*

De iniuriis.

T I T. IV.

Generaliter iniuria dicitur omne quod non iure fit. specialiter, alias contumelia, quæ contemnendo dicta est, quam Græci ὕβρις appellant: alias culpa, quam Græci ἑκλάνεια dicunt, sicut in lege Aquilia damnum iniuria datum accipi

accipitur : alias iniquitas & iniustitia, quam Græci
[ἀδικία καὶ ἀδίκη] ἀδικίαν vocant. cum enim prætor vel
iudex non iure contra quem pronuntiat, iniuriam ac-
cepisse dicitur.

1 § Iniuria autem committitur non solum cum
quis pugno pulsatus, aut fustibus cæsus, vel etiam
vecheratus erit : sed & si cui conuicium factum
fuerit, siue cuius bona quasi debitoris, qui nihil de-
beret, possessa fuerint ab eo, qui intelligebat nihil
eum sibi debere, vel si quis ad infamiam alicuius
libellum, aut carmen, [aut historiam] scripserit,
composuerit, ediderit, dolove malo fecerit, quo
quid eorum fieret : siue quis matremfamilias, aut
pretextatum, prætextatamve adfectatus fuerit : siue
cuius pudicitia attentata esse diceretur : & denique aliis
plurimis modis admitti iniuriam manifestum est.

2 § Patitur autem quis iniuriam non solum per
semetipsum, sed [etiam] per liberos suos, quos in
potestate habet : itemque per uxorem suam, id enim
magis præualuit. Itaque si filix alicuius, quæ Titio
nupta est, iniuriam feceris : non solum filix no-
mine tecum iniuriarum agi potest, sed etiam patris
quoque & mariti nomine. Contra autem, si viros
iniuria facta sit : vxor iniuriarum agere non potest.
Defendi enim vxores à viris, non viros ab vxo-
ribus, æquum est. Sed & socer nurus nomine, cu-
ius vir in [eius] potestate est, iniuriarum agere
potest.

3 § Seruis autem ipsis quidem nulla iniuria fie-
ri intelligitur, sed domino fieri per eos videtur,
non tamen iisdem modis, quibus etiam per li-
beros & vxores : sed ita, cum quid atrocius com-
missum fuerit, & quod aperte ad contumeliam
domini

domini respicit: veluti si quis alienum seruum [atrociter] verberauerit, & in hunc casum actio proponitur. At si quis seruo conuicium fecerit, vel pugno eum percusserit; nulla in eum actio domino competit.

4 § Si communi seruo iniuria facta sit: æquum est, non pro ea parte, qua dominus quisque est, æstimationem iniuriæ fieri, sed ex dominorum persona, quia ipsis fit iniuria.

5 § Quod si ususfructus in seruo Titij est, proprietas Mæuii: magis Mæuius iniuria fieri intelligitur.

6 § Sed si libero [homini,] qui tibi bona fide seruit, iniuria facta sit: nulla tibi actio dabitur, sed suo nomine is experiri poterit, nisi in contumeliæ tuam pulsatus sit, tunc enim competit & tibi iniuriarum actio. Idem ergo est & in seruo alieno bona fide tibi seruiente, ut totiens admittatur iniuriarum actio, quotiens in tuam contumeliæ iniuria ei facta sit.

7 § Pœna autem iniuriarum ex lege duodecim tabularum propter membrum quidem ruptum talio erat: propter os vero fractum nummariæ pœnæ erant constitutæ, quasi in magna veterum paupertate. Sed postea prætores permittebant ipsis, qui iniuriam passi sunt, eam æstimare, ut iudex vel tanti [reum] condemneret, quanti iniuriam passus æstimauerit, vel minoris, prout ei visum fue rit. Sed pœna quidem iniuriæ, quæ ex lege duodecim tabularum introducta est, in desuetudinem abiit. quam autem prætores introduxerunt (quæ etiam honoraria appellatur) in iudiciis frequentatur. Nam secundum gradum dignitatis vitæque honestatem, crescit aut minuitur æstimatio iniuriæ.

qui

qui gradus condemnationis, & in serui persona non immerito seruatur: vt aliud in seruo actore, aliud in medij actus homine, aliud in vtilissimo, vel compedito ius [æstimationis] constituatur.

8 § Sed & lex Cornelia de iniuriis loquitur, & iniuriarum actionem introduxit, quæ competit ob eam rem quod se pullatum quis, verberatumque, vel domum suam vi introitam esse dicat. Domum autem accipimus, siue in propria domo quis habitet, siue in conducta, siue gratis, siue hospitio receptus sit.

9 § Atrox iniuria æstimatur vel ex facto, veluti si quis ab alio vulneratus sit, vel fustibus cæsus. vel ex loco: veluti si cui in theatro, vel in foro, vel in conspectu prætoris iniuria facta sit. vel ex persona: veluti si magistratus iniuriam passus fuerit. vel si senatori ab humili persona iniuria facta sit, aut parenti patronove fiat à liberis, vel libertis. Aliter enim senatoris & parentis patronique, aliter extranei & humilis personæ iniuria æstimatur. Nonnunquam & locus vulneris atrocem iniuriam facit, veluti si in oculo quis percussus fuerit. Parui autem refert, vtrum patrifamilias, an filiofamilias talis iniuria facta sit: nam & hæc atrox iniuria æstimabitur.

10 § In summa sciendum est, de omni iniuria cum, qui passus est, posse vel criminaliter agere, vel civiliter. Et si quidem civiliter agitur, æstimatione facta secundum quod dictum est, pœna reo imponitur. Sin autem criminaliter: officio iudicis extraordinaria pœna reo irrogatur: hoc videlicet obseruando, quod Zenoniana constitutio introduxit vt viri illustres. quique super eos sunt, & per

per procuratores possint actionem iniuriarum criminaliter vel persequi, vel suscipere, secundum eius tenorem, qui ex ipsa manifestius apparet.

11 § Non solum autem is iniuriarum tenetur, qui fecit iniuriam, id est, qui percussit: verum ille quoque tenetur, qui dolo fecit [iniuriam,] vel qui procuravit, ut qui mala pugno percuteretur.

12 § Hæc actio dissimulatione aboletur: & ideo si quis iniuriam dereliquerit, hoc est statim passus ad animum suum non reuocauerit: postea ex pœnitentia remissam iniuriam non poterit reco-
lere.

Quantum delictum priuatum est iniuria, de qua hoc titulo agitur. Diuiditur autem hic tit. in sex partes.

Prima pars in *Princ. tit.* distinguit homonymiam vocabu-
li *iniuria*, quod habet quatuor significationes, vnam gene-
ralem, ac tres speciales. I. Namque iniuria significat quic-
quid non iure fit: in qua significatione omne delictum est
iniuria II. Accipitur pro contumelia, ut in hoc tit. III. Pro
culpa, ut in lege Aquilia, quæ loquitur de damno iniuriâ,
est, culpâ dato. culpæ autem appellatio ibi latè accipitur,
ut complectatur tam dolum, quàm culpam propriè dictam
ut & in l. 3. ff. *commod.* quia lex Aquilia non minùs do-
lum, quàm culpam punit. *supr. tit. prox. §. ac ne is quidem.* IV.
Sumitur pro iniquitate & iniustitia, veluti cùm iudex ini-
què iudicans, dicitur fecisse iniuriam ei contra quem iu-
dicauit. Vnde Cic. *initio orationis pro Quintio.* vtrumque
verbum coniunxit, illo loco, *Id accidit pratoris iniquitate
& iniuria.*

Princ.

Secunda pars in §. 1. docet, quibus modis fiat iniuria: &
proponit varia exempla, quæ cùm obscura non sint, tan-
tùm ad ea notabo, quæ annotatione digna sunt.

§. 1.

Nota igitur I Differentiam inter pulsare, & verberare;
quia verberatio est cum dolore, pulsatio sine dolore. ff. *hoc
tit. l. 5. §. 1.* quamquam hæc distinctio non placet Laur. Valla
lib. 6. Elegantiar. cap. 47.

Nota

Nota II. Delendum esse verbum *aut historiam*, quod nec Theophilus agnoscit, nec habent libri emendatiores.

Nota III. Prætextatum dici puerum vsque ad annum decimum septimum, prætextatam puellam, donec nubat: quia utebantur togis prætextis.

Nota IV. Differentiam inter affectari, & attentare. dicitur enim affectari, qui tacitus sequitur: attentare autem, qui blandis verbis compellat impudicitæ causa. ff. eod. l. *attentari* 10. & *litem* apud. 15. §. *appellare* & aliud.

- §. 2. Tertia pars docet qui & per quos iniuriam patiamur. I. Patimur iniuriam per nosmetipsos. II. Per liberos, quos in potestate habemus §. *patitur*, in princ. III. Per uxorem. vers. *item per uxorem*. & vers. *contra*. Vnde Imper. colligit in vers. *itaque*, si mulieri nuptæ iniuria fiat, eum, qui deliquit, triplici iniuriarum actione conveniri posse, id est, nomine ipsius mulieris, nomine patris, & nomine mariti: adeo ut tres condemnationes fiant. Nota, tum demum iniuriam nobis fieri per liberos, quos in potestate habemus, cum ille, qui iniuriam liberis nostris facit, non ignorat eos esse filios familias, & similiter per uxorem nostram ita demum fieri nobis iniuriam, si is qui iniuria affecit, sciebat eam habere maritum, ff. eod. l. *eum qui* §. *penult.* vxor autem ob iniuriam marito factam non habet actionem. d. vers. *contra*. IV. Socer iniuriam patitur per nurum, si modò maritum eius habeat in potestate, vers. *Sed & socer*.

- §. 3. V Cum seruo fit iniuria, intelligitur fieri domino eius: & quamvis re vera seruo fiat, ut quia servus est verberatus, ff. *hoc tit. l. item* apud. 15. §. *si quis sic fecit*. & *supr. de his qui sui, vel alieni iur. sunt*, §. *ult.* tamen non intelligitur ei fieri iniuria sed domino eius, cui datur actio iniuriarum. §. *servis autem*. ubi addit Imp. limitationem in vers. *non tamen*. dummodò sit iniuria atrox, & quæ ad contumeliam domini manifestè respiciat. Proinde requiritur, ut is, qui iniuriam seruo facit non ignoret cuius ille servus sit. nam si quis servum meum percusserit, pro libero se gerentem, aut, cum eum alterius servum esse existimaret, non percussurus, si meum sciisset, iniuriarum actione mihi non tenetur. d. l. *item* apud. §. *interdum*. 45.

- §. 4. VI. Per servum communem fit iniuria utrique domino. §. *si communi*. Nota, quolibet domino agente, iniuriam æstimari pro actoris dignitate. d. §. *si communi*. exempli causâ, si Titius verberatus

verberauit seruum communem Senatori, & plebeio; poterit ab utroque iniuriarum conueniri, sed idem factum pluris æstimabitur agente Senatore, quàm agente plebeio. æstimatione autem ita fiet, quasi actor sit solus serui dominus: verùm actor non consequetur totam æstimationem, sed partem eius proportionem dominij, quod in seruo habet; vt in d. casu, agente Senatore, iniuria æstimabitur (exempli gratia) 20. aureis: sed reus Senatori condemnabitur tantùm in 10. aureos; rursus plebeio agente iniuria æstimabitur 12. aureis: sed reus actori condemnabitur tantùm in sex aureos. ff. eod. l. sed. nō 16.

VII. Per seruum, in quo vsusfructus alienus est, iniuria §. 5. regulariter fit proprietario. §. quod si vsusfructus. nisi manifestè facta sit in contumeliam fructuarij. d. l. item apud, §. penult.

VIII. Per hominem liberum, vel seruum alienum à nobis bona fide possessum, similiter fit nobis iniuria, si quid in nostram contumeliam factum sit: alias iniuria respicit ipsum hominem liberum, vel dominum serui bona fide possessi. §. sed si libero. §. 6.

Quarta pars est de poena huius delicti: quæ quidem est §. 7. multiplex, prout plura iudicia de iniuriis locum habent. Primum est iudicium priuatum, quod ad hunc titulum pertinet. §. poena. vbi distinguitur inter poenam antiquam ciuilem ex leg. xij. tabularum, & poenam nouam prætoriam, quæ sola est in usu, cùm ciuilis in desuetudinem abierit. Erat autem poena ciuilis ob membrum ruptum, (id est, corruptum) poena talionis, qualis est etiam in lege Mosis, cùm quis idem patitur, quod alteri fecit. vnde illud, dens pro dente, oculus pro oculo &c. propter os verò fractum erat poena numaria, id est, 25. assium teste Gellio lib. 10. c. 1. putarunt enim veteres has poenas sufficere propter magnam illorum temporum paupertatem. Poena autem prætoria non continet certam quantitatem: sed actor iniuriam suam æstimat, & iudex tanti, vel minoris condemnat, prout sibi æquius visum fuerit, ita vt pro ratione personarum, quæ iniuriam passæ sunt, idem factum puniatur grauius aut mitius. Hanc personarum distinctionem inquit Imp. obseruari etiam in seruis: vt putà grauius punietur, qui seruum actorem, quàm qui mediij actus seruum, & magis qui hunc, quàm qui seruum vilissimū verberauerit. Seruorum igitur tres gradus Imperator facit. seruus enim actor, seu dispensator est omnium optimus. ff. de leg.

leg. 3. l. legato. 37. in princ. quippe qui res domini administrat & pecuniarum credendarum & accipiendarum curam habet. ff. de statu liber. l. Stichus. 40. §. servus testamento. & de doli exceptis. l. §. actoris. & C. quod cum eo. l. ultim. infimo loco est servus vilissimus, qui vilissima munera obit: medium locum tenet is, quem Imperator medijs actus hominem vocat.

§. 8. Secundum est iudicium publicum ex lege Cornelia de iniurijs: vit enim ex lege Cornelia publicum. ff. de accusat. l. nos accusare. 22. §. ult. in fin. sed postea moribus factum est privatum. ff. hoc tit. l. §. illud. & de procurat. l. licet 42. §. 1. idcirco Paulus lib. 5. sentent. tit. 4. scribit hanc actionem esse ex iure mixto, id est, ex lege & moribus, & hinc poenam irrogari extra o. dinem. Hoc iudicium ex lege Cornelia non habet locum, nisi certis casibus in contextu expressis. §. sed & lex. vbi quod dicitur de eo qui hospitio receptus est, intelligi debet de hospitio non momentaneo, id est, cum aliqui s hospitio receptus est, tamquam ibi aliquandiu mansurus. ff. hoc tit. l. §. domum. Præter hos casus olim iudicium publicum fuit etiam ob iniuriam viris illustribus factum. Salvi-
anus de vero iudicio & providentia Dei, lib. 8. Si quemlibet ingenuorum hac contumelia laderes, iniuriarum insolentium reus esses, certè si illustriorem quempiam, aut sublimiorem, etiam censuram iuris publici sustineres.

§. 9. Quoniam autem his casibus atrox est iniuria, idcirco Iu-
stinianus iubilic in §. atrox iniuriam æstimari atrocem ex
circumstantiis, id est, ex ipso facto ex loco in quo facta est
iniuria, ex persona quæ iniuriam fecit, vel passa est, & ex lo-
co vulneris: quamvis nihil referat, vtrum patri, an filio fami-
liæ iniuria facta sit.

§. 10. Tertium est iudicium extraordinarium, quod semper con-
currit cum iudicio privato, non solum certis casibus, vt di-
ximus de iudicio ex lege Cornelia. De hoc iudicio extra-
ordinario Imp. loquens in § in summa, vocat iudicium cri-
minale: ac de eo tria notat. I. Electionem dari ei, qui iniu-
riam passus est, vtrum malit intentare iudicium privatum
prætorium, an criminale extraordinarium, quod etiam de
furto notavi ad §. ult. supr. de obl qua ex del. II. Hoc iudicio
poenam extraordinariam irrogari officio, id est, arbitrio iu-
dicis. III. Personas illustres, quales sunt præfecti pratorio,
& superillustres, quales sunt consules & patricij, hoc iu-
dicium mouere, vel subire per procuratorem, cum aliæ
personæ

personæ cogantur in iudicio personaliter comparere.

Quinta pars in §. pen. docet qui teneantur iniuriatum. §. nempe tenetur, qui iniuriam per se fecit, & qui dolo malo fecit, seu curavit ut alius iniuriam faceret.

Sexta & vltima pars in §. vlt. pertinet ad quæstionem §. quomodo iniuriarum actio tollatur. inquit ergo Imper. hanc actionem dissimulatione tolli, (id est, nisi iniuriam passus, de ea protestetur. *C. de liber. caus. l. si tibi 31.*) propter illam regulam, Volenti non fit iniuria, *extr. lib. 6. de reg. iur. reg. 27.* sicut enim qui ab initio consentit, non videtur iniuriam pati: ita etiam qui postea iniuriam remittit, non potest eam per poenitentiam reuocare.

A X I O M A T A.

- 1 Iudex, qui malè iudicat, iniuriam facit. *in princ.*
- 2 Iniuria fit re, verbis & scriptura. §. 1.
- 3 Qui per alium facit, per se facere videtur. *d. §. 1. & §. pen. coniu. l. 1. §. sed neque. vers. omnia enim. C. de vet. iur. enucl.*
- 4 Iniuriam aliquis patitur, non solum per se, sed etiam per alium. §. 2.
- 5 Æquum est vxores à viris defendi, non viros ab vxoribus. *d. §. 2.*
- 6 Seruis nulla iniuria fieri intelligitur, sed dominis per eos fieri videtur. §. 3.
- 7 Poena nummaria pauperi magna poena est §. 7.
- 8 Secundum gradum dignitatis, & vitæ honestam recrescit, aut minuitur æstimatio iniuriæ. *d. §. 7.*
- 9 Seruorum qualitates variae sunt *d. §. 7.* conditio autem seruilis vna est *supr. de iure person. §. vlt.*
- 10 Atrox iniuria ex circumstantiis æstimatur §. 9.
- 11 Parui refert in æstimatione iniuriæ, vtrum patrifamiliâs, an filiofamiliâs facta sit. *d. §. 9.*
- 12 In iudicio iniuriarum criminali soli viri illustres possunt per procuratorem litigare. §. 10.
- 13 Iniuria dissimulatione aboletur. §. vlt.

*De obligationibus, quæ quasi ex delicto
nascuntur.*

T I T. V.

SI iudex litem suam fecerit: non proprie ex maleficio obligatus videtur. sed quia neque ex maleficio, neque ex contractu obligatus est, utique peccasse aliquid intelligitur, licet per imprudentiam: ideo videtur quasi ex maleficio teneri, & in quantum de ea re æquum religioni iudicantis videbitur, pœnam sustinebit.

¶ Item is, ex cuius cœnaculo, vel proprio sip us vel conducto, vel in quo gratis habitat, deiectum effusumve aliquid est, ita ut alicui noceret: quasi ex maleficio obligatus intelligitur. Ideo autem non proprie ex maleficio obligatus intelligitur, quia plerumque ob alterius culpam tenetur, aut serui, aut liberi. Cui similis est is, qui ea parte, qua vulgo iter fieri solet, id positum aut suspensum habet, quod potest (si ceciderit) alicui nocere: quo casu pœna decem aureorum constituta est. De eo vero, quod deiectum effusumve est, dupli quantum damni datum sit, constituta est actio. Ob hominem vero liberum occisum, quinquaginta aureorum pœna constituitur. Si vero viuat, nocitumque ei esse dicatur; quantum ob eam rem æquum iudici videtur, actio datur. Iudex enim computare debet mercedes medicis præstitas cæteraque impendia, quæ in curatione facta sunt, præterea operas, quibus caruit aut cariturus est ob id, quod inutilis est factus.

¶ 2 § Si

2 § Si filius familias seorsum à patre habitauerit, & quid ex cœnaculo eius deiectum effusumve fuerit, siue quid positum suspensumve habuerit, cuius casus periculosus est: Iuliano placuit in patrem nullam [esse] actionem, sed cum ipso filio agendum esse. Quod & in filiofamilias iudice obseruandum est, qui litem suam fecerit.

3 § Item exercitor nauis aut cauponæ aut stabuli de dolo aut furto, quod in naui aut caupona aut stabulo factum erit, quasi ex maleficio teneri videtur, si modo ipsius nullum est maleficio, sed alicuius eorum, quorum opera nauem aut cauponam aut stabulum exercet: Cum enim neque ex maleficio, neque ex contractu sit aduersus eum constituta hic actio, & aliquatenus culpæ reus est, quod opera malorum hominum vteretur. ideo quasi ex maleficio teneri videtur. In his autem casibus in factum actio competit, quæ heredi quidem datur, aduersus heredem autem non competit.

Expositis veris delictis, quæ dolo committuntur, consequenter agitur de quasi delictis, quæ per culpam admittuntur. Horum quatuor genera declarat Imp. in hoc tit.

Primum quasi delictum *in princ. tit.* est, cum iudex litem suam fecit, id est, malè iudicauit per imperitiam: nā si dolo malo id fecit, est verum delictum: & quemadmodū hi duo casus sunt diuersi, ita etiam is qui malè iudicauit, diuersimodè punitur, cum enim per imprudentiam peccauit, in tantū damnatur, in quantum iudici videbitur, ut inquit hoc loco Iustin. sed si dolo malè iudicauit, veram litis æstimationem præstare cogitur, ut tantum ei soluat quem læsit quantum suā iniquā sententiā ei ademit. ff. de iudic. l. si filius fam. 5. §. ult. in. & C. de pœna iudic qui malè iudic. l. 2. Præter hæc, si iudex à litigatore pecuniam accepit, aut si litigator ei pecuniam promisit pro sententia ferenda, Iustin. Nou. 124.

Primo

cap. 2. ita eum punit: vt siquidem pecuniam accepit in causa civili, triplum restituat comiti rerum priuatarum, si verò pecunia ei promissa fuerit, duplum eidem comiti persoluat sed si in causa criminali ita deliquerit, omnibus bonis confiscatis in exilium mittitur.

§. 1.

Secundum quasi delictum est in *pr. §. 1.* cum aliquid est deiectum, vel effusum ex ædibus, quas inhabitamus, siue ædium coenaculo, (coenaculum proprie est superior pars ædium, in qua veteres coenare solebant Varro *lib. 4. de ling. Latina*) vnde alicui transeunti noxium est. hoc casu est quasi delictum: quia nos non deiecimus, nec deici iussimus, sed tantum culpa nostra est, quatenus tales personas in nostris ædibus retinemus, qui ita imprudenter agunt, vt in transeuntes aliquid temerè deiciant, vel effundant. dicuntur autem deici solida, vt tigna, lapides: effundi liquida, vt aqua, iusculum.

Tertium quasi delictum est in *vers. cui similis*, cum aliquid positum, vel suspensum habemus ab ea parte, qua vulgò iter fieri solet: quod potest, si cadat, transeunti nocere. hoc casu est quasi delictum: quia nos non posuimus, sed aliquis nobiscum habitans, putà famulus, vel ancilla posuit hoc casu non requiritur, quod reipsa noxium sit, sed sufficit potuisse noceri. Hoc igitur est primum discrimen inter secundum & tertium quasi delictum. Est & alterum discrimen, de quo in *vers. quo casu, & seq.* nam poena tertij quasi delicti est decem aureorum indistinctè: poena autem secundi quasi delicti pro diuersitate casuum varia est. regulariter quidem soluitur duplum damni dati. sed hæc poena non potest habere locum in libero homine occiso, vel laeso: quia corpus liberum non recipit æstimationem. vnde nec mors æstimatur, nec vulnera, nec cicatrices, nec deformitas. *ff. de his qui deiecerint, vel effuderint. l. 1. §. sed cum homo, & l. ult.* ergo cum homo liber est occisus, poena est 50. aureorum. cum autem aliter corpori noxium est, arbitrio iudicis res committitur, qui æstimabit impensas ob eam causam factas, putà mercedes præstittas medicis, nec non operas ob eam causam amissas.

§. 2.

Exposita sunt tria quasi delicta: quibus omnibus commune hoc est, quòd si filiusfamil. ex his causis teneatur, non obligat patrem de peculio, sed ipse conueniendus est actione directa. §. *penult.* vbi quod attinet ad secundum

dum & tertium quasi delictum, ponitur filius familias habitare seorsum à patre: quia si cum patre habitaret, spectaremus personam patris, non filij: adeò ut pater non per filium, sed quia ipse toti familiæ præest, ex his causis teneatur. Sciendum porrò est, filio ex his causis condemnato, patrem conveniri posse actione iudicati de peculio, propterea quod iudicio quasi contrahitur. *ff. de noxal. a. l. et si condemnatus. 35. & de pecul. l. 3. §. idem scribit.* Ac per condemnationem prior obligatio novatur. *C. de usur. rei iudic. l. ult. vers. si enim.* §. ult.

Quartum quasi delictum est in §. ult. cum damnum datum, aut furtum factum esse in naui, aut caupona, aut stabulo. Exercitor enim navis, aut caupona, aut stabuli, id est, is ad quem quotidianus quæstus pertinet *inf. à quædam eo. §. qua ratione. & ff. de exercit. et. l. 1. §. exercitorem.* quatinus nihil deliquerit, tamen tenetur ob delictum à suis ministris commissum: quia dum talibus ministris utitur, culpâ non vacat. *ff. nav. caupo. stabul. l. ult. §. hoc autem* quòd si alius, ut vector, seu viator, damnum dederit, vel furtum fecerit, exercitor non tenetur. Nec obstat. *l. §. ult. & l. 2. & l. 3. in pr. ff. nav. caupo. stabul.* ubi exercitor præstat etiam factum vectorum, seu viatorum: quoniam ibi non agitur de actione in factum ex quasi delicto, sed de actione ex contractu, quæ vocatur de recepto.

Nota igitur I. Exercitorem teneri actione in factum.

Nota II. hanc actionem dari heredi, sed non contra heredem: quia ex parte actoris est rei persecutoria, ex parte autem rei est poenalis. Non tamen est ex parte actoris, cum in ipsum exercitorem agitur, simpliciter rei persecutoria, sed potius mixta: quoniam in duplum competit. *ff. nav. caupo. stabul. l. ult. §. 1.*

Nota III. in præ. huius §. legendum esse, de damno aut furto, sicuti legitur in *l. §. ult. ff. de obl. & act.* unde hic §. sumptus est altera enim lectio, quæ habet, de dolo, aut furto. perspicuè vitiosa est: primum quia furtum sine dubio in se continet dolum proinde non debet à dolo distingui: deinde quia hæc actio in factum non solum habet locum in furto, sed etiam in damno. *d. l. ult.*

Nota IV. hanc actionem in factum concurrere cum actione furti, vel legis Aquiliæ: adeò ut is qui damnum, aut furtum passus est, lectionem habeat, utrum malit agere in factum

contra exercitorem, an furti contra furem, seu leg. Aquilia
 cōtra eum qui damnum dedit. ff. nau. cau. p. stabul. pen. §. ult.
 Nota quintò, ob factum hominis liberi, aut serui alieni,
 cuius opera vtitur, exercitorem in solidum teneri: ob fa-
 ctum autem serui sui noxali tantum actione teneri, ita vt
 eum noxæ dedendo liberetur, cū enim extraneos adhi-
 bet, diligenter explorare debet quales sint; in suis autem
 seruis venia dignus est, si eorum qualescumque sint, opera
 vsus sit. ff. eo. l. ult. §. hac autem. & furti aduer. ran. cau. stab.
 l. vn. §. pen.

AXIOMATA.

- 1 Qui per imprudentiam peccat, quasi delinquit. in pr.
- 2 Ex quasi delicto filij pater non tenetur. §. penul.
- 3 Qui opera malorum hominum vtitur, culpæ reus est.
 §. ult.

De actionibus.

TIT. VI.

S Vperest, vt de actionibus loquamur. Actio au-
 tem nihil aliud est, quam ius persequendi in iu-
 dicio, quod sibi debetur.

1 § Omnium autem actionum, quibus inter ali-
 quos apud iudices arbitrosve de quacunque re
 quæritur, summa diuisio in duo genera deducitur:
 aut enim in rem sunt, aut in personam. Namque
 agit vnusquisque aut cum eo qui ei obligatus est,
 vel ex contractu, vel ex maleficio: quo casu prodi-
 tæ sunt actiones in personam, per quas intendit aduersa-
 rium ei dare aut facere oportere, & aliis quibusdam
 modis. Aut cum eo agit, qui nullo iure ei obligatus est,
 moueat tamen alicui de aliqua re controuersiam, quo
 casu prodi-
 tæ actiones in rem sunt: veluti si rem cor-
 poralem possideat quis, quam Titius suam esse affir-
 me

met, possessor autem dominum eius se esse dicat. nam si Titius suam esse intendat: in rem actio est.

2 ¶ Æque si agat [quis,] ius sibi esse fundo forte vel ædibus utendi fruendi, vel per fundum vicini eundi agendi, vel ex fundo vicini aquam ducendi: in rem actio est. Eiusdem generis est actio de iure prædiorum urbanorum: veluti si [quis] agat ius sibi esse altius ædes suas tollendi prospiciendiue, vel proijcendi aliquid, vel immittendi tignum in vicini ædes. Contra quoque de usufructu, & de servitutibus prædiorum rusticorum, item: prædiorum urbanorum, inuicem quoque proditæ sunt actiones: ut si quis intendat ius non esse aduersario utendi fruendi: eundi agendi, aquamve ducendi: item altius tollendi prospiciendiue, vel proijcendi immittendiue: istæ quoque actiones in rem sunt, sed negatiuæ. Quod genus actionis in controuersis rerum corporalium proditum non est. Nam in his is agit, qui non possidet: ei vero, qui possidet, non est actio prodita, per quam neget rem actoris esset Sane vno casu, qui possidet, nihilominus [is] actoris partes obtinet, sicut in latioribus Digestorum libris opportunius apparebit.

3 ¶ Sed istæ quidem actiones, quarum mentionem habuimus, & si quæ sunt similes, ex legitimis & ciuilibus causis descendunt. Aliæ autem sunt, quas prætor ex sua iurisdictione comparatas habet tam in rem, quam in personam, quas & ipsas necessarium est exemplis ostendere: [ut,] ecce, Plerumque ita permittit [prætor] in rem agere, ut vel actor dicat se quasi usufrucpisse, quod non usufrucperit: vel ex diuerso possessor dicat aduersarium suum non usufrucpisse, quod usufrucperit.

4 § Namque si cui ex iusta causa res aliqua tradita fuerit (veluti ex causa emptionis , aut donationis , dotis , aut legatorum) [&] nec dum eius rei dominus effectus est : si eius rei possessionem casu amiserit , nullam habet in rem directam actionem ad eam persequendam : quippe ita proditæ sunt iure civili actiones , ut quis dominium suum vindicet , sed quia sane durum erat , eo casu deficere actionem : inventa est à prætore actio , in qua dicit is qui possessionem amisit , eam rem se vlucepisse , quam vlu non cepit , & ita vendicat suam esse : quæ actio Publiciana appellatur , quoniam primum à Publicio prætore in edicto proposita est.

5 § Rursus ex diverso , si quis cum Reipublicæ causa abesset , vel in hostium potestate esset , rem eius , qui in ciuitate esset , vluceperit : permittitur domino , si possessor reipublicæ causa abesse desierit , tunc intra annum rescissa vlucazione eam petere : id est , ita petere , ut dicat possessorem vlu non cepisse , & ob id suam rem esse. Quod genus actionis quibusdam & aliis simili æquitate motus prætor accommodat , sicut ex latiore Digestorum , seu Pandectarum volumine intelligere licet.

6 § Item si quis in fraudem creditorum rem suam alicui tradiderit : bonis eius à creditoribus , possessis , ex sententia præsidis permittitur ipsis creditoribus , rescissa traditione , eam rem petere , id est , dicere eam rem traditam non esse , & ob id in bonis debitoris mansisse.

7 § Item Seruiana & quasi Seruiana (quæ etiam hypothecaria vocatur) ex ipsius prætoris iurisdictione substantiam capiunt. Seruiana autem expetitur : quis de rebus coloni , quæ pignoris iure pro mercedibus

mercedibus fundi ei tenentur. Quasi Serviana autem est, qua creditores pignora hypothecarum persequuntur inter pignus autem & hypothecam (quantum ad actionem hypothecariam attinet) nihil interest. nam de qua re inter creditorem & debitorem convenierit, ut sit pro debito obligata: utraque hac appellatione continetur. sed in aliis differentia est. Nam pignoris appellatione eam proprie rem contineri dicimus, quæ simul etiam traditur creditori, maxime si mobilis sit. At eam quæ sine traditione, nuda conventionione tenetur, proprie hypothecæ appellatione contineri dicimus.

8 ¶ In personam quoque actiones ex sua iurisdictione propositas habet prætor: veluti de pecunia constituta, cui similis videbatur receptitia. Sed ex nostra constitutione (cum[&] si quid plenius habebat, hoc in actionem pecuniæ constitutæ transfusum est) [&] ea quasi supervacua iussa est cum sua auctoritate à nostris legibus recedere. Item prætor proposuit actionem de peculio servorum, filiorumque familiarum: & eam, ex qua quæritur, an actor iuraverit, & alias complures.

9 ¶ De constituta autem pecunia cum omnibus agitur, quicumque pro se vel pro alio soluturos se constituerint: nulla scilicet stipulatione interposita. Nam alioqui si stipulanti promiserint, iure civili tenentur.

10 ¶ Actiones autem de peculio, ideo adversus patrem, dominumve comparavit prætor: quia licet ex contractu filiorum servorumve ipso iure non teneantur: æquum tamen est peculio tenus (quod veluti patrimonium est filiorum filiarumque, item servorum) condemnari eos.

11 § Item si quis postulante aduersario iurauerit, deberi tibi pecuniam, quam peteret, neque ei solvatur: iustissime accommodat ei talem actionem, per quam non illud quæritur, an ei pecunia debeatur; sed an iurauerit.

12 § Pœnales quoque actiones præter multas, ex sua iurisdictione introduxit: veluti aduersus eum qui quid ex albo eius corrupisset: & in eum, qui patronum vel parentem in ius vocasset, cum id non impetrasset: item aduersus eum, qui vi exemerit eum qui in ius vocaretur, cuiusve dolo alius exemerit, & alias innumerabiles,

13 § Præiudiciales actiones in rem esse videntur: quales sunt per quas quæritur an aliquis liber, an liberius sit, vel de partu agnoscendo. Ex quibus fere vna illa legitimam causam habet, per quam quæritur, an aliquis liber sit. cæteræ ex ipsius prætoris iurisdictione substantiam capiunt.

14 § Sic itaque discretis actionibus, certum est, non posse actorem suam rem ita ab aliquo petere, *Si apparet eum dare oportere*. Nec enim quod actoris est, id ei dari oportet: scilicet quia dari cuiquam id intelligitur, quod ita datur, ut eius fiat. Nec res quæ [iam] actoris est, magis eius fieri potest. Plane odio furum, quo magis pluribus actionibus teneantur, effectum est, ut extra pœnam dupli aut quadrupli, rei recipiendæ nomine fures etiam hac actione teneantur, *si appareat eis dare oportere*: quamvis sit aduersus eos etiam [hæc] in rem actio per quam rem suam quis esse petit.

15 § Appellamus autem in rem quidem actiones, vindicationes: in personam vero actiones, quibus

quibus dare aut facere oportere intenditur, conditiones. Condicere enim est denuntiare prisca lingua, nunc vero abusive dicimus conditionem actionem in personam esse, qua actor intendit dari sibi oportere. Nulla enim hoc tempore eo nomine denuntiatio fit.

16 § Sequens illa divisio est, quod quædam actiones rei persequendæ gratia comparatæ sunt, quædam pœnæ persequendæ, quædam mixtæ sunt.

17 § Rei persequendæ causa comparatæ, sunt omnes in rem actiones. Earum vero actionum, quæ in personam sunt, et quidem, quæ ex contractu nascuntur, fere omnes rei persequendæ causa comparatæ videntur: veluti quibus mutuam pecuniam, vel in stipulatum deductam petit actor, item commodati, depositi, mandati, pro socio, exempto, vendito, locato, conducto. Plane si depositi agatur eo nomine, quod tumultus, incendij, ruinæ, naufragij causa depositum sit: in duplum actionem prætor reddit: si modo cum ipso, apud quem depositum sit, aut cum herede eius dolo ipsius agitur, quo casu mixta est actio.

18 § Ex maleficiis vero proditæ actiones, aliæ tantum pœnæ persequendæ causa comparatæ sunt aliæ tam pœnæ, quam rei persequendæ, & ob id mixtæ sunt. Pœnam tantum persequitur quis actione furti. siue enim manifesti agatur quadrupli, siue non manifesti dupli: de sola pœna agitur. nam ipsam rem propria actione persequitur quis, id est, suam esse petens: siue fur ipse eam rem possideat, siue alius quilibet. Eo amplius adversus furem etiam condictio est [rei.]

19 § Vi autem bonorum raptorum actio, mixta est

est: quia in quadruplo rei persecutio continetur: pœna autem tripli est. Sed & legis Aquiliæ actio de damno iniuria [dato,] mista est: non solum si aduersus inficiantem in duplum agatur, sed interdum & si in simplum quisque agat: veluti si quis hominem claudum aut luscum occiderit, qui in eo anno integer & magni pretij fuerit: tanti enim damnatur, quanti is homo eo in anno plurimi fuerit, secundum iam traditam diuisionem. Item mista est actio contra eos, qui relictæ sacrosanctis ecclesiis, vel aliis venerabilibus locis, legati vel fideicommissi nomine, dare distulerint, vsque adeo, vt etiam in iudicium vocarentur. tunc enim & ipsam rem vel pecuniam, quæ relictæ est, dare compelluntur, & aliud tantum pro pœna, & ideo in duplum eius fit condemnatio.

20 § Quædam actiones mistam causam obtinere videntur, tam in rem quam in personam: qualis est familiæ erciscundæ actio, quæ competit coheredibus de diuidenda hereditate. Item communi diuidundo, qui inter eos redditur, inter quos aliquid commune est, vt id diuidatur. item finium regundorum actio, qua inter eos agitur, qui confines agros habent. In quibus tribus iudiciis permittitur iudici rem alicui ex ligatoribus ex bono & æquo adiudicare: & si vnius pars prægrauari videbitur, eum inuicem certa pecunia alteri condemnare.

21 § Omnes autem actiones, vel in simplum conceptæ sunt, vel in duplum, vel in triplum, vel in quadruplum, vltcrius autem nulla actio extenditur.

22 § In simplum agitur: veluti ex stipulatione,

&

& mutui datione , ex empto , vendito , locato , conducto , mandato , & denique ex aliis quamplurimis causis.

23 § In duplum agimus : veluti furti nec manifesti damni , iniuriæ , ex lege Aquilia , depositi ex quibusdam causis. Item serui corrupti : quæ competit in eum , cuius hortatu consiliove servus alienus fugerit , aut contumax aduersus dominum factus est , aut luxuriose vivere cœperit , aut denique quolibet modo deterior factus sit. In qua actione earum etiam rerum , quas fugiendo servus abstulerit , æstimatio deducitur. Item ex legato , quod venerabilibus locis relictum est , secundum ea quæ supra diximus.

24 § Tripli vero [agimus ,] cum quidam maiorem vera æstimatione quantitatem in libello conventionis inserunt , ut ex hac causa viatores , id est executores litium , ampliolem summam spertularum nomine exigent. tunc enim id , quod propter eorum causam damnum passus fuerit reus , [in] triplum ab actore consequetur : ut in hoc triplo etiam simplum , in quo damnum passus est , connumeretur. Quod nostra constitutio introduxit , quæ in nostro Codice fulget , quam procul dubio certum est ex lege condictitia emanare.

25 § Quadrupli autem agitur , veluti furti manifesti : item de eo , quod merus causa factum sit , deque ea pecunia , quæ in hoc data sit , ut is cui datur calumniæ causa negotium alicui faceret , vel non faceret. Item ex lege condictitia nostra constitutio oritur , in quadruplum condemnationem imponens iis executoribus litium qui contra nostræ constitutionis normam à reis quicquam exegerint.

26 § Sed

26 § Sed furti quidem nec manifesti actio, & serui corrupti, à cæteris, de quibus simul locuti sumus, eo differunt, quod hæ actiones omnimodo duplici sunt; at illæ, id est, damni iniuriæ ex lege Aquilia, & interdum depositi, inficiatione duplicantur, in consistentem autem in simplum dantur. Sed illa, quæ de his competit, quæ relictæ venerabilibus locis sunt, non solum inficiatione duplicatur, sed etiam si dissulerit relictæ solutionem usquequo iussu magistratum [nostrorum] conveniatur. In consistentem vero, ante quam iussu magistratum conveniatur, solventem simpli redditur.

27 § Item, actio de eo quod metus causa factum sit, à cæteris, de quibus simul locuti sumus, eo differt, quod eius natura tacite continetur, ut qui iudicis iussu ipsam rem actori restituat, absolvatur: quod in cæteris casibus non ita est: sed omnimodo quisque in quadruplum condemnatur. quod est & in furti manifesti actione.

28 § Actionum autem quædam bonæ fidei sunt, quædam stricti iuris. Bonæ fidei sunt hæ: ex empto, vendito, locato, conducto, negotiorum gestorum, mandati, depositi, pro socio, tutelæ, commodati, pignoratitia, familiæ erciscundæ, communi diuidendo, præscriptis verbis, quæ de æstimate proponitur, & ea quæ ex permutatione competit, & hereditatis petitio. Quamvis enim usque adhuc incertum erat, inter bonæ fidei iudicia connumeranda hereditatis petitio esset, an non; nostra tamen constitutio aperte eam esse bonæ fidei disposuit.

29 § Fuerat antea & rei uxoriæ actio una ex bonæ

bonæ fidei iudicis : sed cum pleniorē esse ex stipulatu actionem inuenientes , omne ius quod res vxoria antea habebat cum multis diuisionibus in actionem ex stipulatu , quæ de dotibus exigendis proponitur , transtulerimus , merito rei vxoriæ actione sublata , ex stipulatu [actio ,] quæ pro ea introducta est , naturam bonæ fidei iudicij tantum in exactione dotis meruit, vt bonæ fidei sit. [Sed] & tacitam ei dedimus hypothecam. Præferri autem alijs creditoribus in hypothecis tunc censuimus , cum ipsa mulier de dote sua experiatur , cuius solius prouidentia hoc induximus.

30 § In bonæ fidei iudicijs libera potestas permitti videtur iudici ex bono & æquo æstimandi, quantum auctori restitui debeat. In quo & illud continetur, vt si quid inuicem præstare auctorem oporteat : eo compensato in reliquum is , cum quo actum est , debeat condemnari. Sed & in stricti iuris iudicijs ex rescripto diui Marci opposita doli mali exceptione, compensatio inducebatur. Sed nostra constitutio easdem compensationes, quæ iure aperto nituntur, latius introduxit, vt actiones ipso iure minuant, siue in rem, siue in personam, siue alias quascumque : excepta sola depositi actione, cui aliquid compensationis nomine opponi, sane iniquum esse credimus: ne sub prætextu compensationis , depositarum rerum quis ex actione defraudetur.

31 § Præterea quasdam actiones arbitrarías , id est , arbitrio iudicis pendentes appellamus , in quibus nisi arbitrio iudicis is, cum quo agitur, auctori satisfaciatur : veluti rem restituatur , vel exhibeat , vel soluat , vel ex noxali causa seruum dedat : condemnari debeat. [Sed istæ actiones , tam in rem

P p quam

quam in personam inveniuntur. In rem, veluti Publiciana, Serviana de rebus coloni, quasi Serviana, quæ etiam hypothecaria vocatur. In personam, veluti quibus de eo agitur, quod[vi] aut metus causa, aut dolo malo factum est. Item cum id quod certo loco promissum est, petitur. Ad exhibendum quoque actio ex arbitrio iudicis pendet: In his enim actionibus & cæteris similibus, permittitur iudici ex bono & æquo, secundum cuiusque rei, de qua actum est, naturam æstimare quemadmodum actori satisfieri oporteat.

32 § Curare autem debet iudex, ut omnino, quantum possibile ei sit, certæ pecuniæ vel rei sententiam ferat; etiam si de incerta quantitate apud eum actum est.

33 § Si quis agens, [in] intentione sua plus complexus fuerit, quam ad eum pertineat: à causa cadebat, id est, rem amittebat: nec facile in integrum restituebatur à prætore, nisi minor erat viginti quinque annis. Huic enim, sicut in aliis causis, causa cognita succurrebatur, si lapsus iuventute fuerat: ita & in hac causa succurri solitum erat. Sanè si tam magna causa iusti erroris interveniebat, ut etiam constantissimus quisque labi posset, etiam maiori viginti quinque annis succurrebatur, veluti si quis totum legatum petierit: post deinde prolati fuerint codicilli, quibus aut pars legati adempta sit, aut quibusdam aliis legata data sint, quæ efficiebant, ut plus petiisse videretur petitor, quam dodrantem, atque ideo lege Falcidia legata minuebantur. Plus autem quatuor modis petitur: re, tempore, loco, [&] causa. Re, veluti si quis pro decem aureis, qui ei debebantur, viginti petierit: aut si is, cuius ex parte res est, totam eam, vel maiorem partem suam esse intendeat. Tempore: veluti si quis ante diem, vel [ante] conditionem petierit. Quæ enim ratione qui
tardius

tardius soluit, quam soluere deberet, minus soluere intelligitur: eadem ratione, qui præmature petit, plus petere videtur. Loco plus petitur: veluti cum quis id, quod certo loco sibi [dari] stipulatus est, alio loco petit, sine commemoratione illius loci, in quo sibi dari stipulatus est: verbi gratia, si is, qui ita stipulatus fuerit, *Ephesi dare spondes?* Romæ pure intendat sibi dari oportere. Ideo autem plus petere intelligitur: quia utilitatem, quam haberet promissor, si Ephesi solueret, adimit ei pura intentione. Propter quam causam alio loco petenti arbitraria actio proponitur: in qua scilicet ratio habetur utilitatis, quæ promissori competitura fuisset, si illo loco solueret, quo se soluturum spopondit. Quæ utilitas plerumque in mercibus maxima inuenitur: veluti vino, oleo, frumento: quæ per singulas regiones diuersa habent pretia. Sed & pecuniæ numeratæ non in omnibus regionibus sub eisdem usuris fœnerantur. Si quis tamen Ephesi petat, id est, eo loco petat, quo ut sibi detur stipulatus est: pura actione recte agit: idque etiam prætor monstrat: scilicet quia utilitas soluendi salua est promissori. Huic autem, qui loco plus petere intelligitur, proximus est is, qui causa plus petit, ut ecce, si quis ita à te stipuletur, *Hominem Stichum, aut decem aureos dare spondes?* deinde alterum petat, veluti hominem tantum, aut decem aureos tantum. Ideo autem plus petere intelligitur, quia in eo genere stipulationis promissoris est electio, utrum pecuniam, an hominem soluere malit. Qui igitur pecuniam tantum, vel hominem tantum sibi dari oportere intendit, eripit electionem aduersario: & eo modo suam quidem conditionem meliorem facit, aduersarij vero [sui] deteriore. Qua de causa talis in ea re prodita est actio, ut quis

intendat hominem Stichum, aut aureos decem sibi dari oportere: id est, ut eodem modo peteret, quo stipulatus est. Præterea, si quis generaliter hominem stipulatus sit, & specialiter Stichum petat: aut generaliter vinum stipulatus sit, & specialiter Campanum petat: aut generaliter purpuram stipulatus sit, deinde specialiter Tyriam petat: plus petere intelligitur: quia electionem aduersario tollit, cui stipulationis iure liberum fuit, aliud solvere, quam quod peteretur. Quinetiam licet vilissimum sit, quod quis petat, nihilominus plus petere intelligitur: quia sæpe accidit, ut promissori facilius sit illud solvere, quod maioris pretij est. Sed hæc quidem antea in usu fuerant: postea vero lex Zenoniana & nostra rem coarctauit. Et si quidem tempore plus fuerit petatum: quid statui oporteat, Zenonis diuæ memoriæ loquitur constitutio: sin autem quantitate, vel alio modo plus fuerit petatum: [in] omne, si quod forte damnum ex hac causa acciderit ei, contra quem plus petatum fuerit, commissa tripli condemnatione (sicuti supra diximus) puniatur.

34 § Si minus in intentione sua complexus fuerit actor, quam ad eum pertineat: veluti si cum ei decem [aurei] deberentur, quinque sibi dari oportere intenderit: aut [si] cum totus fundus eius esset, partem dimidiam suam esse petierit: sine periculo agit. in reliquum enim nihilominus iudex aduersarium in eodem iudicio [ei] condemnat, ex constitutione diuæ memoriæ Zenonis.

35 § Si quis aliud pro alio intenderit: nihil enim periclitari placet, sed in eodem iudicio, cognita veritate, errorem suum corrigere [ei] permittitur: veluti si is, cui hominem Stichum petere deberet, Erotem petierit; aut si quis ex testamento dari sibi oport-

tere intenderit, quod ex stipulatu debetur.

36 ¶ Sunt præterea quædam actiones, quibus non [semper] solidum, quod nobis debetur, persequimur: sed modo solidum persequimur, modo minus: ut ecce, si in peculium filij seruire agamus. Nam si non minus in peculio sit, quam persequimur in solidum dominus paterve condemnatur: si vero minus inueniatur: eatenus condemnat iudex, quatenus in peculio sit. Quemadmodum autem peculium intelligi debeat, suo ordine proponemus.

37 ¶ Item si de dote [in] iudicio mulier agat: placet eatenus maritum condemnari debere, quatenus facere possit, id est, quatenus facultates eius patiuntur. Itaque si dotis quantitati concurrant facultates eius, in solidum damnatur: si minus, in tantum, quantum facere potest. Propter retentionem quoque dotis repetitio minuitur. Nam ob impensas in res dotales factas marito [quasi] retentio concessa est: quia ipso iure necessariis sumptibus dos minuitur, sicut ex latioribus Digestorum libris cognoscere licet.

38 ¶ Sed & si quis cum parente suo patronove agat: item si socius cum sodio, iudicio societatis agat: non plus actor consequitur, quam aduersarius eius facere potest. Idem est si quis ex donatione sua conueniatur.

39 ¶ Compensationes quoque oppositæ, plerumque efficiunt, ut minus quisque consequatur, quam ei debeat. Nam ex bono & æquo habita ratione eius, quod inuicem actorem ex eadem causa præstare oportet, in reliquum eum, cum quo actum est [condemnat,] sicuti iam dictum est.

40 ¶ Cum eo quoque qui creditoribus suis bonis

P P

3

cessit,

cessit, si postea aliquid adquisierit, quod idoneum emolumentum habeat: ex integro in id, quod facere potest, creditores experiuntur, inhumanum enim erat spoliatum fortunis suis in solidum damnari.

Ex tribus obiectis iuris propositis in §. ult. *suprà de iure nat.* iam duo sunt exposita, persona, & res: superest ergo tertium explicandum, id est, actiones, quæ à Iustiniano, explicantur definitione, diuisionibus, & exemplis. Huius tituli tres sunt partes.

Princ.

Prima in primis verbis necit hunc titulum cum præcedentibus.

Secunda in vers. *actio*, continet actionis definitionem, pro cuius interpretatione tria sunt considerata. I. Ipsum definitum, quod est *actio*.

Nota primò actionem non esse idem, quod iudicium, ut nonnulli malè interpretantur: quoniam actio definitur ius persequendi in iudicio: aliud autem est iudicium, aliud verò quod in iudicio persequitur.

Nota secundò actionem propriè dici eam, quæ est in personam: quoniam ea quæ est in rem propriè dicitur petitio. ff. *de oblig. & act. l. actio. 18.* & *de verb. signif. l. pecunia verborum 178. §. actionis*, sed hic actionis verbum latius sumitur: quoniam in sequenti §. actio diuidetur in realem, & personalem: nec dubium quin eadem actio hic definiatur, quæ mox diuidetur. II. Consideranda est definitio, nimirum *ius persequendi*, &c. Hæc definitio constat ex genere, & quatuor differentiis. Genus est *ius*, accipitur autem ius hoc loco, ut & in *l. ult. Cod. de prescript. long. temp.* & in *vers. incorporales. suprà de rebus corporal.* pro re incorporali, quæ in iure consistit, in qua significatione dicimus etiam obligationes, hereditates, seruitutes esse iura. Prima differentia est *persequendi*, quæ separat actionem ab aliis rebus in iure consistentibus: ut via est ius eundi, usufructus est ius vtendi, iruendi actio verò est ius persequendi. Persequutionis vocabulum latè accipe, ut omnibus actionum generibus conuenire possit, nam propriè & angustè sumptum pertinet solum ad actiones extraordinarias, dict. *l. pecunia verbum §. actionis*. Secunda differentia est

est in iudicio, per quam excluduntur persequutiones extrajudiciales: & indicatur neminem posse sibi ius dicere, aut sua auctoritate quod suum est, rapere, *suprà de vi bon. rapt. § 1.* & *ff. quod metus causa, l. extor. 13.* & *ad legem Iul. de vi priuil. 7.* sed opus esse ut quilibet per iudicem repetat, quod ad se pertinere putat. Porro a iud est in iudicio, aliud est in iure nam in iudicio, est coram iudice pedaneo: in iure autem est coram eo qui in iudictioni præest, *ff. de iust. & iur. l. pen. & de interreg. in iud. fac. l. 4. §. 1.* & quemadmodum iudicium propriè est iudicis pedanei; ita etiam actio propriè dicitur, quæ coram eo mouetur. Tertia differentia est quod debetur: quæ quidem primâ facie videtur tantum pertinere ad actiones personales, non ad rei vindicationem, qua rem nostram persequimur: quia quod nostrum est, nobis deberi non potest, *l. de auro & arg. leg. l. quintus 17. §. 1. & l. tribit 4 in princip.* sed intelligendum est, etiam rei vindicatione peti quod debetur: petimus enim rem nostram nobis restitui, id est, possessionem, quam non habemus: atque hoc ipsum possessio, seu restitutio rei nostræ rectè dicitur nobis deberi. Ultima differentia significatur eo pronomine *sibi*, quilibet enim petit, quod sibi, non quod alij debetur, idcirco non licebat olim per procuratorem litigare, *infra de iis per quos agere possunt, in princip.* sed hoc postea utilitatis causâ receptum est: adeo ut hic valeat illa regula. Qui per alium facit, per se facere videtur: atque ita qui per procuratorem agit, per semetipsum agere videatur: alioquin stricto iure inspecto, procurator non potest pro alio agere; quia non petit quod sibi, sed quod alij, id est, mandatori debetur. III. Considerandus est nexus, per quem definitio attribuitur definito. Inquit Imp. actionem nihil aliud esse, quàm ius, &c. quibus verbis significat hanc esse veram & perfectam actionis definitionem, quæ plenè explicat totam actionis naturam & essentiam. Quidam hæc verba sic accipiunt, quasi Imp. diceret actionem olim fuisse formulam, sed postquam formulæ sunt sublatae, *Cod. de formul. l. 1.* iam actionem nihil aliud esse quàm ius, id est, non esse ampliùs formulam. Sed hæc interpretatio prava est, primum quia verbum est, in definitionibus traden-

dis non significat tempus præsens, quemadmodum nec istis attributis diuinis, ut cum dicimus, *homo est animal rationale, Deus est omnipotens*, nullam temporis rationem habemus, sed verbum illud est, tantum copulat attributum cum subiecto. Deinde quia Celsus Iurisc. in l. nihil aliud § 1. ff. de oblig. & act. antequam formulæ sublata essent, iisdem verbis definitionem actionis proposuit.

§. I.

Tertia pars continet septem actionum diuisiones. Prima diuisio est, quod omnis actio vel est in rem, vel in personam. Primum Imp. in princ. §. 1. proponit hanc diuisionem pro cuius enarratione tria sunt considerata, id quod diuiditur, ipsa diuisio, & membra diuidentia. Id quod diuiditur, in primis verbis habetur, ubi Imp. non tantum proponit actiones diuidendas, sed etiam adiungit eorum proprietatem, & eleganter complectitur tria iuris obiecta iudiciis accommodata. Nam personæ litigantes significantur eo verbo, *inter aliquos*: id est, inter actorem & reum: personæ iudicantes significantur illis verbis, *apud iudices arbitriosve*, cum autem hæc verba sint homonyma, maxime probabilis mihi videtur hæc interpretatio, ut iudices referantur ad iudicia stricti iuris, arbitri verò ad iudicia bonæ fidei, vel arbitraria. Res de qua litigatur, notatur illis verbis, *de quacunque re*. subaudi, quæ sit in commercio, & in iudicium cadere possit. Cum autem variæ sint rerum diuisiones, videtur etiam Imp. hoc loco potissimum respicere ad hanc diuisionem, quod vel petimus rem nostram actione in rem, vel rem nobis debitam actione in personam: quia tractatus de rebus in his duobus versabatur, videlicet dominio, & obligatione, ut in superioribus fuit expositum: & mox Imper hæc duo actionum genera proponet. Tertium obiectum (id est, actiones) perspicue indicatur illis verbis, *omnium actionum*, quemadmodum enim de rebus loquens, usus est particula illa vniuersali *quacunque*: ita etiam loquens de actionibus, utitur hac particula vniuersali *omnium*, ut ostendat se nihil velle prætermittere; non quod omnes & singulas actionum species declarare velit, sed quod prima genera sit summam enarraturus. Hæc dicta sint de eo quod diuiditur. De diuisione autem duo ex contextu notare oportet. I. Hanc diuisionem esse summam, id est, maximam, quia fit in species

species maximè inter se distinctas , vt exposui *suprà de iure patron. in princip.* II. Hanc diuisionem esse bipertitam , fit enim in duo genera , sed potterius in §. *quadam.* addetur tertium genus , id est , actiones mixtæ. Nec est nouum , vt initio proponatur numerus membrorum , qui postea augeatur , idem enim fecit Imper. in §. *nextraneis* , *suprà de hered. qual.* & Aristot. in *Categ. cap. de prioris* Sed hoc in præsentia commodus fit ; quoniam membra diuisionis hic proposita , simplicia sunt , id est , actio in personam , & actio in rem : quòd verò posterius adicietur , est ex his duobus compositum : si quidem actiones mixtæ appellantur , quæ simul sunt in rem , & in personam : constat autem membrum compositum posse contineri sub simplicibus , vt pulchrè notat Accursius in *l. 2. ff. de verb. oblig.* Membra diuidentia sunt duo , quæ modo attingi id est , actio in rem , & actio in personam , quæ deinceps à Iust. declarabuntur definitionibus , & exemplis. Secundò namque in versic. *namque agit* , ponit definitionem actionis personalis , vbi nota cognitionem actionis in eo potissimum consistere , vt sciamus , cui detur , & contra quem , & qua ex causa , & quid persequatur , quæ omnia de actione personali in genere sumpta , à Iust. hic proponuntur Cùm enim inquit , *agit unusquisque cum eo qui ei obligatus est* , docet , cui. & contra quem actio personalis competat : nempe datur ei cui alius est obligatus , contra ipsum obligatum. Et cùm subdit , *vel ex contractu , vel ex maleficio* , ostendit quibus ex causis in personam agatur , vbi appellatione contractus significatur etiam quasi contractus : & appellatione delicti , significatur etiam quasi delictum , vt & aliis locis Tandem cùm subiicit , *intendit aduersarium ei dare. aut facere oportere* , & aliis quibusdam modis , proponit intentionem agentis in personam , id est , quid actione personali persequatur. Hac enim actione petit dari , aut fieri : quoniam obligationes partim in dando , partim in faciendo consistunt , *suprà de verb. oblig. in pr. & §. ult. & sup. quibus mod. toll. oblig.* §. est autem. Addit. Imper. & aliis quibusdam modis , quia interdum nec petimus dari , nec fieri , sed vt aduersarius patiatur , vel non faciat , *ff. de seruitut. l. quoties. 15. §. 1. Ter-*

tiò in vers. *aut cum eo* , similiter definit , quamuis breuius

actionem in rem, hæc actio contra eum qui non est obligatus (id est, contra possessorem) datur ei qui de re mouet controuersiam, id est, qui ius (putà dominum) in re habet: & persequitur ipsam rem, de qua est controuersia. Hic autem vel contendit se esse dominum, vt qui rem vindicat, tuncq; dicitur mouere iudicium petitorium: vel habet aliud ius, & nudam possessionem vindicat, qui quidem dicitur agere iudicio possessorio, vt creditor persequens pignus actione hypothecaria, vtrumque enim iudicium, tam petitorium, quàm possessorium, est in rem. Quartò transit ad exempla actionum personalium, & mox propositurus est exempla actionum prætoriarum, tam in rem, quàm in personam: idcirco in præsentia proponit exempla actionum realium ciuiliū. Primum exemplum in vers. *veluti*, est rei vindicatio. Nota, aliud esse vindicationem, aliud rei vindicationē, nam vindicatio est nomen generale, quod suo ambitu complectitur omnes in rem actiones, *infra hoc tit. §. appellamus*. Rei autem vindicatio est species vindicationis, & significat vindicationem corporis: vt *hic, & ff. de rei vind. tit. rei* namque appellatio in præsentia nihil aliud significat, quàm corpus, vt & in §. *si generaliter*, *supr. de leg. & in l. 6. ff. de rei vind. & in l. planè 34. §. sed hoc ita. ff. de leg. 1.* Alia est vindicatio seruitutis, *ff. si seruit. vindic.* de qua dicitur in *seq. §.* Alia est vindicatio pignoris, id est, actio Seruiana. *ff. ad exhib. l. 3. §. est autem, & de pignor. l. si fundus, 16. §. in vindicatione*, quæ quidem dicitur auocare nudam possessionem, *ff. de euict. l. si eum venditor. 66. in pr.* sed de hac actione dicitur *infra in §. item Seruiana*. hoc loco Imp. loquitur de rei vindicatione, de qua quatuor docet. I. Docet, quid in hanc actionem veniat, & ostendit hac actione peti rem corporalem. II. Docet, contra quem hæc actio datur, & ostendit dari contra eum qui possidet. Hæc sententia duas producciones recipit. I. Productio est: quia rei vindicatio non solum datur contra eum, qui verè & propriè possidet, sed etiam contra quemcunq; detinentem & habentem rei restituendæ facultatem, *ff. de rei vind. l. officium 9. II.* Productio est: quia rei vindicatio non solum datur contra possidentem, sed etiam contra eum, qui dolo desit possidere, *li. eod. l. si autem 27. §. sed & is, & l. qui petitorio. 36. in pr.* sed

hoc

hoc ideo, quia dolus pro possessione est, ff. de diuers. reg. iur. l. qui dolo. 131. III. Docet, cui hæc actio detur, & ostendit ei dari, qui suam rem esse affirmat, id est ei, qui iure civili, vel iure gentium dominus est, ff. eod. l. in rem 23. in pr. IV Docet, quis sit conflictus, seu contentio inter actorem & reum, unde hoc iudicium nascitur, vbi duas condiciones requirit. Vna est, vt actor rem suam esse intendat. Altera est, vt reus è contrario dicat se esse dominum. Ex his duabus conditionibus prior est necessaria: posterior non est necessaria, sed tantum exempli causâ proponitur: quia reus vt ostendat se bona fide possidere, plerumque dicere solet se esse dominum rei, quam possidet. Vnde Cic. pro M. C. C. hoc iudicium ait bellissimè procedere dicente actore, *Fundus Sabinus meus est* reo autè ita contradicente, *immo meus*, cæterum sufficit, si neget rem esse actoris, quamuis non arroget sibi dominium: quia in pari causa, id est, si actor non sit dominus, quamuis etiam reus dominus non sit, tamen pro reo iudicatur, C. eod. l. vlt.

Secundum exemplum in §. aquè, est actio confessoria, de qua Imp. tria docet. I. Docet, cui hæc actio detur & ostendit ei dari, cui ius est, id est, qui seruitutem habet Vbi nota non sufficere, si cui seruitus debeat, sed opus esse vt iam seruitus sit ei constituta, ita vt dominium seruitutis habeat: alioqui non ageret confessoria in rem sed actione personali ex stipulatione, vel alia causa, ff. si seru. vind. l. sicut 8. §. & si quidem. II. Docet, quid in hanc actionem veniat, & ostendit hac actione peti seruitutem, nec interesse, verum sit seruitus personalis, vt vfusfructus, an prædialis, siue rustica, siue urbana; nam horum omnium exempla proponuntur in contextu Vnum est exemplum, quod difficultate non caret, (nam reliqua suprâ exposita fuerunt, tit. de seruit. & tit. de vfusfruct.) hic enim inter seruitutes urbanas hæc ponitur, quòd aliquis habeat ius altius ædes suas tollendi, subaudi, etiam vicino inuito, quamuis ipsi vicino noceat, atqui ædes à domino altius tolli possunt non propter seruitutem, quam vicinus debeat, sed quoniam hæ ædes, quæ altius tolluntur liberæ sunt C. de seruit. & aqu. l. altius. §. malè itaque Imp. videtur tribuere seruituti, quod pertinet ad libertatem. Respondeo, secundum vulgatam regulam supponendos esse terminos habiles, nam Imp. non docet, quibus casibus

casibus ius aliud tollendi sit seruitus, sed simpliciter, & (ut ita dicam) in abstracto hanc seruitutem proponit. Iam, si quæras, quo casu hæc sit seruitus, respondebo, tum demum iure seruitutis à vicino debita ædes nostras aliud tolli posse, cum harum ædium libertas aut iure ciuili, aut lege municipali, aut testatoris dispositione, aut contrahentium voluntate est amissa. Nam ius prohibet aliquem ædes suas aliud tollendo, ventum ad separandas à frugibus aridis paleas idoneum adimere vicina aræ. *C. de seruit. ult. §. 1.* aut omnino obscurare ædes à se legatas, *ff. de seruit. prad. urb. l. Gaurus. 10.* aut supra balneum ædificando excedere modum vsitatum altitudinis. *C. de edific. priuat. l. ult.* item fieri potest, ut testator damnet heredem suum, ne aliud ædes tollat vicino inuito, vicinis igitur concedentibus, ut ad pedem vnum, vel alterum ædes tollat, certè his casibus ædes aliud tollentur, non iure libertatis, (sic enim possent tolli usque ad coelum) sed iure illius seruitutis constituta, & ad pedem limitata. III. Docet, aut saltem indicat, siue innuit, contra quem hæc actio detur, colligitur enim ex contextu, hanc actionem dari contra vicinum, id est, contra dominum prædij seruitutis. Vbi nota, seruitutem personalem à persona, vel re deberi personæ; veluti, si habet vsumfructum fundi, hanc seruitutem fundus debet meæ personæ: seruitutem autem realem à re deberi, rei sunt enim duo prædia: alterum inferius, seu seruiens quod seruitutem patitur: alterum superius, quod Doct. dominans appellant, id est, cui seruitus præstatur, itaque actio confessoria de seruitute datur domino prædij dominantis contra dominum prædij seruientis, veluti si ius habeam ex meis ædibus immittendi tignum in tuas ædes, tuæ ædes meis seruiunt, & actio confessoria mihi aduersus te competit. Sed & insuper contra omnes actio competit, qui seruitute uti prohibent. *ff. si serui. vindic. l. si quis diurno. 10. §. 1.* Actio verò confessoria de seruitute personali, ut de vsumfructu, contra dominum & alium quemcumque possessorem competit. *ff. si vsumfr. pet. l. §. 1.*

Tertium actionum realium exemplum in vers. *contra*, est actio quæ hic, vocatur negatiua, & alibi plerumque negatoria, ut in *l. §. ff. si vsumfruct. petat.* De hac actione Imp. quatuor docet. I. Docet, quibus de rebus competat, & ostendit eam pertinere ad seruitutes, ad quas supra dixi pertinere actionem

ctionem confessoriam. Sed differentia est: quia confessoria servitutem asserit, negatoria verò negat.

Nota igitur, hanc actionem vocari negatoriam, quatenus negat reo servitutem competere: & hac ratione non est vindictio; qua ratione nonnulli decepti putant solam confessoriam, non etiam negatoriam esse vindicationem. Sed animaduertendum est, eum, qui negatoria agit, intentionem actionis suæ fundare, non tam negatione servitutis quam negat aduersario competere quàm assertione sui iuris, id est, libertatis: negat enim rem suam servire, & asserit eandem esse liberam, proinde hæc actio ita est vindictio libertatis, ut confessoria est vindictio servitutis, ff. si usus fr. petat. d. l. 5. in pr. Vnde etiam nota eos errare, qui inter has actiones ita distinguunt, quasi confessoria proponatur verbis affirmatiuis, veluti, *aio tuum fundum meo fundo servire*; negatoria verò verbis negatiuis, veluti, *nego meum fundum tuo servire*, nihil enim vetat, quominus negatoria concipiat verbis affirmatiuis, veluti, *aio meum prædium esse liberum*, vel, *aio mihi ius competere prohibendi ne per meum fundum eas*. vera igitur differentia est, quòd confessoria vindicat servitutem in prædio vicini, & negat illud esse liberum: negatoria verò asserit libertatem nostri prædij, & negat illud servire. II. Docet, cui hæc actio competat, nempe datur domino prædij quod aduersarius dicit servire. III. Docet, contra quem competat, nimirum datur contra eum qui sibi ius servitutis asserit, veluti contra dominum prædij dominantis, id est, eius prædij, cui dicitur deberi servitus. IV. In vers. *quod genus*, ostendit actionem negatoriam non habere locum in rebus corporalibus: sicut in iisdem rebus hoc non habet locum, ut possessor agat.

Nota igitur duas differentias inter actiones rerum corporaliū, & rerum incorporaliū. Prima differentia est, quod negatoria locum habet in rebus incorporalibus, id est, in servitutibus; non etiā in rebus corporalibus, exempli causā, possum ita agere, non esse tibi ius eundi per fundum meū; sed non possum ita agere, fundum non esse tuum. Huius differentiae ratio est: quia (ut paulò antè notavi) actor intentionē suā fundare debet, non negatione iuris quod dicit non competere aduersario, sed assertionē sui iuris, d. l. 5. si usus fr. petat. ut igitur admittatur actio negatoria, opus est, ut sint duo contraria, ita ut dum actor unum negat, alterū

affirmat: sicut seruituti est contraria libertas, adeo ut dum actor negat suum prædiū seruire, simul affirmet suum prædiū esse liberū ergo propter libertatē seruituti contrariā admittitur in seruitutibus actio negatoria, atqui corpori nihil est contrariū in corporibus, igitur actio negatoria locum habere non potest: nam si actor neget corpus aliquod esse aduersarij, ex hac negatione non potest vlla affirmatio colligi, quæ fundet intentionē ipsius actoris. Secunda differentia est, quod in rebus corporalibus nunquam agit is qui possidet: distincti namq; sunt actor & reus; ita ut ex parte actoris requiratur dominiū, ex parte rei possessio, ut expositum fuit in præcedenti §. *versic. ult.* in rebus autē incorporealis (id est in seruitutibus) æquē datur actio possessori, ne in sua possessione turbetur, atque datur non possidenti, ut possessionē consequatur, ff. si ususfr. petar. d. l. 5. §. ult. Differentiæ rationē esse puto: quia possessio rei incorporealis minū certa & perspicua est, quā rei corporalis; in rebus igitur corporalibus hoc solum receptū est, ut possessor multis casibus fungatur vice actoris, non etiā ut sit re vera actor, sicut enim aliud est possidere, aliud esse in possessione, ff. de act. poss. l. 3. §. ult. & l. si quis ante 10. §. 1. & aliud est seruire aliud esse in seruitute, ff. de ingen §. ult. & ff. ex quibus caus. maior. l. ei quoque 11. & aliud est esse prætorē, aliud prætura fungi. ff. de offe. præ. r. l. ut. ita etiā aliud est esse actorē, aliud actoris partes obtinere. Exempli causā, reus non est actor, sed in exceptione fungitur vice actoris, ff. de prob. l. in exceptionibus 19 in pr. & cum sponte sua in se suscepit onus probandi ff. eod. l. circa 14. & cum falso negauit se accepisse, quod accepit, ff. eod. l. cum de in l. ebri. Deniq; actoris partibus fungi siue actoris partes sustinere, nihil aliud significat, quā subire onus probandi quod regulariter actori incumbit ff. de ober. reui. nunc. l. si priusquā 15. Quapropter in fine §. sine dubio contextus mendo non caret, cum enim scriptū sit *senē v. o. casu.* legendū, *senē non vno casu,* quam emendationem his argum. confirmo. Primò quia sunt multi casus quorū iam aliquot proposui & cū alij aliū casum indicari hoc loco putent, nemo tamen ostendit illum casum quē proponit, esse vnū & solum. Secundò, quia Imp. non dicit possessorem esse actorem, quod suprā negauerat: sed dicit cum obtinere partes actoris, quod longē diuersum est. Tertiò, quia si Iust. de vno casu loqueretur, malè

subiiceret, id in latioribus Digestorum libris opportuniùs apparere. in latiores enim libros reici debet proluxa aliqua expositio vel multorum casuù enumeratio, non vnius casus propositio, qui eo difficiliùs inuenietur, quò latiores sunt Digestorum libri. Quartò, quia litterarù similitudo facile efficere potuit (hoc enim sæpe accidit) vt scriptor vnam syllabam omiserit, & pro *supè non vno*, scripserit *sandè vno*.

Secunda actionum diuisio in §. *sed ista*, est bipertita. nam §. 3. alia sunt actiones ciuiles, alia prætoria, quæ à Iustin. declarantur definitionibus, & exemplis. Actiones ciuiles definiuntur, *quæ ex legitimis & ciuilibus causis descendunt*, id est, quæ aliqua parte iuris ciuilis sunt constitutæ. Quod autem ait *ex legitimis & ciuilibus*, vel accipiendum est *ex legitimis*, vel dicendù legitimas causas propriè sumi, quia legitimum propriè dicitur quod est ex lege xij. tab. vt *suprà de legit. agnat. tur.* ciuiles autem causas esse verbum generale, quasi Imper. diceret actiones ciuiles introductas esse lege xij. tab. aut saltem aliqua ciuili cõstitutione: non est enim nouum, vt lex specialibus verbis generale subiiciat. ff. *ad leg. Aquil. l. si seruus seruum. 27. §. & non negat*. Prætoria verò actiones definiuntur, *quas prætor ex sua iurisdictione comparatas habet*, id est, quas prætor vi suæ iurisdictionis constituit.

† Nota non omnes actiones à prætore in edicto propositas, nominari prætorias, quoniam prætor etiam actiones ciuiles promittit, vt actionem ff. *commod. l. 1. in princ.* & actionem depositi. ff. *de pos. l. 1. §. 1.* quocirca Imper. in definitione prætoriarum actionum non dixit, *quas prætor in edicto pollicetur, seu proponit*. sed, *quas ex sua iurisdictione comparatas habet*. Hæc dicta sint de definitionibus,

Quod autem attinet ad exempla, quia superiùs data sunt exempla actionum ciuiliu, idcirco Imp. hoc loco subiicit exempla actionum prætoriarum tam in rem, quàm in personam & in eodem §. *sed ista* proponit duo exempla actionum prætoriarum realium, quæ mox in sequentibus paragraphis exponètur. tantùm igitur ad finem dicti §. notandum est, pro *possessor*, omnino legendum *possessorem*, vt constat ex §. *rursus*, vbi hæc actio explicabitur. Cuiac. quidem vulgatam lectionem defendere conatur, sed frustra. quamuis enim sententia, quam affert, falsa non sit, tamen huic loco nõ conuenit: quia Iustinianus perspicuè loquitur de actione, quam in d. §. *rursus*, vocauit rescissoriam: secundùm Cuiacij verò interpretationem

rationem his verbis non significaretur actio, sed exceptio. Non ponitur autem frustra hoc verbum. *posseforem*: sed Imperator hoc verbo indicat actorem fateri aduersariū suum possidere, licet neget eum vsuccepisse: quia prætoris edictū non aufert illi possessionē, sed tantū rescindit vsucapionē.

§. 4. Primum igitur exemplum actionis prætoris in rem est actio Publiciana, de qua Imp. in §. *namque*, quatuor docet. Primum docet, quænam requirantur, ut sit huic actioni locus. Requirit autē quinque. I. Ut sit res aliqua, de qua agatur, ubi nota, Iust. uti rei vocabulo, quod est generale, ff. *de reb. cred. l. 1.* quoniam hæc actio tam ad res corporales quā incorporales pertinet, ff. *de Publician. in rem act. l. 6. l. si ego. x. l. seq.* Rursus nota, Iust. apponere prouocabulum *aliqua*, eadem ratione, qua dixit aliquid in §. *ult. supra de vsucap.* id est, ut ostendar hanc actionem pertinere ad res particulares, quæ vsucapiuntur, non ad vniuersales, veluti ad hæreditatem. II. Ut ea res tradita fuerit actori: hoc enim in edicto prætoris requiritur verū Iurisconsulti per interpretationem prodixerunt hanc actionem etiam ad eas causas, quæ sine traditione solent esse idoneæ ad dominium transferendum verbi gratia, hæres rem quasi hæreditariam Publiciana petere potest, licet ea res sibi tradita non fuerit, ff. *de ad. l. 1. §. ult. l. 2. l. 3. in princ. l. um spm su, 12. §. 1. IV.* Iusta causa traditionis, id est ex qua tradens transtulisset dominium, si fuisset rei dominus.

Nota igitur tria esse causarum genera, quædam enim sine traditione dominium transferūt, ut legatum: quædam per traditionem transferunt dominium, ut emptio & venditio, *supra de rer. diuis. §. venditio* quædam nullo modo sunt aptæ ad dominium transferendū ut commodatum, & depositū. itaque Publiciana ex verbis edicti traditionem ex iusta & idonea causa requirit: per interpretationem verò produci-tur ad causas, quæ non requirunt traditionē, sed nullo modo locū habet in deposito, cōmodato, locatione, & simili-bus causis, quæ nihil cum rei dominio commune habent. Quod autem dixi de aptitudine causarū ad dominium transferendum, sic accipi debet, ut si dominus ex his causis rem tradat, accipiens acquirat dominium, & habeat rei vindicationē; si verò à non domino res tradatur, is qui bona fide accipit, non fiat statim dominus, quia nemo plus iuris in
alium

aliud transferre potest, quàm ipse habeat: sed facultatem habeat usufructuarii. & interim, antequam usufructum petat. Publicianam actionem habeat. In summa, quæ ex causa fierem dominus, si acciperem à domino; ex ea causa usufructus, & habeo Publicianam, si bona fide accipiam à non domino. Quartum requisitum est, ut usufructus nondum absoluta sit: alioquin non esset locus actioni Publicianæ, quæ est utilis vindictio, sed directæ in rem actioni, id est, rei vindictio, quæ est actio civilis. ff. de public. in rem act. l. 1. in princip. & §. 1. V. Ut is qui rem usufructuarius, possessionem amiserit nam vindictio non datur possessori, nisi servitutis per actionem confessoriam, aut libertatis per actionem negatoriam, ut dictum fuit in superiori §. His quinque requisitis in contextu expressis alia tria possunt addi, quæ breviter subiiciam. VI. Ut actor habeat bonam fidem: quia cum bona fides in usufructu requiratur. *suprà de usufructu in princip.* consequenter requiritur etiam in actione Publiciana quæ usufructuarii datur. ff. eodem l. seq. §. prator. §§ seq. VII. Ut res sit tradita à non domino; alioquin (ut paulò antè notavi) is qui rem accepit, non ageret Publicianam, sed tanquam verus dominus haberet rei vindictionem directam. ff. de l. 1. in princip. VIII. Ut is, qui convenitur, rem possideat, nec sit eius dominus; nam Publiciana datur contra quemcumque possessorem præterquam contra verum rei dominum. ff. eod. l. 1. senat. & l. 1. Ex dictis apparet, cui hæc actio datur, & contra quem datur, & quid in eam veniat. nam datur usufructuarii contra quemcumque possessorem, præterquam contra dominum; ac persequitur tam rem corporalem, quàm incorporalem. Secundò docet Imper. quæ sit huius actionis origo, & ait eam esse inuentam à prætore, qui prætor, vocabitur Publicius, ut dicitur in fine §. Tertio docet, quod sit fundamentum, quo nititur intentio actoris. Fundamentum est, quod actor rem petit, quasi eam usufructuarius: immò inquit se eam usufructuarius. quamvis enim reuera non usufructuarius, tamen actione prætoris quodammodo usufructuarius: quia prætor ad æquitatem respiciens, ita usufructuarii contra extraneum possessorem favet, ac si usufructuarius. Quartò docet, unde hæc actio dicta sit Publiciana: & ostendit eam vocari Publicianam ab auctore Publicio, qui cum esset prætor, hanc actionem invenit, & primus in edicto suo proposuit.

Secundum exemplum actionis prætoris in se est actio §. 1.

Q. 9

restitu

rescissoria, sic à rescindendo appellata, non quòd aliquid rescindat quia per rescissionem datur: rescisso enim aliquo actu per quem actio directa amissa est, utilis actio restituitur, quæ vocatur Rescissoria. dicitur etiam actio publiciana ff. de oblig. et act. l. in honorariis. §. in princ. quia æquè ac superior actio, introducta est à Publicio prætor: quamquam distinctionis gratiâ plerumque hæc vocetur Rescissoria: illa verò Publiciana. Porro duo sunt generales casus, quibus hæc actio competit prout duo sunt diuersi actus. qui in gratiam huius actionis rescinduntur, interdum enim rescinditur vsucapio, interdum traditio, siue alienatio. De vsucapione rescissa agitur in §. rursus. de rescissa autem traditione in §. item si quis.

Quod ad priorem Rescissoriæ actionis causam attinet, I. Imper. proponit duas causas huius actionis, videlicet si is, qui reipubl. causa abfuit, aut qui in hostium potestate fuit rem nostram vsucepit: sic enim dominium rei amisimus, nec possumus eam vindicare: sed quia sine nostra culpa hoc factum est, id est, quia non potuimus absentes, aut captiui vsucapionem interrompere, idcirco prætor ex bono & æquo nobis succurrit, & rescissa vsucapione nobis restituit utilem vindicationem, quæ appellatur Rescissoria.

Nota primò, capitiuum non posse per semetipsum rem nostram vsucapere: quia vsucapio non est sine possessione: qui verò ab hostibus possidetur non potest aliquid possidere. ff. de acquir. poss. l. cum heredes 22. §. 1. Sed intelligendum est, capitiuum vsucapere per eos quos in potestate habuit ex causa peculiari: nam si captiui seruus rem meam in peculio possideat vsucapio procedit, quæ captiuo, si ab hostibus reuertatur, iure postiminij procederet. ff. ex quib. caus. mul. ait prætor 23. §. si pland, & de usurp. vsuc. l. iusto 44. §. ult.

Nota secundò, hanc actionem competere intra annum, id est, intra annū utilem ex eo tempore computandum, ex quo abiens, vel captiuus reuersus est in ciuitatem. sed Iustin. in l. ult. c. de tempor. in integr. restit. in locum anni utilis substituit quadriennium continuū. quod ergo hic dicitur de anno, procedit iure antiquo: sed hodie intelligere oportet quadriennium continuū. II. In vers. id est, declarat fundamentum huius actionis: actor enim negat reum vsucepisse, & ita rem vindicat quasi suam. Si obiciat actorem mentiri, quia reus reuera vsucepit: respondebo actorem non mentiri: quoniam nam vsucapio à prætor rescissa est. idcirco diximus hanc actionem

actionē ex rescissione oriri & rescissione opus esse vt hæc actio detur. III. In vers. *quo d' genus*, ostendit hanc actionem non solum in casu supra exposito locum habere, sed etiam multis aliis casibus, qui declarantur in ff. *sub tit. ex quib. caus. maior*. ibi namque explicantur varij casus, seu variæ causæ, propter quas vsucapio rescinditur, & utilis vindicatio, quæ Rescissoria vocantur, antiquo domino restituitur. Ex dictis habemus, cui, & contra quem hæc actio competat & quid in eam veniat; datur enim ei qui sine culpa sua per vsucapionem rem amisit, aduersus eum qui vsucepit. vindicatur autem res quasi non vsucapta, quia (vt exposuimus) vsucapio per prætorem rescissa est. Hæc dicta sint de rescissa vsucapione.

Deinceps ad §. *item si qui*, dicamus de rescissa traditione: quia etiam hinc datur actio Rescissoria, quod Doct. vulgò nō animaduertentes, pessimè hunc §. sunt interpretati de actione Pauliana, quæ est actio in personam: cū Iust. in præsentia perspicuè loquatur de actionibus in rem. Vt autem hoc rectius intelligatur; notandum est, ad rerum alienationem fraudulenter factam pertinere quatuor actiones, Fauianam, Caluisianam, Paulianam, & Rescissoriam. hæc est in rem: illæ sunt personales. Fauiana & Caluisiana dantur patrono ad reuocandam alienationem à liberto in fraudem ipsius patroni factam, id est, vt eum priuet legitima, quæ ei iure debetur. & Fauiana quidem est locus, si libertus testamentum fecerit. Caluisiana verò si intestatus decesserit. Pauliana autem datur creditoribus, in quorum fraudem debitor res suas alienauit. De Fauiana & Caluisiana agitur sub tit. *si quid in fraudem patron.* de Pauliana verò tractatur sub tit. *qua in fraudem credit.* Hæc omnes (vt dixi) sunt actiones personales, quas Imp. in hoc §. non considerat: sed tractat de rescissoria actione in rem, de qua duò docet. I Declarat duò requisita ad hoc vt hæc actio locum habeat. Primum requisitum est, vt debitor in fraudem creditorum rem suam alij tradiderit. In hoc requisito duo ponuntur: traditio & fraus. verū traditio non est omnino necessaria: quia idem obtineri, si debitor in fraudem creditorum rem legauerit. ff. *qua in fraudem cred. l. 6. §. pen.* Quod ad fraudem attinet: cū duplex sit fraus, quarum altera spectatur in re ipsa, altera in mente fraudantis, vt fuit expositum in §. *in fraudem*, supra qui & ex quib. caus. manum. non poss. intelligendum est, vt actioni rescissorie sit locus, opus esse, vt vtroque modo creditores fraudari sint ff. *qua in fraud.*

credit, l. ait prator. 10. §. 1. Secundum requisitum est, ut bona eius debitoris sint à creditoribus possessa ex sententia præsidis, id est, ex secundo decreto. nam primo decreto creditores tantum pignoris & custodia causa mittuntur in possessionem bonorum debitoris non soluentis: secundo autem decreto propter eiusdem debitoris contumaciam iubentur possidere. tunc ergo possident res omnes, quas inveniunt in bonis debitoris. Quid ergo, si res aliquas antea debitor alienauerat? certe creditores vi illius decreti non possunt has res possidere: quia decretum est de rebus debitoris, non de rebus ad alios antea translatis si tamen debitor fraudulenter res alienauerit, id est, ne decreto prætoris, vel præsidis creditores possint has res possidere, merito his succurritur per actionem rescissoriam, id est, prætor alienationem illam fraudulentam rescindit: consequenter facit, ut hæ res non videantur alienatæ, sed intelligantur mansisse in bonis debitoris. quocirca cum creditores in rebus per secundum decretum possessis tantum iuris habeant, ut si possessionem amiserint, eas vindicare possint. ff. *communi diuid. l. §. & l. 7. §. 1. l. 2. de damno infect. l. si finita 15. §. Julian. scribit.* consequenter dicendum est, etiam in dictis rebus, quarum alienationem prætor rescindit, creditores habere utilem vendicationem, id est, rescissoriam. 11. In vers. *id est*, aperit fundamentum huius actionis rescissoriæ. nimirum actor eo fundat intentionem suam, id est, ideo utili vindicatione rem à debitore alienatam persequitur, quia alienatio illa à prætore est rescissa, proinde beneficio prætoris actor dicit eam rem non esse à debitore alteri traditam, sed mansisse in bonis debitoris, consequenter hanc etiam rem contineri secundo decreto, quo iussus est possidere bona debitoris.

§. 7.

Vltimum exemplum actionis prætoris in rem est Seruiana: de qua Imper. in *§. item Seruiana*, plura docet. I. Proponit huius actionis tria nomina. Sunt autem nomina hæc: Seruiana & quasi Seruiana, & Hypothecaria.

Nota primò, Seruianam non dici à seruando, ut Accurs. putat: nec à seruiendo, ut alij volunt; sed (ut probabile est) à Seruo prætoris, à quo fuit introducta; quemadmodum Publiciana supra dicebatur à prætore Publicio.

Nota secundò, Seruianam dici, quæ datur ex ipsis verbis edicti: quasi Seruianam verò, vel Hypothecariam, quæ per interpretationem & productionem edicti competit.

Nota

Nota tertio, actionem Seruianam interdum accipi pro quasi Seruiana, vt ff. de pign. l. 3. l. si ab eo. 18. l. si inter 21. §. 1.

Nota quarto, Seruianam interdum appellari pigneratitiam Seruianam, vt ff. ad exhib. l. 1. §. vt autem. duplex enim est actio pigneratitia. Altera est civilis personalis ex contractu pignoris, de qua in §. ult. sup. quib. mod. de contrah. oblig. & in tit. ff. & C. de pign. actio. Altera est prætoria in rem, quæ nascitur ex nudo pacto. ff. de pact. l. si tibi 17. §. de pignore. atque hæc in præsentia consideratur.

Nota quinto, hanc actionem, quæ hic vocatur quasi Seruiana, & Hypothecaria, & (vt paulò antè notauimus) interdum nominatur Seruiana, recipere etiam alias appellationes. nam modò dicitur utilis Seruiana, vt ff. de pign. l. 1. §. cum prædium. & C. communia eleg. l. 1. & de prec. l. 1. modò pigneratitia Seruiana ff. ad exhib. l. 7. §. est autem. modò pigneratitia in rem. ff. communi dini. l. 7. §. inter eos. modò simpliciter Pigneratitia: vt in l. Titius. 9. in princ. ff. quib. mod. pign. vel hypoth. sol. & in l. duobus. 19. & l. per §. 1. ff. de except. v. i. indic. tuncque subaudire oportet, in rem. modò vindicatio pignoris. ff. de pign. l. 1. si fundus. 16. §. in vindicatione. & l. si legati 28. modò persecutio pignoris, vt ff. eod. l. Paulus 29. §. de m. II. Declarat huius actionis originem, & ostendit eam esse prætoriam: siue loquamur de directa, siue de utili hypothecaria: quarum illa ex verbis edicti, hæc ex mente prætoris descendit: quia sicuti ex legibus descendere dicuntur non solum ea, quæ sunt ex verbis, sed etiam quæ sunt ex sententia legum. ff. de verb. signific. l. 6. §. 1. ita etiam ex edicto originem sumere dicuntur, non solum quæ sunt ex verbis, sed etiam quæ ex sententia edicti. III. In vers. seruiana, docet, cui detur actio Seruiana directa, & quid persequatur. Datur hæc actio domino fundi, qui fundum locauit. Persequitur autem res coloni, quæ sunt ipsi domino fundi pignorate pro mercede fundi.

Nota primo colonum esse conductorem fundi; inquilinum verò esse conductorem ædium. ff. de acq. possess. l. res pignoris, 37. Dicitur autem propriè colonus qui certam mercedem præstat domino fundi, propterea quòd sicut pretium emptionis certum esse debet. supra de empt. & vend. §. 1. ita etiam mercedem locationis certam esse oportet. supra de locat. & conduct. §. 1. Colonus igitur partarius, id est qui alienum fundum colit, & fructus cum domino fundi diuidit non est

proprie colonus, seu conductor. Accursius tamen putat hanc actionem habere locum etiam in rebus coloni partiarij: quin etiam in rebus inquilini. Sed hæc sententia mihi non probatur: quia prætor in edicto tantum coloni mentionem fecit: reliqui igitur omnes pertinent ad actionem quasi Seruianam: quia non continentur verbis, sed sententia edicti.

Nota secundo, res coloni non esse pigneratas domino fundi, nisi ex pacto expresso, quamuis res inquilini tacite intelligantur pigneratæ domino ædium, etiamsi nihil de pignore conuenit. *infra de interd. §. adipsiscenda. verj. interdictum ff. in quibus causis pign. tacite contrah. l. 4.*

Nota tertio Iustinianum non docere contra quæ hæc actio detur, quemadmodum in seq. versic. non docebit contra quæ detur actio quasi Seruiana, sed non est dubitandum, quin hæc actiones dentur contra quemuis possessorem: quandoquidem sunt actiones in rem, ut paulò antè notauimus: & dicuntur nudam possessionem auocare *ff. de euis. l. si cum venditor. c. in princ. I. V.* In versic. *quasi seruiana.* docet cui detur actio quasi Seruiana, & quid persequatur. Hæc actio datur omnibus aliis creditoribus pigneratitiis, præter fundi locatorem: ac persequitur pignora, siue hypothecas, ideoque vocatur vindicatio pignoris, aut persecutio pignoris, ut supra notauimus. persequitur autem pignora, siue hypothecas, id est, possessionem rerum actori obligatarum: quia (ut nuperrimè notauimus) nudam possessionem aduocat; dominium enim pignoris non est creditoris, sed debitoris, qui rem pignerauit. *C. de pigner. act. l. pignus. 9. V.* In vers. *inter.* querit an sit aliquod discrimen inter pignus & hypothecam: ac docet hæc vocabula in edicto Seruiano, & in actione hypothecaria latè & promiscuè accipi. quò respiciens Marcianus in *l. §. 1. ff. de pignerib.* ait inter pignus & hypothecam non esse differentiam significationis, sed tantum soni, seu vocis, si tamen proprie accipiantur, pignus & hypotheca differunt. ut enim proprie dicatur pignus, duæ conditiones requiruntur. una ut sit res mobilis: altera, ut tradatur creditori, ita ut eius possessio ad creditorem transferatur: quarum conditionum si alterutra deficiat, minus proprie vocatur pignus. similiter hypotheca proprie dicta duas conditiones requirit. quantum vix est, ut sit res immobilis: altera, ut possessio retineatur à debitore. *ff. de pign. act. l. si rem alienam. 9. §. proprie, & de verbor. signific. l. plebs. 238. §. 1.* quamquam hæc pignoris

ris & hypothecæ distinctio non placet Laurentio Vallæ lib. 2. 57. Haftenus actiones prætorix in rem.

Postea in §. in personam, proponit Imp. aliquot exempla actionum prætoriarum in personam, quæ suo ordine in seqq. §§. enarrantur.

§. 8.

Primum exemplum est actio de constituta pecunia, siue actio constitutoria (nam utroque nomine appellatur) de qua Imp. in §. de constituta, tantum docet contra quos & qua ex causa competat, ostendens dari contra eos qui se soluturos constituerunt, ita ut obligati sint ex nuda conventionione, siue stipulatione.

§. 9.

Nota I. appellatione pecuniæ hîc significari quamcumque rem. C. de constit. pec. l. 2.

Nota II. Constitutum fieri nudo pacto, & speciale esse hoc casu, ut ex nudo pacto detur actio, cum regulariter pactum nudum non pariat actionem. ff. de pact. l. 7 §. sed cum nulla. hæc igitur lectio est similis Servianæ, siue hypothecariæ, quatenus utraque datur ex nudo pacto.

Nota III. non valere constitutum, si nihil ante constitutum debebatur. ff. de pec. const. l. 1. §. 1. l. haftenus. 11. Sed nihil refert quid debeat, non est enim necesse, ut aliquis constituat se soluturum quod debetur: sed sicut aliud pro alio solui, ita etiam aliud pro alio constitui potest. d. l. 1. §. an potest. Item nihil refert, quo iure debeat, id est, siue debeat iure civili, siue iure prætorio, siue tantum naturaliter, constitutum valet. d. l. 1. §. debitum & §§. seqq. dummodo non sit debitum cui perpetua exceptio obstat: hoc enim constitui non potest. ff. eod. l. 3. 1. Quod si debitum sit conditionale, eadem conditione constitutum, quamvis purè factum suspenditur. ff. eod. l. 1. d. quod 19. in princ. Præterea nihil refert, quæ persona debeat, vel cui debeat: quia quod unus debet, alius potest constituere se soluturum. & quod uni debetur, alij constitui potest ff. eod. l. 5. §. quod exigimus.

Nota IV. constituto non fieri novationem, sed obligationem constitutoriam accedere veteri obligationi. ff. eod. l. item 18. §. ult. & l. ubi 28.

Nota V. omne constitutum debere etiam diem continere, qua solvatur: & nisi dies sit expressa, subaudiri tempus 10. dierum. ff. eod. l. 1. promissor Stich. 21. §. 1.

Nota VI. actionem constitutoriam dari contra eum qui constituit h. e. ei cui constitutum est. ff. eod. l. si vero 8. & d. unval. seqq.

Q Q 4

Nota

Nota VII. hac actione peti id quod constitutum est ideoque hanc actionem non esse poenalem, sed rei persecutoriam.
d. litem. §. de re.

§. 10. Secundum exemplum actionum pratoriarum in personam est actio de peculio: de qua ex professo tractabitur *infr. tit. prox.* hic autem in §. *actiones*, Iustin. quatuor docet. I. Docet contra quos hæc actio datur: & ostendit dari contra patrem, vel dominum eius qui contraxit. II. Docet: quæ ex causa datur: & ostendit dari ex contractu filiorumfam. vel seruatorum. nam ex delictis seruatorum vel filiorumfam. non agitur de peculio, sed ex delictis seruatorum noxales actiones competunt; quæ olim dabantur etiam ex delictis filiorumfam. *in r. de nox. act. in pr. & §. ult.* Appellatione autem contractus intellige etiam quasi contractum. *ff. de negot. est. l. si filiusfam. i. a. & de pecul. l. §. item si tibi, cum sim.* III. Docet, quo iure pater, vel dominus de peculio teneatur: & ostendit eos non teneri ipso iure, id est, iure civili quia ipsi non contraxerunt; sed iure pratorio ex bono & æquo: quia cum per filium, vel seruum sentiamus incommodum, & nobis acquiratur; æquum est ut etiam sentiamus incommodum, & teneamur de peculio. dum enim filio, vel seruo peculium concedimus, etiam videmur concedere, ut super eo peculio contrahant. IV. Docet in quantum hæc actio competat: & ostendit eam non dari in solidum, sed peculio tenus: quia pater, vel dominus non condemnatur creditori ultra quantitatem quæ est in peculio. *infr. hoc tit. §. sunt p. creta.*

Nota primò, Iustin. non docere cui hæc actio datur: sed ex dictis faciliè colligitur, eam dari creditori peculiari, qui cum filiofam. vel seruo alieno contraxit.

Nota secundò, hanc non esse speciem actionis à cæteris distinctam, sed potius a directione quandam, seu qualitatem alicui actionis speciei adiunctam. v. g. si tibi mutuam pecuniam dem, competit mihi aduersus te certi conditio directa: sed si filio vel seruo tuo pecuniam credam, dabitur mihi contra te certi conditio de peculio utroque igitur casu est eadè actionis species, id est, certi conditio: sed modò directa, modò de peculio.

Nota tertio, cum dicimus patrem teneri de peculio filij, intelligendum esse peculium profectitium, non aduentitium, & multo minus castrense, vel quasi castrense: serui autem peculium vnus generis est, proinde in peculio serui non addo aliquam limitationem.

Tertium

Tertium exemplum actionis pratoriae in personam est actio, in factum ex iureiurando: de qua Imp. in §. *item si quis*, duo docet. I. Explicat ea quæ requiruntur ad hoc ut huic actioni sit locus. Primum requisitum est, ut actor non iurauerit temerè & sponte sua, sed aduersari o postulante, id est, iusiurandum deferente. ff. *de iureiuran. l. 3. in pr. Supple*, vel iudice deferente: quia etiam iudex sæpe defert iusiurandum. ff. *de iureiuran. l. ad nonnendi 31. C. de reb. cred. l. 3.* Secundum requisitum est, ut post delationem iusiurandi ab aduersario factam, actor re ipsa iurauerit. nam delatio nihil prodest ei qui non iurauerit, nisi, cum iurare paratus esset aduersarius ei iusiurandum remis-
set: tunc enim perinde habetur, ac si iurasset, ff. *de iure iuran. l. nam posteaquam. 9. §. 1. C. de reb. cred. l. actori. 8.* Tertium requisitum est, ut iurauerit sibi deberi pecuniam. Quod Imp. ait de pecunia, generaliter est intelligendum de quacumque re. ff. *eod. l. iusiurandum. C. ad pecunias. 34 in pr.* nam pecuniæ verbo quæcumque res significatur. ff. *de verb. sign. l. pecunia non ino. 2. 2. C. de const. pecun. l. 2.* Ideo autem inquit sibi deberi quia loquitur de actione personali. nam si quis iuret rem suam esse, ex eo iureiurando habebit actionem in rem. ff. *de iureiur. l. nam posteaquam. §. ult. C. l. sed si possessori. II. §. 1.* Quartum requisitum est, ut is, qui iusiurandum detulit, non soluerit, supple, vel alio modo iuranti satisfecerit, quia per solutionem vel satisfactionem obligatio & actio tolluntur. II. In vers. *per quam*, declarat effectum huius actionis. Effectus est, quod iudex reum condemnat, etiamsi ex ea causa, de qua iuratum est, nihil debeat: quia cum agatur ex iureiurando, ad condemnationem sufficit quod iuratum sit.

Nota primò, idem dicendum de actione ex iureiurando, quod in superiori §. dixi de actione de peculio: nempe hanc non esse speciem actionis à cæteris seiunctam, sed esse adiectionem seu qualitatem. si quis enim (exempli gratià) iurauerit se emisse habet actionem in factum ex iureiurando, quæ est utilis actio ex empto, similiter si iurauit se pecuniam credidisse habet utilem certi conditionem. & si iurauit rem suam esse, habet utilem rei vindicationem. ff. *eod. l. si duo. 13. §. si quis iurauerit. C. §§. seqq.*

Nota secundò, cum hæc actio modò sit in rem, modò in personam, hic tantum considerari iis casibus, quibus est in personam, ut paulò antè exposui.

§. 12. Quartum exemplum actionis pratoriae in personam in §. *poenales*, est actio de albo corrupto.

Nota I. hanc actionem dari cuius est populo, quoniam est actio popularis.

Nota II. dari contra eum, qui non per rusticitatem, aut imprudentiam, sed dolo malo album pratoris corrupit, id est qui corrupit edictum iurisdictionis perpetuae causam a pratore in albo propositum. alia namque edicta sunt generalia, quae semper & ab omnibus sunt observanda, qualia sunt edicta, quae in ff. extant: alia sunt specialia, seu particularia, prout quaeque res incidit, veluti quibus absentes citantur, de quibus in *l. edictum. 55. & l. ad peremptorium. 68. cum §. legib. sequentib. ff. de iudic.* sed haec actio ad ea sola edicta pertinet, quae in albo iurisdictionis perpetuae causam proposita sunt. Album autem erat tabula gypsata, in qua pratoris edicta descripta erant: sed quod ad hanc actionem attinet, nihil refert in qua materia edictum scriptum fuerit.

Nota III. hanc actionem esse poenalem: poenam autem esse 500. aureorum: sed qui non habet in aere, luit in corpore: quae omnia colliguntur ex *l. 7. ff. de iurisdict.* ubi Hotoman. putat pro 500. legendum esse 50.

Nota IV. hanc poenam diuidi inter accusatorem & fiscum. iis enim assentior, qui sic diuidi putant omnes poenas actionum popularium, adeo ut pars poenae, praemij loco cedat accusatori.

Quintum exemplum in versic. *& in eum*; est actio in factum in 500. aureos in eum, qui parentem suum, vel patronum, vel parentes, aut liberos patroni sine venia pratoris in ius vocauit. *infra de poen. rem. litig. §. ult. & ff. de in ius voc. l. 4. l. pen. & l. ult.* Haec autem actio, siue hoc ius generaliter producit ad omnes personas, quibus reuerentia debetur. *ff. eod. l. generaliter.* id est, (ut ego interpretor) qui sunt loco parentum.

Nota, ideo requiritur veniam pratoris: quia si forte sit actio famosa, prator eam denegat. *ff. eod. l. sed si hac lege. no. §. prator ait.*

Sextum exemplum in versic. *item aduersus*, est actio in factum aduersus eum competens, per quem factum est, ne in ius vocatus in ius veniret.

Nota I. hanc actionem ei dari, cuius interest, id est, qui reum illum in ius vocauerat,

Nota II. in hac actione deferri actori iusiurandum in litem, adeò vt id veniat in actionem, quòd actor iurabit sua interesse. ff. ne quis eum qui in ius voc. l. 5. §. 1.

Nota III. hanc actionem hic vocari poenalem; quia est poenalis respectu rei conuenti: sed est rei persecutoria respectu actoris, siquidem persequitur quod sua interest, vt modò dixi. Hactenus seorsum exposita sunt actiones ciuiles, & actiones prætorias, tam in rem, quàm in personam.

Deinceps Imperator quædam proponit his actionum generibus communia, & l. in §. præiudiciales loquitur de præiudiciis, siue actionibus præiudicialibus: de quibus tria docet. Vnum est, has actiones esse in rem. Alterum est, plures esse harum actionum species. tres enim in contextu proponuntur: videlicet præiudicium, quo quæritur, vtrum aliquis sit liber, an seruus: & præiudicium quo quæritur, vtrum sit ingenuus, an libertus: & præiudicium de partu adgnosendo, id est; quo quæritur, an aliquis sit filius. Tertium est, præiudicium illud, quo quæritur vtrum sit liber, aut seruus, esse ciuile, reliqua esse prætoria. §. 13.

Nota primò, has actiones ideo dici præiudiciales; quia si cum aliis concurrant, ante eas examinantur, & illis præiudicium faciunt. verbi gratiâ, si quis tamquam filius defuncti contendat hereditatem ad se pertinere, negetur autem esse heres quasi non sit filius; primò videndum est, an sit filius, quia inde cognoscetur an sit heres. itaque cognitio de filio facit præiudicium cognitioni de hereditate. quamuis autem hæc ratio videatur aliis quibusdam actionibus conuenire, vt petitioni hereditatis, quæ præfertur actionibus singularibus ff. de hered. pet. l. 5. §. ult. tamen reuera conuenit solis præiudiciis, quia hæc sola præferuntur omnibus aliis actionibus: idèdque *act. præiudic.* appellantur præiudicia, siue actiones præiudiciales.

Nota secundò, præiudicia non esse propriè actiones: quia nec rem nostram, nec nobis debitam persequuntur: idcirco distinguuntur ab actionibus in l. sed et hæ. 35. §. non solum. ff. de proc. & in l. 1. §. per hanc. ff. de rei vindic. Vnde Iustin. hoc loco non ait esse actiones in rem, sed vtitur verbo *videntur*. quod est nota improprietatis.

Nota tertio non conuenire inter interpretes de numero præiudiciorum. nam Cujac. nulla præiudicia admittit, præter illa tria in contextu proposita. Hotoman. autem alia quoque

quoque præiudicia esse contendit. Aliud enim est præiudicium, quo petimus liberos nostros in potestate nostra constitutos. *l. l. i. §. per hanc. ff. de rei vind.* nam hoc præiudicium diuersum est à præiudicio de partu agnoscendo; præiudicium enim de partu agnoscendo datur contra partem vt filium agnoscat: præiudicium verò, de quo *in d. §. per hanc.* datur patri filium suum persequenti. Rursus aliud videtur esse præiudicium, quo quæritur an sit vxor, *ex l. 3. §. i. ff. de liber. agnosced.* Cuiac. respondet, ibi de vxore quæri, non proprio præiudicio, sed præiudicio de partu agnoscendo cum epim filius definiatur, qui ex viro & vxore eius nascitur. *ff. de vis qui sui, vel alien. iur. sunt. l. filium. c.* 6. certè vt partus tamquam filius agnoscat, opus est, vt cõstet matrem esse vxorem. Hæc Cuiacii interpretatio mihi verissima, & maxime verbis illis contextus consentanea videtur. Item aliud est præiudicium sanguinis, quo quæritur an aliquis sit curialis, vel alius similis conditionis. *C. theod. de episc. & cler. l. qui cumque. 19.* de quo præiudicio agitur sub tit. *C. ubi quis de curia, vel cohort. aliæve condit. conu.*

Nota quartò, duo priora præiudicia à Iustiniano concisè proponi, ita vt vno membro expresso, alterum contrarium tacitè subaudiatur. dum enim ait quæri an aliquis sit liber, perinde est ac si diceret, vtrum sit liber. an seruus & dum addit, quæri an sit libertus, perinde est ac si diceret quæri, vtrum sit ingenuus, an libertus, quod aliquis imperitus non intelligens, & putans vnum esse præiudicium, quo quærat vtrum si liber an libertus, videlicet accipiens liberum pro ingenuo, vt *suprà de libertin. in fin. princ.* tenere adiecit, *vel seruus*: quod à libris emendationibus rectè abest.

Nota quintò, Iustin. non simpliciter dicere solum præiudicium, quo quæritur an aliquis sit liber, esse ciuile, sed addere particulam *ferè*, propterea quòd etiam dictum præiudicium sanguinis ciuile est. hoc igitur argumento est contra Cuiacium, non esse hæc sola præiudicia quæ in contextu enumerantur.

§. 14.

II. In §. sic itaque ex dictis colligit, non posse actorem rem suam petere hac formula, *si n. parat rem dare oportere* id est, non posse petere, vt res sua sibi detur: quia dare est dominium trāsferre: nemo autem potest eiusdem rei sapius dominium acquirere, quamuis possit eadem res eidem personæ

EX

ex multis causis deberi. ff. de acq. poss. l. 3. §. ex plurimis & de except. rel. iud. l. & an eadem. 9. §. actiones. & de diu. reg. iur. l. non ut ex pluribus, 159. hæc enim est certissima differentia inter dominium & obligationem, quod non possumus rei nostræ dominium acquirere. *suprà de legat. §. sed si rem possumus tamen obligationem in re iam nobis debita acquirere. supra quibus modis toll. oblig. §. pen. & C. de nouat. l. ult. cum sim.*

Nota primò, Iustin. non denegare in vniuersum actionem personalem ad persequendam rem quæ est actoris, sed denegare hanc specialem actionis personæ formulam, qua actor petat ut res sua sibi detur. cæterum nihil vetat, quominus aliquis actione personali (puta commodati, vel depositi) petat rem suam sibi restitui. quapropter valde talluntur, qui putant actionem realem & actionem personalem non posse in eandem rem & easdem personas concurrere, nam si rem meam apud te deposui, vel tibi commodavi: certè mihi liberum est, eam ratione dominij vindicare. ff. de rei vind. l. officium. 9. vel actione personali ex contractu commodati, siue depositi repetere. Si obiicias, dominum possidere per commodatarium, ff. com. l. rei 8. vel per depositarium ff. de pos. l. licet. 17. §. 1. rei vindicationem autem non dari possessori. ff. uti possid. l. 1. §. interdum. respondebo possessorem in rei vindicatione accipi improprie pro eo, qui detinet, ac restituere potest. d. l. officium. quomodo manifestum est non possidere eum qui commodauit, vel deposuit, sed commodatarium, vel depositarium.

Nota secundò ex vers. *plandè*, speciale esse odio furti, ut dominus rem suam condicat furi. ff. usufruct. quem ad. cau. l. ut. in fi. id est, petat rem suam à fure sibi dari oportere, ita ut hoc casu hæc formula concurrat cum rei vindicatione ut fur pluribus actionibus teneatur. vide §. ult. & ibi notata *suprà de ob. iur. quæ ex delict.* Cum autem fur non possit rem cuius non est dominus, dare domino: quæ et aliquis, quis sit eventus huius iudicij? Existimo euentum esse ut fur eò quod rem non dat actori, cogatur soluere id quod interest. Hic igitur habemus exceptionem vulgatæ illius regulæ, Impossibile nulla est obligatio. ff. de diu. reg. iur. l. impossibile. 185. nam fur ad impossibile tenetur, id est, ad dandam rem domino.

¶ I I I. In §. *appellamus*, distinctionem quandam ponit inter §. 15. actiones

actiones in rem, & actiones in personam: quoniam illæ vocantur vindicationes à vi quadam simulata, quam peritor possessor olim dicti causa faciebat, quam Gell. lib. 20. c. 9. vim festucariam appellat, hæc verò vocantur condictiones à condicendo, id est, denunciando; quia communi consensu locus & dies litigandi condicebatur, arg. l. de die 8. in pr. ff. qui sacrosd. cog. Festus, *Condicere est dicendo denunciare*. Idem, *Condictio, in diem certum eius rei, quæ agitur, denunciatio*. Vtræque igitur appellatio sumpta est ab antiqua iudiciorum Romanorum consuetudine, sed solemnitatibus illis sublati nomina actionum remanserunt. Vnde obiter notetur, quàm infirmum sit argumentum ab etymologia vocabuli: quia significatio non semper etymologiam sequitur: & idem argumentum alio tempore valet, alio tempore non valet. ut olim licebat sic arguere, Non est condictio, seu denunciatio, ergo non est actio in personam: vel sic est actio in personam, ergo est denunciatio: sed hodie talia argumenta non valent.

§. 16. Tertia actionum diuisio est tripartita. Aut enim sunt ei persecutoria, aut poenales, aut mixta.

Primò Imperator hanc diuisionem proponit in §. *sequens*. Ad quem.

Nota I. aliud esse actionem in rem, aliud actionem rei persecutoriam, aliud actionem in rem scriptam. etenim actio in rem opponitur actioni in personam: actio rei persecutoria opponitur actioni poenali: actio in rem scriptam distinguitur ab actione certæ personæ factum notante. Rursus omnis actio in rem, est rei persecutoria: sed non è contrario omnis actio rei persecutoria est in rem: sunt enim multæ actiones personales rei persecutoria, ut ex seqq. §§. apparebit. Præterea actio in rem non potest esse nisi realis: actio rei persecutoria partim est realis, ut rei vindicatio; partim personalis, ut actio commodati: actio in rem scripta est tantum personalis, ut actio quod metus causa, quæ dicitur esse in rem scripta propterea quod datur ei qui metum passus est non solum aduersus eum, qui vim fecit, sed etiam aduersus quemcumque alium ad quem res per vim & metum amissa peruenit. ff. *quod me. cau. l. metum. §. 1. & §. ult.* Vocabulum itaque in rem est homonymum, quemadmodum & vocabulum, in personam: quoniam aliter hæc verba accipiuntur in diuisione actionis, cum dicimus alias esse actiones in rem, alias in personam, aliter in diuisione pacti. dicitur enim pactum personale,

personale, quod est restrictum ad certam personam, vel ad certas personas, veluti si paciscar ne à te petam, possim autem petere ab herede tuo; pactum verum in rem dicitur, quod est generale, non coangustum ad aliquam personam, veluti si paciscar ne petatur. ff. de pact. l. 7. 2. dactorum. l. idem. 25. §. 1. cum autem dicimus actionem quod metus causa, esse in rem scriptam tunc accipimus in rem, ut in diuisione pacti, non ut in diuisione actionis. Quocirca errant vulgò Doct. dum inquirunt, alias esse actiones in personam, alias in rem, alias medium locum inter eas obtinere, & esse in rem scriptas. iam enim docui actionem in rem scriptam, non esse interiectam actioni personali & reali, sed esse tantum personalem.

Nota II. triplicem esse poenam. Alia namque est poena legitima, quam ius delictis imponit ut in ff. & C. de penis. Alia est poena testamentaria, quam testator irrogat, ut cum poenæ causâ aliquid legat. *suprà de leg. §. ult.* de qua poena agitur ff. & C. de *ris qua poen. nom.* Alia est poena conuentionalis veluti quæ deducitur in stipulationem poenalem. *suprà de inut. stipul. §. al. eri* Sed in hac diuisione intelligenda est sola poena legitima. quod adeò verum est, ut si quis petat poenam, quam stipulatus est, non dicatur uti actione poenali, sed actione rei persecutoria generaliter enim actiones ex stipulatione, & ex aliis contractibus sunt rei persecutoria. *infra §. prox.*

Nota III. Actiones vocari mixtas, vel quia simul sunt in rem & in personam, ut *infra hoc tit. §. quadam.* vel quia simul persequuntur rem & poenam, ut *hic.*

Secundò dat varias regulas, quibus dignoscamus, quænam actiones rem, vel poenam vel vtrumque persequantur. I. Regula est in princ. §. rei persequenda. Omnes actiones reales, sunt rei persecutoria. Vnde notandam, omnem poenam peti actione in personam II. Regula est in vers. *earum.* Actiones personales ex contractu, sunt rei persecutoria. Huius regulæ exceptio est in vers. *planè.* nisi agatur depositi, & duæ conditiones adsint. Vna est, ut depositum fuerit tumultus, vel incendij, vel ruinæ, vel naufragii causâ. nam hæ causæ sunt cæteris fauorabiliore, propterea quod is, qui ex his causis deponit non habet satis tēporis ad eligendam idoneam personam, apud quam deponat: & cum propter talem casum dignus sit misericordia, augetur perfidia depositarij nolentis reddere

reddere depositum: proinde prætor has causas ab alijs separat. itaque cum generaliter actio depositi sit civilis in simplum. hoc casu datur actio prætoriam in duplum. Altera conditio est, ut reus ex suo dolo conveniatur, siue sit ipse depositarius, siue heres depositarii, id est, neget se accepisse depositum: quoniam hæc actio in confitentem est in simplum, proinde rei persecutoria: in inficentem est in duplum, consequenter poenalis. *infra hoc tit. §. sed furti.*

§. 18.

III. Regula est. Actiones personales ex delictis partim sunt poenales, ut actio furti. §. *ex mal. ficiis.* & *suprà de oblig. qua ex del.* §. *ult.* partim rei persecutoria, ut condictio furtiva, (qua datur contra furem. *vers. eo amplius.* & contra heredem furis. *ff. de condict. furti. l. 5. & l. 7. §. condictio*) & actio rerum amotarum (qua coniugi datur adversus conjugem, ob res divortij causa amotas. *ff. de rer. amot. l. si mulier. 21. §. pen.* sed in contextu Instit. tantum fit mentio condictionis furtivæ.) partim mixta, ut actio vi bonorum raptorum. §.

§. 19.

vi autem, in princ. & supra de vi bonor. raptorum, in princ. & actio legis Aquilia. vers. sed & legis. & supr. de lege Aquilia. §. hi autem. IV. Regula est: Actio ex testamento, vno casu est mixta, id est, cum petitur legatum, vel fideicommissum Ecclesiæ, aut alij loco pio relictum. *vers. item mixta. & supra de oblig. qua quasi ex contr. §. ult.* Quamvis autem legatum non solum actione personali ex testamento, sed etiam rei vindicatione peti possit. *suprà de legat. §. sed olim.* tamen dubium non est; quin hoc loco Imperator loquatur de actione ex testamento, quia iam dixit in princ. §. *rei persequenda*, omnes actiones in rem esse rei persecutorias, ac deinceps de actionibus in personam loqui coepit.

§. 20.

Tertiò in §. *quædam*, tractat de actionibus mixtis in altera significatione, id est, quæ simul sunt in rem & in personam; atque harum tria exempla proponit, videlicet actionem familiæ eriscundæ, communi diuidundo, & finium regundorum.

Nota I. quia Iustinus utitur verbo *videntur*, quod est ambiguum, & modò rei evidentiam ac certitudinē, modo improprietatem significat, Donellum existimare nullas re vera esse actiones mixtas in hac significatione: nam has, quæ in contextu proponuntur, videri quidem mixtas, ut Iustinianus loquitur, sed reuera esse tantum personales putant. hæc sententia

rentia non minus falsa quàm noua est. tantùm enim abest, vt hæ actiones sint merè personales, vt actio familiæ erciscundæ & actio comuni diuidendo, magis sint in rem, quam in personam, principaliter enim sunt in rem, & ratione accessionum dicuntur esse in personam, vt mox declarabo. Præterea petitio hereditatis, quæ vocatur mixta in personam. *C. de petitio. hered. l. 7.* quasi dicatur non solum esse in rem, sed etiam in personam: hæc (inquam) actio dicitur esse in rem. *ff. eod. tit. l. sed & si, lege 25. §. petitio.* vbi non habet locum subterfugium Donelli: quia Iurisconsultus non vtitur, verbo *videri*, sed verbo *esse*, & discrete ait esse in rem, sed Donellus ad hanc legem non animaduertit.

Nota II. has tres actiones, quæ in contextu proponuntur, esse duplices; quia vterque litigator dicitur esse actor, & reus *ff. fin. regund. l. iudicium. 10. & famil. ercisc. l. inter. 44. §. familia. & comm. diuid. l. 2. §. 1.*

Nota III. in omnibus his iudiciis iudicem posse ex bono & æquo, id est, si commodius videatur partem vnius adiudicare alteri, ita vt eum cui adiudicat, inuicem in pecuniam condemnet *vers. in quibus. & infra de offic. iudic. §. si familia. cum tribus §§. sequentibus.*

Nota IV. has actiones esse in rem quatenus quilibet suam portionem petit; & esse in personam ratione præstationum personalium: vt quia aliquis condemnatur, eò quòd in re communi damnum dedit, vel solus fructus ex re communi percepit, vel quia socius in rem communem impendit.

Specialiter de actione familiæ erciscundæ Iustin. duo docet. Primò docet, quibus hæc actio detur: & inquit dari coheredibus, quia scilicet heres contra coheredem agit.

Nota, directam actionem dari veris heredibus, siue sint heredes ex testamento, siue ab intestato. *ff. famil. ercisc. l. 2. in princ.* vtilem autem competere illis qui sunt loco heredum veluti fideicommissariis. *ff. eod. l. 1. §. si quarta. l. sed & eius. 24. §. 1.* Secundò docet, quid in hanc actionem veniat, & ostendit, hac actione diuidi hereditatem: ideòque vocatur actio familiæ erciscundæ, quia familia hîc significat hereditatem: erciscere, autem est diuidere.

Nota I. hereditatem (proprie loquendo) distingui à rebus hereditariis, quamuis Seneca propter iuris imperitiam derideat hanc Iureconsultorum distinctionem. etenim hereditas est successio in ius defuncti. *ff. de verbor. sign. nihil est. 24. &*

de diu. reg. iur. l. hereditas. 62. idcirco dicitur esse nomen iuris ff. de verb. sign. l. hereditatis. 119. l. pecunia. 178. §. & est res incorporalis, cum pleræque res hereditariæ sint corporales, supra de reb. corpor. & incorpor. quandoque tamen hereditas accipitur pro rebus hereditariis, ut apud Cicer. in Topicis, dum hereditatem definit pecuniam quæ morte alicuius ad alium peruenit, &c. & ita sumitur hoc loco. nam ipsum ius hereditatis à lege, vel à testatore diuiditur, dum singuli heredes ex partibus æqualibus vel inæqualibus vocantur: iudex autem familiæ erciscundæ, diuidit res hereditarias.

Nota II. partes hereditatis, quæ à iure, vel à testatore fiunt, esse partes pro diuiso, quia scilicet non attingunt diuisionem corporum. exempli gratiâ, si tres sint heredes ex partibus æqualibus, singuli habent partem hereditatis, id est trientem: sed nulla est, vel minima gleba fundi hereditarij, quæ non sit omnibus heredibus communis: in qualibet enim glebua singuli heredes habent tertiam partem dominij, partes verò quæ fiunt à iudice, sunt partes pro diuiso, quia partes corporum hereditariorum, actu separantur, & singulæ singulis heredibus attribuuntur.

Nota III. hoc iudicio non diuidi actiones hereditarias actiuas vel passiuas, quæ ipso iure sunt diuise ex lego xij. tab. pro hæreditariis portionibus, proinde non veniunt in hoc iudicium, ut diuidantur, sed tantum ut adiudicentur. ff. fam. erc. l. 2. §. ult. l. 3. & l. 4. in princ.

Simi iter de actione communi diuidendo, Iustin. duo docet. Primò docet, quibus, & contra quos competat, dum ait reddi inter eos quibus aliquid commune est. indicat enim dari vni ex dominis contra ceteros, quibus res est communis.

Nota I. nihil referre, vtrum res sit communis ex causa societatis, an legati, vel alia quacumque, ff. comm. diuid. l. 2.

Nota II. hoc iudicium consistere vel inter omnes quibus res est communis, vel inter aliquos eorum, eod. l. et si. 8. in princ.

Nota III. prouocabulum aliquid, quod indicat hoc iudicium esse particulare, non de vniuersitate, ut iudicium familiæ erciscundæ. eodem modo hoc pronomen acceptum fuit supra hoc tit. §. namque si cui. & supra de usucap. §. ult.

Secundò docet, quid in hanc actionem veniat, & ostendit venire

venire diuisionem rerum communium.

Nota I. Iustin. tam in hac quàm in superiori actione tantum loqui de re diuidenda, cuius ratione hæ actiones sunt in rem, omittere autem præstationes personales, ob quas hæ actiones sunt in personam; propterea quòd principaliter agitur de re diuidenda, præstationes autem personales accessio- nis locum obtinent. idcirco suprà notauì has actiones magis esse in rem, quàm in personam.

Nota II. duas differentias inter actionem familiæ erciscundæ, & actionem communi diuidundo. Prima differentia est quòd illa est actio vniuersalis, hæc est specialis. *infra de offic. iud. §. eadem.* Secunda differentia est, quòd actio familiæ erciscundæ semel tantum moueri potest, quamuis communi diuidundo sæpiùs agi possit, *ff. fam. erciscund. l. si filia. 20. §. si i i.*

Denique de actione finium regundorum tantum docet, inter quos locum habeat, id est, quibus, & contra quos detur. inquit enim hanc actionem inter eos reddi, qui confines agros habent.

Nota I. rectè fieri mentionem agrorum; quoniam hæc actio non pertinet ad prædia urbana, sed ad prædia rustica. *ff. fin. regund. l. 1. in princ.*

Nota II. per hanc actionem distingui fines agrorum con- finium; & si commodè distingui non possint, vni adiudicari partem alterius, ita vt ille cui adiudicatur, alteri inuicem pecuniam præstet pro parte sibi adiudicata. *d. l. 2. §. 1. & l. seq.*

Nota III. *regere*, hîc accipi pro dirigere. Dicitur enim actio finium regundorum, quia per eam fines diriguntur.

Nota IV. hanc vocari etiam limitis actionem 16. *questione 4. can. inter.* appellatur etiam finalis quæstio. *C. fin. regund. l. 4. vel finalis. C. de euict. l. si fines. 10.*

Quarta actionum diuisio est quadripertita. Vel enim sunt §. 21. actiones in simplum, vel in duplum, vel in triplum, vel in quadruplum.

I Imper. in §. omnes hanc diuisionem proponit, & inquit nullam actionem extendi vltra quadruplum. Non obstat, quòd stipulationi principali possumus addere stipulationem poenalem cuiuscumque quantitatis, etiam vltra quadruplum *suprà de inutil stipulat. §. alteri.* verbi gratia, si stipuler à te ædes, quæ valeant 1000. aureis, possum insuper à te stipulari

R r 2

1000.

1000 aureos, nisi illas illas mihi dederis: hoc (inquam) non obstat; quia poena illa quantacumque sit, sub ratione simpliciter petitur, non enim spectamus quantitatem stipulationis poenalis per relationem ad stipulationem principalem, sed simpliciter & per se, cum autem dicimus peti duplum, vel triplum, vel quadruplum, hæc dicimus per relationem ad obligationem principalem: quia hæc vocabula, duplum, triplum, quadruplum, sunt relativa.

§ 220

II. In §. *in simplum*, proponit varia exempla actionum in simplum. Primum exemplum est actio ex stipulatione, quæ datur stipulanti contra promissorem: & cum persequitur rem certam, appellatur certi condictio: cum autem rem incertam, vocatur actio ex stipulatu, *supr. de verb. oblig. in pr.* Secundum exemplum est actio ex mutui datione, id est, certi condictio, quæ datur creditori pecuniam creditam repetenti à debitore qui mutuum accepit, *supr. quibus mod. re contrah. oblig. in pr.*

Nota, secundum communem Doct. opinionem, aliam esse certi condictionem generalem, quæ datur ex variis causis, nimirum quotiescumque certa res petitur. ff. *de reb. cred. l. certi. §.* aliam specialem ex mutuo. Sed ego iis assentior, qui putant vnam esse certi condictionem generalem, tam ex mutuo, quam ex certa stipulatione, & aliis quibuscumque causis competentem, ut notavi etiam *supr. quib. mod. re contrah. oblig. in princ.* Tertium exemplum est actio ex empto, quæ datur emptori contra venditorem, hæc autem actione petitur, vel ut venditor rem tradat, vel ut soluat quod emptoris interest. & est regulariter electio emptoris vtrum petat, non venditoris vtrum soluat, ut est communis Doct. sententia, quam probavi *in tracta. de empt. & vendit. n. 232.* Quartum exemplum est actio ex vendito, qua venditor ab emptore petit pretium rei venditæ. Quintum exemplum est actio ex locato, qua locator à conductore petit mercedem rei locatæ. C. *de locato. l. legem. 16.* & æstimationem danni à conductore in ea re dati. ff. *ead. l. videamus. n. l. fil. c. 1. m. 42.* Sextum exemplum est actio ex conducto, qua conductor contra locatorem agit, ut possit re conductæ uti, alioqui sibi præstetur quod sua interest. ff. *ead. l. 7. & duabus ll. seqq.* Quod dixi mercedem à conductore locatori præstari, & locatorem mercedem petere actione loci, tunc obtinet, cum ita contractus est initus, ut conductor mercedem locatori præstet. quandoque autem è contraria

locator

locator mercedem soluit conductori, tuncque merces non petitur actione locati, sed conducti. exempli causa, si locavi nauem res meas vehendas, mercedem ipsi debeo, atque ei tenor actione conducti, ipse autem contra eum habeo actionem locati. ff. de lege Rodia. l. 2. in princ. si vero conduxim nauem, qua res meas veherem, naua mihi tenetur actione conducti, & contra me habet actionem locati: quamquam æquè hoc, atque superiori casu, mercedem ei debeo. ff. eod. l. ult. Septimum exemplum est actio mandati, quæ est directa, & contraria. Directa mandatori contra mandatarium datur in id quod interest: siue mandatum non sit ab eo impletum, siue malè sit impletum. ff. mand. l. si quis alicui. 27. Si qui mandatum. & C. eod. l. ad comparandas. 16 Contraria datur mandatario contra mandatorem ad recipiendos sumptus quos in negotium sibi mandatum bona fide fecit. ff. eod. l. idemque. 10. §. item Labeo. l. inter. 26. §. ult. l. si quis a ieni. 27. §. pen. l. si mandat. 45. §. si fideiuss. & vna cum usuris. ff. eod. l. si verò. 12. §. si mihi. & omni interesse. ff. eod. l. si mandauerit. 22. §. interdum.

III. In §. In duplum, dat exempla actionum in duplum. Primum exemplum est actio furti nec manifesti: de qua dictum fuit in tit. de oblig. qua ex del. Secundum exemplum est actio legis Aquiliæ: de qua supra in tit. de leg. Aquil. Tertium exemplum est actio depositi ex quibusdam causis, id est, cum tumultus, vel incendij, vel ruinæ, vel naufragij causa depositum fuit: de qua in §. rei persequenda. supr. hoc tit. Quartum exemplum est actio de seruo corrupto de qua:

Nota I. Cum seruus occiditur, aut eius corpus læditur, locum esse actioni legis Aquiliæ, cum autem animus eius corrumpitur, dari actionem de seruo corrupto: & vno casu agi de seruo corrupto, quamuis seruus corruptus non sit, qui casus fuit expositus in §. sed & si credat. supr. de obl. qua ex del.

Nota II. Dari actionem directam ob seruum corruptum, vtilem ob corruptum filiumfamil. ff. de ser. corrup. l. ut tantum. 14. §. 1.

Nota III. hanc actionem, siue reus confiteatur, siue neget, esse in duplum. infr. hoc tit. §. sed furti. & ff. eod. l. 5. §. hac actio.

Nota IV. in hoc iudicium non solum venire serui depretiationem, sed etiam æstimari res, quas seruus corruptus fugiens secum abstulit. ver in qua actione. Ideo dictum est, omne damnum duplicari debere. ff. de sit. de ser. corrupt. l. in hoc iudicium. 10.

Nota V. æstimationem referri ad tempus serui corrupti, non ad tempus, quo agitur. *d. l. 5. §. ult. & ll. seqq.* Quintum exemplum est actio ex testamento, qua petitur legatum loco pio relictum. hanc enim esse in duplum, iam dictum fuit in §. *vi autem. vers. it. mixta. supr. hoc tit.*

§. 24. VI. In §. *ripli.* dat exemplum actionis in triplum, quæ est condictio ex lege.

Nota primò condictionem ex lege competere, quotiescumque lex, vel senatusconsultum, vel constitutio principis novam obligationem introducit, non dato certo nomine actioni inde competenti. *ff. de cond. ex lege l. un.* Ergo hæc actio datur variis casibus: & modò plus, modò minus persequitur unde in *seq. §.* mentio fiet condictionis ex lege in quadruplum: hic autem est condictio ex lege in triplum.

Nota secundò, hanc actionem dari contra actorem qui dolo malo plus petit, quàm sibi debebatur, vt reus conuentus sportularum nomine plus solueret apparitoribus. quia pro quantitate petita sportula præstantur. *C. de fruct. & lit. expen. l. 4.* putà si centum aurei petantur, dimidiatum aureum reus apparitoribus præstat. Theop. in *d. §. ripl.* Iustiniani autem constitutio, quæ modum sportularum definiuit, sub. *tit. C. de sportul.* ordine postrema, iniuria temporum perijt.

Nota terciò, postrema verba huius §. non vacare mendo. Quidam ita corrigunt, *ex qua præcuditubio est ex lege condititia emanare.* Ego verò, vt minus à vulgata lectione recedam, tantum pro *condititia* lego *condictitiam*: (subaudi, actionem. idem enim est actio condictitia, quod condictio) & verbum *emanare* accipio actiue pro emitte, seu producere, vt apud Plin. *lib. 23. cap. 3.* illis verbis, *Vitula & saniam emanantibus.*

§. 25. V. In §. *quadrupli.* dat exempla actionum in quadruplum. Primum exemplum est actio furti manifesti, de qua dictum fuit in *tit. supr. de obli. ou. ex del.* Secundum exemplum est actio quod metus causa: de qua.

Nota I. cum agere quod metus causa, qui per metum seu vim coactus est rem suam tradere, vel debitorem suum liberare, vel aliud facere ex quo damnum sentit.

Nota II. hanc actionem dari non solum contra eum qui metum intulit, sed etiam contra alium quemcumque inde aliquod commodum sentientem. veluti si debitor coëgit creditorem suum, vt se liberaret, consequenter

etiam

etiam fideiussor ab eo datus liberationem consequitur. hæc igitur actio non solum datur contra debitorem, qui metum fecit, sed etiam contra fideiussorem. ideoque dicitur in rem scripta. ff. *quod metus causa*, l. 9. §. ult. *item si cum exceptione*, 14. §. *in hac actione*.

Nota III. hanc actionem dari, non ob vanum timorem, sed tantum ob iustum metum, qui etiam in constantem hominem cadat, ut vinculorum, aut verberum. ff. *ead.* l. 5. §. 6.

¶ 7.

Nota IV. hanc actionem non semper esse in quadruplum, sed tantum intra annum, post annum verò est in simplum. ff. *eadem. l. item si cum exceptione*, 14. §. 1. ¶ C. *eadem. l. 4.*

Nota V. hanc actionem esse arbitrariam: adeò ut si reus interlocutioni iudicis pareat, & ante sententiam definitivam rem restituat, absolvatur. *infra hoc sit.* §. *item actio*, ¶ §. *preterea*, ¶ ff. *quod metus causa*, l. *item si cum exceptione*, §. 2. ¶ §. *hac aut. m.*

Nota VI. hanc actionem esse mixtam, ita ut simplum sit res ipsa, poena autem sit tripli *d. l. item si cum exceptione*, §. *sed si quis*, ¶ §. *seq.*

Terrium exemplum est actio in eum qui pecuniam accipit ut calumnioso iudicio aliquem vexaret, vel ne vexaret.

Nota I. hanc actionem esse in factum. ff. *de calumnia*, l. 1. in *prin.*

Nota II. hanc actionem dari contra eum qui ob dictas causas pecuniam accepit, *d. l. 1. in prin.* ¶ §. *qui autem*, id est, qui quodcumque emolumentum, seu quancumque utilitatem percepit. *d. l. 1. §. ult.* ¶ *duabus ll. seqq.*

Nota III. hanc actionem ei dari, cui negotium struitur siue ipse pecuniam dederit, siue alius: ei autem non competere, qui pecuniam dedit, ut negotium per calumniam alteri fieret. Finge Titium dedisse tibi pecuniam, ut mihi negotium faceres, id est, ut calumnioso iudicio me vexares; deinde me tibi dedisse pecuniam, ne faceres: certè Titius nullam actionem contra te habet. ego verò & de eo quod tibi dedi, & de eo quod tibi dedit Titius, habeo hanc actionem in quadruplum. ff. *ead.* l. 3. §. ult.

Nota IV. hanc actionem esse mixtam, ita ut poena sit tripli. ff. *ead.* l. 5. §. 1.

Nota V. hanc actionem intra annum esse in quadruplum,

R 14

post

post annum in simplum, *d. l. 1. in princ.* Quartum exemplum est conditio ex lege Iustiniani contra executores litium, qui à reis plus exegerint sportularum nomine, quàm exigere deberent. hi condemnantur in quadruplum; ita ut simplum detur reo, qui damnum passus est; triplum autem deuoluitur ad fiscum *Nov. 124. cap. 3.*

§. 26.

VI. In §. *sed furti*, distinctionem quandam ponit inter actiones duplicem; nam alie omnimodo & indistincte sunt in duplum, ut actio furti nec manifesti, & actio serui corrupti; alie sunt ab initio in simplum, sed per rei inficiationem crescunt in duplum, ut actio legis Aquiliæ & actio depositi si incendij, vel ruinæ, vel tumultus, vel naufragij causâ depositum sit: una est, quæ non solum inficiatione, sed etiam solutionis dilatione donec debitor in ius vocetur, in duplum redditur, nempe actio ex testamento, qua petitur legatum Ecclesiæ, vel alij loco pio relictum.

Nota, in his iudiciis, in quibus diximus reum inficiantem condemnari in duplum, ut in iudicio legis Aquiliæ, hoc ita demum obtinere, si actor propter inficiationem aduersarij coactus sit legitimis probationibus suam intentionem confirmare. cum enim sentiat hoc probationis incommodum, solatij hoc tribuitur ei commodum, ut duplum consequatur. ceterum si delato sibi iureiurando obtineat quod petit, condemnatio fit in simplum etiam aduersus reum qui inficiatus est. *ff. de iureiur. l. eum qui 30. in princ.*

§. 27.

VII. In §. *item actio*, distinctionem ponit inter actiones quadrupli. in quibusdam enim, ut in iudicio quod metus causa, reus potest vitare quadrupli condemnationem, videlicet, si ante sententiam definitiuam actori rem restituat. cum enim hæc actio sit arbitraria, primum iudex interloquitur, ac reo iubet ut rem restituat actori: deinde per sententiam definitiuam absoluit reum, si interlocutioni paruerit, & rem restituerit; vel eum condemnat in quadruplum, si restituere noluerit. *ff. quod metus caus. l. item si cum exceptione. 14. §. 1. & §. hac autem.* Alie verò actiones omnino sunt in quadruplum ita ut reus rem restituens non vitet condemnationem iudicis veluti si fur manifestus rem domino restituerit, nihilominus in quadruplum condemnabitur. Hæ verò subdiuidi possunt, quia partim sunt perpetuæ in quadruplum, ut actio furti manifesti; *infra de perpet. & temporal. act. vers. furti.* partim sunt intra annum in quadruplum, post annum in simplum, ut vñ bono-

bonorum raptorum *suprà. de vi bon. rapt. in princ.* Hæc de quarta diuisione dicta sint.

Quinta actionum diuifio est in §. *actionum* quòd aliæ sunt §. 28. actiones bonæ fidei, aliæ stricti iuris. Imper. hanc diuifionem proponit *in princ. §.*

Nota primò, adici tertium membrum, id est, actiones arbitrarias, *in §. præterea. infr. hoc tit.*

Nota secundò, bonam fidem esse verbum homonymum, vt colligitur ex loco à contrariis, quem Aristot. tradit *lib. 1. Topic. cap. 15.* quia modò opponitur dolo malo, vt *ff. de pos. l. quod Nerva 23.* modò stricto iuri, vt *l. i.* Bona igitur fides hoc loco accipitur pro æquitate; siquidem æquitas est, quæ stricto iuri opponitur.

Nota tertio, quòd actiones bonæ fidei, & actiones stricti iuris olim, cùm formulæ agendi erant in vfu, distinguebantur formulis, non, vt putat Hotto Romanus) quia in iudiciis bonæ fidei apponeretur clausula *ex bona fide*; in arbitrariis verò res committeretur arbitrio iudicis: quandoquidem actio rei uxoriæ erat bonæ fidei *infrà §. prox.* in cuius formulâ non ponebatur clausula, *ex bona fide sed quanto æquius melius.* teste M. Tullio *lib. 3. Offic.* sed eo distinguebantur, quòd in iudiciis strictis iudex erat adstrictus formulæ à prætore præscriptæ; non itè in iudiciis bonæ fidei. vnde hoc, tanquã proprium iudiciorum bonæ fidei traditum est, quòd exceptiones insunt bonæ fidei iudiciis. *ff. de pact. l. 7. §. quin immò, & §. sequent.* sed hodie post formulas actionum sublatas. *C. de formul. l. 1.* distinctio harum actionum in eo posita est, quòd in iudiciis bonæ fidei iudex iudicat ex bono & æquo, in iudiciis strictis magis sequitur rationem iuris. exempli causâ reus qui moram commisit, si actione bonæ fidei, putâ depositi, vel locati conuentus sit; etiam in vsuras quas non promissit, condemnabitur propter moram. *ff. de usur. l. mora 32. §. in bona fidei & C. eod. l. in bona fidei 13.* in iudicio autem stricti iuris non habetur ratio vsurarum, nisi per stipulationem promissæ fuerint. *C. eod. l. 3.* Explicemus hanc iudiciorum differentiam etiam in exceptionibus, quas paulò ante dixi inesse iudiciis bonæ fidei, non item iudiciis stricti iuris. Breuiter itaque hanc differentiam exponamus tam iure antiquo quàm iure nouo. Olim cùm prætor formulam iudici præscribebat, si in ea formula mentionem faciebat exceptionis, omnino iudex datus eius exceptionis rationem

R r 5

habe-

habere poterat, ac debebat. si verò in formula pratoris exceptio erat prætermissa: siquidem iudicium erat bonæ fidei, nihilominus iudex exceptionis rationem habebat, quia exceptiones in his iudiciis insunt ipso iure, licet à prætore non sint in formula adscriptæ: si autem erat iudicium stricti iuris, iudex probata actoris intentione reum omnimodo condemnare debebat, quamvis reus in iudicio iustam exceptionem opponeret; quia in his iudiciis iudex est adstrictus formulæ prætoris, proinde non admittit exceptionem in ea formula minimè positam. verbi gratiâ, Titius Mævius 100. mutua dedit: deinde Mævius non solvente, petiit contra eum à prætore iudicium, & formulam. prætor hanc formulam præscripsit, *Si paret Mævium à Titio centum mutua accepisse, condemna iudex.* iam pone Mævium cum Titio pactum fuisse, ne ea 100. à se peterentur: potestne exceptione huius pacti se defendere, ac Titium repellere? Respondeo hoc pactum nihil Mævio prodesse, nisi prætore impetrarit, ut in dicta formula hanc exceptionem adiungeret hoc modo: *si paret Mævium à Titio 100. mutua accepisse, nisi Mævium cum Titio pactus sit ne à se peterentur, condemna iudex.* hoc ideo, quia actio ex mutuo est stricti iuris: unde exceptio pacti, in hoc iudicio non inest nisi apponatur à prætore. Rursus sige Mævium Titio debere 100. pretij nomine quoniam prædium à Titio emit hoc pretio: deinde pactum esse cum Titio, ne ea 100. à se peterentur: postea Titium vocasse Mævium in ius, ac prætorem aditum dedisse iudicem, ac formulam agendi: certè quamvis Mævius nullum pacti mentionem apud prætorem fecerit, tamen coram iudice dato poterit exceptionem opponere, & eà probata absolvetur, quoniam iudicium ex vendito est bonæ fidei, adeo ut prætor non iubeat præcisè Mævium condemnari si emerit, sed condemnari ex bona fide: id est, quatenus æquum & bonum est: non est autem bonum & æquum, ut is condemnerur, qui pactus est de non petendo. Sed hodie, cum nec formulæ sint in usu nec iudices à magistratibus dentur, sed coram iudicibus ordinariis litigetur, differentia horum iudiciorum aliter spectatur: & ita observatur, ut si iudicium sit bonæ fidei, exceptio ipso iure insit in hoc iudicio, id est iudex exceptionis rationem habeat. quamvis reus hoc non petat, dummodo ex actis de exceptione cõstet: quia vulgata regula est, iudicandum esse secundum allegata & probata. si verò sit iudicium stricti iuris, exceptio reo nihil

prodest,

prodest, quamvis de ea ex actis constet, nisi reus nominatim exceptionem opponat actori, & per eam se absolvi perat.

II. In versic. *bona fidei.* & in §. seq. dat exempla actionum bonæ fidei. quæ quidem exēpla confusè ac perturbatè in contextu proponuntur, sed si placet ea in rectum ordinem dirigere, dicendum, ex contractibus, qui consensu fiunt, omnes actiones esse bonæ fidei, ut empti, venditi, locati, conducti, pro socio, mandati. ex contractibus nominatis, qui re perficiuntur, tres, commodati, depositi, pigneratitiam: ex contractibus innominatis duas, æstimatoriam & ex permutatione: est stipulatione vno casu, cum de dote agitur: ex quasi contractibus, quinque, negotiorum gestorum, tutelæ, familiæ erciscundæ, communi diuidundo, hereditatis petitionem. Extra has Cuiacius negat esse vllas actiones bonæ fidei. in *Paratit.* tamen ad tit. C. de precar. fatetur actionem præscriptis verbis de precario esse bonæ fidei, quod videtur probari l. 2. §. pen. ff. eod. Eademque ratio est conditionis indebiti. ff. de condict. indeb. l. hac condictio. 66. & conditionis ob causam. ff. eod. l. in summa. 65. §. quod ob rem. Sed contraria sententia facile defendi potest: quoniam in dictis legibus non dicitur has actiones esse bonæ fidei, vel iudicem habere potestatem iudicandi ex bono & æquo, sed eas ex bona fide originem ducere, siue ex bono & æquo introductas esse. Nunc singula exempla à Iustiniano hic tradita, eodem ordine, quo in contextu proponuntur, percurramus, & quatenus opus est explanemus. Primum exemplum actionum bonæ fidei est actio ex empto. Secundum est actio ex vendito. Tertium est actio ex locato. Quartum est actio ex conducto, de quibus supra dictum fuit. Quintum est actio negotiorum gestorum: quæ est directa vel contraria, ut expositum fuit in §. 1. supra de oblig. quæ quasi ex contr. utraque autem est bonæ fidei. Idemque sentiendum est de sequentibus actionibus, ut mandati, depositi, &c. omnes enim sunt bonæ fidei, tã directæ quàm contrariæ, quod probatur duplici argumento. Primum argumentum est: quia Iustin. generaliter loquitur: ergo eius verba generaliter sunt accipiēda. vbi enim lex non distinguit, nec nos distinguere debemus. Alterum argumentum est: quia tam ex emptione & venditione, quàm ex locatione & conductione datur hinc inde actio bonæ fidei: ergo idem dicendum est de commodato, deposito, negotiis gestis, & aliis causis: quoniam omnium

nium est eadem ratio. Sextum exemplum est actio mandati, de qua supra dixi. Septimum exemplum est actio depositi, de qua in §. *præterea*, supra quibus *modus re contrah. obi.* Octauum exemplum est actio pro socio: quæ est actio personalis, redditur inter socios, utrimque directa.

Nota obiter differentiam quandam contractuum; quidam enim pariunt actionem ex vno tantum latere, ut stipulatio tribuit actionem stipulanti contra promittentem, non promittenti contra stipulantem: & mutuum tribuit actionem creditori contra debitorem, qui mutuatus est non debitori contra creditorem. alij pariunt actionem vnam ex utroque latere: ut societas utrique socio contra alterum tribuit eandem actionem pro socio: alij pariunt duas actiones vno generali nomine contentas: sed eo diuersas, quod altera dicitur directa, altera contraria: ut depositum tribuit actionem depositi directam depositori contra depositarium, & actionem depositi contrariam depositario contra depositorem. sic ex commodato datur actio commodati directa commodatori contra commodatarium, contraria commodatario contra commodatorem. alij denique pariunt duas actiones omnino diuersis nominibus præditas: ut emptio & venditio parit actionem ex empto, & actionem ex vendito: quarum illa datur emptori contra venditorem, hæc venditori contra emptorem. Nonum exemplum est actio tutelæ, de qua in §. *tutores*, supra de oblig. qua quasi ex contr. Decimum est actio commodati: de qua in §. *supr. quib. mod. re contrah. oblig.* Undecimum est actio pigneratitia: de qua in §. *ult. supr. eod. tit.*

Nota hanc actionem differre ab hypothecaria, seu Seruiana de qua in §. *item Seruiana*, l. præ hoc i.e. quoniam actio pigneratitia est civilis, personalis, bonæ fidei, ex contractu pignoris: Seruiana verò vel hypothecaria est prætoria, in rem, arbitraria ex nudo pacto. Duodecimum exemplum est actio familiæ erciscundæ. Tertiumdecimum exemplum est actio communi diuidendo de quibus actionibus dixi ad §. *quædam supr. cit.* Quartumdecimum exemplum est actio præscriptis verbis, si agatur de re æstimata, vel ex permutatione.

Nota I. si tantum etymologia spectetur, omnem actionem dici posse præscriptis verbis: quoniam omnes habebant certa verba, & certas formulas præscriptas. ff. de ori. iur. l. 2. §. *deinde ex his legibus.* sed quoniam aliæ actiones habebant certa nomina, ut empti, venditi, locati, conducti, &c. idcir-

eo hoc generale nomen factum est proprium eius actionis, quæ proprio nomine carebat. cum enim proprio vocabulo destituimur, tunc communi utimur quasi proprio. *ff. de mort. cau. donat. l. mortis causa. 3. in pr.* Quamvis autem formulæ sint sublatae. *C. de form. l. 1.* tamen antiquum nomen remansit: ut nomen condictiois mansit sublata denunciatione, & nomen vindicationis mansit sublata vi imaginaria, quæ olim fiebat, ut notaui ad §. appellamus. *supr. hoc tit.*

Nota II. hanc actionem vocari etiam incerti condictioem. *ff. de pact. l. 1. §. sed et si in alium. & comm. diuid. l. si conuenerit 23.* item actionem in factum. *ff. de re iud. vend. l. 6. & de pras. verb. l. si vir. 12.* constat autem esse actionem civilem ac distingui ab actione in factum prætoriam *d. l. 7. §. sed et si in alium.*

Nota III. hac actione peti id quod interest actoris. *ff. de pras. verb. l. 1. §. 1. §. ac cum do. & §. ult. & l. 7.*

Nota IV. hanc actionem concurrere cum aliis actionibus, ut cum actione ex empto vendito. *l. si conuenerit. & ff. de contrah. empt. l. 1. Labo. scribit. 50. & de rescind. ven. l. 6. & C. de pact. inter empt. l. 2.* & nihilominus dari etiam cessantibus aliis actionibus. *ff. de pras. r. verb. l. 1. 2 & 3.*

Nota V. hanc actionem duobus casibus esse bonæ fidei. Vnus casus est, cum agitur de æstimato, id est, cum aliquis rem æstimatam alteri dedit hac lege, ut sibi vel eadem res, vel æstimatio reddatur: & hoc casu actio præscriptis verbis appellatur etiam actio æstimatoria. *ff. de æstimatoria act. l. 1. in princ.* Alter casus est, cum agitur ex permutatione: quia sicut emptio & venditio est bonæ fidei, ita etiam permutatio, quæ emptioni & venditioni similis est. *ff. de contrah. empt. l. 1. & de rer. permut. l. 1.* Quoniam igitur omnibus aliis casibus actio præscriptis verbis est stricti iuris, idcirco in Digestis dantur duo speciales tituli, *de æstimatoria actione*, & *de rerum permutatione*: postea subiicitur titulus *de præscriptis verbis*. Decimum quintum exemplum est petitio hereditatis, quæ datur heredi siue ex testamento, siue ab intestato *ff. de hered. peti. l. 2. & 3.* contra eum qui ius, vel rem hereditariam (licet minimam) possidet, siue pro herede (id est, bona fide) possideat, putans se esse heredem, siue pro possessore, id est, mala fide. *ff. eod. l. regulariter. 9. & ll. seqq.*

Decimum sextum exemplum in §. fuerat, est actio ex stipulatu de dote. §. 29.

Nota I. actionem ex stipulatu hic sumi latius, quam *supra*

de v. b. obligat. in prin. ibi namque ex stipulatione datur duplex actio; id est, actio ex stipulatu, cum petitur res incerta & certi condictio, cum petitur res certa: sed hoc loco omnis actio ex stipulatione descendens, dicitur ex stipulatu, etiam si rem certam persequatur.

Nota II. quatuor esse privilegia dotium: quorum tria aequè competunt viro dotem petenti, ac mulieri dotem soluto matrimonio repetenti; quartum verò est mulieris proprium. Primum privilegium est, quod datur actio ex stipulatu, licet stipulatio expressè facta non fuerit: quoniam à lege suppletur, & tacitè facta intelligitur. Secundum privilegium est, quod actio ex stipulatu hoc casu est bonæ fidei, cum aliis casibus sit stricti iuris. Tertium est privilegium tacitæ hypothecæ. C. de rei vxor. act. l. vn. §. 1. Quartum privilegium est, quod mulier præfertur aliis creditoribus etiam anteriorem hypothecam habentibus: quod puto obtinere (licet apud Doct. sit controuersum) etiam contra priores mariti creditores expressam hypothecam habentes. C. qui potior. in pig. n. l. ult. Hoc privilegium prælationis non datur marito in bonis mulieris: immò nec heredi mulieris datur in bonis mariti. C. de priuil. dot. l. vn. Nou. 61. §. pen. idque Imp. significat possemis verbis huius §. dum ait, se hoc privilegium solius mulieris prouidentia introduxisse, id est, ut soli mulieri prospiceret, non heredi, vel marito eius. producit tamen hoc privilegium ad filium communem, qui petens dotem mater nam habet prærogatiuam in bonis paternis. d. l. ult. facit l. etiam. 1. ff. solu. matr. Est autem hoc privilegium dotis numeratæ proprium, adeò ut nec in dote, quam vocant confectam, obtineat. d. l. ult. vers. si tamen. nec in donatione propter nuptias. d. l. pen. §. pen. proinde nec in dotis augmento, nec in bonis paraphernalibus. Exposui omnes actiones bonæ fidei: quæ partim sunt ex contractibus nominatis, partim ex contractibus innominatis, partim ex quasi contractibus, ut supra notauimus.

§. 30.

III. In § in bona fidei, declarat proprietatem iudiciorum bonæ fidei, per quam distinguuntur à iudiciis stricti iuris: quoniam in iudiciis bonæ fidei iudex nō est adstrictus rigori iuris, sed ex bono & æquo æstimat, quantum debeat actori. proinde si actor inuicem reo debeat, iudex debitum cum credito compensat, atque ita condemnationem minuit, quamvis reus exceptionem compensationis non opposuerit: quod olim

olim non habebat locum in iudiciis strictis, in quibus compensatio non minuebat obligationem, nisi ope exceptionis. Hodie tamen ex Iustin. constitutione, quantum ad hoc, iudicia bonæ fidei & iudicia stricti iuris sunt exæquata, ita ut in omnibus compensatio ipso iure vim suam exerat, quamvis exceptio à reo opposita non sit.

Nota primò compensationem esse crediti & debiti inuicem contributionem. ff. de compens. l. 1.

Nota secundò: ut compensationi locus sit. quatuor requiri. I. Ut debitum utrinque sit liquidum, ut hic. & C. de compens. l. ult. §. 1. II. Ut compensatio non opponatur repetitioni depositi, vel commodati, possessionis perperam occupatæ. hoc §. & C. de commod. l. ult. & de compensat. l. ult. & de pos. l. pen. Quod igitur in hoc §. dicitur, solam depositi actionem excipi, debet accipi (ut cum Doctoribus loquar) cum mica salis, id est, subaudita particula *ferè*: quæ aliis quoque locis subaudiri debet. Sic enim in §. 1. *proæm.* Iulianus ait omnes populos legibus à se promulgatis, vel compositis regi, quia *ferè* omnes sunt illis subiecti. & in l. pen. ff. de leg. *Reud* Imperator se mundi dominum vocat, quia maiori terræ habitabilis parti dominatur & in §. 1. *suprà de iur. natur.* dicitur ius gentium apud omnes peræquè custodiri, quia *ferè* omnes illo utuntur. *dist. 1. cap. ius gentium. 10.* Item in §. 1. *suprà de donat.* dicitur mortis causa donatio per omnia comparari, & mox in eo. §. dicitur comparari *ferè* per omnia. Similiter in §. *flumina. supra de rer. divis* dicitur omnia flumina esse publica. Sed in l. 4. in fin. *cod.* additur partic. *penè*, ac dicitur *penè* omnia esse publica. Item in §. 1. *suprà de oblig. qua quasi ex contr.* dicitur neminem esse curaturum absentis negotia, nisi impensas posset repetere, quia pauci hoc facerent: quidam tamen facerent, nempe qui donandi causa dicuntur negotia gerere. C. de negot. gest. l. 1. l. *alimenta. 11. l. quod si uxorem. 13. & l. si paternæ. 15.* Item in §. & *si rem. infrà de offic. iudic.* Imperator ait eadem circa fructus intervenire in rei vindicatione, & hereditatis petitione: deinde subiicit eandem *penè* rationem haberi. III. Ne is, qui compensationis beneficio uti vult, per eam recuset restituere rem commodatam. C. de commodat. l. ult. IV. Ut sint res compensabiles. Hoc loco sciendum est, secundum communem. Doct. sententiam in solis quantitatibus compensationem locum habere, sed huic sententiæ obstat, quod compensatio admit

admittitur etiam in actionibus in rem, Secundò Duarenum verò compensatio fit in quibuscumque rebus. Sed huic sententiæ aduersatur contextus in *l. si conuenerit. 18. in princ. ff. de pig. act.* Obltat etiam ratio iuris, quia compensatio vim habet solutionis. *ff. qui prior. in pig. l. 4.* aliud autem pro alio solui creditori inuito non potest *ff. de reb. cred. l. 2. §. 1.* Ego igitur sic statuo: compensationem semper admitti, dummodò idem hinc inde debeat: siue debeat eadem species veluti si testamento damnatus sis tibi dare Stichum, ac tu mihi stipulanti promiseris eundem Stichum, siue debeat idem genus, veluti si tibi debeam hominem ex causa legati, & tu mihi debeas hominem ex causa stipulationis: siue debeat eadem quantitas, veluti si tibi sint legata decem, & mihi promiseris decem.

Nota terriò, quia compensatio fit vsque ad quantitatem concurrentem, id est, hinc inde debitam. *C. de compensat. l. 4.* non solum fieri posse, vt compensatione condemnatio minuatur. sed etiam ne reus absoluat, si quantum actor petit, tantum inuicem debeat. *C. eo. l. si furores. 11.*

§. 31. I V. In §. *præ r a*, adiungit Imp. tertium membrum dictæ diuisionis, id est, actionibus bonæ fidei, vel stricti iuris addit actiones arbitrarias: de quibus tria docet.

Primò definit, quid sit actio arbitraria, & ait arbitriam esse quæ pendet ex arbitrio iudicis id est, cuius euentus est; vt, nisi reus arbitrio iudicis actori satisfaciatur, condemnatur. Vt hanc definitionem intelligas.

Nota primò, arbitrium hic significare interlocutionem iudicis: hoc enim est proprium actionum arbitrariarum, vt sententiam definitiuam omnimodo præcedat interlocutio iudicis, quia iudex iubet actori satisfieri. & siquidem reus iudici obtemperet, atque actori satisfaciatur, per sententiam definitiuam absoluetur. sin minùs, condemnabitur. Exempli causâ, actio quod metus causa, est arbitraria: quia iudex interlocuitur, ac iubet reo, vt rem restituat, & restituentem, non restituentem verò condemnat in quadruplum. *ff. quod met. caus. l. item si cum exception. 14. §. 1. & §. hac autem actio.*

Nota secundò, actiones arbitrarias distinguì ab actionibus stricti iuris, & actionibus bonæ fidei, quoniam per se sunt stricti iuris, & ex aliquo accidenti fiunt bonæ fidei, unde distinguuntur ab actionibus bonæ fidei; quoniam actio-

nes

nes bonæ fidei dicuntur, quæ sunt bonæ fidei per se, non propter adiectionem alicuius accidentis: item manifestè distinguuntur ab actionibus stricti iuris, quia non inmanent in sua natura, sed fiunt bonæ fidei. Exempli causa, si quis venderit rem hoc pacto, ut pretium sibi solvatur Lugduni, habet actionem ex empto, quæ est bonæ fidei, per quam petit pretium siue Lugduni, siue alio quocumque loco agat. si cui verò decem Lugduni ex stipulatione debeantur: hic habet certi condictionem quæ est stricti iuris. & si quidem Lugduni agat omnino est actio stricti iuris. sin autem alio loco conveniat, diuersitas locorum facit hanc actionem arbitrariam ut iudex arbitrari possit, quanti actoris, vel rei intersit, Lugduni potius quàm alibi solui ff. de eo quod certo loco. l. 6. §. 7.

Nota tertio, in his actionibus diuersas esse iudicis interlocutiones pro diuersitate ipsarum actionum. quandoque enim iudex iubet rem restitui, ut in actione quod metus causa, & in actione Seruiana, vel quasi Seruiana: quandoque iubet rem exhiberi, ut in actione ad exhibendum; quandoque rem solui, ut in actione de eo quod certo loco, quandoque solui, aut seruum noxæ dedi, ut in actione noxali

Secundò in vers. *sed ista*, diuidit actiones arbitrarias. nam aliæ sunt in rem, aliæ in personam. supple, aliæ mixtæ. hæc tria diuisionis membra declarantur exemplis. Actionis arbitrariæ in rem primum exemplum est actio Publiciana: de qua dictum fuit in §. *namque si cui*, *suprà hoc tit.* Hoc loco quæritur, an rei vindicatio sit arbitraria. Accursius ad rubricam ff. de vind. respondet rei vindicationem esse stricti iuris. ego verò assentior Cuiacio qui putat omnes actiones in rem esse arbitrarias. rei vindicationem autem esse arbitrariam, videtur satis colligi ex l. *qui restituere*. 68 ff. de rei vindicat. & ex l. 5. §. 6. ff. de in lit. iuran. Secundum exemplum est actio Seruiana: vel quasi Seruiana, de qua dictum fuit *suprà in §. item Seruiana*. Actionis arbitrariæ in personam primum exemplum est actio, quod metus causa. de qua *suprà in §. quadrupli.* & §. *item actio*. Secundum exemplum est actio, de dolo: quæ est actio prætoria, subsidiana, id est, tum demum competens cum aliis remedia deficiunt. ff. de dolo. l. 1. §. 1. & *ramoia*: idè quod non datur liberis contra parentes, nec libertis contra patronos, nec vili

S s

contra

contra honestam personam. ff. eod. l. non debet. 10. nec ob exiguam summam, ff. eod. l. si quis affirmavit. 9. §. ultim. & l. sequenti. Tertium exemplum est actio de eo quod certo loco.

Nota primò hanc non esse speciem actionis à cæteris distinctam, sed esse qualitatem quandam, quæ propter loci adiectionem adiungitur, & accedit actionibus stricti iuris, ut eas reddat arbitrias, non actionibus bonæ fidei. ff. de eo quod certo loco, l. 5. 6. & 7.

Nota secundò, cum quis certo loco soluere obligatus est, eum stricto iure non posse alibi conveniri, sed beneficio prætoris posse conveniri cum adiectione loci. ff. de eo quod certo loco, l. 1. quod est intelligendum de obligatione stricti iuris. Exemplis res fiet illustrior. Si qui rem emerit, & convenit ut pretium solveret Lutetiæ, potest in quocunque foro competenti conveniri actione ex empto. Verbi gratiâ, si domicilium habeat Lugduni: tam Lutetiæ conveniri potest ratione contractus, quàm Lugduni ratione domicilij; & utrubi conveniatur, est iudicium bonæ fidei. Si quis autem stipulanti promiserit se soluturum Lutetiæ, ibi potest conveniri actione ex stipulatu, quæ est stricti iuris: alibi autem, ubi est forum competens: puta Lugduni, ubi domicilium habet, non potest conveniri, nisi cum adiectione loci, id est, ita ut in libello conventionali mentionem faciat Lutetiæ: quæ ratione actio ex stipulatu, quæ ex sua natura est stricti iuris, evadit arbitraria: quoniam iudex arbitrat, & æstimat, quanti actoris, vel rei intersit, Lutetiæ potius quàm Lugduni solui. ff. de eo quod certo loco, l. 2. in princ. Quòd si actor alibi quàm Lutetiæ agat, nulla mentione loci (id est, Lutetiæ) facta, diceretur plus loco petere. infra hoc tit. §. si quis agens, vers. loco. Actionis mixtæ vnum est in contextu exemplum, actio ad exhibendum: quæ est mixta quatenus pro re vindicanda agitur in personam, ff. ad exhib. l. 3. §. est autem. Hæc actio datur ei cuius interest rem exhiberi. dicta l. 3. §. sciendum. Exempli causâ, si quis meam gemmam annulo incluserit, non possum eam vindicare: quoniam annulo cedat, & pro extincta habetur. sed per actionem ad exhibendum cogam eum ex annulo eximere, & exhibere id est, rei copiam facere, ut vindicare possim, aut nisi id faciat mihi soluere, id quod mea interest. ff. eod. l. 6.

Tertiò

Tertiò in vers *in his enim*, declarat proprietatem omnibus actionibus arbitrariis communem: iudex enim arbitrat, id est, æstimat, quemadmodum auctori satisfieri oporteat, secundum rei, qua de agitur, naturam: hoc est, quandoque interloquitur ut reus rem restituat, interdum ut rem exhibeat, aliquando ut soluat, aliàs ut soluat, vel noxæ dedat, ut paulò antè docui ad primam partem huius. §.

Nota igitur, cum in iudiciis arbitrariis semper ferantur duæ sententiæ, altera interlocutoria, altera definitiva ut suprà exposui: hunc versiculum pertinere ad sententiam interlocutoriam, quam suprà docui appellari arbitrium iudicis.

Sexta actionum diuisio respicit ad libellum conventionalem, quem actor cõtra reum proponit, aut enim petit rem certam, aut rem incertam. & si petit rem certam, vel petit id ipsum quod sibi debetur, vel plus, vel minus, vel aliquid aliud. Imp. omnia hæc membra considerat, excepto eo solo casu, qui videtur difficultate carere, cum aliquis id ipsum petit, quod sibi debetur.

§. 32

De petitione rei incertæ in §. *curare*, notat Imp. quamvis petitio sit incerta, tamen sententiam certam ferri debere, quoad eius fieri potest. Pro huius dicti interpretatione,

Nota primò, libellum incertum seu petitionem incertam regulariter non admitti: verum admitti ex iusta causa, veluti si filius defuncti petat incertam partem hereditatis, quia mater est prægnans, & ignoratur utrum vnum ac plures sit paritura. ff. si pars her. ed. petat. l. 1. §. ult. aut si legatarius incertam partem rei legatæ petat, quia propter alia legata conditionalia non constat, an hoc legatum per legem Falcidiam minuetur, vel quatenus minuetur. ff. de rei vind. l. quæ de tota 76. §. 1. Item petitio incerta admittitur, cum res incerta est in obligatione, ut id quod interest.

Nota secundò hic haberi exceptionem illius regulæ, quod sententia debet esse conformis libello. ff. commun. diuid. ut fundus. quandoquidem sententia certa pronuntiatur, quamvis libellus sit incertus. Ut quia petit actor quod sua interest & iudex, æstimatione facta eius quod interest, in eam æstimationem condemnat.

§. 33

De pluris petitione Imperator in §. *si quis agens*, tria declarat. I. Explicat ius antiquum: quo iure is, qui plus petebat, causa cadebat, & rem amittebat nisi ex iusta causa resti-

§ 5 2

tueretur

tueretur à prætorè. Restitutionū autem dux causæ in cōtex-
tu proponitur. Vna est, si is qui plus petit, sit minor 15. annis:
quo casu restituitur ex tit. *de minoribus*, restituitur (inquam)
causæ cognita, quia omnis restitutio causæ cognitionem re-
quirit. ff. *de intro. r. tit. l. 3.* Altera causæ est facti iusta igno-
rantia: veluti si legata in testamento relicta, quæ non
exceedebant dodrante in hereditatis integritate ab iis
qui ignorant alia legata esse relicta in codicillis, quæ lo-
cum faciunt legi Falcid. adeo ut omnia legata per legem Fal-
cid. auquantur hoc casu datur restitutio ex generali clausu-
la, quæ est in *l. in fin. ff. ex quib. caus. maior. l. 1.* In vers. *plus*
autem, docet quomodo plus petatur: ac poni quatuor no-
dos. plus enim petitur re, vel tempore, vel loco, vel causa.
Plus re declaratur in vers. *re veluti* vbi notandum, maiorem
partem dici, non respectu rei, cuius est pars, sed respectu de-
biti, exempli causâ, si is, cui debetur sexta pars fundi, petat
quartam partem, dicitur petere maiorem partem, quoniam
est maior, quàm pars quæ debetur, id est, quàm sexta pars.
Plus tempore exponitur in vers. *tempore*. vñ te nota cum, qui
citius soluit, plus soluere: & eum, qui tardius soluit, minus
soluere: quamvis eandem rem vel eandem summam soluat.
Hinc dictum est, diem solutionis, vt summam, esse partem
stipulationis. ff. *de eden. l. 1. §. solutiones*. Plus loco explicatur
in vers. *loco*. Hic.

Nota primò actionem siue intentionem puram appellari, in
qua non sit mentio loci solutioni destinati, exempli causâ, si
promiseris te mihi soluturum centum Lugduni, & conue-
niam te Monspelij: si simpliciter à te petam centum, dicitur
actio pura & stricti iuris: & hoc casu peto plus loco. si verò
in mea actione faciam mentionem Lugduni, est actio, arbi-
traria de eo quod certo loco, de qua supra diximus, nec pe-
to plus loco, quia non si noluciter peto centum, sed iudicis
arbitrio committo, vt æt meæ quanti mea, vel tua intersit
Lugduni potius quàm Monspelij solui, atque ita condemna-
tionem augeat, vel minuat.

Nota secundò verba in iure modò significare actum sine
effectu, vt supra *de obli. qua ex del. §. sed et si credat. & infra*
de publ. indic. §. item lex Cornelia, de ficanis. modò actum
cum effectu, vt ff. *quot quisque iuris l. 1. §. vltim* modò po-
testatem, vt ff. *de p. ital. l. 1. §. it. prætor. & ff. de statu. l. 1. l.*
autem 21. modò voluntatem, vt hic, in verbo *admit. &*
infra

infra eod. §. vers. qui igitur, in verbo eripio. & vers. praterea, in verbo tollit. dicitur enim adimere, vel eripere, vel tollere electionem aduersario, is qui tentat hoc facere, quamuis ipsa non faciat. Excipitur iure nouissimo, nisi ideo plus peti- tum sit, ne defensor ciuitatis iudex esset, sed praeses cognos- ceret: tunc enim reuocato iure veteri actor causa cadit. *Novel. 15. cap. 4.*

Nota tertio diuersitatem locorum magis spectari in aliis quantitatibus, ut vino, oleo, fumento, quam in pecunia numerata, propterea quod iure Romano semper & ubique eadem esse debet pecuniae aestimatio. *ff. de eo quid cert. loc. 13.* Plus causa, tractatur in vers. *hinc autem*, Vbi dantur duo exempla. Primum exemplum est stipulationis alternatae, nam si quis promiserit Stichum aut Pamphilum, electionem ha- bet utrum soluat. & si actor vnum ex his petat, puta Stichum petat, dicitur plus causa petere; quoniam eligit utrum pe- rat cum electio non ipsi, sed debitori competat. Secundum exemplum in vers. *ita eadem* est obligatio generis. si quis enim hominem promiserit, ipse eligit quem soluat: & si actor nominatim aliquem hominem, puta Stichum, petierit, dici- tur plus causa petere, quia falso electionem sibi arrogat. *I. I. in vers. sed hac* exponit ius nouum à Zenone & Iuliano conditum. Summa huius iuris haec est: Si quis plus tempore petat contra eum duplicatur tempus induciarum verbi cau- sa si petat ante quatuor menses quam solui debet: octo men- ses expectare cogitur: hoc tempore usurae non currunt: item hoc tempore elapso, actor non audietur, nisi prius omnia damna, quae aduersarius ob intempestiuam petitionem pas- sus est, ei resarciat. *infra de except. §. pen. & C. de petit. l. 1. in princ. & l. 2. in princ.* Si verò actor plus re vel loco, vel causa petierit, & inde aduersarius damnum passus sit, in tri- plum ei condemnatur, ut supra diximus in §. *tripl.* Haec dicta sint de pluris petitione.

Si verò minus petatur, quam debetur: *Imp. in §. si minus, §. 14.* ostendit hoc actori non nocere dummodo totum debitum probet: quia iudex nihilominus in totum debitum condem- nabit.

Nota falli Doct. qui putant opus esse emendatione libel- li: malè enim confundunt hanc speciem cum specie sequen- tis §. in qua libellus emendatur hoc autem casu non esse ne- cessariam emendationem, constat ex *d. l. 1. §. ult. C. de plus petit*

Sed excusandi sunt doct. quorum aetate ea lex non exarbat. Hic igitur casus excipitur ab ea regula, quod sententia debet esse conformis libello. Aliam exceptionem notavi supra ad §. *curare*.

§. 35. De alius rei petitione, id est, cum aliud petitur quam quod debetur, tractat Imp. in §. *si quid aliud*, ubi docet, actorem, qui ita errauit, posse corrigere suum libellum in eodem iudicio.

Nota primò vulgò falli, non admittentes hanc correctionem libelli post litem contestatam: etenim litis contestatio est principium iudicii, nec potest dici iudiciū, nisi lis contestata sit. ff. *ratam rem hab. l. an plura*. 15. quare si libellus in eodem iudicio corrigitur, etiam post litem contestatam corrigitur. ergo etiā in substantialibus potest corrigi libellus post litem contestatam, ut in re petita, & in causa petendi sicut ex hoc §. constat. Nec obstat ea regula, quod sententia debet esse conformis libello: quia hoc casu est conformis libello iam correcto, non libello, prout ab initio fuit propositus.

Nota secundò, in praxi rectè hoc obseruari, ut actor, qui suum libellum corrigit, impensas eò usque facias restituat parti aduersæ.

§. 36. Septima & vltima actionū diuisio est, quod alix sūt actiones in solidum, alix cum aliqua limitatione, per quam fit, ut actor non semper solidum consequatur, sed vel quatenus est in peculio, vel quatenus reus facere potest, vel in quantum facta aliqua retentione superest. Quia verò regulariter actiones sunt in solidum, idcirco in contextu dantur tantummodo exempla actionū, quæ sunt aliqua ratione limitatæ, proinde non semper solidum persequuntur. Primum exemplum in §. *sunt præterea*, est actio de peculio, quæ datur in patrem ex contractu filij, vel in dominum ex contractu serui: nec est propria species actionis, sed qualitas à prætore actioni adiecta, ut exposui ad §. *actiones supra hoc tit.*

§. 37. Secundum exemplum in *item si de dote*, est actio, qua dote soluto matrimonio mulier repetit, quæ quidē est actio ex stipulatu. *C. de rei uxer. a. l. vn.* & est bonæ fidei *supra hoc tit. §. fuerat*. ubi plura de hac actione dicta fuerunt. Hoc autem loco duæ huius actionis limitationes proponuntur. I. Limitatio est: quia maritus ad restituendam dotem soluto matrimonio eatenus tenetur, quatenus facere potest.

Nota primò hoc privilegium concedi marito, ut mulieri non in solidum, sed in quantum facere potest, condēnatur, non solum

solum in actione de dote, sed etiam in aliis actionibus ex quouis contractu descendentibus. ff. de re iud. l. non tantum, 20.

Nota secundò, idem priuilegium dari defensori mariti. ff. solut. mar. l. alia, 14 nec non filio communi ff. eod. l. etiam filios. 18 non tamen dari heredi extraneo, quia est beneficium personale. ff. eod. l. maritum. 12. & ill. seqq.

Nota tertio, cum dicimus maritum eatenus teneri, quatenus facere potest, hoc sic accipi debere, ut teneatur deducto, ne egeat ff. de diu. reg. iur. l. in condemnatione 172. non etiam deducto ære alieno ff. solut. mar. l. maritus facere. 54.

Nota quartò, tempore rei iudicatz spectari, an maritus sit soluendo. ff. soluto matrimon. l. rei iudicata. 15. II. Limitatio est in vers. propter. quia si maritus in res dotales necessarios sumptus fecerit, hi sumptus dotem minuunt. ff. eod. l. §. in necessariis l. 5. in princ. & retentionem dotis marito tribuunt, ut hic. & C. de rei ux. act. l. unius §. taceat ver. sed nec ob impen. Alia est ratio sumptuum vtilium, ad quos repetendos tantum datur marito actio mandati, vel negotiorum gestorum: & sumptuum voluptuorum, quorum nomine maritus nullam habet actionem, sed tantummodò potest detrahere, quod apposuit, si id sine detrimento rerum dotalium facere possit. d. l. unius §. taceat. vers. si. l. d. nec ob impen. fac.

Tertium exemplum in §. sed et si, est actio mota à filio §. 33. contra parentem, vel à liberto contra patronum. nam parentibus & patronis non minus quam marito tribuitur hoc priuilegium, ut non condemnentur, nisi in quantum facere possunt. Quartum exemplum in vers. item si socius, est actio reddita inter socios.

Nota I. non solum socium condemnari in quantum facere potest, sed etiam defensorem socij: ei verò, qui pro socio fideiussit, hoc priuilegium denegari. ff. pro soc. l. verum. 63. §. 1.

Nota II. socium teneri in quantum facere potest, non deducto ære alieno, nisi ex causa societatis conueniatur. d. l. verum. §. id quod.

Nota III excipi quosdam casus, quibus socius socio in solidum condemnatur. Primus casus est, si sit socius particularis, non omnium bonorum socius, & ex alia causa quam societatis, conueniatur: idcirco Imper. in contextu loquens de socio particulari, rectè ait, iudicio societatis agat, vide l. si ne

§. 4 quit.

qui. 16. ff. de re iud. & d. l. verum in princ. Secundus casus est, cum socius ex suo dolo conuenitur d. l. verum. §. loc quoque. & l. nemo 68. §. 1. ff. pro socio. Tercius casus est, cum negauit se esse socium ff. eod. l. si unus. 47. §. ult. Quintum exemplum est in vers. idem est; cum donator ex sua donatione conuenitur: quoniam donator rem donatam tradere cogitur. *suprà de donat. §. alia. versic. & a. exemplum.*

Nota I. hanc actionem, qua donator conuenitur, esse conditione in ex lege. C. de donat. l. si quis argentum. 35. §. sin autem & Nouell. 162. c. 1.

Nota II. magis faueri donatori, quàm aliis; quia solus donator deducit res alienum. ff. de re iud. l. inter 14. §. 1.

§. 39. Sextum exemplum in §. per. est actio, cui opponitur compensatio. nam compensatio ipso iure obligationem aninuit, & cuiusque actioni opponi potest, vt fuit expositum in §. in bona fidei. *sup. h. t.*

Nota I. dum dicitur in contextu, compensationes plerumque efficere vt actor minus consequatur, Imper. ea particula *plerumque* indicare, contrarium interdum euenire, non quia compensatio aliquando hunc effectum non pariat, sed quia interdum compensationi locus non est, vt in iudicio depositi & quibusdã aliis casibus *suprà* notatis in dict. §. in bona fidei.

Nota II. actorem propter compensationem minus consequi, quàm ei debeat, id est, minus quàm ei deberetur, si obligatio per compensationem non minueretur. ceterum per compensationem minuitur ipso iure. *dict. §. in bona fidei.* ergo actor consequitur quicquid sibi debetur, id est, quod compensatione facta manet in obligatione.

Nota III. quod Imp. ait, compensationem fieri, cum ex eadem causa hinc inde debetur accipi debere tamquam exempli gratiã propositum: quia certi iuris est, compensationi locum esse, etiam cum ex diuersis causis debetur: veluti si tibi debeam decem ex testamento, ac tu mihi debeas septem ex stipulatione.

§. ult. Vltimum exemplum est in §. ult. cum is conuenitur, qui bonis cessit, & post cessionem bonorum aliquid non modicum acquisiuit. vide. l. 6. & 7. ff. de cess. bon.

Nota I. cessione bonorum debitorem non liberari, sed actionem tantisper differri, donec incipiat posse soluere.

Nota II. non sufficere quamcumque acquisitionem, vt is qui bonis cessit, possit conueniri, sed opus esse, vt aliquid idoneum,

neum, id est, non modicum emolumentum acquirerit.

A X I O M A T A.

- 1 Obligatio personalem actionem parit. §. 1. coniun. *l. licet. §. ea obligatio. ff. de procurat.*
- 2 Qui non est obligatus, si de re aliqua controversiam patiat, actione in rem conuenitur. *d. §. 1.*
- 3 Actio negatoria non habet locum in rebus corporalibus §. 2.
- 4 Vendicatio datur etiam possidenti, si agatur de re incorporali, id est, de seruitute, aut rei libertate. secus est, si agatur de corpore. *d. §. 2. coniun. §. restituere. infr. de interd. c.*
- 5 Rei vindicatio introducta est, ut quis dominium, suum vendicat. §. 4.
- 6 Æquitas stricto iuri præfertur. *d. §. 4. coniun. l. placuit. 8. C. de iud.*
- 7 Vbi est eadem ratio, debet esse idem ius. §. 5. coniun. §. eadem. *infr. quod cum eo. & l. illud. 32. ff. ad legem Aquil.*
- 8 Stipulatio civilem actionem parit §. 9.
- 9 Ex contractu filij vel serui pater vel dominus non tenetur iure civili, sed iure prætorio, quatenus est in peculio. §. 10.
- 10 Religioni iurisiurandi standum est §. 11. coniun. *l. quod si deferente. 21 ff. de dolo.*
- 11 Præiudiciales actiones in rem esse videntur. §. 12.
- 12 Nemo potest rem suam condicere, nisi furi §. 14. coniun. *l. ult. in fi. ff. usufr. quem adm. cau.*
- 13 Omnes in rem actiones sunt rei persecutorie §. 17.
- 14 Omnes actiones ex contractibus sunt rei persecutorie, excepta actione depositi, quæ mixta est, cum tumultus, incendij, ruinæ, naufragij causa depositum fuit. *d. §. 17.*
- 15 Actiones ex delictis partim sunt poenales, partim mixtæ, paucae sunt rei persecutorie, ut condictio furtiua. §. 18. & *suprà hoc tit. §. sic itaque. & suprà de oblig. quæ ex delictis. §. v. t.*
- 16 Actio legis Aquiliæ & actio ex testamento qua petitur legatum loco pio relictum, & actio depositi, cum tumultus,

- multis, incendij, ruinæ, naufragij causâ depositum fuit, inficiatione duplantur. §. 19. & §. 26.
- 17 Nulla actio est ultra quadruplum. §. 21.
- 18 Mulier ad dotem repetendam habet priuilegium tacitæ stipulationis, quæ bonæ fidei est, tacitæ hypothecæ, & prælationis §. 29. coniun. l. unic. in princ. §. 1. & §. 2. C. de rei uxor. actio. & l. ult. C. qui poti. in pign. hab.
- 19 In bonæ fidei iudiciis libera potestas permittitur iudici ex bono & æquo æstimandi quantum auctori restitui debeat. §. 30.
- 20 Compensatio ipso iure omnem obligationem minuit. d. §. 19. coniun. l. 4. l. si ambo. 10. in princ. ff. de compens. & l. ult. in princ. C. eod.
- 21 Non liquidi ad liquidum non fit compensatio d. §. 30.
- 22 In iudicio depositi non admittitur compensatio d. §. 30. coniun. d. l. ult. §. 1. C. de compens. & l. pen. C. de pos.
- 23 In iudiciis arbitrariis permittitur iudici ex bono & æquo secundum rei qua de agitur, naturam, æstimare quemadmodum auctori satisfieri oporteat. §. 31.
- 24 Sententia debet esse certa. §. 32.
- 25 Legata per legem Falcidiam ipso iure minuuntur. §. 33. coniun. d. pen. C. ad leg. Falcid.
- 26 Qui tardius soluit minus soluere intelligitur. d. §. 33. vers. plus autem. coniun. §. fideiussores sup. de fideiussor.
- 27 Qui præmaturè petit, plus petere videtur. dict. vers. plus autem. coniun. d. §. fideiussores.
- 28 Mercium æstimationes diuersis locis diuersæ sunt. eod. §.
- 29 Pecunia numerata non in omnibus regionibus sub eisdem vfuris foeneratur. eodem §.
- 30 In obligatione alternata electio est debitoris quid malit soluere dict. vers. plus autem, coniun. d. 2. §. Scauola. ff. de eo quod cer. loc. & l. plerumque. 10. §. ult. ff. de iur. dot. & l. si in emptione 34. §. pen. ff. de contrah. empt. & l. ult. §. 1. ff. de verb. oblig. & ex. de plus petit. cap. unic. & lib. 6. de reg. iur. r. 70.
- 31 In obligatione generis electio est debitoris quam speciem soluat. d. vers. plus autem. coniun. l. cum is. 31. §. ult. ff. de condict. ind.

- 32 Iudex reum condemnare debet, non in quantum actor petit, sed in quantum probavit sibi deberi, etiam si plus probaverit, quam petierit. §. 34.
- 33 Actor potest in eodem iudicio libellum suum corrigere §. 35.
- 34 Damnantur in quantum facere possunt, maritus. §. 37. pater, patronus, & actione pro socio, vel ex donatione sua conventus. §. 38. coniun. l. sunt qui. 16. cum 9. legib. seqq. ff. de re iudic.
- 35 Necessariis sumptibus dos minuitur, d. §. 3. 7. coniun. l. 5. ff. de impens. in res dotal. fact. & l. un. §. taceat. vers. sed nec ob impensas, C. de rei uxor. act.
- 36 Inhumanum est, ipoliatum fortunis suis, in solidum damnari. §. ult.

*Quod cum eo, qui in aliena potestate est,
negotium gestum esse dicitur.*

T I T. VII.

Quia [tamen] superius mentionem habuimus de actione qua in peculium filiorum familiarum servorumque agitur: opus est, ut de hac actione & de cæteris, quæ eorundem nomine in parentes dominosve dari solent, diligentius admoneamus. Et quia, siue cum servis negotium gestum sit, siue cum his qui in potestate parentum sunt, eadem fere iura servantur: ne verbosa fiat disputatio, dirigamus sermonem in personam servi dominique, idem intellecturi de liberis quoque & parentibus quorum in potestate sunt. Nam si quis in his proprie servetur, separatim ostendemus.

¶ Si igitur iussu domini cum servo negotium gestum erit: in solidum prator adversus dominum actionem

actionem pollicetur : scilicet quia is , qui ita contrahit, fidem domini sequi videtur.

2. ¶ Eadem ratione prætor duas alias in solidum actiones pollicetur : quarum altera exercitoria , altera institoria appellatur. Exercitoria tunc habet locum , cum quis servum suum magistrum naui præposuerit , & quid cum eo eius rei gratia , cui præpositus erit , contractum fuerit. Ideo autem exercitoria vocatur , quia exercitor is appellatur , ad quem quotidianus naus quæstus pertinet. Institoria tunc locum habet , cum quis tabernæ forte , aut cuilibet negotiationi servum suum præposuerit , & quid cum eo eius rei causa , cui præpositus erit , contractum fuerit. Ideo autem institoria appellatur , quia qui negotiationibus præponuntur , institores vocantur. Istas tamen duas actiones prætor reddit , & si liberum quis hominem , aut alienum servum naui, aut tabernæ , aut cuilibet negotiationi præposuerit : scilicet, quia eadem æquitatis ratio etiam eo casu interveniat.

3. ¶ Introduxit & aliam actionem prætor quæ tributoria vocatur. Namque si servus in peculiari merce sciente domino negotietur , & quid cum eo eius rei causa contractum erit : ita prætor ius dicit , ut quicquid in his mercibus erit , quodque inde receptum erit , id inter dominum , si quid ei debebitur , & cæteros creditores , pro rata portione distribuatur , & [ideo tributoria vocatur] quia ipsi domino distributionem prætor permittit. Nam si quis ex creditoribus quæratur quasi minus ei tributum sit , quam oportuerit , hanc ei actionem accommodat , quæ tributoria appellatur.

4. ¶ Præterea introducta est actio de peculio, de qua

deque eo, quod in rem domini versum erit: ut quamvis sine voluntate domini negotium gestum, erit, tamen siue quid in rem eius versum fuerit, id totum præstare debeat: siue quid non sit in rem eius versum, id eatenus præstare debeat, quatenus peculium patitur. In rem autem domini versum intelligitur, quicquid necessario in rem eius impenderit servus: veluti si mutuatus pecuniam creditoribus eius soluerit, aut ædificia ruentia fulserit, aut familiæ frumentum emerit, vel etiam fundum, aut quamlibet aliam rem necessariam mercatus erit. Itaque si ex decem puta aureis, quos servus tuus à Titio mutuo accepit, creditori tuo quinque aureos soluerit, reliquos vero quinque quolibet modo consumpserit: pro quinque [quidem] in solidum damnati debes: pro cæteris vero quinque eatenus, quatenus in peculio sit. Ex quo scilicet apparet, si toti decem aurei in rem tuam versi fuerint, totos decem aureos Titium consequi posse. Licet enim una est actio qua de peculio, deque eo, quod in rem domini versum sit, agitur: tamen duas habet condemnationes. Itaque iudex, apud quem de ea actione agitur, ante displicere solet, an in rem domini versum sit: nec aliter ad peculij æstimationem transiit, quam aut nihil in rem domini versum intelligatur, aut non totum. Cum autem quæritur, quantum in peculio sit: ante deducitur, quidquid servus domino, eive, qui in potestate eius sit, debet: & quod superest id solum peculium intelligitur. Aliquando tamen id, quod ei debet servus, qui in potestate domini sit, non deducitur ex peculio: veluti si is in ipsius peculio sit, quod eo pertinet, ut si quid vicario suo servus debeat: id ex peculio eius non deducatur.

5 § Catetum dubium non est, quia is quoque qui iussu domini contraxerit, cuique institoria vel exercitoria actio competit: de peculio, deque eo, quod in rem domini versum est, agere possit. Sed erit stultissimum, si omissa actione, qua facillime solidum ex contractu consequi possit: se ad difficultatem perducatur probandi in rem domini versum esse, vel habere servum peculium, & tantum habere, ut solidum sibi solui possit. Is quoque, cui tributoria actio competit, æque de peculio & de in rem verso agere potest. Sed sane huic modo tributoria expedit agere, modo de peculio, & de in rem verso. Tributoria ideo expedit agere, quia in ea domini conditio præcipua non est, id est, quod domino debetur, non deducitur, sed eiusdem iuris est dominus, cuius & creditores. At in actione de peculio ante deducitur, quod domino debetur: & in id, quod reliquum est, creditori dominus condemnatur. Rursus de peculio ideo expedit agere, quod in hac actione totius peculij ratio habetur: at in tributoria eius tantum, quod negotiatur. Et potest quisque tertia forte parte peculij, aut quarta, vel etiam minima negotiari: maiorem autem partem in prædiis, vel mancipiis, aut scænebri pecunia habere. Prout ergo expedit, ita quisque vel hanc actionem, vel illam eligere debet. Certe qui potest probare in rem domini versum esse: de in rem verso agere debet.

6 § Quæ diximus de seruo & domino, eadem, intelligimus de filio & filia, & nepote & nepte, & patre auove, cuius in potestate sunt.

7 § Illud proprie servatur in eorum persona, quod senatusconsultum Macedonianum prohibuit,
mutuas

mutuas pecunias dare eis, qui in potestate parentis sunt : & ei qui crediderit, denegatur actio tam aduersus ipsum filium filiamve, nepotem neptemve (siue adhuc in potestate sint, siue morte parentis, vel emancipatione suæ potestatis esse cœperint) quam aduersus patrem auumve : siue eos habeat adhuc in potestate, siue emancipauerit. Quæ ideo senatus prospexit, quia sæpe onerati ære alieno creditarum pecuniarum, quas in luxuriam consumeabant, vitæ parentum insidiabantur.

8 § Illud in summa admonendi sumus, id, quod iussu patris dominive contractum fuerit, quodque in rem eius versum erit : directo quoque posse à patre dominove condici, tanquam si principaliter cum ipso negotium gestum esset. Ei quoque, qui exercitoria vel institoria actione tenetur, directo posse condici placet : quia huius quoque iussu contractum intelligitur.

Superiori titulo generaliter dictum fuit de actionibus : iam specialiter agitur de his actionibus, quibus conuenimur ex persona eorum, qui sunt in nostra potestate. Quemadmodum autem cum ex nostra persona conuenimur ; vel agitur ex nostro contractu, vel ex nostro delicto : ita etiam cum ex persona filij vel serui conuenimur, aut actio illa est ex contractu, aut ex delicto. Ex contractu sunt hæ actiones, quod iussu, exercitoria, institoria, tributoria, de peculio, & de in rem verso, quæ hoc titulo declarantur. Ex delicto autem sunt actiones noxales, de quibus est *tit. seq.*

Nota igitur I. actiones huius tituli esse ex contractu. Appellatione autem contractus intelligo etiam quasi contractus : veluti si filius vel seruus alienus negotia mea gesserit.

Nota II. has actiones opponi actioni directæ : nam directa actio est, qua quis ex sua persona conuenitur.

Nota

Nota III. has actiones esse in duplici differentia. quædam enim contra nos dantur tam à nemine contractu filiorum, vel seruatorum nostrorum, ut actiones de peculio, de in rem verso, quod iussu, & tributoria: quædam verò comperunt etiam ex contractibus liberarum personarum, aut alienorum seruatorum, quos scilicet nam aut negotiationi præfecimus, ut exercitoria, & institutoria.

Nota IV. omnes has actiones esse prætorias.

Huius tituli quinque sunt partes.

Princ.

Prima pars, quæ primis huius tituli verbis continetur hunc titulum cum superiori connectit: id enim diligentius exponendum proponit, quod superius attigit in §. actiones et §. sunt præterea. *supr. tit. prox.*

Secunda pars in verfic. & *quia* declarat methodum huius tituli, quod enim specialiter dicitur de seruis, intelligendum est habere locum etiam in filiis familiarum prater id, quod nominatim excipietur in §. *en.*

Tertia pars explicat dictas actiones, quod iussu, exercito-
riam, &c. quatenus ex feruorum contractibus competunt.

S.I.

De actione quod iussu tractatur in §. i in quo quatuor de
hac actione habentur

I. Docet Imp quæ sit causa huius actionis, nempe negotium cum seruo alieno gestum iussu domini. Loquitur de negotio gesto, vt complectatur tam quasi contractus, quàm veros contractus. Rursus loquitur de seruo, & domino, quamuis idem obineat in filiofamilias & patre, vt seruet methodum nuperrimè propositam.

Nota primò, hanc actionem vocari *quod iussu*, à primis verbis edicti prætorij.

Nota secundò, hunc iussum referri ad seruum, non ad eum qui cum seruo contrahit.

Nota tertio, iussum referri ad eas personas quæ sunt in nostra potestate, mandatum verò ad eas personas quæ extra potestatem nostram sunt.

Il Docet in quantum hæc actio à prætore detur, & inquit
effe in solidum. Intellige in solidum non omnino & simplici-
ter, sed quatenus pater, vel dominus iuris. ff. de pecul. l. i. in
pr. §. i.

III. Docet, contra quem hæc actio detur: & ait dari aduersus dominum. supple, vel patrem eius, qui contraxit.

IV. Docet, cui deur, & quamobrem deur in solidum: & inquit

inquit dari ei, qui cum seruo alieno contraxit; quia non tam ipsius serui, quam domini, qui seruum contrahere iussit, fidei secutus videtur: similiter qui cum filio familias, patre eius iubente, contrahit, fidem patris sequi videtur. Hæc dicta sint de actione quod iussu.

Actio autem exercitoria, & actio institoria, quia inter se §. 2. similes sunt, simul declarantur in §. eadem. Primò Imper. docet, has actiones esse prætorias, & in solidum. Secundò specialiter loquitur de actione exercitoria: de qua duo docet. Vnum est in versic. *exercitoria*, qua ex causa hæc actio datur. Alterum est in vers. *ideo*, cur vocetur exercitoria.

Nota igitur I. hanc actionem ex contractu magistri navis dari contra exercitorem, qui magistrum navi præposuit.

Nota II. Exercitorem dici, ad quem quotidianus quæstus navis pertinet: siue sit dominus navis, siue eam conduxerit. ff. de exercit. actio. l. 1. §. exercitorem.

Nota III. magistrum navis appellari eum, cui totius navis cura incumbit. d. l. 1. §. 1.

Nota IV. magistrum, qui ab exercitore navi præpositus est, posse alium magistrum præponere: adeò ut magister vel ab exercitore, vel à magistro quem exercitor constituit, navi præficiatur. d. l. 1. §. magistrum.

Nota V. non esse locum huic actioni, nisi cum magistro eius rei gratiâ cui præpositus est, contrahatur.

Nota VI. hanc actionem denominari ab eo qui præposuit: quamvis *institoria*, ut mox dicetur, ab eo denominetur, qui præpositus est. Tertiò de actione institoria similiter duo declarat. Vnum est in versic. *institoria*, qua ex causa datur. Alterum est in vers. *ideo*, cur institoria appelletur.

Nota igitur I. institoriam dari ex contractu institoris, contra eum qui institorem tabernæ vel cuius negotiationi præposuit: dummodò tamquam institor contraxerit, id est, eius rei causa, cui præpositus est.

Nota II. institores appellari eos, qui negotiationibus præponuntur, eò quòd negotiis gerendis instant ff. de institor. act. l. 3. Quartò in versic. *institor* producit has actiones ad contractus factos à magistris, vel institoribus, qui sunt homines liberi, aut serui alieni. suprâ namque fingebat magistrum esse seruum exercitoris, & institorem esse seruum eius quo tabernæ vel negotiationi præpositus fuit.

De actione tributaria loquitur Imp. in §. *introducitur*. Ex quo. §. 3.

T c

Nota

Nota I. hanc actionem, vt & alias, quæ ex contractibus filiorum familiæ vel seruorum competunt, esse prætoriam.

Nota II. hanc actionem vocari tributariam à tribuendo, id est, distribuendo: quia merx peculiaris, id est, ea pars peculij, in qua seruus negotiatur, inter dominum, & alios serui creditores distribuitur pro rata portione; ita vt non sit præcipua conditio domini, vt in actione de peculio, sed cæteris creditoribus exæquetur.

Nota III. in hanc actionem non venire totum peculium, nisi seruus in toto peculio negotietur. id enim tantum venit, in quo negotiatur. quamuis in actione de peculio totum peculium veniat.

Nota IV. in contextu requiri, vt seruus sciente domino negotietur. vbi subaudiendum & non contradicente. dominus enim sciens seruum negotiari nisi contradicat, consentire videtur, ff. de tribut. act. l. 1. §. scientia.

Nota V. quod dicitur seruum debere domino, accipiendum esse de naturali, non de ciuili obligatione. nam seruus nemini obligatur ciuilitè: filius autem familias parenti, in cuius potestate est tantum naturaliter, aliis ciuilitè obligatur.

Nota VI. distributionem mercis peculiaris permitti ipsi domino. sed si eius distributio sit iniqua: quia minus aliis creditoribus quàm sibi tribuat; per hanc actionem corrigitur. dicitur autem minus tribuere etiam is, qui non tribuit. ff. eod. tit. l. 7. §. si cuius.

Nota VII. dominum non cogi distribuere mercem peculiarem, sed posse, si velit, l. 7. §. 1.

§. 4. Actionem de peculio & de in rem verso, declarat Imp. in §. præterea.

Nota. actionem de in rem verso interdum esse partem actionis de peculio, vt in hoc. §. interdum esse separatam ab actione de peculio, videlicet cum actio de peculio finita est: quia post manumissionem serui, aut emancipationem filij familias, aut eorum mortem, actio de peculio est annalis. ff. quando act. de pec. ann. est. l. 1. actio de in rem verso est perpetua. ff. de in rem verso l. 1. §. 1. ergo post annum agitur de in rem verso, non de peculio: proinde actio de in rem verso separata ab actione de peculio. sed cum de peculio actio competit tunc actio de in rem verso ab ea non separatur, vt mox exponam: hic enim est casus, qui in hoc §. consideratur.

Primò

Primò Iustin. docet, qua ex causa agatur de in rem verso, & de peculio. Secundo in vers. *in rem*, docet, quomodo accipiatur in rem versum: & dat exempla, in quibus servus necessarias impensas pro domino fecit. sed idem dicendum, si sint impensæ viles. ff. *de in rem verso* l. 5. §. *quod servus*. Obiter nota, quod Iust. ait, dominum hac actione in solidum damnari. hoc enim non est omnimodo verum, sed secundum quid, id est, quatenus in rem versum est. unde in l. 1. in princ. ff. *de pecul.* hæc actio distinguitur ab actionibus in solidum competentibus, ut exercitoria & institoria. Tertiò in versic. licet, ostendit ynam esse actionem de peculio, & de in rem verso, habentem duas condemnationes: quia primò iudex dominum condemnat quatenus in rem eius versum est: deinde si plus debeatur auctori, in residuum condemnat peculio tenus. Nota, ideo esse ynam actionem, id est, actionem de in rem verso esse, partem actionis de peculio, quia in rem versum est pars peculij, quod enim servus in rem domini vertit, dominum seruo naturaliter obligat: & quemadmodum quod servus debet domino peculium minuit. *infra hoc §. vers. cum autem*. ita quod dominus debet seruo, peculium auget. ff. *de pec.* l. 7. §. *pen.*

Quartò in vers. *cum autem*, docet, quomodo peculium intelligatur, & ostendit peculium minui eo, quod servus debet domino vel eius filio, vel conseruo. Excipit tamen, nisi servus ordinarius debeat seruo suo vicario: quia cū vicarius sit in peculio ordinarij, ut notatum fuit in §. *si quis ancillam*. sup. *de leg.* certe quod servus ordinarius vicario debet, in peculio ordinarij manet. Contrà quod seruo dominus vel conseruus debet, peculium auget. ff. *de pecul.* l. 7. §. *pen.* & *ult.* Quæ de domino & seruo dicuntur, eadem obtinere in patre & filio didicimus ex vers. & quia. *suprà hoc tit.* suis in solidum damnari. §. *ult.*

His expositis, Imp. in §. *ceterum*, considerat duos dictarum actionum concursus: quia cum plures actiones concurrunt, actor eligere debet actionem, quam mouere vult. Primus concursus est actionis, de peculio & de in rem verso, cum actione quod iussu, vel institoria vel exercitoria. Imp. ostendit, commodius esse auctori, si aliqua ex his tribus actionibus utatur, quàm si agat de peculio vel de in rem verso. Secundus concursus in vers. *is quoque*, est actionis de peculio & de in rem verso cum actione tributaria. ubi Imp. ostendit,

modò hanc, modò illam actionem esse vtiliorem. nam actio de peculio persequitur totum peculium, sed in ea dominus præfertur aliis suis creditoribus: actio autem tributaria refertur solum ad mercem peculiarem, sed in ea dominus non præfertur aliis creditoribus. Obiter nota verbum *debere* tribus modis accipi. quandoque significat honestatem, *suprà. de nup. in princ.* quandoque necessitatem, *ut suprà. de excus. tut. § qui autem. & quæ. mod. re contrah. oblig. §. item is. in fin. & §. matera.* quandoque utilitatem, *ut in fin. huius §. & suprà. de nup. §. si autem. & de verb. obl. §. ult.* Hactenus de servis

§. 6.

In quarta tituli parte agitur de contractibus filiorum familias, & I. in §. *qua diximus*, dat regulam, quod *suprà* dicta de servis & dominis, obtinent etiam in filiis familiarum & eorum parentibus.

§. 7.

II. in §. *illud proprio*, excipit mutuum filio familias datum, quod inefficax redditur per senatusconsultum Macedonianum.

Nota primò hoc Senatusconsultum pertinere solum ad pecuniam numeratam, non ad alias res, quæ mutuò dantur, nisi in fraudem senatusconsulti dentur, verbi gratiâ, qui frumentum filio familias mutuum dat, ex hoc contractu efficacem actionem habet, nisi ideo dedit, ut filius familias frumentum venderet, ac pecunia vteretur. *ff. de senatusc. Maced. l. 1. in princ. mutuo.*

Nota secundò, Iurisconsultos de effectu huius senatusconsulti variè loqui. modò enim dicunt actionem denegari creditori, ut etiam Iustin. hoc loco asserit, modò dicunt exceptionem contra eum dari. Intelligendum igitur est, quotiescumque exceptio est evidens, prætorem denegare actionem, ne frustra litigetur coram iudice. cum autem exceptio dubia est, tunc prætorẽ dare actionem cum exceptione. *ff. de iur. iur. l. 1. in princ.* Exempli causâ, si Titius tibi decem debeat ex causa mutui: certum est, iure civili actionem tibi competere, etiam si iurauerit se non accepisse mutuum, vel acceperit mutuum contra Macedonianum senatusconsultum. sed ex his causis Titio contra te datur exceptio iurisiurandi, vel senatusc. Macedoniani. cum igitur tu prætorem adis, & petis actionem contra Titium: si quidem certum sit eum iurasse, vel contra senatusc. mutuum pecuniam accepisse, prætor actionem, licet iure civili competentem, tibi denegat. si verò illud dubium sit, tibi dat actionem contra Titium

sub

sub exceptione iurisiurandi, vel senatusc. ut putà prator dicet, *si parat Titium à Manio centum n. utua accepisse, nisi Titius iurauerit se non accepisse, vel, nisi Titius contra senatusconsultum Macedonianum acceperit, condemnari iudex.*

Nota tertio, exceptionem huius senatusconsulti non solum dari ipsius filiofamilias, qui contraxit, sed etiam parenti eius, necnon heredi, si fortè paterfamilias factus decesserit. *d. l. 7. §. quamquam.*

Nota quarto duplicem esse rationem huius senatusconsulti: quarum altera est odium creditoris. *ff. d. condict. indebit. l. qui exceptionem 40. §. de senatuscons. Maced. l. in pr.* Altera est fauor parentum. *vers. ult. hic.* unde constat, quia quilibet favori suo potest renunciare, non favori alieno, filiumfamilias frustrà renunciare beneficio huius senatusconsulti, quod non favore ipsius, sed patris introductum est.

Quinta pars tit. *in §. ult.* tractat de actione directà contra patrem, vel dominum competente ex filij vel serui contractu, & concurrente cum quibusdam ex suprà dictis actionibus. I Namque Imper. ostendit, hanc actionem directam concurrere cum actione quod iussu, & de in rem verso. *l. In vers. ei quoque,* ostendit eandem actionem directam concurrere cum actionibus institoria & exercitoria. Obiter nota actionem directam esse verbum homonymum. quandoque enim opponitur actioni utili, quandoque actioni contrariæ, quandoque ut *hic* actioni (ut ita dicam) obliquæ, id est, ex alterius persona competenti: interdum accipitur pro actione principalis, & opponitur actioni preparatoriæ. *C. de crimin. expilat. hered. l. 1.*

A X I O M A T A.

- 1 Verbosa disputatio vitanda est. *in prin vers. & quia. con- iun. l. 1. ff. de orig. iur.*
- 2 Qui contrahit cum seruo iussu domini contrahente, fidei domini sequi videtur. *§. 1.*
- 3 Peculium intelligitur deducto eo, quod seruus domino debet. *§. 3.*
- 4 Stultus est, qui omissa utiliori actione, aliam minùs utilem eligit. *§. 5.*
- 5 A luxuriosis liberis obærat periculum parentibus imminet. *§. 7.*

6 Partia sunt, aliquid facere & facienti consentire. §. ult.
rim.

De noxalibus actionibus.

T I T. V I I I.

EX maleficiis servorum: veluti si furtum fecerint, aut bona rapuerint, aut damnum dederint, aut iniuriam commiserint: noxales actiones proditæ sunt, quibus domino damnato permittitur, aut litis æstimationem sustinere, aut ipsum hominem noxæ dedere.

1 § Noxa autem est [ipsum] corpus quod nocuit, id est, servus: noxa ipsum maleficio, veluti furtum, damnum, rapina, iniuria.

2 § Summa autem ratione permissum est noxæ deditione fungi. Namque erat iniquum nequitiam eorum ultra ipsorum corpora dominis damnosam esse.

3 § Dominus noxali iudicio servi sui nomine conuentus, servum actori noxæ dedendo liberatur: nec minus in perpetuum eius servi dominium à domino transfertur. Sin autem damnum ei, cui deditus est, [servis] resarcierit quæsitæ pecunia: auxilio prætoris invito domino manumittetur.

4 § Sunt autem constitutæ noxales actiones aut legibus, aut edicto prætoris. Legibus: veluti furti ex lege duodecim tabularum, damni, iniuriæ ex lege Aquilia. Edicto prætoris: veluti iniuriarum, & vi bonorum raptorum.

5 § Omnis autem noxalis actio caput sequitur

tur. Nam si servus tuus noxam commiserit : quamdiu in tua potestate sit , tecum est actio. Si autem in alterius potestatem pervenerit : cum illo incipit actio esse. At si manumissus fuerit : directo ipse tenetur, & extinguitur noxæ deditio. Ex diverso quoque directa actio noxalis esse incipit. Nam si liber homo noxiam commiserit , & is servus tuus esse cœperit (quod quibusdam casibus effici primo libro tradidimus) incipit tecum esse noxalis actio , quæ ante directa fuisset.

6 ¶ Si servus domino noxiam commiserit : actio nulla nascitur. Namque inter dominum & eum, qui in potestate eius est , nulla obligatio nasci potest. Ideoque & si in alienam potestatem servus pervenerit , aut manumissus fuerit : neque cum ipso , neque cum eo, cuius nunc in potestate sit, agi potest. Vnde si alienus servus noxiam tibi commiserit , & is postea in potestate tua esse cœperit , interdicitur actio : quia in eum casum deducta sit, in quo consistere non potuit. Ideoque licet exierit de tua potestate , agere non potes : quemadmodum si dominus in servum suum aliquid commiserit , nec si manumissus aut alienatus fuerit , servus ullam actionem contra dominum habere potest.

7 ¶ Sed veteres quidem hoc in filiis familiatum masculis & fœminis admiscere : nova autem hominum conuersatio huiusmodi asperitatem recte respuendam esse existimavit, & ab usu communi hoc penitus recessit. Quis enim patiatur filium suum, & maxime filiam, in noxam alij dare : ut pene per[filij] corpus pater magis , quam filius periclitetur ; cum in filiabus etiam pudicitiae fauor hoc bene excludat. Et ideo placuit in servos tantummodo noxales actio-

nes esse proponendas : cum apud veteres legum commentatores inuenerimus sæpius dictum , ipsos filios familiarum pro suis delictis posse conueniri.

Quemadmodum ex contractu filij familiās vel serui dantur variæ actiones superiori titulo expositæ , ita ex delictis seruorum iure antiquo etiam ex delictis filiorum familiās dantur actiones noxales , de quibus hoc titulo differitur. Sunt igitur huius tituli duæ partes: prior de delictis seruorum: posterior de delictis filiorum familiās.

Princ.

In prima parte Imp. I. summam huius tractatus proponit in princ. tit. Ex quo.

Nota primò, actiones noxales dari ex delictis priuatis, vt furto, rapina, damno, iniuria: non ex publicis criminibus , vt adulterio , homicidio. ff. de adul. dict. l. quid sit fugitiuus. v. §. noxas. Itaque actio noxalis non est species actionis à cæteris distincta, sed est qualitas adiecta actionibus competentibus ex priuatis seruorum delictis, vt actio furti noxalis, actio de damno noxali, &c.

Nota secundò, dominum serui delinquentis cum ipse innocens sit posse eligere, vtrum auctori satisfaciatur soluens litis æstimationem , an seruum delinquentem noxæ dedat. quam electionem etiam post condemnationem habet , dummodò prius seruum noxæ dedat , quam actione iudicati conueniatur. ff. de pet. hered. l. item veniunt. 20. §. item rectè.

§. 1.

II. In §. 1. distinctionem ponit inter noxam & noxiam. Ad hunc §. nota, verbum *noxam* quatuor modis accipi. Primò pro delicto, ff. hoc tit. l. 1. & in hac significatione accipitur apud Virg. *Æneid.* illo loco,

Vnius ob noxam & furias Aiæcis Oilei.

Secundò pro pœna delicti. ff. si quadrup. paup. fec. dic. l. 1. §. cum arietes. Tertiò pro quouis damno, vt in eodem §. cum arietes. & apud Ouid. 5. *Metamorph.* illo versu,

Nocte nocent potæ, sine noxa luce bibuntur.

Quartò pro corpore, quod nocuit, vt hic, & infr. de offic. iud. §. 1. & ff. de his qui et iud. vel de iec. l. 1. in princ.

§. 2.

III. In §. *summa*, docet, cur hæ actiones noxales sint introductæ.

IV. In

IV. In §. *dominus*, declarat effectum harum actionum.

§. 3.

V. In §. *sunt autem*, ponit harum actionum diuisionem ab origine sumptam: quoniam aliae sunt ciuiles, aliae prætoriae: ut quibusdam exemplis in contextu explicatur. ubi quod dicitur, actionem noxalem furti esse ciuilem, ex *l. xy. tab.* minus dubitationis habet in actione furti nec manifesti, cuius poenam ciuilem esse rectè tradunt Accurs. Augustinus, Cuiac. & Contius; quamuis alij, ut Barro, dissentiant. ob furtum autem manifestum seruus ex *xij. tab.* capitali poena afficiebatur, id est, verberibus affectus deiciebatur de saxo Terpeio, ut auctor est Gell. *lib. 11. cap. 18.* proinde non poterat esse locus actioni noxali. Sed nihilominus Imperator simpliciter ait actionem furti noxalem esse ciuilem ex *xy. tab.* tamquam hoc dici possit etiam de actione furti manifesti, non quidem habita ratione primæ originis, sed ex quo huius poena à prætore facta est pecuniaria. Sic itaque mihi videtur dicendum: Poena furti manifesti est prætoria, nec manifesti est ciuilis, sed utroque casu seruus noxæ dedi potest ex dispositione legis *xij. tab.* quia lex ubi poena pecuniaria est, noxæ deditionem permittit. nec obstat quod iure posteriori sit facta poena pecuniaria: quoniam antiquæ leges trahuntur ad leges posteriores, & pertinent ad omnes casus qui quandocumque simile erunt. ff. *de legib. l. non est nouum. 26. §. l. seq.*

§. 4.

VI. In §. *omnis*, declarat proprietatem harum actionum, seu docet, contra quos competant. ubi dat regulam, quòd actio noxalis caput sequitur, id est, datur in eum, qui est dominus serui eo tempore quo agitur, licet tempore delicti non fuerit dominus: vnde si seruus manumittatur, non est amplius actio noxalis, sed directa in ipsum manumissum: quemadmodum è contrario si delinquens redigatur in seruitutem, actio, quæ contra ipsum directa competebat, noxalis aduersus dominum eius redditur.

§. 5.

VII. In §. *pen.* ostendit noxalem actionem non habere locum inter dominum, & seruum eius.

§. 6.

Secunda tituli pars in §. *ult.* corrigit antiquum ius, quo dabatur aduersus patrem actio noxalis ex delicto filij. v erat igitur filios familiarum noxæ dedi, ac permittit ipsos filios familiarum delinquentes conueniri actione directà, ut pro suis delictis puniantur.

§. ult.

A X I O M A T A.

- 1 Iniquum est, nequitiam seruorum ultra ipsorum corpora dominis damnosam esse. §. 2.
- 2 Actio noxalis caput sequitur. §. 5.
- 3 Inter dominum & seruum nulla obligatio nasci potest. §. 6.
- 4 Quod in eum casum deducitur, à quo incipere non potest, infirmatur. d. §. 6. Vide exceptionem huius. regulæ in §. ex contrario. *suprà de legat.*
- 5 Magis afficimur periculo, quod in filiorum nostrorum, quam quod in persona nostra contingit. §. ult.
- 6 Pudicitiae fauor in foeminis magis spectatur, quam in masculis. d. §. ult. coniu. princ. tit. *suprà quibus mod tut. fin.*

Si quadrupes pauperiem fecisse dicatur.

T I T. IX.

A Nimalium nomine quæ ratione carent, si qua lasciuia, aut pauore, aut feritate pauperiem fecerint: noxalis actio lege duodecim tabularum prodita est. Quæ animalia si noxæ dedantur, proficiunt reo ad liberationem: quia ita lex duodecim tabularum scripta est ut puta, *Si equus calcitrosus calce percusserit, aut bos cornu petere solitus [cornu] petierit.*

1 § Hæc autem actio in iis, quæ contra naturam mouentur, locum habet. Cæterum si generalis sit feritas: cessat actio. Denique si vrsus fugerit à domino, & sic nocuerit: non potest quondam dominus conueniri: quia desinit dominus esse, ubi fera euasit.

2 § Pau

2 § Pauperies autem est damnum sine iniuria facientis datum. Nec enim potest animal iniuriam fecisse dici quod sensu caret. Hæc quidem ad noxalem pertinet actionem.

3 § Cæterum sciendum est, ædilitio edicto prohiberi nos canem, verrem, aprum, ursum, leonem, ibi habere, qua vulgo iter fit: & si aduersus ea factum erit, & nocitum libero homini esse dicatur: quod bonum & æquum iudici videtur, tanti dominus condemnatur. cæterarum [vero] rerum quanti damnum datum sit, dupli. Præter has autem ædilitias actiones, & de pauperie locum habebit. Nunquam enim actiones, præsertim pœnales, de eadem re concurrentes alia aliam consumit.

Quemadmodum ex delictis feruorum dantur actiones noxales, ut ex superiori titulo didicimus: ita etiam de damno dato à quadrupede, ut hic tit. declarat. Cuius quidem tituli duæ sunt partes.

In prima Imp. tractat de actione noxali. Et primò *in princ.* tit. declarat huius actionis causam, originem, & effectum. Causa est, si animal lasciuia, aut feruore (sic leg. ex manu-scriptis & Theoph. non, *paure*) aut feritate pauperiem fecerit. Origo ducitur ex lege xij. tab. Effectus est, ut dominus possit animal illud noxæ dedere, ac dedendo liberetur. Nota verba illa, *quia ita lex xij. tab. scripta est* includenda esse parenthesi. nam sequentia non sunt verba legis, sed afferunt exempla pauperiei, ex qua dicta actio nascitur.

Secundò in §. *hæc autem*, docet in quibus animalibus hæc actio locum habeat: & inquit hanc actionem dari directam, si animal natura mansuetum, ut equus, aut bos, pauperiem fecerit. nam si sit animal ferum, ut ursus, aut leo, cessare inquit hanc actionem, id est, actionem directam ex verbis legis: actionem autem utilem competere testabitur in §. *ult. vers. præter*. Nota pro *genitalis sit feritas*, legendum *generis talis sit feritas*. significat enim Imper. si animal noceat, cuius genus sit natura ferum, ut ursus, hanc actionem cessare.

Tertiò

Princ.

§. i.

§. 4.

Tertiò in §. *pauperies*, definit pauperiem, & ait pauperiem esse damnum sine iniuria facientis datum. Hinc distinguitur *pauperies* à damno per iniuriam dato, de quo est lex *Aquila*. Damnum igitur à quadrupede datum vocatur *pauperies*; nec pertinet ad legem *Aquiliam*; quia lex *Aquila* loquitur de damno iniuria dato: brutum verò animal non potest videri iniuriam facere, cum sensu (id est, intellectu & voluntate) careat. nemo enim iniuriam facit, nisi volens faciat, ut *Aristot.* docet §. *Etich.*

§. ult.

In secunda parte, quæ est in §. *ult.* Imperator loquitur de actione *ædilitia*, qua is qui canem, aprum, vrsu, vel aliud simile animal ibi habet, quæ vulgò iter fit, si ab eo damnum datum sit, condemnatur in duplum damni dati. si autem homini libero nocitum sit, damnatur arbitrio iudicis. ff. *de ædilit. edict. l. hi enim. 40. & l. seqq.* quia homo liber non recipit æstimationem. ff. *de his qui eff. d. vel deier. l. 1. §. sed cum homo, & l. ult.* Hanc autem ostendit concurrere cum dicta actione civili ex lege *xij. tabul.* id est cum actione utili, ut paulò antè notavi. Rationem autem affert: quia utraque actio tam civilis, quàm ædilitia, est poenalis, & de eadem re competit, id est, de pauperie seu damno dato à cane, verre, apro, vrsu, leone: tales autem actiones possunt concurrere, & altera alteram non tollit.

Nota primò, actionis poenalis significatione hîc significari actionem mixtam: dicta enim regula, quòd actiones poenales, cum de eadem re concurrunt, alia aliam non consumit, in omnibus poenalibus actionibus locum habet, id est, siue meram poenam, siue rem & poenam persequatur.

Nota secundò, quòd hîc dicitur *de eadem re*, non restringere regulam, sed reddere casum magis dubium. nam si actiones de eadem re concurrentes, sic se habent, ut alia aliam non consumat: multò minùs alia aliam consumet, cum sunt actiones de diuersis rebus.

Nota tertiò, actionem poenalem non consumi non solum alterius poenalis concursu, sed etiam electione, id est, si actor vnam ex concurrentibus actionibus intentauerit, aliam quoque mouere poterit. ff. *de oblig. & act. l. cum ex uno 32.* dummodo in secunda actione plus sit, quàm in prima: quoniam actor secunda actione id tantum consequitur, quod primam consequi non potuit. ff. *cod. l. quoties 41. §. 1. vbi pro id consequatur*, cum *Cuiacio lib. 3. Obseru. cap. 25.* legendum, nihil conse

consequatur. verbi gratiâ, qui egit furti nec manifesti in duplum potest agere vi bonorum raptorum, quæ est actio in quadruplum, non ut consequatur totum quadruplum, sed id quod quadruplo deest, quia in hoc quadruplum imputatur duplum, quod actione furti consecutus est. ff. *vi bon. rapt. l. 1.*

A X I O M A T A.

1. Brutum animal non potest videri iniuriam facere, quia sensu caret. §. 2.
2. Actiones præsertim poenales, de eadem re concurrentes, se inuicem non tollunt. §. ult.

De his per quos agere possumus.

T I T. X.

Nunc admonendi sumus, agere posse quemlibet hominem, aut suo nomine, aut alieno. Alieno: veluti procuratorio, tutorio, curatorio: cum olim in usu fuisset alterius nomine agere non posse, nisi pro populo, pro libertate, pro tutela. Præterea lege Hostilia permissum erat furti agere eorum nomine, qui apud hostes essent, aut reipublicæ causa abessent, quive in eorum cuius tutela essent. Sed quia hoc non minimam incommoditatem habebat, quod alieno nomine, neque agere, neque excipere actionem licebat: cœperunt homines per procuratores litigare. Nam & morbus, & ætas, & necessaria peregrinatio, itemque aliæ multæ causæ sæpe hominibus impedimento sunt, quo minus rem suam ipsi exequi possint.

1. § Procurator neque certis verbis, neque præsen

præsente [semper] aduersario , imò plerunque eo ignorante constituitur. Cuicunque enim permiseris rem tuam agere , aut defendere , is tuus procurator intelligitur.

24 § Tutores & curatores quemadmodum constituantur , primo libro expositum est.

Expositis variis actionum generibus, consequenter tractatur de personis, per quas actiones mouentur.

Princ. Primò in *pr.* docet Imp. olim regulariter agi non potuisse, nisi suo nomine, exceptis certis casibus, quoniam actio definitur, ius persequendi, in iudicio quod sibi debetur. *suprà de act. in. pr.* proinde non persequitur, quòd alij debetur. Hodie autem agi posse etiam alieno nomine , vt cum procurator agit nomine domini, vel tutor nomine pupilli, aut curator nomine adolescentis.

§. I. Secundò docet, quo modo procuratores tutores, & curatores constituantur. Ac de procuratoribus quidem loquitur in §. I. Ex quo.

Nota I procuratorem constitui solo consensu, id est, mandato domini procurator enim definitur, qui mandato domini aliena negotia administrat. ff. *de procur. l. 1.* Quòd si quis sine mandato negotia aliena gerat , non est verus procurator. ff. *de iudic. l. licet. 56.* & quod iussu. *l. 2. in fin.* sed falsus procurator. ff. *rat. rem hab. l. 3. §. ultim. & de furt. l. falsus. 43. §. 1. l. si iussu 44. in princ. & C. eod. l. falsus. 19. & de procurat. l. licet. 24.* quamquam interdum abusiue procurator nominatur. ff. *de neg. gest. l. si 20, 24. & de solut. l. si quis offerenti. 58. & rat. rem hab. l. si sine 22. §. quòd si procurator. & l. ult.* propriè autem dicitur negotiorum gestor. *suprà de oblig. qua quasi ex contr. §. 1.*

Nota II. Iustinian hic tantum loqui de procuratore ad iudicia , cum procuratorum alij dentur ad iudicia , seu lites; alij ad negotia extraiudicialia administranda. ff. *de procur. l. seruum quoque. 33. in princ. & 1.*

Nota III. procuratorem qui ad lites datur, vel esse procuratorem actoris , vel rei : quorum ille dicitur datus ad agendum, hic ad defendendum, vt *hic. & infra tit. prox. §. sin autem.*

De

De tutoribus autem & curatoribus loquitur Imp. in §. ult. & inquit se libro primo exposuisse quemadmodum tutores vel curatores constituentur: nempe tutores vel dantur à testatore, vel à lege, vel à magistratu: curatores autem testamento non dantur, sed tantum lege, vel à magistratu, & interdum testamento dati, confirmantur à magistratu, ut lib. 1. expositum fuit.

A X I O M A T A.

1. Suo vel alieno nomine agere, vel actionem excipere licet. tam igitur per se, quam per alium agi, vel actio excipi potest *in pr.*
 2. Multæ causæ sæpe hominibus impedimento sunt, quominus rem suam ipsi exequi possint *eod. pr.*
 3. Procurator solo consensu constituitur. §. 1.
-

De satisfactionibus.

T I T. XI.

Satisfactionum modus alius antiquitati placuit, alium novitas per usum amplexa est. olim enim si in rem agebatur, satisfacere possessor compellebatur, ut si victus [esset,] nec rem ipsam restitueret, nec litis æstimationem: potestas esset petitori, aut cum eo agendi, aut cum fideiussoribus eius. quæ satisfactio appellatur *iudicatum solvi*. Vnde autem sic appelletur, facile est intelligere. Namque stipulabatur quis ut solveretur sibi, quod fuisset iudicatum. Multò magis, is qui in rem actione conveniebatur, satisfacere cogebatur, si alieno nomine iudicium accipiebat. ipse autem qui in rem agebat, si suo nomine petebat, satisfacere non cogebatur. Procurator vero si in rem agebat

[satisf

satisficere iubebatur, rem ratam dominum habiturum. Periculum enim erat, ne iterum dominus de eadem re experiretur. Tutores [vero] & curatores eodem modo, quo & procuratores satisfacere debere, verba edicti faciebant: sed aliquando his agentibus satisfactio remittebatur. Hæc ita [erant,] si in rem agebatur.

1 ¶ Si vero in personam: ab actoris quidem parte eadem obtinebant, quæ diximus in actione, qua in rem agitur. ab eius vero parte, cum quo agitur, siquidem alieno nomine aliquis interveniret; omnimodo satisfaceret, quia nemo defensor in aliena re sine satisfactione idoneus esse creditur. Quod si proprio nomine aliquis iudicium accipiebat in personam, *iudicatum solvi*, satisfacere non cogebatur.

2 ¶ Sed hodie hæc aliter observantur. Siue enim quis in rem actione convenitur, siue personali suo nomine: nullam satisfactionem pro litis æstimatione dare compellitur: sed pro sua tantum persona, quod in iudicio permaneat usque ad terminum litis, vel committitur suæ promissioni cum iureiurando (quam iuratoriam cautionem vocant) vel nudam promissionem, vel satisfactionem pro qualitate personæ suæ dare compellitur.

3 ¶ Sin autem per procuratorem lis vel inferatur vel suscipitur: in actoris quidem persona, si non mandatum actis insinuatum est, vel præsens dominus litis in iudicio procuratoris sui personam confirmaverit: ratam rem dominum habiturum satisfactionem procurator dare compellitur: eodem observando, & si tutor, vel curator, vel aliæ tales personæ, quæ alienarum rerum gubernationem receperunt, litem quibusdam per alium inferunt.

4 ¶ Si

4 ¶ Si vero aliquis conuenitur : siquidem præsens procuratorem dare paratus est : potest vel ipse in iudicium venire , & sui procuratoris personam per *iudicatum solui* , satisfactionem solemni stipulatione firmare , vel extra iudicium satisfactionem exponere , per quam ipse sui procuratoris fideiussor existat pro omnibus *iudicatum solui* , satisfactionis clausulis. vbi & de hypotheca suarum rerum conuenire compellitur : siue in iudicio promiserit , siue extra iudicium cauerit : vt tam ipse , quam hæredes eius obligentur. Alia insuper cautela , vel satisfactione propter personam ipsius exponenda , quod tempore sententiæ recitandæ in iudicium veniet : vel si non venerit , omnia dabit fideiussor , quæ in condemnatione continentur , nisi fuerit prouocatum.

5 ¶ Si vero reus præsto ex quacunque causa non fuerit , & alius velit defensionem eius subire : nulla differentia inter actiones in rem vel personales introducenda , potest hoc facere : ita tamen , vt satisfactionem *iudicatum solui* , pro litis æstimatione præstet. Nemo enim secundum veterem regulam (vt iam dictum est) alienæ rei sine satisfactione defensor idoneus intelligitur.

6 ¶ Quæ omnia apertius & perfectius à quotidiano iudiciorum vsu in ipsis rerum documentis apparent.

7 ¶ Quam formam non solum in hac regia vrbe , sed [etiam] in omnibus nostris prouinciis (etsi propter imperitiam forte aliter celebratur) obtinere censemus : quum necesse sit , omnes prouincias , cas ut omnium nostrarum ciuitatum , id est , hanc regiam vrbem , eiusque obseruantiam sequi.

Hic titulus pulchrè cohaeret superiori: quia satisfactiones praecipuè praestantur ab iis, qui alieno nomine agunt: & diuersimodè cauetur pro diuersitate personarum, vt ex sequentibus apparebit. Sumitur autem hæc inscriptio ab eo, quod regulariter fit. nam regulariter satisfidatur, interdum tamen repromittitur, interdum iuratur, vt exponam ad §. *sed hodie*, vbi habes tria cautionum genera, videlicet satisfidationem, iuratoriam cautionem, & repromissionem. *Satisfidatio* est cautio, quæ fit datis fideiussoribus. ff. *qui satisfid. cog. l. 1.* interdum datis pignoribus. ff. *de collat. bon. l. 1. §. iubet.* Iuratoria cautio est, quæ non confirmatur fideiussoribus, aut pignoribus, sed iureiurando. Repromissio est nuda cautio, id est, simplex promissio, sine fideiussoribus, sine pignoribus & sine iureiurando.

Nota, satisfidationes prætorias, quales sūt hæc de quibus *hoc tit.* agitur, non admittere pignora, sed requirere personas fideiussorum. ff. *de stip. præ l. 7.* Huius tituli duæ sunt partes.

Princ. In prima parte explicatur ius antiquum. Et primo *in prætit.* consideratur iudicium in rem: vbi dantur tres regulæ; prima de reo conuento, & de eius procuratore: secunda de eo qui suo nomine agit: tertia de procuratore actoris. Prima regula est: Reus vel eius procurator satisfidare debet iudicatum foui, id est, se satisfidaturum sententiæ, si condemnabitur.

Nota tamen, hanc cautionem iudicatum solui habere tres clausulas I. A qua denominationem accepit, de eo soluendo quod iudicatum erit, id est, quod in condemnationem venerit. II De defendendo, id est, de iudicio non deferendo. III. De dolo malo, id est, dolum abesse, abfuturumque esse. ff. *ulic. sol. i. d. .*

Secunda regula est in vers *ipse*. Agens suo nomine, non satisfidat.

Tertia regula est in vers *procurator*. Agens alieno nomine, regulariter satisfidat: aliquando tamen satisfidationem præstare non tenetur, id est, satisfidationem de rato, seu ratam rem dominum habiturum. Intellige (quod nunc quod in vsu est si dubitetur, an is, qui alieno nomine agit, sit verus procurator, vel tutor, vel curator, eum cauere de rato. si verò constet eum esse verum procuratorem, vel tutorem, vel curatorem, satisfidationem non requiri. ff. *de procur. l. si procurator. m. 65.*

Secundò

Secundò in §. i. loquitur de iudicio personali: vbi dat tres §. 1.
regulas. I. Ex parte actoris eadem obtinet in iudicio perso-
nali, quæ suprà dicta sunt de iudicio reali. II. Qui alieno
nomine conuenitur, satisfat iudicatum solui. III. Qui suo
nomine conuenitur, non satisfat, iudicatum solui. Si placet
hoc ius antiquum in pauca contrahere, dicendum est, ex
parte actoris vno casu satisfari de rato, cum alieno nomi-
ne agitur, ac dubitatur de mandato procuratoris, vel officio
tutoris, aut curatoris, aliàs non satisfari: ex persona rei vno
casu non satisfari, cum quis suo nomine actione personali
conuenitur, aliàs satisfari iudicatum solui.

Secunda tit. pars declarat ius nouum. ac primò Imper. do- §. 2.
cet, quid, & quomodo caueatur, vbi dat sex regulas. Prima
regula est in princ. §. sed hodie, Reus suo nomine conuentus
non satisfat pro litis æstimatione, id est, iudicatum solui.
Secunda regula est in vers. sed pro sua Reus suo nomine con-
uentus cauet se in iudicio mansurum vsque ad terminum
litis, id est vsque ad sententiam definitiuam, quæ per abso-
lutionem vel condemnationem liti finem imponit. ff. de re
iud. l. i. cauet (inquam) aliàs satisfactione, interdum iuratoria
cautione, quandoque nuda repromissione. Satisfactio regu-
lariter requiritur: & quidem regulariter idonei fideiussores
dari debent, exceptis necessariis personis, vt parentibus &
patronis, qui qualescumque fideiussores dare possunt. ff. in
ius voc. vt eant. l. i. 2. & 3. & qui satisfat. cog. l. 2. §. proptor. Iura-
tò cauent, l. Viri Illustres. C. de dignitat. l. pen. II. Qui immo-
bilia bona possident. C. de princip. agent. in reb. l. ult. Repro-
mittunt, id est, nudam cautionem præstant, l. Respublica ff.
vt legat. nom. cau. l. 6. §. 1. II. Clerici quibusdam casibus. C. de
episcop. & cleric. cum clericis. 25. §. 1. l. omnes. 33. §. in hac au-
tem.

Tertia regula est in §. sin autem per procuratorem. Qui no- §. 3.
mine alieno agit, de rato satisfat, nisi liquidò constet eum
esse verum procuratorem, vel tutorem, aut curatorem.

Quarta regula est in princ. §. si verò aliquis. Qui per procu- §. 4.
ratorem iudicium suscipit, pro eo fideiubere potest iudica-
tum solui. In hac regula Imper. supponit procuratorem rei
conuenti satisfare debere iudicatum solui. idcirco docet
hunc procuratorem posse fideiussorem dare ipsum dominū
litis, à quo mandatū accepit. Duo verò de hac cautione Im-
perat. notat. Vnū est, quòd dominus qui pro suo procuratore
fideiubet,

fideiuber, non tantum se, sed etiam bona sua obligare hoc nomine tenetur. Alterum est, quod hæc obligatio transit in eius hæredes, quod non est speciale & huius casus proprium, sed in omnibus fideiussoribus obtinet. *sup. de fideiuss.*
 §. *fideiussor non tantum.* Quinta regula est in versic. *alia.* quod in dicto casu, id est, cum dominus litis pro suo procuratore fideiuber, tenetur pro sua persona satisfacere, id est, alio fideiussore dato cauere, quod tempore sententiæ definitivæ pronunciandæ in iudicium veniet, ut possit sententiæ satisfacere: aut si ipse non veniet, saltem fideiussor ille iudicatum soluet.

§. 5.

§. 6.

§. ult.

Sexta regula est in §. *si verò reus.* Procurator rei absentis cogitur satisfacere iudicatum solui.

Secundò in §. *pen.* docet perfectam harum cautionum doctrinam ex foro & praxi petendam esse.

Tertiò in §. *ult.* docet has cautiones ubique locum habere: ita ut ea, quæ suprà tradita sunt, non solum in veteri aut nova Roma, sed etiam in omnibus ciuitatibus Romano Imperio subiectis obtineant.

A X I O M A T A.

- 1 Nemo alienæ rei defensor idoneus est sine satisfactione §. 1. & §. 5.
- 2 Perfectior iuris doctrina ex quotidiano iudiciorum usu percipitur. §. 6.
- 3 Omnes provinciæ caput imperij, id est, regis urbis observantiam sequi debent. §. ult.

De perpetuis & temporalibus actionibus, & quæ ad hæredes & in hæredes transeunt.

T I T. XII.

HOc loco admonendi sumus, eas quidem actiones, quæ ex lege senatusve-consulto, siue ex sacris constitutionibus proficiuntur, perpetuo solere antiquitus competere, donec sacræ constitutio

constitutiones, tam in rem, quam in personam actionibus certos fines dederunt: eas vero, quæ ex propria prætoris iurisdictione pendent, plerumque intra annum vivere: nam & ipsius prætoris, intra annum erat imperium. Aliquando tamen & in perpetuum extenduntur; id est, usque ad finem ex constitutionibus introductum: quales sunt eæ, quas bonorum possessori, cæterisque qui hæredis loco sunt, adcommodat. Furti quoque manifesti actio, quamvis ex ipsius prætoris iurisdictione proficiscatur: tamen perpetuo datur, absurdum enim esse existimavit anno eam terminari.

1 ¶ Non autem omnes actiones quæ in aliquem aut ipso iure competunt, aut à prætore dantur: & in hæredem æque competunt, aut dari solent. Est enim certissima iuris regula, ex maleficiis pœnales actiones in hæredem [rei] non competere [veluti] furti, vi bonorum raptorum, iniuriarum, damni iniuriæ. Sed hæredibus huiusmodi actiones competunt, nec denegantur, excepta iniuriarum actione, & si qua alia similis inveniatur. Aliquando tamen etiam ex contractu actio contra hæredem non competit: veluti cum testator dolose versatus sit, & ad hæredem eius nihil ex eo dolo peruenit. Pœnales autem actiones, quas supra diximus, si ab ipsis principalibus personis fuerint contestatæ, & hæredibus dantur, & contra hæredes transeunt.

2 ¶ Superest, ut admoneamus, quod si ante rem iudicatam is, cum quo actum est, satisfaciat actori: officio iudicis convenit eum absolvere, licet in ea causa fuisset iudicij accipiendi tempore, ut damnari deberet, & hoc est, quod antea vulgo dicebatur, omnia iudicia absolutoria esse.

Expositis diuersis actionum generibus, & personis per quas actiones mouentur, consequenter videndum est, quando agi possit. Quæ quæstio dissoluitur duplici actionum diuisione allata, id est, quia omnis actio vel est perpetua, vel temporalis, & rursus vel est transitoria ad heredes, vel non transitoria. Huius tit. tres sunt partes.

Print. Primò in *princ. tit.* declarat Imper. priorem ex dictis diuisionibus; ac docet ciuiles actiones esse perpetuas; prætorias verò partim esse perpetuas, partim temporales, quæ maxima ex parte sunt annales.

Nota I. actionem perpetuam dici, quæ olim perpetuò compete-
bat, sed hodie terminatur certis finibus, id est
spatio 30. vel 40. annorum.

Nota II. cum dicimus actionem prætoriam esse annalem, intelligendum esse annum vtilem, non continuum.
ff. de vi & vi arma. l. 1. §. annus.

Nota III. petitionem hereditatis tam prætoriam, quam ciuilem esse perpetuam. De ciuili agitur in *tit. ff. de petit. hered.* Prætoriam verò est, quæ datur bonorum possessori, de qua in *tit. ff. de poss. hered.* Item quæ datur fideicommissario vniuersali. *suprà de fideic. hered. §. & Neronis.* de qua in *tit. ff. de fideic. hered. petit.*

Nota IV. actionem furti manifesti esse prætoriam, quod est intelligendum de actione in quadruplum, quæ nunc est in vsu. lege notata ad §. *sunt autem. suprà de noxal. act.*

§. 1. Secundò in §. 1. declarat alteram diuisionem, quòd aliæ actiones transeunt in heredes, aliæ non transeunt. Intellige heredes tam ex parte actoris, quam ex parte rei. Hæc diuisio æquè conuenit actionibus ciuilibus, & prætoriis, vt Imper. indicat illis verbis, *aut ipsi iure competunt, aut à prætore dantur.* Cum enim dicimus ipsum ius, significamus ius ciuile. Vis huius diuisionis explicatur quibusdam regulis. I. Regula est, Actiones ex maleficiis pœnales non competunt in heredem rei. Quod dicitur, *ex maleficiis*, debet latius accipi, vt complectatur etiam quasi maleficia. *suprà de oblig. qua quasi ex delict. §. vlt.* Idèò autem dicimus pœnales: quoniam actiones rei persecutoriæ quamuis ex maleficiis nascantur, tamen in heredes competunt, vt condictio furtiua. *suprà de oblig. qua ex delicto, §. vlt. & ff. de condict. furti. l. 7. §. vlt.* & actio rerum amotarum, *ff. rerum amotar. l. 6. §. item heres, & C. eod. l. vltim.* Pœnalia

nalium verò appellatione non solum actiones merè pœnales, sed etiam mixtæ continentur, vt ex sequentibus exemplis apparet. II Regula est: Etiam actiones pœnales ex maleficiis dantur heredibus actoris. Excipit Imper. actionem iniuriarum, & alias similes, vt actionem in factum in eum qui sine venia parentem, vel patronum in ius vocauit. ff. *de iniur. vocan. l. penultim.* III. Regula est: Actiones ex contractibus non solum dantur heredibus actoris, sed etiam contra heredes rei. Appellatione autem contractuum continentur etiam quasi contractus. ff. *de obligat. & act. l. ex contractibus 49.* Excipit Imper. cum defunctus in contrahendo doloſè versatus est; & ex eo dolo nihil ad heredem peruenit. In interdicto quoque de precario hoc obtinet, vt heres ex dolo defuncti non teneatur, nisi quid ad eum peruenerit ff. *de precar. l. quassum 8. §. ult.* Ne intelligas ob hanc causam numquam dari actionem in heredem; sed tantum certis casibus non dari. plerumque enim ex dolo contrahentis heres tenetur. ff. *depos. l. 7. §. 1. de obligat. & act. l. ex contractibus. 49. & de diuers. reg. iur. lib. hoc iure 152. §. ult. & l. ad ea que. 157. §. ult.* Sequentes tamen actiones ex dolo defuncti non dantur in heredes. Prima est actio ex stipulatu, si defunctus, cum iniuriarum ageret, iudicio fisci stipulatus sit quamuis enim stipulatio regulariter patiat actionem perpetuam: quia tamen hoc calu accedit actioni iniuriarum, idcirco quemadmodum morte tollitur actio iniuriarum, ita etiam tollitur hæc actio ex stipulatu. ff. *si quis caution. l. si eum 10. §. vltim* Secunda est actio in factum, qua tenetur mensor qui falsum modum dixit. ff. *si mensor falsum modum dixerit. l. 3. §. penult. & l. 4.* Tertia est actio tributoria. ff. *de tribut. act. on. l. 7. §. ult. & l. seq.* Ex dictis patet, in hoc contextu legendum, non competit, cum testator, &c. deleta particula *veluti*, quæ malè interiecta est, & rectè abest à vet. lib. vt Cuiacius notat. Dictis regulis Iustin. addit generalem limitationem: quoniam omnis actio per litis contestationem perpetuatur, ne iudicium reddatur elusorium. itaque transit ad heredes actoris, & in heredes rei. Hæc exceptio specialiter traditur in actione tutelæ. ff. *de fideiussor. tutor. l. vltim. §. 1. & C. de in litem iurand. l. penult.* aliisque exceptionibus adiungitur, C. *de hered. tut. l. 1.*

§. ult.

Tertiò in §. ult. proponit quandam actionum & iudiciorum proprietatem, quæ non pertinet ad rubricam huius tit. Proprietas hæc est, quod omnia iudicia sunt absolutoria, non quod semper rei absoluantur, sed quia semper contingere potest ut reus absolvatur, etenim si debitor non sit, sine dubio absolui debet. Si verò sit debitor, poterit iudicio pendente satisfacere aëtori : tuncque iudex poterit eum absolvere. Quod si ante litem contestatam satisfaciat, non cogitur iudicium subire. ff. de proc. l. si reus 73.

A X I O M A T A.

- 1 Ciuiles actiones sunt perpetuæ. in princ.
- 2 Pleræque actiones prætorix sunt annales. eod. princ.
- 3 Petitio hæreditatis, tam directæ, quam utilis, est perpetua. eod. princ.
- 4 Actio furti est perpetua. eod. princ.
- 5 Ex maleficiis poenales actiones in hæredem non competunt, pleræque tamen hæredi competunt. §. 1.
- 6 Litis contestatio actionem perpetuat. d. §. 1.
- 7 Qui aëtori iudicio pendente satisfacit, absolui debet. §. ult.
- 8 Omnia iudicia potestate sunt absolutoria. d. §. ult.

De exceptionibus.

T I T. XIII.

SEquitur, ut de exceptionibus dispiciamus. Comparatæ autem sunt exceptiones defendendorum eorum gratia, cum quibus agitur. Sæpe enim accidit, ut licet ipsa persecutio, qua aëtor experitur, iusta sit; tamen iniqua sit aduersus eum, cum quo agitur.

¶ Verbi gratia, si metu coactus, aut dolo inductus, aut errore lapsus stipulanti Titio promisisti, quod

quod non debueras [promittere :] palam est, iure civili te obligatum esse : & actio, qua intenditur dare te oportere, efficax est : sed iniquum est te condemnari. Ideoque datur tibi exceptio, quod metus causa, aut doli mali, aut in factum composita ad impugnandam actionem.

2 § Idem iuris est, si quis [quasi] credendi causa pecuniam à te stipulatus fuerit, neque numerauerit. Nam eam pecuniam à te petere posse eum, certum est. dare enim te oportet : quum ex stipulatione tenearis. Sed quia iniquum est, eo nomine te condemnari, placet exceptione pecuniæ non numeratæ te defendi debere. cuius tempora nos (secundum quod iam superioribus libris scriptum est) constitutione nostra coarctauimus.

3 § Præterea debitor si pactus fuerit cum creditore, ne à se pecunia peteretur, nihilominus obligatus manet : quia pacto conuento obligationes non omnino dissoluantur, quia de causa efficax est aduersus eum actio, quam actor intendit, *Si apparet eum dare oportere* : sed quia iniquum est, contra pactiorem eum condemnari : defenditur per exceptionem pacti conuenti.

4 § Æque si debitor creditore deferente iurauerit, nihil se dare oportere : adhuc obligatus permanet : sed quia iniquum est de periurio queri : defenditur per exceptionem iurisiurandi. In iis quoque actionibus, quibus in rem agitur, æque necessariae sunt exceptiones veluti si petitore deferente possessor iurauerit eam rem suam esse, & nihilominus petitor eandem rem vindicet. licet enim verum sit, quod intendit, id est, rem eius esse : iniquum tamen est possessorem condemnari.

V v §

§ § Item

5 § Item si in iudicio tecum actum fuerit, siue in rem, siue in personam: nihilominus obligatio durat: & ideo ipso iure de eadem re postea aduersus te agi potest; sed debes per exceptionem rei iudicatæ adiuuari.

6 § Hæc exempli causa retulisse sufficiat. Alioqui quam ex multis variisque causis exceptiones necessarie sint: ex latioribus Digestorum seu Pandectarum libris intelligi potest.

7 § Quarum quædam ex legibus, vel ex iis, quæ legis vicem obtinent, vel ex ipsius prætoris iurisdictione substantiam capiunt.

8 § Appellantur autem exceptiones aliæ perpetuæ & peremptoriæ, aliæ temporales & dilatoriæ.

9 § Perpetuæ & peremptoriæ sunt, quæ semper agentibus obstant, & semper rem, de qua agitur, perimunt: qualis est exceptio doli mali, & quod metus causa factum est, & pacti conuenti, cum ita conuenerit, ne omnino pecunia peteretur.

10 § Temporales atque dilatoriæ sunt, quæ ad tempus nocent, & temporis dilationem tribuunt: qualis est pacti conuenti, cum ita conuenerit, ne intra certum tempus ageretur, veluti intra quinquennium, nam finito eo tempore non impeditur actorem exequi. Ergo ij, quibus intra certum tempus agere volentibus obiicitur exceptio aut pacti conuenti aut alia similis: differre debent actionem, & post tempus agere. Ideo enim & dilatoriæ istæ exceptiones appellantur. Alioqui si intra tempus egerint, obiectaque sit exceptio: neque eo iudicio quicquam consequentur, propter exceptionem, neque post tempus olim agere

agere poterant: cum temere rem in iudicium deducebant, & consumeabant, qua ratione rem amittebant. Hodie autem non ita stricte hoc procedere volumus, sed cum, qui ante tempus pactionis vel obligationis litem inferre ausus sit, Zenonianæ constitutioni subiacere censemus, quam sacratissimus legislator de iis, qui tempore plus petierint, protulit: vt & inducias, quas ipse actor sponte iudulserit, vt quas natura actionis continet, si contempserit: in duplum habeant ij, qui talem iniuriam passi sunt: & post eas finitas non aliter litem suscipiant, nisi omnes expensas litis antea acceperint: vt actores tali pœna perterriti, tempora litium doceantur obseruare.

II ¶ Præterea etiam ex persona sunt dilatoriæ exceptiones, quales sunt procuratoriæ: veluti si per militem aut per mulierem agere quis velit. Nam militibus, nec pro patre, vel matre, vel vxore, nec ex sacro rescripto procuratorio nomine experiri conceditur: suis vero negotiis superesse sine offensa [militaris] disciplinæ possunt. Eas vero exceptiones, quæ olim procuratoribus propter infamiam vel dantis, vel ipsius procuratoris opponebantur: cum in iudiciis frequentari nullo modo perspeximus, conquirere sancimus: nedum de iis altercatur, ipsius negotij disceptatio proteletur.

Exceptio est actionis exclusio. ff. hoc tit. l. 2. in princip. quomobrem tractatui de actionibus rectè subiicitur hic titulus de exceptionibus. vt enim actor contra reum agit, ita reus contra actorem excipit. Adde, quod vocabulis latè acceptis, quemadmodum replicatio appellatione exceptionis *infra tit. prox. §. quarum*, ita exceptio appellatione exceptionis contineri potest. ff. hoc tit. l. 1. licet propriè loquendo, actio & exceptio distinguantur, ff. de verb. sign. l. verbum oportet *hic* 8. §. 1. Tres sunt partes huius tituli.

Princ.

In prima parte Imperator nectit hunc tit. cum præcedentibus. In secunda, quæ est in versic. *comparata*, docet, cur exceptiones sint introductæ, & quis sit earum usus. hæc autem doctrina nititur distinctione æquitatis à stricto iure: cum enim actio iusta est, id est, stricto iure competit; iniqua tamē est, hoc est, æquitati repugnat; adeo ut strictum ius sit pro actore, æquitas autem reo faueat: tunc reo succurritur per exceptionem.

§. 1.

Hanc exceptionem, rationem & utilitatem declarat Imper. variis exemplis. Primum exemplum in §. 1. est exceptio metus: si quis enim metu coactus aliquid promisit, ius strictum ex promissione contra eum dat actionem; æquitas autem ex metu eidem tribuit exceptionem. Nota, ex metu dari actionem & exceptionem. De actione agitur in tit. *quod metus causa*. De exceptione autem in tit. *de doli mali & metus exceptione*. Secundum exemplum in eodem §. 1. est exceptio doli, cum scilicet aliquis dolo aduersarij deceptus, ei aliquid promisit. Huius exceptionis & præcedentis expositio similis est: & sicuti ex metu, ita etiam ex dolo tam actio, quam exceptio competit. De actione agitur in tit. *de dolo*. De exceptione verò in d. tit. *de doli mali & metus exceptione*. Obserua differentiam inter doli actionem, & exceptionem: quia doli actio est subsidiaria, quæ non datur nisi omnibus aliis remediis deficientibus, ff. *de d. l. l. 1. §. ait prætor. & 2. §§. seqq.* doli autē exceptio concurrit cum omnibus aliis exceptionibus, propterea quod dolo malo facit actor, quotiescumque aliquid petit, cum ei petitioni obstat exceptio. ff. *de doli except. l. 2. §. & generaliter*. Tertium exemplum in eo. §. 1. est exceptio in factum, quæ nascitur ex errore promittentis, si quis enim per errorem promiserit, cum falso putaret se debere, tenetur quidem stricto iure, propter promissionem, sed prætor ex bono & æquo ratione iusti erroris ei per exceptionem succurrit.

§. 2.

Quartum exemplum in §. *idem iuris*, est exceptio non numeratæ pecuniæ, de qua dictum fuit *suprà tit. de liter. oblig.*

§. 3.

Quintum exemplum in §. *præterea*, est exceptio pacti.

Nota I. Imperatorem loqui de pacto liberatorio, quod est pactum de non petendo, aliud est pactum obligatoriū, veluti si quis paciscatur ut sibi dentur decē, verumtamen hæc

hoc etiam pactum obligatorium, quamuis non valeat ad agendum, tamen in mutuis obligationibus valet ad excipiendum, regulariter enim pacta non pariunt actionem, sed exceptionem, ut docet Vlpianus in l. 7. ff. de pactis. Exempli gratia, si tibi ades vendiderim, & postea ex intervallo mecum paciscaris, ut de evictione tibi caueam duplæ stipulatione, vel ut tibi caueam datis fideiussoribus: ex hoc pacto non potes aduersus me agere, ut duplam promittam, vel fideiussores præstent: quia est pactum nudum quod non parit actionem. sed si ego contra te agam ex vendito, tu poteris ex dicto pacto contra me excipere, atque ita me summovere, nisi pacto satisfaciam. ff. de contrahend. empt. l. pacta conuenta 72. in princ.

Nota II. non omnino pactis obligationes dissolui, id est, non dissolui ipso iure, sed tantum ope exceptionis, his enim duobus modis obligationes solvuntur. & modi quidem, quibus obligatio ipso iure soluitur, expositi supra fuerunt sub tit. quibus modis toll. oblig. hic autem titulus est de modis qui ope exceptionis obligationem infirmant.

Nota tertio duos casus à dicta regula exceptos quibus obligatio per pactum tollitur ipso iure. I. Si obligatio nudo consensu constet. supra quibus modis toll. oblig. §. vlt. II. Si sit pactum legitimum. ff. de pact. l. 6. & l. 7. §. si paciscar. ne operetur prætorium. ff. eod. l. si tibi 17. §. 1.

Sextum exemplum in §. aquè, est exceptio iurisiurandi.

Nota I. Iusiurandum non prodesse ei qui iuravit, si temerè & sponte sua iuravit, sed ita demum, si deferente aduersario vel iudice iurauerit. ff. de iureiur. l. 3. in princ.

Nota II. ex iureiurando nasci actionem, si quis iurauerit §. 4. rem sibi deberi, vel rem suam esse, ut expositum fuit in §. si qui postulante, supra de act. item nasci exceptionem, si quis iurauerit se rem non debere, vel rem quæ petitur suam esse, ut hic, aut petitoris non esse. ff. de iureiur. l. sed si possessori in princ.

Nota III. iniquum esse, ut de periurio quærat: quia religioni standum est, videlicet in quæstione de ea re, super qua iuratum fuit. sed hoc non obstat, quominus alio iudicio de periurio quærat, & periurus extraordinaria poena afficiatur, ut docui Cent. 3. quæst. 79.

Septimum exemplum in §. item si in iudicio, est, exceptio §. 5. rei iudicatæ.

Nota

Nota I. rem iudicatam dici in iure civili statim ac iudex condemnans vel absolvens sententiam definitivam pronunciauit. ff. de re iud. l. 1. In iure autem Canonico & apud Doct. in praxi dicitur sententia transire in rem iudicatam, cum non potest amplius appellatione rescindi.

Nota II. quemadmodum ex sententia condemnatoria datur actio iudicati, de qua in d. tit. de re iud. ita etiam ex sententia absolutoria dari exceptionem rei iudicatæ, de qua hic & in tit. ff. de except. rei iudic.

Nota III. tum demum huic exceptioni locum esse, cum petitur eadem res, de qua iudicatum fuit, id est, idem corpus, vel eadem quantitas, necnon idem est ius, & eadem causa petendi: item eadem est conditio personarum. ff. d. tit. de except. rei iudic. l. cum qua. itur. 12. cum duab. ll. seqq.

§. 6.

His septem exemplis expositis plura alia possunt adiungi. sed Imper. in §. hac exempli, iubet reliqua peti ex Digestis, præsertim ex li. 44. Digestorum, qui totus ferè est de exceptionibus. Hactenus exposita & exemplis illustrata est ratio & utilitas exceptionum.

§. 7.

In tertia tituli parte Iustin. ponit exceptionum diuisiones. Prima diuisio est in §. quarum. quod aliæ sunt exceptiones legitimæ seu civiles quæ iure civili sunt introductæ, arque hæc ipso iure obligationem & actionem tollunt, vt exceptio pacti de iniuria, vel de furto: ff. de pact. l. 6. l. 7. §. pacti. car. l. si tibi 17. §. 1. aliæ sunt prætorix, vt exceptio doli, vel metus, & plerumque exceptio pacti.

§. 8. 9. 10.

Secunda diuisio est in §. appellantur, quod aliæ sunt exceptiones perpetuæ & peremptoriæ, quæ definitione & exemplis declaratur in §. perpetua. aliæ temporales & dilatoriæ, quæ similiter explicantur in §. temporales. vbi etiam addit effectum harum exceptionum temporalium, de quo dictum fuit supra de act. §. si quis agens.

Nota, hanc diuisionem sumi ad effectum. dicuntur enim perpetuæ & temporales exceptiones, quæ habent hanc vim & hunc effectum, vt actionem cui opponuntur, in perpetuum perimant. temporales autem & dilatoriæ, quæ ad tempus differunt. quod cum in contextu disertis verbis tradatur, mirum est, Doct. hoc non animaduertisse, ideoque adiecis-
huic diuisioni tertium genus, id est, exceptiones, quas vocat anomalas, Exempli gratiâ, exceptio non numeratæ pecuniæ ex vna parte videtur esse perpetua, quia in perpetuum actio-

nem

nem perimit: ex altera parte videtur temporalis, quia biennium concluditur, & post biennium non datur. atqui non dicitur exceptio temporalis à tempore, intra quod competit; sed à tempore, quo actionem perimit. Ergo hæc exceptio nullo modo est temporalis, nec dicenda est anomala, sed est verè perpetua, prout exceptio perpetua, & temporalis hic accipiuntur. Sed si hæc vocabula ita accipias in hac diuisione exceptionis, ut sumuntur in diuisione actionis, cum dicimus actionem esse perpetuam, vel temporalem. *suprà de perp. & temp. act. in princ.* ita ut perpetuum vel temporale dicantur ratione durationis, non ratione effectus: certe hæc exceptio non numeratæ pecuniæ est temporalis, nisi per querelam intra biennium perpetuetur. *C. de non numeratæ pecun. l. in contrahiendis 14. §. in omni.*

Porro exceptionum dilatoriarum quædã dicuntur sumi ex persona, ut Imp. docet *§. ult.* ut exceptiones procuratoris, id est, quæ procuratorem suum mouent, quasi non possit *§. ult.* procuratoris officio fungi. eiusmodi exceptiones tres in cōtextu proponuntur. I. Exceptio militis nam miles non potest esse alterius procurator, ne hac ratione auocetur à militia. *C. de procur. l. 7. & l. 9.* II. Exceptio sexus: quia procuratoris officium virile est, ideoque mulieres ab eo summoventur. *C. eod. l. 4. l. licet. . . 8* III. Exceptio infamiæ. sed hanc Imp. abolet, ne hoc prætextu iudicia differantur unde Doct. inter aduocatos & procuratores rectè differentiam constituunt. cum enim infames ab omnibus dignitatibus arceantur. *C. de dign. l. 2. & l. 6.* apparet, officium procuratoris, ad quos infames admittuntur, dignitate carere: aduocati autem officium, à quo infames repelluntur, *ff. de postul. l. 1. §. secundo loco. §. remoue. & §. ait prætor.* dignitatem in se continere. Non tamen propterea probo, quod Doct. asserunt, procuratorum officium esse vile & sordidum. I. Quia non quicquid dignitate caret, cōtinuò vile & abiectum est: sed quædã sunt dignitatibus & sordidis officiis interiecta, quæ nec dignitatem nec indignitatem arguunt. II. Quia Imp. non dicit se admittere infames ad officium procuratorum obeundum, propterea quod sit officium vile & sordidum: sed verat de procuratoris infamia quæri, cum quia huiusmodi exceptio in iudiciis non frequentabatur, tum etiam ne lites protrahantur. III. Quia cum procuratore coniungit eum, qui procuratorẽ dedit, & tã de huius, quàm de illius infamia

mia quæri prohibet; quare si hinc colligi posset, officium procuratoris esse vile & abiectum, eadem ratione colligeretur viles personas esse, quæ per procuratorem litigant, cum tamen honestius sit per procuratorem, quam per se litigare. *suprà de iniur. §. summa, & C. eod. l. ult.* Hæc ita iure ciuili obtinent, sed iure can. infames à procur. officio remouentur. 3 q. 7. cap. infamis, & cap. seq.

AXIOMATA.

- 1 Exceptiones reorum defendendorum gratia comparatæ sunt. *in princ.*
- 2 Sæpe quod iustum est, iniquum est. *eod. princ.* Vide Aristot. *lib. 5. Ethic. cap. per.*
- 3 Pactum conuentum non tollit obligationem ipso iure, sed ope exceptionis. §. 3.
- 4 Iniquum est aliquem contra pacta condemnari. *d. §. 3. quia pacta sunt seruanda. suprà de societ. axiom. 1.*
- 5 Iniquum est de periurio quæri. §. 4. coniun. *l. quod si deferente 21. ff. de dolo.*
- 6 Sententia absolutoria non tollit actionem ipso iure, sed ope exceptionis. §. 5.
- 7 Miles non potest fieri procurator, nisi in rem suam. §. ult. coniun. *l. 7. & l. 9. C. de procuratoribus.*
- 8 Procuratoris officium vile est. §. ult.
- 9 Infamis in iudicio procurator iure ciuili esse potest. *d. §. ult. iure canonico non potest. 3 q. 7. cap. infamis, & cap. seq.*

De replicationibus.

TIT. XIV.

INterdum euenit, vt exceptio, quæ prima facie iusta videtur, [tamen] inique noceat, quod cum accidit: alia allegatione opus est, adiuuandi actoris gratia, quæ replicatio vocatur, quia per eam replicatur, atque resoluitur ius exceptionis, veluti cum

cum pactus est aliquis cum debitore suo ; ne ab eo pecuniam petat , deinde postea in contrarium pacti sunt, id est, ut creditori petere liceat : si creditor agat, & excipiat debitor, ut ita demum condemnetur, si non conuenerit, ne eam pecuniam creditor petat : nocet ei exceptio, conuenit enim ita, namque nihilominus hoc verum manet, licet postea in contrarium pacti sunt, sed quia iniquum est creditorem excludi, replicatio ei dabitur ex posteriore pacto conuento.

1 § Rursus interdum evenit, ut replicatio, quæ prima facie iusta est, iniquè noceat, quod cum accidit, alia allegatione opus est, adiuuandi rei gratia, quæ duplicatio vocatur.

2 § Et si rursus ea prima facie iusta videatur, sed propter aliquam causam actori iniquè noceat : rursus alia allegatione opus est, qua actor adiuuetur : quæ dicitur triplicatio.

3 § Quarum omnium exceptionum vsum interdum vltcrius, quam diximus, varietas negotiorum introducit, quas omnes apertius ex Digestorum latiore volumine facile est cognoscere.

4 § Exceptiones autem, quibus debitor defenditur, plerumque adcommodari solent etiam fideiussoribus eius, & rectè : quia quod ab iis petitur, id ab ipso debitore peti videtur : quia mandati iudicio redditurus est eis, quod [ij] pro eo soluerint. Qua ratione, & si de non petenda pecunia pactus quis cum reo fuerit, placuit perinde succurrendum esse per exceptionem pacti conuenti illis quoque, qui pro eo obligati sunt, ac si etiam cum ipsis pactus esset, ne ab eis ea pecunia peteretur. Sanè quædam exceptiones non solent his adcommodari. Ecce enim debitor, si bonis suis cesserit, & cum eo creditor experietur ;

X x defenditur

defenditur per exceptionem, si bonis cesserit. Sed hæc exceptio fideiussoribus non datur : ideò scilicet, quia qui alios pro debitore obligat, hoc maximè prospicit, ut cum facultatibus lapsus fuerit debitor, possit ab iis, quos pro eo obligavit, suum consequi.

Hoc titulo subiiciuntur aliæ duæ exceptionum diuisiones.

Princ.
cum 3.
§§§. se-
quenti-
bus,

Prima diuisio est, quòd vel est exceptio propriè dicta vel replicatio, vel duplicatio, vel triplicatio, vel vltior exceptio, ut quadruplicatio, &c. De replicatione loquitur Imp. in pr. tit. de duplicatione in §. i. de triplicatione in §. *Et si rursus*, de vltioribus exceptionibus in §. *quarum*.

Nota I. hunc esse iudiciorum ordinem & progressum, ut actor contra reum agat, reus contra actorem excipiat: actor contra rei exceptionem replicet, reus contra actoris replicationem duplicet, iterum actor contra rei duplicationem triplicet, & reus contra actoris triplicationem quadruplicet.

Nota II quemadmodum institutio non solum continet institutionem propriè dictam, quæ primo gradu fit, sed etiam substitutionem, quæ fit secundo, vel vltiori gradu, ut in l. Gallus 29 ff. de liber. & posth. & aliis; ita etiam exceptionis appellatione non solum contineri exceptionem propriè dictam, sed etiam replicationem, duplicationem, & vltiores defensiones d. §. *quarum*.

§. vlt.

Secunda diuisio est in §. vlt. quòd aliæ sunt exceptiones debitorum propriæ, quæ non prosunt fideiussoribus, sed tantum reis principalibus, ut exceptio cessionis bonorum, de qua in §. vlt. supra de off. aliæ prosunt etiam fideiussoribus, ut exceptio pacti de non petendo, nam si reus pactus sit ne petatur non solum ipse, sed etiam fideiussor eius pacti exceptione se tueri potest. Quod verum est, cum pactum in rem; id est, generaliter factum est, ne petatur, nam si pactum sit in personam, id est, ne à se petatur, ab hærede peti poterit. ff. de pact. l. de hæredi. 21. §. vlt. de l. seq. Hæ exceptiones, quæ etiam fideiussoribus prosunt, dicuntur rei coherere, quæ verò fideiussoribus non proficiunt, dicuntur personæ coherere. ff. de except. l. 7.

AXIO

A X I O M A T A,

- 1 Prius pactum per posterius non tollitur ipso iure, sed ope exceptionis, in princ. coniun. l. si unus 27. §. pactus ne peteret ff. de pact.
- 2 Quod à fideiussoribus petitur, ab ipso reo peti videtur. §. ult. coniun. l. aduersus 29. ff. de recept. qui arbitr.

De interdictis.

T I T. X V.

SEquitur, ut dispiciamus de interdictis, seu actionibus, quæ pro his exercentur. Erant autem interdicta formæ atque conceptiones verborum, quibus prætor aut iubebat aliquid fieri, aut fieri prohibebat: quod tunc maximè fiebat, cum de possessione, aut quasi possessione inter aliquos contendebatur.

I ¶ Summa autem diuisio interdictorum hæc est: quod aut prohibitoria sunt, aut restitutoria, aut exhibitoria. Prohibitoria sunt, quibus prætor vetat aliquid fieri, veluti vim sine vitio possidenti, vel mortuum inferenti, qui ei ius erat inferendi: vel in sacro loco ædificari, vel in flumine publico, ripave eius aliquid fieri, quo peius nauigeretur. Restitutoria sunt, quibus restitui aliquid iubet, veluti bonorum possessori possessionem eorum, quæ quis pro hærede aut pro possessore possidet [ex ea hæreditate,] aut cum iubet ei, qui vi de possessione fundi deiectus sit, restitui possessionem. Exhibitoria sunt, per quæ iubet exhiberi, veluti cum, cuius de libertate agitur: aut liber-

tum, cui patronus operas indicere velit, aut parenti liberos, qui in potestate eius sunt: Sunt tamen, qui putent, propriè interdicta ea vocari, quæ prohibitoria sunt, quia interdicere sit denunciare, & prohibere: restitutoria autem & exhibitoria, propriè decreta vocari. Sed tamen obtinuit omnia interdicta appellari: quia inter duos dicuntur.

2 § Sequens diuisio interdictorum hæc est, quod quædam adipiscendæ possessionis causa comparatæ, sunt, quædam retinendæ, quædam recuperandæ.

3 § Adipiscendæ possessionis causa interdictum accommodatur bonorum possessori, quod appellatur, *quorum bonorum*, eiusque vis & potestas hæc est: ut quod ex his bonis quisque, quorum possessio alicui data est, pro hærede, aut pro possessore possideat: id ei, cui bonorum possessio data est, restituere debeat. Pro hærede autem possidere videtur, qui putat se hæredem esse. Pro possessore is possidet, qui nullo iure rem hæreditariam, vel etiam totam hæreditatem sciens ad se non pertinere, possidet. Idem autem adipiscendæ possessionis vocatur interdictum: quia ei tantum utile est, qui nunc primum conatur adipisci rei possessionem. Itaque si quis adeptus possessionem, amiserit eam: hoc interdictum ei inutile est: interdictum quoque, quod appellatur *Saluiantum*, adipiscendæ possessionis causa comparatum est: eoque utitur dominus fundi de rebus coloni, quas is pro mercedibus fundi pignori futuras pepigisset.

4 § Retinendæ possessionis causa comparata sunt interdicta, *uti possidetis*, & *utrubi*: cum ab utraque parte de proprietate alicuius rei controuersia sit: & ante queratur uter ex litigatoribus possidere, & uter petere debeat: Namque nisi ante exploratum fuerit, utrius eorum possessio sit, non potest petitoria

actio institui : quia & civilis , & naturalis ratio facit , ut alius possideat , & alius à possidente petat , Et quia longè commodius est [& potius] possidere quam petere : ideò plerumque & ferè semper ingens existit contentio de ipsa possessione. Commodum autem possidendi in eo est , quod etiamsi eius res non sit , qui possidet : si modo actor non potuerit suam esse probare , remanet [in] suo loco possessio , propter quam causam cum obscura sunt utriusque iura ; contra petitozem iudicari solet. Sed interdicto quidem *uti possideris* , de fundi vel ædium possessione contenditur : *utrubi* verò interdicto , de rerum mobilium possessione. Quorum vis ac potestas plurimam inter se differentiam apud veteres habebat. Nam *uti possideris* interdicto is vincebat , qui interdicti tempore possidebat : si modo nec vi , nec clam , nec precario natus fuerat ab adversario possessionem : etiamsi alium vi expulerat , aut clam arripuerat alienam possessionem , aut precario rogauerat aliquem , ut sibi possidere liceret *utrubi* verò interdicto is vincebat , qui maiore parte eius anni , nec vi , nec clam , nec precario ab adversario possidebat. Hodie tamen aliter observatur. Nam utriusque interdicti potestas (quantum ad possessionem pertinet) exæquata est : uti ille vincat [&] in re soli , & in re mobili , qui possessionem nec vi , nec clam , nec precario ab adversario litis contestatæ tempore detinet.

§ 5. Possidere autem videtur quisque , non solum si ipse possideat , sed & si eius nomine aliquis in possessione sit , licet is eius iuri subiectus non sit , qualis est colonus & inquilinus. Per eos quoque , apud quos deposuerit quis , aut quibus commo-

dauerit, ipse possidere videtur. Et hoc est, quod dicitur, retinere possessionem posse aliquem per quemlibet, qui eius nomine sit in possessione. Quinetiam animo quoque solo retineri possessionem placet: id est, ut quamuis neque ipse sit in possessione, neque eius nomine alius: tamen si non relinquendae possessionis animo, sed postea reuersurus inde discesserit, retinere possessionem videatur. Adipisci verò possessione non per quos aliquis potest, secundo libro exposuimus. Nec vlla dubitatio est, quin animo solo adipisci possessionem nemo possit.

6 § Recuperandae possessionis causa solet interdici, si quis ex possessione fundi vel aedium vi deiectus fuerit: nam ei proponitur interdictum *unde ei*, per quod is, qui deiecit, cogitur ei restituere possessionem: licet is ab eo, qui vi deiecit, vi, vel clam, vel precario possideat. Sed ex constitutionibus sacris (ut supra diximus) si quis rem per vim occupauerit, siquidem in bonis eius est, dominio eius priuatur: si aliena, post eius restitutionem, etiam aestimationem [rei] dare vim passio compellitur. Qui autem aliquem de possessione per vim deiecerit: tenetur lege Iulia de vi priuata aut de vi publica: sed de vi priuata, si sine armis vim fecerit; sin autem cum armis eum de possessione vi expulerit, de vi publica [tenetur.] Armarum autem appellatione non solum scuta, & gladios, & galeas, sed & fustes, & lapides significari intelligimus.

7 § Tertia diuisio interdictorum haec est, quod aut simplicia sunt, aut duplicia. Simplicia sunt, veluti in quibus alter actor, alter reus [est:] qualia sunt omnia restitutoria aut exhibitoria: nam actor is est, qui desiderat aut exhiberi, aut restitui: reus autem is est, à quo

quo desideratur, ut restituat, aut exhibeat. Prohibitorum autem interdictorum alia simplicia sunt, alia duplicia. Simplicia sunt, veluti cum prator prohibet in loco sacro, vel in flumine publico ripae eius aliquid fieri. Nam actor est, qui desiderat, ne quid fiat: reus est, qui aliquid facere conatur. Duplicia sunt, veluti *uti possidetis* interdictum, & *utrubi*. Ideò autem duplicia vocantur, quia par utriusque litigatoris in his conditio est, nec quisquam, præcipue reus vel actor intelligitur: sed unusquisque tam rei, quam actoris partes sustinet.

8 § De ordine, & vetere exitu interdictorum superuacuum est hodie dicere. Nam quotiens extra ordinem dicitur (qualia sunt hodie omnia iudicia) non est necesse reddi interdictum: sed perinde iudicatur sine interdictis, ac si utilis actio ex causa interdicti reddita fuisset.

Actionis appellatione, si verbum latius accipiatur, etiam interdicta continentur. ff. de obligat. & act. l. actionis 37. sed propriè loquendo interdicta ab actionibus distinguuntur. ff. de procur. l. non solum 39. in princip. I. Quia actiones partim sunt ciuiles, partim prætoriae, *suprà de actione §. sed ista.* interdicta verò omnia sunt prætoriae. *suprà hoc tit. vers. erant.* II. Quia pleræque actiones sunt de proprietate, interdicta verò omnia sunt de possessione et si nonnulla etiam causam proprietatis implicitam habent, quatenus in quaestione de possessione is vincit, qui in proprietate potior est ff. hoc tit. l. 2. §. quadam. III. Quia in actionum formulis prætor verba dirigebat ad iudicem, veluti, *Si patet Titium à Mauro centum accepisse mutuum, condemnari iudex*, in interdictis autem verba dirigebat ad litigantes, veluti, *Quorum bonorum possessio illi ex edicto meo data est quod ex his bonis possides, id restituas.* ff. quorum bonor. l. 2. Diuido hunc titulum in quatuor partes.

In prima hic titulus necitur cum præcedentibus. In

X x 4

secunda,

Princ.

secunda, quæ est in versic. *erant*, definiuntur interdicta. Ex qua definitione.

Nota I. interdicta olim à prætore viuenti reddi solita esse, quod quia in desuetudinem abiit, idcirco dicitur hodie iudicari sine interdictis. *infra eod. §. ult.* non quia hodie nullus sit usus interdictorum, sed quia interdicta ipso iure vim suam exerunt sine pronuntiatione prætoris.

Nota II. omne interdictum aut prohibere, puta vim fieri; aut iubere, veluti ut aliquid restituatur, vel exhibeatur.

Nota III. interdictis maximè locum esse, cum de possessione aut quasi possessione contentio est. Intellige possessionem corporis: quasi possessionem iuris alicuius. Duplici autem de causa adiecta est partic. *maximè*. Primò quia interdum actione de possessione queritur, ut cum creditor pignus persequitur actione hypothecaria, quæ nudam possessionem auocare dicitur. *ff. de exiēt. l. §. cum venditor. 66. in princ.* Secundò, quia (ut paulò antè notavi) quædam interdicta etiam causam proprietatis continent.

In tertia tituli parte ponuntur tres interdictorum diuisiones, quarum prima explicatur in §. i. vbi Imper. Primò ponit diuisionem interdictorum in prohibitoria, restitutoria, & exhibitoria quibus possumus addere interdicta mixta, quæ simul prohibitoria sunt, & exhibitoria *ff. hoc tit. l. i. §. i.* Secundò in vers. *prohibitoria* definitione & exemplis declarat interdicta prohibitoria. I. Exemplum est, cum prætor prohibet vim ei fieri, qui sine vitio possidet, id est, qui neque vi neque clam, neque precario possidet. Accursius hoc loco intelligit interdictum, *ne vis fiat ei, qui in possessionem missus erit*. Ego verò intelligo interdictum *vi possidetis* quod posterius explicatur, vide *l. i. in princ. vi possidetis* II. Exemplum est interdictum *de mortuo inferendo*, id est, ne vis fiat, quominus liceat mortuum inferre vide *l. i. in pr. ff. de mortuo infer.* III. Exemplum est, *ne adificetur in loco sacro ff. ne quid in loco sacro. l. i. in pr.* subaudi, deformitatis vel incommodi causâ nam ornamenti causâ licet id facere. *d. l. i. §. quod ait.* IV. Exemplum est, *ne quid fiat in flumine publico, vel ripa eius, quo peius nauigetur ff. de fluminibus l. i. in pr.* Hoc interdictum cessat in fluminibus priuatis, & in riuis, aut torrentibus. *d. l. i.* Tertiò in versic. *restitutoria*, similiter definitione, & exemplis explicat interdicta restitutoria. I. Exemplum est interdictum *quorum bonorum*,
de

de quo dicetur etiam *infra* §. *adipiscenda*. vide l. 1. ff. *quorum bonor.*

Nota I. hoc interdictum dari bonorum possessori, id est, ei, qui iure prætorio successit.

Nota II. hoc interdictum dari contra eum, qui aliquid hereditarium possidet pro hæredem, vel pro possessore, id est, bona fide, cum putet se esse hæredem, aut mala fide sciens se non esse hæredem. d. §. *adipiscenda*.

Nota III. utilitatem huius interdicti esse, ut bonorum possessor rerum hereditariarum possessionem adipiscatur. d. §. *adipiscenda*. Cum dicimus bonorum possessorē respicimus ad ius: cum autē dicimus eum adipisci possessionem, significamus possessionem, quæ est facti II. Exemplum est, interdictum *unde vi*, quo aliquis recipit possessionem rei immobilis, unde per vim deiectus fuit *infra* hoc tit. §. *recuperanda* & ff. *de vi & vi armata*. l. 1. in pr. Quarto in versic. *exhibitoria*. definitionem & exempla proponit interdictorum exhibitoriorum. I. Exemplum est, cum de libertate alicuius agitur, hoc est, interdictum *de homine libero exhibendo*. ff. *de lib. hom. exhib.* l. 1. in princip. II. Exemplum est *de exhibendo liberto*, cui patronus vult operas indicere. Operarum definitionem, & diuisionem exposui *suprà* ad tit. *de acqui. per arrog.* Hoc loco.

Nota primò operas patrono à liberto deberi ciuilitè, si vel stipulationem, vel adhibito iureiurando sint promissæ, alias deberi tantum naturaliter ff. *de condict. indeb.* l. *si non sortem*. 26. §. *libertus* & C. *ad leg. Viselliam*. l. *vn.*

Nota secundò, libertum eas operas patrono debere, quas ei patronus indixerit: nec prius debere, quam petantur. ff. *de oper. libert.* l. *si quis ac lege* 13. §. *iudicium* III. Exemplum est de liberis parenti exhibendis, qui ab aliquo detinentur inuiti. ff. *de lib. r. hom. exhibend.* l. 1. in princip. & l. *ultim.* Quintò in vers. *sunt tamen*, ostendit hæc omnia rectè vocari interdicta, quasi inter duos dicta: etsi nonnulli putarunt interdicta propriè dici, quæ sunt prohibitoria, reliqua verò propriè appellari decreta, quia interdicere interdum sumitur pro prohibere. Sed cur dicuntur interdicta inter duos: quoniam prætor inter actorem & reū interdicta reddebat sine iudice pedaneo, cum autē actionem dabat, tunc præter actore & reū erat etiā ipse iudex pedaneus

Alij

Alij malunt interdicti vocabulum deducere à partic. *interim*, vt interdicta vocentur quasi interim ad tempus dicta, donec de proprietate iudicetur. Isidor. *lib. 5. originum*, c. 25. §. *interdictum*. Anianus ad *lib. 5. sent. Pauli*, tit. 8. in pr. Alciat. in *l. pecunia verbum*. 178. §. *actionis*. ff. d. *verbor. signif.*

§. 2. Secunda interdictorum diuisio subiicitur in §. *seq.* quòd alia sunt adipiscendæ possessionis, alia retinendæ, alia recuperandæ.

Nota I. hanc non esse generalem diuisionem omnia interdicta complectentem sed esse subdiviisionem interdictorum ad rem priuatam & familiarem pertinentium, cum alia sint interdicta de rebus sacris, alia de rebus publicis, ff. *de interd.* l. 2. §. *hæc autem*.

Nota II. differentiam inter adipisci, & recuperare, dicimur enim adipisci possessionem quam antea non habuimus: recuperare autem, quam antea habuimus, & amissimus, aut igitur possessionem habemus, aut habuimus, aut nec habemus, nec habuimus primo casu dantur interdicta retinendæ possessionis, secundo casu interdicta recuperandæ, tertio casu interdicta adipiscendæ.

Hæc verò diuisionis membra declarat Imper. exemplis. Itaque in §. *adipiscenda*, proponit duo exempla interdictorum adipiscendæ. I. Exemplum est interdictum *quorum bonorum* de quo dictum fuit in §. 1. *vers. restitutoria*. II. Exemplum in *vers. interdictum*, est interdictum *Saluianum*.

Nota primò auctorem huius interdicti fuisse Saluium Iulian. Iuricons. qui iussu Hadriani Imp. composuit edictum perpetuum & aliis interdictis prætoris hoc postremum adiecit.

Nota secundò hoc interdictum directum dari domino fundi aduersus quemcumque possessorem rerum pacto expresso sibi à colono pigneratarum ff. *de Salu. interd.* l. 1. §. 1. hæc enim est differentia inter colonum, & inquilinum, quod res coloni non obligantur domino fundi sine pacto expresso, quamuis in fundum illatæ sunt; res inquilini, eo ipso quod inuehuntur vel inferuntur in ædes conductas, censentur tacitè obligari domino ædium, vt exposui ad §. *item Seruiana*, *supr. de act.* Vtile autem interdictum Saluianum datur eidem domino fundi de partu ancillæ sibi à colono pigneratæ, post eam à colono venditæ edito

d. l. 1.

d.l.1. §. 1. & aliis creditoribus contra ipsos debitores, non contra extraneos possessores. C. de precar. l. 1.

Deinde in §. *retinenda*, proponit duo exempla interdictorum retinendæ, videlicet interdictum *uti possideatis*, & interdictum *utrubi*. §. 4.

Nota I. ex hoc §. interdictum *uti possideatis* pertinere ad res immobiles, *utrubi* ad res mobiles.

Nota II. sublatâ antiquâ horum interdictorum differentia, hodie vtriusque eandem esse vim & potestatem, id est, si duo de possessione contendant: quia vterque asserat se rem possidere, & petat suam possessionem sibi conservari, eum vincere, qui tempore litis contestatæ possidet, nisi ab aduersario vitiosè possideat.

Nota III. possessionem vitiosam dici quæ est violenta, vel clandestina, vel precaria.

Nota IV. iure civili non posse cumulari iudicium petitorium, quod est de proprietate, & iudicium possessorium, sed opus esse, ut primùm iudicio possessorio constet, vter sit possessor: deinde in iudicio petitorio ille possessor subeat partes rei, aduersarius autem sit actor: & sustineat onus probandi: iure tamen Canonico minuendarum litium gratia placuit contra rationem iuris civilis admitti cumulationem vtriusque iudicii, tam petitorij, quàm possessorij, *extr. de causa possess. & prop. c. 3. 4. 5. & 6.*

Nota V. commodum possessionis hoc esse, ut actore dominium non probante res penes possessorem, licet nihil probantem, maneat. C. de rei vindic. l. ult. & de probat. l. 2. Quocirca probandi onus dicitur actori incumbere. *suprà de legat. §. non solum, nisi & de probat. l. verius 21. & de iur. fisc. l. est & decretum 25. & C. de lib. cau. l. 5.* id est, probandæ suæ intentionis: nam onus probandæ exceptionis, seu defensionis, cum actor intentionem suam probauerit, reo incumbit. *ff. de proba. l. quinquaginta 12. l. in exceptionis 19. in princ. & C. eod. l. 1.*

Post hæc in §. *possidere*, quatuor de possessione notat. I. Non solum nos possidere per nosmetipsos, sed etiam per alios, qui nostro nomine in possessione sunt, proinde per eos possessionem retineri, ut per colonos, inquilinos, commodatarios, depositarios: hi namque sibi non possident sed domino: idcirco dominus dicitur per eos possidere. §. 5.

II.

II. possessionem retineri solo animo: exempli gratiâ, ut retineam possessionem fundi, vel ædium non est opus. ut ibi semper maneam, & corpore insistam: licet enim inde discedam, si tamen animum habeam retinendæ possessionis, placuit hoc sufficere, ne possessionem amittam, vers. *quia etiam*. III. possessionem acquiri, vel per se, vel per alium, vers. *adipisci*. ut expositum fuit. lib. 2. *de per quas personas nobis acq.* IV. Possessionem non acquiri solo animo, vers. *nec ulla opus est corporali apprehensione*. Facilius igitur possessio retinetur, quam acquiritur: quandoquidem supra diximus eam retineri solo animo, nunc verò negamus eam acquiri solo animo. An autem solo animo amittatur, id est, si quis animum habeat deserendæ possessionis, an eò ipso possessionem amittat, exposui *Cerr. 6. quest. 96.*

§. 6.

Tandem in §. *recuperanda*, affert exemplum interdicti recuperandæ possessionis: simulque declarat affinia quædam remedia. I. Igitur proponit interdictum *unde vi*.

Nota primò, nos hoc interdicto recuperare possessionem rerum immobilium, ut fundi, vel ædium: nam hoc interdictum non pertinet ad res mobiles, nisi per consequentiam quandam: ut putà si per vim ablata sunt mihi vestimenta, non habeo hoc interdictum: sed si deiectus sum de possessione prædij, in quo habebam vestimenta, & hac ratione effectum est, ut vestimenta amiserim, certè per hoc interdictum non solum recuperabo possessionem prædij, sed etiam habebitur ratio vestimentorum amissorum. ff. *de vi & vi arm. l. 1. §. hoc interdictum non ad omnem, & §. illud & §. seq.*

Nota secundò hoc interdictum non ad omnem vim pertinere, sed tantum ad vim atrocem, qua quis de possessione deiectus est. *d. l. 1. §. hoc interdictum non ad omnem.*

Nota tertio. olim fuisse duo interdicta de vi, ut constat ex oratione M. Tull. pro Cæcinnâ, quorum alterum erat de vi publica armis illata, alterum de vi privata sine armis facta, & huic quidem obstabat exceptio vitiosæ possessionis, illi verò non obstabat, sed postea factum est vnum interdictum, positum. *in l. 1. in princ. ff. de vi & vi arm.* cui exceptionem vitiosæ possessionis non officere, Iustinianus hoc loco testatur. Exempli causâ, si deiecerit me de possessione fundi, possum hoc interdicto recuperare possessionem

possessionem : & frustra allegabis te fuisse à me antea de-
iectum : quia nihilominus cogeris possessionem vi adep-
tam restituere : postea verò quàm mihi restitueris , libe-
rum tibi erit contra me vti eodem interdicto. II. in
vers. *sed ex constitutionibus*, ponit affine remedium ex con-
stitutionibus , quò iam dictum fuit in §. 1. de vi bon. rap.
III. In vers. *qui autem*, addit aliud affine remedium ,
nempe accusationem publicam ex lege iulia de vi: de quo
dicitur in §. *item lex iulia de vi. infra de publ. iud.* IV. In
vers. *armorum* quia dixerat vim publicam fieri armis priua-
tam sine armis declarat quænam appellatione armorum
contineantur.

Tertia interdictorum diuisio explicatur in §. *pen.* in quo §. 7.
Imper. Primò ponit hanc diuisionem , quòd alia sunt in-
terdicta simplicia , alia duplicia. Similis est diuisio actio-
num: pleræque enim sunt simplices, vbi scilicet actor &
reus distinguuntur. *suprà hoc tit. §. retinenda.* quædam sunt
duplices seu mixtæ, cum scilicet vterque est actor, vter-
que reus *suprà de act. §. quedam.* Secundò in vers. *simplici*, de-
finitione & exemplis declarat interdicta simplicia. Quod
ad definitionem attinet, nota eodem modo definiri actio-
nes simplices & interdicta simplicia: nimirum cùm actor
& reus sunt personæ distinctæ & separatæ. In exemplis
notetur ad ea verba, *In flumine publico ripæve eius aliquid
fieri*, respectu interdicti de loco sacro subaudiendum ; *d-
formitatis vel incommodi causa*, ff. ne quid in loc. sac. l. 1. §. *quod
ait.* respectu autem interdicti de fluminibus subaudiendum,
quò prius navigetur. ex §. 1. vers. *prohibitoria* *suprà hoc tit.* Ter-
tiò in vers. *duplicia*, dat exempla & definitionem interdi-
ctorum duplicium.

Quarta tituli pars est in §. *ultim.* de ordine & ritu siue exi-
tu interdictorum, quem Iustinian. ait esse abolitum : quia §. vlt.
olim prætor reddebat interdictum, deinde sponsio fiebat, &
dabatur ab eodem prætore actio eidem interdicto con-
sentanea : sed hodie hæc ipso iure obtinent , ita vt agat
aliquis quamvis nec interdictum, nec actionem à præto-
re impetrauerit : hoc autem inquit Iustin. idèò fieri :
quia solemnis ille ritus , quo veteres utebantur , non ha-
bet locum in iudiciis extraordinariis , sed tantùm in or-
dinariis : hodie verò omnia iudicia sunt extraordinaria.
Hunc locum Cuiacius sic interpretatur, vt omnia iudicia
dicantur

dicantur hodie extraordinaria, non quia necesse sit extra ordinem agere; sed quia semper liberum est auctori utrum velit agere ex ordine, an extra ordinem. Sed certè hinc factum esse videtur, ut iudicia ordinaria in usu esse desierint.

A X I O M A T A.

- 1 Nisi constet vter possideat, iure civili non potest actio petitoria institui. §. 4. iure tamen canonico potest. *extr. de can. poss. & propr. c. 1. 4. 5.*
- 2 Idem non potest esse possessor, & in iudicio actor. *d. §. 4. coniu. §. aequè. supr. de auct.*
- 3 Commodius est possidere, quam petere. *d. §. 4.*
- 4 In pari causa, id est, neutro litigatorum probante, contra petitem iudicatur. *d. §. 4. coniu. l. 4. C. de eden. l. ult. C. de rei vind. & l. 2. C. de probat. cum similibus.*
- 5 Possessio per alium acquiri & retineri potest. §. 5.
- 6 Solo animo possessio retineri, non acquiri potest. *d. §. 5.*
- 7 In iudiciis extraordinariis non est opus interdictis, sed perinde iudicatur, ac si actio in factum ex causa interdicti reddita fuisset. §. ult.

De pœna temerè litigantium.

T I T. X V I.

NVnc admonendi sumus, magnam curam egisse eos, qui iura sustinebant; ne facilè homines, ad litigandum procederent: quod & nobis studio est. Idque eo maximè fieri potest, quòd temeritas tam agentium, quam eorum, cum quibus agitur, modo pecuniæ pœna, modo iurisurandi religione, modo infamiæ metu coercetur.

¶ Ecce

1 ¶ Ecce enim iusiurandam omnibus, qui conveniuntur, ex constitutione nostra defertur. Nam reus non aliter suis allegationibus utitur, nisi prius iuraverit, quod putans se bona instantia uti, ad contradicendum pervenit. At aduersus inficientes, ex quibusdam causis dupli [vel tripli] actio constituitur, veluti si damni iniuria, aut legatorum locis venerabilibus relictorum nomine agatur. Statim autem ab initio pluri, quàm simpli est actio: veluti furti manifesti, quadrupli: nec manifesti, dupli. Nam ex his & aliis quibusdam causis (siue quis neget, siue fateatur) pluri, quàm simpli est actio. Item actoris quoque calumnia coercetur. Nam etiam actor pro calumnia iurare cogitur ex nostra constitutione. Vtriusque etiam partis aduocati iusiurandum subeunt: quod alia nostra constitutione comprehensum est. Hæc autem omnia pro veteris calumniæ actione introducta sunt, quæ in desuetudinem abiit: quia in partem decimam litis actores mulctabat, quod nusquam factum esse inuenimus, sed pro his introductum est [&] præfatum iusiurandum, & ut improbus litigator [&] damnum, & impensas litis inferre aduersario suo cogatur.

2 ¶ Ex quibusdam iudiciis damnati ignominiosi fiunt: veluti furti, vi bonorum raptorum, iniuriarum, de dolo, item tutelæ, mandati, depositi, directis, non contrariis actionibus. Item pro socio, quæ ab utraque parte directa est: & ob id quilibet ex sociis eo iudicio damnatus, ignominia notatur. Sed furti quidem aut vi bonorum raptorum, aut iniuriarum, aut de dolo, non solum damnati notantur ignominia: sed & pacti, & rectè; plurimum enim interest, vtrum ex delicto aliquis, an ex contractu debitor sit.

3 ¶ Om

§ Omnium autem actionum instituendarum principium, ab ea parte edicti proficiscitur, qua prætor edicit de in ius vocando. Vtique enim inprimis aduersarius in ius vocandus est, id est, ad eum vocandus, qui ias dicturus sit. Qua parte prætor parentibus, & patronis, item parentibus liberisque patronorum & patronarum hunc præstat honorem, ut non aliter liceat liberis libertisque eos in ius vocare, quam si ab ipso prætore postulauerint, & impetrauerint, & si quis aliter vocauerit: in eum poenam solidorum quinquaginta constituit.

Expositis actionibus, tam propriè, quàm impropiè dictis, atque ita absoluto tractatu de obiectis iuris particularibus, quæ sunt personæ, res, & actiones; nouissimo loco agitur de obiecto totali, id est, de iudiciis: quæ cum partim sint priuata, partim publica, primo loco agit de priuatis, de quibus duo considerantur, videlicet officium litigantium, & officium iudicis. In hoc igitur titulo præcipitur litigantibus, ne temerè litigent, cumque duobus modis contingere possit ut aliquis temerè litiget, hoc est, quia vel malam causam habeat, vel bonam causam malè persequatur; vtrumque modum Imper. in hoc tit. considerat. Hinc dux sunt huius tit. partes.

Princ.

Prima pars coërcet litigantes quominus calumniosè litigent. Et primò Imper. in *princ. tit.* proponit tres modos, quibus litigantes coërcentur, nempe poenam pecuniariam, iusiurandum de calumnia, & infamiam.

§. 1.

Secundò in §. 1. coniunctim tractat de iureiurando calumniæ, & de poena pecuniaria, ubi dat varias regulas. I. Reus cogitur iurare de calumnia, id est, se bona fide litigare, cum putet se habere bonam causam, hoc à Doct. vocatur iuramentum credulitatis: quia non iurat ita esse, sed se ita credere. Quod si reus hoc iusiurandum præstare nolit, pro confesso habetur. *C. de iure iur. propt. calum. l. 1. §. si autem reus. l. 1.* Reus propter inficiationem ex quibusdam causis condemnatur

natur in duplum. vers. *et aduersus*. vt fuit expositum in §. *sed furti. supr. de action. III.* Actor cogitur iurare de calumnia: versic. *item actoris* alioqui, si iurare nolit, causâ cadit. *dist. 1. 2. §. quod si actor.* IV. Aduocati vtriusque partis, id est, tam actoris, quàm rei, tenentur iurare de calumnia. vers. *vtriusque*. Hodie hoc iusiurandum ab aduocatis non præstatur in singulis causis, vt Iustin. constituit: quoniam ab initio, cùm aliquis recipitur in numerum aduocatorum, generaliter de calumnia iurat, id est, se non defensurum causas, quas putet esse iniustas. V. Improbis litigator (nec refert, vtrum sit actor, an reus) condemnatur aduersario in impensas litis, & ad resarciendum omne damnum, quod ob eam litem passus est. versic. *hæc autem*. Nota ex hoc vers. veterem calumnie actionem sublatam fuisse, per quam improbus actor condemnabatur in decimam partem litis, quam ab initio repromiserat: idcircoque hæc erat actio ex stipulatione. Nouissimè autem Imp. hanc actionem restituit: sic tamen, vt nolit repromitti, seu nudam cautionem præstari, vt olim fiebat, sed satisfdari: vel iurato caueri. *Nov. 112. c. 2.* Excipiuntur ibi causæ, quæ ex consensu vtriusque partis in iudicium deducuntur: in his enim causis hæc cautio non præstatur. Item *edito 7. c. 5.* excipiuntur argentarij, qui hoc nomine non satisfdant, sed repromittunt.

Tertiò in §. *ex quibusdam*, tractat de tertio modo, quo litigantes coercentur, id est, de infamia. vbi docet duo esse genera causarum ex quibus sequitur infamia. nam ex quibusdam infames fiunt tantùm per condemnationem: ex aliis tam per pactionem, quàm per condemnationem. Exempli causâ, condemnatus depositi est infamis, quia ob fidem fractam damnatus est: pactus autem ne depositi conueniatur, non est infamis: sed fur infamiâ notatur, siue condemnatus, siue pactus sit. Plura alia exempla sunt in contextu coniuncta. *l. 1. §. de his qui not. infam.*

Nota primò, actiones ex contractibus, vel quasi contractibus non esse famosas, nisi quis ex suo dolo damnetur. idcirco Iust. ait has actiones tunc esse famosas, cùm sunt directæ, non contrariæ. quod regulariter verum est: quia regulariter contrariis actionibus non agitur de dolo & perfidia; sed de calculo. *ff. eod. l. 6. §. vlt.* interdum tamen hoc accidit, vt propter suum dolum aliquis iudicio contrario damnetur: tuncque etiam actiones contrariæ infamant. Exempli

causâ, tutor propter dolum pupillo condemnatus directo tutelæ iudicio, sit infamis: pupillus autem tutori condemnatus contrario iudicio, non est infamis. is autem, qui negotium gerendum mandauit, si contra datam fidem nolit impensas reddere, iudicio mandati contrario damnatus, infamiam non vitat *d.l. 6. §. mandati.*

Nota secundò differentiam inter contractus, & delicta, nam contractus non infamant sine condemnatione: delicta verò infamiam irrogant tam pactis, quàm damnatis: nimirum quia paciscens censetur crimen confiteri.

Nota tertio, hoc esse intelligendum, non de pacto gratuito, sed cùm quis datâ pecuniâ pactus est ne secum agatur. *d.l. 6 §. actusque.*

§. ult.

Secundæ tituli pars in §. ult. duo præcepta continet: quorum vtrumque respicit actorem. I. Præceptum est, vt in primis reus in ius vocetur: quia hoc est principium actionum instituendarum. Obserua non dici ab Imp. hoc esse principium iudicij, sed esse principium actionum instituendarum. Principium verò iudicij est principium actionis institutæ, nimirum litis contestatio. *ff. rem ratam hab. l. amplius 15.* Vnde ea, quæ litis contestationem præcedunt, vt vocatio in ius, & actionis editio, non dicuntur partes, sed præparatoria iudiciorum. II. Præceptum est in vers. *qua partes*, ne parentes, vel patroni, vel patronorum liberi, seu parentes in ius vocentur sine venia prætoris. nam qui secus fecerit, quinquaginta aureis multatur, datâ in eum actione in factum, de qua dictum fuit in §. *cenales*, *supr. de act.* Nota, prætorem contra dictas personas actionem interdum denegare, veluti si petatur actio famosa. *ff. de in ius vocand. l. sed si hac 10. §. penult. m.*

AXIOMATA.

1. Cauendum, ne faciliè homines ad litigandum procedant. *in princ.*
2. Multum interest, vtrum ex delicto aliquis, an ex contractu debitor sit. §. 2.
3. In ius vocatio est principium actionum instituendarum. §. ultim.

De officio iudicis.

TIT. XVII.

SVperest, ut de officio iudicis dispiciamus. Et quidem in primis illud observare debet iudex, ne aliter iudicet, quam legibus, aut constitutionibus, aut moribus proditum est.

1 § Ideoque si noxali iudicio aditus est, observare debet, ut si condemnandus videtur dominus, ita debeat condemnare, *Publium Mævium Lucio Titio in decem aureos condemnno, aut noxam dedere*

2 § Et si in rem actum sit [coram iudice:] siue contra petito rem iudicaverit: absolvere debet possessorem; siue contra possessorem, iubere ei debet, ut rem ipsam restituat cum fructibus. Sed si possessor neget in præsentì se restituere posse, & sine frustratione videbitur tempus restituendi causa petere, indulgendum est ei: ut tamen de litis æstimatione caueat cum fideiussore, si intra tempus quod ei datum est, non restituerit. Et si hereditas petita sit, eadem circa fructus interueniunt, quæ diximus interuenire de singularum rerum petitione. Illorum autem fructuum, quos culpa sua possessor non perceperit: [siue illorum,] quos perceperit: in utraque actione eadem ratio pene habetur, si prædo fuerit. Si vero bonæ fidei possessor fuerit: non habetur ratio [neque] consumptorum, neque non perceptorum. Post inchoatam autem petitionem, etiam illorum [fructuum] ratio habetur, qui culpa

Y y 2 possesso

possessoris percepti non sunt, vel percepti consumpti sunt.

3 § Si ad exhibendum actum fuerit: non sufficit, si exhibeat rem is, cum quo actum est: sed opus est, ut etiam rei causam debeat exhibere, id est, ut eam causam habeat actor quam habiturus esset, si cum primum ad exhibendum egisset, exhibita res fuisset. Ideoque si inter moras [exhibendi] vfucapta sit res à possessore: nihilominus condemnabitur. Præterea fructum medijs temporis, id est, eius quod post acceptum ad exhibendum iudicium, ante rem iudicatam intercesserit: rationem habere debet iudex. Quod si neget, reus, cum quo ad exhibendum actum est, in præsentī se exhibere posse, & tempus exhibendi causa petat, idque sine frustratione postulare videatur: dari ei debet, ut tamen caueat se restitutum, quod si neque statim iussu iudicis rem exhibeat, neque postea exhibiturum se caueat: condemnandus sit in id, quod actori intererat, si ab initio res exhibita esset.

4 § Si familiæ exciscundæ [iudicio] actum sit: singulas res singulis heredibus adjudicare debet. & si in alterius persona prægrauare videatur adjudicatio: debet hunc inuicem cohæredi. certa pecunia (sicut iam dictum est) condemnare. Ego quoque nomine cohæredi quisque suo condemnandus est, quod solus fructus hæreditarij fundi perceperit, aut rem hæreditariam corruperit, aut consumpserit. Quæ quidem similiter inter plures quoque, quam duos cohæredes, subsequuntur.

5 § Eadem interueniunt, & si communi diuidendo

dundo de pluribus rebus actum sit. Quod si de vna re, veluti de fundo: si quidem iste fundus commode regionibus diuisionem recipiat: partes eius singulis adiudicare debet. & si vnus pars prægrauare videbitur: is inuicem certa pecunia alteri condemnandus est. Quod si commode diuidi non possit: veluti si homo forte, aut mulus erit, de quo actum sit, tunc totus vni adiudicandus est, & is inuicem alteri certa pecunia condemnandus est.

6 ¶ Si finium regundorum actum fuerit, dispicere debet iudex, an necessaria sit adiudicatio, quæ sane vno casu necessaria est, si euidentioribus finibus distinguere agros commodius sit, quam olim fuissent distincti. Nam tunc necesse est ex alterius agro partem aliquam alterius agri domino adiudicari: quo casu conueniens est, vt is alteri certa pecunia debeat condemnari. Eo quoque nomine condemnandus est quisque hoc iudicio, quod forte circa fines aliquid malitiose commisit: verbi gratia, quia lapides finales furatus est, vel arbores finales excidit. Contumaciæ quoque nomine quisque eo iudicio condemnatur veluti si quis iubente iudice metiri agros pulsus non fuerit.

7 ¶ Quod autem istis iudiciis alicui adiudicatum fuerit: id statim eius fit, cui adiudicatum est.

Exposito officio litigantium, ne remetè litigent consequenter exponit officium iudicis. Est autem duplex: nèpe independens, & dependens. Officium independens est, quod per se consistit, & à Doct. nobile appellatur, vt cum iudex ex officio, & vel aliquo vel nemine denunciante, in facinorosos homines inquit. ff. de offic. præsid. l. congruit 13. in princip. Dependens est, quod iudicio per actio-

nem moto inferuit, eique adhæret, nec sine eo consistit: ut cum in vindicatione frumenti, quod cum frumento alterius mixtum est, iudex qualitatis frumenti rationem habet. *supr. de rer. divis. §. quid si frumentum in fin.* & cum deducto usufructu, qui ad legatarium ex causa lucratiua peruenit, rei legatæ æstimationem legatario præstari iubet, *supr. de legat. §. si cui fundus.* Hoc si actionem iuuet, & condemnationem augeat (ut cum in iudiciis bonæ fidei iudex reum in viuras propter moram condemnat. *ff. loca. quaro 54. in princip. & C. de usur. l. in bona fidei 13.*) mercenarium vocatur. Si verò condemnationem minuat, ut quia reo hereditatis petitione conuento permittitur impensas deducere. *ff. de hered. petit. l. planè 38.* & quia rei vindicatione conuentus non condemnatur ultra pretium, quo eam rem vendidit. *ff. de rei vindic. l. item si verberatum. 15. §. 1. officium aduersarium nominatur à Bart. in l. 1 n. 12. ff. de iurisdict.* Sed hic titulus est tantum de officio Iudicis mercenario, quod actioni seruit. Diuiditur in quinque partes.

Princ.

Prima pars necit hunc titulum cum superioribus. ubi Imper. utitur verbo *superest.* quia nihil amplius dicendum est de iudiciis priuatis. simili ratione hoc eodem verbo usus est *supr. in princ. tit. de action.* ubi exponitur vltimum iuris obiectum: & *in princ. tit. de lege Falcidia*, qui continet vltimum tractatum ad legata pertinentem.

Secunda pars in vers. *Et quidem,* est de officio iudicis in genere, id est, quod pertinet ad quascumque actiones. Hic Iust. iudici præscribit, ut iudicet secundum leges scriptas, vel secundum consuetudinem.

Nota primò, si iudex contra ius iudicauerit, eum facere litem suam. *supr. de oblig. qua quasi ex del. in princ.*

Nota secundò duobus modis, posse contingere, ut iudex contra ius iudicet: vel enim iudicat contra ius constitutionis, vel contra ius litigantis. exempli gratia duobus modis fieri potest, ut sententiam ferat pro testamento facto ab impubere, id est, vel quia iudicet impuberem posse facere testamentum, vel quia iudicet hunc qui testamentum fecit esse puberem, cum reuera sit impubes. Priori casu dicitur sententia lata contra ius constitutionis, & ipso iure non valet, adèd ut non sit opus appellatione. Posteriori casu sententia tenet, nisi per appellationem

tionem rescindatur ff. *qua sentent. sine appellat. rescind. l. 1. §. item cum conera.*

Tertia pars in §. 1. est de iudicio noxali quod est iudicium in personam. Hic datur vnum præceptum, vt si iudex putet condemnandum esse dominum serui delinquentis, eum condemnet, vt certam summam soluat, (puta 10.) aut seruum noxæ dedat

Nota primò, hanc summam, in quam iudex condemnat, esse litis æstimationem: nimirum quia iudex tanti æstimat (exempli gratia) damnum à seruo datum, vel iniuriam ab eo factam.

Nota secundò non esse necessarium, vt iudex hac formula vtatur, id est, vt condemnet dominum in quantitate certam, aut noxæ deditionem: nam etsi non debet prætermittere condemnationem certæ quantitatis, tamen potest omittere noxæ deditionem: quia facultatem serui noxæ dedendi non habet dominus à iudice, sed ab ipsa lege. ff. *de re iudic. l. 6. in §. 1.*

Quarta pars in §. *et si in rem*, est de iudiciis realibus. Primò Imper. loquitur de rei vindicatione, quæ est actio in rem specialis. ff. *de rei vind. l. 1. in princ.* vbi dat tria præcepta. I. Præceptum est, vt si contra petitionem iudicauerit, id est, sententiam ferendam contra eum existimauerit, absoluat possessorem.

Nota primò verbum *iudicauerit* hic significare voluntatem, non actum: quia non absoluit possessorem postquam iudicauit, sed postquam iudicandum esse censuit. De variis modis, quibus verba accipiuntur, lege notata ad §. *plus autem sup. de action.*

Nota secundò, in his iudiciis spectari ius actoris, nõ rei: nam Imper. ait possessorem (id est, reum) absolui debere, non propter iura quæ ipsi reo competunt, sed quia nihil iuris petitorij competit Regula namque iuris est, in pari causa meliorem esse conditionem possidentis, adeò vt actorem non probante reus absoluator, quamuis nihil iuris habeat. *suprà de interd. §. retinenda. vers. commo. C. de eden. l. 4. & de rei vind. l. ult. C. de probat. l. 2. II.* Præceptum est in vers. *sine contra* vt si reum condemnare velit, cum iubeat restituere rem petitam vnà cum fructibus; de quibus autem fructibus hoc sit intelligendum explicabitur in tertia parte huius §. III. Præceptum est in vers. *sed si possessor*, vt

si reus non moræ faciendæ causâ, sed iusta de causa dilationem petat ad rem restituendam, purâ, quia res illa est in aliquo loco remoto, iudex tempus, seu dilationem ei concedat. Si quæras quantum temporis sit concedendum: respondebo, quia hoc nulla lege definitur, iudicis arbitrio committi, argum. l. i. §. ult. ff. de iur. delib. præsertim quia pro factorum & circumstantiarum diuersitate aliàs prolixius, aliàs breuius tempus concedendum videtur. Notandum est ex vltimis verbis huius versic. non aliter dictam dilationem reo indulgeri, quàm si satisfat de restituenda.

Secundò in vers. *si hereditas*, loquitur de petitione hereditatis, quæ est actio de vniuersitate ff. de rei vind. d. l. i. in pr. & ait eadem circa fructus obseruari in hoc iudicio, quæ obseruantur in rei vindicatione. Sed ex seq. vers. hîc supplenda est particula *penè*; quia sunt quædam differentiæ, quas mox exponam. Similiter Iustin. in. §. i. de donat. inquit mortis causâ donationes ad exemplum legatorum redactas esse per omnia: deinde paucis interjectis, addit particulam *ferè*. inquiring has donationes per omnia ferè legis connumerari.

Tertiò in ver. *illo um* proponit quædam vtrique iudicio communia, tam speciali, quàm vniuersali, vbi dat tres regulas de fructibus. I. Regula est: Cùm malæ fidei possessor cõdemnatur, eadem ratio penè habetur in fructibus, siue actû sit rei vindicatione, siue hereditatis petitione: quia malæ fidei possessor cogitur omnes fructus restituere, tam perceptos quàm percipiendos, id est, quos percipere potuit. Particula *penè* indicat esse quasdam differentiæ. Prima differetia est: quia in rei vindicatione non veniunt fructus percepti ante litem contestatam, nisi nominatim petiti sint. ff. de rei vindic. l. præterea. 20. & de adilit. edict. l. adiles. 25. §. item sciendum. in petitione autem hereditatis etiam hi fructus veniunt. quoniam hereditatem augment. ff. de heredit. pet. l. item veniunt. 20. §. item non solum. & l. item heres. §. i. §. i. Secunda differentia est, quia fructus post litem, contestatâ in rei vindicationem veniunt, non iure actionis, sed officio iudicis ff. de usur. ne que 15. propterea quòd non sunt partes rei petitiæ, postquâ ab ea separati sunt, sed tunc duntaxat, cùm sunt pendentes, & cum re coniuncti, vt poma in arbore pendentia ff. de rei vind. l. fructus pendentes. 24. in petitionem autem hereditatis omnes fructus etiam à solo separati

Separati veniunt iure actionis, quia (ut iam dixi) hæreditatem augment. II. Regula est in versic. *si vero*, Bonæ fidei possessor nec fructus consumptos, nec neglectos restituere tenetur. Vtrum autem teneatur restituere fructus perceptos non consumptos, exposui ad §. *si quis à non domino*, *supr. de rer. iuris.* III. Regula est in versic. *post inchoatam*. Omnes possesores tenentur restituere fructus à die litis contestatæ, siue eos fructus neglexerint, siue perceperint, quamuis consumpserint. ratio est: quia post litem contestatam omnes sunt malæ fidei possesores. C. de acqui. poss. l. nemo 10. Generaliter de fructibus nota, fructis intelligi ueductis impensis, quæ quærendorum, colligendorum, conseruandorumque eorum gratiâ sunt. ff. de hered. petit. l. si à domino. 36. §. ultim. & de ope. seru. l. 4. §. 1. & fam. erisc. l. fructus qui dotis. §. 1. in princ. & de usur. l. quod in fructus 46. & sol. mat. l. 7. in princ. & C. de fructib. & lit. expen. l. 1.

In quinta tit. parte considerantur iudicia mixta, nempe ad exhibendum, familiæ erciscunda, communium diuidundo, & finium regundorum. quorum primum pertinet ad rerum exhibitionem, secundum & tertium ad diuisionem, quartum ad agrorum confinium distinctionem.

Primò Imp in §. *si ad exhibendum*, loquitur de actione ad exhibendum. ubi dat quatuor præcepta, seu quatuor regulas. I. Res est exhibenda in eadem causa, in qua erat, cum primum petatum fuit, ut exhiberetur, unde si iudicio ad exhibendum pendente, res à possessore usurcapiatur, deinde actori exhibeatur, non est rectè exhibita: sed is qui exhibuit, nihilominus condemnabitur actori in id quod interest. II. Non solum res exhibenda est, sed etiam fructus medijs temporis sunt restituendi. Medium tempus Iustin. appellat, quod pendente iudicio ad exhibendum currit, nimirum post litem contest. usque ad sententiam definitiuam. vers. *præterea*. III. Reo petenti sine frustratione, ut tempus exhibendi causâ sibi detur, iudex dilationem concedere debet, dummodò satisfaciat de re restituenda, id est, exhibenda. vers. *quod neget*. & ff. ad exhib. l. de eo. §. 1. §. 1. pen. Quantum autem temporis indulgeri debeat, quia nulla lex definit, ipse iudex arbitrabitur. arg. l. 1. §. ult. ff. de iur. delib. IV. Qui iussui, id est, interlocutioni iudicis non obtemperat, hoc est, nec rem exhibet, nec se exhibiturum

§. 3.

exhibiturum cauet condemnandus est per sententiam definitivam in id quod actoris interest. *vers. quod si neque §. praeterea.* (vide §. & ibi notat.) *sup. de act.*

Secundò in §. *si familia*, tractat de iudicio familiae erciscundae quod quia mixtum est, id est, partim in rem, partim in personam, ut expositum fuit in §. *quadam. sup. de act.* consequenter in hoc iudicio considerantur res, ut personales praestationes De rebus dat Imperator unum praceptum, ut singulae res hereditariae singulis heredibus adiudicentur. Proponit autem tres causas propter quas fit condemnatio in praestationes personales. I. Cum res uni heredi adiudicata, pretiosior est, quam adiudicata coheredi: ut enim servetur aequalitas, is, qui rem pretiosorem obtinet, alteri in pecuniam est condemnandus. II. Cum unus heres fructus ex rebus hereditariis percipit. III. Cum unus heres rem hereditariam corrumpit, vel consumpsit. Adde IV. causam, si coheres sumptus bona fide fecerit. *ff. fam. ercisc. l. ex parte. 39. in princ. de C. eod. l. filia 18. §. 1.* In fine §. ait Imperator, ea, quae de rebus, & personalibus praestationibus dicta sunt indistinctè obtinere, siue sint duo, siue plures heredes.

§. 5. Tertiò in §. *eod.* loquitur de actione communi diuidendo. ubi distinguit tres casus. I. Casus est, cum de pluribus rebus diuidendis agitur. hoc casu inquit Imper. eadem obtinere, quae in iudicio familiae erciscundae: proinde singulae res singulis litigantibus adiudicari debent: & si unius res sit pretiosior, is ceteris in pecuniam est condemnandus. II. Casus est in *vers. quod si de una*, cum agitur de una re, quae commodè in partes diuidi potest, veluti de defuncto. huius casus decisio perspicua est in contextu. III. Casus est in *vers. quod si commodè*, cum res vel commodam diuisionem non recipit, ut aedes valdè angustae; vel nullo modo diuidi potest, ut seruus, aut quadrupes; hoc casu iubet Imp. omitta diuisione, totam rem uni adiudicari, eumque inuicem alteri in pecuniam damnari. In verbis autem legendum ex quibusdam manuscriptis *vel homo*, non (ut vulgo, *veluti si homo*: quoniam haec lectio falsam sententiam continet: siquidem significat hominem, aut mulum non posse commodè diuidi, cum haec res nullo modo recipiant diuisionem, de qua hic agitur, id est, per quam iudex facit partes pro diuiso.

Quartò

Quartò in §. *pen.* tractat de iudicio finium regundorum: §. 6. & loquitur tam de re ipsa, quàm de præstationibus personalibus. De re dat vnum præceptum, vt iudex ex fundo vnus nihil alteri adiudicet, nisi commodior & euidentior finium distinctio hoc requirat. Ponit autem tres causas, propter quas aliquis condemnatur in præstationes personales I. Causa est in versic. *quo casu*, cum pars ex agro vnus est alteri adiudicata. hic enim illi in pecuniam est condemnandus. II. Causa est in versic. *eo quoque*, cum quis circa fines deliquit, vt quia surripuit lapides, vel excidit arbores finales, id est, quibus agri distinguebantur. hoc casu datur etiam actio extraordinaria de termino moto. III. Causa est in versic. *contumacia*, cum quis iudici non obtemperauit, veluti quia iudice iubente agros metiri, non est passus id fieri.

Quintò in §. *ult.* (qui communiter pertinet ad tria illa iudicia, familie erciscundæ, communi diuidundo, & finium regundorum) declarat effectum adiudicationis, quam diximus sæpe fieri in dictis iudiciis Effectus est acquisitio dominij, nam is, cui res adiudicatur, statim eius dominus fit. §. *ult.*

Nota I. hunc esse modum acquirendi ciuilem & particularem, ideòque adiungendum esse duobus illis modis lib. 2. expositis id est, vsucapioni, & donationi.

Nota II. hoc modo aliquem acquirere dominium, licet rem non apprehenderit: hoc enim est, quod Imper. ait, eum statim fieri dominum, ac res ipsi adiudicata fuit, id est etiamsi corporalem possessionem non apprehenderit.

Nota III. tum demum hoc obtinere, vt is cui res adiudicatur, statim fiat dominus, cum aduersarius eius, à quo fuit ea res abiudicata erat dominus: alioquin is cui adiudicatur, non fit statim dominus; sed potest eam rem vsucapere. ff. de usurp. & vsucap. l. si per tuncorem 17.

A X I O M A T A.

- I Iudex non debet aliter iudicare, quàm legibus, aut constitutionibus, aut moribus proditum est in princ.
- II Bonæ fidei possessor nec de fructibus consumptis, nec de neglectis tenetur. §. 2. coniu. §. si quis à non domino, supra de rer. diuis.

3. A die litis contestatæ omnes fructus rem vindicanti restitui debent. *d. §. 2.*
4. Non sufficit rem exhibere, nisi in eadem causa exhibeatur. *§. 3.*
5. Evidentioris distinctionis gratia iudex fines agrorum mutare potest. *§. 6.*
6. Per adiudicationem dominium transfertur in eum cui adjudicatur. *§. ult.*

De publicis iudicijs.

TIT. XVIII.

Publica iudicia neque per actiones ordinantur, neque omnino quicquam simile habent [cum] cæteris iudiciis, de quibus locuti sumus: magnaue diuersitas eorum est & in instituendo, & in exercendo.

1 § Publica autem dicta sunt, quod cuius ex populo executio eorum plerumque datur.

2 § Publicorum iudiciorum quædam capitalia sunt, quædam non capitalia. Capitalia dicimus, quæ ultimo supplicio afficiunt [homines,] vel [etiam] aquæ & ignis interdictione, vel deportatione, vel metallo. Cætera, si quam infamiam irrogant, cum damno pecuniario: hæc publica quidem sunt, non tamen capitalia.

3 § Publica autem iudicia hæc sunt: lex Iulia maiestatis, quæ in eos, qui contra Imperatorem, vel rempublicam aliquid moliti sunt, suum vigorem extendit. Cuius poena animæ amissionem sustinet, & memoria rei etiam post mortem damnatur.

4 § Item lex Iulia de adulteriis coercendis, quæ non solum temeratores alienarum nuptiarum gladio punit,

punit, sed & eos, qui cum maculis nefandam libidinem exercere audent. Sed eadem lege Iulia etiam stupri flagitium punitur, cum quis sine vi vel virginem, vel viduam honeste viuentem, stuprauerit. Poenam autem eadem lex irrogat stupratoribus, si honesti sunt, publicationem partis dimidiæ bonorum: si humiles, corporis coërcitionem cum relegatione.

5 ¶ Item lex Cornelia de sicariis, quæ homicidas ultore ferro persequitur, vel eos, qui hominis occidendi causa cum telo ambulant. Telum autem (ut Caius noster ex interpretatione legum duodecim tabularum scriptum reliquit) vulgo quidem id appellatur, quod ab arcu mittitur. sed & omne significat, quod manu cuiusque iacitur. sequitur ergo, ut lignum, & lapis & ferrum hoc nomine contineatur: dictum ab eo, quod in longinquum mittitur, [à] Græca voce *τὸν* figuratum. Et [sic] hanc significationem inuenire possumus & in Græco nomine: nam quod nos telum appellamus, illi *βέλος* appellant. Admonent nos epigrammata in Xerolopho urbis faustissimæ scripta. *ὅ, τὸ βέλος ἐμὸν ἐρίετο, λόγχαι, τοξόματα, σφῆδ' ὄντα πλείστοι ὕψι λίθοι*, id & est, huiusmodi tela simul ab eis ferebantur, lanceæ, spicula, funda, plurimi autem & lapides. Sicarij autem appellantur à sica, quod significat ferreum cultrum. Eadem lege & venefici capite damnantur, qui artibus odiosis, tam venenis; quam susurris magicis homines occiderint, vel mala medicamenta publice vendiderint.

6 ¶ Alia deinde lex asperrium crimen noua poena persequitur, quæ Pompeia de parricidiis vocatur: qua cauetur, ut si quis parentis, aut filij, aut omnino adfinitatis eius, quæ nuncupatione parentum continetur, fata præparauerit (siue clam, siue palam id ausus

ausus fuerit) [nec non is, cuius dolo malo d factum est, vel conscius criminis existit, licet extraneus sit,] pœna parricidij puniatur, & neque gladio, neque ignis, neque ulli alij solemnij pœnæ subiiciatur, sed insutus culco cum Cane, & Gallo gallinaceo, & Vipera, & Simia, & inter eas ferales angustias comprehensus (secundum quod regionis qualitas tulerit, vel in vicinum mare, vel in aranem proiiciatur, ut omnium elementorum usu viuis carere incipiat, & ei cœlam superstiti, [&] terra mortuo auferatur. Si quis autem alias cognatione vel affinitate personas coniunctas necauerit: pœnam legis Corneliæ de sicariis sustinebit.

7 ¶ Item lex Cornelia de falsis, quæ etiam testamentaria vocatur, pœnam irrogat ei, qui testamentum, vel aliud instrumentum falsum scripserit, signauerit, recitauerit, subiecerit, vel signum adulterinum fecerit, sculpsit, expresserit sciens dolo malo. Eiusque legis pœna in seruos, vltimum supplicium est (quod etiam in lege de sicariis & veneficis seruatur) in liberos vero deportatio.

8 ¶ Item lex Iulia de vi publica seu priuata, aduersus eos exoritur, qui vim vel armatam, vel sine armis commiserint. Sed si quidem armata vis arguatur: deportatio ei ex lege Iulia de vi publica irrogatur si vero sine armis: in tertiam partem bonorum [suorum] publicatio imponitur. Sin autem per vim raptus virginis, vel viduæ, vel sanctimonialis, vel alterius fuerit perpetratus: tunc & raptores, & ij, qui opem [huic] flagitio dederunt, capite puniuntur, secundum nostræ constitutionis definitionem ex qua hoc apertius possibile est scire.

9 ¶ Item,

9 ¶ Item lex Iulia peculatus eos punit, qui publicam pecuniam, vel rem sacram, vel religiosam furati fuerint. Sed si quidem ipsi iudices tempore administrationis, publicas pecunias subtraxerint: capitali animadversione puniuntur: & non solum hi, sed etiam qui ministerium eis ad hoc exhibuerint, vel qui subtractas ab his scientes susceperint. Alij vero qui in hanc legem inciderint: pœnæ deportationis subiungentur.

10 ¶ Est & inter publica iudicia lex Flavia de plagiariis, quæ interdum capitis pœnam ex sacris constitutionibus irrogat, interdum leuiorem.

11 ¶ Sunt præterea publica iudicia, lex Iulia de ambitu, lex Iulia reperundatum, & lex Iulia de annona, & lex Iulia de residuis, quæ de certis capitulis loquuntur: & animæ quidem amissionem non irrogant: aliis autem pœnis eos subiiciunt, qui præcepta earum neglexerint.

11 ¶ Sed de publicis iudicijs hæc exposuimus, ut vobis possibile sit summo digito, & quasi per indicem ea tetigisse; alioqui diligentior eorum scientia vobis ex latioribus Digestorum seu Pandectarum libris Deo propitio aduentura est.

A iudicijs priuatis transit ad publica. Nota iudicia publica capi duobus modis, quandoque latiùs, ut complectantur etiam iudicia popularia. ff. de iureiur. l. eum qui 30. §. in popularibus. quandoque augustiùs, ut distinguantur à iudicijs popularibus. vnde in ff. diuersi sunt tituli, de popularibus actionibus, & de publicis iudicijs hæc posterior significatio sumi hoc loco debet. Est autem differentia inter iudicia popularia, & publica; non quam Cuiac. tradit, quòd illa sūt ciuilia, hæc criminalia: sed quòd illa sunt prætoria hæc ciuilia propriè nāque publica iudicia dicuntur, quæ legibus publi

publica iudicia dicuntur, quæ legibus publicorum iudiciorum sunt constituta, ut lege Iulia de adulteriis, lege Cornelia de falsis, &c. quæ propter etiam si harum legum poenæ sint mutaræ, tamen ipsæ leges retentæ sunt, iisque attribuantur poenæ, quæ sunt constitutionibus principum introductæ, ut in progressu magis intelligetur.

Princ. Primò Imperator distinguit hæc iudicia publica à privatis: nam iudicia privata per actiones instituuntur: iudicia verò publica, vel per accusationem, vel per denunciationem, vel per inquisitionem, *extr. de accus. in rubr. & c. qualiter & quando debeat. 24. vers. contra quos. & de simonia. licet He. li. 31. vers. contra quos.*

§. 1. Secundò in §. 1. docet. unde dicantur iudicia publica: & inquit, ideo dici publica, quia eorum executio plerumque datur cuius est populo.

Nota I. executionem hic accipi pro persecutione, quæ est propria actoris, ut & in l. 7. §. si paciscar ne operis, ff. de pact. aliàs executio locum habet post rem iudicatam, & tribuitur executori, qui rem iudicatam ad effectum perducit.

Nota II. particulam *plerumque*, indicare hanc esse iuris regulam, quæ non caret exceptionibus. quidam enim iudicio publico accusare prohibentur. ff. de rit. nupr. l. palam. 43. §. Senatus. & de accusat. l. quia. cusa. e. 8. & seq.

Nota III. hanc etymologiam posse accommodari etiam iudiciis popularibus: quemadmodum definitio iudiciorum popularium, quæ habetur in l. 1. ff. de popular. act. quod ius populi tueretur, etiam iudiciis publicis aptari potest.

Nota IV. hanc etymologiam convenire iudiciis publicis, prout iudicia publica in nostro iure accipiuntur, id est, quæ legibus publicorum iudiciorum sunt constituta, ut paulò antè exposui. sed initio Romanæ reipublicæ iudicia publica dicebantur, cum ipse populus iudicabat: nemo enim de capite civis Romani iniussu populi sententiam ferre poterat. ff. de orig. iur. l. 2. §. ex actus. & §. & qui. unde Cicero damnatus est lege Clodia, quia iniussu populi coniuratos supplicio affecit.

§. 2. Tertiò in §. *publicorum*. proponit summam horum iudiciorum divisionem: quòd alia sunt capitalia; alia non capitalia. Dicuntur capitalia, quibus damnatus eximitur è civitate Romana: quod fit morte, vel maxima capitis diminutione,

ut damnatione in metallum, vel media capitis deminutione, ut deportatione: non capitalia verò dicuntur, cum damnati caput non eximitur è ciuitate Romana, sed aliter punitur, nimirum infamia cum damno pecuniario, supple, vel corporali coërcitione, ut fustigatione *ff. hoc tit. l. 2.*

Nota I. aliter iudicia capitalia hic accipi, aliter in *l. transigere. 32 C. de transact.* ibi, namque capitale iudicium dicitur, quod irrogat poenam sanguinis, id est, mortis. *ff. de bonis eor. qui mort. sibi consc. l. 1. in princ.*

Nota II. omnia iudicia publica irrogare infamiam.

Nota III. falsam esse Doctor. regulam quòd honor vitæ æquiparatur, sic enim infamia morti esset comparanda: quod falsum esse apparet ex hoc §. quia poena mortis facit iudicium capitale, poena autem infamiae non facit capitale. *§. 3.*

Quartò declarat singulas species publicorum iudiciorum.

Iudicium publicum in §. *publica autem iudicia*, est iudicium legis Iuliae maiestatis.

Nota primò, incertum esse auctorem huius legis, sed Antonius Augustinus suspicatur latam fuisse à Caio Cæsare Dictatore.

Nota secundò, ex variis causis locum esse huic accusationi: sed in contextu tantum proponi causam grauissimam, cum scilicet aliquis contra salutem principis, aut reipublice machinatus est: quo casu specialiter vocatur crimen perduellionis: quia hostes à veteribus appellabantur perduelles: & qui ita delinquit, hostilem animum habet. *ff. ad leg. Iul. maiest. l. ult. & de verb. significat. l. quos nos hostes 234. in pr.*

Nota tertio, puniri hoc casu affectum, quamuis non sit secutus effectus. *C. cod. l. 5.* idcirco Imperator in contextu non ait eos puniri, qui facinus perpetrarunt, sed qui aliquid moliti sunt.

Nota quartò, si delinquens viuatur, eum morte puniri, si verò ante sententiam mortuus sit, eius memoriam damnari, & bona confiscari, quod speciale est in crimine perduellionis, aliàs non habet locum, quamuis sit crimen læsæ maiestatis. *d. l. ultim.* quia delicta morte delinquentium extinguuntur, heredes autem in poenam non succedunt. *C. si reus, vel accusat. mortuus fuer. l. 1. 2. 3. 4. 5.*

II. Iudicium publicum in §. *item lex Iulia de adulteriis*, est *§. 4.* legis Iuliae de adulteriis.

Nota primò hanc legem latam esse ab Augusto ff. *ad l. Iul. de adul.* l. 1. Suet. i. Aug. c. 34.

Nota secundò stuprum & adulterium in hac lege promiscuè accipi, quamvis propriè adulterium dicatur committi in mulierem nuptam: stuprum in viduam honestè viuentem, aut virginem, aut puerum ff. *cod.* l. 6. § 1. l. *stuprum* 34. & *de verb. signif.* l. *inter stuprum* 101. in princ. hoc autem loco Imper. hæc tria distinguit: adulterium cum nupta, nefandam libidinem cum puero, & stuprum cum virgine, vel vidua honestè viuente.

Nota tertio pœnam gladij, quæ irrogatur adulteris, non esse ex lege Iulia, quæ relegatione adulteros puniebat. ff. *de testib.* l. *scio* 14 l. *ex eo* 18. & *de his, quæ vi indign.* l. *Claudius* 11. & *de question* l. 5. & *de re milit.* l. 4. §. *adulterij*. sed ex constitutionibus ad legem Iuliam accommodatis. *Cod.* *ad l. Iul. de adulter.* l. *quamvis adulterij* 30. *in fin.*

Nota quartò, adulteram iure nouissimo castigari, & in monasterium detrudi. *Novel.* 134. *cap.* 7. Quod autem habetur in l. *ultim.* nuper ex Basilicis adiecta in dict. tit. C. *de adul. er.* vt adulteris verberatis & tonsis nates abscindantur, non est vt puto) Iustinianico iuri consentaneum: ideoque ea lex tollenda est ex Iustiniani Codice.

Nota quintò pœnam stupri, de qua hic in vers. *pœnam*, regulariter infligi, quandoque autem stuprum grauius puniri, nam qui in puerum deliquit, gladio punitur, vt dixit Imperator *in pr. l. ult.* §. Et tutor, qui pupillam quondam suam stuprauit, publicatis bonis in exilium mittitur. C. *si quis eam, cuius tutor fuit, corruperit.* l. *vn.* Item si mulier seruo se iunxerit, capite punitur, & seruus crematur, C. *de mulier, quæ se propr. seruo iunx.* l. *vn.*

Nota sextò, plerisque locis hodierna consuetudine probari, quòd olim apud Athenienses lege cautum fuit, vt Raptor vel docter puellam, qua cum stuprum commisit, vel eam vxorem ducat, *Clarus lib. 5. sententiarum.* §. *Stuprum.* *num.* 3.

III. Iudicium publicum in §. *item lex Cornelia de sicariis*, est legis Corneliæ de sicariis.

Nota primò, hanc legem latam esse à L. Cornelio Sylla Dictatore

Nota secundò, hac lege puniri homicidas, & eos, qui hominis

hominis occidendi causa cum telo ambulant (quid autem teli appellatione contineatur , in vers. *telum*, exponitur , & Xenophontis auctoritate confirmatur, quemadmodum sicarij etymologia declaratur in vers. *sicarij*) & veneficos,

Nota tertio, sicarios dici à *sica*, quæ est gladiolus incurvus, teste Iosepho *lib. 20. Antiq. Iud. cap. 7.* attramen per abusivum sicarij vocantur, quicumque eadem quovis telo commiserint, ut ait Quintil. *lib. 10. cap. 1.*

Nota quarto, telum dici quidquid in longinquum iacitur à Græca voce *τῆλῆς*, quæ significat procul, seu longè.

Nota quinto veneficos dici (ut Iustin. *in fin. huius §. definit*) qui vetitis artibus, & susurris magicis, aut venenis homines occidunt, aut venena vendunt: adde eos quoque veneficorum appellatione contineri, & hac lege puniri, qui venenum malum necandi hominis causâ fecerint, aut habuerint. *ff. de l. Corn. de sicar. l. 3.*

Nota sexto, hac lege irrogari poenam gladij, non ut lata, sed ut correctâ fuit: nam eius poena fuit deportatio cum bonorum confiscatione: quæ poena hodièque viris honestioribus infligitur. *d. l. 3. §. pen.*

Nota septimo, Gaium nostrum à Iustiniano appellari, ut & *supr. in proæmio, §. pen.* non quia Gaius Iustiniani temporibus vixerit, quippè qui Hadriani ætate floruit: sed quia Iustin. has institutiones potissimum ex commentariis huius Gaij desumpsit. *d. §. quas ex omnibus.* Locus autem Gaij, qui à Iustiniano hic citatur, extat in *l. si saluatur. 233. §. ult. ff. de verb. signif.*

IV. Iudicium publicum in *§. alla*, est legis Pompeiæ de parricidiis. 56.

Nota primò, incertum esse huius legis auctorem. Eam Cneio Pompeio attribuit Hotomanus: a quo dissentit Antonius Augustinus, hoc argumento, quòd Malleolus multis ante Pompeium annis hac lege damnatus est.

Nota secundò, parricidium interdum accipi pro quocumque homicidio, ut in lege illa Numæ: *si quis hominem liberum dolo sciens morti duit, parricida esto.* quæ lex apud Festum extat in verbo *parricidium*. sed hîc angustius sumitur pro specie quadam homicidij, ut in contextu explicatur. Quidam in priori significatione parricidium simplici, r: in posteriori autem parricidium duplici, r, scribendum putant.

Nota tertio, parricidium in hac angusta significatione, in qua hic accipitur, complecti multos. Nam parricidium committitur, I. In parentes II. In liberos. III. In aliquam ex sequentibus transversalibus, id est, vel fratrem: vel sororem: vel patrum, vel matrem, vel avunculum, vel materteram, vel consobrinum, vel consobrinam. IV. In virum, aut uxorem. V. In aliquem ex sequentibus affinibus, id est, socerum, vel socrum, vel generum, vel nurum, vel virtricum, vel novercam vel priuignum, vel priuignam. VI. In patronum, aut patronam. Hæc colliguntur partim ex hoc §. ex l. i. n. C. de his, qui par. aut lib. cecid. partim ex l. i. ff. ad leg. Pomp. de parricid. quæ tamen multis modis corrupta mihi videtur.

Nota quarto, puniri hac lege non solum eum, qui parricidium commisit, veluti qui parentem, aut filium necavit, sed etiam extraneum; cuius dolo parricidium commissum est, quive conscius criminis exitit. Vnde habemus casum, quo aliquis gravius peccat, si conscius sit criminis ab alio admissi, quam si ipse crimen committat: etenim si extraneus Titium occiderit, est homicida, & tenetur lege Cornelia de sicariis: sin autem filio occidente, sit criminis conscius, parricida est, ac punitur leg. Pompeia de parricidiis.

Nota quinto, in con-textu legendum *affectionis*, non *affinitatis*, & mox legendum *nuncupatione parricidij*, non *nuncupatione parentum*.

Nota sexto poenam parricidij in contextu expositam: de qua lege etiam M. Tull. in orat. pro Sex. Roscio, Quod autem Iustin. ait, parricidam insutum culeo, proiici in mare, vel in flumen, intellige postquam virgis casus fuit ff. ad leg. Pompeiam de parricidiis l. pen.

Nota septimo. hanc poenam tribui legi Pompeiæ, non prove lata, sed prove correctæ fuit: nam lex Pompeia irrogavit poenam leg. Corneliæ de sicariis. ff. ad leg. Pomp. de parricid. l. i. hæc autem poena culei est ex more maiorum ff. eod. l. penult. in pr. quæ cum abolita esset, ac parricidæ viui exurebantur, vel ad bestias damnabantur, Paul. lib. 5. Sententiarum tit. 24. à Constantino in usum reuocata est. C. de his, qui par. vel lib. oc. id. l. n.

§. 7. V. Iudicium publicum in §. item lex Cornelia de falsis, est legis Corneliæ de falsis.

Nota

Nota primò, hanc legem fuisse à Cornelio Sylla Dictatore, qui publicas quæstiones de falso constituit. ff. de orig. iur. l. 1. §. capta. Paul lib. 5. sentent. titul. 23. & 25.

Nota secundò, hanc legem vocari etiam Corneliam testamentariam, quia plerumque falsum in testamentis committitur, quamvis hæc lex etiam ad alias causas pertineat, præsertim ad nummos: unde etiam nummaria, vocatur à Cic. Ver. 3.

Nota tertio, falsi verbo non significari quodcumque mendacium, seu dolosam veri imitationem. ff. ad leg. Cornel. de fals. l. quia sit 23. & C. eod. nec exemplum 20.

Nota quartò, poenam huius legis, quæ traditur in fine huius §. id est, deportationem regulariter infligi, quandoque autem irrogari poenam grauiorem, vt mortem. cap. de falsis. l. ubi 22. quandoque leuiorem ff. eod. l. pen.

V I. Iudicium publicum in §. i am lex Iulia de vi, est legis de vi publica, vel priuata, de quo aliquid dictum fuit in §. recuperanda, supra de interd. §. 18.

Nota primò, hanc legem latam fuisse, vel à Casare Dictatore, vt Manutio placet, vel ab Augusto; vt Hotomanus scribit

Nota secundò, hæc posse dici duo iudicia alterum de vi publica, alterum de vi priuata: nam & in ff. sunt duo tituli separata, ad l. Iuliam de vi publ. & ad l. Iuliam de vi priu.

Nota tertio, vim priuatam dici, quæ sit sine armis: publicam verò, quæ sit armis adhibitis vt hic. & d. §. recuperanda quamquam hæc expositio imperfecta est, vt enim dicatur vis priuata non sufficit eam factam esse sine armis, sed & insuper opus est, vt facta sit à persona priuata contra personam priuatam sine violatione iuris publici. vide Disp. 3. tit. 21. & 23.

Nota quartò poenam deportationis, vel confiscationis tertiæ partis bonorum de qua hic in vers. sed si quis den irrogari liberis hominibus, quemadmodum & poena capitis ob virginem, vel viduam, vel sanctimoniam raptam, in vers. sin autem, serui autem qui vim fecerunt inscio domino, ultimo supplicio afficiuntur: qui verò non ignorante domino fecerunt, in metallum damnantur. C. ad leg. iul. de vi l. seruos 8. sed qui crimini raptus sunt obnoxij concremantur. C. de rap. l. virg. l. vn. §. sed & si quis.

Nota quintò, raptum distingui à rapina : nam rapina dicitur bonorum , vt *suprà de vi bonor. rupt.* raptus dicitur personarum, vt virginis, aut viduæ.

Nota sextò, iudicium de raptu non tam esse ex lege Iulia, quàm ex constitutionibus. id est, ex *d. l. vn.* quapropter iudicium publicum de vi intra distinguitur, nempe de vi publica, de vi priuata , & de raptu.

§. 9. V I I. Iudicium publicum in §. *item lex Iulia peculatus*, est legis Iulix de peculatu.

Nota primò, hanc legem latam esse ab Augusto , si Hotomano credimus.

Nota secundò, peculatum esse furtum pecuniæ , seu rei publicæ, aut sacræ, aut religiosæ. Quæri autem potest, si res ciuitatis surripiatur, an peculatus dici possit? Respondeo non esse propriè peculatum, quia bona ciuitatum non vocantur propriè publica *ff. de re b. signif. l. bona 15. & l. seq.* Proinde qui eiusmodi res surripit , non tenetur ipsa lege Iulia, id est, ex verbis legis. *ff. de furt. l. ob pecuniam*, 81. sed ex constitutionibus ad legem Iuliam accommodatis *ff. ad leg. Iul. peculatus l. 4. §. ult.*

Nota terriò, poenam huius delicti modò esse capitalem, modò leuiorem, vt in contextu explicatur.

§. 10. V I I I. Iudicium publicum in §. *est & inter*, est legis Faviæ de plagiariis.

Nota primò, non tantum auctorem , sed & nomen huius legis incertum esse : quia modò *Fabius* modò *Flavia* , modò *Fauia* scriptum reperitur.

Nota secundò, plagiarios dici eos qui *πλαγίως* (id est, dolosè) liberos homines , aut seruos alienos intercipiunt.

Nota Terriò, poenam huius legis fuisse pecuniariam. *ff. ad leg. Fau. de plagiariis l. ult.* sed ex constitutionibus plerumque esse capitalem. *C. cod. l. ult.*

§. 11. I X. Iudicium publicum in §. *pen.* est legis Iulix de ambitu.

Nota primò, hanc legem Augusto tribui ab Hotomano.

Nota secundò, hac lege teneri eos , qui illicito modo, vt datâ pecuniâ , honorem, seu magistratum ambiunt,

Nota terriò , poenam huius criminis esse deportationem. *C. ad l. Iul. de ambitu. l. vn.*

X. Iudicium publicum in *diff. §. penult.* est legis Iulix de repetundis.

Nota

Nota primò, hanc legem latam fuisse à C. Iulio Cesare

Nota secundò, hac lege teneri eos, qui cum officio publico fingerentur, aliquid acceperunt, quò magis, vel quò minus officium facerent. ff. ad l. lul. repet l. 12. § 3. Nam is quoque turpiter facit, qui pecuniam accipit, ut id faciat, quod gratis facere tenetur ff. de condict. ob turp. vel iniust. cau. l. ult.

Nota tertio, hoc puniri in quadruplum. C. eod. l. 1. quod inter fiscum, & personam læsam diuiditur. C. de assessibus. l. 3. Interdum extra ordinem puniuntur, modò grauius, modò leuius, ita ut quandoque ultimo supplicio afficiantur. ff. eod. l. 7. § ult. Præterea qui hac lege damnatus est, testimonium publice dicere, aut iudex esse, aut postulare prohibetur. ff. eodem l. 6. § 1.

X I. Iudicium publicum in eodem §. penult. est legis Iulie de annona, cuius legis auctor ignoratur.

Nota primò, hac lege teneri eum, qui annonam flagellauit, id est, qui aliquid fecit: quòd annona carior esset.

Nota secundò, poenam huius criminis esse ordinariam 20. aureorum. ff. ad leg. Iul. de annona. l. 2 in fin. sed plerumquò extra ordinem puniuntur. ff. de extra ord. crim. l. 6.

XII. Iudicium publicum in dict. §. penult. est legis Iulie de residuis

Nota primò, hac lege teneri eum, qui pecuniam publicam sibi in usum aliquem tributam retinuit, nec in eum usum consumpsit. ff. ad l. lul. pecul. l. 2.

Nota secundò, residuorum appellatione etiam totam summam significari. C. de hered. instit. l. 2. quapropter hac lege tenetur, qui pecuniam publicam accepit. siue totam, siue partem sibi retinuerit.

Nota tertio, huius criminis reum ampliùs tertia parte quàm debet, puniri. ff. ad leg. Iul. pe. l. 4. q. a lege. id est, non solum restituere eam pecuniam quam retinuit, sed & insuper tertiam eius quantitatis partem, siue aliquem acceptis centum, impendisse in opus publicum 70: retinuisse 30. dicimus eum reddere 30. & insuper tertiam partem, id est, 10: proinde restituere 40.

Quintò in §. ult. ostendit se breuiter percurrisse, & quasi in indice proposuisse iudicia publica: proinde exactiorem notitiam ex Digestis perui iubet.


§. ult.

A X I O M A T A.

1. Magna diuersitas est inter iudicia publica, & priuata
in princ.
2. In crimine læsæ maiestatis punitur affectus, licet non
sequatur effectus §. 3. coniu. l. 5. *in princ. c. ad leg.*
Int. maiest.
3. In parricidio æquè conscius ac perpetrans delictum
puniri. §. 6.



INDEX



I N D E X

Rerum & Verborum notabilium.

*Numerus paginam signat : littera a , eiusdem
pagina principij , b, mediij, c , finis
indicina est.*

A C



Acceptilatione sol-
uitur obligatio.

534.c

Accrescendi
antiquus acquirendi mo-
dus.

204.c

Actio quid.

198.c

quotuplex.

600.b

Actio subsidiaria.

124.b

quando & aduersus quos
datur.

ibid.

cui sic dicta.

ibid.

Actio furti cui cōpetat.

552.c

Actio furti, & actio vi bono-
rum raptorum differunt.

560.b

Actio vi bonorum raptorum

contra quem datur

ibid.

cui datur.

ibid.

Actio confessoria.

603 b

negatiua , seu negatoria:

604.c

ex stipulatu de dote.

637.c

de peculio.

646.b

de repetitione dotis.

ibid.c

aduersus parentem, patro-
num, socium , donatorem.

647.b

contra eum, qui bonis ces-
sit.

648.c

quod iussu,

656.b

exercitoria , & institoria

657.a

de peculio, & in rem verso.

658.c

harum actionum concur-

sus,

659.c

directa in patrem, vel do-
minum.

Index Rerum.

minum. 661.b
 noxalis. 665.c
 non habet locum inter
 dominum & seruum.
 ibid.
 de filiofam. quid. ibid.
 de pauperie. 667.b
 eius origo. ibid.
 effectus. ibid.
 in quibus animalibus
 hæc actio locum ha-
 beat. ibid.c
 ædilitia. 668.b
 ex stipulatu. 879.b
 in factum. ibid.c
 tributoria. ibid.
 ad exhibendum. 713.b
 cõmuni diuidundo. 714.b
 Actiones ciuiles, & prætoriz
 reales. 607.2
 Publiciana. 608.a
 rescissoria. 609.c
 Pauliana. 611.b
 Fauiana & Caluisiana.
 ibid.
 Seruiana & quasi Seruiana
 & hypothecaria. 612.c
 Actiones prætoriz persona-
 les. 615.a
 de constituta pecunia ib.
 de peculio. 616.a
 in factum ex iureiurando.
 617.a
 de albo corrupto. 618.a
 in factum in 50. aureos in
 eum, qui parentem suum
 vel patronum, vel pa-
 rentes, aut liberos pa-
 troni sine venia præto-
 ris in ius vocauit.
 ibid.c.

In factum aduersus eum
 competens, per quem
 factum est, ne in ius vo-
 catus in ius veniret. ib.
 præiudiciales. 619.b
 Actiones in rem, & actiones
 in personam differunt.
 622.a
 Actiones rei persecutoriz.
 623.c.
 poenę persecutoriz. 624.b
 rei & poenę persecutoriz.
 ibid.c
 in rem, & in personam.
 ibid.d.
 in simplum. 628.b
 in duplum. 629.b. & 632.a
 in triplum. 430.a
 in quadruplũ. ib. & 632.b
 bonę fidei. 633.a
 arbitrariz. 640.b
 furti. 555.b
 noxales. 662.a. & 664.b
 cur introductę. ibid.c
 perpetuę, & temporales.
 678.a
 Actiones quę transeunt in
 heredes, quę non 678.c
 Actionum noxalium effe-
 ctus. 664.c
 origo. ibid.c
 proprietates. 665.b
 Actor quādo periculo tuto-
 ris cõstituatur ad litē. 720.a
 A. D
 Adgnati qui. 96.c
 Agnati naturales qui. 386.b
 Adgnati sunt vel masculi, vel
 foeminę. ibid.c
 Agnati veri, vel quasi. ibid.
 proximi vel remoti. 387.b
 Aditio

De Verborum.

Aditio hereditatis. 528.c
Adiudicatio. 715.b
 eius effectus. ibid.
Adiunctum cedit subiecto.
 163.c.
Adoptantis, & adoptati ætas.
 79.a
Adoptare non possunt, minor
 minorem. ibid.
 castratus. ibid.c
 foemina. 80.a
Adoptati. 378.b
Adoptio quid. 71.c.77.c
 eius effectus. ibid.
 species. 78.a
 à quibus fiat. ibid.b
Adoptio in locum nepotis.
 vel neptis, & deinceps,
 79.b
 alieni in locum filij, vel
 filij in locum nepotis.
 ibid.
 in locum nepotis, & neptis
 in adoptionem datio.
 ibid.
 an & quando valeat, si quis
 adoptetur ab extraneo.
 379.b.
in Adoptionem qui dari pos-
 sint. 79.c
Adoptiui an possint præteriri.
 150.b
per quas personas Adquiri-
 tur. 211.b & 115.a
Per extraneum non Adquiri.
 218.c
Adquisitio iure gentium.
 157.b
Adquisitio per liberos. 215.b
 per seruos. ibid.c
 per adrogationem. 427.b

eius origo. 428.c
 quænam res ita adquiratur.
 ibid.
 eius effectus quis. 429.

duplex Adquisitio per vni-
 uersitatem sublata. 435.
 & seq.

Æ

Ædes, & materia ædis diffe-
 runt. 164.a
Ædes legatæ. 331.c
Ædificatio. 164.a
Ædiles vnde dicti. 38.b

A F

Affinitas quid. 69.b
Affinitatis præcepta, quibus
 prohibentur nuptiæ. 70.b
 & seq.

A G

per quos Agere possumus
 669.
 quando Agi possit. 578.a

A L

Alienare quibus liceat, vel
 non. 205.b
 rō *Aliquando*, exceptionis
 notio. 552.b
Alluuiio acquirendi modus,
 59.c.

Alueus. 160.b

A N

Animalia, quæ per occupa-
 tionem

Index Rerum

tionem nostra sunt. 158.c
Ancillæ 43.

A S

Affectari & attentare differunt. 570.b

A V

Id Aut, pro coniunctione & 27.a

B O

Bona libertatis causa addita. 430.c

Bonorum possessio contra tabulas. 379.a
unde cognati. ibid

Bonorum possessionis petendæ tempus quod. 425.b
utile est, non continuum 426.b

Bonorum possessiones. 419.a
eius introductæ. 423.b
earum effectus. ibid.c
species ordinariæ. 424.a
extraordinariæ. 425.b

C A

Cæcus quatenus testari possit. 241.b

Calumniantes hic qui. 20. a

Capitis diminutio quid. 98.c
quotuplex. ibid.

quæ Capitis diminutio tutelam finiat. 115.b. & 116. b
quid Caueatur, & quomodo. 675.b

Causa semel probata non retractanda est, 55.b

falsa Causa adiecta an viciet legatum. 336.c

Cautio iuratoria quid. 674.
E b

Censendi verbum. 32.c

Centenarius quis. 415.c

Cessione bonorum debitor non liberatur sed actio tantisper differtur. 648.c

C H

Chirographum, vide Syngrapha.

O

Codex. 20.b

Codicilli quid. 364.a
eorum origo. ibid.
nonnullæ proprietates ibid.b, c, & seq.

Cognati qui. 96.c

Cognati adgnatis æquiparati. 387.a

Cognatio quid. 96.b

Cognatio servilis quæ. 409.c

Cognitionis præcepta nuptias interdicentia quæ. 69. c. & seqq.

Coheredi substituto si alius substituatur quid. 270.b

Colonus. 107.b

Commixtio, vide Confusio.

Commodatum. 445.a

Communio. 527.b

Compensatio. 648.b

Compositio Codicis. 20.c
Pandectarum. 21.a

Institutionum. ibid.b

Conditio impossibilis in testamento pro non scripta habetur. 264.c

si plures Conditiones in institutionibus adscriptæ. 265.b

Conductionis effectus quis 506.b

Confu

De Verborum

Confusio, seu commixtio, ad-
quirendi modus, 162 b. &
163. a

Consanguinei qui, 386. c

Consanguinitas quid, ibid. c

Consensu contrario tollitur
obligatio, 537. c

Constitutio D. Claudij, 392. c

Constitutiones Iustiniani, de
iure liberorum sublato,

394. c. & seqq.

quibus mater præponitur,

& quibus cum admittitur,

ibid.

de tutore liberis petendo,

395. b

de vulgò quæsitis, ibid. c

Contractus iure civili, 35. a

qui perficiantur consensu,

490. c

filiorumfamil, 660 b

quasi Contractus qui, 524. c

C R

Creditor rem sibi pignoratam

vendere potest, 208. c

Crimen pro criminatione, si-

ue accusatione, 136. b

Crimina & delicta differunt,

546. c

C V

Curatores quib. dentur, 118. b

à quibus dentur, ibid. c

an dentur inuito, ibid.

an certæ rei, vel certæ cau-

sæ, 119. a

quomodo constituentur,

670. b

Curules, unde, 38. b

D A

D Amnum in leg. Aquilia,

566. b

D E

Debitum legatum creditori,

327. c

Delicta & crimina differunt,

546. c

quasi Delicta, 581. & seqq.

falsa Demonstratio an vi-

riet legatum, 336. a

Depositum, 446. c

Descendentes ex foeminis,

379. b. & seqq.

D I

Digesta, seu Pandectæ, 21. a

Dignitatis amissio, 100. c

D Q

Donatio quid, 201. b

quotuplex, ibid.

Donatio mortis causa, 202. b

legato affinis, ibid.

à legato differt, ibid. c

eius affectus quis, ibid.

Donatio inter vivos, ib. b. &

203. a

differt à legato, ibid.

quomodo perficiatur, &

quem effectum habeat,

ibid. b

quomodo & ob quam cau-

sam rescindatur, ib. c

Donatio propter nuptias,

204. a

eius origo, ibid.

proprietas, ibid.

etymon, ibid.

Dos legata vxori, 328. b

D V

Duplicatio, 690. b

E M

E Mancipati, 378. b

an institui, vel præteri-

ri possint, 279. b

Eman

Index Rerum

Emancipatio quid? 86.c
 quoruplex. ibid.
 Emancipatio liberorū. 215. b
 Emancipationi communia,
 88. b, c
 Emphyteusis. 504. c
 cur sic dicta. 505. a
 Emptio, & venditio. 491. c
 quæ requirantur, vt cōsi-
 stat. ibid. & seqq.
 eius effectus, 491. c
 diuisio. 499. c
 Emptio conditionalis ibid.
 Emptio rei, quæ non est in
 commercio. ibid.

E R

Error in nomine legatarij.
 335. c

E X

Exemptio quid? 683. c
 Exceptio metus, 684. b
 doli. ibid.
 in factum. ibid. c
 non numeratæ pecuniæ.
 ibid.
 pacti. ibid.
 iurisiurandi. 685. b
 rei iudicatæ, ibid.
 cessionis bonorum. 690. c
 pacti de non petendo. ibid.
 Exceptiones cur introductæ.
 684.
 Exceptiones ciuiles, pacti de
 iniuria, vel de furto. 686. b
 prætorix, doli, vel metus,
 & plerumque exceptio pa-
 cti. ibid.
 perpetuæ, & peremptoriæ.
 ibid. c
 temporales, & dilatoriæ.
 ibid.

dilatoriæ ex persona 687. b
 Excusatio tutorum & cura-
 torum. 125. a
 Excusatio à parte patrimonij
 pupillaris. 133. a
 à gestione tutelæ. ibid.
 à nuptiis. ibid. b
 ex falsis allegationibus.
 ibid.

Excusationes proponendi mo-
 dus, tempus. 131. c

Excusationum causæ quæ?
 128. c. & seqq.

Exhereditatio liberorum. 243.
 a & 247. a

F A

Familia, pro hereditate.
 215. b

Familix emptor non est he-
 res. ibid. a

F E

Fraz cur concedantur occu-
 panti. ibid. b
 quoloco occupari possint.
 ibid. c
 quousque maneant in do-
 minio occupantis, & qua
 ratione dominium eius
 effugiant. 158. b
 quomodo adquirantur per
 occupationem. ibid.
 quænam animalia hoc mo-
 do nostra fiant. ibid. c

F I

Fideicommissarius modò lo-
 cum heredis obtinet, modò
 legatarij. 354. c

Fideicommissaria hereditas.
 347. a

Fidei

& Verborum.

Fideicommissum quid. 353.c
 Fideicommissum heredis scri-
 pti. 354.b
 heredis ab intestato. 357.b
 relictum à fideicommissa-
 rio. ibid.
 Fideicommissi probatio. ib.c
 Fideicommissio operatur aut
 heres institutus ex assc aut
 institutus ex parte. 356.c
 Fideicommissa & legata dif-
 ferunt. 353.c
 Fideicommissorum origo, &
 etymon. 454.a
 si scriptum sit aliquem Fi-
 deiussisse. 487.a
 Fideiussor an promittat ante,
 vel post rem principalem
 485.c
 si accipiatur Græcè. 387.a
 quod remedium detur Fi-
 deiussori contra rem, pro
 quo soluit. 486.a
 Fideiussore mortuo an extin-
 guatur obligatio fideiussu-
 ria. 485.c
 Fideiussores cur accipiantur,
 ibid.b
 in quibus obligationibus.
 ibid.
 quatenus obligentur mul-
 ti qui pro eodem fideiuf-
 serunt. 486.a
 Fideiussores in quantum ob-
 ligari possint. ibid.b
 Filius nominatus à domino.
 80.b
 Filiusfamil. quatenus testari
 possit. 238.c
 Filius post mortem patris re-
 uersus ab hostibus. 376.c

Filij fratrum & sororum
 587.b

Filiorum naturalium, & ado-
 ptiuorum collatio, 378.c

F L

Flumen. 159.b

F O

Forma alicui facienda ab arti-
 fice. 506.a

F R

Fratres & sorores filiis fratri
 præferri. 387.b

in Fructu quæ? 167.b.c

Fructuū perceptio adquiren-
 di modus. 165.c

Fructuarius, vel colonus.
 166.c

F V

Furiosus quatenus testari pos-
 sit. 240.c

Furtum quid. 548.a
 eius etymon. 549.a

genera. ibid. & seqq.
 quomodo committatur.
 550.b

quæ res in furtum cadant.
 551.b

Furti qui teneantur. 552.b

Furti actio cui competat.
 ibid.c

G E

Genus legatum. 335.c

G R

Gradus cognationum. 402.a
 & 406.c

Gradium heredum numerus.
 268.c

Grex

Index Rerum

Grege legatus. 331.a

H A

Habitatio quid. 188.c

H E

Heres necessarius quis. 299.c

cur ita nominatus. 300.a

cur statutum ut aliquis inui-
tus cogatur fieri heres. ib.

Heres ex asse rogatus resti-
tuere hereditatem, dedu-
ctare certa, vel quarta.
356.c

Heredes qui institui possint.
265.c

Heredes testatori ignoti in-
stitutionem non impediunt.
265.b

Heredes alij necessarii, alij
extranei. 294.c

sui & necessarii qui. 300.b

cur sui dicti. ibid.c

cur necessarii ibid.

extranei qui 301.a

legitimi qui 386.a

Heredum institutio 251.c &
256.b

quid. ibid.

Heredum instituendorum nu-
merus. 259.b

eorum numerus in singulis
gradibus. 269.b

Heredum qualitas, differen-
tia. 295.c

Hereditas fideicommissaria
347.a

Hereditatis diuisio. 259.c

portio. 260.b

si pars vacet, aut desit.

261.c

si plures vnciae, quam 12.
distributae sint. 263.a

quae Hereditatis portio ad
substitutum, vel singulos
substitutos pertineat 269.
b

Hereditatis aditio, vel repu-
diatio. 302.c. & 528.b

Hereditatis restitutionis ef-
fectus 354.c

diuisio inter suos heredes.
377.b

Hereditates quae, deferuntur
ab intestato. 366.b

H O

Homines, pro naturali.

48.c

Honorarium quid. 531.b

I M

Imperatori arma & leges ne-
cessariae. 19.c

Impubes non potest facere te-
stamentum. 240.c

an faciat furtum. 555.a

I N

Indebiti solutio 444.a
& 528.b.

Ingenuus. 45.c

Iniuria quibus modis fiat.
585.c

Iniuriae acceptio, ibid.b
qui, & per quos patiamur
iniuriam. 576.n

Iniuriarum poena quae 577.b

Iniuriarum qui teneantur.
579.a

earum actio quomodo tol-
latur. ibid.

Instituendi modi. 264.a

Institu

& Verborum.

Institutio specialis quid.		finium regundorum. <i>ibid.</i> c
267. c		læsæ maiestatis. 721. b
Institutiones iuris.	21. b	de adulteriis. <i>ibid.</i> c
quo tempore fuerint com-		de sicariis. 722. c
positæ.	<i>ibid.</i>	de parricidiis. 723. b
Compositores qui, & eorū		de falsis. 724. c
auctoritas.	<i>ibid.</i>	de vi publica. 725. b
ex quibus libris collectæ.		de peculatu. 726. a
22. c		de plagiariis. <i>ibid.</i> b
huius operis recognitio, &		de ambitu. <i>ibid.</i> c
approbatio.	23. a	Iudicia realia. 711. b
Institutionum utilitas.	22. b	publica. 716. a
diuisio.	<i>ibid.</i>	popularia & publica diffe-
in Institutionibus quæ conti-		runt. 719. c
neantur.	<i>ibid.</i>	publica à priuatis diffe-
ad Institutiones perlegendas		runt. 720. a
adhortatio.	23. a	vnde dicta. <i>ibid.</i> b
Insula.	160. a	eorum diuisio. <i>ibid.</i> c
Interdictum quid.	696. b	Ius publicum quid, & quotu-
Interdictū adipiscendæ. 698. c		plex. 26. b
retinendæ.	697. b	priuatum. <i>ibid.</i>
recuperandæ.	700. b	naturale, gentium & ciui-
Interdictorum diuisio prima.		le, partes iuris priuati
596. c		quo vtuntur Romani
secunda.	698. b	27. a
tertia.	701. b	naturale vnde ortum. 31. b
eorum ordo, & ritus, siue		gentium vnde. <i>ibid.</i> c
exitus.	702. c	ciuile vnde. <i>ibid.</i>
Intestatus decedens quis.		naturale. <i>ibid.</i>
375. a		eius exempla. 32. b
Inuasio & rapina differunt.		gentium & ciuile in quo
558. c		differant. 33. a & seqq.
Inundatio fluminis ab aluei		gentium quid. <i>ibid.</i>
mutatione distinguitur.		eius species. 34. a
160. c		scriptum. 35. b
I V		non scriptum. <i>ibid.</i> & 38. c
Iudicis potestas in iudicio		honorarium. <i>ibid.</i> b
bonæ fidei.	638. c	immutabile. 39. b
Iudicium personale.	675. a	mutabile. <i>ibid.</i>
noxale.	71. a	ciuile & canonicum diffe-
familiæ eriscundæ.	714. a	runt 62. b. & seqq.

A A a

Index Rerum

ius deliberandi. 302.b
 prætorium. 391.c
 Iuris methodus. 25.c
 præcepta. 26.a
 positiones. ibid.b
 obiecta. 39.c
 Iuri operam daturus iuuenis
 & legum cupidus sit. 19.c
 Iuris prudentiam quid. 25.b
 Iustinianus armis & legibus
 floruit. 20.b
 eius bellica facinora. ibid.
 eiusdem leges. ibid.
 Iustitia quid. 25.a

L A

L Audis suæ titulos effer-
 re licet. 19.a

L E

Legandi modus, ratio. 338.a
 an tantum Legari possint res
 testatoris, vel etiam aliar.
 318.b.
 Legari an possint quæ non
 sunt in rerum natura. 320.c
 quibus Legari possit. 334.c
 de personis incertis. ibid.
 de posthumo alieno. ibid.
 Legatarius si proprietatem
 fundi alieni sibi legari eme-
 rit, & ususfructus ad eum
 peruenerit, quid. 324.c
 Legatum quid.
 Legatum rei pignoratæ an
 valeat. 30.b
 Legatum an valeat, si res le-
 gatarij ei legetur. 325.b
 Legatum an vitietur per er-
 rorem testatoris. ibid.c
 an debeatur, si testator, qui

rem suam legauerat, eam
 alienauerit. 326.a
 Legatum liberationis an va-
 leat, quam creditor debi-
 tori suo, vel in perpetuum
 vel ad tempus reliquit.
 ibid.c
 Legatum vtrum validum, cum
 debitor creditori suo le-
 gat, quod ei debet. 327.c
 Legatum dotis vxori suæ.
 328.b
 Legatum seruo heredis reli-
 ctum quando valeat. 336.c
 Legatum post mortem here-
 dis, vel legatarij. 338.b
 Legatum poenæ noxalis reli-
 ctum, an, & quando va-
 leat. ibid.c
 Legata & fideicommissa dif-
 ferunt. 353.c
 Legatorum genera olim
 quæ. 316.a
 Legatorum & fideicommiss-
 forum collatio. 317.a
 Legatorum adeptio. 341.a, b
 translatio. ibid.c
 si Legatur eadem res duobus
 vel coniunctim, quid. 321.a
 Legitima liberorum quanta.
 293.c
 Legitima quæ. 294.e
 quando debeat, 295.
 quæ bona spectanda in
 æstimatione Legitimæ.
 ibid.
 quæ in Legitimam imputen-
 tur. 294.a
 Legitimatio quid. 72.b
 quotuplex. ibid. c, & seqq.
 Lex. 35.c
 Lex

& Verborum.

Lex Ælia Sentia. 53.a
 eius duo capita, primum de
 manumittente in fraudem
 creditorum. ibid.
 posterius, de minore vi-
 ginti annis. 54.C
 eiusdem abrogatio. 55.C
 exceptiones prior, de ser-
 uo instituto cum liber-
 tate. 53. b
 sine libertate. ibid.
 posterior de manumissione
 in fraudem creditorum,
 54. C
 Lex Fufia Caninia 56.C
 abrogata, cur. 57.C
 Lex Falcidia. 342.a & 345.a
 eius origo. 344.C
 Lex xij. tabularum. ibid. &
 342.C
 Furia. 344.C
 Voconia. ibid.
 Aquilia. 561.C
 Leges sanctæ, cur. 157.a
 L I
 Liberatio legata. 326.C
 Liberi pro ingenuis. 46.a
 Liberi adrogati. 80.a
 Liberi qui. 247.b
 institui, vel exheredari de-
 bent. 248 a
 de iure nouo quid.
 250.C
 Liberatorum diuisio. 44.a
 præteritio, an officiat e-
 stamentomilitis. 251.b
 Libertas. 42.b
 per fideicommissum relin-
 qui potest. 361
 Libertinus quis. 48.a
 Libertinorum genera quæ. 49.C

Libertorum successio. 411.C
 assignatio. 416.C
 Litigantis temeritas tribus
 modis coercetur. 704.C
 iurisiurandi regio ibid.
 poena pecuniaria. ibid.
 infamiae metus. 705 b
 Littus & portus differunt.
 154.C

L O

Locatio & conductio. 501.a
 eius collatio. 503.C
 acceptio. 504.C
 solutio. 507.b
 Locatio, venditio, & emphy-
 teusis differunt. 505.b

M A

M Agistratum edicta, seu
 ius honorarium 37.C
 Maleficiorum quatuor gene-
 ra. 547.a
 Mancipia. 43.a
 Mandatum quid. 517.b
 an & quando valeat. ibid
 quot modis contrahatur
 518. tot.
 quando non. 519.a & seqq.
 quot modis solvatur.
 520. & seqq.
 debet esse gratuitum. 521.a
 Manumissio quid. 48.C
 Manumissionis & libertinita-
 tis origo. ibid.
 Manumittendi modi qui. 49.a
 iustæ causæ quæ. 54.C
 Manumitti vbi possit, &
 quando 49.b
 Mare. 59.b
 Maritus non potest alienare
 prædium
 A A a a

Index Rerum

prædium dotale. 208.a
 Mariti est dominium dotis
 civilis, naturale mulieris.
 ibid.
 Matrimonium. 32.b
 Vide *nuptia*.
 Merces collata in arbitrium
 alienum. 103.a
 in quibus rebus consistat.
 ibid. b
 Merces quid. 521.b
 Mulier nec adoptare, nec ad-
 rogare potest, nisi permissu
 Principis. 80.a
 Mutus, vide *Surdus*.
 Mutuum 441.b
 Mutuum datū filiofam. 660.b

N A

N Activitas acquirendi mo-
 dus. 159.b

N E

Negotiorum gestio. 525.c
 Nepos conceptus post mor-
 tem aui. 377.c
 Nepos quem filius emanci-
 patus adoptavit. 378.a

N O

Nomen Domini operum ini-
 tio rectè inuocatur. 18.c
 Novatione tollitur obliga-
 tio. 536.c
 Noxa, & noxia quid. 664.c

N V

Nuptiæ quid. 62.a
 iustæ quæ. 68.b
 Nuptias quibus contrahere
 liceat. ibid. b & seqq.
 quas vxores ducere, &
 quas non. 69.b

O B

Obligatio quid. 437.a
 quotuplex ib. c. & seq.
 quibus modis re contrahi-
 tur. ibid.
 Obligatio litterarum. 488.a
 verborum. ibid. b
 olim triplex. 250.c
 fideiussoria an extinguatur
 mortuo fideiussore. 485.c
 ex consensu. 490.b
 per quas personas nobis
 adquiratur. 529.b
 quib. modis tollatur. 513.b
 Obligationes, quæ quasi ex
 delicto nascuntur. 580.a
 Obligationum ex quasi con-
 tractu quinque species.
 525. c & seqq.
 ex delicto quatuor. 546.c
 Occupatio, modus acquiren-
 di dominij. 151.b
 quotuplex. ibid.
 Officium iudicis. 709.c
 Optio legata. 334.b

P A

Partim in oratione se-
 mel, non gemina-
 tum. 225.b
 Partus, foetus, acquirendi mo-
 dus. 159.b
 Patris memoria damnata ob
 crimē perduellionis. 377.a
 Pauperies quid. 668.a

P E

 Peculium quid. 215.a
 eius etymon. ibid.
 Peculium castrense. 216.c
 quasi

De Verborum

quasi castrense.	ibid.
paganicum.	ibid. c
profectitium.	ibid.
aduentitium.	ibid.
seruile.	ibid.
Peculium legatum.	331. c
Personæ sui iuris, vel alieno iuri subiectæ.	59. c
sui iuris, vel sunt in tutela.	89. c
vel in curatione.	ibid.
vel neutro genere.	ib.
Personarum diuisio.	41. b. c
Petitio rei incertæ.	643. b
pluris.	ibid. c
quid si minus petatur.	645. c & 646. b
quid si aliud, quàm quod debetur.	ibid. a

P I

Pictura.	16. a
Pignus.	447. a

P L

Plantæ.	164. c
Plebiscitum.	36. b

P O

Pœnæ iniustarû nuptiarû.	71. b
Portus & littus differût.	154. c
quasi posthumus quis.	249. b
Posthumus alienus institutus pro herede.	335. a
Posthumi institui, vel exheredari debent.	248. b
Postliminium vnde dictum.	86. b
Potestas dominorum quæ.	59. c
eius partes quæ.	60. a b. c
potestas patria.	61. c
solvitur morte patētis.	85. a
deportatione.	ibid. c
non etiam relegatione, quæ	

hodie sublata est.

ibid.

seruitute pœnæ	ibid. a
dignitate.	ibid.
captiuitate.	86. b
emancipatione.	ibid. c
adoptione.	87. b

Potestas, dominica, patria, tutoris, curatoris, quid differant.

89. c

P R

Præceptum cognationi & affinitati commune.

71. b

Præcepta iuris naturalis, gentiû & ciuilis non æquè spectantur in iure publico.

26. c

Præcepta ciuilia, pro præceptis iuris Romani.

27. a

Prædium quid.

177. a

quotuplex.

ibid.

Principum placita, seu constitutiones.

37. b

Priuilegia militibus indulta in testamentis condendis.

234. a

Procurator quibus modis constituatur.

670. b

Procurator actoris rei præsentis.

675. c

rei absents.

676

Prodigus non potest facere testamentum.

141. a

Proximitas quo tempore spectetur.

387. c

Pubertas vnde æstimetur.

25. a

Pulsare & verberare differunt.

575. c

Pupillus si in patris potestatem redeat sine capitis diminutione, an tutela finiat.

115. c

A A a 2 Papillus

Index Rerum

Pupillus res suas sine tutori-
bus alienare nequit 209.b

R A

Rapina & raptus differunt.
558.c

Rapina & inuasio differunt.
ibid.

Rapina quid. 559.a

Raptor etiam furti tenetur.
ibid.b

Raptus & rapina differunt.
558.c

R E

Replicatio. 690.b
Res sua an condici possit.
620.c

Rei legatae interitus, & mu-
tatio. 319.b

quid si quaedam tantum
pereant. ibid.c

Rem alienam à fisco, vel Prin-
cipe, vel Augusta emens,
accipiens, usufructu non
indiget. 196.c

Res communes. 153.c
publicae. 154.c
vniuersitatis. 155.b
nullius. ibid.

sacrae. ibid.c

religiosae. 156.a

sanctae. ibid.c

singulorum. 157.b

Res corporales quae. 174.c

incorporales quae. ibid.b

Res furtivae, aut vi possessae.
194.c. & 196.a

Res mobiles. 195.b

immobiles. ibid.c

fiscales. 196.a

Res legata. 318.b

pignerata. 319.b

aliena post testamentum, à

legatario acquisita. ib.c

ea, quae non sunt in rerum

natura. 320.c

eadem res duobus legata,

vel coniunctim. 321.a

Res legatarij. 325.b

quid si quis rem suam le-

gauit, quam falsò putabat,

esse alienam, siue legatarij.

ibid. c

Res corporales; & incorpora-

les an legari possint. 333. b

Res singulae per fideicom-

missum relictæ. 359.b

quae relinqui possint. 361.b

Rerum diuino prior. 153.b

Posterior. ib.c

Rescriptum D. Marci. 433.a.c

eius utilitas. ib.

quibus casibus huic rescri-

pto locus. ibid. & seqq.

Responsa prudentum 38.b

Reus. Rei stipulandi, promit-

tendi. 456.b

harum stipulationum effe-

ctus quis. ibid.

R O

Romani aliter accipere iura

à Græcis, aliter præcepta

naturalia à natura, & iuris

gentium præcepta à ratio-

ne naturali. 27.a.b

S A

Sanctum quid. 156.c

vnde. 157.a

Sata. 165.a

Satisfactio

De Verborum.

Satisfactio quid. 122. c & 674. a
 Satisfactio tutorum, & cura-
 torum. 122. c
 cur introducta. 123. a
 quatenus in iis, qui satis-
 dare non compelluntur,
 locum habere possit.
 ibid. b
 eius effectus. 124. b
 si satisfacere nolint, quid
 ibid.

S C

Scriptura. 165. a

S E

Senatusconsultum. 37. a
 SC. Trebellianum. 347. a. &
 354. c
 Pegasianum. 355. a
 Tertullianum de iure li-
 berorum. 389. c. & 392. c
 Orphitianum. 396. a
 eius origo. 397. a
 de nepore & nepte. ibid.
 de capitis diminutione.
 ibid. b
 de vulgò quæsitis. ibid. c
 de iure accrescendi inter
 legitimos heredes. ibid.
 Macedonianum. 660. b
 SC. Pegasiani in Terbellianum
 transfusio. 356. a
 SC. Trebelliano, vel Pegasia-
 no quibus casibus locus
 fit. 355. b
 Servitus. 42. c
 unde probetur. 34. c
 quocumque. 46. a
 Servitus & manumissio facti.
 45. c
 Servitutis nomina
 genera. 175. c
 ibid.

Servitutes rusticae: 177. c &
 179. c

quà inter se differant. 178.
 b. c.

Servitutes urbanae. 179. a

Servitutum constituendarum
 modi. 180. b

Servus adoptatus. 80. b

manumissus. 100. c

proprius. 257. c

nullius, siue hereditarius
 258. b

Communis pluribus, ibid. c
 & 460. b

Servus alienus heres institu-
 tus, an domino eius legari
 possit. 337. c

Servus an stipulari possit.
 459. b

cui acquirit. ibid. c

Servi. 43. b

Servi fructuarij, & bona fide
 possessi. 217. a

Servo, qui liber aestimabatur
 instituto si quis substitutus
 quid 251. c

Servorum & mancipiorum
 etymon. 43. a

Servorum divisio. 44. a

S O

Societas quid 508. b

eius divisio in uniuersalem
 & specialem. 510. c

lucris & damni. 511. a, b c

solutio 412. a, c, & seq.

Societas leonina, 411. c

Solutio indebiti. 528. b

Solutione soluitur obligatio.
 534. b

S P

Specificatio, seu noui corpo-
 ris

A A a 1

Index Rerum

ris effectio ex aliena ma-
 teria , modus acquirendi
 domini. 161.2
 Spadones adoptare possunt.
 79.c
 secus si sint castrati. ibid.
 ind. stinctè adoptāt omnes
 spadones, atque adeò etiam
 castrati. 80.a
 Spondeo, pro fideiubeo 18.b
 Stipulatio quid. 450.c
 eius forma. 441.a
 materia. ibid.
 effectus. ibid. b
 etymon. ibid. c
 solemnitas. ibid. d.
 diuisiones. 452.b
 Stipulatio pura, vel in diē. ib.
 quoad vitam. 453.b, c
 conditionalis. ibid. c
 Stipulatio pura , & de die &
 conditione. 457.c & seq.
 seruorum. 458.b
 facti. 460.a
 Stipulationis locus. 454.c
 conditio ad tempus præ-
 sens, vel præteritum relata.
 ibid.
 Stipulationes iudiciales. 462.
 b
 prætoria. ibid. c
 conuentionales. 463.c
 communes. ibid.
 inutiles. 464.b
 inutiles ratione rei. 470.b
 contrahentium. 472.c
 verborum. 475.c
 Stipulationum diuisio. 461.b
 & 462. b
 in Stipulatum quæ deducan-
 tur. 455.a

S V

Substitutio quid. 267.c
 secundi heredis institutio
 dicitur. ibid.
 quoduplex sit. 268.a
 Substitutio vulgaris quid.
 266.c. & 268.b
 pupillaris quid. ibid. c
 & 273.b
 quasi pupillaris, seu exem-
 plaris quid. ib. a 276.b &
 227.b
 eius proprietas. ibid. c
 militaris quid. ibid.
 pupillaris. & q. pupillaris
 inter se differunt. ibid.
 pupillaris quoduplex. 277.
 a & seq.
 Successio parentum legitima
 388.c
 cognatorum in tertio or-
 dine. 400.b
 qui vocentur in hoc ordi-
 ne. ibid. c, & seqq.
 Successio libertorum. 411.c
 Successionis locus. 387.c
 Sui heredes qui. 376.a
 quomodo succedant ibid. c
 Suias quo tempore specte-
 tur. 377.c
 Surdus & mutus quatenus te-
 stari possint. 241.b
 Suspectus quis. 137.a
 eius poena. ibid. b & seqq.
 Suspecti accusatio quo iure
 introducta. 136.b
 quid. ibid. c
 Suspecti qui fieri possint. ib.
 Suspectos qui postulare pos-
 sint. ibid.
 de Suspectis qui iudicent. ib. b
 Syngra

De Verborum.

S Y

Syngraphæ, seu chirographi
debitoris vis. 288.c

T A

TAbulæ pupillares quæ.,
& cur ita dictæ. 280.c

T E

Testamentum quid. 224.b

Testamentum in scriptis, siue
solemne 225.c

sine scriptis, seu nuncupa-
tium. 230.b

militare. 231.b

Testamentum militis, & mi-
litare differunt. 234.a

Testamentum militis. 251.b

matris, vel aui materni. ib.c

ruptum quid. 284.c

Testamentum quomodo fiat
irritum. 286.b

quibus modis conualescat.
287.a

quomodo non infirmetur.
ibid.b, c

Testamentum inofficiosum, 228.c

quid. 290.b

eius querelæ ratio. ibid.c

quibus competat. 291.b

& seqq.

quæ hanc querelam exclu-
dant. 292.c & seqq.

qui Testamentum facere non
possunt. 238.c

Testamenti acceptio quin-
tuplex 224.b

etymon. ibid.c

rumpendi causæ. 284.c

Testamenti factio. 301.b

Testamenta quibus modis in-
firmantur. 281.b

Testamenti rumpendi modi. ib.b

antiqua Testandi ratio præ-
toria quæ. 225.c

Textura acquirendi modus.
161.c

T H

Thesauri inuentio acquiren-
di modus. 168.a

T R

Tradens personas 170.a

Traditio, & quasi traditio
dominij acquir. mod. 169.a

quasi Traditionum quatuor
genera. 170.b

Triplicatio, & ceteræ exce-
ptiones. 690.b

T V

Tutela. 526.c

quid, & vnde. 90.b

quotuplex. ibid.

Tutela legitima. ibid.c

datiua. ibid.

testamentaria. ibid.

honoraria. ibid.

agnatorum legitima. 96.

patronorū legit. 102. tot.

parentum legitima. 103.c

fiduciaria. 105. per tot.

datiua. 108.a

Tutela quibus modis finia-
niatur. 113.c. & 115. per tot.

Tutelæ finis. 109.c

effectus. 110.a

Tutelæ reddenda ratio. ibid.

Tutor quis & vnde dict. 91.a

Testamento datur,

liberis impuberibus in po-
testate constitutis. ib.b

nepoti & pronepoti in al-
terius potestatem non re-
casuris. ibid.

posthumis

Index Rerum & Verborum.

posthumis. ibid.
 emancipatis. ibid.
 dari possunt.
 paternam. & filiusfam 93.b
 feruus proprius, & alienus.
 ibid.
 furiosus, & minor 25. an-
 nis. 94.a
 purè, vel sub conditione.
 ibid.b
 ad tempus, vel ex certo
 tempore. ibid.
 personæ dantur, non rei.
 ibid.c
 an filiorum appellatione
 hic comprehendantur po-
 sthumi. ibid.
 & an nepotes. ibid. & seq.
 Tutoris authoritas. 111.c
 quando necessaria. ibid.
 quando non. 112.c
 Tutores, & curatores suspe-
 cti. 134.a
 Tutores quomodo constitu-
 antur. 670.b

V E

V Enditio. 169.c
 Verba fideicommissorum.
 362.b.

V I.


Vindicta quid, & vnde. 49.b

V S

Vfucapio quid. 193.a
 quotuplex. ibid.b
 eius origo. ibid.c
 qua ratione introducta.
 ibid.
 Vfucapio vt procedat, quæ
 requirantur. 194.a
 quæ Vfucapi queant, aut ne-
 queant. ibid.c & 196.a
 Vfucapionis causa, titulus
 196.b
 continuatio possessionis.
 ibid.
 Vsûs & vfusfructûs cohæ-
 rentia, 187.c
 differentia. ibid.
 Vfususfructus quid. 181. c &
 187.b
 quibus modis constitua-
 tur. 183.b
 quibus rebus. ibid.
 quibus modis finiatur.
 184.b
 Vfususfructus finiti effectus
 quis. 185.b

FINIS.

AXIO



AXIOMATVM

SYLLABVS,

PER LOCOS COMMVNES.

*Prior numerus paginam notat ; posterior
est marginalis.*

A

Absurdum.



BSVRDV M est, hominem , cuius gratiâ natura
omnes fructus producit, in fructu esse. 173.

36

Absurdum est donatorem à donatario iniuria, vel
damno affici. 205.3

Accessio , Accessorium.

Plus in Accessione esse non potest , quàm in re principali.

487.6

Accessorium, licet pretiosus, cedit principali. 173.24

Sublato Accessorio non tollitur principale. 448.9. licet è con-
trario, sublato principali tollatur accessorium. ibid.

Vide *Principale*.

Accusatio.

Accusatio morte rei finitur. 138.3

Actio, Actio

Creditorum Actiones non sunt diu differendæ. 426.5

Actio datur ei, cuius interest. 556.8

Actio vi bonorum raptorum concurrit cum actione furti.

561.2

Quibus ex causis furti Actio competit in re clam facta, ex
his causis datur actio vi bonorum raptorum ob res vi ra-
ptas. 61.3

Pœnales

Axiomatum syllabus.

Pœnales Actiones in heredem non transeunt.	571.8
Actio negatoria non habet locum in rebus corporalibus.	649.3
Præiudiciales Actiones in rem esse videntur.	649.11
Omnes in rem Actiones sunt rei persecutoriæ.	649.13
Omnes Actiones ex contractibus sunt rei persecutoriæ, excepta actione depositi, quæ mixta est, cum tumultus, incendij, ruinæ, naufragij causa depositum fuit.	649.14
Actiones ex delictis partim sunt pœnales, partim mixtæ, paucae sunt rei persecutoriæ, ut condictio furtiva.	649.15
Actio legis Aquiliæ & actio ex testamento, quæ petitur legatum loco pio relictum; & actio depositi, cum tumultus, incendij, ruinæ, naufragij causâ depositum fuit, inficiatione duplantur.	649.16.
Nulla Actio est ultra quadruplum.	650.17
Stultus est, qui omissa utiliori Actione, aliam minus utilem eligit.	661.4
Actio noxalis caput sequitur.	669.2
Actiones præsertim pœnales, de eadem re concurrentes, se inuicem non tollunt.	669.2
Ciuitiles Actiones sunt perpetuæ.	680.1
Pleraque Actiones prætoriæ sunt annales.	680.2
Actio furti est perpetua.	680.4
Ex maleficiis pœnales Actiones in heredem non competunt, pleraque tamen heredi competunt.	680.5
Nisi constet vter possideat, iure ciuili non potest Actio peritoria institui, 702.1. iure tamen canonico potest.	ibid.
Actor potest in eodem iudicio libellum suum corrigere.	650.33
Qui Actori iudicio pendente satisfacit absolui debet.	680.7
<i>Vide Possessor.</i>	

Actus.

Actus rectè factus præsumitur.	482.25 & 487.8
--------------------------------	----------------

Adgnatio.

Ius Adgnationis minima capitis deminutione perit.	38.97.3
Vbi est eadem Adgnatio, debet esse eadem successio.	1.15.
389.5.	

Adgnatio est à patre, cognatio à matre.	401.2
---	-------

Adiudicatio.

Per Adiudicationem dominium transfertur in eum, cui adiudicatur.	716.6
--	-------

Adolescent.

Inuiti Adolescentes curatorem non accipiunt, nisi ad lites.	120.13
<i>Adoptio</i>	

Axiomatum syllabus.

Adoptio, Adoptatus, adoptivus.

Qui vult generum Adoptare, debet filiam emancipare: & qui vult nurum adoptare, debet filium emancipare. 74.8

Adoptio naturam imitatur. 80.2

Adoptione quasi adgnascitur suus heres. 288.1

Adoptati assimilantur liberis naturalibus. 80.7

Minus iuris habent filij Adoptivi, quam naturales. 380.12

Adquisitio.

Quod quis suis laboribus vel prospera fortuna Adquisivit, si ad alium perveniat, luctuosum ei accidit. 219.2

Per extraneam personam nobis Adquiri non potest. 20.10

Quibus ex causis nobis ignorantibus Adquiritur, ex his causis etiam furiosis sine curatore, & pupillis sine tutore acquiri potest. 380.3

Quod vni ex dominis Adquiri non potest, aliis per servum acquiritur. 461.6

Ædes, Ædificium.

Diruta Ædes locus sacer manet. 172.6

Ædium est vnum corpus ex tignis cohærentibus. 337.23

Qui est dominus ædificij, non continuo est dominus materiæ. 173.28

Qui in alieno solo sciens Ædificat, donare censetur. 173.31.

Æquitas.

Æquitas stricto iuri præfertur. 649.6

Ætas.

Naturali æquitati consentaneum est, ut is, qui est imperfectæ Ætatis, alterius cura regatur. 110

Affectus.

In crimine læsæ maiestatis punitur Affectus, licet non sequatur effectus. 728.2

Affinitas.

Soluto matrimonio Affinitas iure civili dissolvitur. 74.11.

Ago.

Si quod Ago, non valet ut ago, valet ut valere potest. 81.9

Qui non potest Agere non potest agendo vincere. 295.4

Alienatio.

Alienandæ rei facultas nec soli, nec omni domino tribuitur 210.1

Allegatio.

Falsa Allegatio non prodest. 195.6

Animal.

Naturalem libertatem Animal recipere intelligitur, cum vel nostras

Axiomatum syllabus.

- nostros oculos effugit, vel difficilis est eius persecutio
172.18.
- Animalia prorsus fera conceduntur occupanti. 172.19
- Animalia mansueta vbicunque reperiantur, non conceduntur occupanti: sed qui ea occupauerit, furti tenetur. 172.20
- Animalia mansuefacta, quamdiu ire & redire solent, tandiu comparantur animalibus mansuetis. 172.22
- Animal videtur animum reuertendi desinere habere, cum reuertendi consuetudinem deseruit. 172.21
- Brutum Animal non potest videri iniuriam facere: quia sensu caret. 669.1
- Annulus.*
- Alieno Annulo signare licet. 230.3
- Antecedens.*
- Sublato Antecedente tollitur consequens. 265.2
- Argumentum.*
- Valet Argumentum affirmatiue ductum ab eo, quod minus est, ad id, quod magis est. 88.5
- Regulariter valet argumentum ab hereditate ad tutelam. 103.2
- Valet argumentum ab auctoritate poetarum. 500.6. & 571.1
sicut etiam valet ab auctoritate philosophorum. ibid.
& medicorum. ibid & oratorum. ibid.
- Arbor.*
- Ratio permittitur, vt Arbor alterius esse intelligatur, quam in cuius fundum radices egit. 173.32
- Arrha.*
- Arrha negotium perfectum arguit. 500.1
- Asperitas.*
- Nimia Asperitate est coercenda 51.7
- Attributio.*
- Omnibus recte Attribuitur, quod plerisque conuenit, 205.1
- Auctoritas.*
- Difficile est vniuersum populum conuocare: idcirco Auctoritas viris primariis est tribuenda. 40.3
- Auctoritas coram in ipso negotio interponi debet. 113.5
- Augmentum.*
- Augmentum vel decrementum rei legatæ vsque ad diem legati cedentem, vel ex rebus legati contingens ad legatarium pertinet. 339.21
- Argumentum, vel decrementum hereditas post mortem testatoris contingens, ad heredem, non ad legatarium spectat. 346.2
- Bel. 1. 17*

Axiomatum syllabus.

B

Bellum.

Bellum armis, pax legibus administratur. 23.5

Beneficium.

Qui Beneficium sibi à iure datum prætermittit, sibi debet imputare. 487.5

Bona.

Ignominiosum est pati Bonorum distractionem. 56.3

Antè detrahendum est quod extra bonorum quantitatem est: deinde, quod ex bonis apud heredem manere oportet. 346.7

C

Calamitas.

Calamitas matris non debet ei nocere, qui in utero est. 5.62.

Caput.

Minima Capitis deminutio testamentum militis non infirma. 236.5. licet pagani testamentum irritum faciat. ibid.

Captivus.

Satius est Captivum vendere, quam occidere. 44.3

Casus.

Innumerabiles Casus hominibus, imminet. 251.4

Casus fortuitus non debet alicui præiudicium afferre. 395.2

Quod peruenit ad eum casum à quo incipere non potest, exstinguitur. 418.1

Casus fortuitus non liberat debitorem generis 447.2

Liberat tamen debitorem speciei, si ea species pereat. ibid.

Quod in eum Casum deducitur, à quo incipere non potest, infirmatur. 666.4

Causa.

Finita Causa finitur effectus. 13.7

Singule Cause singulis appellationibus distinguì debet. 288.6

Dux lucrativæ Cause in eandem personam & eandem rem concurrere non possunt. 339.9

Cessante Causa cessat effectus 434.3

Multæ Cause sæpe hominibus impedimento sunt, quominus rem suam ipsi exequi possint. 671.2.

In patris Causa, id est, neutro litigatorum probante, contra petitorum iudicatur. 701.4

Certum.

Quæ per rerum naturam sunt Certa, non morantur obligationem, licet apud nos incerta sint. 456.10

Christus.

Christi nomen operum initio rectè invocatur. 23.1

Circa illud

Axiomatum syllabus.

<i>Circuitus.</i>	
Circuitus est vitandus.	358.7
<i>Citatio.</i>	
Citandi sunt omnes, quorum interest.	80.4
<i>Ciuitas.</i>	
Qui Ciuitatem amittit, pro mortuo habetur.	87.1
<i>Codicillus.</i>	
Codicillis hereditas iure directo dari, vel adimi nequit.	365.2
Aliquis potest decedere cum pluribus Codicillis.	365.3
Codicilli nullam solemnitatem desiderant.	465.4
<i>Cognatio, Cognatus.</i>	
Seruilis Cognatio in nuptiis spectatur.	74.27
quamquam in successione ab intestato olim non spectabatur.	ibid.
Cognatio parentum & liberorum incipit à primo gradu: transversalium, à secundo:	411.1
Nulla antiqua lege seruilis Cognatio computabatur.	411.5
præterquam cum agebatur de nuptiis contrahendis.	ibid.
Cognatus mei affinis non est meus affinis.	74.13
<i>Vide Adgnatio.</i>	
<i>Commercium.</i>	
Quæ non sunt in Commercio, vendi possunt.	500.10
<i>Commodatarium, Commodatum.</i>	
Commodatarius præstat diligentiam exactissimam, id est, dolum, & omnem culpam.	447.3
Commodatum debet esse gratuitum.	447.4. & 507.3.
<i>Commodum.</i>	
Qui sentit Commodum, debet etiam sentire incòmodũ.	103.3
<i>Vide Incommodum, Periculum.</i>	
<i>Compensatio.</i>	
Compensatio ipso iure omnem obligationem minuit.	650.10
<i>Concessio.</i>	
Cui Conceditur quod est plus, id quoque concedi debet, quod est minus.	56.7
Cui plus Conceditur, etiam plus concessum censetur.	ibid.
<i>Conclusio, vide Prefatio.</i>	
<i>Condemnatio.</i>	
Iniquum est aliquem contra pacta condemnari.	688.4
<i>Conditio.</i>	
In re communi, si ad suum vsum transferatur, melior est Conditio domini facientis quàm prohibentis: contra, si quid novi	nou

Axiomatum syllabus.

- noui fiat, melior est conditio prohibentis. 272.7
 Conditio institutioni heredis adscripta quando cūque postea
 existat, retrò trahitur ad tempus mortis testatoris. 235.4
 In contractibus autem retrò trahitur ad tempus contra-
 ctus. ibid.
 Impossibilis Conditio in ultimis voluntatibus pro non scri-
 pta habetur. 266.14
 Si plures conditiones coniunctim conceptæ sint, omnium
 euentus expectatur, si disiunctim, vnā impleri suf-
 ficit. 266.15
 Conditio, quæ in non faciendo consistit, tempore mor-
 tis impletur. 455.5
 Quod in Conditione, non est in obligatione, sed tan-
 tū in spe. 455.6
 Impossibilis Conditio vitiat contractum. 482.19
 Necessaria Conditio non suspendit obligationem. 482.20
 Vide *Dies*.

Conductio, Conductor.

- Conductio transit ad heredem. 508.8
 Conductor debet omnia facere secundum legem conductio-
 nis: & si quid in lege prætermisum fuerit, id ex bono
 & æquo præstare. ibid.6
 Conductor præstat diligentiam exactissimam; non casus for-
 tuitos. ibid.7

Confiscatio.

- Is cuius bona Confiscantur, non potest habere heredem. 380.5
 Is, cui bona Confiscantur, pro mortuo habetur. 513.7

Coniugium.

- Coniugalis vitæ consuetudo est indiuidua. 63.1

Consanguinitas.

- Consanguinitas est species agnationis. 401.4

Consensus.

- Requirendus est eorum Consensus, de quorum præiudi-
 cio agitur. 80.4

- Maiores partis consensus præualet. 124.2. Vide *Error*,

Consequens.

- Qui vult Consequens, vult etiam antecedens. 564.95.1
 Vide *Antecedens*.

Consequor.

- Interdum aliquis per alium Consequitur quod per se con-
 sequi non potest. 418.2

B B b

Con

Axiomatum syllabus.

Consuetudo.

Consuetudo legem imitatur. 40.8

Contractus.

Contractus, qui ab initio non valet, ex postfacto non confirmatur. 481.3

Contractus, qui ad eum casum peruenit, a quo incipere non potest, infirmatur. ibid. 4

Contractus accessorius ante contractum [principalem] fieri potest. 487. 4. sed interim obligationem non parit. ibid.

Ex Contractu filij vel serui pater vel dominus non tenetur iure ciuili, sed iure prætorio, quatenus est in peculio. 649.9

Qui Contrahit cum seruo iussu domini contrahente, fidem domini sequi videtur. 661.2

Contrarium.

Contrariorum eadem est scientia. 60. 1. & 91. 2

Cognito vno Contrariorum, cognoscitur & alterum. ib. 2 & 656.3.

Creditor.

Creditores non sunt impediendi, quò minus ius suum persequantur. 211.6

Creditores non faciliè mittendi in possessionem bonorum debitoris, licet defuncti. 427. 6

Creditor in pignore præstat diligentiam exactam, id est, dolum & culpam latam & leuem. 448.8

Culpa.

Culpa vel in faciendo consistit. 571.5. vel in non faciendo. ib.

Culpa facit, qui id aggreditur, quod suas vires superat. ibid. 7

Curator.

Curator in testamento non datur. 120.2

Curator ad certam causam dari potest. ibid. 4

D

Debitor, Debitum.

Multum interèst, vtrum ex delicto aliquis, an ex contractu Debitor sit. 706.2

Quod purè Debetur statim peti potest. 455. 2 dummodò tantum temporis præterierit, quanto traditio fieri possit. ibid.

Quod in diem Debetur, statim debetur, sed peti prius non potest.

Axiomatum syllabus.

- test,quàm dies venerit, & præterierit. ibid.3
 Ad tempus Deberi non potest. ibid.4
 Quocumque Debitum solvente debitor liberatur. § 38.1
Receptus.
 Deceptus à venditore, rectè agit ex empto, quamvis emptio non valeat. § 00.11
Delinquens, & Delictum.
 Qui grauiùs Delinquit non debet leuiùs puniri. § 61.3
 Delicta non debent manere impunita. § 56.6. & § 61.5
 Ex quasi Delicto filij pater non tenetur. § 84.2
Demonstratio.
 Falsa Demonstratio non vitiat legatum. § 39.18
Depositarius, & Depositum.
 Depositarius tantummodò præstat dolum. 448.5
 Depositum est gratuitum. § 22.11
 Quibus casibus sine mercede suscepto officio mandatum, seu Depositum contrahitur, his casibus interueniente mercede locatio & conductio intelligitur. ibid.12
 Vide *mandatum.*
Dictum.
 Dicta in superiori orationis parte censentur tacitè repetita in inferiori. § 71.10
Diffidentia.
 Diffidentia sæpe iuuenes à studio auocat. 27.2
Dies.
 Dies institutioni heredis adiectus, pro non scripto habetur. 266.13.
 Dies, vel conditio pro vna persona adiecta, non obstat, quò minùs interim contra correum agatur. 458.2
Dignitas.
 Dignitas regulariter filios familias non liberat à potestate patris. 88.4
 Dignitas à statu differt. 101.3
Disputatio.
 Verbosa Disputatio vitanda est. 661.1
Dissolutio.
 Vnumquodque Dissoluitur eo modo, quo ligatum est. § 38.2
Do,
 Qui citiùs Dat, plus dat; qui seriùs dat, minus dat. 487.7
Dominium, Dominus.
 Nemo debet rerum suarum Dominio temerè priuari. 211.7

Axiomatum syllabus.

- D**ominium rei venditæ manet penes venditorem, usque ad traditionem. 500.9
- I**ure gentium Domini in seruos habent ius vitæ & necis. 61.4
- D**omini patientia pro traditione habetur. 173.40
- D**ominus per seruum naturaliter tenentem, ciuilitè possidet 219.7
- I**nter Dominum & seruum nulla obligatio nasci potest 666.3
- D**ominus, & seruus vide. *Pater, & Filii.*
- Dos.*
- D**otis causa ciuile dominium ad maritum transfert. 210.2
- N**ecessariis sumptibus Dos minuitur. 651.35
- Dubium.*
- G**enerali nomine id in Dubio significatur, quod est præcipuum. 40.1
- I**n dubio media via est eligenda. 56.9

E

Edictum.

Successorium Edictum tam in adgnatis, quàm in cognatis locum habet. 389.8

Effectus.

Cui non conceditur Effectus, ei causa concedi non debet. 80.6

Finita causa finitur Effectus.

Vide Causa.

113.7

Emancipatio, Emancipatus.

Emancipatio dissoluit adoptionem.

Emancipatio filio honorem affert.

74.7

Omnis Emancipatio censetur quasi contractâ fiduciâ fieri. 219.3

389.10.

Emancipatus à patre adoptiuo, perinde habetur, ac si emancipatus esset à patre naturali.

252.4

Emancipati iure ciuili pro extraneis habentur, non etiam iure prætorio.

380.9

Emancipati à patre adoptiuo, perinde habentur, ac si à patre naturali emancipati essent.

380.11.

Emptio.

Qui non potest rem Emere, non potest eam pignori accipere.

210.4

Emptio

Axiomatum syllabus:

Emptio sine certo pretio nulla est.	500.3
<i>Eng.</i>	
Non Entis nullæ sunt qualitates.	101.2. & 481.1
Quod non Est mutari vel amitti nequit.	ibid.
<i>Error.</i>	
Error impedit consensum.	95.2
Error falsæ causæ usucapionem non perit.	197.7
Communis Error facit ius.	230.5
<i>Exceptio.</i>	
Exceptiones reorum defendendorum gratia comparatæ sunt	
688.1	
<i>Exemptio.</i>	
Quæ sui natura dominio nostro sunt exempta, in obligationem deduci nullo modo possunt,	481.5
<i>Exheredatio.</i>	
Exheredatio, vel præteritio liberorum plerumque fit sine iusta causa.	495.1
<i>Exhibitio.</i>	
Non sufficit rem Exhibere, nisi in eadem causa exhibeatur.	
715.4	
<i>Expressum.</i>	
Expressum in parte contractus, censetur tacite repetitum in altera parte.	513.4

F

Facile.

A Facilioribus & simplicioribus est inchoandum. 27.1

Facio.

Facta sunt personalia, nec egrediuntur personam. 461.4

Qui per alium Facit, per se facere videtur. 529.3

Femina.

Feminae liberos in potestate non habent. 80.7

Non in omnibus iuris articulis deterior est conditio foeminarum, quam masculorum. 252.5. & 389.4. licet in multis deterior sit. ibid.

Fictio.

Fideicommissarium, & Fideicommissum.

Idem operatur Fictio in casu ficto, quod veritas in casu vero. 88.6

BBb 1

Fideicom

Axiomatum Syllabus.

Fideicommissarius pro herede habetur. 358. 6.

Vide Legatarius.

Heredis Fideicommissum non præstantis perfidia coercenda est. 358. 2

Fideicommissa sunt fauorabilia. ibid. 4

Fideicommissa tam in testamento, quam ab intestato relinquipossunt: legata verò nisi ex testamento, non valent.

359. 10.

Vide Legatum

Fidei ssor.

Cuius obligationi Fideiussor accedere potest. 487. 1

Fideiussor potest magis. ibid. 2. vel minus, non plus debere quam reus principalis. ibid.

Quod à Fideiussoribus petitur, ab ipso reo peti videtur.

691. 2

Filius, & Filiusfam.

Filius in eius potestate nascitur, in cuius potestate conceptus est. 88. 7

Filius viuo patre est quasi dominus rerum paternarum.

80. 4

Filius moriente patre, in eius locum succedit. ibid. 6

Flij arrogati comparantur filiis naturalibus. 430. 8

Magis afficimur periculo, quod in Filiorum nostrorum, quam quod in persona contingit. 666. 5

Filiifamilias debent habere parentum consensum, in quorum potestate sunt. 73. 3

Filiusfamilias obligatur vt paterfamilias. 481. 12

Fio,

Quod iure prohibente Fit, pro infecto habetur. 74. 18

Forma.

Si res ad pristinam materiam reduci possit, Forma cedit materia: sin minus materia cedit formæ. 173. 23

Frater.

Frater mei fratris non est meus frater. 74. 14

Fratres adoptiui vocantur improprie consanguinei, quia non sunt ex eodem sanguine. 389. 1

Fructuarius.

Fructuarius rectè colere, & quasi bonus paterfamilias vti debet. 173. 37

Fructuarius, corpus in quo vsumfructum habet, non possidet ciuilitè. 219. 8. sed naturaliter. ibid. ipsum autem vsum

Axiomatum syllabus.

usumfructum ciuilitè quasi possidet. ibid.
Fructuarius usucapere non potest. 220. 9

Furiosus , Furor.

Furiosi mente carent. 242. 4
Furiosi testamentum nullum est. 295. 3
Furiosus nullum negotium gerere potest : quia non intelli-
git quod agit. 481. 14
Furor superueniens non infirmat negotium rectè gestum. 242. 6

Furtum.

Furtum sine affectu furandi non committitur. 197. 3. & 556. 4
Furtum lege naturali prohibetur. 556. 3

G

Gradus.

Quotcumque Gradus here dum velit, testator facere po-
test. 273. 1
Semper generata persona Gradum adiicit, adeò ut tot sint
gradus, quot sunt generationes personarum. 411. 2
Facilius est dicere cognati Gradum, quàm cognationis no-
men. 411. 3

Grex.

Grex est vnum corpus ex distantibus capitibus. 339. 12

H

Heres , Hereditas.

Fauorabile est habere Heredem. 16. 2
Non debet alicui inuito suus Heres fieri. 80. 3
Necessarius Heres non fit, nisi ex eodem testamento liber-
tatem, & hereditatem accipiat. 266. 4
Heres fieri dicitur etiam is, qui alteri acquirit heredita-
tem. 273. 4
quamuis alio sensu dici possit eum heredem non fieri, qua-
tenus sibi non acquirit. ibid.
Ex certis rebus Heres institutus, simpliciter heres fit de-
tracta rerum mentione. 288. 5
Extraneis Heredibus deliberandi potestas est de hereditate

Axiomatum syllabus.

- adeunda, vel repudianda. 303.1
Pro Herede gerere, est, pro domino gerere. 303.7
Heredi extraneo liberum est adire, vel repudiare hereditatem. 346.7
Qui semel est Heres, non potest desinere esse heres. 358.5
Cum quaeritur, an aliquis sit suus Heres, spectatur tempus, quo certum esse coepit patremfamilias decessisse intestatum. 338.3
Heres non fit à pratore, sed à lege, vel alia iuris ciuilis parte quæ vim legis habeat. 426.1
Heres in societatem non succedit. 513.5
Qui hereditatem adit quasi contrahit cum legatariis. 529.7
Et cum creditoribus hereditariis. ibid.
In quaestione cui acquiratur Hereditas, spectatur tempus aditionis. 268.5
Iacens Hereditas repræsentat personam defuncti. 266.7
Olim commodius videbatur, ita iura constitui, ut plerumque Hereditates masculis deferuntur. 389.2
Noxæ Hereditates legitimæ capitis deminutione non tolluntur. 398.
Hereditas personam defuncti repræsentat. 461.2
Petitio Hereditatis, tam directæ, quàm utilis est perpetua. 680.3

Homo.

- Homini libero quodlibet facere licet, nisi vi, aut iure prohibeatur. 44.1
Liberorum Hominum, alij magis, alij minùs liberi sunt. 44.5
Sæpè Homines putant se plus habere in bonis, quàm re verè habeant, 56.5

Honor.

- Honor non debet rerum priuatione minui. 219.4

Horreum.

- Traditis Horrei clauibus, merces, quæ in horreo sunt traditæ censentur. 173.41

Ignorantia

Axiomatum syllabus.

I

Ignorantia.

I gnorantia iuris excusat à dolo.	197.4
Iusta alieni facti Ignorantia excusat.	521.8
Ignorantia iuris excusat à dolo, non à culpa.	661.4

Impedimentum.

Sublato Impedimento tollitur effectus illius impedimenti.	
95. 3. & 197. 6	
Sublata causa Impedimenti, tollitur impedimentum.	
173. 30.	

Imperitia.

Imperitia, seu simplicitas militaris excusat.	535.1
Imperitia eius, qui scientiam proficitur, culpæ adnume-	
ratur.	571.6

Imprudencia.

Qui per Imprudentiam peccat, quasi delinquit.	584.1
---	-------

Impubes.

Nullum est in Impuberibus animi iudicium.	242. 3
Impubes, qui in potestate parentis est, ne quidem patre	
auctore obligatur.	481.18
Impubes pubertati proximus, est doli capax.	556.11

Impudicum.

Ab his, quæ Impudica sunt, abstinere oportet.	116.1
---	-------

Inchoatio.

A dignioribus est Inchoandum.	40.10
A vetustioribus est Inchoandum.	172.5
A simplicioribus inchoandum.	339.6

In commodum, & Commodum.

Qui sentit Incommodum, debet etiam sentire commo-	
dum. 103. 3. & 389. 9. & qui sentit commodum, de-	
bet etiam sentire incommodum.	ibid.

Indebitum.

Indebitum accipiens obligatur quasi ex mutuo.	529.9
Ex quibus causis per inficiationem lis crescit, ex his cau-	
sis Indebitum solutum non repetitur.	ibid.10

Infamis.

Infamis in iudicio procurator iure civili esse potest.	688.9
iure canonico non potest.	ibid.

Infans, Infantia.

B B b 5

Infans

Axiomatum Syllabus.

L

Lædo.

Neminem Lædere oportet. 27.4

Laudis.

Laudis suæ titulos efferre licet. 23.2

Legatarius Legatum.

Legatarij, & particulares fideicommissarij non succedunt in ius, sed in rem. 231.13

Legatum ab herede præstandum est. 339.2

Legata & fideicommissa sunt inter se exæquata. ibid.4

Legatum, quod ab initio non valet, ex postfacto non confirmatur. ibid.13

Legatum non valet, nisi aliquam utilitatem afferat legatario. ibid.16

Legatum sustinetur, etiam si ad eam causam peruenerit, à qua incipere non potest. ibid.17

Legari potest iis, quibuscum est testamenti factio. ibid.24.

Falsa legandi causa Legato non nocet. ibid.25

Legatum in testamento relictum, tam in eodem testamento, quàm in codicillis adimi potest. 342.1

Legatum quibuscumque verbis adimi potest. ibid.2

Legatum tam in eodem testamento, quàm in codicillis transferri ad alium potest. ibid.3

Ex testamento destituito Legata non debentur. 346.6

Qui Legatum loco pio relictum, falsò inficiatur, condemnatur in duplum. 529.12

Legata per legem Falcidiam ipso iure minuuntur. 650.25

Lex.

Qui ad Legum studium animum appellit, iuuenis & legum cupidus esse debet. 23.3

Quod Lege prohibente fit, non valet. 56.1

Legum præcepta sunt obseruanda. 73.2

Ex Lege esse dicitur, non solum quod ex verbis, sed etiam quod est ex mente & interpretatione legis. 103.1

Ratio Legis Falcidiæ seorsum in singulis heredib. ponitur. 346.2

Ex lege Aquilia inficientes damnantur in duplum, confitentes in simplum. 529.11

Lege

Axiomatum syllabus.

Lege Aquilia tam ex dolo, quàm ex culpa quisque tenetur. 531.3

Liberi.

Liberi qui sunt in potestate arrogati, patrem sequuntur. 81. 8

Liberi adoptiui naturalibus comparantur. 252. 8

Liberi succedunt in stirpes. 380.7

A luxuriosis Liberis obaratis periculum parentibus imminet. 661. 5

Libertas, & Liberti.

Libertas est res inæstimabilis. 56. 8

Libertas est fauorabilior lucro pecuniario. 339. 28. & 434. 1

Libertas, quæ semel competit, non reuocatur. 434. 2

Omnes Liberti sunt ciues Romani. 416. 2

Liquidum.

Non Liquidi ad liquidum non fit compensatio. 650. 21

Lit.

Lites celeriter sunt dirimendæ. 482. 21.

Litis contestatio actionem perpetuat. 680. 6

A die Litis contestatæ omnes fructus rem vindicanti restitui debent. 715. 3

Cauendum, ne facilè homines ad litigandum procedant. 706. 1.

Literatus.

Sæpe Literati & eruditi homines variis casibus audiendi & loquendi facultatem amittunt. 242. 9

Littus.

Nemo ad Littus maris accedere prohibetur, dummodo ab ædificiis ibi positis abstineat. 171. 1

Cuilibet licet in Littore causam ponere, in quam se recipiat, retia siccare, & ex mari deducere. 171. 3

Locatio & conductio.

Locatio & conductio est similis emptioni & venditioni. 507. 1

Locatio non est sine certa mercede. 507. 2

Lucrum.

Lucrum, vel damnum id solum intelligitur, quod compensatione lucri cum damno facta, superest. 513. 3

Ludus.

Ludus noxius culpâ non vacat. 571. 4

Magistratus

Axiomatum syllabus.

M

Magistratus.

Magistratus est honor. 40.6
Mandatarius, Mandatum,

Mandatarius non debet excedere fines mandati. 521.3

Qui Mandat certo pretio emi, tacitè mandat minoris emi,
si possit, non pluris. 621.4

Mandatum contra bonos mores non est obligatorium.
621.2

Mandatum re integra reuocari potest. 521.6

Mandatum non transit ad heredes. 521.7

Mandatum est gratuitum, 522.10

Quibus casibus sine mercede suscepto officio Mandatum,
seu depositum contrahitur, his casibus interueniente mer-
cede locatio & conductio intelligitur. 522.14

Manumissio.

Manumissio non officit ingenuitati. 46.3

Manumissio cognationem seruitute amissam non restituit.
101.4

Damnantur in quantum facere possunt. Maritus, 651.34 pa-
rens, patronus, & actione pro socio, vel ex donatio-
ne sua conuentus. ibid. Materia, v. Forma.

Merx.

Mercium æstimationes diuersis locis diuersæ sunt. 650.28

Miles.

Militis sola voluntas in testando spectatur. 266.12

Miles non potest fieri procurator, nisi in rem suam. 688.7

Minister.

In Ministris requiritur solertia, scientia, & fides. 23.9

Minor.

Minores 25. annis negotia sua tueri non possunt. 120.1

Missile.

Occupanti conceduntur Missilia 73.42. & habita pro de-
relieto. ibid.

Moriens, Mortuus.

Caendum, ne vera Morientium iudicia subuertantur.
2.5.3

Quilibet

Axiomatum syllabus.

Quilibet in locum, in quo plenum dominium habet, pro libitu Mortuum inferre potest. 172.2

In locum communem parum non licet inferre invito socio. 172.9

Licet in commune sepulchrum inferre, non solum consentientibus, sed etiam inuitis sociis. 172.10

Proprietarius non potest Mortuum inferre invito fructuario. 172.11.

Possumus in alienum locum inferre consentiente domino: & locum religiosum facimus, etiamsi dominus ab initio non consentiat, sed postea ratum habeat. 172.12

Mulier.

Mulier verecundiam sexui congruentem egredi non debet. 138.2.

Mulieribus iura fauent propter partus periculum. 395.1

Mulier ad dotem repetendam habet priuilegium tacitæ stipulationis, quæ bonæ fidei est, tacitæ hypothecæ, & prælationis. 650.28.

Muros.

Qui in Muros ciuitatis delinquant, capite puniuntur. 172.14

N

Nata.

Nata post diuortium non est priuigna. 74.25

Negligenti.

Qui Negligenti amico rem custodiendam tradit, sibi debet imputare. 448.6

Negotium.

Negotiorum gestio est quasi contractus. 528.1

Æquum est absentium, qui subita festinatione coacti peregrè profecti sunt, Negotia non deserere. ibid.2

Nemo absentis Negotia facile curaret, nisi impensas repetere posset. ibid.3

Negotiorum gestor, si eius contemplatione alius ab administratione abstinuit, exactissimam, ibid.4. alias exactam diligentiam regulariter præstat. ibid.

Nemo.

Nemini ius suum detrahi debet. 61.10

Nemo potest decedere cum duobus testamentis. 281.2

Nemine.

Axiomatum syllabus.

Nemine hereditatem adeunte , testamentum non valet
ibid. 4

Nemo potest rogari , vt plus restituat , quàm à restatore
capiat. 326. 2

Nemo potest directò libertatem ex testamento capere , nisi
tàm tempore facti testamenti , quàm mortis tempore fa-
cti testatoris , in eius dominio fuerit. ibid. 2

Nemo rem suam purè , 481. 2. vel rem suam futuram ,
in eum casum , quo sua futura est stipulari potest. ibid.

Nemo debet ex suo dolo lucrari. 513. 5

Nemo ex consilio obligatur mandati , quamuis consilium
non sit vtile ei , cui datur : quia liberum est vnicuique
apud se explorare , an sibi expediat. 321. 1

Nemo cogitur mandatum suscipere , sed sponte susceptum
tenetur perficere , aut re integra quamprimùm ei renun-
ciare. ibid. 9

Nemo potest rem suam condicere , nisi furti. 649. 12

Nemo alienæ rei defensor idoneus est sine satisfactione.
676. 1.

Nomen.

Nomina debent esse rebus consentanea. 205. 4

Nomina significandorum hominum gratia reperta sunt , qui
si alio quolibet modo intelligantur , nihil interest.
339. 15

Suo vel alieno Nomine agere , vel actionem excipere licet
tàm igitur per se , quam alium agi , vel actio excipi potest.
671. 1

Nostrum.

Id quoque Nostrum est , in quo alius habet vsumfructum.
265. 1

Quod Nostrum est , amplius nostrum fieri nequit.
339. 12.

Novatio.

Novatio non præsumitur , nisi expressè facta sit. 358. 4

Nupta, Nuptia.

Eadem duobus simul Nupta non esse potest. 74. 10

Nuptiæ sunt populiæ civium Romanorum. 73. 1

A quarundam Nuptiis abstinendum est. ibid. 4

In nuptiis contrahendis non tàm spectatur quid stricto iure
liceat , quàm quid deceat. & publicæ honestati sit con-
sentaneum. ibid. 4

Nuptiæ

Axiomatum syllabus.

Nuptiæ minùs prohibentur inter cognatos transuersales ,
quàm inter parentes liberos. 74.6

O

Obligatio, Obligatus.

IN Obligatione duorum reorum vna res continetur, &
semel tantùm soluitur. 458.1

Spes Obligationis conditionalis ad heredem transit. 482.30

Obligatio fideiussoris transit in heredes. 487.3

Omnis Obligatio quæ ex delicto nascitur, ex re nascitur.
556.1

Obligatio personalem actionem parit. 649.1

In Obligatione alternata electio est debitoris quid malis
soluere. 650.30

In Obligatione generis electio est debitoris quam speciem
soluat. ibid.31

Qui non est Obligatus, si de re aliqua controuersiam
patiatur, actione in rem conuenitur. 649.2

Occupatio.

Quod nullius est, naturali ratione Occupanti conceditur.
172.17

Officium.

Qui officio coactus facit, excusatur. 395.8

Onus.

Onera hereditaria sequuntur hereditatem, non res heredita-
rias. 3599

Opera.

Operarum officialium obligatio est personalis, quæ perso-
nam non egreditur. 430.

Qui opera malorum hominum vititur, culpæ reus est
594.3

Opinio, v. Veritas.

P

Pactum.

PActa informant contractus tam iuris gentium, quàm iu-
ris civilis. 507.4

Pacta sunt seruanda. 513.1

Pactum conuentum non tollit obligationem ipso iure, sed
exceptionis. 688.3

Axiomatum syllabus.

Prius Pactum per posterius non tollitur ipso iure, sed
ope exceptionis, 691.1

Paganus.

Paganus pro parte testatus, pro parte intestatus decedere
non potest. 266.11.

Parens, patronus, v. *Marius.*

Paria.

Paria sunt, aliquid facere, & facienti consentire. 661.6

Paria sunt, aliquid non facere, & non iure facere. 97.1

Paria sunt, aliquid non facere, & non iure facere. 500.4

Parricidium.

In Parricidio æquè conscius ac perpetrans delictum punitur,
728.3

Pars.

Pars data in institutione, censetur tacitè repetita in substi-
tutione 374.2.

V. *Totum.*

Partus.

Partus sequitur ventrem.

Pater.

Iniquum est, in potestate Patris adoptivi esse, ad quos bona
patris naturalis pertineant. 380.10

Inter patrem & filium, vel dominum & servum iudicium
non consistit. 556.7

Patrimonium.

Quantitas Patrimonij, ad quam ratio legis falcidix redigi-
tur, mortis tempore spectatur. 346.3

Patronus.

Famæ Patroni parcendum est. 138.1

Iniquum est Patrono filium liberti, non naturalem, sed ado-
ptivum præferri. 416.1

Pax, v. *Bellum.*

Peculium.

Peculium quasi castrense comparatur peculio castrensi.
236.6

Regulariter Peculium filij familias in bonis patris computa-
tur, ut peculium servi in bonis domini. 242.2

Peculium intelligitur deducto eo, quod servus domino de-
bet. 661.3

Pecunia.

Axiomatum syllabus.

Pecunia.

Pecunia numerata non in omnibus regionibus sub eisdem
usuris. 650.29

Periculum.

Periculum & commodum rei venditæ ad emptorem spe-
tat. 500.7

Periurium.

Iniquum est de Periurio quæri. 688.5

Permissio

Quod inter viuos fieri Permittitur, multò magis permit ten-
dum est in vltima voluntate. 58

Persona.

Parum est ius nosse, si Personæ ignorentur, quarum causa ius
est constitutum. 40.1 1

Petitio.

Qui præmaturè Petit, plus petere videtur. 650.27.

Pignus.

Pignus tam creditoris, quam debitoris gratiâ contrahitur.
448.7

Piscatio.

Cuius è populo licet in flumine Piscari. 171.2

Placet.

Quod semel Placuit, amplius displicere non potest, 105.2. &
303.3. & 556.1

Pœna.

Pœna nummaria pauperi magna pœna est 179.9

Populus.

Populi sunt legibus regendi. 23.7

Possessio, Possessor.

Auctoris Possessio continuatur cum possessione eius, qui ab
illo causam habet. 197.8

Commodius est Possidere quàm petere. 702.3

Possessio per alium acquiri & retineri potest. 702.5

Solo animo Possessio retineri, non acquiri potest. 702.6

Bonæ fidei Possessor fructus perceptos lucratur, si aut titulo
oneroso possideat, aut sint fructus industriales, aut eos con-
sumpserit. 173.3

Bonorum Possessor vicem heredis obtinet 426.3

Idem non potest esse Possessor, & in indicio actor. 701.2

Bonæ fidei Possessor nec de fructibus consumptis, nec de
neglectis tenetur 705.2

C C c 2

Posthimus

Axiomatum Sylabus.

<i>Posthumus.</i>	
Posthumi habentur pro iam natis.	91. 3
<i>Potestas.</i>	
Imperialis Potestas à populo est constituta.	40. 4
Potestas dominorum in feruos est iuris gentium.	60. 3
Patria Potestas est iuris ciuilis, & ciuium Romanor. propria.	63. 2
Quo ad patriam Potestatem, liberi patrem, non matrem sequuntur.	63. 3
<i>Præfatio.</i>	
Dicta in Præfationibus censentur repetita in conclusionibus.	181. 10
<i>Præteritio.</i>	
Præteritio matris, vel ascendentium per lineam maternam, habet vim exheredationis.	252. 8
<i>Pretium.</i>	
Cui Pretium abest ipsa res abesse videtur.	339. 10.
Pretium in sola numerata pecunia consistit.	500. 5
<i>Prætor.</i>	
Prætor ius ciuile modò corrigit, modò supplet, modò confirmat.	426. 1
<i>Princeps, Principale, Principaliter.</i>	
Princeps armis & legibus opus habet.	23. 4
Princeps, licet legibus solutus sit, tamen secundum leges uiuit.	288. 9
Sublato Principali tollitur accessorium.	339. 20
Magis spectamus quod Principaliter, quam quod secundario & per consequentiam contingi.	231. 12
<i>Priuatio.</i>	
Priuatio præsupponit habitum.	50. 1
<i>Priuilegium.</i>	
Priuilegium non egredietur personam priuilegiatam.	40. 5
<i>Probatio.</i>	
Onus Probandi incumbit aëtori.	339. 7
<i>Procurator.</i>	
Procurator solo consensu constituitur.	67. 3
Procuratoris officium virile est.	688. 8.
<i>Prodigus.</i>	
Prodigus furioso comparatur.	242. 8
<i>Promissio.</i>	
Promissio ad certum locum relata, tempus, quo possit in eum locum	locum

Axiomatum syllabus.

- locum perueniri, tacitè continet. 455.8
- Impossibilis Promissio non valet. 455.9
- Alieni facti Promissio non valet. 481.6
- Turpis Promissio non valet. 482.29
- Promissio nouandi causa facta à pupillo, non obligat pupillum, sed tollit priorem obligationem facta autem à seruo, nullum habet iuris effectum. 835.3
- Provincia.*
- Omnes Prouinciæ caput imperij, id est, regiae vrbis obseruantiam sequi debent. 676.3
- Proximus.*
- Proximior remotiori in tutela suscipienda præfertur. 101.5
- Proximi appellatione continentur etiam plures, qui sunt in eodem gradu. 389.6
- Propriè Proximus ex pluribus gradibus intelligitur, sed & si vnus sit, proximus dici potest. 389.7
- Pudicitia.*
- Pudicitiae fauor in foeminis magis spectatur, quam in masculis. 666.6
- Pupillus.*
- Pupillus sine tutore conditionem suam meliorem facere potest, non deteriore. 113.1
- Ex contractibus vtrò citròque obligatoriis is, qui cum Pupillo contrahit, obligatur, sed pupillum inuicem obligatum non habet. 113.2
- Pupillus hereditatem sine tutore acquirere non potest, nec iure ciuili, nec iure prætorio: & neque iure directo, neque per fideicommissum. 113.3
- Fauor Pupilli facit contractum claudicare, item hereditatem, vel bonorum possessionem. 113.4
- Pupillus sine tutoris auctoritate rem alienare nequit. 211.8
- Pupillus sine tutore potest rerum dominium acquirere. 211.10.
- Soluens Pupillo sine tutore, & interdum sine sententia iudicis non liberatur. 211.11
- Pupillus sine tutore soluens quod debet, ante pecuniam consumptam non liberatur. 211.12
- Pupillus omne negotium rectè gerit, dum tamen tutor adhibeatur, vbi tutoris auctoritas est necessaria. 481.15

Axiomatum syllabus.

Q

Querela.

Inofficiosi Querela est odiosa. 295.5. quia est contra naturæ
verecundiam. ibid.
Quarta Querelam inofficiosi testamenti excludit. 295.7

R

Raptor

Raptor est fur improbus. 561.1
Ratihabitio. 8

Ratihabitio comparatur mandato. 172. 13

Ratio.

Maior Ratio obscurat minorem. 74.12

Vbi est eadem Ratio, debet esse idem ius 81.1. 103.4. 500.4. &
649.7

Ciuis Ratio iura ciuilia tollere potest, non etiam iura natu-
ralia. 97.2

Res.

Cælesti fauore magnæ Res perficiuntur. 23.8

Res sacræ regulariter alienari nequeunt. 172.5

Extinctæ Res vindicari non possunt, sed malæ fidei posses-
soribus condici possunt. 173.25

Rerum dominia non debent esse incerta. 197.1

Qui sciens Rem alienam vendit, vel ex alia simili causa
trahit, furtum committit. 197.2

Rei immobilis furtum non fit. 197.5

Qui mala fide Rem consumpsit, ad exhibendum tenetur.
211.9

Rei emphyteuticæ periculum, si tota pereat, ad dominum
spectat, si pars intereat, ad emphyteutam pertinet.
508.5

Rei, communio sine societate, est quasi contractus. 29.6

Vtilius est Rei incumbere, quam in personam agere. 55.6.9

Reipublica.

Ad Reipublicæ administrationem & honores aspirare li-
cet. 23.12

Reipublicæ

Axiomatum syllabus.

Reipublicæ administratio iuris peritis committi debet.

23.13.

Expediit Reipublica, ne quis se sua malè utatur. 61.9

Qui pro Republica ceciderunt; in perpetuum per gloriam
vivere intelliguntur. 135.2

Responsum.

A Responsis Iuriconsultorum recedere iudici non licet.

40.7

Restitutio.

Adversus libertatem non datur Restitutio. 56.6

Restitutio in integrum omnia iura amissa restituit. 88.3

S

Satisfactio.

Satisfactio malevolum tutoris consilium non mutat, sed
diutius grassandi in re familiari facultatem præstat.

138.4

Scriptura

Scriptura cedit chartæ.

173.33

Sententia.

Sententia debet esse certa.

650.24

Sententia absolutoria non tollit actionem ipso iure, sed
ope exceptionis. 688.6

Servitus, Servus.

Servitus est iuri naturali contraria.

40.2.82 44.2

Servitutes sine prædiis non consistunt.

180.2

Omnes Servi sunt æquè servi.

44.4

Servus ex persona domini ius stipulandi habet.

461.1

Quicquid Servus acquirit, domino acquirit.

61.5

Nemini licet Servum suum occidere, aut durius tractare.
quàm par sit.

61.6

Servus nullum caput, id est statum non habet.

101.1

Exemplo pessimum est Servum libertate fraudari, & manu-
mittentem damno affici, non manumittentem lucrari,

205.5.

Servus, qui in domini potestate est, nihil suum habere po-
test. 219.5

Servus hereditatem adeunte iussu domini, perinde habetur
ac si dominus adiret.

219.6

C C C 4 C u n

Axiomatum Syllabus.

Cum hereditariis Seruis est testamenti factio. 266.6
Plurium Seruus singulis dominis acquirit pro domini portionem. 266. 9. & 461. 5
Seruus hereditarius acquirit hereditatem, & per eam futuro heredi. 461. 3
Seruus ciuilitate obligari non potest. 481. 11
Serui nulla iniuria fieri intelligitur, sed dominis per eos fieri videtur. 579.6
Seruorum qualitates variae sunt. 579. 2. conditio autem seruilis una est. ibid.
Iniquum est, nequitiam Seruorum vltra ipsorum corpora dominis damnosam esse. 666. 1
Vide Dominus.

Sexus.

Sexus muliebris fragilis est. 211. 5
Vterque Sexus in hominibus procreandis simili naturae officio fungitur. 252. 6

Silentium.

Silentium militis non ignorantis se habere liberos, pro exheredatione nominatim facta habetur. 251.7

Simplicitas.

Simplicitas est legibus amica. 389.3
Vide Imperitia.

Singula.

Singula suis locis sunt enarranda. 120. 12. & 339. 1

Societas, Socius.

Saepe quorundam ita pretiosa est opera in Societatem, ut iustum, sit eos meliore conditione in societatem admitti. 513.2
Socius dolum & culpam latam & leuem praestat. ibid.8
Qui parum diligentem socium sibi adiungit, sibi debet imputare. ibid.9

Solum.

Solo cedit, quicquid inaedificatur. 173. 17. plantatur. ibid.

Soluens, Solutio.

Soluens non liberatur, nisi soluta pecunia fiat accipientis. 211. 13

Solutio non est contractus, sed distractus. 447. 1
Non obligatio, sed Solutio in extraneam personam conferri potest. 481. 7

Solutio indebiti est quasi contractus, id est, distractus. 529.8
Qui

Axiomatum syllabus.

Qui tardiùs Soluit, minus soluere intelligitur. 650.26

Spes.

Spes contractus conditionalis ad heredem transit. 455.7

Spes autem legati conditionalis ad heredem non transit:
quia si legatarius pendente legati conditione moriatur,
legatum extinguitur. ibid.

Spoliatus.

Inhumanum est, Spoliatum fortunis suis in solidum spo-
liari. 65.36

Sponsa.

Sponsa patris, non est nouerca, & sponsa filij non est nu-
rus. 74.16

Spurius.

Spurij non intelliguntur habere patrem. 74.19

Stipulatio.

Stipulatio quacumque lingua fieri potest. 455.4
Ex Stipulatione facti, nisi fiat quod promissum est debetur
quod interest stipulantis. 436.11

Stipulationem contrahentes, se inuicem exaudire debent.
481.13.

Stipulationes ex consensu contrahentium valent. 482.23

Præpostera Stipulatio hodie valet. ibid.24.

Tot sunt Stipulationes, quot sunt res in stipulatum dedu-
ctæ. ibid.26

Stipulationes inuentæ sunt, vt vnusquisque sibi acquirat
quod sua interest. ibid.27

Cum poenam Stipulamur non quaeritur, an intersit, sed
quantum poenæ nomine promissum sit. ibid.28

Stipulatio civilem actionem parit. 49.8

Substitutio, Substitutus.

Ex vulgari Substitutione succeditur patri, qui substituit: ex
pupillari autem succeditur pupillo, cui substitutum est.
281.1

Pupillaris Substitutio est pars & sequela testamenti paterni,
à quo ita pendet, vt sine illo valere non possit. ibid.2

Substitutus substituto, est etiam substitutus primo instituto.
273.3.

Sucessio.

Sucessio ex testamento præfertur successioni ab intestato.
22.11

In Successione ab intestato maior ratio habetur ordinis, quàm
gradus. 411.6

INS

Axiomatum syllabus.

Ius Succedendi non est restringendum, sed dilantandum.

826.4

Vide *Adgnatio.*

Suspectus.

Suspectus iudicatur ex moribus, non ex facultatibus. 138.5

Suum, Sui.

Suum cuique tribuendum.

27.5

Sui heredes sunt domestici heredes, & viuo quoque patre quodammodo domini.

303.1

Sui heredes existunt etiam ignorantes.

308.2

T

Tabula.

Tabula cedit pictura. 173.34

Tale.

Propter quod aliquid est Tale, illud quoque tale est. 308.1

Tempus.

Tempus petendæ bonorum possessionis est vtile, non continuum. 427.7

Testamentum.

In testamento suspicio falsi vitanda est. 230.2

Testamenta sunt fauorabilia, & quoad eius fieri potest sustinenda. ibid. 6

Totum negotium, quod agitur testamenti ordinandi gratia, inter testatorem & heredem agi videtur. 231.9

Testamenti factio ab homine priuato permitti non potest. 242.1

Testamentum, quod ab initio non valet, ex postfacto non confirmatur. ibid. 5. & 251.1

Testamenti factio in testatore requiritur eo duntaxat tempore, quo testamentum facis. 242.7. Excipe nisi capitis diminutione testatoris fiat testamentum irritum. ibid.

Cum Testamentum rumpitur, totum infirmatur; nec potest pro parte valere, pro parte esse inutile. 151.2

Aliud est cum per inofficiosi querelam rescinditur. ibid.

Testamenti factio in heredem requiritur tribus temporibus: videlicet facti testamenti, mortis testatoris, & aditæ hereditatis.

303.3

Inutile

Axiomatum syllabus.

Inutile est Testamentum, in quo nemo heres instituitur.

358.4

Testamentum sola contraria testatoris voluntate non infirmatur.

288.7

Imperfectum Testamentum nullum est, id est, ipso iure non valet.

288.8

Qui ob facti impedimentum non potest Testamentum facere, non prohibetur facere codicillos.

365.1

Qui possunt ex testamento capere, possunt in testamento esse testes.

230.4

Testatio, & Testator.

Qui contra officium pietatis Testatur, quasi furiosus videtur.

295.2

Ignorantia Testatoris inutilem institutionem non facit.

266.16

Testatoris voluntas verbis præfertur.

339.3

Testatoris voluntati est obtemperandum.

339.8

Inciuiile est, scripturæ ordinem sequi, ac sperni Testatoris voluntatem.

339.27

Testimonium, Testis.

Domesticum Testimonium reprobatur.

230.8

Nihil vetat, ex vna domo plures Testes in negotio alieno adhiberi.

230.7

Nemo potest esse Testis in causa propria.

230.11

Thesauros.

Thesauros tantum in suo fundo querere licet.

173.38

Tignum.

Nemo cogitur Tignum alienum ædibus suis iunctum eximere.

173.29

Totum.

Eadem est ratio totius ad Totum, & partis ad partem

358.8, 339.7.

Transuersalis.

Transuersales non debent esse libertis potiores.

381.16

Tutela, Tutor.

Tutela est munus publicum.

135.1

Tutelæ, vel curæ plurium pupillorum indiuisa bona habentium, pro vna computantur.

135.3

In ciuile est, eos, qui alieno auxilio in rebus suis administrandis egent & ab aliis reguntur, aliorum Tutelam, vel curam gerere.

135.4

Qui

Axiomatum Syllabus.

- Qui tutelam subit, nullum negotium cum pupillo contrahit. 529.5.
- Tutor datur personæ, non rei, vel causæ. 91.4.
- Tutor in rem suam auctor fieri nequit. 113.6.
- Maxima, vel media capitis diminutio Tutoris perimit tutelam. 117.2.
- Minima capitis diminutio Tutoris regulariter non extinguunt tutelam. 117.1.
- Tutorem habenti tutor dari non potest. 121.5.
- Tutor, vel curator potest actorem constituere. 121.5. non pro-
curatorem. ibid.
- Tutores, vel curatores non debent pupillorum, vel eorum,
qui in curatione sunt bona consumere, aut diminuere. 124.1.
- Tutores & curatores administrare compelluntur. 124.3.
- Datus Tutor ad vniuersum patrimonium datus esse creditur. 135.5.

V

Venditio, Venditor.

- I**nterdum aliquis cogitur rem suam vendere. 61.8.
- Qui non potest rem vendere, non potest eam pignere,
sive hypothecæ supponere. 210.4.
- Venditor præstat dolum, & culpam, non casum fortuitum,
nisi ex pacto. 500.8.

Verba.

- Verba non operantur ultra intentionem proferentis. 235.2.

Veritas.

- Plus valet, quod in veritate est, quam quod in opinione.
339.14.
- Veritas magis oculata, quam per aures animis hominum in-
figitur. 411.4.

Victoria.

- Victoriae sunt à Deo. 23.6.

Vinculum.

- Duo vincula magis ligant quam vnum. 80.1. & 381.14.

Vindicatio.

- Vindicatio datur etiam possidenti, si agatur de re incor-
porali, id est, de seruitute, aut rei libertate, secus est, si
agatur

Axiomatum syllabus.

agatur de corpore.	649. 4
Rei Vendicatio introducta, ut quis dominium suum vindicet.	649. 5
<i>Vis.</i>	
Vim atque iniuriam propulsare licet.	571. 2
<i>Vita.</i>	
Honestè Viuendum,	27. 3
<i>Vncia.</i>	
Tot Vnciæ assem efficiunt, quot testator vult.	266. 10
<i>Vocabulum.</i>	
Diuerfa Vocabula arguunt rerum diuersitatem.	95. 5
<i>Volens, & Voluntas.</i>	
Volenti non fit iurtum 556. 5. quemadmodum nec iniuria. ib.	
Nihil est tam conueniens naturali æquitati, quam Voluntatem domini rem suam ad alium transferre volentis ratam haberi.	179. 39
Nouissima testatoris Voluntas seruanda est.	288. 3
Voluntas testatoris vim legis habet.	346. 1
Quod alterius voluntati committitur, necessitatem non inducit.	358. 1
Vltima Voluntas tuenda est, ne pereat.	359. 12
Voluntates testatorum impossibiles, aut legibus interdictæ, aut alias probrosæ non valent.	339. 29
<i>Vox.</i>	
Vox filij est tamquam vox patris, & è contra.	481. 9
<i>Vsucapio.</i>	
Error falsæ causæ Vsucapionem non parit.	197. 7
<i>Vsus, Vsusfructus.</i>	
Quæ in Vsu consistunt, id est, quæ vsu consumuntur, vel quasi consumuntur, non recipiunt verum vsusfructum.	185. 4
Minus iuris est in Vsu, quàm in vsufructu.	189. 1
Vsusfructus est ius in corpore, & eo sublato tollitur.	185. 1
à proprietate in perpetuum non separatur.	185. 2
Vsusfructus finitus redit ad suum principium, id est, proprietatem, à qua discesserat.	185. 3
Id, in quo Vsumfructum habemus, alienum est.	265. 3
Vsusfructus, non patris, sed seruitutis vicem obtinet.	339. 11
<i>Vterus.</i>	
Qui est in Vtero pro iam nato habetur.	266. 8
<i>Vtile.</i>	
Vtile per inutile non vitiatur.	481. 8. & 521. 5
	<i>Vulgè</i>

Axiomatum syllabus.

Vulgò.

Vulgò quæsitì nullos habent adgnatos. 401.1

Vulgò quæsitì nullum patrem habere intelliguntur. 401.3.

Vxor.

Cuius fratris, vel sororis filiam Vxorem ducere non licet
eius nec neptem ducere permittitur. 74.9.

Idem duas Vxores eodem tempore habere non potest

74.10

Æquum est Vxores à viris defendi, non viros ab vxoribus

57.95.

FINIS.

IVLII PACII,


IC. CLARISS.

S E L E C T A

Ex INSTITUTIONIBVS

Imperialibus.


Cum ANACEPHALÆOSI.



INDEX CAPITVM SERIE ALPHABETI.

Iuxta numerum paginarum.

A

De  COVISITONE per arro-	gationem.	pag. 77
Actionibus.		133
Ademptione legatorum, &	translatione.	69
Adoptionibus.		9
Atiliano tutore.		16
Auctoritate tutorum.		17

B

Bonorum possessionibus.	75
-------------------------	----

C

Capitis diminutione.	14
Codicillis.	72
Curatoribus.	18

D

Divisione stipulationum.	84
Donationibus.	41
Duobus reis stipulandi & promittendi.	83

E

Emptione & venditione.	92
------------------------	----

A 2

Exce

Index Capitulorum.

<i>Exceptionibus.</i>	132
<i>Excusationibus tutorum, & curatorum.</i>	20
<i>Exhereditatione liberorum.</i>	49
F	
<i>Fideicommissarijs hereditatibus, [& ad SC. Trebellianum.]</i>	70
<i>Fideiussoribus.</i>	90
<i>Fiduciaria tutela.</i>	15
G	
<i>Gradibus cognationis.</i>	74
H	
<i>Hereditatibus instituendis.</i>	5
<i>Hereditatibus quae ab intestato deferuntur.</i>	73
<i>Hereditatibus qualitate & differentia:</i>	60
<i>His per quos agere possumus.</i>	130
I	
<i>Iniurijs.</i>	110
<i>Inofficioso testamento.</i>	58
<i>Interdictis.</i>	135
<i>Inutilibus stipulationibus.</i>	85
<i>Iure naturali, gentium & civili.</i>	3
<i>Instituta & iure.</i>	1
L	
<i>Legatis.</i>	61
<i>Lege Aquilia.</i>	107
<i>Lege Falcidia.</i>	69
<i>Legitima agrorum tutela.</i>	14
<i>Legitima parentum tutela.</i>	15
<i>Literarum obligationibus.</i>	94
<i>Locatione & conductione.</i>	91
M	
<i>Mandato.</i>	98
<i>Militari testamento.</i>	46
<i>Nuptijs.</i>	

Index Capitem.

N

Nuptijs.

5

O

Obligationibus.

77

Obligationibus ex consensu.

92

Obligationibus[qua] ex quasi contractu[nascuntur.]

99

Obligationibus qua ex delicto nascuntur.

103

Obligationibus qua quasi ex dilecto nascuntur.

111

Officio iudicis.

139

P

Patria potestate.

4

Perpetuis & temporalibus actionibus. & qua ad heredes & in heredes transeunt.

131

Per quas personas nobis acquiritur.

43

Per quas personas nobis obligatio acquiritur.

100

Pœna temere litigantium.

138

Publicis iudicijs.

141

Pupillari substitutione.

55

Q

Quibus alienare licet, vel non.

42

Quibus modis ius[patrie] potestatis soluitur.

11

Quibus modis re contrahitur obligatio.

78

Quibus modis testamenta innsumentur.

57

Quibus modis tollitur obligatio.

101

Quibus modis tutela finitur.

17

Quibus non est permiffum facere teftamentum.

47

Qui teftamento tutores dari poffunt.

13

Quod cum eo, qui in aliena potestate est, negotium gestum esse dicitur.

125

R

Rebus corporalibus & intorporalibus.

33

Replicationibus.

135

A ;

Rerum

Index Capitulorum.

Rerum diuisione [& acquirendo ipsarum dominio.]

25

S

Satisfactione tutorum & curatorum.

19

Satisfactionibus.

130

Seruitutibus [rusticorum prediorum & urbanorum.]

33

Singulis rebus per fideicommissum relictis.

71

Si quadrupes pauperiem fecisse dicatur.

129

Societate.

96

Suspectis tutoribus, vel curatoribus.

23

T

Testamentis ordinandis.

44

Tutela datina.

16

Tutelis.

12

V

Verborum obligationibus.

81

Vi bonorum raptorum.

107

Vsucapionibus, & longi temporis prescriptionibus.

39

Usu & habitatione.

37

Usufructu.

35

Vulgari substitutione.

53

LIBER



LIBER PRIMVS.

CAP. I. De iustitia & iure a.



IUSTITIA *b* est constans & perpetua *c* voluntas *d* ius *e* suum cuique tribuendi, *in princ.*

a Iurisprudentia est diuinarum atque humanarum rerum *f* notitia, iusti atque iniusti *g* scientia, §. 1.

3 Iuris præcepta *h* tria sunt: honestè viuere, alterum non lædere, suum cuique tribuere, §. 3.

4 Ius *i* publicum est, quod ad statum rei Romanæ *k* spectat, primum, quod ad singulorum *l* vtilitatem pertinet, hoc autem collectum *m* est ex præceptis naturalibus, gentium, & ciuilibus, §. ult.

a Ius accipitur pro parte iuris, ut in l. 1. in princ. ff. hoc tit.

b Intellige iustitiam humanam, qua est finis Romani iuris.

c Iustitia numquam mutatur: quamuis iustitia subiectum, id est, homo, saepe mutetur, nec semper iustè agat.

d Metonymicè voluntas accipitur pro habitu, per quem volumus. Et rectè spectatur potius voluntas, quàm actus: quia nō actus, sed voluntas iustum facit. Exempli gratiā, qui vult depositum reddere, sed vi prohibetur, iustus est: qui verò iniustus & coactus reddit, non est iustus, quamuis eius actio iusta sit.

e Ius hīc nō sumitur pro arte iuris, ut in rubr. sed pro obiecto iustitia. in quo iustitia versatur, ut fortitudo in periculis, temperantia in voluptatibus corporeis, liberalitas in pecuniis.

f Res diuina & humana à nobis cōsiderātur, quatenus ad ius & iniuriā referuntur: in aliis scientiis cōsiderantur aliis modis.

g Nota, contrariorum esse eandem scientiam, *h* Subaudi, generalia, sub quibus omnia specialia præcepta continentur. Quin etiam duo priora sub tertio comprehendendi possunt, ut in definitione iustitia factum est: insunt enim in tertio eminenter, ut cum Scholasticis loquar, quemadmodum trigonum in tetragono, & anima vegetatiua, ac sensitiua in rationali.

i Hīc prima iuris Romani diuisio proponitur.

K Ideo dicimus rei Romanæ, quia versamur in iure Romano generaliter autem ius publicum est, quod ad statum Reipublicæ spectat.

l Subaudi, civium Romanorum. *m* Nota, ius naturale, gentium, & civile, non esse species, sed partes iuris privati.

CAP. II. De iure naturali, gentium, & civili.

1 *I*us naturale *a* est, quod natura omnia animalia docuit. Hinc descendunt *b* maris & feminae coniunctio, liberorumque procreatio, & educatio. *in princ.*

2 Quod quisque populus ipse sibi ius constituit, id ipsius proprium civitatis est, vocaturque ius civile, quasi ius civitatis proprium. Quod verò naturalis ratio inter omnes *c* homines constituit, id apud omnes per æquè custoditur, vocaturque ius gentium, quasi quo iure omnes gentes utuntur. §. 1.

3 Ius civile ex vnaquaque civitate appellatur, ut Lacedæmoniorum, vel Atheniensium. Sed cum simpliciter dicimus ius civile, non addito alicuius civitatis nomine, ius Romanum intelligimus d. §. 2.

4 Iure gentium introducta sunt bella *e*, captivitates, servitutes *f*, & contractus, exceptis quatuor, videlicet stipulatione *g*, emphyteusi *h*, literarum obligatione *i*, & sponsalitia largitate *K* d. §. 2. *vers. ius autem gentium. & ibi gl.*

5 Ius *l* Romanum partim scriptum est, ut *m* lex, plebiscitum, senatusconsultum, constitutio, ius honorarium *n*, responsa prudentum *o*. partim non scriptum. §. 3.

6 Legis auctor est populus: plebisciti, plebs. §. 4. senatusconsulti, senatus. §. constitutionis, princeps, per epistolam rescribēs *p*, vel causā cognitā decernens *q*, vel edicto *r* præcipiens (sed harum constitutionum, aliæ sunt personales, quæ personam non egrediuntur, aliæ generales, quæ in omnes valent) §. 6. iuris honorarij, prætores, & ædiles curules. §. 6. responforum, Iurisperiti. §. 8.

7 Non scriptum ius est consuetudo, quam tacitus populi consensu diuturno *t* vñ comprobavit. §. 9.

8 ius *u* naturale primum est immutabile: secundarium atō mutatur: ius civile consuetudine, aut lege sæpe mutatur.

tur. §. pen. Ius naturale x primum appello, quod divina providentia inter omnes homines cōstituit, veluti vt Deus colatur, vt parentibus obtemperetur. Secundariū voco, quod naturalis ratio post peccatum primi parentis introduxit. de quo *suprà them. 4.* Legis appellatione nunc y significo quoduis ius scriptum.

9 Iuris 2 obiecta 4 tria sunt, personæ, res, & actiones. §. ult.

a Hoc improprie dicitur ius, cum non à ratione, sed à naturali instinctu proficiscatur.

b Non omnes brutorum animalium actiones ad ius naturale referuntur: sed ea tantum, quæ in vita communione quadam spectantur: omne enim ius secundum Aristotelem, in vita communione cernitur.

c Sabaudi ferè, vt & in aliis quibusdam locis iuris, nam gentes humana interdum violant ius gentium, vt Barbari, qui vescuntur humanis carnibus: & Ægyptij ac Lacedæmonij probantes furti.

d Κατ' ἔξοχην, vt appellatione Philosophi significatur Aristoteles, & appellatione Poëta significatur apud Græcos Homerus, apud Latinos Virgilius.

e Quadam bella sunt iusta, vt cōtra Barbaros, & ea, quibus patria defenditur, vel res ab hostibus ablata recuperantur.

f Captiuitas, & seruitus non tam iure gentium probantur, quàm tolerantur maioris mali vitandi causâ, id est, ne captiui occidantur.

g De qua infra lib. 3. cap. 7. h De qua infra lib. 3. c. 15 them. 4. i De qua infra lib. 3. c. 12.

k Id est, donatione propter nuptias, de qua infra lib. 2. c. 7. them. 4. l Hac est secunda Romani iuris diuisio.

m Ha omnes iuris scripti species ad duo genera referri possunt, id est, ad ius ciuile proprie dictum & ad ius honorarium, nam sub iure ciuili continentur lex, plebiscitum, senatusconsultum, constitutio, & prudentum responsa: sub iure honorario edicta prætorum, & edicta ædiliū curulium.

n Honor est magistratus, inde ius honorarium dictum est, quod magistratus (id est, prætores, & ædiles curules) auctores habet, idem appellatur ius prætorium; quia plurima sunt prætorum edicta, ædiliū per pauca.

o Qui vocantur Inreconsulti. p Sabaudi, consulentibus.

q Inter duos litigantes.

r Publicè & generaliter proposito. ¶ Inde dicti, quòd sella curuli uterentur, alij erant adiles plebis.

t Nulla lex certum tempus definit, quo dicatur esse usus diuturnus, quocirca iudicis arbitrio relinquendum hoc censeo, arg. l. i. §. ult. ff. de iur. delib.

u Hic datur tertia iuris diuisio. x Iuris naturalis appellatione modo significatur ius commune omnibus animalibus, ut suprà hoc tit. in princ. modo ius gentium, ut infrà de rer. diuis. §. singulorum. modo utrumque simul, ut hic.

y In principio huius them. z Hic dici potest quarta iuris diuisio, quod vel circa personas versatur, vel circa res, vel circa actiones.

a In quibus versatur, ut physica in rebus naturalibus, medicina in corporibus sanis, vel agrotis, geometria in magnitudinibus, arithmetica in numeris.

CAP. III. De patria potestate.

r **I**N potestate parentum iure civili b sunt, I. Nati ex iustis nuptiis c. in princ. Intellige hos esse in potestate patris vel aui, aut proaui paterni, non matris, nec adscendentium per lineam maternam, §. ult. II. Legitimatio, infra tit. prox. §. ult. III. Adoptati. infrà de adopt. in princ.

a Cuium Romanorum alij sunt patres, vel matres familiarum: id est, sui iuris: alij filij vel filiae fam. id est, in potestate parentum, ff. de his qui sui vel ali. iur. sunt, l. 4. de quibus hic agitur.

b Nota patriam potestatem esse iuris civilis, id est, cuium Romanorum propriam: nulli enim alij sunt homines, qui talem in liberos potestatem habeant, qualem habent ciues Romani, §. ius autem hoc tit.

c Qua sint iusta nuptia. declarabitur cap. seq. them. 2.

CAP. IV. De nuptiis.

Nuptiæ sunt viri & mulieris coniunctio ^a indiuiduam
^b vitæ consuetudinem continens, *suprà tit. prox. §. 1.*

2 Iustæ nuptiæ sunt, quas ciues Romani *e* inter se contrahunt, qui secundum præcepta legum coeunt. *in princ.*

3 Vt alicui nuptias contrahere liceat, hæc requiruntur. I. Vt sit ciuis Romanus. II. Vt sit pubes (id est *d*, masculus maior 14. annis, femina maior annis 12. *infra quib. mod. tut. fin. in princ.*) III. Vt filij, vel filia familiarum consensum habeant parentum *e*, in quorum potestate sunt. *in princ.* Quod si parens sit furiosus, adhibenda est auctoritas magistratus, vel Episcopi, & curatoris furioso dati, & nobiliorum personarum ex furiosi genere. *C. hoc tit. l. si furiosi 2 §.*

4 Nuptiæ prohibentur, I. Inter parentes & liberos, etiam si sint adoptiui, & adoptio per emancipationem sit dissoluta *f. §. 1.* II. Inter fratrem & sororem, nisi per adoptionem iuncti fuerint, & alteruter sit emancipatus *g. §. 2.* III. Cum fratris vel sororis filia, vel nepte, nisi sit filia, vel neptis sororis adoptiæ *h. §. 3.* Consobrinorum *i* autem nuptiæ iure ciuili *K* permittuntur, *§. 4.* IV. Cum amita *l*, vel amita magna *m*, licet sint adoptiæ *n*; & cum matertera *o*, vel matertera magna *p. §. 5.* V. Cum ea, quæ semel *q* fuit priuigna *r*, vel nurus *s*, *§. 6.* vel socrus *t*, vel nouerca *u. §. 7.* Sed cõpriuigni *x* rectè inter se nuptias contrahunt *y. §. 8.* VI. Cum filia vxoris post diuortium *z* ex alio viro procreata *a*, & cum sponsa filij, vel patris *b. §. 9.*

5 Iniustarum nuptiarum pœnæ multæ sunt, quarum nonnullas *c* referam. I. Nec vir, nec vxor, nec nuptiæ, nec matrimonium *d*, nec dos *e* intelligitur. II. Liberi ex eo coitu suscepti, non sunt in potestate patris, sed spurij. III. Dissoluto tali coitu non datur actio ad dotem repetendam *f. §. 12.*

6 Liberi naturales legitimantur, atque ita in potestatem patris rediguntur quibusdam modis: veluti si fiant curiales *g*, aut si cum eorum matre qua cum ab initio matrimonium contrahi poterat, dotalia instrumenta fiant *h.*

a Intellige coniunctionem animorum, non corporum: quia nuptias non coeubitus, sed cõsensus facit, ff. de diu. reg. iur. l. nuptias 30.

b Hoc

b Hoc iure civili verum, sed iure canonico ex certis causis admittitur thori separatio, qua vita coniugalis consuetudinem dirimit matrimonio manente, ex d. diuort. cap. 2. Nihilominus tamen etiam iure canonico matrimonium dici potest consuetudo individua. 29. q. 1. in princ. inspecto voto contrahentium, quia hoc animo contrahitur matrimonium, ut individuum maneat, ff. de iur. dot. l. 1.

c Opus igitur est, ut is qui matrimonium contrahit, sit liber: nam serui non sunt ciues Romani: & inter seruos iure civili non est matrimonium, seu nuptiae, sed contubernium, C. de incest. nupt. l. 3. & ad leg. lul. de adult. l. serui 28. iure tamen canonico, quia matrimonium est Ecclesia sacramentum, etiam seruis conceditur, ex de coniu. seru. cap. 1.

d Hac est definitio iuris civilis. Iure canonico nuptiae inter minores 14. & 12. annis consistunt, si malitia suppleat aetatem: proinde iure canonico pubertas non aestimatur ex annis, sed ex habitu corporis, & facultate coeundi, ex de desponsat. impub. cap. 3.

e Iure civili consensus paternus est necessarius: non tamen necesse est patrem, antequam nuptiae a filio, vel filia contrahantur, vel in ipsis nuptiis contrahendis consentire, sed eius ratihabitio sufficit, C. hoc tit. l. 5. Iure pontificio an aequè necessarius sit consensus patris, magna quaestio est. Plerique putant non esse necessarium. Ego contrariam sententiam veriorē puto: quia quilibet non coeuntium consensus facit iustas nuptias, sed consensus secundum leges, 27. quaest. 2. c. 2. & quod tam ibi, quam in cap. cum apud 13. ex de sponsal. dicitur sufficere solum consensum eorum, de quorum coniunctione agitur: non excludit consensum parentum, sed verba, coeuntium, & alia facta: perspicue namque scotus illorum contextuum est has excludere: idcirco non dicitur has solas personas consentire, quae coniunguntur, sed requiri tantum consensum, non aliud factum harum personarum, ut in dict. cap. 2. non requiritur corporum commixtio ad perficiendum matrimonium, & in dict. cap. cum apud, non requiruntur verba. Illud tamen manet, hunc consensum adhibendum esse secundum leges, quae consensum parentum requirunt.

f Publica honestas omnino impedit nuptias inter eas personas, quae aliquando parentum & liberorum locum inter se obtinuerunt.

G Possum igitur eam uxorem ducere, qua aliquando soror mea fuit, quamvis eam ducere non possim, qua mihi fuit aliquando filia.

h Filia, vel neptis mea sororis adoptiva, non est mihi coniuncta, neque naturaliter, quia non sumus ex eodem sanguine, neque civiliter, quia non sumus in eadem familia.

i Consobrini proprie dicuntur filij duarum sororum: patrueles vero, filij duorum fratrum: amitini autem, filij fratris & sororis: sed in presentia omnes appellatione consobrinorum continentur: quia hoc vocabulum in latiori significatione accipitur. vide §. quarto gradu, infra de gradibus.

k Iure autem canonico prohibentur. 35. q. 3. cap. quaedam.

l Id est, sorore patris,

m Sorore aui.

n Dummodò adoptio maneat, nec per emancipationem sit dissoluta, siue enim amita mea adoptiva emancipata sit, siue ego sim emancipatus, potero eam uxorem ducere.

o Hac est soror matris, nec potest esse adoptiva, quia nostra matertera non est in nostra familia.

p Hac est soror auia: & similiter non potest esse adoptiva; quia nunquam est in nostra familia.

q Id est, constante matrimonio. Nota, soluto matrimonio dissolui affinitatem iure civili, §. affinitatis, & §. seq. hoc tit. non iure canonico, 25. quæst. 10. cap. fraternitatis. Ergo iure civili, quamdiu mater in matrimonio meo est, tamdiu eius filia est mea priuigna, morte autem matris desinit esse priuigna, sed ob reuerentiam præterita affinitatis, quia mihi fuit aliquando loco filia, non potest mihi nubere. Similiter quandiu mulier filio meo nupta est, tamdiu nurus mea & filia loco mihi est: mortuo filio, desinit esse nurus, sed nihilo magis eam ducere uxorem possum: quoniam ad nuptias prohibendas, sufficit eam fuisse aliquando loco filia.

r Priuigna est filia coniugis ex anteriori matrimonio suscepta, sic filia mea ex priori uxore, est priuigna mea presentis uxoris: & filia mea uxoris ex priori matrimonio suscepta, est mea priuigna. Priuigna igitur refertur ad virricum, & nouercam, ego namque filia uxoris mea sum vitricus: illa filia mea est nouerca.

s Nurus est uxor filij: ac refertur tam ad socerum, quam ad socrum: quia mariti pater est socer, mariti mater est socrus.

t Socrus

r Socrus refertur ad generum, & ad nurum: nam filia maritus est gener: filij uxor est nurus. Virique, id est, tam genero, quàm nurui, pater coniugis dicitur socer, & mater dicitur socrus.

u Nouerca refertur tam ad priuignum, quàm ad priuignā: est enim uxor patris, qua non est mater, sed loco matris.

x Si uidua filios habens, uiduo filios habenti nubat: illius & huius filios uoco compriuignos.

y Quia nec sunt cognati, cū non sint ex eodem sanguine: nec affines, quoniam affinitas tantū est inter cognatos uiri & uxorem; nec non inter cognatos uxoris, & maritum; non inter cognatos mariti, & cognatos uxoris.

z Hoc intellige secundū ius ciuile: quo iure matrimonium per diuortium soluitur, nam iure canonico per diuortium non soluitur matrimonium, nec licet transire ad alias nuptias: sed tantū thori separatio conceditur.

a Hac non potest dici priuigna, cū enim uxoris mea filia, qua mihi priuigna est, per diuortiū cum matre factum desinat esse priuigna: certē multū minū priuigna erit, qua postea nascitur Denique diuortium, & omnis dissolutio matrimonij sicut antecedentem affinitatem dirimit, sic futuram impedit.

b Quae differentia est inter sponsam, & uxorem: eadem est inter sponsam filij, & nurum, necnon inter sponsam patris, & nouercam: quia nurus est uxor filij & nouerca est uxor patris

c Quae in institutionibus ponuntur à Iustiniano, reliqua sunt petenda ex Codice, & Nouellis.

d Quia quod iure non ualet, pro infecto habetur.

e Quia dos sine matrimonio esse non potest. ff. de iur. dot. l. 3.

f Non potest dari dotis exactio, cū dos non sit, ut suprā notauimus, sed quod datum est, si per ignorantiam datum sit, repetitur conditione sine causa. ff. de condict. sine cau. l. ult. Si dolo malo confiscatur. ff. de iur. dot. l. dote. 6 r. & C. de incest. nupt. l. 4. & aut. incestas.

g Curiales, vel decuriones dicuntur in municipio: senatores, Roma.

h Speciale est hoc casu, ut dotalia instrumenta in nuptiis contrahendis sint necessaria.

CAP. V. De adoptionibus a.

1 **A**doptio generaliter sumpta diuiditur in adoptionem specialem, & arrogationem. Adoptantur filii familiarum, imperio magistratus: arrogantur patres familiarum, ex rescripto principis b. §. 1.

2 Si filius familias ab auo aut proauo naturali adoptetur, adoptio tenet. Sed si à quouis alio extra parentum lineam constituto adoptetur, non valet adoptio, nisi quod ad hoc ut adoptanti intestato succedat c. §. 2.

3 Impubes nō arrogatur, nisi causâ cognitâ, & satisfactione tabellioni d ab arrogatore præstita de bonis per arrogationem quæsitis e, si arrogatus in ea ætate pupillari decesserit, ei restituendis, ad quem pertinerent f, si adoptio facta non fuisset. Præterea si arrogator impuberem arrogatum emancipauerit, aut exheredauerit, sine iusta causa: non solum per eū quæsitâ confestim ei restituit, sed etiam quartam bonorum suorum partem ei moriens relinquere cogitur g §. 3.

Adoptans vel arrogans debet esse plena pubertate (id est 18. annis) maior natu h, quàm adoptatus siue arrogatus. §. 4.

5 Licet in locum filij, vel filiz, vel nepotis, vel neptis, vel in vltiorem gradum adoptare, etiam si filium is, qui adoptat, non habeat i. §. 5. Et tam filium alienum adoptare in locum nepotis, quàm nepotem in locum filij K. §. 6.

6 Cum quis in locum nepotis ex certo filio l adoptatur, filij consensus requiritur m, ne ei inuito suus heres adgnascatur. Cum autem nepos ab auo datur in adoptionem, non est necessarius filius n. §. 7.

7 Non solum filius ex iustis nuptiis procreatus, sed etiam adoptatus, potest in adoptionem dari. §. 8.

8 Spadones o adoptare, & arrogare possunt, exceptis castratis p. §. 9. Feminae non possunt (quia nec naturales liberos in potestate habent, nisi permissu principis ad solatium liberorum amissorum. §. 10.

9 Si arrogandus liberos in potestate habeat, hi vnâ cum patre trāseūt in potestatem arrogatoris, quasi nepotes. §. pen.

a Adoptio est actus legitimus, quo aliquis nobis filius, & in Potestate nostra fit. Sed filij appellatione intelligi etiam nepotem & pronepotem, & vltiores. b Apud

b *Apud acta iudicis competentis insinuato, C. hoc tit. l. 2. in fin.*

c *Nisi ab eo emancipatus sit, supra de hered. quæ ab intest. §. at hi. & §. seq.*

d *Qui vocatur servus publicus.*

e *Vide tit. infra de acqu. sit. per arrogat.*

f *Si pater naturalis pupillo substituerat, pertinerent ad substitutum sin. minus, ad heredem legitimum.*

g *Quid ergo, si arrogator plures filios naturales habeat? nonne eis fit iniuria, cum minus accepturi sint, quam filius adoptivus? utique, & hac de causa ei qui plures filios naturales habet, non facile permittitur arrogare, ff. hoc tit. l. nec ei 17. §. præterea.*

h *Quia adoptio naturam imitatur: & minimum hac ætate naturales patres solent esse maiores suis filiis.*

i *Quia sufficit eum posse habere filium, in adoptionibus enim spectatur naturalis facultas & potestas non actus.*

k *Dummodo adoptio natura non repugnet, id est ne videatur quis esse filius filij sui, nam si Caius sit filius Titij, non possum adoptare Caium in locum filij, ac Titium in locum nepotis ex Caio; sic enim Titius esset Caij pater naturalis, & eiusdem filius adoptivus: atque filius esset senior patrè: quod est absurdum & contra naturam.*

l *Nota in locum nepotis adoptari duobus modis, id est, ut quasi ex certo, vel ut ex incerto filio nepos sit. Nam si simpliciter adoptem in locum nepotis, dicitur adoptari in locum nepotis ex filio incerto sin. autem adoptem in locum nepotis ex filio meo Mauro, dicor adoptare in locum nepotis ex filio certo. ff. l. t. l. adoptiones 43.*

m *Non requiritur ad hoc, ut adoptio valeat; sed ad hoc, ut morte arrogatoris nepos recidat in filij potestatem quasi patris sui, & fiat ei suus heres, ff. hoc t. l. si is qui. Idcirco in contextus subiicitur, nec ei invito, &c.*

n *Quia nepos non est in filij, id est, patris sui, sed in solius aui potestate.*

o *Spadones dicuntur, quicumque generare non possunt.*

p *Castrati non possunt adoptare, quia nec filios gignere possunt, ac ne quidem spem ullam habent fore, ut aliquando liberos suscipiant, cum genitalia sint eis abscissa: qui vero frigidityte natura impeiuntur, quod minus generent, spem habent remoto impedimento generandi: proinde adoptare possunt.*

CAP.

CAP. VI. *Quibus modis ius potestatis soluitur.*

1 **P**atria potestas soluitur, I. Morte parentis, qui in potestate habet. Excipe, nisi nepos morte aui recidat in patris sui potestatem *a*, in princ. II. Deportatione *b* patris, vel filij, §. 1. non tamen relegatione *c* §. 2. III. Dignitate filij, puta si patricius fiat *d*. §. 4. IV. Emancipatione, id est, cum pater apud competentem iudicem, filium de potestate sua dimittit, §. 6. Liberum autem patri est vel filium emancipare, vel nepote in potestate retento, vel nepotem solum emancipare, vel utrumque, §. 7. vel neutrum, §. ult. Eadem de aliis quoque liberis intelligantur, *d*. §. 7.

2 Suspenditur patria potestas captiuitate patris vel filij: quia si captiuus ab hostibus reuertatur, iure postliminis fingitur semper in ciuitate fuisse *e*. si vero ibi moriatur, lege Cornelia fingitur mortuus primo captiuitatis momento *f*. §. 5.

3 Potestas in alium transfertur *g*, cum filius à patre datur alteri in adoptionem, §. 8. id est, auctori ipsius adoptandi, *suprà* cap. prox. item. 2.

4 Cum quaeritur, utrum nepos in patris, an in aui potestate nascatur, non spectamus tempus quo nascitur, sed quo conceptus fuit, hac ratione nepos ex filio meo in mea potestate constituto conceptus, in potestate mea nascitur, licet post filium emancipatum vel in adoptionem datum nascatur. Post filij vero emancipationem conceptus nascitur in potestate ipsius filij, id est, patris sui, ac post filium in adoptionem datum conceptus nascitur in potestate parentis adoptiui, §. penult.

a Nepos morte aui non fit sui iuris, sed recidit in potestatem patris, nisi pater viuo auctore decesserit, vel emancipatione, aliove modo. praterquam dignitate, sui iuris factus sit. Nou. 81. c. 1.

b Quia deportatio ciuitatem Romanam adimit, consequenter patriam potestatem tollit, qua ciuium Romanorum propria est, *suprà* de patr. potest. §. ius autem.

c Quia relegatio ciuitatem Romanam non adimit. Ouid. b. §. epist. 1.

¶

No

Nec vitam, nec opes, nec ius mihi civis ademit. & mox,
Ipse regulati, non exulis utitur in me.

Nomine.

d Alibi patricij opponuntur plebeis, ut supra de iur. natur.
§. lex est hic patricius dicitur quasi pater principis, fuit hac
summa dignitas, id est, illustris: nam in iure civili Illustratus
est summus dignitatis gradus; omnes alia dignitates inferio-
res sunt. non tamen soli patricij erant illustres, sed & consules,
& praefecti praetorio, & alij: qui quidem omnes recte dicuntur
summa dignitate praediti. Porro iure institutionum sola patri-
cius dignitas filium à patria potestate liberat: sed ex Nou.
81. etiam consularis, & alia plures.

e Proinde patria potestas non videtur fuisse interrupta.

f Quare cum pater apud hostes decessit, filius sui iuris fuisse
intelligetur, non ex die, quo pater obiit, sed ex quo captus fuit

g Ab eo qui in adoptionem dat, ad eum transfertur qui
adoptat.

CAP. VII. De tutelis.

1 **T**utela est vis & potestas a in capite libero b, ad tuen-
dum c eum qui per aetatem d se defendere nequit,
iure civili data ac permessa e. §. 1. Tutores autem sunt, qui
eam vim ac potestatem habent, sic appellati, quasi tutores,
quoniam eorum officium est tueri pupillum f §. 2.

2 Parentes liberis suis impuberibus, quos in potestate
habent, sua morte in alterius potestate non recasuris tuto-
res in testamento dare possunt g §. 3. nec non suis postumis
h. §. 4.

3 Sed si filio emancipato pater tutorem in testamento de-
derit: datio ipso iure non consistit, sed à magistratu confir-
matur sine inquisitione i, quoniam idoneus tutor praesumi-
tur is quem pater pupilli elegit. §. ult.

a His duobus vocabulis una & eadem res significatur.

b Id est, in tutore, qui debet esse homo liber, non servus. po-
test autem esse tam filiusfam. quam paterfamilias. infra tit.
prox. in princ.

c Pupillum, qui sui iuris est.

d Pupilla

d Pupillarem, id est, quia est minor 14. annis, si sit masculus: vel 12. annis, si sit femina, infra quib. mod. tut. fin. in princ.

e Iure civili datur tutela legitima. permittitur testamentaria & honoraria: quia iure permittente testator, vel magistratus tutorem dat.

f Sine pupillum tueantur, sine non tueantur, eque sunt tutores: quia tutores non appellantur ab actu, sed ab officio tuendi.

g Quia lex xij. tab. hoc permittit. ff. de testam. tut. l. 1.

h Id est, qui si viuo parente nascerentur, in eius potestate essent a patre, & nulla persona interiecta.

i Magistratus non querit, an sit tutor idoneus, ut tunc facit, cum ipse tutorem dat.

CAP. VIII. Qui testamento tutores dari possunt:

1 **D**ari tutor testamento potest, non solum paterfamilias, sed etiam filiusfamilias a. in princ.

2 Furiosus, vel minor 25. annis tutor testamento datus tutor tunc erit b, cum compos mentis, aut maior 25. annis fuerit factus. §. 2.

3 Tutor dari testamento potest ad diem, vel ex die vel sub conditione c, vel pure, etiam ante heredis institutionem.

§ 3. Non certæ rei, vel causæ: quia tutor datur personæ, non rei, vel causæ. §. 4.

4 Qui filiis, vel filiabus tutores dedit, etiam posthumis e dedisse videtur; non tamen nepotibus f, nec neptibus. Qui liberis dedit, tam filiis quam nepotibus g dedisse intelligitur. Qui posthumis dedit, tã filiis posthumis, quam nepotibus postumis dedisse censetur. §. ult.

a Quia tutela est munus publicum, infra de excusat. tut. in princ. in causis autem publicis filiusfam. pro patrefam. habetur. ff. de his qui sui vel alien. iur. sunt. l. filiusfam. 9.

b Interim alius tutor a magistratu datur.

c Hoc modo tutor dari a magistratu non potest. ff. de tutel. l. 3. §. 1.

d Principaliter datur persona, per consequentiam uniuersis pupillis

pupilli patrimonio datus intelligi ur, inf. de excus. tut. §. datus.

c Primi gradus, f Nota, filiorum appellatione hic nepotes non contineri, licet in aliis tractatibus contineri soleant. ff. de verb. signif. l. liberorum. 220.

g Nota, liberorum appellationem latius patere, quam filiorum, nam filij proprie dicuntur in primo gradu: liberi quocumque gradu.

CAP. IX. De legitima adgnatorum tutela.

I nullus sit tutor testamentarius *a*, iure Institutionum soli adgnati: iure nouissimo *b* adgnati & cognati eodem ordine ad tutelam, quo ad successionem, vocantur *c*. dummodo sint masculi, & perfectæ ætatis *d*. Nam mulieres repelluntur, excepta matre & auia secundis nuptiis & senatusconsulto Velleiano renunciantibus. *Nov. 118. c. 5.*

a Hic obtinet vulgata iuris regula, Dispositio hominis facit cessare dispositionem legis. b Ex d. Nou. 118. c. 5.

c Nam qui commodum hereditatis sentit, onus tutela subire debet, infra de leg. patron. tut. vers. eo enim ipso, & ff. de diu. reg. iur. l. secundum naturam. 10.

d Id est, maiores viginti quinque annis.

CAP. X. De capitis a deminutione.

I Capitis deminutio est status mutatio. *in princ.* Eius genera tria sunt *b. in princ.* I. Maxima cum quis ciuitatem & libertatem amittit *c.* §. 1. II. Minor seu media, cum sola ciuitas *d* amittitur, libertate saluâ. §. 2. III. Minima, cum ciuitate & libertate retenti, status hominis commutatur *e*, vt emancipatione, vel arrogatione. §. 3. Mutatio verò dignitatis differt à capitis deminutione *f.* vt cum Senator mouetur Senatu, §. 5.

3 Minima capitis deminutio solam adgnationem tollit, non cognationem *g.* maxima, & media, tam cognationis, quam adgnationis iura tollunt *h.* §. pen.

a Quoniam

a Quoniam agnatio per capitis deminutionem tollitur, idcirco de capitis deminutione hic agitur. Caput significat personam statum: deminutio mutationem.

b Quia status tria continet, libertatem, civitatem, & familiam.

c Consequenter etiam familiam. d Solam intellige respectu libertatis, qua retinetur: non respectu familiae, qua una cum civitate amittitur & sine civitate non consistit.

e Mutata familia. f Quia dignitas differt à statu; quantum libertas, civitas & familia continentur.

g Quoniam agnatio est vinculum civile, cognatio vero est vinculum naturale. ff. de gradib. l. 4. §. cognationis.

h Re vera non tollunt cognationem, sed iura cognationis quia non definit esse pater, aut filius, aut frater, sed perinde habetur, ac si non esset. quod vero ad agnationem attinet, non solum ius agnationis, sed etiam ipsa agnatio per quamcumque capitis deminutionem tollitur.

CAP. XI. De legitima parentum tutela.

Qui liberos suos impuberes emancipat, eorum legitimus tutor fit.

a Potest etiam appellari fiduciarius: ideo namque ad tutelam vocabatur, quia contracta fiducia emancipaverat, id est, à patre fiduciario, cui filium suum vendiderat, eundem redemerat, & manu miserat. Vip. tit. de tut. §. qui liberum. sed quia venditiones illae & manumissiones sublatae sunt. supra quibus modis ius pot. solu. §. praeterea. & supr. de legit. ad. goar. succes. §. ult. hac autem tutela exemplo legitime patronorum tutela, proinde ex interpretatione, seu productione legis xxi. tabul. recepta est: idcirco vocatur legitima, & per hanc appellationem distinguitur à tutela fiduciaria, de qua dicetur tit. seq.

CAP. XII. De fiduciaria tutela.

Eoque mortuo filij eius perfectae aetatis constituti, in tutelam succedunt.

a Fiduciarium. nam & parentum tutela erat fiduciaria; ut proximè notavi, sed & hac potest dici legitima, quatenus ipso iure defertur, non facto hominis, id est, nec testamento, nec iudicis decreto. C. de legit. tut. l. 4. verùm quia non colligitur ex lege xij. tab. & commodius est singulas causas singulis appellationibus distinguere. infr. quib. mod. testam. infirm. §. hoc autem. ideo placuit harum fiduciarium, parentum legitimam tutelam nominari.

CAP. XIII. De tutela datina.

1 **C**essante testamentaria & legitima tutela, iudex competens tutorem pupillo dat. §. 4. & §. seq.

2 Impuberes in tutela esse, naturali iuri conveniens est; ut is, quis perfectæ ætatis non est b, alterius tutelâ regatur §. pen.

3 Tutelâ finitâ c, tutor iudicio tutelæ d rationem administrationis reddere cogitur. §. ult.

a Instit. hic tit. inscribitur, De Atiliano tutore, & eo qui ex lege Julia & Titia dabatur: quia olim tutor dabatur Romæ ex lege Atilia, in provinciis ex lege Julia & Titia: sed hæc leges in desuetudinem abierunt.

b Pubertas in hoc argumento, id est, cum quaritur an quis tutore egeat ætas, perfecta dicitur: non est autem omnino, & in omnibus causis ætas perfecta, nisi post vicesimum quintum annum completum. C. in quibus caus. restit. in integr. non est necessaria. l. ult.

c Ante tutelam finitam agi tutela non potest. ff. de tutel. & rat. distr. l. 4. in princ.

d Directo. contrarium autem tutela iudicium datur tutori contra pupillum, pro quo aliquid impendit, vel obligatus est, ne eius officium sit ei damnosum contra iuris regulam. ff. testam. quemadmodum. aper l. 7.

CAP. XIV. De auctoritate tutorum.

Pupillus sine tutore conditionem suam meliorem, non deteriore facere potest. Vnde alterum contrahendo sibi obligat, licet ipse ei non obligetur *a. in princ.*

a Sed hereditatem licet lucrosam neque iure directo ad-
e b neque ex causa fideicommissi suscipere potest §. 1.

3 Tutor statim in ipso negotio præsens, si pupillo expedire putet, auctor esse debet, post tempus verò, vel per epistolam frustra auctor fit. §. pen.

a Nota, contractum favore pupilli claudicare; quia contrahens cum pupillo obligatur, licet ei pupillus inuicem non obligetur.

b Ne vel creditores hereditarij suas actiones amittant vel pupillus obligetur sine tutore.

CAP. XV. Quibus modis tutela finitur.

Tutela finitur I. Pubertate, si pupillus sit factus maior quatuordecim, vel pupilla maior duodecim annis. *in princ.* II. Capitis deminutione *a* pupilli. §. 1. & §. 4. III. Euentu conditionis, usque ad quam tutor testamentob datus est. §. 2. IV. Morte pupilli, vel tutoris. V. Maxima, vel media *c* capitis deminutione tutoris. d. §. 4. VI. Existente tempore *d*, usque ad quod tutor testamento datus est §. pen. VII. Remotione *e* tutoris suspecti. VIII. Excusatione *f* tutoris, quæ ex iusta causa in perpetuum fiat §. ult.

a Sine maxima, sine media, siue minima.

b Rectè testamento: quia lex numquam tutelam defert, nisi purò iudex quoque tutorem sub conditione dare nequit ff. de tut. l. 6. §. sub conditione.

c Minima capitis deminutio tutoris, quia tollit agnationem, olim solam legitimam agnatorum tutelam perimebat. sed hodie ne hanc quidem perimit: quia sublata est agnatio.

§ cognationis differentia : nec iure agnationis , sed iure cognationis generaliter accepta legitima tutela defertur. Nou. 18. cap. 5.

d Circa pupilli pubertatem : alioquin tutela finiretur pubertate nec aliud tempus expectaretur.

e De qua infra cap. 19. f De qua infra cap. 18.

C A P. X V I. De curatoribus a.

Curatores dantur l. Adolescentibus b usque ad vicesimum quintum annum completum. in princ. Dantur autem ab iisdem magistratibus, à quibus, & tutores: sed testamento non datur : dati tamen confirmantur decreto magistratus. §. 1. Inuitis non dantur, nisi ad litem, curator enim etiam ad certam causam c dari potest. §. 2. II. Furiosis, prodigis, mente captis, surdis, mutis, & perpetuo morbo laborantibus, licet maioribus d 25. annis. §. 3. & §. seq. III. Pupillis, si tutorem minus idoneum, fraude tamen carentem e, aut tutorem ad tempus excusatum f habeant. §. pen. Tutore autem impedito, si pupillus absit, vel infans sit g, iudex competens actorem, quem tutor velit, periculo ipsius tutoris constituet §. ult.

a Curator propriè loquendo dicitur dari rebus, non, ut tutor, persona.

b Id est, masculis post annum ætatis 14. feminis post 12.

c Alia est ratio tutoris, qui certa rei, vel causa dari non potest, supra qui testam. tut. da. poss. §. certæ.

d Si minor 25. annis aliquo ex his morbis, seu vitiis laboraret, ei curator daretur, ratione ætatis, non furoris, vel alius vitij seu morbi : quia maior habetur ratio ætatis, quàm accidentis. ff. de tut. l. 3. §. 1.

e Alioquin tanquam suspectus remoueretur, & alius tutor in eius locum substitueretur. infra de S. C. Tert. §. pen.

f Si in perpetuum excusaretur, alius tutor daretur. d. §. pen.

g Si verò pupillus sit præsens, & fari possit, procuratorem dabit tutore auctore. ff. de administ. tut. l. decreto. 24. & C. de procurat. l. neque, 11.

CAP. XVII. De satisfactione a tutorum,
vel curatorum.

I Tutor vel curator, nisi testamentarius sit, vel ex inquisitione datus, satisfacere cogitur *b* rem pupilli saluam fore. in prima & nisi id faciat, pignoribus captis coercetur §. pen.

a Sed si duo sint testamento vel ex inquisitione dati, potest alter alteri optionem offerre *c*, utrum malit satisfacere & administrare, an satis accipere, & administrationem satisfacienti relinquere. §. 1.

3 Nemine satis offerente, is geret *d*, quem testator gerere iussit. Si testator nemini administrationem commisit, is geret, quem maior tutorum vel curatorum pars elegerit. Si in eligendo dissentiant, prætor partes suas interponet *d*. §. 1.

4 Non solum tutores vel curatores *e* pupilli vel adolescentibus ex administratione rerum tenentur: sed etiam subsidaria actio *f* in eos datur: qui cum satisfactionem à tutoribus vel curatoribus exigere deberent *g*, vel nullos, vel non idoneos fideiussores acceperunt. §. 2. & §. ult.

a Id est, cautione, qua datus fideiussoribus sit, rem pupilli saluam fore.

b Antequam administrare incipiat: quia non debet ei, sine satisfactione tutela, id est, administratio committi. ff. de tutor. & curat. dat. l. si impuberi. 13. §. 1.

c Non satisfactionem simpliciter petere.

d Nisi omnes simul, vel pro partibus gerere velint. ff. de administr. tut. l. 3. §. pen. & ult. & l. 4.

e Et eorum heredes: nec non fideiussores, & fideiussorum heredes. ff. de fideiuss. tut. l. 3. & 4.

f Subsidiaria dicitur, quia datur tanquam extremum remedium; cum nec tutores, vel curatores, eorumve heredes, nec fideiussores, eorumve heredes sunt soluendo.

g Exigere satisfactionem debent scriba. C. de magist. conven. l. ult. & minores magistratus, ut duumviri. ff. cod. l. 1. non maiores magistratus, ut perfectus urbi, prætor, præses provincie. §. ult. hinc.

CAP. XVIII. De excusationibus tutorum
vel curatorum.

Quominus cogatur aliquis tutelam, vel curationem subire, sequentes causæ excusant *b* I. Numerus liberorum *c*. si quis Romæ tres, vel in Italia quatuor, vel in provincia quinque liberos habeat. Vbi notandum, neque defunctos nisi in prælio ceciderint, neque adoptiuos liberos prodesse: naturales *d* autem, licet in adoptionem dati sint, prodesse: nepotes verò ex filio defuncto, patrem repræsentare *e*, non item nepotes ex filia *f*. *in princ.* II. Administratio rei fiscalis, vbi notandum, hanc excusationem esse temporalem, ita ut tamdiu quis excusetur, quamdiu rem fiscalem administrat. *§. 1.* III. Absentia reipublicæ causâ, vbi notandum, tutelam deferri vel ante absentiam, vel dum reipub. causa abest. Priori casu excusantur quamdiu absunt, & inter ea loco eorum datur curator *g*, reuersi autem statim tutelam recipiunt. Posteriori casu, etiam postquam reuersi sunt, anni vacationem habent. *§. 2.* IV. Publica potestas *h*, sed qui tutelam suscepit, eam non potest ob hanc causam relinquere. *§. 3.* V. Lis cum pupillo ut adulto, dummodò sit de omnibus bonis, vel de hereditate. *§. 4.* vel de maximiæ parte bonorum. *ff. eod. l. item, 2 l. in princ.* Hodie nec volens ad tutelam, vel curam admittitur, qui litem habet cum pupillo, vel adolescente. *Nov. 72. c. 1.* VI. Tria onera tutelæ, vel curæ. Vbi notandum, hanc quoque excusationem esse temporalem, idest, quamdiu administrantur. Item tutelam vel curam affectatam *i* non prodesse. Denique non tam spectari *k* numerum tutelarum vel curationum, quàm onus, idcirco tutela vel cura plurimum personarum pro vna haberi *l*, si vnum sit commune patrimonium, veluti fratrum. *§. 5.* VII. Paupertas, si quis sit adeò pauper *m* ut non possit huic oneri vacare. *§. 6. n.* VIII. Aduersa valetudo, propter quam ne suis quidem negotiis vacare potest. *§. 7.* IX. Literarum imperitia, nisi hic qui literas non callet, nihilominus sit idoneus ad tutelam vel curam administrandam. *§. 8.* X. Datio tutoris propter inimicitias *o*, nisi datus patri pupillorum promiserit se tutelam administraturum. *§. 9.* Si quis autem dicat se fuisse ignotum patri pupillorum,

rum, non propterea excusationem meretur, §. 10. XI. Inimicitia cum patre pupilli vel adulescentis, si capitales sint, nec reconciliatio secuta sit p. §. 11. XII. Status controuersia, quam datus tutor passus est q à patre pupillorū, §. 12. XIII. Aetas superans annum sexagesimum. Minor autem 25. annis ne quidem volens admittitur r. §. 13. quemadmodum neo miles s. §. 14. XIV. Professio Grammaticæ, vel Rhetoricæ, vel Medicinæ; si quis Romæ r, vel in patria sua u aliquam ex his artibus exerceat. & intra statutū numerum sit x §. 15.

2. Qui plures habet excusationes, si quasdam non probauit, aliis vti intra statuta tempora non prohibetur, §. 16.

3. Tempora autem ad excusationem proponendam (neq; enim tutores vel curatores appellant, nisi prius eorum excusatio à iudice sit reprobata) statuta sunt per distinctionem. Nam si tutor intra centesimum miliare degat, 50 dies ei cōcedantur. Si vltcrius habitet, in singula vicena miliaria conficienda, diem vnum habet, & insuper triginta dies indulgētur, hac tamen dinumeratione facta, si pauciores quā 50. dies reperiantur, nihilominus 50. dies habebit. Hoc verò tempus ab initio est vtile, in progressu continuum: quia hīc currere incipit, cū quis nouit se tutorem, vel curatorem datum esse, ac deinceps dies continui numerantur, d. §. 16.

4 Cū tutor detur personæ, *suprà qui testam. tut. da. poss. §. certa.* consequenter ad vniuersum patrimonium datus esse creditur, §. 17. sed excusare se potest, ne vltra centesimum miliare administret, nisi in eadem prouincia sit pupilli patrimonium, ff. *hoc tit. l. propter. litem, 21. §. licet.*

5 Qui tutelam alicuius gessit, eius curationem inuitus subire non compellitur, §. 18.

6 Maritus x licet curationi se immiscuerit, tamen excusare se potest, §. *pen. ac debet, ff. eod. l. 1. in fin.*

7 Excusatio ex falsis allegationibus impetrata non prodest: quoniam is qui excusatus est, nihilominus est obnoxius tutelæ a. §. *ult.*

a Tutela est munus publicum, hoc tit. in princ. (non reipub. ff. eod. lib. 6. §. tutela, id est, publicum munus est auctoritate, non utilitate, (vt Doct. loquuntur) proinde quilibet cogitur tutelam subire, nisi iustam & legitimam excusationē habeat.

b Alia in perpetuum, alia ad tempus.

c Quia ipsi liberi munera subeunt, idcirco à muneribus excusant

cusant suos parentes. ff. de muner. & honor. l. 3. §. quamuis.

d Id est, susceptos ex iustis nuptiis. nam qui tantum naturales sunt, id est, suscepti ex concubina, non excusant. ff. hoc tit. l. 2. §. legitimos.

e Idcirco plures nepotes ex eodem filio, pro una persona computantur.

f Quia patrem suum representant, & auctore paterno profunt nec debet duplex representatio admitti.

g Vel tutor. ff. de tutel. l. quæsitum. l. 2. & de suspect. tut. l. 3. §. si quis abfuturus. & de tut. & rat. dist. h. l. si tutor reipublicæ. 9. in princ.

h Id est, imperium. vide l. potestatis. l. 15. ff. de verb. sign. Hac excusatio est temporalis: quia tamdiu quis excusatur, quamdiu in potestate est. ff. hoc tit. l. administrantes 41. §. eorum fac. l. 6. §. gentium. ff. eod.

i Affectata dicitur, quæ quis appetit, ut ab alia excusaretur.

K Idcirco tutela honoraria, quæ est sine administratione, non excusat. ff. hoc tit. l. spadonem. l. 5. §. si civitatis.

l Er è contrario una tutela, quæ est valde negotiosa, ampla & diffusa, computatur pro pluribus. hoc tit. l. 3. & l. si is qui. 31. §. vlt.

m Non omnis, sed nimia paupertas excusat.

n In hoc §. partic. licet, exceptionis nota est.

o Id est, si quis ideo tutor datus sit, ut onere prematur, & tutela iudicio vexetur. Nota primò, aliud esse tutorem inimicum dari; aliud, propter inimicitias dari. nam inimicus propter magnam probitatem potest esse utilis pupillo, & ideo dari, ut pupillo consulatur. Nota secundò, tutorem esse dandum favore pupilli non odio ipsius tutoris.

p Nota, reconciliationem eo ipso secutam videri, quod tutor in testamento datus est, nisi testamentum sit inimicitias vetustius, quia nemo presumitur inimicum dare filio suo impuberi tutorem. ff. hoc tit. l. 6. §. dat remissionem.

q Quia pupillorum pater assererat Titium esse suum servum; deinde, cum iudicatus fuisset liber, eum tutore filiis suis dedit.

r Quia non est idoneus ad aliorum tutelam vel curam gerendam, qui curatore eget.

s Ne auocetur à militia: quæ ratione nec procurator fieri potest. C. de procurat. l. 7.

t Quæ est communis patria omnium civium Romanorum. ff. hoc tit. l. 6. §. Romæ, & ad municip. l. Roma, 33.

u Immo etiam si neque Roma, neque in patria sua degat, dummodo

dummodo excellenti doctrina sit praeitus. d. l. 6. §. valde.

x Minores civitates possunt immunes habere quinque medicos, tres rhetores, totidem grammaticos: maiores civitates, septem medicos, quatuor rhetores, quatuor grammaticos: maxima civitates decem medicos, quinque rhetores, totidem grammaticos. d. l. 6. §. est autem.

y Secundum hanc computationem interdum reperiuntur praecise dies quinquaginta, interdum pauciores, interdum plures. Nam si quis ab eo loco, ubi tutor datus est, absit quadringentis miliaribus, ad iter conficiendum habet dies viginti: quia viginti vicesies accepta faciunt quadringenta: proinde viginti diebus iter suum conficiet iam adde dies triginta: ita efficiuntur praecise dies quinquaginta. At si absit miliaribus trecentis, ad iter conficiendum habet dies quindecim: quia viginti decies quinquies accepta conficiunt trecenta, iam adde dies triginta, efficiet dies quadraginta quinque. Quod si absit quingentis miliaribus: in iter conficiendum habebit dies viginti quinque: quia viginti quinque vigesies accepta faciunt quingenta: additis igitur triginta, fient quinquaginta quinque. Cum praecise quinquaginta colliguntur, tot dandi sunt vocato ad tutelam. Cum autem plures sunt, similiter tot dari debent, quot ex dicta suppuratione colliguntur. Cum autem sunt pauciores, supplendi sunt, qui desunt usque ad quinquaginta, ut nihilominus concedantur dies quinquaginta: alioquin minus temporis ei concederetur, qui degit ultra centesimum miliare, quam ei, qui intra centesimum: quod est perspicue absurdum.

z Maritus non debet fieri curator sua uxoris, quia non facile cogi posset ad rationes reddendas.

a Tenetur tutela iudicio.

CAP. XIX. De suspectis a tutoribus, vel curatoribus.

1 **A** Censatio suspecti tutoris lege xij. tabularum introducta est. in princ.

2 Qualescumque b tutores accusari possunt. §. 1.

Omnes, atque adeo etiam mulieres c ad accusandum admittuntur. §. 3. Pupilli tamen non possunt accusare tutores suos. Sed minores ex necessariorum personarum d consilio possunt curatores suos suspectos arguere. §. 4.

4 Suspectus dicitur ex moribus, non habita facultatum,

vel

24 *Selectorum Lib. I. Cap. XIX.*

vel inopia ratione, proinde nec satisfactionis oblatio suspitionem e. §. 5. & §. ult.

5 Quia ut suspectus remotus est, si ob dolum infamia laborat. secus, si ob culpam f. §. 6.

6 Pendente suspecti iudicio, interdicatur accusato administratio, §. 7. & si interim moriatur, suspecti cognitio extinguatur g. §. 8.

7 Si tutor copiam sui non faciat, ut alimenta pupillo decernantur h, non solum ut suspectus remoueri potest, sed etiam pupillus in possessionem bonorum eius mittitur; & quia mora deteriora futura suat, dato curatore distrahi iubetur, §. 9. Sed si tutor praesens mentiat, alimēta propter pupilli inopiam non posse decerni, ad praefectum ubi remittitur puniendus quemadmodum & is, qui datam pecuniam tutelam redemit. §. 10.

a Quis dicatur suspectus, definitur them. 4.

b Id est, siue sint testamentarii, siue legitimi, siue datui.

c Qua sexus verecundiam non egredientes, pietate mouentur ad accusandum tutorem suspectum.

d Id est, cognatorum, & affinium, ff. de iust. & iur. l. vlt.

e Tutor etiam si satisfactionem offerat, nihilominus tamen remoueri potest tamquam suspectus: quia pupillo utilius est rem saluam habere, quam habere actionem contra tutorem male gerentem.

f Culpa appellatione plerumque significatur culpa levis, id est, negligentia, & ob hanc remotus, sine dubio integra existimationem conseruat. De lata culpa (qualis est, non intelligere: quod omnes intelligunt. ff. de verbor. sign. l. cedere die 2 13. §. vlt. & l. lata 2 13. in princ. & minorem diligentiam in rebus alienis adhibere, quam in suis, ff. de pos. l. quod Nequa 3 2.) dubitatur, num rem otum faciat infamem. Alij affirmant, alij negant. Ego puto, quia lata culpa est dolo proxima. ff. ad Treb. l. mulier 2 2. §. sed etiam, & de precat. l. quaesitum 8. cum quoque, & si is qui in testam. lib. esse iussus l. 1. §. non aliam hunc, qui ob latam culpam remouetur, esse proximum infami, id est, non notari iuris infamia. sed eius pudorem apud honestos & graues viros onerari.

g Quia frustra ageretur de mortuo à tutela, vel cura remouendo, h Nota, alimenta pupillo à pratore decerni praesente tutore, pro modo facultatum, & qualitate pupilli, ff. vbi pupil. educat. vel mora. deb. l. 3.

i Qui de criminibus cognoscebat, ff. de offic. praefect. vrb. l. 1. ut hodie, qui vocatur iudex maleficiorum.

LIBER



LIBER SECVNDVS.

C A P. I. De rerum a diuisione b.

1 **E**s sunt, I. Vel in nostro patrimonio, vel extra nostrum patrimonium. I I. Vel communes omnium hominum: vel publicæ, id est, vnius populi, vel vniuersitatis, id est, ciuitatis: vel nullius: vel singulorum *in princ.* I I I. Vel corporales, vel incorporales, *infra tit. prox.*

2 Communia sunt c; I. Aer. II. Aqua profluens d; III. Mare, IV. Littora maris: ad quæ nemo accedere, & ædificium ibi ponere prohibetur, dummodò ab ædificiis, quæ alij ibi posuerunt, absteineat, quia hæc non communia, sed ædificantium sunt e §. 1. & §. 5. Est autem littus maris, quatenus hybernus fluctus maximus excurrit. §. 3.

3 Publica sunt, I. Flumina, & ius piscandi in fluminibus. I I. Portus, & ius ibi piscandi. §. 2. I I I. Riparum g & arborum in ripis natarum vsus, sed earum proprietas illorum est, quorum prædiis hærent. §. 4.

4 Vniuersitatis sunt, vt theatra, stadia, & cætera, quæ ciuitatum communia sunt. §. 6.

5 Nullius sunt, I. Ea quæ sunt communia h: vt mare, littus maris. §. 5. II. Quæ sunt diuini iuris i. §. 7. I I I. Quæ occupantibus conceduntur, vt feræ bestię. §. 1. & thesauri *infra hoc tit.* §. 39. & ff. de acquir. rerum domin. l. nunquam. 31. §. 1.

6 Diuini iuris sunt, I. Res sacræ, nempe quæ ritè per Pontifices, non per priuatas personas sunt consecratæ: vt ædes sacræ, & donaria ad ministerium Dei dedicata: quæ quidem alienari, vel obligari, nisi certis casibus, veluti ob captiuos redimendos, non possunt. Diruto autem ædificio, nihilominus locus sacer manet. §. 8. II. Res religiosę. Religiosus locus fit illatione mortui ab illo facta, qui inferre eò potuit. §. 9. III. Res sactæ, id est, quæ sunt pœnali sactiōe x munitæ, ne violari impune possint: vt muri, & portæ ciuitatum. §. 10.

7 Singu

7 Singularum res sunt vel iure gentium *l.*, vel iure civili *m* §. 11.

8 Iure gentium res nostræ sunt. I. Fera *n* occupatione, id est, si feram capiamus (siue in nostro, siue in alieno fundo capiamus: quamquam dominus fundi, si præuiderit, prohibere potest, ne venandi vel aucupandi gratiâ eius fundum ingrediamur) §. 12. non tantum vulneremus *p.* §. 13. Nec solum apes, quæ in alicuius arbore cõsederint *q.* capere possumus, sed & earum fauos, §. 14. Capta autem fera, tamdiu est nostra, quamdiu nostrâ custodiâ cõtinetur, cum verò nostram custodiam euaserit, & in naturalem libertatem *r* se receperit (hoc est, cum oculos nostros effugerit, vel ita in cõspectu nostro sit, ut difficilis sit eius persecutio) certè nostra esse desinit, & rursus occupantis fit, *d.* §. 12. & *d.* §. 14. Sed mansueta animalia, quamdiu abeundi & redeundi consuetudinem retinent, tamdiu nostra sunt, neque cõceduntur occupanti, §. 15. Mansueta verò, ut gallinæ domesticæ, licet cõspectum domini effugerint, tamen eius manent: & si alius ea lucrandi animo detineat, furtum committit, §. 16. II. Si hostes *s.*, vel res eorum capiamus, sed si ad suos redierint, pristinum statum recipiunt *r* §. 17. III. Inuentione lapillorum, gemmarum, & similium *u* in littore maris, §. 18. IV. Paru, id est, si animalia *x* nostra pariât §. 19. V. Alluione id est, latenti incremento, si flumen paulatim agro nostro adiciat, nec intelligi possit, quantum quòque momento adiciatur. Ceterum vis fluminis, quæ vno impetu partem prædij detrahit, & alteri prædio adiungit, eius partis dominium non mutat. §. 21. VI. Occupatione insulæ in mari natæ *y.* §. 22. VII. Accessione insulæ in flumine natæ cedit enim propinquioribus prædiis *z* pro eorum latitudine quæ iuxta ripas est, *d.* §. 22. VIII. Accessione aluei à flumine derelicti, nam si flumen alueum mutet, nouus alueus fit iuris publici, vetus autem ita cedit vicinis prædiis, ut suprà diximus insulâ cedere, & si nouo alueo derelicto ad veterem alueum redeat, hic iterum publicus fit, ille stricto iure vicinis prædiis cedit, §. 23. sed ex bono & æquo prioribus dominis restituitur. *ff. de acquir. rer. dom. l. 7. §. quod si toto.* Cum autem inundatio formam agri nõ mutet, aqua recedente agri dominium ipso iure sine noua apprehensione ad antiquum dominum redit, §. 24. *ff. quib. mod. vsusfruct. amit. l. si ager. 23.* IX. Specificatione, nam materia cedit formæ, si quis bona fide, ex aliena,

vel partim ex sua, partim ex aliena materia speciem fecerit, quæ ad pristinam & rudem materiam reduci nequeat: puta ex alienis, vel suis & alienis uvis vinum fecerit, at si res ad rudem materiam reduci possit, veluti si ex alieno ære statuam fecerit, forma materię cedit, id est, rei dominium ad eum spectat, qui erat materię dominus, §. 25. X. Accessione eius quod intextum est, nam si quis suo vestimento alienam purpuram intexuerit, dominus fit purpuræ *a*: priori autem domino succurritur per actionem furti, & condictiōem furtiuam *b*, contra eum qui purpuram surripuit. §. 26. XI. Confusione rerum liquidarum, ut vini, vel liquefactarum, ut auri, siue autem voluntate dominorum, siue casu materię duorum confundantur, communes fiunt *c*. §. 26. XII. Comixtione rerum solidarum, ut framenti, quod si voluntate dominorum *d* commisceatur, commune fit, si casu, nulla est communio: quia singula grana in sua substantia durant *e*. Quid ergo si vnus totum frumentum possideat, aliud frumentum pro quantitate ad se pertinente vindicabit, sed officio iudicis *g* habebitur ratio qualitatıs, quia fortasse melius cum deteriori frumento commixtum est. §. 28. XIII. Ædificatione, nam ædificium cedit solo *h*, siue quis ex aliena materia in suo solo, siue ex sua in alieno ædificauerit. Sed inter hos duos casus differentia est: quia priori casu is qui dominus materię fuit, vel stante ædificio potest agere de tigno iuncto *k* in duplū, vel diruto ædificio materiam vindicare *l*. Posteriori casu si sciebat solum esse alienum, materiam domino soli donasse censetur, si verò bona fide ædificauit, putans se esse soli dominum, non aliter cogitur, cum in possessione sit, ædificium domino restituere, quàm si in factas impensas restituat. §. 29. & §. seq. XIV. Plantatione, ut enim ædificium, ita planta cedit solo *m* dummodo in eo radices egerit. Quod si arbor prope consiniū posita, etiam in vicini fundum radices egerit, communis fit. §. 31. XV. Satione: cuius ratio non est diuersa *n* à plantatione, & ædificatione. §. 32. XVI. Scripturâ, nam scriptura cedit chartæ, vel membranæ, sed dominus vindicans repellitur doli mali exceptione à bonæ fidei possessore, nisi impensas scripturæ ei soluat. §. 33. XVII. Picturâ. Cedit autem tabula picturæ *o*: adeo, ut pictor habeat rei vindicationem *p* directam; sed nisi tabulæ pretium soluat, exceptione doli sume moueatur: dominus autem tabulæ, præter furti actionem

C

sibi

bi competentem contra eum qui tabulam surripuit, etiam abeat utilem vindicationem, & similiter nolens pretium picturæ solvere, dolo mali exceptione summoueat, si possessor bona fide pinxit, falsò putans se esse tabulæ dominum. §. 34. XVIII. Perceptione fructuum: si quis ex re aliena *q* fructus perceperit, siue titulo lucratiuo *r* bona fide possidens percepit fructus industriales *s*, siue titulo oneroso *z* bona fide possidens percepit quoscumque fructus *u*. §. 35. siue sit fructuarius, aut colonus, §. 36. Notandum est, fœtum pecoris esse in fructu, non minùs quàm lac, pilum, lanam: partum verò ancillæ non esse in fructu *x*. §. 37. Rursus notandum, eum qui gregis vsumfructum habet, in locum demortuorum capitum alia ex fœtu submittere; & eum, qui fundi aut vineæ vsumfructum habet, in locum mortuarum vinearum vel arborum alias substituere debere, rectè enim colere, & tamquam bonus paterfamiliàs vti debet, §. 38. XIX. Inuentione thesauri: quem in suo vel nullius loco inueniens, in totum acquirit *y*: in alieno inueniens, dimidium sibi retinet, dummodò non data opera, sed fortuitò inuenerit, dimidium domino soli restituit, §. 39. XX. Traditione à domino, aut voluntate domini facta, §. 40. & §. 41. Sed venditæ res ac traditæ non aliter venditori satisfecerit, aut eius fidem venditor secutus sit: §. 41. XXI. Quasi traditione *z*: cuius varia sunt genera. Primum est, cum quis rem ex causa ad dominum transferendum non idonea (vt ex causa depositi, vel commodati) traditam, postea vendit, aut alio *a* simili *b* titulo *c* transfert *d* §. 44. Secundum est, cum is qui merces in horreo positas vendidit, eius horrei clauis tradit *e*. §. 45. Tertium est, cum quis missilia iacit *f* in vulgus. §. 46. Quartum est, cum quis rem suam habet pro derelicto, & ita cuius occupanti concedit, §. *prin*. Sed quæ in tempestate levandæ navis causâ eiiciuntur, & quæ de rheda corrente insciis dominis cadunt, non habentur pro derelictis *g*, neque conceduntur occupantibus: immò qui ea lucrandi animo aufert, furtum committit, §. *ult*.

a Exposito primo iuris obiecto, transit ad secundum. id est, res: quarum duo attributa considerantur, dominium, & obligatio: quia vel res nostras petimus iudicio reali, vel res nobis debitas iudicio personali, de dominio agitur ab hoc tit. *vique*

¶ Usque ad tit. 5. lib. 3. de obligationibus. de obligatione verò tractabitur à d. tit. 5. usque ad tit. 6. lib. 4. de act. o.

b Rerum diuisiones proponuntur, ut intelligamus, qua res acquiri nobis possint, vel non.

c Quod ad usum. nam harum rerum proprietas est nullius infra hoc tit. §. littorum.

d Aqua profluens differt à flumine, ut ciues à ciuitate, milites à legione. ut enim singulis mutatis, eadem ciuitas, & eadem legio manet: ita mutata aqua profluente, idem flumen maneat. & flumen quidem est publici iuris. infra §. prox. aqua verò profluens, est communis omnibus hominibus, quemadmodum & mare, id quod fluit.

e Ea namque littoris pars, in qua adificatur, adificantis fit, non propter adificium, sed propter occupationem, id est, quia adificans occupauit littus, cum enim littus nullius sit, facile conceditur occupanti, ceterum solum non cedit adificio, sed trahit ad se adificium. infra hoc tit. §. cum in suo.

f Quoniam hyeme sunt maximi fluctus.

g Ripa est terminus tam pradij, quam fluminis; quod igitur ad proprietatem seu dominium, sequitur pradium: quod ad usum, sequitur flumen.

h Hac sunt communia quod ad usum: nullius verò sunt quod ad dominium & proprietatem.

i Haec sola res intelligebantur. supra them. 1. memb. 2. ubi dicebantur quaedam res esse nullius, id est, ita nullius, ut alicuius fieri nequeant, nisi in specialibus quibusdam exceptis casibus, ut cum venduntur ob redimendos captiuos. infra them. prox.

k Sanctio est pars, qua poenam irrogat iis, qui in legem committunt.

l Id est, modis 21. qui seq. them. proponuntur.

m Id est, modis posterius enarrandis, usucapione, donatione, hereditate, legato, fideicommisso, bonorum possessione, acquisitione per arrogationem. Quibus addi potest adiudicatio ex §. vlt. infra de offic. iud. & noxa deditio. infra de noxal. act. §. dominus.

n Ferarum appellatione bestia & volucres & pisces continentur. Obserua, tria esse animalium genera quaedam sunt omnino fera, de quibus agitur in princ. huius membri: alia sunt omnino mansueta, de quibus in vlt. vers. huius membri: nonnulla sunt naturâ fera, consuetudine mansueta, qua voca-

mansuesacta, ac de his dicetur in vers. sed mansuesacta.

o Quid si domino prohibente venator fundum ingrediatur, & feram capiat. Eius quidem dominus sit sed iniuriarum tenetur domino fundi. ff. de iniur. l. iniuriarum, 13. §. ult.

p Nota, eum, qui feram vulneravit, non fieri eius dominum, licet ita vulneraverit, ut capi possit: quia potest contingere, ut non capiat. denique dominium hoc casu per corporalem possessionem acquiritur.

q Secus, si eas alveo incluseris: tunc enim quandiu ire & redire solent, tua manent, nec possunt ab alio occupari.

r Nota, libertatem tribui, non solum hominibus, sed etiam brutis animantibus. Idcirco recte definitur naturalis facultas. supra de iur. person. §. 1. & iuri naturali tribuitur. supra de libertin. in fin. princ. quia ius naturale est commune omnibus animalibus. supra de iur. natur. in princ.

s Et similiter cives Romani, eorumque res, si ab hostibus capiuntur, hostium fiunt.

t Iure postliminii.

u Qua nullius sunt. Alia ratio est earum, quae in tempestate maris amissa, & fluctibus ad litus expulsa sunt: non enim concedunt occupanti, sed antiqui domini manent. infr. h. t. §. ult.

x Animantia bruta, vel ancilla. Hic habet locum regula, Partus sequitur ventrem. veluti si equus tuus equam meam pregnantem fecerit: id quod nascetur, meum erit. ff. de rei vind. l. 5. §. idem scribit si equam.

y Hac insula, quia quod nullius est, occupanti conceditur.

z Si tota insula uni ripae sit propinquior, quam alteri: his solis cedit, qui iuxta propinquiorem ripam pradia possident: alioquin si pars uni, pars alteri ripae sit proximior: pars dividetur inter eos qui iuxta unam ripam, pars inter eos qui iuxta alteram ripam pradia possident.

a Iure accessionis, licet contingat purpuram vestimento pretiosi rem esse.

b Actio furti poenam persequitur, id est, quadruplum contra furem manifestum, duplum contra furem nec manifestum: conditio furtiva persequitur ipsam rem surreptam, infra de oblig. quae ex delict. nasc. §. ult.

c Excipe, nisi casu commisceantur res diversi generis, quae facile separari possint. ff. de acquir. rei. dom. l. lacus 12. §. 1. Quari potest, quid dicendum, sit si unius voluntate res consumantur, Respondeo, si nova species facta sit, eam esse dominum,

qui

qui fecit, sin minus, cuilibet dari partis vindicationem. ff. de rei vendic. l. 5. §. 1.

d Si unius domini voluntate accidat, quilibet partem suam vindicabit. d. l. 5. §. 1. e Licet discerni non possint.

f Subaudi, hoc casu, quo frumenta sunt fortuito commixta, g Nota differentiam inter actionem, & officium iudicis: nam quantitas frumenti petiti venit in actionem: qualitas in officium iudicis.

h Generaliter qualibet res ei cedit, sine qua esse non potest. ff. de rei vindic. l. in rem. 23. §. sed & id. excepta pictura, qua non cedit tabula, sed ex speciali privilegio eam ad se trahit infra hoc tit. §. si quis in aliena.

i Non rem vindicare, nec ad exhibendum agere, ne adificia diruantur, & urbs ruinis deformetur.

k Tigni appellatione omnis materia continetur, ex qua adificia sunt, ut Iustinianus hic notat ex Gaio in l. 7. §. cum in suo ff. de acquir. rer. dom.

l Nisi iam duplum sit consecutus.

m Proinde si tuam plantam in meo fundo ponam, mea sit, si meam in tuo fundo, tua sit. §. si Titius.

n Idcirco qui sua impensa alienum fundum bona fide consecuit, dominum vindicantem, & impensas restituere nolentem, summouebit exceptione doli mali.

o Ex speciali privilegio, contra regulam iuris pictoribus indulto.

p In hoc contextu videtur esse contradictio. dum vindicatio datur pictori contra dominum tabula, & domino tabula, contra pictorem: nec idonea defensio erit, si quis dicat dari directam, huic utilem: quia cui datur qualiscumque actio, ei multo magis competit exceptio. ff. de superfic. l. 1. §. is autem, & de diu. reg. iur. l. inuitus. 156. §. 1. si igitur pictor potest rem vindicare, cur non poterit agentem summouere? & similiter si dominus tabula potest vindicare, cur non etiam se exceptione tueri poterit? Quare si uterque actionem, & exceptionem habet: profecto utraque actio erit inefficax, & per exceptionem elidetur. Quid dicendum? Existimo, ne privilegium pictoris sit inane, eum esse potiorum domino tabula: ita ut, siue agat, siue conueniatur, offerendo pretium tabula, potior sit: nec alia ratione puto dari utilem vindicationem domino tabula, quam ut facilius possit pretium tabula a pictore extorquere: quia pictor vel tabulam restituere, vel tabula pretium soluere cogitur.

q Ex re sua potest quidem quilibet percipere fructus, sed n

si dominus perceptione : quia etiam ante perceptionem erat dominus.

i Titulus lucratiuus est, cum pro eo quod accipitur, nihil inuicem praestatur, ut donatio, & legatum.

l Fructuum alij sunt merè naturales, qui sponte sua proueniunt, ut herba, & poma; alij industriales: qui licet à natura producantur, tamen homini industriam requirunt, ut segetes: alij ciuiles, qui sola industria ex re secundam naturam sterili percipiuntur, ut merces adium locatarum, uellura, usura. De ciuilibus hic non agitur, sed de industrialibus, & merè naturalibus.

i Titulus onerosus est, cum pro eo, quod accipitur, aliquid inuicem praestatur, ut accidit in emptione & venditione, permutatione, & similibus.

u Id est, sine naturales, siue industriales. In summa, ut aliquis ex re aliena fructus percipiendo suos faciat, oportet eum aliquid oneris sentire, vel quia rem habet titulo oneroso, vel quia in fructus impensam industriamue conulit.

x Quia in fructu hominis homo esse non potest. ff. de usufr. l. 1. vetus 68. in princ. cum enim natura on. nes fructus in hominum gratiam producat, non debet ipse homo esse in fructu. ff. de usufr. l. 1. in pecudem 28. Præterea non solent ancilla in hunc finem comparari, ut pariant sed ut seruiant. ff. de hered. petit. l. ancillarum.

y Si tamen in religioso loco ad se non pertinet inuenerit, dimidiam thesauri partem concedit fisco. ff. de iur. fisco. l. 3. §. pen. quamuis loca religiosa nullius sint, supra hoc tit. §. nullius

z Subaudi, ex causa ad dominium per traditionem transferendum idonea ut ex causa venditionis, vel permutationis, vel dotis, vel donationis. nam si res ex causa depositi, vel commodati traditur, dominium in accipientem non transfertur, item nuda traditio (id est, sine causa) dominium non transfert. ff. de acquir. rer. dom. l. nunquam 31. in princ.

a Ut titulo dotis, vel permutationis, vel donationis.

b Id est, ad dominium per traditionem transferendum idonea.

c Titulus & causa pro eodem accipiuntur. d Sine noua traditione.

e Subaudi in conspectu horrei ff. de contrah. empt. l. clauibus. 71. Id. m. dicendum, si unum vendatur, & clauis cellæ vinaria emptori tradantur. ff. de acquir. poss. l. 1. §. pen.

f Ut occupanti fiant, g Nisi in mare iactentur, cum omnino peritura videantur: tunc enim censentur derelinquendi animo iactari. ff. de furt. l. falsus. 43. §. pen.

CAP. II. De rebus corporalibus & incorporalibus.

Corporalia sunt, quæ sui naturâ tangi possunt, ut fundus, homo, vestis. Incorporalia, quæ sui naturâ a tangi nequeunt, ut hereditas, ususfructus, usus, obligationes servitutes, & cetera in iure consistentia b.

a Litet ex accidenti fortasse tangi non possint, ut quia mari teguntur.

b Quacumque in iure consistunt, incorporalia sunt, sed non quacumque incorporalia sunt, in iure consistunt.

CAP. III. De servitutibus prædiorum a.

Rusticorum prædiorum iura sunt hæc, iter b, actus, via, aquæductus. Iter est ius eundi, & ambulandi c hominis. Actus est ius agendi iumentum, vel vehiculū. Qui actum habet, etiam iter habet d: non contra quicumque iter habet, actum etiam habet. Via est ius eundi, & agendi, & ambulandi e. Aquæductus est ius aquæ ducendæ f per fundum alienum. in princ.

2 Prædiorum urbanorum servitutes sunt, quæ ædificiis inhaerent g (nam omnia ædificia habitandi causâ extracta, vocantur prædia urbana, quamvis ruri ædificata sint) veluti ut vicinus h onera vicini i sustineat k: ut in parietem eius liceat vicino tignum immittere: ut stillicidium vel flumen l recipiat quis in ædes suas, vel in arcem, vel in cloacam: ne quis aliùs tollat ædes suas: néve luminibus vicini officiat m. §. 1.

3 Inter rusticas servitutes connumerantur etiam hæ n: aquæ haustus, pecoris ad aquam appellus, ius pascendi, calcis coquendæ, arenæ fodiendæ. §. 2.

C 4

4. Servitutes

4 Servitutes prædiorum ideo appellantur, quia sine prædiis constitui non possunt, nemo enim potest servitutem acquirere *o*, nisi qui prædium habet. §. 3

5 Servitutes constituuntur vel inter viuos *p*, vel in vltima voluntate *q*. §. vlt.

a Servitus prædialis est, quam alicuius prædium alieno prædio præstat. Prædium est res immobilis: ut ades, & fundus. Prædium quod servitutem præstat, serviens vocatur: illud autem, cui præstatur servitus, dominans à Doctoribus appellatur. Prædium diuiditur in urbanum, & rusticum. Prædium urbanum est omne ædificium habitandi causâ ubicūque extructum. cetera sunt rustica stabula, arces, horti per se sunt prædia rustica: sed ædibus iuncta: eis accedunt, & hac ratione inter urbana prædia numerantur. supra hoc tit. §. 1. & ff. commun. præd. l. 1, & in quib. caus. pign. tac. contrah. l. 4. §. 1. & de verb. signif. l. urbana. 98.

b Subaudi, prædio debitum, seu prædij domino, sed ita ut prædio inhereat, & prædium sequatur. Idem intelligo in aliis servitutibus.

c Subaudi, per alienum prædium. Idem supplendum in definitione actus, & via: quia nemini res sua servit. ff. de servit. l. in re. 26. & si seru. vind. l. sicut 8. §. pen.

d Non quia actus iter in se contineat: sunt enim separate servitutes: sed ex præsumpta voluntate constituentium servitutem, nam qui expressè actum concedit, tacitè censetur etiam iter concedere, id est, concedens, ut aliquis per suum, fundum possit agere iumentum, vel vehiculum, videtur simul concedere, ut eat sine iumento & vehiculo.

e Via tam iter quàm actum in se continet. vers. via hic. si servitutem constituentes, latitudinem non expresserint, itineris, vel actus latitudinem arbiter definit: via latitudo ex lege xij. tab. est octo pedum in directū, sexdecim in anfractum. ff. de servit. prædior. rusticor. l. viæ 8. & l. certo. 13. §. pen.

f In fundum ipsius aquam ducentis.

g Id est, ædificiis debentur, nam servitutes denominantur à prædio dominante, non à serviente, id est, siue fundus siue ades adibus serviant, dicitur servitus urbana, & siue fundus, siue ades fundo serviant, dicitur servitus rustica.

h Id est, vicini domus. i Id est, adium ad alterum vicinum pertinentium.

k Verbi

K Verbi gratia, ut ades mea tua columna, vel tuo pariete inniti possint.

l Flumen non accipitur hic, ut in §. flumina. supra de rerum diuis. sed pro specie seruitutis urbana, differente à stillicidio, quia stillicidium ex alto cadit, flumen de plano fluit.

m Sine altius tollendo, siue deprimendo, siue diruendo adificium. Vide l. si arborem. 17. ff. de seruit, præd. urbanor.

n Dummodo in fundi gratiam sint constituta. ut puta haurio aquam ad irrigandum meum agrum: vel ad aquam duco pecus, quo utor ad agrum stercoreandum.

o Item nemo potest seruitutem prestare, nisi habeat pradium. Sed, ut supra monui, seruitutes denominantur à pradio dominante, non à seruiente. Idcirco hic mentio fit acquirentis non praestantis seruitutem.

p Per domini patientiam, qua pro traditione habetur: quia vera traditio rebus incorporalibus non conuenit. Exempli gratia, si tibi vendam ius eundi per meum fundum, & patiar te ire, seruitus tibi constituta est, ex sola autem seruitutis venditione, vel promissione non constituitur seruitus, sed obligatio tantum nascitur ad constituendam seruitutem. ff. de seruit. l. viæ 17. & l. ult. & de seruit. præd. rustic. l. si vnus. 19. & si seru. vind. l. si à te 16.

q Veluti si seruitus legata sit ei, qui pradium habet.

CAP. IV. De usufructu.

1 **V** usufructus **a** est ius **b** alienis rebus **c** vtendi fruendi **d** salua rerum substantia **e**.

2 Constituitur vel in vltima voluntate **f**, vel inter vivos **g**. §. 1.

3 Verus usufructus constituitur in iis rebus, quæ vfu non consumuntur **h**, vt ædibus, seruis, iumentis. quasi usufructus in iis, quæ vfu consumuntur **i**, vt vino, oleo, frumento: vel quasi consumuntur, vt pecunia numerata **k**. Hic quasi usufructus constituitur **l** per satisfactionem de eadem quantitate **m**, vel æstimatione, cum fructuarius mortuus vel capite minutus fuerit **n** restituenda. §. 2.

4 Vestimentorum aut verus usufructus constitui potest, quatenus corpora sunt, vt scilicet eadem vestimento **o** finito

usufructu restituantur: aut quasi usufructus, sub ratione quantitatis, ut eiusdem generis & qualitatis vestimenta, vel eorum æstimatio restituantur. d. §. 2. & ff. eod. l. sed si quid. 15. §. & si vestimentorum. & usufruct. quemad. caueat. l. si usufructus. 9. §. pen.

§ Certis modis usufructus finitur. §. 1. vers. ne tamen. I. Morre fructuarij. II. Maxima, vel media p. capitis diminutione fructuarij. III. Non utendo per modum q & tempus r. IV. Cessione s. Cedi autem domino proprietatis potest, non extraneo: quia est ius personale, quod personā non egredietur. V. Co. solidatione, id est. si fructuarius proprietatem acquirit. VI. Rei interitu: adeò ut si ædes & fructuariae intenses sunt, vel corruerint, ne quidem atrox u usufructus debeat. in princ vers. est autem. & §. pen.

§ Si unus sit fructuarius, & usufructum amittat, usufructus ad proprietatem reuertitur, id est interit, & ex formalis sit causalis. §. ult. Si verò ex pluribus fructuariis unus amiserit usufructum, eius portio ita demum ad proprietatem redit, si nullus sit collegatarius, cui accrescat x. ff. de usufr. accresc. l. 1. §. ult. & l. seq.

a Intellige usufructum propriè dictum, qui est à proprietate separatus, & a Doctores usufructus formalis appellatur: alius est usufructus cum proprietate coniunctus, quem Doct. causalem vocant.

b Personale. c Res sua nemini seruit. ff. si usufruct. per. l. 1. ut & de servitutibus pradiantibus supra notavi.

d Hoc verbum fruendi adiectum est, ut usufructus distinguatur à nudo usa.

e Hinc est, quod verus usufructus non constituitur in rebus que usu consumuntur. infra them. 3.

f Ut legato. g Non promissione, aut venditione sed per quasi traditionem, ex causa stipulationis, aut venditionis, aut alia simili. Dixi quasi traditionem, qui res incorporales non traduntur, sed per patientiam domini quasi traduntur, ut supra notavi.

h Ha res dicuntur in usu consistere. i Ha res dicuntur consistere in abusu.

x Qua per assiduam permutationem quodammodo perire videtur, id est, non perit simpliciter, sed perit ei qui eum impendit.

l Ex §. C. ff. de usufruct. earum rerum. l. 1. & 2. Intellige cõ-

si ui

Atque in ultima voluntate: nam inter viuos esset mutuum, nec esset opus senatusconsulto.

m Non de eodem corpore, quod fructuarius consumere potest.

n His duobus modis duntaxat finitur quod si ususfructus, sed verus ususfructus pluribus modis finitur. infra them. c.

o Licet usu attrita. p Olim etiam minima, sed Iustinianus illud ius correxit.

q Id est, si fructuarius male utatur, non ut bonus paterfamilias uti debet.

r Id est, si fructuarius non utatur per decennium inter praesentes, aut per 20. annos inter absentes. C. hoc tit. l. pen.

s Idcirco dum ceditur, perit & ex formali sit causalis generaliter enim interitus ususfructus formalis, est generatio ususfructus causalis.

t Si verò pars aedificij corruat, reliqua partis & totius soli ususfructus manet. ff. hoc tit. l. si cui 33.

u Area definitur locus aedificio vacuus in vrbe. Quod in vrbe dicitur area ruri vocatur ager. ff. de verborum significat. l. fundi 211.

x Tunc collegatario, vel collegatarijs accrescit cum ususfructus pluribus in solidum est legatus, ita ut concursu partes faciant. ff. de usufruct. accresc. l. 1. in princ. & §. interdum. & l. 3. in princ. tunc verò non accrescit, cum in usufructu constituendo partes facta sunt. d. l. 1. §. ult. & l. 2.

CAP. V. De usu a & habitatione b.

VSUS iisdem modis constituitur, iisdemque modis finitur, quibus ususfructus. in princ.

2 Minus iuris est in usu quam in usufructu. §. 1. ut ex seq. intelligitur.

3 Qui fundi nudum habet usum. I. Nihil ferè & vterius habere intelligitur, quam ut oleribus, pomis, floribus foeno, stramentis, & lignis ad usum quotidianum utatur II. In eo fundo haftenus morari potest, ut neque domino fundi molestus sit, neque operis rusticis impedimento. III. Nulli alij ius quod habet, aut vendere, aut gratis cōcedere potest, cum fructuarius possit haec omnia facere c. d. §. 1.

4 Qui

4 Qui ædium vsum habet, ipse cum familia inhabitare, & hospitem recipere potest; ius autem suum ad alium transferre nequit. §. 2.

5 Qui serui aut iumentum vsum habet, ipse eo potest uti f, non etiam ius suum ad alium transferre g. §. 3.

6 Qui pecorum, puta ouium, vsum habet, ad sterco-
randum agrum iis uti potest: sed neque lacte, nisi modicè,
ff. hoc tit. l. plenum, 12. sed pecoris, neque agnis, neque lana
utetur; quia hæc in fructu sunt, §. 13.

7 Habitatio tam ab usu, quam ab usufructu distingui-
tur b. §. pen.

8 Qui habitationem habet, pro libitu, vel in ea degere,
vel eam aliis locare potest i. d. §. pen.

9 Expositi sunt modi acquirendi dominij iure gentium:
consequenter modi civiles explicabuntur. K

a *Vsus est ius utendi, non etiam fruendi rebus alienis salva
earum substantia.*

b *Habitatio est ius & facultas habitandi in ædibus alienis
salva earum substantia.*

c *Rectè ait fore: quoniam aliquid usufruario conceditur
etiam ex oleo, frumento, & frugibus, ff. hoc tit. l. plenum 12.
§. 1. Idemque de vino dicendum, quia est eadem ratio.*

d *Non ad compendium, & abusum.*

e *Ne intelligas usufructuarium transferre ius suum ad
alterum: tantum enim facultatem, qua in facto consistit, ad
alium transfert: ita ut ipse, non obstante venditione vel do-
natione, fructuarius maneat, sed ex conventionem teneatur pati
ut emptor seu donatarius fructus percipiat, usufructarius autem
ne quidem facultatem aliquid percipiendi transferre ad
alium ulla ratione potest.*

f *Non tantum in rebus suis, sed etiam in iis qua facienda
conduxit, vel in re conducta, ut in fundo quem conduxit, co-
lendo, ff. hoc tit. l. plenum 12. §. ult.*

g *Putà locare iumentum, aut serui operas.*

h *Similior tamen est vsui, quam usufructui, ff. eod. l. si ha-
bitatio 10. in princ. Neque capitis deminutione, neque non
utendo amittitur, ibid. licet usufructum & vsum his
modis amitti constet, supra themat. 1. & supra titul. prox.
them. 3.*

i *In hoc est, similiter usufructui. ut ex supra dictis constet,
licet*

licet in aliis sit similior vsui, ut iam notauimus.

x Vide tit. lib. 2. c. 5. them. ult.

C A P. V I. De usucapionibus, & longi temporis possessionibus.

I **V**T aliquis rem usucapiat, id est, possessione acquirat (quod quidem iure civili est constitutum ne rerum dominia semper incerta sint hæc requiruntur. I. Vt usucapiens rem accipiat à non domino. b. II. Vt bona fide accipiat, id est, putet se accipere à vero domino. III. Vt accipiat ex iusta causa, id est, titulo ad dominium per traditionem transferendum idoneo, ut emptionis, donationis, legati (error autem falsæ causæ regulariter à usucapione non parit.) §. 11. IV. Vt rem mobilem possideat triennio, vel immobilem inter præsentis decennio, inter absentes viginti annis, in princ. V. Vt ea possessio non sit interrupta e. Non interruptitur autem, eo quod res ad vniuersalem f vel particularem g successorem transeat, quia possessio defuncti aut venditoris cum possessione heredis aut emptoris continuatur h. §. 12. & §. seq. VI. Vt res possit usucapi, id est, sit in commercio. §. 1. & neque sit furtiua (furtum autem nec sine affectu furandi, nec in rebus immobilibus i committitur) neque vi possessa. K §. 1. & §§. sequentib. & omnino non sit vitiosa. §. 10. aut saltem vitium sit purgatum, puta quia res furtiua aut vi possessa rediit in domini potestatem. §. 8. nec sit res fiscalis, res tamen ex bonis vacantibus l nondum fisco nunciatis m usucapi possunt. §. 9. VII. Ne sit res à fisco, aut de principis vel Augustæ domo vendita : alioquin emptor statim securus est, nec usucapione indiget, qui verò ius n in ea re prætendit, intra quadriennium contra fiscum, vel principis aut Augustæ domum agere o potest. §. ult.

a Usucapio est nomen generis, & speciei : nam diuiditur in usucapionem propriè dictam, & longi temporis possessionem, seu longi temporis prescriptionem : utroque enim vocabulo eodem usucapionis species indicatur. Usucapio in genere accepta, est acquisitio domini per possessionem bona

bona fidei, non interruptam, tanto tempore, quantum ius definiuit. Usucapio specialis est acquisitio rei mobilis per triennij possessionem. longi temporis possessio vel longi temporis prescriptio est acquisitio rei immobilis, id est, pradij decem annis inter presentes, aut viginti annis inter absentes sine interruptione possess. Nota primo, usum, ex quo componitur verbum usucapio, non accipi hic pro iure utendi, ut in tit. preced. sed pro possessione, qua significatio non est noua. ff. de verb. signif. l. questio 115. Nota secundo, alium esse longi temporis prescriptionem cum titulo, qua est species usucapionis, & in hoc tit. explicatur; aliam sine titulo, qua non est usucapionis species. Titulus est causa possidendi, ut emptio, permutatio, legatum.

b Alioquin si à domino accipiat, statim dominus fit, nec eget usucapione.

c Nota, bonam fidem tantum ab initio requiri, id est, in emptione & venditione requiri tempore contractus & tempore traditionis: in aliis vero causis dumtaxat traditionis tempore. ff. pro emptor. l. 2. in princ.

d Id est, nisi iusta sit errandi causa. ff. pro empt. l. quod vulgò 11. & pro suo. l. pen. §. ult.

e Si quis coeperit usucapere, & antequam usucapionem absolueret, possessionem amiserit, deinde recuperauerit: noua possessio cum veteri non continuatur, nec vetus possessio prodest: sed usucapio à die recuperata possessionis procedet, & ex ea die debet usucapiens rem per totum statutum tempus sine interruptione possidere.

f Vniuersalis successor est, qui in ius succedit, ut heres, & bonorum possessor.

g Particularis successor est, qui non ius, sed in rem succedit, ut legatarius, & emptor.

h Itaque possessio defuncti prodest heredi, & possessio venditoris prodest emptori.

i Ut igitur res immobilis possit usucapi, sufficit bona fides usucipientis. sed ut rei mobilis usucapio procedat, bona fides requiritur tam in tradente, quam in accipiente: si quidem mala fide tradens, furtum committit, ac rem furtiuam facit.

k Nota duas differentias inter res furtivas, & vi possessas. I. Furtum fit clam, vis aperta est. II. Furtum non cadit in res immobiles, quia celari non possunt, sed tantum in res mobiles: res autem tam mobiles, quam immobiles, vi possideri possunt.

l Bona

I Bona vacantia sunt, quæ dominum non habent, ut quia mortuus est aliquis sine herede.

m Nondum igitur sunt res fiscales. n Ut dominium, vel hypothecam.

o Rei vindicatione, vel actione hypothecaria.

C A P. VII. De donationibus a,

I **D**onationum tria genera in hoc titulo considerantur. I. Donatio mortis causæ. II. Simplex inter vivos donatio. III. Donatio propter nuptias b.

2 De donatione mortis causæ hæc traduntur. I. Donator mavult se habere, quàm cum cui donat: & magis cum cui donat, quàm heredem. II. Hæ donationes ferè c per omnia legatis comparantur. §. 1.

3 De simplici inter vivos donatione hæc habentur. I. Non comparatur legatis. II. Perficitur nudo consensu, siue in scriptis, siue sine scriptis voluntatem suam donator declaraverit: nisi excedat 500. aureos: quo casu insinuatio apud acta regulariter requiritur d. III. Cum perfecta est e, reuocari non potest, nisi ob ingratitudinem donatarij. IV. Donator cogitur f rem tradere donatario. §. 2.

4 De donatione propter nuptias notatur, eam non solum ante matrimonium, sed etiam eo constante g, exemplo dotis b, posse constitui, vel augeri. §. 3.

a Donatio est liberalis, nullo cogente facta concessio, & est modus civilis acquirendi, ut usucapio. Duplex tamen inter hos acquirendi modos differentia notanda est. Primo usucapio est introducta iure civili, suprâ tit. prox. in princ. donatio verò est introducta iure gentium: sed iuri civili adscribitur ratione usus, quia cives Romani tantùm inter se, non etiam peregrinis aut Barbaris donare possunt. Secundo usucapiens rem acquirit domino invito, aut saltem ignorante: donatarius autem acquirit volente domino, qui donavit.

b Hac quoque fit inter vivos: verùm non est simplex, sed ob causam nuptiarum.

c Hac partic. indicatur esse quasdam differentias: nam donatio mortis causæ non est ultima voluntas, nec sine traditione

traditione dominium transfert, ut legatum.

d Quod ad summam excedentem quingentos aureos, nam si donentur (exempli gratia) nongenti aurei, & donatio non insinuetur: valet usque ad quingentos aureos tantum, pro reliquis quadringentis est inutilis. C. de donat. l. sancimus 34. in princ.

e Perficitur autem nudo consensu. f Conditione ex lege quam Iustinianus tribuit ex nudo pacto donationis causa facto C. de donat. l. si quis argentum 35. Nou. ibi l. cap. 1. sed si stipulatio interposita fuerit, ex stipulatu agitur.

g Idcirco vocatur propter nuptias, cum olim ante nuptias vocaretur, quia olim tantum ante nuptias fieri poterat. sed Iustinianus constituit, ut etiam stantibus nuptiis augeri possit. Iustinianus autem constituit ut etiam stantibus nuptiis tam constitui, quam augeri possit, & ut propter nuptias vocetur.

h Cui donatio propter nuptias proportionem quadam respondet, ut enim dos ex parte mulieris confertur in maritum, ita hac donatio ex parte viri confertur in uxorem: idcirco à Grecis vocatur ἀντίθετον, ab Italis contradote, quasi Latine dicatur contraria dos.

C A P. V I I I. Quibus alienare licet, vel non.

¹ **M**aritus a nec dissentiente nec consentiente uxore prædium dotale alienare, vel pignus potest. in princ.

² Nisi debitor creditori satisfaciat, creditor pignus recte vendit, dummodo ea seruet b, quæ ius hoc casu seruanda præscribit. §. 1.

³ Pupillus sine tutore non potest rem alienare. Vnde apparet pupillum sine tutore non posse, I. Pecuniam mutuam dare c. quod si de facto dederit, nummi extantes vindicantur d. non extantes. condicuntur. §. 2. II. Creditoribus suis soluere e. d. §. 1. vers. ult.

⁴ Pupilli debitor (nisi ex redditibus vel similibus causis debeat. C. de administr. tut. l. sancimus 25.) non aliter tutorem soluit quam si iudicis solui iubentis sententia præcesserit. alioqui exceptione quidem doli mali tutus erit, si pecunia apud pupillum salua sit, vel ex ea pupillus sit factus locupletior: sed c. a perdita, cogetur iterum soluere d. §. 1.

a Licet

a Licet rei dotalis dominus sit, ac dominus regulariter de re sua pro libitu disponere possit. C. mand. l. in re mandata 2. l. Nota, mulierem habere dominium naturale rei dotalis, maritum dominium civile. C. de iur. dot. l. pen. in princ.

b Id est, vendat post biennium à denunciatione debitori facta, ut soluat, vel à sententia condemnatoria numerandum, C. de iur. dom. impet. l. ult. §. 1. & si pacta interueniant de pignore vendendo, ea pacta seruet si verò de non vendendo pignore pacti fuerint, tunc debitori denunciet ut soluat, antequam pignus vendat. ff. de pignor. act. l. 4.

c Quia non facit pecuniam accipientis: non est autem mutuum sine translatione domini, ff. de reb. cred. l. 2. §. appellata.

d Nota, condictiōem oriri vel ex numeratione, nempe cum mutuum valet: vel ex consumptione, videlicet cum mutuum non valet. Hoc casu Doct. dicunt mutuum consumptione conciliari: quam sententiam non probo.

e Cum enim nummos accipientis non faciat, non liberatur; nisi creditor nummos acceptos consumpserit. ff. de reb. cred. l. non omnis 19. §. si pupillus.

C A P. I X. Per quas personas nobis
acquiritur 2.

1 **A**cquiritur nobis non solum per nosmetipsos, sed etiam per alios, ut per filios quos in potestate habemus. in princ.

2 Peculium b castrense, vel quasi castrense est filij reprofectitium est patris d: aduentitij regulariter proprietas est filij, ususfructus est patris e. §. 1.

3 Patens, dum liberos suos emancipat., dimidiam partem ususfructus in rebus peculij aduentitij f. quantum ususfructum per filium non acquisiuit (ut interdum accidit) retinere quasi pretium emancipationis potest. §. 2.

4 Per extraneam personam nihil acquiri potest: eo excepto, quod per liberam personam, veluti per procuratorem placet, non solum scientibus, sed etiam ignorantibus nobis acquiri possessionem, & per hanc dominium, si dominus fuit qui tradidit, vel usucapiendi, seu longo tempore g. prescribendi h facultatem, si non dominus rem tradidit, §. pen.

§ Expositi sunt modi acquirendi particulares, exceptis legatis, & particulatibus fideicommissis, de quibus infra i dicetur: nunc dicendum de modis acquirendi per vniuersitatem, vt hereditate ex testamento, vel ab intestato delata, & bonorum possessione, & acquisitione per arrogationem.

a Sabaudi, dominium, obiter fit etiam in hoc tit. mentio possessionis them. 4. quia per possessionem acquiritur dominium. per quas autem personas acquiratur obligatio, dicetur infra lib. 3. c. 19.

b Vt patrimonium habet paterfam ita peculium filiusfam. aut seruus. Peculium igitur est, quod filiusfam. habet à patris rationibus separatim, aut seruus habet à rationibus dominicis seiunctum. Peculium serui est vnius generis. Peculium filiusfam. diuiditur in castrense, quod occasione militia armata acquisiuit: quasi castrense, quod acquisiuit occasione militia togata, aut religiosa: profectitium, quod è re patris profectum est: & aduentitium, quod aliunde ad filiumfamilias peruenit.

c Pleno iure: filius enim famil. plenum dominium, pater nihil iuris habet.

d Pleno iure. e Regulariter: sed paucis quibusdam casibus filius habet plenum dominium, pater nihil iuris habet.

f In quibus nihil iuris habet, quod interdum contingere proximè notauimus, quarum enim rerum vsumfructum habet. dici non potest dimidiam partem vsumfructus in his rebus retinere pro pretio emancipationis: sed totum retinet.

g Vfuscapio refertur ad res mobiles, prescriptio ad res immobiles.

h Id est, decem annis inter presentes, viginti inter absentes.

i Id est, de legatis, infra lib. 2. c. 20. 21. 22. de fideicommissis particularibus, ibid. c. 24.

C A P. X De testamentis a ordinandis.

1 **T**estamentum ex eo appellatur, quod testatio mentis
b sit. in princ.

2 Duo sunt testamentorum genera: solemne, & nuncupatorium.

3 In

3. In solemnī conficiendo hæc requiruntur. I. Præsentia septem testium. §. 3. II. Ut testes sint ad id rogati. ff. qui testam. fac. poss. l. heredes. 21. §. pen. III. Ut testamentum fiat vno contextu d. IV. Scriptura, & testatoris ac testium subscriptio. V. Signacula testium e. d. §. 3.

4 Omnes testes vno & eodem anulo testamentum signare possunt. Nec tantum suo, sed & alieno anulo signare licet. §. 5.

5 Testes in testamento adhiberi possunt ij, quibuscum testamenti factio est f. Prohibentur autem esse testes, I. Mulier g. II. Impubes. III. Furiosus. IV. Mutus. V. Surdus. VI. Prodigus, cui bonis est interdictum. VII. Ij, quos leges iubent improbos intestabilisque esse h. §. 6. VIII. Qui in potestate testatoris est, vel eum in potestate habet. §. 9. licet pater & filius in extranei testamento possunt esse testes i. §. 8. IX. Heres scriptus, quive in eius potestate est, vel eum in potestate habet, vel in eiusdem parentis potestate est k. §. 10. Legatarij autem & fideicommissarij non prohibentur / esse testes. §. 11.

6 Testamentum vel in chartis, vel in membranis, vel in tabulis, vel in quavis alia materia scribi potest. §. 12.

7 Vnum testamentum pluribus codicibus authenticis confici potest m. §. pen.

8 Nuncupatium testamentum fit sine scriptis n: in eoque hæc requiruntur. I. Præsentia septem testium. §. ult. II. Ut hi testes sint rogati. ff. qui testam. facere poss. l. heredes. 21. §. pen. III. Ut coram eis testator voluntatem suam palam o declaret. d. §. ult. & d. l. heredes, in princ.

a Testamentum definitur voluntatis nostra iusta sententia de eo quod quis post mortem suam fieri velit. ff. qui testam. fac. poss. l. 1.

b Non dicimus hoc verbum testamentum, esse compositum ex testatione & mente; non magis quam instrumentum ex instructione & mente, calceamentum ex calceo & mente: sed derivamus testamentum à testatione, ut instrumentum ab instructione, munimentum à munitione, & explicandi causâ addimus mentis, ut indicemus cuius rei testatio sit.

c Qua secundum regulas iuris conficiuntur. d Id est, sine interruptione, & nullo actu extrinsecus interiecto. Hinc reprobatur Doct. sententia, existimantium in testamento contrahi

posse. Non officit tamen testamento, si testator vel testes ob necessitatem natura aliquid interim fecerint. C. de testam. l. cum antiquitas 28.

c Solent etiam testatores signare testamenta: quanquam iure non requiritur.

f Id est, qui possunt heredes institui. Excipiuntur quadam persona, qua mox proponuntur.

g Nota, mulierem non posse adhiberi ad iuris solemnitas.

h Ut damnati ob crimen famosum. ff. hoc tit. l. is cui 28. §. 1. hi sunt intestabiles, quia nec testimonium dicere possunt, nec testimonium eis dici potest.

i Nota, plures testes ex una domo ad extranei actum posse adhiberi.

k Ut frater heredis. l. Quia is, qui testamentum facit, cum heredibus tantum quos sibi successores facit, negotium quoddam agere videtur, non cum legatariis, vel fideicommissariis, qui in ius defuncti non succedunt, sed testatoris voluntate aliquid ab herede accipiunt.

l Dummodò in omnibus solemnitates iure requisita adhibeantur, ut puta in omnibus subscriptiones testatoris, testium, necnon signacula contineantur.

n Testamentum nuncupativum non perficitur per scripturam: ut testamentum solemne: sed quò facilius probetur, in scriptis redigi plerumque solet.

o Ut audiri à testibus possit. ff. hoc tit. l. heredes palam 21. in princ.

CAP. XI. De militari testamento 2.

1 Miles in castris expeditionis necessitate occupatus testari potest nulla adhibita solemnitate. in princ. sufficit enim de eius voluntate constare. §. 1.

2 Miles, quamvis sit filius familiars. in princ. vel mutus & surdus, nihilominus tamen testamentum facere potest b. §. 2.

3 Testamentum in castris iure militari factum valet, siue testator in militia, siue post missionem c. intra annum decesserit, licet conditio institutioni heredis adscripta, post annum extiterit d. §. 3.

4 Testa

4 Testamentum ante militiam non iure factum, ex noua militis voluntate vires accipit. §. 4.

5 Minima capitis deminutio e non infirmat militis f testamentum §. penult.

a Militare testamentum appello, non quodcumque à milite factum est, sed quod iure militari factum est: nam miles vel iure communi, vel iure proprio testari potest.

b Nec opus est, ut id specia iter à principe impetret: quoniam ipso iure ei concessum est. Paganus autem id debet à principe impetrare. ff. qui testam. facere possunt. l. 7. nisi vel loqui vel scribere possit. C. cod. l. discretis 10.

c Subaudi, honestam: vel causariam, non ignominiosam. ff. hoc tit. l. testamenta eorum 26. in princ. Honesta est, qua confectis legitimis viginti annorum stipendijs, vel ex permissu principis ante ea confecta conceditur. Causaria propter morbum vel aliam causam, propter quam militare non potest, tribuitur. Ignominiosa est ob delictum. ff. de his qui notat. infam. l. 2. §. ignominia.

d Non spectamus tempus, quo conditio impletur: quia natura conditionum est, ut quodcumque existant, retrò trahantur ad tempus actus, cui sunt appositae. ff. de per. & commod. rei vend. l. necessariè 8. vers. idem Pomponius.

e Ut arrogatio, vel emancipatio. f Pagani verò testamentum per quamcumque capitis deminutionem fit irritum. infra quib. mod. testam. infirm. §. alio.

CAP. XII. Quibus non est permissum facere testamentum 2.

1 Filius familiars testari non potest, nisi de peculio castrensi, vel quasi castrensi. in princ.

2 Impuberis testamentum non valet, licet pubes factus decesserit b. §. 1.

3 Furiosi testamentum non valet, nisi ante furorem e, vel tempore dilucidi intervalli factum sit. d. §. 1.

4 Similiter prodigi d testamentum non valet, nisi ante honorum interdictionem factum sit. §. 2.

5 Mutus vel surdus & mutus testamentum facere non potest, nisi literas calleat, & in scriptis testatur e. Qui verò

tantum surdus est, etiam per nuncupationem testari potest, §. 3. & C. qui testam. fac. poss. l. discretis 10.

6 Ut cæci testamentum valeat, hæc requiruntur f. I. Sit testamentum nuncupatiuum. II. Adhibeantur septem testes, & tabularius: vel, si tabularij copia non sit, octo testes g. III. Coram his testator exprimat se velle condere testamentum nuncupatiuum, ac totam suam voluntatem declaret IV. Heredum institutiones legatis & fideicommissis præponat h. V. Tabularius, vel octauus testis testamentum in scriptis redigat i. VI. Adiungantur subscriptiones K. VII. Apponantur signacula l. §. pen. & C. qui testam. fac. poss. l. hac consuetissima 8.

7 Testamentum in captiuitate factum non valet m, antea factum, testatore apud hostes moriente sustinetur lege Cornelia n, eo ab hostibus reuerso sustinetur fictione postliminiij o. §. ult.

a Postquam dictum est de iis, qui iure communi, vel iure speciali, id est, militari testantur, consequenter agitur de his, qui neutro iure testari possunt.

b Quia testamentum quod ab initio non valet tractu temporis non confirmatur, infra de exher. liber. in princ. & de reg. Cato. l. 1. in princ.

c Furor superueniens, nec testamentum, nec aliud negotium rectè gestum infirmat.

d Qui neque modum, neque tempus impensarum habet: idcirco furioso est similis, ff. de curat. furio. l. 1. in princ. quia quod ad bona attinet, furiosi exitum facit, ff. de tutor. & curat. dat. l. his qui. 12. in fin.

e Vel à principe testamenti factionem impetret, ff. hoc tit. l. 7. vel miles sit, supra tit. prox. §. quin immo.

f Quia in cæci testamento faciendis committi falsum potest: idcirco plures solemnitates in eo requiruntur.

g In aliorum testamentis sufficiunt septem testes, supra de testam. §. sed prædicta, & §. ult.

h In aliis testamentis hic ordo non est necessarius, infra de legat. §. ante heredis.

i Alia testamenta nuncupatiua non requirunt scripturam.

k Testatoris, & testium. l. Testium.

m Quia captus ab hostibus, non est ciuis Romanus, sed seruus hostium.

n Qua

n Quia fingit testatorem primo captiuitatis momento mortuum fuisse.

o Quod fingit testatorem nunquam fuisse captum, sed semper fuisse in ciuitate.

C A P. XXI. De exheredatione a liberorum b.

I **L**iberi in testatoris potestate constituti, ita ut inter eos & testatorem sit persona interiecta, si ab eo prætereantur d, (id est, neque instituantur heredes, neque nominatim e exheredentur) testamentum ipso iure nullum faciunt. Nominatim exheredatur quis, siue proprio nomine expresse, veluti, *Titius filius meus exheres esto*; siue alia demonstratione facta, veluti si is qui unum filium habet, ita in testamento suo scripserit, *Filius meus exheres esto. in princ. §. 1. §.*

2 Sui posthumi f præteriti, (id est, neque instituti, neque nominatim exheredati) siue sint masculi, siue feminae, agnatione testamentum rumpunt g *dictis locis.*

3 Similiter qui post factum à parente testamentum, in locum sui heredis succedit h quasi adgnascendo, si sit præteritus, testamentum euertit. §. 2.

4 Emancipatis præteritis datur i bonorum possessio contra tabulas §. 3. & d. §. 5.

5 Dati in adoptionem, quandiu sunt in adoptiua familia, à patre adoptiuo debent institui, vel nominatim exheredari, à patre naturali possunt præteriri K. Quod si à patre adoptiuo sint emancipati, eodem iure habentur, ac si nunquam in adoptionem dati fuissent i, sed à patre naturali essent emancipati m. §. 4. Hæc ita obtinent, si quis naturali parenti datus sit in adoptionem, nam si extraneo datus fuerit, manet in potestate patris naturalis: & eodem iure censetur n, ac si non fuisset in adoptionem datus. d. §. 5. *vers. ult.*

a Quia totum negotium quod testamenti ordinandi gratia agitur inter testatorem & heredem, vertitur. *suprà de testam ordin. §.* sed neque, ac de testatore hætenus locuti sumus: qu. vel est paganus, vel miles; & vel testamenti factionem haberi

vel non habet : consequenter agitur de heredibus qui vel sunt exheredati, vel instituti, vel prateriti.

b Appellatione liberorum intellige tam posthumos, quam iam natos, cuiuscunque sexus & gradus.

c Ut filius & nepos ex filio emancipato, vel mortuo. Hi sunt, qui vocantur sui heredes.

d Nota, prateritos dici respectu hereditatis, adeo ut filius, qui nec est institutus, nec exheredatus dicatur prateritus, etiam si legatum ei, vel per fideicommissum relictum aliquid sit.

e Hac sola exhereditatio hodie admittitur : olim alij liberi, prater filium masculum, poterant etiam exheredari inter ceteros, veluti, Titius heres esto : ceteri exheredes sunt.

f Qui si vivo testatore nati essent, sui heredes essent.

g Ab initio testamentum valet : & si posthumus nascatur, ratum manet : sed nascente posthumo (id est si vivus in lucem edatur. C. de postuh. her. instit. l. 3.) rumpitur. ff. de liber. & postum. l. 3. §. ex his.

h Id est, nepos, qui ante factum ab avo testamentum natus est vivo patre suo, deinde post avi testamentum moriente patre, in eius locum succedit.

i Iure pratorio : nam iure civili propter emancipationem possunt prateriri quasi extranei.

k Quia omnino patri naturali extranei videntur : alioquin viderentur habere duos patres, naturalem, & adoptivum : quod natura repugnat.

l Quia per emancipationem omnia iura adoptionis dissoluntur.

m Quia non sunt in huius Patris potestate, eius tamen filij recte dicuntur, cum non videantur propterea habere alios patres : quandoquidem nullus est amplius pater adoptivus.

n Hoc excepta, quod patri adoptivo intestato succedere potest, supra de adoptionibus §. sed hodie,

CAP. XIV. De heredibus instituendis.

1 ET unum heredem & plures, quocumque testator velit b, facere licet. §. 4.

2 Hereditatis legitima c divisio est in duodecim partes, quae

quæ vnciæ vocantur, harum duæ sextantem faciunt, tres quadrantem, quatuor trientem, quinque quincuncem, sex semissem, septem septuncem, octo bessem, novem dodrantem, decem textantem, undecim deuncem, duodecim assen. §. 5. viginti quatuor, dupondium, triginta sex tripondium. §. 8. Potest tamen testator in plures, vel pauciores vncias prohibitu hereditatem suam dividere, & si vnum ex semisse heredem scripserit, hic totam hereditatem obtinebit: quia nemo potest pro parte testatus, pro parte intestatus decedere, nisi sit miles, d. §. 5.

3 Multis modis fieri potest, ut plures heredes instituantur. I. Non expressis eorum partibus *d*: tunc sunt heredes ex æquis partibus. II. Si partes in quorundam personis expressæ assen non consumant, reliqui habent quod superest, usque ad assen, v.g. si Primus ex semisse, Secundus ex sextante, & Tertius simpliciter institui sint: Primus habebit sex vncias, Secundus duas, Tertius quatuor. III. Si partes in quorundam personis expressæ, assen consumant, reliqui dimidiam partem obtinebunt, quasi testator ex dupondio *e*, id est, 24 vnciis hereditatem suam constare voluerit: ita ut duodecim vnciæ tribuantur iis qui ex certis partibus heredes scripti sunt; & aliæ duodecim vnciæ ceteris heredibus scriptis sine partibus *f*. Nec interest, primus, an medius, an novissimus heres sine parte scriptus sit: ei namque pars vacans data intelligitur, §. 11. IV. Si pars vacet, ac nemo sine partibus scriptus sit: ea pars singulis pro hereditaria parte accrescit, veluti si tres ex quartis partibus *g* heredes scripti sint, perinde erit *h*, ac si ex tertiis scripti essent: singuli namque obtinebunt quatuor vncias. V. Si plures heredes scripti, quàm portiones sint: tacite singulis pro hereditariis partibus *i* decrescit, ut puta si quatuor ex tertiis partibus heredes scripti sint, perinde erit, ac si ex quartis scripti essent, ita ut singuli tres vncias consequantur. §. 7. VI. Si plures quàm duodecim vnciæ distributæ sint: is qui sine parte institutus est, tot vncias habebit, quot explent dupondium, v.g. si primus ex besse, Secundus ex dodrante, Tertius simpliciter scripti sint heredes: Primus habebit octo vncias *k*, Secundus novem *l*, Tertius septem *m*. Similiter superato dupondio fit transitus ad tripondium: & superato tripondio, ad quadripondium

dium: & ita deinceps. Sed hæc omnia ad assem reuocari possunt, nihil enim interest, utrum aliquis habeat (exempli causa) ex asse unciam, an ex dupondio duas uncias, vel ex tripondio tres, siue ex quadripondio quatuor: semper enim duodecimam hereditatis partem habet. §. 8.

4 Heres vel purè institui potest, veluti, *Titius heres esto: vel sub conditione, veluti, si navis ex Asia venerit, Titius heres esto.* Dies autem institutioni heredis adiecta, pro non scripta habetur, ita ut nihilominus purè heres fiat: veluti si testator dixerit, *Titius post mortem meam ex Kalendis Ianuariis vel, usque ad Kalendas Ianuarias heres esto.* §. 9.

5. Impossibilis quoque conditio, veluti, *Si cælum digito tetigeris*, ultimæ voluntati non adiecta, habetur pro non scripta. §. 10.

6 Si plures conditiones o coniunctim adscriptæ sint; veluti *Si navis ex Asia venerit, & Titius consul fuerit*: omnes existere debent, ut heres fieri possit. Si disiunctim; veluti, *Si navis ex Asia venerit, aut Titius consul fuerit*: vnam impleri sufficit. §. pen.

7 Etiam eos, quos numquam vidimus p, heredes instituire possumus. §. ult.

a Necesse est, ut aliquis heres institutus, vel exheredatus, vel prateritus sit, cùm igitur superiori titulo dictum sit de exheredatis, vel prateritis, rectè nunc agitur de institutis.

b Quia nulla lex numerum heredum definiuit. Non propterea tamen fatebor institui posse homines infinitos: quia talis institutio non potest exitum habere.

c Id est, qua sit à lege, nisi testator aliter diuiserit.

d veluti Caius, Titius, Seius heredes sunt.

e As constat duodecim uncis: dupondium duobus assibus, id est, 24. uncis: tripondium tribus assibus, id est, 36. uncis. Similiter explica quadripondium, quinquepondium, &c. Quis vero expleto asse transimus ad dupondium, expleto dupondio ad tripondium, & ita deinceps: hinc aliquod paradoxum accidit, nam qui sine parte heres scriptus est, expleto asse, dimidiam partem hereditatis habet, ut hic dicitur, quoniam as, quem testator distribuit, est dimidia pars dupondij. Expleto dupondio tertiam partem obtinet, quia dupondium duas tertias partes tripondij continet. Expleto tripondio, quartam partem consequitur, quia tripondium tres quadripondij quadrantes

tes

res complectitur, & ita deinceps progredimur, semper minorem partem ei tribuentes, qui sine parte heres institutus est.

f Id est, primo, vel medio, vel ultimo loco, scriptus, omnes tamen sunt instituti in primo gradu, & simul ad hereditatem vocantur.

g Id est, singuli ex unciiis tribus. h Propter ius accrescendi: nam tres uncias habent iure institutionis expressa, & unciam unam ex tacita testatoris voluntate, id est, iure accrescendi.

i Testator quatuor tertias distribuit, cum non possint esse plures tertiae quam tres.

k Quia bes octo unciiis constat. l Quia dodrans novem uncias continet.

m Quia distribuitis octo & novem, proinde septemdecim unciiis, supersunt adhuc septem in dupondio, quod 14. unciiis constat.

n Secus est in contractibus, qui adiecta conditione impossibili, redduntur inutiles, supra de inutil. stipu. §. si impossibilis.

o Sub. possibiles. p Ut filios fratris peregrinatos.

CAP. XV. De vulgari substitutione. 2

1 **P**ossunt in testamento plures heredum gradus fieri: veluti, Primus heres esto b. Si primus heres non erit, Secundus heres esto c. Si Secundus heres non erit, Tertius heres esto d. Si Tertius heres non erit, Quartus heres esto e. ac Primus quidem dicitur institutus: sequentes omnes substituti f. in princ.

2 Substitui possunt. I. Plures in unius locum: veluti, Si Titius heres non erit, Caius & Seius heredes sunt. II. Unus in locum plurium. veluti: Titius & Manius heredes sunt, si Titius aut Manius heres non erit, Sempronius heres esto. III. Singuli Singulis: veluti Primus & Secundus heredes sunt, si Primus heres non erit, Tertius heres esto, si Secundus heres non erit, Quartus heres esto IV. Reciproce: veluti, Titius & Manius heredes sunt, si Titius heres non erit, Manius heres esto, si Manius heres non erit, Titius heres esto, §. 1.

3 Si ex disparibus partibus instituti, inuicem sine partibus substituantur:

CAP. XVI. De pupillari substitutione 2.

1 **Q**ui liberos impuberes in potestate habet, non solum vulgariter, sed etiam pupillariter substituere potest. Cuius substitutionis triplicem formam Iustinianus proponit. Prima forma est, cum in iisdem tabulis pater filium impuberem instituit, sique vulgariter & pupillariter substituit: quo casu si substitutus succedat ex vulgari substitutione *b*, fit heres patris, si ex pupillari *c* fit heres filij, nam pater filio testamentum facit, quia filius per ætatem id facere nequit, *in princ.* qua ratione Iustinianus constituit, ut qui liberos furiosos, vel mente captos *d* habet, eis quasi pupillariter, id est, si prius decesserint, quam mentis compotes facti sint, substituere *e* possit *f* §. 1. *¶ C. de impuber. ¶ al. substit. l. humanitatis* 9. sunt igitur *g* duo quodammodo testamenta, alterum patris, alterum filij; vel potius vnum testamentum *h*. duarum hereditatum. §. 2. Secunda forma est, cum ab institutione & vulgari substitutione separatur substitutio pupillaris, & in inferioribus tabulis consignatur: in prima autem testamenti parte cauetur, ne pupillares tabulæ viro filio, & adhuc impubere aperiantur *i*. §. 3. Tertia forma est, cum filio exheredato substituitur, quo casu quicquid ex quacumque causa pupillo acquisitum fuerit, hac pupillari substitutione continetur. Hæ formæ non solum in liberis iam natis, sed etiam in postumis *k* locum habent, §. 4. Notandum vero est, cum pater filium impuberem non instituit heredem, necess. est ut aliquem alium instituat. quia testamentum pupillare est pars, & sequela testamenti paterni *l*. & sine eo non consistit, §. 5.

2 Substitui potest *l*. Singulis liberis *m* impuberibus: ne quis eorum intestatus decedat. *ll*. Ei qui nouissimus morietur *n*. quo casu, cum primus moritur, alter ei succedit *o* ab intestato, §. 6.

3 Substituitur aliquis impuberi, vel nominatim, veluti *Titius*: vel generaliter: veluti, *Quisquis mihi heres erit*, quo casu illi vocantur ad pupillarem hereditatem; qui & scripti sunt heredes in testamento patris, & hereditatem

reditatem adierunt, & pro qua parte heredes patri facti sunt q. §. 7.

4 Masculo vsque ad quantumdecimum ætatis annum substitui potest: feminae vsque ad duodecimum, nam si ad pubertatem peruenerint, statim substitutio pupillaris extinguatur r. §. pen.

5 Extraneo, vel filio puberi heredi instituto non potest ita substitui, ut si heres exiterit, & intra aliquod tempus, decesserit, alius sit heres: sed tantum per fideicommissum rogari potest hereditatem, aut eius partem alij restituere. §. ult.

a Qua pupillis fit a parentibus, in quorum potestate sunt, in eum euentum si in pupillari ætate accesserint

b Quia pupillus heres in primo gradu scriptus hereditatem non accepit.

c Quia pupillus heres patris factus, in pupillari ætate decesserit.

d Inter furiosos & mente captos hoc interest, quod furiosi agitantur furore, mente capti in quiete degunt.

e Liberos mente capti vel furiosi, si liberi extent, sin minus, fratres, at si nec liberi nec fratres extent, quoscunque substituere licet.

f Dummodo legitimam portionem liberis furiosis, vel mente captis reliquerint.

g In dicta formula testandi, qua pupilli institutionem, nec tamen vulgarem & pupillarem substitutionem in iisdem tabulis non sinet.

h Quia septem testium rogatorum presentia, subscriptio, & signa sufficiunt, nam si duo testamenta essent, non sufficerent septem, sed requirerentur quatuordecim.

i Quia periculosum pupillo videtur, tabulas eo in pupillari ætate constituto aperiri, ne forte substitutus, ut hereditatem accipiat, eius vita infidietur.

k Id est, in suis postumis, quemadmodum enim pupillariter substitui non potest liberi, qui non sunt in potestate, ita nec alienis postumis.

l Quod vim accipit ab heredis institutione, qua dicitur esse caput & fundamentum testamenti, sup. de leg. §. ante heredis.

m Hoc casu tot sunt substitutiones, quot sunt liberi, quibus substituitur.

n Subaudi

n Subaudi in pupillari aetate. Hoc casu una est substitutio.
o Iure antiquo Sorus supra ad S. C. Tert. §. præferuntur,
vers. frater iure nouo una cum matre. supra eod. §. sed cum
antea. vers. excepta

p Qui igitur per filium aut seruum heredem institutum
acquisiuit patrisfam. hereditatem, ex dicta substitutione non
vocatur ad pupilli hereditatem. ff. de vulg. & pupill. l. 3.

q Quia pars expressa in institutione, censetur tacite repe-
tita in substitutione. ff. eod. l. 5. & supra tit. prox. §. & si ex
disparibus.

r Quoniam ex eo tempore ipsi sibi testamentum facere pos-
sunt. ff. qui testam. fac. poss. l. 5.

f De quo infra lib. 2. c. 23.

CAP. XVII. Quibus modis testamenta infirmantur.

1 **T**estamentum iure factum infirmatur a vel ipso iure,
vel per querelam inofficiosi, ipso iure rumpitur, aut
fit irritum. in princ.

2 Rumpitur cum in eodem statu manente testatore ius te-
stamenti vitiat, quod quidem accidit, I. Adgnatione b, vel
quasi adgnatione sui heredis. veluti si quis post factum te-
stamentum aliquem adoptrauerit c. §. 1. II. Posteriori testa-
mento iure perfecto, licet ex eo nemo heres extiterit: suf-
ficit enim potuisse existere. §. 2. Sed si in hoc posteriori te-
stator heredem ex certis rebus instituerit, ac prius testa-
mentum valere iusserit heres simpliciter d succedit ex po-
steriori testamento, sed retentis rebus sibi relictis, aut sup-
pleto ex lege Falcidia quod quartæ deest, reliquum here-
dibus in priori testamento institutis, restituere cogitur iure
fideicommissi e. §. 3.

3 Irritum fit capitis deminutione f testatoris, sed iure
prætorio conualescit, data heredi scripto bonorum possessio-
ne secundum tabulas, si testamentum septem testium signis
sit pbsignatum, ac testator mortis tempore g ciuis Roma-
nus & sui iuris fuerit. §. 6.

4 Nudâ testatoris pœnitentiâ h, vel posteriori testamento
imperfecto, prius testamentum non infirmatur. §. pen.

5 Obiter

Obiter notetur, Principem, etsi legibus i solutus sit, tamen legibus vivere. K. Idcirco sequentibus casibus non capit hereditatem. I. Si iuris causa l sit heres institutus. II. Si in tabulis non legitimè factis m institutus sit, quò magis tabulae sustineantur. III. Si absque forma testandi fuerit à defuncto vocatus heres. Et generaliter ex scriptura, quæ iure non comprobatur, princeps nihil accipit. §. ult.

a Iure civili: Iure autem pratoria infirmatur per bonorum possessionem contra tabulas, de qua hic non agitur.

b Adgnascuntur posthumi, id est, qui post mortem testatoris nascuntur sui heredes: quasi adgnascuntur, qui vivo adhuc testatore post testamentum ab eo factum, vel nascuntur, vel sui heredes fiunt cum antea sui heredes non essent.

c Per hanc adoptionem fit suus heres, proinde quasi adgnascitur.

d In uniuersum ius defuncti, quia rerum mentio pro non scripta habetur. ff. de hered. instit. l. 1. §. si ex fundo.

e Quia prius testamentum, quod non potest valere iure directo, sustinetur ob testatoris voluntatem iure fideicommissi.

f Maxima, media, vel minima. g Quia testator debet habere testamenti factionem actiuam, cum testatur. Et cum eius morte testamentum confirmatur: in herede autem testamenti factio passiva requiritur, non solum his duobus temporibus, sed etiam cum adit hereditatem. supra de hered. qual. §. in extraneis.

h Nisi accedat lapsus decennij. C. de testament. l. Sancimus 27.

i Sub civilibus, non naturalibus x Id est, sponte sua se legibus subijcere.

l Id est, si quis cum alio litem habens, ut ei potentem aduersarium opponeret, principem heredem instituerit.

m Non adhibitis solemnitatibus iure requisitis.

CAP. XVIII. De inofficioso testamento.

Inofficiosi querela datur, I. Liberis testatoris, qui querunt se iniquè & cōtra officiū pietatis exheredatos b, vel præteritos c in pr. Nec refert, utrum sint liberi suscepti ex iustis nuptiis, an à parēte naturali d adoptati. Nec utrum

iam nati viuo testatore, an posthumi c. 5. 2. 11. Parentibus f. 111. Fratribus, vel sororibus (subaudi sanguineis g. C. h. t. l. fratres 27.) Si turpes personæ sint heredes institutæ. Cæteris autem testatoris agnatis vel cognatis hæc querela non competit, §. 1.

2. Vt aliqua ex dictis personis de inofficioso testamento agere possit, tria requiruntur, 1. Vt nullo alio iure ad defuncti bona venire possit h. §. 2. Vt nihil ei penitus à testatore relictum sit; alioquin non de inofficioso agere, sed legitimæ supplementum petere debet, §. 3. Nam quocunque titulo quartam partem hereditatis aliquis consequatur, de inofficioso agere nequit. §. ult. quam sententiam corrigi per Nou. 115. Doctores falsò putant d. 111. Vt testamentum non comprobarit, putà legatum sibi in eo testamento relictum petendo. Si tamen tutor legatum pupilli nomine petiit, de inofficioso agere suo nomine non prohibetur κ. §. 4. & e contrario, si pupilli nomine de inofficioso egit, legatum sibi relictum petere potest l. §. 5.

a Inofficiosum testamentum est, quod rectè quidē secundum iuris præcepta, sed contra officium pietatis factum est, ff. h. t. l. 2. aliquo iniquè exheredato, vel praterito quem heredem institui aequitas postulat, ff. eod. l. 2. Præteritionem hic intellige, quæ pro exheredatione habetur, ut à matre, vel auo materno factam, supra de exher. liber. §. ult. Nam si pater filium quem in potestate habet, praterat, testamentum est ipso iure nullum, nec per querelam rescinditur. b A patre, vel matre, vel auo, vel auia. c A matre, vel auo materno, vel auia.

d Hi quos extraneus adoptauit, ab eo prateriri vel exheredari possunt, & nihilominus testamentum valeat, nec subverti potest per querelam inofficiosi, infr. de her. quæ ab intest. defer. §. sed ea omnia. e Id est, nati post mortem testatoris.

f Iniquè exheredatis, vel prateritis. g Id est, qui sunt ex eodem patre, uterinis autem, qui sunt ex eadem matre, hæc querela non competit.

h Sub. salvo testamento, nihil idem vetat idem testamentum simul esse inofficiosum, & irritum, vel falsum, ff. h. t. l. Papinian. 8. §. si quis & irritum, & C. eod. l. cum qui 14. vel inofficiosum, & non iure factum, C. eod. l. contra 16.

i Illud tamen verum est, ex d. Nou. hodie ad excludendam querelam, quæ liberis vel parentibus competit, non sufficere si quid eis relictum sit, nisi sint heredes instituti.

E

Quæ

x Quia non suo nomine, nec sponte, sed tutorio officio contra legatum pupillo petit, ne tutela iudicio condemnaretur; nemini autem debet officium suum esse damnosum, ff. testam. quicquid. ap. l. 7.

l Ob eandem rationem, quia tutorio nomine egit de inofficioso testamento, nec debet ei suum officium esse damnosum.

CAP. XIX. De heredum qualitate & differentia a.

1 **S** Vi & necessarij heredes sunt liberi b in testatoris potestate immediate constituti: ut filius, filia : & nepos vel neptis ex filio defuncto c. Nam viuo quoque patre sunt quodammodo domini, & iure civili volentes nolentes heredes existunt, praetor tamen abstinendi beneficium eis tribuit. §. 1.

2 Ceteri, qui testatoris iuri subiecti non sunt, extranei heredes appellantur; ut liberi emancipati, & à matre heredes instituti §. 3.

3 In extraneis heredibus testamenti factio d passiva, id est, ut possint ex testamento hereditatem capere, tribus tantum temporibus requiritur. I. Facti testamenti. II. Mortis testatoris e. III. Aditionis f hereditatis §. 4.

4 Sui heredes dicuntur se immiscere, vel abstinere: extranei, adire, vel repudiare. His igitur datur ius deliberandi de hereditate ad eunda, vel repudianda, & praeterea ex Iustiani constitutione beneficium inventarij g §. 5. vide l. ult. C. de iure delib.

5 Hereditas aditur aut re ipsa pro herede (id est, pro domino gerendo) puta praedia hereditaria vendendo, vel locando; aut nuda voluntate quocumque modo significata: dummodo is, qui adit, sciat eum, cuius hereditatem adit, testatum, intestatumve decessisse, & se ei heredem esse, §. 6.

6 Nuda quoque voluntate repudiatur h hereditas, §. ult. vers. sicut.

7 Surdus, vel mutus, siue talis natus, suo casu factus sit, pro herede gerere, & hereditatem sibi acquirere potest, dummodo intelligat, quod agit, d. §. ult. vers. sicut.

a Ab

a Ab hoc titulo incipit explicare accidentia testamentorum, hoc est, hereditatem, legata, fideicommissa & codicillos.

b Servi autem domino suo sunt heredes necessarij, non sui.

c Vel emancipato. d Quia testamentum, quod ab initio non valet, tractu temporis non confirmatur.

e Quia testamenta morte confirmantur. f Hoc tempus potissimum spectatur: quia hoc tempore heres acquirit hereditatem.

g Confecto namque rerum hereditariarum inventario, ex quo apparet heredes nihil celasse, aut amovisse, non tenentur ultra vires hereditarias.

h Et per hanc repudiationem amittitur, adeo ut non possint amplius adiri.

CAP. XX. De legatis a.

Legatum est donatio quaedam à defuncto relicta, ab herede b præstanda. §. 1.

a Quibuscumque verbis relictum sit legatum, ad id persequendum legatarius habet actionem personalem ex testamento, rei vindicationem, & actionem hypothecariam. §. 2.

b Legata exæquata c sunt fideicommissis in omnibus, & per omnia: ita ut omne legatum habeat vim etiam fideicommissi, & omne fideicommissum vim legati. §. 3.

c Legari potest, I. Res testatoris. §. 4. Nec officit legato opinio testatoris eam existimantis esse alienam, aut legatarij. §. 11. Item non officit, quod pignerata sit, nam heres cogitur eam luere, si testator eam pigneratam sciens, luendi onus legatio non iniunxit §. 5. Iam vero si postea d testator eam vendiderit, nihilominus legatum debetur f, nisi eius adimendi animo rem vendiderit. Si pignerauerit, similiter legatum debetur g. Si partem vendiderit: pars non alienata omnimodo legatio debetur: pars autem alienata ita debetur, si non adimendi animo vendiderit. §. 12. Si rem donaue- rit, legatum ademisse censetur h. ff. de adim leg. l. rem lega- tam. l. 3. l. legatum sub conditione. 24. II. Res heredis d. §. 4. III. Res aliena, dummodò testator sciret esse alienam, i quod legatarium probare oportet k. d. §. 4. aut personæ conjunctæ

l. legauerit. C. eod. l. cum alienam 10. Effectus autem huius legati est, quod si heres iusto pretio eam redimere potest, eam redimere & legatario præstare cogitur, sin minus, æstimationem solvere debet *d. §. 4.* Si legatarius viuo testatore eius rei dominus factus sit ex causa onerosa *m.* vt quia rem emit, actione ex testamento pretium consequetur *n.* Si ex causa lucratiua, vt ex donatione, legatū extinguitur: quia duæ causæ lucratiuæ in eandem rem & eandem personam concurrere non possunt. Vnde si eadem res eidem duorum testamentis legata sit: multum interest, vtrum rem, an æstimationem ex vno testamento sit consecutus, nam ex altero testamento agere potest, *p.* iori casu non potest *o.*, posteriori casu potest. *§. 6.* Si legatarius nudam rei legatæ proprietatem emerit, deinde vsusfructus ad eum peruenerit: nihilominus actione ex testamento totam rem petet: quia vsusfructus non est pars rei *p.*, sed seruitus: verum officio iudicis *q.* continetur, vt nudæ proprietatis æstimatio præstetur *§. 9. IV.* Res, quæ non est, si modò futura sit, vt fructus in fundo nascituri *s. §. 7.*

5 Legari non potest, I. Res, quæ non est in commercio, vt campus Martius, basilica, templum. *d. §. 4.* II. Res legatarij *s.* nec legatario *n.* rem alienante confirmatur legatum. *§. 12.*

6 Si eadem res *x* duobus legata *y* sit, concursu *z* partes faciebat: vno deficiente, id est, si vnus legatum nolit, aut non possit acquirere, alter totum obtinebit *a.* Nec interest, vtrum eis coniunctim sit legatum, id est, eadē oratione, veluti, *Titio & Seio fundum Tusculanum do lego*, an disiunctim, id est, separatis orationibus, veluti, *Titio fundum Tusculanum do lego: Seio eundem fundum Tusculanum do lego.*

7 Liberatio debitori legari potest, I. Simpliciter & omnino: quo casu heres, si petat, exceptione doli mali summo-uetur: sed & conueniri actione ex testamento à legatario, vel successore eius potest, vt eum liberet. *§. 13.* Liberat autem modò per acceptilationem *b.* modò per pactum de non petendo *c.* vide *l. 3. §. nunc de effectu, ff. de liberat. legat.* II. ad tempus, id est, vt heres prohibeatur intra certum tempus *d.* à debitore petere. *d. §. 13. vers. potest.*

8 Si debitor creditori suo, quod debet, legauerit: non valet legatum, nisi plus sit in legato, quàm in debito: veluti si pure legatum sit, quod in diem, vel sub conditione debetur (quo casu legatum, quod ab initio valuit, non extinguitur,

tur, etiamsi viuo testatore dies venerit, vel conditio extiterit) §. 14. aut si maritus vxori dotem prælegauerit e: quia plenius f est legatum quàm de dote actio. Quid si nullam dotem acceperat; siquidem simpliciter dotem legauit, inutile est legatum. si verò certam pecuniam demonstrauit: veluti, *Centum qua in dotem accepi, vxori mea relego.* aut certum corpus: veluti, *Fundum Tusculanum, quem dotis nomine accepi, vxori mea do lego.* aut instrumenta dotis: veluti, *Summam quam dotis causa accepi, dotali instrumento comprehensam* (finge instrumentum dotale factum esse, quo contineatur mariti falsa confessio, quasi eam quantitatem acceperit) *vxori mea do lego*: valet legatum g. §. 15.

9 Si res legata sine facto heredis perierit h, legatario perit i. §. 16.

10 Gregis legati augmentum vel detrimentum ad legatarium pertinet. Et si ad vnam ouem redactus sit, hanc legatarius rectè vindicabit. K. Est autem grex, vnum corpus ex distantibus capitibus l: sicut ædium vnum est corpus ex cohærentibus lapidibus. §. 18.

11 Ædibus legatis, columnæ & marmora, quæ post testamentum factum adiecta sunt, legato cedunt. §. 19.

12 Tam res corporales legari possunt. vt fundus. quàm incorporales, vt actio, seruitus. Nota, id quod testatori debetur, posse legari m, & heredem cogi legatario actionem cedere: nisi testator viuus exegerit: tunc enim legatum extinguitur. Item potest factum legari: veluti, *Damnus esto heres meus domum Titij reficere*: aut, *Damnus esto Titium are alieno liberare*. §. 21.

13 Electio legatarij est, I. Si sit legatum genus n; vt equus, nisi testator electionem dederit heredi. §. 22. II. Si sit optio legata, id est, cum testator ex equis vel aliis rebus suis, legatarium optare siue eligere iubet. Hoc casu si vnus legatarius non elegerit o, heres eius poterit eligere, & si plures legatarij, vel plures heredes vnus legatarij in eligendo dissentiant, quia alius aliam eligere velit, forte dirimitur controuersia, vt is in quem fors ceciderit, in electione potior sit. §. 23.

14 Legari illis solum potest, quibuscum testamenti factio p est. §. 24.

15 Etiā incertæ personæ, & posthumo alieno legari potest. hic etiam institui heres potest q tutor autem incertus dari nequit. §. 25. cum quatuor §§. seqq.

16 Error in legatarij hæredisve nomine, vel cognomine, vel prænomine x, si de persona constet, legato vel heredis institutioni non nocet. §. 29.

17 Similiter nec falsa demonstratio vitiat legatum: veluti, *Fundum, quem à Seio emi* (finge esse à Titio emptum) *do lego.* §. 30. nec falsa causa adiecta, veluti, *Titio, quia mea negotia curauit, do lego:* (finge Titium negotia testatoris non gessisse) nisi conditionaliter & causa enunciata fuerit, veluti, *si negotia mea gessit.* §. 31.

18 Etiam ante heredis institutionem, & inter heredum institutiones legari potest u, licet heredis institutio sit veluti caput & fundamentum totius testamenti, ita vt testamentum inde vium accipiat. d. 34.

19 Item valent collata in tēpus cūm heres mortuus fuerit x, vel pridie quā heres mortuus fuerit y, vel pridie quā legatarius mortuus fuerit. §. 35.

20 Item legata pœnæ nomine relicta sustinentur z, nisi quid impossibile a, aut legibus interdictum aut probrosum contineant. Pœnæ causā relinqui dicitur b, quod heredis coercendi causā relinquitur, quo magis aliquid faciat, vel non faciat; veluti, *Heres meus, si filiam suam in matrimonium Titio collocaueris; vel, nisi collocaueris, decem aureos Seio dato.* §. 17.

a Hic titulus diuiditur in sex partes. Prima continet definitionem legati. them. 1. Secunda est de verbis, & effectu legatorum, them. 2. In tertia conferuntur legata cum fideicommissis: & hæc quoque collatio ad effectum legatorum spectat, them. 3. In quarta agitur de rebus legatis, à them. 4. vsque ad them. 14. & 15. In sexta & ultima de modo & ratione legandi, à them. 16. vsque ad finem tituli. Nota them. 16. & 17. in contextu Iustiniano referri ad quintam partem de personis, quibus legatur, sed hic commodius referri ad sextam de modo legandi.

b Quid si legatarius legato oneretur? Non valebis unquam legatum infra de fin. reb. per fideic. relict in princ. sed quasi si rei omnissum, propter exæquationem legatorum & fideicommissorum à Iustiniano factum, de qua mox dicitur, them. 3.

c Non

e Non inquit esse facta eadem, sed exaequata, nihil autem sibi ipsi exaequatur, sed alterum alteri, ergo nec legatum est fideicommissum, nec fideicommissum est legatum: sed quod imperatiuis verbis relinquitur, est legatum: quod precariis, fideicommissum. verum dum testator expressè legat, tacitè etiam fideicommitit: & dum fideicommittit expressè, legat tacitè. quare legatum habet etiam vim & effectum fideicommissi: & retrò fideicommissum habet vim legari. Denique legata & fideicommissa differunt forma, non effectu.

d Postquam rem legauit, e Rem suam quam legauit.

f Fortassis enim legari non adimendi animo, sed quia pecunia egebat rem vendidit.

g Quia cum alia soleat esse pignerandi causa, non praesumitur facta pignratio, ut adimeretur legatum.

h Quia nulla necessitate cogente donatur: quamuis plerumque necessitate aliqua cogente vendatur, aut pigneretur.

i Alioquin videri potest non fuisse legaturus, si sciuisset esse alienam.

k Quia ipse est actor, qui petit legatum: onus autem probandi incumbit actori. §. non solum, in fin.

l Cui praesumitur fuisse legaturus, etiamsi sciuisset rem esse alienam, ut libris, parentibus, uxori, nurui. C. hoc. tit. l. cum alienam. 10. & ff. de legat. praestan. l. 1. in princ.

m Qua sint causa onerosa, aut lucrativa, exposui infra de rer. diuers. them. 7. nu. 13.

n Quia cui pretium rei abest, ipsa res videtur abesse. ff. de euct. l. si seruus: 21. §. & deo.

o Quia iam rem habet ex causa legati, qua est causa lucrativa.

p Proinde totam rem habet. titulo oneroso.

q Nota differentiam inter actionem, & officium iudicis actionis deferuentis, quod Doctores mercenarium vocant. sic infra de rer. diuis. §. quod si frumentum. in fin.

r Deducto usufructu, quem acquisiuit iure accrescendi lucrativo.

s Ita demum hoc legatum debetur, si fructus nascuntur; quasi legatum sit sub conditione si nascantur ff. de cond. & demonst. l. 1. in fin.

t Quia quod nostrum est, amplius nostrum fieri non potest. quamuis enim eadem res ex multis causis nobis deberi possit, tamen ex multis causis nostra fieri non potest. ff. de acqu.

posse. l. 3. §. ex plurimis. & de except. rei iudic. l. & an eadem
14. §. pen. & de diu. reg. iur. l. non ut ex pluribus § 9.

u Quia legatum, quod ab initio non valet: non potest ex post
facto confirmari. ff. de reg. Caton l. 1.

x Hinc apparet: hic solum agi de re coniunctis, qui diui-
duntur in re tantum coniunctos, & re ac verbis coniunctos: alij
sunt verbis tantum coniuncti, quibus eadem res pro partibus
pro indiuiso legata est, veluti Titio & Mævio fundū Tusca-
lanum pro æquis partibus do lego. Quibus autem vel eijusdē
rei partes pro diuiso, vel res diuersa legantur, hi sunt om-
nino disjuncti, nec pertinet ad tractatum de iure accrescen-
di, etiam si in eadem oratione eis legetur: veluti, Titio
dimidiam partem fundi Tusculani Orientem versū, Mævio
alteram dimidiam Occidentem versū do lego.

y Quid si tres aut plures legatarij sint? Similiter concursu
partes facient. deficientis autem portio non semper omnibus col-
legatariis accrescit. sed si quidem omnes eodem modo coniuncti
sint, omnibus accrescit pro rata portione. si autem diuersis
modis coniuncti sint, hi præferuntur in iure accrescendi, qui
magis sunt coniuncti, id est, re & verbis coniuncti præferuntur
ceteris: item verbis tantum coniuncti præferuntur re tantum
coniunctis. ff. de legat. 3. l. re coniuncti § 9.

z Verbis coniuncti non faciunt partes concursu; quia testa-
tor ab initio partes constituit.

a Iure accrescendi. b Si legatarius sit dolus debitor, vel
sint duo rei debendi, qui sint socij: quia non potest à socio le-
gatarij peti, quin damnum ratione societatis etiam ad legata-
rium spectet.

c Cum sunt duo rei debendi non socij: quia nihil interest
legatarij, à correo non peti: quoniam enim correat conuenia-
tur ab herede, tamen nihil damni legatarius inde sentiet.
Nota acceptilationem uni ex correis factam, omnibus pro-
desse, quia vim solutionis habet, cum definiatur imagina-
ria solutio. Infra quod b. mo. toll. obligat. §. 1. Pactum verò
unifacium, ab alijs correis debendi non prodesse. ff. de pact. l.
si vnus 27. §. pacta eorum turpem, nisi socij sint, ff. cod. l. idem
25. in princ. & de duobus reis. l. eandem. §. §. 1.

d Intra quod si petat doli mali exceptione summonetur.
ff. ut in poss. leg. l. 1. §. si debitori.

e Dos dicitur mulieri relegari, quia reuē ei datur; vel
prælegari propter representationem: quia hac est utilitas
huius

huius legati, ut dos representetur, id est, citius restituatur, ut mox dicam.

f Id est, utilius. primò quia pacta dotalia, si qua sint que obstant repetitione dotis, non obstant legati petitioni. ff. de dot. præleg. l. 1. §. 1. Secundo quia res dotales mobiles restitui debent intra annum à die soluti matrimonij. C. de rei vx. act. l. vn. §. cùmque. legatum verò statim à testatoris morte debetur. Tertiò quia si maritus donationem in uxorem contulerat, heres mariti non potest res donatas repetere, si maritus in eadem voluntate perseverauerit: videtur autem in ea perseuerasse, eo ipso quod non reuocata donatione, dotem uxori prælegauit. d. l. 1. §. est & illud.

g Quia falsa demonstratio non vitiat legatum infra hoc tit. §. huic proxima.

h Ante moram solutioni factam. ff. de legat. 1. l. cùm res 47. §. 1.

i Generaliter enim rei interitus debitor, qui culpà vacat, liberatur. ff. de verb. oblig. l. si ex legat. 23.

k Licet non sit amplius grex, quia una ovis non facit gregem, etenim quod ex re nostra superest, nostrum est. ff. de rei vind. l. solùm. 49. §. 1.

l Tria sunt corporum genera. nam alia sunt discreta, quae ex distantibus partibus constant, ut grex, populus, legio: alia coniuncta, quae ex partibus cohaerentibus constant. & vnā artificialem formam habent, ut aedes: alia vnita, quae vno quasi spiritu continentur, & naturalem formam habent, ut homo, equus. ff. de usurpat. & vñ cap. l. rerum mixtura. 30. in princ.

m Id est, testator, quod sibi Titius debet, Manio legare potest.

n Regulariter in obligatione generis electio est debitoris infra de act. §. plus autem. vers. præterea, sed in legato secus est fauore vltimae voluntatis: electio namque hic datur legatario, cui debetur; non heredi, qui debet.

o Inter optionem & electionem hodie, sublati solemnitatibus, nulla est differentia: nam olim optabatur solemniter, eligebatur sine solemnitate.

p Intellige testamenti factionem passivam, quae iis tribuitur, qui ex testamento capere possunt.

q Tam iure civili, quam iure pratorio, licet olim iure tantum pratorio institutio posthumi alieni sustineretur. infra de bon. poss. in princ.

r Nomine significatur gens, cognomine, familia, praenomine;

nomine, persona: erant enim apud Romanos in eadem gente plures familia, in eadem familia plures: ut Marcus, praenomen: Tullius, nomen: Cicero, cognomen: item Publius est praenomen: Cornelius, nomen: Scipio, cognomen, Africanus, alterum cognomen, quod Charisius & alij plures vocant agnomen, Cicero cognomen appellat.

f Ideo namque nominibus utitur, ut intelligatur quibus personis aliquid relinquitur: sufficit igitur, si quoquo modo constet, quibus relinquitur.

t Quia deficiente conditione legatum deficit.

u Quia cum de testatoris voluntate constat, ordo scripturae negligitur.

x Olim talia fideicommissa sustinebantur ex bono & aequo: legata, in quibus magis utebantur stricto iure non valebant, sed Iustinianus qui legata fideicommissis adaequavit, etiam talia legata valere voluit.

y Olim hac legata non valebant: quia cum legatum esset post mortem heredis, eo vivo legatarius nihil petere poterat, consequenter eo mortuo nihil poterat petere ab eius herede: quia heres succedit in ius defuncti, nec debet esse deterius conditionis. unde veteres utebantur hac regula, Actio ab herede vel contra heredem incipere non potest, id est, si quis non potuit agere, heres eius non potest agere: & si quis non potuit conveniri, heres eius non potest conveniri. sed Imperator Iustinianus voluntatum sustinendarum causa eam regulam sustulit, adeo ut hodie actio possit ab herede vel contra heredem incipere, C. ut actio, ab hered. l. vn. & de contrah. stipul. l. scrupulosam 11.

z Ex constitutione Iustiniani, nam olim non valebant, quia legata debent amore legatarii, non odio heredis relinqui,

a Etsi conditio impossibilis legato adiecta non vitiat legatum, sed habetur pro non scripta. supra de hered. instit. §. impossibilis. tamen secus est in legatis poena nomine relictis, quod enim impossibile adiectum est, vitiat legatum.

b Nota iisdem verbis relinqui legatum conditionale, & poena nomine. tantum voluntas testatoris inter hac duo distinctionem facit. ff. de his quae poenae cau. relinq. l. 2.

CAP. XXI. De ademptione legatorum,
& translatione.

1 **L**egata adimuntur, I. Vel in eodem testamento, in quo data sunt, vel in codicillis. II. Vel contrariis verbis; veluti si his verbis legatum, *Do lego*, ita adimatur, *Non do, non lego*: vel quibuscunque aliis *a* verbis ad legati ademptionem significandam idoneis. *in princ.*

2 Translatio legati à persona ad personam *b*, veluti, *Fundum Tusculanum, quem Titio legavi, Seio do, lego*, vel in eodem testamento fit, vel in codicillis. §. 1.

a Veluti, Heredem meum legatum solvere veto. Ita ut uni ablatum, alteri detur.

CAP. XXII. De lege *a* Falcidia.

1 **L**ege Falcidia cautetur, ne plus legare liceat quàm donantem totorum bonorum, id est, ut siue vnus heres institutus sit, siue plures, apud eum, eòsve pars quarta remaneat. *in princ.*

2 Si duobus heredibus institutis, ab vno modica vel nulla legata sint relicta, ut hic quartam totius hereditatis partem saluam, aut etiam amplius habeat, nihilominus alter, cuius pars est legatis exhausta vel onerata *b*, quartam suæ portionis retinebit: quoniam in singulis heredibus ratio legis Falcidiæ ponenda est. §. 1.

3 Quantitas patrimonij, ad quam ratio legis Falcidiæ redigitur, ad illud tempus refertur, quo testator mortuus est. Nam augmentum vel decrementum postea contingens, ad legatarios non pertinet *c*, sed heredis lucro vel damno cedit. §. 2.

4 Antequam ratio legis Falcidiæ incutatur, æs alienum, & funeris impensæ deducuntur *d*. §. ult.

a Id est, plebiscito. Lata est enim à P. Falcidio tribuna plebis.

plebis, sic & lex Aquilia dicitur, qua plebiscitum est. ff. ad leg. Aquil. l. 1 §. 1.

b Hereditas vel pars hereditatis exhauriri dicitur, cum tota legatis absumitur: onerari, cum minus quadrante penes heredem remanet delibari, cum legata non excedunt dodrantem lege Falcidia licet hereditatem delibare, non exhaurire, nec onerare. Idcirco Florentinus legatum definit delibationem hereditatis, qua testator ex eo, quod uniuersum heredis foret, alicui cui collatum velit, ff. de leg. 1. l. legatum 116. in princ.

c Quia nec auget, nec minuit legata.

d His deductis, eius, quod residuum est, quartam partem penes heredem manere oportet.

CAP. XXIII. De fideicommissarijs hereditatibus.

Heres ex asse scriptus, rogari potest, ut totam hereditatem, vel partem eius alteri restituat, vel publice, vel sub conditione, vel ex certa die. §. 2. tuncque is, qui hereditatem restituit, nihilominus heres permanet *a*: is vero, qui recipit hereditatem, modò heredis *b*, modò legatarij loco habetur. §. 3. Aut enim sponte adit, & totam hereditatem restituit, aut sponte adit, sed non totam restituit, vel quia non totam iussus est restituere, vel quia ex Senatusconsulto Trebelliano, quartam partem retinet: aut ex eodem Trebelliano coactus à fideicommissario adit; quo casu totam hereditatem restituere cogitur. Primo & tertio casu omnes hereditariae actiones tam actiuae quam passivae *c* ad fideicommissarium transeunt. Secundo casu diuiduntur pro rata portione inter heredem & fideicommissarium. §. 5. Hac distinctione utendum, etiam cum ex parte heres institutus, aut totam illam partem, aut illius partis partem restituere rogatus est. §. 8.

2 Si heres deducta quartam rogetur hereditatem restituere: actiones *d* pro quarta remanent apud heredem, & pro dodrante transeunt ad fideicommissarium *e*. Si vero deducta certa res, vel certis rebus quancumque valoris, vel certa summa restituere sit rogatus: quasi ex legato habet sine onere, & omnes actiones *f* in fideicommissarium transferuntur. Hoc quoque obtinet, siue heres ex asse, siue ex parte scriptus fuerit. §. 9.

3 Fidci

3 Fideicommissa etiam ab intestato g relinqui possunt. §. 10.

4 Fideicommissarius quoque fideicommisso onerari potest, ut idipsum, quod accipit, vel partem eius, vel aliquid alteri restituat. §. 11.

5 Si heres presens dicatur fuisse rogatus à defuncto: fideicommissarius non cogitur fideicommissum probare, si iurandum heredi deferat, nam heres cogitur aut iurare se nihil tale à testatore audiuisse, aut fideicommissum solvere, etiam si nulli testes fideicommisso adfuerint, Idem dicendum, si à legatario, aut fideicommissario h petatur fideicommissum. §. ult.

a Quia qui semel est heres, non potest desinere esse heres ff. de minor l. 7. §. sed quod Papinianus, & de hered. instit. l. ei qui soluendo 88. in fin.

b Non est verus heres, sed loco heredis habetur.

c Activa sunt, qua heredi comperunt aduersus debitores hereditarios: passiva sunt, qua creditoribus hereditariis comperunt aduersus heredes.

d Tam actiuæ quàm passivæ. e Qui hoc casu habetur loco heredis.

f Activa, & passiva. g In codicillis.

h Cuius presentis fidei testator commisit, ut aliquid restitueret.

CAP. XXIV. De singulis rebus per fideicommissum relictis.

1 Singula quoque res per fideicommissum relinqui possunt: ita ut vel heres, vel legatarius a iubeatur b aliquid restituere, puta fundum, argentum, vestem: quamvis à legatario legare non liceat c. in princ.

2 Ita relinqui potest, I. Res testatoris II. Res eius, qui fideicommisso oneratur, siue hic sit heres, siue legatarius, siue fideicommissarius. III. Res aliena: quo casu rogatus cogitur eam redimere & præstare d, vel æstimationem solvere e. §. 1.

3 Verba fideicommissorum hæc maxime in usu habentur, *Peto, Rogo, Volo, Mando, Fidei tua committo.* §. ult.

a Vel

a Vel fideicommissarius. b In testamento, vel codicillis.

c Si à legatario legetur, non valebit quasi legatum, sed quasi fideicommissum, propter exaurationem legatorum & fideicommissorum.

d Si iusto pretio redimere possit. e Si dominus eam rem vel nullo modo, vel non iusto pretio vendere velit. Idem de legato rei aliena dictum fuit, supra de legat. §. non solum.

C A P. XXV. De codicillis. a.

1 **C**odicilli fieri possunt vel cum testamento, vel ab intestato. Quod si testamētum præcedat, ex iis fideicommissum peti potest, si appareat eum, qui testamentum fecit, à voluntate in codicillis expressa non recessisse, §. 1.

2 Codicillis non potest, I. Dari hereditas iure directo b, sed tantum per fideicommissum. II. Exhereditatio scribi c, III. Conditio institutioni heredis in testamento factæ adscribi d. IV. Directo substitui. e §. 2.

3 Codicilli plures f fieri ab eodem possunt: & nullam solemnitatem desiderant g. §. ult.

a Codicilli fiunt, vel testamento, vel ab intestato, si ex testamento fiant, censentur pars testamenti, si ab intestato, vicem quandam exhibent testamenti, ff. de iur. codicill. l. 1, 2. §. codicillorum, & l. ab intestato. 16.

b Id est, non potest heres in codicillis institui, ne confundatur ius testamentorum, & codicillorum §. codicillis, hic & ne principale (id est testamentum) confirmetur per accessorium (id est, per codicillos) si quidem testamentum confirmatur per heredis institutionem. ff. cod. l. quod per manus, 10.

c Quia sicut in codicillis hereditas non potest dari, ita etiam non potest adimi.

d Quia in defectum conditionis hereditas adimeretur.

e Eadem ratio est institutionis, & substitutionis: utraque enim testamentum confirmat: proinde si in codicillis poneretur, testamentum per codicillos confirmaretur.

f Id est diverso tenore alia ratio est testamenti, quia per posterius respicitur prius. Supr. quib. mod. test. infirmetur. §. posteriore.

g Igitur septem testes in codicillis probationis, non solemnitatis causâ requiruntur.

LIBER



LIBER TERTIVS.

CAP. I. De hereditatibus quæ ab intestato deferuntur.

I **I**NTESTATVS decedit, qui aut omnino testamen-
tum non fecit, aut non iure fecit *a*, cuiusve te-
stamentum infirmatum *b*, vel nemine adeunte destitutum
est. in princ. Qui verò, & quo ordine succedant, peten-
dum ex Nou. c. 118. & Nou. 127. cap. 1.

a Quia solemnitatem aliquam pratermisit, vel suum here-
dem prateriit sic accipitur in præsentia testamentum non iure
factum alibi sumitur angustius, ac dicitur non iure factum ob
solemnitates omittas, nullius verò momenti propter sui here-
dis præteritionem. ff. de iniust. rupt. l. 1. r.

b Id est ruptum, vel irritum factum est iis modis, qui ex-
positi fuerunt tit. quib. mod. testam. infirm. & tit. seq. nam ru-
ptum testamentum hîc intelligo: non solum adgnatione &
quasi adgnatione sui heredis, & posteriori testamento, sed
etiam per querelam inofficiosi. Bonorum autem possessio con-
tra tabulas non infirmat testamentum iure civili, sed tantum
iure prætorio.

c Tres sunt iure nouissimo heredum ordines: primus libe-
rorum: secundus parentum, quibus adiunguntur germani fra-
tres vel sorores, & germanorum fratrum vel sororum filij filia-
ve: tertius transversalium. In primo ordine liberi succedunt
in stirpes. In secundo ordine si soli parentes sint, succedunt in
stirpes, si unâ cum parentibus succedant fratres & sorores, he-
reditas diuiditur in capita si simul succedant parentes fratres
vel sorores, & fratrum vel sororum filij: hi succedunt in stir-
pes, reliqui in capita, si neque fratres germani neque sorores
germanæ extant, fratrum vel sororum filij filiaeve à parentibus
excluduntur, proinde non admittuntur in secundo, sed in tertio
heredum ordine. In tertio ordine primum vocantur germani
fratres vel sorores, & talium fratrum vel sororum præde-
functorum

functorum filij filiaque? secundò fratres, vel sorores consanguinei, vel uterini, & eiusmodi fratrum vel sororum filij filia ve, in stirpes: tertio reliqui adgnati, vel cognati secundum gradus prærogatiuam succedunt in capita. Successio in capita est, cum heredes succedunt ex virilibus, id est equalibus portionibus. Successio in stirpes est, cum heredes non ex sua, sed ex parentum, quos representant, persona succedunt, & eam partem accipiunt, quam ille caperet, si viveret, verbi gratiâ, si quis decedat relictis filio superstite, & ex altero filio prædefuncto duobus vel tribus nepotibus: non diuiditur hereditas in partes æquales: sic enim succederetur in capita: sed semissem accipit filius superstes, alter semis tribuitur nepotibus, quem pater eorum acciperet, si viveret: sunt enim remotiori gradu quàm filius, sed nihilominus unâ cum eo succedunt, nec ab eo excluduntur: quia patrem suum defunctum representant.

CAP. II. De gradibus cognationis.

TRiplex est cognatio. I. Superior, id est, parentum. II. Inferior, id est, liberorum. III. Transuersalis, seu collateralis, id est, cæterorum cognatorum & adgnatorum. Et superior quidem atque inferior incipit à primo gradu, transuersalis verò à secundo. *in princ.*

1. Primo gradu sunt suprâ, pater, mater. Infrâ, filius, filia. §. 1.

2. Secundo gradu sunt suprâ, auus, auia. Infrâ, nepos, neptis. Ex transuerso, frater, soror. §. 2.

3. Tertio gradu sunt suprâ, proauus, proauia. Infrâ, pronepos, proneptis. Ex transuerso, I. Fratris sororisve filius, filia. II. Patruus, id est, frater patris; auunculus, id est, frater matris: amita, id est, soror patris: matertera, id est, soror matris. §. 3.

4. Quarto gradu suprâ, abauus, abauia. Infrâ, abnepos, abneptis. Ex transuerso, I. Fratris sororisve nepos, neptis, II. Patruus magnus, id est, aui frater: amita magna, id est, aui soror: auunculus magnus, id est, auia frater: matertera magna, id est, auia soror. III. Consobrinus, consobrina, id est, nati ex duobus sororibus: patrucles, id est, nati ex duobus fratribus: amittinus, amittina, id est, nati ex fratre & sorore. Amitæ tuæ filij te consobrinum appellant: tu illos vocas amittinos. §. 4.

5. Quinto

6 Quinto gradu suprà, atavus, atavia. Infrà atnepos, atneptis. Ex transverso. I. Fratris, sororisve pronepos, proneptis. II. Propatruus, id est, proavi frater, proamita, id est, proavi soror: proauunculus, id est, proavia frater: promatertera, id est, proavia soror. III. Consobrini, consobrina, patruelis, amitini, amitina, filius, filia. IV. Propius sobrino, & propius sobrina, id est, patui magni, vel amitæ magnæ, vel auunculi magni, vel materteræ magnæ filius, filia. §. 5.

7 Sexto gradu suprà, tritavus, tritavia. Infrà, trinepos, trineptis. Ex transverso, I. Fratris sororisve abnepos, abneptis. II. Abpatruus, abamita, id est, abavi frater, & soror: abauunculus, abmatertera, id est, abavia frater, & soror. III. Propatruus, proamita, proauunculi, promaterteræ filius, filia. IV. Consobrini, consobrina, patruelis, amitini, amitina, nepos, & neptis. V. Sobrinus, sobrina, id est, ex duobus consobrinis, vel amitinis, vel patruelibus geniti §. 6.

8 Ex his licet intelligere, quomodo sequentes gradus numerentur: quia semper generata persona gradum adiicit: adeò ut facilius sit gradum indicare, quàm nomen cognationis dicere, §. 7.

9 Eodem modo adgnationis & cognationis gradus numerantur.

a Propius sobrino vel sobrina dicitur pater sobrini vel sobrina, quoniam est uno gradu propinquior, etenim sobrinus & sobrina sunt in sexto gradu, propius sobrino & sobrina sunt in quinto gradu.

C A P. III. De bonorum possessionibus. a

1 **P**rætor partim emendandi, partim confirmandi iuris civilis gratia bonorum possessionem introduxit: nam & iis, qui iure civili destituantur, ut viro & uxori, & iis qui iure civili succedunt, ut legitimis heredibus, bonorum possessionem concedit. in princ.

2 Heres, iuris civilis nomen est, idcirco prætor non facit heredem, sed bonorum possessorem, qui loco heredis habetur. ibid.

3 Bonorum possessiones ordinariæ b sunt sex, id est, duæ ex
 E testamento,

testamento, reliquæ quatuor ab intestato. I. Est bonorū possessio *contra tabulas* c, quæ datur liberis præteritis (immo etiam parentibus. ff si à parent. quis manu l. 1.) II. *Secundum tabulas*, quæ datur heredibus scriptis d. (vtilis autē accommodatur his qui in testamēto nuncupatio heredes instituti sunt C. de bonor posses. secund. tab. l. 2.) III. *Vnde liberi*, quæ datur liberis defuncti ab intestato. IV. *vnde legitimi* quæ datur legitimis heredibus, vt adgnatis, & patri qui defunctum emancipauerat. V. *Vnde cognati*, quæ datur cognatis defuncti. VI. *Vnde vir & vxor*, per quam vir vxori, aut vxor viro succedit §. 1. & 2.

4 Extra ordinem & prætor bonorum possessionem iis pollicetur, quibus lex, vel senatusconsultū, vel constitutio principis dari ex quacunque causa vult. §. 1. *vers. septima*.

5 Bonorum possessio à liberis vel parentibus intra annum utilem f, à cæteris intra centum dies vtilis peti debet. d. §. 3. *vers. cum igitur*. & §. pen.

6 Si is, cui bonorum possessio deferretur, eam repudiet g, vel intra dictū tempus non petat, aliis eiusdem gradus personis deferretur: at si nullus sit in eo gradu, ex successorio edicto cæteris deferretur. §. 4.

7 Non est opus solemnī petitione, sed sufficit quocūque modo voluntatem acquirendæ bonorum possessionis indicare. §. *ultim.*

a *Quemadmodum hereditas est successio civilis, ita bonorum possessio est pratoria. Itaque possessionis verbum longè aliter hic accipitur quàm suprà lib. 2. cap. 9. them. 4 & infra lib. 4. cap. 14.*

b *Quæ certo iure atque ordine deferuntur. c Hac sequenti præfertur, & eam cessare facit.*

d *Quia prætor in testamento scripturam requirit, adeò vt testamentum nuncupatiuum non valeat iure pratorio, sed iure civili.*

e *Hac bonorum possessio nō potest in ordinem redigi, quia nec inter eas, quæ ex testamento deferuntur, referri potest, cum aliquando detur ab intestato: nec inter eas, quæ deferuntur ab intestato, cum interdū nō competat ex testamento.*

f *Annus utilis opponitur anno continuo: dicitur enim continuus, cuius omnes dies computantur: utilis verò, cuius non omnes dies computantur, sed ij tantū, quibus aliquid*

aliquid fieri putà bonorum possessio peti potest.

g Nota, cum aliquis bonorum possessionem repudiat, non expectari statuti temporis exitum, sed statim eam aliis deferri §. & si intra, hic.

CAP. IV. De acquisitione per arrogationem.

1 Consuetudine receptum est, vt bona arrogati acquirantur arrogatori. in princ. exceptis iis, quæ capitis deminutione pereunt, vt adgnatione. §. 1. Sed hodie a solus usufructus arroganti acquiritur. §. 2.

2 Pro eo, quod arrogatus debebat, arrogator non ciuili, sed prætoria de peculio actione tenetur b. §. 3.

a Ex Iustiniani constitutione. b Aliter Cuiacio videtur.

CAP. V. De obligationibus a.

1 Obligatio est iuris b vinculum, quo necessitate c adstringimur alicuius rei soluendæ d secundum nostræ ciuitatis iura, in princ.

2 Diuiditur bifariam. I. Aut est ciuilis e, quæ iure ciuili est introducta f, vel comprobata: aut prætoria, quæ iure prætorio est introducta. §. 1. g. II. Aut est ex contractu, aut ex quasi contractu h, aut ex maleficio, aut ex quasi maleficio i. Contrahitur k autem aut re l, aut verbis, aut literis, aut consensu m. §. ult.

a Hucusque dictum est de dominio quod est primum rerum attributum: sequitur secundum, id est, obligatio.

b Subaudi, Romani: nam hic ciuilis obligatio definitur: naturalis verò improprie vocatur obligatio. ff. de fideiuss. l. fideiuss. 16. §. naturales.

c Quatenus obligatio est, necessitas soluendi est, cum autem exceptio debitorem tuetur, quò minus soluere cogatur, cum ab obligatione eximit.

f a

d Rei

d Rei appellatio hic latius accipitur, quam in §. vlc. infra de verb. oblig. & infra cap. 7. them. vlt. nam ibi distinguitur à factis, hic complectitur etiam facta.

e Civilem hic accipe, non quatenus obligationi iuris gentium, sed quatenus pratoria opponitur.

f Quatuor sunt obligationes iure civili introducta. vide supra lib. 1. cap. 1. them. 4.

g Quæ verò iure civili est introducta, vel iure gentium introducta: & iure civili probata, etiamsi iure pratorio comprobetur, tamen civilis, non pratoria vocatur.

h Inter contractum & quasi contractum hoc interest, quod in contractu mutus consensus inest, ut in mutuo, commodato. Sed quasi contractus sola unius voluntate constat, ut cum quis negotia absens gerit. Rursus contractus, & pacti discrimen est quod contractus regulariter & ex sua natura vim habet parienda civilis obligationis, atque actionis: qua vi pactum regulariter caret.

i Causa maleficij est dolus: causa quasi maleficij est culpa.

k Contractuum duo sunt summa genera: nam alij dicuntur nominati, ex quibus lex xij. tab. nominatim actionē dedit: alij innominati, quorum ea lex nullam mentionem fecit; verum hic de solis nominatis agitur, innominati verò omnes re perficiuntur. ff. de rer. permut. l. 1. §. item emptio.

l Id est, rei traditione. m Id est, solo consensu: possunt enim sine rei traditione perfici, & sine verbis, & sine literis.

CAP. VI. Quibus modis re contrahitur obligatio.

1 **R**E contrahitur obligatio, I. Mutuo, cui similis est solutio indebiti. II. Commodato. III. Deposito. IV. Pignore tot. sit.

2 De mutuo hæc notentur. I. In his rebus consistit a, quæ pondere, vel numero, vel mensurâ constât b, ut vino, oleo, frumento, pecunia numerata, ære, argento, auro. II. Hæc res dantur c numerando, aut metiendo, aut appendendo d. III. In hoc dantur, ut accipientis fiant, & statito e tempore aliz eiusdem generis f & bonitatis reddantur. IV. Mutuum dicitur, quia

quia de meo tuum fit. V. Ex hoc contractu datur mutuanti certi condictio. *in princ.*

3 De solutione indebiti hæc notentur. I. Qui indebitum per errorem g solutis accepit, id restituere cogitur per cōditionem indebiti. II. Pupillus sine tutore accipiens, non magis tenetur h condictione indebiti, quam certi condictione ex mutuo. III. Hæc obligatio non est ex contractu, sed ex quasi contractu i. §. 1.

4 De commodato hæc notentur. I. Commodare est vten- dum dare K. II. Hinc nascitur actio commodati l. III. Non transfertur ad cōmodatarium rei dominū, sed tantum usus, quo finito eadem res m debet restitui. IV. Commodatarius exactissimam in re custodienda diligentiam adhibere debet n : ob casus autem fortuitos, siue eius culpa euenientes, non tenetur o. V. Commodatum fit gratis & sine mercede p. §. 2.

5 De deposito hæc notentur. I. Depositarius actione depo- siti q tenetur. II. Restituere cogitur eandem rem, quam ac- cepit. III. Dolum tantum r præstat, non culpam, id est, ne- gligentiam s. §. pen.

6 De pignore hæc notetur. I. Creditor eandem rem quam accepit, restituere cogitur z. II. Tenetur actione pignorati- tia u. III. In re custodienda præstat diligentiam exactam x, non casum fortuitum. §. ult.

a Hæc res dicuntur functionem recipere in genere : quoniam in his rebus non spectatur certa species, sed genus, Doctores ap- pellant res fungibiles.

b Ex communi usu dignosces, quæ res pondere, vel numero, vel mensura constant.

c Subaudi, multò. d Id est, res, quæ numero constant, nu- merantur : quæ mensura, mensurantur : quæ pondere, appen- duntur.

e Per consensum contrahentium. f Alioquin si res diversi generis reddi debeat, ut pro vino olæum, non est mutuum, sed contractus innominatus.

g Intellige errorem facti, non iuris. C. de iur. & fact. ignor. I. cum quis 10. Est autem error facti, veluti si quis putet te- stamentum factum ab impubere valere : iuri, veluti si falsò putet testatorem fuisse puberem cum testamentum conderet.

h Quia sine tutore nõ obligatur. sup. de auctor. aut. in princ. Excipe, nisi factus sit locupletior : quia ne locupletetur cum

alterius iactura, in quantum factus est locupletior, conveniri potest ex constitutione Diui pij. C. cod. l. 5. in princ. & ff. commodat. l. 3. in princ.

i *Quia qui indebitum soluit, non animo contrahenda, sed potius dissoluenda obligationis soluit.*

k *Vide l. 1. §. 1. ff. commodat. l. Directa, & contraria. Directa datur commodatori contra commodatarium, ut ab eo rem repetat finito usu cuius gratia commodavit, ff. cod. l. in commodato l. 7. §. sicut, contraria datur comodatario contra commodatorem, ut ab eo repetat necessarias impensas in rem commodatam factas, ff. cod. l. in rebus. l. 8. §. 1. vel si ab eo deceptus fuit, puta quia sciens dolia vitiosa commodavit: quibus vinum commodatarij corruptum fuit, d. l. in rebus. §. pen.*

m *Id est, idem corpus. n Quia solius commodatarij causa contrahitur, ff. cod. l. 5. §. nunc videndum.*

o *Quia cum humano consilio provideri & vitari non possint, in nullo bona fidei iudicio prestantur C. de pigner. act. l. 6.*

p *Accedente certa mercede est locatio & conductio, infra de mandat. §. vlt. si vero sit incerta merces, est contractus innominatus, infra de locat. & conduct. §. præterea.*

q *Directa, qua cogitur rem ei restituere, qui deposuit, contrariam vero contra eum habet, puta ut repetat necessarias impensas in rem depositam factas.*

r *Et latam culpam qua dolo comparatur, ff. depos. l. quod Nerua §. 2.*

s *Hac est culpa levis. Nota cum sibi debere imputare qui apud negligentem hominem rem deposuit.*

t *Postquam sibi totum debitum solutum, vel aliter satisfactum fuerit, ff. de pigner. act. l. si rem. §. 9. §. omnis.*

u *Directa, contra debitorem vero habet pignoratitiam contrariam, veluti si ab eo deceptus sit as pro auro pignori dante, ff. cod. l. 1. §. vlt. & d. l. si rem. in princ.*

x *Qua media est inter exactissimam, & leuem; propterea quod pignus utriusque gratia contrahitur, tam dantis, quam accipientis. Exacta diligentia est, quam in rebus suis adhibere solent diligentes patresfam. Exactissima, qua utuntur diligentissimi: quales pauci reperiuntur. Levis, quam adhibent, qui sunt parum diligentes.*

CAP. VII. De verborum obligationibus.

1 **V**erbis obligatio contrahitur, cum quid dari, fieri ve nobis stipulamur a *in princ.*

2 Hinc duæ proficiunt actiones. I. Certi conditio, si certa b sit stipulatio. II. Actio ex stipulatu, si stipulatio incerta sit c *ibid.*

3 Quacumque lingua, & quibuscumque verbis d stipulatio fieri potest, illud tantum requiritur, ut contrahentes se inuicem intelligant, non ut sua, nec ut ambo eadem linguâ utantur. §. 1.

4 Stipulatio fit, I. Purè, veluti, *Quinque aureos dare spondes?* tuncque statim potest e II. In diem, nempe cum certa dies solutioni destinatur, veluti, *Decem aureos Kalendis Martiis dare spondes?* quo casu promissum statim debetur, sed peti ante diem illam elapsam non potest. §. 2. At si ita stipuleris, *Decem aureos annuos, quoad viam, dare spondes?* obligatio purè facta intelligitur & perpetuatur: quia tempus non est modus legitimus tollendæ obligationis, sed heres tuus si petat, exceptione pacti summovebitur. §. 3. IV. Sub conditione. d. §. 2. nempe cum in aliquem futurum & incertum casum differtur obligatio, ut si quid factum fuerit, vel non fuerit, committatur stipulatio: veluti, *Si Titius consul factus fuerit, quinque aureos dare spondes?* §. 4. Hæc autem conditio, *Si in Capitolium non ascendero* g, perinde valet, ac si stipuler, cum moriar. d. §. 4. vers. *si quis ita* Porro ex conditionali stipulatione tantum spes est debitum iri h. atque hæc spes transmittitur in heredem i contrahentis: qui pendente conditione moritur. d. §. 4. vers. *ex conditionali.*

5 Locus stipulationi insertus, facit ut re ipsa tempus adiectum intelligatur, quod ad eum locum iri possit, veluti, *Carthagini dabis?* Quapropter si brevius tempus adiiciatur quam ut eo perueniri possit, stipulatio non valet k: veluti si quis ita Romæ stipuletur, *Hodie Carthagini dare spondes?* §. 5.

6 Conditiones ad præsens, vel præteritum tempus relatæ, veluti, *si Titius vidit* si *Titius consul fuit*, non sunt veræ conditiones, quoniam actum non suspendunt, etenim si ita se res habet, statim oritur obligatio; si secus est, stipulatio non valet. §. 6.

7 Stipulari possumus, l. Rem, veluti, *Decem dare spondes ?*
 II. Factum, siue affirmatiuè, veluti, *Negoria mea geres*, siue negatiuè, veluti, *Te non adificaturum spondes* siue utroque modo, veluti, *Te non adificaturum, ac Romam iturum spondes ?*
 His casibus qui fidē stipulationis non præstat, in id tenetur, quod interest stipulantis l. nisi certa pœna (quod stipulanti commodius est, ut euitet difficultatem probandi eius quod sua interest) promissa fuerit: veluti: *si ita factum erit: aut, si ita factum non erit: aut, si aduersus ea factum erit, decem aureos pœna nomine dare spondes ? §. ult.*

a Stipulatio est verborū conceptio, quibus is, qui interrogatur, daturum facturumve se, quod interrogatus est, respondet. ff. hoc. tit. l. 5. §. stipulatio. Qui interrogat stipulator vocatur, & obligationem acquirit, qui autem respondet, appellatur promissor, & stipulati obligatur.

b Id est, rei certa, ut Stichus, vel decem aureorum. c Id est, rei incerta, veluti; Dabis mihi quod mea interest.

d Dummodo sint ad consensum contrahentium, & contrahenda stipulationis voluntatem significandam idonea.

e Dummodo tantum temporis præterierit, ut dari potuerit. infra de inutil. stipulat §. ult.

f Taciti de non petendo post mortem stipulantis, id est, ne eius heres petat.

g Hac conditio viuo stipulante potest deficere, videlicet eo in Capitolium ascendente: sed non impletur ante mortem; quia non est certum, cum non adscēsurum, nisi prius moriatur, quam in Capitolium ascendat.

h Si conditio existeret. i Quia conditione post mortem stipulantis existēte, heres eius rectè ex ea stipulatione ager. Diuersa est ratio legati, quod legatario ante existentem conditionē moriente extinguitur. ff. quod dies leg. ced. l. 5 in pr. & §. sed si sub conditione. Differentia ratio est: quia legatum contemplatione solius legatarij relinquitur; qui verò contrahit, pro se & heredibus suis contrahit. ff. de probat. l. si pactum. 9.

k Nisi cautum sit, ut per alios stipulatio impleri possit. Exempli gratiā, si duo Roma sint, qui dispensatores Carthagini habeant, eosque pramonuerint, qua die futura est, & in quem diem conferetur stipulatio; mandauerintque ambo suis dispensatoribus, stipulator, ut ea die exigat, promissor, ut ea die soluat, stipulatio valebit. ff. hoc. tit. l. ult. §. si inter.

Vide

1 Vide l. si quis ab alio 13. in fin. ff. de re iud. & l. stipulationes non diuiduntur 72. in princ. ff. de verb. oblig.

CAP. VIII. De duobus a reis b stipulandi
& promittendi d.

1 **E**T stipulandi, & promittendi duo pluresve fieri possunt. Stipulandi, si post omnium interrogationem promissor ita respondeat, *Vtrique vestrum dare spondeo*. Nam si prius alteri sponderit, deinde alteri interroganti spondeat, non erunt duo rei stipulandi, sed diversae obligationes. Duo pluresve rei promittendi fiunt, si stipulatore sic interrogate, *Mani decem aureos dare e spondes? & Sei eosdem decem aureos dare spondes?* respondeant singuli separatim, *Spondeo* f. in princ.

2 Ex eiusmodi stipulationibus solidum singulis stipulantibus debetur, & solidum singuli promissores debent, una enim res debetur: sed unus stipulator debitum accipiendo, vel unus promissor debitum soluendo, omnium obligationem perimit g. §. 1.

3 Ex duobus reis promittendi, alter pure, alter in diem, vel sub conditione obligari potest. nec impedimento est dies aut conditio, quo minus ab eo, qui pure obligatus est, petatur. §. ultim.

a Duorum reorum appellatione significantur etiam tres, vel quatuor, vel plures: quemadmodum secundarum nuptiarum appellatione etiam tertia, quarta, & ulteriores continentur. Fient autem duo rei non solum per stipulationem, sed etiam per alios contractus. ff. hoc. tit. l. eadem 9. in princ. Sed hoc loco de ijs tantum agitur, qui per stipulationem fiunt.

b Reus dicitur à re; & rei dicuntur omnes, quorum de re disceptatur, ut ait Cicer. 3. de orat. ideoque non minus dicimus reum credendi, quam reum debendi: nec minus reum stipulandi, quam promittendi.

c Quibus eadem res ex stipulatione debetur singulis in solidum.

d Qui eandem rem in solidum singuli debent ex stipulatione.

e Idem dicendum si interrogatio ita concepta sit, *Mani & Sei 10. aureos dare spondetis?* ff. hoc. tit. l. 4.

F 3

F Idem

f Idem est, si simul respondeant, spondemus d. l. 4.

g Quia bona fides non patitur idem sepius exigi. ff. de diu. reg. iur. l. bona fides § 7.

CAP. IX. De diuisione stipulationum.

i **S**tipulationum genera quatuor sunt. in princ. I. Iudiciales, quæ à mero iudicis officio proficiuntur a: vt cautio de dolo b. §. 1. II. Prætorix, quæ à mero prætoris officio proficiuntur c, vt damni infecti d, & legatorum e. His adnumerantur etiam ædilitiæ g. §. 2. III. Conuentionales, quæ ex libera vtriusque partis conuentione, sine iudicis & prætoris iussu concipiuntur. §. 3. IV. Communes, quæ modò prætor, modò iudex iubente interponuntur: vt rem pupilli saluam fore h, & cautio de rato i. §. ult.

a Id est, quæ iussu iudicis interponuntur.

b Quam præstat is, qui rem restituere damnatur, ne forte eam à se pignoratam, vel deterioratam restituat. ff. de rei vind. l. præterea 10. l. si homo 45. cum similibus.

c Id est, iussu prætoris interponuntur. d Prætor iubet eum, qui ades ruinosas habet vicino cauere de damno infecto id est, si ades corruant, & vicino damnum dent, se illud damnum resarciturum. Si cauere nolit eius vicinum prætor in adium illarum possessionem mittit, quæ de re agitur sub tit. ff. de damni. infect.

e Cum legata in diem vel sub conditione relicta sunt, heres, antequam dies veniat, vel conditio existat, non cogitur legata præstare: sed prætor iubet eum cauere de iis præstandis, cum dies venerit, aut conditio extiterit, vt explicatur sub tit. ff. de legat. no. cau. Si heres cauere nolit, prætor legatarios mittit in possessionem rerum hereditariam custodia causâ, ne forte ab herede dilapidentur, atque ita legata propter heredis inopiam inuicilia reddantur, vt exponitur in tit. ff. de in poss. leg.

f Quia tam ædilitiæ, quàm prætorix sunt honorariæ, quippe quæ iussu eorum interponuntur, qui honores (id est magistratus) gerunt: plures verò sunt prætorix, quàm ædilitiæ: idcirco sumpta appellatione à maiori parte, omnes vocantur prætorix. Eadem ratione appellatio iuris prætorij comprehenditur etiam ius ædilitiæ.

g Vt dupla cautio, quam à venditore emptori præstari euictione nomine adiles iubent, id est, ut si seruus venditus (idem obtinet in iumento, & rebus quibuscumque pretiosis) euincatur emptori, venditor duplum eius quod pretij nomine accepit, emptori restituat: qua de re agitur in tit. ff. de ædil. edict.

h De hac cautione dictum est supra de satisfact. tut. In summa prætor iubet tutorem, antequam res pupilli administrare incipiat, satisfacere rem pupilli saluam fore, quod si hac satisfactione non præstita, tutor debitorem pupillarem conueniat, iudex eum iubet hanc cautionem præstare, nec, nisi ea præstita, eum ad agendum admittit.

i Iubet prætor eum, qui nomine alieno agit, si de mandato dubitetur, satisfacere rem ratam dominum habiturum, ff. de procur. l. seruum 33. §. ait prætor. iudex quoque agere volentem iubet hanc cautionem præstare, nisi mandatum proferat.

CAP. X. De inutilibus stipulationibus.

1 **O**Mnes res, quæ dominio nostro subiiciuntur, in stipulationem deduci possunt, siue sint mobiles, siue immobiles, in princ.

2 Quod iam periit, & quod in rerum natura esse non potest, ut hippocentaurum, frustra stipulamur a. §. 1.

3. Rei quæ non est in commercio, ut sacræ, religiosæ, publicæ b, ad vniuersitatem pertinetis, hominis liberi, stipulatio non valet, immò ad reddendam stipulationem inutilem sufficit, quod solus stipulator eius rei commercium non habeat c. Nec stipulatio defendi potest sequentibus argumentis. I. Si stipulator bona fide contraxerit, putans rem esse iuris privati d, & in commercio. II. Si post contractam stipulationem res in commercio esse incipiat e. III. Si tempore stipulationis in commercio fuerit, ac postea sine facto promissoris in commercio esse desierit f. IV. Si sub conditione, cum privati iuris erit g, in stipulationem deducta res sit. §. 1.

4 Non obligatur h, qui alium daturum facturumve promissit, sed qui se effecturum promissit, ut alius det, vel faciat. §. 3.

5 De stipulatione alteri facta hæc notentur. I. Qui ei stipulatur, cuius iuri subiectus est, ut filius patri, ei acquiriti.

II. Qui

II. Qui extraneo stipulatur, veluti, *Ticio dabis?* nihil agit *x*.
 III. Solutio etiam in extraneam personam conferri potest: veluti, *Mihi aut Scio dare spondes?* ut actio quidem stipulatori acquiratur, sed Scio solui *l* etiam invito stipulatore possit, nam Scio soluens liberatur ipso iure: Scius autem stipulatori tenetur actione mandati, quia eius mandato exegisse intelligitur. IV. Qui sibi & extraneo decem stipulatur, sibi quinque, extraneo nihil acquirit *m*. V. Qui stipulatur filio quem in potestate habet, sibi acquirit *n*. §. 4.

6 Nisi responsio interrogationi congruat, stipulatio non valet: veluti si decem stipulanti, promittantur quinque: vel quinque stipulanti, promittantur decem (intellige hanc esse inutilem respectu summæ excedentis, cum enim in maiori summa insit minor, ex eiusmodi stipulatione quinque debentur. ff. de verborum obligat. l. 1. §. si stipulanti.) vel purè stipulanti, promittatur sub conditione: vel sub conditione stipulanti, promittatur purè. Intellige promitti purè, cum hoc ipsum exprimitur: alioquin si sub conditione interroganti, respondeatur, *Spondeo*, conditio in interrogatione expressa, censetur in promissione tacitè repetita *o*, proinde hæc stipulatio valet. §. 5.

7 Inutilis *p* est stipulatio, si stipulator in promissoris, vel promissor in stipulatoris potestate sit. Cæterum filiusfamilias extraneo promittens obligatur *q*. §. 6.

8 Neque mutus, neque surdus *r* stipulati, aut stipulanti promittere potest. §. 7.

9 Furiosus nullum negotium gerere potest: quia non intelligit, quod agit §. 8.

10 Pupillus tutore auctore obligatur: etiam sine tutore alium sibi obligat *s*, nisi infans sit *t*. Impubes, qui est in potestate patris, ne auctore quidem patre obligatur *n*. §. 9.

11 Impossibilis conditio vitiat stipulationem *x*: veluti, *Si caelum digito tetigero, dare spondes?* Hæc si negativè concipiatur, id est, *Si caelum digito non tetigero*, non est impossibilis, sed necessaria: proinde non suspendit obligationem: sed statim peti potest, quod promissum est. §. 11.

12 Stipulatio inter absentes fieri nequit *y*. Sed iustromento, quo continetur contrahentes præsto fuisse, credendum est *x*, nisi contrarium apertissimis probationibus vel per scripturam, vel per idoneos testes probetur. §. 12.

13 Hæc

13 Hæ stipulationes à Iustiniāno sustinentur a. I. *Post mortem meam dare spondes?* II. *Post mortem tuam dare spondes?* III. *Post mortem patris mei dabis?* IV. *Pridie quā moriar b, dabis?* V. *Pridie quā morieris, dare spondes?* §. 13.

14 Stipulationes quoque præposteras idem Imperator sustinet c: veluti, *Si navis cras ex Asia veneris, hodie dare spondes?* §. 14.

15 De his stipulationibus nunquam dubitatum fuit d quin valerent. I. *Cū moriar e. dare spondes?* II. *Cū morieris, dare spondes?* §. 15. III. *Cū Titius morietur, dare spondes?* §. 16.

16 Si scriptum in instrumento sit aliquem promississe, præsumitur interrogatio præcessisse f. §. 17.

17 Quot res in stipulationem deducuntur, tot sunt stipulationes, & nihil prohibet alias valere, alias esse inutiles g. Quare si ei qui plures res stipulatus sit, promissor simpliciter responderit, *Dare spondeo*, omnium nomine tenetur h. si verò vnam ex his, vel quasdam se daturum sponderit, propter has solas tenetur. §. 18.

18 Stipulatio alteri i, id est, extraneo k facta, regulariter est inutilis. *suprà them. 5. membr. 2.* Sed utilis esse potest l. I. Si addatur stipulatio pœnalis, qua, nisi priori stipulationi satisfiat m, pœnam nobis stipulemur. aut enim me pœnæ promissor priori stipulationi satisfaciens: aut ob eius contumaciā ex posteriori stipulatione pœnā ab eo exigere poterimus §. 19. II. Si stipulantis intersit, veluti si tutor à contutore stipuletur n rem pupilli saluam fore, aut si quis procuratori suo o dāri stipuletur: aut creditori suo, cui pœnam debet, nisi id detur p: §. 20.

19 Similiter qui alium facturum promissit, non tenetur. *suprà them. 4.* nisi sub conditione, si ille non fecerit, pœnam ipse promiserit. §. 21.

20 Nemo rem suam q futuram, in eum casum, quo sua sit, utiliter stipulatur. §. 22.

21 Si de alia re stipulator, de alia promissor senserit, licet eodem verbo vñ fiat, tamen stipulatio non valet, tanquā ad interrogatum non sit responsum. §. 23.

22 Turpis promissio non obligat: veluti si quis homicidium, aut sacrilegium se facturum pomittat. §. 24.

23 Si pendente stipulationis conditione stipulator, vel promissor

promissor moriatur : eius heres postea conditione existente, agere, vel conveniri poterit r. §. penult.

24 Qui hoc anno aut hoc mense dari stipulatus est, non prius agere potest, quam totus annus vel mensis præterierit, & qui purè stipulatus est, non poterit cōtinuò agere, nisi tantum spatium præterierit, quo traditio fieri possit. §. ult.

a Quod verò futurum speratur, ut futuri fructus, rectè in stipulatione deducitur. ff. de verb. oblig. l. interdum 73. in pr.

b Publica res hic dicuntur, quæ sunt uniuersitatis, ut theatra, stadia, forum, basilica. Aliter hoc vocabulum accipiebatur, suprà de rer. diuis. vers. quædam. & §. amina.

c Veluti si Iudæus stipuletur mancipium Christianum. C. ne Christ. mancip. l. 1. & 2.

d Hic plus est in veritate, quàm in opinione, ut & in §. si quis rem suam, suprà de legat.

e Nota stipulationem, quæ ab initio non valet, ex post facto non confirmari;

f Nota non valere stipulationem, si res ad eum casum peruenit, à quo incipere non potest.

g Nota, quod non est in commercio, nullo modo in stipulationem deduci posse.

h Nota quemlibet posse factū suum, non alienū promittere.

i Suprà de stipul. seru. §. 1. Quia pater & filius pro una persona quodammodo habentur. C. de impub. & al. substit. l. ult. in fin. & 35. quæst. 3. cap. contradicimus.

k Quia stipulationes inuenta sunt, ut quisque sibi acquirat, quod sua interest: nostra autem regulariter non interest alteri dari infra hoc tit. §. alteri.

l Idcirco Seius dicitur adiectus solutioni, quia ei solui potest, non obligationi, quia obligatio ei non acquiritur.

m Nota, vile per inuile non vitari, nam eadem stipulatio pro parte stipulantis valet, pro parte extranei adiecti nō valet.

n Quia per filium patri acquiritur. o Secundum vulgaram regulam, Dicta in præfationibus, consentur repetita in conclusionibus.

p Quod ad civilem obligationem, naturalem enim obligationem inter patrem & filium oriri constat.

q Naturaliter, & civiliter. r Quia stipulatio verbis interroganti & respondentis contrahitur: verba autem mutus proferre, surdus exaudire non potest.

§ Quia

¶ Quia sine tutore conditionem suam meliorem facere potest, non deterio-rem. *suprà de auct. tut. in princ.*

¶ Quia infans fari non potest, cum non intelligat quod agitur, infans autem dicitur minor septennio. *C. de iur. delib. l. 7. in princ.*

¶ Quia non placuit eum obligari promittendo, qui non sibi, sed patri acquireret stipulando.

¶ Secus est in ultimis voluntatibus, quibus adiecta conditio impossibilis habetur pro non scripta, ne ultima voluntas vitietur. *suprà de hered. instit. §. impossibilis.*

¶ Quia stipulatio verbis contrahitur: verba autem sunt presentium, non absentium: unde *Quid. lib. 1. de Ponto, eleg. 8.*

Littera pro verbis tibi Messa in salutem,

Quam legis, à sacris attulit usque Getis.

¶ Quia tamen littera sunt verborum nota, ut scribit *Aristot. de interpr. cap. 1. idcirco qui litteras mittit, quodammodo verba mittit. Hinc idem Ovid. lib. 3. de Ponto, eleg. 7.*

Verba mihi desunt, eadem tam sæpe roganti.

¶ Nota presumptionem esse pro instrumento, & presumptioni stare, nisi contrarium probetur.

¶ Olim non valebant, quia olim actio non poterat incipere ab herede, nec contra heredem, lege notata ad them. penult. *suprà de legat.*

¶ De hac die ante mortem constare non potest: ergo hoc etiam casu post mortem est agendum.

¶ Ex bono & aequo. nam etiam in contractibus strictè iuris æquitas spectatur à legislatore.

¶ Quia vivis contrahentibus committuntur: at illa, de quibus dictum fuit them. 13, committuntur post mortem, idcirco olim non valebant.

¶ Nota tempus mortis imputari vitæ, id est eum, qui moritur, adhuc vivere, quia nondum est mortuus. *ff. de manum. testam. l. qui duos 18. §. 1. qua de re questionem philosophorum notat. Gellius lib. 6. cap. 13.*

¶ Cum enim in instrumento scriptum est, aliquid actum esse, id rectè actum presumitur: & quacumque necessaria sunt, presumuntur intervenisse. *infra tit. prox. §. ult.*

¶ Quia utile per inutile non vitiatur. h Quia dicta in interrogatione, consentur tacitè repetita in responsione, *suprà hoc tit. §. præterea.*

¶ Id est, cum quis alteri dari stipulatur. x Vide *sup. them. 5.*

l Non

l Non ut pariat actionem, sed ut fortasse impleatur, re ex adiecta stipulatione agatur.

m Id est, nisi alteri detur, n Tutoris interest rem à contutore bene geri, quia ipse quoque iudicio tutela tenetur ab ea, qua male à contutore gesta sunt.

o A quo recepturus est actione mandati.

p Ergo stipulantis interest creditori solui, ut poenam vitet.

q Quia res cõfertur in eum casum, à quo incipere non potest.

r Vide suprà de verbor. oblig. them. 4. in fin. & ibi notata.

s Hinc limitatur, quod dicitur. in §. omnis, suprà de verbor. oblig. id quoque purè debetur, statim peti posse.

CAP. XI. De fideiussoribus 2.

1 Fideiussores adhibentur, quò magis creditoribus cautum sit b. in princ.

2 Cuius obligationi fideiussor accedere potest, id est, siue re, siue verbis, siue literis, siue consensu sit contracta; & siue civilis, siue naturalis sit §. 1.

3 Obligatio fideiussoris in heredem transit. §. 2.

4 Fideiussor & præcedere d. principalem obligationem, & sequi potest. §. 3.

5 Si plures sint fideiussores, singuli in solidum tenentur. Sed ex epistola D. Hadriani, creditor cogitur & actionem suam diuidere, & à singulis partes petere. Si tamen aliqui fideiussores tempore litis contestatæ soluendo non sint, hoc ceteros onerat. §. 4.

6 Fideiussor, qui creditori soluit, non potest aliquid à confideiussore repetere; licet reus principalis soluendo non sit d. §. 5. sed contra reum habet actionem mandati g. §. 6.

7 Gratiè quoque fideiussor accipi potest. §. pen.

8 Generaliter in obligationibus fideiussorum hoc obtinet, ut quod scriptum est quasi actum, & infertur recte actum b. Quare si quis scripserit se fideiussisse, omnia censentur solenniter acta. §. ult.

a Fideiussor est, qui per stipulationem aliena obligationi accedit. unde etiam adpromissor vocatur. ff. sol. matr. l. si verò 44. §. sed etsi reum. & de verbor. oblig. l. §. 5. satis acceptio, & de solut. l. in omnibus 43.

b Quia

b Quia fieri potest, ut reus principalis non sit soluendo, fideiussor autem sit soluendo.

c Sed ipse semper obligatur verbis.

d Id est, promittere potest ante reum principalem: non tamen ante eum obligatur, quia obligatio accessoria non consistit sine principali.

e Si fideiussor conuentus hoc petat.

f Nisi actio à creditore sibi cessa fuerit contra confideiussorem.

g Vel negotiorum gestorum, si pro ignorante fideiussit. ff. mandat. l. mandato 20. §. 1. sed si vel pro inuito, vel donandi animo fideiussit, nullam habet actionem. ff. eo. l. 6. §. si passus, l. si pro te 40.

h Quia praesumptio est pro instrumento, ut notavi supra tit. prox. them. 16.

CAP. XII. De literarum obligatione.

Qui spe accipiendae pecuniae, chirographum eo nomine dedit, intra biennium potest conqueri a de non numerata pecunia: sed nisi intra hoc tempus queratur, postea queri non potest b; consequenter per suam scripturam efficaciter obligatur.

a Et si intra biennium sit conquestus, postea quodcumque etiam post biennium, si conueniatur, excipere poterit de non numerata pecunia.

b Ergo exceptionem non numerata pecunia amisit. Doct. communiter etiam post biennium tribuunt hanc exceptionem ei, qui intra biennium conquestus non est, sed ita ut propter biennij negligentiam cogatur probare pecuniam non fuisse numeratam: aded ut intra biennium onus probandi incumbat creditori, post biennium debitori. Hac opinio perspicue verbis & orationi legis aduersatur. Nam Iustinianus ait eum non posse post biennium conqueri, & scripturam obligari? non est autem opus in literarum obligatione, qua per scripturam contrahitur, numerationem interuenire, sicut opus est in mutuo.

CAP. XIII. De obligationibus ex consensu.

I **S**olo consensu perficiuntur sequentes contractus. I. Emptio & venditio. II. Locatio & conductio. III. Societas. IV. Mandatum. *in princ.*

2 Ideo dicitur his modis obligatio consensu contrahi: quia nec scripturam, nec verba, nec rei traditionem intervenire necesse est: sed sufficit, eos, qui contrahunt, consentire. *vers. ideo.*

3 Quare inter absentes quoque hi contractus fieri possunt, ut per nuncium, vel per epistolam. *vers. unde.*

4 Item in his contractibus alter alteri ex bono & æquo obligatur, etiam id quod non est expressum *b. versic. item in his.*

a Quamvis intervenire possint. Non hi contractus dicuntur non perfici verbis, non quia verba non possint in eis adhiberi, sed quia verba non sunt necessaria similiter non contrahi literis, nec traditione: quia etsi fieri potest, ut adhibeatur scriptura, vel res tradatur, tamē hac non sunt necessaria. Denique in omnibus contractibus necessarius est consensus ff. de pact. l. 1. §. conventionis. sed in his solus consensus requiritur: in alijs consensus & rei traditio, qui dicuntur re perfici: in alijs consensus & verba, ut in stipulatione, qua verbis contrahi dicitur: in alijs consensus & scriptura, ut in literarum obligatione.

b Ex stipulatione autem nihil debetur, quod verbis expressum non sit. ff. de verbor. obligat. l. quicquid adstringendę. 99. in princ.

CAP. XIV. De emptione & venditione.

I **E**emptio & venditio contrahitur, simul atque de pretio cōvenit, licet nec pretium numeratum, nec arrha data sit. Excipe, nisi in scriptis contrahatur *b.* tunc enim, antequā scriptura perfecta sit, licet impunē pœnitere, nisi arrha data sit: quo casu *c.* is quem pœnitet, si sit emptor, id perdit, quod arrhæ nomine dedit. sin autē sit veditor, duplum restituit.

tuit. Quamuis ergo preti innumeratio ad perficiendam venditionem *d* non requiratur, tamen conuentio de p. et o necessaria est, & hoc est, quod dicimus nullam esse emptionem sine pretio. *in princ.*

2 Pretium emptionis certum esse debet *e*. Quod si in arbitrium tertij conferatur, veluti *Quanti Titius aestimauerit, tanti res tibi empta esto*: sub hac conditione stat contractus, si ille aestimauerit, *f. §. 1.*

3 Pretium in numerata pecunia *g* consistere debet: alioquin permutatio est, non emptio & venditio *§. 2.*

4 Post emptionem perfectam, periculum & commodum ad emptorem pertinet *h*. Excipe, nisi dolo aut culpa venditoris res sit amissa, aut venditor eius custodiam in se usque ad traditionem receperit. Extra hos casus venditor non tenetur rem amissam prestare, sed tantum actiones, quas de ea re habet, emptori cedere, ut rei vindicationem, & conductionem *k*, & furti actionem. quod & de actione legis Aquiliae dicendum, si res vendita sine dolo & culpa venditoris deteriorata, vel interempta fuerit. *§. 3.*

5 Emptio tam sub conditione, quam pure contrahi potest. *§. penult.*

6 Si quis à venditore deceptus rem emerit, quæ non sit in commercio, contra eum habet actionem ex empto *l* in id quod sua interest. *§. ult.*

a Emptor est qui pretium soluit, & rem accipit. venditor qui rem tradit & pretium accipit.

b In scriptis contrahi dicitur, cum in contrahendo adiectum est pactum de contractu in scriptis redigendo. Scriptura igitur necessaria est, non ex natura contractus, quia emptio & venditio nudo consensu contrahitur, sed ex pacto, quia pacta informant, & reformant contractus. ff. de pact. l. 7. §. quin immo.

c Id est cum arrha data est, & contractus non est perfectus. Quid si contractus perfectus sit? liberatiurne venditor arrhis in duplum restituitis, aut emptor arrhis amissis? an nihilominus datur actio empti & venditi? Doct. communiter idem statuunt de contractu perfecto quod de imperfecto, ut is, quem pœnitet, ultra arrharum missionem, vel dupli restitutionem non teneatur, sed hac sententia mihi non probatur.

d Contractum perficere, & contractum implere, differunt. emptio & venditio nudo consensu perficitur: traditione autem

rei impletur ex parte venditoris. & solutione pretij impletur ex parte emptoris, arrha datio nec perficit, nec implet contractum.

e Si incertum sit pretium, veluti, vendo tibi ædes quanti inter nos postea conuenierit, est contractus innominatus.

f Quia illo aestimante certum pretium constituitur.

g Nota rem rei pretium esse non posse h Quia etiamsi rem non accipiat, tamen pretium soluere cogitur. §. cum autem, hic.

i Culpa species est mora. quare si post moram traditioni à venditore factam res perierit, negamus venditorem liberari. Quod si ambo contrahentes moram fecerint, quia modo venditor rem tradere, modo emptor eam accipere noluerit: posterior mora purgat priorem, & sola nocet. ff. de peric. & commod. rei vend. l. illud 17.

k Furtiuam. l Nota dari actionem ex empto, etiamsi emptio non valeat. ff. de contrah. empt. l. qui officij 62. §. 1. Eademque ratio est actionis ex vendito. ff. cod. l. 6. §. 1.

C A P. X V. De locatione & conductione a.

1 **L**ocatio, & conductio proxima b est emptioni & venditioni, idemque regulis iuris consistit. Quocirca conuentione de mercede c contrahitur. & hinc locatori d actio locati e, conductori f actio conducti g competit in princ.

2 Mercedis quantitate in arbitrium tertij collata contractus valet sub conditione, si ille mercedem definierit. Sin autem merces incerta sit; veluti si quis vestimenta fulloni polienda curandave dederit, non constituta mercede, sed tantum daturus, quantum postea conuenierit: non est proprie locatio, & conductio, sed contractus innominatus h, ex quo agitur præscriptis verbis. §. 1.

3 Si duo sibi inuicem rem vtendam dederint (vt puta si inter nos conuenit, vt alternis diebus ego boue tuo utar, tu meo utaris) neque locatio & conductio est, ob defectum mercedis i: neque commodatum, quia non est grauatum: sed contractus innominatus K pariens actionem præscriptis verbis. §. 2.

4 Ad hæc, contractus emphyteuticus, id est, cum prædium perpetuo (supple vel ad longum tempus. ff. si ag. vectig. petat. l. ult. & de superfic. l. 1. §. quod ait prætor.) fruendum certa pen-

sione datur, ita ut nec ipsi emphyteutæ, nec heredibus eius, quandiu pensionem soluerint, auferri possit: hic, inquam, contractus, partim emptio & venditio videtur quatenus dominium utile in emphyteutam transit: partim locatio & conductio, unde etiam locatio perpetua vocatur, quatenus dominium directum penes eum manet qui in emphyteusim dat. Sed ex constitutione Zenonis *l* propriam habes naturam, ab aliis contractibus distinctam: & pacta ei apposita seruari debent. Quod si de rei periculo cautum pacto non sit, totius rei interitus ad dominum *m*, partis verò ad emphyteutam *n* pertinet. §. 3.

5 Si cum aurifice Titius conuenerit, ut is ex suo auro certi ponderis, certæque formæ annulos ei faceret, & acceperit (exempli gratiâ) decem aureos: emptio & venditio est. Sin autem suum aureum Titius dederit, mercede *o* pro opera constituta, locatio est & conductio. §. 4.

6 Conductor pacta conuenta seruare debet. Cessante pacto, id præstat, quod æquitas requirit *p*, diligentia exactissima *q* ab eo desideratur: quam si adhibuerit, & casu rem amiserit, non tenetur. §. penult.

7 Mortuo conductore intra tempora conductionis, heres eius in conductione succedit. §. ult.

a Quemadmodum emptio & venditio est unus contractus, qui respectu emptoris appellatur emptio, respectu venditoris venditio: ita etiam locatio & conductio est unus contractus, qui respectu locatoris vocatur locatio, respectu conductoris conductio. Locator est, qui faciendum, vel utendum, vel fruendum dat: conductor, qui accipit, cum aliquid utendum vel fruendum datur: conductor mercedem soluit locatori, ut accidit in locatione adium, vel fundi. Idem est, cum opera locantur ad opus faciendum. Cum autem opus locatur faciendum, locator mercedem soluit conductori.

b Id est similis, c Subaudi, certa.

d Aduersus conductorem. e Integra locutione vocatur locati conducti, concisè locati; interdum, sed rariùs, conducti.

f Contra locatorem. g Integrum nomen est conducti locati, concisè vocatur conducti. & interdum locati.

h Si queratur, qualis sit contractus, respondendū per distinctionē, aut enim ita conuenit, Poliam vestimenta ut des decē:

aut ita, Dabo decem, ut po'ias vestimenta, priori casu est contractus, do ut des: posteriori casu est cōtractus, do ut facias.

i Quia merces in pecunia consistit, hoc autem casu non interuenit pecunia. cū autem pecunia verbum sit homonymū, & modò angustè significet tantū numeratam pecuniam, ff. de S. C. Macedon. l. 7. §. mutu. modò la: è quacūque rem numero, vel pondere, vel mensurā constantem, ff. de reb. cred. l. 2. §. cred. tū, modò latissimè quacumque rem, ff. de verb. sign. l. pecuniæ verbum 178. in princ. l. pecuniæ nomine 222. dubia quæstio est, in qua significatione hic sumi debeat. Ego iis assentior, qui secundam significationem accipiunt. per l. si olei 21. C. hoc tit.

κ Refertur ad contractum facio ut facias: nempe, commodo, ut mihi inuicem commodēs.

l Hinc apparet hunc contractum esse iuris civilis.

m Cui emphyteuta pensionem seu canonem soluere ampliùs non tenetur.

n Quia nihilominus integram pensionem soluere cogitur.

o Subaudi certa. p Quia est contractus bona fidei.

q Hoc specialiter receptum est in hoc contractu: qui cū vtriusque contrahentis gratia celebretur, media, id est, exacta diligentia præstanda videtur, secundū distinctionem, de qua in contractus 23. ff. de diu. reg. iur.

C A P. XVI. De societate 2.

i **S**ocietas vel est vniuersalis omnium bonorum: vel specialis, ut vnius negotiationis, putà vini, aut olei, aut frumenti emendi vendendique. in princ.

2 Si de partibus nihil conuenerit, æquales partes siue lucri siue damni fient. Si partes in contrahendo expressæ fuerint, hæ seruari debent. §. 1.

3. Valent igitur hæ conuentiones. I. Ut ad vnum socium duæ partes lucri, vel dāni pertineant, ad alterum tertia pars. d. §. 1. vers. nec enim. II. Ut ad vnum duæ partes lucri pertineant, damni tertia: ad alterum lucri tertia, dāni partes duæ sp'ctent. §. 2. III. Ut alter pecuniam conferat, alter non conferat, & lucrum commune sit c. d. §. 2. vers. nam & ita. IV. Ut aliquis lucri partem ferat d. de damno non teneatur. Lucrum autem

autem intelligitur deducto damno, quod acceptum est. *ead.*
§. 2. *vef. & adeo.*

4 *lars* in solo lucro expressa, etiam in damno seruari debet, & contra expressa in solo damno, seruatur etiam in lucro. Quod enim est in vna causa expressum, censetur in altera repositum. §. 3.

5 *Societas soluitur*. I. Renunciatione: postquam accedens lucrum non communicatur, eo excepto, quod renuncians capuit e; si fortè ideo societati renunciauit, ne lucrum, quo sperabat, communicaret §. 4. II. Morte socij: adeo ut si plures sint, morte vnius etiam inter superstites soluat, nisi in contrahendo aliter conuenerit, §. 5. III. Finito negotio cuius causâ societas contracta fuit, §. 6. IV. Confiscatione omnium bonorum alicuius socij, §. 7. V. Cessione bonorum, quæ casu si adhuc consentiant in societatem, noua videtur incipere societas *f. §. pen.*

6 Socius scio dolum & culpam præstat, non tamen ut exactissimam diligentiam adhibere teneatur: sufficit enim g. si tali diligentia in communibus rebus utatur, qualem in suis adhibere stet. §. ult.

a *Societas est contractus consensu constans, de re vel negotiatione honesta, eisque lucro vel damno communicando.*

b *Nota pacto fri posse, ut alterius socij conditio melior, alterius deterior sit: quia saepe quorundam ita pretiosa est opera in societate, ut iustum sit eos meliori conditione frui, §. de illa hîc. Illa tamen conuictio reprobatur, ut alter lucrum tantum alter damnum sentiat: quæ societas leonina appellatur, ff. pro socio, l. si non fuerint 29. §. ult.*

c *Quia saepe opera licuius pro pecunia valet d. §. de illa.*

d *Non totum, ne sit societas leonina, quam modo dixi non valere.*

e *Qui fraudulenter sociati renunciauit, ut aliquod lucrum sibi retineret: illud yidem lucrum communicare cogitur: aliud verò lucrum, quod non captauit, communicare non tenetur, is verò, cui renunciatum est, indistinctè omnia lucra sibi postea obuenientia renet. §. manet hîc.*

f *Ex pacto societas manens potest inter superstites, non transire ad heredem socij defuncti. ff. pro soc. l. adeo § 9. in princ.*

g *Quia vtriusque causâ societas contrahitur.*

CAP. XVII. De mandato a.

Mandatum sex modis contrahitur, sed ex his utiles & patientes mandati actiones quinque tantum sunt. *in princ.* I. Mandantis gratia: veluti si tibi mandem, vt negotia mea geras. §. 1. II. Mandantis & mandatarij gratia: veluti si tibi mandem, vt pecuniâ sub vfuris creda ei, qui in rem meam mutuatur. §. 2. III. Alienâ tantum causa: veluti si tibi mandem, vt Titij negotia geras. §. 3. IV. Mandantis & alienâ causâ: veluti: vt negotia mihi cum Titio communia geras. d. §. 2. *vers. sua & aliena.* V. Mandatarij & alienâ causâ: veluti, vt Titio sub vfuris credas. d. §. 3. *vers. tuâ & alienâ & §. seq. vers. & adeo.* VI. Mandatarij tantum gratia, veluti, vt pecunias tuas potius in emptione prædiorum colices; quam fœneres. Hoc non tam mandatum est, quam consilium: idè- que non est obligatorium. §. 4. quemadmodum nec manda- tum contra bonos mores, finge enim Titium tibi mandasse furtum faciendum: quamuis ob id factum potam præstite- ris, nullam habebis aduersus Titium actio. §. 5.

2 Mandatarius non debet excedere sine mandati. Quare si carius emerit, quam sibi mandatum est non plus repetet actionem mandati, quam quanti emere debuit. At si vilius em- it, non videtur mandatum excessisse. Benim qui mandat, vt fundum (exempli causâ) centum arreis emas, tacite mandare intelligitur, vt vilius emas, si possis. §. 6.

3 Mandatum finitur, I. Reuocatione mandator re inte- gra & illud renocauerit. §. 7. II. Morte mandantis, vel manda- tary. Sed utilitatis causâ receptum est, vt si mandatarius ignorans mortem mandatoris, exequatur mandatum, agere mandati possit. §. 8. III. Renunciatione mandatarij. Sed vt mandatum suscipere cuilibet liberum est: ita susceptum con- summari, aut quamprimum renuncari debet, vt integra cau- sa mandatori seruetur eandem rem per se vel per aliû ex- quendi: alioquin mandatarius re-etur actione mandati: nisi iusta de causâ & non renunciat, aut seriùs renunciat. §. 9.

4 Mandatum & in diem differri, & sub conditione fieri potest. §. pen.

5 Mandatum est gratuitum quemadmodum & depositum. quod si certa merces accedat locatio & conductio est. §. ult.

si merces incerta, est contractus innominatus. *suprà de locat. & conduct §. 1.*

a Mandatum est contractus solo consensu constans, quo quis negotium bona fide gratis gerendum suscipienti procuratori committit.

b Non obligat mandati, sed, si dolus interuenerit, dabitur actio de dolo. ff. de diuers. reg. iur. l. consilij. 47.

c Ita ut renuocatio mandatario non noccat, verbi gratia si mandatum est ut eat Romam, & nodum impensas fecit quibus ad iter se pararet.

d Per quendam impeditus fuit quò minus tempestiuè renuocare posset.

C A P. XVIII. De obligationibus, quæ quasi ex contractu nascuntur.

SEquentes non sunt veri, sed quasi contractus *a. in princ.*
I. Negotiorum gestio *b*, videlicet si quis absentis & ignorantis negotia gerat. Hinc datur actio *c* negotiorum gestorum directa domino contra eum qui gessit *d*: contraria, gestori contra dominum. Præstat autem negotiorum gestor diligentiam. nec sufficit eandem adhibere in rebus alienis, quam in suis, si alius erat diligentius gesturus *f. §. 1. II. Tutela.* Hinc datur actio tutelæ directa *g.* pupillo contra tutorem *h*: contraria, tutori contra pupillum, si fortè in rem eius impederit, vel pro eo sit obligatus, vel rem suam creditoribus eius obligauerit. *§. 2. III. Factum circa rem communem, veluti si vnus ex re communi fructus perceperit, aut rem communem deteriorauerit quas ob causas tenetur iudicio communi diuidendo i, si sit particularis communio. §. 3. vel familiæ K circiscundæ l, si sint coheredes. §. 4. IV. Hereditatis aditio m, per quam heres legatariis obligatur ad legata præstanda. §. 5. V. Qui indebitum per errorem soluentis accepit. §. pen. de quo dixi *suprà lib. 7. cap. 21. them. 3.* Illud nunc addo, ex quibus causis inficiando lis crescit, (id est, quibus casibus inficiatio debitoris augeat condemnationem) ex his causis indebitò solutū nō repeti, veluti ex lege Aquilia de dāno, aut ex legato quod ecclesiæ, vel alij loco pio relictū est, *§. ult.**

l Non ut pariat actionem, sed ut fortasse impleatur, re ex adiecta stipulatione agatur.

m Id est, nisi alteri detur, n Tutoris interest rem à contutore bene geri, quia ipse quoque iudicio tutela tenetur ab ea, qua male à contutore gesta sunt.

o A quo recepturus est actione mandati.

p Ergo stipulantis interest creditori solui, ut poenam vitet.

q Quia res cõfertur in eum casum, à quo incipere non potest.

r Vide suprà de verbor. oblig. them. 4. in fin. & ibi notata.

s Hinc limitatur, quod dicitur. in §. omnis, supr. de verbor. oblig. id quoque purè debetur, statim peti posse.

C A P. XI. De fideiussoribus 2.

1 **F**ideiussores adhibentur, quò magis creditoribus cautum sit b. in princ.

2 Cuius obligationi fideiussor accedere potest, id est, siue re, siue verbis, siue literis, siue consensu sit contracta; & siue civilis, siue naturalis sit §. 1.

3 Obligatio fideiussoris in heredem transit. §. 2.

4 Fideiussor & præcedere & principalem obligationem, & sequi potest. §. 3.

5 Si plures sint fideiussores, singuli in solidum tenentur. Sed ex epistola D. Hadriani, creditor cogitur & actionem suam dividere, & à singulis partes petere, Si tamen aliqui fideiussores tempore litis contestatæ soluendo non sint, hoc cæteros onerat. §. 4.

6 Fideiussor, qui creditori soluit, non potest aliquid à confideiussore repetere f, licet reus principalis soluendo non sit d. §. 5. sed contra reum habet actionem mandati g. §. 6.

7 Gracè quoque fideiussor accipi potest. §. pen.

8 Gene: alter in obligationibus fideiussorum hoc obtinet, ut quod scriptum est quasi actum, censeatur recte actum b. Quare si quis scripserit se fideiussisse, omnia censentur solenniter acta. §. ult.

a Fideiussor est, qui per stipulationem aliena obligationi accedit. unde etiam adpromissor vocatur. ff. sol. matr. l. si verò 4. §. sed etsi reum, & de verb. oblig. l. §. §. satis acceptio, & de solut. l. in omnibus 43.

b Quia

b Quia fieri potest, ut reus principalis non sit soluendo, fideiussor autem sit soluendo.

c Sed ipse semper obligatur verbis.

d Id est, promittere potest ante reum principalem: non tamen ante eum obligatur, quia obligatio accessoria non consistit sine principali.

e Si fideiussor conuentus hoc petat.

f Nisi actio à creditore sibi cessa fuerit contra confideiussorem.

g Vel negotiorum gestorum, si pro ignorante fideiussit. ff. mandat. l. mandato 20. §. 1. sed si vel pro inuito, vel donandi animo fideiussit, nullam habet actionem. ff. co. l. 6. §. si passus, l. si pro te 40.

h Quia praesumptio est pro instrumento, ut notavi supra tit. prox. them. 16.

CAP. XII. De literarum obligatione.

Qui spe accipiendae pecuniae, chirographum eo nomine dedit, intra biennium potest conqueri a de non numerata pecunia: sed nisi intra hoc tempus queratur, postea queri non potest b; consequenter per suam scripturam efficaciter obligatur.

a Et si intra biennium sit conquestus, postea quodcumque etiam post biennium, si conueniatur, excipere poterit de non numerata pecunia.

b Ergo exceptionem non numerata pecunia amisit. Doct. communiter etiam post biennium tribuunt hanc exceptionem ei, qui intra biennium conquestus non est, sed ita ut propter biennij negligentiam cogatur probare pecuniam non fuisse numeratam: aded ut intra biennium onus probandi incumbat creditori, post biennium debitori. Hac opinio perspicue verbis & orationi legis aduersatur. Nam Iustinianus ait eum non posse post biennium conqueri, & scripturam obligari? non est autem opus in literarum obligatione, qua per scripturam contrahitur, numerationem interuenire, sicut opus est in mutuo.

CAP. XIII: De obligationibus ex consensu.

I **S**olo consensu perficiuntur sequentes contractus. I. Emptio & venditio. II. Locatio & conductio. III. Societas. IV. Mandatum. *in princ.*

2 Ideo dicitur his modis obligatio consensu contrahi: quia nec scripturam, nec verba, nec rei traditionem intervenire necesse est: sed sufficit, eos, qui contrahunt, consentire. *vers. ideo.*

3 Quare inter absentes quoque hi contractus fieri possunt, ut per nuncium, vel per epistolam. *vers. unde.*

4 Item in his contractibus alter alteri ex bono & æquo obligatur, etiam id quod non est expressum *b. versic. item in his.*

a Quamvis intervenire possint. Non hi contractus dicuntur non perfici verbis, non quia verba non possint in eis adhiberi, sed quia verba non sunt necessaria similiter non contrahi literis, nec traditione: quia etsi fieri potest, ut adhibeatur scriptura, vel res tradatur, tamē hac non sunt necessaria. Denique in omnibus contractibus necessarius est consensus ff. de pact. l. 1. §. conventionis. sed in his solus consensus requiritur: in alijs consensus & rei traditio, qui dicuntur re perfici: in alijs consensus & verba, ut in stipulatione, qua verbis contrahi dicitur: in alijs consensus & scriptura, ut in literarum obligatione.

b Ex stipulatione autem nihil debetur, quod verbis expressum non sit. ff. de verbor. obligat. l. quicquid adstringendę. 99. in princ.

CAP. XIV. De emptione & venditione a.

I **E**mpcio & venditio contrahitur, simul atque de pretio cōvenit, licet nec pretium numeratum, nec arrha data sit. Excipe, nisi in scriptis contrahatur *b.* tunc enim, antequā scriptura perfecta sit, licet impunē pœnitere, nisi arrha data sit: quo casu *c.* is quem pœnitet, si sit emptor, id perdit, quod arrhæ nomine dedit. sin autē sit vēditor, duplum restituit.

tuit. Quamvis ergo preti innumeratio ad perficiendam venditionem *d* non requiratur, tamen conuentio de p. et o necessaria est, & hoc est, quod dicimus nullam esse emptionem sine pretio. *in princ.*

2 Pretium emptionis certum esse debet *e*. Quod si in arbitrium tertij conferatur, veluti *Quanti Titius aestimauerit, tanti res tibi empta esto*: sub hac conditione stat contractus, si ille aestimauerit, *f. §. 1.*

3 Pretium in numerata pecunia *g* consistere debet: alioquin permutatio est, non emptio & venditio *§. 2.*

4 Post emptionem perfectam, periculum & commodum ad emptorē pertinet *h*. Excipe, nisi dolo aut culpa venditoris res sit amissa, aut venditor eius custodiam in se usque ad traditionē receperit. Extra hos casus venditor non tenetur rem amissam praeſtare, sed tantum actiones, quas de ea re habet, emptori cedere, ut rei vindicationem, & conductionē *k*, & furti actionem. quod & de actione legis Aquiliae dicendum, si res vedita sine dolo & culpa venditoris deteriorata, vel interempta fuerit. *§. 3.*

5 Emptio tam sub conditione, quam purē contrahi potest. *§. penult.*

6 Si quis à venditore deceptus rem emerit, quae non sit in commercio, contra eum habet actionem ex empto *l* in id quod sua interest. *§. ult.*

a Emptor est. qui pretium soluit, & rem accipit. venditor qui rem tradit & pretium accipit.

b In scriptis contrahi dicitur, cum in contrahendo adiectum est pactum de contractu in scriptis redigendo. Scriptura igitur necessaria est, non ex natura contractus quia emptio & venditio nudo consensu contrahitur, sed ex pacto, quia pacta informant, & reformant contractus. ff. de pact. l. 7. §. quin immo.

c Id est cum arrha data est, & contractus non est perfectus. Quid si contractus perfectus sit? liberaturne venditor arrhis in duplum restitutis, aut emptor arrhis amissis? an nihilominus datur actio empti & venditi? Doct. communiter idem statuunt de contractu perfecto quod de imp. rfecto, ut is, quem poenitet, ultra arrharum missionem, vel dupli restitutionem non teneatur, sed hac sententia mihi non probatur.

d Contractum perficere, & contractum implere, differunt. emptio & venditio nudo consensu perficitur: traditione autem

rei impletur ex parte venditoris & solutione pretij impletur ex parte emptoris, arrha datio nec perficit, nec implet contractum.

e Si incertum sit pretium, veluti, vendo tibi aedes quanti inter nos postea conuenerit, est contractus innominatus.

f Quia illo aestimante certum pretium constituitur.

g Nota rem rei pretium esse non posse h Quia etiamsi rem non accipiat, tamen pretium soluere cogitur. §. cum autem, hic.

i Culpa species est mora. quare si post moram traditioni à venditore factam res perierit, negamus venditorem liberari. Quod si ambo contrahentes moram fecerint, quia modo venditor rem tradere, modo emptor eam accipere noluerit: posterior mora purgat priorem, & sola nocet. ff. de peric. & commod. rei vend. l. illud 17.

k Furtiuam. l Nota dari actionem ex empto, etiamsi emptio non valeat. ff. de contrah. empt. l. qui officij 62. §. 1. Eademque ratio est actionis ex vendito. ff. cod. l. 6. §. 1.

C A P. XV. De locatione & conductione 2.

1 **L**ocatio, & conductio proxima b est emptiohi & venditioni, idemque regulis iuris consistit. Quocirca conuentione de mercede c contrahitur. & hinc locatori d actio locati e, conductori f actio conducti g competit in princ.

2 Mercedis quantitate in arbitrium tertij collata contractus valet sub conditione, si ille mercedem definierit. Sin autem merces incerta sit; veluti si quis vestimenta fulloni polienda curandave dederit, non constituta mercede, sed tantum daturus, quantum postea conuenerit: non est proprie locatio, & conductio, sed contractus innominatus h, ex quo agitur praescriptis verbis. §. 1.

3 Si duo sibi inuicem rem vtendam dederint (vt puta si inter nos conuenit, vt alternis diebus ego boue tuo utar, tu meo utaris) neque locatio & conductio est, ob defectum mercedis i: neque commodatum, quia non est grauatum: sed contractus innominatus k pariens actionem praescriptis verbis. §. 2.

4 Ad haec, contractus emphyteuticus, id est, cum praedium perpetuo (supple vel ad longum tempus. ff. si ag. vectig. petat. l. ult. & de superfic. l. 1. §. quod ait praetor.) fruendum certa pen-

sione datur, ita ut nec ipsi emphyteutæ, nec heredibus eius, quandiu pensionem soluerint, auferri possit: hic, inquam, contractus, partim emptio & venditio videtur quatenus dominium utile in emphyteutam transit: partim locatio & conductio, unde etiam locatio perpetua vocatur, quatenus dominium directum penes eum manet qui in emphyteusim dat. Sed ex constitutione Zenonis *l* propriam habes naturam, ab aliis contractibus distinctam: & pacta ei apposita seruari debent. Quod si de rei periculo cautum pacto non sit, totius rei interitus ad dominum *m*, partis verò ad emphyteutam *n* pertinet. §. 3.

5 Si cum aurifice Titius conuenerit, ut is ex suo auro certi ponderis, certæque formæ annulos ei faceret, & acceperit (exempli gratiâ) decem aureos: emptio & venditio est. Sin autem suum aureum Titius dederit, mercede *o* pro opera constituta, locatio est & conductio. §. 4.

6 Conductor pacta conuenta seruare debet. Cessante pacto, id præstat, quod æquitas requirit *p*, diligentia exactissima *q* ab eo desideratur: quam si adhibuerit, & casu rem amiserit, non tenetur. §. penult.

7 Mortuo conductore intra tempora conductionis, heres eius in conductione succedit. §. ult.

a Quemadmodum emptio & venditio est unus contractus, qui respectu emptoris appellatur emptio, respectu venditoris venditio: ita etiam locatio & conductio est unus contractus, qui respectu locatoris vocatur locatio, respectu conductoris conductio. Locator est, qui faciendum, vel utendum, vel fruendum dat: conductor, qui accipit, cum aliquid utendum vel fruendum datur: conductor mercedem soluit locatori, ut accidit in locatione adium, vel fundi. Idem est, cum opera locantur ad opus faciendum. Cum autem opus locatur faciendum, locator mercedem soluit conductori.

b Id est similis, c Subaudi. certa.

d Aduersus conductorem. e Integra locutione vocatur locati conducti, concisè locati; interdum, sed rariùs, conducti.

f Contra locatorem. g Integrum nomen est conducti locati, concisè vocatur conducti & interdum locati.

h Si queratur, qualis sit contractus, respondendū per distinctionē, aut enim ita conuenit, Poliam vestimenta ut des decē:

aut ita, Dabo decem, ut polias vestimenta, priori casu est contractus, do ut des: posteriori casu est cōtractus, do ut facias.

i Quia merces in pecunia consistit, hoc autem casu non interuenit pecunia. cum autem pecunia verbum sit homonymū, & modo angustè significet tantum numeratam pecuniam, ff. de S. C. Macedon. l. 7. §. mutu. modo la: è quamcūque rem numero, vel pondere, vel mensurā constantem. ff. de reb. cred. l. 2. §. cred. tum, modo latissimè quamcumque rem, ff. de verb. sign. l. pecuniæ verbum 178. in princ. l. pecuniæ nomine 222. dubia quæstio est, in qua significatione hic sumi debeat. Ego iis assentior, qui secundam significationem accipiunt. per l. si olei 21. C. hoc tit.

κ Refertur ad contractum facio ut facias: nempe, commodum, ut mihi inuicem commodes.

l Hinc apparet hunc contractum esse iuris ciuilis.

m Cui emphyteuta pensionem seu canonem soluere amplius non tenetur.

n Quia nihilominus integram pensionem soluere cogitur.

o Subaudi certa. p Quia est contractus bona fidei.

q Hoc specialiter receptum est in hoc contractu: qui cum utriusque contrahentis gratia celebretur, media, id est, exacta diligentia præstanda videtur, secundum distinctionem, de qua in contractus 23. ff. de diu. reg. iur.

C A P. XVI. De societate 2.

i **S**Ocietas vel est vniuersalis omnium bonorum: vel specialis, ut vnius negotiationis, puta vini, aut olei, aut frumenti emendi vendendique. in princ.

2 Si de partibus nihil conuenerit, æquales partes siue lucri siue damni fient. Si partes in contrahendo expressæ fuerint, hæ seruari debent. §. 1.

3. Valent bigitæ hæ conuentiones. I. Ut ad vnum socium duæ partes lucri, vel dāni pertineant, ad alterum tertia pars. d. §. 1. vers. nec enim. II. Ut ad vnum duæ partes lucri pertineant, damni tertia: ad alterum lucri tertia, dāni partes duæ spectent. §. 2. III. Ut alter pecuniam conferat, alter non conferat, & lucrum commune sit c. d. §. 2. vers. nam & ita. IV. Ut aliquis lucri partem ferat d. de damno non teneatur. Lucrum autem

autem intelligitur deducto damno, quod acceptum est. *ead.*
§. 2. *ves. & aded.*

4 Iars in solo lucro expressa, etiam in damno seruari debet, & contra expressa in solo damno, seruatur etiam in lucro. Quod enim est in vna causa expressum, censetur in altera repetitum. §. 3.

5 Societas soluitur. I. Renunciatione: postquam accedens lucrum non communicatur, eo excepto, quod renuncians captauit e; si fortè ideo societati renunciauit, ne lucrum, quod sperabat, communicaret §. 4. II. Morte socij: aded vt si plures sint, morte vnius etiam inter superstites soluitur, nisi in contrahendo aliter conuenerit, §. 5. III. Finito negotio cuius causâ societas contracta fuit, §. 6. IV. Confiscatione omnium bonorum alicuius socij, §. 7. V. Cessione bonorum, que casu si adhuc consentiant in societatem, noua videtur incipere societas f §. *pen.*

6 Socius socio dolum & culpam præstat, non tamen vt exactissimam diligentiam adhibere teneatur: sufficit enim g. si tali diligentia in communibus rebus utatur, qualem in suis adhibere solet. §. *ult.*

a Societas est contractus consensu constans, de re vel negotiatione honesta, cuiusque lucro vel damno communicando.

b Nota pactio fieri posse, vt alterius socij conditio melior, alterius deterior sit: quia sæpe quorundam ita pretiosa est opera in societate, vt iustum sit eos meliori conditione frui, §. de illa hic. Illa tamen conuentio reprobat, vt alter lucrum tantum alter damnum sentiat: qua societas leonina appellatur, ff. pro socio, l. si non fuerint 29. §. *ult.*

c Quia sæpe opera alicuius pro pecunia valet d. §. de illa.

d Non totum, ne sit societas leonina, quam modo dixi non valere.

e Qui fraudulenter societati renunciauit, vt aliquod lucrum sibi retineret: illud quidem lucrum communicare cogitur; aliud verò lucrum, quod non captauit, communicare non tenetur, is verò, cui renunciatum est, indistinctè omnia lucra sibi postea obuenientia retinet. §. manet hic.

f Ex pacto societas manere potest inter superstites, non trāsire ad heredem socij defuncti ff. pro soc. l. aded §. 9. in princ.

g Quia vtriusque causâ societas contrahitur.

CAP. XVII. De mandato a.

I **M**andatum sex modis contrahitur, sed ex his utiles & patientes mandati actiones quinque tantum sunt. *in princ.* I. Mandantis gratiâ: veluti si tibi mandem, vt negotia mea geras. §. 1. II. Mandantis & mandatarij gratiâ: veluti si tibi mandem, vt pecuniâ sub vfuris credas ei, qui in rem meam mutuatur. §. 2. III. Alienâ tantum causâ: veluti si tibi mandem, vt Titij negotia geras. §. 3. IV. Mandantis & alienâ causâ: veluti: vt negotia mihi cum Titio communia geras. d. §. 1. *vers. sua & aliena.* V. Mandatarij & alienâ causâ: veluti, vt Titio sub vfuris credas. d. §. 3. *vers. tuâ & alienâ & §. seq. vers. & aded.* VI. Mandatarij tantum gratiâ, veluti, vt pecunias tuas potius in emptione prediorum colloces; quam fœceres. Hoc non tam mandatum est, quàm consilium; idcirco non est obligatorium. §. 4. quemadmodum nec mandatum contra bonos mores, finge enim Titium tibi mandasse furtum faciendum: quamuis ob id factum poenam præstiteris, nullam habebis aduersus Titium actionem. §. 5.

2. Mandatarius non debet excedere fines mandati. Quare si carius emerit, quàm sibi mandatum est, non plus repetet actionem mandati, quàm quanti emere debuit. At si vilius emat, non videtur mandatum excessisse. Etenim qui mandat, vt fundum (exempli causâ) centum aureis emas, tacite mandare intelligitur, vt vilius emas, si possis. §. 6.

3. Mandatum finitur, I. Reuocatione, si mandator re integra & libere reuocauerit. §. 7. II. Morte mandantis, vel mandatarij. Sed utilitatis causâ receptum est, vt si mandatarius ignorans mortem mandatoris, exequatur mandatum, agere mandati possit. §. 8. III. Renunciatione mandatarij. Sed vt mandatum suscipere cuiuslibet liberum est: ita susceptum consummari, aut quamprimum renunciari debet, vt integra causa mandatori seruetur eandem rem per se vel per aliū exequendi: alioquin mandatarius tenetur actione mandati: nisi iusta de causâ d. non renunciauit, aut serius renunciauit. §. 9.

4. Mandatum & in diem differri, & sub conditione fieri potest. §. pen.

5. Mandatum est gratuitum, quemadmodum & depositum. quod si certa merces accedat, locatio & conductio est. §. ult. si

si merces incerta, est contractus innominatus. *suprà de locat. & conduct §. 1.*

a Mandatum est contractus solo consensu constans, quo quis negotium bona fide gratis gerendum suscipienti procuratori committit.

b Non obligat mandati, sed, si dolus interuenerit, dabitur actio de dolo. ff. de diuers. reg. iur. l. consil. ij. 47.

c Ita ut reuocatio mandatario non noceat, verbi gratia si mandatum est ut eat Romam, & nōdum impensas fecit quibus ad iter se pararet.

d Per quē impeditus fuit quō minūs tempestiuē renūciare posset.

C A P. XVIII. De obligationibus, quæ quasi ex contractu nascuntur.

Sequentes non sunt veri, sed quasi contractus a. in princ. I. Negotiorū gestio b, videlicet si quis absentis & ignorantis negotia gerat. Hinc datur actio negotiorum gestorū c directa domino contra eum qui gessit d: contraria, gestori e cōtra dominum. Præstat autem negotiorum gestor diligentiam, nec sufficit eandem adhibere in rebus alienis, quam in suis, si alius erat diligentius gesturus f. §. 1. II. Tutela. Hinc datur actio tutelæ directa g. pupillo contra tutorem h: contraria, tutori contra pupillum, si fortē in rem eius impēderit, vel pro eo sit obligatus, vel rem suā creditoribus eius obligauerit. §. 2. III. Factum circa rem communem, veluti si vnus ex re communī fructus perceperit, aut rem communē deteriorauerit quas ob causas tenetur iudicio communī diuidundo i, si sit particularis communio. §. 3. vel familiæ k exerciscundæ l, si sint coheredes. §. 4. IV. Hereditatis aditio m. per quā heres legatariis obligatur ad legata præstāda. §. 5. V. Qui indebitum per errorem soluentis accepit. §. pen. de quo dixi *suprà lib. 7. cap. 21. them. 3.* Illud nunc addo, ex quibus causis inficiando lis crescit, (id est, quibus casibus inficiatio debitoris augeat n condemnationem) ex his causis indebitō solutū nō repeti, veluti ex lege Aquilia de dāno, aut ex legato quod ecclesiæ, vel alij loco pio relictū est, §. ult.

a Quia non continent mutuum consensum, sed unius partis voluntatem.

b Id est cum quis absentis & ignorantis negotia gessit, nam qui sciens geri patitur, mandare censetur, & mandati conuenitur. qui vero geri prohibuit, nulla actione tenetur. ff. mandat. l. 6. §. si passus & C. de negot. gest. l. v. e.

c Pratoria, bona fidei. d Ut administrationis sue rationem reddat.

e Qui pro negotiorum domino aliquid impendit, vel obligatus est. ff. de negot. gest. l. 2.

f Sin minus, tantum prestat diligentiam exactam, id est, leuem culpam. C. de neg. gest. l. tutori. 20. Nam qui prestat diligentiam exactam, prestat leuem culpam. qui diligentiam exactissimam, culpam leuissimam.

g Qua actio civilis est, nec datur ante tutelam finitam. ff. de tut. & rat. distrah. l. 1. in fin. & l. 4. in princ.

h Ut administrationis sue rationes reddat, vel si quid in negotiis pupilli neglexit.

i Hec actio est mixta in rem & in personam. infra de act. §. quedam. In rem est, quatenus res communis diuiditur: & quilibet partem suam accepit. in personam vero ratione prestationum personalium, qua hic proponuntur: nam hoc spectatur, quatenus est actio in personam. Idem intellige de actione familia erciscunda.

k Familia hic significat hereditatem: hereditas autem hic accipitur pro rebus hereditariis, qua hoc iudicio diuiduntur.

l Id est, diuidenda: nam erciscere, est antiquum verbum, quod significat diuidere.

m Hires adeundo hereditatem, quasi contrahit cum legatariis ff. quibus ex caus. n. possess. ear. l. 3. §. ult. & l. 4.

n In duplum. vide infra à lib. 4. c. 6. them. ii. vers. notandum.

C. A P. XIX Per quas personas nobis obligatio acquiritur.

Non solum per nosmetipsos, sed etiam per eos, qui in nostra potestate sunt, nobis acquiritur; sic tamen ut per filium tantum ususfructus acquiratur ex causa peculij aduentitij in pr. secundum ea quae tradidi sup. lib. 2. c. 9. a them. 2.

a Ibi

a Ibi agitur de acquirendo rerum dominio, hinc de obligatione acquirenda: sed eadem est utriusque acquisitionis ratio.

CAP. XX. *Quibus modis tollitur obligatio.*

Obligatio tollitur, I. Solutione; siue idipsum, quod debetur; siue volenti *b* creditori aliud solvatur. Nec interest utrum ipse debitor solvat, an alius pro eo siue sciēte, siue ignorante *c*. Adde quod reus solvens, etiam fideiussorem: & fideiussor solvens, etiam reum liberat *d* in princ. II. Acceptilatione. Acceptilatio est imaginaria solutio, & fit per interrogationem ac responsionem, veluti, *Quod tibi promisi, habes ne acceptum? habeo.* Hoc modo tantum obligatio verborum tollitur *e*. Si quis autem aliam obligationem sic tollere velit, prius eam per novationem in stipulationem deducere, deinde acceptilationem subiicere debet, §. 1. Ut autem omnes obligationes, quæ multæ ac variæ sunt, hoc modo noventur ac tollantur, Gallus Aquilius sequentem formulam introduxit: *Quidquid te mihi ex quacunque causa dare facere oportet oportebitve, prasens h in diemve aut sub conditione: quarumcumque rerum mihi tecum actio est i, quaque adversus te petitio, vel adversus te persecutio est, eritve, quodve tu meum habes, tenes, possides k, dolove malo l fecisti quominus possideas: quanti quaque earum rerum res erit, tantam pecuniam dari stipulatus est Aulus Agerius, spondit Numerius Nigidius. Quod Numerius Nigidius Aulo Agerio spondit, id haberetne à se acceptum, Numerius Nigidius Aulum Agerium rogavit: Aulus Agerius Numerio Nigidio acceptum fecit, §. 2. III. Novatione, id est, cum in locum veteris obligationis nova substituitur, vel debitoris personam mutata (quo casu res amittitur; si creditor à pupillo sine tutore novandi causam stipuletur: quia & prima obligatio tollitur, & posterior iure civili non tenet *m*) vel alia mutatione facta, puta conditione, die, fideiussore adiecto, vel detracto. Sed cum conditio adicitur: nisi conditio existat, novatio non fit, sed prior obligatio manet. Porro ex Iustiniani constitutione (quæ est *l. ult. C. de novat.*) novatio nunquam fit *n*, nisi hoc ipsum à partibus exprimatur*

102 *Selectorum Lib. III. Cap. XX.*

exprimatur. §. pen. IV. Contrario consensu. Hoc modo tolluntur ex solæ obligationes o quæ cōsensu constant, vt empti venditi, & locati conducti, §. ult.

a *Intellige tolli ipso iure, non ope exceptionis, de qua infra tit. de except.*

b *Inuito aliud pro alio solui nequit. ff. de reb. cred. l. 2. §. 1.*

c *Vide l. soluendo. 19. ff. de negot. gest.*

d *Quia bona fides non patitur idem saepius exigi. ff. de diuers. reg. iur. l. bona fides 37.*

e *Quod enim verbis contrahitur, verbis dissoluitur: cum nihil sit tam naturale, quam unumquodque dissolui eo modo, quo ligatum est. ff. de diu. reg. iur. l. nihil tam naturale, 35. & l. fere 153.*

f *Qua constat ex nouatione usque ad vers. quod Numerius. & acceptilatione, in d. vers. In nouatione primò fit mentio obligationis: deinde actionis in ver. quatumcumque. postea dominij, in vers. quodve tu meum, qua omnia in nouationem deducuntur. tandem in vers. quanti, ponitur obligatio nouans.*

g *Nota obligationem consistere, vel in dando, vel in faciendo. sua affirmatione autem continetur etiam negatio; id est, non facere, supra de verb. oblig. in princ. & §. ult.*

h *Id est, purè. nam omnis obligatio vel est pura, vel in diem, vel sub conditione. supra de verb. oblig. omnis, cum sim.*

i *Proprie loquendo actio est in personam; petitio in rem; persecutio extraordinaria, siue in rem, siue in personam. ff. de oblig. & act. l. actio in personam. 28.*

x *Habere est verbum generale: tenere, est facti: possidere. est iuris. ff. de verb. oblig. l. stipulatio ista. 38.*

l *Nota dolum pro possessione esse. ff. de rei vind. l. fin autem. 27. §. sed & is. & de diuers. reg. iur. l. qui dolo. 131. l. parem. 150.*

m *Quia pupillus ex suo contractu sine tutore non obligatur nisi factus sit locupletior. supra de auctor. tut. in princ. & de inut. stipul. §. pupillus.*


n *Sed posterior obligatio priori accedit.*

o *Quia nihil est tam naturale, quam unumquodque dissolui eo modo, quo ligatum est. ff. de diuers. reg. iur. l. nihil tam naturale. 35. & l. fere. 153.*



LIBER QVARTVS.

CAP. I. *De obligationibus, quæ ex delicto nascuntur.*

I  **BLIGATIONES** ex maleficio vnus generis sunt, nam omnes ex re nascuntur, id est, ex ipso maleficio *b*, veluti ex furto, rapina, damno, iniuria *in princ.*

1 Furtum est contrectatio rei fraudulosa *c* lucti faciendi gratiâ, vel ipsius *d*, vel vsus *e* eius possessionisve *f*. quod lege naturali *g* prohibitum est admittere. §. 1.

3 Furtorum duo sunt genera: manifestum, & nec manifestum. Manifestus fur est, qui cum furto apprehenditur, antequam eò detulerit, quò deferre destinauit, vt ibi ea die maneret cum furto. Reliqui omnes sunt fures nec manifesti. §. 3. veluti qui sciens rem furtiuam suscepit, & celauit. §. 4. *in fin.*

4 Poena *h* furti, manifesti est quadrupli: nec manifesti, est dupli. §. 5.

5 Si quærat, quomodo furtum committatur: sciendum est, tria requiri, vt furtum committi dicatur. I. Rei contrectatione, nec est opus, vt res auferatur, siue amoueatur, sed sufficit qualiscumque contrectatio: veluti si creditor pignore, aut depositarius re deposita vtatur, aut commodatarius aliter vtatur, quam sibi à domino permissum sit. §. 6. II. affectum furandi. Ideoque commodatarius aliter re vtens quam sibi permissum fuit, si dominum permissurum credat, furtum non committit. §. 7. III. Dissensum domini. nam volenti furtum non fit. Idcirco commodatarius putans se inuito domino rem contrectare, si volente domino id faciat, furtum non committit. §. 8.

6 Furtum fit, I. Etiam liberi hominis: veluti si filius familiaris surripiatur. §. 9. II. Etiam rei suæ: veluti si debitor creditori pignus subtrahat *i*. §. 10.

7 Furti tenetur, I. Qui furtum fecit. II. Is cuius ope & consilio

filio furtum factum est *K* : veluti qui nummos excussit , vt alius raperet : & qui domino obstitit , vt alius rem exciperet , & qui oues aut boues fugauit : vt alius exciperet (at qui per lasciuia , non datâ opera vt furtum fieret , aliquid eorum fecit , in factum actione tenetur) & qui scalas fenestris supposuit , aut fenestras vel ostium effregit , vt alius furtum faceret : & qui ferramentum , ad effringendum , aut scalas fenestris supponendas commodauit furti faciendi gratiâ . Solum autem consilium non obligat furti *l. §. 11.*

8 Si quis ei rem surripuit , in cuius potestate est , hæc notanda occurrunt . I. Furtum fit , & res fit furtiua , idèdque non potest vsucapi *m* , antequam in potestatem domini reuertatur . II. Qui furtum fecit , non tenetur furti : quia nec ex vlla alia causa inter has personas actio datur . III. Ille , cuius ope & consilio hoc furtum factum est , furti tenetur . §. 12.

9 Furti actio ei competit cuius interest *n* , siue sit dominus , siue non sit . nec datur domino , si eius non intersit . §. 13.

10 Creditor , cui pignus surreptum est , furti agit , licet debitor sit soluendo *o* , & licet ipse debitor surripuerit *p. §. 14.*

11 Cùm fullo vestimenta polienda curandave , aut sarcinator sarcienda accepit , & furto amisit : si in solidum soluendo sit , ipse furti agit *q* . sin minus , actio datur domino *r. §. 15.*

12 Bonæ fidei emptori , surrepta re , competit actio furti *s* , quemadmodum & creditori *t. d. §. 15. vers. sed & bona.*

13 Re cōmodatario surrepta , domino electio datur , vtrum malit agere commodati contra commodatariū , an furti contra furem nec potest poenitere , & actionē mutare , nisi semel *n* , cū ignorans rem esse surreptā , egit commodati . Effectus autem est , vt si commodati agat , non possit ampliùs furem conuenire , nisi per poenitentiam remittat actionem commodati , vt modo notauī *x* : sed furti actio commodatario dabitur . Sin autem dominus furti agat , etiamsi à fure nihil consequi possit tamen commodatarius liberatur , & neque commodati conueniri , neque furti agere potest : §. 16.

14 Si res depositario surripiatur , quia eius nihil interest *y* , non potest furti agere , sed actio *z* domino competit *a. §. 17.*

15 Impubes non dicitur furtum committere , nisi sit pubertati proximus *b. §. pen.*

16 De re surrepta datur , I. Actio furti *e* in duplum , vel quadruplum

quadruplum d, quæ est merè poenalis. II. Rei vindictio, quæ datur domino contra possessorem siue ipse fur, siue alius eâ possideat. III. Condictio furtiva e, quæ datur domino f adversus furem eiusque hæredem, licet non possideat, §. ult.

a Propriè loquendo, à crimine delictum distinguitur : quoniam illud est publicum hoc privatum, ff. de edil. ed. l. quid sit, 17. §. noxas.

b Quod tamen maleficium interdum fit verbis, ut convitiis : interdum literis, ut famosis libellis, ff. de poen. l. aut facta, 16. in principio.

c Id est, dolo malo facta, nullum est enim verum delictum sine dolo. Dolum hic intellige affectum furandi, infra hoc tit. §. placuit, & supra de v. l. cap. §. sed tamen.

d Sequentes genitivi reguntur à verbo, lucri faciendi, & sensus est furem ideo delinquere, & rem alienam contrahere, ut vel ipsam rem lucretur, vel eius usum, siue possessionem.

e Ut depositarius utens re deposita, eamque postea restituens, non lucratur rem, sed usum & huius ratione furtum commisit, infra hoc tit. §. furtum autem fit.

f Ut debitor rem suam surripiciens creditori, cui pignori dederat, non rem lucratur, cuius est dominus, sed possessionem, quam ad creditorem transtulerat, infra cod. §. aliquando.

g Id est, iure gentium, quod naturali ratione apud omnes gentes introductum est, supra de iur. natur. §. 1. ideoque vocatur ius naturale, supra de rer. divis. §. singulorum, nec à Lacedæmoniis & Ægyptiis furta (ut scribit Gellius lib. 11. c. ult.) permittentibus mutari potuit.

h Mera poena præter quam dominus etiam rem suam surreptam vel reali, vel personali actione petit, infra hoc tit. §. ultim.

i Hoc casu furtum committitur ratione possessionis, ad creditorem pertinentis, ut notavi ad them. 2.

k Qui opem sine malo consilio (id est, furti non conscius, tulit, quæve tantum consilium dedit, furti non tenetur, §. interdum quoque, hic, & de verb. sign. l. sæpe § 3. in fin. Qui verò opem & consilium contulit, tenetur furti, non condictione furtiva; quia non est fur. ff. de condict. fur. l. 6. Immo nec furti tenetur, nisi contrahatio secuta sit, ff. de furt. l. si quis uxori, § 2. §. neque verbo.

l Sed

l Sed obligat actio de dolo, si dolo malo datum consilium sit, ff. de diu. reg. iur. l. consilij 47.

m Vide §. furtive, supra de usucapion. n Sub rem non surripi.

o Quia creditoris interest incumbere potius pignori, quam agere in personam debitoris, ut hic in §. unde constat. & ff. de diu. reg. iur. l. plus cautionis 25.

p Vide supra them. 6. memb. 2. & ibi notata.

q Quia ipsius interest rem non surripi, propterea quod rem domino reddere tenetur actione locati.

r Quia domini interest rem non surripi, eo quod re amissa sibi à fullone aut sarcinatore inope satisfieri non potest, superiori autem casu domini non intererat: quia per actionem contra fullonem vel sarcinatorem competentem satis sibi cautum erat.

s Quia eius interest rem non surripi, cum ut lucretur fructus, supra de rer. diuis. §. si quis à non domino, tum etiam ut possit rem usucapere, supra de usucap. in princ.

t De quo dictum fuerat: supra them. 10.

u Hoc casu potest, omisso commodatario, furti agere contra furem. Id est, quia ignorans rem esse surreptam egit commodati.

x Id est, quia ignorans rem esse surreptam egit commodati, ut modo notavi.

y Quia non tenetur depositi, nisi dolum commiserit, supra quib. mod. re contrah. obl. g. §. pen. non debet autem ob suum dolum lucrari actionem furti, ff. de furt. l. itaque 12. §. 1. & l. cum qui 14. §. is autem.

z furti. 2 Contra furem.

b Quia non est furtum sine dolo, ut ex furti definitione patet: ac tum demum pupillus est doli capax, cum pubertati proximus est.

c Que datur ei cuius interest, ut supra fuit expositum.

d Vide supra them. 4.

e Hac actio prater rationem iuris introducta est odio furum, infra de act. §. sic itaque.

f Vide cent. 4. τὸν ἐμπίστονον, quest. 23.

C A P. II. De vi bonorum raptorum a.

I **R** Em b aliquis rapit aut alienam dolo malo : aut suam per ignorantiam iuris, id est, quia falsò putat licere domino rem suam rapere: aut alienam, quia falsò putat se esse dominum, & domino licere rem suam rapere. Primo casu tenetur actione furti c, quia dicitur improbus, siue improbius fur, & actione vi bonorum, raptorum, quæ etiam ob unam minimam rem raptam datur intra annum in quadruplum mixta (nam simplum, res est, triplum est poena) post annum in simplum rei persecutoria, in princ. Secundo & tertio casu neutram harum actionum tenetur, sed ex constitutionibus d punitur. Nam secundo casu rei dominium amittit: tertio casu non solum rem restituit, sed etiam æstimationem eius præstat. Eadem obtinent in eum qui rem immobilem per imprudentiam, inuasit e. §. 1.

2 Ex quibus causis habet aliquis actionem furti ob rem clam surreptam, ex iisdem habet actionem vi bonorum raptorum ob rem vi raptam. §. ult

a Id est, de actione bonorum per vim raptorum. Intellige vim ablativam. Alia est vis compulsiva, ex qua datur actio quod metus causa: alia expulsiva, ex qua datur interdictum unde vi alia turbativa, ex qua datur interdictum quod vi aut clam

b Subaudi nobilem. c In duplum, vel quadruplum.

d Vide l. extat. 13. ff. quod met. caus. & l. si quis in tantam. 7. C. unde vi.

e Nota rapinam cadere in res mobiles, inuasionem in immobiles.

C A P. III. De lege a Aquilia.

I **D** Amni iniuria b dati actio constituitur per legem Aquiliam in princ.

2 Cuius primo capite cauetur, ut si quis alienum hominem c alienamve quadrupedem, quæ pecudum numero sit d, iniuria occiderit: quanti ea res eo anno e plurimi fuerit, tantum f domino dare damnetur. ibid.

3 Pecudum numero non sunt canes, nec feræ bestię: sed
H quæ

quæ gregatim pascuntur, ut equi, muli, asini, boues, capræ, fues. §. 1.

4 Iniuria occidere dicitur, qui nec iure. §. 2. nec casu, sed dolo, vel culpâ occidit. §. 3. Itaque non tenetur, I. Qui latronem sibi insidantem occidit g. 4. §. 2. II. Miles qui in loco solito iaculis se exercens, aliquem interemit h, secus si alio loco i, aut si paganus id fecerit. §. 5. III. Putator, qui ex arbore deiecto ramo transeuntem occidit, si modò aut proclamavit, aut seorsum à via id fecit. §. 5.

5 Culpæ adscribitur negligentia, imperitia K, infirmitas. Itaque morte secuta tenetur, I. Medicus, qui servum secutus ac dereliquit. §. 6. II. Medicus, qui malè secuit: aut perperam medicamentum dedit. §. 7. III. Qui mularum, aut equi quo vehebatur, impetum propter infirmitatem vel imperitiam retinere non potuit l. §. 8.

6 Quia res non æstimatur quanti nunc est cum interimitur: sed quanti plurimi eo anno retrorsus m computato fuit: idcirco creditum est huius legis actionem esse pœnalem n. proinde in heredem non transit. §. 9.

7 Non solum ex verbis legis corpus peremptum æstimatur, sed etiâ ex mēte & interpretatione æstimatur quidquid præterea interest, veluti si ex pari mularum una, vel ex quadrigis equorum vnus occisus sit: non solum occisi sit æstimatio, sed etiam quanti depreciiati sunt, qui supersunt. §. 10.

8 Secundum caput legis non est in usu o. §. 12.

9 Tertio capite de omni cætero damno cauetur: veluti quia animal, quod pecudum numero non est, occisum, aliæve res peremptæ: aut res quælibet corrupta siue deteriorata est. §. 13.

10 Ut primo, ita etiam hoc capite dolus & culpa puniuntur §. 14.

11 Ex hoc capite res æstimatur quanti plurimi fuit trīginta proximis diebus retrorsus computatis, licet verbum plurimi sit prætermissum, quia ex primo capite tacitè repetitum creditur. §. 15. & §. seq.

12 Tres casus hîc distinguuntur. I. Qui corpore suo p. damnû in corpus dedit, ut qui animal in flumen proiecit, directæ legis Aquiliæ actione tenetur. II. Qui occasionem damni dedit, ut qui iumentum ita inclusit, ut fame necaretur, aut pecus in tantû exagitavit, ut præcipitaretur, vtili actione q legis Aquiliæ conuenitur. III. Qui corpus non læsit, sed alio

alio modo damnum dedit, veluti qui servum compeditum misericordia ductus solvit ut fugeret, prætoriam in factum actione tenetur. §. ult.

a Id est, plebiscito. ff. hoc tit. l. 1. §. 1.

b Id est, non iure, nec casu, sed culpa. culpa autem appellatione continetur etiam dolus. infra them. 4. in princ.

c Id est, servi. d Id est, quæ gregatim pascatur. infra them. prox.

e Retrorsus computato. infra them. 6. f Hac condemnatio in reum inficiantem crescit in duplum. ff. hoc tit. l. 2. §. 1. & supra de obl. quæ quasi ex cōtract. §. ult. & inf. de act. §. sed furti.

g Hic iure cecidit. C. quan. lic. vnic. si. iud. se vind. l. 1. & 2.

h Nisi dolo malo in eum iaculatus sit. ff. hoc tit. l. item si obstetrix 9. §. ult.

i Quia in culpa est, ut superiori casu culpa est penes eum qui illac transiit, ubi milites solent se exercere. d. l. 9. §. ult.

k Subaudi, eius, qui noticiam profitetur, ut medici: quia non caret culpâ, dum profitetur se scire, quod ignorat.

l Quia nemo debet id affectare, in quo vel intelligit, vel intelligere debet infirmitatem suam alijs periculosam fore, ff. eod. l. idem iuris 8. §. 1.

m A die interemptionis: vel à die vulneris, si mortiferè vulneratus, post longum tempus mortuus est. ff. eod. l. ait lex 12. §. 1.

n Id est, non solùm rei, sed etiam pœna persecutoria, hæc igitur ratione est actio mixta: nec non quia contra inficiantem, est in duplum infra de act. §. vi autem.

o Nec obstat quid hoc cap. cauebatur. Cuiacio in Parat. ff. hoc tit. videtur fuisse de alia quavis ratione damni dati, præter rem nostram lasam, putà utilitate aliqua interversa. sed non est frustra in hac disquisitione laborandum, quæ nullam habet utilitatem.

p Corpore suo damnum dicitur dare etiam is, qui fuste, vel gladio quem manu continent, alium percutit, aut qui saxum projicit.

q Quæ etiam vocatur actio in factum. ff. hoc tit. l. item si obstetrix 9. §. si quis hominem, & l. quemadmodum 29. §. pen. Nam omnis actio utilis potest vocari in factum, & omnis actio in factum potest appellari actio utilis, Iustinianus autem hoc loco distinguit inter actionem utilem & in factum, quia intelligit utilem civilem, in factum prætoriam.

CAP. IV. De iniurijs.

I Niuria generaliter dicitur, quidquid non iure fit, specialiter a. tem accipitur, I. Pro contumelia, vt *in hoc tit.* II. Pro culpa, vt in lege Aquilia. III. Pro iniquitate & iniustitia, vt cum iudex malè iudicat. *in princ.*

2. Iniuriam facit, I. Qui pugno pulsar, aut fustibus cædit, aut verberat. II. Qui conuiciam dicit. III. Qui bona alicuius quasi debitoris possidet, sciens eum nihil sibi debere. IV. Qui ad infamiam alicuius libellum aut carmen scribit, componit, edit, dolòue malo facit, quo quid eorum fiat. V. Qui matrem fam. hās aut prætexitatum, prætexitatūve affectatur b. VI. Qui alicuius pudicitiam attentat c. Denique multis alijs modis iniuria admittitur. §. 1.

3. Patitur qui iniuriam, I. Per semetipsum. II. Per eum, quem in potestate habet. III. Per vxorem d, non vxor per maritum e. IV. Per nurum, cuius virum socer in potestate habet. Ac potest, qui iniuriam fecit, sæpius f diuerso nomine conueniri, veluti mulieris, cui fecit iniuriam, & mariti & patris nomine. §. 2.

4. Qui iniuriam fecit, punitur, I. Actione prætoris: qua in tantum damnatur, quanti iniuriam passus æstimauerit, vel minoris, prout iudici visum fuerit. §. 7. & §. 10. II. Lege Cornelia de iniurijs, si quem pulsauit, aut verberauit g, aut domum alterius vi introiit. Domum alterius intellige, siue is in propria domo, siue in cōducta, siue gratis habitet, siue hospitio receptus sit. §. 8. tanquam ibi aliquandiu mansurus ff. *cod. l. 1. §. domum.* III. Iudicio criminali extraordinario, vbi notandum, illustres h & superillustres i hoc iudicium per procuratores posse mouere, vel suscipere k §. 10.

5. Atrox iniuria æstimatur. I. Ex facto: veluti si quis sit vulneratus, aut fustibus cæsus. II. Ex loco: veluti si in theatro, vel in foro, vel in conspectu prætoris iniuria facta sit. III. Ex persona: veluti si magistratus iniuriam passus sit, vel senator ab humili persona, vel pater à filio. IV. Ex loco vulneris: veluti si quis in oculo sit percussus. §. 9.

6. Iniuriarum tenetur, I. Qui iniuriam fecit, veluti qui percussit. II. Qui dolo fecit, vel curauit l, vt iniuria fieret, puta vt aliquis percuteretur. §. pen.

8. Hæc actio dissimulatione aboletur, & ideo si quis iniu-

riam dereliquerit, hoc est, statim passus ad animum suum non reuocauerit, postea ex poenitentia remissam iniuriam non poterit recolorere, §. vlt.

a Id est, puerum, vel puellam, nam pueri toga praetexta utebantur, usque ad annum decimum septimum.

b Id est, tacitus frequenter sequitur: assidua enim frequentia quasi praebe nonnullam infamiam, ff. h. t. l. apud Labeonem 15. §. aliud.

c Id est, blandis verbis compellat libidinis causâ, d. l. item Labeonem, §. appellare, & §. aliud.

d Dummodo is, qui iniuriam facit, sciat eam habere maritum, ff. h. t. l. cum qui 18. §. pen. e Quia uxores à viris, non viros ab uxoribus defendi, aequum est, §. patitur hic.

f Aded ut sapius poenam luat: quia cum sint plures persona iniuriam passa, plura sunt delicta.

g Pulsare est sine dolore: verberare cum dolore, ff. h. t. l. 5. §. 1. quamquam hac distinctio displicet Laurentio Valla lib. 6. c. 47.

h Ut praefectum praetorio, & praefectum urbi. i Ut consules, & patricios. Sufficiebat dicere illustres: quoniam etiam superillustres continentur illustrium appellatione, & supremus dignitatum gradus est illustratus, quo illustres & superillustres continentur.

k Id est, agere, vel conueniri, nam actor indicium mouet, reus suscipit. l Hic obtinet iuris regula, Qui per alium facit, per se facere videtur.

C A P. V. De obligationibus, quae quasi ex delicto a. nascantur.

i **Q**ui litem suam fecit, hoc est, per imprudentiam b malè iudicauit, quasi ex maleficio tenetur, & arbitrio iudicis punitur, in princ.

1 Is, ex cuius coenaculo (sive in suo, sive in cōducto sive gratis habitat) deiectū effusūve e aliquid est, ita vt alicui nocuerit, ex quasi delicto d tenetur, & in duplum dāni dati condemnatur. Ob hominem verò occisum, quinquaginta aureorum poena afficitur. Sin autem aliter homini libero nocitum sit: in quantum aequum iudici videbitur, condemnationem sustinebit. Iudex enim cōputare debet mercedes medicis praestitas, caeteraque impendia, quae in curatione facta

sunt; & operas, quibus ob id factum caruit, vel cariturus est.
§. 1.

3 Qui ea parte, qua vulgò iter fieri solet, id positum aut suspensum habet, quod potest, si ceciderit, alicui nocere, ex quasi delicto f est obligatus, ac decem aureis punitur. d. §. 1.

4. Ex dictis causis filius familiars rectè conuenitur, patrem verò suum non obligat, id est, si aut litem suam fecerit, aut cum seorsum à patre habitaret, aliquid positum vel suspensum habuit, vel ex eius ædibus g aliquid deiectum aut effusum est. §. 2.

5 Exercitor h nauis, aut cauponæ, aut stabuli, ob damnum, aut furtum in naui, caupona, stabulo factum ab iis, quorum opera ibi vritur, ex quasi delicto i tenetur x actione in factum quæ heredi datur, non in heredem. §. ult.

a Id est, ex culpa, non ex dolo. b Qui autem dolo malè iudicat, ex vero delicto tenetur veram litis æstimationem prestare, id est, tantum ei soluere, quem laesit, quantum ademit iniquè iudicando. ff. de iudic. l. filiusfam. 15. & C. de poen. iud. qui malè iudic. 1. 2.

c Deijciuntur solida, ut lapides, ligna: effunduntur liquida, ut aqua, & ius.

d Propter culpam, quam admittit, tales personas domi sue habens, qua temerè ex fenestris, & in transeuntium detrimentum effundunt, vel deijciunt.

e Nullam autem rationem habet deformitatis: quia liberum corpus non recipit æstimationem. ff. de his qui effud. vel deiec. l. 1. §. sed cum homo.

f Non ex delicto, quia ipse non posuit, nec suspendit: tantum in culpa est, quod ita positum, vel suspensum, aut patitur, aut non animaduertit.

g Id est, in quibus habitabat, siue earum sit dominus, siue non.

h Exercitor est, ad quem quotidianus nauis, aut caupona, aut stabuli questus pertinet. infra quod cum eo. §. qua ratione. & ff. de exerc. act. 1. §. exercitorem.

i Propter culpam quam committit, dum taliū hominum opera vritur. ff. naut. caup. stabul. l. ult. §. hac autem.

k In duplum. d. l. ult. §. 1.

CAP. VI. De actionibus.

Actio est ius *a* persequendi *b* in iudicio *c*, quod sibi debetur *d*. in princ.

1. Actio multis modis diuiditur. Prima diuisio est in realem & personalem *e*. Posterius *them*. 10. adicietur tertium membrum, id est, actio mixta *f*. Personalis datur cōtra obligatum ex contractu, vel ex maleficio *g*. actor enim intendit aduersarium dare, aut facere, aut pati. aut non facere *h* debere. Realis contra eum competit, cui fit de aliqua re contro- uersia, cum nullo iure obligatus sit. Et vel est de re corpora- li; vt rei *i* vindicatio, quæ datur ei qui se dominum asserit, aduersus possidētē *k*. §. 1. vel de incorporali: vt actio con- fessoria, qua vindicatur seruitus, siue personalis, vt vsusfru- ctus, vsus: siue realis, vt rustici urbanive prædij: & actio negatoria, qua actor negat rem suam seruire, consequenter vindicat eius libertatem *l*. Huiusmodi negatiua, actio in rebus corporalibus locum non habet. in his enim is agit. qui non possidet: ei verò qui possidet, non est actio prodita, per quam neget rem *m* alterius esse: quamuis multis casibus possessor partes actoris sustineat *n*. §. 2.

2. Secunda diuisio est in civilem, & prætoriam. Civiles sunt, quæ ex legitimis & civilibus causis descendunt, vt dictæ actiones, rei vindicatio, & confessoria, & negatoria. Prætorix sunt, quas prætor ex sua iurisdictione comparatas habet *o*. tam in rem, quàm in personam. §. 3.

3. Prætorix actiones in rem sunt. I. Publiciana, sic dicta, quia à Publicio prætore introducta est, hac actione, qui rem cœpit vsucapere, perinde vindicat *p*, ac si iam vsucepisset §. 4. II. Rescissoria *q*. hæc autem duplex est, aut enim datur rescissa vsuraptione, aut rescissâ traditione, Priori casu dominus rem ab alio vsucaptam vindicat, quasi non sit vsucapta, quia prætor ex iusta causa *r* per restitutionē int inegrū vsucapio- nem rescindit. §. 5. Posteriori casu creditores, qui bona debi- toris non soluētis possidere iussi sunt *s*, rem quā antea pos- sessor in eorum fraudem *t* alienauerat, quasi non alienatam vindicant *u*, quia prætor alienationem rescindit. §. 6. III. Ser- uiana *x*, & quasi Seruiana *y*, siue hypothecaria *z*. Seruiana da- tur domino fudi de rebus à colono sibi pigneratis *a* pro mer- cedibus fundi. Quasi Seruiana cæteri creditores pignora siue

hypothecas persequuntur. Pignus propriè dicitur, quod traditur creditori, præsertim si sit res immobilis: hypotheca quæ nuda conventionem, id est, sine traditione creditori obligatur. §. 7.

5 Prætoriz in personam actiones sunt. §. 8. I. De constituta pecunia: qua actione tenetur, quicunque pro se vel pro alio soluturum se constituit sine stipulatione f. §. 9. II. Actio in de peculio: de qua *inf. cap. prox.* III. Actio in factum g ex iurando, ei competens, qui deferente aduersario h (suppl. vel iudice) iuravit sibi deberi i. §. 10. IV. Multæ actiones penales, ut de albo corrupto K, actio in factum in eum qui parentem l, vel patronum sine venia in ius vocavit, actio in factum in eum qui in ius vocatum m vi exemit, aut exini curavit. §. 11.

6. Actionum præiudicialium n aliæ sunt civiles, venti quæ quæritur, utrùm aliquis sit liber, an servus: aliæ prætoriz, ut de partu agnoscendo o.

7 Nemo potest petere ut res sua sibi detur: quia dare p est dominium transferre, quod autem alicuius est, nõ potest amplius eius fieri. Excipe nisi agatur contra furem condictione furtiva, nam odio furis receptum est, ut dominus petat rem suam sibi à fure dari oportere. §. 4.

8 Actio in rem vocatur vindicatio q, in personam condictione r. §. 15.

9 Tertia actionum divisio est, quod aliæ sunt rei persecutoriz, aliæ penales, aliæ mixtæ §. 16. Omnes in rem actiones rem persequuntur s. Personales actiones ex contractu rem persequuntur, excepta actione depositi, cum aduersus eum, apud quem tumultus, incendij, ruinæ, naufragij causâ deposita fuit, aut aduersus heredem eius de dolo ipsius agitur: quo casu est actio in duplum t, mixta. §. 17. Personalium actionum ex maleficiis, aliæ sunt penales, ut actio furti, aliæ rei persecutoriz, ut condictio furtiva. §. 18. aliæ mixtæ, ut actio vi bonorum raptorum in quadruplum; & actio legis Aquiliæ: (tum quia in inficiantem agitur in duplū, tum etiam quia sæpe res pluris æstimatur, quam tempore delicti valeat, siquidem æstimatur quanti plurimi eo anno, vel eo mēse fuit, *sup. lib. 3. c. 13. item. 2. c. 6.*) & actio ex testamento de legatis Ecclesiæ vel alij pio loco relicta, qui nõ solum inficiantes, sed etiā ij qui solutionē differunt donec in iudiciū vocentur, in duplū dānantur §. 19.

10. Quædam actiones vocantur mixtæ, non ut suprà dictæ, quæ simul rē & pœnam persequuntur, sed quia simul sunt in rem & in personam. Tales sunt, l. Actio familiæ eriscundæ u

quæ datur inter coheredes de diuidenda hereditate x. II. Cõ-
muni diuidendo y : qua res particularis aliquibus cõmunis
z, inter eos diuiditur. III. Finium regundorum a, qua cõfi-
nes agri distinguuntur. In his tribus iudiciis permittitur iu-
dici rem vni ex litigantibus ex bono & æquo adiudicare
b, & eum, qui per adiudicationem plus accipit, quàm ad se
pertineat, in pecuniam alteri condemnare, §. 20.

11. Quarta actionum diuisio est quadripartita, aut enim
sunt in simplum, aut in duplum, aut in triplũ, aut in quadru-
plum c. §. 21. In simplũ agitur: vt ex stipulatione, mutuo, em-
pto, vedito, locato, cõducto, mandato, §. 22. In duplũ, vt furti
nec manifesti d. lege Aquilia e: depositis quatuor illis casibus
f, cum tumultus, incendij, ruinæ, naufragij, causâ depositum
fuit: ex legato venerabilibus locis relicto, §. 23. In triplũ, vt
condictione ex lege g, in eum qui maiore vera æstimatione
h quantitatem petit, vt ex hac causa executores litiũ am-
pliores summam sportularum i nomine exigent k, quæ
actio mixta est, §. 24. In quadruplũ, vt furti manifesti l: quod
metus causa m: in factum aduersus eũ n, qui pecuniã acce-
pit, vt per calumniam alicui o negotium faceret p, vel non
faceret q: condictio ex lege in quadruplum r aduersus exe-
cutores litiũ, qui maiorem quantitatem sportularum nomine
exegerunt, quàm exigere deberent, §. 25. Notandũ est quas-
dam actiones omnimodò esse in duplum, vt furti nec mani-
festi: aliàs inficiatione duplicari, in cõfitemem reddi in sim-
plum s, vt legis Aquiliæ, & depositi in dictis quatuor ca-
sibus: vnam de legato, quod venerabili loco relicto est, nõ
solum inficiatione duplicari, sed etiam solutionis dilatione,
donec in iudicium reus vocetur: cùm is qui confitetur, &
statim soluere paratus est, in simplũ teneatur §. 26. Rursus
notandum est, quia actio quod metus causa, arbitraria est, id-
circo si reus interlocutioni iudicis obtemperans, rem resti-
tuit, eum per sententiam definitiuam non damnari in qua-
druplum, sed absolui u, quod in aliis actionibus, quæ sunt in
quadruplum, non obtinet, vt in actione furti manifesti, quia
omnimodò x reus in quadruplum condemnatur. §. 27.

12. Quinta actionũ diuisio est quod aliæ sunt bonæ fidei
y, aliæ stricti iuris z. §. 28. aliæ arbitrariæ a §. 31. Bonæ fidei
sunt, I. Empti, venditi b. II. Locati, conducti c. III. Negptiorũ
gestorum d. IV. Mandati e. V. Depositum f. VI. Pro socio g. VII.
Tutelæ h. VIII. Commodati i. IX. Pigneratitia k. X. Familia

erciscundæ, XI. Cōmuni diuidundo, XII. Æstimatoria *l*, quæ est species actionis præscriptis verbis *m*. XIII. Ex permutatione hæc quoque actio præscriptis verbis est, XIV. Petitio hæreditatis *n. d. §. 28*. XV. Actio ex stipulatu de dote *o*. Huic adiuncta sunt alia duo priuilegia *p*. Vnum est, tacita hypotheca *q* : alterum est, prælatio, quia mulier de dote agens, cæteris creditoribus *r* pignoratitiis *s* præfertur, §. 29. Comune autē omnibus bonæ fidei actionibus est, vt iudex liberam potestatem habeat ex bono & æquo æstimandi, quantū actori restitui oporteat. In quo & illud continetur, vt si quid inuicem actor debeat *t*, debitum cum credito compensetur, & in residuum tantum, si quid sit residuum, condēnatio fiat. Verū hodie *u* in iudiciis quoque strictis cōpensatio æquē locum habet ipso iure. Excipiuntur duo casus, quibus compensatio cessat. Vnus est, si debitum ab altera parte non sit liquidum. Alter est, si depositi agatur. §. 30. Arbitrariæ sunt, quæ ex arbitrio *x* iudicis pendent : quia permittitur iudici ex bono & æquo secundum cuiusque rei, de qua agitur, naturam, æstimare quemadmodum actori satisfieri oporteat : & nisi arbitrio iudicis reus actori satisfaciat *y*, condemnari *z* debet. Hæ actiones partim sunt in rem, vt Publiciana *a*, Seruiana *b* : partim in personam, vt quod metus causa *c*, de dolo *d*, de eo quod certo loco *e* promissum est, ad exhibendum *f*, *h. §. 31*.

13 Sexta diuisio est, quod actor aut petit rem certam, aut incertam. Sed quamuis de incerta quantitate vel re *g* actum sit, tamen curare iudex debet, vt quoad eius fieri possit *h*, certæ pecuniæ vel rei sententiam ferat. §. 32.

14 Cū certum quid petitur : tunc aut illud ipsum petitur, quod debetur, aut plus, aut minus, aut aliquid aliud. Plus autem petitur quatuor modis. I. Re, veluti si is, cui debentur decem aurei, viginti petat, aut si is, cuius res est pro parte, totam eam rem, vel maiorem partem petat *i*. II. Tempore : veluti si quis ante diem, vel ante conditionem petat, vt enim qui tardius soluit, minus soluere intelligitur : ita qui præmaturè petit, plus petere videtur, III. Loco : cū id, quod certo loco dari promissum est, alio loco simpliciter, id est, sine illius loci commemoratione petitur. Debet enim vti actione arbitraria de eo quod certo loco *k*, vt iudex rationem habeat utilitatis, quæ fortasse promissori competisset, si eo loco soluisset, de quo conuenit. IV. Causa : veluti si ex alternata,

alternata, aut generali stipulatione vnum petat, cum alteru-
trum petere debeat, relicta reo conuento electione vtrum
soluere malit. Exempli gratia, qui fundum aut centum sibi
dari stipulatus est, nec fundum petere debet, nec centum, sed
alternatè fundum, aut centum. Item qui amphoram vini sti-
pulatus est, non debet amphoram vini Maluatici, sed sim-
pliciter vini amphoram petere, §. 33. *vers. plus autem.*

15 Qui tempore plus petit, alterum tantum temporis ex-
pectare cogitur, ultra id quod anticipare voluit: & eo tem-
pore elapso, non prius auditur, quam omnia damna, quæ reus
ob præpropteram petitionem passus est, refarciat, C. de plus
petit. l. 1. & 2. Qui alio modo plus petit, in triplum dati
damni condemnatur, d. §. 33. *vers. sed hac quidem*, vt supra
dictum fuit *them xj. vers. in triplum.*

16 Si minus petitum, & plus probatum sit: index in id
quod probatum est, condemnare debet l. §. 34.

17 Qui aliud pro alio petit, in eodem iudicio in erro-
rem suum corrigere n, potest o. §. 35.

18 Septima diuifio est: quod aliæ sunt actiones simplici-
ter in solidum p: aliæ limitatæ, vt peculio tenus, vel quate-
nus reus facere potest, vel aliqua deductione facta. Nam I.
Actio de peculio q eatenus patrem debitoris filij condem-
nat, quatenus in peculio est, §. 36. II. Actione r de dote ma-
ritus condemnatur, quatenus facere potest, ac deductis neces-
sariis sumptibus in rem dotalem factis, §. 37. III. Parens, pa-
tronus, socius iudicio pro socio s conuentus, donator t, non
in plus damnantur quam facere possunt u. §. 38. IV. Com-
pensatio appositæ condemnationem minuit, §. 39. & supra
them. 12. vers. in quo & illud V. Qui bonis cessit, si postea
aliquid acquisierit, quod idoneum & emolumentum habeat,
in tantum conuenitur y, in quantum facere potest §. ult.

a Proinde est res incorporalis, C. de præscript. long. temp. l.
ult. *vers. idè, nam quacumque in iure consistunt, incorpora-*
lia sunt, supra de reb. corpor. & incorpor. *vers. incorpo-*
rales.

b Latè accipe, non restringens ad persecutiones extraordi-
narias, vt in l. pecuniæ verbum, 178. §. actionis, ff. de verb.
signif.

i. Propriè loquendo, in iudicio est coram indice pedaneo: in
iure, coram i. us dicente, sed hac interdum confunduntur, vt
in

in l. 4. §. 1. ff. de interrog. in iur. faciend. & hîc.

d Debendi quoque verbum hîc latè accipitur, ut hac definitione comprehendatur etiam rei vindicatio, qua rem nostram persequimur, nam propriè loquendo verbum debendi refertur ad obligationem, qua parit actionem in personam: & in hac augusta significatione deberi nobis non potest, quod nostrum est, ff. de auro & argen. legat. l. Quintus, 27. l. scribit, 34. in princ.

e Quemadmodum duo sunt rerum attributa, dominium, & obligatio: ita duo sunt actionum genera, actio in rem qua ex dominio oritur: & actio personalis, qua ex obligatione nascitur. Res cum dico, non solum intellige corpora, sed etiam res incorporales, ut servitutes & possessionem, nam hæc quoque res si nostra sint, in rem actione petuntur: si nobis debita, in actionem personalem veniunt.

f Qua simul est in rem, & in personam: proinde non constituit novum actionum genus: quod enim mixtum est, sub simplicibus continetur, gl. in l. 2. ff. de verb. oblig.

g Appellatione contractus significatur etiam quasi contractus, & appellatione maleficij etiam quasi maleficium, ut alibi sæpe.

h Obligatio igitur vel in dando, vel in faciendo, vel in patiendi, vel in non faciendo consistit, sed hæc quatuor membra ad duo referri possunt. id est, ad dare & facere. Suprà de verb. oblig. in princ. ita ut faciendi vocabulo etiam pati, & non facere contineantur.

i Id est, corporis. Nota rei vindicationem esse speciem vindicationis, nam omnis actio in rem appellatur vindicatio, infra hoc tit. §. appellamus, itaque cõfessoria & negatoria sunt vindicationes, qua tamen hîc distinguuntur à rei vindicatione.

k Id est, detinentem, & rei restituenda facultatem habentem, ff. de rei vindic. l. officium, 9. Nota rei vindicationem requirere dominum ex parte aëtoris, & possessionem ex parte rei conuerti.

l Hinc rectè vindicatio dici potest. Cuiacius negans hanc actionem esse vindicationem, ad servitutem respexit, non ad libertatem, eo deceptus, quod negatoria nomen hac actio accipit à servitute, quam negat, sed hoc non obstat, quò minus vindicatio libertatis rectè dicatur.

m Nam aëtor intentionem suam affirmatione sui iuris, non negatione alieni iuris fundare debet. Sed cur hæc ratio non

noctet actioni negatoria de rebus incorporalibus? Quia seruituti contraria est libertas, quare negans seruitutem, asserit libertatem, & hac assertionem intentionem suam fundat. Corpori vero nihil est contrarium: & cum quis negat corpus esse alterius, inde non potest affirmatio colligi: qua fundetur actoris intentio.

n Ut reus in exceptione fungitur partibus actoris, id est, probandi onus sustinet, ff. de probat. l. in exceptionibus, 19. in princ. nam fungi partibus actoris, nihil aliud est, quam probandi onus subire, quod regulariter incumbit actori, ff. de oper. nou. nunciat l. priusquam, 19. in princ.

o Non dicuntur pratoria, quacumque à pratore in edicto proponuntur: quia prator tam civiles, quam pratorias actiones dabat: idcirco tam illas, quam has in edicto proponit. Exempli causâ, prator proponit actionem de constituta pecunia pratoriam, ff. de pecun. constitut. l. 1. & commodati civilem, ff. commod. l. 1.

p A quocumque possessore, praterquam à vero domino, ff. de public. in rem act. l. pen. & ult.

q Non vocatur rescindens, sed rescissoria: quia non rescindit, sed per rescissionem competit, & est actio utilis, non directâ: quia directâ est amissa: & omnis actio qua amissa restituitur, ex directâ sit utilis: & si civilis à pratore restituatur, euadit pratoria.

r Ut quia dominus reipublica causâ aberat, dum res usu caperetur.

[Secundo decreto, nam primo decreto tantum in possessionem mittuntur custodia & pignoris causâ, sed non possident.

t Ne à creditoribus possideri posset. Nota, ut actioni rescissoria sit locus, fraudem requiri tam in animo debitoris alienantis, quam in re ipsa, id est, opus est, ut debitor res suas alienaret in hunc finem, ut creditores suas fraudaret, & ut re ipsa eos fraudauerit, quia ex reliquis bonis non possit eis satisfieri, ff. quæ in fraud. credit. l. ait prator. 10. §. 1.

u Nota creditores, postquam secundo decreto possidere iussi sunt, habere vindicationem rerum, quas possidere iussi sunt, id est, quas inuenerunt in bonis debitoris, & rescissoriam, id est, utilem rei vindicationem, quod ad res, quas antea debitor fraudulenter alienauit.

x Sic dicta est ab auctore, id est, à Seruio pratore. y Qua nō datur ex verbis, sed ex mēte & interpretatione edicti Seruiani.

2 Sic dicitur, quia persequitur hypothecam seu pignus, nam inter pignus & hypothecam, quod ad hanc actionem attinet, nihil interest, alias differentia est, qua mox in contextu subiicitur.

a Expressa conventionione: quia tacite non obligantur, ff. in quib. cau. pign. tac. contrah. l. 4. in princ.

b Vel deterioratione fundi. c Pecunia appellatione significatur quaecunque res, C. de constit. pecun. l. 2.

d Vel civiliter; vel naturaliter obligato, ff. de pec. const. l. 1. §. debitum autem, & §. seq. Sin autem nullo iure debitum sit: constitutum non valet, ff. eod. l. haftenus 11.

e Certa die: qua si praetermissa sit, subauditur tempus decem dierum, ff. eod. l. promissor. 21. §. 1.

f Nota speciale hic esse, ut ex nullo pacto detur actio.

g Id est, actio utilis ex ea causa, de qua iuratum est: veluti si iuravit se emisse, habet utilem actionem ex empto.

h Vel iudice, ff. de iureiur. l. admonendi, 31. in fi. & C. de reb. cred. l. 3. Qui vero nemine deferente, sponte sua iurat, frustra iurat. ff. de iureiur. l. 3. in princ.

i Qui autem iuravit rem suam esse, habet quidem actionem in factum ex iureiurando, sed in rem, non in personam, ff. eod. l. nam posteaquam. 9 §. ult. l. sed si possessori, 11. §. 1.

k Hac est actio popularis in eum, qui id, quod iurisdictionis perpetuae causa in albo, vel charta, vel alia materia a pratore propositum est, dolo malo corrumpit, aut sustulit, aut corrumpi mandavit, poena autem est 500. aureorum, ff. de iurisdic. l. 7.

l In quinquaginta aureos, ff. de in ius voc. l. pen.

m In quantum res ab actore aestimata est, ff. ne quis cum qui in ius vocat. l. pen. §. 1.

n Praiudicia seu praiudiciales actiones dicuntur: quia si cum aliis iudiciis concurrant, ante illa agitantur, & illis praiudicium faciunt, verbi gratia si queratur, an aliquis sit haeres legitimus, & liber: prius querendum, an sit liber: quia, nisi liber sit, haeres legitimus esse non potest.

o Id est. cum quaritur, an aliquis sit filius, neene.

p Proprie acceptum, interdum enim dare latius accipitur: ut cum dicimus utendum dare.

q A vi imaginaria, qua solemnitatis ergo olim in iudicio reali adhibebatur.

r A denunciatione olim in his iudiciis usitata, quia locus & dies litigandi significabatur, nam condicere est denunciare.

[Non

f Non è contrario omnes actiones res persecutoria sunt in rem.

t Suprà cap. 62. in fin. u Vide suprà cap. 62. memb. 3. & ibi notata.

x Huic diuisioni accedunt praestationes personales, quarum ratione hac actio est personalis: nam respectu diuisionis est actio in rem.

y Vide d. memb. 3. li. 3. c. 18. & ibi notata. z Sine ex causa societatis, siue sine societate, veluti quia eadem res duobus legata est, ff. commu. diuid. l. 2. in princ. Illo casu est actio ex contractu: hoc casu ex quasi contractu.

a Id est, dirigendorum. b Quod adiudicatur, statim fit eius cui adiudicatur, infra de offic. iud. §. ult.

c Vera quadruplum nulla est actio. d. suprà de oblig. quæ ex delict. §. poena.

e Cum agitur in reum inficiantem, infra hoc them. vers. notandum.

f Aliàs actio depositi est in simplum, ff. de pos. l. 1. §. 1.

g Multa sunt conditiones ex lege, nam quotiescumque lex nouam actionem dat, nec tribuit illi actioni nomen: toties vocatur condictio ex lege, ff. de condict. ex leg. l. 1. Hoc loco loquimur de condictione ex lege Iustiniani in eos, qui plus debita quantitate petunt.

h Id est, qua re vera debetur, i Sportula metonymia continentis pro contento, significat pecuniam, qua in sportula deferitur: sed hic angustè accipitur pro eo, quod datur vocatoribus siue executoribus litium: quamquam sportula etiam iudicibus dantur.

k A reo conuenio, nam quo plus petitur, eò maiores sunt apparitoris siue executoris sportula. C. de fructib. & lit. expens. l. 4. Theophilus indicat in centenos aureos petitos, diuidiatum aureum à reo praestari apparitori. Constitutio Iustiniani, qua modum sportularum statuebat, hodie non extat.

l Suprà de oblig. quæ ex delict. §. poena. m Hac actione tenetur, qui metu illato rem sibi dari compulit, nec non is, ad quem ea res peruenit, licet ipse metum non fecerit, tenetur (inquam) intra annum in quadruplum, nisi rem arbitrati iudicis restituat, post annum in simplum, ff. quod met. caus. l. 9. §. ult. l. item si cum exceptione, l. 4. §. 1. & §. in hac actione.

n Hac actio intra annum est in quadruplum, post annum in simplum, ff. de calum. l. 1. in princ.

o Id est,

o Id est, non ei pecuniam dedit, sed alij, veluti, do tibi pecuniam, ut iudicio vexes Titium, hoc casu actio non mihi, sed Titio datur, ff. epd. l. 3. §. ult.

p Litem moueret, vel eum accusaret, ff. cod. l. 1. §. 1.

q Sub. ei qui pecuniam dedit, hoc casu is in factum agit, qui pecuniam dedit, d. l. 2. in fia.

r Hanc actionem Iustinianus introduxit. (Vide supra de oblig. quæ quasi ex delict. them. ult.

r Coniun. §. ult. supra de obligat. quæ qua. ex contract.

u Vide l. item si cum exceptione, l. 4. §. 1. & §. hæc autem, ff. quod met. caus.

x Etiam si rem restituat. y Qua ex sua natura hoc habent, ut iudex ex bono & aequo condemnare, vel absolvere possit, non adstrictus certa formula, nec rigori iuris.

z Qua ex sua natura hoc habent, ut iudex sit certa formula, & stricto iuri adstrictus.

a Qua ex sua natura sunt stricti iuris, sed ex accidenti sunt bonæ fidei: ut cum quis stipulanti promisit se certo loco soluturum: nam actio ex stipulatu est stricti iuris: sed si alio loco agatur, in libello conuentionali facienda est mentio loci, quo solui debuit, ne plus loco petatur, infra hoc tit. §. plus autem, atque hac loci adiectio reddit actionem arbitrariam: quia iudex arbitrari debet, id est, aestimare, quanti vel actoris, vel rei conuenti interest, eo potius loco solui de quo conuenit, quam ubi agitur, ff. de eo quod cer. loc. l. 2. in princ. & §. ult. l. §. 6. & 7.

b Id est, tam actio empti, quæ datur emptori contra venditorem, quam actio venditi, quæ datur venditori contra emptorem.

c Id est, tam actio locati, quæ datur locatori, aduersus conductorem, quam actio conducti quæ datur conductori aduersus locatorem.

d Tam directa quam contraria, de quibus dictum est supra c. 6 l. memb. 1.

e Tam directa, quæ datur mandatori contra mandatarium; quam contraria, quæ datur mandatario contra mandatorem.

f Tam directa, quam contraria, de quibus dictum est, supra l. 3. cap. 6. them. §.

g Hæc actio est utrimque directa. h Tam directa, quam contraria, de quibus dictum est, supra lib. 3. cap. 17. memb. 2.

i Tam

i Tam directa, quam contraria, de quibus dictum est supra lib 3. cap. 6. them. 4. memb. 2.

k Tam directa qua debitor soluto debito repetit à creditore pignus; quam contraria qua datur creditori aduersus debitorem, puta ad repetendas necessarias impensas in rem pignoratam factas, vide sup. l. 83. cap. 6. them. vlt. & ibi notata.

l Aduersus eum qui rem aestimatam certo pretio vendendam accepit hac lege, ut vel rem, vel aestimationem restituat. De hac actione agitur sub tit. ff. de aestim. act. Alia est actio aestimatoria, qua etiam vocatur quanto minoris, qua emptor, qui ignorans rei emptæ vitium, rem carius emit, partem pretij repetit, ff. de edil. edict. l. sciendum, in §. vlt. l. iustissime 4 §. §. vlt. l. si tamen 48. §. non nocbit.

m Actio praescriptis verbis dicitur, quia praescriptis verbis rem gestam demonstrat. C. de transact. l. 1. in fi. Datur autem I. Ex contractibus nominatis, praesertim si pactum sit eis appositum, C. de pact. int. empt. l. 2. II. Ex contractibus innominatis, ff. de praescript. verb. l. 5. ut ex permutacione. infra memb. prox. III. Ex contractu dubio, veluti cum res datur aestimata, ut vel pretium, vel res restituatur, ut hic. & ff. de aestim. act. l. 1. Regulariter est stricti iuris, exceptis duobus casibus hic expressis, id est, cum aestimatoria, vel ex permutacione agitur.

n Hac actio datur heredi contra eum qui ius vel rem hereditariam pro herede (id est, putans se esse heredem) vel pro possessore (id est, mala fide) possidet, ff. de haered. petit. l. regulariter, 9. & III. seqq.

o Id est, quia maritus petit dotem, vel soluto matrimonio conuenitur ad dotem restituendam: utroque enim casu actio ex stipulatu est bona fidei. Aliàs constat actionem ex stipulatu esse stricti iuris.

p Præter supra dictum, quod est bona fidei, q Hoc privilegio gaudet maritus exigens dotem, & mulier eam soluto matrimonio repetens, C. de rei vxor. act. l. vu. §.

r Etiam tempore anterioribus, C. qui pot. in pig. hab. l. vlt. qua mihi videtur perspicue præferre mulierem in dotis repetitione etiã prioribus mariti creditoribus expressam hypothecam habentibus, licet hac de re Doct. disputent. & communiter mulierem præferant creditoribus anterioribus habentibus tacitam hypothecam, non habentibus expressam.

s Et multo magis sine dubio chirographarii. Pignoratitij creditoris

creditores sunt, quibus res pignori obligata est, adeo ut non solum personalem, sed etiam hypothecariam actionem habeant, chirographarij vocantur, qui pignus non acceperunt, quia plerumque solent accipere chirographum à debitore.

l Liquidò. u Ex Iustiniani constitutione. C. de compensat. l. ult.

x Interlocutioni. y Puta rem restituat, vel exhibeat, vel soluat.

z Sententia definitiva. a De qua supr. them. 4. membr. 1.

b De quibus supr. them. 4. membr. 3. c De qua supr. them. 11. vers. in quadruplum.

d Actio de dolo est pratoria, subsidiaria. ff. de dol. l. 1. §. 1. & §. ait prætor, arbitraria, ff. eod. l. arbitrio 18. in princ.

e Lege notata ad princ. huius them. in verbo arbitrariæ.

f Hac actio datur ei cuius interest rem exhiberi. ff. ad exh. l. 3. §. sciendum, §. plus dicit, & §. Pomponius, aduersus eum, qui rem tenet, exhibendique facultatem habet, d. l. 3. cum sim. ut nisi arbitrio iudicis exhibeat, in tantum condemnatur, quanti actoris interest, §. præterea, in fin. hic.

g Id est corpore, seu specie, ut Stichus. h interdum sententia certa ferri potest, ut quia petatum fuit id quod interest, quod est res incerta, sed in iudicii progressu probatum est quanti interest, in hanc igitur quantitatem probatam, qua certa est, condemnatio fieri debet: interdum necesse est incertam sententiam ferri, veluti cum petita est res incorporalis: nam omnes res incorporales in iure dicuntur incertæ. Item incerta condemnatio fit in specie, l. 3. ff. si pars hæredit. petat.

i Ne intelligas maiorem residua parte, sed maiorem quam debeat: veluti si is cui sextans debetur, quadrantem petat, nam quadrans non est maior pars assis, nec maior parte residua, id est, besse sed maior sextante debito.

k De qua dixi supr. them. 12. in princ. in verbo arbitrariæ.

l Ex constitutione Zenonis contra regulam illam, quod sententia debet esse conformis libello, ff. commun. diuid. l. ut fundus 16. & C. de fideicom. libert. l. ult. Nec requiritur libelli emendatio, ut falsò putant Doct. quia caruerunt Zenonis constitutione, qua nunc extat sub tit. de plus petit. ordine prima.

m Ergo etiam post litem contestatam: quia non est iudicium ante litem contestatam, ff. rem rat. hab. l. amplius 15.

n Nota errorem libelli posse corrigi etiam in substantialibus nam res petita pertinet ad substantiam libelli.

o Non

o Non ex constitutione Zenonis, qua de hoc casu non loquitur, de C. plus petit. l. 1. sed ex vetustiori iure, ff. de noxal. act. l. 4. §. ult.

p Ut pleraque regulariter. q De qua tit. seq.

r Ex stipulatu supra them. 1 2. membr. 1 5.

f Si alia actione conveniatur, non habet hoc beneficium, nisi sit omnium bonorum socius, ff. de re iudic. sunt qui 16. sed in actione pro socio, item beneficium tribuitur unius rei socio, ff. pro soc. l. verum 63. in princ.

t Hic, si per stipulationem se obligavit, convenitur actione ex stipulatu; si nudo pacto donavit, tenetur conditione ex lege, id est, ex constitutione Iustiniani, C. de donat. l. si quis argentum 35. §. sin autem, & Nou. 162. cap. 1.

u Alij dicuntur facere, id est, solvere posse deducto ne egeant: solus donator deducit etiam as alienum, ff. de re iudic. l. inter eos 19. §. 1.

x Non exiguum. y Quia iniquum est bonis spoliatum conveniri in solidum, ut ait Imperator in fin. huius tit.

CAP. VII.

Quod cum eo qui in aliena potestate est, negotium gestum esse dicitur.

1 **Q**ui cum filiofamilias iussu patris contrahit, contra patrem habet actionem prætoriam quod iussu in solidum a. §. 1. adhibitis vers. & quia, in princ. & §. 6.

2. *Exercitoria* est actio prætorica in solidum, quæ datur in exercitorem ex contractu magistri, dummodò eius rei gratiâ, cui præpositus fuit, contraxerit. Exercitor est, ad quem quotidianus navis b quæstus pertinet. Magister est, qui naui præpositus est, §. 2. seu cui totius navis cura incumbit, ff. de exercit. act. l. 1. §. 1.

3 *Institoria* est actio prætorica in solidum, quæ datur ex contractu institoris, adversus eum qui institorem tabernæ, aut cuilibet negotiationi præposuit, dummodò institor eius rei gratiâ contraxerit, cui præpositus est, nam qui negotiationibus præponuntur, institores vocantur, d. §. 2. quia negotio gerendo instant, ff. de instit. act. l. 3.

4. Si filiusfamilias in merce peculiari, sciente patre, negoti-

ietur ; & quid cum eo eius rei causâ contractum erit : iure prætorio, quidquid in his mercibus erit, quodque inde receptum erit, id inter patrem, si quid ei debetur d, & ceteros creditores pro rata portione e distribuitur. quam distributionem ipsi patri prætor permittit. sed si quis ex creditoribus queratur quasi minus acceperit f, quam accipere debuerit actionem prætor ei accomodat, quæ *tributoria* appellatur g. §. 3. adhib. §. 1. & §. 6.

5 Quamvis sine voluntate patris negotium gestum sit, tamen siue quid in rem h eius versum fuerit, id totum præstare debet creditori filij i ; siue quid non sit in rem eius versum, id eatenus præstare debet, quatenus peculium (subaudi, profectitium) patitur. In rem autem patris versum intelligitur, quidquid necessariò in rem eius si ius impendit. At licet una sit actio k, qua de peculio, & de in rem verso agitur, tamen duas habet condensationes: quia iudex antè dispicit, an in rem patris versum sit, nec aliter ad peculij æstimationem transit, quam aut nihil, aut non totum in rem patris versum sit. In peculio autè æstimando antè deducitur, quod filius patri l, vel alij in eiusdem patris potestate constituto m debet n. §. 4.

6 Si exercitoria vel institoria actio concurrat cum actione de peculio, & de in rem verso: rectius actor faciet si exercitoriam vel institoriam eligat, quippè qua facilius solidum consequetur, vitata difficultate probandi in rem patris versum esse, vel tantum esse in peculio, ut solidum solui possit. §. 5. adhib. §. 1. & §. 6.

7 Quando tributoria cum actione de peculio & de in rem verso cõcurrit, actor dispicere debet, utra sibi utilior sit: quia in tributariâ non venit totum peculium o, sed tantum merx peculiaris, pater verò ceteris creditoribus exequatur p: in actionem autem de peculio è contrario venit totum peculium, sed mater deducit quod sibi debetur, ut ex eo quod in peculio remanet, aliis creditoribus satisfiat. Certè qui probare potest, in rem patris versum esse, de in rem verso agere debet q. §. 8. *vers. ei quoque.* adhib. §. 1. & §. 6.

8 Qui mutuum pecuniam r filiofamilias dedit, exceptione s senatuscõsulti Macedoniani summonetur; siue contra filiumfamilias, adhuc in potestate constitutum, vel sui iuris factum agat; siue contra parentem t qui cum adhuc in potestate habet, vel emancipavit u. Ratio senatuscõsulti est, quia filijfamilias onerati ære alieno ob pecunias mutuo acceptas, quas

quas luxuriosè consumeabant, sæpe vitæ parentum insidiabantur x. §. pen.

9 Quicumque actione quod iussu, vel de in rem verso, vel exercitatoriâ, vel institoriâ tenetur, etiam directâ conditione conueniri potest, quasi ipse contraxerit, §. ult.

a Non omnino in solidum, sed quatenus pater iussit, quâ ratione distinguitur ab actionibus in solidum aduersus eum qui in potestate habet, competentibus, ff. de pecul. l. 1. in princip. & §. 1.

b Hic agitur tantum de nauis exercitore, supra autem de oblig. quæ quasi ex deli & §. ult. etiam de exercitore canponæ, aut stabuli.

c Nota institoriam dici ab eo, ex cuius contractu agitur: exercitoriam verò ab eo contra quem agitur.

d Naturaliter a filio, nam inter patrem & filium, qui in eius potestate est, non consistit ciuilis obligatio, sed tantum naturalis, ff. de cond. indeb. l. frater à fratre 3 §. 1. & 2.

e Sub. eius quod singulis debetur.

f Minus accipere dicitur etiam is, qui nihil accipit, ff. de tribut. act. l. 7. §. si cuius.

g A tribuendo, id est, distribuendo.

h Id est, in utilitatem, i Id est, ei qui cum filio contraxit. Intellige filium in potestate patris constitutum.

k Vna est actio, cum de peculio, & de in rem verso agitur: quia quod in rem patris versum est, patrem filio naturaliter obligat, consequenter in peculium imputatur, ff. de pecul. l. 7. §. pen. Sed cum filio emancipato vel mortuo actio de peculio reddatur annualis, actio autem de in rem verso maneat perpetua: cerè post annum propria actio est de in rem verso distincta ab actione de peculio, ff. de in rem vers. l. 1. §. 1.

l Quia sicuti quod pater filio naturaliter debet, peculium auget, ita quod filius patri debet, peculium minuit.

m Per hunc enim patri acquiritur: quia non minus naturalis, quàm ciuilis obligatio per filium patri acquiritur, et s. Rotomano aliter videtur.

n Naturaliter, o In hoc deterior est actio tributaria, quàm de peculio.

p Quantum ad hoc melior est actio tributaria, quàm de peculio, in qua dominus omnibus aliis filij creditoribus praefertur, quia de peculio deducitur, quod filius patri debet.

q Verbum debet, hoc loco non necessitatem, sed utilitatem significat.

i. Intellige pecuniam numeratam, nam in frumento, vino, & aliis rebus mutuo datis S.C. cessat. C. de Senatusc. Macedon. l. 7. §. mutui.

f Exceptio, cum sit actionis exclusio, ff. de except. l. 2. in princ. actionem supponit, ut priuatio habitum, quare nisi actio detur, exceptioni locus esse non potest. Quid ergo est, quod intit. ff. de Senatusc. Macedon. modo dicitur dari exceptionem, modo denegari actionem? Cuiacius respondet dici actionem denegari, qua cum effectu non datur. Quae responsio satisfacere non potest. Sciendum igitur est, quoliescumque factum, ex quo oritur exceptio dubium est, praetorem dare actionem cum exceptione, veluti, Si patet Titium Mauius mutua centum dedisse, nisi contra Senatusc. Macedonianum, dederit, condemnat iudex, vel, nisi Mauius Titio deferente iurauerit se centum mutuo non accepisse, cum autem factum certum est, puta cum mutuum contra Senatuscons. datum esse, vel debitorem iurasse constat, praetor nec actionem nec exceptionem dat, sed actionem denegat, ff. de iureiur. l. nam posteaquam 9. in princip. secundum hanc distinctionem intelligenda & concilianda sunt leges tit. de Senatuscons. Macedon. quae videbantur inter se contraria.

r Quia pater ex contractu filij tenetur de peculio. Quid si iubente aut consentiente patre filiusfam. mutuum acceperit, certe Senatuscons. Macedonianum non habet locum, proinde exceptio Senatuscons. cessat, ubi actio quod iussu, competit, ff. de Senatuscons. Macedon. l. 7. §. interdum, l. si tantum 12. l. filium 14. Idem dicendum, si in rem patris versum sit, aded ut competat actio de in rem verso d. l. 7. §. proinde.

ii Post emancipationem intra annum actione de peculio conueniri pater potest, ff. quando act. de pecul. ann. est l. 1. in princ. & §. 1.

x Ergo fauore patris, non filij factum est Senatuscons. consequenter filius huic beneficio renunciare non potest.

C A P. VIII. Si quadrupes pauperiem a
fecisse dicatur.

SI brutum animal, ut equus calcitrosus, aut bos cornu-
ta, lasciviâ aut feruore, aut feritate, contra sui generis
naturam b concitatum, pauperiem fecerit, noxalis actio c
ex lege xij. tabularum, in dominum eius competit, ut si ani-
mal illud noxæ dedat d, liberationem consequatur. in princ.

2 In animalibus igitur naturâ feris, ut vris, & leonibus,
hæc actio (subaudi directa e) cessat Denique si vris fuge-
rit à domino, & sic nocuerit, non potest quondam dominus
conueniri, quia dominus esse desuit, ubi fera euasit. §. 1.

3 Pauperies est damnum sine iniuria facientis datum.
Nec enim potest animal, quod ratione caret, iniuriam f fa-
cere, §. vltim.

4 Ædilitio edicto prohibemur canem, verrem, aprum,
vrsu, leonem ibi habere, quâ vulgò iter fit. Qui contra edi-
ctum habuerit, si homini libero nocitum sit, arbitrio iudicis
damnabitur, si aliud damnum datum sit, in duplum condem-
nabitur. Cum hac actione ædilitia concurrat actio noxalis
saltem utilis g, ubi animal naturâ ferum h nocuit. Num-
quam enim si actiones, præsertim pœnales, de eadem re con-
currant, alia aliam consumit, §. vlt.

a Pauperies damni specie³ est, ac definietur infra hoc ti-
them. 3.

b Non contra suam ipsius naturam.

c Noxalis actio est, quæ conuentus cogitur, aut noxam sar-
cire, aut corpus, quod nocuit, in noxam dedere, ff. hoc tit. l. 1. §.
cùm arietes. Noxa autem significat vel ipsum factum, ff. de
noxal. act. l. 1. quod & noxia dicitur, supra eod. §. 1. & ff.
hoc tit. l. 1. in princ. vel pœnam, d. §. cùm arietes, vel corpus
quod nocuit, supra tit. prox. d. §. 1.

d Per hanc deditionem dominus fit is, cui deditur, supra tit.
prox. §. dominus.

e Cessat actio directa ex verbis edicti, ac datur utilis, infra
them. 4.

f Ius & iniuria propriè loquendo, non cadunt in bruta.

g Non directa, supra them. 2. h Quod non recepit se in
naturalem libertatem, supra them. 2. in fine, possit noxa dedi.

C A P. I X. De iis, per quos agere possumus.

Agere aliquis potest, I. Suo nomine, II. Alieno nomine; vt procuratorio, tutorio, curatorio, in princ.

2. Procurator mandato constituitur, cum dominus ei rem suam administrare, vel agere, vel defendere a permittit, Quare nec certis verbis, nec presentia, vel scientia aduersarij opus est, §. 1. De tutoribus autem & curatoribus constituendis lib. 1. de tutel. dictum fuit, §. ult.

a Hinc alius est procurator actoris, alius rei: nam de procuratore ad lites & iudicia hic loquimur, non de procuratore ad negotia extraiudicialia.

C A P. X. De satisfactionibus a.

Reus suo nomine conuentus, non cauet iudicatum solui b: sed pro sua tantum persona, quod in iudicio manebit usque ad terminum litis, vel iurato cauere, vel repromittere, vel satisfacere c, pro qualitate personae suae compellitur, §. 2.

2. Qui alieno nomine agit, si dubitetur d an sit procurator, vel tutor, vel curator, necne, satisfacat rem ratam dominum habiturum, §. 3.

3. Si reus praesens procuratorem dare paratus sit, pro eo iudicatum solui fideiubere potest; ita vt in eam causam res suas obliget; & insuper pro sua persona caueat, quod tempore sententiae recitandae in iudicium veniet, vt sententiae satisfaciat, vel, se non veniente, fideiussor a se datus satisfaciet, nisi fuerit appellatum, §. 4.

4. Qui reum absentem defendit, satisfacere debet iudicatum solui. Nemo enim alienae rei sine satisfactione idoneus defensor intelligitur, §. 5.

5. Hae satisfactionum regulae vbique sunt obseruandae, §. ult.

a Satisfactio est cautio, qua fit datis fideiussoribus, ff. qui satisfd. cog. l. 1. & interdum pignoribus, ff. de coll. bon. l. 1. §. iubet, sed

sed cautiones prætoria, quales sunt hæc, de quibus hoc tit. agitur, personarum fideiussorum desiderant. ff. de stipul. præ. l. 7. Alia est cautio iuratoria, qua iureiurando confirmatur, alia est nuda cautio, seu repromissio, quæ fit per simplicem stipulationem sine iureiurando, sine fideiussoribus, & sine pignoribus: ceterum in hoc tractatu regulariter satisfidatur, ut hæc rubr. indicat, id est, his exceptis, de quibus specialiter constitutum est, ut iuratoria cautioni, vel promissioni sua committantur.

B Cautio indicatum solui ex parte rei conuenti præstatur, ac tres habet clausulas, 1. Indicatum solui, id est, si condemnatio sequetur, id solutum iri, quod in condemnationem venerit, 2. de re defendenda, id est, reus defensum iri, 3. de dolo, id est, dolum malum abesse, abfuturumque esse. ff. iud. sol. l. 6.

C Repromittit res pub. ff. ut leg. nom. cau. l. 6. §. 1. & interdum Clerici, C. de episc. & cler. l. cum clericis, §. 1. l. omnes 33. §. in hac autem. Iurant viri illustres, C. de dignit. l. pen. & rerum immobilium possessores, C. de princip. agent. in reb. l. ult. Ceteri satisfidant datis idoneis fideiussoribus, sed excipiuntur parentes, & patroni, à quibus qualemcumque fideiussorem accipere oportet ff. qui satisfid. cog. l. 1. §. prætor.

b Aut constat eum esse procuratorem, vel tutorem, vel curatorem: aut constat non esse: aut dubitatur. Primo casu admittitur sine cautione: quia dominus non potest non habere ratum. Secundo casu repellitur, etiamsi satisfactionem offerat, nisi sit coniuncta persona, cui permissum est agere sine mandato. Tertio casu de rato cauet.

CAP. XI. De Perpetuis & temporalibus actionibus, & quæ ad hæredes & in hæredes transeunt.

Ciuiles actiones sunt perpetuæ: sed certo tempore ex constitutionibus concluduntur. Prætoriarum partim sunt annales **b**, ut actio vi bonorum raptorum in quadruplum: partim perpetuæ, ut quæ bonorum possessoribus, & fideicommissariis vniuersalibus accommodantur quasi hæredibus, & actio furti manifesti, in princ.

a Poenales ex maleficiis actiones (siue sint merè poenales, ut actio furti; siue mixtæ **c**, ut vi bonorum raptorum) hæredibus

regulariter dantur: (excipitur actio iniuriarum, & si qua alia similis d est) in heredes autem non competunt, nisi contra defunctum lis contestata fuerit. §. 1.

3 Actiones ex contractibus regulariter non solum dantur heredibus, sed etiam contra heredes. Quibusdam tamen casibus e, ubi defunctus dolose versatus est, & mihi ad heredem ex eo dolo peruenit, heres non tenetur. d. §. 1. *vers. aliquando.*

4 Si reus tempore litis contestatae condemnari mereatur, & ante rem indicatam factori satisfaciat, officio iudicis conuenit eum absolvere. Hinc dictum est, omnia iudicia esse absolutoria: non quia semper reus absoluitur, sed quia semper contingere potest, ut absoluitur.

a Triginta, vel quadraginta annorum. b Anno utili terminantur. ff. de vi & vi ar. l. 1. §. annus.

c Nota appellatione actionum poenaliu contineri etiam mixtas, supra de leg. Aqu. §. his autem. verb qua ratione.

d Ut actio in factum in eum, qui parentem vel patronum sine venia in ius vocabit. ff. de in ius voc. l. pen.

e Regulariter ex dolo defuncti datur ex contractu actio in heredem. ff. de pos. l. 7. §. 1. & de oblig & act l. ex contractibus. 49. & de diu. reg. iur. l. ad ea quæ. l. 37. l. hoc iure. l. 92. in fin. Excipitur I. Actio ex stipulatione iudicio sisti interposita in iudicio iniuriarum. ff. si quis caut. l. si eum. l. 10. §. ult. II. Actio in factum aduersus agri mensorem, qui falsum modum dixit. ff. si mens. fals. mod. dix. l. 5. §. pen. & l. 4. III. Actio tributaria. ff. de tribut. act. l. 1. §. ult. & seq.

f Si verò ante litem contestatam satisfacere paratus sit, non cogitur iudicium subire. ff. de procurat. l. si reus. 73.

CAP. XII. De exceptionibus a.

1 **R** eorum defendendorum causâ exceptiones sunt introductæ, ut actio, quæ stricto iure competi, exceptionibus æquitate elidatur. *in princ.*

2 Qui me metum, vel dolum, vel errorem id promisit quod non debebat: iure civili tenetur b, sed prætoriam exceptionem quod metus causâ, vel doli mali, vel in factum defenditur. si.

3 Qui

3 Qui tanquam mutuam accepturus pecuniam stipulanti spopondit, similiter ipso iure tenetur, sed habent exceptionem non numeratæ pecuniæ c. §. 2. de qua *suprà lib. 5. cap. 2.*

4. Qui cum creditore suo pactus est de non petendo, nihilominus ipso iure obligatus est, sed pacti exceptione defenditur. §. 3.

5 Similiter qui actore deferente iuravit se non debere. vel rem suam esse e, exceptione iusiurandi agentem in personam, aut rem vindicantem summouet. §. 4.

6 Item iudicio absolutus, f, si iterum conueniatur, exceptione rei iudicatæ se tueri potest. §. 5.

7 Exceptiones diuiduntur, I. In legitimas g. & prætorias h. §. 7. II. In perpetuas seu peremptorias, & temporales seu dilatorias. §. 8. III. Diuisio ponetur *infra cap. prox. them. 3.*

8 Perpetuæ, i seu peremptoriæ sunt, quæ semper agentibus obstant, & semper rem, de qua agitur, perimunt: vt exceptio doli mali, quod metus causa, & pacti de non petendo x. §. 9.

9 Temporales atque dilatoriæ sunt, quæ ad tempus actori nocent, & temporis dilationem tribuunt: vt pacti ne intra certum tempus petatur. Me pœna autem petentis ante tempus, dictum est *lib. 3. c. 16. them. 14.*

10 Quædam exceptiones sunt dilatoriæ ex persona, vt exceptio procuratoria l. Quidam enim prohibentur procuratoris officio fungi, vt miles, & mulier m. Infames verò tam procuratorem dare, quàm procuratores fieri possunt n. §. ult.

a Exceptio est actionis exclusio. ff. hoc tit. l. 2. b Quis exceptiones, quæ mox subiiciuntur, non ciuiles, sed prætoris sunt.

c Dummodo intra biennium conqueratur. *suprà de lit. obl.*

d Id est, iure ciuili, quo iure pacta regulariter nullum vim habent.

e Idem est, si iurauerit petitoris non esse. ff. de iureiurand. l. sed si possessori. l. 1. in princ.

f Nota primò absolutionem iudicis non liberare ipso iure, sed opè exceptionis. Nota secundò absolutione non perimi naturalem obligationem, ideoque absolutum, si soluat, non repetere. ff. de cond. indeb. l. iudex. l. 8. & l. Iulianus. 60. in princ.

g Quæ aut lege introducta sunt, vt pacti legitimi. ff. de pact. l. 6.

L6. veluti ne agatur furti, vel iniuriarum. ff. cod. l. 7. §. si paciscar. l. si tibi. 17. §. 1. aut. alia parte iuris, quia vim legis habet, ut exceptio. S. C. Macedoniani, de qua supra cap. 7. them. 8. & Velleiani, quod mulierem tnetur, qua pro alio intercessit. ff. ad S. C. Velleian l. 1. & passim.

h Ut metus doli, eo pacto, nisi sit pactum legitimum.

i Nota non dici perpetuas vel temporales à tempore, intra quod proponi possunt: id est, quia quandocumque vel tantum intra certum tēpus agenti opponi possunt sed ab affectu, id est, quia actionem in perpetuum perimunt, vel ad tempus differunt. Itaque male Doct. dicunt esse quasdam exceptiones anomalas. ut exceptionem non numerata pecunia, qua exceptio verissime & omnino perpetua est, quia non differt, sed perimit obligationem, nec ad rem facit quod biennio finitur, si intra biennium querela delata non fuerit.

x Id est, de nunquam petendo.

l Exceptio procuratoria est, qua procurator repellitur; vel quia non est verus procurator; id est, quia non habet mandatum; vel quia non potest esse procurator, ut quia est miles, vel mulier.

m Nota militem & mulierem à procuratoris officio arceri: illum, ne auocetur à militia: hanc, quia procuratoris officium virile est. C. de procurat. l. alienam. 18. Excipe, nisi procuratores fiant in rem suam, id est, in suam utilitatem. C. cod. l. 4. l. qui stipendia. 9.

n Iure civili, non iure canonico. 3. q. 7. c. infamis, & c. seq.

C A P. XIII. De replicationibus.

SI exceptio iniquè noceat, actori per replicationē succurritur. Exempli gratia, si creditor cum debitore pactus sit de non petēdo, postea in contrariū pactus de petendo: certè creditori actionem mouenti debitor exceptionem pacti prioris opponere potest: sed hæc exceptio à creditore eliditur posterioris pacti replicatione. *in princ.*

1 Vtteriùs suadente æquitate, contra actoris replicationem datur reo duplicatio. §. 1. & contra rei duplicationem actor triplicat. §. 2. & ita vteriùs si negotium ferat, res progredia poterit §. 3.

3 Exceptio

3 Exceptionum, quibus debitor defenditur, pleræque etiã fideiussori accommodatur, ut exceptio pacti de non petendo: quædam soli reo prosunt, ut exceptio cessionis bonorũ b §. ult. Illæ dicuntur rei coherere, hæ vero personæ coherere. ff. de exceptio. l. 7.

a Ad quadruplicationem, quincuplationem, &c.

b Qui bonis cessit, non condemnatur, nisi post cessionem aliquid non modicum acquisierit: tum neque tenetur in quantum facere potest, non in solidum. supra de Act. §. ult.

CAP. XIV. De interdictis.

1. **I**nterdictis prætor iubet aut prohibet aliquid fieri, cum de possessione aut quasi possessione a inter aliquos cõ-
tenditur. in princ. Unde interdicta appellatur, quasi inter duos litigantes dicta. §. 1. vers. ult. id est, inter actorem & reũ sine iudice pedaneo. Cum enim prætor actionem dabat, etiam iudicem dabat b, interdictum autem inter contendentes reddebat, nullo iudice dato.

2 Prima interdictorum diuisio est, quod aut prohibitoria sunt, aut restitutoria, aut exhibitoria, d. §. 1.

3 Prohibitoria sunt, quibus prætor vetat aliquid fieri, quia sunt sequentia interdicta. I. Interdictum *uti possidetis* c, quo prohibet ne vis fiat ei qui rem immobilẽ sine vitio, (id est, neque vi, neque clam, neque precario d) possidet e, quod minus ita possideat. II. Interdictum *ut rubi*, quo idem cauetur de eo, qui sine vitio rem mobilem possidet. De his duobus interdictis dicam *infra* them. 8. III. De mortuo inferendo, quo interdicto prohibetur, ne vis fiat mortuum inferenti, quod ius inferendi habet. IV. Ne quid in loco sacro adificetur f. V. Ne quid in flumine publico gripave eius fiat, quod peius navigetur: d. §. 1. vers. prohibitoria.

4 Restitutoria sunt, quibus prætor restitui aliquid iubet. Talia sunt (exempli gratia.) I. *Quodrum bonorum*, quo prætor iubet, ut bonorum possessori h restituatur possessio eorum, quæ quis pro herede aut pro possessore possidet. Pro herede possidet qui putat esse heredem. Pro possessore autem, qui scit hereditatem ad se non pertinere. *infra* hoc tit. §. 3. II. *Unde vi*: quo prætor iubet, ut ei, qui vi de possessione

sessione fundi deiectus est, possessio restituatur. d. §. 1. *ver restitutoria.*

5 Exhibitoria sunt, per quæ prætor iubet exhiberi: ut in interdictum *de liberis exhibendis*: quos iubet liberos paren exhiberi, d. §. 1. *vers. exhibitoria.*

6 Secunda interdictorum diuisio, est, quid vel sunt adipiscendæ possessionis, vel retinendæ, vel recuperandæ. §. 2.

7. Adipiscendæ possessionis vocantur, quæ ei vtilia sunt qui nunc primum possessionem adipisci conatur: ei verò, qui possessionem amisit, sunt inutilia: veluti, I. Interdictum *quorum bonorum*, de quo dixi *suprà them. 3. membr. 1.* II. Interdictum *Saluianum* i: quo utitur dominus fundi & de rebus à colono sibi pigneratis. §. 3.

8 Retinendæ possessionis sunt interdicta *uti possideris*, & *utrubi* I: quorum illud in immobilibus, hoc in mobilibus rebus locum habet, utrumque autem est petitorij iudicij præparatorium: quia non potest actio petitoria institui, nisi constet, vter sit possessor: Cum & civilis & naturalis ratio faciat, ut alius possideat, alius à possidente petat. His autem interdictis vincit, qui tempore litis contestatæ possidet, nisi vi, aut clam, aut precario ab aduersario possideat. §. 4.

9 De possessione hæc obiter notentur. I. Commoditas possessionis in eo posita est, quòd in pari causa (id est, actore non probante) iudicantur pro possessore. I I. Possidet aliquis vel per se, vel per aliū, qui eius nomine in possessione est m: licet eius iuri subiectus non sit, veluti per colonum, inquilinum, depositarium, commodatarium. I I I. Solo animo possessio retinetur: cum aliquis discedit tanquam reuersurus, licet nec ipse in possessione corporaliter sit, nec eius nomine alius. IV. Adipiscitur quis possessionem vel per se, vel per alium, ut per procuratorem *suprà lib. 2. c. 9. them. 4.* V. Solo animo sine corporali apprehensione possessio non acquiritur. §. 5.

10 Recuperandæ possessionis est interdictum *unde vi*: per quod is, qui vi de possessione fundi vel ædium n deiecit, cogitur deiecto, licet vi aut clam, aut precario à se possidenti, restituere possessionem. Sed præterea violentus rei occupator punitur ex constitutionibus. *suprà lib. 3. c. 12. them. 2.* & lege Iulia de vi publica vel priuata. *infra cap. ult. them. 4. memb. 6.*

11 Tertia diuisio est, quòd alia sunt interdicta simplicia, in quibus alter est actor, alter reus; alia duplicia, in quibus uterque

uterque tam actoris quàm rei partes sustinet. Omnia interdicta restitutoria vel exhibitoria sunt simplicia. Prohibitoriorum alia sunt simplicia, veluti, *Ne quid in loco sacro fiat* *Ne quid in flumine publico, riparum eius fiat*: (nam actor est, qui petit ne fiat: reus autem, qui facere conatur) alia duplicia, ut interdictum *vti possidetis*, & *utrubi*. §. pen.

12 Quoties extra ordinem ius dicitur, (qualia sunt hodie omnia iudicia) non est necesse à prætorè viuo p interdictum reddi, & ex eo actionem dari, ut olim fiebat: sed perinde iudicatur sine interdictis, ac si utilis actio ex causa interdicti reddita fuisset. §. ult.

a Omnia interdicta sunt de possessione rei corporalis, ut fundi; aut de quasi possessione rei incorporalis, ut usufructus, vel seruiculis: quædam habent admixtam causam proprietatis, quatenus is interdicto in possessione vincit, qui se dominum esse probat. ff. hoc tit. l. 2. quædam.

b Hoc contingebat etiam cùm agebatur in factum ex causa interdicti.

c Hoc interdictum, ut alia plura à primis verbis edicti nomen accepit.

d Sub. ab aduersario. nihil enim nocet alium vi expulisse, aut clam arripuisse alienam possessionem, aut precariò alium rogasse ut sibi possidere liceret. infra hoc tit. §. retinendæ. vers. nam vti possidetis.

e Subaudi. tempore interdicti. d. vers. nam vti possidetis.

f Subaudi quod deformitatem vel incommodum afferat. nam ornamenti causâ adificare licet. ff. ne quid in loc. sac. l. 1. §. quod ait.

g In flumine priuato, in riuo, in torrente, hoc interdictum locum non habet. ff. de flum. l. 1.

h Nota, cùm bonorum possessionem, vel bonorum possessorem dicimus, ius successionis, non factum successionis significari.

i Sic dictum est ab auctore Saluio Iuliano, qui edictum perpetuum composuit iussu Imp Hadriani.

k Alij creditores habent interdictum Saluianum utile, non directum. ff. de Salu. interd. l. 1. in princ. Quia ipse quoque fundi dominus contra extraneum possessorem habet utile interdictum. d. l. 1. §. 1. & C. eod. l. 1.

l De quibus dixi suprâ them. 3. membr. 1. m Hic dicitur rem detinere, non possidere.

n Ad

n Ad res mobiles hoc interdictum non pertinet, nisi per consequentiam, si in eo fundo fuerint, unde quis deiectus est, & hac ratione sint amissa, ff. de vi & vi arma, l. 1. §. illud.

o Nam actor est, qui sibi restitui, vel exhiberi petit: reus autem est, à quo id petitur.

p Olim prator interdicta reddebatur, & actiones ac iudices dabat. Hodie interdicta ipso iure redduntur, & actiones ipso iure dantur.

CAP. XV. De poena temere litigantium a.

1 **A**ctor, reus, & utriusque partis aduocati coguntur iurare de calumnia, id est, se bona fide litigare, quod bonam causam se tueri putant b §. 1.

2 Reus propter inficiationem ex quibusdam causis in duplum damnatur, supra lib. 3. c. 16. them. 11. vers. notandum.

3 Ex quibusdam causis damnati notantur infamia, ut damnatus furti vi bonorum raptorum, iniuriarum, de dolo, tutelae actione directa, mandati actione directa c, pro socio, quae actio utrimque directa est. Ex nonnullis causis d non tantum damnatos, sed etiam pactos infamia sequitur: ut furti, vi bonorum raptorum, iniuriarum, de dolo, §. 2.

4 Omnium actionum instituendarum e principium est vocatio in ius. Sed quibusdam, ut parentibus, haec reuerentia debetur, ne in ius vocentur sine venia à pratore petita & impetrata f. Qui secus fecerit, quinquaginta aureis puniatur g. §. ult.

a **E**xposita sunt tria iuris obiecta, persone, res, & actiones, ex quibus iudicia constant: nunc igitur de iudiciis dicendum: & prius de privatis, quam de publicis, quia quae hactenus dicta sunt, ad ius privatum pertinent. In his privatis iudiciis sunt, actor, reus, iudex: quibus omnibus praescribitur, ut recte officio suo fungantur. Litigantium officium est ne temere litigent: quod spectant duo iuris praecepta: primum utrique litigatori commune, ne mala fide litigent, id est, si sciant se habere malam causam: secundum actoris proprium, ne sine venia pratoris certas personas in ius vocet, utrumque hoc tit. explicatur, de officio iudicis dicitur tit. seq. Quod ad primum attinet, quod

minùs homines mala fide litigent , iureiurando calumnia , them. 1. condemnatione pecuniaria , them. 2. & infamia metu coërcentur. them. 3.

b Non iurant se habere bonam causam , sed se ita credere & existimare. Inde à Doctõribus hoc vocatur iuramentum credulitatis, quòd si iurarent ita rem se habere , diceretur iuramentum veritatis.

c Non actionibus contrariis : quoniam ob dolum infamia irrogatur , de quo regulariter non agitur in iudiciis contrariis , ut in directis ff. de his qui not. infam. l. 6. §. ult. si quando autem iudicio contrario de rupta fide agatur , damnatus infamiam non vitabit.

d Id est , ex delictis , non ex contractibus. ff. hoc tit. l. 7.

e Rectè instituendarum, non, institutarum : quoniam instituta litis principium non est in ius vocatio , sed litis contestatio. ff. rat. rem hab. l. amplius. 15. & C. de lit. contest. l. vnic.

f Non semper impetratur , sed ita demum , si actio famosa non sit interdum etiamsi famosa sit , videlicet si libertus gravissima iniuria affectus à patrono sit. ff. de in ius voc. l. sed si hac lege 10. §. prætor ait.

g Et si tantum in ære non habebis, corpore pœnam luet. ff. d. tit. l. ult.

CAP. XVI. De officio iudicis.

I Vdex non aliter iudicare debet , quàm iure scripto, aut moribus constitutum est. In princ.

1 Si in rem actum sit, iudex hæc observare debet. I. Si contra peritorem iudicandum putet, reum absoluat. II. Si reus sit condemnandus , cum iubeat rem restituere unà cum fructibus. III. Si reus non moræ faciendæ causâ, sed iustè dilationem ad rem restituendam petat , certum tempus ei concedat , dummodò satis fideiussoribus caucat, se litis æstimationem soluturum , nisi intra illud tempus rem restituerit.

3 De fructibus hæc notentur. I. Cùm malæ fidei possessor condemnatur, eadem penè ratio in fructibus habetur, siue

C A P. I X. De iis, per quos agere possumus.

Agere aliquis potest, I. Suo nomine, II. Alieno nomine; vt procuratorio, tutorio, curatorio, *in princ.*

2 Procurator mandato constituitur, cum dominus ei rem suam administrare, vel agere, vel defendere a permittit, Quare nec certis verbis, nec præsentia, vel scientia aduersarij opus est, §. 1. De tutoribus autem & curatoribus constituendis lib. 1. de tutel. dictum fuit, §. ult.

a Hinc alius est procurator actoris, alius rei: nam de procuratore ad lites & iudicia hic loquimur, non de procuratore ad negotia extraiudicialia.

C A P. X. De satisfactionibus a.

Reus suo nomine conuentus, non cauet iudicatum solui b: sed pro sua tantum persona, quod in iudicio manebit vsque ad terminum litis, vel iurato cauere, vel re-promittere, vel satisfacere c, pro qualitate personæ suæ compellitur, §. 2.

2 Qui alieno nomine agit, si dubitetur d an sit procurator, vel tutor, vel curator, necne, satisfacat rem ratam dominum habiturum, §. 3.

3 Si reus præsens procuratorem date paratus sit, pro eo iudicatum solui fideiubere potest; ita vt in eam causam res suas obliget; & insuper pro sua persona caueat, quod tempore sententiæ recitandæ in iudicium veniet, vt sententiæ satisfaciatur, vel, se non veniente, fideiussor à se datus satisfaciet, nisi fuerit appellatum, §. 4.

4 Qui reum absentem defendit, satisfacere debet iudicatum solui. Nemo enim alienæ rei sine satisfactione idoneus defensor intelligitur, §. 5.

5 Hæ satisfactionum regulæ vbique sunt obseruandæ, §. ult.

a Satisfactio est cautio, qua fit datis fideiussoribus, ff. qui satisf. cog. l. 1. & interdum pignoribus, ff. de coll. bon. l. 1. §. iubet, sed

sed cautiones prætoria, quales sunt hæc, de quibus hoc tit. agitur, personas fideiussorum desiderant. ff. de stipul. præ. l. 7. Alia est cautio iuratoria, qua iureiurando confirmatur, alia est nuda cautio, seu repromissio, quæ fit per simplicem stipulationem sine iureiurando, sine fideiussoribus, & sine pignoribus: ceterum in hoc tractatu regulariter satisfatur, ut hæc rubr. indicat, id est, his exceptis, de quibus specialiter constitutum est, ut iuratoria cautioni, vel promissioni sua commitantur.

B Cautio iudicatum solui ex parte rei conuenti præstatur, ac tres habet clausulas, 1. Iudicatum solui, id est, si condemnatio sequetur, id solutum iri, quod in condemnationem venerit, 2. de re defendenda, id est, rem defensum iri, 3. de dolo, id est, dolum malum abesse, absuturumque esse. ff. iud. sol. l. 6.

C Repromittit res pub. ff. ut leg. nom. cau. l. 6. §. 1. & interdum Clerici, C. de episc. & cler. l. cum clericis, §. 1. l. omnes 33. §. in hac autem. Iurant viri illustres, C. de dignit. l. pen. & rerum immobilium possessores, C. de princip. agent. in reb. l. ult. Ceteri satisfaciunt datis idoneis fideiussoribus, sed excipiuntur parentes, & patroni, à quibus qualemcumque fideiussorem accipere oportet ff. qui satisf. cog. l. 1. §. prætor.

B Aut constat eum esse procuratorem, vel tutorem, vel curatorem: aut constat non esse: aut dubitatur. Primo casu admittitur sine cautione: quia dominus non potest non habere ratum. Secundo casu repellitur, etiamsi satisfactionem offerat, nisi sit coniuncta persona, cui permissum est agere sine mandato. Tertio casu de rato cauet.

C A P. XI. De Perpetuis a & temporalibus actionibus, & quæ ad heredes & in heredes transeunt.

Ciuiles actiones sunt perpetuæ: sed certo tempore ex constitutionibus concluduntur. Prætoriae partim sunt annales **b**, ut actio vi bonorum raptorum in quadruplum: partim perpetuæ, ut quæ bonorum possessoribus, & fideicommissariis vniuersalibus accommodantur quasi hæredibus, & actio furti manifesti, in princ.

a Poenales ex maleficiis actiones (siue sint merè poenales, ut actio furti; siue mixtæ **c**, ut vi bonorum raptorum) hæredibus

regulariter dantur: (excipitur actio iniuriarum, & si qua alia similis d est) in heredes autem non competunt, nisi contra defunctum lis contestata fuerit. §. 1.

3 Actiones ex contractibus regulariter non solum dantur heredibus, sed etiam contra heredes. Quibusdam tamen casibus e, ubi defunctus dolose versatus est, & mihi ad heredem ex eo dolo peruenit, heres non tenetur. d. §. 1. *vers. aliquando.*

4 Si reus tempore litis contestatae condemnari mereatur, & ante rem iudicatam factori satisfaciat, officio iudicis convenit eum absolvere. Hinc dictum est, omnia iudicia esse absolutoria: non quia semper reus absolvatur, sed quia semper contingere potest, ut absolvatur.

a Triginta, vel quadraginta annorum. b Anno utili terminantur. ff. de vi & vi ar. l. 1. §. annus.

c Nota appellatione actionum poenaliu contineri etiam mixtas, supra de leg. Aqu. §. his autem. verb qua ratione.

d Ut actio in factum in eum, qui parentem vel patronum sine venia in ius vocabit. ff. de in ius voc. l. pen.

e Regulariter ex dolo defuncti datur, ex contractu actio in heredem. ff. de pos. l. 7. §. 1. & de oblig & act l. ex contractibus. 49. & de diu. reg. iur. l. ad ea quæ. l. 37. l. hoc iure. l. 92. in fin. Excipitur I. Actio ex stipulatione iudicio sisti interposita in iudicio iniuriarum. ff. si quis caut. l. si eum. 10. §. ult. II. Actio in factum adversus agri mensorem, qui falsum modum dixit. ff. si mens, fals. mod. dix. l. 5. §. pen. & l. 4. III. Actio tributaria. ff. de tribut. act. l. 1. §. ult. & seq.

f Si vero ante litem contestatam satisfacere paratus sit, non cogitur iudicium subire. ff. de procurat. l. si reus. 73.

CAP. XII. De exceptionibus a.

1 R eorum defendendorum causâ exceptiones sunt introductæ, ut actio, quæ stricto iure competi, exceptionibus æquitate elidatur. *in princ.*

2 Qui me metum, vel dolum, vel errorem id promisit quod non debebat: iure civili tenetur b, sed prætorie exceptione quod metus causâ, vel doli mali, vel in factum defenditur. §i.

3 Qui

3 Qui tanquam mutuam accepturus pecuniam stipulanti spopondit, similiter ipso iure tenetur, sed habent exceptionem non numeratæ pecuniæ c. §. 2. de qua *suprà lib. 5. cap. 2.*

4. Qui cum creditore suo pactus est de non petendo, nihilominus ipso iure obligatus est, sed pacti exceptione defenditur. §. 3.

5 Similiter qui actore deferente iuravit se non debere, vel rem suam esse e, exceptione iusiurandi agentem in personam, aut rem vindicantem summouet. §. 4.

6 Item iudicio absolutus, f, si iterum conueniatur, exceptione rei iudicatæ se tueri potest. §. 5.

7 Exceptiones diuiduntur, I. In legitimas g. & prætorias h. §. 7. II. In perpetuas seu peremptorias, & temporales seu dilatorias. §. 8. I I I. Diuisio ponetur *infra cap. prox. them. 3.*

8 Perpetuæ, i seu peremptoriæ sunt, quæ semper agentibus obstant, & semper rem, de qua agitur, perimunt: vt exceptio doli mali, quod metus causa, & pacti de non petendo k. §. 9.

9 Temporales atque dilatoriæ sunt, quæ ad tempus actori nocent, & temporis dilationem tribuunt: vt pacti ne intra certum tempus petatur. Me poena autem petentis ante tempus, dictum est *lib. 5. c. 16. them. 14.*

10 Quædam exceptiones sunt dilatoriæ ex persona, vt exceptio procuratoria l. Quidam enim prohibentur procuratoris officio fungi, vt miles, & mulier m. Infames verò tam procuratorem dare, quàm procuratores fieri possunt n. §. ult.

a Exceptio est actionis exclusio. ff. hoc tit. l. 2. b Quia exceptiones, quæ mox subiiciuntur, non ciuiles, sed prætoris sunt.

c Dummodo intra biennium conqueratur. *suprà de lit. obl.*

d Id est, iure ciuili, quo iure pacta regulariter nullum vim habent.

e Idem est, si iurauerit petitoris non esse. ff. de iureiurand. l. sed si possessori. l. 1. in princ.

f Nota primò absolutionem iudicis non liberare ipso iure, sed ope exceptionis. Nota secundo absolutione non perimi naturalem obligationem, ideoque absolutum, si soluat, non repetere. ff. de cond. indeb. l. iudex. 18. & l. Iulianus. 60. in princ.

g Quæ aut lege introductæ sunt, vt pacti legitimi. ff. de pact. l. 6.

L6. *veluti ne agatur furti, vel iniuriarum.* ff. cod. l. 7. §. si paciscar. l. si tibi. 17. §. 1. aut. alia parte iuris, quia vim legis habet, ut exceptio. S. C. Macedoniani, de qua supra cap. 7. them. 2. & Velleiani, quod mulierem tueretur, quae pro alio intercessit. ff. ad S. C. Velleian l. 1. & passim.

h *Ut metus doli, eo pacto, nisi sit pactum legitimum.*

2 Nota non dici perpetuas vel temporales à tempore, intra quod proponi possunt: id est, quia quandocumque vel tantum intra certum tempus agenti opponi possunt sed ab affectu, id est, quia actionem in perpetuum perimunt, vel ad tempus differunt. Itaque male Doct. dicunt esse quasdam exceptiones anomalas. ut exceptionem non numerata pecunia, quae exceptio verissima & omnino perpetua est, quia non differt, sed perimit obligationem, nec ad rem facit quod biennio finitur, si intra biennium querela delata non fuerit.

κ *Id est, de nunquam petendo.*

l Exceptio procuratoria est, quae procurator repellitur; vel quia non est verus procurator; id est, quia non habet mandatum; vel quia non potest esse procurator, ut quia est miles, vel mulier.

m Nota militem & mulierem à procuratoris officio arceri: illum, ne auocetur à militia: hanc, quia procuratoris officium virile est. C. de procurat. l. alienam. 18. Excipe, nisi procuratores fiant in rem suam, id est, in suam utilitatem. C. cod. l. 4. l. qui stipendia. 9.

n *Iure civili, non iure canonico.. 3. q. 7. c. infamis, & c. seq.*

C A P. XIII. De replicationibus.

1 **S**i exceptio inique noceat, actori per replicationem succurritur. Exempli gratia, si creditor cum debitore pactus sit de non petendo, postea in contrarium pactus de petendo: certe creditori actionem mouenti debitor exceptionem pacti prioris opponere potest: sed hæc exceptio à creditore eliditur posterioris pacti replicatione. *in princ.*

2 Vtteriùs suadente æquitate, contra actoris replicationem datur reo duplicatio. §. 1. & contra rei duplicationem actor triplicat. §. 2. & ita vteriùs si negotium ferat, res progredia poterit §. 3.

3 Exceptio

3 Exceptionum, quibus debitor defenditur, pleraque etiā fideiussori accommodantur, ut exceptio pacti de non petendo: quædam soli reo prosunt, ut exceptio cessionis bonorū b §. ult. Illæ dicuntur rei coherere, hæ vero personæ coherere. ff. de exceptio. l. 7.

a Ad quadruplicationem, quincuplationem, &c.

b Qui bonis cessit, non condemnatur, nisi post cessionem aliquid non modicum acquisieris: tum neque tenetur in quantum facere potest, non in solidum. supra de Act. §. ult.

CAP. XIV. De interdictis.

1. **I**nterdictis prætor iubet aut prohibet aliquid fieri, cum de possessione aut quasi possessione a inter aliquos cõ-reditur. in princ. Unde interdicta appellatur, quasi inter duos litigantes dicta. §. 1. vers. ult. id est, inter actorem & reū sine iudice pedaneo. Cum enim prætor actionem dabat, etiam iudicem dabat b, interdictum autem inter contendentes reddebat, nullo iudice dato.

2 Prima interdictorum diuisio est, quod aut prohibitoria sunt, aut restitutoria, aut exhibitoria, d. §. 1.

3 Prohibitoria sunt, quibus prætor vetat aliquid fieri, quia sunt sequentia interdicta. I. Interdictum *vti possidetis* c, quo prohibet ne vis fiat ei qui rem immobilē sine vitio, (id est, neque vi, neque clam, neque precario d) possidet e, quod minus ita possideat. II. Interdictum *utrubi*, quo idem cauetur de eo, qui sine vitio rem mobilem possidet. De his duobus interdictis dicam *infra* them. 8. III. De mortuo inferendo, quo interdicto prohibetur, ne vis fiat mortuum inferenti, quod ius inferendi habet. IV. Ne quid in loco sacro adificetur f. V. Ne quid in flumine publico gripave eius fiat, quod prius nauigetur: d. §. 1. vers. prohibitoria.

4 Restitutoria sunt, quibus prætor restitui aliquid iubet. Talia sunt (exempli gratia.) I. *Quorum bonorum* quo prætor iubet, ut bonorum possessori h restituatur possessio eorum, quæ quis pro herede aut pro possessore possidet. Pro herede possidet qui putat esse heredem. Pro possessore autem, qui scit hereditatem ad se non pertinere. *infra* hoc tit. §. 3. II. *Unde vi*: quo prætor iubet, ut ei, qui vi de possessione

sessione fundi deiectus est, possessio restituatur. *d. §. 1. vers. restitutoria.*

5 Exhibitoria sunt, per quæ prætor iubet exhiberi: ut interdictum *de liberis exhibendis*: quos iubet liberos parenti exhiberi, *d. §. 1. vers. exhibitoria.*

6 Secunda interdictorum diuisio, est, quid vel sunt adipiscendæ possessionis, vel retinendæ, vel recuperandæ. §. 2.

7. Adipiscendæ possessionis vocantur, quæ ei vtilia sunt, qui nunc primum possessionem adipisci conatur: ei verò, qui possessionem amisit, sunt inutilia: veluti, I. Interdictum *quorum bonorum*, de quo dixi *suprà them. 3. membr. 1. II. Interdictum Saluianum* i: quo utitur dominus fundi & de rebus à colono sibi pigneratis. §. 3.

8 Retinendæ possessionis sunt interdicta *uti possideris*, & *utrubi* I: quorum illud in immobilibus, hoc in mobilibus rebus locum habet, utrumque autem est petitorij iudicij præparatorium: quia non potest actio petitoria institui, nisi constet, vter sit possessor: Cùm & civilis & naturalis ratio faciat, ut alius possideat, alius à possidente petat. His autem interdictis vincit, qui tempore litis contestatæ possidet, nisi vi, aut clam, aut precario ab aduersario possideat. §. 4.

9 De possessione hæc obiter notentur. I. Commoditas possessionis in eo posita est, quòd in pari causa (id est, actore non probante) iudicantur pro possessore. II. Possidet aliquis vel per se, vel per aliū, qui eius nomine in possessione est: licet eius iuri subiectus non sit, veluti per colonum, inquilinum, depositarium, commodatarium. III. Solo animo possessio retinetur: cùm aliquis discedit tanquam reuersurus, licet nec ipse in possessione corporaliter sit, nec eius nomine alius. IV. Adipiscitur quis possessionem vel per se, vel per alium, ut per procuratorem *suprà lib. 2. c. 9. them. 4.* V. Solo animo sine corporali apprehensione possessio non acquiritur. §. 5.

10 Recuperandæ possessionis est interdictum *unde vi*: per quod is, qui vi de possessione fundi vel ædium n deiecit, cogitur deiecto, licet vi aut clam, aut precario à se possidenti, restituere possessionem. Sed præterea violentus rei occupator punitur ex constitutionibus. *suprà lib. 3. c. 12. them. 2. & lege Julia de vi publica vel priuata. infrà cap. ult. them. 4. memb. 6.*

11 Tertia diuisio est, quòd alia sunt interdicta simplicia, in quibus alter est actor, alter reus; alia duplicia, in quibus uterque

uterque tam actoris quàm rei partes sustinet. Omnia interdicta restitutoria vel exhibitoria sunt simplicia. Prohibitoriorum alia sunt simplicia, veluti, *Ne quid in loco sacro fiat* *Ne quid in flumine publico, riparum eius fiat*: (nam actor est, qui petit ne fiat: reus autem, qui facere conatur) alia duplicia, ut interdictum *uti possidetis*, & *utrubi*. §. pen.

12 Quoties extra ordinem ius dicitur, (qualia sunt hodie omnia iudicia) non est necesse à prætore vivo p interdictum reddi, & ex eo actionem dari, ut olim fiebat: sed perinde iudicatur sine interdictis, ac si utilis actio ex causa interdicti reddita fuisset. §. ult.

a Omnia interdicta sunt de possessione rei corporalis, ut fundi, aut de quasi possessione rei incorporalis, ut ususfructus, vel servitutis: quædam habent admixtam causam proprietatis, quatenus is interdicto in possessione vincit, qui se dominum esse probat. ff. hoc tit. l. 2. quædam.

b Hoc contingebat etiam cum agebatur in factum ex causa interdicti.

c Hoc interdictum, ut alia plura à primis verbis edicti nomen accepit.

d Sub. ab aduersario. nihil enim nocet alium vi expulisse, aut clam arripuisse alienam possessionem, aut precario alium rogasse ut sibi possidere liceret. infra hoc tit. §. retinendæ. vers. nam uti possidetis.

e Subaudi, tempore interdicti. d. vers. nam uti possidetis.

f Subaudi quod deformitatem vel incommodum afferat. nam ornamenti causâ adificare licet. ff. ne quid in loc. sac. l. 1. §. quod ait.

g In flumine privato, in riuo, in torrente, hoc interdictum locum non habet. ff. de flum. l. 1.

h Nota, cum bonorum possessionem, vel bonorum possessorem dicimus, ius successionis, non factum successionis significari.

i Sic dictum est ab auctore Saluio Iuliano, qui edictum perpetuum composuit iussu Imp Hadriani.

k Alij creditores habent interdictum Saluiianum utile, non directum. ff. de Salu. interd. l. 1. in princ. Quia ipse quoque fundi dominus contra extraneum possessorem habet utile interdictum. d. l. 1. §. 1. & C. cod. l. 1.

l De quibus dixi suprâ them. 3. membr. 1. m Hic dicitur rem detinere, non possidere.

n Ad

minùs homines mala fide litigent , iureiurando calumnia , them. 1. condemnatione pecuniaria , them. 2. & infamia metu coërcentur. them. 3.

b Non iurant se habere bonam causam , sed se ita credere & existimare. Inde à Doctõribus hoc vocatur iuramentum credulitatis, quòd si iurarent ita rem se habere , diceretur iuramentum veritatis.

c Non actionibus contrariis : quoniam ob dolum infamia irrogatur , de quo regulariter non agitur in iudiciis contrariis , ut in directis ff. de his qui not. infam. l. 6. §. ult. si quando autem iudicio contrario de rupta fide agatur , damnatus infamiam non vitabit.

d Id est , ex delictis , non ex contractibus. ff. hoc tit. l. 7.

e Rectè instituendarum, non, institutarum : quoniam instituta litis principium non est in ius vocatio , sed litis contestatio. ff. rat. rem hab. l. amplius. 15. & C. de lit. contest. l. vnic.

f Non semper impetratur, sed ita demum , si actio famosa non sit interdum etiamsi famosa sit , videlicet si libertus gravissima iniuria affectus à patrono sit. ff. de in ius voc. l. sed si hac lege 10. §. prætor ait.

g Et si tantum in are non habebit, corpore pœnam luet. ff. d. tit. l. ult.

CAP. XVI. De officio iudicis.

I Vdex non aliter iudicare debet , quàm iure scripto, aut moribus constitutum est, In princ.

1 Si in rem actum sit, iudex hæc observare debet. I. Si contra petitem iudicandum putet, reum absoluat. II. Si reus sit condemnandus , cum iubeat rem restituere unà cum fructibus. III. Si reus non moræ faciendæ causâ, sed iustè dilationem ad rem restituendam petat , certum tempus ei concedat , dummodò satis fideiussoribus caucat, se litis æstimationem soluturum , nisi intra illud tempus rem restituerit.

3 De fructibus hæc notentur. I. Cùm malæ fidei possessor condemnatur, eadem penè ratio in fructibus habetur, siue

K

sive rei vindicatione actum sit, sive hereditatis petitione : quia malæ fidei possessor omnes fructus restituere cogitur, sive eos perceperit, sive neglexerit. II. Bonæ fidei possessor neque fructus consumptos, neque neglectos restituere tenetur III. Quicumque possessores restituunt omnes fructus à die litis contestatæ, quia post litis contestationem omnes possessores malæ fidei sunt. d. §. 2.

4 De iudicio ad exhibendum hæc notentur. I. Non sufficit, si reus rem exhibeat, nisi etiam rei causam exhibeat, id est, ut eam causam habeat actor, quam haberet si res statim ac est actum, exhibita fuisset. idcirco is quoque damnatur, qui rem vſucaptam exhibet. II. Reus damnandus est etiam in fructus à die litis contestatæ vsque ad sententiam definitivam. III. Si reus tempus exhibendi causam sine frustratione petat, iudex ei tempus indulget, dummodo se exhibiturum caueat. I V. Si reus nec statim issu iudicis rem exhibeat, nec se exhibiturum caueat, condemnandus est in id quod actoris interest rem initio litis contestatæ exhibitam fuisse. §. 3.

5 In iudicio familiæ eriscundæ iudex hæc obseruet. I. Singulas res singulis heredibus adiudicet. I I. Si cuius pars præponderet, hunc coheredibus in pecuniam condemnet. I I I. Eum quoque coheredibus pecuniâ condemnet, qui solus fructus ex re hereditaria perceperit, aut rem hereditariam corripit, vel consumpsit. §. 4.

6 In iudicio communi diuidendo sic distinguitur : Aut de pluribus rebus actum est, aut de vna. Primo casu ea obseruet iudex, quæ proximè diximus de iudicio familiæ eriscundæ. Secundo casu obseruet sequentia præcepta. I. Si res commodam diuisionem recipiat, singulas partes singulis adiudicet : & si cuius pars præponderet, eum inuicem certâ pecuniâ alteri damnet. I I. Vel nullo modo, vel non commodè res diuidi possit, totam rem vni adiudicet, eumque in partem æstimationis alteri condemnet. §. 5.

7 In iudicio finium regundorum, I. Non adiudicet vni ex fundo alterius, nisi opus sit ut euidentialibus finibus agri distinguantur, quàm distincti antea fuerant. I I. Cum ita adiudicat, eum cui adiudicat, alteri certâ pecuniâ condemnet. I I I. Eum quoque pecuniâ condemnet, qui contra fines aliquid malitiosè commisit, putâ lapides finales furatus

furatus est **n**, vel arbores finales excidit. **IV.** contumacem condemnet **o**, qui se iubente agros metiri passus non est, §. *pen.*

8 Quod aliquo ex suprà dictis iudiciis alicui adiudicatur, id statim eius sit, §. *ult.*

a *Ne quidem ex rescripto Principis.* **C.** si cont. ius vel util. public. l. *ult.*

b *Ut quia res alio loco est.* **c** *Longius, aut breuius, pro facti circumstantiis.*

d *Neque perceptos nondum consumptos, si vel industriales sint, vel ipse ex causa onerosa, puta emptionis possidens.* suprà lib. 1. c. 1. de rer. diuis. them. 8. membr. 1 8. *Item conuentus petitione hereditatis non tenetur, nisi in quantum factus est locupletior.* ff. de hæred. petit. l. item veniunt 20. §. *præter, verbi* *cos autem.*

e *Generaliter dicit dari tempus, nec docet quantum temporis concedendum sit: hoc igitur iudicis arbitrio committitur* ff. de iur. delib. l. 1. §. *ult.*

f *Iussum accipe pro interlocutione, qua etiam vocatur arbitrium: nam hac actio est arbitraria.* suprà de act. §. *præterea.*

g *Iudex per sententiam definitivam, qua dictam interlocutionem sequitur, interlocutioni obtemperantem absoluit, contumacem condemnat, ut sit in omnibus iudiciis arbitrariis.*

h *Conium.* §. *quædam,* suprà de actio.

i *Conium.* §. *item si inter.* & §. *seq.* suprà de oblig. quæ quæ ex contract.

k *Ut homo equus.* l. *Ut exigua ades, parvus agellus, vel hortulus.*

m *Qui terminos ac fines agrorum distinguunt.*

n *His casibus datur etiam iudicium extraordinarium de termino moto.*

o *Pro arbitrio.*

CAP. XVII. De publicis iudiciis a.

1 **A** Superioribus iudiciis tam in instituendo, quàm in exercendo, longè differunt iudicia publica: quæ quidem non per actiones ordinantur. *in princ*, sed vel per accusationem, vel per denunciationem, vel per inquisitionem, ut in Epit. iuris exposui.

2 Publica dicuntur, quia eorum persecutio regulariter *b* cuius è populo conceditur, §. 1.

3 Diuiduntur *c* in capitalia, quorum poena caput eximit è ciuitate Romana, quod vel morte fit, vel libertatis *d*, aut ciuitatis *e* amissione: & non capitalia, quæ infamiam irrogant *f* cum damno pecuniario, §. 2. corporalive coërcitione, ut fustigatione, *ff. hoc tit. l. 1.*

4 Publica iudicia sunt, I. Legis Iuliæ *g* de crimine læsæ maiestatis: cuius criminis species est crimen perduellionis *b*, id est, cum aliquis contra Imperatorem, vel rempublicam *i* aliquid machinatur: quo casu irrogatur poena gladij, & memoria rei etiam post mortem damnatur *k* §. 3. II. Legis Iuliæ *l* de adulteriis. Hac lege puniuntur adulteri & Sodomitæ gladio *m*: is verò, qui sine vi virginem, aut viduam honestè viuentem stuprauit, si honestior sit, confiscationem dimidiæ partis bonorum patitur: si humilis sit, fustigatur & relegatur *n* §. 4. III. Legis Cornelie *o* de sicariis. Hæc lex gladio *p* punit homicidas, & eos qui hominis occidendi causâ cum telo ambulant (teli appellatione non solum id significatur, quod arcu mittitur, sed etiam quicquid manu iacitur, ligotum, lapis, ferrum. Sicarij autem dicuntur à sica, quod significat ferreum cultrum) & veneficos, id est, eos qui arribus odiosis tam venenis, quàm susarris magicis homines occiderint, vel mala medicamenta publicè vendiderint *q* §. 5. IV. Legis Pompeiæ de parricidiis, qua cauetur, ut si quis parentem, aut filium occiderit, aliâve coniunctam personam *r*, cuius interemptio parricidij appellatione continetur, ultimo supplicio certa quadam poena *s* efficiatur §. 6. V. Legis Cornelie *t* testamentariæ *u* seu de falsis. §. 7. Hac lege is qui falsum testamentum, vel aliud instrumentum scripsit, vel signauit, recitauit, subiecit, aut signum adulterij

adulterinum fecit, sculpsit, expressit, sciens, dolo malo, deportatur x. VI. Legis Iuliae de vi publica, vel privata. Publica fit armis : privata sine armis. Publicae poena est deportatio : privatae confiscatio tertiae partis bonorum, sed si per vim raptus virginis, vel viduae, vel sanctimonialis, vel alius commissus fuerit : tam raptores, quam ij qui raptoribus opem tulerunt, ex Iustiniani constitutione y capite puniuntur. §. 8. VII. Legis Iuliae de peculatus. Hæc lex eos punit, qui publicam : aut sacram, aut religiosam rem furati fuerint. Ac iudices quidem, qui administrationis tempore pecunias publicas subtraxerint, & qui ministerium eis ad hoc præbuerint, vel ab his subtractas, scientes susceperint, capite plectuntur, cæteri verò, qui in hanc legem commiserint, deportantur. §. 9. VIII. Legis Fabiae de plagiaris a, quæ modò capitis b poenam irrogat, modò leniorem. §. 10. IX. Legis Iuliae c de ambitu d. X. Legis Iuliae e repetundarum f. XI. Legis Iuliae de annona g. XII. Legis Iuliae de residuis h. Hæc leges non ultimum supplicium, sed alias poenas irrogant. §. pen.

§ Perfectior iudiciorum publicorum scientia ex Digestis i peti debet. §. ult.

a Superiores duo tituli ad iudicia privata pertinent : hic tit. de publicis iudiciis Institutiones iuris concludit.

b Exceptis his, qui iudicio publico agere prohibentur. ff. de ritu nupt. l. palam. 43. §. senatus. & de accusat. l. qui accusare §. & l. sec.

c Vide l. ff. hoc tit.

d Libertatem amittit, qui maximam capitis deminutionem patitur. supra de cap. deminut. §. 1.

e Ciuitas amittitur, salva libertate per mediam capitis deminutionem, supra d. tit. §. minor.

f Multò magis iudicia capitalia infamiam irrogant.

g Anton. Augustinus notat sibi non constare quis sit auctor, suspicatur tamen latam fuisse à C. Cesare.

h Inde dictam, quòd perduelles sunt hostes, ff. de verbor. signif. l. quos nos hostes 134.

i Id est, contra salutem Imperatoris, vel reipublicæ.

x Si fortè contingat reum antè mori. quàm accusatus, vel saltem quàm damnatus sit. Hoc autem est speciale, & contra regulam iuris : quia regulariter delicta morte delinquentium

extinguuntur. C. si reus vel accusat. mort. fuer. l. 1. & seqq.

l Lata ab Augusto, ff. de adulter. l. 1.

m Lex Iulia ita lata est, ut adulteros relegaret, sed constitutionibus effectum est, ut poena legis Iulia sit mors, C. de adulter l. quamvis 30. in fin.

n Poena exacerbatur in tutorem, qui pupillam suam corripit, qui deportationem & confiscationem patitur, C. si quis eam cuius tut. fue. corripit. l. vnic. & in mulierem ac eius servum, qui se turpiter iunxerunt: ultimo namque supplicio afficiuntur, C. de mulier. quæ se propr. serv. iunxer. l. vnic.

o Lata à Cornelio Sylla Dictatore.

p Poena legis Cornelia fuit deportatio, qua in viris honestioribus retenta est: alij capite puniuntur, ff. de sicar. l. 3. §. pen.

q Vel fecerint, vel habnerint hominis necandi causâ, d. l. 3. in princ.

r Ut nepotem, aliûmve, qui in liberorum numero sit: item fratrem, sororem patrum, amitam, avunculum, materteram consobrinum, consobrinam: item virum, vel uxorem: item, socerum, socrum, generum, nurum, vitricum, novercam, priuignum, priuignam: item patronum, patronam: ut colligitur ex hoc §. & ex l. vnic. C. de his qui parent. aut lib. occid. & l. 1. ff. ad leg. Pompeia. de homicid.

s Qua à Iustiniano hic dilucide explicatur: sed hodie non est in usu.

t Lata à Cornelio Sylla Dictatore, ff. de orig. iur. l. 3. §. capta.

u Testamentaria dicitur, quia falsum plerumque in testamentis committitur.

x Regulariter, interdum autem leuius punitur, ff. de fals. l. pen. quandoque capite plebitur, C. cod. l. vbi. 22.

y C. de rapt. virgin. l. vnic.

z Ab Augusto latam scribit Hotomanus.

a Quia παραγίς, obliquè, id est, dolosè liberos homines, aut servos alienos intercipiunt.

b Ab initio legis poena fuit pecuniaria. ff. ad leg. Flav. de plagi. l. vlt. sed ex constitutionibus plerumque est capitalis. C. cod. l. vlt.

c Lata ab Augusto, ut placet Hotomano.

d Ambitum

d Ambitum committit, qui modo illicito, ut data pecunia, honores ambit. Huius criminis poena est deportatio, C. ad leg. Iul. de Ambi. l. vn.


e Lata à C. Iulio Cæsare.

f Repetundarum tenentur in quadruplum, C. ad leg. Iul. repetun. l. 1. qui cū officio publico fungerentur, aliquid acceperunt, quod magis vel quod minus officium facerent, ff. cod. l. 1. 2. & 3. sed & extra ordinem puniuntur, ff. cod. l. 7. §. ult.

g Contra eum, qui annonam flagellauit, id est, qui aliquid fecit, quod annona carior esset. Poena ordinaria est 20. aureorum ff. de leg. Iul. de annon. l. 2.

h Hac lege tenetur, qui publicam pecuniam in aliquem usum delegatam retinuit, nec in eum usum consumpsit, ff. ad leg. Iul. pecul. l. 2. Residuorum appellatione enim tota summa significatur, C. de hæret. instit. l. 2. Hac lege damnatur quis tertia parte amplius, quàm debet: veluti qui 30. debet, 40. persolvere cogitur, ff. ad leg. Iulian. pecul. l. 4. §. qua lege.

i Id est, ex lib. 48. Digestorum.



ANACEPHALÆOSIS.

LIBER PRIMVS.

I **I**VRISPVDENTIAE finis est iustitia: iustitiæ obiectum est ius : quod quadrifariam diuiditur. Primò aut est publicum, aut priuatum. 2 Priuati autem partes sunt, ius naturale, ius gentium, & ius ciuile. Secundò vel est scriptum, vel non scriptum. Tertiò. partim est mutabile, partim immutabile. Quartò, aut versatur in personis, aut in rebus, aut in actionibus. 2. Quod ad personas attinet, ciuium Romanorum alij sunt filijfamil. in potestate parentum constituti, alij patresfamil. qui sui iuris sunt. 4. Patria potestas constituitur iustis nuptiis, legitimatione, 5 & adoptione. 6 Soluitur autem variis modis. 7. Patrumfamil. alij sunt in tutela, alij in curatione, alij neutro iure tenentur. Tutores constituuntur. 8 Aut testamento: 9 aut lege, vt adgnati (10 sed agnatio per capitis deminutionem tollitur,) 11 parentes, 12 & tutores fiduciarij: 13 aut à magistratu. Qui verò tutor datus est, partim negotia pupillaria gerit. 14 partim pupillo gerenti auctor fit. 15 donec tutela finiatur: 16 tuncque curatio succedit. 17 Tutoribus autem & curatoribus tria communis sunt: satisfactio, 18 excusatio, 19 & ob suspicionem remotio. Hactenus de personis.

1 De iustitia & iure. 2 De iure naturali, gentium & ciuili. 3 De patria potestate. 4 De nuptijs. 5 De adoptionibus. 6 Quibus modis ius potestatis soluitur. 7 De tutelis. 8 Qui testamento tutores dari possunt. 9 De legitima adgnatorum tutela. 10 De capitis deminutione. 11 De legitima parentum tutela. 12 De fiduciaria tutela. 13 De tutela datina. 14 De auctoritate tutorum. 15 Quibus modis tutela finitur. 16 De curatoribus. 17 De satisfactioe tutorum, vel curatorum. 18 De

18 De excusatione tutorum, vel curatorum. 19 De suspectis tutoribus, vel curatoribus.

LIBER SECVNDVS.

Rerum duo attributa considerantur: dominium, & obligatio. Dominum acquiritur aut iure gentium, aut iure civili. 1 Iure gentium acquiruntur tantum res corporales. 2 Iure civili tam corporales, quam incorporales, 3 ut servitutes prædiales, 4 vel personales, nempe usufructus, 5 usus, habitatio. 6 civiles autem modi acquirendi sunt particulares, aut universales. Particulares duo declarantur, usucapio, 7 donatio. 8 His modis quod ab alio alienatur, 9 acquirimus vel per nosmetipsos, vel per alios. Universales tres declarantur. Primus modus est hereditas; quæ vel ex testamento defertur, vel ab intestato. 10 Iam verò totum negotium quod testamenti ordinandi causa fit, inter testatorem & heredem vertitur. Testator vel est paganus, 11 vel miles, 12 vel nullo modo testari potest. 13 In herede expectatur exhereditatio, 14 & institutio: quæ sit aut primo gradu, & propriè vocatur institutio, 15 aut secundo gradu, ut substitutio vulgaris, 16 vel pupillaris. 17 Porro testamentum rectè factum infirmatur vel ipso iure, 18 vel per querelam inofficiosi, & sententiam iudicis. 19 Quatuor autem accidunt testamentis: heredum qualitas: 20 legata. 21 quæ interdum adiunguntur, vel transf. runtur, 22 vel per legem Falcidiam minuuntur: 23 Fideicommissaria tam universalia, 24 quam particularia: 25 & codicilli.

1 De rerum diuisione. 2 De rebus corporalibus & incorporalibus. 3 De servitutibus prædiorum. 4 De usufructu. 5 De usu, & habitatione. 6 De usurapionibus, & longi temporis possessionibus. 7 De donationibus. 8 Quibus alienare licet, vel non. 9 Per quas personas nobis acquiritur. 10 De testamentis ordinandis. 11 De militari testamento. 12 Quibus non est permissum facere testamentum. 13 De exheredatione liberorum. 14 De heredibus instituendis. 15 De vulgari substitutione. 16. De pupillari substitutione.

17 Quibus modis testamenta infirmentur. 18 De inofficioso
testamento. 19 De heredum qualitate & differentia.
20 De legatis. 21 De adeptione legatorum & translatio-
ne. 22 De lege Falcidia. 23 De fideicommissarijs here-
ditatibus. 24 De singulis rebus per fideicommissum relictis.
25 De codicillis.

LIBER TERTIUS.

Hereditatis ab intestato tres sunt ordines : 1. & in
vno ordine sunt plures gradus. 2. Secundus vniuer-
salis acquirendi modus est bonorum possessio. 3. Tertius est
acquisitio per arrogationem. Haec de dominio. 4. Dein-
ceps agitur de obligatione : quæ vel ex contractu nascitur,
vel ex quasi contractu, vel ex delicto, vel ex quasi delicto.
5. Contractuum alij re perficiuntur, vt mutuum, commoda-
tum, depositum, pignus : 6. alij verbis, vt stipulatio (7. quæ
vel fit per vnum rem, vel per duos res ; 8. & vel est præ-
toria, vel iudicialis, vel communis, vel conventionalis ;
9. rursus vel est utilis, vel inutilis : 10. item vel est repro-
missio, vel satisfactio, vt cum dantur fideiussores) 11. alij
literis : 12. alij consensu, 13. vt emptio & venditio,
14. locatio & conductio, 15. societas, 16. mandatum.
17. Quasi contractus sunt, vt negotiorum gestio, tutela, rei
vel hereditatis communio, aditio hereditatis, solutio inde-
biti. 18. Commune obligationibus ex contractu, & ex
quasi contractu est, vt per certas personas acquirantur, 19.
& certis modis tollantur.

1 De hereditatibus quæ ab intestato deferuntur. 2 De
gradibus cognatorum. 3 De bonorum possessionibus. 4 De
acquisitione per arrogationem. 5 De obligationibus 6 Qui-
bus modis re contrahitur obligatio. 7 De verborum obliga-
tionibus 8 De duobus reis stipulandi & promittendi.
9 De diuisione stipulationum. 10 De inutilibus stipula-
tionibus. 11. De fideiussoribus. 12. De literarum obliga-
tionibus. 13 De obligationibus ex consensu. 14. De em-
ptione & venditione. 15 De locatione & conductione.
16 De societate. 17 De mandato. 18 De obligati-
onibus

bus qua quasi ex contractu nascuntur. 19 Per quas personas nobis obligatio acquiritur. 20 Quibus modis tollitur obligatio.

LIBER QVARTVS.

I Delictorum species quatuor sunt : furtum , 2 rapina , 3 damnum , 4 iniuria. 5. Quasi delicta sunt : veluti si iudex per imperitiam litem suam fecerit : si ex alicuius coenaculo deiectum , vel effusum aliquid sit : si quis ea parte, qua vulgè iter fieri solet, id positum, aut suspensum habeat, quod potest, si ceciderit, alicui nocere : si ex damno, aut furto, quod in naui, aut caupona, aut stabulo factum est, exercitor conveniatur. Huc vsque de obligationibus. Hic est finis tractatus de rebus. 6 Sequitur tractatus de actionibus : quarum genera tria sunt. In primo genere ponuntur actiones propriè dictæ : de quibus dissolvuntur sex quaestiones. 1. Quid sit actio. 2. Quot sint species actionum 7. 3. An possim conveniri ex alieno facto, ut servi, aut filiifamil. 8 aut quadrupedis. 9 4. Per quos agere possimus. 10 5. Quæ satisfactiones ex parte actoris, vel rei præstentur. 11 6. Quamdiu actio competat, & an in heredes transmittatur. 12 In secundo genere sunt exceptiones. 13. quo vocabulo etiam replicationes, duplicationes, triplicationes, quadruplicationes, significantur. 14 In tertio genere collocantur interdicta. Expedita igitur sunt tria iuris obiecta, personæ, res, & actiones : ex quibus iudicia constant. 15. Iudiciorum autem alia sunt privata (in quibus aliud est officium litigantium , 16 aliud iudicium) 17 alia publica.

1 De obligationibus qua ex delicto nascuntur. 2 De vi bonorum raptorum. 3 De lege Aquilia. 4 De iniuriis. 5 De obligationibus qua quasi ex delicto nascuntur. 6 De actionibus. 7 Quod cum eo qui in aliena potestate est, negotium gestum esse dicetur. 8 Si quadrupes pauperiem fecisse dicatur. 9 De his per quos agere possimus. 10 De satisfactionibus. 11 De perpetuis & temporalibus actionibus,

bus, & qua ad heredes & in heredes transeunt. 12 De exceptionibus. 13 De replicationibus. 14 De interdictis. 15 De poena temerè litigantium. 16 De officio iudicis. 17 De publicis iudicijs.

FINIS.



ANT 1348733

XX
C 29
29

III